

महाभारतदर्प

चतुर्थ भाग

शांतिपर्व चतुर्थ अंश, अश्वमेध, आश्रम
वासिक मुशल, महाप्रस्थान, स्वर्गारोहण
और हरिवंशपर्व सहित

स्वस्तिश्री महाराजाधिराज श्रीउदितनारायण
काशिराजकी आज्ञानुकूल

श्रीगोकुलनाथ प्रभृति कवीश्वरों ने संस्कृत का
सारांश यथावस्थितले अतिपरिश्रम से भाषा,
वर्णमात्रा वृत्तमें अति रुचिर रचना किया और
उक्त काशीनरेशने कलकत्ता महानगरके शास्त्र
प्रकाशमुद्रायंत्रमें श्रीपंडितलक्ष्मीनारायणसे
शुद्धकराय संवत् १८८६ में मुद्रितकरायाथा

सम्पूर्णविद्यानुरागियोंके अनुरागार्थ और पौरा-
णिक ऐतिहासाकाशियोंके पठन पाठनार्थ

बाजपेयि पण्डित रामरत्न के प्रबन्ध से

द्वितीयबार

लखनऊ

मुंशीनवलकिशोर (सी, आई ई) के छापेखानेमें छपी

अनन्तर सन् १८९१ ई० ॥



महाभारत बार्त्तिक की भिन्न २ पर्व ॥

आदिपर्व ॥

इसपर्वमें महाभारतकी प्रशंसा व कथा श्रवणफल व अक्षौहिणी संख्या व सृष्टिविस्तार और पौरववंश के राजाओंकी कथा सविस्तर वर्णित है ॥

सभापर्व ॥

मयदानवकरके पाण्डवोंकेहित अद्भुतसभाकी रचना व नारदकृतपाण्डव प्रतिसंभावर्णन श्रीकृष्णके उपदेश से युधिष्ठिर को राजसूय यज्ञ करने के लिये जरासन्धबध व पाण्डवों प्रति चारोंदिशाओं की विजय व युधिष्ठिर और शकुनी से जुआं होना और द्रौपदी सहित सब धनहारना और दशशासन करके द्रौपदी वस्त्राकर्षणादि कथायें वर्णित हैं ॥

वनपर्व ॥

पाण्डवों का वनवास सूर्यार्चनसे ताम्रपात्र युधिष्ठिरको प्राप्तहोना अर्जुनको स्वर्गजाकर इन्द्रसे मिलापकरना भीमसेन करके किर्मीर राक्षस बध राजानलकीकथा, लोपामुद्रासे अगस्त्यजी का विवाह राजाभगीरथ को गंगाजीकेदर्शनार्थ तपकरना व गंगाजी से व शिवजी से वरप्राप्तहोना किरातरूप महादेव व अर्जुनकायुद्ध व रामायणकी कथा वर्णित है ॥

विराटपर्व ॥

इसपर्वमें युधिष्ठिरादि पाण्डवों का दुर्योधनसे जुयेंमेंहारके राजाविराटके यहां गुप्तवास और वहांही द्रौपदीमें आसक्त कीचककाभाइयों सहित भीमसेनके हाथसे मरण पुनि दुर्योधनादि कौरवोंको राजा विराटकी गौर्वें हरना वहांगुप्तवेष अर्जुनसेयुद्ध पश्चात् विराटको अपनीपुत्री उत्तरा को अर्जुनके पुत्र अभिमन्यु को विवाहिदेना ॥

उद्योगपर्व ॥

इसपर्वमें द्रुपदका कथा, सजय, विदुर, धृतराष्ट्र और श्रीकृष्णजी का

सूचीपत्र ॥

शान्तिपर्व दानधर्म ॥

अ०	विषय	पृष्ठसे	पृ-त०
१	नाग करके गौतमी पुत्र अरजुन मृत्यु अरु व्याधाकरके नाग बन्धन पुनः नागबन्धनमोक्षार्थ गौतमी व्याधा अरु व्याधामृत्यु संवाद वरणन ॥	१	४
२	सुदर्शनाअरुअग्निबिवाहअरुपावकपुत्रसुदर्शनोपाख्यानवरणन ॥	४	७
३	जमदग्नि अरु विश्वामित्रोत्पत्ति वरणन ॥	७	८
४	शुष्कवृक्षनिवासार्थशुक शुक्रवार्त्ताअरुअनेकधर्मइतिहासवरणन ॥	८	१३
५	द्विजप्रशंसा अरु हीनजातिउपदेश करणार्थकुलपतिउपाख्यान वरणन ॥	१३	१५
६-८	स्त्रीपुरुषस्पर्शमेंस्त्रीबहुसुख प्राप्त्यर्थभंगाश्वनोपाख्यानवरणन ॥	१५	१८
९-१८	तण्डिक्कषि करके शिवस्तुति अरु शिवमाहात्म्य वरणन ॥	१८	४४
१९-२१	बदान्यक्कषिअरुअष्टावक्रपुनःअष्टावक्रअरुवृद्धास्त्रीसंवादवरणन ॥	४४	५७
२२	दानकरणार्थपाचापाचबिचार अरु प्रज्ञाशील द्विजप्रशंसावरणन ॥	५७	६१
२३	देवपितृ कार्यमें नियतसमय अरु ब्राह्मण पाचापाच परीक्षा और आचार अनाचार वृत्तांत वरणन ॥	६१	६८
२४	बिनामारण ब्रह्महत्या दोष वृत्तांत वरणन ॥	७०	७०
२५	प्रसिद्ध तीर्थ अरु स्नानफल कथनहेतु गौतम अंगिरस इतिहास वरणन ॥	७०	७३
२६	धर्मराज प्रश्नमें भीष्म करके गंगा माहात्म्य वरणन ॥	७६	८३
२७-३०	क्षत्रिय वैश्यादि द्विजता प्राप्त्यर्थ मतंग गर्दभी अरु शक्र संवाद पुनः हैहय द्विजता प्राप्ति वरणन ॥	८३	८२
३१	पूजनीय ब्राह्मण गुणकथनहेतु नारद कृष्ण संवाद वरणन ॥	८२	८४
३२	शरणार्थी सहायफल कथनहेतु वृषदर्म बाजअरु कपोतो पा-		
	ख्यान वरणन ॥	८५	८७
३३-३७	विप्र माहात्म्य अरु द्विजनिन्दा करिक दुःख प्राप्ति अरु पाचा-		
	पाच बिचार वरणन ॥	८७	१०४

अ०	विषय	पृष्ठसे	पृ-त०
३८-३९	स्त्री स्वभावकथनहेतुनारद अरु पंचचूडाअप्सरासंवादवरणन॥	१०४	१०७
४०-४३	स्त्रीउत्पत्ति और स्त्रीरक्षार्थ देवशर्माऔर विपुलसंवादवरणन ॥	१०७	११६
४४	पंच विवाह वृत्तांत अरु मौल्यादि विवाह और भीष्म अंबा- लिकादि सम्बाद वरणन ॥	११६	११८
४५-४६	कन्या पुत्र धन विभाग अरु कन्या विवाह वृत्तांत स्त्री प्र- शंसा अरु नारी धर्म वरणन ॥	११८	१२०
४७-४८	ब्राह्मण करके ब्राह्मणी क्षत्रिया वैश्या शूद्रासे पुत्रोत्पत्ति कर धन विभाग अरु निज २ कार्य वरणन ॥	१२०	१२६
४९-५१	औरस क्षत्रजादि पुत्रोत्पत्ति अरु च्यवन मलाह अरु च्यवन नहुषसम्बाद वरणन ॥	१२६	१३२
५२-५६	बिश्वामित्र अरु परशुराम उत्पत्ति कथनहेतु च्यवन ऋषि अरु कुशिकसम्बाद वरणन ॥	१३२	१४२
५७-६०	पुलोमोपाख्यान अरु तडाग वृक्षादि निर्माण माहात्म्य अरु अनेक दानादि उत्तमता अरु अयाच द्विज प्रशंसा वरणन ॥	१४२	१४७
६१-६७	क्षत्री कर्म अपकर्म वृत्तांत अरु अन्नभूमि सुवर्ण जलादि सर्वदान माहात्म्य वरणन ॥	१४७	१६१
६८	गोभारतीदानमाहात्म्य अरु गोप्रशंसामेनृगोपाख्यानवरणन ॥	१६१	१६५
६९-८०	गोदान अरु गोलोक माहात्म्य अरु गोविक्रयते अघप्राप्तिपुनः व्रत विद्यादान और गो अरु गो शृंगोत्पत्ति वरणन ॥	१६५	१८६
८१	सुवर्णदान माहात्म्य अरु उत्पत्ति अरु भीष्मकरके निजपिता श्राद्ध वृत्तांत अरु अग्नि पुत्रोत्पत्ति अरु शंभु यज्ञतेस्वेदज जम्भज अरु सत्व रज तमादि उत्पत्ति वरणन ॥	१८६	२०१
८२	कृतिका गर्भ करके कार्तिकेय उत्पत्ति अरु कार्तिकेय तारक युद्धमें तारक बध वरणन ॥	२०१	२०४
८३-८८	श्राद्ध और पिण्डविधि और २७ नक्षत्रमें श्राद्ध करण माहा- त्म्य अरु श्राद्धमें द्विज पाचापाच विचार अरु श्राद्धमें पितृ सुर अजीर्ण अरु अग्निकरके शांति वरणन ॥	२०४	२१७
८९	श्राद्धमें व्रतीद्विज भोजनविधि अरु दाता प्रतिग्राही वृत्तान्त पुनः वृषदर्म अरु सप्तऋषि इतिहास वरणन ॥	२१७	२२६
९०	शान्तिपर्व दानधर्म सूचीपत्र		
९१	छत्र उपानह उत्पत्ति अरु दानमाहात्म्य कथनहेतु दिनकर	२२६	२३०

अ०	विषय	पृष्ठसे	पृ०त०
	अरु जमदग्नि संवाद अरु गृहस्थधर्म अरु ऋद्धिप्राप्त्यर्थ वसु- देव अरु भूमि संवाद वर्णन ॥	२३०	२३३
६२-६३	गन्ध धूप प्रसूनादि अरु बलिदीपादि माहात्म्य अरु ऋषि अनादरते नहुष शाप अरु द्विज धनहरण अघ प्राप्तिहेतु नृपसुत अरु चांडाल संवाद वर्णन ॥	२३४	२४१
६४	पुण्य पापादिते लोकप्राप्ति कथन हेतु कुंजर हरण विषयमें गौतम इन्द्र संवाद वर्णन ॥	२४१	२४६
६५-६६	अनशन व्रत माहात्म्य और अनेक उत्तमानुशासन अरु आ- चार अनाचार बिचार वर्णन ॥	२४६	२६०
६७-१०१	उपवास बिधि अरु एकादशी और चान्द्रायण व्रत माहा- त्म्य अरु अनेक इतिहास वर्णन ॥	२६०	२८४
१०२-१०३	अहिंसाधर्म प्रशंसा अरु मांस भक्ष्याभक्ष्य वृत्तान्त अरु फल दोष वर्णन ॥	२८४	२९०
१०४-१०५	कर्म करके प्राणोत्पत्ति अरु निज जीवरत्नार्थ कीट व्यास सं- वाद वर्णन ॥	२९१	२९४
१०६-१०७	दान माहात्म्य अरु उत्तम बिप्र प्रशंसा और उत्तम स्त्री आ- चार अरु साम दाम गुण वर्णन ॥	२९४	३००
११०	आहु मैथुन वर्जन और कीट सर्पादि मारण दोष और रवि सम्मुख बिष्ठा सूच निन्दा और वृषभदान माहात्म्य वर्णन ॥	३००	३०६
१११	परस्त्री भोग दोष और दीपदान अरु गोदानादि फल और छाग मार्जारादि का गृहमें रखना और मनुष्य धर्म वर्णन ॥	३०६	
११२	ब्राह्मण करके शूद्र अरु पुरोहित वैद्य ज्योतिषी आदि अन्न वर्जन और पिशुन मद्यपादि निन्दा वर्णन ॥	३१०	
११३	दान ग्रहण और भोजन जनित पाप निवृत्त्यर्थ होमादि विधि और दशाहमें भोजन दोष वर्णन ॥	३१८	३२०
११४	दान उत्तमता और दानी ऋषि राजाओंकी स्वर्गप्राप्ति वर्णन ॥	३२०	३२१
११५-१२२	बानप्रस्थ धर्म अरु बापी कूप निर्माण और पतिव्रता धर्म अरु प्रद्युम्न स्तीत्व प्राप्ति और पुत्रार्थ श्रीकृष्णकी ऋषि बरदान पुनः सहस्रनामस्तोत्र अरु मास्तकरके कश्यपादि ब्राह्मणसामर्थ्य कथन वर्णन ॥	३२१	३३०
१२३	आशुष्णपात्राणां आहारः ० कृष्णवरदान वर्णन ॥	३३०	३५४

अ०	विषय	पृष्ठसे	पृ०त
	अनिरुद्ध बाणासुर युद्ध और श्रीकृष्णकरके बाणासुर भुजच्छेदन और श्रीकृष्ण शिवयुद्ध वरणन ॥	२४०	२४१
३२	व्यासकरके कलिदोष कथन अरु जनमेजय अश्वमेध भंग अरु जनमेजयकरके ऋत्विज अरु निजपत्नी त्यागवरणन ॥	२४०	२४२
३३	मार्कण्डेय करके नारायण मुख प्रवेश और मधुकैटभोत्पत्ति अरु बध और विष शमन मंच और पुष्कर प्रादुर्भाव वरणन ॥	२४२	२४३
३४	वाराहकरकेपृथ्वी उद्धारण और ब्रह्माते गायत्री उत्पत्ति और हिरण्यक्ष बधवरणन ॥	२४३	२४४
३५	नृसिंहकरकेहिरण्यकशिपुबध और बलिइंद्रयुद्धमेंइन्द्रपराजयवर्णन ॥	२४४	३१५
३६	वामन उत्पत्ति और बलिते चिपाद पृथ्वीयाचना और बलि करके पृथ्वीदान वरणन ॥	३१५	३२१
३७	श्रीकृष्ण शिवनिकट गमन और पुचार्य श्रीकृष्ण तपस्या अरु प्रद्युम्न जन्मार्थ शिव वरदान वरणन ॥	३२१	३२६
३८	पौंड्रक सात्यकियुद्ध अरु एकलव्य बलरामयुद्ध अरु श्रीकृष्ण करके पौंड्रक बधवरणन ॥	३३०	३३५
३९	श्रीकृष्ण निकट जनार्दन बिप्रगमन और श्रीकृष्ण करके हंस बध और श्रीकृष्ण नन्दादि मिलन वरणन ॥	३३५	३४८
४०	व्यासबचन सत्यता अरु बाचक दानविधि और कामक्रोधादि निवृत्त्यर्थ वेदान्त निरूपण वरणन ॥	३४८	३५१
	इति हरिवंशदर्पण सूचीपत्रं समाप्तम् ॥		



महाभारत दर्पणः ॥

शान्तिपर्व दानधर्म दर्पणः ॥

दोहा ॥ नमस्कार नारायणहि करि नरोत्तमहिं नौमि । बंदि
गिरा व्यासहि रचत भारत भाषा सौमि ॥ सीताराम सुस्वामि
प्रभुन्यामक अन्तरयामि । सेवक हनुमतसहित हित सन्तत
तिन्हैनमामि ॥ पारथकेसारथभये सारथिपरमअनूप । तेसारथ
रचिदेहिंयह भारतभाषारूप ॥ सोरठा ॥ बन्दौं कपिवरबीररामपर-
मप्रिय पारषद । मंगलमूरतिधीर भारतस्वस्थध्वजस्थवर ॥
सुमिरि उच्छलनि अछ उदधिउलंघन समयकी । भारतसमुद-
प्रतच्छ भाषाकरि चाहततस्यो ॥ दानव्याज प्रभुजौनलैत्रिलोक
इन्द्रहिदयो । सोप्रभु महिमाभौन दान धर्म पूरणकरो ॥ बेशम्पाय-
नउवाच ॥ दोहा ॥ मोक्षसुधर्म परोक्षतेहि कर्ण युधिष्ठिर भूप । भी-
षमसों बूझत भये दानधर्मको रूप ॥ युधिष्ठिरउवाच ॥ जयकरी ॥
मरेशसुक्षतसों सबगात । शर शय्यापरपरे विभात ॥ विस्तर
कहत तत्त्व सब धर्म । कथा पुरातन सहित समर्म ॥ लखि तो
श्रम साहस अधिकार । बूझत बनत न किये विचार ॥ लहि
तो वचन सुधाकीधार । मन नहिं गहत तृप्तताचार ॥ तातेबूझन
चाहत और । कहिनहिं सकत देखि श्रम डौर ॥ दुर्योधन की

मति मगलागि । पापकर्म कीन्हें अमत्यागि ॥ जाते यह अध
 कुकरम जात । छूटै कहो तौनबिधि तात ॥ भोष्मउवाच ॥ धर्मशील
 अति पावन आप ॥ नाहक निज यह थापत पाप ॥ सूक्ष्मगति
 करमन की होति । देशकाल बिधि कला तनोति ॥ अत्रकहत
 पूरबइति हास । सुनो तौन भूपति मतिरास ॥ रहीगौतमीनामा
 एक । वृद्ध ब्राह्मणी गहे विवेक ॥ जाके रह्यो पुत्र सुकुमार । ड-
 स्यो ताहि पन्नग विषगार ॥ मर्यो तौन तब अर्जुन नाम । लु-
 ब्धक अहिहि पकरि ब्रधकाम ॥ पाशबद्ध विप्रिणि पहुँ ल्याय ।
 यहि बिधि कहत भयो समुझाय ॥ तो सुतहा यह अधम अ-
 यान । है बध योगमंत्र नहिँ आन ॥ शासनदेहु बधों में याहि ।
 बधव उचित अपकरमी ताहि ॥ देहा ॥ यहसुनि बोलीगौतमी
 या कहँ बधव अयोग । प्राप्तहोत भवितव्यता पूर्वकर्मकोभोग ॥
 दुःखार्णव मधि परिकिते बूढ़त तरतअनेक । किते लहत सुख
 दुखनहीं पूरबकर्म विवेक ॥ याको मारब अनृतनहिँ सुतजेहि
 मृतकन होय । मृतककरै यहि मृतकगति लहै नरक गतिसोय ॥
व्याधउवाच ॥ बधि शत्रुहि मेटति दुखहि सामरथी मतिमान । ऐसे
 अरिकहँ पाय बश बधवै उचित न आन ॥ गौतम्युवाच ॥ कहीगौ-
 तमी यहिवधे मिटहि न मेरोशोक । विप्रहि निरदय प्रकृतिको
 कियो चाहिये रोक ॥ व्याधउवाच ॥ लभ्यनहीं मेटे मिटत अवशि
 लभ्यको लाह । लहि शत्रुहि बध किये नहिँ रुकत स्वर्ग की
 राह ॥ गौतम्युवाच ॥ बधे अहिहिका लाभ अब बधे बिना का
 हानि । मोक्ष सुफल चाहत सुबुधि नित्यधर्म अनुमानि ॥ व्याध
 उवाच ॥ दुःख एकके बधे जो रक्षित होहिँ अनेक । तौ बहुतन
 को रक्षियेएकहि मारिसटेक ॥ दुष्टएक के जिये जो मारेपरैअने-
 क । तौ तेहिँ खलको बध करबशतधा उचितविवेक ॥ भोष्मउवाच
 व्याधा के ये वचन सुनिबोली उरगविचारि । और काहि डसि
 बधत तुम लखेमोहिँ निरधारि ॥ कैकै प्रेरित मृत्युते डस्यो याहि

हमहेरि । दोष न मम कछु मृत्युको मानोदोष निबेरि ॥ व्याधउवाच
कारय कीन्हें सर्प तुम तुम दोषी ममजान । नहिं प्रेरक कहैं गु-
णत हम तुमहौ बध्य न आन ॥ सर्पउवाच ॥ आयुधसम लगि हम
किये कारयकारण सोत । आयुधको कछु दोषनहिं बाहकदोषी
होत ॥ व्याधउवाच ॥ अवशिबध्य तू ब्यालहै व्यर्थ बनावत बैन ।
अपकारी अपकारको विसन तोहिं अघएन ॥ सर्पउवाच ॥ न्याम-
कते प्रेरित किये कारय कछू न दोष । कर्त्ता मानौ ताहि मति
मोपहैं मानौ दोष ॥ भीष्मउवाच ॥ इतने में आई तहां मृत्युमहा
दुख दानि । व्याधियों सुभाषत भई कर्मकालकृत ठानि ॥ मृत्यु-
रुवाच ॥ प्रेरित कै हम कालते प्रेरित कीन्हें याहि । नहिं मम
दोष न सर्पको काल बधत क्षणचाहि ॥ यथा वायु बश घन
चरत तथा कालबश व्याध । चरत सर्प हम रोगसब कर्म
कराल अबाध ॥ सात्विक राजस तामस पूर्व कर्म अनुसार ।
करत अन्त अन्तक अवशि इहांन और विचार ॥ स्थावर
जंगम जगजिते कालात्मक ते सर्व । यथाप्रवृत्ति तिमि निवृत्ति
है पाइ कर्मगतिपर्व ॥ भीष्मउवाच ॥ तदनु व्याधियों कहत भो
बन्धनपीड़ितसर्प । सुनेमृत्युके बचन ममकाटो बन्धन अर्प ॥
व्याधउवाच ॥ हम नहिं मानत एकयह तुमकीन्हें अपराध । दोषी
मानततोहिं हम करता पाप अगाध ॥ भीष्मउवाच ॥ इतनेमें तहैं
आइकै कालकियो सुनु व्याध । मम पन्नगअरु मृत्युको गुणो
न कछु अपराध ॥ पूर्वकर्म अनुसारको फल जो मंद अमंद ।
विरचि देत बिधि तौन हम प्रापित करत अदंद ॥ हेतु नाशको
कर्महै मरत कर्म अनुसार । दोष न काहूको कछू बिधिवतकिये
विचार ॥ भीष्मउवाच ॥ कालबचनसुनि गौतमी कहो व्याध सों
बैन । दोषन काहूको कछू तजु सर्पहि गहुचैन ॥ पूर्व कर्मफल
हम लह्यो दुसहदुःख सुतशोक । यहिबय यहिविधि सुतमख्यो
नहींकर्मकोरोंक ॥ सौरठा ॥ सुनि विप्रिणिके बैन व्याधा छोड़ैउ

पन्नगहि । कालगयो निज ऐन गईमृत्यु पन्नग गयो ॥ यहि
विधि करो विचार दोष न काहूको कछू । तजो शोच संचार
पाप न आनो अपुनपहँ ॥

इति श्रीमहाभारतदर्पणेशान्तिपर्वणि दानधर्मे प्रथमोऽध्यायः १ ॥

युधिष्ठिर उवाच ॥

देहा ॥ महाप्राज्ञ हे पितामह सर्वशास्त्र विद
दक्ष । तुमसों सुने अनेक विधि उपारण्यानके कक्ष ॥ धर्मसाधि
कै को गृही मृत्युहि जीत्यो अत्र । सो अब कहिये कुलकमल
भयो पुरुष असयत्र ॥ भीष्म उवाच ॥ अत्र पूर्व इतिहास हम कहत
सुनो सो भूप । मृत्युहि जीत्यो जिमि गृही साधि सुधर्म अनूप ॥
चोपाई ॥ पूर्व प्रजापति मनु शुभकर्मी । तासु सुवन इक्ष्वाकु सु-
धर्मी ॥ शतसुतमे इक्ष्वाकु नृपतिके । रहे दशाश्व दशम अति
यतिके ॥ तासु सुवन मदिराश्व सुकामी । तासु सुवन द्युतिमान
सुनामी ॥ सुत द्युतिमान भूपको राजा । भयो सुवीर सुसैन स-
माजा ॥ तासु सुवन दुर्जय भूभरता । तासुत दुर्योधन मखकरता ॥
रत्न शस्यधन जाके पुरमें । वर्षे इंद्र मुदित हवै उरमें ॥ तेहि
नर्मदा नदीपति कीन्ही । शुचि मुरूप रमि आनंद दीन्ही ॥ शुभ
सुदर्शना तनया ताके । उत्पति भई अगण गुणजाके ॥ तैसी
रूपवती अति दीपति । और न प्रगट भई सुनु भूपति ॥ तरुण
रूप अति ताको देखी । मोहे अग्नि अपूरब लेखी ॥ मन में
गुणयो कौन विधि कीजै । याहि तिया करि आनंद लीजै ॥ गहि
द्विजरूप सांगिये याही । नृपतिन देय कहँ उँका ताही ॥ इमि
गुणि मौन रहत भो मनमें । नृप मखकर तरहो द्विज गनमें ॥
आन्तरूप तहँ हवैगे पावक । यथा अप्राण परो करि सावक ॥
सो लखि भूप दुखित अति हवैकै । बोलत भये द्विजन तनज्वैकै ॥
सावक लुप्त भयो केहिकारण । सो कहि करिये शोचनिवारण ॥
तैस ॥ भूमिपालको वचन सुनि अग्निहि ध्यायो विप्र । तिन कहँ
पावक प्रमद भ उग्ररूप सहि क्षिप्र ॥ विप्रनसों पावक कह्यो

हम तिय हित गजगौनि । चाहतहैं नृप कन्यकहिकहिदिवाइये
 तौनि ॥ चौपाई ॥ सोसुनि विप्रगोइनहिं राखे । यह वृत्तान्तभूप
 सोंभाखे ॥ सुनि नृपकहे अवशि मुदलेहों । निज तनया पावक
 कहैं देहों ॥ हमइतनो पावक तेमांगत । ममढिग रहैं परमहित
 लागत ॥ कहि तथास्तु इमिपावक बोले । सुनि भूपति सुख
 लहे अतोले ॥ निज तनयाकहैं भूषितकीन्हें । वेद विहितपावक
 कहैं दीन्हें ॥ तेहिकरि ग्रहण रमतभे पावक । चाहे पुत्रसुबुधि
 शुचिभावक ॥ कछु दिनमें भोसुत सुधरीमें । नाम सुदर्शन सु-
 खद थरीमें ॥ क्रमसों भयो युवा जगजाहिर । बिद्यावान वेद-
 बिद माहिर ॥ होनृप ओघवान शुभसाकी । ओघवती तनया
 होताकी ॥ ओघवानसो सुता सयानी । दर्इताहिकहिकै मृदु
 बानी ॥ ओघवती कहैं पाइ सुदर्शन । हवै गृहस्थ करि आनंद
 कर्षन ॥ कुरुक्षेत्रमें बसि छबिछाये । संयमनियम सुनीतिबढ़ाये ॥
 मृत्युहि जीतनको पन करिकै । लगे अतिथिपूजन व्रतधरिकै ॥
 ओघवती कहैं शासनदीन्हे । पूजहु सदाअतिथि हितचीन्हे ॥
 अतिथि करै अनुशासन जोई । बिना बिचार किहेहुतुमसोई ॥
 आत्मदानलों तोषण कीजो । मति सङ्कोच शोच कछुलीजो ॥
 दोहा ॥ रहै इहां हम गेहकै रहै न काहूकाल । तुम अतिथन
 तोषेहु सदा जो तोषै जेहिचाल ॥ अतिथि पूजिवे ते न कछु
 अधिक गृहीको धर्म । ताते जानेहु अतिथिको पूजन महा सु-
 कर्म ॥ सोरठा ॥ अनुशासन धरिशीश ओघवती पतिसों कही ।
 देत सुआज्ञाईश सोव्रत पालव सबशमें ॥ रौला ॥ तहां तिन
 कहैं अतिथि पूजत बहुत दिनगो तात । काल आयो तहां
 बनिकै विप्रवेष बिभात । गये हे वनमें सुदर्शन समिध हित
 तेहिकाल । कह्योताकी तियासों तब विप्ररूपी काल ॥ गृही
 कोशुभधर्म जोतुम होहु जानतबाल । करौतौ सतकारमम हम
 अतिथि आयेहाल ॥ बचन यह सुनि राजपुत्री परम आनंद

६ शान्तिपर्व दानधर्म दर्पणः ।

पाय । पाद्यअर्घाचमनदै शुभठौर पहुँ बैठाय ॥ कही आज्ञा
करहु सोहम करव करव न देर । कह्यो ब्राह्मण देहुरति रमि
सबिधिकरि मनसेर ॥ शोचिआज्ञा सुपतिकी तव राजपुत्रीतौ-
नि । रज्जिलज्जित गईगृहमधि सहितद्विजगजगौनि ॥ सैन
थल तेहिपाइलखि स्वीकार लाग्योरंग । अंगकरि सउमंगठा-
न्यो दरीते रतिदंग ॥ बिप्रनहिं रतिकियो ताको गह्योकर सुख
पाय । इतेमें तेहि भयो टेरत सुपति द्वारेआय ॥ बिप्रतब करं
छोंड़ि दीन्हों तऊलज्जित नारि । जानि निजहि उखिष्ट बोली
नहीं सुधरमधारि ॥ फिरिसुदर्शन भयोटेरत बिप्र तबकदिआ-
य । अग्निसुतसों कहतभो हमबिप्र अतिथि सचाय ॥ भये
मांगत आइहम तुवतियाते रतिदान । देन उत्सुक भईवहतब
कियेतुम आकान ॥ भाषिइमिगहि दण्डमुद्रर चलो मारण
ताहि । भयेहीनप्रतिज्ञ तुमबध योगमुद्ररवाहि ॥ तबसुदर्शन
कह्यो सुरति यथेष्टकीजैतात । अतिथिपूजन परमधर्म गृहस्थ
को अवदात ॥ प्राणदारा सुधनजो ममगेह मध्यअधार । देत
सो सब अतिथिकहँ नहिं मोहिं और बिचार ॥ बायु महिजल
तेजनभ गुण बुद्धिमम सुरकाल । सुकृत दुष्कृत रहत देखत
पुरुषको सबकाल ॥ जौनमिथ्या बचन भाषत होहिंहम दृढ़ने-
म । करसु रक्षण सुमनमम तौ दास जानि सप्रेम ॥ भीष्म उवाच ॥
इतेमें नभगिरा तेहिथर भईसो सुनिलेहु । अतिथि पूजकसत्य
दृढ़व्रत है सुदर्शन एहु ॥ सुनतही नभगिरा बोलो कालाद्विज
हरषाय । हमपरीक्षा किये इमि तुवधर्मको सुखदाय ॥ सबिधि
जीते मृत्युकहँतुम अतिथि पूजिसनेम । करैगो तुव स्मरणसो
नरलहैगो नितक्षेम ॥ लहौगे इहिदेहते तुमपरम उत्तमलोक ।
महा सुकृती वसत जेहिथल शुभ सनातनओक ॥ तियातो
पतिव्रता यह गुणवती पालक धर्म । अर्द्धतनते जाइ तुवसँग
बसिहि पावनिपर्म ॥ अर्द्ध तनते होयगी इतनदी लहि निज

नाम । करिहि मज्जन तासुमधि सो लहहि सुधरम आम ॥
इतेमेंतहँ आइ बासव किये पूजितताहि । अतिथि पूजनसुकृत
पूरण परम सुधरम चाहि ॥ इमिसुदर्शन गृही जीत्यो मृत्युकहँ
हेतात । अतिथिपूजननेम दृढव्रत पालिपावनगात ॥ गृहीको
है परम सुधरम अतिथि पूजनरूप । गृही कहँनहिँ अतिथिते
है और देव अनूप ॥ पाइपात्र सुअतिथि पूजन नहीं सुगृही
जौन । पाप दैलै पुण्यताको जात सुअतिथि तौन ॥ दोहा ॥
उपाख्यान उत्तममहा पावन धन्य यशस्य । पुण्य पुत्र धनधा-
न्यप्रद मंगल मंजु रहस्य ॥

इतिश्रीशान्तिपर्वणिदानधर्मेसुदर्शनोपाख्यानोनामद्वितीयोऽध्यायः २ ॥

युधिष्ठिरउवाच ॥ दोहा ॥ क्षत्री विश्वामित्र किमि लहे श्रेष्ठ
ब्रह्मण्य । सुनो चहत हैं तौन हम कहो पितामह धन्य ॥ भीष्म
उवाच ॥ चौपाई ॥ सुनो तात सो तत्त्वअनूपा ॥ भरतवंश अति
पावन रूपा ॥ नृप अजमीढ प्रगटभे तामें । तासुत जहनु अ-
गण गुणजामें ॥ तासुत सिन्धुदीप भूस्वामी । तासुत बलाका-
इव जयकामी ॥ तासुतनय बल्लभ नयगामी । कुशिक तासु
सुत अनुपम नामी ॥ तासुतगाधिभये अतिभाके । भयोनपुत्र
प्रसव नृप ताके ॥ तब तिय सहित बसे बनमाहीं । तहां भई
तनया सुतनाहीं ॥ सत्यवती तेहि भूपतिभाखे । पूरित प्रेम पुत्र
समराखे ॥ जबवह सुता बालपन त्याग्यो । तब ऋचीक मुनि
ताकहँ मांग्यो ॥ नृप तेहि सुता देन मुदपागे । सहस श्याम
श्रुति बाजीमांगे ॥ देहौसहस श्याम श्रुतिबाजी । तौ हमदेव
सुता ब्रवि साजी ॥ सुनि ऋचीक मुनि आनँदलहिकै । कहेब-
रुणते सुजुगुति गहिकै ॥ सहसश्याम श्रुति बाजीनीके । देहु
हमें अति चञ्चलजीके ॥ कहेबरुण जेहिथल कहिदेहु । जलते
तहां कढ़ें हयलेहु ॥ सुमुनिकहे कनउजकेधारे । करौप्रगट सुर-
सरितेधारे ॥ सुनतवरुण अनुकम्पालन्हें । सहस श्यामश्रुति

प्रगटित कीन्हें ॥ तुरगभये जहँ जलते बाहिर । अश्वतीर्थतहँ
 अवतक जाहिर ॥ दोहा ॥ ग्रामअश्वनी बसतजहँ सुमन सरा-
 हत जाहि । विप्रवेदविद बसत जहँ उत्तम शुभथल चाहि ॥
 सुमुनि श्यामश्रुति तुरगलै दयेगाधिकहँ जाय । गाधि दई
 मुनि कहँसुता सत्यवती सुखदाय ॥ सोरठा ॥ मुनि पतनी लहि
 योषि तब अचरज लागे करन । लहि सुखसेवा तोषि उप-
 चारक सुतको कहे ॥ चौपाई ॥ सो सुनि सत्यवती की माता ।
 कही सुताते बचन बिख्याता ॥ कहि सुबचन मुनिकहँअव-
 राधौ । मोरेहुंपुत्र होइ सो साधौ ॥ सत्यवती निज पति सन
 भाषी । मो जननी शुभसुत अभिलाषी ॥ तुव प्रसाद सुत
 चाहति साई । हम हमारि जननी शुभठाई ॥ सोसुनि मुनिगु-
 णि हिये बसाये । दोयपात्र मैं सुचरुचढ़ाये ॥ कहीतिया ते तुम
 दोउनारी । लहि ऋतुदिन अस्नान सुधारी ॥ भेंटि उदुम्बरतरु
 कहँ सुखते । निजनिज गृह आवहु शुचि रुखते ॥ मिलिउदु-
 म्बरहि आनँद पाई । सत्यवती मुनिवरपहँ आई ॥ उभयपात्र
 चरु मुनि तेहि दीन्हें । तिनको भेद प्रगट यहकीन्हें ॥ यहचरु
 चारु तिया तुम खायहु । यह चरु निज जननीहि खवायहु ॥
 लै युग चरु नृपसुता सयानी । गई जननिपहँ आनँदसानी ॥
 चरु दै दई भेद कहि सोई । चरु बिभाग मुनि भाषे जोई ॥ सु-
 नि नृपतिया गुणी मनमाहीं । बिनु कछुभेद उभयचरु नाहीं ॥
 इमि बिचारि ताको चरु लीन्हीं । निजचरु निज तनया कहँ
 दीन्हीं ॥ भोरि बुझाई बचन बहुकहिकै । बदलिलई चरुछल
 विधि गाहिकै ॥ दोहा ॥ करि वित्पाशय उभयचरु भोजन करि
 तेतीय । गहिसुगर्भ राजितभई लहिशोभा कमनीय ॥ सत्यव-
 तीको गर्भलखि मुनिबोले अनुमानि । करी बिपर्यय सुचरुको
 मोहिं परो यहजानि ॥ ब्रह्ममंत्र ते एक चरु मंत्रिदये हमतोहिं ।
 क्षात्रमन्त्रते मंत्रिकै दये ताहि विधि जोहिं ॥ उनखाईतो चरु

बदलि तुमखाईचरुतासु । क्षत्री तोसुत होइगो तासु विप्रतप
 रासु ॥ सोरठा ॥ सुनियह अप्रिय बैन सत्यवती कम्पित भई ।
 पाणिजोरि भरिनैन कहत भई अति विनयकरि ॥ चौपाई ॥ मो
 सुत ऐसो होइ न साई । तप कृत होइ तुम्हारी नाई ॥ चरु प्र-
 भाव तुम निरमें जैसो । मम पउत्र चरुप्रगटैतैसो । सुनितथा-
 स्तु बोलेमुनिमानी । तासुतभे जमदग्निमुज्ञानी ॥ भयेगाधिके
 सुवनसुखारी । विश्वामित्र परम तपचारी ॥ इमि ब्रह्मत्व लहे
 भूभरता । विश्वामित्र परम तपकरता । तपकृतभये बहुत सुत
 ताके । तेज पुंज अतिपरम प्रभाके ॥ देवरात मधुछन्दकहाये ।
 बंभ्रु मुकुन्त अक्षीण गणाये ॥ थूनकाल पथ बाटुलनामी । या-
 ज्ञबल्क्य गालवतपकामी ॥ जंघउलूक यमद्वतजानो । अरुस-
 यंध वायनऋषि मानो ॥ सालंकायनबजू विशारद । कुर्चमुखो
 लीलासित नारद ॥ बच्छग्रीवशुचि मुशल मुनीशा । बक्रकआं-
 घिसुनो अवनरीशा ॥ चक्रक मारुत आश्वलायन । वालिबात
 ग्रोथा श्यामायन ॥ सुश्रुगार्ग्य याबालिसुरायन । पौरवतन्तक-
 पिल कपिलानन ॥ माई ताढ़कापन नबतन्तू । अरुकाऋषि
 औपग्रह सन्तू ॥ सूति विभूति अरालिबखाने । नाचिक बक
 नख जपिन सयाने ॥ चारुमत्स्य चाम्पेय सिरीषि । उर्जय अ-
 म्भोरुह शुभ ऋषि ॥ दोहा ॥ गार्दभिअरु जंघारिमुनि निरुदा
 पक्षोनाम । सुमुनि बाभ्रवायनि कहे हिरण्याक्ष तपधाम ॥ से-
 थानोपति सुमुनिअरु सुमुनिनारदी आम । विश्वामित्रमुनीश
 के पुत्र इते अभिराम ॥ सोरठा ॥ अब कछु संशयऔर होय बू-
 भियेभूपसोड । भाषितासु सबडौर देवतुम्हें समुभायहम ॥

इतिशान्तिपर्वणिदानधर्मेविश्वामित्रउत्पत्तिनामतृतीयोऽध्यायः ३ ॥

युधिष्ठिरउवाच ॥ दोहा ॥ विनाव्यर्थ कृत कर्म जे धर्मशीलमति-
 मान । ज्ञानमान हे पितामह कहोतासु व्याख्यान ॥ भीष्मउवाच ॥
 अत्रपूर्व इतिहास हम कहत सुनोनृप तौन । बासव ते शुकते

सुचित भई बार्ता जौन ॥ रेल ॥ काशिराज महीपकेबरनगर ते
 कढ़ि पूर्व । गयो व्याधा विपिनमधिलै अख अपनो गूब ॥ देखि
 तरुतर मृगहि माख्यो बाणतीक्षणतानि । बेधि मृगतन धस्यो
 तरुमें विशिख विषकी खानि ॥ मृगहि आमिष लुब्ध लुब्धक
 गयो लै निजधाम । बाण विषझर सूखिगो तरु भरेछन्दहवै
 काम ॥ गये भरि फल फूल ताके कढ़े कोटर भूरि । रह्यो तापै
 बसत शुकसो गयो दुखते पूरि ॥ बस्यो कोटर मध्यदृढ़ हवै अ-
 नत जैबो त्यागि । वृक्षके सँग आपनो तन त्यागिबो गुणिला-
 गि ॥ शक्रशुकको सत्तलखि अरु भक्तिपूरणप्रेम । विप्रबनितहँ
 आइलागे कहनपरखत नेम ॥ कहाशुक यहिवृक्षमधि बसिला-
 भतुमकहँ कौन । बिगत फल दल फूल रस अब कियो चाहत
 जौन ॥ छोंड़ि याकहँ बसो पुष्पित फलित तरुपहँजाय । तुम्हें
 जीबो बहुतदिन भो मृतकयाको काय ॥ शक्रके सुनि बचनशुक
 अनुमानिशक्र सुजान । नखिहियमें नौमिबोलो बचन साधु
 समान ॥ शक्रतुमत्रैलोक्यपतिहो उचिततुमकहँ एहु । पालिबोसब
 जीवको उपकार करबसनेहु ॥ धर्म शिक्षक धर्म पालक आपु सुर-
 पतिरूयात ॥ त्यागिबो यहिवृक्षकोमम धर्म नहिं हे तात ॥ जन्मि
 यापहँ बड़े हम रहि सुफल याको खाय । लहे सुख बचि रहे
 अरिते आइ याको पाय ॥ परीयापहँ आपदा यह भयो फल
 दल हीन । छोंड़ि याकहँ गये अनते होत पातक पीन ॥ मरे
 याके कोटरै मधि होत मम उद्धार । आपदा लखित्राण करतहि
 तजब अधरम चार ॥ शक्र शुकके बचन सुनिकै जानि भक्ति
 अछाम । कहे शुक अब मांगुबर जो होइ मनमें काम ॥ कह्यो
 शुक प्रभु कृपा मोपहँ करत इमि जो आप । होइ तौ तरु पूर्व-
 वत पल्लवितसफल सधाप ॥ दोहा ॥ शक्र अमृतते सींचितरु
 किये पल्लवितगात । मोदित भो शुक शक्रप्रभु गेसुरसदनबि-
 भात ॥ शुक कछु दिनमें देहतजि लह्यो स्वर्गको बास । यहि

विधि धर्मी धर्म गहि पावत परमसुपास ॥ प्रभु प्रश्नोत्तरक-
 हत तुम सुनि मन पूरतमोद । दैव और उद्योग को कियो श्रे-
 ष्ठा नोद ॥ भीष्म उवाच ॥ अत्र पूर्व इतिहास हम कहत सुनो
 नृप तौन । मुनि वशिष्ठ श्रद्धासहित विधिते बूझे जौन ॥ वशिष्ठ-
 उवाच ॥ कहो पितामह पुरुषको दैव जौन प्रारब्ध । तौन श्रेष्ठ
 उद्योगकै याते कारज लब्ध ॥ चौपाई ॥ बिना बीजकछु प्रगटत
 नाहीं । बिना बीज नहिं फल महि माहीं ॥ प्रगटत बीज
 बीजते जगमें । होत बीजते फल रस अगमें ॥ बीजक्षेत्र
 मधि बोंवत जैसो । सुकृतदुकृत पावत फल तैसो ॥ फलत न
 क्षेत्र बीज बिनु मानो । तिमि उद्योग दैव बिनु जानो ॥ क्षेत्र
 पुरुषकरतव छवि छावत । बीज जौन प्रारब्ध कहावत ॥ क्षेत्र
 बीज संयोग भये ते । प्रगटि शस्य बरधत समयेते ॥ कर्ता नि-
 त्य कर्मफल भोगत । सो प्रारब्ध कृत्यसंयोगत ॥ शुभ सुकर्म
 करिकै सुख पावत । पाप कर्मनिति दुख सरसावत ॥ निज कृत
 फलत अकृत नहिं कबहूं । सुकृतसुकर्म सुखद इत उतहूं ॥
 भाग्य प्रतिष्ठा सुकृती पावत । दुष्कृति क्षतपरलो न लगावत ॥
 है तप रूप भाग्य नृप सुनिये । देत स्वर्गपद तासुख गुनिये ॥
 चन्द्र अर्क आदिक शुभहीते । होत कर्म करि सुरनरहीते ॥
 आपुहि पुरुष आपनो हितहै । शत्रु आपनो आपु कचितहै ॥
 नशत पुण्य पातकके कीन्हें । पातक नशत पुण्यव्रत लीन्हें ॥
 यथा ययाति स्वर्ग ते गिरिकै । पुण्यपाइ दिव बिलसे फिरिकै ॥
 अश्वमेधकरिशुचिसवादिशिते । भोसौदास असुरद्विज ऋषिते ॥
 देहा ॥ वसु शत मुखकरि शक्र सम बोले मिथ्याबैन । स्वर्गवास
 नहिं करिसके गये पताल अचैन ॥ नृग नृप बहु गोदानकरि
 द्विजते मिथ्या बोलि । शापपाइ सरटा भये वसे बिलिनमें ओ-
 लि ॥ तप व्रत नियम गहे सुमुनि शापदये लखिकर्म । तौन
 नहीं प्रारब्ध नृप कृत पातकको मर्म ॥ बड़े पाप प्रारब्ध नाहिं

रक्षिसकत अधिकाय । वायुलगे जिमि ज्योतिकहँ तेल न सकत
 बचाय ॥ यथा तेज मारुत लगे बरधत अग्नि सचाय । बढ़त
 शुद्ध प्रारब्ध तिमि पायसुकर्म सहाय ॥ नशेतेलके नशत है
 जिमि दीपक हे तात । तथा कर्म को क्षयभये प्रारब्धों मिटि
 जात ॥ कार्य सिद्धि प्रारब्ध सों पूर्व सफल को कर्म । क्रीय-
 माण अति कर्म सो बेधत ताको मर्म ॥ सोरठा ॥ बिधि पूरब शुभकर्म
 करि नर पावत सुर सदन । सदा पालिये धर्म धर्म कर्म
 शोचब उचित ॥ युक्तिधर उवाच ॥ जिते महत शुभकर्म तिनकेफल
 कहिये सबिधि । तुम ज्ञाता सब मर्म ज्ञानमान हे पितामह ॥
 भीष्म उवाच ॥ तुम बूझत जो मर्म सो हम तुमते कहत अब । सु-
 नो तौन नृप धर्म श्रद्धावान सुजान शुचि ॥ सोला ॥ करत जेहि
 बिधि कर्म नर तिमि लहत ताको भोग । करत मानस कर्म
 ताकहँ होत स्वप्न संयोग ॥ करत कायिक कर्म जो शुभअशुभ
 जेहिजेहि भांति । त्यागितन सो करत ताको भोग तेहि तेहि
 भांति ॥ लहि अवस्था बाल्य यौवन आदि जेहि जो कर्म । क-
 रत नर तेहि समय भोगत कर्मकृतको मर्म ॥ लाइइन्द्रिन करत
 नाहिंनकबहुं ताकोनाश । इन्द्रियेअरुआतमा ये तासुसाक्षीपा-
 श ॥ अन्त क्षुधितहि देतताको होत पुण्यमहान ॥ अतिथि पूजन
 गृहीको शुभकर्म अति सुखदान ॥ बानप्रस्थादिकसुकर्म महान
 फलदातार । त्यागि सुख सामान व्रत गहि होत भू भरतार ॥
 त्याग कीन्हें रसनको सौभाग्य पावत भूरि । तजे आमिष पुत्र
 पशुधन लहत सुखसोंपूरि ॥ रहत मौन अधोमुखौ जे करतहैं
 जलशैल । एकशायी सदाते सबलहत इच्छित चैन ॥ युद्ध में
 करि वीरशय्या लहत अक्षयलोक । देत बिधिवत दान धनते
 भरत ताको ओक ॥ लहत तपकरि भोग आयू ब्रह्मचर्यहि
 लागि । रूप बल आरोग्यता ऐश्वर्य हिंसात्यागि ॥ मूलफल
 दल पर्ण अशनी लहत दिवमें धाम । अग्निहोत्रहि साधि

स्वर्गीं होत पूरणकाम ॥ गहत दीक्षा तीर्थ प्रजटन सुव्रतद्वादश
वर्ष । लहत दिवते ब्रह्मलोकौ गहत जिमि उत्कर्ष ॥ करत वे-
दाध्ययन जेते लहत स्वर्ग स्वछन्द । पालिमानस धर्म विधि-
वत लहत स्वर्ग अमन्द ॥ वत्स जिमि बहु गऊमें निज जननि
ही पै जात । तथा पूरब कर्म करतहि होत प्रापति तात ॥ पिता
माता गुरु पुरोहित बिप्र ऋत्विज पर्म । इनहिं पूजत तृप्ति
राखत सोई पालक धर्म ॥ मंत्र ईर्षा गहिजपैं अरु यज्ञ सब वि-
नुदान । मंत्रविनु को होम ये त्रयव्यर्थ जानो न्यान ॥ बेशम्पायन
उवाच ॥ दोहा ॥ धर्मभूप सुनि भीष्मके ऐसेवचन अनूप । फेरि
प्रश्न जोकिये सो सुनु जनमेजयभूप ॥

इति श्रीमहाभारतदर्पणेशान्तिपर्वणि दानधर्मवर्णनो नाम चतुर्थोऽध्यायः ४ ॥

युधिष्ठिरउवाच ॥ दोहा ॥ बन्दनीय अरु पूज्यको जगमें महिमा
भौन । बन्दत पूजत आपुकेहि मानत कहिये तौन ॥ भीष्मउवाच ॥
पूज्यबन्ध ब्राह्मणसदा ब्रह्म परमधन जाहि । मोकहैं अतिप्रिय
बिप्रनित हम ध्यावत हैं ताहि ॥ वेदमंत्रतप साध्यजेहि लखत
शास्त्रको पार । सुनोभूप सबजगतको द्विजकरता उच्चार ॥ बंदि
पूजि नितिसोइ जेहि करिप्रसन्न गहि प्रीति । इतउत पावत
मोदजन द्विजपदसेइ विनीति ॥ युधिष्ठिरउवाच ॥ इमि द्विजमहिमा
जानिसुनि कै पषाण हियमूढ़ । जेनरनहिं मानत द्विजहिं कहौ
तासुगतिगूढ़ ॥ भीष्मउवाच ॥ जोनहिं पूजत द्विजहिनहिंदेत दान
अवराधि । ताकी आशा अफल नित सबथर बाढ़ति व्याधि ॥
चौपाई ॥ सिंगरे धर्म शास्त्रके ज्ञाता । कहतबिप्र सबजगको त्रा-
ता ॥ सबकहैं कुशल बिप्रपदसेये । बिप्रवचन रसते मनभेये ॥
अत्र पूर्व इतिहास सुभायक । कहत तौन सुनिये नरनायक ॥
हैबन मधि शृगाल अरुबानर । तेहैं पूरबजन्म सखानर ॥ ते
शृगाल बानर तनलहिकैं । हौं बिहरत पुरढिग बनगाहिकैं ॥ ज-
म्बुक मृतकपाइकैं दिनमें । लागोखान मशान बिपिनमें ॥ सो

लखि बानर बोलो ऐसो । पूर्वपाप तुम कीन्हो कैसो ॥ जाते
 मानुषको तनखाहू । कुत्सित कर्म कियेको लाहू ॥ शृगाल उवाच ॥ हम
 ब्राह्मणकी महिमा सुनिकै । नहिं मान्यो पूज्यो हित गुनिकै ॥ ता-
 हीते कुत्सित तन पायो । भक्षकजौन अभक्ष्य गनायो ॥ सुनु बा-
 नर बिप्रहि बिनु पूजे । बिना दान देसु बचन कूजे । बिगरत जन्म
 मिलत गति ऐसी । द्विज प्रसाद बिनु दशा अनैसी ॥ भीष्म उवाच ॥
 यह इतिहास सुन्यो हम पूरव । द्विज प्रभाव विधिकहे अपूरव ॥
 द्विज प्रसाद सब पावन होई । द्विज महिमा जाहिर नहिं गोई ॥
 द्विज हि दान दीन्हे अतिनीको । मिलत सुलोक सुखद शुभजी
 को ॥ पूजत देत द्विजहि जो आरय । सिद्ध होत ताको शुभ का-
 रय ॥ युधिष्ठिर उवाच ॥ सुहृद बिप्र जो नीच कहँ करत मंत्र उपदेश ।
 होत दोष तेहिके नहीं कहो तौन मतवेश ॥ भीष्म उवाच ॥ जातिहीना
 कहँ बिप्र नहिं कबहुँ करै उपदेश । उपाध्याय कहँ होत है दोष
 भयानक भेश ॥ अत्र पूर्व इतिहास हम कहत सुनौ नृप तौन ।
 हो हिमवत ढिग मुनिनको आश्रम सुखमा भौन ॥ तेजपुंजर बि-
 सरिस मुनि बसत जहां तपधाम । रहो एक मुनि बरतहां कुल-
 पति ताको नाम ॥ तपकी श्रद्धा धारितहँ जायशूद्र मतिमान ।
 कुलपति तेइमि कहत भो वंदि चरण सुखदान ॥ जानन चाहत
 तत्त्व हमं तुव प्रसाद तेनाथ । कर्म त्याग करि धरम गाहि चाहत
 भयो सनाथ ॥ कुलपति रुबाच ॥ सोइ हि उचित न तत्त्वको साधव
 गाहि संन्यास । करौ शुश्रूषा द्विजनकी लहिहौ सुगति सुपास ॥
 रोला ॥ सुमुनिको सुनि बचन सो चलिदूरि तहँ ते जाय । देवता
 को सदन लखिकै फिरो तहँ हरषाय ॥ निराहार जितेन्द्रि रहि
 तहँ लगो पूजन देव । रटत सीताराम प्रभुको नाम अनुपम
 भेव ॥ अतिथि आवत तहां तिन कहँ सुफल मूल खवाय । करत
 पूजन पायँ लोटत सुथर शयन कराय ॥ बहुतदिन तप कियो
 तहँ तब आई सुमुनि सुजान । लगो पूजन देवतहि अभिषेक

करि सबिधान ॥ अभिषेक लखि शिषि तौनबिधिवह शूद्र शुभ
दिन जानि । जोरि करि विनय मुनिते कह्यो आनंदसानि ॥
पितृकारय कियो चाहत सुमुनिहम परयोस । कृपाकरि करवाय
हौजय पूरि मेरो हौस ॥ सुमुनिकरि स्वीकारता सँग गये आश्रम
तास । पूजि सो फल अरपि दीन्हों मुनिहि ससु सुपास ॥ ज्ञान
वार्त्ता कह्यो मुनि वह सुन्यो सो मन लाय । भोरकरि असनान
रंभण कियो श्राद्ध सचाय ॥ भयो बैठत पूर्वमुख तब कियो शि-
क्षा बिप्र । करो उत्तर शीरषा तब तथा कीन्हों क्षिप्र ॥ श्राद्ध तेहि
करवाइ मुनिबर सुफल भोजन पाय । बिदाकै निज आश्रम-
निगे सुमुनि रामहिं ध्याय ॥ कछु दिन तपसाधिकै वह शूद्र तहँ
तन त्यागि । राजकुलमें जन्मलीन्हो करमके मंगलागि ॥ देह
तजि मुनिभो पुरोहित ताहि नृपको आय । अभिषेकताहि सु-
नाय शीक्षि सुकर्मकांड कराय ॥ हीन वरणहि कियेते उपदेश
ऐसो होत । हीन वरणहिं कबहुं नहिं उपदेश सुबुधितनोत ॥ महा
तपकृत सुमुनिसो पुनि कियो गर्व निवास । हीन वर्णहि कियेते
उपदेश यह फलपास ॥ दोहा ॥ तीनि वरण कत परखिकै करै बिप्र
उपदेश । चौथे वरणहि नहिं करै गुणि सिद्धान्त नरेश ॥

इति श्री शान्तिपर्वणि दानधर्मवर्णनो नाम पंचमोऽध्यायः ५ ॥

गुधिष्ठिर उवाच ॥ दोहा ॥ कैसे सुपुरुषके गृहे लक्ष्मी बसति अडोल ।
कहो तौन हे पितामह अति प्रिय थाकी बोल ॥ भीष्म उवाच ॥ भूप
पूर्व वृत्तांत इत कहत तौन सुनि लेहु । विकट कृष्णके रुक्मिणी
ते हम बूझे एहु ॥ कैसे सुपुरुषके गृहे बसति आपु धनरूप ।
रमारमापतिने कहो सो वृत्तांत अनूप ॥ सौरठा ॥ यह सुनिकै
सुखपाय कही रुक्मिणी कृपाकरि । सुनौ तौन मन लाय कौरव
कुलपति धर्मनृप ॥ चौपाई ॥ सुभग सुशील धीरनयगामी । जे
कृतज्ञ उपकारी नामी ॥ सदा देव पूजन रत जोई । अरि शिशु
कर्मी सुमती होई ॥ दक्षजितेन्द्री शूरसुजाना । करै न अतिथि

विप्र अपमाना ॥ सन्तोषी धर्मी द्विजपूजक । सद्यसत्य शुभ
 बाणीकूजक ॥ शान्तिसुभाव अनालसभोगी । वीरविक्रमी अति
 उद्योगी । दानीदांत अमन्दअचारी । मंत्र शील शुचि चाल
 बिचारी ॥ तिनकेगृह हम बसत सदाहीं । इते बिहीन तासुघर
 नाहीं ॥ चौर कृतघ्नी कुमती कादर । विप्र अतिधिको करत
 अनादर ॥ अधरमशील अकर्मसबहूँ । तासुगेहनहिं निवसत
 कबहूँ ॥ जे तिय पतिव्रतरत प्रिय बादिनि । सलज सुशील
 गुरुन अहलादिनि ॥ राखति गेह स्वच्छ शुभचारिणि । रहनि
 चारुसबिचार अचारिणि ॥ गृहकारजमें परम प्रबीना । सदा
 उदारचित्त नहिं दीना ॥ निविसत हम तेहि तियके घरमें । नहिं
 तेहिके जो गुणति न धरमें ॥ कलहकारिणी पतिप्रतिकूला । देत
 रहति गुरुजनहियशूला ॥ परघर जाब नीकजेहि लागत । निज
 गृह रहत महा दुख पागत ॥ रहनि अस्वच्छ रुक्ष तनजाको ।
 कबहुं न गेह लखत हमताको ॥ दोहा ॥ और सुनो हम बसत
 जहँ यज्ञ धर्मके गेह । गो गज बाजीके सदन सरिताते अति
 नेह ॥ उत्पलमें हम बसत अरु अति सुंदर थलजौन । नृप
 सिंहासनमधि बसत अरुसुकृतीकेभौन ॥ बैशम्पायनउबाच ॥ सोरठा ॥
 यह प्रश्नोत्तर बेश अनुपम रमा निवासको । सुनिकै धर्मनरेश
 भीषमते फिरि इमि कहे ॥ युधिष्ठिरउबाच ॥ जयकरी ॥ इस्री पुरुषको
 अस्पर्स । भयेहोतकाकहँ सुखसर्स ॥ कहियेतौनपितामहदक्ष ।
 हमजान्यो चाहत परतक्ष ॥ भोष्मउबाच ॥ अत्र कहत पूरब इति-
 हास । सुनौ तौन भूपतिमतिरास ॥ भंगाश्वन नामक राजर्षि ।
 रहो पूर्व धार्मिक उत्कर्षि ॥ भूप अपुत्र पुत्रके हेत । कियो अ-
 रम्भ यज्ञसुखसेत ॥ लखि उत्कर्ष इन्द्र अनखाय । बिघ्न करण
 कहँ निरखत दाय ॥ बहुत दिवस परखे मनलाय । नहिं पाये
 अन्तर बहुताय ॥ मखकरि भंगाश्वन नरनाह । गो मृगया
 खेलन बनमाह ॥ एकाकी बाजी चढ़ि तत्र । गयो रहे बहु मृग

गण यत्र ॥ अवसरपाय शक तहँताहि । मोहितकिये लखत हे जाहि ॥ दिगभ्रम भयो भूपतिहि भूप । जानि न परै दिशाकी रूप ॥ क्षुधा पिपासाते कै खिन्न । भयो भूपपन्थाते भिन्न ॥ लख्यो तहां जलभरो तड़ाग । मुदितभयो जान्यो निजभाग ॥ हय बांध्यो करिकै जलपान । तदनुपैठि कीन्हों अस्नान ॥ तिय कै गयो करत अस्नान । बाहरभो गहि दुख अतिमान ॥ शोचि घरिक भरि चिन्ता भूरि । हयचढ़ि चलो गेह गुणिदूरि ॥ दोहा ॥ कहा कहव सब तियनते सुत मंत्रिनते काह । इमिशोचतनिज गृहगयो अति लज्जित नरनाह ॥ मंत्री सुत हित बन्धु प्रिय लखि बूझे वृत्तान्त । जिमिअन्हाय तियतन लह्यो तथाकह्यो नृपदान्त ॥ भूपतितत्त्व बिचारिकरि पुत्रहि करिअभिषेक । आपु बिदा कै बनगई शिक्षिसुनीति बिबेक ॥ रोला ॥ जाइकै सो तिया आश्रम ऋषिनको तहँ देखि । भई करत निवाससोथल परमपावनलेखि ॥ तहां हो यक बिप्र विरही तौन ताकहँपाय । लगे मैथुन करन तेहिकरि स्वबश सुख सरसाय ॥ बहुतदिन में संगलाहि रतिरंगको वहरंग । अंग मरदि सुढंगलागो रमण द्विज सउमंग ॥ तिया ये दई दई दैया कहीकरिशिशिकार । लङ्क लचदै बङ्कगति लै अंकलागीदार ॥ ग्रीवबाहीं देतनाहीं कहति हाही रौस । प्रगटनाहीं हियेहांहीं रुकतनाहीं हौस ॥ सुमिरिके कै द्विजन रोंकै ऊर्ध्व अध व्यवहार । रम्योके औ घरीठोंके धरी जो घरिआर ॥ दंशिअधरन मरदि उरजन करतआसनफेर । चेतिनौरति लेतसौगरि देतनौबतिभेर ॥ करिजलपनो उचित अपनो भरतमैथुनचार । करतनिरदय मनो जैसेबालगीर सवार ॥ डगरमेंधनवानकहँ जिमिएंठि बैठि डकैत । निधि समेटत नहींमेटत लालचैअमनैत ॥ तथासोतिय पायब्राह्मण मोहि कै औ याम । मन न छाको नहीं थाको कही ताको काम ॥ रम्यो वह अरु बहुत तापस रमेतासों तत्र । तहां शतसुत भयेताकहँ

कहैं कबलों अत्र ॥ त्रियासोतिनतियनलै निजपुत्र नृपग्रहजाय ।
 नीतिधर्म सुनाइकै इमिकही बहुत बुभाय ॥ पुरुषपनकेपुत्रतुम
 ये तियापनके सर्व । देइ आधोराज्य इनकहैं करौ भोगअखर्व ॥
 परमधर्मी पुत्र तिन कहैं दई आधीभूमि । तियाबनमें जाइ बि-
 लसी ऋषिनके सँगधूमि ॥ इंद्रकरि अनुमान ताको सुवनजेठो
 जौन । कहतमे इमि बिप्रबनि करि पास ताकेगौन ॥ असुरसुर
 सुतकश्यपैकेलरतराज्यहिचाहि । दयेआधोराज्यतुम निजबन्धु
 गुणिकै कहि ॥ राज्य तोसुत तापसनके भोगवत हैं आय । करौ
 भोग सुराज्य अपनो देहु तिन्हहिं भगाय ॥ सुनतशतसुतपूर्व
 के ते लरोतिनसों हांकि । मरे मारे अमलिलीन्हें राज्य अपनो
 आकि । शक्रद्विज तब गये तहैं जहैं तियातापस रौनि । दुखी
 तेहि लखि भये बूझल बिकल कत गजगौनि ॥ कही सो जिमि
 भई तियजिमि भये सुत सुख सोध । राज्यदीन्ही भयो जैसेदुखद
 युद्ध विरोध ॥ दोहा ॥ बिप्रकह्यो हम शक्रहैं तुम कीन्हेंबहुयज्ञ ।
 ताते हम रिस करि किये तो अपकार अदज्ञ ॥ शक्रजानि कै
 तापसी करीबंदना भूरि । तब सुरपति तासों कह्यो दया हियेमें
 पूरि ॥ पुरुषपनेके पुत्र तुव अरु तियपनके जौन । मरे युद्धकरि
 कै जिये तिनमें तैं कहु कौन ॥ तापस्युवाच ॥ दया सदन अतिम-
 या करि कीजै कृपासुरेश । बालापनके पुत्र मम जीवेपालेदेश ॥
 सोरठा ॥ सुरपति सुनिकै एह कहत भये तेहि तरुणिते । काहे
 अधिक सनेह बाला पनके सुतनसों ॥ चौपाई ॥ काहे इनको जी-
 वन भाषी । उनको जीवन नहिं अभिलाषी ॥ यहसुनिकै सोयु-
 वतिउवाची । सुनो सुरेश कहत हम सांची ॥ गर्भभारदुखजन्म
 समयको । अरु सेवाश्रम रुदन क्षमयको ॥ तिया सहति सुत
 हित दुखभारी । ताते होति मया अधिकारी ॥ यहिविधिसांचे
 सुबचन सुनिकै । इन्द्र कृपा करि बोले गुनिकै ॥ पुरुषभयोचा-
 हो हित जोही । तौ करि देउँ पुरुषफिरि तोही ॥ स्त्रीउवाच ॥ शक्र

सुभाव कहत निज जीको । अबतौ मोहिं युवतिपन नीको ॥ यह सुनि कहे शक्र प्रभुओहीं । कसन पुरुषपन भावत तोहीं ॥ अधिक कौन गुणयुवती पनमें । जाते चहति युवतिपन मनमें ॥ यहसुनि युवति सत्यगतिधरिकै । बोलतभई नयन नत करिकै ॥ तियपनमें पुरुषसंगमते । होत अधिक सुख सब अंगनते ॥ नर रतिकरि तोषतमनमाहीं । नारिअथक मनमाखतनाहीं ॥ नारिहि पुरुषते सुखअधिकी । हमलहि उभयकहति हियमधिकी ॥ ताते हम न पुरुषपन लेइव । इमि युवती रहि तपसिन सेइव ॥ दई दई सो शिर भरि लीन्ही । ताहीमें अधिकी गुणचीन्ही ॥ तजि गुणअधिक अल्पगुणगाहै ॥ यहअयानपन कियेकहाहै ॥ देहा ॥ यहसुनिकै सुरपुरगये शक्रमुदित मन माह । स्त्रिहिं अधिकीहोत सुख सुनोधर्म नरनाह ॥

इतिश्रीमहाभारतदर्पणेशान्तिपर्वणिदानधर्मपञ्चोऽध्यायः ६ ॥

युधिष्ठिरउवाच ॥ देहा ॥ कहोतातपरलोकहितउचितकौनव्यापार । त्याज्यकहांअरुग्राह्यको कहोतौनउपचार ॥ भीष्मउवाच ॥ तीनिकर्मकायिककहेअरु वाचिकहैंचारि । तीनिकर्ममानसकहेते निति त्याज्य विचारि ॥ हिंसा तसकरतातथा अरु परदार बिहार । त्याज्य तीनि कायिक करम उग्रपाप निरधार ॥ चुगुलपनोअरु कटुबचन असत असत्य प्रलाप । त्याज्यचारि वाचिक करम परगति करतउथाप ॥ चाहवपरधन हरणको पर पीडाकोचाह । मानव मत नास्तीकये मानस तीनिकुराह ॥ दानधर्म हरिचितवनपर उपकारसुकर्म । ग्राह्यसदा ये भूपमणिगुणिसुख दायक पर्मा ॥ पूजवगौरीनाथकोकूजवसीताराम । सूभबप्रभुमेंजगभलो बूभवतत्वसुनाम ॥ वैशम्पायनउवाच ॥ सीरठा ॥ यहसुनि धर्ममहीप फेरि पितामहसोंकहे । अबकहियेकुलदीप महिमागौरीनाथकी ॥ चौपाई ॥ यहसुनि बोलेभीष्मज्ञानी । नीकोप्रश्नकियेअनुमानी ॥ पैविधिहरि महिमाशंकरकी । कहिनसकै जग अभय ड्करकी ॥

हम मानुष कितनीमति मोरी । जेहि गुणिहोति शेषमति भोरी ॥
 बासुदेव समरथ सबलायक । एकहि हैं हरगुण शुभदायक ॥
 इमि कहि भीष्म कृष्णतेबोले । आपुकहौ शिव सुगुणअमोले ॥
 यहसुनि कृष्ण जगतपति मानद । कहतभये शिव महिमा सा-
 नंद ॥ भूप सबन्धु सुनों लहि अनंदै । सुनोभीष्म सब ब्राह्मण
 मनदै ॥ मारि शम्बरासुरहि समरमें । जब प्रद्युम्न आये मम
 घरमें ॥ निरखिमहा विक्रमगुणताको । चारु स्वरूप सुपुंजप्रभा
 को ॥ जाम्बवती हिय आनंद भरिकै । मोसों कही विनयअति
 करिकै ॥ स्वामी सुनो आपने लायकै । सोमें प्रगटकरों सुत
 चायकै ॥ सो सुनि हम तथास्तु कहि खिलिकै । चले उदी-
 ची सबसों मिलिकै ॥ सुनतशुभदस्वस्त्ययन सुहावन । गुरु
 जनते कै बिदासुभावन ॥ चिंति गरुड़ पहुँ चढ़ि ढिग लहि
 कै । हिमवत पास गये मुदगहिकै ॥ अति रमणीय विपिन तहँ
 देखे । फूल फलनते सुखमा भेखे ॥ बिहरत विविधभांति के
 पक्षी । कलधुनि कूजत गहि गति अक्षी ॥ देहा ॥ मृग गण अ-
 गणित भांतिके बिहरत भरे अनन्द । दिव्ययुवति क्रीड़त फि-
 रत करतगान शुभछन्द ॥ अनुपम सर शोभित तहां राजत
 पक्षीजूह । सुरसरिकी धारालसति सेवत सुमुनिसमूह ॥ गरुड़-
 हि तहांबिसर्जिकै मुनिमण्डल मधिजाय । लखेसुअष्टषि उपम-
 न्यु कहँ रबिसम लसत सचाय ॥ चौपाई ॥ ताढिग जाय सविधि
 हमबन्दे । हमहिंदेखि मुनि महाअनंदे ॥ करिसत्कार सुआसन
 दीन्हे । कुशल प्रश्न बूझे मुदलीन्हे ॥ फिरि बूझे आगमको
 कारण । तबहमकहे पुत्र व्रतधारण ॥ बोले सुमुनि अर्थकोसा-
 धन । करोशम्भुप्रभुको अवराधन ॥ सुरगन्धर्व सुतप विधि
 साधी ॥ इच्छित पाये शिवहि अराधी ॥ असुर शम्भुको सेवन
 करि करि । भे त्रिलोकपति अति बल भरि भरि ॥ हो हिरण्य-
 कश्यप बलधामा । तासु पुत्रहो मंदरनामा ॥ शिवहि अराधि

प्रबलभो सोई । तासों जूटि सकै नहिंकोई ॥ तब चढ़िलरे इंद्र
रिसझाये । बार अनेकन बज्र चलाये ॥ शम्भुप्रसादबज्रतातन
में । धस्योनशक्रहारिगे मनमें ॥ अर्बुदवरिस शक्रसमकैकै । लहि
शिवकृपा लस्योमुदग्वैकै ॥ मख्योतौन आपुसमो लरिकै । तबसुर
सुचितभये मुदभरिकै ॥ रहैसहस्र सुभटसुत तिनको । बिधिकुश
द्वीप दये तब तिनको ॥ यहि विधि सुत बिभूति मन भाये ।
शिवहिपूजि सहसन जनपाये ॥ तुम तौप्रभु सुजनार्दन स्वामी ।
गहि नरदेह भये सुतकामी ॥ शिवहिअराधि महामुदगहिहौ ।
निज समसुत चाहत सो लहिहौ ॥ देहा ॥ अब सुनिये वृत्तांत
मम केशव यदुकुल चन्द । व्याघ्रपात निज पिताके हम युग
पुत्र अमन्द ॥ जेठो आता धौम्यमम लहुरे हम उपमन्यु । ब-
सत बिपिनमें पिता मम तपकृत अनघ अमन्यु ॥ रीला ॥ बाल
पनमें पिताके सँग गृहीके घरजाय । पाय ओदन दूधखायसु
आशरममें आय ॥ मोर रोदन करन लागे मायते अनखाय ।
दूध ओदन खाइहैं हम देहि मेरी माय ॥ मायगहि चतुराय
चाउर पीसि पीठबनाय । घोरि जलमो मिलै ओदन दईमोहिं
खवाय ॥ बहुत दिन हम तौन खांयो हिये आनंदपूरि । यज्ञ
रचि मम पिता आन्यो गृही ब्राह्मण भूरि ॥ तहांआनि नन्दि-
नी कहँ करनको सत्कार । पियो तब हम नन्दिनीको दूधस्वाद
अपार ॥ यज्ञबीते नन्दिनी जब गई तब भों माय । पूर्ववतकरि
पीठको पय देनलागी ल्याय ॥ कह्यो तबहम दूधमीठोहोतयह
तौ बारि । नहींहम यह खाइहैं दे दूधयाकहँ टारि ॥ बचन यह
सुनि माय दुखभरि मोहिं अंकलगाय । कही बनमधि मुनिनके
घर क्षीर कहँ बिनु गाय ॥ बसत बनमें मूल फलदल तोर ख-
निकै खात । बिना सुरभी गोतपाये दूध दुर्लभ तात ॥ करु
अराधन शंभु प्रभुको पाइहौ मन काम । क्षीर ओदन बसन
भूषण धेनु धन अभिराम ॥ बचन यहसुनि जोरिकर हमभये

बूझत ताहि । शंभुप्रभुको किमिअराधन कीजिये कहुचाहि ॥
 अम्ब यहसुनि कही शुभ ईशान प्रभु जगदीश । वरणिजोगुण
 लहत पारन गिरासुमन फणीश ॥ जासु अगणित रूप अरु
 अस्थान चारु चरित्र । कहत मुनिगण कहत जाहि हृदिस्थ
 परम पवित्र ॥ जिते देही जगतमें विधिआदि खर्व अखर्व ।
 सर्वरूप अनूपधारत सर्व ताते सर्व ॥ बसत सबके हृदय में
 सबदेत सबकहैं काम । महा औठर ठरण भू सबलोक जाको
 धाम ॥ आदि अन्त न जासु व्यक्त अनंत योगी योग । एकदोय
 सहस्र लोचन तथा बदन संयोग ॥ तासुभक्ति अडोल गहिकै
 लाइ मन बुधि चित्त । भजौ सेवन करो नित सुत होहुगे कृत
 कृत ॥ मातुके सुनि वचन तबते भये हम शिवभक्त । करत
 पूजन नाम कूजन रहत नित अनुरक्त ॥ बरिस कइक हजार
 धारे ध्यान मन चितलाय । भक्त गुणिकरि कृपा तब प्रभु
 प्रगट भेतहैं आय ॥ शक्रको गहिरूप सुरगण सहित करि
 तहैं जौन । कहे हम परसन्न द्विजवर मांगु इच्छित जौन ॥
 वचन ऐसे सुनत हम तहैंकहे सुरपति पाहिं । बिना शंकरऔर
 ते हमकछू मांगत नाहिं ॥ करै हमहिं त्रिलोकपति जो बिना
 शंकर और । नहीं चाहत तौनहमदृढ़ भक्तिको यहठौर ॥ इते
 मो तहैं प्रगटभेप्रभु शंभु महिमाभौन । प्रथमदेखे तेज अति-
 शय सकैलखि जेहिकौन ॥ फेरि देख्यो उग्रप्रभु कहैं महाउग्र
 स्वरूप । संगगण समुदाय अगणित दिव्य अनघ अनूप ॥
 गदा बाण त्रिशूलधनु अरु अस्त्र पशुपति जौन । और अम-
 णित अस्त्रशस्त्र प्रछन्न प्रगटित तौन ॥ मूर्तिमान बिभातप्रभु
 संग ज्वलित ज्वलन समान ॥ आदित्य विश्वेदेव सेवत सिद्ध
 साध्यमहान ॥ करत अस्तुतिचहंदिशितेशतयकादशरुद्र । ब्रह्म
 ऋषि वसुपतिर सेवत यक्षरक्षअक्षुद्र ॥ लखत जगकृत गरुड़
 गाम्भीविष्णु दक्षिणऔर । वामदिशि विधिहंसगामी संगसुनि-

धि अथोर ॥ शक्रसुर गन्धर्व गणसह लसत आनन्दपुरि । का-
 र्तिकेयगणेश राजत भरेपरमाभूरि ॥ पाइदर्शन शंभुप्रभुकोमु-
 दितहमतेहिकाल । कियेअस्तुतिशंभुप्रभुकीपूजि अपनोभाला ॥
 करिसु अस्तुति प्रार्थनादै अर्घपाद्य सनेम । जोरि करकै रहे
 ठाढ़े पूरिअतिशय प्रेम ॥ लखत शोभा शंभुकी हमरहे यकटक
 हेरि । सुमनबर्षे सुमन तहँ सुखदाय दुन्दुभि भेरि ॥ दोहा ॥ तब
 मोपै करि अति कृपाकहे शंभु मुदभौन । सुततोपै परसन्न हम
 मांगो इच्छित जौन ॥ शंकर प्रभुके बचन सुनि हवै गदगदकृत
 कृत । किये दण्डवत बारबहु अति आनंद भरि चित्त ॥ पाणि
 जोरिकै हवै खरो रोमांचित भरि नैन ॥ चावचैन हिय ऐनभरि
 बोले सबिनय बैन ॥ योगिनकहँ दुर्लभ इबिधि तुव दर्शन हे
 नाथ । सो इमि दर्शनमोहिं दे कीन्है आपुसनाथ ॥ चौपाई ॥ तुम
 जगकृत जगपालनहारे । करि बिनाश फिरिसिरजनहारे ॥ सर्व-
 गसर्व सर्व जगस्वामी । सर्व भूत भव उद्भवनामी ॥ जो वरदेत
 मोहिं करि आदर । तौ निजभक्ति देहु दृढ़सादर ॥ त्रयकालज्ञ
 मोहिं प्रभु कीजै । नितपय ओदन भोजनदीजै ॥ यहसुनिनाथ
 जु जगपति शंकर । एवमस्तु बोले अभयङ्कर ॥ अजर अमर
 दुखवर्जित होहू । यशी तेजमय अति प्रिय मोहू ॥ क्षीरोदन
 सागर तुव धारे । पूरणरही बचनते मोरे ॥ सोकुटुम्बसह भो-
 जन कीजो । तिन्हेंसमेत अमरपदलीजो ॥ इमि कहि भयेअ-
 दृश्य गोसाईं । तब ते हम बिलसत यहि ठाई ॥ शंभुकृपा निधि
 इच्छित दायक । तिन्हें भजो त्रिभुवनके नायक ॥ मंत्र देतहम
 सोजपकीजै । छठये मास सुदर्शन लीजै ॥ इमिकहि विप्रमंत्र
 मोहिं दीन्हें । दीक्षित हवै हम सानंद लीन्हें ॥ गहिसोमंत्रतपन
 तपलागे । शंभु अराधन में अनुरागे ॥ एकमास फल भोजन
 करिकै । पांचमासले जलव्रत धरिकै ॥ एक चरण धरि महिम-
 धि रहिकै ॥ ऊर्ध्वबाहु करि दृढ़व्रत गहिकै ॥ इमिषटमास किये

आराधन । अनरथकै सुअरथको साधन ॥ देहा ॥ तबप्रसन्न
 हवै शंभुप्रभु भये सुदर्शन देत । यथा दये उपमन्युकहँ विधि
 सुर ऋषिन समेत ॥ लखि श्री शोभातेज हम रहे चकित हवै
 हेरि । निकटआइ तब शंभुप्रभु कहे कृपा निधिटेरि ॥ कृष्णहमें
 तुमपरमप्रिय मांगहु इच्छित जौन । नौमि किये तब शंभु की
 अस्तुति महिमा भौन ॥ नमो विश्वपति विश्वकृत बिश्वात्मा
 भगवान । अनघ अगोचर बेदमय सर्वद सर्वमहान ॥ अस्तु-
 ति सुनि सुर शक्रसबशंभुहि किये प्रणाम । तब हँसिकै मोसों
 कहे शङ्कर महिमाधाम ॥ केशवमांगहु आठवर तुमकहँ इ-
 च्छित जौन । सोसुनि सुखलहि हमकहे सुनो तौन क्षितिरीन ॥
 धर्मे दृढ़ता रण विजय यशबल योग महान । अग्रेसरतातब
 निकट सुत शतसहस सुजान ॥ जयकरी ॥ यह सुनि शंकर आ-
 नंद दानि । कहे तथास्तु परम हितमानि ॥ उमादेवि महिमाकी
 खानि । तब इमि कही भक्त निज जानि ॥ शांब नामसुतपरम
 प्रवीन । बीरविक्रमी दातापीन ॥ जाम्बवतीमें हवैहै बेश । जा-
 सुहेत आये यहि देश ॥ इमि बरदै प्रभु शम्भु महान । होतभये
 तहँ अन्तरधान ॥ हम उपमन्यु बिप्र पहुँ जाय । दीन्हे सबवृ-
 त्तान्त सुनाय ॥ सुनि बोले ऋषि महिमाभौन । कृष्ण शर्वसम
 दाता कौन ॥ इमि कहिकै ब्राह्मण तपधाम । कहत भयो वार्ता
 अभिराम ॥ रह्यो सत्ययुगमें तपएन । तण्डिनाम ऋषि पुरित
 चैन ॥ अयुत बरिस सो लाइसमाधि । पेख्यो शंभुहि सबिधि
 अराधि ॥ पढ़तजाहि सांख्यकमनलाय । चिंततयोगीजनसुख
 दाय ॥ परमप्रधान पुरुष प्रभुजौन । उत्पतिपालनकारणतौन ॥
 लहिताके दरशन सुखसाज । अस्तुति कियोतण्डिमुनि राज ॥
 सुनिये तौनयुधिष्ठिरभूप । जगपावनकृतपरमअनूप ॥ तंडिस्वाच ॥
 पवित्राणांपवित्रस्त्वं गतिर्गतिमताम्बर । अत्युग्रन्तेजसांतेज
 स्तपसांपरमन्तपः ॥ विश्वावसुहिरण्याक्षपुरुहूतनमस्कृत । भूरि

कल्याणदविभो परं सत्त्वं नमोस्तुते ॥ जातीमरणभीरूणां यतीनां
यततां विभो । निर्वाणदसहस्रांशो नमस्तेस्तु सुखाश्रय ॥ ब्रह्मा
शतक्रतुर्विष्णुर्विश्वेदेवामहर्षयः । न विदुस्त्वांतु तत्त्वेन कुतो वे
त्स्यामहे वयं ॥ त्वत्तः प्रवर्त्तते सर्वं त्वयि सर्वं प्रतिष्ठितं । कालाख्यः
पुरुषाख्यश्च ब्रह्माख्यश्च त्वमेव हि ॥ तनवस्ते स्मृतास्ति स्रः पुरा
णज्ञैः सुरर्षिभिः । अधिपौरुषमध्यात्ममधिभूताधिदैवतं ॥ अधि
लोकाधिबिज्ञानमधियज्ञस्त्वमेव हि । यं विदित्वा त्मदेहस्थं दुर्वि
दं विबुधैरपि ॥ विद्वांसो यान्ति निर्मुक्ताः परं भावमनामयं । अनि
च्छतस्तव विभो जन्ममृत्युरनेकतः ॥ द्वारं त्वं स्वर्गमोक्षाणां माक्षेता
त्वं ददासि च । त्वं वै स्वर्गश्च मोक्षश्च कामः क्रोधस्त्वमेव च ॥ स
त्वं रजस्तमश्चैव अधश्चोर्ध्वस्त्वमेव हि । ब्रह्माभवश्च विष्णु
श्च स्कन्देन्द्रौ सवितायमः ॥ वरुणेन्द्रमनुर्धाता विधाता त्वं धने
श्वरः । भूर्वायुः सलिलाग्निश्च खं वाराद्धिस्थितिर्मतिः ॥ कर्मस
त्यानृते चोभे त्वमेवास्ति च नास्ति च । इंद्रियाणीन्द्रियार्थाश्च प्र
कृतिभ्यः परं ध्रुवं ॥ विश्वाविश्वं परोभावश्चिन्त्याश्चिन्त्यत्वमेव हि ।
यच्चैतत्परमं ब्रह्म यच्च तत्परमं पदं ॥ यागतिः सांख्ययोगानां स भवा
न्नात्र संशयः । न्यूनमद्यकृतार्थाः स्म न्यूनं प्राप्ताः सतांगतिं ॥ यांग
तिं प्रार्थयन्तीह ज्ञाननिर्मलबुद्धयः । अहोमूढाः स्म सुचिरमिमं
कालमचेतसः ॥ यन्न विद्मः परं देवं शाश्वतं यं विदुर्बुधाः । सेयमा
सादितः साक्षाद्बहुभिर्जन्मभिर्तया ॥ भक्तानुग्रहकृद्देवो यं ज्ञात्वा
मृतमश्नुते । देवासुरमुनीनां तु यच्च गुह्यं सनातनं ॥ गुहायां निहि
तं ब्रह्म दुर्विज्ञेयं मुनेरपि । स एष भगवान् देवः सर्वकृत् सर्वतो मुखः ॥
सर्वात्मा सर्वदर्शी च सर्वगः सर्ववेदिता । देहकृद्देहभृद्देही देहभु
ग्देहिनांगतिः ॥ प्राणदृक् प्राणभृत् प्राणः प्राणभूः प्राणिनांगतिः ।
अध्यात्मगतिनिष्ठानां ध्यानिनामात्मवेदिनां ॥ अपुनर्दारकामा
नां यागतिः सोयमीश्वरः । अयंच सर्वभूतानां शुभाशुभगति
प्रदः ॥ अयंच जन्ममरणे व्यदधत् सर्वजन्तुषु । अयंच सिद्धिका

मानां यागतिःसोयमीश्वरः ॥ भूराद्यान्सप्तभुवनान्युत्ताद्यसदि
 वौकसः । दधातिदेवस्तनुभिरष्टाभिर्योविभर्तिच ॥ अतःप्रवर्तते
 सर्वमस्मिन्सर्वप्रतिष्ठितं । अस्मिंश्चप्रलयंयाति सोयमेकःस
 नातनः ॥ अयंचसत्यकामानां सत्यलोकःपरंसतां । अपवर्गश्च
 युक्कानां कैवल्यंचात्मवेदिनां ॥ अयंब्रह्मादिभिःसिद्धैर्गुहायाङ्गो
 पिताप्रभुः । देवासुरमनुष्याणामप्रकाशोभवेदिति ॥ नत्वांदेवा
 सुरनरास्तत्त्वेननविदुर्भवं । मोहिताःखल्वनेनैव हृदिस्थेनाप्रका
 शिना ॥ येचैनंप्रतिपद्यन्ते भक्तियोगेनभारत । तेषामेवात्मना
 त्मानन्दर्शयत्येषहृच्छयः॥यंज्ञात्वानपुनर्जन्ममरणंचापेविद्यते ।
 यंविदित्वापरंवेद्यं वेदितव्यंनविद्यते ॥ यंलब्धापरमंलाभं नाधि
 कंमन्यतेबुधः । यांसूक्ष्मांपरमांप्राप्तिसगच्छत्यक्षयाबहां ॥ यं
 सांख्यगुणतत्त्वज्ञः सांख्यशास्त्रविशारदाः । सूक्ष्मज्ञानरतासू
 क्ष्मं ज्ञात्वामुच्यन्तिबन्धनात् ॥ यंचवेदविदोवेद्यंवेदांतेचप्रति
 ष्ठितं । प्राणायामपरानित्यं प्रविशंतिपरेजनाः ॥ ओङ्काररथमा
 रुह्य तेविशंतिमहेश्वरं । अयंसदेवयानानानामादित्योद्वारमुच्य
 ते ॥ अयञ्चपितृयानानांचन्द्रमाद्वारमुच्यते । एषकालगंति
 इचत्रासंवत्सरयुगादिच ॥ दिव्यादिव्यपरोलाभस्त्वयनेदक्षि
 णोत्तरे । एनंप्रजापतिःपूर्वमाराध्यबहुभिस्तवैः ॥ प्रजार्थंस्वरया
 मास नीललोहितसंज्ञितं । ऋषिभिर्यमनुसंशंतिशुतत्वेकर्मणि
 बह्वृचायजुभिर्यत्त्रिधावेद्यंजुक्कृत्यध्वर्यवोध्वरं । सामभिर्यञ्चगा
 यन्ति सामगाःवृद्धबुद्धयः ॥ ऋतंसत्यंपरंब्रह्मस्तुवंत्याथर्वणः
 द्विजाः । यज्ञस्यपरमायोनिःपतिश्चायंपरःस्मृतः ॥ राज्यहाश्रो
 त्रनयनःपक्षमासशिरोभुजः । ऋतुवीर्यतपोधैर्यो यच्चगुह्योरुपा
 दवान् ॥ मृत्युर्यमोहुताशश्चकालःसंहारवेगवान् । कालस्य
 परमायोनिः कालश्चायंसनातनः ॥ चन्द्रादित्यौसनक्षत्रौ ग्रहा
 श्चसहवायुना । ध्रुवःसप्तर्षयश्चैवभुवनानिचसप्तच ॥ प्रधानं
 महदव्यक्तंविशेषांतंसवैकृतं । ब्रह्मादिस्तम्भपर्यन्तंभूतादिसद

सञ्चयत् ॥ अष्टौ प्रकृतयश्चैव प्रकृतिभ्यश्च यः परं । अस्य देवस्य
वशं गच्छत्स न संसर्परिवर्तते ॥ एतस्मात्परमानन्दं तदेतत्परमं पदं ।
एषा गतिर्विरक्ता नामेष भावः परस्मत्तां ॥ एतत्परमनुद्विग्नमेतद्ब्रह्म
सनातनं । शास्त्रवेदांगविदुषामेतद्ध्यानपरं पदं ॥ इयं सा परमा
काष्ठा इयं सा परमा कला । इयं सा परमा सिद्धिरियं सा परमा गतिः ॥
इयं सा परमा शान्तिरियं सानिर्वृतिः परा । यं प्राप्य कृतकृत्या स्म इ
त्यमन्यन्त योगिनः ॥ इयं तुष्टिरियं सिद्धिरियं श्रुतिरियं स्मृतिः । अ
ध्यात्मगतिनिष्ठानां विदुषां प्राप्तिरव्यया ॥ यजतां कामयागानां
मखैर्विपुलदक्षिणैः । यागतिर्यज्ञशीलानां सा गतिस्त्वं न संशयः ॥
समयोगजपैः शान्तिनियमैर्दहपावनैः । तप्यतां यागतिर्देव परमा
सा गतिर्भवान् ॥ कर्मन्यासकृतानाञ्च विरक्तानां ततस्ततः । या
गतिर्ब्रह्मसदने सा गतिस्त्वं सनातनः ॥ अपुनर्दारकामानां वैराग्ये
वर्ततां च यः । प्रवृत्तीनां लयानां च सा गतिस्त्वं सनातनः ॥ ज्ञानविज्ञा
नयुक्तानां निरुपाख्यानि रंजना । कैवल्याया गतिर्देव परमा सा गति
र्भवान् ॥ वेदशास्त्रपुराणोक्ताः पञ्चैता गतयः स्मृताः । त्वत्प्रसादा
द्विलभ्यन्ते न लभ्यन्ते न्यथा विभो ॥ इति तण्डिस्तपोराशिस्तुष्टावे
शानमात्मना । जगौ च परमं ब्रह्म यत्पुरालोककृज्जगौ ॥ उपमन्युर्वाच ॥
एवंस्तुतो महादेवस्तण्डिना ब्रह्मवादिना । उवाच भगवान् देवो उ-
मया सहितः प्रभुः ॥ ब्रह्माशतक्रतुर्विष्णुर्विश्वेदेवामहर्षयः । न वि
दुस्त्वामिति जनास्तुष्टः प्रोवाच तं शिवः ॥ श्रीशिव उवाच ॥ अक्षयश्चा
व्ययश्चैव भविता दुःखवर्जितः । यशस्वी तेजसा युक्तो दिव्यज्ञा
नसमन्वितः ॥ ऋषीणामभिगम्यश्च सूत्रकर्ता सुतस्तव । मत्प्र
सादाद्द्विजश्रेष्ठ भविष्यति न संशयः ॥ कम्बाकामन्ददाम्यद्य ब्रूहि
यद्वत्सकांक्षसे । प्राञ्जलिः स उवाचेदं त्वयि भक्तिर्ददास्तु मे ॥ उपम-
न्युर्वाच ॥ एतान्दत्त्वावरान् देवो वन्द्यमानः सुरर्षिभिः । स्तूयमानश्च
विबुधैः स्तत्रैवान्तरधीयत ॥ अन्तर्हिते भगवति सानुगेयाद् वे-
श्वर । ऋषिराश्रममागम्य समेच प्रोक्तवानिह ॥ यानि च प्रथिता

आदिरादिकरोनिधिः ॥ सहस्राक्षोविशालाक्षः सोमोनक्षत्रसा
 धकः । चन्द्रःसूर्यःशनिःकेतुर्ग्रहोग्रहपतिर्वरः ॥ अत्रिरत्र्यानम
 स्कर्त्ता मृगबाणार्पणोनघः । महातपाघोरतपा अदीनोदीनसा
 धकः ॥ संवत्सरकरोमंत्रःप्रमाणंपरमंतपः । योगीयोज्योमहा
 बीजोमहारेतामहाबलः॥ सुवर्णरेताःसर्वज्ञःसुबीजोबीजवाहनः ।
 दशबाहुस्त्वनिमिषोनीलकण्ठउमापतिः ॥ विश्वरूपःस्वयंश्रे
 ष्ठोबलवीरोबलोगणः ॥ गणकर्त्तागणपतिः १०० दिग्वासःका
 मएवच ॥ मंत्रवित्परमोमंत्रः सर्वभावकरोहरः । कमण्डलुधरो
 धन्वी बाणहस्तः कपालवान् ॥ अशनीखड्गीशतध्नीच पट्टिशी
 चायुधीमहान् । सुवहस्तःसुरूपश्च तेजस्तेजस्करोनिधिः ॥
 उष्णीषीचसुवक्रश्च उदग्रोविनतस्तथा । दीर्घश्चहरिकेशश्च
 सुतीर्थःकृष्णएवच ॥ शृगालरूपःसिद्धार्थोमुण्डःसर्वशुभङ्करः ।
 अजश्चबहुरूपश्चगन्धधारीकपर्चपि ॥ ऊर्ध्वरेताऊर्ध्वलिङ्ग ऊ
 र्ध्वशायीनभस्थलः । त्रिजटीचीरवासाश्चरुद्रःसेनापतिर्विभुः ॥
 अहश्चरोनक्तचरः स्निग्धमन्युःसुवर्चसः । गजहादैत्यहाका
 लोलोकधातागुणाकरः ॥ सिंहशार्दूलरूपश्च आर्द्रचर्माबरावृ
 तः । कालयोगीमहानादःसर्वकामश्चतुष्पथः ॥ निशाचरःप्रेत
 चारी भूतचारीमहेश्वरः । बहुभूतोबहुधरःस्वर्भानुरमितोगतिः॥
 नृत्यप्रियोनित्यनर्त्तो नर्तकःसर्वलालसः । घोरोमहातपाःपाशो
 नित्योगिरिरुहानभः ॥ सहस्रहस्तोविजयो व्यवसायोह्यनिन्दि
 तः । अधर्षणोधर्षणात्मा यज्ञहाकामनाशकः ॥ दक्षयागापहारी
 चसुसहोमध्यमस्तथा । तेजोपहारीबलहामुदितोर्थोजितोवरः ॥
 गम्भीरघोषोगम्भीरो गम्भीरबलवाहनः २०० न्यग्रोधरूपो
 न्यग्रोधो वृक्षकर्णस्थितिर्विभुः । सुतीक्ष्णदशनश्चैव महाकायो
 महाननः ॥ विष्वक्सेनोहरिर्यज्ञःसंयुगापीडवाहनः । तीक्ष्णात
 पश्चहर्षश्चः सहायःकर्मकालवित् ॥ विष्णुप्रसादितोयज्ञःस
 मुद्रोवड्भवामुखः । हुताशन सहायश्च प्रशान्तात्माहुताशनः ॥

उग्रतेजामहातेजा जन्योविजयकालवित् । ज्योतिषामयनांसि
 द्विःसर्वविग्रहएवच ॥ शिखीमुण्डीजटीज्वालीमूर्तिजोमूर्द्धगोब
 ली । वैणवीपणवीतालीखलीकालकटङ्कटः ॥ नक्षत्रविग्रहमति
 गुणबुद्धिर्लयोगमः । प्रजापतिर्विश्वबाहुर्विभागःसर्वगोमुखः ॥
 विमोचनःसुशरणोहिरण्यकवचोद्भवः । मेढ्रजोबलचारीच मही
 चारीस्तुतस्तथा ॥ सर्वतूर्यनिनादीच सर्वतोद्यपरिग्रहः । व्या
 लरूपोगुहावासी गुहोमालीतरंगवित् ॥ त्रिदशस्त्रिकालधृक्कर्मः
 सर्वबन्धविमोचनः । बन्धनस्त्वसुरेन्द्राणां युधिशत्रुविनाशनः॥
 सांख्यप्रसादोदुर्वासःसर्वसाधुनिषेवितः । प्रस्कन्दनोविभागज्ञः
 अतुल्योयज्ञभागवित् ॥ सर्ववासःसर्वचारी दुर्वासावासवोमरः ।
 हैमोहेमकरोयज्ञः सर्वधारीधरोत्तमः ॥ लोहिताक्षोमहोक्षश्चवि
 जयाक्षोविशारदः । संग्रहो निग्रहःकर्ता सर्पचीरनिवासिनः ॥
 मुख्योमुख्यश्चदेहश्च काहलिःसर्वकामदः । सर्वकालप्रसाद
 श्चसुबलोबलरूपधृक् ३०० सर्वकामवरश्चैवसर्वदःसर्वतोमु
 खः । आकाशनिर्विरूपश्चनिपातीह्यवशःखगः ॥ रौद्ररूपोशुरा
 दित्यो बहुरश्मिःसुवर्चसी । वसुर्वेगोमहावेगोमनोवेगोनिशाच
 रः ॥ सर्ववासीश्रियावासी उपदेशकरोकरः । मुनिरात्मनिरालो
 कः समग्रश्चसहस्वदः ॥ पक्षीचपक्षरूपश्च अतिदीप्तोविशां
 पतिः । उन्मादोमदनःकामोह्यश्चतथोर्थकरोयशः ॥ वामदेवश्च
 वामश्च प्राग्दक्षिणश्चवामनः । सिद्धयोगीमहर्षिश्च सिद्धार्थः
 सिद्धसाधकः ॥ भिक्षुश्चभिक्षुरूपश्च विपणोमृदुरव्ययः । महा
 सेनोविशाखश्च षष्टिभागोगवांपतिः ॥ वज्रहस्तश्चविष्कम्भो
 चमूस्तम्भनएवच । वृत्तावृत्तकरस्तालोमधुर्मधुकलोचनः ॥
 वाचस्पत्योवाजसनो नित्यमाश्रमपूजितः । ब्रह्मचारीलोकचा
 री सर्वचारीविचारवित् ॥ ईशानईश्वरः कालोनिशाचारीपिना
 कधृक् । निमित्तस्थोनिमित्तञ्च नन्दिर्नन्दिकरोहरिः ॥ नन्दी
 श्वरश्चनन्दीच नन्दनोनन्दिवर्द्धनः । भगहारीनिहन्ताचकालो

ब्रह्मापितामहः ॥ चतुर्मुखो महालिंगश्चारुलिंगस्तथैव च । लिं
 गाध्यक्षः सुराध्यक्षो योगाध्यक्षो युगावहः ॥ बीजाध्यक्षो बीजकर्त्ता
 अध्यात्मानुगतो बलः । इतिहासः सकल्यश्च गौतमो ४०० थनि
 शाकरः ॥ दम्भो ह्यदंभो वैदम्भो वश्यो वशकरः कलिः । लोकक
 र्त्ता पशुपतिर्महाकर्त्ता ह्यनौषधः ॥ अक्षरं परमं ब्रह्म बलवच्छक्रेण
 वच । नीतिर्ह्यनीतिः शुद्धात्मा शुद्धो मान्यो गतागतः ॥ बहुप्रसा
 दः सुस्वप्नो दर्पणो थत्वमित्रजित् । वेदकारो मन्त्रकारो विद्वान्स
 मरमर्दनः ॥ महामेघनिवासी च महाघोरो वशीकरः । अग्नि
 ज्वालो महाज्वालो अतिधूम्रो हुतो हविः ॥ वृषणः शङ्करो नित्यं
 वर्चस्वी धूमकेतनः । नीलस्तथांगलुब्धश्च शोभनो निरवग्रहः ॥
 स्वस्तिदः स्वस्तिभावश्च भागो भागकरो लघुः । उत्संगश्च महां
 ङ्गश्च महागर्भपरायणः ॥ कृष्णवर्णः सुवर्णश्च इन्द्रियं सर्वदेहि
 नाम् । महापादो महाहस्तो महाकायो महायशः ॥ महामूर्ध्ना महा
 मात्रो महानेत्रो निशालयः । महान्तको महाकर्णो महोष्ठश्च
 महाहनुः ॥ महानासो महाकंबुर्महाग्रीवोऽमशानभाक् । महा
 वक्षामहोरस्को ह्यन्तरात्मा मृगालयः ॥ लम्बनो लम्बितोष्ठश्च
 महामायः पयोनिधिः । महादन्तो महादंष्ट्रो महाजिह्वो महामुखः ॥
 महानखो महारोमा महाकेशो महाजटः । प्रसन्नश्च प्रसादश्च
 प्रत्ययोगिरि साधनः ॥ स्नेहो स्नेहनश्चैव अजितश्च महा
 मुनिः । वृक्षाकारो वृक्षकतुरन्तो वायुवाहनः ॥ गण्डली
 ५०० मेरुधामा च देवाधिपतिरेव च । अथर्वशीर्षः सामास्य
 ऋक्सहस्रामितेक्षणः ॥ यजुःपादभुजौ गुह्यः प्रकाशो जंगम-
 स्तथा । अमोघार्थः प्रसादश्च अभिगम्यः सुदर्शनः ॥ उपकारः
 प्रियः सर्वः कनकः काञ्चनच्छविः । नाभिर्नन्दिकरो भावः पुष्करः
 स्थपतिः स्थिरः ॥ द्वादशः स्या सनश्चाधो यज्ञो यज्ञसमाहितः । न
 क्तं कलिश्च कालश्च मकरः कालपूजितः ॥ सगणो गणकारश्च
 भूतवाहन सारथिः । भस्माशयो भस्मगोप्ता भस्माभूतस्तरुर्गणः ॥

लोकपालस्तथालोकोमहात्मासर्वपूजितः । शुक्लस्त्रिशुक्लःसम्पन्नः
 शुचिर्भूतनिषेवितः ॥ आश्रमस्थाकियावस्थोविश्वकर्मातिर्वरः ।
 विशालशाखस्ताम्रोष्ठोह्यम्बुजालःसुनिश्चलः ॥ कपिलःकपिशः
 शुक्लःआयुश्चैवपरोपरः । गन्धर्वोह्यदितिस्ताक्षर्यःसुविज्ञेयःसुशा
 रदः ॥ परश्वधायुधोदेवःअनुकारीसुबान्धवःतुम्बवीणोमहाक्रोध
 ऊर्ध्वरेताजलेशयः ॥ उग्रोवंशकरोवंशोवंशनादोह्यनिन्दितःसर्वा
 गरूपोमायावी सुहृदोह्यनिलोनलः ॥ बन्धनोबन्धकर्त्ताच सुब
 न्धनविमोचनः । सुयज्ञारिःसकामारिर्महादंष्ट्रोमहायुधः ॥ बहुधा
 निन्दितःसर्वःशङ्करःशङ्करोधनः । अमरेशो६००महादेवोविश्व
 देवःसुरारिहा ॥ अहिर्वुध्नोनिलाभश्चचेकितानोहविस्तथा । अ
 जैकपाच्चकापालीत्रिशंकुरजितःशिवः ॥ धन्वन्तरिर्धूमकेतुःस्क
 न्दोवैश्रवणस्तथा ॥ धाताशक्रश्चविष्णुश्चमित्रस्त्वष्ट्राध्रुवोधरः ॥
 प्रभवस्सर्वगोवायुर्यमासवितारविः । उष्णगुश्चविधाताचमा
 न्धाताभूतभावनः ॥ विभुर्वर्णविभावीचसर्वकामगुणावहः । पद्म
 नाभोमहागर्भश्चन्द्रवक्रोनिलोनलः ॥ बलवांश्चोपशान्तश्च
 पुराणःपुण्यचुञ्चुरी । कुरुकर्त्ताकुरुवासीकुरुभूतोगुणौषधः ॥
 सर्वाशयोदर्भचारीसर्वेषांप्राणिनाम्पतिः । देवदेवःसुखासक्तः
 सदसत्सर्वरत्नवित् ॥ कैलासगिरिवासीचहिमवद्विरिसंश्रयः ।
 कूलहारीकूलकर्त्ताबहुविद्योबहुप्रदः ॥ वणिजोवर्द्धकीवृक्षोवकुल
 श्चन्दनश्छदः । सारथीवोमहाजन्तु रलोलश्चमहौषधः ॥
 सिद्धार्थकारीसिद्धार्थ श्छन्दोव्याकरणोत्तरः । सिंहनादः सिंह-
 दंष्ट्रः सिंहगः सिंह बाहनः ॥ प्रभावात्माजगत्काल स्थानो
 लोकहितस्तरुः । सारंगोनवचक्रांगःकेतुमालीसभावनः ॥ भूता
 लयोभूतपतिरहोरात्रमनिन्दितः । वाहितासर्वभूतानांनिलय
 श्च विभुर्भवः ॥ अमोघसंयतोह्यश्वो भोजनःप्राणधारणः । धृ
 तिमान्मतिमान् ७०० दक्षःसत्कृतश्चयुगाधिपः ॥ गोपालिगो
 पतिर्ग्रामो गोचर्म वसनोहरिः । हिरण्यबाहुश्चतथागुहापालः

प्रवेशिनाम् ॥ प्रकृष्टारिर्महाहर्षोजितकामोजितेन्द्रियः । गान्धार
 इचसुवासश्चतपःशक्नोरतिर्नरः ॥ महागीतोमहानृत्योह्यप्सरोग
 णसेवितः । महाकेतुर्महाधातुर्नैकसानुचरश्चलः ॥ आवेदनीय
 आदेशः सर्वगन्धसुखावहः । तोरणस्तारणोवातःपरिधीपातिखे
 चरः ॥ संयोगोवर्द्धनोवृद्धः अतिवृद्धो गुणाधिकः । नित्यमात्मसहाय
 इचदेवासुरपतिः पतिः ॥ युक्तश्चयुक्तबाहुश्चदेवोदिविसुपर्वणः ।
 आषाढश्चसुषाढश्चध्रुवोथहरिणोहरः ॥ वपुरावर्तमानेभ्यो वसु
 श्रेष्ठोमहापथः । शिरोहारी विमर्षश्च सर्वलक्षणलक्षितः ॥ अक्ष
 इचरथयोगीच सर्वयोगीमहाबलः । सामाम्नायोसामाम्नाय स्ती
 र्थदेवोमहारथः ॥ निज्जीवो जीवनोमंत्रः शुभाक्षोबहुकर्कशः ।
 रत्नप्रभूतोरत्नांगो महार्णवनिपानवित् ॥ मूलंविशालोह्यमृतो
 व्यक्ताव्यक्तस्तपोनिधिः । आरोहणोधिरोहश्च शीलधारी महा
 यशः ॥ सेनाकल्पोमहाकल्पो योगोयुगकरोहरिः । युगरूपोमहा
 रूपो महानागहनोबधः ॥ न्यायनिर्वपणः पादः पण्डितोह्यचलो
 पमः । बहुमालोमहामालः शशीहरसुलोचनः ॥ विस्तारोलवणः
 कूपस्त्रियुगः सफलोदयः । त्रिनेत्रश्चविषाणांगो मणिविद्धोजटा
 धरः ॥ विंदुर्विसर्गः सुमुखः ८०० शरः सर्बायुधः सहः । निवेदनः
 सुखाज्ञातः सुगान्धारोमहाधनुः ॥ गन्धपालीचभगवानुत्थानः
 सर्वकर्मणाम् । मन्थानोबहुलोवायुः सकलः सर्वलोचनः ॥ त
 लस्तालः करस्थाली ऊर्ध्वसहननोमहान् । ब्रह्मसुब्रह्मविख्यातो
 लोकः सर्वाश्रयः क्रमः ॥ मुण्डोविरूपोविकृतोदण्डीकुण्डीविकुर्व
 णः । हर्यक्षः ककुभोवज्री शतजिह्वः सहस्रपात् ॥ सहस्रमूर्द्धादे
 वेन्द्रः सर्वदेवमयोगुरुः । सहस्रबाहुः सर्वाङ्गः शरण्यः सर्वलोक
 कृत ॥ पवित्रं त्रिः ककुन्मंत्रः कनिष्ठः कृष्णपिङ्गलः । ब्रह्मदण्ड
 विनिर्माता शतघ्नीपाशशक्तिमान् ॥ पद्मगर्भोमहागर्भो ब्रह्म
 गर्भोजलोद्भवः । गभस्तिर्ब्रह्मकृद् ब्रह्मा ब्रह्म विद्वाह्यो
 मतिः ॥ अजन्तरूपो नैकात्मा तिर्यग्मतेजाः स्वयंभुवः । ऊर्ध्व

गात्मापशुपतिर्बातरंहोमनोजवः ॥ चन्दनीपद्मनालाग्रःसुरभ्युत्त
रणोनरः । कर्णिकारोमहास्रग्वीनीलमौलिःपिनाकधृक् ॥ उमा
पतिरुमाकान्तःजाह्नवीधृनुमाधवः । वरोवराहोवरदो वरेण्यः
सुमहास्वनः ॥ महाप्रसादोदमनःशत्रुहाश्वेतपिङ्गलः । प्रीतात्मा
परमात्माच प्रयतात्माप्रधानधृक् ॥ सर्वपाश्वमुखस्त्र्यक्षोधर्म
साधारणोवरः । चराचरात्मासूक्ष्मात्मा अमृतो गोवृषेश्वरः ॥
साध्यर्षिर्वसुरादित्यो विवस्वान्सवितामृतः । व्यासःसगःसुसं
क्षेपो विस्तारःपर्ययोनरः ॥ ऋतुःसंवत्सरोमासःपक्षः ६०० सं
ख्यासमापनः । कलाकाष्ठापलोमात्रा मुहूर्त्ताहः क्षपाः क्षणः ॥
विश्वक्षेत्रेप्रजाबीजोलिङ्गमाद्यस्तुनिर्गमः । सदसद्व्यक्तमव्यक्तं
पितामातापितामहः ॥ स्वर्गद्वारंप्रजाद्वारंमोक्षद्वारंत्रिविष्टपम् ।
निर्वाणंह्यदनञ्चैव ब्रह्मलोकःपरागतिः॥ देवासुरविनिर्मातादेवा
सुरपरायणः । देवासुरगुरुर्देवो देवासुरनमस्कृतः ॥ देवासुरमहा
मात्रो देवासुरगणाश्रयः । देवासुरोगणाध्यक्षो देवासुरगणाग्र
णीः ॥ देवातिदेवोदेवर्षिर्देवासुरवरप्रदः । देवासुरेश्वरो विश्वे
देवासुरमहेश्वरः ॥ सर्वदेवमयोचिन्त्यो देवतात्मात्मसम्भवः । उ
द्भिन्निविक्रमोवैद्योविरजोनीरजोऽमरः ॥ ईड्योहस्तीश्वरोव्याघ्रो
देवसिंहोनरर्षभः । विधुधोऽग्रवरःसूक्ष्मःसर्वदेवस्तपोमयः ॥ सुयुक्तः
शोभनोवज्रीप्रासानांप्रभवोव्ययः । गुहःकान्तोनिजःसर्गःपवित्रः
सर्वपावनः ॥ शृंगी शृंगा प्रियोवभ्रू राजराजोनिरामयः । अभि
रामःसुरगणो विरामःसर्वसाधनः ॥ ललाटाक्षोविश्वदेवोहरिणो
ब्रह्मवर्चसः । स्थावराणांपतिश्चैव नियमेन्द्रियवर्द्धनः ॥ सिद्धा
र्थःसिद्धभूतार्थो चिन्त्यःसत्यव्रतःशुचिः । व्रताधिपःपरंब्रह्मभ
क्तानांपरमागतिः ॥ विमुक्तोमुक्ततेजाश्चश्रीमान्श्रीवर्द्धनोजगत् ।
१००० यथाप्रधानम्भगवानितिभक्त्यास्तुतोमया ॥ यन्न
ब्रह्मादयोदेवाविदुस्तत्त्वैर्महर्षयः । स्तोतव्यमर्च्यैर्वन्द्यञ्च कस्तो
प्यतिजगत्पतिम् ॥ भक्त्यात्वेवंपुरस्कृत्यमयायज्ञपतिर्विभुः । ततो

भ्यनुज्ञांसंप्राप्यस्तुतोमतिमतांबरः ॥ शिवमेभिस्तुवन्दवेन्नाम
 भिःपुष्टिवर्द्धनैः । नित्ययुक्तःशुचिर्भक्तःप्राप्नोत्यात्मानमात्मना ॥
 एताद्विपरमंब्रह्म परंब्रह्माधिगच्छति । ऋषयश्चैवदेवाश्च स्तु-
 वंत्यैनन्तुतत्परम् ॥ स्तूयमानोमहादेवःस्तुष्यते नियतात्मभिः।
 भक्तानुकम्पीभगवानात्मसंस्थाकरोविभुः ॥ तथैवचमनुष्येषुये
 मनुष्याःप्रधानतः । आस्तिकाःश्रद्धधानाश्च बहुभिर्जन्माभिः
 स्तवैः ॥ भक्त्याह्यनन्यमीशानस्परंदेवसनातनम् । कर्मणामन
 सावाचा भावेनामिततेजसः ॥ शयानाजाग्रमाणाश्च ब्रजन्नुप
 विशंस्तथा । उन्मिषन्निमिषंश्चैव चिन्तयन्तःपुनःपुनः ॥ शृण्व
 न्तःश्रावयन्तश्चकथयंतश्चतेभवम् । स्तुवन्तस्तूयमानाश्चस्तु
 ष्यन्तिचरमन्तिच ॥ जन्मकोटिसहस्रेषु नानासंसारयोनिषु ।
 जन्तोर्विगतपापस्य भवेभक्तिःप्रजायते ॥ उत्पन्नाचभवेभक्तिर
 नन्यासर्वभावतः । भाविनःकरणेचास्यसर्वयुक्तस्यसर्वथा ॥ एत
 हेवेषुदुःप्राप्यं मनुष्येषुनलभ्यते । निर्विघ्नानिश्चलारुद्रे भक्ति
 रव्यभिचारिणी ॥ तस्यैवचप्रसादेनभक्तिरुत्पद्यतेनृणाम् । यया
 यान्तिपरोसिद्धिं तद्भावगतचेतसा ॥ येसर्वभावानुगताः प्रपद्य
 न्तेमहेश्वरम् । प्रपन्नवत्सलोदेवःसंसारान्तान्समुद्धरेत् ॥ एवम
 न्येविकुर्वन्ति देवाःसंसारमोचनम् । मनुष्याणामृतेदेवं नान्याश
 क्तिस्तपोबलम् ॥ इतितेनेन्द्रकल्पेनभगवान्सदसत्पतिः । कृत्ति
 वासास्स्तुतःकृष्णःतण्डिनाशुभबुद्धिना ॥ स्तवमेतंभगवतोब्र
 ह्मास्वयमधारयत् । गीयतेच सुबुद्धेन ब्रह्माशंकरसन्निधौ ॥
 इदंपुण्यंपवित्रंचसर्वदापापनाशनम् । योगदंमोक्षदंचैव स्वर्गदं
 तोषदन्तथा ॥ एवमेतत्पठन्तेयएकभक्त्यानुशकरे । यागतिः
 सांख्ययोगानां ब्रजंतेतांगतिन्तदा ॥ स्तवमेतत्प्रयत्नेन सदा
 रुद्रस्यसन्निधौ । अब्दमेकंचरेद्भक्तःप्राप्नुयादीप्सितंफलम् ॥ एत
 द्रहस्यम्परमं ब्रह्मणोहृदिसंस्थितम् । ब्रह्माप्रोवाचशक्रायशक्रः
 प्रोवाचचमृत्यवे ॥ मृत्युःप्रोवाचरुद्राणारुद्रेभ्यस्ताण्डिराप्तवान् ।

महतातपसाप्राप्तस्तण्डिनाब्रह्मसन्नि ॥ तण्डिःप्रोवाचशुक्रा
य गौतमायचभार्गवः । वैवस्वतायमनवे गौतमःप्राहमाधव ॥
नारायणायसाध्याय समाधिष्ठायधीमते । यमायप्राह भगवान्
साध्योनारायणोऽच्युतः ॥ नासिकेतायभगवान् प्राहवैवस्वतो
यमः । मार्कण्डेयायवाष्णेयनासिकेतोभ्यभाषत ॥ मार्कण्डेयान्म
याप्राप्तो नियमेनजनार्दन । तवाप्यहममित्रघ्नस्तवन्दद्याद्यवि
श्रुतम् ॥ स्वर्गमारोग्यमायुष्यंधन्यंदेवेनसम्मितम् । नास्यविध्नं
विकुर्वन्ति दानवायक्षराक्षसाः ॥ पिशाचायातुधानाश्च गुह्यका
भुजगास्तथा । यःपठेत्तुशुचिर्भूत्वाब्रह्मचारीजितेन्द्रियः । अभ-
ग्नयोगोवर्षन्तु सोऽवमेधफलंलभेत् ॥ इतिमहाभारतान्तर्गते
दानधर्मोत्तरे महादेवसहस्रनाम समाप्तम् ॥

वैशम्पायनउवाच ॥ दोहा ॥ कहतभयेइमि व्यासमुनि सुनोयुधि-
ष्ठिरतात । शिवस्तोत्रयहतुमपढो आनँदकर अवदात ॥ तुमपै
होहिं प्रसन्न अति शंकर आनँद दानि । परमप्रज्ञधरमज्ञ अ-
ति कीरति करण महानि ॥ रामगीती ॥ पुत्रकाजैमेरुगिरिपै स्तुती
यहअवदात । पढतमे हमलायमनको सुनियुधिष्ठिरतात ॥ भयो
इच्छित फलसु हमको प्राप्त यहिते स्वक्ष । तिमिहुं कै हो प्राप्त
तुम सब कामनाको दक्ष ॥ कह्यो इमि पुनि कपिल मुनिवर हम
सुजेन्म अनेक । शिव अराधन कियोचितको लायसहित वि-
वेक ॥ शंभु होय कृपाल हमको भयेदेत सुज्ञान । हरणभवको
दुःख अरु बरकरण मोदमहान ॥ तिहिअनन्तर धर्मशीलसु
चारु शीर्षसुजान । सखाहै सुरनाथको सो ज्ञानमयमतिमान ॥
परम दायावान अरु आलम्बगोत्रज जौन । कहतभो इमिपां-
डुसुतसों परम प्रज्ञाभौन ॥ जायकै गोकर्ण तीरथमाहिं हमशत
वर्ष । निराहारविहारपरिहरि कियोतपउत्कर्ष ॥ शंभुहोयकृपाल
हमकोदिये सुतशतदक्ष । लक्षवर्षसुआयु जिनकी इन्द्रिजित
अतिस्वक्ष ॥ योनितेनहिं भयेतेउत्पन्न अतिधरमज्ञ । तेजवान

महानसुंदर अजरदुखदरप्रज्ञ ॥ कह्योइमिपुनिपांडुसुतसों बाल
मीके ऋषीश । होहुतुमवर विप्रघातककह्योमोहिंमुनीश ॥ मुनिन
के यह बचन सुनिकै गये शंकरशरण । सफलदरशन तासुको अरु
परमदुखको दरण ॥ गयेशरणै शम्भुके हम छुटे अघते भूरि । परम
याते उन्हें जाने करण केशहि दूरि ॥ कह्यो ऐसे शम्भुमोसों सुयश
तव अतिस्वक्ष । होयगो भूमाहिं मेरे बचन सों हेदक्ष ॥ कहत भे
सुनि पांडुसुतसों परशुराम सुजान । ऋषिन्ह माहँ सुभान सेये
तेजमान महान ॥ बन्धुबध सों भये प्रापत केशको हम उद्ध ।
लयो तब हम शरण शिवको न्हायकै होइ शुद्ध ॥ करीस्तुति
शम्भुकी हम सहसनामहिं जापि । उक्तिवरसों गायकै शुचि
भक्तिहियमें थापि ॥ शम्भुहोय कृपाल मोपै दयो यह वरदान ।
रहित होहु महान अघसों अजय होहु सुजान ॥ अजर होयन
होहु कबहुंन मृत्युतव ऋषिराज । किये हमको सर्वप्रापत कृपा
तासु दराज ॥ पुनि सुविश्वामित्र ऐसे कहत भे वरबैन । रहैं
पूरव हम सुक्षत्री क्रोधमति के ऐन ॥ होहिं हम वरविप्र जी में
कै विचार सुएह । हम अराधन कियो शिवको परम आनंदगे-
ह ॥ भई तिनकी कृपाते मोहिं प्राप्त द्विजता जौन । अतिहि दु-
र्लभ तौनहै वर महा आनंद भौन ॥ कहत भे पुनि पांडुसुतसों
असित देवलदक्ष । अन्यथा हम कियो कबहुंधर्म में अति
स्वक्ष ॥ पाकशासन कोपते भो प्राप्त हमको शाप । भो ह-
मारो नष्ट तिहिते परम धर्मकलाप ॥ करीस्तुति जायकै तब श-
म्भुकी हम भूप । प्रार्थना मो श्रवण करिकै परम आनंद रूप ॥
आयु यश अरु धर्ममोको दये परम अखर्व । हरन दुखके करन
सुखके महादानी सर्व ॥ गृत्समद ऋषि पुरन्दरके सखा परम म-
हान । बृहस्पति सम प्रभाजिनकी धर्मवानसुजान ॥ कहत भे
ते पांडुसुतसों गृत्समद ऋषि दक्ष । रच्यो बत्सरसहस्रको मघ-
वान यक्ष सुस्वक्ष ॥ सुमहु नृप ता यज्ञमाहीं सामवेद अनूप ।

भो उच्चारण मान हमसों अन्यथा हे भूप ॥ अरिल ॥ मनुके सुत
 बरिष्ठ सो सुनि करि । कहत भये इमि हमसों गुनि करि ॥ पढ्यो
 आप नहिं नीकेसामहि । याते गहिसुबुद्धि वर मामहि ॥ करहु
 बिचार आपुपुनि हियमह । यह कहिकै बरिष्ठ कै क्रुधसह ॥ दि-
 यो शाप हमको तब यह तिन । होहु बिप्रतुम धर्मबुद्धि बिन ॥
 चरणाकुलक ॥ पाणीमो लेनहिं जिहिमाहीं । मारुत कबहुं लागेना-
 हीं ॥ मिलै और मृग नाहीं जिहिमें । होय सिंहको डर अति
 तिहिमें ॥ ऐसे देश माहिं दुख गवैकै । कुत्सित अतिहि क्रूरमृग
 कैकै ॥ रहोजाय तजिकै सब हर्षन । ग्यारहसहसआठशत वर्ष-
 न ॥ सुनतहि शाप मृगाहम भये । तासु अनन्तर शिवपैगये ॥
 छेशित देखि मोहिं शिवदानी । कहत भये कै कृपा महानी ॥
 दोहा ॥ अजर अमर तुम होहु अरु होहु दुःखसों दूरि । सुनहु
 गृत्समद ऋषि महत लहो अनन्दहि भूरि ॥ सोरठा ॥ रहो नित्य
 समभाव तुम्हरो अरु मधवान को । सुनहुं पर्म ऋषिराव बढो
 योग्य आनन्दकर ॥ दोहा ॥ इमि सुअनुग्रहकरतहैं शङ्कर श्री
 भगवान । सुनहुं युधिष्ठिर भूप वर प्रज्ञावान महान ॥ महामोद
 के करणहैं हरण दुःखको दाप । औठर ढरणमहान हैं हरणती-
 नहू ताप ॥ सोरठा ॥ नित्य अगोचर स्वक्ष मनसा वाचाकर्मसों ।
 उनसों औरन दक्ष देव सुनहु धरणी शरण ॥ बोले फेरि सुजान
 वासुदेव आनन्दकर । जगके हेतु महान जासुनाम अति दुख
 दरण ॥ दोहा ॥ शिव को किये प्रसन्न हम कै तप्र पर्ममहान ।
 कहत भये ऐसे हमैं तब शंकरभगवान ॥ रामगीतो ॥ लगत सब
 को आतमा निज परम प्यारो चारु । होहुगे तिहि तुल्यप्यारे
 सबै आप उदारु ॥ बुद्धमाहीं होयगी तब पराजय कबहुंन ।
 अग्नि ऐसो होयगो तब तेज दिन दिन दून ॥ दये इमि बर-
 दान मोको बहुत और अनेक । सुनहु पाण्डव धर्मधर वर
 धरेपरम बिबेक ॥ अरिल ॥ सुनहुप्रथम अवतार माहिं वर । परम

सुमणि मन्थाचल ऊपर ॥ लाखनवर्ष शिवहिपूजे हम । और
 न देव परम तिनकीसम ॥ कै कृपालतब बोले पशुपति । मांग-
 हुबर अबवेर करहुमति ॥ मनबांछित तुम्हरेजोहोयसु । देहों
 कृष्ण तुम्हें अबसोयसु ॥ नायमाथ बोले हमइमि तब । शङ्कर
 तुमदानीहो बरसब ॥ दयाकरीजै आप सुहमपर । नित्यनिर-
 न्तर देहुभक्तिबर ॥ एवमस्तु कहिशङ्कर तिहिथल । अंतर्द्धान
 भये ताही पल ॥ जैगीषव्यउवाच ॥ सुनहु युधिष्ठिर नृपति धर्मधर ।
 काशीमाहिं सुपूजे हमहर ॥ कैकृपाल मोऊपर पशुपति । दियो
 मोहिं ऐश्वर्य परमअति ॥ गर्गउवाच ॥ नदी सरस्वती के तटवर
 पर । ध्यान मानसिकसो मोपरहर ॥ होय कृपाल परमसुनि भू-
 पति । कला ज्ञान दीन्हों मोकोअति ॥ अरुसहस्र दीन्हें मोको
 सुत । तेसब मोसम बरमेधायुत ॥ चरणादोहा ॥ आयुदई दश
 लक्ष वर्षकी सुतसह मोकोसब । सुनहु पांडुसुत परमवर मेधा
 वान अखर्व ॥ पराशरउवाच ॥ आभीर ॥ शिवको विधिसों पूजि । कै
 प्रसन्न अतिकूजि ॥ मनमें चिन्तनएह । कीन्हो हमबुधिगेह ॥
 योगीपरममहान । सुयशीप्रज्ञावान ॥ दयावानश्रीवान । बरवे-
 दज्ञ सुजान ॥ चरणादोहा ॥ शम्भुकृपाते होयहमारे ऐसो सुवन
 अनूप । शम्भुबूझि मोमनको मतयह बोले आनंदरूप ॥ जय-
 करो ॥ सुनहुबिप्र चिन्तनते येह । कैहैं तेरे सुधिबुधिगेह ॥ कृष्ण
 नाम यशवान महान । परमतेजस्वी प्रज्ञावान ॥ दोहा ॥ साव-
 णिक मनुके समय सातऋषिनमें जौन । मिलिहैं अरु वेदज्ञवर
 कैहैं सुनिद्विजतौन ॥ तोमर ॥ कुरुवंशको करतासु । बरधर्मको
 धरतासु ॥ इतिहासकर्ता स्वक्ष । हित सर्वजगको दक्ष ॥ अरु
 इन्द्रको प्रियपरम । बरवीर्यवान अभर्म ॥ अरुयोगवान महान ।
 श्रियमान शुद्ध सुजान ॥ दोहा ॥ ऐसो कैहैं सुवनतुव पाराशर
 सुऋषीश । यहवरदै मोकोभये अंतर्द्धान गिरीश ॥ माण्डव्य-
 उवाच ॥ परमलो ॥ हमचोरहैं नपै चोरसाथ । अमसोंगहि हमको

भूमिनाथ ॥ विनजानदिये शूरीचढ़ाय । शूरीपर शिवको ध्यान
 लाय ॥ हमकरतभये स्तुतिमहान । तबकै कृपाल शिवसुनि
 सुजान ॥ इमिकहत भये मोसों अनूप । अति दयावान आनंद
 रूप ॥ दोहा ॥ शूरीते तुम छूटिहौ अब मांडव बरबिप्र । लहिहौ
 मोद महानतुम मेरेवरतेक्षिप्र ॥ आधि व्याधि सों रहितकै जी
 हौ अर्बुद वर्ष । सब तीरथमें न्हान तुम करिहौ होय सहर्ष ॥
 सोरठा ॥ अक्षय स्वर्ग महान देहैं तुमको बिप्रहम । यहकहिकै
 ईशान अन्तर्धान भयेसुनो ॥ गालवउवाच ॥ रामगीती ॥ लेय वि-
 श्वामित्रकी आज्ञाहिहमहेभूप । पितादर्शन कार्यआये गेहमा-
 हिंअनूप ॥ रुदनकरती मात मोसों कह्यो ऐसेबैन । शीलमान
 महानसुनि सुतबुद्धिके बरऐन ॥ भये तरुणसुजान भूषित वेद
 सों सुखदान । लेय आज्ञा गाधिसुतकी विनय कै सुमहान ॥
 पिता दर्शन कार्य आये भरेप्रेम अनूप । हायपै नहिलखत है
 तव पिता तुम्हरोरूप ॥ बचन सुनिये पितादर्शन माहिंहोय
 निराश । गयेशरणहि शम्भुके हम परम आनंदराश ॥ कृपाकै
 अतिशम्भु मोपै कहतमे इमिबैन । सुनहु गालव बिप्र प्रज्ञा-
 वान श्रुतिके ऐन ॥ मृत्युसों तुमरहित होगे मात पित सहबिप्र।
 पिता दर्शन पायहौ तुमजाहु गृह में क्षिप्र ॥ पायऐसे शम्भु
 आज्ञा गेहमेंहमजाय । परममोदद पिताकोहम भये लखत
 सचाय ॥ पितामेरे यज्ञ करिकै रहे बैठेपर्म । नीरसों भरिलिये
 लोचन मोहिंदेखिसधर्म ॥ लग्योकरन प्रणाममें तबसुनि युधि-
 ष्ठिरभूप । अन्तलकरी कुशातजिकै भरेप्रेम अनूप ॥ चूमिमुख
 मो मिलिसु मोसों कृपाकै अतिउद्ध । भये कहत सुमोहिं ऐसे
 बचन प्यारे शुद्ध ॥ सोरठा ॥ आयो मेरेपास बिद्याको पढ़िकै
 सुवन । लखेतुम्हें मुदरास भलोभयो हमको हरष ॥ वैशम्पायन
 उवाच ॥ रामगीती ॥ मुनिनकरिकै कह्योजो है कर्मशिवको स्वक्ष ।
 करतबिस्मय भयो सुनिकै नृपयुधिष्ठिर दक्ष ॥ कहतमे तब

युधिष्ठिर प्रज्ञा पोत ॥ शंकर में जो ध्यान लगाय । पढ़ै स्तोत्र-
हि परम सचाय ॥ तिहिके होहिं सर्व अघदूरि । बढै पुण्य अरु
आनंदभूरि ॥ जितने रोम देहके बीच । तितने वर्ष हजार
निभीच ॥ रहै स्वर्ग में सुनु हेभूप । धर्मवान वर पम्म अनूप ॥

इति श्रीमहाभारतदर्पणेशान्तिपर्वणि दानधर्मे अष्टादशोऽध्यायः १८ ॥

युधिष्ठिर उवाच ॥ सोरठा ॥ योग्य जानिबे जौन ईश्वर अति आ-

नंदकर । सुनहु तात बुधिभौन जान्यो तुमसों तौन हम ॥ मधुभागा
संशय महान । एकभो सुजान ॥ सोकरहु दूरि । अब आपभूरि ॥
रामगीती ॥ करै धर्महिं सहित पत्नी शास्त्रमाही येह । कह्योहै वर
बुद्धजन सुनि पितामह बुधिगेह ॥ पूर्वहींकर ग्रहणके सहभाव
तियको जौन । है कहा यहिमाहिं संशय होतहै बुधिभौन ॥ क-
ह्यो जो है ऋषिन्ह पूरुब धर्म तिय सह जौन । कहा है यह
तौन मोसों कहो प्रज्ञाभौन ॥ प्रकाशित यह कियो श्रुतिको मंत्र
सों मुनिराज । कियोहै की प्रजापति यह धर्म सन्ततिकाज ॥
बोहा ॥ इन्द्रहि के सुख हेत है की यह तिय सहधर्म । संशय
होत महान है मेरे हियमें पम्म ॥ यही लोक में लखत है तिय
सह जो यहधर्म । लखत नहीं परलोकमें सुनहु पितामह
पम्म ॥ पूरुब एकै मरत हैं जीवतरहैं सु एक । कहां रहत सह
भाव है सुनहु तात सबिवेक ॥ रामगीती ॥ करत पिय तिय कर्म
संगै सुनहु तात सुजान । होत निज निज बासना सों धर्म
भेद महान ॥ बहुत विधिके धर्म फलसों युक्त बहुजन पर्म ।
कर्मकी बहुबासनासे युक्त बहुत अभर्म ॥ बोहा ॥ साहस कपट
अरु मुखता इस्त्रिनके ये धर्म । धर्मप्रवक्ता कहत हैं सुनियेतात
अधर्म ॥ ऐसे होत सुभाव हैं इस्त्रिनके जो तात । तौ सहधर्म
सुकहत किमि ज्ञानवान अवदात ॥ रामगीती ॥ नहीं है सहधर्म
है सहधर्म को उपचार । सुनि पितामह धर्म धरबर ज्ञानवान
सुधार ॥ बोहा ॥ बिनु अन्तर चिन्तन करत मोको जो यह बात ।

भासतिहै गम्भीर अति सुनिये भीषमतात ॥ दूरिहोय जिहि
 हेतसों यह संदेहमहान । तौनहेत हमसों कहो तुमहो परमसु-
 जान ॥ भीष्म उवाच ॥ जयकरी ॥ यहिपरसंग माहिं सुनुभूप । कहत
 एक इतिहास अनूप ॥ उत्तरदिशासाथ अति स्वक्ष । अष्टावक्र
 ऋषीको दक्ष ॥ तामें है सम्बाद अनूप । सुनिये तौन युधिष्ठिर
 भूप ॥ चरणकुलक ॥ गृह आश्रमकी इच्छाकरिकै । अष्टावक्र ऋ-
 षी मुदभरिकै ॥ ऋषिवदान्यसों मांगीकन्या ॥ नामसुप्रभा जे-
 हिको धन्या ॥ महासुन्दरी परमअनूपा । लजै चन्द्र जिहिको
 लखिरूपा ॥ शीलसुभाव गुणनसों मोहै । ऐसी सुन्दरिनैनीको
 है ॥ अष्टावक्र ऋषीके मनको । मोह्यो जिहिंदिखायकैतनको ॥
 ऋतु बसंतके माहींनीके । फूलेफरे वृक्ष अतसीके ॥ जैसे तुरि-
 तहिं मनको मोहत । मोहि लियो तिमि ऋषिको जोहत ॥ ऋ-
 षि वदान्य तबबोलत भये । तपके परम तेजसों ह्वये ॥ चरणा
 दोहा ॥ कन्या तुमकोदेहैं पर यकसुनो हमारी बात । अष्टावक्र
 ऋषितपवर ज्ञानवान अवदात ॥ जयकरी ॥ पुण्यमयी उत्तरदि-
 शिजाउ । लखिहौ तहां सुनहुं ऋषिराउ ॥ अष्टावक्र उवाच ॥ उहां
 जाय का लखिहैं तौन । कहो मोहिं ऋषि प्रज्ञाभौन ॥ जैसो
 कहिहौ हमकोआप । तैसो करिहैं पुण्य कलाप ॥ वदान्य उवाच ॥
 कुवेर अगार हिमाचल पर्म । उलंघि इन्हैं तुम जाहु अभर्म ॥
 अगार तहां शिवको अतिस्वक्ष । अमंद बिलंद अनूपमदक्ष ॥
 दोहा ॥ सेवित जो चारणनसों अरु सिद्धनसों पर्म । रहत जहां
 बहुपारषद बहुमुखके सहधर्म ॥ युक्तताल सुरवाद्यसों शिवहि
 रिभावत गाय । बांछि बांछि शिवके सुस्तव नाचि नाचिसह-
 चाय ॥ शिवको प्यारो लगत अति रहततहां नितसर्व । महा
 दिव्य हम सुनत हैं मुनि तपवान अखर्व ॥ शेरठा ॥ करीशंभुके
 काज तहां तपस्याअम्बिका । यातेलगतदराज प्यारोशिवअरु
 शक्तिको ॥ दोहा ॥ पारसगिरिके पूर्वअरु शिवके उत्तरपर्म । तहैं

उपासना करत हैं शिवकी देवअभर्म ॥ चरणादोहा ॥ तौनहुँथान
 उलंघि जाइयो आगे तुम ऋषिराज । तहां देखिहौ नीलवन
 धनके सदृश दराज ॥ मनहर अति रमणीयहै ता वन में एक
 दार । लखिहौ अष्टावक्र तुम तपके परम अगार ॥ तपसिन
 अरु अतिही वृद्धा महाभाग्य सहतौन । यज्ञक्रियामें निपुण
 अति सुनहु सुऋषि बुधिभौन ॥ दरशन पूजन योग्यदा रहैं
 तौन सुऋषिवर । ताहि देखि फिरिआउ तबै तुम करहु ग्रहण
 कर ॥ यह संकेतहि सिद्धि करणको जाहु आपुअब ॥ अष्टावक्र उ-
 वाच ॥ तुमजो कह्यो बदान्य सुनहु सो करिहैं हमसब ॥ दोहा ॥
 जहां जायबे को कह्यो हमको तुम ऋषिराय । तहां जायहैं होहुँ
 तव बचन सिद्धिसुखदाय ॥ भीष्म उवाच ॥ सोरठा ॥ सुनहुँ युधिष्ठिर
 भूप अष्टावक्र ऋषीशवर । उत्तर दिशिहि अनूप चले भरे
 अतिहर्षसों ॥ रामगीती ॥ जायकै हिमवान गिरिपै तहांते सुनि
 भूप । गये सरिता बाहुदामें भरी सलिल अनूप ॥ जायकै पुनि
 विमलचारु अशोक तीरथबीच । न्हाय शुचिहवै देवतन को
 कियेतृप्त निभीच ॥ बनै आसन कुशाको तहँ बसे वरऋषिरा-
 य । कै व्यतीत निशाहि उठिकै प्रातन्हाय सचाय ॥ अग्निको
 प्रज्वलित करिकै करी अस्तुतिस्वक्ष । सुनि युधिष्ठिर परम अ-
 ष्टावक्र ऋषिमतिदक्ष ॥ चरणा दोहा ॥ जायहर रुद्राणी माहीं तहां
 रहे कछुबार । चले फेरि कैलाश पर्वतहि ऋषि वर सुमतिअ-
 गार ॥ जयकरी ॥ तहां धनदको कांचनद्वार । देख्यो ऋषिवर
 सुमतिअगार ॥ अरु मन्दाकिनि नदिकाचारु लखी सलिल
 सों भरी सुठारु ॥ नलिनीको वर विपिनि अनूप । देख्यो तहां
 ऋषीमुदरूप ॥ नलिनी बनके रक्षकजौन । मणिभद्र आदिक
 सब तौन ॥ लखिकै ऋषिको उठे सचाय । सुनहु युधिष्ठिर हे
 नरराय ॥ मणिभद्र आदिकको परम । आदर कीन्हों ऋषी स-
 धर्म ॥ सबसों कह्यो ऋषीइमिबैन । सबतुमजायधनदकेऐन ॥

कहो धनदसों इमिवरबात । अष्टावक्र आयअवदात ॥ चरणा-
कुलक ॥ ते राक्षससब बोलत भये । मणिभद्र आदिक मुदछये ॥
आपुहि आवत पासतुम्हारे । भूप धनद महिमासों भारे ॥
तुम्हरो आवन कारण जाना । धनदराय यशवान महाना ॥
देखो इनको तुम ऋषिराजा । तेजवानमतिमान दराजा ॥ यक्ष
राज इतने में आये । ऋषिसों बूझि कुशल मुदछाये ॥ पुनि
ऋषिसों इमिवोलतभये । यक्षराज अति रतिसोंरये ॥ आये
सुखसों तुम ऋषिराजा । कहोआपु आवनकोकाजा ॥ जो तुम
कहिहौ सो हम करिहैं । और न भाव हिये में धरिहैं ॥ करो ह-
मारे भवन प्रवेशा । ऐसे कहतभयो यक्षेशा ॥ कृतकराय सत
कारित कैकै । आपुजाइयो मुदसों कैकै ॥ ऐसे कहि ऋषिको
संगलये । अपने गृहको आवतभये ॥ ल्यायगेहते आसन
दीन्हो । बिधिसों ऋषिको पूजनकीन्हो ॥ बैठे मोदभरे अति-
दोऊ । जिनकी समताको नहिंकोऊ ॥ मणिभद्र आदिक गण
आये । बैठतभये मोदसों छाये ॥ और यक्ष किन्नर गन्धर्वा ।
बैठतभये आयकैसर्वा ॥ बैठेआय सबै तबनीके । बोले बचन
यक्षपतिसीके ॥ जौसुहोय आज्ञातवनीकी । नाचैतौसुअप्सरा
सीकी ॥ चरणादीहा ॥ शुश्रूषा तब कीबोचाही अष्टावक्रऋषीश ।
दक्षयक्षपतिऐसेबोले पाण्डवसुनहुमहीश ॥ अष्टावक्र ऋषीश
तब बोले इमि सुनिबैन । होयनृत्य सुनि यक्षपति महा बुद्धिके
ऐन ॥ रागगीतो ॥ उर्वरारम्भा सुकेशी उर्वशी रतिचारु । घृताची
चित्रांगदासुमुखी सुपर्मसुदारु ॥ दोहा ॥ अलम्बुषाअरुमनहरा
चित्रापरमअनूप । प्रशमीदान्ता बिद्युता हासनि प्रभास्वरूप ॥
बिद्योतारुचिअप्सराइतनीनचतिसभाय । औरकितीनचतीभई
सुंदरि परमसचाय ॥ चरणादीहा ॥ भये बजावत बहुप्रकारकेबाजा
वरगन्धर्व । नाचदेखिअरु बाजासुनि ऋषिमोदितभयेअखर्व ॥
प्रवृत्तिभये गन्धर्व रागकी अतिही दिव्यअनूप । रागमाहिं

अतिलीनहोय ऋषि बसेतहां मुदरूप ॥ बत्सर ऊपर बितेकिते
 दिन नाचलखत ऋषिराय । यक्षराज तब ऐसे ऋषिसों कह्यो
 मोदसों छाय ॥ यह जो विषय मनोहर अतिहै गांधर्व याको
 नाम । जैसे कह्यो आपु यह तैसे प्रवृत्तरहै बुधिधाम ॥ पूजनीय
 हौ अतिथिहौ है तुम्हरो गृहएह । जौनकरो आशा तुम हमसों
 करेंतौन बुधिगेह ॥ चरणकुलक ॥ तब ऋषि ऐसे बोलतभये । यक्ष
 राजसों मुदसों रये ॥ तुमसों हम अति आनंदपायो । रहोधाम
 तब मुदसों छायो ॥ यथायोग्य हम पूजित भये । तुमसों यक्ष-
 राज बुधिब्रये ॥ सुनहु यक्षपति जैंहैं अबहम । तुम्हैं योग्य है
 कियो जानतुम ॥ दोहा ॥ यक्षराज तुमपैभये हमप्रसन्नहैंपर्म
 बुद्धिमान सब योग्यहौ बरयशवान सधर्म ॥ रामगीती ॥ आपु
 के परसादते सुनयक्षराज सुजान । औ बदान्य ऋषीशकी
 आज्ञासुनो मतिमान ॥ जायंगे हम होहु तुमवर ऋद्धिमान
 महान । दैयकै आशीश श्रीदहि महाऋषि तपवान ॥ चले
 उत्तरदिशाको आनन्दसों हियछाय । परमगिरि कैलाशमन्दिर
 हैमनांघि सचाय ॥ धर्यो वपुष किरातको जहैं महादेव अनू-
 प । भये पहुँचत भये तहां अष्टावक्र ऋषि तपरूप ॥ सुनि यु-
 धिष्ठिर नम्रकै ऋषिप्रेम गहिकै पर्म । थानकी परदक्षिणाकी कै
 प्रणाम सधर्म ॥ उतरिकै भूमाहिं परसन होतभे ऋषिराय ।
 तीनबेर प्रदक्षिणाकै अचलकी ऋषिराय ॥ परमसम भूमाहिं
 उत्तर चले सुऋषिसुजान । जाय आगे भये देखत परम सुंदर
 थान ॥ तौनथल रमणीय बनसों परम भूषितस्वक्ष । सर्वऋतु
 में फूल फलसों युक्त जो सुनिदक्ष ॥ युक्त अरु पक्षीणसों कल
 शब्दघारे जौन । तहां एकअति स्वक्षआश्रम भये देखततौना ।
 लखे विविधाकारके गिरि हेमके अतिचारु । लसैं जिनके स्तन
 भूषित शिखर उच्चसुन्दर ॥ लखी पुनिमणि भूमिमाहीं परम
 वापीस्वक्ष । और धल रमणीय लखिकै सुनहु भूपतिदक्ष ॥

रमितभो मनअतिहि अष्टावक्र ऋषिकोपम्म । तहां देख्योएक
 कंचनसौधसु ऋषि अभम्म ॥ सर्वमणिसों जड़ित अरुबरधनद
 गृहसोंचारु । लसत चारोंओर जिहिके हेमअचल सुठारु ॥
 अतिहिरम्य विमान जेहां रत्नरभ्यअनेक । लखत मोदितभये
 अष्टावक्र ऋषि सबिवेक ॥ लसतमणितहँपम्म परमामयीभूरि
 सुठारु । आपनीही प्रभासों जे प्रकाशितहँ चारु ॥ चरणादोहा ॥
 हीरनसों भूषितहँ तहँकी भूमि अमंद अनूप । धम्मवान यश
 वानवर सुनहुं युधिष्ठिरभूप ॥ हीरनके तोरणसों भूषित शोभा
 भरेअमन्द । चारो ओर सौध हँ जाके ऐसे परमबिलन्द ॥ ला-
 गी मोतिनकी हँ भालरि जिनमें परमसुठार । ऐसेचारुचांदनी
 जिनसों सोहतताआगार ॥ मोतीदाम ॥ ऋषीनसों स्वच्छ विभू-
 षितजौन । मनोहर पम्मलरूयोथलतौन ॥ तपस्वनि कोसुकहा
 बरबास । भयो यह संशयको परकास ॥ चहुंदिशि देखि ऋषी-
 शसुजान । भयोइमिबोलत बैनसुठान ॥ जयकरी ॥ अतिथिइहां
 हम आये एह । जानैजौन होयइहिगेह ॥ यहसुनि सप्तसुकन्या
 चारु । निकसींगृहते परमसुठारु ॥ सबहिमनोहरिपर्मसुजानि ।
 महामनोहर जे बरखानि ॥ जिहि जिहिकादेखत ऋषिरायातेते
 मनको हरति सचाय ॥ दोहा ॥ ऐसो मन तिनमें लग्यो लखिकै
 तिनकोरूप । वारणकरिवेयोग्यनहिं भयेऋषीशअनूप ॥ भयेधरत
 जब धीरता अष्टावक्र ऋषीश । तब कन्याबोलति भई सुनिये
 वर धरणाशि ॥ प्रज्ज्वली ॥ करिये प्रवेश गृहमाहिं आप । सुनिये
 ऋषीश वरतप कलाप ॥ कौतुक समेत ऋषि गेहबीच । कीन्हों
 प्रवेश सुनि नृपनिभीच ॥ पहिने सुवसन वर अतिहि चारु ।
 अरु सर्व परम भूषणसुठारु ॥ बैठी सुपलंगपै अतिहि स्वक्ष ।
 वृद्धासुदारदेखी सुदक्ष ॥ आशीरवाद दीन्हों सु ताहि । ऋषि
 राय मोद सह ताहि चाहि ॥ इमि कहत भई उठिदार बैन । ऋ
 षिराय बैठिये तेज ऐन ॥ अष्टावक्रउवाच ॥ जो शान्त ज्ञानवंतीसु-

होय । तुम सर्वमाहिं ये कहहु सोय ॥ अरु और बाम निजनिज
 सुऐन । सबजाहुहमारे सुनि सुबैन ॥ दोहा ॥ सुनि यहबैन ऋ-
 षीशकी करि प्रदक्षिणा सर्व । अपने अपने गृहगई वृद्धारही,
 अखर्व ॥ सौरठा ॥ करहुशयन ऋषिराययह अतिसुन्दर सेजपरा
 वृद्धा कह्यो सचाय ऐसे अष्टावक्र सों ॥ सुनिवृद्धाके बैन ऐसे
 ऋषि तपनिधि कह्यो । तुमहुं करिये शैन बीतीहैरजनी बहुत ॥
 अन्तगुरुतोमर ॥ सुनिबैन ये ऋषिरायके । अति स्वच्छ सुंदरभाय
 के ॥ दोहा ॥ बैठी दूजीसेज परवृद्धा परम सुजानि । सुखदाशो-
 भासेमई वर रमणीय महानि ॥ रामगीती ॥ कछुक पीछे काँपती
 अति दार वृद्धाजौन । मोहिं लागो शीतहै कहिबैन ऐसे तौन ॥
 जायबैठी सेज ऊपर ऋषीकी अतिस्वक्ष । आउबैठो कह्योउठि
 कै ऋषी सादर दक्ष ॥ भुजाभरिकै ऋषीजूको लयेउरसोंलाय ।
 भो बिकारित नाहिं ऋषिको चित्तलखि तियभाय ॥ ऋषीअष्टा
 वक्रजूको काष्ठवत लखि बाल । भई कहती ऋषीसों इमि होय
 कै बेहाल ॥ कामसों हमभई मोहित सुनहुं हे ऋषिराय । चाह-
 तीहैं तुम्हें हमको चहौ तुमहुंसचाय ॥ होय कामीकरहु मेरेसा-
 थमाहिं विहार । कामसोंहम दुखित हवैकै कहतिबुद्धिअगार ॥
 अरिल ॥ तुम से कामारत हैं हम अति । करु आलिंगन हम सों
 गहिरति ॥ यह तव तपको है उत्तम फल । सुनहुं ऋषीवरधर्म
 वान कल ॥ दोहा ॥ धन आलय अरु वस्तुजे देखतहो ऋषि
 आप । तिनके हौप्रभु आपुही सुनिये धर्मकलाप ॥ अरु मेरेहू
 आपुही हौ प्रभु हे मतिमान । यह में नहिं संदेह है धर्मवान
 यशवान ॥ प्रज्ञमाली ॥ यह जो अनूपवर बन सुठार । तिहिमाहिं
 करो मोसँग विहार ॥ सब कामदानिहै विपिन येह । सुनि सु-
 ऋषि महा तपबुद्धिगेह ॥ हम काम सिद्धि करिहैं तुम्हार । सब
 सुनहु ऋषीवर बुधिअगार ॥ सुन्दरी ॥ मो सँग में करिये सु-
 बिहारहि । मैं बश हौं ऋषिराज तुम्हारहि ॥ देवनके अरुमानुष

के सब । भोग महा मिलिहैं तुमको अब ॥ रामगीती ॥ पुरुषसंग
विहारजो सो तियनको सुखपर्म । और सुख न समान इहिकी
सुनहुँ सुऋषि सधर्म ॥ भई प्रेरित कामसों जे बामहेऋषिराय ।
चलतिइच्छा आपनी सों बामते सहचाय ॥ भई प्रेरित काम
सों ते तत्त बारूमाहिं । चलति हैं पै उन्हेंतातीजानिजातीनाहिं ॥
अष्टावक्रउवाच ॥ करत नहिं परदारके हम साथमाहिं विहार । धर्म
शास्त्र सुमाहिं दूषित है सुयह हे दार ॥ घोरठा ॥ गृह आश्रमके
बीच इच्छाभई प्रवेशकी । मो मनमाहिं निभीच बुद्धिधामवर
बामसुनि ॥ हैं हम अवहिं अजान विषयमाहिं हे दारसुनि ।
सन्तति चहत सुजान काजधर्म सुखसाजको ॥ रामगीती ॥ धर्म
जनित सुपुत्र सो शुभलोकको हमपर्म । प्राप्तहवैहैं सुनहु वृद्धा
दार अतिहि अभर्म ॥ होहु निवृत्तिहि प्राप्ततू हे जानिकै बर
धर्म ॥ स्त्रीउवाच ॥ अग्नि मारुत वायु आदिक देवता हैं जौन ।
तियनको नहिं लगत प्यारे सुनहु प्रज्ञा भौन ॥ लगै प्यारो
बामको है परमकेवलकाम । बामकीरति रहति रतिही माहिं हे
बुद्धिधाम ॥ होतिरतिमें निपुण एकै बाम सहसन बीच । पति-
ब्रता यक होति लक्षणमाहिं सुनहु निभीच ॥ दारनहिं पितु
मातु जानै औ न देवर आत । पतिहि जानै नाहिं औ नहिंपुत्र
को अवदात ॥ जानती है एक केवल कामकेलि सचाय । स-
रितजैसे आपनेबर कूल देति गिराय ॥ हनति इमिही कुलहि
अपने दारते ऋषिराय । प्रजापति सब दोष लखिकै कहे ये
तिथभाय ॥ भीष्मउवाच ॥ सुनि युधिष्ठिर ऋषी अष्टावक्र सुनिकै
येह । दार दोष विचार ते इमि कहत भे बुधिगेह ॥ होय चुप
कै चित्त थिरता माहिं बैठो दार । जानतीहो आपमन्मथ केलि
को व्यवहार ॥ करतिइच्छाहौ हमारी हेत यहिते चारु । हमन
जानैकामकेलिहि सुनहुवृद्धादारु ॥ करतइच्छानाहिंयाते आप
की हमपर्म । कहत भे इमिदारसोंऋषि सुनहुँभूपसधर्म ॥ जौन

करतरक्षा पितासुनहेदार । तरुणई में करतरक्षा नित्यहीभरतार ॥
 पूतरक्षा करत वृद्धापनेमें अनुमानि । प्रजापतिके बैनये हैं
 सुनहुं तिय मतिमानि ॥ स्त्री उवाच ॥ देत हमको कामदुखअति
 सुनहुंहे ऋषिराज । करहुयहिको शान्ति मेरीभक्तिदेखि दराज ॥
 मो मनोरथसिद्धिजो नहिं करौगे ऋषिआपु । तौअधर्महिप्राप्त
 कैहौ सुनहुं तेज कलापु ॥ अष्टावक्र उवाच ॥ जाई आवत चित्तमें
 जन करत सोई जौन । काम क्रोधादिकन सों अति लहतदुख
 कोतौन ॥ धीरता सों रहतहैं हमयुक्त नितिहेदार । जाहुअपनी
 सेजपै मम सेज ब्रोंडि सुदार ॥ स्त्री उवाच ॥ सुनहुहे ऋषिरायतुम
 कोकरति हमपरणाम । नायमस्तकचरणमाहीं भक्तिगहिकैमाम ॥
 रावरी हम शरणमें हैं करहुदायापर्म । कहत पुनिपुनि जोरिकरु
 हम सुनहुं सुऋषि सधर्म ॥ दोष परतिय माहिं जानौ तौ सुनौ
 ऋषिराय । पाणि ग्रहण करावती हैं तुम्हें हमहिं सचाय ॥
 करौ तुमकर ग्रहणजासों लगै नाहींदोस । सत्यतुमसों कहति
 हौं मिटिजायगो अपसोस ॥ हमहमारे दानमें स्वाधीनहे ऋ-
 षिराय । कहति याते आपुसों हम बेर बेरसचाय ॥ देहा ॥ पा-
 णिग्रहण को धर्म जो सोऊ मेरोहोत । सुनिये अष्टावक्रऋषि
 तप तेजसके पोत ॥ लगो रहत है चित्तमम तुममें हे ऋषि-
 राय । ग्रहण हमारो कीजिये याते आपुसचाय ॥ अष्टावक्र उवाच ॥
 कैसे तुम स्वाधीनहौं सुनो सबृद्धाबाम । बूझत हैं हम आपसों
 याको कारणमाम ॥ सौरठा ॥ कहूंनहीं स्वाधीन तीनहु लोकन
 माहिं तिय । अष्टावक्र प्रवीन ऐसे कह्यो सुबामसों ॥ रामगीती ॥
 कुमारी की करतरक्षा पिताहे सुनु दार । परमयौवनमाहिं रक्षा
 करत है भरतार ॥ करतरक्षा पुत्र वृद्धापने में हे वाम । कहां है
 स्वाधीननारी कहत मतिसों माम ॥ स्त्री उवाच ॥ लरिकई सोंगहे
 हैं हम ब्रह्मचारय धर्म । सुनो ऋषि कन्याहि हैं हम हेतते यह
 पर्म ॥ करहु पत्नी मोहिं मोपै कै कृपा तुमभूरि । कहत मैं कर-

जोरि जनि मम करहुश्रद्धा दूरि ॥ अष्टावक्रउवाच ॥ अरिल ॥ जानत
कामातुरि तोको हम । ऐसेही जानो हमको तुम ॥ पै अति अ-
धरम जानि हियेमहिं । तोसों करत सुकाम केलिनहिं ॥ कन्या-
रूप देखि ऋषिदारहि । करतभये मनमाहिं बिचारहि ॥ चरणा
देहा ॥ ऋषि बदान्यमम करणपरीक्षा भेजीहै यहबाम । कीयह
कोई विधन महाहै होत आचरजमाम ॥ कैतो बृद्धा बामही यह
शिथिलांगीपर्म । कैतो यह कन्याभई अति सुंदरी सधर्म ॥ कि
मिहवैहै कल्याण हमारो यहस्थानके बीच । इमि मनमें गुणते
भये अष्टावक्र निभीच ॥ संगीती ॥ अतिहिजीरणरही वृद्धापुर्व
यहजो दार । भई है किहिभांति कन्या अबहिंपर्मसुठार ॥ करै-
गे हम नाहिं यहशुचि दारको स्वीकार । छोड़िहैं नहिं धर्म को
अरु धीरताहि सुठार ॥

इतिश्रीमहाभारतदर्पणदानधर्माष्टावक्रदिगसम्बादेविंशोऽध्यायः २० ॥

जयकरी ॥ क्यों नहिंडरी शापसों बाम । अरुफिरिआये किमि
ऋषिमाम ॥ सुनहु पितामह सबुधिसधर्म । कहो हेत हमसोंयह
पर्म ॥ भीष्मउवाच ॥ सुनहुं युधिष्ठिरबुद्धिअगार । कहत हेततुमसों
यहचार ॥ अष्टावक्र ऋषीश सधर्म । बूझत भये दारसों पर्म ॥
और और किहिभांति सुरूप । धरती है तुम परमअनूप ॥ या-
हिजानिवे की हेतीय । है अभिलाष हमारेहीय ॥ हमसों कहो
सत्यगहि भूरि । करहु हमारो संशयदूरि ॥ स्त्रीउवाच ॥ थिरहवै
कै ऋषि सुनहुं सधर्म । यह वृत्तान्त कहतिहोंपर्म ॥ तियकोप्रेम
पुरुषके बीच । पुरुषहुको तियमाहिं निभीच ॥ रहतसर्व लोकन
में नेह । सुनि हे सुऋषि बुद्धिके मेह ॥ एक मोक्षहीहै निष्काम ।
और सर्व है लोकसकाम ॥ इसी सहितधर्मयह जौन । हैसका-
म पुरुषनको तौन ॥ जो निष्काम पुरुषहै पर्म । तिनको नाहीं
है यहधर्म ॥ अरिल ॥ तब थिरता कीबेके काजहि । हम ये चेष्टा
करी दराजहि ॥ यह सुधीरतासों हे ऋषिवर । जीते सबलोक

तुम तपधर ॥ सुनहुँ सुलखिहम हैं उत्तरदिशि । तुमको भाव
 दिखाये तियमिसि ॥ देखे भाव तियनके तुमअब । भावदिखाये
 तुम को हमसब ॥ भारठा ॥ सुनि हे ऋषितपभौन वृद्धाहू नारीन
 को । मैथुनको ज्वरजौन नित सतावतै रहत है ॥ अष्टवक्रऋ-
 षिराय है तुममें यह धीरता । तबै देव समुदायहै तुमपै परसन्न
 अति ॥ आये तुम जिहकाज भेजे सुऋषि बदान्यके । तौन
 काज ऋषिराज सिद्धि कियेहम आपके ॥ जयकरी ॥ तीयस्वभाव
 दिखावनकाज । अरु कामेच्छा परमदराज ॥ तुमको भेजेहैंहम
 पास । सुऋषि बदान्य सुमतिके रास ॥ ताको कियो तुम्हें उप-
 देश । हम हैं अष्टावक्र बुधेश ॥ जावो अबधर मुदसे आप ।
 लहिहौ नहीं परिश्रमदाप ॥ मिलिहै तुमको कन्यातौन । जिहि
 कारण आये बुधिभौन ॥ पुत्रहु ताके ह्वैहै पर्म । सुनिये अष्टा-
 वक्रसधर्म ॥ अरिल ॥ जिमिसकाम बूझो हमको तुम । तिमिस-
 काम दीन्हों उत्तरहम ॥ जावो ऋषि अब अपनेधामहिं । करि-
 कै तुम करतव्य सुकामहिं ॥ कहासुननकीइच्छा है अब । बूझो
 जौन कहैं तुमसोंसब ॥ चरणकुलक ॥ ऋषिवदान्यहमपासपठायें ॥
 तुमको सुनहुँ सुऋषि बुधिछाये ॥ उनको सनमानै के काजै ।
 कीन्हों यह उपदेश दराजै ॥ भीष्मउवाच ॥ भारठा ॥ सुनहुँयुधिष्ठिर
 भूप अष्टावक्र ऋषिशबर । सुनिये बैन अनूप उत्तरदिशि तिय
 रूपके ॥ दोउ हाथनकोजोरि बैठे सोहेंदरके । फेरिसुमाथ नि-
 होरि आज्ञालै निजगृह गये ॥ महिषकरी ॥ आय अपने सदन में
 ऋषिरायअति मदसोंछये । कछुकदिन रहि बूझिअपनेहितुनको
 रतिसों रये ॥ चले सुऋषि बदान्यके गृहको सुचाव महानसों ।
 पहुंचिगृहमें बातकरते भये सुऋषि बदान्यसों ॥ चरणकुलक ॥
 ऋषिवदान्य तब बोलत भये । अष्टवक्रसों मुदसोंछये ॥ हम
 पठये हे तुमको जहां । अष्टावक्र गयेहे तहां ॥ वहअस्थान जा-
 यकै देख्यो । अतिरमणीय प्रभासों भेख्यो ॥ ऋषिवदान्यकी

सुनियहबानी । बोलेअष्टवक्रऋषिज्ञानी॥सुनहुऋषीश बदान्य
सुमतिधर । आज्ञापाय तुम्हारी अतिबर ॥ रामगीती ॥ गन्धमा-
दन पर्वतहि हमगये पर्मसचाय । जाहिदेखें कौनकोहियहर्षसों
नहिंछाय ॥ जासुउत्तर लख्योहम आरण्य सघन बिलन्द ।
तासुमाहीं लख्योयकवर धाममाम अमन्द ॥ लखीतिहि आ-
गारमाहीं एकवृद्धादार । करत बातें भयेतासों सुनहुं बुद्धि अ-
गार ॥ मोदसों तिहि दार मेरोकियोआदरपर्म । कहतभोपुनि
इमिसुमोसों दार तौनअभर्म ॥ पायसुऋषिवदान्यकी आज्ञाहि
तुम ऋषिमाम । कृपाकरिकैं आपआये हौ हमारेधाम ॥ सोरठा ॥
तिहिकी आज्ञापाय आये अपनेसदनमें । फिरिवदान्य ऋषि-
रायआये हम तवसदनमें ॥ बदान्युवाच ॥ चरणाकुलक ॥ कन्यापाणि
ग्रहण अवकरिये । महामोदसों हीको भरिये ॥ पर्मसुपात्र
पायकैं तुमको । भयो अनन्द महाहै हमको ॥ भीष्मउवाच ॥ सुनहुं
युधिष्ठिर वरधरणीशा । यह सुनि अष्टावक्र ऋषीशा ॥ पाणि
ग्रहण कीन्हों कन्याको । जिहिकीसम जगमें धन्याको ॥ सोरठा ॥
ऋषि कन्याकोपाय अतिही मोदित होयकैं । निज आश्रम में
आय बसतभये भार्यासहित ॥

इतिश्रीमहाभारतदर्पणदानधर्मेअष्टावक्रदिगसम्वादेएकविंशोऽध्यायः २१

युधिष्ठिरउवाच ॥ जयकरी ॥ कारण गृह आश्रमको काम । जान्यो
सो तुमसों बुधिधाम ॥ सुऋषि सनातन पर्म्म अमन्द । जिन-
की महिमा महा बिलन्द ॥ दान पात्रते कहत सुकाहि । कहो
तात अब यह अवगाहि ॥ रामगीती ॥ ब्रह्मचारिहि कहतहैं की
यतीको अबदात । दण्डवानहिं कहत हैं की बिप्रको हे तात ॥
भीष्मउवाच ॥ जीव काको उचित वृत्तिहि करत हैं जन जौन ।
तौनही है दानपात्र सु कहतप्रज्ञाभौन ॥ तौनहीहैतपस्वीसुनि
धर्मवान सुतात । ब्रह्मचारी होहु वा द्विज दण्डवतअवदात ॥
युधिष्ठिरउवाच ॥ सुनि पितामह जौनजन अपवित्र होय महान ।

तौन जन सुर पितर काजै देय विप्रहि दान ॥ होत तिहिको दोषका अपवित्रताको पम्म । कहो हमको आपु भीषम ज्ञानवान अभम्म ॥ भीष्मउवाच ॥ जौन जन हैं देत श्रद्धा सहितदान महान । तौन होत पवित्र श्रद्धा सोहि हे मतिमान ॥ तोमर ॥ बर सर्व बिधिसों शुद्ध । तुमहौ युधिष्ठिर बुद्ध ॥ बर धर्मवान अभमन्द । तुमसों न और नरेन्द ॥ युधिष्ठिरउवाच ॥ रामगीती ॥ निर्ज रार्थ दानमाहीं कहत हैं मतिमान । पात्रकी कीजै परीक्षा नाहीं सुनहुं सुजान ॥ पात्रकी कीजै परीक्षा पिता दान सुमाहिं । सुनहुं भीषम तात तुमसों कहत मैं अवगाहि ॥ चरणाढोहा ॥ श्रद्धाहीसों लहत सुनहुं जोजन पवित्र धम्म । पित्रदानहुमें नहिं चाही पात्रपरीक्षा पम्म ॥ भीष्मउवाच ॥ सारठा ॥ देवकम्म फल जौन देवतहीसों होत सिधि । द्विजके गुणते तौन सिद्धि होत नहिं सुनि नृपति ॥ यह कारणते पम्मदेवारथके दानमें । सुनि अवनीप सधम्म पात्र परीक्षा नहिं करिय ॥ दोहा ॥ श्रद्धाप्यारी धम्महै देवनकोहेतात । यातेश्रद्धा सहकरै देवकार्य्यअवदात ॥ रामगीती ॥ पितर कारय होत सिधि लहि द्विज अनुग्रह पम्म । सुनहुं याते चाहिये द्विजमाहिं बिद्याधम्म ॥ पितर पूजनमाहिं चाही वेदविद द्विज स्वक्ष । मारकण्डे कह्योहै यह सुमतसुनि नृपदक्ष ॥ महिखरी ॥ अग्निमुख हैं देवता अरु पाणिमुख सब पितर हैं । आश्वलायन कह्यो है यह ऋषिन्हमें जे सुबर हैं ॥ अग्नि आपुहि शुद्ध याते तृपित सब सुरको करै । पाणि तौ सतपात्रहीको पितरको मुदसों भरै ॥ रामगीती ॥ सुनहुंसुत यह हेतते बर पितर कारय बीच । पात्रकी कीजै परीक्षा कहतबुद्धि निभीच ॥ युधिष्ठिरउवाच ॥ ज्ञानवान अपूरबी अरुतपस्वीवरपर्म । यज्ञशील सुनु औ सम्बन्धी सुनहु तात सधम्म ॥ ज्ञानवानहि आदिदैकै पंचजेहैं येह । पात्रभावसुहोतकैसे इन्हेंकहु बुधिगेह ॥ भीष्मउवाच ॥ सत्यता अकूरता सुकुलीनता अरु कम्म । वेदपढ-

नं सु कोमलाई औ सुलजता पम्म ॥ सुनहुं गुणसों तौन सो
 अति युक्तजैहें तीन । तपस्वी औ अपूर्वी अरु समन्धी सुप्रवी
 न ॥ दानपात्र सुजानि तेई पम्म प्रज्ञाभौन । होहिं जिहिमें नहीं
 ये गुण दानपात्र न तौन ॥ भूमि काश्यप मारकण्डे अग्नि को
 मतपम्म । कहत यहि परसंगमाहीं सुनहुं तौन सुधम्म ॥ भूमिरुवाच ॥
 मखकरावब औ पढ़ावब औ प्रतिग्रहजौन । वृत्तिहै इनत्रयनसों
 जिहि माहिं सुनि बुधिभौन ॥ परमऐसी विप्रकी सम्प्रत्तिताके
 बीच । बूढ़ि सर्वहि जातपावक कहत भूमि निभीच ॥ काश्यप उवाच ॥
 लसत जैसे शीलसों द्विज सुनहु नृप बुधिपोत । सुकुल सांख्य
 पुराणश्रुतिसों त्योंन शोभित होत ॥ अन्निरुवाच ॥ अरिल ॥ जौन वि-
 प्र पढ़ि कै विद्यावर । मानत आपुहि परमसुमतिधर ॥ विद्या-
 बलसों और विप्रकर । हरत यशहि सुनिनृपति कलुषदर ॥
 घोरठा ॥ यज्ञादिक जे कम्म तिन्हें नाहिं कबहुं करै । नष्टतासुके
 धम्म होत अग्नि इमि कहत है ॥ मारकण्डे उवाच ॥ दोहा ॥ अश्व
 मेध वरयज्ञको फल अरु सत्यमहान । तोले इन दोऊनको च-
 तुरानन मतिमान ॥ अर्धभयो नहिं सत्यके अश्वमेध फलजौन ।
 सुनहुं युधिष्ठिर धर्मधर पाण्डुसुवन बुधिभौन ॥ भीष्म उवाच ॥ राम-
 गीती ॥ भूमिकाश्यप मारकण्डे अग्निवर सरवज्ञ । गये ऐसे मो-
 हिं कहिकै सुनु युधिष्ठिर प्रज्ञ ॥ युधिष्ठिर उवाच ॥ श्राद्धमें भोजन
 कराये ब्रती द्विजको पम्म । सुनहुं भीषम तातताको भये नष्ट
 सुधम्म ॥ कहो हमसों श्राद्ध दूषित होत है की नाहिं । बूझतोहों
 आपुसों में चित्तमें अवगाहि ॥ भीष्म उवाच ॥ गुरु आज्ञा पाय
 द्वादश वर्षलोंको पम्म । धरो जिहि व्रत ब्रह्मचारय सुनहु तात
 सधम्म ॥ नशत ताको धम्म भोजन किये श्राद्धहि माहिं । श्रा-
 द्धदूषित होत है नहिं कहतहों अवगाहि ॥ युधिष्ठिर उवाच ॥ तोमर ॥
 बहु द्वारहै वरधम्म । बहु फलाकार अभम्म ॥ निश्चित्तधम्म
 सुकौन । हमसों कहौ तुम तौन ॥ भीष्म उवाच ॥ सति अहिंसा

अक्रोध । अरु चित्तको नितरोध ॥ ऋजुतारु सुनु भूपाल ।
 अक्रूरतारु विशाल ॥ निश्चितधर्म सुजेह । तिहिके सुलक्षण
 येह ॥ रामगीती ॥ धर्म अस्तुति करत जे जन फिरत भूकेबीच ।
 करत धर्महिं नाहिं अरु सुनि पाण्डुपुत्र निभीच ॥ तिन्हें जे
 जनदेत सुरभीरत्न हेमअनूप । वर्षदशलों तौनजन रहिनरकमें
 सुनिभूप ॥ खातविष्टा चर्मकारादिकन की नित जानि । और
 को जे पाप जाहिर करत दुर्मति ठानि ॥ तौनमानुष चर्मकारा-
 दिकनकी सम मानि । सुनु युधिष्ठिर धर्मधर बर कहत हम
 अनुमानि ॥ ब्रह्मचारी यतीको जे देत भोजन नाहिं । होत प्रा-
 पित जाय तेजन अशुभलोकन माहिं ॥ युधिष्ठिरउवाच ॥ कौन सो
 है धर्मवर अरु ब्रह्मचारय कौन । कौन सो है शौच श्रेष्ठ
 सुकहौ मतिके भौन ॥ भीष्मउवाच ॥ त्यागमदिरा मांसकोसोब्रह्म-
 चारयपर्म । गहव जो मर्यादको सो जानिबर अतिधर्म ॥ विषय
 ते इन्द्राइन को जो भिन्नकरिबोतात । शौचसों अतिश्रेष्ठहै बुध
 कहत हैं अवदात ॥ युधिष्ठिरउवाच ॥ कहो भीषम कीजिये किहि-
 कालमाहीं धर्म । औ कहौ किहिकालमाहीं काम सेवन पर्म ॥
 पञ्चमली ॥ अरु अर्थकरै किहि कालबीच । कहिये सुतात हमको
 निभीच ॥ भीष्मउवाच ॥ उठि प्रातकाल करिये सुअर्थ । पुनि धर्म
 करै सुनु सुत समर्थ ॥ पश्चातकाम करिये सुपर्म । मतिमान
 कहत बर हैं अभर्म ॥ चरणाकुलक ॥ गुरुकोपूजै द्विजको मानै । का-
 हूमेंन विरोधहि आनै ॥ सबसों कहै प्रेममयबानी । गहिकोमल-
 ता परम महानी ॥ मधुभार ॥ यहजौन धर्म है सुखदपर्म । बुधक-
 हत स्वच्छसुनु सुवनधर्म ॥ चरणा देहा ॥ भूठन्यायमें कपटगुरु
 सों चुगुली जौन । द्विजहत्यासम ये औगुणहैं कहत सुबरबुधि
 भौन ॥ राजाको नाहिं मारिये आनहिं हनियेगाय । बालकहत्या
 समइनकी है हत्यासुननरराय ॥ देहा ॥ अग्निहवनको छोड़िबो
 अरुश्रुति पठन अनूप । द्विजनिंदा अरु विप्रकी हत्या सम ये

भूप ॥ युधिष्ठिरउवाच ॥ जयकरी ॥ साधु विप्र कैसेहैं होत । कहौ पि-
तामह प्रज्ञापोत ॥ काहिदिये फल होतमहान । यहौ कहौ हम
सोंमतिमान ॥ भोष्मउवाच ॥ क्रुधसोंरहो धर्मरतपर्म । नित्यहिं बोलै
सत्य अभर्म ॥ कियेरहैं इन्द्रीबश सर्व । ऐसे द्विज ते साधु अ-
खर्व ॥ तिन्हैं दिये फल होत महान । सुनहु युधिष्ठिर नृप मति-
मान ॥ अरु अभिमान रहित द्विजजौन । जीतैं सब इन्द्रीबुधि
भौन ॥ सब जीवनके मित्रमहान । शीतादिक सब सहैं सुजान ॥
ऐसे जेहैं द्विजवर भूप । तिन्हैं दिये फल होत अनूप ॥ रहित
लोभसों अतिही स्वक्ष । अरु वेदज्ञ धर्मरत दक्ष ॥ सत्यमान
अरु लज्जावान । स्वकरम निरत परममतिमान ॥ ऐसेजे द्विज
सुनु भूपाल । तिन्हैंदिये फलहोत विशाल ॥ षट्अंगन सह
चारोवेद । पढ़ैजौन द्विजहोयअखेद ॥ मर्यादा पालनअरुदान ।
यज्ञ शौच अध्ययन सुठान ॥ मदिरा आमिष तजिबोपर्म । सु-
नहु युधिष्ठिरयेषटकर्म ॥ इनमेंप्रवृत्तरहतद्विजजौन । ताकोपात्र
कहत बुधिभौन ॥ ऐसेजे द्विजहैं गुणवान । तिन्हैंदिये फलहोत
महान ॥ गुणसों परमयोग्यद्विजजौन । ताहिदियेसुनुप्रज्ञाभौन ॥
सहसगुणो आधिक फल होत । दाताको सुकहैं मतिपोत ॥ प्र-
ज्ञाशील युक्त द्विजजौन । तारतहैं सब कुलको तौन ॥ गऊअ-
श्वधन और महान । ताहि दिये सुनु भूप सुजान ॥ उपजैशोच
न चितके माहि । कहत तुम्हैंमें हौं अवगाहि ॥ अरिल ॥ दोषहि
रहित विप्र कुल तारत । परमअग्नि लौं अघतृण जारत ॥ पू-
रव उक्तगुणन सों जो युत । ताकी कहा बातहै सुनुसुत ॥ यहि
ते पात्र परीक्षा कीजिय । कहत सुबुधवरहैं गुणिकै हिय ॥ गु-
णयुत साधुविप्रजौ जानिय । कैसतकार दूरिसों आनिय ॥ सब
प्रकार सों पूजन कीजिय । करिकै वर उतपन्न प्रेमहिय ॥

इतिश्रीमहाभारतदर्पणेदानधर्मैद्वाविंशोऽध्यायः २२ ॥

युधिष्ठिरउवाच ॥ देवअरथ है कारजगौन । कौन कालमें कीजै

तौन ॥ पितर कार्य्य सो कौने काल । करिये कहो सुबुद्धि ब-
 शाल ॥ मीष्मउबाव ॥ महिखरी ॥ सुनहु पूरबकाल माहीं देवकारज
 कीजिये । पितर कारज जौन सो परकालमें करिलीजिये ॥
 दान सादर मनुज को मध्याह्न माहीं दीजिये । सुनियुधिष्ठिर
 कहतहैं मतिमानसोजुगुणीजिये ॥ मल्लिका ॥ कालहीनदानजौन ।
 यातुधान भागतौन ॥ जेसुबुद्धि हैं महान । ते कहैं सुनोसुजाना ॥
 जयकरी ॥ अरु लंगितहै वस्तुसुजौन । कलह पूरबककीन्होंतौन ॥
 रजस्वला को दीन्हों दान । राक्षस भागतौनहुं जान ॥ चरणा
 दोहा ॥ परोहोय जिहिमाहिं बारबाछुयो श्वानको होय । राक्ष-
 स भागजानिये ऐसो भोज्य कहत बुध लोय ॥ रामगीती ॥ और
 को उच्छिष्ट जो अरु दुष्टकीन्हों जौन । देव बालक वृद्धाबिनजो
 कियो भोजन तौन ॥ औ कियो बिन अतिथि ऐसो जौनभोजन
 भूप । जानि राक्षस भाग ऐसे कहत बुद्ध अनूप ॥ कौणपनको
 भागप्रापित कह्यो तुमसोंतौन । दानपात्रनकीपरीक्षा सुनोअब
 बुधिभौन ॥ जातिबाहिर भयेजेद्विज पापकीन्हेपर्म । स्वेत कुष्ठी
 औ नपुंसक महामूर्ख सभर्म ॥ पर्मकुष्ठी महारोगी अपसमारी
 जौन । वैद्य औ देवल पुजेरु अन्धदम्भी तौन ॥ वाद्यकर अरु
 नृत्यकर अरु गानकर जे पर्म । वृथालापी मल्लजे अरु सुनहु
 भूप सधर्म ॥ मखकरावैं शूद्रकोजे औ पढ़ावैं जौन । सेवकाई
 शूद्रकी जे करत दुर्मति भौन ॥ निमंत्रण के योग्य नाहीं विप्र
 ऐसे तात । शास्त्र मत सों कहत हैं वरबुद्धिजे अवदात ॥ देइ
 धन जे पढ़तहैं धनलै पढ़ावैं जौन । श्राद्धके नहिं योग्य दोऊ
 सुनहु वर बुधिभौन ॥ सर्व बिद्या वानहू जो दासिका पतिहोया
 तौनऊं द्विज नाहिं निवते योग्य कह बुध लोय ॥ चोर अरुश्रु-
 ति कर्म सों जे रहित सुनु भूपाल । पतित अरु जे मृतक को
 अति दानलेत विशाल ॥ व्याजकाजै देय जो धन अरु सुता
 सुतजौन । श्राद्धकेनहिंयोग्यएऊसुनहुवरबुधिभौन ॥ लेतसस्ता

अन्नको द्विज जौन महंगादेत । रहत बइयाबधुनमेरतजौनकु-
 बुधि निकेत ॥ और जो निजदारके नितरहै बशकेमाहिं । सुन-
 हु नृप जो करत संध्योपासनाको नाहिं ॥ निमंत्रणके योग्यनाहीं
 विप्रऐसे जौन । कहत हैं अवगाहिकै बरबुद्धिके जे भौन ॥ जे
 निमंत्रण योग्यनाहीं श्राद्ध मखके बीच । कौनहू गुणपायतेद्विज
 योग्य होत निभीच ॥ कहत मैं हों तुम्हें सो अब सुनौ तातस-
 धर्म ॥ ब्रतहि पूरणकियो जे अरुयुक्तगुण सोंपर्म ॥ परमक्रिया-
 वान गायत्रीहि जानै जौन । करै तीनहुंकाल संध्या शान्तकोकै
 भौन ॥ कृषीकारक होय ऐसो विप्रजो हे तात । है निमंत्रणयो-
 ग्य वर बुध कहत हैं अवदात ॥ मल्लिका ॥ जौनविप्रमाहिं युद्ध ।
 शस्त्रकोगहै सकुद्ध ॥ होय जो कुलीन तौन । हे सुनो सुबुद्धिभौ-
 न ॥ परम विप्र ताहि जानि । योग्य पूजिबे सुमानि ॥ ग्रामवास
 वानजौन । अग्निहोत्रवान तौन ॥ होय जो सुनो सुभूप । यो-
 ग्य पूजिबे अनूप ॥ जानिये कहै सुबुद्ध । जौनज्ञानवान उद्ध ॥
 तीनहुं सुकाल बीच । गायत्रीजपैनिभीच ॥ भीखवृत्तिवानजौन।
 विप्र बुद्धिको सुभौन ॥ पूजिबे सुयोग्य पर्म । ताहिजानि हे स-
 धर्म ॥ प्रातकाल द्रव्यपाय । द्रव्यवान भो सचाय ॥ फेरिभो
 दरिद्र भूरि । द्रव्यसों भये सुदूरि ॥ मोरठा ॥ ऐसे प्रातःकालबिना
 द्रव्यपाये परम । रहतदरिद्रविशाल सुनहु युधिष्ठिर नृपतिवर ।
 फिरि मध्याह्न सु बीच विप्र द्रव्यको पायकै । हवै धनवाननि
 भीचपरम मोदसोंफिरतहै ॥ चरणा दोहा ॥ रहितहोयबिदुषादिक
 गुणसोंऐसे जेद्विजतौन । होहिंअहिंसकतो निवतै केयोग्यजानि
 बुधिभौन ॥ रामगीती ॥ दंभसों जे रहितहैं अरु योग्यभिक्षा लेत ।
 तेनिमंत्रणयोग्य द्विजहैं सुनहुभूपसचेत ॥ रहितव्रतसों बणिक
 कर्महि करत जे द्विज भूप । पिये जो फिरि सोमवल्ली तौन विप्र
 अनूप ॥ निमंत्रण के योग्यहैं सुनि धर्मवानसुजान । कृषी आ-
 दिक कर्म करिके जोरि द्रव्य महान ॥ जौन आवै अतिथि ता-

को देय भोजनपर्म । सो निमंत्रण योग्य द्विजहैं सुनहु तात स-
 धर्म ॥ वेद वरके बेचबेसों जुरो धनहै जौन । औबटोरो दारको
 जो द्रव्य है बुधि भौन ॥ बिप्रको नहि दीजिये सो पितर श्राद्ध
 सुबीच । सुनु युधिष्ठिर कहत हैं वर बुद्धिमान निभीच ॥ स्वधा
 अस्तु न कहत जो द्विज श्राद्ध अन्तसुजान । अनृत गोकु
 शपथको अघ ताहि लहत महान ॥ अमावस्या मांस मृगको
 दधी घृत द्विज पर्म । मिलै तबहीं श्राद्ध समया जानि तात
 सधर्म ॥ दोहा ॥ विप्र श्राद्ध के अन्त में श्राद्धकार इमि बैन ।
 बोलै श्राद्ध करावे तासों स्वधा कहो बुधि ऐन ॥ अस्तुस्वधा
 जबकहे बिप्रवर श्राद्धकरावै जौन । महातृप्त जबहोत पितर हैं
 सुनहु नृपति बुधिभौन ॥ क्षत्रीश्राद्ध अन्तकेमाहीं बिप्रकहै इ-
 मिबैन । होहु प्रसन्न सुपितर सब सुनहु नृपति मतिऐन ॥ वै-
 श्यश्राद्ध के अन्तमें बिप्र हर्षसों छाय । अक्षय श्राद्ध सु होउ
 इमि बोलै सुनु नरराय ॥ शूद्र श्राद्धके अन्तमें स्वस्ति कहै
 द्विजपर्म । पितरन को ये बचनहैं अतिप्रिय तात सधर्म ॥
 अरिल ॥ द्विजके यज्ञमाहिं सुनि भुवपति । यज्ञकार इमिकहैं सु-
 गहि रति ॥ कहु पुण्याह सर्व तुम द्विजवर । सुनि यहबैन सर्व
 द्विज मतिधर ॥ दोहा ॥ जो पुण्याह कहै सुनो यज्ञ आदिमें पर्म ।
 यह विधिहैं द्विज यज्ञकी कहत सुबुद्ध अभर्म ॥ यों न कहै सु-
 निये नृपति क्षत्री मुखके बीच । कहिये याही शब्दको कहत
 सुबुद्ध निभीच ॥ होहु प्रसन्न देवइमि कहिद्विज वैश्य यज्ञके
 बीच । फेरिकहै पुण्याह सुनि पाण्डव नृपतिनिभीच ॥ जन्मा-
 दिक की जो क्रिया कहत सुबुद्ध अवदात । अब हमतिहि को
 कहतहैं सुनहु युधिष्ठिरतात ॥ मंत्रिका ॥ जातिकर्म आदिजौन ।
 कर्म ते सुबुद्धि भौन ॥ तीनहुं सुवर्ण बीच । मंत्रसों करी नि-
 भीच ॥ दोहा ॥ द्विजहि मूँजकी मेखला चाही सुनि हेतात । क्ष-
 त्रिहि चाही मौरवी कहत सुबुद्ध अवदात ॥ चाहिय बाल्वजी

मेखला वैश्यहि सुनि भूपाल । तीनहुँ वर्णनके करम क्रमसों
 कहे विशाल ॥ अधर्म दान पात्रको जो है अरु दाताको धर्म ।
 अब तुमसों मैं कहतहों सुनिये तौन अभर्म ॥ रामगीतो ॥ पण
 के काज बिप्र सु अनृत बोलत जौन । लगत तिहिते पाप जि-
 तनो द्विजहि सुनि बुधिभौन ॥ लगत तिहिते चतुर्गुणहै अधिक
 क्षत्रिहि पाप । एक पणको अनृत बोले सुनहु धर्म कलाप ॥
 क्षत्रिहूते अठगुणो अघ अधिक वैश्यहि होत । शास्त्र मतसों
 कहत हैं वर परम प्रज्ञापोत ॥ एक द्विजको द्वैनिमंत्रण भयेहोहिं
 सुजान । दुहु निमंत्रण माहिं पहिलो छोड़ि तृष्णामान ॥ दूसरे
 के जाय गृहमें करै भोजन जौन । यवीयान कहावतो है तौन
 सुनि बुधिभौन ॥ होय जो पहिलो निमंत्रण बिप्रको हे तात ।
 ताहि तजिकै सुनहु जो द्विज दूसरे के जात ॥ बृथापशुहिंसा
 कियेको पूर्ण पातक ताहि । होतहै बुध कहत हैं वर बुद्धिसों
 अवगाहि ॥ प्रथम निवतो क्षत्रिको जो होय हे सुनिभूप । वैश्य
 को वा होय तौ वर कहत बुद्ध अनूप ॥ ताहि तजिकै दूसरे के
 करै भोजन जौन । वृथा पशुहिंसा कियेको होत पापी तौन ॥
 देव कारजमाहिं अथवा पितृ कारज बीच । किये विनुहिं समान
 जो द्विज करत भोज्य निभीच ॥ अनृत गोकुली शपथकोहै लगत
 पातक ताहि । सुनि युधिष्ठिर शास्त्रमतसों कहत बुधअवगाहि ॥
 जौन बिप्र अशौच द्विजकी पांति माहीं धाय । लोभते जो करै
 भोजन सुनि युधिष्ठिर राय ॥ अनृत गोकुली शपथको अघ तौ-
 नहुँको होत । शास्त्रमतसों कहत हैं वर परम प्रज्ञापोत ॥ तीर्थ
 यात्राके बहाने जौन द्विज धनलेत ॥ यही पातकहोत तिहिको
 प्राप्त भूप सचेत ॥ युधिष्ठिर उवाच ॥ दैव कारज बीच अथवा पितर
 कारज बीच । महाफल किहिदिये होत सु कहोयात निभीच ॥
 भीष्म उवाच ॥ यतीको उच्छिष्ट भोजन तकै जिहिकी बाम । नि-
 धन ऐसे द्विजहि दीन्हें होतहै फलमाम ॥ भोज्यही को लेत जे

धन करत संग्रह नाहिं । महाफल तिहिं दियेहोत सु कहतहौं
 अवगाहि ॥ तस्करन की भातिसों अति रहत पीड़ित जौन ।
 भोज्यही को अर्थ जिहिके सुनहु नृप बुधिभौन ॥ दियेऐसे बिप्र
 वरको होतहै फलमाम । शुद्धिसा अवगाहिकै इमि कहत बुध
 अभिराम ॥ रहित जो अभिमान सों अरु दरिदसों दुखवान ।
 देखिताके पाणिमाहीं अन्न सुनि मतिमान ॥ शिष्य अरु सुत
 घेरिताको कहेंऐसेबैन । देहुहमको देहुहमको अहोपितसुखदेन ॥
 दियेऐसेद्विजहिभोजन महाफलहैहोत । सुनियुधिष्ठिरधर्मधर
 वर परम प्रज्ञापोत ॥ भोउपद्रव होय जिहिके देशमाहिंमहान ।
 होयहरिगोजौन द्विजको द्रव्यतियसुखदान ॥ ताहिदीन्हेंहोतहै
 फलमहत कहतसुजान । औरजोद्विजनेमव्रतकोगहे हैंसुखदान ॥
 तौन जोव्रत पूर्ण कीबे द्रव्यमांगे आय । दीजिये तौ ताहि धन
 सुनि युधिष्ठिर नरराय ॥ ताहि दीन्हेंहोत है फल महाकहत सु-
 प्रज्ञ । औ सुनौ पाखण्ड पथसों दूरिजे धर्मज्ञ ॥ करत संग्रह
 ताहि धनको बिप्र ऐसे जौन । तिन्हें दीन्हे होत फलहै महासु-
 नि बुधिभौन ॥ रहित सर्वहि दोषसों अरु तजे जिन धनसर्व ।
 उदरपालन करेंगे भगवान पंम्म अखर्व ॥ रहत जिनके चित्त
 में यह बिप्रऐसे जौन । तिन्हें दीन्हें होतहै फल महामुनि बुधि
 भौन ॥ मांगिभिक्षा तपस्विनको देत भोजनजौन । तिन्हेंदीन्हें
 होतहै फल महामुनि बुधिभौन ॥ महाफल विधिदानकी हमक-
 हीतुमसों तात । नरकस्वर्गहि जानकी विधि सुनहु अब अव-
 दात ॥ भूठ जो है कौनहूकी प्राणरक्षाकाज । औ गुरुकेकाज
 जो है भूठ सुनि नरराज ॥ छोड़ि इनको और भूठहि सुनहु
 बोलत जौन । कुपथ हवैकै सहत दुखको जातनरकहि तौन ॥
 हरतजो परदारको जो रमतपरतिय साथ । जो मिलावै परति-
 यापर पुरुषसों नरनाथ ॥ मित्रता बिश्वास करिपुनि भेदकरत
 है जौन । जाततेजन नरकको हैं कहतप्रज्ञाभौन ॥ हरतजो पर-

द्रव्यको जो करत परधन नष्ट । कहतजे परदोष तेऊ लहतदु-
 रगति कष्ट ॥ पौसराको सभाको जो करतभेद न तात । औअ-
 गारहि जौन भेदततौन नरकै जात ॥ मोतीदाम ॥ अनाथहिदार
 छलै जनजौन । सुनारकमाहिं परै जनतौन ॥ सुन अरु जोजन
 छेदतदार । सुमित्र सुआश सुवृत्तिअगार ॥ इन्हेंहुं सु जोजन
 छेदतभूप । लहैजन नारक तौन अनूप ॥ महीपतिसोंचुगलीहि
 महान । करै जनजौन सुनोमतिमान ॥ सुजातनकी मरयादहि
 भूरि । करैतिहिको जनजौनसुदूरि ॥ सुमित्रनकेउपकारहिजौन ।
 नहींसमुझैकबहुंतनतौन ॥ महाबलसोंपरवृत्तिछुड़ाय । करैनिज
 वृत्तिसुनोनरराय ॥ परैजनजौनसुनारकमाहिं । महानसुजानकहैं
 अवगाहि ॥ क ॥ अरुजेजननिन्दकवेदनके । अरुनिन्दकसाधुन
 केगनके ॥ सुनिभूपतिते नरकैहिलहैं । सुमतीमतिसों अवगा-
 हिकहैं ॥ रामगीती ॥ जन विरोधी होय जिहिकी वृत्तिअरु व्यव-
 हार । परतसोहों नरकमाहीं सुनहुबुद्धिअगार ॥ दूतईसों करत
 जे व्यवहार हैं भूपाल । प्रवृत्त निशिदिन रहतजे हिंसाहिमाहिं
 विशाल ॥ लहतजहैंनरकको दुखमहत कहतसुजान । औसुनो
 जनजौन कहि यहदेहिंगे हमदान ॥ देतफेरि न तेपरै हैं नरक
 माहिं महान । आशकाहुहि देय है पुनिकरतताहिनिरास । तौन-
 ऊजन करत है सुनि नरकमाहींबास ॥ अग्नि अतिथि सुभृत्य
 दारहि दिये बिन जनजौन । करतभोजन परत हैं जन नरक
 माहीं तौन ॥ देवयज्ञहि पितरयज्ञहि करत जेजननाहिं । वेदवे-
 चक वेद दूषक परत नारकमाहिं ॥ रहित चारो आश्रमनसों
 रहित श्रुतिसों जौन । आपको जे वृत्तिदूषित महागहिकेतौन ॥
 करत जे हैं जीविका ते परत नारकबीच । सुनियुधिष्ठिर धर्मधर
 बर बुद्धिमान निभीच ॥ केशको अरु दूधकोअरु बिषहि बेचत
 जेसु । परतते हैं नरकमाहीं कहैं परमबुधेसु ॥ द्विजगऊ अरु
 कन्यकाके कार्यमाहीं जौन । करतबाधा परत हैं जननरकमाहीं

तौन ॥ ^{अरिल} ॥ अस्र शस्त्रको जौन बनावत । अरु बेचैते दुरग-
 तिपावत ॥ कांटनसों जो मगको रेंकत । नारकमाहिं होतजन
 सोगत ॥ बिनअपराध गुरूको त्यागत । ते जनजाय नरक में
 पागत ॥ तजत भृत्यको बिन अपराधहि । तौनहुँ नारकलहत
 अगाधहि ॥ पशुके अण्डकोशको मरदन । करत जौनजनरा-
 खत दरदन ॥ अरु जे छेदतपशुके नाकहि । तौन नरकमेंरहत
 सशोकहि ॥ ^{तोपर} ॥ जे प्रजासों करलेत । रक्षान करतसचेत ॥
 अरु हैं समर्थमहान । पर देत नार्हीदान ॥ अवनीप ऐसेजौन।
 सुनु लहत नारकतौन ॥ ^{भारठा} ॥ क्षमावान मतिवान रहतसंग
 बहुदिनन सों । ऐसे जनहिं अजान त्यागत जो नरकैलहत ॥
 बालवृद्ध बिनजौन भोजनकरत महीपसुनु । जा ^{नरक} में तौन
 दुखको सहत अपार है ॥ नरकयोग्य जनजौन ते तुमसों हम
 सबकहे । स्वर्गयोग्य बुधिभौन जनहैं तिनको कहतअब ॥ सब
 कारजके माहिं जौन सुयशवर विप्रको । करत उलैघननाहिं
 तौन स्वर्ग को लहतहैं ॥ जौन करत हैं दान सत्यबोली करिकै
 सुतप । करतसुधर्म महान तौन स्वर्गको लहत हैं ॥ विद्यापढ़ि
 कैजौन कियोप्रतिग्रहलेनकी । रक्षाकरत न तौन स्वर्गलोकको
 लहत हैं ॥ ^{मल्लिका} ॥ व्याधिग्रस्तजीव जौन । ताहिमोद देततौन॥
 स्वर्गलोक माहिं पर्म । लेब श्रेयहैअभर्म ॥ पापपर्म भीतिकष्ट ।
 जीवके करें सुनष्ट ॥ तौन स्वर्गलोकबीच । मोदसोंरहैं निभीच ॥
 पर्मधीर क्षमावान । धर्मको करें महान ॥ औ अचारयुक्तजौन ।
 पर्ममोद लेततौन ॥ मद्यमांसजोनखात । तौनस्वर्गमेंविभात ॥
 और दारजेर मैन । लोभ मोहको धरैन ॥ तौन स्वर्गलोकपर्म ।
 ताहिलेतहैं अभर्म ॥ ^{चामर} ॥ देशग्राम औ कुटुम्बकी सहाय जे
 करें । तौन स्वर्गलोक माहिंभूरि मोदसोंभरें ॥ औ सुआश्रमीन
 कीसहायजेगहे रहैं । तौनहू सुलोक माहिं भूरि मोद कोलहैं ॥
 बख्खभोज्यनीरजौन देतहैं दयालहवै । तौनलेतस्वर्गलोकतेजमें

विशालहवै॥आनके विवाहको करायजौनदेतहैं। तौनस्वर्गलोक
माहिंभूरि मोदलेतहैं ॥ खोरठा ॥ सबहिंसासों दूरिसबके आश्रय
भूतजे। तौनलेत मुदभूरि स्वर्ग लोकमें प्राप्तहवै ॥ चरणा दोहा ॥
माताकी अरु पितरकी सुअति करत शुश्रूषाजौन ॥ बन्धुनसों
राखतजे प्रेमहिलहत स्वर्गकोतौन ॥ तौमर ॥ धनवान अरु बल-
वान । अतिरूपमान सुजान ॥ वरपाय यौवनपर्म । जनजौनरहत
सधर्म ॥ सुनितौन स्वर्गहिजात । बुधकहतहैं अवदाता ॥ जयकरी ॥
अपराधहुकीन्हे जनजौन। राखत परमप्रीति बुधिभौन ॥ अतिही
कोमल जासुसुभाव । तौनस्वर्गको जातसचाव ॥ जो सेवाकरिकै
सुखदेत । औरहि तौन स्वर्गकोलेत ॥ जौनदेत सहसनको दान ।
सहसनको भोजनसुखदान ॥ जे सहसनकीकरैं सहाय । तेसुख
लेत स्वर्गमेंजाय ॥ अरु सुवरणको जोदातार । गऊदेत जोपरम
सुठार ॥ वरजे बाहनदेत सुठान । अरु सादरजे देत बिमान ।
तेजनजात स्वर्गको पर्म । सुनहु युधिष्ठिर नृपति सधर्म ॥ कन्या
व्याहमाहिंजन जौन । दासी दास द्रव्य देतौन ॥ स्वर्गहि जात
तात सुनिस्वक्ष । शास्त्रमतेसों कहतसुदक्ष ॥ बागलगावत जौन
सुठार । औबनवै मनमाहिं अगार ॥ औ सु बनावै बनमें कूप ।
घाटबनावै परमअनूप ॥ अरु सुपौसरालावै चारु । तौनलहतहै
स्वर्गसुठारु ॥ शुद्धसभूमिदेतजेग्राम । बासवनायदेतअभिराम ॥
जौन वस्तुमांगै जनआय । तौनहिं देतसुनोनरराय ॥ पर्मसधर्म
सुजनहैंजौन । पावततौनस्वर्ग सुखभौन ॥ करिउत्पन्न धान्यरस
पर्म । देतजौन दिवलहत अभर्म ॥ जन्महोयकौनहुं कुलबीच ।
शतवत्सर जीवै सुनुभीच ॥ जेहिके बहुतहोहि सुतस्वक्ष । आप
सुदयावानअति दक्ष ॥ जीतै क्रोधहि होय महान । तौन स्वर्ग
कोजात सुजान ॥ पूरबऋषिन्हकहौ जो पर्म । परलोकार्थ सुदान
सुधर्म ॥ तुमसोंकहे तौन हमसर्व । सुनहुं धर्मधर नृपति अखर्व ॥

युधिष्ठिरउवाच ॥ रामगीती ॥ बिनहने ब्रह्महत्या होतिहै किहिभांत ।
 कहौ हमसे कृपाकरिकै भूमिपति अवदात ॥ भीष्मउवाच ॥ व्यास
 को बुलवाय पूरव हम सुबूझो जौन । सुनो मनको लायकै हम
 कहतसो बुधिभौन ॥ हम सुबूझो व्याससों इमि सुनहु हे ऋषि
 राय । बिनहनेहू ब्रह्महत्या होतिहै किहिभाय ॥ बैनमेरे श्रवण
 करिकै धर्मवानसुजान । कहतभे इमिव्यास मोसों सुनहुनूपमति-
 मान ॥ आपुही बुलवाय भिक्षा काजद्विजको चाहि । करैनाहीं
 फेरिलागै ब्रह्महत्याताहि ॥ होय जो मध्यस्थ ब्राह्मण कहै कछु
 नहिं बैन । हरैताकी वृत्तिको जो मना दुर्मति ऐन ॥ सुनु युधि-
 ष्ठिर होतहै सो ब्रह्महत्यावान । कहोहै अवगाहि मोसों व्यास
 वर मतिमान ॥ परमप्यासी गऊआवै दूरिते जलपास । जो न
 पीवनदेतहै जल महा दुर्मतिरास ॥ ब्रह्महत्यावान सो जन होत
 है भूपाल । औसुनो जो दूखतोहै वेदस्मृतिहि विशाल ॥ बि-
 नाजाने होत है सो ब्रह्महत्यावान । भईमहती होयकन्या रूप-
 वन्ति महान ॥ खोजिकै बरयोग्य कन्या जो न करत विवाह ।
 ब्रह्महत्यावानसो जनहोतहै नरनाह ॥ देतद्विजकोशोच ऐसोहै
 अधर्मीजौन । ब्रह्महत्यावान सुनु नृपहोतहै जनतौन ॥ अन्धको
 अरु पंगुजड़को हरतहैं धनजौन । ब्रह्महत्यावानसो जनहोत
 सुनु बुधिभौन ॥ ग्राममें अरु बिपिनमें जो अग्निलावतअज्ञ ।
 ब्रह्महत्यावानसो जनहोत सुनु नृपप्रज्ञ ॥

इतिशान्तिपर्वणिदानधर्मेब्रह्महत्यावर्णनोनामचतुर्विंशोऽध्यायः २४ ॥

युधिष्ठिरउवाच ॥ अरिल ॥ जिनतीर्थनको दूरशन अतिबर । हैकल्या-
 णक परम सुमतिधर ॥ औ तिनको जो श्रवण समानसु । है
 कल्याणक परम महानसु ॥ चरणदीहा ॥ पुण्यतीर्थ ऐसे जे भूमें
 तिनहिं सुननकीतात । इच्छाभई हमारेही में कहो आपु अव-
 दात ॥ भीष्मउवाच ॥ रामगीती ॥ कहे गौतम ऋषिहि तीरथ अंगि-
 रस मुनिपर्म । सुनहुसो तुम सुननकेही योग्य सुवन सधर्म ॥

सुने उत्तमधर्म तुमको प्राप्त कैहै तात । तपोवनगत महामुनिवर
 अंगिरस अवदात ॥ भयेबूझत तिन्हें गौतम ऋषी इमिब्रतवान ।
 अंगिरसमुनि सुनहुसर्वहितीर्थमाहिं महान ॥ होतसंशयधर्मको
 है सुवनकीसो सर्व । भईमो मनमाहिं इच्छा कहो सुमुनि अ-
 खर्व ॥ होतहै फल कहा तीरथमाहिं कीन्हेस्नान । अन्तकाल
 सुभयेते फल कहाहोत सुजान ॥ महागौतम ऋषीके ये बैन
 सुनिकैपर्म । भये कहत ते अंगिरस मुनि ज्ञानवान अभर्म ॥
 मूर्तिमालिनि चन्द्रभागा वितस्ताके बीच । सप्तवत्सर निरा-
 हार सुकरै स्नाननिभीच ॥ तोमर ॥ मुनिकी सु जो गति पर्म ।
 जन ताहिलेत अभर्म ॥ सोरठा ॥ काशमीरकी जौन नदी सि-
 न्धुमें मिलति है । स्वर्ग लहतहैं तौन तिनमें जोजन न्हातहैं ॥
 जयकरी ॥ नैमिषार पुष्कर सुप्रभास । इन्द्रमार्गवर धर्म सुरास ॥
 अरु देविकानदी अतिचारु । स्वर्ग बिन्दुशुचि तीर्थ सुठारु ॥
 इनमें जो जन करत स्नान । सो विमानपर चढ़ि सुखदान ॥
 जायस्वर्गमें आनँदरूप । लहत अप्सरा पर्मअनूप ॥ कीरति
 करति अप्सरास्वक्ष । तिहिकी सुनुभूपति अतिदक्ष ॥ तीर्थ हिर-
 ण्य बिन्दकेबीच । करैजौन जन स्नाननिभीच ॥ अरु वरतीर्थ
 कुशेशय जौन । तिहिमें करै स्नानबुधिभौन ॥ कल्मष दूरिहोत
 हैं सर्व । लहतधर्म हैं पर्म अखर्व ॥ रामगीती ॥ इन्द्रतोया नदीहै
 वर गन्धमादन पास । सदानीरा औ कुरंग सुतीर्थ आनँद
 रास ॥ स्नानतिनमें कियेते अरुतीन रजनी बास । विगत क-
 ल्मष पुण्यजनसो करत दिवमें बास ॥ अश्वमेध सुयज्ञकोफल
 होत जनको पर्म । सुनु युधिष्ठिर भूपवर बुधज्ञानवान अभर्म ॥
 हरिद्वारसुनीलपर्वत औ सुकनखल स्वक्ष । कुशावर्तक औ
 सुबल्वक तीर्थजेहैं दक्ष ॥ कियेते सुनु स्नान तिनमें तीन रज-
 नी बास । स्वर्गप्राप्तसुहोतहै वर पर्म आनँदरास ॥ बह्मचारी
 क्रोधजित अरुसत्यमान सुजौन । अपां हृदवरतीर्थमाहा स्नान

कीन्हें तौन ॥ अश्वमेध सु यज्ञकेवर फलहि प्राप्तहोत । सुनहु
 शुचिव्रतवान भूपतिपरम प्रज्ञापोत ॥ गंगउत्तरबाहनी जहँ भई
 होहि सुजान । मासएकव्रत करैतामें जौनकरिकै स्नान ॥ सिद्धि
 को सो होतप्राप्त मासहीमें परम । सुनहु पाण्डव नृपति बरबर
 ज्ञानवान सधर्म ॥ महाहृदमें कियेते सुनिस्नान त्रयनिशि
 बास । नशतद्विज हत्यादिपातक लहत आनँदरास ॥ स्नान
 कीन्हेंस्वक्ष बलको तीर्थमाहींपरम । औ सु कन्याकूप माहींकिये
 स्नान सधर्म ॥ होतिकीरति देवतनमें चन्द्रिकासीचारु । परम
 निर्मल सुयशसों अतिलसत बुद्धि अंगारु ॥ किये स्नानसु दे-
 विकाबर सरितमें मतिमान । तथा सुवरिहृदमाहीं कियेस्नान
 सुजान ॥ लहतजन परलोक माहीं तेजरूप सुठार । देवतनमें
 रहत हैं लहि स्वर्गमाहिँ अंगार ॥ महा गंगामाहिँ कृतिकांगार्क
 माहीं परम । करे व्रत एक पक्ष करिकै स्नान सुनहुसधर्म ॥ जाय
 निर्मल देहपावै स्वर्ग आनँदधाम । सूर्यकोसो तेजपावै रूप
 अति अभिराम ॥ बैमाणिकतीर्थमाहीं स्नान करिकै परम । कि-
 ङ्कणीकाश्रमेजाय सुकरै स्नान सधर्म ॥ सुनहुंसो जन स्वर्गमें
 अप्सरन साथ सुठार । हर्षसों अतिछाय करिकै करैपरमविहार ॥
 प्राप्तकैकै कालिकाके धाममाहीं जौन । बिपासामें स्नान करिकै
 बसैत्रय निशितौन ॥ लहतनहिँ संसारको जो क्लेश हैअतिउद्ध ।
 बसत है सुरलोकमें शुचिलहि शरीरहिशुद्ध ॥ प्राप्तकृतिका
 थानमें कै स्नान करिकै स्वक्ष । करै पूजन शम्भुको तौ लहै
 स्वर्गहि दक्ष ॥ महा पुरमें न्हायजे जन करत त्रयनिशि बास ।
 लहत भयनहिँ चराचरको तौन सुनु बुधिरास ॥ देषदारु सु
 बिपिन माहीं स्नानकैकै परम । सप्त निशि जेबसैं ते जन लहैं
 स्वर्ग अभर्म ॥ चरणादोहा ॥ सरस्तम्ब अरु कुशस्तम्ब शुचि
 द्रौण समपदबीच । जेजन करतस्नान स्वर्गतेलहिकरि रहत
 निभीच ॥ चामर ॥ जनस्थान चित्रकूटमाहिँ जौन न्हात हैं । स्व-

च्छदेह पायतौनस्वर्गमेंविभात हैं ॥ देवि श्यामिका सुथानबीच
जौन जायकै । एक पक्ष वृत्त नेमसों करै सचायकै ॥ मधुभार ॥
गन्धर्व भोग । ते लहत लोग ॥ सुनु नृप महान । वरसुमति-
वान ॥ चामर ॥ कौशिका नदीसुबीच जौन न्हात जायकै । शा-
न्तभावलेथ लोल भावको बिहायकै ॥ एकविंश रात्रिबास कैसु-
व्रतको करै । तौन स्वर्गलोकमाहिं भूमि मोदसों भरै ॥ औ म-
तंग बापिका सुमाहिं जौन न्हातहैं । एकराति माहिं तौनसिद्धि
लेबिभात हैं ॥ स्वर्ग तीर्थ नैमिषार माहिं एक मासते । बास कै
करै सनान छोड़िकै दिलासते ॥ तोमर ॥ नर मेधको फललेत ।
सुनु भूप पर्म सचेत ॥ अरिल ॥ गंगाहृद उत्पला बन वर । तिन
में जे जन न्हात सुमतिधर ॥ एकमास व्रत करिकै पूरण । लह-
त अश्वमख फलते तूरण ॥ गंगा यमुना कालंजर गिरि । इन
में एकमास हवैकै थिरि ॥ करत सनान शांतगहि जेजन । दश
हयमख फल लहत सुते जन ॥ न्हाये षष्टिहृदमें निर्म्मल । अन्न
दानतेहोतअधिकफल ॥ सुनहुयुधिष्ठिरनृपतिसुमतिधर । तीरथ
परम प्रयाग माहिं वर ॥ तीनकोटि तीरथ हैं आवत । अरुदश
सहससुफल सों भावत ॥ सोरठा ॥ ऐसो जो अवदात तीरथ
पर्म प्रयागहै । माघमासमें न्हाततिहिमें ते स्वर्गैलहत ॥ जयकरी ॥
बैवस्वत तीरथकेबीच । अरु पितराश्रम माहिं निभीच ॥ करत
जौन जन जायसनान । तौन होत शुचिपर्म सुजान ॥ तिमिहीं
किये मरुद्गण माहिं । होत पवित्र कहीं अवगाहि ॥ ब्रह्म सरो-
वर माहीं न्हाय । पुनि वर सुरसरितामें जाय ॥ करिकै स्नान
होय अतिस्वक्ष । मास एकव्रत कीन्हें दक्ष ॥ चन्द्रलोकको प्रा-
पतहोत । सुनहुं युधिष्ठिर प्रज्ञापोत ॥ अष्टावक्र तीर्थमें न्हाय ।
पुनि उत्पातक माहीं जाय ॥ करि सनान द्वादश दिनपर्म । बसि
कै कीन्हें व्रतहि सधर्म ॥ नर मखको फल प्रापत होत । सुनहुं
युधिष्ठिर प्रज्ञापोत ॥ रामगीती ॥ गया तीरथ माहिं उत्तमप्रेतशि-

लपर पर्म । ब्रह्महत्याछूटतीहै एक तात सधर्म ॥ ब्रह्महत्याद्वि-
 तिय छूटति प्रेत पर्वत बीच । विष्णुपदमें तृतीय छूटति स्वच्छ
 होत निभीच ॥ अग्निपुर में बासकीन्हे होत उज्ज्वलपर्म । तदा
 वर करवीर पुरमें होत स्वच्छसधर्म ॥ देवहृद सुविशालमें अ-
 स्नानकीन्हे तात । होतहै जन ब्रह्मपदको प्राप्तअति अवदाता ॥
 महानन्दा तीर्थ अरु आवर्त नंदाजौन । इन्हें सेवत हवै अहिं-
 सक तौन सुनु बुधिभौन ॥ लहत स्वर्गहि अप्सरनमें करत हैं
 सुबिहार । लसत तिहिको सुयशसुमनस माहिं स्वच्छसुठार ॥
 पूर्णमासी कार्तिकीमें उर्वसीमें न्हाय । करैं पुनि लोहित्य तीरथ
 माहिं स्नानसचाय ॥ होतहै फल पुण्डरीक सुयज्ञको हे तात ।
 रामहृद सुविपासामें किये स्नान बिभात ॥ होत कल्मष दूरि
 अरु वर लहतमख फल पर्म । महाहृदके माहिं करिकै स्नान
 होय अभर्म ॥ मासएकवृत करैं करिकै चित्तको अति शुद्ध ।
 लहै द्विज जमदग्निगी गति सुनहुं नृपबुध उद्ध ॥ हवै अहिंस-
 क किये ते तप बिंध्यगिरि पर पर्म । लहतएकहि मासमें जन
 सिद्धता तसधर्म ॥ नर्मदा अरु सूरपारकमाहिं कीन्हें स्नान ।
 राजश्रीको लहतहैं अरु पर्म तेज महान ॥ जम्बु मारगतीर्थ
 माहीं स्नानकै हवै स्वक्ष । मासतीन सुवन से ते जन लहतसि-
 द्धिसुदक्ष ॥ जयकरी ॥ कोकामुख तीरथमें न्हाय । पुनि अंजलिका
 श्रममें जाय ॥ न्हायतहां अति उज्ज्वलहोय । बसै कलुकदिन
 मुद सों भोय ॥ फेरिकुमारी तीरथबीच । जायकरैसुनु स्नाननि-
 भीचा ॥ बासकरै करि शाकअहारु । पहिरैचीर बलकलहिचारु ॥
 ऐसेजे जनहैं सुनुभूप । तौनस्वर्गको लहत अनूप ॥ मधुभासा क्षेत्र
 सुप्रभास । वर धर्मरास ॥ तिहि माहिं स्वक्ष । लहि अमादक्ष ॥
 जनजौन न्हात । शुचि हवै बिभात ॥ उज्जान पर्म । तीरथ स-
 धर्म ॥ तिहि माहिं जौन । जनन्हाततौन ॥ वर धर्मवान । होयत
 सुजान ॥ कल्मष अखर्व । मिटि जात सर्व ॥ कुल्यासनान ।

करिसह विधान ॥ कीन्हें सुजाप । सुनि बुधि कलाप ॥ हयमख
सुठारु । फल तासु चारु ॥ सो मिलत भूप । मोदद अनूप ॥
पञ्चभली ॥ पिएडारक तीरथ परम स्वक्ष । तिहि माहिं स्नानकरि
कै सुदक्ष ॥ यक निशावास कीन्हे अनूप । अग्नीष्टोम मखको
सुभूप ॥ फलमिलत सर्व अघछूटि जात । अवदात सुयशजग
में विभात ॥ इहिभांति ब्रह्मसर माहिं जाय । कीन्हें स्नानसुनु
भूमिराय ॥ मखपुण्डरीकको फलमहान । सोमिलत आनिअ-
तिमोद दान ॥ मैनाक अचलपर जायन्हाय । संध्यासुकरै चि-
तको लगाय ॥ क्रुध काम जीति यकमास बास । कीन्हें महीप
सुनु सुमति रास ॥ फल सर्व मखनको मिलत पर्म । वरकान्ति
होति शुचिमाति अभर्म ॥ कालोदक तीरथ नन्दिकुण्ड । तिन
के सनान ते अघघमण्ड ॥ मिटिजात होत निर्मल शरीर । सुनु
सुवन धर्मधर पर्मधीर ॥ नन्दीश्वर दर्शन ते महान । अरुस्वर्ग
मार्ग में किये स्नान ॥ मिटिजात तात कलमष बिलंद । जन
स्वर्ग जात हवैकै अदंद ॥ विरूयात अचल हिमवान भूप ।
सबरत्ननको आकर अनूप ॥ सेवत सुजाहि तपनिद्धिसिद्ध ।
रमणीय पर्म पीवनप्रसिद्ध ॥ तहँ पूर्ण प्रीतिसों देवपूजि । अति
कै प्रसन्न बहुभांति कूजि ॥ करिकै निज श्राद्धहि सविधि पर्म ।
जीवन अनित्यजानै सुभर्म ॥ जे तजत देह सुनु सुमति ओक ।
ते लहतसनातन ब्रह्मलोक ॥ चंचला ॥ काम क्रोध लोभ मोह जी-
तिकै मनुष्य जौन । तीर्थवास को करै सुनो सु तात बुद्धिभौना ॥
ताहि होत प्राप्त और पाप सर्व छूटिजात । पुण्यवानहोयतेज-
वान भानलौं विभात ॥ चरणकुलक ॥ और अगम्य तीर्थहैं जेते ।
लायध्यान से तीरथ तेते ॥ करि स्नानकरै तिनकीपूजा ॥ तिहिसों
पुण्यवान नहिं दूजा ॥ तीरथसेवन कलमषहारी । यज्ञफलद अति
ही सुखकारी ॥ उत्तमपरम स्वर्गको दानी । महिमा तासुनजाति
बखानी ॥ सारठा ॥ यह श्रुतिको सिद्धान्त कह्यो तोहिं हम

तात जो । जेजनसाधु नितान्त तिनसों कहिवे योग्यहै ॥ शिष्य
मित्र शुचिपर्म धर्मसहित जो होयतौ । सुनुहेतात अभर्म ताहू
कोहु सुनाइये ॥ सुऋषि अंगिरा दान्त ज्ञानवान यतवानवर ।
यह जो श्रुति सिद्धान्त बूझेगौतमसों कह्यो ॥ मधुभार ॥ पावन
महान । यहहै सुजान ॥ जे भजत याहि । विधि सहितचाहि ॥
ते स्वर्गलोक । आनन्द ओक ॥ पावत अनूप । निजजानि
भूप ॥ अरु सुनत जौन । यहिको सु तौन ॥ उत्तम अनूप ।
कुलमाहिं भूप ॥ ले जन्मस्वक्ष । सुखलेत दक्ष ॥

इति श्रीभाषायां महाभारतदर्पणेदानधर्मपंचविंशोऽध्यायः २५ ॥

वैशम्पायनउवाच ॥

रामगीती ॥ पराक्रम में शक्र ऐसे बलीबीरमहा-
न । क्षमामाहीं विधातासे तेजमें जिमिभान ॥ गिरे अर्जुन बाण
करिकै खेत माहीं पर्म । महाबीरन माहिं जे अतिश्रेष्ठ स्वच्छ-
सधर्म ॥ सहितबन्धुन नृपयुधिष्ठिर पास तिनकेआय । सेवते
हैं परम ऐसे भीष्म सुभटकराय ॥ देखिवेको तिनहिं आये महा
ऋषि तपवान । तेजपुंज सुअग्नि ऐसे ज्ञानवान महान ॥
अत्रिभृगु सुपुलस्त्य गौतम पुलहकतु सम्बर्त । अंगिरस अरु
सुमति जे शुचितेजसों अधहर्त ॥ शिरास्थूल वशिष्ठ गालव
च्यवन काश्यप व्यास । प्रमति विश्वामित्र दम अरु शुक्र तेज
सरास ॥ रैभ्यत्रित अरु जीवकीत सुभरद्वाज सुजान । सुध-
न्वा पर्वत सुनारद तेजवान महान ॥ वितभूकश धौम्यएकत
आदि दै ऋषिराय । भये आवत देखिवेको भीष्महि सहचाय ॥
मोतीदाम ॥ सबन्धु युधिष्ठिर भूप सुजान । ऋषीन्हको पूजत भो
तपवान ॥ ऋषीवर पूजित बैठिसचाय । कथाशुचि भीष्म की
सुखदाय ॥ सबै करते सुभये अतिस्वक्ष । सुनोजनमेजय भूप-
तिदक्ष ॥ कथासुनि तौन सुभीषमबीर । भये अतिपावन मोद
गौमीर ॥ सुआपुहि मानत भे स्वरगस्थ । तदन्तर पर्म ऋषी
सुसमस्थ ॥ सुअन्तस्थान भये तिहिथान । सबैजन देखिरहे

मतिमान् ॥ चरणाकुलक ॥ अन्तर्ध्यान सबैऋषिभये । तऊ युधिष्ठिर मुदसोरये ॥ पुनि पुनि करत प्रशंसा नीकी । करिकै प्रगट प्रीति शुचिहीकी ॥ कै प्रसन्न भीषम के पासै । बैठतमे पाण्डव सहलासै ॥ देखि ऋषिन को तपस प्रभावा । पाण्डवके हिय विस्मयझावा ॥ तिन ऋषीनको भाग्यअनूपा । चिन्तत बन्धु सहित वरभूपा ॥ भीषम सह पाण्डव वरज्ञानी । कथा ऋषिन की सुभग महानी ॥ कहतभये अतिही मुदपागे । तिनके ध्यान माहिं अनुरागे ॥ बैशम्पायनउवाच ॥ कथाअन्तमें पाण्डव भुवपति । भरेहर्ष सों धरे परमरति । भीषम के चरणनमें अतिवर । नायमाथ को परम सुमतिधर ॥ बूझत भये सु प्रश्नधर्म को । पर्म मनोहर धामशर्म को ॥ युधिष्ठिरउवाच ॥ कौनदेश है श्रेष्ठ महाना । कौनअचल अरु कौनसुथाना ॥ कौनश्रेष्ठ सरिताहैं जगमें । नशतकलुष अतितिनके भगमें ॥ कहौपितामह हमको गुनिकै । जासोंसमुद होहुंमैं सुनिकै ॥ भीष्मउवाच ॥ यहि सुप्रश्नमें सुनुवरभूपा । कहत एकइतिहास अनूपा ॥ रामगीतो ॥ शीलवृत्ति द्विजअरु सिद्धको तिहिमाहिंहै सम्बाद । सुनुयुधिष्ठिर भूपसों इतिहास छोड़ि प्रमाद ॥ भूमिकी परदक्षिणाकै पुनःपुन एकसिद्धि । गेहमें शिलवृत्ति द्विजके प्राप्तभो तपनिद्धि ॥ सिद्धि की शिलवृत्ति द्विजवर करीपूजा पर्म । होयहर्षित बसतभो निशिमाहिं सिद्धसधर्म ॥ प्रातउठि शिलवृत्ति द्विजवर प्रातकृतकरि पर्म । सिद्धके भो निकट आवत सुनहुं तात सधर्म ॥ सिद्धअरु शिलवृत्ति द्विजमिलि बैठि सुखसह उद्ध । कथाकहते भये श्रुतिमतमई सुन्दर शुद्ध ॥ अन्तमाहीं कथा के शिलवृत्ति विप्र सुजान । यत्नसोंकरि सामुहें वरसिद्धको मतिमान् ॥ तुम युधिष्ठिर भूप बूझो प्रश्नहमसों जौन । तौनप्रश्नहिं करत भो द्विजज्ञानको वरभौन ॥ शिलवृत्तिउवाच ॥ कौनसोहै श्रेष्ठ आश्रम देशपर्वत पर्म । कहोहमसों कृपा करिकै सिद्ध स्वच्छ

सधर्म ॥ सिद्ध उवाच ॥ चरणाकुलक ॥ श्रेष्ठ देश गिरि आश्रमसोई ।
 जिहिमें गङ्गा प्रापतिहोई ॥ जोफल सुरसरि पूजनकीन्है । सो
 न मिलतहै दानहुँ दीन्है ॥ ब्रह्मचर्य्यसों सो फलनाहीं । मिलत
 सुविप्रकहा अवगाही ॥ कीन्हें तपअरु यज्ञमहाना । मिलत
 नहीं फलतौन सुजाना ॥ गंगाजलको जो जन परसै । तौनस्वर्ग
 में रहत सहरसै ॥ गिरत स्वर्गते कबहुँ नाहीं । द्विजवर सत्य
 मानि मनमाहीं ॥ होत गंगजलसों सबकाजा । निज मनुजन
 को सुनुबुधिराजा ॥ भूमिछोड़ि ते जन बड़भागे । बसत स्वर्ग
 में मुदसोंपागे ॥ जे जन पूरब बयमें भारी । कीन्हें पाप होहिं
 दुखकारी ॥ ते पुनि जो गंगाको ध्यावैं । तौ अति उत्तम
 गतिको पावैं ॥ गंगास्नान किये फलजैसो । शत यज्ञनसों मि-
 लत न तैसो ॥ उदयसमयमें जिमि तम हरिकै । सोहत भास-
 मान युति करिकै ॥ तिमिहीं जे गंगामें न्हावैं । दूरिपापको क-
 रिकै भावैं ॥ जितने गंगा महि मनुजनके । रहत लोमअरु अ-
 स्थिसुतनके ॥ तितने सहसवर्ष दिवमाहीं । पूजितरहत सुरनके
 पाहीं ॥ तरुबिन कुसुम लसत नहिंजैसे । दिश अरु देश गंग
 बिन तैसे ॥ शशि बिन लसति न रजनी जिमिहै । देश दिशा
 गंगा बिन तिमिहै ॥ तोमर ॥ वरवर्ण आश्रम पर्म । जिमिसोह
 तन बिन धर्म ॥ अरु सोम बिन जिमियज्ञ । नहिं लसतहैसुनु
 प्रज्ञ ॥ तिमि सोहत न जग सर्व । बिन गंग भूपअखर्व ॥ जिमि
 अर्क बिन आकाश । नहिं लसत सुनु बुधिराश ॥ बिनशैल
 भूमि महान । नहिं ज्यों लसै मति मान ॥ सुर निम्नगा बिन
 देश । तिमिहीं न लगत सुवेश ॥ चरणादोहा ॥ तर्पमानजे गंगा
 जलसों तीन लोकके बीच । पर्म तृप्तिको प्राप्तहोत ते सुनुवर
 नृपति निभीच ॥ जयकारी ॥ रबिसों तप्त गंगजलजौन । ताहि
 पियत जो जन बुधिभौन ॥ तिहिको जावक व्रत ते पर्म । अ-
 धिक होत फल सुनहुँ सधर्म ॥ अल्ल ॥ जौन करतहै व्रत च-

न्द्रायन । अरु जो गंगास्नानसचायन ॥ ते दोऊ समहैं धौं
हैं नहिं । होत महा सन्देह हिये महिं ॥ दोहा ॥ खरो रहत युग
सहसजो एक पांवसों पर्म । औ सुरसरिमें न्हातजो एकमास
सहधर्म ॥ जयकरी ॥ ते दोऊ समहैं की नाहिं । है सन्देह महा
हियमाहिं ॥ दोहा ॥ शिरनीचोकै युगअयुत भूलत है जनजौन ।
तिहिते अधिकी श्रेष्ठहै गंगाश्रितहै तौन ॥ अग्नि माहिं प्रा-
पत भये भस्महोत जिमि तूल । तिमि गंगाश्रित जननको पाप
होत निरमूल ॥ अरिल ॥ सुखदा उपायका सहित छाय । हेरत
सहाय लहि ज्ञानभाय ॥ ऐसे सुजीव तिनको सुजान । अन्य
न उपाय गंगा समान ॥ रामगीती ॥ दरशते जिमि गरुड़के बर
सर्प निर्विष होत । तिमिहिं गंगा दरशते मिटि जातअघ बुधि
पोत ॥ कियेते अतिपापको जन नहिं प्रतिष्ठित जौन । होत
सुरसरि शरणते हैं जन प्रतिष्ठित तौन ॥ परत जे जन नरक
माहीं किये कल्मष भूरि । सुरसरीकेध्यानते ते होत अघतेदूरि
सुरसरीके सामुहें जन जातजे हैं पर्म । सुरन सह सुरराजताको
कहत स्वच्छ सधर्म ॥ विनय अरु आचारते जे हीनजन अघ
रूप । सुरसरीकेशरणते ते होतस्वच्छ अनूप ॥ तृप्तिकारक सुरन
को ज्यों अमृतहै सुखदान । नरनको तिमि सुरसरीको सलिल
है मतिमान ॥ मोतीदाम ॥ क्षुधाकरि आरत बालकहोय । उपा-
सत मातहि ज्यों सुखभोय ॥ सुनौतिमि श्रेय मनोरथ काज ।
उपासत रंगहि जीव सुसाज ॥ सबै अस्थाननमें जिमि पर्म ।
स्वयम्भुवनाथ सुश्रेष्ठ सधर्म ॥ नदी मधिमें तिमि श्रेष्ठअनूप ।
सुगंगहि जानि महा मुदरूप ॥ सुरादिकको जिमि जीवनमूल ।
धरा अरु धेनु समोद अतूल ॥ सबै तिमि जीवनको मतिमानि ।
सुजीवनमूलतु गंगहि जानि ॥ पियूषहि ज्यों सुरपीवतपर्म । म-
हा मुदसौ सुनु विप्रसधर्म ॥ सुजहनु सुता जलको तिमिचाहि ।
सबै जन पीवतहैं अवगाहि ॥ चरणादोहा ॥ देवधुनीकी सिकता

तासों लपटे हैं जनजौन । दिववासीसे आपुहि मानत ते जन
 सुनु बुधिभौन ॥ भुजंगप्रयात ॥ सुनोजाह्नवी तीरकी मृत्तिकाको ।
 धरेंते धरें भानुकीसी प्रभाको ॥ नशै पापभारी बसैं पुण्यहीमें ।
 लसैं स्वर्गमें कीर्त्तिको कै महीमें ॥ त्रिसोताहि जो पशिकै बायु
 चालै । महा पापका तौन नाशै विशालै ॥ मधुभार ॥ दुर्विसन
 पर्म । अरु अति अधर्म ॥ तिनमाहिंजौन । रत कुमति भौन ॥
 दुर्विसन तासु । अरु कलुषरासु ॥ हरिलेत ताहि । सुर सरित
 चाहि ॥ सुरसरित तीर । मुदमें गँभीर ॥ जे करत राव । पक्षी
 सचाव ॥ गन्धर्व जौन । तिन सम न तौन ॥ हंसादि स्वक्ष ।
 पक्षी सुदक्ष ॥ शुचि बोलि बोल । करि करि कलोल ॥ जिहि
 माहिं पर्म । नाचैं अभर्म ॥ सुरसरित कूल । ऐसो अतूल ॥
 सुखको सुधाम । अतिही ललाम ॥ तहँ सुमुनि बर्ग । गे भूलि
 स्वर्ग ॥ रामगीती ॥ होत जो मुद सुरसरीके पुलिनमाहिंमहान ।
 होत सो नहिं स्वर्गमाहीं प्राप्तसुनु मतिमान ॥ बचन मन अरु
 कर्मसों जो जनितपाप बिलन्द । असत तिहिसों जौन जन हैं
 सुनहुं बिप्र अमन्द ॥ तौनजन लखि सुरसरीको होत पावन
 पर्म । है न इहिमें तौन संशय सुनहुं बिप्र सधर्म ॥ दरशते अरु
 परशते अरु पिये ते जलस्वक्ष । करतिपावन पर्म जनको सुर-
 सरी सुनिदक्ष ॥ सुरसरीकी कीर्त्तिबरको सुनतहैं जन जौन ।
 मात पितुके कुलहि तारत तौन सुनि बुधि भौन ॥ सुरसरीको
 लखत जो नहिं जाय सुनि मतिमान । तौन जन है मृतक अरु
 जड़ पंगु अन्धसमान ॥ महाऋषि अरुदेव तिहिको भजतनित्य
 सप्रेम । सुनहु ऐसी सुरसरीको भजै कौन सनेम ॥ ब्रह्मचारी
 बान प्रस्थ सुयती अरु गृहवान । रहत गंगा शरणमें हैं नित्य
 सुनु मतिमान ॥ लहै तांकी शरणको नहिं कौन ऐसो अज्ञ ।
 लखत जाको होतहैं जन देवसम सुनिप्रज्ञ ॥ चंचला ॥ अन्त
 । कल माहिं जौन गंगाको भजैं सुजान । वक्ष ताहि पर्मस्वच्छ

प्राप्तहोत है सुथान ॥ जन्मते सु अन्तकाललों भजै सप्रेम
जौन । व्याघ्रआदि जीवकी सुभीतिको लहै न तौन ॥ पापहोत
नष्ट सर्व परमकष्ट छूटिजात । तेजसे अखण्डहोय मारतण्डलों
बिभात ॥ माथमें धरीसुजाहि शंभु मोदसों अखर्व । पूजते सप्रेम
हैं सनेम ताहि देवसर्व ॥ गंगके बियोगते यथा सुहोतहैं कलेश ।
मात तात पुत्रदारके बियोगते बुधेश ॥ होतहैं तथा कलेशनाहिं
विप्रसत्यमानि । लेतहैं मुनीशमोद तासु कूलवासठानि ॥ तीन
पंथचालिकैं तिहूँ सुलोककैं अमन्द । तीनहूँ सुलोकबीच कीर्ति
कोकरीबिलन्द ॥ होतज्यों प्रसन्नदृष्टि पूर्णचन्द्रको सुदेखि । होत
त्यों मनुष्यकी सुदृष्टि जाह्नवीहि पेखि ॥ गंगको बिलोकि चित्त
होत ज्यों प्रसन्नपरम । कौनहू पदार्थ पाय त्यों न होतहै सधर्म ॥
रामगीती ॥ सुरन माहिं सुरेश जैसेनरनमाहिं नरेश । नखतमें न-
खतेश जैसे श्रेष्ठ है सुबुधेश ॥ तिमिहिं सरितन माहिं श्रेष्ठासुर-
सरीहै परम । जाहि परशो होत जनकृत कृत्य हैं बिनभर्म ॥ सुर-
सरीको भक्ति गहिकैं जपत हैं जनजौन । सुरसरीको लगतप्रि-
यहैं तौन सुनि बुधिभौन ॥ राजतीहैं लोक तीनहूँ माहिं कीरति
जासु । सेयजाको होतहै कृतकृत्यजन बुधिरासु ॥ भूमिवासी
व्योमवासी स्वर्गवासी सर्व । करत गंगास्नान हैं अतिगहेमोद
अखर्व ॥ प्राप्तकीन्हे सगर नृपके सुवन जिहि दिवमाहिं । जाय
जिहिके निकटमें जनके नहीं हर्षाहिं ॥ सुरसरीकी लहरि सों
निर्दोषमे जनजौन । तौनराजत प्रभासोहैं भानुलों बुधिभौन ॥
देहछोड़त जौन जनहैं सुरसरीमें जाय । देवसमते होयकैं नि-
तरहत मुद सों आय ॥ अंधजड़ धनहीनहूँकी करति इच्छासि-
द्धि । मोददा सुरसरीकेसम और नहिं बुधि निद्धि ॥ लहतजे
जन सुरसरीको शरण हैं अवदात । मोद पागे जायकैंते स्वर्ग
माहिं बिभात ॥ करतदर्शन सुरसरीको जौन बसिकैंकूलाताहि
आनंद देतहैं सुरभरे प्रेम अतूल ॥ प्रातआई भूमिमेंहै जाह्नवी

सुखदानाहोतहै अतिपुण्ययाते प्रातकीन्हेस्नान॥ लोकतीनों सुर-
 सरीसोंहोत भूषितपर्म॥ होतपावन सर्वइनते सुनहुंविप्र सधर्म॥
 सुरसरीके शरणमाहीं मनहुंसों जेहोत । ब्रह्मपदकोहोत प्रापत
 तौन सुनुबुधिपोत ॥ होतिहै परसन्न जैसे जननि सुतकोदेखि ।
 होतित्यों परसन्नगंगा सर्वलोकन्ह पेखि ॥ चित्तको बंशकिये
 जेजन ज्ञानवानमंहान । सुरसरीको सेवते हैं ते सबै मतिमान॥
 मोक्षकीबर कामनाकी करतजे जनपर्म । प्रेमसों ते सेवतेहैं सुर-
 सरीहिसधर्म ॥ शम्भुआदिक देवतनकोकै प्रसन्नसुजान । उग्र
 तपसों भगीरथ नृप ज्ञानवान महान ॥ चोखा ॥ ल्याये भूकेमा-
 हिं जाहनवीहि अतिमोददा । पावत तिहिकेपाहिं अमरनकी
 गतिको सुनर ॥ रामगोती ॥ ताहि परशे भीतिदोऊ लोककी मि-
 टिजाति । बढ़त तेयश सुरनकोसो स्वच्छमतिसरसाति ॥ सुर-
 सरीके गुणनको हमकह्यो यह यकदेश । बुद्धिसों अवगाहि क-
 रिकै सुनहुं विप्रबुधेश ॥ सर्वगुणके कहनकीहै शक्ति हममें ना-
 हिं । सकतनहिं अवगाहि जोबर अमरऊ अवगाहिं ॥ मेरुगिरि
 के उपलकी अरु सिंधुजलकी पर्म । होति संख्या पैनगंगा गुण-
 नकी सहधर्म ॥ सुनहुंताते जानिगंगा गुणनको मतिमान ।
 भक्ति मनवच कर्मसोंगाहिहोय श्रद्धावान । मोददा अति सुर-
 सरीबर कृपाकरिकैउद्ध । धर्मयुत करि करै तब मम मनीषाको
 शुद्ध ॥ भीष्मउवाच ॥ तोटक ॥ शुचिजहनु सुता बरकेकरिकै । बुधि
 सोंअवगाहि हियेचहिकै । द्विजसोंबुध सिद्ध विदालहिकै । सुग-
 योदिव मारगकोगाहिकै ॥ अन्तगुरुतोमर ॥ सुनि सिद्धिकेबरबैनको ।
 शिलवृत्तिद्विजसुखलैनको ॥ सुरनिम्नगाकहँपूजिकै । धरिप्रेमको
 हियकूजिकै ॥ शुचिसिद्धिदुर्लभपायकै । रविरूपमोक्षबिब्यायकै ॥
 तिहि भांतिहीतुमपूजिये । सुरनिम्नगाको कूजिये ॥ गाहिकैसुभक्ति
 महानको । धरिहियेमें बरज्ञानको ॥ मधुभाषा ॥ उत्तमसुसिद्धि । तुम
 बुद्धि निद्धि ॥ लहिहौमहान । अतिमोददान ॥ सुरसरिहि सेय ।

कोमुद नलेय ॥ गंगासमान । सुखदानआन ॥ यातेसुपूजि । बहु
भांतिकूजि ॥ बैशम्पायनउवाच ॥ जयकरी ॥ सुरसरि स्तवसहितइति-
हास । बुद्धिप्रकाशक आनंदरास ॥ बंधुन्हसहित युधिष्ठिरभूप ॥
सुनिकै हर्षित भयो अनूप ॥ दोहा ॥ यहि इतिहासहि जौन जन
पढ़ै सुनै सहप्रेम । सर्व कलुष ताके मिटै नितही रहै सक्षेम ॥
इतिमहाभारतदर्पणेशान्तिपर्वणिदानधर्मगंगामाहात्म्येषड्विंशोऽध्यायः ॥

युधिष्ठिरउवाच ॥ रामगीती ॥ सर्वगुणसों युक्तहौतुमसुनहु भीषमताता
बैदधर्महिं धरेहौ अरुशीलको अवदात ॥ महा प्रज्ञावानहौ
व्रतवान अरुयशवान । धर्मधरजे मनुज तिनमेंश्रेष्ठ आपुमहा
न ॥ धर्मबूझतआपुसों यहहेतुतेहमपर्म । धर्मबक्ताआपुसोंनहिं
और कोइअभर्म ॥ प्रज्जंजली ॥ क्षत्रिय सु वैश्य अरु शूद्रजौन ।
द्विजताहि लहत किहिभांतितौन ॥ तपकियेलहतकी कियेकर्म ।
श्रुतिश्रवणकियेकी स्वच्छपर्म ॥ हमको सुआप कहियेनरेश ।
तुमकहनयोग्यहौ बरबुधेश ॥ भीष्मउवाच ॥ रामगीती ॥ क्षत्रियादि-
क वर्णजेहैं तीनसुनु भूपाल । लहतहैंब्राह्मण्यको अतिदुःखसों
सुविशाल ॥ बहुत योनिनमाहिं पुनिपुनि जन्मलेत सुजान ।
जन्म आवृत माहिं कबहुं होत द्विजमतिमान ॥ परम यहिपर-
संगमें इक कहत हों इतिहास । सुनहु सो मनलायकै तुम भूप
बरबुधिरास ॥ दोहा ॥ ऋषि मतंग अरु गर्दभी को है तिहि में
सम्बाद । अब तेहि कहत बुझाइकै जेहि सुनि मिटतविषाद ॥
रामगीती ॥ रहो एक विप्रकोई वेदवान सुजान । संसकारितभयो
ताके सुवनइक सुखदान ॥ सर्व गुणसों युक्त जोहो नामतासु
मतंग । सिन्धुसों गम्भीर हौ बर भरो बुद्धितरंग ॥ विप्रमख
सामान काजै ताहि भेज्योतात । चपलबालक गर्दभनसोंयुक्त
रथ अवदात ॥ चढ़ोतापै चलो ल्यावनयज्ञको सामान । लगो
मारन गर्दभनको सो सुनो मतिमान ॥ प्रेमपूरीहीतहां उनगर्द-
भनकीमाय । देखिपीड़ित सुतन्ह को तिहिकह्योइमिअकुलाय ॥

करहु शोच न पुत्र मेरे धरहु ही में धीर । है महाचण्डाल
यह परकहा जानैपीर ॥ मित्र सबके होत हैं द्विजहोत निर्दय
नाहिं । लेत शिक्षा आयकै जनसर्वतिनके पाहिं ॥ करतबाल-
क दयाको नहिं देत यहबहुमार । है नहीं यहविप्रजानो याहि
अघ आगार ॥ गहे अपनी जातिको यहभाव है सुनुतात ।
हनतयाते धरत है नहिं दयाको अवदात ॥ होतहै जब आय-
हीमें प्रवृत्तजातिसुभाव । रहतनाहिं तव हियेमाहीं मनीषा को
छाव ॥ गर्दभीके बचन सुनिकै ये मतंगसुजान । गर्दभीकेपास
आयो छोड़िरथ सुखदान ॥ कहतभो इमि बैनतासों ऋषिमतं-
गअभर्म । मोहिं किमिचण्डालजान्यो कहहुगर्दभिपर्म ॥ नष्ट
कैसे भईमेरी विप्रताअभिराम । कहो विधिसों सर्वमोसों बुद्धि-
वन्ती माम ॥ गर्दभीउबाच ॥ है तुम्हारो शूद्रपितु अरुब्राह्मणी है
मात । नष्टयाते भई है तव विप्रता अवदात ॥ बैन सुनि ये
गर्दभीके ऋषिमतंग अनूप । भयो आवतधाम माहीं सुनुयुधि-
ष्ठिरभूप ॥ देखिताको पिता ऐसे कह्यो तातसुजान । गहोय में
नहिं ल्यायबेको यज्ञको सामान ॥ गेहमें फिरि आवनेको जौन
कारणतात । कुशल है की नाहिं मोसों कहो सुत अवदात ॥
मतंगउबाच ॥ लेतजे हैं जन्मकुत्सित जातिमेंसुनुतात । कुशलसों
ते रहेंगे किहि लोकमें अवतात ॥ गर्दभी इमिकह्योमोसोंसुनहु
पितु अवदात । पिता तेरो शूद्रहै अरु ब्राह्मणी तवमात ॥
सुनहु ताते करेंगेहम महत तपवनबीच । पितासों कहि बैन
ऐसे ऋषि मतंग निभीच ॥ करी ऐसी तपस्यावर विपिनमाहीं
जाय । भये तासों तप्त सुरके वृन्दसह सुरराय ॥ भयो तपसों
विप्रताको प्राप्तवर ऋषिराय । महततपसों युक्त लखिकै शक्र
तप्ये आय ॥ कहतभो इमिमहत तपको करतहौ किहिकाज ।
मनुजवारे छोड़िकै सब भोगवारे साज ॥ जौन इच्छित होय
तुमको देहुसो वरदान । कहहु मोसों करहुदेरन सुनो वरतप-

वान ॥ मतंगउवाच ॥ लहे हम यहि बिपिनमाहीं बिप्रताकोपर्म ।
हे हमारे कामनायह सुनो शक्रअभर्म ॥ भीष्मउवाच ॥ चरणकुलक ॥
अधिकेबैन पुरन्दरसुनिकै । ऐसेकह्यो हियेमें गुनिकै ॥ द्विजता
अतिदुर्लभहैजानो । यहनमांगिवे को अनुमानो ॥ तुमकोप्राप-
ति कै है नाहीं । धरहु न मन यहइच्छा माहीं ॥ देव दनुज मनु
जनमें रूरी । पर्मपवित्रबिप्रतापूरी ॥ भेचांडालयोनिकेमाहीं ।
याते द्विजतालहि हौ नाहीं ॥

इतिमहाभारतदर्पणेशान्तिपर्वणिदानधर्मेमतंगशक्रसम्वादेसप्तविंशोऽध्यायः

भीष्मउवाच ॥ मधुभार ॥ चांडाल जौन । कबहुं न तौन ॥ द्विज
ताहिलेत । सुनि हे सचेत ॥ चरणकुलक ॥ सुनिकै यह मघवाकी
बानी । वर व्रतवान मतंग सुजानी ॥ कीनोतप इकपदसोंठाढ़े ।
शतवत्सरलों गहि मन गाढ़े ॥ तदनन्तरबोले मघवापुनि । ऋ-
षिमतंग को तपहीमें गुनि ॥ द्विजता अतिही दुर्लभ जानो ।
लहिहौ तुम न सत्यअनुमानो ॥ मति करु साहसही के माहीं ।
तुम्हरोधर्ममार्ग यहनाहीं ॥ द्विजताको तुमनहिं लहिसकिहौ ।
बहुदिन लोंतप करिकरि थकिहौ ॥ बारबार तुमकोहम बरजे ।
मानतनाहिं हिये हठबरजे ॥ यहनिश्चय मानौ मनमाहीं । मि-
लिहै तुम्हें बिप्रतानाहीं ॥ द्विजतालीबे जो हठकरिहौ । थोरे
काल माहितौ मरिहौ ॥ तिर्यग् योनि माहिं गतजेहैं । लहत
मनुजताको जबतेहैं ॥ तवचांडाल योनिकेमाहीं । लेतजन्महैं
सुनुममपाहीं ॥ रामगोती ॥ अमतहैंबहुकाललों तिहिं योनि माहीं
तौन । लहत ते पुनि शूद्रताको सुनो वरबुधिभौन ॥ रहतजितने
वर्ष हैं चांडालयोनि सुमाहिं । सुनहु तात सुजान तुमसों कह-
तहों अवगाहिं ॥ शूद्रतामें अमतताते अधिक दशगुणतौन ।
लहत ते पुनि वैश्यताको सुनो प्रज्ञाभौन ॥ जयकरी ॥ शूद्रयोनि
में जितने वर्ष । अमत जीव सुनु तात सहर्ष ॥ त्रिंशतगुण आ-
धिक तिहि तेसु । वैश्ययोनि के माहिं अमेसु ॥ तौन जीव पुनि

सुनु बुधिपोत । क्षत्रियोनि में प्रापति होत ॥ जितनेवर्ष वैश्य-
ता बीच । अमरत तौन सुनुतात निभीच ॥ क्षत्रियोनिमें तिहिते
तौन । षट्गुण अधिकभ्रमें बुधिभौन ॥ ब्रह्मबन्धुतामें पुनिहो-
त । तौनसुनो वर प्रज्ञापोत ॥ बहुत काल अमि तामें जौन ।
काष्ठ पृष्ठता लहत सुतौन ॥ वेद्याकोराखत द्विजजोई । काष्ठ
पृष्ठ द्विजगणमें सोई ॥ बहुतकाल अमिताके माहिं । जपता
लहत कहौं अवगाहिं ॥ गायत्रीहि जपै द्विज जौन । जपता
ताहि कहैं बुधिभौन ॥ बहुत काल अमि ताके बीच । वेदवान
पुनि होतनिभीच ॥ वेदवान कुलमाहिं सुपर्म । बीतेकछु दिन
सुनोअभर्म ॥ शोकहर्ष अरुकाम महान । द्वेषबाद अरु अति
अभिमान ॥ ये सबतिनको धेरतआय । करत आपने बशमें
दाय ॥ जीतिलेय जब इनकोसर्व । तब शुचिद्विजता लहै अ-
खर्व ॥ हम तुमसों यह कह्यो विचारि । तातेतजौ याहिनिर्धारि ॥
दाहा ॥ अतिदुर्लभ ब्राह्मण्यहै तजौ कामना यह । और काम-
ना को करौ सुनिमतंग बुधिगेह ॥

इति श्रीशान्तिपर्वणिदानधर्मेमतंगशक्रसम्वादेअष्टाविंशोऽध्यायः २८ ॥

मोक्षउवाच ॥ अन्तगुरु तोमर ॥ सुरनाथके सुनि बैनको । द्विजताहि
दुर्लभ लौनको ॥ पुनिएकपदसों ठाढ़कै । समरत्थ वर उड्गाढ़
कै ॥ करिचित्त धीर्य महानमें । मनलायकै थिरध्यानमें ॥ तप
कीन्ह वर्षहजारलौं । तन सूखिभोकृशदारुलौं ॥ पुनि शक्रता
पहैं आयकै । अवरेखितपमनलायकै ॥ शेरठा ॥ कहैतौनहींबैन
सुरपतिकेरिमतंगसों । सुनहुंतातबुधिऐ न जौन वचन पहिले
कहे ॥ मतंगउवाच ॥ रामगीतो ॥ ब्रह्मचारय धर्मसों हमयुक्तहोइकै
पर्म । सहसवत्सर एकपदसों खरेहोय अभर्म ॥ सुनहुहे सुर
सजहमतप कियोपर्म महान । क्योंन होइहै प्राप्त हमको विप्र
तासुखदान ॥ शक्रउवाच ॥ भयोतुम्हरो जन्महै चाण्डाल योनि
समाहिं । लहीगे यहिहेतुते तुम विप्रताको नाहिं ॥ बैनसुनिकै

शक्रके ये गयामाहीं जाय । वर्षशतलों अँगुष्ठों खरो है मन
 लाय ॥ करत भोतप महा तासों भई कृश सब देह । गिरत भो तब
 आय मघवा गह्यो सहित सनेह ॥ शक्र उवाच ॥ सुनु मतंगसु विप्र
 ता है तुम्हें दुर्लभ पर्म । भूलि अब जनि करो हठको कहत तोहिं
 अभर्म ॥ लहत सुखको महत द्विजको पूजते हैं जौन । जेन पूजत
 महा दुखको लहत हैं जन तौन ॥ विप्र दारा होय कै सुर पितर
 तप्तसु होत । श्रेष्ठ सब ते विप्रता है कहत प्रज्ञापोत ॥ सर्व
 भूतन माहि हैं उत्कृष्ट विप्र अमन्द । जौन इच्छा होय सोई करत
 हैं निरदन्द ॥ बहुत योनिन माहि पुनि पुनि जन्म लेत सु जीव ।
 लहत है द्विजयोनि को कबहूँ सु आनंद सीव ॥ पर्म दुर्लभ
 विप्रता है त्यागि याते याहि । करो औरै कामना को कहत हौं अ-
 वगाहि ॥ मतंग उवाच ॥ मारते हौ मोहि क्यों तुम मृतक हौं मैं आपा
 दया धरिये हिये माहीं अहो बुद्धिकलाप ॥ कहत पुनि पुनि जात
 हौं उहि होय जासों पीर । दया धरत न हो हिये में हे पुरन्दर
 धीर ॥ क्षमा जे जन गहत नाहीं करत हिंसा पर्म । करत नहिं
 इन्द्राइन को बश करै भूरि अधर्म ॥ तिन्हें दुर्लभ विप्रता है शक्र
 सुनि धरमज्ञ । प्राप्त द्विजता भये तौ नहिं सकत राखि न अज्ञ ॥
 सारठा ॥ जानत नहिं करि जौन द्विज ताकी रक्षा परम । सुनहु शक्र ज-
 न तौन पापिन ते पापी अधिक ॥ जय करो ॥ दुखते द्विजता प्रापति
 होत । प्रापति भये सुनो बुधिपोत ॥ ताकी रक्षा दुर्लभ पर्म । है नहिं
 मेरे थामे भर्म ॥ रक्षा करत न द्विजता पाइ । ते जन अज्ञ महा
 सुरराइ ॥ मैं सु करत संग्रह को नाहिं । कबहुं न जात क्रोध के पाहिं ॥
 हिंसादिक को कबहुं करौं न । अरु कुमार्ग में पांव धरौं न ॥ लहि हौं
 क्यों नहिं द्विजता पर्म । सुनहु शक्र यशवान सधर्म ॥ पूरव करम
 महा बलवान । होत सुनो मघवान सुजान ॥ मैं धर्मज्ञ प्रज्ञ
 अति होय । तासों लही दशा यह जोय ॥ पुरषारथसों पूरव
 कर्म । मिटत नही है कहत अभर्म ॥ द्विजता काजै यत्न महान ।

कीन्हों पै नहिं लहत सुजान ॥ कृपायोग्य हमहोहिं सुरेश । तौ
 करिकृपा देहु बरवेश ॥ बैशम्पाधनउवाच ॥ सुनि मतंगके बैन सुवे-
 श । अबहिं मांगुवर कह्यो सुरेश ॥ मघवाकी आज्ञाको पाय ।
 मांग्योवर सुमतंग सचाय ॥ जो हम इच्छा करें दराज । होय
 सिद्धि सो सुनि सुरराज ॥ अरु हम पूजितहोहिं अनूप । बदै
 सुयश ममशशिकेरूप ॥ देहुहमेंतुमयहबरदान । हेमघवान म-
 हा यशवान ॥ शक्रउवाच ॥ दोहा ॥ पूजित कैहौ परमतुम तीनहुं
 लोकनमाहिं । कीरति अतुला होयगी मानो संशयनाहिं ॥ यह
 बरदेय मतंगको सुरपतिगो निजधाम । छोड़ि मतंगहु प्राण
 गति लीन्हीं उत्तममाम ॥ ऐसीहोतिसुविप्रता दुर्लभ परमवि-
 शाल । मघवाके इन बचनसों जान्यो तुम भूपाल ॥

शान्तिपर्वणिदानधर्ममतंगशक्रसम्बादसमाप्तिर्नामैकोनत्रिंशोऽध्यायः २६ ॥

युधिष्ठिरउवाच ॥ दोहा ॥ प्रापति दुखसों होतिहै जनको द्विजता
 पम्म । तौन सुन्यो हम आपसों भीषम सुनहु सधर्म ॥ चरणा
 दोहा ॥ बिश्वामित्र लही द्विजता अरु हैहय वर भूपाल । तौन
 सुननकी हिये हमारे इच्छा भईविशाल ॥ कौनकर्म तपकौन
 सों द्विजता लही अनूप । तौन कृपा करिकै कहौ हमकोभीषम
 भूप ॥ भीष्मउवाच ॥ मोरठा ॥ सुनि पाण्डव सुमहीप जिहि विधि
 सों द्विजतालही । है यह वर अवनीप सोविधि तुमसों कहत
 हों ॥ अरिल ॥ होत भयो मनु भूपति के सुत । नाम तासु सर्याति
 धर्मयुत ॥ तिहिकेकुलमें बत्स महीपति । भयोतासुको यश
 भूमें अति ॥ ताके सुवनभये द्वै मतिवर । तालजंघ अरु हैहय
 यशधर ॥ हैहयके दश रानिनके सुत । दशदशभये महा मेधा
 युत ॥ पर्मशूर अरु भूरि कीर्तिकर । तुल्यरूप बलवान धनु-
 र्धर ॥ पदेवेदजिननीकेश्रमकरि । सर्वशत्रुजीते जिनलरिलरि ॥
 काशिदेशमें भो यक भूपति । नामतासु हर्यश्व महामति ॥
 हैहय नृपके सुतबलवानसु । गंगा यमुनामध्य महानसु ॥ रवि

है युद्ध भूपहय्यश्वहि । सेना सहित मारिडाख्यो महि ॥ मारि
गाहि अवनीपहि बलधर । हैहयके सुत गे अपने घर ॥ तब
श्यश्व महीपतिको सुत । काशिराजभो महा सुयशयुत ॥ ना-
न सुदेव देवसम सोहत । कम्पत दुवन जबै वहकोहत ॥ स-
साक्षात धर्मसो लागत । जाकोरूप लखे अधभागत ॥ पाल
नभो भूको सो भूपति । लीन्हे राजनीतिकी यूगति ॥ ताहूका
है हय के सुतसुनि । माख्यो उद्ध युद्ध रचि अरिगुनि ॥ दिवो-
दास तब काशि देशपति । भो कीन्हों तिहि जगमें यशअति ॥
जो बिचारि हैहयसुतको बल । शासनपाय शक्रको अतिकल ॥
गंगाकेउत्तर कूलहि पर । बाराणसी बसाई शुचिवर ॥ चारिहु
वर्ण बसत हैं जामहिं । अमरावति लो सोहलिभालहिं ॥ देहा ॥
गुनि हैहयसुत आयकै बाराणसीहि घेरि । दिवोदास अबको
नैकरि छप्यो कह्यो इमि टेरि ॥ सुनिकै हैहय सुतनके बैनहोय
तहकुद्ध । शारदूललों गरजिकै निकसिभटनसहुउद्ध ॥ मुजंगप्रया-
ग ॥ दिवोदास संग्राम घोरै बिराच्यो । तहांलोहु औ मेदको
हीच माच्यो ॥ दुहूंओरसों शूरबांके हँकारैं । चलैंबाण औशेल
बड़ौ कटारैं ॥ परें मण्डभूमैं करैरुण्ड युद्धै । चहैंजीति को ते
भरेक्रोध उद्धै ॥ लसैखड्गसों शूरके रुण्ड ऐसे । सशम्पान भे
सांभके मेघजैसे ॥ डरे लोहकीधार में शूरवारे । लसैरुण्डऔ
मुण्ड ऐसेसुढारे ॥ परेभारतमें बहोरूप धवरैं । मनोराहु औ
केतु दोऊ बिहारैं ॥ अमानै दुहूंओरके शूरबांके । हटें नाहिकेहूं
बलीहवै ससाके ॥ तहां हासकै अट्टकाली बिहारै । महामोद
सों भै चहूंघानिहारै ॥ खरीलोहुकीधारमें भांति ऐसे । घटा
सांवरी भारती माहिं जैसे ॥ लहेंहस्तमें कालिका टोपवारे ।
महा शूरकेमुण्ड भारे सुढारे ॥ लसैतान ऐसे तिन्हेंकी प्रभासों ।
गहेभानु मानो घटाघोर वासों ॥ घेरठा ॥ दिन सहस्रलों युद्ध
कियो बली काशी धनी । चिन्ताबादी उद्ध जबबाहन मारेगया ॥

तव सुदीनता भाषि दिवोदास भूपालवर । प्राण आपनोराखि
 भरद्वाज ऋषिपै गये ॥ चरणाकुलक ॥ बोलेतव नृपसों द्विजराजा ।
 कहो आपु आवनको काजा ॥ कहिहौ जो सोई हम करिहैं ।
 और बिचार हिये नहिं धरिहैं ॥ राजोबाच ॥ है हय नृपके सुत
 बलभारे । मेरे कुलवारे सब मारे ॥ मैं हौं बच्यो दीनता को
 गहि । आयो तव शरणै अब मैं चहि ॥ शिष्य आपुकोहों मैं
 यहिते । ऐसो करो अभयहों जिहिते ॥ दिवोदासनृपकी यहबानी ।
 सुनिकै बोलेसुऋषि सुज्ञानी ॥ मतिडरु मतिडरु हे भूपाला । साह-
 सहीमें धरो विशाला ॥ जयकरी ॥ तुम्हरे सुतहोबेके काज । करि
 हौं यज्ञसुनो नरराज ॥ सुवन बली है हय के सर्व । हनिहै सो
 रचियुद्ध अखर्व ॥ कहि नृपसों ऋषि ऐसे बैन । मखकीरचना
 करी सचैन ॥ सुतभो नृपके कीन्हें यज्ञ । तासु प्रतर्दन नाम सु
 प्रज्ञ ॥ बढ़त भयोसो जन्महिंलेत । शीघ्रहि धनुधर भयोसचे-
 त ॥ दोहा ॥ लेय तेज सब लोकको भरद्वाज ऋषिराय । दिवो
 दासके तनय के तनमें धख्यो सचाय ॥ तोटक ॥ ऋषिराय कियो
 बहुभांति बली । तिहिको लखि कांपतभे सुखली ॥ धनु आदि-
 क शस्त्र लग्योगहिबे । अरिगंजन बैन लग्यो कहिबे ॥ यशगा
 वन जासु लगे सुगुनी । बहुभांति सराहत हैं सुमुनी ॥ जिमि
 प्रातसमय रवि साजतहै । तिमिहीं सु प्रतर्दन आजतहै ॥ रथपै
 चढ़िकै सब शस्त्र लिये । धनुको सु फिरावत गर्वकिये ॥ चहुँबा
 सुलग्यो फिरिबे जबसों । मुदसों भरि भूप रहे तबसों ॥ सोरठा ॥
 जान्यो मनमें येह लखिकै सुवन पराक्रमी । बसिहैं नहिं अरि
 गेह बचिहैं नहिं संग्राममें ॥ रामगीतो ॥ दिवोदास महीपलखिकै
 सुवनको परताप । राजपै बैठायकै अति भयो मोदित आप ॥
 तदं अनन्तर भूप है हय सुतनके वधकाज । प्रतर्दनको भेजतो
 भो भरोहर्मदराज ॥ उत्तरिकैरथ सहितगंगा शीघ्रही बलवान ।
 जायहै हय सुतनको पुर लियोधेरि मेहान ॥ श्रवणकरिकै शब्द

रथको उद्ध है हयनन्द । रथनपै चढ़ि शस्त्र लीन्है भरे क्रोध बिलन्द ॥ निकरि पुरते प्रतर्दन सों रच्यो युद्ध महान । वृष्टि करि कैशरनकी बहुहते शूर सुजान ॥ जलद ज्यों हिमवान ऊपरपरम वर्षत नीर । तिमिहि वर्षत बाण हैं सब प्रतर्दन पै धीर ॥ चले आवत अस्त्र है हय सुतनके जेपर्म । प्रतर्दन निज अस्त्रसोंते वारिदेत अभर्म ॥ बज्रसम शर मारि तिनको दिये भूमिगिराय । रहेजितने नन्द है हय भूपकेनरराय ॥ भरेशोणितपर ऐसे खेत माहीं तौन । कटे किंशुकपरे जैसे लगत सुनु बुधिभौन ॥ मरेते सब सुवन है हय भाजितजि पुर पर्म । जायभृगुके शरणमाहीं रह्यो भूप सधर्म ॥ अतिहि व्याकुल देखि है हय भूपको ऋषि राय । कियो निर्भय बचन कहिकै परम मुदसों डाय ॥ कछुक बीते प्रतर्दन नृप जाय आश्रम बीच । देखिकै चहुं ओर ऐसे भयो कहत निभीच ॥ कौन है यहि थानमाहीं शिष्य भृगुके पर्म । कहौ हमको आय कहें कहां सुमुनि अखर्म ॥ भई तिनको देखिवेकी कामनामो माहिं । देहुमेरी खबरिको तुमजाय भृगुके पाहिं ॥ जानि नृपको थान ते कढ़ि सुमुनि बाहिर आय । सबिधि पूजत भये नृपको हर्ष हियमें डाय ॥ पूजिकै इमि भयेबूझत कहौ गे कछु आप । कह्यो निज आगमनको नृप हेतु तेजकलाप ॥ राजोबाच ॥ दीजियेकरि बिदा है हय नृपतिको मुनि आप । हन्यो मेरेवंश याके सुवनपाप कलाप ॥ करीऊजर काशिकामो पुरी यह भूपाल । है हमारो महा अरि यह सुनहुं सुमुनि विशाल ॥ हने याते सुवन याके सर्वमयमुनि राज ॥ याहिहनि हों अहं मैं हों भरो क्रोधदराज ॥ याहि हनिहों तबैहवैहों उऋण पितुसों पर्म । करहुयाते बिदा याको सुनहु सुमुनिसधर्म ॥ भूमोबाच ॥ है हमारे थानमाहीं सर्व द्विज नहिं और । बैनसुनि ये सुमुनि भृगुके सहा नृप शिर मौर ॥ परसिमुनिके चरण मुद सहकहे ऐसे बैन । दई जाति छुड़ाय है यह भूपकी हमऐन ॥

भयोमें कृतकृत्ययाते लह्यो मोद महान । प्रतर्दन इमिकाहिसु-
 मुनि सों गये अपने थान ॥ सुमुनिभृगुके बचनसों शुचिभूप है
 हय पर्म । भयो प्रापित बिप्रताको सुनहुं तात सुधर्म ॥ तिहि
 अनन्तर भयो है हय ऋषीके सुतस्वच्छ । कहतताको शक्र हैं
 सबदनुज परमहिदच्छ ॥ बरवै ॥ नामगृत्समद ताको सुनि मति
 मान । पूजतभे द्विज ताको अतिश्रीमान ॥ ऋचा जासुकी श्रुति
 में सोहत स्वच्छ । भो सुचेतसुनताको अतिहीदच्छ ॥ दोहा ॥
 वर्चसभयो सुचेतके अतिही प्रज्ञावान । वर्चसके सु बिहव्यभो
 श्रुतिमें परम सुजान ॥ घोरठा ॥ सुनुनृप भयो बितत्य सुमती
 विप्र बिहव्यके । भो बितत्यके सत्य सन्तभयो सुतसत्यके ॥ दोहा ॥
 श्रवाभयो सुतसन्तके भयो श्रवाके तात । नामतासु तम तौन
 भो विप्रनमें अवदात ॥ तमके भयो प्रकाश सुततौनहुं द्विजभो
 पर्म । भो वागिन्द्र प्रकाशके सो श्रुतिमाहिं अभर्म ॥ भयो प्रम-
 ति वागिन्द्रके सोमतिमान महान । तेजवान यशवान अरु ध-
 र्मवान श्रुतिमान ॥ चरणदोहा ॥ ताके भयो घृताचीमाहीं सुवन
 तासुरु नाम । प्रमद्वरामें सुवनभो रुरुके सों बुधिधाम ॥ शुन-
 कनाम ताको महा तेजमान श्रीमान । शौनकभो ताके सुवन
 पर्म पूज्य मतिमान ॥ कृपापाय भृगु सुमुनिकी है हय भूपति
 पर्म । ऐसे द्विजताको लही पाण्डव सुनहु सधर्म ॥ है हय ऋ-
 षिको वंशवर वरणिकह्यो अवदात ॥ अब आगे का बूझिहो
 सुनहु धर्मधर तात ॥

इति श्री महाभारतदर्पणेशान्तिपर्वणिदानधर्मे त्रिंशोऽध्यायः ३० ॥

युधिष्ठिरउवाच ॥ दोहा ॥ कौनमनुज यहिलोकमें पूज्यमान हैं पर्म
 तौन बतावहु मोहितुम भीष्मसुनहु सहधर्म ॥ भीष्मउवाच ॥ घोरठा ॥
 सुनहु युधिष्ठिरभूप यहि प्रसंगमें कहत हम । यक इतिहास
 अनूप सुनेतौन संशयठरत ॥ चरणदोहा ॥ बासुदेव अरु ना-
 रदमुनिकी तामें है सम्बाद । उत्तम बिप्रनको पूजत हैं नारद

छोड़ि प्रमाद ॥ दोहा ॥ केशव तिनको देखिइमि बूझतभये
 सप्रेम । सुनहु सुमुनि नारदपरम प्रज्ञावान सक्षेम ॥ पूजतहों
 सनमानकरि निज मनुजनको परम । इच्छातिनको सुननकी में
 हों करत सधर्म ॥ जानो सुनिबे योग्यजो मोको नारदआप ।
 तौनीके हमकोकहौ येहो धर्मकलाप ॥ नारदउवाच ॥ सोरठा ॥ तुम
 सों कोहै और सुनिबेयोग्य त्रिलोकमें । सुनु यादव शिरमौर
 जनरंजन भंजन दुवन ॥ पञ्चमाली ॥ सुरनाथ बायु अरु भानुच-
 न्द्र । अरु शम्भु स्वामिकार्तिक सुइन्द्र ॥ विधि विष्णु बृहस्प-
 ति भूमिवार । अम्बादि और देवत उदार ॥ जन जौन इन्हें
 पूजत सप्रेम । हमपूजतहैं तिनको सनेम ॥ अरुवेदवान जन
 जौनपरम । अतिपूज्यलोकमें जे सधर्म ॥ तिनकोसदाहि पूजत
 सप्रेम । गहिकैसुभाक्ति तिनकीसनेम ॥ सोरठा ॥ भोज्यकियेबिन
 जौन जनपूजतहै देवको । सुनिये आनंदभौन पूजतहों तिन
 जननको ॥ मोतीदाम ॥ क्षमायुतजे जनहैं जगमाहिं । कबौनहिं
 जात सुजे अघपाहिं ॥ रहैनित तुष्टित जेजनपरम । तिन्हें हम
 पूजत नित्यअभर्म ॥ सुनोअरु जेजन बोलततथ्य । कबौनहिं
 बोलत भूलिअतथ्य ॥ रहैरतधर्महिं माहिंमहान । करेंविधिसों
 मखजौन सुजान ॥ अतीथिहि पूजतहैं गहिनेम । तिन्हेंहम पू-
 जतहैंसहप्रेम ॥ कृपालहि नित्यरहैं जनजौन । करेंनहिं संचय
 को सुखभौन ॥ बसैंबनमाहिं भखैं फलमूल । अतीथिहि जेमुद
 देतअतूल ॥ सुवेदहिप्रापित होयअनूप । कहैनितबैन सुशील
 स्वरूप ॥ पढ़ैनितवेद रहैनिरद्वन्द । तिन्हें हमपूजत आनंद
 कन्द ॥ सुदेवहि पूजि सुभोगलगाय । करेंजनभोजन जौन स-
 चाय ॥ गहैव्रतसुन्दर जेजनस्वक्ष । समोद सुभृत्यहि राखत
 दक्ष ॥ गुरुहि प्रसन्न सुराखतजौन । तिन्हेंहम पूजत हैं सुख
 भौन ॥ सुनोअरु राखत जौनमहान । दया सबजीवनकीसुख-
 दान ॥ गुरुकुलमाहितजेअभिमान । पढ़ैजनजौनमहामतिमा-

न ॥ बधैंकबहुंनहिं जीवहिजौन । तिन्हैंहम पूजतहैं मुदभौन ॥
 करैनित धर्महि भर्महित्यागि । तिन्हैं हम पूजतहैं मुदपागि ॥
 समयलहिधर्म सुअर्थ सुकाम । करैजनजौन सुनो सुखधाम ॥
 महासुकृती जनकीगहिनीति । चलैजनजौन गहे सुप्रतीति ॥
 करै अतिमान नहींजनजौन । तिन्हैंहम पूजत हैं सुखभौन ॥
 करैजनजौन सुव्रत अनेक । अचंचलताहि गहे सबिवेक ॥
 तिन्हैं हमपूजतहैं मुदकन्द । गहेतिनकी शुचिभक्ति बिलन्द ॥
 सुनो कमलापति मैगहिधर्म । इतेजनकोनितपूजतपर्म ॥^{घोरठा} ॥
 जैसे बिप्रसुजान सुखदायक हैं जगतमें । तैसेजननहिं आन
 वासुदेव आनन्दकर ॥ ^{देहा} ॥ पूजोतुमहं द्विजनको योग्यपूजि-
 बेजौन । देहैतुमको मोदअति बिप्र सुमतिकेभौन ॥ ^{जयकारी} ॥
 राखतजौन अतिधिकोभाव । गऊद्विजनमें सुनुब्रजराव ॥ अरु
 जेजनहैं बोलतसत्य । चलत सुमारगमाहीं नित्य ॥ औ अन-
 शूय कहैंजनजौन । लहतपारहैं दुखकोतौन ॥ औजेश्रद्धावान
 सधर्म । पढ़त वेदको नित्यअभर्म ॥ पूजत सर्वदेव सहप्रीति ॥
 अघको पारलहत तेजीति ॥ ^{तोमर} ॥ जनजौनहैं व्रतवान । अरु
 देतजौनसुदान ॥ द्विजको सुपूजिसप्रेम । सन्मान करतसनेम ॥
 दुखपारहोत सुतौन । सुनुकृष्ण आनंदभौन ॥ तपकोसुकैअति
 पर्माजिनकीन्ह चित्तअभर्म ॥ दुखपार तेजनजात । सुखसोंभरे
 सुबिभात ॥ अरु देवपूजतजौन । दुखपार जातसुतौन ॥ बिधिसों
 सुथापिकृशान । मखकरतजे सुखदान ॥ औश्राद्धकरत सुजौन।
 दुखपारजात सुतौन ॥ ^{चरणदेहा} ॥ मातापिता गुरूकेपाहीं जिमि
 जेजन न रहत सप्रेम । यादवराय आपहू रहिये ऐसे नित्यस-
 नेम ॥ ^{देहा} ॥ ऐसेकहिकै कृष्णसोंचुपकैरहे ऋषीश । सुनहुं धर्म
 धर सुयशकर पांडववर धरणीश ॥ तुमहंपूजत सुरपितर बिप्र
 अतिधिकोपर्म ॥ तातेल्हिहौ स्वच्छगति पांडव सुनहुसधर्म ॥

युधिष्ठिर उवाच ॥ सोरठा ॥ कहौमोहिं अबधर्म शास्त्र विशारद

प्राज्ञवर । जासों होहुं अभर्म सुनहुपितामह धर्मधर ॥ देहा ॥
जोजन आवत शरणमें ताकी किये सहाय । होत कहाफलतौन
तुम हमें कहौनरराय ॥ भीष्म उवाच ॥ रामगीती ॥ कहत यहि परसंग
में इतिहास सुनुभूपाल । महाप्राज्ञ सुधर्मधर वर सुयशवान
विशाल ॥ बाजके डरसों कपोत सुभाजि दुखसोंछाय । शरण
में वृषदर्भ नृपके गयो सुनुनरराय ॥ देखिकै वृषदर्भ तिहिको
कहे ऐसे बैन । हे कपोतसुडरहु जनि अबरहहु पर्म सचैन ॥
कहो कौनेस्थान माहींका कियोहै कर्म । भाजिजासों यहांआयो
भरेभीति सभर्म ॥ डरहु जनि अब धरहु हियमें महामोद क-
पोत । कह्योइमि वृषदर्भ तासों सुनो नृप मतिपोत ॥ काशि-
राज सुछोड़ि देहों अबहिं मैं तवअर्थ । तिमिहि जीवहि छोड़ि
देहों कहत बैन न व्यर्थ ॥ करहु चिन्ता दूरि अबतुम धरहु हिय
में धीर । सोइ करिहों होयगी जिहिसों न तोकोपीर ॥ बाज उवाच ॥
सुनहु भूप कपोतहै यह भक्ष मेरोपर्म । नित्य अण्डज खातहैं
हमकहत तुमको धर्म ॥ करहु तुम रक्षा न याकी है न तुमको
योग्य । कियेते अतियत्नहमको मिल्यो है यह भोग्य ॥ हमें
प्रियहै पर्म याके रुधिर आमिषमेद । प्राप्त हमको होयगो तब
दूरिकै है खेद ॥ करहु बाधा आप मतिमो भक्ष्यमें भूपाल । दे-
तजारे हियेको मो क्षुधा पर्मविशाल ॥ रुधिरयाको पीयबेकी
बढ़ीतृष्णा पर्म । तजहुयाते बेगियाको सुनहु भूपसधर्म ॥ मारि
नखसों करी याकी अतिहि विक्लदेह । रह्योहै कछु श्वासबा-
की सुनो नृप बुधिगेह ॥ मृतक एसो ह्वै रह्योहै है न रक्षा यो-
ग्य । कृपा करिकै छोड़िदीजै है हमारो भोग्य ॥ हो कपोतहिके
कहा प्रभुआपुहेभूपाल । हौं हमारे नाहिका प्रभु तेजमान
विशाल ॥ करत रक्षा आपुयाकी करत मेरीनाहिं । सुनोभूपति
महापातक होयगो यहिमाहिं ॥ भीष्म उवाच ॥ बैन सुनि ये बाज

के वृषदर्भ भूप सुजान । बाजको इमिकहत भो सुनु पाण्डुसुत
 यशवान् ॥ राजोवाच ॥ महिष मृगको मांस तुमको देतहों मंग-
 वाय । करहु शान्त सु क्षुधा तासों सुनो श्येन सचाय ॥ जौन
 आवत शरणमेंमो तजतहों नहिंताहि । हैहमारो नित्यव्रत
 यह कहतहों अवगाहि ॥ नाहिं मोतन तजत अण्डज भरो
 डरसोंभूरि । लखोपातक होय हमको किये पातकदूरि ॥ श्येन
 उवाच ॥ महिषमृगके मांसको हमखात हैं नहिंभूप । औन दूजे
 बिहगकी शुचिपर्म मांस अनूप ॥ है कपोतहि भक्षमेरो सुनहु
 भूपति पर्म । बाज औरे बिहगको नहिंखात कहत अभर्म ॥
 अतिहि प्यारोहोय जो यह तुम्हें बिहग स्वरूप । आवरो बरि
 देहु तो तुम मांस अपनोभूप ॥ राजोवाच ॥ अति अनुग्रह करौ
 हमपै सुनहुश्येनसुजान । बैनतेरे सुनेमेरे भयो मोदमहान ॥
 जौनहमसों कहोंगे तुम करेंगे हमतौन । बैनऐसेश्येन सों कहि
 भूपधर्मक भौन ॥ काटिकाटि सुमांस अपनी देहको भूपाल ।
 लग्यो धरने तुला ऊपर भरोमोद विशाल ॥ सर्वरानी भूपकी
 सुनि करति हाहाकार । भूरिदुखसों भरी निकसीं छोड़िकै आ-
 गार ॥ भृत्यऊसुनि भरेदुख सों अतिहि बिद्वल होय । आय
 भूपति पासकीन्हों रुदन अतिहीजोय ॥ जलदकोसो भये ति-
 नके रुदनको रवपर्म । छायआये मेघचहुँदिशि सुनहु तात
 सधर्म ॥ भईचलती महीताके मर्मसों अवदात । छायनभ में
 लगे देखन देवता हेतात ॥ काटि अपने अंगकोनृपदियोमांस
 चढाय । तऊनाहिं कपोतके सम भयो सुनु नरराय ॥ अस्थिर-
 हिंगे शेषभो निरमांस सर्व शरीर । धर्मको अवगाहिकै तब
 चढो आपुहिधीर ॥ देखिकै सुरराज ताको धर्मआयोपास ॥ फूल
 वर्षन लगे देवत भरेभूरि हुलास ॥ बजनलागीं दुन्दुभी अरु
 भेरि नभमें पर्म । गान बरगन्धर्वलागे करनहोय अभर्म ॥ न-
 चनलागीं अप्सरा सबभरीं मोदमहान । अस्नानकीनो भूपवर

वृषदर्भं परमं सुजान ॥ भईसुन्दरदेह सब वृषदर्भकी सुनितात ।
हेमके सु विमान ऊपर बैठिकै अवदात ॥ गयो अक्षय स्वर्ग
कोसो स्वच्छकीन्हेंकर्म । सुनि युधिष्ठिर धर्मधर बर ज्ञानवान
अभर्म ॥ जौन आवैजीव तेरे शरणमें हे तात । करहु ताकी
तुमहुँ रक्षा धर्मगहि अवदात ॥ जौन आश्रित जीव तिनकी
कियेरक्षापरम । होत अति परलोकमें सुख कहत तोहिं अभर्म ॥
रहित होइकै कपटसों जेकरत कर्महि स्वच्छ । होत तिनको प्राप्त
का नहिं सुनहु भूपति दक्ष ॥ कियेते शुचिकर्मवर वृषदर्भ भूप
सुजान । ख्यातभो तिहुँलोक माहीं सुनहु सुतमतिमान ॥ ३१ ॥
शरणागत जो जीव इमि ताकी रक्षाकिये । सुनहु तात बुधिसीव
उत्तमगतिको लहत जन ॥ यह जो व्रत अतिस्वक्ष भूपतिवर
वृषदर्भको । ताहिसुने नृपदक्ष जन पावन अति होतहैं ॥

इति श्रीमहाभारतेशान्तिपर्वणिदानधर्मेद्वात्रिंशोऽध्यायः ३२ ॥

युधिष्ठिरउवाच ॥ चरणादोहा ॥ कौनकर्म है श्रेष्ठ नृपनको कर्मनमें
अवदात । दुहुँलोकमें मोदलहतहैं कौनकर्मतेताता ॥ भीष्मउवाच ॥
दोहा ॥ विप्रनको जो पूजिबोसुनो युधिष्ठिरभूप । भूपनको यहक-
र्महै अतिही श्रेष्ठअनूप ॥ पालैज्यों निजआतमा जिमिहीं सुसु
तैप्रेम । तिमिहींपालै द्विजनको भूपतिगहिकै नेम ॥ पूज्यमान
जे अतिथिहैं विप्रनमें अवदात । तिनको विधिसों पूजियेगहि
कै भक्ति सुतात ॥ पूजितिन्हैं हर्षितकिये बढ़त राज्यहै परम ।
तेजबढ़त अरु यशबढ़त पाण्डव सुनहु सधर्म ॥ पतंगम ॥ ज्यों
पितरनको पूजिये सु अतिप्रीतिसों । विप्रनहूँको पूजिये सुति-
हिरीतिसों ॥ जिन मनुजनपै कोपितहोत सुविप्रहैं । तिन मनु-
जनको नष्टकरते क्षिप्रहैं ॥ होतविप्र अति उग्रसुयश तिनको
विभात है । नाशकार नहिं तिनकोकहूँ दिखातहै ॥ दोहा ॥ उग्र
अग्निसे लगतहैं करत विप्रजबक्रुद्ध । मूर्खहु जिनसों डरत हैं
कवहुँन करतविरुद्ध ॥ रामगीता ॥ रहतकेते गुप्त द्विज हैं सुनहु

भूपतिपर्म । प्रगट केते रहतहैं द्विज परमस्वच्छ सधर्म ॥ विप्र
 दुर्वासादिकेते परमहैं हठकार । कितेकोमल विप्रअतिहैं गौत-
 मादि उदार ॥ करतरक्षा गौनकी उपमन्युआदिकपर्म । करत
 भिक्षाकिते दत्तात्रेय आदिसधर्म ॥ बालमीकहि आदिहैं द्विज
 किते चौर अनूप । कलहकर हैं नारदादिक कितेद्विजसुनुभूप ॥
 कितेनर्तक विप्रहैं भरतादि अतिही दक्ष । सर्वकर्मक कितेद्विज
 हैं सुनहु भूपतिस्वक्ष ॥ प्रशंसा जनकरत तिनकी धरत प्रीति
 महान । देवराक्षस पितरमनुजन माहिसुनु बुधिमान ॥ पूर्वही
 सों श्रेष्ठ हैं द्विज कहत श्रेष्ठ बुधेश । सकतजीति न तिन्हें सु-
 रगंधर्व असुरनरेश ॥ पितर औ न पिशाचराक्षस सकत तिन
 कोजीति । लहतकाहूकीनशंका रहत नित्यनिभीति ॥ करतसुर
 को असुरहे अरु असुरको सुरपर्म । करतइच्छा होय जिहिको
 भूप भूपसधर्म । जौनजन अज्ञान द्विजको करतहैं अपमान ।
 नष्ट ते जन होतहैं हमकहत सत्यसुजान ॥ होतनिन्दा प्रशंसा
 में कुशल अतिही विप्र । लहतजासोंदुःख तापै होत कोपित
 क्षिप्र ॥ करतजाकी प्रशंसा द्विजबढ़तहैं जनजौन । हीनताको
 लहतजाकी करत निन्दातौन ॥ सोरठा ॥ करत अनुग्रह नाहिं
 जिहिक्षत्रीपै विप्रवर । शूद्रयोनिकेमाहिं तिनकोहोत सुजन्महै ॥
 दोहा ॥ विप्रनते जो भाजिवो सोहै अतिकल्याण । विप्रनकोजो
 जीतिवो सो कारण दुखदान ॥ आभीर ॥ द्विजहत्याहैं जौन । महा-
 दोषहैतौन ॥ द्विजहत्या समअन्य । हैन सुनो नृपधन्य ॥ तोमरा ॥
 परिवाद द्विजकोजौन । कबहूँन सुनियेतौन ॥ जनकरत कौनहु
 होय । सुनिबैठिये मुखगोय ॥ घोरठा ॥ करनलगै जो भूरि कौन-
 हुं निन्दा विप्रकी । तो चुपहवै उठिदूरिजाय बैठियेसुनुनृपति ॥
 दोहा ॥ जो विरोधकरि विप्रसों सुखको लेयमहान । एसो भयो
 न होयगो भूमें सुनहु सुजान ॥ मधुभार ॥ जिमिमूठिमाहिं । आ-
 वतसुनाहिं ॥ मारुतअमन्द । सुनुधर्मनन्द ॥ घोरठा ॥ अरुजैसे

नहिंलेत परशपाणिसों चन्दको । तिमिहीं सुनहु सचेत लहत
नहीं जयविप्रसों ॥

इतिश्रीशान्तिपर्वणिदानधर्मेब्राह्मणप्रशंसायांत्रयस्त्रिंशोऽध्यायः ॥ ३३ ॥

भीष्मउवाच ॥ दोहा ॥

अतिहि निरन्तरपूजिये विप्रनको अव-
दात । कारण हैं सुख दुखनके विप्रहि जानो तात ॥ रामगीती ॥
पूजिये के योग्य हैं बहुभांतिसों द्विजपर्म । तृप्ति जिमिनृपकरै
पितरहिं द्विजहि त्योंहि सधर्म ॥ लहत हैं पर्जन्य ते सुखसर्व
जैसेभूत । सुनहुसुत तिमि द्विजनते सुखलहतराज्य अकूत ॥
परमयाते राखियेद्विज राज्यमाहिं सुजान । होत अरिको नाश
कीन्हें द्विजनको सनमान ॥ राखिगृहमें ब्रतीसुकृती द्विजनको
अवदात । करैपूजा नित्ययोसम धर्म और नतात ॥ दियो जोहै
द्विजनको अतिश्रेष्ठ अन्न अनूप । करतताको ग्रहण हैं सुरपि-
तरमुनिवरभूप ॥ भानुऔसित भानुमारुत भूमिजल दिशिसर्व ।
विप्रद्वारा होयकेयेकरतभोज्यअखर्व ॥ करताजेनकेनाहिंभोजन
विप्रवर अवदात । होतनाहीं तृप्तताके पितरसुर हेतात ॥ हन-
तपाप कलापकोद्विजदापवानअनूप । हैनयामेंतनकसंशयजानि
निश्चयभूप ॥ दानदीवे द्विजनकोजे करतसंशयपर्म । रहत नि-
त्य समोदते हैंसुनहु तातसधर्म ॥ होत तिनकेपुण्यकोपरलोक
में नहिंनाश । लहत उत्तम गतिहिते नितिभरे रहत हुलाश ॥
होत जिहिजिहि अन्नसों हैं तृप्त द्विजअवदात । पितरदेवत
होत तिहि तिहिसों सुतृप्तिमुतात ॥ ३४ ॥ होत द्विजनतेयज्ञ
बढ़तिप्रज्ञा हैयज्ञते । सुनुभूपतिवरप्रज्ञ याते द्विजको पूजिये ॥
३५ ॥ विप्रहि स्वर्ग नरकके कारण । विप्रहि दुखको करत
निवारण ॥ जौनविप्रके बचनसुमानत । तौनअरिनको भयनहिं
आनत ॥ क्षत्रिय तेजमानबलवानसु । तिनकोबल अरुतेजमहान
सु ॥ होतशान्त विप्रनमें सुनुसुत । विप्रहोतहैं सर्वहि गुणयुत ॥
चरणाकुलक ॥ भृगुऋषि तालजंघको जीते । डारेकरि भटतासों

रीते ॥ जीते हैं हयके सुत गुणको । भरद्वाज क्रुधमें धरि मन
को ॥ सोरठा ॥ मंत्रादिक हैंजौन सर्व द्विजन ते होतहैं । सुनहु
तात बुधिभौन पापहुको विप्रहि हरत ॥ दोहा ॥ यहप्रसंग में
कहतबुध यक इतिहास अनूप । सो तुमसों में कहतहों सुनहु
युधिष्ठिर भूप ॥ तामाहीं सम्बादहै आनन्दद अतिपर्म । वासु-
देव अरु भूमिको हरता अतिशय भर्म ॥ वासुदेवउवाच ॥ सोरठा ॥
बूझत हों संदेह तोसों धरणी एकहम । कहिये सहित सनेह
मातात्राता जगतकी ॥ गृहीजननको पापअतिदुखकर आनन्द
हर । कौनकर्मको दाप तौनपापको हरतहै ॥ भूम्युवाच ॥ ब्राह्मण
सेवन जौन अतिपावन उत्तमपरम । सुनहुकृष्ण मुदभौन सुख
दायक सबलोकके ॥ तोटक ॥ जनपूजत जे द्विजके गनको । सह
प्रेमसदा थिरकै मनको ॥ तिनके अघते नशिजातसबै । जगमें
शुचिकीरति भूरिफवै ॥ बुधिउज्ज्वलहोत सुहैतिनकी । समता
नहिंऔर लहैजिनकी ॥ सुकह्यो हमको यहनारदहै । अतिही
ऋषितौन बिशारदहै ॥ द्विजसों सबभूति लहैसिधिहैं । गृहमाहिं
महान भरेऋधिहैं ॥ द्विजको जनजे दुखदेतसुहैं । कबहूँनहिं ते
सुखलेतसुहैं ॥ सुकलंकलग्यो शशिकेउरमें । द्विजकेकुधते सुक-
होंधुरमें ॥ द्विजकेकुधते सरिता पतिसों । सुनिये हरिपारभयो
अतिसों । द्विजकेकुधते मघवातनमें । भगमें सुहजारकहोंपनमें ॥
फिरि विप्रनकी सुकृपालहिकै । सहस्राक्षभयो मुदको गहिकै ॥
महिमा द्विजकी नहिंजायकही । हरिको यहि भांति किह्योसुनही ॥
शुचिकीरतिको जनजौनचहैं । अरुजौन बिभूतिसु कोउमहैं ॥
जमते द्विजको अतिपूजत हैं । तिनकी शुचिकीरति कूजतहैं ॥
भूम्युवाच ॥ सोरठा ॥ सुनिये महिकेबैन कृष्णहोय मोदितअतिहि ।
पूजाधर्मसचैन नीकीधरणी कीकरी ॥ दोहा ॥ यहउपमा सुनिद्विजन
कीपूजाकरीसचाय । तुमहैंविधिसों श्रेयकोलहिहौ सुनुनरसाय ॥
इतिशान्तिपर्वणिदानधर्मभूमिकृष्णसंवादेब्राह्मणप्रशंसायांचतुस्त्रिंशोऽध्यायः

भीष्मउवाच ॥ देहा ॥ जन्महिंसों द्विजहोतहैं योग्यपूजिवेपर्म ।

हरतअर्थ सब सिद्धिहैं सुनिये नृपति सधर्म ॥ जेजनपूजतद्वि-
जनको सहितप्रीति अभिराम । बाणीकहत समंगला तिनको
बेप्रललाम ॥ जेजनपूजत नाहिहैं विप्रनकोनृपशुद्ध । तिनको
रहत अमंगला बाणीहोय सकुद्ध ॥ यह प्रसंगमें कहतहौंबुध
गाथा प्राचीन । सो गाथाहम कहतहैं तुमको नृपति प्रवीन ॥
गुणबिलास ॥ रचिद्विजनको अवदात । अतिस्वस्थ होयसुतात ॥
जनमाहिं चिन्तनएह । विधि कीन्हसुनु बुधिगेह ॥ देहा ॥ जौन
रम करतव्यहै तौनकियो हमसर्व । कीबेको अब और नहिं
कारजस्वच्छ अखर्व ॥ रक्षाजोहै द्विजनकी सोअतिउत्तमकर्म ।
नातेअति आनंद मिलत सुनि अधनीप सधर्म ॥ चरणाकुलक ॥
कियेसहाय द्विजनकी राजा । मिलत द्विजनकी प्रभादराजा ॥
मेलति बुद्धि अरुतेज महाना । अरु ऐश्वर्य मिलतहैनाना ॥
अद्वा सहजे द्विजकोपूजै । द्विजकी परम प्रशंसाकूजै ॥ द्विजपै
करै क्रोधनहिं कबहुं । परुषहु बात कहैं द्विज तबहुं ॥ होतकाम
तेनके सबसिद्धिहैं । सर्वलोकमें होत प्रसिद्धि हैं ॥ सर्वपदारथ
सेद्धि करत हैं । विप्र महातपनेम धरतहैं ॥ मेरठा ॥ यह द्विज
गीताजौन रक्षाकीबे द्विजनकी । सुनहु सुमतिकेभौन बुद्धिवान
जनहैकही ॥ यथा तपस्वी भूप होतमहा बलवानहैं । तिमिहीं
बेप्रअनूप होतमहा बलवानहैं ॥ रामगीती ॥ धरेकेते विप्रवर हैं
संहको सुस्वभाव । धरेव्याघ्र सुभावकोहैं किते द्विजनरराव ॥
धरेनीरस्वभावकेते विप्रहैंअवदात । धरेरहत स्वभावकेतेसर्प
नो हेतात ॥ किते कोपितभये द्विजवरं जनहिं मारत हाकि ।
मुनहुभूपति कितेकोपित भये मारतताकि ॥ होतबिबिधप्रकार
हैं द्विजनके सुसुभाव । कहत प्रज्ञावान जनहैं सुनहुंवर नर
राव ॥ बसे असुर पतालमाहीं किये द्विजअपमान । स्वर्गमा-
हीं बसे सुरवर कियेद्विजसनमान ॥ हैअशक्य डुलायबो हिम

वानको जिमितात । अरु अशक्य सुपरस जैसे व्योमको अव-
दात ॥ द्विजनकोहै जीतिवो तिमिहीं अशक्यमहान । सुनहुं
भूपति धर्मधर वर धर्म सुत मतिमान ॥ मोतीदाम ॥ विरोधकरै
द्विजसों नृपजौन । न पालिसकै महिको नृपतौन ॥ सुनोद्विजहैं
सुरके सुरधर्म । महान सुजान कहैं सहधर्म ॥ सुविप्रहि पूज-
त जौन सुभूप । सुभोगतहै महि तौन अनूप ॥ बढै तिनकी
अतिकीरति स्वक्ष । कहों अवगाहि तुम्हैं नृपदक्ष ॥ प्रतिग्रह
जे द्विजलेत महान । रहै तिनमें नहिं तेजसुजान ॥ दोहा ॥
जौन प्रतिग्रह लेत नहिं विप्र परम अवदात । रहोसदातिनसों
सभयसुनहुधर्मधर तात ॥

इति श्रीशान्तिपर्वणिदानधर्मैर्ब्राह्मणप्रशंसायांपंचत्रिंशोऽध्यायः ३५ ॥

दोहा ॥ यहिप्रसंगमें कहतहम और एक इतिहास । सुनहु
तौन तुम धर्मसुत परम बुद्धिके रास ॥ जयकरी ॥ तामाहींसम्वाद
अनूप । मधवा सम्बरको सुनुभूप ॥ जटीहोय निजरूपछपाय ।
शक्रदनुजसम्बर पैजाय ॥ बूझतभये प्रइन अवदात । तासों
सुनहुधर्मधरतात ॥ शक्रउवाच ॥ मुग्धबिलास ॥ किहिकर्म सों अव-
दात । तुमश्रेष्ठहोय विभात ॥ हमको कहो तुमएह । सुनु दैत्य
बुद्धि सुगेह ॥ सम्बरउवाच ॥ सोरठा ॥ करत असूया नाहिं हमक-
बहुं हो विप्रकी । जाय विप्रकेपाहिं पूजाकरत सप्रेमहों ॥ देहि
मोहिंजो शाप कोपितहोइकै विप्रवर । तबहुं न क्रोधप्रतापहिय
ते बाहर करतहों ॥ तोटक ॥ सुनिशाप अनादर नाहिकरों । क-
रिवो अपराध न हीयधरों ॥ गहिकै द्विजके पदपूजतहों । ति-
नकी शुचि कीरति कूजतहों ॥ जबसोवत विप्र सुहैं सुखसों ।
तब जागतहों मुदकी रुखसों ॥ दोहा ॥ पालति जैसे मक्षिका
क्षौद्रहि परमसनेम । ऐसेपालत विप्रहैं मोहिं जोहि सहप्रेम ॥
जो द्विज हमको कहतहैं करत ग्रहणहमताहि । राखतहों द्विज
भक्तिको नम्र होतहोंचाहि ॥ याते अपनी जाति में श्रेष्ठसुहैं

हमपर्म । जिमि नक्षत्रपति श्रेष्ठहैं नखतनमाहिं अभर्म ॥ बिप्र
नको जो मानिबो सोअति उत्तम काज । ऐसो और न काजहै
भूमें सुनसुरराज ॥ यहकारणको जानिअरु देवासुर लखियुद्ध ।
मोपितु हरषित होयकै बिस्मय कीन्होंउद्ध ॥ लखिकै महिमा
द्विजनकी मोपितु मोदितहोय । बूझतभये विशेषसों परमप्रेम
सोंभोय ॥ बिप्र सिद्धि किमि होतहैं महिमाभरे महान । सुनहुं
निशाकर मोहितुम कहिये यह सु निदान ॥ सोमउवाच ॥ प्रज्भली ॥
सब बिप्र लहततप किये सिद्धि । जगमाहिं होत भूषित प्रसि-
द्धि ॥ पितुगेहमाहिं श्रुतिपढ़त जौन । निंदा महान द्विजलेत
तौन ॥ रामगीती ॥ अल्पमेधावानकी श्रिय हनतहै अभिमान ।
हनत त्यों सु कपोतकी श्रियबाज सुनुमतिमान ॥ होत दूषित
कन्यका है गर्भसों जिमिपर्म । होतदूषितविप्रतिमि गृहवास
माहिं सधर्म ॥ बैन सुनिकै चन्द्रमाके मोपिता मतिमान । पूज-
तोभो द्विजनको अतिगहि सुभक्ति महान ॥ रहेपूजत पितामो
जिमि द्विजनको अभिराम । तिमिहि पूजत द्विजनको मैं भक्ति
गहिकै माम ॥ भीष्मउवाच ॥ दोहा ॥ दानवैद्रके बचनसुनि अति
सप्रेमहोइ इन्द्र । पूजाकीन्हों द्विजनकी ताते भयो महेन्द्र ॥

इतिश्रीभाषायांमहाभारतदर्पणेशान्तिपर्वणिदानधर्मषट्त्रिंशोऽध्यायः ३६ ॥

युधिष्ठिरउवाच ॥ चरणदोहा ॥ अभ्यागतजे अरु अपूर्वजे अरु
जे बसत सुपास । इन तीनहुं में पात्रकौनहै कहौसुमतिकेरास ॥
भीष्मउवाच ॥ सोरठा ॥ इनतीनहुं में जौन क्रोधादिक सों रहितहै ।
सुनहुतात बुधिभौन तौनहिं पात्र प्रधान है ॥ मल्लिका ॥ वेदको
प्रमाणजौन पर्ममोदका सुभौन ॥ ताहि मानते सुजेन । पात्रता
लहैं सुतेन ॥ मुग्धबिलास ॥ बरवेद निंदकपर्म । अभिमान कार
सभर्म ॥ कटु बाकवान महान । अरु पर्म दुर्मतिवान ॥ यहि
भांतिके द्विजजौन । सुनुइवानकेसमतौन ॥ सोरठा ॥ श्रेष्ठनके
आचार तामेंजे द्विजप्रवृत्तहैं । सुनुनृपबुधिआगार तेद्विजजी-

वत वर्षबहु ॥ रामगीती ॥ यज्ञकरिके सुरनको ऋणदे छुटाय सु-
जान । वेदपढ़िके ऋषिनको ऋणदे छुटात महान ॥ पितरको
ऋण पुत्रके उत्पन्न देयछुटाय । विप्रको ऋण दानदेके सुनहुं
हे नरराय ॥ अतिथिके ऋणको छुटावै देयभोजन परम । भर्म
तजिके कर्म शुचिके धरि सुहियमें धर्म ॥ दोहा ॥ जौनगृहीयहि
भांतिसों करैकर्म अवदात । ताके धर्म न नशत हैं निश्चय
जानोतात ॥

इतिश्रीभाषायामहाभारतदर्पणेशान्तिपर्वणिदानधर्मेसप्तत्रिंशोऽध्यायः ३७॥

मल्लिका ॥ दारकेसुभाव जौन । कैकृपा कहो सुतौन ॥ दारहोति
मेहमूल । दोषसों भरी अतूल ॥ भीष्मउवाच ॥ दोहा ॥ यह प्रसंगमें
कहतबुध इकइतिहास अनूप । सोतुमसों मैं कहतहों सुनहुंयुधि-
ष्ठिरभूप ॥ रामगीती ॥ पंचचूड़ा अप्सराअरु सुऋषि नारद परम ॥
दुहुनके सम्बाद तामें कहततोहिं अभर्म ॥ अमर लोकनमाहिं
नारद वर विशारददक्ष । पंचचूड़ा अप्सराको भयेदेखतस्वक्ष ॥
अप्सराको देखि बूझत भये नारद ताहि । भयो संशय मोहिं
ये कछु कहों सो अवगाहि ॥ भीष्मउवाच ॥ पंचचूड़ाअप्सरावरसु-
ऋषिकेसुनि बैन । भईकहती बचन ऐसे सुनहुंनृप बुधिऐन ॥
बूझिवेके योग्य मोको होयजो हे विप्र । समर्थाजो मोहिं जानत
बूझिये तो क्षिप्र ॥ नारदउवाच ॥ बूझिवेके योग्यहोइहै बूझिहैं हम
जौन । जो न बुझिवे योग्य होइहै बूझिहैं नहिं तौन ॥ दोहा ॥
जेसुभावहैं दारके कहोमोहिं ते सर्व । तिय सुभावको सुननकी
इच्छाभई अखर्व ॥ भीष्मउवाच ॥ सोरठा ॥ सुनिनारदके बैन ऐसेबो-
ली अप्सरा । सुनहुं भूपबुधिऐन धर्मवान यशवानवर ॥ दोहा ॥
दारन निन्दा करतिहै दारनकी मुनिराव । यातेमैं कैसेकहोंदारन
केसुसुभाव ॥ सोरठा ॥ जैसे दारसुभाव तैसे तुमहौ जानतैं । सुनु
नारद मुनिराव याते बूझहु मोहिंजनि ॥ तोटक ॥ सुनि बैन ऋषी
यहिभांतिकही । सुनुहेतिय तूकहु मोहिंसही ॥ अति होतसुदो-

ष असत्यकहे । नहिंदोष सुहोत सुसत्य गहे ॥ सुनिकै मुनि
 बैन सुमोदपगी । तियभावहि सों कहिवे सुलगी ॥ पंचचूड-
 बाच ॥ भुजंगप्रयात ॥ कुलीनासनाथा सुरूपाअपारा । महाशील
 वन्ती सुधाकी अगारा ॥ रहैचारु मर्यादमें तेउनाहीं । सुनो
 दोषएतो बड़ो दारमाहीं ॥ नहींदारसे और कोईसुपापी । कहीं
 सत्य तोसों सुनो हेप्रतापी ॥ सबैदोष को मूलहै दारजानो ।
 नहीं अन्यथामैंकहीसत्यमानो ॥ मुग्धबिलास ॥ गुणवानऔश्रिय
 मान । अतिरूपवान सुजान ॥ दिनरातिजो बशनाहिं । संग
 कबहुं छोड़तनाहिं ॥ सोरठा ॥ तियकछु अंतरपाय ऐसे पतिको
 छोड़िकै । और पुरुषपै जाय करति विहार अपारहैं ॥ दोहा ॥
 असतकर्म नारीनके एहैं सुनुऋषिपर्म । और पुरुषको भजति
 हैं तजिकै लज्जाधर्म ॥ अरिल ॥ जोजन तियसों मीठेबोलत ।
 कछुसंग रहि हिय प्रीतिहि खोलत ॥ करतितासु संगकीइच्छा
 तिय । अधरमनाहिं विचारतहैहिय ॥ तियनहिंयोग्य अयोग्य
 विचारति । मनआवत ता संग बिहारति ॥ मिलत सुअन्यपु-
 रुष नहिंजबहैं । घरकेमाहिं रहति तिय तबहैं ॥ भयको लेखि
 देखि धनकोअति । नाहितजतहैं परनरसोंरति ॥ पुरुषमात्रना-
 रिनको चाहिय । रूप कुरूप विचारति नाहिय ॥ जेजन बहुत
 प्रीतिसोंराखत । कबहुंन परतियको अभिलाषत ॥ कारणपाय
 ताहि तजिकैतिय । औरपुरुषके जायलगतहिय ॥ कुब्ज अन्ध
 जड़नाहिं विचारति । औनपंगु बामन निरधारति ॥ हैअयोग्य
 दारनको कछुनहि । रमणलगै कुत्सित पुरुषौलहि ॥ पुरुष मि-
 लत नारिनकोनहिंजब । लिंगबनाय बसनको तियतब ॥ करति
 विहार पररूपर सुनुमुनि । आसन रचित अनेकन गुनिगुनि ॥
 दोहा ॥ प्राज्ञपुरुषके बचनको मिलतनाहिं जिमिभाव । तिमि
 सुभावनहिं तियनको जानिपरतऋषिराव ॥ रामगीतो ॥ तृप्तजस
 होतनाहीं काष्ठसों सुकृशान । नदिनसों जिमि होतनाहीं तृप्त

उदधि महान ॥ तिमिहिं पुरुषनसों न होती तृप्तनारीपर्म । कहै
तुमसों गुप्तनारिनके सुभाव सधर्म । सुरतिसों जिमि होतिनारी
अतिहि मोदित सर्व । तिमिनमोदित होतकौनहुं पायबस्तु अ-
खर्व ॥ सुनहुं जासेनाशकारक बह्नि सर्पककाल । तिमिहिं जानो
तियनको तुम सुश्रुषि बुद्धिविशाल ॥ रचीनारि सुठारिजबसों
विधाता मुनिराज । रचेतिनके दोष संगहि कहत प्रज्ञसमाज ॥

इति श्रीमहाभारतदर्पणेशान्तिपर्वणिदानधर्मेष्टविंशोऽध्यायः ३८ ॥

दोहा ॥ नारिनमाहीं रहतहैं नर आसक्त नितान्त । नरनमा
हिं नारीरहत कहतसत्य वृत्तान्त ॥ यामें संशयहोतहै मो मन
माहिं महान । सुनहुं पितामह प्राज्ञवर धर्मवान यशवान ॥
रामगीती ॥ करति अंगीकारहै किमि तियनको नरपम्म । रमति
किनमें बिगतकिनते होतिनारि सधम्म ॥ करतिरक्षा तियनकी
किमिपुरुषहैंमतिमान । योग्यकहिबेआपुयाते कहोतातसुजान ॥
रहति बशमें नारिनाहीं पुरुषके अवदात । परत जो नर नारि
करमें सो न छूटत तात ॥ गाय नव नव तृणनको जिमिकरति
ग्रहण अमन्द । तिमिहिं नव नव नरनको तिय करतिग्रहण
नरिन्द ॥ जौन अप्रिय पुरुषताको समय लहिकैतीय । बोलिके
प्रिय वाक्य कोमल लायलेति सुहीय ॥ जौन माया नमुचिकी
अरुदैत्य सम्बरतास । जानती हैं नारिते सब सुनहुबर बुधि-
रास ॥ रुदनकर तो देखि नरको रुदन करत महान । हैंसत
लखिकै हैंसनलागैं तियहु सुन मतिमान ॥ जौन छलमय शास्त्र
बिरचे शुक्र अरु गुरुपम्म । तिनहुंते तिय अधिक छलमय
कहत प्रज्ञ अभर्म ॥ सुनतहैं हस धर्मरूपा तियनको अभि-
राम । परत देखि अधर्मरूपा सुनहुबर बुधिधाम ॥ सकतहैं
करि कौनरक्षा तियनकी मति माम । भयो मोहिय माहिसंशय
सुनहु भूपमहान ॥ दोहा ॥ केहिविधिसों रक्षा करै तियकी सुनहु

सुजान । कौनेकी किहि भांतिसों सो बिधि कहौ महान ॥

इति श्रीदानधर्मस्त्रीश्वभाववर्णनोनामैकोनचत्वारिंशोऽध्यायः ३९ ॥

भोष्मउबाच ॥

भोरठा ॥

जैसे कहे सुभाव नारिनके तुमहीयगुणि।
 सुनहुं प्रज्ञ नरराव तैसे होत असत्य नहिं ॥ दोहा ॥ यह प्रसंग
 में कहत हों यक इतिहास अनूप । सुनहु धर्मधर परम वर
 अधरम कर दरभूप ॥ चरणाकुलक ॥ जिहि काजै बिधि विरची
 नारी । अतिहि मनोहरि परम सुढारी ॥ कहिहैं सो तुमको हम
 भूपति । पाप कारिणी होति तिया अति ॥ अति प्रज्वलित
 अग्निहै जैसी । जानहुं नारिन को तुम तैसी ॥ सर्पबहि बिष
 अरु असिधारा । एकओर यक ओरसुदारा ॥ तियदेवत्वहि
 प्रापित भई । आपुहि सुनहु नृपति यह नई ॥ तब सबसुर ब्रह्मा
 पै गये । भय अरुसंशय सों अतिरये ॥ बिधिको सब वृत्तान्त
 सुनैकै । सर्व भये बैठत चुपझैकै ॥ तिनके मनकी जानिविधाता ।
 जगकर जगधर जगवर त्राता ॥ नरमोहन को विरची नारी ।
 अतिही चञ्चलतासों भारी ॥ पूर्व सृष्टि में रही सुशीला । कहे
 सुरनके रचीकुशीला ॥ तिन नारिनजो इच्छा कोन्ही । सो ब्रह्मा
 पूरण करि दीन्ही ॥ मथति सदा तेनर की नारी । काम कलो-
 लनि भरी सुढारी ॥ मल्लिका ॥ कामकी सहाय काज । क्रोधको
 कियो दराज ॥ काम क्रोध माहिं जौन । प्राप्त हैं सुनौ सुतौना ॥
 होय रक्त नारि माहिं । नित्यही रहैं सुपाहिं ॥ नारि शास्त्र सों
 बिहीन । होतिहैं कहैं प्रवीन ॥ पूर्व में सुन्यो सुएह । हेसुनो सु-
 बुद्धि गेह ॥ दोहा ॥ रक्षाकी गुरुनारि की विपुल सुश्रुति मति-
 मान । सुनहु युधिष्ठिर भूपवर धर्मवान यशवान ॥ मुग्धबिलास ॥
 एकहा सुश्रुति अभिराम । तिहि देव शर्मानाम ॥ तिय तासु
 सुन्दरि परम । अतिही सुजानि अभर्म ॥ रुचि नाम तासु महीप ।
 तिहिसी न कौनेहु द्वीप ॥ जितजाति वह तितआय । चितवत
 चकोर सचाय ॥ तिहिको सुरूप अनूप । लखि देव दानवभूप ॥

निति रहत मोहित तात । अति जानिकै अवदात ॥ सुरराज
 तौ लखि जाहि । मुदवान होय सराहि ॥ अतिही सुमोहित
 होत । सुनु धर्मधर बुधिपोत ॥ ऋषिदेवशर्मा परम । बरज्ञान
 वान अभर्म ॥ तियके सुभावहि जानि । हियमाहिं सो अनु-
 मानि ॥ पुनिकाम चारी परम । मघवाहिजानि अभर्म ॥ दोहा ॥
 भार्याकी रक्षा करन लागो ऋषि मतिमान । अप्रमत्तकैके परम
 भूपति सुनहु सुजान ॥ रामगीती ॥ काल कौनहुं माहिं ऋषिवर
 कियोयज्ञविचार । सुनुयुधिष्ठिर धर्मधर वरपर्म बुद्धिअगार ॥
 होयरक्षा नारिकी किमि करि सुचिन्ता माम । लयो शिष्य बु-
 लाय अपनो विपुल ताको नाम ॥ कह्यो ऋषि इमिशिष्यसों
 सुनु विपुलवर बुधिगेह । करो रुचिकी तुमसुरक्षा महासहित
 सनेह ॥ देखिकै सुरराजयाको रूपमोहित होय । नैनकरिकैऐन
 रस के जात है नितिजोय ॥ भोरठा ॥ अप्रमत्त अति होय रुचि
 की रक्षा करहु तुम ॥ ताते मुदसोंभोय मखकी रचनाको करो ॥
 मधुमार ॥ बहुधरत रूप । मघवा अनूप ॥ सुनु विपुल दक्ष । बुधि
 धर सु स्वक्ष ॥ भीष्मउवाच ॥ सुनि विपुल बैन । ऋषिके सचैन ॥
 इमि कही बात । मुनिको बिभात ॥ विपुलउवाच ॥ मघवा सुआय ।
 मायाहि छाय ॥ वपु धरत कौन । कहिये सुतौन ॥ भीष्मउवाच ॥
 आभीर ॥ सुनि करिकै ऋषिराय । ऐसे कह्यो सचाय ॥ माया
 महा महान । सुरपतिकी मतिमान ॥ तोमर ॥ बहुधरतवेष महा-
 न । सुरनाथ सुनु मतिमान ॥ कबहुं सुहोत सुथूल । कबहुं क कृश
 की तूल ॥ कबहुं क होत सुश्याम । कबहुं क गौर ललाम ॥ कब-
 हुं क होत सुरूप । कबहुं क होत कुरूप ॥ कबहुं क वृद्ध सुजान ।
 कबहुं क तरुण सुठान ॥ कबहुं क द्विज मतिपोत । कबहुं क क्षत्रिय
 होत ॥ कबहुं क वैश्य प्रतक्ष । कबहुं क शूद्र सुदक्ष ॥ कबहुं सु-
 कोकिल रूप । कबहुं सुहंस अनूप ॥ कबहुं सु बायस होत ।
 कबहुं सुशुक छवि पोत ॥ कबहुं सुमैगल चारु । कबहुं सुसिंह

उदारु ॥ कबहूँ सुनृप अवदात । सुनु धर्मधर बरतात ॥ कबहूँ
 सुबायु स्वरूप । सुरनाह होत अनूप ॥ इमिधरतरूप अनेक ।
 सुनुतात हे सबिवेक ॥ घोरठा ॥ सुनहु विपुल मतिमान अप्र-
 मत्त कैकेपरम । तजिकै भरम महान रुचिकी रक्षाकीजियो ॥
 ऐसे कहिकै बैन महाधर्मधर विपुलसों । कैकेपरम सचैन च-
 लतभयो मखकरनको ॥ मयुभार ॥ सुनि विपुलबैन । गुरुकेसचै-
 न ॥ यहकिय सँदेह । सुनुसुमतिगेह ॥ गुरुकी सुनारि । अति-
 ही सुठारि ॥ कोताहिजोय । मोहितनहोय ॥ बरवै ॥ किहिबिधि
 ताकी रक्षाहोय महान । है बहुरूपी मघवा अति बलवान ॥
 कबित ॥ सदनको ठांपि राखों गुरुपतनीको जोतो बायुबपुधैकरि
 परसकरै आयकै । राखों पुरुषारथसों होयतौ व्यरथबल सम-
 रथ इन्द्रहै कहतबुध गायकै ॥ अंगमाहिं पैठिकै सुठंग सों जो
 रक्षा करौ देय गुरुशाप तो सुक्रोध दाप आयकै । मतिको अ-
 गारऋषि विपुल उदार इमिकरत बिचार भयो संशय सरसा-
 यकै ॥ घोरठा ॥ ऋषिवर विपुल समर्थ ताको करत बिचारमे ।
 रक्षामाहिं समर्थजानि पश्यो बलयोगको ॥ बरवै ॥ रुचिकीरक्षा
 यासों करिहौं पर्म । कहतभयो तब ऐसे विपुलसधर्म ॥ कारज
 जो यह करिहौं उत्तममाम । कैहै तो यशभुवमें मम अभिराम ॥
 रामगीती ॥ योगबलसों बपुष धरिकै अल्प या तनवीच । बसैगे
 हम करनरक्षा परमहोय निभीच ॥ कमलके दलमाहिं जैसे
 रहत नीर अशक्त । तिमिहियाकी देहमेंहम रहैगे सुबिरक्त ॥
 मोहियहशुचि हेतुते अपराध कैहैनाहिं । यहबिचार सुकियो
 ऋषिवर विपुलहियकेमाहिं ॥ योगबलसों छोड़िकै निजदेह
 ऋषिमतिमान । गुरुतियाकी देहमाहिं कैप्रवेशसुजान ॥ नेत्र
 माहिं मिलायनेत्रन कियेबशमेंपर्म । श्रवणमाहिं मिलाय श्रव-
 णहिं सुनहुंतात सधर्म ॥ ज्ञानइंद्रिय सर्वऐसी करीबशकेमाह ।
 विपुलऋषिवर धर्मधरवर सुनहु हेनरनाह ॥ नारितनमहँरहि-

तचेष्टा होयबैठोआप । तियअचेष्टित भईताते सुनहुधर्मकला-
प । गुरुपत्नी अंगमाहीं कियोविपुलप्रवेश । तियाकौतुकनाहिं
जान्यो विपुलको सुनरेश ॥ आयहैजबलों न मोगुरु यज्ञकरिकै
परम । नित्यरुचिकी करौंगो रक्षासुहोय अभर्म ॥ देहा ॥ यहकी-
न्हों संकल्पवर विपुल सुश्रुषिमातिमान । सुनहु धर्मधर सुयश
धर बुधिधर परम सुजान ॥

इतिश्रीशान्तिपर्वणिदानधर्मेविपुलोपाख्यानचेत्वारिंशोऽध्यायः ४० ॥

रामगीतो ॥ कालकौनहुं माहिसुरपति दिव्यधरिकैरूप । यज्ञ
करिबे गयोऋषिको जानपरम अनूप ॥ जायआश्रम माहिंऋ-
षिके भयोमोदितपरम । महालोलुपकाममदसों भरोभूरिअभर्म ॥
चित्रऐसी रहतचेष्टा विपुलकीलखिदेह । लखीपुनि ऋषिनारि
सुरपति महासहित सनेह ॥ केशचारु सुवेषताके गोलगोल
कपोल । महासुखमा सदनजाको बदन लोचनलोल ॥ कम्बुसो
गर परम छविधर चेतहर बरबैन । पीनकुच कटिक्षीण जाकी
त्रिबलिका छविऐन ॥ लसतिजंघा रामकदली कमलऐसेपाय ।
भयोचक्रित रूपताको देखिनिर्जरराय ॥ देखिकै सुरनाथकोसो
भई हर्षितदार । होयविस्मित भई मोहित जानिपरमसुदार ॥
कौनहौ यह बूझिबेकी करी इच्छापर्म । उठन लागी सकीउठि
नहिं विपुलसों सहधर्म ॥ आपुही तबकहनलागो नारिसोंइमि
बैन । नारि हम तव काजआये चारुछबिकी ऐन ॥ काम तव
संकल्प भवअति देतमोकोपीर । करहुताको दूरिहेतिय आय
मेरेतीर ॥ कालबीत्यो जातहै अबबेरकरु जिननारि । होयकै
बेहाल मेरो रह्योहै हियहारि ॥ अन्तगुरुतोमर ॥ सुनिबैन ये मघ-
वानके । अतिही सुदुर्मतिखानके ॥ बशमाहिं इन्द्रिनकोकरी ।
तियको सुमन्मथसोंभरी ॥ तिहिते सुबोलिसकीनहीं । इहिभां-
तिसों विपुलैगही ॥ गुरुनारिको मनजानिकै । मघवाहि दुर्मति
मानिकै ॥ अतियत्न रक्षाकोकियो । गुरुनारिको बशकैहियो ॥

मघवा सुरुचिको देखिकै । अति निर्विकारिणि लेखिकै ॥ इमि
बोलतोभो प्रीतिसों । वरलोलुपौकी रीतिसों ॥ तियआउ हे
ममपास में । सुखलेहु काम बिलासमें ॥ सुनिबैनये सुररायको
तियजानिके अतिचायके ॥ मनमाहिंमोदितहोयकै । मुसुकायकै
तियजोयकै ॥ दोहा ॥ बोलनकी इच्छाकरी सुरपतिसों तियपरम
भरिमदनमदसों महा द्युतिकीसदनअभर्म ॥ बोलनलागीनारि
तब दिये फेरि मुनिबैन । बोली इमिकछु सुनु नृपति परम धर्म
के ऐन ॥ भुजंगप्रयात ॥ सुनो कौनकाजै इहांआपु आये । कहौशक्र
मोसों महा मोद छाये ॥ इतेबैन पीछे गयोबोली नहीं । भयो
शक्र के भूरि संशैहिनाहीं ॥ दोहा ॥ दिव्य नयनसों देखतों भो
तब श्रीसुरराय । देख्यो जब ऋषि विपुलतब कम्पित भयो
सकाय ॥ रामगीती ॥ छोड़िकै गुरुनारि को ऋषि विपुल ते यश
धाम । कियो आप प्रवेश अपनी देहमें अभिराम ॥ महा क-
लुषी शक्रको लखि बक्रकरिकै नैन । शापदेतो भयो ऋषिवर
होयक्रुधको ऐन ॥ विपुलउवाच ॥ सुनहु हे दुर्बुद्धि मघवा पापवान
बिशाल । होय तब पूजा न कबहुं लोकमें बहुकाल ॥ भगनसों
चिह्नित सुकरिकै तोहिं गौतम बिप्र । छोड़ि दीन्हों रहोसो तू
भूलिगो का क्षिप्र ॥ चरणाकुलक ॥ अब सुरपति तुमको हमजाने ।
हौ तुम पापी परम महाने ॥ सुनहु मूढ़ इच्छा हम जाकी । नि-
त्यकरत ताको तुमताकी ॥ सुनहु शक्र आये तुम जैसे । जाहु
चले अबहीं तुम तैसे ॥ क्रोध अग्निसों जारेनाहीं । सो तुम
भलजानो मनमाहीं । सुनि मुनिबैन शक्रभो ऐसो । हिमको
मारो भूरुह जैसो ॥ काँपनलगो भीतिसों छायो । जैसे मनुज
पूषमेंन्हायो ॥ ऐसे बिकल भयो हियमाहीं । जानौ चोर सेंदके
पाहीं ॥ दशादेखि सुरपति की मुनिवर । कह्यो जाहु अबबेगि
सुपविधर ॥ हेसुरपति जो मो गुरुऐहैं । तौ तुमको क्षणमाहिं
जरै हैं ॥ तुम्हें योग्य करतव्य न ऐसो । सुनोशक्र कीन्हो तुम

जैसो ॥ भीष्म उवाच ॥ रामगीती ॥ बैनसुनिकै विपुल मुनिके शक्र
 आरत होय । कह्यो कछु नहिं भये अन्तर्दान दुखसों भोय ॥
 कछुक बीते यज्ञकरिकै देवशर्मापर्म । भयेआवत सदनमाहीं
 सुनहु तात सधर्म ॥ दोहा ॥ पूजनकै गुरुदेवको विपुल महातप
 वान । हर्षित कै बैठत भयो लहिकै धर्ममहान ॥ तोटक ॥ गत
 काल भये कछु मोदपग्यो । मघवाकृत को कहिबे सु लग्यो ॥
 सुनिकै मुनिको सब भय सु भग्यो । टरिगोदुख सर्व सुखै उम-
 ग्यो ॥ मञ्जिका ॥ शिष्य की सुभक्ति देखि । चारुहीय माहिं लेखि ॥
 यों कह्यो सु पुत्रधन्य । तो समानहै न अन्य ॥ रामगीती ॥ होय
 तुष्टित देवशर्मा कहे ऐसेबैन । मांगुअब बरदान मोसों विपुल
 बरबुधि ऐन ॥ बचनसुनिकै विपुल ये गुरुदेव के अवदात । भयो
 मांगत यह सुवर बरदान हे सुनुतात ॥ धर्म में थितिरहै मेरी
 नित्यही अभिराम । देहु यह बरदान मोको सुनहु गुरु बुधि-
 धाम ॥ देवशर्मा चाहिकै भरि मोदही में माम । कह्योऐसे होहु
 थिति तव धर्ममाहिं ललाम ॥ पायकै बरदान गुरुसों विपुल
 मुनि मतिमान । लग्योतपकी क्रियामाहीं सुनहु भूपसुजान ॥
 सहित नारी देवशर्मा ऋषिहु बनमेंजाय । होय निर्भय करत
 भे तपहर्ष हियमें छाव ॥

इति श्रीशान्तिपर्वणिदानधर्मेविपुलोपाख्यानेएकचत्वारिंशोऽध्यायः ४१ ॥

भीष्म उवाच ॥ पञ्चमली ॥

तपकीन्ह विपुल ऋषिवर महान । अ-
 ति तेजवान भो सो सुजान ॥ गुणजासुलगे गावनसुविप्र ।
 जेहिको सुदर्श अघदरत क्षिप्र ॥ रामगीती ॥ जानतो भो आपु
 कोसो विपुलवर तपवान । सुनुयुधिष्ठिर धर्मधरवर ज्ञानवान
 महान ॥ कालतौनहिं माहिं रुचिकी भगनिकाकेचारु । भयो
 उत्सव उद्धहेसुनु भूपउद्ध उदारु ॥ अरिल ॥ तौनहिं समय माहिं
 सुनुभूपति । एकअंगना रूपमई अति ॥ जातिहुती नभ मारग
 को गहि । तासुदेहते पुष्प गिरेमहि ॥ निकरिगेहते ते चुनिकै

रुचि । धारण किये समुद्र शिरमेंशुचि ॥ दोहा ॥ रुचिकी भगिनी
ज्येष्ठा तासु प्रभावति नाम । अंगदेशपति चित्ररथ तासुवाम
अभिराम ॥ चरणकुलक ॥ रुचिकेगेह निमंत्रन आयो । ताके गृह
ते मुदसों छाये ॥ तबरुचि आनंदसों अतिरई । अंगदेशपति
गृहमेंगई ॥ रुचिकी भगिनी सुमनहिं देखे । अतिहि अनूप
महीमेंलेखे ॥ भगिनी सुमन कहां ये पाये । अतिहि सुगन्ध चारु
सोंछाये ॥ प्रभावती इमि कहती भई ॥ सुमनलेनकी रतिसोंरई ॥
भगिनीके सुबैन सुनिकैरुचि । कहीजाय अपनेपतिसों शुचि ॥
सुनि वृत्तान्त तौन रुचिकोपति । लखि मुमुकायभयो मोदित
अति ॥ मधुभाय ॥ विपुलहि बुलाय । ऋषिचोपछाय ॥ इमिकहेबैन
सुनु सुमतिऐन ॥ ऐसे सुफूल । मोदद अतूल ॥ तुम जाहुलैन ।
अतिद्वैसचैन ॥ सुनिबचनचारु । गुरुके उदारु ॥ विपुलसुपयान ।
कीन्होंसुजान ॥ रामगीती ॥ नारितनते गिरे हेजिहि देशमाहींफूल ।
गयेतौने देशमाहीं भरेमोद अतूल ॥ गिरेहे बहुदिननके पै भये
फूलनमन्द । देखिकै मुनि विपुलतिनको लहोअति आनन्द ॥
लेयफूलनि चल्योतूरण विपुल मुनिअवदान । धरेहीमें मोदको
अतिधर्मधर सुनुतात ॥ महानिर्जनविपिनमाहीं नारिनरअभि-
राम ॥ पाणिसोंगहि पाणि घूमत रहेदोऊ माम ॥ सुनहु तिन
दोऊनमाहीं चलत एकउताल । चलत एकउतालनाहीं सुनहु
भूपविशाल ॥ भयो कहतो नारिसों तवपुरुष ऐसेपर्म । शीघ्र
तूहै चलत तजिकै मानको बरधर्म ॥ बैनसुनिसो भई कहती
चलतितूरणनाहिंमानगहिकै चलतिहैं हममानु सत्यहिमाहिं ॥
देखिदोऊ विपुलको इमि करीशपथ सुजान । कहत जौहमहो-
हिंमिथ्या हियेराखि महान ॥ जौनगति परलोक माहीं विपुल
ऋषिकीपर्म । प्राप्तसो परलोकमाहीं हमेंहोय अभर्म ॥ मलि-
नभो मुख विपुल ऋषिको दुहुनके सुनिबैन । नष्टमम तपभयो
ऐसे कह्योहोय अचैन ॥ कौनधौं हमकियो इन दोऊनको अघ

माम । कहंत जाते मोहिं ऐसे बैन ये बुधिधाम ॥ विपुल ऋषि यह
चिन्तना कै होय अति दुखवान । भो विचारत आपनो अधसुन-
हु भूपसुजान । तेहि अनन्तर पुरुष षट अभिराम बर बुधिधाम ।
रहे खेलत द्यूत को ते भरे मुदसों माम ॥ शपथ उन दोऊन कीन्हो
तौ नहीं इन कीन । बिकल और उ भयो सो सुनि विपुल सुमुनि
प्रवीन ॥ कहत भे ते विपुल मुनिको देखि ऐसे बैन । सुनु युधिष्ठिर
धर्म धरवर परम बुधिके ऐन ॥ कहत होहिं अरीति जो हम लोभ
को गहि थोक । प्राप्त हमको होय तौ गति विपुल की परलोक ॥
बैन सुनिये विपुल मुनिवर होय क्लेशित परम । धर्म को व्यभिचार
अपनो भयो लखत अभर्म ॥ चिन्तना बहु दिन न लौं ऋषिकरी
होय उदास । लखि पखो तब हेतु अध को सुनहु नृप बुधिरास ॥
कहत भो अवगाहिकै सो विपुल मुनि अवदात । भयो मन में म-
लिन अति ज्यों कुमुदि होत प्रभात ॥ करीरक्षा गुरुस्त्रिय की सर्व
अंग मिलाय । कह्यो मैं यह हेतु नहिं गुरुदेवसों सुखदाय ॥ मा-
न तो भो आपुमें यह पाप ऋषि मतिमान । सुनु युधिष्ठिर धर्म
धरवर ज्ञानवान महान ॥ जाय चम्पा पुरी में मुनि बन्दि गुरुके
पाय । सुमन देतो भयो गुरुको प्रभामें सुखदाय ॥

इति श्री महाभारत दर्पणेशान्तिपर्वणि दानधर्मोद्विचत्वारिंशोऽध्यायः ४२ ॥

भोष्म उवाच ॥ रामगीतो ॥ देवशर्मा शिष्यको लखि कहत भो जो
बैन । सुनहु सो तुम नृप युधिष्ठिर महत मतिके ऐन ॥ देवशर्मा उवाच ॥
लख्यो तुम कछु बिपिन माहीं सुनहु सुत बुधिधाम । जानते हैं तुम्हें
तिनको लखे तुम ते आम ॥ विपुल उवाच ॥ कौन हे तिय पुरुष दोऊ
भरे परमा माम । सुनहु गुरु अरु कौन हे षट पुरुषवर अभिराम ॥
देवशर्मा उवाच ॥ लखे जे हे बिपिन में तुम पुरुष नारि अनूप । दिवस
निशिते रहे दोऊ धरे नरतिरूप ॥ रहे जे हे पुरुष बन में तौ न हे
ऋतु परम । विपुल मुनि सुनु धर्म धरवर ज्ञानवान अभर्म ॥ पाप

को अरु धर्मकोंजे करतहैं जनतात । लखत ऋतु दिनरैनि ति-
नको धर्मधर अवदात ॥ करीतुम मम नारिकी जिहिभांति रक्षा
पर्म । कह्यो हमकोनाहिं सो तुम सुनहु तात अभर्म ॥ हेतुयाते
लोक जौ पापीनको है पर्म । तुम्हैं प्रापति होयगो सो मानुसत्य
अभर्म ॥ विपुलमुनि मुनि देवशर्मा सुऋषिके बरबैन । सुनु
युधिष्ठिर धर्मधरवर भयो परमअचैन ॥ देखि छेशित विपुल
को मुनि देवशर्माभूप । कहतभो मुसकाय ऐसे कैदयालु अनूपा ॥
करी रुचिकी पर्मेरक्षा धर्मगहि अवदात । सुनहु परम प्रसन्न
याते हैं सुतुम परतात ॥ दोहा ॥ अधरम जो हम देखते तवहिय
माहिं सुजान । करते और बिचार नहिं देते शापमहान ॥ रक्षा
की मम नारिकी तुम सचेत कै पर्म । यातेरहिहौ मोदमय लहि
हौ स्वर्गसधर्म ॥ चिमंगी ॥ मुनि देवशर्मा परम अभर्मास्वक्ष स-
धर्मा सुमतिभयो । विपुलै इमिकहिकै संगति लहिकै मोद सु-
गहिकै स्वर्गगयो ॥ सुनुतात यशस्वी एकतपस्वी हौवर चस्वी
श्रेयछयो । गंगाके तटमें नीर निकटमें शुचि औघटमें ज्ञान
रयो ॥ दोहा ॥ कह्यो मोहिं अख्यान यह तिनकरि कृपा महान ।
सुनहु युधिष्ठिर भूपवर धर्मवान यशवान ॥ रामगीती ॥ पतिव्रता
तिय होति केती केती कुलटापर्म । होतिहै द्वै भांतिकी तिय
सुनहुतात सधर्म ॥ पतिव्रता जगमाहिं जेती नारिहैं अवदात ।
लोकमाता कहत तिनको सर्वजन हे तात ॥ रहति मोदित भूमि
तिनके धर्म करिकै पर्म । कीर्ति तिनकीहोत भूमें सुनहुतात स-
धर्म ॥ जौन कुलटा नारि तिनकी करतनिन्दा सर्व । धरतिही में
धर्मकेहुन करतिपापअखर्व ॥ योग बलसों होतिरक्षा तियनकी
अभिराम । औरभांति न होति रक्षा कहत मतिस्मों माम ॥ रहत
जोनर नारिसँगमें करत कामबिलाश । लगतसोई परमप्यारो
तियनको बुधिराश ॥ प्राणग्राही देवता हैं नारिनिश्चयजानि ।
रहततिनते यज्ञदूरिहि परम दुखदामानि ॥ एकविपुलै करीरक्षा

नारिकी अवदात। अन्य अबलों नाहिं कीन्हों माननिश्चयतात॥
इति श्रीमहाभारतदर्पणेशान्तिपर्वणिदानधर्मैत्रिचत्वारिंशोऽध्यायः ४३ ॥

दोहा ॥ पितरदेवसुत अरुसुकृतइनको जो है मूल । कहहुता-
तअब तौनतुम महिमा भरे अतूल ॥ कैसे बरको कन्यका दीजै
यह सुबिचार । है अतिउत्तम सुनुनृपति मतिकेचारु अगार ॥
भीष्मउवाच ॥ छन्द ॥ बरको सुजानि जान । शुचिकर्म करत कुल-
वान ॥ बुध ताहि कन्यादेत । सुनुतात परमसचेत ॥ यह बिप्र
ब्याह अनूप । बुध कहत बुद्धि स्वरूप ॥ बर योग्यजानि बुला-
य । अति हर्ष हियमें दाय ॥ सुनु देय कन्या ताहि । बुध कहत
हैं अवगाहि ॥ यहक्षेत्रब्याह सुठार । सुनुभूप उद्ध उदार ॥
दोहा ॥ कन्या जिहि बरको चहै कन्याको बर जौन । तिहिको
दीजै कन्यका सुनुहुतात बुधिभौन ॥ यह गन्धर्वबिवाहहै भरो
उवाह महान । कहत वेदविद बिप्रहैं जिनकी सुमति महान ॥
दै धन कन्या लेयके जा जन करत बिवाह । आसुरतौन बिवाह
है कहत सुबुध नरनाह ॥ जन हतिकन्या लेयँजे बरबस करत
बिवाह । राक्षस तौन बिवाह है कहत सुबुध नरनाह ॥ जयकरी ॥
पञ्चबिवाहन माहिं सुभूप । ब्राह्म्य क्षात्रगान्धर्व अनूप ॥ हैं
बिवाह ये उत्तमपर्म । कहत सुबुधजन तातसधर्म ॥ राक्षसब्या-
ह अरु असुरबिवाह । ये नहिं उत्तम हैं नरनाह ॥ कीजै ये बि-
वाह कबहुन । इनतेधर्महोतहैऊन ॥ दोहा ॥ ब्राह्म्यक्षात्रगांधर्व
अरु ये बिवाह सुखदान । मिलेहोहिं वा प्रथककै कीबे योग्य
सुजान ॥ तीनवर्णकी कन्यका ग्रहण करत द्विजपर्म । द्वे वर्णन
की क्षत्रिसब करतग्रहण सहधर्म ॥ कन्या अपनिहिं जातिकी
वैश्यलहत सुनुभूप । कहत परम अवगाहिकै प्रज्ञावानअनूप॥
शूद्राको कीजैग्रहण रति कीबे अभिराम । किते कहत बुध क-
हतहैं केतेनाहिं ललाम ॥ शूद्रामें जो होतहै पुत्रसुनुहु मतिमाना
सो न प्रशंसा लहतहै सांधुनमाहिं महान ॥ जौनकरत उत्पन्न

है शूद्रामें सुतपर्म । होत तौन द्विज पातकी बुधवर कहत अभर्म ॥ कन्या जो दशवर्षकी ताको बर अभिराम । तीसवर्षकी योग्यहै कहत सुबुध बुधिधाम ॥ सप्तवर्षकी कन्यका ताकोबर अवदात । योग्यवर्ष इकविंशको निश्चयजानहु तात ॥ जिहि कन्याके होयनहिं पितुअरु भ्रातापर्म । सो विवाहिबे योग्यनहिं बुधवर कहत अभर्म ॥ सोरठा ॥ रजोधर्म पश्चात तीनवर्षलों कन्यका । सुनहु भूप अवदात पतिको संग्रह नहिं करै ॥ वर्ष चतुर्थे माहिं कामक्रियामें द्वैनिपुण । जायपतीके पाहिं लहै मदनके मोदको ॥ जाकी सन्तति पर्म कबहुंहीन न होतिहै । सुनु अवनीप सधर्म अरु रतिरति नाहीं टरै ॥ मधुभार ॥ यहिक्रमहि त्यागि । रतिमाहिं पागि ॥ तिय चलतिजौनादुखलहतितौन ॥ निन्दामहान । तिनकी सुजान ॥ जगमाहिंहोत । सुनुबुद्धिपोत ॥ दोहा ॥ माताको अरु पितरको गोत्र बचाय सुजान । ब्याह कीजिये कहत बुध जिनकी सुमति महान ॥ युधिष्ठिरउवाच ॥ सोरठा ॥ काहू दीन्हों होय देत होय कोउ मोलको । कोऊ हठसों भोय कहतहोय हम देहिंगे ॥ कोउ दिखावतहोय मोल कन्यका को परम । कोऊ सुखसों भोय कियोहोय करको ग्रहण ॥ दोहा ॥ कन्या इन पांचौनमें किहिकी भार्या होय । कहौ आपअवगाहिकै ज्ञान नयनसों जोय ॥ भीष्मउवाच ॥ सोरठा ॥ सुनहु युधिष्ठिर भूप इनपांचहुमें नारिवह । तिहिकी होय अनूप कियो होय जिहिकर ग्रहण ॥ युधिष्ठिरउवाच ॥ काहू लीन्होंहोय मोल देइकै कन्यका । कोऊ तिहिका जोय लेइजाय निजबीर्यसों ॥ दोष होत की नाहि ताको कन्या हरणको । कहौ आपुअवगाहि सुनहु पितामह प्राज्ञवर ॥ भीष्मउवाच ॥ दोहा ॥ मोललेनमें होतहै भार्याको नहिं भाव । याते कन्याहरणको दोष नहीं नरराव ॥ मोल न निश्चयकारहै भार्याको सुनुभूप । यामें कहत प्रसंग इक सो सुनु परमअनूप ॥ काशीपतिको जीतिकै ताकी कन्या

तीन । ल्यायेहम निजवीर्यसों सुनु अवनीप प्रवीन ॥ लखिकै
 तिन कन्यानको मो पित आता परम । मोको ऐसे कहतमे परम
 सधर्म अभर्म ॥ रामगीती ॥ अम्बिका अम्बालिका ये दोय
 कन्या जौन । करहु इनको ब्याह भीषम सुनहुबर बुधिभौन ॥
 छोड़िबे के योग्य अम्बा है सुतात सुजान । छोड़ि अम्बहि
 देहुयाते करु न बेरमहान ॥ भयोनहिं कर ग्रहणयाते दोष कै
 है नाहि । दईहम तब दुओकन्या चित्ररथको ब्याहि ॥ कह्यो
 ऐसे मोहिं मोपित आतअति अवदात । और लोक प्रसिद्ध है
 इकवातसो सुनुतात ॥ कहतकन्यादानहैं सबकोइ जगकेमाहिं ।
 जीतिबो अरु मोललीबो कहतकोई नाहिं ॥ मोल दैकै लेतजे
 जे मोल लैकैदेत । सुनहु ते जन धर्मवान न कहतप्रज्ञ सचेत ॥
 मोल लीन्हें हात है नहिं भारयाको भाव । होत करके ग्रहणही
 ते सुनहुबर नरराव ॥ करत ऐसे कर्मकोजन धर्मच्युतहैं जौन ।
 भर्मसों हैं भरे ते अतिपरम दुर्मति भौन ॥ मोललीन्हीं कन्यका
 में होत दासीभाव । भारयाको भाव कबहूँ होतनहिं नरराव ॥
 दोहा ॥ कन्याके करको ग्रहण विधिवत करै सुजौन । ताकी भा-
 र्या होतिहै कहत सुबुध बुधिभौन ॥

इतिश्रीशान्तिपर्वणिदानधर्मचतुश्चत्वारिंशोऽध्यायः ४४ ॥

युधिष्ठिरउवाच ॥ रामगीती ॥

मोलदैकै कन्यकाको कोइजाय बि-
 देश । करै ब्याह न कोय ताकी भीतिते सुनु देश ॥ कन्यकाको
 पितागुणि तब करै कौन उपाय । कहौ यह सन्देह कहिबेयोग्य
 हौ नरराय ॥ भीष्मउवाच ॥ कन्यकाको मोलदैकै जौन जाय बि-
 देश । सुनहु ताके कुटुम्बवारे लोगजेहैं बेश ॥ कन्यकाको पिता
 तिनको देइ फेरि न मोल । सकैतौ करिव्याह अनत न मानु
 सति मां बोल ॥ युधिष्ठिरउवाच ॥ होय जिहिके पुत्रनाहीं द्रव्य ति-
 हिको जौन । लेयकै किहिभांतिसों सो कहहुप्रज्ञाभौन ॥ भीष्म-
 उवाच ॥ सेमठा ॥ जैसो आत्मा होत तैसोई सुतहोतहै । सुनहु

नृपति बुधिपोत होति सुताहै सुत सदृश ॥ समगती ॥ पिता को धन लेयकन्या मात जो नहिं होय । लहै कोई और नाहीं कहतबर बुधलोय ॥ सुनु युधिष्ठिर मातको जो पृथक धन है पर्म । सुताहीको भागसोहै कहत प्रज्ञअभर्म ॥ होयजाके सुवन नाहीं तासु श्राद्ध सुजान । सुताकोसुत करै सोई लेय द्रव्य महान ॥ पुत्रमें अरु पुत्रिकाके पुत्रमें नहिं भेद । कहत सुबुध महानहैं जिनपदो नीकेवेद ॥ प्रथम सुतवत कन्यकाको मानि लीन्हिंहोय । होय फेरि सुपुत्र तौ सुनु कहतहैं बुधलोय ॥ पांच भाग सुद्रव्यकै तिनमाहिले सुततीन । भागद्वै ले कन्यकासुनु भूपपरम प्रवीन ॥ सुतातनुजा होयअरु सुत मोललीन्होंहोय । करत ताको न्यायहैं यह धर्मशास्त्री लोय ॥ तीनिभाग सुलेय कन्याभागले सुतदोय । सदाचार सुपर्महैंयहकहतहैं सबकोय ॥ बेचिदीन्हों कन्यकाकोसुवन जोअभिराम । लहैधनमेंभागनाहीं तौनसुनुबुधिधाम ॥ मोल लीन्होंपुत्रसोईलेयधनकोसब । कहत हैं अवगाहिकै बुध धर्मशास्त्रअखर्व ॥ बेचिदीन्हों कन्यकाको सुवनजो हैभूप । होतधर्मविरोध कीहै कहत प्रज्ञअनूप ॥ दोहा ॥ निन्दाअसुर विवाहकी ताकेमाहिं महान । इकगाथायमकीकही सो हमकहतसुजान ॥ चंचला ॥ द्रव्यलोभ माहिंपागि त्यागिलाज को सुभौन । पुत्रऔरकन्यकाहि बेचिदेतहैं सुतौन ॥ कालसूत्र नर्कमाहिंमूत्र औ पुरीषखात । नित्यहीं रहैं सपीर खेदपायकै सु तात ॥ सोरठा ॥ कन्यापिता सुजौन एक सुरभि इक वृषभलै । करतब्याहहै तौनआर्ष कहावत सुनुनृपति ॥ कितेकहतबुधपर्म दोष न आर्षविवाहमें । केते कहतअभर्म आर्षहुमाहीं दोषहै ॥ दोहा ॥ केचित आर्षविवाहको करतसुनहुवरभूप । पै न सनातन धर्मयह मतिधर कहतअनूप ॥ सोरठा ॥ कारीकन्याजौन तासों बरबस रतिकरै । अन्धनर्कको तौन परि दुख लहत अनेकहै ॥

रामगीती ॥ दक्षके ये वचनहैं बुधकहत हैं अवदात । व्याह
 काजै लियो जो धन मोलसो नहिं तात ॥ देय जो सब कन्यका
 को तनिक राखैनाहिं । होयमोल सुद्रव्य राखे आपनेगृहमाहिं ॥
 जौन जन कल्याण चाहैं आपनोसुमहान । तौन राखत मोदसों
 हैं तियनको मतिमान ॥ करै कामुकपुरुषको नहिं बाम करिकै
 भाव । बढ़ै सन्तति नाहिं तौ हे सुनु युधिष्ठिर राव ॥ रमत दे-
 वत तत्र हैं तिय रहति पूजित यत्र । जहां पूजित रहति नाहीं
 क्रिया बिफला तत्र ॥ जौन कुलमें करति नारी शोच हैं अति
 मान । निन्द्य सो कुल परमहैं सुनि भूप वर बुधिधाम ॥ जौन
 गृहमें जातिनाहीं कुटुंबवारीनारि । लहतनाहींतौनहैं गृह प्रभा
 परमसुदारि ॥ योग्यहैं सनमानकेतिय सुनहु भूप सुजान । किये
 ते अपमान दुखको लहत पुरुष महान ॥ जनति पुत्रहि नारिहैं
 अरु करति पालनपर्म । योग्ययाते मानकेहैं सुनहु भूप सधर्म ॥
 सर्व कारज होत जिनके सिद्धिहैं अवदात । करत तियको नि-
 त्यजे सनमानजनसुनुतात ॥ कहतगाथा जानकी तिय धर्म में
 यहपर्म । सुनहुं सोहम कहत तुमको भूप पर्म सधर्म ॥ देहा ॥
 नारिनको उत्तम धरम पतिकीसेवा पर्म । पतिसेवाते स्वर्गको
 जीततिनारिअभर्म ॥ इच्छाजो ऐश्वर्यकी करत तौन सत्कार ।
 नारिनको हैं लक्ष्मी नारी सुनो धर्म अगार ॥

इतिश्रीशान्तिपर्वणिदानधर्मेषट्चत्वारिंशोऽध्यायः ४६ ॥

युधिष्ठिरउवाच ॥ सोरठा ॥ तुमसों कोइ न और संशयहर अरु
 धर्मधर । सुनु कुरुकुल शिरमौर सर्व शास्त्रविद नीतिविद ॥ भो
 इक संशयभूरि सुनहु पितामह प्राज्ञवर । सो अवकरिये दूरि
 धर्मधाम बुधिमामधर ॥ रामगीती ॥ विप्रकेहैं बिहित नारी चारि
 सुनु बुधिधाम । ब्राह्मणी क्षत्रिया बैश्या और शूद्राबाम ॥ होत
 तिन चारौनके सुत सुनहु बुधिधरतात । कौनकेतो लेय बर्द्धन
 पिताको अवदात ॥ भोष्मउवाच ॥ विप्र क्षत्रिय बैश्य तीनहुं वर्ण

हैं द्विजभूप । विप्रको जो धर्मतीनहुं माहिं परम अनूप ॥ मदन
की जो केलिताके लोभकरिके परम । शूद्रिकाको करत नारी
विप्रतात अभर्म ॥ जौनब्राह्मण सोवतेहैं नारिशूद्रा साथ । होत
हैं ते नीचगतिको प्राप्त सुननरनाथ ॥ लेय मैगल वृषभ अरु
हय ब्राह्मणीकोतात । पिताको जो द्रव्य तामें सुनहुनृप अव-
दात ॥ करै भागसमान दशधन शेष माहींपरम । ब्राह्मणी सुत
लेय तामें चारिभाग अभर्म ॥ क्षत्रियाको पुत्रतामें भागलेय
सुतीन । दौय भागसुलेय वैश्या सुवन कहत प्रवीन ॥ द्रव्य
भागी होतनाहीं शूद्रिकाको तात । लहत है एकभाग दीन्हे पि-
ताके अवदात ॥ जौनमानत विप्र शूद्रापुत्रको अवदात । शास्त्र
में सो निपुण नाहीं जानु निश्चयतात ॥ होय जौने बर्ण माहीं
विप्रते सुतपरम । होतसो है विप्र पण्डित कहतपरम अभर्म ॥
देय बहुत न नारिको जो द्रव्य होय महान । नारिमनते देयतौ
धनलेय भूप सुजान ॥ पिताको जो दियो माता पासहै धन
तात । पुत्रसों नहिं लेय बरवस कहतबुध अवदात ॥ युधिष्ठिर
उवाच ॥ दोहा ॥ ब्राह्मणते जो पुत्रभो शूद्रामाहिं अनूप । सो धन
भागी होतनहिं कह्योआपु यहभूप ॥ एक अंश वह लहतपुनि
कौनहेतु ते परम । संशय होत महानहै यामें सुनहु सधर्म ॥ होत
ब्राह्मणी माहिं जो ब्राह्मणसंशयनाहिं । ब्राह्मण ताहूको कहत
जौन क्षत्रियामाहिं ॥ वैश्यामें जोहोतसुत ब्राह्मणते अवदात ।
तौनहुंब्राह्मण होतहै कह्योआप यहतात ॥ पै नहिं लहत समान
ये तीनहुंभाग सुजान । सो काहे ते होतहै संशय महामहान ॥
भीष्मउवाच ॥ कन्या तीनहुं बर्णकी पहिलेकरि निजनारि । फेरि
ब्राह्मणीको करै भार्या परम सुदारि ॥ तबहुं ज्येष्ठा ब्राह्मणी
होय न अन्याकोय । सर्वहि उत्तम कार्य में संग रहतिहै सोय ॥
भूषण नानाभांतिके अरु भोजन अभिराम । दीजै विप्रानारि
को अधिकऔरते आम ॥ देख्यो मनुके शास्त्र में यह सुसना-

तन धर्म । करत जौनहै अन्यथा सो चाण्डाल अभर्म ॥ होत
सुमाता के सदृश पुत्र जानि निज तात । याते धनमें लहत हैं
भाग समान अवदात ॥ भार्या विप्रा क्षत्रिया वैश्याशूद्रा जौ-
न । तिनमें श्रेष्ठा ब्राह्मणी होत सुनहु बुधिभौन ॥ याते विप्राको
सुवन भाग लेत है श्रेष्ठ । विप्राके सब सुतनमें अधिक लेत है
ज्यष्ठ ॥ रामगीती ॥ ब्राह्मणी के सदृशनाहीं क्षत्रिया हैं बाम । औ
न वैश्या क्षत्रियाके सदृश सुनु बुधिधाम ॥ वैश्यकाके सदृश
नाहीं शूद्रिका जो दार । शास्त्रमतते कहत हैं बर ज्ञानवान उ-
दार ॥ देवतनके देवताहैं विप्रवर अवदात । सबिधिपूजा किये
तिनकी लहतजन मुद तात ॥ होतहैं श्रीमान क्षत्रियते जमान
विशाल । करत राज्य सु भूमिको हैं दरत अरिकेजाल ॥ करत
रक्षा धर्मकी हैं पर्म क्षत्रिय भूप । देतदान महानहैं सनमानकै
सु अनूप ॥ करत चारिहु बर्णकी रक्षा सु क्षत्रियपर्म । कृषी
बाणिज गो रक्षाहैं वैश्यके ये धर्म ॥ श्रेष्ठवैश्यापुत्रते है क्षत्रिया
को तात । अधिकभागै लहत याते सुनहुसुत अवदात ॥ देखा ॥
कह्यो सर्व वृत्तान्त तुम विप्रनको हे भूप । और बर्णको अब
कह्यो करिकै कृपा अनूप ॥ भोग्यउवाच ॥ क्षत्रिहूके होति हैं द्वैभा-
र्या अभिराम । तृतिया शूद्रा होतिपै शास्त्र तेन मतिधाम ॥
विप्रनको जो क्रम कह्यो क्षत्रियहूको सोइ । शास्त्रनको अवगा-
हिकै कहत सुवर बुधिलोइ ॥ क्षत्रियधनके होत हैं अष्टभाग
सुनुभूप । तिनमें ऐसी रीतिसों भागैलहत अनूप ॥ क्षत्रियाको
सुवनसो चारिअंग ले चारु । अरु खड्गादिक शस्त्रसब सोई
लेयउदारु ॥ सोरठा ॥ वैश्याको सुतजौन तीनभाग ले द्रव्यमें ।
एकभाग बुधिभौन लेयशूद्रिकाको सुवन ॥ देखा ॥ नारि होतिहै
वैश्यके एकहि सुनु बुधिधाम । द्वितिया शूद्रा होतिपै शास्त्र तो
न अभिराम ॥ वैश्यद्रव्यके होत हैं पंचभाग मतिमान । चारि
भाग तिनमाहिले वैश्यापुत्र सुजान ॥ शूद्राको जो सुवनसो

एक अंश ले तात । दिये पिताके कहतबुध शास्त्र देखि अव-
दात ॥ सोरठा ॥ होति शूद्रकेदार एकहि अपने वर्णकी । सुनु
नृप बुद्धिअगार अन्यवर्णकी होतिनहिं ॥ जयकरी ॥ जेते होहिं
शूद्रकेतात । सब समभाग लेहिं अवदात ॥ ब्राह्मणआदि वर्ण
जे तीन । तिनमें है यह रीति प्रवीन ॥ होत ज्येष्ठसुत श्रेष्ठ स-
चेत । ताते अंश अधिक एक लेत ॥ मध्यमसुत जो मध्यम
भाग । लेय सुनहु भूपति बड़भाग ॥ लघुहिभाग पावै लघु
तात । कहत सुबुध मतिबर अवदात ॥

इतिश्रीदानधर्मधनविभागवर्णनोनामसप्तचत्वारिंशोऽध्यायः ४७ ॥

युधिष्ठिरउवाच ॥ रामगीती ॥

हीनवर्ण सुपुरुषकेसंग रमतजो है
दार । वर्णसंकर होत ताते सुनहु बुद्धिअगार ॥ धर्म तिनको
कौनहै अरु कर्मतिनको कौन । कहौतात सु कृपाकरिकै परम
बुधिकेभौन ॥ कर्म चारिहुवर्ण के अरु वर्ण चारिहुधर्म । यज्ञ
काजै प्रथमबिरचे बिधाता सहधर्म ॥ बिप्रकेहैं होतिनारी चारि
अति अभिराम । ब्राह्मणी क्षत्रिया वैश्या और शूद्रावाम ॥ सु-
नहु तिनमें ब्राह्मणी अरु क्षत्रिया जोदार । होत दोउन माहिं
बिप्रहि परम बुद्धि अगार ॥ औ सु वैश्या शूद्रिकामें होतहै सुत
हीन । बिप्रकेसम होतनाहीं कहत प्रज्ञ प्रवीन ॥ बिप्रते जो होय
वैश्या माहिं पुत्र सुभूप । कहतहैं अंबष्ट ताको परम प्रज्ञअनूप ॥
होत शूद्रामाहिं जोसुत बिप्रते अवदात । कहतताको पारसब
बुध सुनहु बुधिधरतात ॥ करतसेवा परमदोऊ द्विजनकीअभि-
राम । दानकारक होतदोऊ महामेधाधाम ॥ होतक्षत्रिय ते सु-
क्षत्रिय दोयनारिनमाह । हीनपुत्र सुहोतशूद्रा माहिंसुन नर-
नाह ॥ उग्रताको नामहै वह उग्र अतिहीहोत । शास्त्रको अव-
गाहि करिकै कहत प्रज्ञापोत ॥ वैश्यका अरुशूद्रिका येवैश्यके
द्वैदार । होतवैश्यहि दुहुँनमाहीं कहतबुद्धिअगार ॥ होतएकहि
नारिशूद्रा शूद्रके हेतात । होततामें सुवन शूद्रहि कहत बुधअ-

वदात ॥ कह्यो सब वृत्तान्त चारिहु बर्णकोसुअनूप । बर्णबाहर
जौन तिनको कहत अब हमभूप ॥ होत क्षत्रियते सु जो सुत
ब्राह्मणीमें पर्म । बर्ण बाहर तौन ताको सुतनामअभर्म ॥ होत
विप्रानारिमेंहै बैश्यतेसुत जौन । नामहै बैदेह ताको सुनहुबर
बुधिभौन ॥ नृपनके रनिवासको सो करतकाज अनूप । सुनु यु-
धिष्ठिर धर्मधरवर ज्ञानमानअनूप ॥ ब्राह्मणीमें शूद्रते सुतहोत
है चाण्डाल । हनत चौरादिकनको सो कहत जब भूपाल ॥
ब्राह्मणीमें होत एते बर्णसंकर पर्म । कह्यो हमअवगाहि तुमसों
सुनहुभूप सधर्म ॥ बैश्यते सुत होत जो हैं ब्राह्मणीमें चारु ।
नाम मागध तासुको सुनु भूपबुद्धि अगारु ॥ क्षत्रियामें शूद्र ते
उत्पन्नजो है पूत । नामतासुनिषादजो है हनतमत्स्यअकूत ॥
बैश्यकामें होत जोहै शूद्र तेसुत पर्म । नाम आयोगवस ताको
कहतप्रज्ञ अभर्म ॥ करतरचना काष्ठकीसो सुनहुतातअजान ।
कहत बढ़ई नामताको जगतमाहिं महान ॥ सुनहु नृप अम्बष्ठ
पार्सव उग्रसूत विदेह । चाण्डालमागध औ निषादसु अयोगव
नवयेह ॥ योनि अपनीमाहिं ये सुत करतआपु समान । नीच
योनीमाहिं इनते और होत सुजान ॥ भये चारिहु बर्णते जिमि
बाह्यये नवआम । बाह्यतर हैं होत इनते और सुनुबुधिधाम ॥
चोरठा ॥ होतहीनते हीन बर्णपंचदश और नृप । बुधवर कहत
प्रवीन शास्त्रनको अवगाहिकै ॥ रामगीती ॥ मागधी में अयोगव
ते होत जो है तात । नामहै सैरंध्रताको सुनहुनृप अवदात ॥
चरणकुलक ॥ भूषण भूपनको पहिरावैं । बसननकी रचना सु-
बनावैं ॥ सैरंध्रनके कारज ये हैं । कहत शास्त्र लखि आरज
जे हैं ॥ रामगीती ॥ मागधी में होतहै बैदेहते सुत तौन । नाम
मैरे एकसुता को करत मदिराजौन ॥ होत जौन निषाद ते
सुत मागधीमेंपर्म । नाम मंगुर तासु जीवन नावते सुअभर्म ॥
मागधीमें होत जो चाण्डालते सुतभूप । नामतासु स्वपाकहै

बुधकहत परम अनूप ॥ दोहा ॥ अयोगवीमें होत हैं बैदेह केते
जौन । क्रूरनाम ताकोकरत कपट महाहै तौन ॥ चंवला ॥ जौन
होतहै निषादते अयोगवी सुबीच । मद्रजानु नामतासु प्रज्ञते
कहैंनिभीच ॥ होतजो चण्डालते अयोगवी सुमाहिंपूत । खात
हैसुनो सुतौन अश्वमांसको अकूत ॥ कान्ता ॥ पुस्कसनाम । जिहि
कोआम ॥ जगकेमाह । सुनुनरनाह ॥ आभीरा ॥ आयोगवीकेबीच ।
तीनवर्ण ये नीच ॥ होतकहत बुधमाम । निरखि शास्त्र अभि-
राम ॥ सोरठा ॥ आयोगवीकेमाह होत जौन बैदेहते । तासुनाम
नरनाह क्षुद्र कहत अवगाहि बुध ॥ रामगीती ॥ व्यतिक्रमते मा-
तके अरुपिताके सुनुभूप । होतयेते बरणसंकर कहत प्रज्ञ अ-
नूप ॥ शास्त्रउक्ति सुजौन विधिसों वर्णचारिहुमाहि । वर्णसंकर
में नहीं हैं कहतबुध अवगाहि ॥ सोरठा ॥ षट् अनुलोमज होत
चारिहु वर्णनते प्रकट । सुनुहु नृपति मतिपोत और बिलोमज
होतषट् ॥ अनुलोमज हैं जौन तौन सुक्रमते होतहैं । हैं सुबि-
लोमज तौन होत व्यतिक्रम तेसुजे ॥ जयकरी ॥ इन द्वादशते
छाछठिहोत । अनुलोमज सुनु नृप बुधिपोत ॥ औसुबिलोमज
छाछठि आम । होतकहत बरबुधिधर माम ॥ इनते बहुतहोत
हैं और । ऐसेही सुनु नृप शिरमौर ॥ तिनमेंकिते अचलपै
बास । कितेकरत इमशानपास ॥ सत्यवचन अरु क्षमामहान ।
इनके नित्यधर्ममतिमान ॥ गोब्राह्मणकीकियेसहाय । येऊसिद्धि
लहत नरराय ॥ यामें संशय नाहिं सुजान । सत्यवचन मम
मानु महान ॥ रामगीती ॥ धर्मपत्नी माहिं बुधवर वीर्यकोआधा-
न । करत हैं लहि समयको सुनुभूप परम सुजान ॥ वीर्यकोआ
धान कीन्हें और नारीमाह । होतहै उत्पन्नसुत दुखकार सुनु
नरनाह ॥ दोहा ॥ काम क्रोधवश जौनजन तिनको नारीपरम ।
प्राप्तकरतहैं कुपथको भूपति सुनुहु सधर्म ॥ अन्तगुह्यतोमर ॥ तिय
हावभाव दिखायकै । वशमाहिंकै सुरिभायकै ॥ नरकोसुदूषित

१२६ शान्तिपर्वदानधर्मदर्पणः ।

करति हैं । जगमें अकीरति भरति हैं ॥ दोहा ॥ बुधजनयातेकरत
नहिं बहुधा तियको साथ । इहै हेतु अवगाहिकै सुनुसधर्म नर-
नाथ ॥ युधिष्ठिर उवाच ॥ रामगीती ॥ होय संकर बर्ण में उत्पन्न जो
हेतात । श्रेष्ठकैसो रूपताको होय अति अवदात ॥ कहोताकी
जातिसो किहि भांति जानी जाय ॥ भीष्म उवाच ॥ बर्णसंकर योनिमें
उत्पन्न जो नरराय ॥ श्रेष्ठकैसो रूपताको होय अबिमें परम । किये
चेष्टा जात जान्यो तौ न तात सधर्म ॥ श्रेष्ठकेजे कर्मतिन ते रहित
जो वह होय । बर्णसंकर जानिये तौ कहत बर बुध लोय ॥ श्रेष्ठकेजे कर्म
तामें होहिं जो अवदात । शुद्धबर्ण सुजानिये तौ ताहि सुनुहेतात ॥
दोहा ॥ अनाचार अरु दुष्क्रिया और क्रूरता जौ न । इन ते जाने जात हैं
सङ्कर योनि जतौ न ॥ रामगीती ॥ बर्णसङ्कर जौ न ते नहिं तजत
जाति सुभाव । शास्त्र मत ते कहत हैं बुध सुनहु हेनरराव ॥ कर्म
करिकै बर्णसंकर आपु जाहिर होत । गुप्त नाहीं रहत हैं ते सुनहु
बर बुधिपोत ॥

इति श्रीशान्तिपर्वणिदानधर्मे अष्टचत्वारिंशोऽध्यायः ४८ ॥

युधिष्ठिर उवाच ॥ जयकरी ॥ सुतविवाद है बहुत सुजान । तामाहीं
संदेह महान ॥ होत तौ न नृपकरिये दूरि । मेटत तुमहीं संशय
भूरि ॥ कैसी नारी माहीं तात । कैसो होत कहो अवदात ॥ तुमहौ
प्रज्ञावान महान । संशय हरतुमसों नहिं आन ॥ भीष्म उवाच ॥
रामगीती ॥ आपुते जो होत स्वक्रिया नारि माहीं तात । कहत और-
सपुत्रताको परम बुध अवदात ॥ कहेते निजनारिमें परवीर्यते
जो होत । नामक्षेत्रज कहत ताको परम प्रज्ञापोत ॥ कहे बिन
निजनारि औरै पुरुष साथ बिहार । करति ताते होत जो उत्पन्न
पुत्र सुठार ॥ प्रस्मृत जहै नामताको सुनहु भूप सुजान । कहत
है निरधारि स्मृति कह ज्ञानवान अमान ॥ होय कौनहु हेतु ते जो
मनुज कुलते हीन । होत ताते पुत्र चौथो तौ न भूप प्रवीन ॥ दियो
काहुहि होय काहु पुत्र अति अभिराम । तौ न पंचम नाम ताको

दत्तसुनु बुधिधाम ॥ क्रोत ताको नामजोसुत मोललीन्होहोय ।
 शास्त्रको अवगाहिकै नृप कहतहैंबुधलोय ॥ जयकरी ॥ गर्भवती
 को होय विवाह । ताको जो सुत हेनरनाह ॥ तासुनाम अर्धूढ
 अनूप । सोसप्तमसुत हैसुनुभूप ॥ रामगीती ॥ अपध्वंशजहोत हैं
 षटपुत्र भूपसुजान । होतसुतकानीनसप्तम कहतवरमतिमान ॥
 होयकारीकन्यकामें पुत्रजोहेतात । कहतहैंकानीनताकोनाम बुध
 अवदात ॥ चतुर्दशये औरअपसद पुत्रषट अभिराम । तौनआगे
 कहैगेहम सुनहुनृप बुधिधाम ॥ युधिष्ठिरउवाच ॥ अपध्वंशज कौन
 षट अरु कौन अपसद तात । कहौतुम अवगाहि हमको पि-
 तामह अवदात ॥ भीष्मउवाच ॥ क्षत्रिया अरु वैश्यका अरु शूद्रिका
 जे दार । होत इनमें पुत्र द्विजके अपध्वंशज चार ॥ होत क्ष-
 त्रियके सुवैश्या शूद्रिकामें जौन । शूद्रिकामें वैश्यके जो होतसुत
 बुधिभौन ॥ अपध्वंशज ये सुषटहैं कहतबुधि अवदात । और
 अपसद पुत्रषटते सुनहु बुधिवरतात ॥ शूद्रके जो होत विप्रा
 माहिं सुत चाण्डाल । होतहैं सुत क्षत्रियामें ब्रात्यसो भूपाल ॥
 वैश्यकामें होतजोसुतशूद्रकेहेतात । वैश्यताकोनामहैबुधकहतहैं
 अवदात ॥ होतमागध ब्राह्मणीमें वैश्यके सुतपर्म । क्षत्रियामें
 होतबामक सुनहुभूपसधर्म ॥ होतहैंसुत सूतविप्रामाहिं क्षत्रिय
 केसु । होत अपसद पुत्रएते सुनहु प्रज्ञ नरेसु ॥ युधिष्ठिरउवाच ॥
 घोरठा ॥ पतिकी आज्ञापाय पुत्रअर्थ जो कामिनी ॥ औरपुरुष
 पै जाय भोग करतिहै समुदकै ॥ ताके जो सुतहोत सो दोउन
 में कौनको । कहौतात बुधिपोत धर्मवान यशवानवर ॥ भीष्मउ-
 वाच ॥ जाको बीर्य होय सो सुतको चाहै न जो । कहत सुवर
 बुधलोय क्षेत्रपतिहिको होयतौ ॥ दोहा ॥ पुत्रहि चाहै वीर्यप्रद
 तौ ताहीको होय । कहतसुबुध अवगाहिकै धर्मशास्त्रको जोय ॥
 सुनहु पुत्र अर्धूढको यह वृत्तान्त सुजान । वीर्यप्रद जो छोड़ि
 दे कैकै लज्जावान ॥ क्षेत्रपतीको होयतौ सुवन सुनहु महिपा-

ल । जो नहिं छोड़ै पुत्रको तजिकै लाज विशाल ॥ वीर्यप्रदको
 होयतौ पुत्रतौ न मतिमान । कहत शास्त्र अवगाहिकै मति सों प्रज्ञ
 सुजान ॥ आभोर ॥ कृतकपुत्र कहं होत । सुनहु नृपति बुधिपोत ॥
 युधिष्ठिर उवाच ॥ कैसो होत सुतौ न । कृतकपुत्र है जौ न ॥ भीष्म उवाच ॥
 रामगीती ॥ जाहि माता पिता पथसे डारि दीन्हों होय । पायता को
 ल्याय गृहमें महामुदसों भोय ॥ कहै ताको पुत्र सो है कृतक सुत
 अभिराम । जाहि जाने नाहि ताके पिता माता आम ॥ युधिष्ठिर उ-
 वाच ॥ चंचला ॥ संस्कार तासुकौ न भांतिसों सुहोय भूप । कन्य-
 का सुहोय तौ सुकाहि दीजिये अनूप ॥ होत है संदेह तातकै
 कृपा कहौ महान । है न दक्ष आपुसे संदेह दूरिकार आन ॥
 भीष्म उवाच ॥ रामगीती ॥ परा पथमें मिलै जाको सुवन सुनु मति-
 मान । करै सो निजवर्णको सो संस्कार सुजान ॥ जो सु ल्यावै
 मार्गमें ते गोत्र ताको जौ न । होत सुतमें कहत हैं अवगाहि प्रज्ञा
 भौ न ॥ कन्यका जो मिलै तौ निजवर्णमाहीं परम । देय विधिसों
 चारुवरको सुनहु भूप सधर्म ॥ औ सुनो कानीन औ अध्यूद सुत
 अभिराम । और क्षेत्रज अपसदोउ ये चारि पुत्र ललाम ॥ इनहुं
 को निजवर्णको सो संस्कार अनूप । कीजिये बुध कहत हैं अव-
 गाहि शास्त्रहि भूप ॥ दोहा ॥ दीन्हों उत्तर तासुहम जो बूझो तुम
 धर्म । कहा सुननकी इच्छा है अब भूपति सुनहु अभर्म ॥

इति श्री शान्तिपर्वणि दानधर्मविवाहधर्मवर्णनो नामैकोनपञ्चाशदऽध्यायः ॥

युधिष्ठिर उवाच ॥ दोहा ॥ परकी पीड़ा देखि अरु बसिकै परके साथ
 कैसे करै सनेहको अब यह कहु नरनाथ ॥ अरु महिमा सुरभी-
 नकी कहौ समोदित आपु । सुनहु पितामह सुयशधर बुधिधर धर्म
 कलापु ॥ भीष्म उवाच ॥ रामगीती ॥ कहत हों इतिहास यामें सुनहु छोड़ि
 प्रमाद । च्यवन ऋषि अरु नहुषको तिहिमाहिं है सम्बाद ॥ च्य-
 वन ऋषि मतिमान मनमें करी इच्छा येह । करैं बारह वर्ष लों
 जलवास सुनु बुधिगेह ॥ मान क्रोधहि छोड़ि करिकै सुरनको

परणाम । मध्य यमुना सुरसरीके सुऋषि तेजसधाम ॥ भये
करत प्रवेश जलमें होय मोदित पर्म । बेग यमुना सुरसरीको
सुनहु भूप सधर्म ॥ भयेधारण करत शिरपै च्यवनऋषि मति-
मान । दुहुँन रक्षाकरी ऋषिकी दयाकरि सुमहान ॥ दई पीरा
नाहिं ऋषिको तनिकहू हेतात । पाप हारिणि सुरसरी अरुका-
लिन्दी अवदात ॥ दोहा ॥ रहतभये ऋषि कांष्ठलों जलकेमाहिं
सुजान । करतभये जलजीव सब तिनमें प्रेममहान ॥ सुग्धबि-
लास ॥ बहुकाल जलमें बास । ऋषिकरतभे तपरास ॥ एकस-
मय माहिं मलाह । बहुआय सुनु नरनाह ॥ जलमाहिं डारिसु
जाल । विसतारिकै सुबिशाल ॥ सबभये खेंचत पर्म । निज
जातिको गहिधर्म ॥ बहुफँदे जलके जन्तु । तिहिमाहिं सुनुमहि
कन्तु ॥ तेहिजाल माहिं महान । ऋषिरायहू मतिमान ॥ बभ्रिगे
सुजन्तुन साथ । सुनुप्रज्ञ हे नरनाथ ॥ ऋषिरायकोलखिसर्व ।
भयमानि भेसुअखर्व ॥ मञ्जरीनको ऋषिराय । लखिकै सपीर
अचाय ॥ अतिछेश मनमें कीन । सुनु भूपपरम प्रवीन ॥ निषा-
दाजघुः ॥ बिनजानभो यहपाप । क्षमियेसुसो ऋषिआप ॥ प्रिय
होय तुमको जौन । कहियेसु अब तुमतौन ॥ अब जो कहौ
गे तौन । हम करेंगे बुधिभौन ॥ ऋषिराय ये सुनिबैन । इमि
भये कहत सचैन ॥ दोहा ॥ सबही सुनहु मलाहतुम यह मेरे
प्रियपर्म । जलजन्तुनको साथनहिं तजिहैं कहत सधर्म ॥ मरि
हैं तो इनसाथमें बिकिहैं तौ इनसंग । बहुदिनलों हम मुदित
हवै इनके बसेप्रसंग ॥ ऋषिके सुनिकै बैनये तजिमत्स्यनकी
आस । शंकित सर्व मलाह हवै गये नहुषके पास ॥

इतिश्रीमहाभारतदर्पणेशान्तिपर्वणिदानधर्मपञ्चाशदध्यायः ५० ॥

भीष्मउवाच ॥ तोमर ॥ मुनि च्यवनको वृत्तान्त । सुनिनहुषशीघ्र
नितान्त ॥ उठिगये सहित समाज । जहँहौसुऋषि शिरताज ॥
ऋषिको प्रणाम सुकीन । लखिभूप परम प्रवीन ॥ नहुषउवाच ॥

ऋषिराय सुनुमोबैन । तपवान परमसचैन ॥ प्रियहोय तुमको
 जौन । कहिये सुहमकोतौन ॥ च्यवनउवाच ॥ दोहा ॥ कियो मला-
 हन परमश्रम याते सुनुबरभूप । मछरिनको अरु मोलममदी-
 जै इन्हें अनूप ॥ पञ्चभली ॥ धीवरहि देहु मुद्राहजार । सुनु हेसु
 बिप्रवर बुधि अगार ॥ च्यवनउवाच ॥ मुद्राहजार ममयोग्यना-
 हिं । अवगाहि देहु नृपचित्तमाहिं ॥ ममसदृश मोल धीवरहि
 देहु । सुनु नहुष भूमिपति सुमतिगेहु ॥ नहुषउवाच ॥ ऋषिकेसुबैन
 ये सुनि अनूप । पुनि कह्यो बिप्रसों नहुषभूप ॥ धीवरहि देहु
 मुद्रासुलक्ष । ऋषिराय च्यवनको मोलदक्ष ॥ च्यवनउवाच ॥ सुनु
 नहुषभूप तुम देतजौन । ममसदृशमोल है नाहिंतौन ॥ नहुषउ-
 वाच ॥ मुद्रासुकोटि धीवरहिदेहु । सुनु हे सुबिप्रवर बुद्धिगेहु ॥
 च्यवनउवाच ॥ मुद्रा सुकोटि ममसम न मोल । सुनुनहुष भूप
 मतिके अडोल ॥ द्विज सहितआप करिकै विचार । धीवरहि
 मोल दीजै हमार ॥ नहुषउवाच ॥ धीवरहिदेहु ममसर्वराज । सुनु
 बिप्र अबहिं नहिं बिलंबकाज ॥ च्यवनउवाच ॥ मममोल सदृश
 नहिं राजसर्व । सुनुनहुषभूप बुधिधरअखर्व ॥ मम सदृशमोल
 जो होयभूप । द्विजसंग बिचारि दीजै अनूप ॥ भीष्मउवाच ॥ नृप
 नहुष च्यवन ऋषिके सुबैन । सुनिकै सुहोय अतिही अचैन ॥
 मतिमान द्विजनके साथहोय । करतेबिचारभे शोचभोय ॥ राम-
 गीती ॥ समय तौनहिंमाहिं यकऋषिविपिनतेअवदात । निकसि
 कैनृपपास आयें सुनहु बुधिधरतात ॥ गऊते भो जन्मताको
 महातेजसधाम । परम प्रज्ञावान सोतन तासुअति अभिराम ॥
 कहत भो सो बैन ऐसे नहुषनृपसों परम । करैगें परसन्न हमऋ-
 षिच्यवनको सहधर्म ॥ सत्यतुमसों कहत हैं नरनाह हे यश-
 वान । कहैं तुमसों जौन सो तुम करो भूपसुजान ॥ नहुषउवाच ॥
 सुनहु हे ऋषिराय प्रज्ञावान तेजस धाम । कहौहमको च्यवन
 ऋषिके सदृशमोल ललाम ॥ सोरठा ॥ जासों रक्षाहोय कुलकी

अरु मम देशकी । नातो क्रुधसों भोय देहैं हमको शापऋषि ॥
 भीष्मउवाच ॥ पञ्चमली ॥ नृपके सुबैन सुनिकै सुजान । इमि कहत
 भयो ऋषि तेजमान ॥ करिये न शोच अब नहुषभूप । लहिहौं
 न शाप ऋषिसों अनूप ॥ दोहा ॥ जसयह स्वच्छ अमोल है ब्राह्म-
 ण बर्णनमाह । इमिही स्वच्छ अमोल है सुरभी हेनरनाह ॥
 याते इनको मोल तुम गऊकहो हेभूप । यह सुनिकै नृप नहुष
 अति पायो मोद अनूप ॥ सौरठा ॥ जाय च्यवनऋषिपास नहुष
 भूप इमि कहतमे । उठहु च्यवन तपरास गऊदेत तव मोल
 हम ॥ च्यवनउवाच ॥ सुनहु नहुष मतिमान कियोमोल ममसदृश
 तुम । याते मुदित महान हैं तुमपै परसन्न हम ॥ रामगीती ॥ द-
 रशकीन्हे गऊको अरुकिये पूजादान । होतहै कल्याण अतिही
 कटत पाप महान ॥ स्वर्गमें गोपूज्य हैं अरु स्वर्गकी सोपान ।
 करत हैं सब कामनाको सिद्धि सुनु बुधिमान ॥ दोहा ॥ सुरभीके
 सम और नहिं श्रेष्ठ सुनहु बरभूप । गाई तिनकी जातिनहिं म-
 हिमा परम अनूप ॥ निषादाऊचुः ॥ चलै जाके संगमें पद सप्त हे
 ऋषिराय । होति तासों मित्रताहै तासुप्रीतिहि छाय ॥ आपु
 हमको दियो दरशन औ सुबोले बैन । करहुयाते कृपा हमपै सु
 ऋषि तेजसऐन ॥ अग्निऐसे आपुहौ सबनरनमें ऋषिराज ।
 लेहुसुरभी आपुहमसों दयाकरि सुदराज ॥ च्यवनउवाच ॥ धेनुको
 हम लेहिंगे तुमहोहु अघतेदूरि । होयतुममें सुरनकीसीप्रभा बि-
 मलाभूरि ॥ लहो स्वर्गहि नीरजन्तुन सहित धीवर सर्व । होहु
 मम आशीशते तुम मोदवान अखर्व ॥ भीष्मउवाच ॥ सर्व धीवर
 पायकै आशीश ऋषिकी भूप । गये अक्षय स्वर्गको जलजन्तु
 सहित अनूप ॥ नहुष तिनको देखिकै मनमाहैं बिस्मयकीन ।
 तत अनन्तर सुऋषिदोऊ तेजमान प्रवीन ॥ नहुषनृपसों क-
 हतमे इमि मांगु अब बरदान । मांगते तब भयेयहबर नहुष
 नृप मतिमान ॥ धर्ममें थिति रहैमेरी नित्यहे ऋषिराय । भूलि

कै नहिं धरैं कबहूं कुपथमाहीं पाय ॥ सुऋषि दोऊ कृपाकरिकै
 देतमे बरदान । दुहुँनको तब पूजतो भो नहुष नृप मतिमान ॥
 च्यवनऋषि ब्रत भये पूरण गये अपनेधाम । गयेआश्रम आ-
 पनेको गविजऊ ऋषिमाम ॥ पायकैबरदान भूपति नहुषशुचि
 यशवान । होयहर्षित गयो अपने नगरकोसुखदान ॥ दोहा ॥ पर
 पीड़ाको देखिअरु बसिकै परकेसाथ । ऐसेकरै सनेहको सुनहु
 प्रज्ञ नरनाथ ॥ गौअनकी महिमामहा तुमसों कही अनूप ।
 अब आगेका बूझिहौ सुनहु युधिष्ठिरभूप ॥

इतिश्रीमहाभारतदर्पणेशान्तिपर्वणिदानधर्मेएकपंचाशदऽध्यायः ५१ ॥

युधिष्ठिरउवाच ॥ मधुभार ॥ संशय महान । एकहै सुजान ॥ सो
 करहुदूरि । मतिमानभूरि ॥ ऋषि परशुराम । तपतेज धाम ॥
 क्षत्रियहि जीति । तिनकिय सभीति ॥ दोहा ॥ भयेतौन उत्पन्न
 किमि कहौ पितामहपर्म । डैकै ब्राह्मण किमिलहो क्षत्रिन को
 जो धर्म ॥ सोरठा ॥ भयो प्रतापमहान परशुराम ऋषिरायको ।
 तिमिहि प्रतापसुजान भयोसु बिश्वामित्रको ॥ दोउनको सुप्र-
 ताप ताको कारण जानैं ॥ कहो कृपाकरि आप सुनहु तात
 बुधिधामबर ॥ भीष्मउवाच ॥ दोहा ॥ यह प्रसंगमें कहतहों यक
 इतिहासअनूप । यशधरमतिधर धर्मधरसुनहु युधिष्ठिरभूप ॥
 महाप्राज्ञ ऋषिच्यवन अरु भूपकुशिक अवदात । तामाहीं सं-
 वादहै इनदोउनको तात ॥ रामगीतो ॥ च्यवनऋषि यकसमय
 माहीं कुशिक नृपपैजाय । कहतभेइमि बसैंगेतवपास हम नर-
 राय ॥ कुशिकउवाच ॥ जौन आज्ञाकरींगेतुम च्यवनऋषि मति-
 मान । तौनहीं हम करैंगे तवकृपाकाजमहान ॥ भीष्मउवाच ॥ सु-
 ऋषिसों इमि बैन कहिकै दियो आसन चारु । धोयकै पद स-
 विधि पूजाकरी भूप उदारु ॥ कुशिकनृप ऋषिच्यवनसों पुनि
 कहे ऐसे बैन । राज्य गज हय सदनहै सब तुम्हारे तपऐन ॥
 तिहारे आधीनहैं हम सहित नारि अनूप । कुशिकनृपके बचन

सुनिये च्यवनऋषि मुदरूप ॥ कहतभे इमि बचन तिनसों सु-
नहु भूपउदार । हैहमारे राज्यधनकी कामना न सुठार ॥ कियो
चाहत नेमको प्रारम्भएकअनूप । सहितरानी रुचै तुमको करें
तौ हमभूप ॥ चरणकुलक ॥ सेवाको तुम करौ हमारी । शंका त-
जिकै सहितसुनारी ॥ यह नेमै हम कीन्हो चाहैं । करें भूप जो
आप निबाहैं ॥ सुनि करिकै ऋषिकी यह बानी । मुदित होयकै
राजा रानी ॥ बचन कहतभे ऋषिसों ऐसे । सेवाकरिहौं कहिहौं
जैसे ॥ ऋषिको उत्तम गृहमें लाये । दोऊ परमप्रेमसों छाये ॥
ऋषिहि सेजऊपर बैठाये । सुन्दर अतर मैगायलगाये ॥ जोरि
पाणि दोऊ मुदपागे । ऋषिसों बचन कहन इमिलागे ॥ दोहा ॥
बसो सुमुनि यहि सदनमें जबलौं इच्छा होय । करिहैंसेवा आ-
पकी कहिहौ तिमि सुखभोय ॥ चरणकुलक ॥ इतने में पूछनकछु
गये । तब ऋषि ऐसेकहते भये ॥ सुनहुभूप कछु भोजनल्यावो ।
द्विजसों निरमल नीर मैगावो ॥ राजोवाच ॥ नीको भोजन लागै
जोई । तुमकाजै हमल्यावैं सोई ॥ कहौकृपाकरि हेऋषिराजा ।
धर्मवान मतिमानदराजा ॥ कहतभये तब ऋषि इमिबानी ।
अतिही कोमलतासों सानी ॥ भोजनहोय सिद्धि जोभूपा । ल्या-
वो तौ नहिं सविधि अनूपा ॥ ऋषिकेबैन सुने ये जबहीं । भो-
जनलेनगयो नृपतबहीं ॥ सिद्धिसुपायो भोजन जोई । त्वरितहि
लेयगयो नृपसोई ॥ दोहा ॥ भोजन करिकै च्यवनऋषि बुद्धि-
धाम अभिराम । रानीराजासोंबचन बोलतभये ललाम ॥ च-
रणकुलक ॥ शयनकरेंगे अब हम राजा । चितमें आलस भयो
दराजा ॥ कबहुं न हमैं जगावैंकोऊ । दावो पदमेरेतुम दोऊ ॥
शयनकरैं हम हे नृपजबलौं । जगतरहो तुमदोऊ तबलौं ॥
सुनिकै बैन ऋषीसों बोले । रानी राजा प्रीतिहि खोले ॥
करिये शयन सुऋषिवरज्ञानी । करिहैं सेवाहम सुखदानी ॥
जबऋषि च्यवन सु सोवत भये । तब रानीसह नृप मुदरये ॥

दाबनलगे पायँसो नीके । ऋषिके अमल कमलसे श्रीके ॥
 निशाबीतिगइ तउ न जगावैं । ऋषिकी शाप भीतिसों छावैं ॥
 दोहा ॥ एक बिंशदिनलों शयन कियो च्यवनऋषिराय । तबलों
 सेवामें रहे सहतिय भूपसचाय ॥ चरणाकुलक ॥ तब ऋषि आपुहि
 उठते भये । नृपहि देखिकै बाहर गये ॥ नृपसों कही कछू नहिं
 बानी । च्यवन सु ऋषि तपवान सु ज्ञानी ॥ नृपहु सतिय श्रम
 सों अतिछाये । पीछे पीछे बाहर आये ॥ रानी राजा को नहिं
 देखे । औ नहिं श्रमताको ऋषिलेखे ॥ कछू दूरि चलि सु ऋषि
 सुजाना । लखत लखत भे अन्तर्धाना ॥ तब व्याकुल कै रानी
 राजा । परे भूमिमें सदुखदराजा ॥ कछू बेरमें चेतित कै कै । उठिकै
 परम शोचसों गवै कै ॥ करत भये मनमाहिं बिचारै । भूपति रानी
 सहित सुढारै ॥ दोहा ॥ भूपति रानी सहित तब खोजन लगे
 अचाय । कहि कहि ऐसे परस्पर कहांगये ऋषिराय ॥

इति श्री शान्तिपर्वणिदानधर्मद्विपंचाशदऽध्यायः ५२ ॥

युधिष्ठिर उवाच ॥ चरणाकुलक ॥

सुनहु पितामह बुद्धिनिधाना । सं-
 शयहरता परममहाना ॥ अन्तरद्धान भये ऋषिराई । तब नृप
 कीन्हीं कौन उपाई ॥ भीष्म उवाच ॥ ऋषि न लखे जब राजारानी ।
 चिन्ता चितमें करी महानी ॥ होय दुखित नगरीमें आये । दोऊ
 ब्रीडासों अतिछाये ॥ कै प्रवेश गृह माहिं सु राजा । सोवत
 लखे ऋषीश दराजा ॥ राजा रानी अचरज मानो । सोवत
 लखि ऋषिको सुखसानो ॥ दाबनलगे पायँ पुनि भूपति । ऋषि-
 हि देखि श्रम भूलि गये अति ॥ तौ नहिं कालमाहिं ऋषि जागे ।
 बैठे आलससों अतिपागे ॥ दोहा ॥ हाथ जोरिसों हे खरे रानी
 सह भूपाल । कह्यो कछू नहिं सु ऋषिको भयसों भरे विशाल ॥
 तोटक ॥ कछु काल व्यतीत भये नृपसों । ऋषिराय कह्यो सु छयो
 तपसों ॥ नृप तैल लगावहु मो तनमें । सुनि सो नृप मोदित कै
 मनमें ॥ मँगवाय सु तेल लगावत भो । तनमें ऋषि के सुख

पावत भो ॥ दोहा ॥ काल व्यतीति भयो बहुत तेल लगावत
 पर्म । तबहूँ नाहीं ना करी ऋषिवर च्यवन सधर्म ॥ अंतगुरुतोमस ॥
 ऋषिराय भूपति देखिकै । अति निर्विकारित लेखिकै ॥ शुचि
 सेजको सु बिहायकै । उठि स्नानके गृह आयकै ॥ लखि स्नान
 वारे धामको । अरुनारि अति अभिराम को ॥ कछुकह्यो नाहिं
 सराहिकै । महिपालको अवगाहिकै ॥ ऋषि पुनिहु अन्तरद्धान
 भो । नृपको सु दुखदमहानभो ॥ सहनारि ठाढ़ेहवैरहे । अति
 शोचतासों वै रहे ॥ दोहा ॥ छल चेष्टा येतीकरी च्यवन सु ऋषि
 मतिमान । तऊ असूया ना करत भूपतिकुशिक सुजान ॥ मोती-
 दाम ॥ ऋषिप्रगटत पुनि भे तपधाम । किय सु स्नानधरे मुद
 माम ॥ कह्यो तदनन्तर यों महिपाल । करो अबभोजन बुद्धि
 विशाल ॥ कह्यो तब यों ऋषिराय अनूप । मैगावहु भोजन हे
 बर भूप ॥ सु मोदित हवै ऋषिके सुनिबैन । गयो सहनारि सु
 भोजनलैन ॥ ततक्षणलाय धर्यो ऋषि पास । धरे अतिही
 हियमाहिं हुलास ॥ सुनो तदनन्तर सो ऋषिपर्म्म । महा तप-
 वान सधर्म्म अभर्म्म ॥ लपेटि सु बखनमाहिं अनूप । सभा-
 जनसेज सुनोवर भूप ॥ जरायदई क्षणमाहिं सु सबै । तऊ न
 कियो क्रुधभूप अखर्व ॥ ऋषि पुनि अन्तरद्धान भये सु । तऊ
 नाहिं भूपति क्रोध रये सु ॥ कछू गतकाल भये ऋषिराय । भये
 प्रगटे सुनुभूप सचाय ॥ कह्योनृपसों इमि हे महिपाल । सुनो
 सहनारि सप्रेम विशाल ॥ मधुमार ॥ रथकोमैगाय । हमकोच-
 ढाय ॥ ले चलहुयत्र । हमकहैं तत्र ॥ सुनि यह सुबैन । नृप
 धर्म्म ऐन ॥ रथकोमैगाय । मुदसों सु छाया ॥ दहिनी सु ओर ।
 लगिनृप सजोर ॥ अरु ओर बाम । रानी ललाम ॥ लगिकरि
 तयार । रथको सुठार ॥ तापै चढाय । ऋषिको सचाय ॥ इमि
 कह्यो बैन । नृप धर्म्मऐन ॥ अबकहो यत्र । रथचलै तत्र ॥ सु-
 निबचनयेह । ऋषि सुमतिगेह ॥ इमिकह्यो पर्म्म । सुनुनृप अ-

भर्म्म ॥ दोहा ॥ सहज सहज रथ लै चलौ सावधान अतिहोय ।
जासों होय न श्रम हमें औ न लहै दुखकोय ॥ तोटक ॥ जिनि
ठारहु जौन मिलै पथमें । बहुद्रव्य मैगाय भरो रथमें ॥ करिहैं
हम दान महान सुनो । यहि में मति और न आपुगुनो ॥ ऋषि
केसुनिबैन सु भूपकहा । निज भृत्यनसों तजिलोभ महा ॥ ऋषि
मांगहिं जो धनल्याहु अबै । रथसंग लगे तुम आउसबै ॥ सुनि
भृत्य सु बैन महीपति के । हय ल्यावत भे परमाअति के ॥ अरु
मैगल उन्नत भूधरसे । तिनके सम और नहींदरसे ॥ बहुकांचन
भूषण रत्नमये । रथचारु अनेकनि द्रव्यरये ॥ गजगामिनीनारि
नई सुथरी । दिवतें अबहीं जनुहैं उतरी ॥ दोहा ॥ ये सब ऋ-
षिहि दिखायकै रथके पीछे पर्म । मन्द मन्द चलते भये नृप
के भृत्य सधर्म ॥ अरिल ॥ हाहाकार मच्यो पुरमेंअति । लाखि
रानी सह भूपतिकीगति ॥ पुरवासी सब हवैकै आरत । बाहर
हवै बहुभांति पुकारत ॥ ऋषिरथऊपरते बहुमारत । दोउ तऊ
न क्रोध को धारत ॥ स्रवत रुधिर अंगमाहिं भयेक्षत । तबहुँ
शीलता माहींहैं रत ॥ शापभीत ते कोउ न बोलत । पुरवारे
सब व्याकुल डोलत ॥ दोहा ॥ तपबलको देखो प्रबल कहत
सर्व इमिबैन । क्रोधहोतहै उद्धपै ऋषिसों बोलिसकैन ॥ रानी
की अरु भूपकी लखहु धीरता पर्म । एतो सहत कलेशहैं त-
जत तबहुँ नहिंधर्म ॥ भीष्मउवाच ॥ रामगीतो ॥ निर्विकारित देखि
तियसह भूपको अवदात । दियोदान महान ऋषिवर द्विजन
को हे तात ॥ अश्वमैगल रजत कांचन दिये रत्नअनेक । त-
बहुँ भूपति कुशिकमनमें कियो दुख नहिं नेक ॥ निर्विकारित
देखिनृपको च्यवनऋषिमतिमान । धर्म को अवगाहि ताके
कृपाकीन महान ॥ उतरि रथते छोड़ि भूपहि सहितनारी पर्म ।
कहत भे इमिवचन कोमल कै प्रसन्न सधर्म ॥ मांगिहौ वरदा-
न जो तुम देहिंगे हमतौन । सुनहु हमपरसन्न हैं अतिभूपवर

बुधिभौन ॥ कहि सुऐसे अमृत ऐसे करणसों अभिराम । भये
परशत अंग तिनको सुनहु सुतबुधिधाम ॥ कहत भेतव भूपऐसे
सुऋषिसों बरबैन । छूटिगो सब दुखनहे तवकृपाते तपऐन ॥
दोहा ॥ सुनि भूपतिके बचनये सुऋषि च्यवन तपवान । हर्षित
कै बोलत भये करिकै कृपामहान ॥ जाहु आपनेधामको भार्या
सहभूपाल । सुरसरिताके निकट हम बसिहैं समुदविशाल ॥
प्रातकाल तुम आइयो भार्यासहित नरेश । हवैहैं तवकल्याण
अब नशिहैं सर्वकलेश ॥ तोमर ॥ ऋषिके सुबैन अनूप । सुनि
होय मोदित भूप ॥ इमिकहे बैन अमन्द । सुनु सुऋषि हे नि-
रदन्द ॥ हमको सुपावनपर्म । तुम कियेभूप सधर्म ॥ हमनारि
सहित ललाम । अति स्वस्थ हैं बुधिधाम ॥ क्षतजौन हैं अंग
माहिं । लखितेपरैं अबनाहिं ॥ तवकृपाते ऋषिराय । हमभये
पर्मसचाय ॥ ममनारिकी द्युतिजौन । लखिपरत अद्भुततौन ॥
सुनिबैन ये ऋषिराव । नृपसोंकह्यो गृहजाव ॥ तुम आइयोपु-
निभूप । सहनारिचारु अनूप ॥ तब भूप बुद्धि अगार । मुदसों
भरे सहदार ॥ सुरराजसे अवदात । निजधाम को भे जात ॥
दोहा ॥ आगम सुनिकै भूपको पुरवासी सुखपाय । सब सोहैं
आवतभये सुनहु बुधिष्ठिरराय ॥ मंत्रिनसह बरनगरमें भूपति
कियो प्रवेश । बंटीजन गावतसुयश पावतदान सुवेश ॥ जाय
धाममें मुदितहवै धर्मधाम बरभूप । सहितवाम भोजनकरि सु
आनंदलहो अनूप ॥ गयेसेजपै भूपवर रानी सहित अनूप ।
देऊ अति सुखको लह्यो देखि पररूपरूप ॥ भई तरुणनवदे-
हद्युति भई अनूप अमंद । कृपापाय ऋषिच्यवनकी भये परम
निरदंद ॥ करतभये उत्पन्नऋषि वन सुरसरिके कूल । इन्द्रहु
के वनते अधिक छबिसों भरो अतूल ॥

इति श्रीमहाभारतदानधर्मच्यवनकुशिकसंवादे त्रिपंचाशत्तमोऽध्यायः ५३ ॥

भीष्म उवाच ॥ रामगीती ॥ प्रातउठि करि क्रिया तियसह भूपवर

अवदात । च्यवनऋषिके विपिनमाहीं गये हे सुनुतात ॥ लखे
 बनके माहिं भूपति कनकमांदिरमाम । लगेमणिके खंभातिनमें प्र-
 भाके अभिराम ॥ लखे बहुततडागनारिज सहित अति रमणीय ।
 चित्रशाला लखीतिनमें होत मोदित हीय ॥ लखे पर्वत कितेतिन
 में रत्नके हैं सान । लखे फूले फरे तरु आम्नादि सुखमावान ॥
 लपटि तिनमें लता लहकें ललित आगेवायु । बिहंग बरही
 आदि बिहरें बहुतबर सहचायु ॥ सदनमाहीं सेज सुन्दर सज-
 तिहें सुअनेक । विविध विधिके धरे भोजन सुनहुनूप सबिवेक ॥
 लखे कहूँ गन्धर्वदेखी अप्सरा कहूँ चारु । नारिनस्कहूँ लखे सो-
 वत सेजमाहिं सुठारु ॥ परतलखिये कबहुँ कबहुँ परतलखिन-
 हिंभूप । होत है कहूँ गान कहूँ द्विज पढ़त वेद अनूप ॥ सोरठा ॥
 कौतुक लखियहभूप कीन्हों चिन्तन यहहिये । है यह स्वप्न अ-
 नूप कै भ्रम है मो चित्तमें ॥ दोहा ॥ कै नगरी यह इन्द्रकी परमा-
 मयी महान । कै उत्तमथल और यह कै है धनदस्थान ॥ करत
 रहे यह चिन्तना हियमें भूप अनूप । तिही समयमें लखि परे
 च्यवन सुऋषि मुदरूप ॥ कांचनके आगारमें मणिके लगे
 किवार । रत्नजटित खेमालसत परमाभरे सुठार ॥ तामें सुन्दर
 सेजपर पौढ़ो है ऋषि परम । गये भूप तिनपास अति भरे हुला-
 स सधर्म ॥ तोटक ॥ ऋषिके जब भूपति पास गये । सहनारि सु-
 ठारि सुहर्ष छये ॥ तबहीं ऋषि अंतर्धान भये । सहनारि
 सु भूपति शोचरये ॥ दोहा ॥ तब आगे बनमें गये रानी सह भूपा-
 ल । परे देखि पुनि ऋषि च्यवन करते जाप विशाल ॥ भोगप्रउवाच ॥
 रामगीती ॥ योगबलसों कियो ऐसे नृपहि मोहित परम । च्यवन
 ऋषि मतिमानवर तपवान स्वच्छ सधर्म ॥ भये अंतर्धानक्षण
 में अप्सरा गन्धर्व । सौधनानाभांति के अरु विपिन पक्षी स-
 र्व ॥ रह्यो जैसो सकुश पहिले सुरसरीके तीर । कै गयो क्षणमा-
 हिं तैसो सुनु बुधिष्ठिरवीर ॥ होय विस्मित देखि कौतुक कुशिक

भूप सुजान । भये बोलत नारिसों इमि होयकै मदवान ॥ योग
बलसों होतहैं सब सुलभ दुर्लभजौन । योगबलसों किये कौ-
तुक इते ऋषि बुधिभौन ॥ करै इच्छा च्यवन ऋषितौ रचे
और सुलोक । सुनहुयाते राज्यतेहै श्रेष्ठतपसुखओक ॥ लखहु
तासु प्रभावते ऋषिभये शंकितनाहिं । वृषभलौहमतुम्हेंदीन्हें
जोय रथकेमाहिं ॥ चिन्तना इमि कहतहे सहनारि नृप बुधि
रास । जानिऋषि तब कह्योतूरण आउमेरेपास ॥ बैनसुनि ये
नारिसह नृप निकटऋषिकेजाय । विविधविधिसोंबंदनाकी दु-
हुन शीशनवाय ॥ दईतब आशीष ऋषिवर होयहर्षितपर्म ।
तृप्त करिकै दुहुनऐसे बैनबोले नर्म ॥ सर्व इन्द्री आपुजीती
सुनहु नृप शिरमौर । मम अराधन कियो नीके है न तुमसों
और ॥ पापसों हौ रहिततुम धर्मवान अनूप । जौन मांगहु देहिं
सोहम हैं प्रसन्न सुभूप ॥ कुशिकउवाच ॥ सुनहु भार्गव आप हम
पै कृपाकीन्हीं माम । हर्षसों है भरोयाते मो हियो अभिराम ॥
तब कृपासों मुख्यवरहै है न यासम और । सुनहु प्रज्ञावानवर
तपवान ऋषि शिरमौर ॥ मेरठा ॥ संशय एक महान है सो क-
रिये दूरितुम । सुनहु च्यवन मतिमान संशय हरहौ आपुवर ॥

इति श्रीदानधर्मच्यवनकुशिकसम्बादेचतुःपञ्चाशदध्यायः ५४ ॥

च्यवनउवाच ॥ जयकरी ॥ वरदानहुं हमसों तुमलेहु । सुनहु कुशिक
नृपवर बुधिगेहु ॥ औ जो संशय ह्वैहै भूरि । तौनहुं हमसब
करिहैं दूरि ॥ कुशिकउवाच ॥ मो गृहमें बसिबेको हेत । कहौकृपा
करि सुऋषि सचेत ॥ एकविंश दिनलों तपएन । एक करोट-
हि दीन्हो शौन ॥ अब बिनकहे सुबाहरजाय । अंतर्दानभये
ऋषिराय ॥ हमको आपु सुदीन्हो दर्श । फेरि सेजपर पर्म स-
हर्ष ॥ एकविंश दिनलों पुनिआप । कीन्हो शयन सुधर्मकला-
प ॥ जगिकै पुनिसुतैल लगवाय । चारुस्नान शालामेंजाय ॥
कह्यो कछूनहिं हमको बैन । ताकोहेत कहा तपएन ॥ अरु भो-

जन हमसों मँगवाय । ताहि ससेजै दियो जराय ॥ फेरिसुरथ
 मँगवाय सुठार । तापै हवैकै आपुसवार ॥ जोय हमें तामें ऋ-
 षिराय । यत्र तत्र तुमफिरे सचाय ॥ फेरि द्विजनको दैकैदान ।
 आये गंगाकूल सुजान ॥ हमें बिदा करिकै यहबैन । कहे आप
 ऋषि परम सचैन ॥ फेरि आइयो गृहमें जाय । ताको हेत क-
 हा ऋषिराय ॥ जबहम आये गृहते प्रात । आपुदिखायो बन्
 अवदात ॥ औसु दिखाये हेम अगार । मणिके तिनमें लगे
 किवार ॥ दोहा ॥ कबहुं लखिपरे ये सबै कबहुं लखिपरे नाहिं ।
 संशय भयो महानहै याते मो हियमाहिं ॥ सो तुम करियेदूरि
 ऋषि करिकै कृपा महान । संपरण वृत्तान्तकहि क्रमसों आपु
 सुजान ॥ च्यवनउवाच ॥ कीन्हेंजौने हेतसों येकौतुक हमसर्व । सो
 तुमसों हम कहतहैं बूझेपुछे अखर्व ॥ चरणादोहा ॥ देवसमागम
 माहिं पितामहकहे सुऐसेबैन । क्षत्रिय विप्रवैरसों कैहैं कुलको
 संकरऐन ॥ यातेतो कुलनाश अर्थहम पासतुम्हारेआय । कठि-
 ननेमको कीन्होंहौ हम सुनहुकुशिक नरराय ॥ नेममाहियेचूकैगे
 तौ करिकैक्रोध बिलन्द । देहैंशाप करीइच्छाही यहहम कुशिक
 नरिन्द ॥ अरु ब्रनहेम अगार बहाने तव प्रसन्नताकाज । दर्ई
 दिखाय स्वर्गकी रचना तुम्हैं कुशिक नरराज ॥ तपअरु उत्तम
 धर्मको ऐसो होत प्रभाव । महाधीर्यधर धर्मधर सुनहुकुशिक
 नरराव ॥ रामगीती ॥ कै अनादरराज्यकी अरु इन्द्रपदकोपर्म ।
 विप्रताकी प्रशंसाको करत आपु सधर्म ॥ सत्य है सो विप्रतासम
 औरहैनहिं भूप । करतइच्छा आपु ताकी जानिसुखद अनूप ॥
 होयगी सो सिद्धि इच्छा धर्मते महिपाल । विप्रकै है पौत्र तेरो
 भरोतेज विशाल ॥ होयगो भय महा जाको लोक तीनहुंमाहिं ।
 सत्य तुमसों कहतहैं हममानु मिथ्यानाहिं ॥ धर्मधरवर कुशिक
 नृपयह लेहु बर अवदात । तीर्थको अब जायेंगे हम समय
 बीत्योजात ॥ कुशिकउवाच ॥ दोहा ॥ होय विप्रता प्राप्तमम कुलको

अति अभिराम । तव प्रसादते च्यवनऋषि प्रज्ञाधामललाम ॥
किहिविधि लहिहैं बिप्रतामेरो कुल ऋषिराय । कहहुआप यह
कै कृपाजासों संशयजाय ॥

इति श्रीमहाभारतदर्पणेशान्तिपर्वणिदानधर्मपंचपंचाशदध्यायः ५५ ॥

आभीर ॥ सुनुसधर्म महिपाल । वर मतिमान विशाल ॥ बू-
भक्तहमसों जौन । कहिहैं तुमसों तौन ॥ देहा ॥ हतिहैं भृगु-
वंशीनको क्षत्रियकरिकै क्रुद्ध । दैवयोगते सुनुकुशिक भूपधर्म-
धरउद्ध ॥ खोटा ॥ भृगुवंशिनमें एकबचिहैं कौनहुं हेतुते । कै हैं
सों सबिवेक भासमान सों तेजमय ॥ औअब ताकोनाम हवैहैं
सोकरिक्रोधको । भूमें जितनेमाम भूधरतिनको जारिहैं ॥ अग्नि
क्रोधकीजौन जारनलगिहैं जगतको । तब औरव बुधिभौन ताहि
सिन्धुमेंडारिहैं ॥ हवैहैं पुत्रऋचीक औरव ऋषि बलवानके ।
कैहैंनाहिं नजीक कोऊ ताके तेजसों ॥ पढ़िहैं सोधनुवेद थोरे-
ही दिनमाहिं वर । करिकै अतिहिं सखेद दरि हैं क्षत्रियवंशको ॥
तेजोमय बलधाम कैहैंपुत्र ऋचीकके । कुशिकसुनहु बुधिधाम
नामत्तासु जमदग्निवर ॥ देहैंसर्व पढ़ाय धनुर्वेद जमदग्निको ।
वरऋचीक ऋषिराय कैहर्षित हियमाहिं अति ॥ ऋषीऋचीक
अनूप तव पौत्रीको व्याहि हैं । तामेंपुत्र सुरूप हवै हैं क्षत्रिय
कर्मकर ॥ अरुतव कुलमें परम हवैहैं पुत्र सुगाधिके । विश्वामित्र
अभर्म बिप्र कर्मकर धर्मधर ॥ यहसुबित्त क्रम माहिं कारणकै
हैं नारिहैं । चतुराननके नाहिं हवैहैं भाषण अन्यथा ॥ भीष्मउवाच ॥
च्यवन सुऋषिकेबैन सुनिके भूपति कुशिकवर । हवैकै परम
सचैन ऐसे ऋषिसों कहतभे ॥ मोकुलको अभिराम होहु
प्राप्तवर बिप्रता । तव सुकृपाते माम सुनहु च्यवनऋषि सुम-
तिधर ॥ दैकरि यह वरदान च्यवन सुऋषि नृपकुशिकको ।
हवैकै मुदित सुजान तीरथयात्रा करनगे ॥ देहा ॥ विश्वामित्र

सु परशुरामको जन्मभयो इमिभूप। अब आगे जो बूभो हमसों
सो हमकहैं अनूप ॥

इति श्रीमहाभारतदर्पणेशान्तिपर्वणिदानधर्मेषष्ठपंचाशत्तमोऽध्यायः ५६ ॥

युधिष्ठिरउवाच ॥ आभीर ॥

धर्म बिप्रकोजौन । अतिहि श्रेष्ठ है
तौन ॥ क्षत्रियको जो धर्म । क्रूरतौनहै परम ॥ देहा ॥ तौन धर्म
ते हमहने कोटिन्ह पुरुष महान । उद्धयुद्धमें क्रुद्धकरि सुनहुतात
बुधिमान ॥ तिनकी नारिनकी दशा ह्वैहै कहा सुजान । यह
चिन्ताते होतिमो हियमें व्यथामहान ॥ चरणाकुलक ॥ यह अघ
ते हम दुर्गतिलहिहैं । भांति अनेकनिके दुखसहिहैं ॥ यामें सं-
शय नेवहुनाहीं । मैं बिचार कीन्हों हिय माहीं ॥ यह पातकको
मेठनकाजै । करिहैं तप बनमाहिं दराजै ॥ सुनहु पितामह बुद्धि
निधान । करहुहमें उपदेश महान ॥ वैशम्पायनउवाच ॥ भूप युधि-
ष्ठिरकी सुनिबानी । भीषम धर्मवान बरज्ञानी ॥ जानि निपुण
इमि कहते भये । भूप युधिष्ठिरको मुदरये ॥ गुप्तबात यकहै सो
सुनो । ताकोमतिसों हियमेंगुनो ॥ तप कीन्हें यशमिलत महा-
ना । अरु बरभोग मिलतहैं नाना ॥ तपसों बसत स्वर्गके माहीं ।
तपसों रोगहोतहैं नाहीं ॥ तपसों आयु बढ़तिहै जनकी । तपसों
सिद्धि कामना मनकी ॥ देहा ॥ मौन तपकिये मिलत है धन
महान सुनुभूप । दानदियेते मिलतहैं भोग अनेकअनूप ॥ ब्रह्म-
चर्य्य ब्रूतकोकिये आयु बढ़तिहैपरम । सुन्दर कुलमेंहोतहै जन्म
किये जपकर्म ॥ चरणाकुलक ॥ हिंसाकरत जौन जननाहीं ॥ व्याधि
न आवत तिनकेपाहीं ॥ मिलत अनूप रूपहैताको । लखिकै
सबै सराहैंजाको ॥ जे तपकरत खाय फलमूला । तिन्हें राज्य
सुखमिलत अतूला ॥ जे पयभक्षी ते दिवमाहीं । रहत समुद्र
सुरपतिके पाहीं ॥ जे जनकरत गुरुकीसेवा । तिन्हें मिलत
बिद्याको भेवा । अरुजे शयन करतहैंभूपै । तिन्हेंमिलत गृह
सेज अनूपै ॥ जे जनचीर बल्कलहिधारै । लहत बसन आ

भरणसुढारैं ॥ देहा ॥ अरुजे करत प्रवेश हैं अग्नि माहिं सुनु
भूप । ब्रह्मलोकको होतहैं प्रापततौन अनूप ॥ रामगीती ॥ त्याग
जे जनकरतहैं षडरसनको अवदात । प्राप्ततिनको होतहै सौ-
भाग्य सुनु हे तात ॥ करत आमिष त्यागताकी नशति सन्तति
नाहिं । स्वर्गकोसो लहत जोजन बसत जलके माहिं ॥ सत्य
नित्यहि कहतजो सो रहत सुरपतिसाथ । दानदीन्हें होति है
वरकीर्ति हेनरनाथ ॥ किये सेवा विप्रकी जनलहत राज्यमहा-
न । लहतहैं औविप्रताको होत प्रज्ञावान ॥ दुखन जो नहिंदेत
कौनहुंजीवको ते भूप । शोकको नहिंहोत प्रापत लहतमोद
अनूप ॥ मिलति मेधामाम जनको कियेदर्पण दान । मिलत
लोचन स्वच्छकीन्हें दीपदान सुजान ॥ दास दासी गेह भूषण
भूमि जे जनदेत । होत तिनको स्वर्ग प्रापति सुनहु भूप सचे-
त ॥ फूल फलसों करत पूजन देवताको जौन । महत उत्तम
ज्ञानकोसो लहतहै बुधिभौन ॥ हेमसों मदिशृङ्ग सुरभी देतजे
अभिराम । होत प्रापत स्वर्गको सो भरो मुदसों माम ॥ होहिं
जेते रोम सुरभी अंगमें अवदात । रहै तितनेवर्ष दिवमें हर्ष
सों हे तात ॥ वायु युक्त जहाज जैसे करत नीरधिपार । तिमि-
हि नारकपार सुरभी करति बुद्धिअगार ॥ अन्नदानहिं करत
जो सो लहतहै सुरलोक । मिलत क्षत्रप्रदानते है भरो सम्पति
ओक ॥ किये दान सु उपानहको मिलतचारु बिमान । मिलत
बस्त्र प्रदानते है रूप शोभावान ॥ फूलफलसों युक्त द्रुमको देत
हैं जन जौन । लहतनारी सुन्दरीअरु इन्द्रकोसो भौन ॥ देत
भोजन नीर शीतल द्विजनको अभिराम । मिलत ताको सर्व
रसहैं सुनहु नृप बुधिधाम ॥ सहित शय्या भूरिधनसों पूरिगृह
जे देत । पुण्यताको परमसो जन तौन ध्रुवपदलेत ॥ करत श-
य्यादान ताको मिलत सुन्दरिदार । होत ये फलदानकेहैं सुन-
हु बुद्धिअगार ॥ युद्धमें जे बीरहैं ते पितामह समतात । लोक

सबमें अधिक ताते और नहिं अवदात ॥ बैशम्पायनउवाच ॥ बैन सुनि ये पितामहके युधिष्ठिर मतिमान । हियेमें अवगाहि करिकै जानि श्रेष्ठ महान ॥ लालसा भो करत अतिही बीरताकीपर्म । तत अनन्तर युधिष्ठिरनृप धर्मधर सु अभर्म ॥ भीम आदिक बन्धु तिनको कहतभो इमिबैन । करौरुचि तुम पितामहके बचन माहिं सचैन ॥ सोरठा ॥ भूपतिके सुनि बैन भीमादिक सह द्रौपदी । कैकै परमसचैन पूजा कीन्हीं भूपकी ॥

इतिश्रीशान्तिपर्वणिदानधर्मेविपुलोपाख्यानेसप्तपञ्चाशत्तमोऽध्यायः ५७॥

दोहा ॥ जो फलहै आरामको अरु तड़ागको जौन । कहहुं तौन अबकै कृपा सुनहुतात बुधिभौन ॥ भीष्मउवाच ॥ भूमें जौने थानमें होत तड़ाग सुजान । सोमहि उत्तमहैकहत जिनकी बुद्धिमहान ॥ चरणकुल ॥ चारु तड़ाग बनावत जोहै । पूजनीय लोकनमें सो है ॥ उत्तम श्रीको लहत महाना । सुनहु युधिष्ठिर भूप सुजाना ॥ देवत पितर मनुज गन्धर्वा । राक्षस उरगस्थावर सर्वा ॥ सुखसों रहत जलाशयपाहीं । रहत औरकेते ता माहीं ॥ सुनहु तड़ागनके फल भूपति । कहत सुबुधि जिनके मतधूवति ॥ सुन्दर जौन खनावततालै । दिवमें सो सुखलहत विशालै ॥ दोहा ॥ जाके रहै तड़ागमें वर्षामाहीं नीर । अग्निहोत्र फल सो लहै सुनहु भूपरणधीर ॥ जाकेरहै तड़ागमें शरद माहिं जल पर्म । गो सहस्रके दानको सो फल लहत अभर्म ॥ रहै नीर हेमन्तमें जासु सरोवर माह । ताको यहफल होत है प्राप्तसुनहु नरनाह ॥ जौने मखमें होतहै सुवरणदान महान । ताकोफल सो होतहै प्राप्त ताहिमतिमान ॥ जाकेरहै तड़ागमें सलिल शिशिरलों चारु । यज्ञ सुअग्निष्ठोमको सोफल लहत उदारु ॥ जासुतालमें रहत जल ऋतुवसन्तलोंपर्म । सो फल मख अति रात्रको लहत सुकहत अभर्म ॥ जाके रहै तड़ागमें जल निदाघलों स्वक्ष । बाजि मेघफल सो लहत कहत सुबुध

हैं दक्ष ॥ रामगीती ॥ पियेंजासु तड़ागमें जलगऊ अरुजनसाधु ।
 होतताको प्राप्तहै अतिपुण्यस्वच्छ अगाधु ॥ बंश अपनो सर्व
 तारत प्रभा धारतभूरि । दरशताको किये जनके होत कल्मष
 दूरि ॥ पियतजासु तड़ागमेंजल तृषितजीवअनेक । अश्वमख
 को लहत सोफल कहतहोंसविवेक ॥ परम दुर्लभसलिलहै पर-
 लोकमाहीं भूप । हर्षसों ते रहत जे जलदान करत अनूप ॥
 कहतहैं बुध दान सबते श्रेष्ठहै जलदान । कह्यो तुमसों तड़ाग-
 नको सर्वफल मतिमान ॥ होत जो फल वृक्षलाये कहतहों अ-
 बतौन । होततरु षटजातिके हों कहत प्रज्ञाभौन ॥ होतथावर
 भूतहैं षटजातिके बुधिधाम । वृक्ष तृण त्वकसारबल्ली लता गु-
 ल्म ललाम ॥ कियेते आरोप तिनको कीर्तिहोत अनूप । रहत
 हैं आनन्द सों परलोकमें सुनुभूप ॥ नरनको आरोप जो जन
 करतहै अभिराम । मातको अरुपिताको सो बंशतारत माम ॥
 होतवृक्ष सुपुत्रसमहै कहत दक्ष महान । करत अक्षय स्वर्गको
 ते प्राप्तहैं मतिमान ॥ दोहा ॥ तृप्त सुरणको करतहैं वृक्ष सुमन
 सों चारु । फलसों पितरनको करत सुनु नृप बुद्धि अगारु ॥
 तरुके आश्रय रहतहैं सर्वजीव सुखपाय । देतस्वच्छ फलफूल
 हैं राखत नित्य सचाय ॥ ताते कूल तड़ागके वृक्ष लायकैभूप ।
 रक्षाकीजै पुत्रलों है यह धर्म अनूप ॥ चरणादोहा ॥ जौन तड़ागन
 को बनवावै बाग लगावै चारु । यज्ञ करत अरु सत्यधरतते
 दिवमें लहत अगारु ॥

इतिश्रीमहाभारतदर्पणेशान्तिपर्वणिदानधर्मेअष्टपञ्चाशत्तमोऽध्यायः ५८ ॥

युधिष्ठिरउवाच ॥ दोहा ॥ बहुप्रकारके दानहैं तिनमें श्रेष्ठसुकौन ।
 कहौ हमें अवगाहिकै अहो तात बुधिभौन ॥ सोरठा ॥ औ जो
 दीन्होंदान तौन मिलत परलोकमें । यामें सुनहु सुजान संशय
 होत महानहै ॥ भीष्मउवाच ॥ चरणाकुलक ॥ अभय सर्व भूतनको
 दीबो । दुखमें परम अनुग्रह कीबो ॥ तृषित जौन मांगन को

आवै । ताहिदेय मुदसों अतिआवै ॥ दियेदानकोदियो न मानै ।
 बुध तिहि दानहि श्रेष्ठ बखानै ॥ दियो दान परलोकेमाहीं । मि-
 लत अवश्यहि संशय नाहीं ॥ दोहा ॥ भूमि हेमके दानसों अति
 पवित्रहै तात । दरत कलुषतनकी प्रभा करत परम अवदात ॥
 सोरठा ॥ साधुनकोये दानदीजै नित्यहि प्रीतिसह । करि सन्मान
 महान कहिकै कोमलबचनवर ॥ दोहा ॥ जेअक्षय फलकोचहत
 ते हियमें करि प्रेम । लोकमाहिं प्रियवस्तु जे द्विजको देत स-
 नेम । प्रियवस्तुनको देत जे प्रियवस्तुहि ते लेत । रहत समुद
 परलोकमें बुधजन कहत सचेत ॥ जे जन मांगैं आयकै सदुख
 दरिदसों भूर । यथाशक्ति जे देतनहिं तिनको ते हैं कूर ॥ शत्रुहु
 गहिकै दीनता आवै शरणै माहिं । ताकी जे रक्षा करत करत
 द्रोहको नाहिं ॥ तेअतिउत्तम पुरुषहैं परमप्रशंसावान । तिनके
 दरशनते मिटत अधके ओघमहान ॥ विद्यावान सुविप्रजे
 क्षीण सुधासों पर्म । तिनकी जे सु क्षुधा हरैं तेहैं स्वच्छ सधर्म ॥
 अरिल ॥ देव मनुजसों जे नहिं मांगत । औ नहिं कबहुंक्रोध में
 पागत ॥ जोई लब्धहोत तिहि सो अति । गहत सुतोषहि रहत
 समुद निति ॥ राखहु ऐसे विप्रनको डर । भाषहु तिनसों नित्य
 बचन वर ॥ तिनको करि बहुविधि सन्मान सु । करहु निमंत्रण
 सुनहु सुजानसु ॥ सब धर्मनते यह अति उत्तम । सुन्योमहा
 मतिमाननसों हम ॥ रहोदान तुम देत सर्व दिन । कबहुं चित्तमें
 अरुचि करहु जिन ॥ नारीपति आधीन रहति जिमि । हम
 द्विजके आधीन रहत तिमि ॥ लागत सबते तुम हमको प्रिय ।
 तुमहूँते प्रियविप्र लगतजिय ॥ मेरेपिता गये जिहिलोकाहि ।
 यह सुधर्मते होय अशोकहि ॥ जैहैं हमहुं सुनहु हे नृपवर । है
 ऐसोनहिं और धर्मवर ॥

इतिश्रीशान्तिपर्वणिदानधर्मेउत्तमानुशासनेएकोनषष्ठितमोऽध्यायः ५९ ॥
 युधिष्ठिरउवाच ॥ रामगीतो ॥ याचमान अयाचमानहिं दियो जो

है दान । दुहुनमाहीं कौनसो है श्रेष्ठ सुनु मतिमान ॥ भीष्मउवाच ॥
दियो जौन अयाचमानहिं श्रेष्ठसोहै दान । परम उत्तम है अ-
याची बिप्र हे मतिमान ॥ दोहा ॥ जे क्षत्रिय रक्षाकरत गहे धी-
रतापर्म । ते अतिउत्तमहैं सुनहु कहत सुबुद्ध अभर्म ॥ सोरठा ॥
जे अयाचना माहिं बिप्र धीर्यताको गहत । तिनकीसमहैनाहिं
याचमान जे बिप्र हैं ॥ मल्लिका ॥ धीर्यमान बिप्र जौन । श्रेष्ठ हैं
सुजान तौन ॥ देवताहि तृप्तपर्म । ते करें सुने सधर्म ॥ दोहा ॥
विविध भांतिके दुःखसहि अरु दुख दे दाताहि । जौनयाचना
करत द्विज तौन श्रेष्ठ है नाहि ॥ तातेजे द्विज याचनाकरन न
आवत तात । तिनको कै सन्मान तुम देहु दान अवदात ॥
दीबो ऐसे द्विजनको सो उत्तमहै यज्ञ । प्रवृत्त रहौ यामें सदा
सुनहु भूपवर प्रज्ञ ॥

इति श्रीमहाभारतदर्पणेशान्तिपर्वणिदानधर्मवर्णितमोऽध्यायः ६० ॥

युधिष्ठिरउवाच ॥ दोहा ॥ कौनकालमें कीजिये यज्ञक्रिया अभि-
राम । कैसे द्विजको दीजिये दान कहहु बुधिधाम ॥ भीष्मउवाच ॥
कर्म भयानक सर्व हैं क्षत्रिनके हे तात । पावनकर्म सुदानयक
कहत सुबुद्ध अवदात ॥ सुनहु भूप यहि जगतमें जेनृपहैं अध-
कार । ग्रहण कछूनहिं करतहैं तिनको साधु उदार ॥ सोरठा ॥
याते कीजै यज्ञ दानदीजिये द्विजनको । सुनहु नृपति वरप्रज्ञ
सुबुधन को सिद्धान्तयह ॥ दोहा ॥ जाके धनको करतहैं ग्रहण
न बिप्रअनूप । ताको साधन होतनहिं कौनहु सिद्धि सुभूप ॥
सोरठा ॥ बिप्र कुटुम्बी जौन तिन्हें देहु तुम द्रव्यबहु । यासम
सुनु बुधि भौन परमधरम नहिं औरहै ॥ दोहा ॥ प्रापति तुमको
होयगी सन्ततिसुखद सुजान । हवैहौ तुम परलोकमें प्रापति
मोद महान ॥ रामगीती ॥ धेनु वृषभ सुखत्र अरु बरबस्त्र रथ
अभि राम । सहित शय्या अन्न धनसों भरो गेह ललाम ॥
द्विजनको सन्मान करिकै देहु ये सबतात । स्वर्ग प्रापति हो-

यगो यहिधर्मसों अवदात ॥ प्रजाको अरु भृत्यको नितकरहु
पालनपर्म । द्विजनको जो प्राप्तनाहीं देहु तौन सधर्म ॥ प्रजा
सों जे दण्डलैकै करतहैं नृपयज्ञ । प्रज्ञताकी प्रशंसानहिं करत
हैं धर्मज्ञ ॥ है अनर्थक द्विजनको धननिकर हे भूपाल । मोह
बाढ़े लोभबाढ़े बढैदर्पबिशाल ॥ मोहबाढ़े धर्मको नृप होयजा-
त बिनाश । बढ़त अधरम मोहबाढ़े कहत बरबुधिराश ॥ वृष्टि
नाहीं होतिहै जब प्रजाहोय सदन्द । कूपजलसों करतिहै उत्प-
न्नअन्न नरेन्द ॥ सुनहु तौने अन्नको महिपाल लेत सुजौन ।
नशत ताकी राजश्रीहै लहत दुखको तौन ॥ कीर्तिताकी मन्द
भूमें होतिहै महिपाल । लहत मुदपरलोकमें नहिं कहत बुद्धि
बिशाल ॥ होय बिद्यावान अरुवर धर्मवान महान । सत्यमाहीं
निरतऐसो विप्रजो मतिमान ॥ होयजाके राज्यमाहीं क्षुधासों
दुखमान । बालहत्यामानसो नृप होतकहतसुजान ॥ राज्यमें
जेहि भूपके द्विजरहैं नित्य सपीर । तौन निन्दितभूपहै सुनु नृप
युधिष्ठिर धीर ॥ भूपशिविके वचन हैं ये कहे तुमसों तौन । नी-
तिमान महानसोहो परमबुधिको भौन ॥ दोहा ॥ प्रजाकी नरक्षा
करै हरैद्रव्य नृपजौन । नष्टहोत तिहिकर्मसों तौन कुमतिको
भौन ॥ कुमतीजौने नृपतिकी करैप्रजा अधमाम । होत नृपहि
सोप्राप्तअध कहत सुबुध बुधिधाम ॥ चरणादोहा ॥ प्राप्त होतहै
भाग चतुर्थो किते कहत मुनिपर्म । किते कहतहैं प्राप्तहोतहै
आधोभाग अभर्म ॥ दोहा ॥ जौनेनृपकी करतिहै प्रजासुकर्मअ-
नूप । तामेंते सोलहत है भाग चतुर्थो भूप ॥ आश्रित जिमि
परजन्यके रहत सर्वहैं भूत । तिमिहीं तव आश्रित रहोमुदसों
प्रजाअकूत ॥

इति श्रीमहाभारतेशान्तिपर्वणिदानधर्मे एकषष्ठितमोऽध्यायः ॥ ६१ ॥

युधिष्ठिरउवाच ॥ सेरठा ॥ बहुप्रकारके दान तिनमें कौन विशिष्ट
है । कहहु आपु मतिमान संशयहर धर आपवर ॥ भीष्मउवाच ॥

दोहा ॥ सबदाननमें श्रेष्ठहै भूमि दानहेभूप । सर्वकामना करति
है पूरण भूमि अनूप ॥ भूमिदान जेकरतकरि बिप्रनको सन्मा-
न । बहु वर्षनलों बढ़तहै ताको बंशमहान ॥ जे नृपअपनेराज्यमें
अल्पहु अचला देत । अचला को ते करतहैं भोग समोद स-
चेत ॥ रामगीती ॥ दुहुंलोकन माहिं अपने कर्मसों अवदात । कर
तहैं नर भोग यामें है न संशयतात ॥ करत भूको दान तिनको
करति भूप्रिय पर्म । करत पावन पर्म अरु सब दरति पापअभ-
र्म ॥ मिलत तैसो भोग जनको करत जैसो दान । धर्ममें यह
पर्मनिश्चय सुनहु नृप मतिमान ॥ युद्धमें तन त्याग अरु बर
भूमिदान अनूप । स्वच्छ यह क्षत्रियन को है धर्मदक्ष सुभूप ॥
प्रेमसों सहदक्षिणाजनभूमिको जे देत । पाय नरता फेरि ते
जन होत भूप सचेत ॥ पापकृत महिपालहूकी लेतभूमि सुजा-
न । होत ऐसीभूमि प्यारी सुनहु नृपमतिमान ॥ बुधनको जे
देत भू ते लहतराज्य महान । सुनु युधिष्ठिर भूपताते करहुभू-
को दान ॥ करै इच्छा भूमिकी तो देयभूरि अनूप । भूमिप्रापति
होनकी नहिं और विधि है भूप ॥ देयदान विचारि पात्रहि क-
हतहैं मतिमान । दई भूमें जायनहिं नर कबहुं तात सुजान ॥
दई भूमेंजातनहिं जे लहत ते यश उद्ध । रहत दिवमें समुदहैं
ते पाय श्रीकोशुद्ध ॥ मल्लिका ॥ पाप करत भूप जौन । भूमिदान
ते सुतौन ॥ होतहै पवित्रपर्म । भानुलों लसैअभर्म ॥ अश्वमेध
भूमिदान । हैदुओ सुनो समान ॥ जौनभांतिसों सुभाय । पुत्र
की करै सहाय ॥ तौनभांति भूमिशुद्ध । दानकारकी सुउद्ध ॥
कीर्तिहै सहायभूप । धरति मोदहिय अनूप ॥ चरणादोहा ॥ सुव-
रण बस्त्र रजत मणिमुक्ता दीन्हें ते अवदात । होत जौन फल
भूमिदानते होत तौनफल तात ॥ हंसादोहा ॥ स्वामिकार्यमें यु-
क्तजो ब्रह्मलोक गत जौन । ते न उलंघन करिसकत भूमिदको
बुधभौन ॥ अगिल ॥ यमकेकिंकरआयसकतनहिं । भूमिदेत तापा-

स अनृतनहिं ॥ सुर अरु पितरनको सो मोदित । करत सु भूमि
 देत करि जो हित ॥ रह्यो होय तनजाके कृशअति । ताहि
 सु भूमि देत जे सहरति ॥ तौन सदा व्रतको फलपावत । ताको
 सुयश मेहीमहँ भावत ॥ गऊ सप्रेम बत्सको देखति । तिमिहि
 भूमि भूमिदको पेखति ॥ दईभूमि विप्रनको जो वर । होतितौन
 दातहि कामदघर ॥ गुरुकी पूजा करत जौनजन । अरुजेपूजत
 सुरहिलायमन ॥ तेउ नहीं हैं भूमिदकी सम । सुन्यो महामति
 मतिमानसों हम ॥ मातासुतको पोषति है जिमि । धरणी धर-
 णिदहि पोषति तिमि ॥ सीरठा ॥ कहतिभूमिइमि भूप देतमोहिं
 जे हर्षसों । ते मोहिं लहतअनूपजेन देतते लहतनहिं ॥ दोहा ॥
 याते धरणी दीजिये सुनुधरणीप सधर्म । दई न धरणी लीजि-
 ये है सुकर्म यहपर्म ॥ दीन्हीं धरणी लेतजे करिकैलोभमहान ।
 तौन नरकमें परतनृप निश्चयजानुसुजान ॥ जैसे नीकी भूमि
 में उलहति कृषी अनूप । तिमिहीं उलहति कामना भूमिदकी
 सुनुभूप ॥ करतकृपाहँ अमर सब भूमिदपै महिपाल । यातेध-
 रणी दानसम और न श्रेष्ठ विशाल ॥ होतजीव सब भूमि ते
 होत भूमि में लीन । याते माता औ पिता भूमिहि जानिप्रवी-
 न ॥ रामगीती ॥ महाभूतनमाहिं औरन भूमिसमहै तात । कहत
 हौं इतिहासयामें सुनहुसो अवदात ॥ बृहस्पति अरु शक्रको
 तिहिमाहिं है सम्बाद । यज्ञशतकरि दक्षिणाबहु देयछोंडि प्र-
 माद ॥ बृहस्पतिसों भये बूझत शक्रयह सुनुभूप ॥ शक्रउवाच ॥
 मिलत अक्षय स्वर्गकीन्हें कौनदान अनूप ॥ कहौ तुम अव-
 गाहि हमसों सुनहु गुरु बुधिमान । बैन सुनिये कह्यो गुरुइमि
 सुनहु शक्रसुजान ॥ बृहस्पतिरुवाच ॥ दिये सुरभी दान सुवरण
 दान अरु भूदान । होत कल्मषदूरिअक्षयस्वर्गमिलतसुजान ॥
 भूमिदान समान और न दानहैं सुरराज । रहत भूमिद तुमिहै
 निति भरोमोद दराज ॥ जीति भूमिहि सिन्धुलों जे देतहैं म-

हिपाल । रहति तिनकी कीर्त्तिजबलों रहति भूमिविशाल ॥ भूमिकी अरु मोदकी जो करै इच्छाभूप । पात्रकी तौ देय धरणी सहित प्रेमअनूप ॥ कियेते सबदानजनको मिलतहैफलजौन । मिलतबसुधा दानते फल तौनसुनु बुधि भौन ॥ दई धरणी आपनीको हरत जे हैं अज्ञ । परत ते जन नरक माहीं सुनहु भूपतिप्रज्ञ ॥ दई भूमी और की जो हरै ताकोजौन । नरक में परिसहतहै बहुभांतिके दुखतौन ॥ सुनहु हे सुरराजयाते दईबसुधाताहि । हरणइच्छा भूप मनमें करै कबहुं नाहिं ॥ दईबसुधा हरत जो है भूप लोभ अगर । परतताके तीन पुरुषा नरकमाहिं अपार ॥ भयो जो च्युत राज्यते नृपपरमहवैकै दीन । ताहि थापित राज्य पै जो करत भूप प्रवीन ॥ लहत सो सुरलोकको सुख महत कहत बुधेश । रहतताको सुयश भूमें चन्द्रमासों वेश ॥ बढ़ति बसुधा माहिं जिमि जिमि कृषी हेसुरराज । बढ़त तिमि तिमि पुण्य भूमिद भूपको सुदराज ॥ समरमें अरि मारिकै जे मरत हैं महिपाल । मिलति जैसी अप्सरा है तिन्हें चारुरसाल ॥ मिलति तैसी अप्सरा धरणीदको सुरराय ॥ देखि तिनके नृत्यको सो रहत नित्य सचाय । भूमिदान समान और न दानहै अवदात । सुनो मघवन सत्यसम नहिं और धर्मबिभात ॥ मातसमनहिं और गुरु है कहत है मतिमान । दानसमन औरबिधि है सुनहुशक्रसुजान ॥ बैनसुनि येवृहस्पतिके मुदित हवै मघवान । वृहस्पतिको रत्नयुक्त सुदई भूमि महान ॥ भीष्मउवाच ॥ दोहा ॥ कह्योतुम्हें अवगाहिहम दान श्रेष्ठ है जौन । अब आगेकाबूझिहौसुनहु तात बुधिभौन ॥

इतिश्रीमहाभारतदर्पणेशान्तिपर्वणिदानधर्मेद्विषष्टितमोऽध्यायः ६२ ॥

युधिष्ठिरउवाच ॥ दोहा ॥ सुनहुतात यहिलोकमें विघ्नको अभिराम । दान दीजिये कौनसो कहौ हमें बुधिधाम ॥ सोरठा ॥ लहे कौन शुचिदान शीघ्रहोत परसन्नद्विज । करि बिस्तार म-

हान कहो आपु अवगाहिकै ॥ भीष्मउवाच ॥ चरणाकुलक ॥ सुनहु
 तात बूझो तुम जोई । नारदसों बूझो हम सोई ॥ उनजोउत्तर
 दीन्हों याको । अतिशय संशयहरण हियाको ॥ कहततात तुम
 सों हम तौनै । धरहुताहि सुनिकै हियभौनै ॥ नारदउवाच ॥ अन्न
 दानसम और न कोई । अन्नदजनअतिउत्तमहोई ॥ मुनिअरु
 अमरप्रशंसाकरैं । नित्यअन्नकी मुदकोधरैं ॥ रहतसर्वहैंअन्ना
 धीना । अन्नद रहतसमुदपरवीना ॥ यातेअन्नदानको दीजै ।
 अन्नदान कीन्हेंसुखलीजै ॥ सबकेप्राणअन्नकेमाहीं । रहतअ-
 निश्चयमानोनाहीं ॥ जोअपनेकल्याणैचाहै । अन्नदेतसोंसहित
 उछाहै ॥ दोहा ॥ अन्नदेत जो द्विजनको करिकै अतिसन्मान ।
 तिमिमानो परलोकमेंनिधिको धरी महान ॥ चरणाकुलक ॥ पथमें
 श्रमितभयो जो होई । ताकोअन्नदेत जो कोई ॥ स्वर्गमाहिंसो
 सुखको पावै । भूमिमाहिं शुचियशकोछावै ॥ जौन देतहै अति-
 थिहिभोजन । लहत महान धर्मकोसोजन ॥ पापमान जे मनुज
 विशाला । नित्यरचत कुकरमको माला ॥ तेऊ अन्नदानको
 दीन्हें । सब कलुषनसों होत बिहीने ॥ जागृहमें भिक्षाकोमाँगै ।
 बिप्रजायसो मुदसोंपागै ॥ सो गृह परम वृद्धिकोपावै । दुःखन-
 जीक न ताके आवै ॥ अन्नदानजो करत महाना । सो जन्मा-
 न्तर माहिं सुजाना ॥ लेतजन्म उज्ज्वल कुलमाहीं । कबहुं न-
 आवै बाधापाहीं । अन्नद लहत रूपतानीकी । रहतसमोद
 कृपालहिश्रीकी ॥ सुन्दरक्षेत्र बिप्रहैं जानो । यहाँनिश्चय हिय
 में अनुमानो ॥ दोहा ॥ तामेंबोवै बीजजो लहतपुण्य फलभूप ।
 ऐसो और न क्षेत्रहै कहत सुप्रज्ञअनूप ॥ चरणाकुलक ॥ दियेअन्न
 यशमिलत महाना । मिलतस्वर्गमें आनंदनाना ॥ अन्नहिते
 सबहोत जगत है । अन्नहिते जगमोद पगतहै ॥ अन्नहिते
 सबहोत धर्महै ॥ अन्नहिते सब मिटत भर्म है ॥ अन्नहि रुज
 को करत विनाशै । अन्नहि बलकोकरत प्रकाशै ॥ क्षीणहोत

तन अन्नविना है । हीनहोत बलभूरि महाहै ॥ वायुमेघमै जल
को भारै । ताकोमेघ यत्नसोंधारै ॥ मघवातौन नीरको बरषै ।
भानुताहि किरणनिसों करषै ॥ पुनि रविकिरण मेघवपुङ्गवकै ।
भरतभूमिको नीरहिचवैकै ॥ दोहा ॥ आर्द्रहोलिजबभूमितब अन्न
होत उतपन्न । अन्नहोत तब रहत है जगत परम परसन्न ॥
चरणाकुलक ॥ अन्नहिते तनहोत सुढारा । बढ़तअन्नते रुधिर
अपारा ॥ मेदअस्थि अरु शुक्र बढ़तहै । अन्नहिते जगमोद
मढ़तहै ॥ सुनुनृपहोत शुक्रतेप्रानी । तातेअन्नहिकारणजानी ॥
भीष्मउवाच ॥ हम नारदकी सुनि यहबानी । अन्नदेत करिदया
महाची ॥ तिमिहिं द्विजनको तुमहूंराजा । देहुअन्न करिदया
दराजा ॥ अन्नदानको कीन्हेंनेमै । लहिहौस्वर्गमाहिं तुमक्षेमै ॥
आभाशरद अश्रकी जिनमें । मणिकेलगे खम्भ हैं तिनमें ॥ बहु
विधिकी रचनासों सोहैं । जोहत रहत तिन्हें जेजोहैं ॥ शय्या
तिनमें बिछीअनूपा । राजति तिनमें नारि सुरूपा ॥ अन्नद
ऐसे थलको पावै । स्वर्गमाहिं अति सुखसोंछावै ॥ दोहा ॥ ताते
तुमश्रद्धा सहित करो अन्नकोदान । अन्नदानसम दाननहिं
और सुनहु मतिमान ॥

इतिश्रीदानधर्मेनारदोपदेशेभीष्मयुधिष्ठिरसम्वादेत्रिषष्टितमोऽध्यायः ६३ ॥

युधिष्ठिरउवाच ॥ चरणादोहा ॥ अन्नदानको सुन्यो महातम सर्व
आपुसोंतात । कहौ सर्व अब अन्नदानको विधिजो है अव-
दात ॥ किहिनक्षत्रमें अन्नदानको कीन्हेंका फलहोत । कहौ
मोहिं अवगाहि आपुयह सुनहुंतात बुधिपोत ॥ भीष्मउवाच ॥ दोहा ॥
यहिप्रसंगमें कहतहौं इक इतिहास अनूप । नारदको अरु देव
कीको है सम्वाद अनूप ॥ अरिल ॥ एक समयमें नारद ऋषि-
वर । गये द्वारिकामाहिं सुमतिधर ॥ तिन्हें देवकी देखि समुद
सह । सादर बोलि प्रश्नपूछो यह ॥ पूछेकहत भये मुनिनारद ।
विधिवत सुनोसु भूप विशारद ॥ नारदउवाच ॥ कृतिकामाहीं विप्र

बुलायसु । जौनकरावत भोजन पायसु ॥ तौन लहत है उत्तम
लोकहि । रहत समुद नितिलहत न शोकहि ॥ नखतरोहिणी
माहीं जोजन । दुग्ध अन्नदे द्विजका भोजन ॥ ता जनको ऋ-
णसबहै छूटत । पाप वृक्ष तिनुकालों टूटत ॥ दोहा ॥ देत मृग-
शिरां माहिंजे सुरभीवत्स समेत । ते दिवमाहीं लहतहैं परमा
मयो निकेत ॥ आर्द्रा में जे देतहैं कृसर तिलनसोंपर्म । दुर्ग
मार्ग के होतते पार समोदसधर्म ॥ पुनर्बसूमें देतजे पूष द्विजन
कोभूप । होत महाधनवानसो कीरति लहत अनूप ॥ पाचक
जे जनदेतहैं पुष्य नखतके बीच । स्वयंप्रकाशक लोकमें शशि
लौलसत निभीच ॥ अश्लेषामें देतजे द्विजहि रजतकोदान ।
छूटत ताके सर्वभय लहतलोक सुखवान ॥ तिलसों पूरण पात्र
जे देतमघाके माहिं । सो सुतसुंदर लहत हैं लहत दुःखको
नाहिं ॥ चरणादोहा ॥ पूर्वाफाल्गुणी में जेजन गोरस देत अमंद ।
तौनलहत सौभाग्य महतहैं लहत कबहुं नहिंदंद ॥ उत्रामें जे
शाठीओदन दुग्धसुघृतसों देत । अमरलोक में लहत तौनहैं
परमामयो निकेत ॥ जो जोदान देतहैं उत्तरा फाल्गुणी में पर्म ।
होतमहाफल तिन तिनकोहैं मेंहों कहत अभर्म ॥ दोहा ॥ हस्त
नखतमें देत जे द्विजको हस्तीदान । परम लोकमें प्राप्तकै पावत
मोदमहान ॥ जेजनचित्रानखत में वृषभ सुगन्धहिदेत । तौन
अप्सरन संग बन नंदन को सुखलेत ॥ स्वातीमाहीं देत हैं
अतिप्रिय धनको जौन । पावतहैं दुहुंलोकमें यश अरु सुखको
तौन ॥ सुरभीदेती दुग्धअरु वृषभ चारु जेदेत । नखत बि-
शाखामाहिं ते कबहुंन दुखको लेत ॥ तासों देवत अरु पितर
तृप्त रहत हैं पर्म । स्वर्गलोक में लहत सो सुखको भूरि अभ-
र्म ॥ जेजन वृतकरिदेत हैं अन्नवसन अवदात । अनुराधामें
कीर्ति अति तिनकी चारु बिभात ॥ युगशतलों तेरहत हैं स्वर्ग
लोक में स्वक्ष । सुरजिनको चाहतरहत कहत सुबुधहैं दक्ष ॥

ज्येष्ठामें जेदेतहैंकालशाक अभिराम । बांझितगतिको होतसो
प्राप्तकहत बुधमाम ॥ मूलनखत में देतजे द्विजको फल अरु
मूल । वासपायसो स्वर्गमें सुखको लहतअतूल ॥ जेजन पूर्वा-
षाढमें दधिसों भरोअमन्द । पात्रदेत हैं द्विजनको ते न लहतहैं
दन्द ॥ दुग्धवतीबहुहोहिंजिहिंकुलमें सुरभीचारु । होततौन
कुलमाहिंसो लहत अनन्द अपारु ॥ उत्तराषाढनक्षत्र में शक्र
सुधृतदेजौन । सर्वकामना लहत हैं सुनहुं देवकी तौन ॥ मधु
घृत दुग्धसुदेतजे अभिजित में अभिराम । स्वर्गलोकको होत
सो प्राप्तकहत बुधिधाम ॥ कम्बलजे जनदेतहैं श्रवण नखतके
माहिं । तेबिमानपै बैठिकै जात सुरनकेपाहिं ॥ गथमेंरथजेदेस
हैं नखत धनिष्ठाबीच । मरणान्तर में मिलति है तिनको राज्य
निभीच ॥ शतभिषमें जे देतहैं अतरादिक अभिराम । बिहर-
तते अप्सरनसँग लहत सुगन्ध ललाम ॥ पूर्वभाद्रपद माहिंजे
राजमाष शुचिदेत । स्वर्गमाहिं ते प्राप्तकै सर्व सुखनकोलेत ॥
उत्तरभाद्रपद माहिंजे मांसदेत अभिराम । तृप्त होत ताके
पितर आपलहत मुदमाम ॥ नखत रेवती माहिं बर जेजन
सुरभी देत । सर्व कलुष ताके कटत सुखसों रहत सचेत ॥
सर्व कामना सहित सो सुरभी अति अभिराम । प्राप्त होत
दातारको बुधजन कहतललाम ॥ नखत अश्वनी माहिं जे
अश्वसहित रथदेत । हाथी हयसुखपालते जन्मान्तर में ले-
त ॥ द्विजहि देत तिल धेनुजे भरणीमाहिं उदार ॥ बहुसुरभी
ताकोमिलत अरु बर सुयश अपार ॥ भोष्मउवाच ॥ नखतयोग
में दानको जो फलहोत अनूप । कह्यो देवकी सों सरब नारद
मुनि हेभूप ॥ कह्यो देवकी यहसुफल पुत्र बधुनसों सर्व । धर्म
धाम अभिरामवर भूपति सुनहु अखर्व ॥

इतिश्रीमहाभारतेशान्तिपर्वणिदानधर्मेचतुःषष्टितमोऽध्यायः ॥ ६४ ॥

भोष्मउवाच ॥ दोहा ॥ ब्रह्माके सुत अत्रिमुनि कही बात यहभू-

प । जेजनकांचनदेत ते सुखकोलहतअनूप ॥ सर्वकामनादेनको फल जो है अभिराम । हेमदको सो होत है प्राप्त सुनहुबुधि-
 धाम ॥ मल्लिका ॥ हेमदान देतजौन । मोदको महान तौन ॥ प्राप्त
 होतहैं सुजान । कीर्तिको लहैं महान ॥ होतहैं पवित्रपर्म । चन्द्र
 लौलसैं सधर्म ॥ आयुको लहैं बिलन्द । ना लहैं कबौहुंदन्द ॥
 दोहा ॥ पितर रहत परसन्नहैं हेमदके भूपाल । कह्यो यहसुअव-
 गाहिकै हरिश्चन्द्र भूपाल ॥ मौक्तिकदाम ॥ किये घृत दान सुनो
 मतिमान । वृहस्पतिहोत प्रसन्नमहान ॥ सुनोअरु अग्निप्रसन्न
 सुहोत । कहैं अवगाहि महामति पोत ॥ सौरठा ॥ औअश्विनी-
 कुमार मारतण्ड घृतदानसों । होत प्रसन्न उदार करत सहाय
 सु घृतदकी ॥ रामगीती ॥ श्रेष्ठहै सब रसनमें घृत कहतबुधअव-
 दात । होतबल अरु सुयशताके दानते हेतात ॥ कारमें जेदेत
 घृतको दानद्विजको भूप । अश्विनीसुत देतताको रूप परम
 अनूप ॥ खीरभोजनदेत घृतयुत द्विजनको जनजौन । प्रेतता-
 के भवनमाहीं कबहुं करत न गौन ॥ देतहैंजन जे करोरा पात्र
 को अभिराम । प्यासदुखको कबहुं नहिं सो लहैं सुखको माम ॥
 यज्ञकीबे विप्रवरके काष्ठ जेजन देत । सर्वताके होत कारजसिद्ध
 रहत सचेत ॥ रहत गालिब अरिन पै सों नित्यही बलवान ।
 बढ़तताको भूमिकामें सुयश चारुमहान ॥ देवतनके समागम
 को विधाताको साथ । कहत हैं वृत्तान्तहम सो सुनहु अब नर
 नाथ ॥ सर्वसुर मिलि कह्यो विधिसों जायकै इमिप्रज्ञ । देहु
 सुन्दर देश भूमें करें तहैं हमयज्ञ ॥ देवाज्युः ॥ भूमिके अरुस्वर्ग
 के प्रभु आपुहो लोकेश । आपके हम पासयाते आय सहित
 सुरेश ॥ देशमाँग्यो भूमिमाहीं यज्ञकीबे पर्म । देहु याते कृपाक-
 रिकै करें यज्ञसधर्म ॥ दई पुहुमीमाहिं है बहुयज्ञको फलहोत ।
 चराचरके नाथ हौ तुम करण मोदउदोत ॥ योग्यआज्ञादेन
 के हौ आपुयातेनाथ । देहु आज्ञाकरैं जासों यज्ञसबसुरसाथ ॥

विधिस्त्वाच ॥ देत हैं हमतुम्हें कीबे यज्ञ भूमि अमन्द । करो तेहां
जायकै तुम यज्ञ हे सुरवृन्द ॥ देवाउचुः ॥ सुनहु जौनेकाज आये
आपु के हमपास । कृपा ते तव सिद्धिभोसो परमआनँदरास ॥
दयो जो कुरुक्षेत्र हमको देश यह अभिराम । बसत हैं तिहि
माहिं बहुऋषि पुण्यको हैधाम ॥ यज्ञयाही देशमें हम करेंगे
लोकेश । कहिसुएसे विधातासों अमरसह अमरेश ॥ करनमख
कुरुक्षेत्रमाहीं भये आवतसर्व । कण्वअत्रि अगस्त्यअरुऋषि
वृषाकपि सु अखर्व ॥ असित देवलआदि ऋषि तब तहां
आयेदक्ष । ऋषिनसहते भयेकरते यज्ञ सबसुरस्वक्ष ॥ कियो
पूरण यज्ञ विधिवत ऋषिन्ह सह सुरवृन्द । तत अनन्तर यज्ञ
भूको अंश षष्ठ अमन्द ॥ देयकै सब अमर आनँद भरे भूरि
अभर्म । गये अपने लोकको हे भूमिपाल सधर्म ॥ सुनहु याते
महत जनकी लेयआज्ञा तात । यज्ञ कीजै प्रज्ञको यह सुमत
है अवदात ॥ दोहा ॥ बसिवेको जे देतहैं चारु अगार अनूप ।
सोउ स्वर्गकोजातहैं सुनहु युधिष्ठिर भूप ॥ अध्यापकको राखि
निज गृहमें जे सुखदेत । ब्रह्मलोकमें प्राप्तकै तौन महत सुख
लेत ॥ छप्पय ॥ छहों ऋतुन्हमें सुखदधाम जन जौन बनावत ।
सुरभिन्हकाजै तौनपाय अति मोदहिभावत ॥ कीरतिभूमें करत
सप्तपुस्तितनको तारत । सम्पति लहत महान दन्द दीनन्हको
टारत ॥ शुभक्षेत्र भूमिको देत जे ते शुचिशोभा लहतहैं । नहिं
सहत दुख बहुलहत सुख चहतपुण्य बुध कहत हैं ॥ तोमर ॥
महिरत्नकी जनजौन । द्विजको सुदे तहँतौन ॥ कुलकी सुवृद्धि
सुजान । लहिकै रहैं मुदवान ॥ सुन्दरी ॥ ऊसर भूमि न विप्रहि
दीजै । औनहिं भूलि अनादर कीजै ॥ सुन्दर भूमिहिं देत सु
जेजन । भूमि अनूपम पावत तेजन ॥ चंचला ॥ औरकी सुभूमि
माहिं श्राद्धको किये सुजान । श्राद्धहोत व्यर्थ बुद्धिमानते कहैं
महान ॥ भूमि मोललेय पिण्डदानको करें सुजौन । हे सुनो

महीप उद्ध पुण्यको लहैं सुतौन ॥ दोहा ॥ कौनहु बिघ्न न होत
 है तस पितर अतिहोत । बढतवंश तिहि पुण्यते सुनहु नृपति
 बुधिपोत ॥ पर्वतकी अरु विपिनकी तीर्थ कूलकी पर्म । है पुहु-
 मो अस्वामिका बुधवर कहत अभर्म ॥ ^{कैरठा} ॥ बुधवर कहत
 समर्थ याते इन पुहुमीनमें । होत श्राद्ध नहिं व्यर्थ महीमोल
 दीन्हैहु बिना ॥ ^{रामगीती} ॥ करतिहैं सब अङ्गसों उपकार सुरभी
 पर्म । होति ऐसी पुण्यधामा सुनहु भूप सधर्म ॥ करति रक्षा
 सर्वकीहैं सुरभिका अभिराम । कहतहैं श्रुतिमान बरद्विज महा-
 मेधाधाम ॥ तिन्हें जेजन देत विप्रहि बोलि सादरभूप । होत
 हैं परसन्न ताके पितर देव अनूप ॥ शूद्रको अरु नास्तीकहि
 दीजिये नहिंगाय । औ न दीजै बधनकाजै सुनहु हे नरराय ॥
 देतजेजन लहत तेजन नरकमाहीं बास । कबहुं निकरैं नरकते
 नहिं कहतहैं बुधिरास ॥ बत्सबिनकी गायदीजै द्विजनको नहिं
 भूप । अंगहीना दुर्बला औ कहतप्रज्ञ अनूप ॥ औ न बंध्या
 रुजयुता गौ दीजिये सुनदक्ष । कहतहैं अवगाहिकै बुधबुद्धि
 जिनकीस्वक्ष ॥ ^{चरणदोहा} ॥ भूमिदान अरु अन्नदान अरुगऊदान
 तिलदान । इनको कह्यो महातम तुमसों सर्वसुनहुमतिमान ॥
 इतिश्रीमहाभारतदर्पणेशान्तिपर्वणिदानधर्मपंचषष्टितमोऽध्यायः ६५ ॥

युधिष्ठिरउवाच ॥ दोहा ॥ सुन्योसर्व हम आपुसों दाननको फल
 स्वक्ष । तिनमें पाणीदान फल कह्यो अधिक किमिदक्ष ॥
 इच्छाअब यह सुननकी मो मनमें है तात । कहौआप अवगा-
 हिकै वर बुधिधर अवदात ॥ ^{भीष्मउवाच} ॥ ^{मधुभार} ॥ पाणीयदाना
 तामें सुजान ॥ फल अधिक जौन । हम कहत तौन ॥ ^{पञ्चकली} ॥
 जलते सुअन्न उत्पन्नहोत । जलबिन न होत कछु सुमतिपो-
 त ॥ भीनीर तेहि उत्पन्न चन्द । औषध अनेक तरु लता वृ-
 न्द ॥ सबहोत नीरहीते सुजान । है सर्वजीवको जलहिप्रान ॥
 सबदान ते सु जलदानमाह । याते अधिकय फल भूमिनाह ॥

देहा ॥ चाहै जो ऐश्वर्य तौ नित्यकरै जलदान । नित्यकरत
जलदानते दिवको लहतसुजान ॥

इति श्रीमहाभारतदर्पणेशान्तिपर्वणिदानधर्मेष्टषष्ठितमोऽध्यायः ६६ ॥

बुधिष्ठिरउवाच ॥ अर्द्धचरणादेहा ॥ अन्नदान तिलदान औ दीप-
दान अभिराम । बसनदानको कहौ महातम सुनहुतात बुधि-
धाम ॥ भोगमउवाच ॥ चरणादेहा ॥ यह प्रसंगके माहिं कहतहमं
एक इतिहास अनूप । यमको अरु द्विजवरको तामें है सम्बाद
सुभूप ॥ जयकरी ॥ गंगा औ यमुनाके बीच । है बिप्रनको ग्राम
निभीच ॥ पर्णशालिका ताकोनाम । यामुन गिरिके पास ल-
लाम ॥ तामें बहुत सुबुधजनपर्म । एकसमयके माहिं सधर्म ॥
घोरदूत अपनो बुलवाय । तासोंबचन कह्यो यमराय ॥ अग-
स्त्य गोत्रज शरमीबिप्र । जायल्याउ ताको तुमक्षिप्र ॥ शरमी-
हीको गोत्री पर्म । वैसोई गुणवान अभर्म ॥ जेते सुतशरमीके
स्वक्ष । वाहूके हैं तेते दक्ष ॥ शरमीके गृह पासहितौन । रहत
नित्यसो द्विज बुधिभौन ॥ सर्व गुणनकी समताचाहि । ल्याइयो
न भ्रमिकै तुम वाहि ॥ शरमीहीको ल्यावोजाय । पूजाहम क-
रिहैं सुखपाय ॥ यमआज्ञालहिहोय सचैन । गयोदूत सो बि-
प्रहिलैन ॥ जिहिको मनाकियो यमराय । तौनहिंद्विजको गयो
लवाय ॥ ताद्विजकी यमराय प्रवीन । सहित सु बिधिवत पूजा
कीन ॥ फेरिकह्यो दूतहि बुलवाय । अबहीं इन्हें देहु पहुँचाय ॥
तुमसों हम बुलवायोजाहि । बेगि लेय आवो तुमताहि ॥ सुनिये
धर्मरायके बैन । बिप्रबोलतो भयो सचैन ॥ जौलौं है मम बाकी
आय । रहिहैं तौलौं यहां सचाय ॥ यमउवाच ॥ आयुर्बलको जो
परमान । ताहि न हम जानत मतिमान ॥ तातेराखि सकतहम
नाहिं । जावो अबहीं निज गृहमाहिं ॥ सुनहु बिप्र हमसों तुम
जौन । बूझोतुमसों कहैं सुतौन ॥ ब्राह्मणउवाच ॥ पुण्यहोय कीन्हें
ते जौन । कहौ कृपाकरि हमकोतौन ॥ सब जानतहौ तुम यम-

राज । कहिये करिकै कृपा दराज ॥ यमउवाच ॥ आभीर ॥ सुनहु
 बिप्र मतिमान । कीर्त्तिमान श्रुतिमान ॥ दानकी सु अभिराम ।
 उत्तम जो बिधिमान ॥ कहत तौन अवगाहि । दान तिलनको
 ताहि ॥ कीजै नित्य सचाय । सुनहु सुबुध द्विजराय ॥ किये
 तिलनको दान । इच्छा सर्व महान ॥ सिद्धिहोतहै स्वक्ष । नि-
 श्चय जानहुदक्ष ॥ दोहा ॥ आदमाहिं तिलदानकी परमप्रशंसा
 होत । याते तिलदीजै द्विजहि सुनहु बिप्र बुधिपोत ॥ पूर्णिमा
 बैशाखकी यामें जे तिलदेत । स्वर्गलोकमें प्राप्त है तौन महत
 सुखलेत ॥ अरिल ॥ जौन जलाशयको खनवावत । तौन स्वर्ग
 में अति सुखपावत ॥ है अति उत्तम याको फलवर । जलहि
 देहुयाते नित बुधिधर ॥ भीष्मउवाच ॥ कहिकैयम चुपहोय रहे
 जब । लेयचल्यो यमदूत द्विजहितव ॥ बिप्रहि पहुँचायो गृह
 माहिंसु । आयोफेरि धर्मकेपाहिंसु ॥ आज्ञाफेरि धर्मकीलहिकरि ।
 दूतजाय धर्मीको गहिकरि ॥ दोहा ॥ लेयगयो सो शीघ्रही धर्म-
 रायके पास । धर्मराय ताको लखे मुदित भयो बुधिरास ॥
 चरणकुलक ॥ यम शर्माकी पूजाकरिकै । कियोमंत्र कछु मोद सों
 भरिकै ॥ शासन जो वा द्विजधर्मीको । कीन्हों सोई द्विजशर्मा
 को ॥ फिरि सादर पठये निज गेहै । संगदूतकरि सहित सने-
 है ॥ आयगेह माहिं द्विजवरशर्मा । कीन्होजौन कह्यो यमधर्मी ॥
 भीष्मउवाच ॥ जोजन करत दीपकेदानै । सोजन पुण्यहि लहत
 महानै ॥ तौनपुण्यसों पितरहितारै । कीरतिपरम महीमेंभारै ॥
 दीपदानते सबसुख लीजै । याते दीपदानको कीजै ॥ सारठा ॥
 रत्नदिये फलजौन होततौन हम कहतअब । सुनहुतात बुधि-
 भौन धर्मधुरन्धर कीर्त्तिकर ॥ मल्लिका ॥ रत्नदानदेतजौन । पुण्य
 को महान तौन ॥ प्राप्तहोतहैं सुजान । कीर्त्तिको लहैं महान ॥
 जाहिदीजिये सु रत्न । जौन बेचिकै सुयत्न ॥ यज्ञको करै अ-
 नूप । लोभ छोड़िकै सुभूप ॥ अन्तगुरुतोमर ॥ जनबख्खदेत सुजौन

हैं । शुचि कीर्तिलेत सुतौन हैं ॥ रतते रहैं निज दारमें । नित
चलतमार्ग सुधारमें ॥ शुचिवेश तिनके होतहैं । बहु करतपुण्य
उदोतहैं ॥ घोरठा ॥ दानबस्त्रको भूप अति उत्तमहै कहत बुध ।
याते बसन अनूप दीजै दुर्बल द्विजनको ॥

इतिमहाभारतदर्पणेशान्तिपर्वणिदानधर्मसप्तषष्ठितमोऽध्यायः ६७ ॥

युधिष्ठिरउवाच ॥ दोहा ॥ फेरिकहौ बिधिदानकी अतिउत्तम है
जौन । अबहिं तूत हमना भये सुनहुतात बुधिभौन ॥ भीष्मउ-
वाच ॥ गऊ भारती औ मही ये तीनिहुं अभिराम । देत तुल्य
फलहैं कहत सुबुध सुनहु बुधिधाम ॥ रामगीती ॥ भारती जे
देत शिष्यहि प्रेमसों जनजौन । गऊभूके दानको फल लहत
हैं जन तौन ॥ तिमिहिं जेजन देत सुरभी प्रेमसों अभिराम ।
भारती भूदानको फल लहत तेहैंमाम ॥ उपजती शुचि भूमि-
काको देतहै जनजौन । लहत सुरभी भारतीके दानको फल
तौन ॥ सर्वभूतनकी सुमाता सुरभिकाहै भूप । करततिनकीजे
प्रदक्षिण लहत वृद्धि अनूप ॥ गऊमण्डलमाहिं कैकै जाइये
नहिंतात । परशिये कबहुं न पदसों गऊको अवदात ॥ पूजिबे
केयोग्य सुरभी नित्यहैं भूपाल । महत मंगल देतिहैं बहु हरत
पाप विशाल ॥ कष्ट प्रापति होय जेहिथलमाहिं गोको पर्म ।
जाइये नहिंलेय तिहिथल माहिं कहत सुधर्म ॥ लेय जात
सुजौन सुरभी बक्रथलके माहिं । तृषालागे जहांसुरभी लहै
जौजलनाहिं ॥ होयतौ जन तौनको अघप्राप्त अतिहि म-
हान । सकुलताको हनत सुरभी कहतहैं मतिमान ॥ होतजा-
सु पुरीषतेहैं परमपावन तात । देवगृह अरु पितरगृह बुधकह-
तहैं अवदात ॥ सुनहु याते और सुरभी समपवित्र न कोय ।
लगे जिनके चरणकी रजको न पावनहोय ॥ देतपरकी गऊ
को जेबर्षलों बरधास । करैं गोरसकी न कबहुं हियेमाहींआस ॥
सर्वकामद चारुव्रतको लहतहैंफलतौन । मिलतताको सुयश

अरु वरपुत्र बुधिको भौन ॥ मिटतसर्वअरिष्टहैं अरुमिलत सम्पतिपर्म । लहतदोष कुस्वप्नको नहिंकहत प्रज्ञअभर्म ॥ युधिष्ठिर उवाच ॥ कौन लक्षणकी सु सुरभी दीजिये हेतात । कहौ कैसे बिप्रको गो दीजिये अवदात ॥ भीष्म उवाच ॥ बिप्रलोभी पातकी को दीजिये नहिं गायदेवकारजपितर कारज करै जौन सचाय ॥ अरु महापापिष्टजो द्विज होय अधका चाय । ताहिऊ नहिं दीजियेगो सुनहुहे नरराय ॥ होयबिप्र कुलीनताके होहिं सुत बहु भूप । पितर कारज देवकारज करै नित्य अनूप ॥ ताहि सादर बोलि दीजै सुरभिका अभिराम । दिये ऐसे बिप्रको गोलहत दिवमेंधाम ॥ दई गोके गव्यसों द्विजकरत यज्ञ सधर्म । लहत षष्ठम अंशदाता तासु फलमें पर्म ॥ करतजो उत्पन्न अरुदे जीविकाको जौन । भीतते जोकरत रक्षा तौनमुनु बुधि भौन ॥ होत येहैं पिता जगके माहँतीन सुजान । किये आज्ञा भंग इनकी होतदोष महान ॥ कहैं सबसों बचन प्रिय अरु सत्यवादी स्वक्ष । धर्मसे रत होयअरु श्रुतिमान अतिही दक्ष ॥ सुनहु ऐसे बिप्रकोदे जीविका महिपाल । जीविका नहिं देयतौ अधहोय प्राप्तविशाल ॥ क्षुधासों अति होय पीड़ित बिप्र दक्ष कुलीन । करै कुकरम जौन नृपके राज्यमाहिं प्रवीन ॥ तौननृप को होत प्रापततासुपाप महान । कहतहैं अवगाहिकै बुध सुनहु नृप मतिमान ॥ दिये सुरभी दानजेतो होतफल अभिराम । बिप्रको धन हरे तेतो होत पातकमाम ॥ सुनहु याते बिप्रको धन हरैकबहुन भूप । औ न दारा लखै कबहुं बिप्रकी सुअनूप ॥ भीष्म उवाच ॥ बिप्रके धन हरणमाहीं प्रज्ञजनअवदात । कहतहैं आरुयान नृगको सुनहुसो तुम तात ॥ बिप्रके धनहरणमें नृग लहो दुःख विशाल । सुनहुयाते बिप्रकोधन लीजियेन नृपाल ॥ द्वारकाके माहिंहौ यककूप अति गम्भीर । ढपोहौ तृण तरुण सों सो सुनहुभूपति धीर ॥ लगे कौतुकमाहिं यादव गये ताके

पास । तोरितरुतृण दूरिकीन्हें लगेते अति प्यास ॥ परोहोकृक-
लाश एक ता कूपमें सुनुभूप । महादीरघ देह ताकी घोर रूप
अनूप ॥ करतभे बहु यत्नताके काढिबेकोपर्म । काढि पैनाहिं
सकेयादव थके सर्व सधर्म ॥ पास यादवरायजूके गये यादव
सर्व । कहतभे कृकलाशको वृत्तान्त हरिसोंसर्व ॥ यादवाजुः ॥
सुनहु यादवरायजू अतिदीर्घ यक कृकलास । घोर रूपअनूप
कीन्हें कूपमें हैवास ॥ सर्व कूपहि रोंकिराख्यो कढ़त काढ़ेनाहिं ।
बैनये सुनि कृष्ण आवतभये ताकेपाहिं ॥ कियो लखि उच्चार
ताको कृष्णपांय छुवाय । ताहि बूझतभये ऐसे कृष्ण त्रिभुवन
राय ॥ कहौतुम अवगाहि अपना पूर्वको वृत्तान्त । बैनसुनिये
कृष्णके नृपभरो मोदनितान्त ॥ कहनलागो पूर्वको वृत्तान्त नृप
नृगपर्म ॥ नृगउवाच ॥ सुनहु हरि हमकियेहैं बहुयज्ञसहित सुध-
र्म ॥ कह्योइमि तब कृष्ण सुनिये बैननृगकेभूप । सुनहु नृग
शुभकर्मकर हौ धर्मधर सुअनूप ॥ कहौतुम किमिलही ऐसी
दशा दुखदामाम । दईकोटिन द्विजनको तुम गो सबत्स लला-
म ॥ पुण्यभोगत कहां सो तब महत हे नृगदक्ष । कहतभो तब
कृष्णजूसों नृगसुभूप प्रतक्ष ॥ अग्निहोत्री बिप्रहो इक महा
तेजसधाम । मिली ताकी छूटिगो मम गो नमें अभिराम ॥ तौ-
नहीं दिन कियोहों संकल्प हम यदुराय । सहस सुरभी देनको
अति हर्ष हियमें छाय ॥ सहस सुरभिनमाहिं तौनहु सुरभिका
को ज्वाल । लेयआयो पास मेरे सुनहु कृष्ण कृपाल ॥ दई सुर-
भीद्विजन को ते सर्वसहित सनेह । गऊ लैलै समुद द्विज सब
गये अपनेगेह ॥ अग्निहोत्रीलखी बहुदिन माहिं ढूढ़त गाय ।
दईही जिहि बिप्रको हम गाय तापै जाय ॥ कहतभो इमि गाय
तो यहहैहमारीबिप्र । लरतदोऊ भये आवत पास मेरेक्षिप्र ॥
कहतभेते बैनऐसे मोहैहे मुदरूप । देत तुमहीं गऊको फिरि
लेत तुमहीं भूप ॥ दईही जिहि बिप्रको हम गायहे यदुराय ।

कह्यो तौन सुविप्रसों हम जोरि कर गहिपाय ॥ लेहुतुम यह
 गऊ बदले सहस दश शुभगाय । बैनमेरे श्रवणकरिकैं कह्यो
 द्विज इहिभाय ॥ जायगी नहिं दईमोसों गाय यह अभिराम ।
 लगति मोको परमप्यारी देत दुग्ध ललाम ॥ जातभो निज
 धामको द्विज मोहिं इमिकहि बैन । कह्योहम तब अग्निहोत्री
 विप्रसों मुदऐन ॥ लेहुतुम वह गऊ बदले सहसदश गोचारु ।
 कहत हैं करजोरि तुमसों सुनहुबुद्धि अंगारु ॥ कहतभो तब
 विप्रमोसों बैनऐसेपर्म । ब्राह्मणउवाच ॥ लेतहमनहिं गऊ नृपकी
 सुनहुभूप अभर्म ॥ जातभो निज धामको सो मोहिकहि इमि
 बैन । कालतौनहिं माहिंहे श्रीकृष्ण आनंद ऐन ॥ मृत्युके बश
 होयकैं हमगये यमकेपास । कहतभे यम मोहिंऐसे पूजिसहित
 हुलास ॥ है न संख्या पुण्यकी तब सुनहुनृग महिपाल । कियो
 तुम द्वैपाप सोऊ बिनाजान विशाल ॥ दोहा ॥ करिहैंरक्षा द्विज-
 नसों कहि इमि तुम नहिं कीन । औ ब्राह्मणको धन हस्यो तुम
 नृगनृपति प्रवीन ॥ पञ्चभली ॥ तुम पापकीन्ह ये द्वै विशाल । अरु
 बहुत पुण्य कीन्हें नृपाल ॥ करिहौसुभोग तिनको सुजान । यहि
 माहिं आपु समभो न आन ॥ दोहा ॥ चाहो पूरब भोगिये पुण्य-
 हि सुखद अनूप । चाहहुभोगौ पापको हे नृग सुनहु सुभूप ॥
 तोमर ॥ यमके सुये सुनिबैन । हम कृष्ण आनंद ऐन ॥ इमि कह्यो
 यमसोंपर्म । पहिले सुभोगि अधर्म ॥ हमभोगिहैं सुखदाय ।
 फिरि पुण्यको सहचाय ॥ सुनिबैनये यमराज । इमिकह्यो हे
 महाराज ॥ दोहा ॥ जाहुभोगिये पापको प्रथमहि हे नृगभूप ।
 फेरिभोगियो पुण्यको सुखद महान अनूप ॥ सोरठा ॥ फेरिकह्यो
 इमिमोहिं भूमेंजबमें गिरतभो । कृष्ण तारिहैंतोहिं जगदाधार
 सुमोदमय ॥ दोहा ॥ वर्षसहसमें होयगो यहतव पातकक्षीण ।
 पुण्यलोकको प्राप्त तब कैहौ नृपति प्रवीण ॥ तबसों में कृक-
 लासकैं परोरह्यो यहकूप । सम्यतिरही वहि जन्मकी मोको सर्व

अनूप ॥ परशपाय तवचरणको भो मेरोउच्चार । स्वर्गलोकको
जातहौं मैं अबमोद अगार ॥ परशपाय यदुरायको पाय मोद
कोपर्म । चढ़ि बिमानपै जातभो दिवको सुनृगसधर्म ॥ सोरठा ॥
तिहीसमयके माहिं कहतभये इमिवैनहरि । धन बिप्रनको नाहिं
कबहुँ न हरिये सुनुनृपति ॥ दोहा ॥ दानदिये जैसा सुफल होत
सुनहु महिपाल । द्रोहकियेद्विजसों कुफल तैसाहोत विशाल ॥
इति श्रीशान्तिपर्वणिदानधर्मैरुष्णनृगोपाख्यानेअष्टषष्टितमोऽध्यायः ६८ ॥

युधिष्ठिरउवाच ॥ दोहा ॥ सुरभीदीन्हें जिहिफलहि होतप्राप्त जन
पर्म । कहौताहि बिस्तारिकै हमसोंतात सधर्म ॥ फलसुरभी के
दानको कह्यो आपु बहुवार । तस पैन मैं अबहिंभो सुनहु सु-
बुद्धि अगार ॥ भीष्मउवाच ॥ चरणादोहा ॥ यकइतिहास कहत हम
यामें सुनु सो छोड़िप्रमाद । उद्दालक औ नाशकेतको तामें है
सम्बाद ॥ चरणाकुलक ॥ नाशकेतसों ऐसीबानी । कहत भये उ-
द्दालकज्ञानी ॥ करहु सुसेवा तातहमारी । करिहैं हम मखरचना
भारी ॥ कहिइमि मखरचनामें लागे । उद्दालक ऋषि मुदसों
पागे ॥ पूरणकै मख रचनानीकी । कीन्हीसिद्धिकामनार्हीकी ॥
ऋषिवरजाय और थलमाहीं । लखिकै नाशकेतके पाहीं ॥ कह्यो
बचन इमि हे सुनुराजन । काष्ठदर्भ अरुसुमन सुभाजन ॥ नदि-
कातीर भूलि हमआये । ल्यावोजाय शीघ्रताछाये ॥ दोहा ॥ नाश-
केत ये बचनसुनि गये नदीकेकूल । तहांनहीं देखोकछू संशय
भरे अतूल ॥ चरणाकुलक ॥ नाशकेत अति श्रमसोंछाये । पास
उद्दालक ऋषिके आये ॥ कहतभये इमिवचन पितासों । छाय
रहे अतिही भै भासों ॥ बहिगे सबै नदीके माहीं । काष्ठादिक
देखे हमनाहीं ॥ नाशकेतकी सुनि यहबानी । कै चिन्ता मन
माहिं महानी ॥ इमि करिकोध कह्योऋषिराई । यमको अबहिं
लखो तुमजाई ॥ नाशकेत यहबाणी सुनिकै । कह्यो जोरिकर
शीशहि धुनिकै ॥ होहुप्रसन्न करहु क्रुधनाहीं । कहतहि यह

सुगिरो महिमाहीं ॥ सुतको मृतकदेखि हा कहिकै । उदालक
 शुकशिखिसों दहिकै ॥ दोहा ॥ गिरिगिरि भूमें कहतइमि हाय
 कहाहमकीन । जिमिजिमि सुतको लखतहैं होतदुःख अतिपीन ॥
 पुत्रशोकके माहिं ऋषि भो बिद्वल अतिभूप । बीतिगयो दिन
 कष्टदा आई निशा अनूप ॥ अरिल ॥ रोवत हायहाय ऋषि कहि
 कहि । नाशकेत तनहियमें गहिगहि ॥ तिही समयभो जीवत
 ऋषिसुत । सोवतजग्यो मनहुं चेष्टायुत ॥ जीवतसुत शुकजात
 भयो इमि । भानु उदयते जात तिमिरजिमि ॥ नाशकेतको हिय
 में ऋषिवर । लायकह्यो तुमहौ सुधर्मधर ॥ दोहा ॥ जीते तुम
 शुभ कर्मसों शुभ लोकनको तात । ताते तुमसों औरनहिं तुम
 से तुमहिं बिभात ॥ चरणकुलक ॥ नाशकेत इमि कहतेभये ।
 जोरिपाणि अतिआनंद चये ॥ तात सुआज्ञापाय तुम्हारी ।
 हम अन्तककी पुरीनिहारी ॥ योजन सहसप्रमाण सुजाको ।
 काहुहि मिलतथाह नहिंताको ॥ मोकोदेखि कह्यो यमराई ।
 ल्यावहुआसन शुचिसुखदाई ॥ सो सुनिभृत्य सुआसन
 ल्यायो । कोमल परम प्रभासोंछायो ॥ अन्तककरिकै पूजा
 मेरी । सादरकीन्ही बातघनेरी ॥ तदनन्तर हम यमसों बोले ।
 सब वृत्तान्त हियेकेखोले ॥ दोहा ॥ फेरिकह्यो यमरायसों हम
 इमितात अभर्म । कौन लोकके योग्यहम करु बिचार हे धर्म ॥
 तोमर ॥ सुनि बैन ये यमराय । हमसों कह्यो यहिभाय ॥ तुम
 हौ न मृतकसुजान । बर धर्मवान महान ॥ तव तात होय स-
 कुद्ध । तुमसों कह्यो इमिबुद्ध ॥ तुमजाहु यमकेभौन । किमि
 होय अनृत सुतौन ॥ दोहा ॥ आये तुमतिहि शापते धामहमा-
 रेमाहिं । अब तुम मेरे बचनसों जाहु पिताके पाहिं ॥ चंचला ॥
 जौन होय कामना सुचित्तमाहिं नाशकेत । तौन सर्व हे कहौ
 सुनो सुबुद्धिके निकेत ॥ यों कह्यो सप्रेम होय धर्मराज तात
 मोहिं । बैन ये सुनेसुपर्म में कह्योसु ताहिजोहि ॥ दुःखसों नि-

वृत्तहोत है सुरावरो सुलोक । ताहि प्राप्तभो सु मैं सुनो सुधर्म
 धर्म ओक ॥ पुण्यलोक देखिबे कि कामना भई महान । अद्य
 तौन तौन सिद्धि कीजिये सुधर्मवान ॥ मौक्तिकदाम ॥ सुने ममबैन
 विमान मैगाय । चढ़ायसुतापर मोहिं सचाय ॥ दिखावत भो
 सब लोक अमन्द । लखे तहैं मैं गृहचारु बिलन्द ॥ शशीसम
 शुभ्र महाद्यविमान । लगे तिनमें मणिखम्भमहान ॥ सुहेमक-
 पाट लगे अतिचारु । रही मुकुतालर भूलिसुठारु ॥ सरोवर
 स्वच्छ लसैं तिनपास । करैं तिनमें जलजंतु विलास ॥ रहे बहु
 फूलि सुकुंज अनूप । फिरैं तिनपै अलिभीरि सुरूप ॥ लसैं यहि
 भांति सुतौन अकूत । ग्रसे शशिको मनु हैं तमदूत ॥ बहैं नदि
 का सुभरी जलस्वक्ष । लसैं तिनके चहुँ ओर सुवृक्ष ॥ कितीपय
 की नदिका अभिराम । किती घृतकी सुबहैं छविधाम ॥ लखी
 हम भोजन वस्तु अपार । अनेक विमान महान सुठार ॥ लखे
 सब ये अति मोदहिपाय । यमैं हमपूछतमे ऋषिराय ॥ पञ्चभूती ॥
 इनको सुभोग कहु कर्त्तकौन । सुनुधर्मराय वरधर्म भौन ॥ सुनि
 कै सुबैन ममधर्मराय । इमि कह्यो सुनहु पितहेसचाय ॥ दोहा ॥
 विधिवतपात्र विचारिजे गऊदेत अभिराम । प्रीति सहित ते
 करत हैं इनको भोगललाम ॥ रामगीती ॥ शीलवान सुतपस्वी
 व्रतवान अरु श्रुतिमान । विप्र ऐसेपात्रहैं गोदानके मतिमान ॥
 शुद्धकै त्रयरात्रि व्रतकै भूमिमाहीं शयन । चतुर्थ दिनते सु गो-
 रसपानकै बुधिअथन ॥ बौलिकै श्रुतिमान विप्रहि सहित आ-
 दरमाम । बत्ससह सह कांस्य दोहनि सुरभिका अभिराम ॥
 तीनि दिनलों देत यकयक प्रेमसों जनजौन । महापुण्यहि होत
 ते जन प्राप्त हे बुधिभौन ॥ गऊके अंगमाहिं जेते रोम होहिं
 सुजान । रहत ते ते वर्ष ते हैं स्वर्गमाहिं महान ॥ तिमिहिदृष
 भै देत जे हैं महावीरजमान । धेनुप्रदके लोकको ते प्राप्त होत
 सुजान ॥ नाशकेतउबाच ॥ कह्यो हम यमराजके ये बैन सुनिइमि

तात । कहौ बिन गोदान ये किमि लहैं लोक बिभात ॥ बचन मेरे श्रवण करिकै कहतमे यमराय । लहतजन गोदान बिनहूँ लोक ये सुखदाय ॥ यज्ञ बिनजे देत घृतकी गऊचारुबनाय । लहत ते जन नदी घृतकी रहत नित्यसचाय ॥ घृतबिनाजे देत हैं तिल धेनुको अभिराम । क्षीर सरितापायकै ते रहतमुदसों माम ॥ देत जे जल धेनुको तिल बिनापाये परम । कामदा ते लहत नदिका सुनहुतात सधर्म ॥ धर्मके येवचन सुनिमें भयों मोदिततात । सुनहुतबसों जानतोहों दानयहअवदात ॥ दोहा ॥ जौन शाप हमको दयो तुमही में करिकुद्ध । तौन अनुग्रहसो भयो बहुसुखदायक उद्ध ॥ श्रवण सुधा ॥ शापजौन देतमोहिं आपुके सुकुद्ध । तौन में बिलोकतो सु पुण्यलोक उद्ध ॥ गमक ॥ फेरि फेरि । हेरि हेरि ॥ धर्मराय । कैसचाय ॥ कह्यो येह । कै सनेह ॥ गऊदान । केसमान ॥ दानअन्य । हैंन धन्य ॥ आभीर ॥ तात हे तुम तात । गऊ देहु अवदात ॥ अहंकारको त्यागि । परमप्रेममें पागि ॥ सुरभी देत सुजौन । लहतलोक शुभतौन ॥ सुन्दरी ॥ गोरससों रस और नहींबर । ताहि दिये सुनु हे शुभ धीधर ॥ पावत है जनलोक सुपावन । भावतहै लहिकै अति चावन ॥ दोहा ॥ हमको लोक दिखाय सब धर्मराय मतिमान । कह्यो सर्व गोदानको यहफलतात सुजान ॥ सुनिकै हमगोदानफल लखिशुभलोक बिलास । करिप्रणाम यमकोसुहम आये फिरितव पास ॥

इति श्रीमहाभारतेशान्तिपर्वणिदानधर्मेएकोनसप्ततितमोऽध्यायः ॥ ६९ ॥

युधिष्ठिरउवाच ॥ रामगीती ॥ कह्योफलगोदानको अरुमहातमअभिराम । बिनाजाने एकगौके हरणते अतिमाम ॥ लह्योदुख महिपाल नृगपरि कूपमाहिं गँभीर । ताहि ताख्यो द्वारकामें कृपाकरि बलवीर ॥ सर्वहम सो सुन्यो हे मतिमान तात सुजान । जातहैं सुरभीद जौने लोक माहिं सुठान ॥ कहौ तौने लोकको वृत्तांत

हमसों सर्व ॥ भीष्म उवाच ॥ सुनहु यह परसंग में इतिहास एक
 अखर्व ॥ शक्र बूझतभये इमि लोकेशसों हे भूप । स्वर्गवासी
 जौनजनहैं भरेतेज अनूप ॥ लखेहम गोलोकवासी तिन्हें जीति
 सुजात । भूरि अपने तेजसों ते भरे मोद बिभात ॥ घोरठा ॥ कैसे
 हैं गोलोक तिनमें हैं वर कौन गुण । सुनहु द्रुहिण मुद ओक जन
 तिनको किमि लहत हैं ॥ करत जौन गोदान तेतिनमें कबलों
 रहत । मोमनमाहिं महान इच्छा है यह सुननकी ॥ जयकरी ॥ दीन्हें
 बहु सुरभी अभिराम । कहु फल कैसो होत ललाम ॥ अल्पदान
 सुरभिन को जौन । ताको फल कैसो बुधि भौन ॥ चरणकुल ॥ बहु
 दाता लघुदाता दोऊ । लघुदाता बहुदाता सोऊ ॥ किहिबिधि
 होत समान बखानो । भो मोहिय संदेह महानो ॥ औ सुरभी किहि
 बिधिसों दीजै । कौन विशेष दक्षिणा कीजै ॥ रामगीती ॥ पितामह उवाच ॥
 सुनहु हे सुरराज यह तुम प्रश्न पूछो जौन । याहि पूछै योग्य तुमहीं
 हौ सु हे बुधि भौन ॥ बहुत बिधिके लोक हैं नहिं लखत तिनको
 आप । लखत हैं हम तिन्हें हे सुनु शक्र बुद्धिकलाप ॥ लखति हैं औ
 कामिनी जे प्रतिव्रता अभिराम । लहत तिनको विप्र हे बहु किये
 कर्म ललाम ॥ जरा औ सन्ताप अन्तक रमै तिनमें नाहिं । रहत
 नित्य समोद हैं जे बसत तिनके माहिं ॥ व्याधिको अरु पापको
 नहिं तहां ने कहु लेश । करति इच्छा गऊ जो सो सिद्धि होत सु-
 रेश ॥ सर्व सुन्दर वस्तु हैं गोलोकमें सुरराज । और ऐसो लोक
 है नहिं भरो मोद दराज ॥ शान्तिजिनकी प्रकृति है अरु दयावान
 महान । रहतरत गुरुभक्तिमें जे परम प्रज्ञावान ॥ अहंकारहि
 छोड़िकै वर करत हैं नित धर्म । करत सेवा मातुकी औ पिताकी
 जे परम ॥ करत निन्दा द्विजनकी नहिं किये हू अपराध । करत
 पूजन गऊको जे भरे प्रीति अगाध ॥ कहैं कोमल बचन जे अरु
 सत्य बोलत बैन । देवपूजन करत जे नित देत दीनहि चैन । जातते
 गोलोकको हैं भरे आनंद भूरि । रमत जे परनारिको ते रहत हैं

नितदूरि ॥ मित्रद्रोही छली औ गुरुभक्तहैं नहिंजौन । धर्मद्रोही
 ब्रह्मघाती महाअघके भौन ॥ लहतहैं गोलोकको ते कबहुं नहिं
 अमरेश । सुनहु अबहम कहत हैं गोदानको फलवेश ॥ कियो
 जो उत्पन्न धन है कर्मकरि शुभउद्ध । तौन धनसों लेय सुरभी
 प्रीति करिकै उद्ध ॥ बोलि सादर विप्रको जे देत हैं सुरराज ।
 लहतहैं गोलोकमें बसि तौन मोद दराज ॥ द्यूतमें धन जीति
 कै जे लेय सुरभीदेत । अयुत बत्सर तौनजन गोलोकको सुख
 लेत ॥ पाय जो द्विज औरसों सो देत सुमनसों शुद्ध । रहतसो
 गोलोकमेंहै सदा मुदसों उद्ध ॥ सदा जेजन सत्यबोलत नित्य
 रहत अगर्व । विप्र औ गुरुको करें जे क्षमा दोष अखर्व ॥
 लहत तौनहुं मोदबसि गोलोकमें अभिराम । मनहुं सों जे क-
 रत गोके द्रोहका नहिंमाम ॥ देत जे सुरभीनको हैं घास को-
 मल स्वक्ष । धर्ममें अरु सत्यमाहीं रहत तनपर दक्ष ॥ सहस
 गोके दानको फल मिलत ताहि सधर्म । होहिं क्षत्रियमाहिं जो
 ये सगुण अतिही परम ॥ विप्रहीके सदृश तौ फल लहैं स्वच्छ
 अमन्द । वैश्यमें जो होहिंतो फल लहैं धर्म सुरेन्द ॥ शूद्रमाहीं
 होहिं जो ये सगुण स्वच्छ सुरेश । जानु निश्चयलहै तौ वह
 भाग चतुरथवेश ॥ दोहा ॥ सुरभीको लखि मुदितहवै जे जन
 करत प्रणाम । यज्ञकिये को फल मिलत तिनको अति अभि-
 राम ॥ शेरठा ॥ नम्र परम बलवान वृषभ देत जे द्विजनको ।
 तिनको मिलत सुजान फलदश सुरभीदानको ॥ कान्ता ॥ बनके
 माह । हे सुरनाह ॥ बर बुधिभौन । गोकी जौन ॥ रक्षाकरत ।
 मुदसों भरत ॥ इच्छासर्व । तासु अखर्व ॥ सिद्धिसुहोत । हे
 बुधिपोत ॥

इति श्रीदानधर्मगोलोकप्रशनेपितामहशक्रसम्बादेसप्ततितमोऽध्यायः ७० ॥

इन्द्रउवाच ॥ श्रवणमुधा ॥ जानिकै सुहर्त गाय बेचते सुजे हैं ।
 सुनहु द्रुहिण कौन गतिहि प्राप्तहोत तेहैं ॥ पितामहउवाच ॥ मल्लिका ॥

भक्ष्य काज हरतजौन । नरकमाहिं परत तौन ॥ रोमगाय के
जितेक । होहिं वर्षलों तितेक ॥ होतहैं उधारनाहिं ॥ मानुसत्य
चित्तमाहिं ॥ दोहा ॥ बेचनको अरुदानको हरत जौनजन गाय ।
तिनहूँकी एहीदशा होति सुनहु सुरराय ॥ सम्मत जेजन देत
हैं गऊ बधनको परम । अरु जे भक्षत हनत हैं पापी अतिहि
विधर्म ॥ रोम होहिंगो अंगमें तितने वर्ष हजार । नरक माहिं
परिसहत ते बाधा महाअपार ॥ आभीर ॥ हरिकै सुरभी जौन ।
देत बिप्रको तौन ॥ परतनरकके माह । निश्चय हे सुरनाह ॥
दोहा ॥ गोप्रदानमें दक्षिणा दीजै सुवरण स्वक्ष । सुवरण है पा-
वन परम निश्चय जानु प्रतक्ष ॥ भीष्मउवाच ॥ रामगोती ॥ कह्यो
विधि सुरनाथसों यहधर्म अति अवदात । कह्यो श्रीसुरनाथ
नृप दशरथसों हे तात ॥ कह्यो दशरथ रामसों यह धर्मअ-
ति अभिराम । रामकरिकै कृपा लक्ष्मण सों कह्यो बुधिधाम ॥
कह्यो लक्ष्मण विपिनमें बर ऋषिनसों यह धर्म । भये धारण
करत याको सुऋषि ते सब परम ॥ ऋषिनसों सुनि और भूपन
कियो धारणभूप । मोहिं ममगुरु कह्यो करिकै कृपा परम अ-
नूप ॥ यज्ञमें द्विजसभा में गोदानमें द्विजजौन । पढ़त अक्षय
स्वर्गको सो लहत हैं बुधिभौन ॥ दोहा ॥ मघवासों ब्रह्माकह्यो
यहसुधर्मअवदात । जेयहिमेंरतरहतते शशिसेस्वच्छविभात ॥
इतिश्रीशान्तिपर्वणिदानधर्मेपितामहशक्रसम्बादेएकसप्ततितमोऽध्यायः ७१

युधिष्ठिरउवाच ॥ सारठा ॥ सुनहुतात बुधिधाम धर्म प्रवक्ता हौ
तुमहिं । संशयहै यककाम दूरिकरहुसो कैकृपा ॥ रामगोती ॥ होत
का फल किये ब्रतअरु नेमकीन्हेंपरम । कहाफल अध्ययनकीन्हें
होत तात सधर्म ॥ सर्व इन्द्री जीतिबेको कहाफलहै स्वक्ष ।
वेदधारण कियेते फल होत कौन प्रतक्ष ॥ कौन विद्यादानकीन्हें
होत फलअवदात । जे प्रतिग्रह लेत नहिं ते लहतका फल
तात ॥ कहाफल श्रुतिदानमें अरु शूरतामें कौन । कहाफलहै

शौचमाहीं सुनहुबर बुधिभौन ॥ ब्रह्मचारयमाहिं काफल होत है अभिराम । कियेसेवा पिताकी अरु मातकी सुललाम ॥ होत का फल गुरुसेवा कियेते सहप्रेम । दया कीन्हें होतका फल सुनहु तात सक्षेम ॥ किये परदुख दूरिकाफल होतहै हे तात । कहौ तुम अवगाहि हमसों सर्वफल अवदात ॥ भीष्मउवाच ॥ करत विधिवत जौन ब्रतते लहत उत्तम लोक । नेमको फलमिलत है परतक्षही बुधिओक ॥ कियेते अध्ययनविद्या सिद्धिहोत सुअर्थ । मिलत है परलोकमाहीं मोदभूरि समर्थ ॥ सर्व इन्द्री जीतिबे ते होतहै फलजौन । सुनहुसो बिस्तार करिकै कहत हमबुधिभौन ॥ जौन जीतै सर्वइन्द्री लहतसुख सर्वत्र । जाइ बेकी होय इच्छा जातहैं ते तत्र ॥ होति तिनकी कामनाहै सर्व सिद्धि सुजान । प्राप्तकैके स्वर्गमाहीं लहतमोद महान ॥ जीतिबो इन्द्रीनको जो कहतहैं दमताहि । दानते सो श्रेष्ठ है अति कहत बुध अवगाहि ॥ देत दानहि करत दानी कबहुं मनमें क्रुद्ध । करत कबहुं न क्रुद्धहैं दमवान मनमें शुद्ध ॥ सुनहुयाते श्रेष्ठहै दमदान ते अवदात । लहतहै दमवान दमते लोक उत्तमतात ॥ ब्रह्मलोकै होत प्रापत जौनविद्यादेत । जोप्रशंसा करत गुरुकी लहत स्वर्गसचेत ॥ करतजे अध्ययन क्षत्रिय देत दान महान । युद्धमाहीं करतरक्षा औरकी मतिमान ॥ प्राप्तहवै ते स्वर्ग माहीं लहतमोद बिलन्द । रहतरत निजकर्म में जे बैश्य सुनहु नरिन्द ॥ देतहैं अरु दानविधिसों लहत ते दिवलोक । शूद्रहू जो रहैरत निज धर्म में बुधिओक ॥ लहै तौ सुरलोक माहीं परमपावनधाम । शूर बहुपरकार केहैं सुनहुनृप अभिराम ॥ यज्ञमें हैं शूरकेते युद्धमें हैं परम । सत्यमें हैं शूरकेते दानमाहिंसधर्म ॥ कितेइन्द्रिय जीतिबेमें शूरहैं अवदात । योगमें हैं शूरकेते सांख्यमें हैं तात ॥ किते अटवी बासमाहीं शूरहैं अभिराम । शान्तिमें हैं शूर केते सुनहुनृप बुधिधाम ॥ क्षमामें हैं शूर

केते वासगृहके माह । किते कोमल वचनमाहीं शूर हे नरनाह ॥
 वेदके अध्ययनमें हैं शूरकेतेपर्म । गुरुसेवा माहिं केतेशूर तात
 सधर्म ॥ कितेसेवा पिताकीमें शूरहैं महिपाल । किते माताकी
 सु सेवा माहिं शूरविशाल ॥ अतिथि पूजन माहिं केते शूरहैं
 अवदात । किते विद्यादान में हैं शूर हे सुनुतात ॥ लहत
 ये सब शूरहैं नृप महत उत्तम लोक । होतिइनकी कीर्ति जगमें
 रहत नित्य अशोक ॥ दोहा ॥ जन फलउत्तम लहत हैं सत्यव-
 चन ते पर्म । और धर्मनहिं सत्य सम भूपति सुनहु अभर्म ॥
 वेदधरण तीरथ करण हैं नहिं सत्यसमान । सत्यधर्म सोसत्यहै
 जानहुसत्यसुजान ॥ अश्वमेध सहसन नहीं सत्य वचन सम
 तात । सत्यकहतजे जन नृपतितेजन अतिहिबिभात ॥ भुजंगप्र-
 यत्न ॥ तपै सत्यसों भानुशोभाप्रकाशै । ब्रह्म सत्य सों वायु औ
 अग्निभाशै ॥ मही सर्व संसारको भारभारै । फणीसत्य सों
 भूरि भूको सम्हारै ॥ दोहा ॥ पितरहोत परसन्न अरु निर्जर
 सर्वसुजान । तिमिहीं होत प्रसन्न हैं विप्र सुविद्यामान ॥
 रहत निरत निति सत्य में सर्व सुमुनि अवदात । ताते
 तिनमें होतहै महत पराक्रम तात ॥ शेरठा ॥ सत्यवान जन
 जौन तौन लहत मुदस्वर्ग में । ताते हे बुधिभौन सत्य कबहुं
 नहिं त्यागिये ॥ मज्जिका ॥ नीतिमान भूपजौन । स्वर्गलोक माहिं
 तौन ॥ प्राप्त होतहैं सुजान । मोदको लहैं महान ॥ उकटा ॥
 ब्रह्मचर्य्य को जौन । फलसो सुनु बुधिभौन ॥ अरिल ॥ ब्रह्मचर्य्य
 को जौन निवाहत । ताकोसब बहुभांति सराहत ॥ तेहि अ-
 प्राप्त कछूनहिं जानहु । ब्रह्मलोकको लहत सुमानहु ॥ दोहा ॥
 ब्रह्मचर्य्य सब पापको दूरिकरतहै भूप । तेज बढावत अंग में
 परमा करत अनूप ॥

इतिश्रीदानधर्मसत्यमाहात्म्यवर्णनोनामद्विसप्ततितमोऽध्यायः ७२ ॥

दोहा ॥ जो विधि सुरभी दानकी अतिउत्तम है भूप । मो मन

ताको सुननकी इच्छा भई अनूप ॥ जिहिको कीन्हे लहत हैं जन
 अति उत्तम लोक । कहो आपु अवगाहिकै ताहि सुनहु बुधि-
 ओक ॥ भीष्म उवाच ॥ सुनहु तात गोदान ते उत्तम और न धर्म ।
 विधिवत जे गो देत ते कुलको तारत पर्म ॥ विधिवर सुरभी
 दान की मान्धाता भूपाल । बूझत भे वागीशसों करि सनमान
 विशाल ॥ जय करी ॥ मान्धाताकै सुनिकै बैन । कहत भये वागीश
 सचैन ॥ विप्रनको करिकै सतकार । देयनिमंत्रण बुद्धि अगार ॥
 आपु गऊशाला में जाय । पढ़ै मंत्र यह शुभ सुखदाय ॥ सुरभी
 मोमाता अभिराम । पिता वृषभ मुददायक माम ॥ देहि हमें
 सुरलोक अमन्द । औ यहि लोक माहि सुखदन्द ॥ जपि यह
 मंत्र करै तहँ बास । मौन होयकै भरोहु लास ॥ जिहि विधि रहैं
 भूमिमें गाय । तिमिहीं आपहु रहै सचाय ॥ दोहा ॥ दूजे दिन
 गोदानके समय माहि हे भूप । बोलै कोमलता भरे बचन समोद
 अनूप ॥ गऊदान में प्रथम दिन कोहै ब्रत यह भूप । याको क-
 रिकै प्रातही दीजै गऊ अनूप ॥ राम गोती ॥ फेरि सुरभीकी प्रशंसा
 करै ऐसी रीति । देति तिहिको स्वर्गहौ जो करत तुममें प्रीति ॥
 यज्ञकी हौ तुमहि साधन पापहरणी पर्म । सुरभि तुमको पूजि-
 कै जन कोन होत सधर्म ॥ देतिहौ ऐश्वर्य तुमहीं परम आ-
 नन्द उद । करति चञ्चल चित्तको करुणामयी तुम शुद्ध ॥ क-
 रहु माता तुमहमारी नित्यरक्षा पर्म । हरहु मेरे पापको अरु करहु
 मोहि सधर्म ॥ धेनुको जो लेय सो द्विज कहै ऐसे बैन । सुरभि
 हे तुम मोहि औ दाताहि करहु सचैन ॥ सर्वपूरण कामना तुम
 कीजिये अभिराम । भरहु दाताके सगृहमें आपु आनन्द माम ॥
 दोहा ॥ मोल देत जो धेनुको सादर द्विजहि बुलाय । धेनुदानको
 फल लहत तेऊ जन नरराय ॥ बखधेनु जे देत अरु हेमधेनु
 अभिराम । तौ नहु जन गोदानके फलको लहत ललामा ॥ अरिल ॥
 विधिसों देत एक जो सुरभि । होति कामना सब सिधि तिहि

किय ॥ विधिसों बहुत धेनुदें जे जन । तिनके फलहि सकैं कहि
के जन ॥ दोहा ॥ जे जन ब्रतको करतनहिं औ दुर्बुद्धो जौन ।
परम गुप्तयह धर्म जो कहियेतिन्हैं कबौन ॥ महादीपक ॥ सर्वठौर
यह सुधर्म कहिय कबहुँनाहीं । पापमानहैं मनुष्य बहुत लोक
माहीं ॥ धेनुदान सुनेतिन्हैं लागत ना नीको । जानतहैं याहि
भूरि छेशकार हीको ॥ रामगीती ॥ बृहस्पति के बचन सुनिये प्रेम
युत द्वैपर्म । देय सुरभीदान विधिसों द्वै सुस्वच्छ सधर्म ॥ पुण्य
लोकनको सु जे जे गये नृप मतिमान । कहत तिनके नाम हैं
हम सुनहु तात सुजान ॥ उशीनर औ विश्वगश्व सु भूप नृप
धर्मज्ञ । भगीरथ औ यौबनाश्वक मान्धाता प्रज्ञ ॥ भूरियुम्न
पुरूरवा मुचुकुन्द सोमक भूप । चक्रवर्ती भरत औ नृप राम-
चन्द्र अनूप ॥ औ दिलीप महीप वर धर्मज्ञप्रज्ञ महान । गये
सब दिवलोकको ये सविधिकै गोदान ॥ सुनहु ताते नृपयुधि-
ष्ठिर तुमहुँ करिकै हेम । बृहस्पतिके बचन धारण करि सु सविधि
सनेम ॥ बोलि सादर द्विजनको तुम करहु सुरभीदान ॥ वैशम्पायन
उवाच ॥ बैन सुनिये पितामहके युधिष्ठिर मतिमान ॥ करत भो
गोदान विधिसों नैमगहिकै पर्म । महाकीरति भईताते भये
आपु अभर्म ॥

इतिश्रुतिपर्वणिदानधर्मेगोदानमाहात्म्यं नाम त्रिसप्ततितमोऽध्यायः ॥

वैशम्पायन उवाच ॥ चरणाकुलक ॥ भूप युधिष्ठिर आनँदपागे । बैठि
पितामह जूके आगे ॥ जोरिपाणि विनती बहुकरिकै । कहत
भये पुनिइमि रतिधरिकै ॥ युधिष्ठिर उवाच ॥ दोहा ॥ धेनुदानको स-
र्वगुण कहो आपु पुनितात । अवहितृप्त हमनाभये सुनहुबीर
अवदात ॥ वैशम्पायन उवाच ॥ दोहा ॥ नृपति युधिष्ठिरके बचनसुनि-
ये भीषमभूप । कहत भये गोदानके फल को परमअनूप ॥
भीष्म उवाच ॥ चरणाकुलक ॥ शलिवती तरुणीगुण पूरी । अरुबर दु-
ग्धवती अतिरूरी ॥ सब दोषनते रहित दयाला । रूपवती

बलवती विशाला ॥ दीन्हेंऐसी सुरभी बिप्रहि । पापसर्व कटि
जात सुक्षिप्रहि ॥ सब सरितनमें ज्यों सुरसरिता । अतिउत्तम
पापनकी हरिता ॥ तिमि कपिलासब सुरभिनमाहीं । भूपसुन्यों
हम बुधजन पाहीं ॥ युधिष्ठिरउवाच ॥ दोहा ॥ सब सुरभिनके दानते
कपिलाको जो दान । सो किमि उत्तम कहौ करिकै कृपामहा-
न ॥ भीष्मउवाच ॥ यहि प्रसंगमें पूर्वहम सुन्यों बुधनसों जौन ।
सो तुमसों हम कहतहैं सुनहुतात बुधिमान ॥ रामगीता ॥ दक्ष
को इमिकह्यो ब्रह्मा स्वच्छबोलि सुबैन । प्रजाको उत्पन्नकरिये
सुनहुदक्ष सचैन ॥ बैनसुनि लोकेशके ये दक्षकरि सुविचार ।
वृत्तिपूर्वहिं प्रजाकाजै भयो करतसुठार ॥ अमृत आश्रित रहत
जैसे देवता हेतात । रहति है तिमि वृत्तिआश्रित प्रजासबअ-
वदात ॥ वृत्ति प्रथमहिं विरचिकै बर प्रजापति अभिराम ।
फेरि विरची प्रजाको बहु भरे आनंदमाम ॥ प्रजा इच्छावृत्ति
की करि हियेमाहिं महान । दक्षको आह्वान कीन्हो सुनहु
भूप सुजान ॥ प्रजाको तब भयो प्रापित श्रीप्रजापति आय ।
प्रजालखिकै प्रजापतिको भई परमसचाय ॥ वृत्तिदीवे प्रजाको
बर प्रजापति मतिमान । भये पीवत अमृतको सुनु तातपरम
सुजान ॥ वृत्तमे अति अमृत पीकै प्रजापति धर्मज्ञ । अमृत
की शुचि सुरभिलागी कढ़न मुखते प्रज्ञ ॥ सुरभिके सँगकढ़ी
मुखते एक सुरभीपर्म । दक्ष तिहिको भये देखत भरे हर्ष सध-
र्म ॥ करी तिहि उत्पन्न कपिला किती धेनुललाम । लगींवर्षन
दुग्धको ते सर्व अति अभिराम ॥ बहनलागो दुग्ध ताते भये
फेन अनूप । होत जैसे नदिनमाहीं लहरि परमसुभूप ॥ दोहा ॥
बत्सनके मुखते गिरो दुग्धफेन अभिराम । परो शंभुके शीशपै
तौन सुनहु बुधिधाम ॥ शेरठा ॥ करिकै क्रोधमहान तब ललाट
के नेत्रसों । देखतमे ईशान सह बत्सन कपिलानको ॥ दोहा ॥
तिहि लोचनके तेजसों कपिलनको रँगपर्म । विवरणताकोप्राप्त

भो भूपति सुनहु सधर्म ॥ शरणभई तव सोमके सुरभी कपिला
सर्व । ताते सब कपिलानको भो निजवर्ण अखर्व ॥ जयकरे ॥
यह वृत्तांत जानिकैदक्ष । करि विचार मनमाहीं स्वक्ष ॥ शीघ्र
जाय शंकरकेपास । कहत भये इमिसहित हुलास ॥ दुग्धहोत
उच्छिष्टकबौन । बत्सनके पीये मुदभौन ॥ ताते क्रोध न करहु
अखर्व । करौदया कपिलनपै सर्व ॥ कपिला अपनी सन्तति
चारु । भरिहैं लोकनमाहिं सुठारु ॥ ताते लोकनमाहिं अनंद ।
बढ़िहै महासुनहु निर्द्वंद ॥ इनको जो ऐश्वर्यमहान । चाहेंगेसो
सबईशान ॥ यहकहि वृषभदयो अभिराम । दक्षदक्षता करिकै
माम ॥ भये प्रसन्नपायसो सर्व । कियकपिलनपै कृपाअखर्व ॥
दोहा ॥ धारण कीन्हों वृषभको ध्वजामाहिं अवदात । औबाहन
अपनो कियो शङ्कर हे सुनुतात ॥ चरणदोहा ॥ याते वृषभध्वज
औ पशुपति भयो शंभुको नाम । सब देवन दुहुं नामको कियो
रूपात बुधिधाम ॥ दोहा ॥ प्रथम भई उत्पन्न हैं कपिला यहि
विधितात । याते उत्तम हैं महा धेनुनमें अवदात ॥ यही हेतु ते
श्रेष्ठ है इनको दानसुजान । सर्व कामना देतिहैं कपिलाधेनुम-
हान ॥ धेनुनकी उत्पत्तिको यह बिधानजो परम । पढ़त सुनत
शुचिहोयँजे तिनके कटतअधर्म ॥ सम्पति सन्तति मिलति है
रहत निरोगितगात । औ आयुर्वल बढ़तिहै परमापरम बिभा-
त ॥ बैशम्पायनउवाच ॥ रामगीती ॥ पितामहके बचन सुनिकै युधि-
ष्ठिर महिपाल । वृषभ औ कपिलानको भे दानदेत विशाल ॥
दई सुरभी और केती हर्षसहित महान । यथोचितदैं दक्षिणा
करिद्विजनको सनमान ॥

इति श्रीशान्तिपर्वणिदानधर्मयोगोदानप्रशंसावर्णनेचतुःसप्ततितमोऽध्यायः ॥

भोष्मउवाच ॥ आभीर ॥ सुनु सधर्म नरनाह । एकसमयकेमाह ॥
बरभूपति सौदास । अतिहीभरे हुलास ॥ ऋषि वशिष्ठसोंपरम ।
पढ़तभये सधर्म ॥ सौदासउवाच ॥ चंचला ॥ तीनहुं सुलोकमाहिं श्रेष्ठ

है कहा अनूप । ताहिनेमसों किये सुपुण्य होय ज्ञानरूप ॥ कैकृपा
 कहो सुआपु मोहिं हे बशिष्ठदक्ष । पूछिबे सुयोग्य और आपुसों न
 है प्रतक्षा ॥ मधुमार ॥ सुनिबैनयेह । ऋषि वृद्धिगेह ॥ गोस्तव सुस्व-
 क्ष । भेकहतदक्ष ॥ रामगीती ॥ लक्ष्मीको मूलहैं गो महामंगल धाम ।
 यज्ञसाधन औ महाधन मोदकारणि माम ॥ पापसागर पारक-
 रणी धेनुहैं अभिराम । परेतिनके चरणकीरज होत देहललाम ॥
 धेनुही हैं वषट्स्वाहा मंत्र परमअमंद । धेनुहीसों लहतहैं सुर
 वृन्दमोदबिलन्द ॥ होम कीबे प्रात सायङ्काल हौम्यअनूप ।
 देतिहैं गो ऋषिनको नित परमपुण्य स्वरूप ॥ दोहा ॥ कहैं कहां
 लौं धेनुके गुणको है नहिं अन्त । याते को समताकरै धेनुन की
 क्षितिकन्त ॥ पञ्चमाली ॥ जिहिके सुहोहिं दशधेनु भूप । द्विजको सु-
 देयसो यकअनूप ॥ जिहिके सुहोहिं शतधेनु पर्म । दशदेय द्वि-
 जनको सो अभर्म ॥ जिहिके सुहोहिं यक सहसगाय । शतएक
 तौन दे कै सचाय ॥ यह पर्मधर्महै हे नरेश । अवगाहि कहत
 बरबुधसुवेश ॥ रामगीती ॥ अग्निहोत्र सुकरै जाके होहिं शतगो
 पर्म । होहिं जाके सहसगो सो करै यज्ञअभर्म ॥ करै जो नहिं
 होहिं तौ बरपूजनीय न भूप । कहतहैं अवगाहिके बुधशास्त्र
 देखिअनूप ॥ तोमर ॥ करिधेनु को हियध्यान । जपिकै सु-
 नाम सुजान ॥ करिये सुसैन सचैन । सुनु भूपबुद्धि सुऐन ॥
 अरु प्रातहू उठिपर्म । जपि धेनुनाम सधर्म ॥ धरिये सुभूमहैं
 पाय । बरधर्मयह नरराय ॥ नितप्रात सायंकाल । करिये प्रणाम
 विशाल ॥ दोहा ॥ गोकेमूत्र पुरीषको करिय उलंघननाहिं । पावन
 कैकै जाइये गोशालाकेमाहिं ॥ अरिल ॥ विप्रनको घृतदीजै पावन ।
 औ हुनिये शिखिमाहिं सचावन ॥ भूपतिसुनहु धर्मयह भावन ।
 याहिकिये वपुहोत सुहावन ॥ दोहा ॥ गोकपिलाके दानको देत
 सबिधिहैं जौन । सबदाननको फललहत रहत समुदहैं तौन ॥
 इति श्रीशान्तिपर्वणिदानधर्मगोदानमाहात्म्ये पंचसप्ततितमोऽध्यायः ॥ १७५ ॥

तोमर ॥ शतसहस्रवर्षमहान । हमकीन्ह तपधरिज्ञान ॥ तबहुं
मिली नहिंमाम । शुचिश्रेष्ठता अभिराम ॥ सुरभीनते सोपर्म
हमकोमिलोसु सुधर्म ॥ यहितेसु उत्तमजानि । अतिप्रीतिहिय
में आनि ॥ नितधेनुकीअभिराम । हमकरतसेवामाम ॥ रामगीती ॥
कहतिहैं यहिभांति सुरभी सुनहु नृपबुधिभौन । दक्षिणा जेसर्व
तिनमें है हमारी जौन ॥ परम उत्तम दक्षिणाहै करत जे जन
जाहि । परमपरमा लहतते जन देतअघवनदाहि ॥ कियेस्ना-
नपुरीषसों ममहोय जन सुपवित्र । भूमिमें इमि लसतजैसे
व्याम माहिं सवित्र ॥ करत मम सुपुरीषसों हैं धाम पावनप-
र्म । देवता अरु मनुजजेते सुमतिमान अभर्म ॥ देतहमको
जौनजन ते लहतउत्तमलोक । महत आनंद पायकरिकै रहत
नित्य अशोक ॥ चित्त थिरिकै कियो सुरभिन महातप अभि-
राम । प्राप्तभे तब तिन्हें ब्रह्मा अन्त तपके माम ॥ कह्यो इमि
सुरभीन सों विधिजौन ईछितहोय । मांगिये वरदान तुमको
देहुंगो मैं सोय ॥ बैनमुनि लोकेशके ये सुरभिका मुदपाय ।
भईयह वरदान मांगति भई परम सचाय ॥ करें पावन लोक
को अरु लोकको उद्धार । देहु यहवरदान हमको सुनहु द्रुहिण
उद्धार ॥ बैनये सुरभीनकेसुनि द्रुहिण हर्षितहोय । कह्यो ऐसे
दयो यहवरदान तुमकोजोय ॥ परमपावनलोक करि तुमकरौ-
गी उद्धार । लेय यह वरदान सुरभी उठीमुदित अपार ॥ द्रुहिण
के वरदानते अतिभई पावनधेनु । श्रेष्ठसबही कहत तिनको
तिन्हें पूजतकेनु ॥ प्रातउठि जे नामगोको लेय करत प्रणा-
म । पुष्टिको ते होत प्रापत कटत रोग सुखाम ॥ महासूधी
दुग्धवन्ती बख सहिताचारु । तुल्यवत्सा धेनुकपिला देतजौन
सुठारु ॥ ब्रह्मलोकै माहिं ते जन पूज्यहोय विभात । होतहै अ-
वदात शोभा तौन नित सरसात ॥ तुल्यवत्सा अरुणवर्णा दु-
ग्धवन्ती पर्म । शीलवन्ती बखसहिता देतजौन सधर्म ॥

भासकरके लोकसेते होतपूज्य सुजान । होत तिनके अंगमाहीं
 परमतेज महान ॥ तुल्यवत्सा शीलवन्ती बस्त्रवन्ती स्वक्ष ।
 कर्बुरा शुचिधेनुको जे देतहैं सुनु दक्ष ॥ पाय ते जन चन्द्र-
 माके लोकको अभिराम । होतहैं अतिपूज्य परमा लहतपरम
 ललाम ॥ तुल्यवत्सा श्वेतवर्णा दुग्धवन्ती माम । शीलवन्ती
 बस्त्रसहिता दियेगो छविधाम ॥ होय सुरपति लोकमाहीं पूज-
 नीय अमन्द । प्रशंसासुर करतजाकी प्रभा लहत बिलन्द ॥
 तुल्यवत्सा दुग्धवतिका शीलवतिका पर्म । बस्त्रसहिता धेनु
 कृष्णा देतजौनसधर्म ॥ होतयमके लोकमाहीं प्राप्तहैं जनतौ-
 न । देखिशास्त्रहि कहतहैं बुध सुनहु नृपबुधिभौन ॥ धेनुजल
 के फेणऐसी श्वेतअति अभिराम । शीलवतिका दुग्धवतिका
 बस्त्र सहिता माम ॥ तुल्यवत्सा धेनुको सहकांश्य दोहन
 चारु । देतजे तेवरुणलोकहि प्राप्तहोत सुठारु ॥ वायुसों जो
 उड़तहै रजवर्णताकेहोय । तुल्यवत्सा हर्षहीमें होयताकोजोय ॥
 बस्त्रचारु उदायकै तिहिधेनुको अभिराम । देतजेजन लहत
 सारुत लोकमें हैंधाम ॥ हेमवर्णा तुल्यवत्सा शीलयुक्तापर्म ।
 बस्त्रचारु उदायकै तिहिधेनुको सुअभर्म ॥ देतजेजन लहत
 तेजन वरुणलोक सुजान । वरुणकीसी अंगमाहीं होतिभास
 महान ॥ होयकुन्दनवर्णजाको बनोअति अभिराम । होहिंजाके
 नैनपीरे चारुसुखमाधाम ॥ तुल्यवत्सा शीलयुक्ता दुग्धवतिका
 पर्म । बस्त्रचारु उदायकै तिहिधेनुको सुअभर्म ॥ कांश्यदोहन
 सहित सादर विप्रको जेदेत । लोकमाहिं कुबेरकेते परम मोद-
 हिलेत ॥ सांसको जो धूमतैसो वर्ण जाकोहोय । सबत्सा अरु
 दुग्ध जामें परै सब गुणजोय ॥ बस्त्रयुत तिहिधेनुको करिदेत
 हैं जनजौन । लोकमाहीं पितरके जनहोत प्राप्ततौन ॥ होय
 कमलचारु जाको रंगपीरोपर्म । तुल्यवत्सा दुग्धवतिका होय
 सुनहु सधर्म ॥ अलंकृतयुत कांश्यदोहस सहितऐसीगाय ।

दिये विश्वेदेवको शुचि लहत लोक सचाय ॥ गौरवर्णा दुग्ध-
वतिका शील युक्तास्वक्ष । तुल्य बत्सा ताहि करिकै वस्त्र युक्ता
दक्ष ॥ देत जे जन कांश्यदोहन सहित अति अभिराम । प्राप्तकै
बसुलोकको ते लहतहैं मुदमाम ॥ पाण्डु कम्बलकी सु आभा
होति जाके माहिं । तुल्य बत्सा होय जामें नेक दूधनाहिं ॥ सविधि
ऐसी धेनु दीन्हें बिप्रको अवदात । साध्य सुरके लोकको ते
प्राप्त होय बिभात ॥ पीठि जाकी होय दृढ़ अरु होहिं अंग सब
शुद्ध । होय कम्बल चारु जाको शीलमय बल उद्ध ॥ करि सुभू-
षित रत्नसों तिहि वृषभको अभिराम । देत जेते मरुत लोक-
हि लहतहैं बुधिधाम ॥ होय भारी अंग जाको चारु बैसनवीन ।
लहत जन गन्धर्व लोकहि दिये ताहि प्रवीन ॥ होय जिहिवर
वृषभको अति चारु कम्बल स्वक्ष । रत्नसों करि ताहि भूषित
देत जे जन दक्ष ॥ प्रजापति के लोकमें ते प्राप्त होत सुजान ।
बिगतकै शोकसों ते लहत मोद महान ॥ रहतहैं गोदानमें
रतजौन जन अवदात । भानु से सुबिमान पै चढ़ि स्वर्गको ते
जात ॥ करति ताहि प्रसन्नहैं नित देवतनकी दार । चाहि लो-
चन कोरसों हँसि करै भाव अपार ॥ धेनुके अंग माहिं जेते होहिं
रोम सुवेश । स्वर्ग माहीं रहत तेते वर्ष सुनहु नरेश ॥ दोहा ॥
दिवते च्युत जब होतहैं भूमि माहिं तब आय । बिप्र वर्णमें जन्म
लै निशिदिन रहत सचाय ॥ किये धेनुके दानको जन ऐसो
फल लेत । धेनु दानसों और नहिं भूपति सुनहु सचेत ॥

इति श्रीदानधर्मगोदानमाहात्म्यवर्णनो नाम षट्सप्ततितमोऽध्यायः ॥ ७६ ॥

बशिष्ठ उवाच ॥

दोहा ॥ सुरभी अति करिकै कृपा रहो धाम मम
माहिं । मैं निशिदिन सुरभीन के रहौं चावसों पाहिं ॥ अरिल ॥ सु-
रभी चारौ ओर रहौं मम । बसैं सर्वदा सुरभिनमें हम ॥ सायं-
काल जपै यहि मंत्रहि । तिमिहिं प्रात उठि होय स्वतंत्रहि ॥
निशिदिन माहिं किये ज अघ अति । ते सब छूटि जात मानो

सति ॥ एक सहस्रदेत गो जो जन । बसि मुदलहत स्वर्गमें
 सो जन ॥ तोमर ॥ यकलक्ष सुरभी जौन । जनदेतहैं बुधिभौन ॥
 द्विजबोलि सादर पर्म । बिधिसहितहोय अभर्म ॥ बरवृद्धिल-
 हियहलोक । मुदपाय रहत अशोक ॥ दशपुस्ति तारि सुतौन ।
 पुनि करत दिवको गौन ॥ यह दानके समपर्म । नहिं और दान
 सधर्म ॥ दोहा ॥ सुरभी ऐसीसुरभिही यहि जगमाहिं बिभात ।
 श्रेष्ठभयो नहिं होयगो सुरभीसम अवदात ॥ माताहै सब जग-
 तकी सबते उत्तमपर्म । कीन्हेंतिनकी बन्दना जनगण होत स-
 शर्म ॥ धेनुदान फलको कह्यो तुमसों हमयकदेश । श्रेष्ठ और
 गोदान सम है नहिंसुनहु नरेश ॥ भीष्मउवाच ॥ मधुमार ॥ ऋषि
 के सुबैन । नृप सुमति ऐन ॥ सुनिक्कै सचाय । द्विजवर बुलाय ॥
 सुरभी सुठार । गुणकी अगार ॥ भो सबिधि देत । कैंकै सचेत ॥

इतिशान्तिपर्वणिदानधर्मर्मेगोप्रशंसायांसप्तसप्ततितमोऽध्यायः ७७ ॥

युधिष्ठिरउवाच ॥ दोहा ॥ श्रेष्ठ कौनहै जगतमें अरु अति पावन
 कौन । कहौमोहिं अवगाहिकै सुनहुतात बुधिभौन ॥ भीष्मउवाच ॥
 बोरठा ॥ तिहुंलोकनके माहिं सुरभी पावन परम है । सुरभी की
 समनाहिं और कोय तिहुंलोकमें ॥ रामगीती ॥ नहुषभूप ययाति
 अरु वर मान्धाता भूप । निरन्तर गोदानकरिकै सहित प्रेम
 अनूप ॥ सुरन्हहूको परम दुर्लभ जौनलोक सुठान । प्राप्तभे
 तिहिलोकको ते भरेमोद महान ॥ धेनुदान प्रसंगमें हम और
 यक इतिहास । कहतहैं सो सुनहुनृप तुमलाय मनबुधिरास ॥
 भये बूझत पितासों शुक सुमतिमान महान । कौनसो है श्रेष्ठ
 मखसब मखनमाहिं सुजान ॥ औ कहौ किहि कर्मसों जनलहत
 उत्तमथान । स्वर्गको किहि कर्मसों सुरकरत भोग सुठान ॥ कहां
 थितिहै यज्ञकीकहु मोहिंतात प्रतक्ष । कहा उत्तम देवतनको
 बस्तुहै अतिस्वक्ष ॥ अतिपवित्र सुकहाहै सो कहौ हमको तात ।
 व्यास सुनिये बचनसुतके कहतभे हर्षात ॥ व्यासउवाच ॥ रहीं पूरब

शृंगविन गो सुनहु सुत मतिमान । कामनाते शृंगकी करिहिये
 माहिं महान ॥ चरणाकुलक ॥ करतिभई आराधन विधिको । गहि
 कै नेम कामना सिधिको ॥ तव प्रसन्नकै ब्रह्मा आये । शृंग
 दिये तिनको मनभाये ॥ सुरभी शृंगपायकै नीके । मुदितभई
 अतिमाहीं हीके ॥ विधिसों बरलहि होय सशृंगा । भई पवित्रा
 अति शुभअंगा ॥ विधिवत तिन्हें देतहैं जे जन । परम होतहैं
 सुकृती तेजन ॥ तेमर ॥ जहैं भूमि मणिमय चारु । वनबाग पर्म
 सुदारु ॥ बर जलाशय अभिराम । मणिकी सिढ़ीं सुललाम ॥
 तिनमाहिं कंजसुठान । शुचिरहे फूलि सुजान । बहु कल्पतरु
 अवदात । अतिफूलिफलि सुबिभात ॥ गिरि हेमके सुअमन्द ।
 मणिशृंगवान बिलन्द ॥ सरिता अनूप अनेक । बहु बहति जहैं
 सविवेक ॥ यहि भांतिके जे लोक । तिनमाहिं होय अशोक ॥
 सुरभीद जन अवदात । नित रमतहैं सुनु तात ॥ आभीर ॥ सुरभी
 को जन जौन । सेवतहैं बुधिभौन ॥ तिनपै होय दयाल । सुख-
 दा धेनु विशाल ॥ दुर्लभवर अभिराम । देतीहैं बुधिधाम ॥ म-
 नहूसों गो माहिं । करियद्रोहको नाहिं ॥ रामगीती ॥ पिये त्रयदिन
 सुरभिकाको उष्णमूत्र सुठार । उष्णपयकोपिये त्रयदिन सुनहु
 बुद्धि अगार ॥ उष्णघृतको पिये त्रयदिन औ सुत्रयदिन बायु ।
 परम ब्रूत यह कहतहैं अवगाहिकै बुधरायु ॥ किये यह ब्रूत मो-
 गतेहैं स्वर्गको सुरसर्व । परम पावनहै सुब्रत यह सुखद स्वच्छ
 अखर्व ॥ कढ़त गोमयमाहिं जेयव तासु भोज्य बनाय । खातजेजन
 सर्व तिनके महत अधनशिजाय ॥ लहैं दानव वृन्दसों सबदेव
 हारिमहान । कियो यहव्रत नेमगहिकै सुनहु तात सुजान ॥ लई
 तिहिते दनुजगणसों फेरिजीति बिलंद । दिवश्रीकोभये प्रापत
 छये भूरिअनंद ॥ जयकरी ॥ करि सु आचमन निर्मलहोय । परम
 हर्षको हीमेंभोय ॥ गऊवृन्दके माहिं सुजान । जपैगोमती मंत्र
 सुठान ॥ ब्राह्मण प्रज्ञावान अमंद । कैकै निर्मल परम अदंद ॥

धेनुमाहिं अरु पावकपाहिं । अरु बरबिप्र सभाकेमाहिं ॥ मख
सम मंत्रगोमतीस्वक्ष । शिष्यनको सु पढ़ावै दक्ष ॥ तीनरात्रि
बृतकरिकै पर्म । जपै गोमतीमंत्र सधर्म ॥ लहै अपुत्री पुत्रहि
चारु । औ धनको निर्द्धनी अपारु ॥ नारीपाय चारुभरतार ।
तिनहीं लहैं अनंद सुठार ॥ मानवलहैं कामनासर्व । करेंजौन
हियमाहिं अखर्व ॥ सेवनते तुष्टितकै गाय । देतिकामना सर्व
सचाय ॥ यहतुम निश्चय जानहुतात । गोसम श्रेष्ठ न और
विभात ॥ सुनिशुक ये सुपिताकेबैन । सुरभी पूजन लगेसचैन ॥

इतिश्रीशान्तिपर्वणिदानधर्मेगोमाहात्म्येअष्टसप्ततितमोऽध्यायः ७८॥

युधिष्ठिरउवाच ॥ रामगीतो ॥ कियोधेनु पुरीषको लक्ष्मी सुसेवन
पर्म । सुनत यहहम सुनु पितामह सुमतिवान अभर्म ॥ होतहै
यहिमाहिं संशय करहुसो तुम दूरि । आपुसों नहिं और कोई
हरणसंशयभूरि ॥ भीष्मउवाच ॥ कहतहों इतिहास यक सो सुनहु
छोड़ि प्रमाद । लक्ष्मी अरु गऊको तामाहिं है सम्बाद ॥ चारु
बपुधै रमागोधन माहिकीन प्रवेश । भई सुरभी चकित ताको
देखिरूप सुवेश ॥ गौरुबाच ॥ कौनहै तू देविआई कहां ते भूमाहिं ।
भो हमारेहिये अचरज रूपतेरोचाहिं ॥ करतिहैं हमपरम इच्छा
जानिवेकी तोहि । जायगीतू कहां हमको कहौ सत्यहि जोहि ॥
लक्ष्मीरुबाच ॥ गमक ॥ लोकमाहिं । औरनाहिं ॥ मोसमानिरूपमानि ॥
रमानाम । मो सुआम ॥ नोदरूप । हों अनूप ॥ रामगीतो ॥ युक्त मोसों
देव हैं ते नित्य मोदहिलेत । युक्तदानव वृन्दनहिं तेभये नष्ट
अचेत ॥ बायु इन्द्र उपेन्द्र और बियुक्त मोसोंपर्म । सिद्धिको ते
लहतहैं नितसुनहु सुरभिसधर्म ॥ नष्टतेई होतजिनमें करतिमें
न प्रवेश । अर्थधर्म सुकाम मोसों सिद्ध होत सुवेश ॥ हैप्रभाव
हमार यहनिज सुनहु सुरभीसर्व । बसतजिनमें मैं सुतिनमें बस-
तमोदअखर्व ॥ दोहा ॥ इच्छा तुममें बसनकी मैंहों करतिमहान ।
देहों मैंतुम सबनको शोभा महासुठान ॥ गौरुबाच ॥ जयकरी ॥ क-

बहुं थिरति तू कबहूंनाहिं । अति चंचलताहै तो माहिं ॥ एक-
हि तजति एक पै जाति । ऐसी तो सुबाणिसरसाति ॥ याते
चाहति तोकोनाहिं । जाहु जहां आवै मनमाहिं ॥ रूपवतीहम
हैं सब देखु । काकारज है तोसों लेखु ॥ श्रीरुबाच ॥ यहतुमकहा
कहति हौ सर्व । हवैकै प्रज्ञावती अखर्व ॥ कहिवे योग्य नहीं
ये बैन । क्यों इनसों मोहिं करति अचैन ॥ चरणाकुलक ॥ काहेग्र-
हण करति नहिं मेरो । परमदुर्लभा हों मैं हेरो ॥ सुरअरुअसुर
उरगगन्धर्वा । राक्षस और पिशाच अखर्वा ॥ अतिही महत
उग्र तपकरिकै । सेवत मोहिं प्रेमबहु धरिकै ॥ तीनहुँलोक च-
राचरमाहीं । मैं हों परिभव योग्यानाहीं ॥ अरिल ॥ जौनजात
काहुपै सादर । आपुहि सो अति लहत निरादर ॥ लोकमाहिं
यहबात बखानिय । सो हमसत्य आजुही जानिय ॥ गौरुबाच ॥
काव्य ॥ सुनहु देवि हमकरत अनादर तेरोनाहीं । जानत तेरी
चंचलताअतिहीके माहीं ॥ बरजतियाते तोहिं न आवहुपास
हमारे । बरजे ते अपमान करुं हम नाहिं निहारे ॥ बहुत
बारतालाप किये लागत नीको नहि । जहँमनआवै तहांजाहु
हठ राख्यो क्योंगहि ॥ श्रीरुबाच ॥ सुनहु सुरभि सब करिहौ जौ-
नहिं मेरेआदर । हवैहै तौ सब लोकनमें ममभूरि अनादर ॥
अरिल ॥ तुम सब होहु प्रसन्न कृपाकरि । शरणागत रक्षकपण
हियधरि ॥ हों शरण्य शरणागतकी तुम । गह्यो शरण तुम्ह-
रो अब हैं हम ॥ मधुमार ॥ सुनु सुरभिसर्व । गहिरति अखर्व ॥
रक्षाहमार । कीजै सुठार ॥ पञ्चभली ॥ कल्याणरूप तुम सुरभि
सर्व । अरु मोदकारिणी हौ अखर्व ॥ तुमसों सुनित्य लीबे सु-
मान । इच्छासु करति हमहैं महान ॥ चरणाकुलक ॥ बसब अर्द्ध
अंग माहितुम्हारे । जीमें इच्छा भई हमारे ॥ तुम्हरे सब अं-
गनकेमाहीं । एकहु कुत्सित जान्योनाहीं ॥ आज्ञादेहु सु जिहि
अंगमाहीं । बसिवे की हम बसैं तहांहीं ॥ कमलाकी यहबाणी

१८६ . शान्तिपर्वदानधर्मदर्पणः ।

सुनिकै । सर्वा सुरभीहीमें गुनिकै ॥ कहत भई इमिश्रीसोंबानी ।
अतिही करुणा रससों सानी ॥ अर्द्ध चरणा दोहा ॥ करिहैं हम
सनमान तव निश्चय करु हियमाहिं । पावनमूत्र पुरीषतुम्हा-
रो यामें संशयनाहिं ॥ तोमर ॥ तिहिमाहिं तू सुप्रवेश । करि हे
सुदेवि सुवेश ॥ श्रीसुबात ॥ तुम्हरी कृपा शुचिपाय । हम भई
परमसचाय । हमसों कह्योतुम जौन । करिहैंसु अचहितौन ॥
सुरभीन सों इमिवैन । कहिकै रमा मुदऐन ॥ दोहा ॥ सब सुरभि-
नके देखतै कमला अन्तर्द्धान । भई तहांहीं सुनहुनृप प्रज्ञावान
महान ॥ कह्यो महातम बर्णिकै गो पुरीषकोजौन । फेरिमहा-
तम कहत हैं सुरभिनको सुनुतौन ॥

इति श्रीमहाभारते दानधर्मे गौमेयमाहात्म्ये एकोनाशीतितमोऽध्यायः ७९ ॥

भीष्मउवाच ॥ दोहा ॥ सबिधिगऊजे देतहैं सादर विप्रबुलाय ।
तिनको नित्यहि यज्ञ है सुनहुप्रज्ञ नरराय ॥ जयकरी ॥ दधिघृत
बिना होत नहिं यज्ञ । सुनहु युधिष्ठिर भूपतिप्रज्ञ ॥ याते यज्ञ
मूल तू जानि । सुरभिहि और न हिय अनुमानि ॥ सेवत इन्हें
पुष्टिके काज । अरु दुखशांति अर्थ नरराज ॥ सुरभिनके दधि
घृत अभिराम । पाप प्रमोचन हैं बुधिधाम ॥ यह लोकहु पर-
लोकहुमाहिं । श्रेष्ठ गऊसम कोऊनाहिं ॥ परमतेज हैं तिनमें
उद्ध । सुनहुभूप जानत बरबुद्ध ॥ दोहा ॥ यहि प्रसंगमें कहतहों
इक इतिहास अबाद । ब्रह्माको अरु इन्द्रकोतामें है सम्बाद ॥
रामगीती ॥ पराजय में दैत्यगणकी शक्र अरु सुरसर्व । उरगऔ
गन्धर्व किन्नर असुर तिमिहिं अखर्व ॥ गरुडनारद और ऋ-
षिवर प्रजा मुदिता पर्मे । काल कौनहु माहिं येसब सुनहुतात
अभर्म ॥ रहे पूजत पितामहको भरे हर्ष अपारु । रहेगावतराग
हाहा औसु हूहूचारु ॥ करत होतहैं प्राप्तमारुत फूल परमअ-
नूप । ऋतुनचारु सुगंधको बगरायराख्यो भूप ॥ चतुर्विधि जहैं
रहे बाजा बजत अति अभिसम । रही नाचाति अप्सरा रंभादि

गायललाम ॥ तिहि समयमें भये बूझत द्रुहिणको सुरराय ॥
 सुरराजउवाच ॥ हेपितामह हहौकौनेहेतसौं सुखदाय ॥ देवतनकेलो-
 कपै गोलोकहै अभिराम । जानिबे यह भईमेरे हियेइच्छामाम ॥
 ब्रह्मचर्यसु कियोकी इनकियोहै तपभूरि । सुरनऊपर बासकरि
 कै रहीं सुखसोंपूरि ॥ अंतगुरुतामर ॥ सुनि बैनये सुररायके । अ-
 तिही सु संशय भायके ॥ यहिभांति बिधि कहतेभये । सुरराज
 को मतिसों रये ॥ दोहा ॥ नित्य अनादर तुमकियो सुरभिनको
 सुरराय । याते इनको महातम जान्योनाहीं जाय ॥ सुरभिन
 को परभाव अरु परम महातम जौन । सो मैं तुमसों कहतहौं
 सुनहु लायमन तौन ॥ जयकरी ॥ गोकुलपुत्रनसों अभिराम ।
 कृषी करतहैं जगजनमाम ॥ ताते विविध बीज उत्पन्न । होत
 औ सुजगमें बहु अन्न ॥ तेहिते प्रजा रहति मुदछाय । नि-
 इचय जानहु हे सुरराय ॥ नितहि मुनिनको करति निवाह ।
 तिमिहि प्रजाको हे सुरनाह ॥ याते बसिकै धेनु बिभात । स्व-
 र्गलोक ऊपर अवदात ॥ अमरन पर बसिबे को जौन । सुर-
 भिनको कारणहै तौन ॥ बर्णिकह्यो तुमको हमसर्व । हेसुरपति
 सुखमान अखर्व ॥ जौन अर्थको गोभू माह । आईतौन सुनहु
 नरनाह ॥ पूर्वभयो वृत्तांत सु एक । कहत तुम्हें सो हम सवि-
 वेक ॥ रामगीती ॥ करतहौं सुरराय रक्षा लोककी अभिराम ।
 आयकै बलि दैत्यपति तहैं युद्ध रचिकै माम ॥ जीति रण में
 अमरपतिको छीनलीनोराज । अदितिके हियमाहिंतासों भयो
 दुःख दराज ॥ लसी कश्यप को सु ऐसे कहनसों दुखछाय ।
 हायमोसों सुतनको दुख सह्यो नाहींजाय ॥ अदितिके सुनि
 वचन कश्यप कहे ऐसे बैन । करुअराधन विष्णु प्रभुको चित्त
 लाय सचैन ॥ वचन कश्यपके सुने ये अदिति मुदसों छाय ।
 करनलागी महत तपको चित्त थिरकैलाय ॥ अदितिकी बर
 तपस्याते कै प्रसन्न अनूप । विष्णुआये गर्भमाहीं अदिति के

मुदरूप ॥ अदितिको तप देखि सुरभी हर्ष हियमें छाये । क-
 रनलागी महत तपको चित्त थिरकैलाय ॥ शिखरपै कैलास
 गिरिके आयकरिकैपर्म । एकपदसों होयठाढ़ी करि सुचित्त अ-
 भर्म ॥ सहस ग्यारह वर्षकीन्हों महत तप अभिराम । तेजसों
 बहुरयो ताको भयो तन अतिछाम ॥ सुनहुताके महततपसों
 देवऋषि अरु सर्प । गयेताके पासमेरे साथहोय अदर्प ॥ गये
 ताके पास मोदित कियो पूजन तास । ता अनन्तर ताहि पूं-
 छत भये हम सहुलास ॥ सुरभि कहुकिहि अर्थयह तप कियो
 घोर महान । देखि तवतप भये हम परसन्न अतिहि सुठाना ॥
 मांगु तू बर अबहिं बाञ्छित सुरभि सुनु तपधाम ॥ सुरभीउवाच ॥
 कृपाजोहै रावरी सो परम बर अभिराम ॥ जानती नहिं तव
 कृपासम और हम बरदान ॥ ब्रह्मोवाच ॥ कह्यो हमइमि सुरभि
 का के बैनसुनि मतिमान ॥ कामनासों रहित तेरी तपस्या सों
 पर्म । भये अतिहि प्रसन्नहैं हम कहत तोहिं अभर्म ॥ देहिंगे
 अमरत्व ताते तोहिं बर अभिराम । बसोगी तुम लोकतीनहुं
 उपरिसुरभि ललामा ॥ परमधन्या तव सुकन्या बसैगी भू माहिं ।
 नशैंगे सब पाप जनके गये तिनके पाहिं ॥ सुरनके अरु देव-
 तनके भोगजेहैं सर्व । प्राततोको होहिंगेते सुनहुदेवि अखर्व ॥
 सुनहु हे सुरराज सुरभी लोक अति अभिराम । जातिहै क-
 बहूं न तेहां मृत्युबर बलधाम ॥ जराऔ संतापतेहां कहूंनाहिं
 दिखात । तासु महिमा सर्व लोकन माहिंहै विख्यात ॥ परम
 दिव्य अरण्यहैं जहूं अशुभको नहिलेश । प्रशंसा नहिंजात
 ताकी कहीसुनहु सुरेश ॥ ब्रह्मचर्य्य सुवर्त्तसों अरु सत्य सों
 अभिराम । महततपसों दानसों अरु पुण्यसों सुललाम ॥ तीर्थ
 सेवन किये ते अरु चारु कीन्हें कर्म । होतहै गोलोक प्रापत
 सुनहुशक्र सशर्म ॥ अनादर सुरभीनको कबहूंन करु सुरराया
 करहु आदर सर्वदाहै गऊ अतिसुखदाय ॥ तामर ॥ हमसों सु-

पूज्यो जौन । सब कह्यो तुमसों तौन ॥ भीष्म उवाच ॥ सुनिबैन विधि के परम । सुरराव होय अभर्म ॥ सुरभीनको सनमान । करिकै सुनित्य महान ॥ विधि सहित पूजनकीन । सुनु पण्डुनन्द प्रवीन ॥ सुरभीनको अवदात । तहँ महातम सुनुतात ॥ सब पापमोचन परम । अतिहै पवित्र सधर्म ॥ देहा ॥ तजि प्रमाद यहि को पढ़त श्राद्धमाहिं जनजौन । तृप्त रहत ताके पितर नित्य सुनहु बुधिभौन ॥ जेजे इच्छा करतहँ गोके भक्त सुजान । सिद्धि होत तेहँ सुनहु हे भूपति मतिमान ॥ गोसेवाते लहतहँ सुत अर्थी सुतस्वक्ष । कन्या अर्थी लहतहँ कन्याहे नृपदक्ष ॥ धन अर्थी धन लहतहँ धर्म सु अर्थी धर्म । विद्या अर्थी लहतहँ विद्या उत्तम परम ॥ आनंद अर्थी लहतहँ आनंदको अवदात । दुर्लभ गोके भक्तको कछूनहींहै तात ॥

इति श्री शान्तिपर्वणिदानधर्मगोदानप्रशंसावर्णने अशीतितमोऽध्यायः ८० ॥

युधिष्ठिर उवाच ॥ रामगीतो ॥ कह्यो विधि गोदान करिबो नृपनको सु विशेष । सुन्यो तुमसों तौन हम सब सबिधि सुनहु नरेश ॥ नृपनको नहिं होति बहुधा प्राप्त शुभगति परम । होत पावन भूमि गोको किये दान सधर्म ॥ सत्यहै सो कह्यो इमिहीं भूपनृग अवदात । औ कह्योहै परम ऋषिवर नाशकेत सुतात ॥ जयकरी ॥ सब यज्ञनके माहीं तात । भूमिहेम सुरभी अवदात ॥ होत दक्षिणा कहत सुजान । तिनके माहिं सुनहु मतिमान ॥ सुनत सु हेम दक्षिणा श्रेष्ठ । सो किमि कहिये आपु यथेष्ट ॥ कौन बस्तुहै सुवरण भूप । सो किमि विधि उत्पन्न अनूप ॥ कौन देवताको है तात । किये दान ताको अवदात ॥ मिलत कहा फलहै अभिराम । अरु किमि उत्तमहै यहमाम ॥ हेमदानकी अतिहि महान । करत प्रशंसाहै मतिमान ॥ गो भूते यह पावन परम । कौन हेतु सों भयो सधर्म ॥ मखके माहिं दक्षिणा तासु । किमि प्रशस्तहै कहु बुधिरासु ॥ भीष्म उवाच ॥ याहि जानिबेको जो हेत । है विस्तरित

महीप सचेत ॥ सुवर्णकी उत्पतिहै जौन । अरु मोकोभो अ-
 नुभवतौन ॥ तुम्हें कहतहों मैं नरराय । सुनहु चित्तथिर करिकै
 लाय ॥ अरिल ॥ पिताहमारे शान्तभये जब । गोहरद्वार आद्वकीबे
 तव ॥ तहां जायकीन्हों आरम्भहि । आद्वकर्मको तजिकै दम्भहि ॥
 तब सुरसरिता मात हमारिय । करती भई सहाय सुधारिय ॥ त-
 दनन्तर हम हर्षितहवै करि । अतिहि शान्तिता हियरेमें धरि ॥
 आदरकरिकै बहुतसु ऋषिवर । आद्वमाहिं बुलवाय सुमतिधर ॥
 जलदानादि कार्य जो हैवर । कियोतासु आरम्भ सुमतिधर ॥
 करिसमाप्त हम पूरबकर्महिं । हियरेधारि आद्वके धर्महिं ॥ लागे
 पिण्डदानदीबेजब । तहां एक आश्चर्य भयोतब ॥ भूषणसों
 भूषित अतिसुंदर । सुनुनृप पिता हमारेकोकर ॥ निकसतभयो
 सुदर्भ भेदिकरि । ताहि देखि हम विस्मयको धरि ॥ हवै अनि-
 मेष जानिकै अद्भुत । बहुत बेरलौं चाहि रहे सुत ॥ तदनन्तर
 हमकरिकै चिन्तन । संज्ञा सहितकियो अपनोमन ॥ दीजै पिण्ड
 सु पितर हस्तमाहिं । यहविधि है वरवेद बिहितनाहिं ॥ पिण्ड-
 दान दीजै कुशऊपर । वेदबिहित यहशुचि विधिहै वर ॥ चरण-
 कुलक ॥ यह विचारको हीमें धरिकै । पितु करको सु अनादर क-
 रिकै ॥ पिण्डदेत भो कुशकेमाहीं । पितुकर देखिपख्यो तब नाहीं ॥
 दोहा ॥ तदनन्तर मोहिं स्वप्नमें मो पितु परेसुदेखि । कहतभये
 ऐसेबचन धर्मसु मेरोलेखि ॥ सुनहुतात तबज्ञानसों मैं प्रसन्न
 भो परम । शास्त्रप्रमाणहि मानिबो तौनश्रेष्ठ है धर्म ॥ रामगोती ॥
 धर्मको अरु वेदको अरु शास्त्रको अभिराम । पितामह अरु
 अरु बृहस्पतिको दक्षकोसुललाम ॥ पितरको अरु ऋषिनको
 परमानारुख्यो तात । सुनहु यातेमो हियेमें प्रेमतव सरसात ॥
 रहो ऐसो ज्ञानतेरे हियेमाहिं सदाहिं । क्रिया लखिकै आद्वकी
 सुखभयो मो हियमाहिं ॥ देतहों उपदेश तोको एकमें हैतात ।
 मिलैगो उपदेशसोंतिहि तोहिंफल अवदात ॥ दानमाहीं गऊ

के अरु भूमिके अभिराम । देहुसुवरण सुनहु सुत तुम महत
मेधाधाम ॥ प्रेमसोंगहि नेमकीन्हें हेमकोशुचिदान । सर्वपावन
होहिंगेमम पितामह मतिमान ॥ तोमर ॥ जनजौन सुवरणदेत ।
विधिसों सुहोय सचेत ॥ दशपुस्ति तारततौन । सुनु तातवर
बुधिभौन ॥ दोहा ॥ तदनन्तर मैं जागिकैं विस्मितहोय सुजान ।
सुवरण दानहि करतभो मतिसों सविधि महान ॥ यहि प्र-
संग में कहतहौं और एक इतिहास । अतिपावन प्राचीन
है सुनहु तौन बुधिरास ॥ पञ्चमाली ॥ ऋषि परशु एक इसबा-
र । कीन्ही नि क्षत्रिय भू अपार ॥ बलसों अखर्व सब भूमि
जीति हय मेधकीन्ह गहिकैं सुरीति ॥ दोहा ॥ अश्वमेधके
सफलसों रहित पापसोंपर्म । होतभयो जमदग्निसुत भूमिप
सुनो सधर्म ॥ तदनन्तरवर ऋषिनको अरु देवनको माम ।
पूछतभो जमदग्निसुत यहि विधिसों बुधिधाम ॥ उग्रकर्म जे
नरनके तिनमें पावनकौन । कहौमोहि अवगाहिकैं सर्वआपु
बुधिभौन ॥ चोखटा ॥ परशुरामके बैन सुनिकैं सर्व महानऋषि ।
सुनहुतात बुधिएन कहतभये ऐसे बचन ॥ आभीर ॥ विप्रनको
सतकार । कर्मन माहि सुठार ॥ है अति पावन कर्म । निश्चय
जानु अभर्म ॥ कर्मन माहीं माम । कर्मजौन अभिराम ॥ ते
पुनि पूछोराम । विप्रनसों बुधिधाम ॥ दोहा ॥ परशुराम ये ऋ-
षिन्हके सुनिकैं बचन सुठार । ऋषिअगस्त्य सु वशिष्ठ अरु
काश्यपको सु उदार ॥ पूछत भो ऐसेबचन कोमल कहिकैंपर्म ।
जनपावन किमिहोतहै कहिये आपुअभर्म ॥ करी अनुग्रह आपु
जो मोपै परममहान । तौ कहिये किमिहोहुँगो मैं पावन मति-
मान ॥ कृष्णपञ्च ॥ भूमिगऊ अरुवित्तकोदीन्हेंदानललाम । पापी
पावनहोतहैं सुनते हैं हमराम ॥ औरहु पावनहोनको सुनतपरम
हमहेत । सों तुमसो हमकहतहैं सुनियेहोय सचेत ॥ रामगीतो ॥ दिव्य
अद्भुतरूप पावकसुवनअति अभिराम । लोकमेंबिख्यात ताको

नाम सुवरण आम ॥ सिद्धिको तुम प्राप्तकैहौ किये ताकोदान ।
 और याके दानसम नहिं दान है मतिमान ॥ अग्नि ते उत्पन्न
 सुवरण भयोहै हे राम । महायामें तेजहै यह हेतुते अभिराम ॥
 देवता अरु मनुज राक्षस उरग औ गन्धर्व । शुद्ध द्वैकै याहि
 धारत औ पिशाच अखर्व ॥ पहिरिभूषण विविध विधिके हेम
 के अवदात । देवतादिक सर्व निज निज लोकमाहिं विभात ॥
 देवतादिक सर्व याको धरत शिरपरपर्म । हेम याते है पवि-
 त्रन ते पवित्र सुशर्म ॥ श्रेष्ठयाही हेतु सों है भूमि गोते
 हेम । है प्रशस्त सु दक्षिणामें देतजन गहिनेम ॥ सबिधि जे
 जन देत सुवरण प्रेम गहिकै माम । सर्व दानहिं कियेको फल
 लहत ते जन राम ॥ महातम पुनि कहतहौ मैं हेमको अभि-
 राम । सुनहु सो तुम राम धिषणाधाम परम ललाम ॥ सुन्यो
 हमसु पुराणमें यह परशुराम सुजान । भूमिधर हिमवान पर
 शिव शिवाको सुखदान ॥ व्याहके पश्चात् जब भो समागम
 सहप्रीति । भये आवत देवसब तब शंभुपास सभीति ॥ देखि
 बैठे दुहुनको सब देव शीशनवाय । बैठि कै इमि भये कहतेश-
 म्भुको सुखदाय ॥ तपस्वी हौ आपु तैसा तपस्विन्या गोरि ।
 तेज तुम दोऊनको लखि कहत हम करजोरि ॥ होयगो बल-
 वान तुम्हरे पुत्रपरम महेश । तौन हनिहै लोक तीनहुं राखिहै
 नहिं शेष ॥ सुनहु याते अपत्यारथ तेजजो है परम । रहौ रोंके
 ताहि करिकै कृपाआप सशर्म ॥ अपत्यारथ तेज ताको रोंकि
 हों जो नाहिं । होयगो सन्ताप तौ अतिलोक तीनहु माहिं ॥
 करैगो सुर पराजयको आपुको सु अपत्य । कहत हम अवगा-
 हिकै ध्रुव मानिये न असत्य ॥ धारि सकत न तेज तब भू औ
 न स्वर्ग अकाश । सुनहु ताते तेज को परभाव तब मुदराश ॥
 जारि डारिहि सर्व जगतहि महत हेभूतेश । तेज ताते रोंकिये
 निज परम चण्ड विशेश ॥ होय देवीमाहिं तिहिते पुत्र तुम्हरे

नाहिं । कहे देवन बैन ऐसे बैठिशिवके पाहिं ॥ बचन सुनिये
 शम्भु वीर्यहि लियो ऊर्ध्व चढ़ाय । ऊर्ध्वरेता भये तबसो श-
 म्भु जन सुखदाय ॥ करि सु गिरिजा कोप सन्ततिको भये उ-
 च्छेद । देवतनको कहे निष्ठुर बचनहोय सखेद ॥ कियो मम
 सुअपत्य को उच्छेद तुम सुरवृन्द । सुनहु ताते तुमहु सिगरे
 लहौगे नहिंनन्द ॥ दियोगिरिजा शाप यहजब सुरनको अति
 माम । हतो तौने कालमें नहिं तहां पावकराम ॥ शापते गिरि
 सुताके सबदेवता अभिराम । रहित सन्ततिसों भये सुनुराम
 मेधाधाम ॥ ऊर्ध्व धारण करतभे जब तेजको शिवस्वक्ष । नि-
 कसिकै कछु तेज तब शिव अंगते हेदक्ष ॥ भूमिकामें अग्नि
 माहीं गिरतभो सो परम । तेजमाहीं युक्तकै तेज तौन सधर्म ॥
 जन्म कारण ताहि प्रापित भयो होतललाम । समय तौनहिं
 माहिं सब शक्रादिसुर अभिराम ॥ भयेपीड़ित बीरतारक दैत्य
 सों बलवान । रहन नहिंकोउ सकतताके अग्रमें सुमहान ॥
 अश्विनी सुत रुद्र मारुतमानु औ वसुअष्ट । पराक्रमते दैत्य
 के इन लह्यो सबहिन कष्ट ॥ छीनि लीन्हें देवतनके थान औ
 सु बिमान । किमिहि आश्रम छीनिलीन्हें ऋषिन्हेंके बलवान ॥
 इन्द्र आदिक देवता अरु ऋषी जे हेसर्व । भये आवत विधा-
 तापै ऋषी जे हे सर्व । भयेआवत विधाता पै होयदीन अख-
 र्व ॥ नौमिकरिकै विधाताको कहतभे इमिवैन । बलीतारकदैत्य
 हमको किये परम अचैन ॥ करहु रक्षा हमारीतुम मारिकरिकै
 ताहि । करहुदाया हमारीतुम दीनता को चाहि ॥ ब्रह्मोवाच ॥
 सुनहु मैंतो जानतोहौं सर्वभूत समान । होयगो ताते न मोसों
 यह सुपाप महान ॥ करोतारक दैत्यको बध तुमहिं मिलिकै
 सर्व । होहु शङ्कित नेकुमति तुमहौ अवध्य अखर्व ॥ देवाजचुः ॥
 देव और अदेव राक्षस वर्तमान जितेक । सकैं कबहुं नाहिं
 मोको मारि सर्व तितेक ॥ दैत्यतारक आपुसों मांग्यो सुयह

वरदान । दयो करिकै कृपा तब तुमताहि सुखद महान ॥ सु-
 नहु ताते तारकहि हम जीति सकिहैं नाहिं । कहतहैं हम आपु
 को वरदानगुणि हियमाहिं ॥ पूर्वहमको प्रजाको उच्छेदकीन्हों
 पर्म । दयो गिरिजा शापकरिकै कोप सुनहु सशर्म ॥ होति स-
 न्तति नाहिं ताते हमारे लोकेश ॥ ब्रह्मोवाच ॥ दयोगिरिजा शाप
 तुमको करिसुक्रोध अशेश ॥ हुतो तौनेकालमें नहिं तहांपावक
 पर्म । करैगो उत्पन्न ताते बली पुत्र सधर्म ॥ अधिक सबते
 होयगो सो गुणनसों अभिराम । सुरनके जे शत्रु तिनको मारि
 हैं सोमाम ॥ ऊर्ध्वधारत तेज शिवको कछू पावकमाहिं । गिख्यो
 हो सो लियो पावक चाहि करिकै ताहि ॥ अग्नि तौने तेजसों
 सुरसरी माहिं अमन्द । भरो तेजस भानुसों उत्पन्न करि है
 नन्द ॥ अग्निनको नहिंभयो प्रापत शाप हे सुरवन्द । देवभय
 हर होयगो तिहिते सुताकेनन्द ॥ लखहु सुरसब ज्वलनहैकहैं
 करहु तासु तलाशु । जायताके पास तुम यह कहो कारण आ-
 शु ॥ दैत्य तारक वधनकी बरहै उपाय सुजौन । कहीं हम अव
 गाहि करिकै सर्व तुमको तौन ॥ कहौ जो यह सर्व तुमहै अग्निहू
 तौ देव । शाप गिरिजाको न लाग्यो याहि क्यों कहु भेव ॥ सुनहु
 तौ मैं कहतहैं यहि हेतको अभिराम । शाप तेजस्वीन को जो
 क्रोधसों अतिमाम ॥ लगत तेजस्वीन में नहिं जानु निश्चय
 पर्म । नेकु संशयहै न यामें कहत होय अभर्म ॥ अग्निनको सु
 तलाश शीघ्रहि करो तुम सुरसर्व । कामनाको सिद्धि करिहैं तु-
 म्हारी सु अखर्व ॥ सर्व देवन बिधाताके परम सुनिये बैन ।
 खोजिबेको हुताशनके चलेहोय सचैन ॥ तत अनन्तर सुरन
 सहऋषि सर्व लोकन माह । भये फिरते अग्निकाजै भरे अति-
 हि उबाह ॥ आपुही में प्राप्तजोहै अग्निताको नाहिं । सके जा
 नि सुफिरे ढूढ़त सर्व लोकन माहिं ॥ तपित पावक तेजसों म-
 षडूक एक अखर्व । अग्नि दर्शन लालसासों युक्त सुर ऋषि

सर्व ॥ देखिसो मण्डूक तिनको कहत भो इमिबैन । बसत है
पाताल में शिखि किये जलमें ऐन ॥ तपित ताके तेजसों हम
होयकै सुबिशाल । भागिआये भूमि ऊपर छोड़िकै पाताल ॥
ताहि देख्यो चहतहों तौ जाहु सब तुम तत्र । जातहैं हम अ-
ग्निभयते रहैंगे नहिं अत्र ॥ कहि सुमण्डुक बचन ये सुर ऋषि
नको अभिराम । त्वरितही परवेश करतौ भयो जलमें माम ॥
जानिकै मण्डूककी चुगलीहि पावक उद्ध । देत भो यह शाप
भेकहि महत करिकै क्रुद्ध ॥ जानिहै जिझा न तेरी रसनकों अव
दात । शापसों करियुक्त भेकहि भयो त्वरितहि जात ॥ आपुको
सुखपायवेको कियो अनतहि बास । तत अनन्तर सुनहु हे ज-
मदग्नि सुत बुधिरास ॥ जाय मण्डुक सुरनपै यह कहत भे
वृत्तान्त । सुरन सुनि इभिकह्यो भेकहि कृपाकरि सु नितान्त ॥
देहा ॥ रहितभई रस ज्ञानसों तब जिझा अभिराम । उद्ध क्रुद्ध
सह अग्निको लहेंशाप अतिमाम ॥ ^{अरिल} तबहुं बहुविधा बाणी
को बर । बोलैगी जिझा तव दर्दुर ॥ सब सुर ऋषि कहिकै इमि
भेकहि । भोजन लागे पुनि सविवेकहि ॥ कछूदूरि जबगे ऋषि
अरु सुर । मिल्यो द्विरद एक तासु महत उर ॥ ऐरावतहूते अति
सुन्दर । चकित भयो लखिताहि पुरन्दर ॥ कहतभयो ऐसेसों
मदधर । चल दल माहिं रहतहै शिखिवर ॥ ^{चरणदोहा} ॥ द्विरदहु
को तब शाप दियो यह अग्निक्रोधकरि उद्ध । होयजायगी उ-
लटी जिझा सब द्विरदनकी शुद्ध ॥ ^{देहा} ॥ शापदेय यह द्विरद
को गयो समीकेमाहिं । तदनन्तर पुनिसो द्विरद गयो सुरनके
प्राहिं ॥ ^{जयकरी} ॥ कह्यो शापको सब वृत्तान्त । दीन होयकै द्विरद
नितान्त ॥ सो सुनिकै ऋषि देवतसर्व । तासु समुभि उपकार
अखर्व ॥ देतभये जोवर वरदान । सुनहु तौन तुम राम सुजान ॥
^{देवाञ्जलि} ॥ उलटी जिझाहूसों चारु । करिहौ मैगल सर्व अहारु ॥
शब्द होयगो तब अतिउद्ध । यहवर दै निर्जर ऋषि शुद्ध ॥

॥ दोहा ॥ लगे अग्निके खोजमें गये कछू जब दूर । मिलत भयो तब
 एक शुक परम बुद्धिको भूरि ॥ मोलिकदाम ॥ शुक उवाच ॥ लख्यो हम बह्नि
 समी द्रुम माहिं । लखौ अबहीं चलिकै तिहि पाहिं ॥ कह्यो ऋषि
 देवनको शुक परम । सुने सब देव भये सहशर्म ॥ गयो शुक यों
 कहिकै कछू दूर । मिल्यो तहँ अग्नि भरो कुध भूरि ॥ दयो शुकको
 यह शाप महान । तु होहु सुबाक बिहीन अजान ॥ सु पावक को
 लहिकै यह शाप । मलीन सु होत भरो दुख दाप ॥ गयो तदन-
 न्तर देवन पास । कह्यो सुरसों सब शाप प्रकास ॥ दयायुत कै
 तब देवन गर्व । दयो वरदान सु येह अखर्व ॥ सुनो शुक तो वर
 वाक सुठान । न होइ हि नष्ट नितान्त सुजान ॥ सबै पण माहिं
 सु तो बरवैन । बनो रहि है कल अद्भुत ऐन ॥ सु दै वरदान शुकै
 यह सर्व । समी महि देखत भे सु अखर्व ॥ पख्यो लखि अग्नि
 समी तरु माहिं । लखे ऋषि औ सुर चन्दहि पाहिं ॥ भयो अति
 पीड़ित पावक परम । सुनो ऋषिराय महान अभर्म ॥ कह्यो तद-
 नन्तर यों सु कृशान । कहौ तुम आगम हेतु महान ॥ सुने यह
 पावक के वरवैन । सबै सुर औ ऋषि होय सचैन ॥ भये कहते
 इमि बैन सुठान । सुनो ऋषिराय महान सुजान ॥ षोडश ॥ करि-
 बेको यक काज कह्यो चहत तुमको सु हम । कारज तौन दराज
 तुमहीं करि बे योग्य हौ ॥ कीन्हें कारज तौन तुमहूँको गुण होय गो ॥
 ऋषि अरु सुर बुधि भौन कहत भये इमि अग्नि सों ॥ अग्नि सवाच ॥
 ॥ दोहा ॥ कहि हौ कारज जौन तुम करि हैं सो हम सर्व । कहौ कृपा
 करि शीघ्र ही करहु न देर अखर्व ॥ देवाजबु ॥ तोमर ॥ एक दैत्य
 अति बल धाम । तिहिको सुतारक नाम ॥ अति पराक्रम तिहि
 माहिं । सम तास कोऊ नाहिं ॥ आभीर ॥ ताहि बधन काज । तेजस
 भरो दराज ॥ परमवीर बलवान । महाबाहु मतिमान ॥ दोहा ॥
 करहु पुत्र उत्पन्न तुम ऐसो होय कृपाल । तासों ऋषि अरु सुरन
 को साध्वस मिटै विशाल ॥ रामगीती ॥ देवता अरु ऋषिन के

सुनि बैन पावकपर्म । जाय सुरसरि माहिंमिलि सो सुनहु राम
सशर्म ॥ तेजधरतो भयो शिवको परमउग्रअमन्द । गर्भसोभो
सुरसरीमें सुनहु ऋषि निरदन्द ॥ बढतभोसो गर्भअतिही
परमउग्रअनूप । सहिसकी नहिं तेजताको सुरसरी मुदरूप ॥
बिङ्गला अतिहोय सुरसरि कह्यो ऐसे बैन । स्वस्थमेरो चित्त
हैनहिं सुनहु तेजस ऐन ॥ प्राप्तभो यह गर्भसों अतिदुःखमोको
माम । तजतिहों मैं अबहिं याते याहि पावक आम ॥ बैनसुनि
ये सुरसरीके कह्यो इमि सुकृशान । करहुधारण तजहु मतितुम
गर्भको गुणवान ॥ रह्योपावक बरजतै सुरसरी मान्योनाहिं ।
डारिदीन्हों गर्भको बर मेरुगिरिके माहिं ॥ भयो पूव्रत सुर-
सरीको तब कृशानु अनूप । गर्भकोहै वर्णकैसो औ सु कैसो
रूप ॥ तेजहै तिहिमाहिं कैसो कहौ यह सब मोहि । सुरसरी
तब कहनलागी अग्निसोहें जोहि ॥ गंगावाच ॥ तेजसोंहै लसत
तुमको वर्णसुन्दरतास । बिमल ताकोरूपहै अति भरो परम
प्रकास ॥ कदम्बनकेफूलकीसी गन्धजामें पर्म । सुरसरी इमि
कह्यो शिखिसों सुनहु रामसशर्म ॥ परो जिन जिन पदारथपर
तासुतेज अखर्व । परमकंचन भयेतेते पदारथ बरसर्व ॥ लोक
तीनहुं माहिंफैलो तासुतेज बिलन्द । रूपऐसो है तुम्हारे नन्द
को सु अमन्द ॥ सुरसरी इमि अग्निसों कहिभई अन्तर्दान ।
गयोअग्निहु देवतनको करि सु काज महान ॥ कर्मयहिसों भ-
यो शिखिको हेमरेता नाम । भईपुहुमी वसुमती सुनुरामऋषि
अभिराम ॥ दोहा ॥ गर्भ सुरसरी सों तजित शरकेवनमेंपर्म ।
बढतभयो अद्भुत सुनहु ऋषिवररामअभर्म ॥ पञ्चकली ॥ कृत्तिका
नक्षत्र तिहिको सुदेखि । लीन्होंउठाय अतिबाल लेखि ॥ निज
सुस्तनको बरपयपियाय । पोषति सु भई हवैकै सचाय ॥ भो
कार्तिकेय तबसों सुतौन । सुनु परशुरामऋषि सुमति भौन ॥
उत्पन्न भयो यहि विधि हिरन्य । तिहिमाहिं जाम्बुनद सो न

अन्य ॥ हैं तासु देव शिव औ कृशान । तिहिते सु हेम महि-
 मा महान ॥ बशिष्ठउवाच ॥ इतिहास और हम कहत परम । सुव-
 रण प्रसंगमें सुनुअभर्म ॥ आचरण द्रुहिणको जो ललाम ।
 वृत्तान्त तासु तिहिमाहिं माम ॥ यकसमय माहिं शंकर सशर्म ।
 वपुधख्यो वरुणको सुनु अभर्म ॥ तिहि समयमाहिं मुनि महत
 सब । अरु द्रुहिण आदि देवत अखर्व ॥ सब समुदभये शिव
 पास जात । सुनु सुमतिमान जमदग्नि तात ॥ चारों सुवेद बर
 मूर्तिमान । अरु अंग सर्व मखके सुजान ॥ ओंकारमंत्र अरु
 वषट्कार । हवै मूर्तिमान सुखमा अगार ॥ ये शम्भुपास भे
 जात सब । इन सबनको सु आदर अखर्व ॥ कीन्हों गिरीश
 भगवान परम । सुनु परशुराम ऋषिवर अभर्म ॥ दोहा ॥ विर-
 च्यो तौनहिं समयमें यज्ञ शम्भु भगवान । शिव प्रभावसों यज्ञ
 सो शोभितभयो महान ॥ रामगीत ॥ आवते तेहि यज्ञमें भेदि-
 शा औ दिगपाल । दैवमाता देवकन्या औ बरा सुरबाल ॥
 महतमुदसों भरीआवति भई मखकेमाहिं । शम्भुकोकरि दरश
 सबही भई बैठति पाहिं ॥ रजोगुण उत्पन्न भो हियमाहिं वि-
 धिके परम । देखिकै तिन सबनको सुनुराम सु ऋषि सधर्म ॥
 गिरनलागो वीर्यताते द्रुहिणको सुखधाम । गिरोजेतो भूमि
 माहीं वीर्यपरम ललाम ॥ दयोपूषा होमिताको सहितधूरि
 उठाय । अग्निके बर कुण्डमाहीं सुनहु सुऋषि सचाय ॥ भये
 ताते ऊष्मज औ जरायुज अभिराम । तिमिहिं स्वेदज अण्डजों
 भे होतपरम ललाम ॥ तत अनन्तर गिरोबहुतहि वीर्यविधि
 कोपरम । ताहि गिरतहि लयोसुर वामाहिं द्रुहिणसशर्म ॥ होमि
 दीन्हों ताहि घृतवत मंत्रपदिकै परम । तमोगुण भो होतताके
 तेजते सुसधर्म ॥ सत्वगुण भो तिमिहिं ताते भरो तेजमहान ।
 सबैगुणते होतभो आकाश महत सुजान ॥ होतभे आकाशते
 सब वायुआदिक भूत । तमसी सब तमोगुणते भये परम अ-

कूत ॥ भये होमत अग्निमें जब बीर्यको लोकेश । तीनपुरुष
 सु होतभे तब सुनहु सुऋषि सुवेश ॥ ज्वालते भो होत भृगु-
 बर भरोतेजस पर्म । अंगिरा अंगारतम भो होतस्वच्छ अभ-
 र्म ॥ अल्पज्वालाके अंगारेतेभयो कविस्वक्ष । भो मरीच सु-
 मरीचीते अग्निकी सुनुदक्ष ॥ भयोताके सुवन कश्यप भुवनमें
 विरूयात । भये कुश समुदाय ते सब बाल खिल्य बिभात ॥
 भये अत्रिहु दर्भ के समुदाय ते अभिराम । भये भस्म समू-
 हते वरबाणप्रस्थ ललाम ॥ भये शिखिके अश्रुति है दुःश्रौ-
 दस्य सुवेश । श्रवण ते उत्पन्न भे वर प्रजापति जे शेश ॥
 स्वेद ते भो वेद अरु भे रोमते ऋषिपर्म्म । भयो बलते होत
 मन सुनु परशुराम सधर्म्म ॥ भयो लोहित वर्ण ते उत्पन्न
 सुवरण तात । तासु महिमा सर्वलोकन माहिं है विरूयात ॥ ता
 अनन्तर वरुण वपुधरि शम्भु आनँदऐन । मुदितहवैकै देव-
 गणको कहत भे इमिवैन ॥ तामर ॥ यह दिव्ययज्ञ हमार । अरु
 तीनपुत्र सुठार ॥ सुनिअग्नि ये वरवैन । इमि भयो कहत स-
 चैन ॥ मम अंग ते अभिराम । उत्पन्न भे सुतआम ॥ अरु
 ममहिं आश्रयकर्त । नहिं अन्य आश्रयधर्त ॥ यहिते सु है मम
 नन्द । शिवकहत भूठ बिलन्द ॥ इहिके अनन्तर पर्म्म । इमि
 कह्यो द्रुहिण सशर्म्म ॥ ^{अरिणा} हमहीं हैं सु यज्ञके कारक । सुनहु
 देव सब आनँद धारक ॥ हमहीं हैं अरु शुक्र होमकर । याते
 मेरे हैं ये सुतवर ॥ शुक्रहि हैं सन्ततिको कारण । तुम्हें कहतहों
 करिनिरधारण ॥ जासुहोय बीरज फलसोइय । लहै न और
 दूसरो कोइय ॥ सर्व देव विधिकीबाणी सुनि । कहत भये विधि
 को इहिविधि गुनि ॥ जग सब महत चराचर मयवर । अरु हम
 हैं आपुहि के मुदधर ॥ ताते कह्यो हमारो मानहु । आपुनेकहू
 हठ मतिठानहु ॥ वरुणरूप शंकर अरु पावक । तिन्हैंदेहु ये सुत
 तुमचावक ॥ तामर ॥ सुनि देवतनके बैन । विधिपरम आनँद

ऐन ॥ इमिकह्यो तिनको जोय । कहिहौ सु करिहैं सोय ॥ तब
 वरुण बपुधर सर्व । सुनु रामसुऋषि अखर्व ॥ विधिको सु शा-
 सनपाय । अतिहर्षहियमें छाये ॥ सुतज्येष्ठ मृगवर ताहि ।
 शुचिभये लेत सु जाहि ॥ अरु आंगिरसको स्वक्ष । शिखिभयो
 लेत प्रतक्ष ॥ कविको लिये सहप्रेम । विधि लोकनाथ सक्षेम ॥
 शिव वरुण बपुधर पम्म । भृगुको सु लीन्ह सशम्म ॥ तिहिते
 सु वारुणनाम । भृगुको भयो बुधिधाम ॥ दोहा ॥ अग्नि अंगि-
 रसको लयो आग्नेय भो नाम । भयो अंगिरस को सुनहु पर-
 शुराम ऋषिमाम ॥ आभीर ॥ ब्रह्माकविकोलीन । सुनु ऋषि
 परम प्रवीन ॥ ताते ब्राह्मसुनाम । कविको भयो ललाम ॥ दोहा ॥
 ये तीनो हैं प्रजापति सर्व सृष्टिके हेत । इनते जौन अपत्य भे
 ते अब सुनहु सचेत ॥ अरिल ॥ बज्रशीर्ष अरु च्यवन और्व
 शुचि । शुक्र वरेण्य सबन बिभुवर रुचि ॥ भृगुके भये सप्त ये
 सुतवर । भृगुहि समान परम सब गुणधर ॥ घोरबिरूप उतथ्य
 वृहस्पति । शान्ति पयस्य सुधन्वावर मति ॥ अरु सम्बर्त म-
 हत तेजसयुत । भये अंगिरसके ये बसुसुत ॥ बिरजाकाव्य उग्र
 उशनाकवि । काशीधृष्णु सुभृगु अरु बरछवि ॥ अष्टभये कविके
 ये सुत वर । कविहि समान अमन्द सुमतिधर ॥ राला ॥ तदन-
 न्तर इमिकहतभये सुर विधिके सनमुख । सुनहु लोकपतिपाय
 कृपा तवकोन लहतसुख ॥ तवप्रसादते प्रजापति सुतारैंगे
 लोकहि । हवैहैं करता बंशके सुहनिहैं जगशोकहि ॥ लहिहैं त-
 पस महान तिमिहिंवर ब्रह्मचर्य्यव्रत । रहिहैं बिदुष महान होय
 नित वेदमाहिंरत ॥ तुमहींकरता देवनके अरु विप्रतकेसब ।
 होतमहत आनन्द अनुग्रह आपु करतजब ॥ बरवै ॥ यहिविधि
 विधिको कहिकै देवतसर्व । जातभयेनिजलोकहि समुदअखर्व ॥
 दोहा ॥ वरुणरूपधर शंभुके यज्ञमाहिं अभिराम । यह वृत्तान्त
 भयो सुन्यो पूरब हम बुधिधाम ॥ निश्चय अग्निहिको सुवन

है सुवरण अभिराम । यामें संशय है नहीं सुनहु सुऋषि बुधि-
धाम ॥ रामगीती ॥ द्रुहिणकोसुत अग्नि है अरु अग्निको सुत
हेम । सुनहुताते श्रेष्ठहै अति हेमदान सक्षेम ॥ सहित आदर
द्विजनको जे सविधि सुवरणदेत । रहित तमसों लोकतामें म-
हत मुदकोलेत ॥ सविधि रबिकेउदयमें जेदेत सुवरणस्वक्ष ।
होत तिनको दोषनहिं दुःस्वप्नको सुनु दक्ष ॥ हेमको मध्याह्न
माहीं देतहैं जनजौन । प्राप्त कबहूं होतहैं नहिं पापको जनतौन ॥
देत सायंकालमें जे हेमको अवदात । मरुतविधि अरु अग्नि
विधुके लोकमें ते जात ॥ लहतहैं अतिप्रतिष्ठाको सर्वलोकन
बीच । पायकै यहि लोकमें यश रहत नित्य निभीच ॥ नित्य
रबिके उदयमाहीं परम गहिकै नेम । अग्निको प्रज्वलित साक्षी
भूतकरि गहिप्रेम ॥ विप्रवरको सहित आदरदेत सुवरण जौन ।
कामना सब लहतहैं जनतौन बरबुधिभौन ॥ दोहा ॥ कार्तिकेय
अरु हेमकी उत्पति जो अभिराम । तुम्हेंकही सो सविधि हम
सुनहु सुऋषि बुधिधाम ॥ कार्तिकेय बहुदिननमें भयो महत
बलवान । सेनापति तबदेवतन कीन्ह्यो ताहिसुजान ॥ आज्ञा
लहि सुररायकी कार्तिकेय करिकुद्ध । माख्योतारक दैत्यको वि-
रचियुद्ध अतिउद्ध ॥ सुवरणमें है महतगुण ते हम कहे बखानि ।
विप्रनको तुम देहुअति निश्चयहीमें आनि ॥ भोगमउवाच ॥ परशु-
राम ये बचनसुनि ऋषि बशिष्ठके पर्म । हेमदेतभो द्विजनको
ताते छुटे अधर्म ॥ देहु तुमहुंवर द्विजनको हेमदान अवदात ।
सब पापनते छुटिहौ निश्चय जानहु तात ॥

इति श्रीशान्तिपर्वणिदानधर्मसुवर्णोत्पत्तौएकाशीतितमोऽध्यायः ८१ ॥

युधिष्ठिरउवाच ॥ दोहा ॥ गुण सुवरणके दानको कह्यो विस्तरि-
तआपु । अरुताकी उत्पत्तिको कह्यो हेतु सप्रतापु ॥ देवनसों
नहिं बध्यहौ तारकदैत्यमहान । ताको बध कैसेभयो कहौ मोहिं
बुधिमान ॥ तारकनामा दनुजको मरणभये ते भूरि । संशय मो

हियमाहिं भै सो तुमकीजै दूरि ॥ भोष्मउवाच ॥ अरिल ॥ गंगा ग-
 र्भहि डारिदियो जब । ऋषि अरु सुर सब विकल भये तब ॥
 भरे भीति अरुशोच महासों । कहत भये ऐसे कृतिकासों ॥
 देहा ॥ सब देवनमें देवकोउ ऐसो नाहिं दिखात । धारणशिखिके
 गर्भको करैजौन अवदात ॥ धारण कीबे योग्यहौ तुमहिं सम-
 र्थापर्म । यातेशिखिके गर्भको पोषणकरो सशर्म ॥ देवनके अरु
 ऋषिनके कृतिका सुनि येवैन । धारण शिखिके गर्भको करती भई
 सचैन ॥ धारणकीन्हें गर्भको भयो प्रसन्न कृशान । अरु देव-
 ता ऋषिवर सरब मोदित भये महान ॥ चरणाकुलक ॥ बढोगर्भ
 जब कृतिका सर्वा । तासु तेजसों परम अखर्वा ॥ अतिही व्या-
 कुलतासों छाई । बनमें जरत मृगीकीनाई ॥ कृतिका कालब्य-
 तीत भयोजव । गर्भ भई जन्मावाति सम तब ॥ तौन सुगर्भ
 इकट्ठाकैकै । शोभित भयो प्रभासों ग्वैकै ॥ तिहि बालकको
 सर्व सहा । धारण कियो मोदसों महा ॥ प्राप्तहोय सो सरके
 बनमें । बढत भयो अति थोरेदिनमें ॥ ताहि देखि कृतिका मुद
 पागी । होय सप्रेम पोषिवे लागी ॥ देहा ॥ तदनन्तर ताको
 लखत ब्रह्मा विष्णु महेश । आवत भये सहर्ष अरु अमरन सह
 अमरेश ॥ हाहा हूहू आदिदैरहे जितेगन्धर्व । तेऊ सब आवत
 भये आनंदभरे अखर्व ॥ आप वायु नभ चन्द रवि अरु नक्ष-
 त्रके वृन्द । कार्तिकेयको देखिवे आवत भे सानन्द ॥ चरणाकुलक ॥
 षट आननभुज द्वादश नीके । मारतण्डके करसे सीके ॥ द्वादश
 नयनऐन वरभाके । लसत कर्णलौं तेजमहाके ॥ ऐसे वपु अग्नि-
 जको देखे । सिद्धिकामकी हीमिलेखे ॥ परमहर्ष सौंहीको सान्यो ।
 तारकको बध निश्चय जान्यो ॥ तदनन्तर सब आनंद पागे ।
 ताहि खिलौना दीबे लागे ॥ दयोगरुड़ अपनी सुतनीको । तासु
 मयूरनाम अति सीको ॥ वरुण दियो कुकुट अति सुन्दर । दियो
 सिंह वरवली पुरन्दर ॥ औ दीन्हो इक उन्नत हाथी । सुन्दर

ऐरावतको सार्थी ॥ मारतण्ड दीन्ही भानीकी । सुरभी देतिभई
 गोश्रीकी ॥ दियो चन्द्रमा मेषसुअद्भुत । अग्नि देत भो ब्याग
 प्रभायुत ॥ दिये सुधन्वा शकट अनोखे । औ दीन्हें बहुरथ
 आति चोखे ॥ दोहा ॥ तदनन्तर तहँ आयकै तारकदैत्य महान ।
 कार्तिकेयको जानिकै महत भयोबलवान ॥ पञ्चमाली ॥ बहुबध-
 नकाज कीन्हो उपाय । पै बधिसक्यो न बरदैत्यराय ॥ तदन-
 न्तर ऋषि अरु अमर सर्व । हियमाहिं शोच करिकै अखर्व ॥
 अग्निजहि सेनपहि करि सुजान । तारक सुदैत्य तिहिको
 महान ॥ कहिदीन्ह पूर्व वृत्तान्त सर्व । सुनि तौनबीर बहनिज
 अखर्व ॥ चढिसज्जि गज्जि करि क्रुद्ध उद्ध । चल्यो बीर कीबे
 सुयुद्ध ॥ इमि लसतबीर रससों महान । अति भरो तेज मनु
 है कृशान ॥ उतते अपट्टि तारक सुभट्ट । लीन्हें प्रचण्ड दानव
 सघट्ट । आयो करत्त अतिघोर शब्द । गज्जत सचल्ल मनु शुद्ध
 अब्द ॥ बलवान बीर दोऊ सुजान । संग्राम घोर विरच्यो म-
 हान ॥ हट्टत न कोय दोऊन बीच । कट्टत अनेक भट्टै निभीच ॥
 बररुण्ड मुण्ड बिच परिय खगग । इमिलसत तासु उपमा अ-
 दगग ॥ मिट्यो चहत्त मनु राहुकेत । रवि किरण तिनहिं नहिं
 मिलन देत ॥ बिनहस्तरुधिरमय रुण्डदक्ष । मनु जरे अग्निसों
 तार वृक्ष ॥ लखि कार्तिकेयकोरण अतूल । हर्षत सुदेव वर्षत
 सुफूल ॥ बढि कार्तिकेय गाहेशक्ति उद्ध । तारकहि हन्यो अति
 हवै सकुद्ध ॥ दोहा ॥ तारककोबध देखिकै ऋषिअरुसुरसानन्द ।
 हवै समीप इमि कहत भे धन्य धन्य शिखिनन्द ॥ कार्तिकेय
 पुनि इन्द्रको राज्य माहिं बैठाय । हनिकै भयकर निकरको की-
 न्होंपरम सचाय ॥ जयकरी ॥ तबसोंसुर सेनापति नाम । कार्ति-
 केयको भोबुधिधाम ॥ भयो सदाशिवको प्रिय परम । सुनहु भूप
 मतिमान सधर्म ॥ दोहा ॥ कार्तिकेय ऐसो बली भो सुवर्ण तिहि
 साथ । ताते उत्तम परम है सुनु सधर्म नरनाथ ॥ सोरठा ॥ पर-

२०४ शान्तिपर्वदानधर्मदर्पणः ।

शुराम ये बैन सुनि ऋषिपरम बशिष्ठके । हवैकै परम सचैन
सुवरण दानहि देतभो ॥ दोहा ॥ सर्वपापसों छूटिकैदीन्हें सुवर-
ण दान । स्वर्गलोकको प्राप्तभो परशुराम मतिमान ॥

इति श्रीदानधर्मे सुवर्णदानप्रशंसानाम द्वयशीतितमोऽध्यायः ॥ ८२ ॥

दोहा ॥ चतुरवर्णको जिमिकह्यो आपुधर्म अवदात । कहौ तिमि-
हिं अबश्राद्धकी सम्पूरण विधितात ॥ वैशम्पायन उवाच ॥ भूपयुधि-
ष्ठिरकेबचन सुनिसुरसरितानन्द । सम्पूरणविधि श्राद्धकी कहत
भयेसानन्द ॥ भीष्म उवाच ॥ तोमर ॥ सुनुश्राद्धकीविधि जौन । अति
मोददायक तौन ॥ सुत दायका अभिराम । शुभकारिणी बुधि-
धाम ॥ सुर असुर अरु गन्धर्व । अहि औ पिशाच अखर्व ॥
नर किन्नरो सहप्रीति । सब करत श्राद्ध सनीति ॥ दोहा ॥ ताते
श्राद्ध करै सदा स्वच्छ होय मनलाय । श्राद्ध किये यश मिलत
अरु बढत बंश सुखदाय ॥ पितर रहत परसन्नहैं किये श्राद्ध
नित पर्म । ताते श्राद्ध करै सदा भूमिप सुनहु सधर्म ॥ तिथि
नक्षत्र अरु पर्वमें किये श्राद्ध अभिराम । जो फल जनको मि-
लत सो कहत भूप हम आम ॥ रामगीती ॥ प्रतिपदामें श्राद्ध
विधिसों करतहैं जनजौन । नारिसुन्दरि लहत हैं अरु लहत
सुत बहुतौन ॥ श्राद्ध द्वितियामाहिं कीन्हें सुताहोति अनूप ।
श्राद्ध तृतीयामें किये बहुमिलत अश्वसुरूप ॥ चतुर्थीमें श्राद्धकी-
न्हें मिलत तप बहुपर्म । मिलत बहुसुत पंचमीमें किये श्राद्ध
सधर्म ॥ किये षष्ठीमाहिं श्राद्धहि मिलयदीति सुठार । सप्तमीमें
किये श्राद्धहि कृषीहोत अपार ॥ श्राद्ध कीन्हें अष्टमीमें सहितविधि
अभिराम । होतहै बाणिज्यमाहीं लाभअतिही माम ॥ श्राद्ध
नौमीमाहिं कीन्हें मिलत हय बहुपर्म । किये दशमीमाहिं सुर-
भी मिलति बहुत सधर्म ॥ सविधि एकादशीमाहीं किये श्राद्ध
अनूप । मिलतहैं बहुरत्न निश्चय जानुहे बरभूप ॥ परमतेज-
स्वीसुजाके होहिंसुत अभिराम । द्वादशीमें श्राद्धकीन्हें सुनहुनृप

बुधिधाम ॥ मिलत हय बहु रजत अरु बहु मिलत सुवरणपर्म ।
मिलतहै अरु और धनबहु सुनहुभूप सधर्म ॥ त्रयोदशिकामा-
हिं जे जन करत श्राद्ध सुजान । ज्ञातिमेंते होत श्रेष्ठ सुकहत हैं
मतिमान ॥ मरेंताके गेह वारे तरुणही नरचारु । है न हियमें
नेक संशय सुनहुबुद्धि अगारु ॥ श्राद्ध जे जन करतहैं तिथिच-
तुर्दशिका माहिं । युद्धमेंते मरतहैं हम सुन्योबुधजनपाहिं ॥ अ-
मावस्यामाहिं जे जन करत श्राद्ध सुजान । कामना सब होति
तिनकी सिद्धिसुनु बुधि मान ॥ चरणादोहा ॥ कृष्ण पक्षकीदशमी
आदिक पंचतिथिनके माहिं । है प्रशस्त सब श्राद्धकर्ममें चतु-
र्दशीहै नाहिं ॥ दोहा ॥ है विशेष जिमि शुक्ल पक्षते कृष्ण पक्ष
मनुजेश । तिमिहि श्राद्ध में पूर्वाह्नते है अपराह्न बिशेश ॥

इतिमहाभारतेशान्तिपर्वणिदानधर्मश्राद्धकल्पेऽथशीतितमोऽध्यायः ८३ ॥

युधिष्ठिरउवाच ॥ दोहा ॥ दीन्हे कौन पदार्थको पिण्ड परम अ-
भिराम । पितर लहतअक्षय तृपित कहो मोहिंबुधि धाम ॥ औ
कहु कौन पदार्थ को दिये पिण्ड हे तात । महत तृप्तिको पायके
बहुदिन पितर बिभात ॥ किहि पदार्थके श्राद्ध सों दिनअनन्त
लों पर्म । पितर तृप्तको लहतहैं कहिये तात सधर्म ॥ भीष्मउवाच
रामगीतो ॥ तिलनसों अरु ब्रीह यवसों मूलफलसों पर्म । मांस
सों अरु नीरसों बर किये श्राद्ध सधर्म ॥ पितर तृप्तसुरहत हैं
यक मासलों हेतात । शास्त्र मत सों कहतहैं अवगाहि बुधअ-
वदात ॥ बहुत तिलसों श्राद्धकीन्हें सहित प्रीति विशाल । ल-
हत अक्षय तृप्तिको हैं पितरसुनु भूपाल ॥ मत्स्यआमिषसोंकि-
येते श्राद्ध सविधि सुजान । पितर तृप्तिसुलहतहैं द्वैमासलोंमति
मान ॥ सविधिकीन्हें श्राद्ध शशके मांससों अभिराम । पितर
तृप्तसुरहतहैं त्रयमासलों बुधि धाम ॥ श्राद्धकीन्हें सविधि अ-
जके मांससों सहप्रेम । तृप्तिलहिकै रहत पितर सुपंचमास स
क्षेम ॥ श्राद्धमांस बराहके सों कियेते सुनुभूप । मासषट्त्वारहत

मोदित तृप्तिपाय अनूप ॥ श्राद्धकीन्हें बिहँगके वरमांससों अभिराम । सप्तमहिना रहततृप्त सुपितरसुनु बुधिधाम ॥ श्राद्ध कीन्हें चित्रमृगके मांससों सहप्रेम । अष्टमास सुतृप्तिलहि कै रहत पितर सक्षेम ॥ श्राद्धकीन्हें रोभके वरमांससों सुनुभूप । रहत मोदित मासदश लौं तृप्तिपाय अनूप ॥ श्राद्धकीन्हें महिषके वर मांससों महिपाल । लहतएकादश महीना पितरतृप्ति विशाल ॥ श्राद्धकीन्हें गऊके वरमांससों अभिराम । पितरमोदित रहत बत्सर तृप्ति लहिकै माम ॥ लहतजैसे एकबत्सरगव्यसों हे तात । तिमिहि घृतयुत खीरसों अति तृप्तिपाय बिभात ॥ श्राद्धकीन्हें खंगके वरमास सों सहप्रेम । पाय तृप्तिअनन्त बासर रहत पितर सक्षेम ॥ पिण्डदीन्हें फूलकोकचनारके अभिराम । तिमिहि दीन्हें चूंचको सहप्रेम पिण्ड ललाम ॥ पाय तृप्ति अनन्तबासर रहतपितर सक्षेम । सुनहु ताते भूपकरिये श्राद्धगहिकै नेम ॥ कही पितरनकी कथाभगवान सनतकुमार । पूर्व मोको कहीही सो सुनहु भूप उदार ॥ चरणादोहा ॥ होय हमारे कुलमें ऐसो कोऊवरमति मान । जौनसप्रेम हुलसिहीमें करि विप्रन को सनमान ॥ कारकृष्णकी त्रयोदशीमेंमघानखत को पाय । हमकोघृतयुत पायसताके पिण्डादेय सचाय ॥ दोहा ॥ ऐसेकहत सुपितर सब इच्छा करिकैपर्म । सुनहुभूपकुन्तीतनय प्रज्ञावान अभर्म ॥ श्राद्धकरै अजमांस सों मघानखतकेमाहिं । विधिसहअरु सहप्रेम अति चलदलतरुकीब्राहिं ॥ चरणादोहा ॥ गयातीर्थ में अक्षयबटतर कीन्हें श्राद्ध सप्रेम । दिन अनन्तलौं तृप्तिपायकै पितर सुरहत सक्षेम ॥ मधुमिलाय फल मूलअन्न जल दिये पितर तिथिमाह । दिन अनन्तलौं तृप्त रहतहैं पितर सुनहु नरनाह ॥

इतिश्रीशान्तिपर्वणिदानधर्मेश्राद्धकल्पेचतुरशीतितमोऽध्यायः ८४ ॥

भोष्मउवाच ॥ दोहा ॥ नखतनमें जो मिलतफल कियेश्राद्ध अभि-

राम । कहतभयो शशबिन्दुको धर्मराजसों आम ॥ तौन तुम्हें
हमकहतहैं पृथक् पृथक् नरराय । तजिप्रमादता सुनहु तुम
थिरिकै चित्तलगाय ॥ जयकरी ॥ श्राद्धकरत कृतिकामें जौन ।
रुजते बिगतहोतहै तौन ॥ कीन्हेंश्राद्ध रोहिणीबीच । अनुपम
मिलत अपत्य निभीच ॥ नखत मृगशिरामाहिंसप्रेम । कीन्हें
श्राद्ध सबिधिगहिनेम ॥ प्रापतहोत सतेजमहान । सुनहु युधि-
ष्ठिरभूप सुजान ॥ क्रूरजगतमेंहैं जनजौन । श्राद्धकिये आर्द्रामें
तौन ॥ कोमलहोत परम मतिमान । झूटतक्रूरस्वभाव महान ॥
कीन्हेंश्राद्धपुनर्वसुमाह । कृषीहोति बहुसुनुनरनाह ॥ कीन्हें श्राद्ध
पुष्यमें परम । पुष्टि पायतनहोत सशर्म ॥ अश्लेषामें कियेसनेम ।
श्राद्धमिलैं सुत धीरसक्षेम ॥ कीन्हेंश्राद्ध मघाकेबीच । होत
ज्ञाति में श्रेष्ठनिभीच ॥ कियेश्राद्ध फाल्गुणिमें परम । प्राप्तहोत
ऐश्वर्य्य सधर्म ॥ कीन्हेंश्राद्ध उत्तरामाह । मिलत अपत्य सुनहु
नरनाह ॥ कियेहस्तमें श्राद्ध अनूप । इच्छाहोति सिद्धिसब
भूप ॥ श्राद्धकिये चित्रामेंचारु । प्राप्तहोत सुतपरम सुदारु ॥
श्राद्धकिये स्वातीमें भूप । प्राप्ति बणिजमें होति अनूप ॥ सह-
विधि नखत विशाखा माह । कियेश्राद्ध सुनु हे नरनाह ॥ प्राप्त
होत बहुपुत्र सुदार । शुद्धप्रभाके बुद्धिअगार ॥ किये श्राद्ध अ-
नुराधा माहिं । रहैसदा राजाके पाहिं ॥ निग्रहकै इन्द्रिन को
सर्व । श्रद्धाकरि हियमाहिं अखब ॥ श्राद्धकिये ज्येष्ठामें परम ।
आधिपत्य लहिहोत सशर्म ॥ कीन्हें श्राद्ध मूलकेमाहिं । कौनिहुं
ब्याधि होतिहै नाहिं ॥ पूर्वाषाढमाहिं सुनु दक्ष । कीन्हें श्राद्ध
मिलैं यशस्वक्ष ॥ सबिधि उत्तराषाढा माह । कीन्हें श्राद्धसुनहु
नरनाह ॥ बिगतशोकसों कैकैपरम । रहत महीके माहिंसशर्म ॥
कियेश्राद्ध अभिजितमें चारु । विद्याप्राप्त सुहोत सुदारु ॥ श्राद्ध
श्रवणमें कीन्हेंतात । नरमारिकै सद्गतिको जात ॥ नखत धनिष्ठा
माहिं सप्रेम । कीन्हेंश्राद्ध सबिधि गहिनेम ॥ होत राज्यभागी

नरपर्म । निश्चय जानहु भूप सधर्म ॥ किये श्राद्ध शतभिषमें
तात । होत सुबैद्यपरम अवदात ॥ पूर्वभाद्रपदमें जनजौन ।
सह बिधिकरै श्राद्धको तौन ॥ अज अरु आविक लहतअने-
क । निश्चय जानहु नृप सबिवेक ॥ कीन्हेंश्राद्ध रेवती बीच ।
मिलत रत्नबहु नरहि निभीच ॥ कियेश्राद्ध आश्विनमें पर्म ।
अश्वमिलत बरसुनहु सधर्म ॥ श्राद्धकिये भरणीके माह । आयु
बढ़तिहै सुनु नरनाह ॥ सुने श्राद्धकी बिधि यहचारु । भूपति
बर शशबिन्दु उदारु ॥ श्राद्धकरत भो सबिधि सप्रेम । सुनहु
युधिष्ठिर भूप सखेम ॥ दोहा ॥ श्राद्धकियेकी पुण्यसों जीततभो
भू सर्व । भईप्रभा अतिअंगमें बाढोतेज अखर्व ॥

इति श्रीशान्तिपर्वणिदानधर्मे श्राद्धकल्पे पंचाशीतितमोऽध्यायः ८५ ॥

युधिष्ठिर उवाच ॥ सेरठा ॥ श्राद्धमाहिं अभिराम कैसो विप्र बुला-
इये । कहो तात बुधिधाम तुमहीं कहिबे योग्यहौ ॥ भीष्म उवाच ॥
तोमर ॥ कुलवान होय सुजान । अरु शीलवान महान ॥ बयहोय
जासु नवीन ॥ अरु पिता जासु प्रवीन ॥ बररूप होय अमन्द ।
तन शुद्ध होय नरेन्द ॥ बर विप्र ऐसो ताहि । बुलवाइये नृप
चाहि ॥ रामभीती ॥ द्विजनमाहीं जितेकाणे अन्धहैं सुनु भूप । नि-
मंत्रणके योग्यते नहिं श्राद्धमाहिं अनूप ॥ द्यूतखेलत जौन द्विज
अरु जौनहैं रुजवान । गर्भघाती जौन द्विज अरु करत जो द्विज
गान ॥ ग्रामके जे भृत्य हैं अरु मूर्ख जे द्विजपर्म ॥ जौन जारत
गेह को हैं विप्र सुनहु सधर्म ॥ गरल जे द्विजदेत हैं अरु राज
भृत्य सु जौन । पिताको जे देत उत्तर महा दुर्मतिभौन ॥ जौन
बेचत सोमबल्ली धरत जो बहुरूप । सर्व वस्तुहि जौन बेचत
विप्र हे सुनु भूप ॥ द्यूत पणसों द्रव्यलीबे हिये में ललचाय ।
अन्यकी तिय अन्यपै द्विजदेत जे पहुंचाय ॥ रमत जो परदार
सँग अरु तैल बेचत जौन । कपटको जो करतहैं द्विज परम दु-
र्मतिभौन ॥ करत चुगुली मित्रसों जो द्रोह राखत विप्र । हल-

ग्राहीजौन अरु जे बचनछोड़त क्षिप्र ॥ धारि शस्त्रहि जीविका
जेकरत द्विज महिपाल । जात जे गुरुनारिपै धरि हियेपाप वि-
शाल ॥ इवानगणको राखिमृगया करतहैं द्विजजौन । क्रोधजो
बहुकरतहैं द्विज परम दुर्मतिभौन ॥ जीविका जो करतहैं द्विज
चित्र लिखि अभिराम । करत चोरी हेमकी हैं जौन द्विजअघ-
धाम ॥ करत जो द्विजजीविका तिथिपत्रको नितबांछि । छोंड़ि
कै निजकर्म जे द्विज लेतहैं धननाचि ॥ जौनहैं द्विज शूद्रकेऊ
पुरोहित भूपाल । देवताको चढ़ो जो द्विज द्रव्यलेत विशाल ॥
इवानकाटोहोय जौने बिप्रको नरनाथ । रमतिजाकी होयनारी
और पतिकेसाथ ॥ पढिसमुद्रिक जीविकाको करतहैंद्विजजौन।
पांति बाहिर इते द्विजहैं सुनहुं नृपबुधिभौन ॥ जौनद्विजकेबंधु
लघुको भयो होय विवाह । होय अपनो नाहिंभो द्विज तौनऊ
नरनाह ॥ जातिबाहिर हेकहैंबुध परम प्रज्ञावान । वेदमें जेरह-
तहैं रत धर्मवान महान ॥ कहतहैं इहिभांतिते द्विज पांति बा-
हिरजौन । निमंत्रणके योग्यनाहीं श्राद्धमाहींतौन ॥ करेंभोजन
बिप्र जो ये श्राद्ध माहींतात । राक्षसनकोहोय तौ फलश्राद्धको
अवदात ॥ पढ़ै जो द्विज श्राद्धमें करिभोज्य सुनु बुधिरास ।
बसैं विष्ठामाहिं ताके पितर तो यकमास ॥ श्राद्धमें करिभोज्य
जो द्विज जाय शूद्रीपास । पितर तौ यजमानके सब निरयमें
यकमास ॥ बसैं विष्ठामाहिं तौने बिप्रकी निजजानि । शास्त्रको
अवलोकिकै बुध कहतहैं अनुमानि ॥ जौन बेचत सोमबल्ली
तौन द्विज बुलवाय । श्राद्धमें जे देतभोजन ताहि सुनुनरराय ॥
होत विष्ठाप्राप्तताके पितरको हे तात । वैद्यको जे देत भोजन
श्राद्धमें अवदात ॥ होतताके पितरकोहै प्राप्त शोणितपीप ।
सुनहुताते वैद्यको बुलवाइये न महीप ॥ ब्याजको जे लेत हैं
द्विजलोभके आगार । श्राद्धमें बुलवाइये नहिं तिन्हें भूपउदारा
श्राद्धमाहीं तिन्हें भोजन दियेते अभिराम । पितरको नहिंहोत

प्रापित श्राद्धफल बुधिधाम ॥ करत जो बाणिज्यको द्विज जी-
विकाकेकाज । श्राद्धमें बुलवाइये नहिं ताहिहे नरराज ॥ तिन्हें
भोजनदियेतेनहिं मिलत कछुफलभूप । दुहूंलोकनमाहिं निजुकै
कहतप्रज्ञअनूप ॥ धर्मसों जो रहितहैं द्विज श्राद्धमाहींताहि ।
दियो जोहै भोज्यताते मिलत कछुफलनाहि ॥ जानिये ते द्वि-
जनको जो अल्पबुद्धी परम । देत भोजनश्राद्धमाहीं सुनहुं भूप
सधर्म ॥ खातताके पितरविष्ठाकहतबुध अवदात । हैनहीं संदेह
यामें जानु निश्चयतात ॥ मंत्र जे द्विज अल्पबुद्धी शूद्रजनको
देत । श्राद्धके नहिं योग्यतेऊ सुनहु भूप सचेत ॥ दियेभोजन
श्राद्धमें एकाक्ष द्विजको तात । साठि द्विजके भोज्यकोफल मि-
लतनहिं अवदात ॥ दिये भोजनश्राद्धमाहीं खंज द्विजकोभूप ।
एकशतद्विज भोज्यको फलमिलत नाहिं अनूप ॥ पांतिमाहीं
विप्रकुष्ठी लखैं विप्र जितेक । तितेकनके भोज्यको फलमिलत
नहिं सबिवेक ॥ किये भोजन राखि शिरपैवस्त्रको हे नन्द । औ
अवाची और मुखकै किये भोज्य अमन्द ॥ असुरगणको होत
प्रापति भोज्यको फलपरम । कहतहैं अवगाहिकै बुध सुनहुभूप
सधर्म ॥ रहितश्रद्धाश्राद्ध माहीं दियो भोजन जौन । प्राप्तसो
सब दनुजपतिको होतहै बुधिभौन ॥ असूयाकरिदियो भोजन
द्विजनको जो भूप । तौनहूंसब दनुजपतिको प्राप्तहोत अनूप ॥
कहत हैं यहिभांति बुधवर श्राद्धविधिके माहिं । श्वान औ का-
णादि द्विजको लखनदीजै नाहिं ॥ रहित तिलसों श्राद्धकीन्हें
औ किये सहक्रोध । भूत राक्षस लूटिताको लेत कहतसुबोध ॥
पंक्ति बाहिर जिते द्विजहैं कहे तुमको तौन । सुनहु अवहम क-
हतहैं नृप पंक्तिपावन जौन ॥ अग्निहोत्री विप्र औ व्रतवान
विद्यावान । वेदमें नित रहत तत्पर धर्म शीलसुजान ॥ ऋतु-
वती जब होयनारी जाय तब तिहिपास । कबहुंनहिं परनारि
देखै करै ज्ञानप्रकास ॥ वेदके षट्अंग तिनको पढ़ै जो द्विज

पर्म । पढ़ावै जो वेदगावै सामवेद अभर्म ॥ पिताको अरुमातु
को जो भक्तवर बुधिधाम । ब्रह्मचारी जौन द्विज अरुसत्यवादी
माम ॥ रहै सुकरममाहिंजोरत परमप्रज्ञाभौन । कियोश्रमजिहि
होय करिकै तीर्थयात्रागौन ॥ होहिं इन्द्री जासुबश अरु रहित
क्रुधसों जौन । होयश्रोत्रिय जौनद्विज दशपुस्तिसोंबुधि भौन ॥
चपलतासोंरहितजो अरुक्षमायुतजो पर्म । पंक्तिपावनइतेद्विज
हैंकहतप्रज्ञअभर्म ॥ दीजिये इनको निमंत्रण श्राद्धमाहींतात ।
दिये इनको पितर अक्षय तृप्तिपाय बिभात ॥ औरऊ हैं पंक्ति
पावन बिप्र हे नरराय । तौन तुमसों कहत हैं हम सुनहु चित्त
लगाय ॥ करत सेवा गुरुनकी जो भरेहर्ष महान । मोक्ष धर्महिं
जानते हैं बिप्र जे मतिमान । रहत जे व्याकरण में रंत नित्य
आलस त्यागि । पढ़त जौन पुराणहैं द्विज ज्ञानवर सोंपागि ॥
धर्म शास्त्रहि जानिकै जे करत बिधिवत काज । वेदमाहीं श्रेष्ठ
जे बरबिप्रहैं नरराज ॥ जहांलों ये बिप्रदेखैं पंक्तिको अभिरा-
म । करत पावन तहांलों हैं सुनहु नृप बुधिधाम ॥ करतपावन
पंक्तिको हैं बिप्रये मतिमान । पंक्तिपावनकहत याते इन्हें मनुज
सुजान ॥ पढ़ावत जे वेदहैं द्विज सुवन तिनकेपर्म । दूरिहू सों
सुनेपावन करत पंक्तिसधर्म ॥ रहित जो द्विजहोय तिनमें दोष
जे हैं सर्व । पतितहोय न परम निर्मल होयकरत अखर्व ॥ सु-
नहु भूमिप बिप्रऐसो पढ़ेअल्पहु वेद । पंक्तिपावन द्विजनसों सो
रहतहोय अभेद ॥ पंक्तिबाहिर जितेहैं अरु जिते पावन पर्म ।
कहे तुमसों तिते हम सब बिप्रसुनहु सधर्म ॥ परीक्षा बिनकिये
द्विजकी जे निमंत्रण देत । पितर ताके लहत दुखअति कहत
बुद्धिनिकेत ॥ देतभोजन मित्रको जे श्राद्धमें बुलवाय । पितर
ताके होततृप्त न जानुनिजु नरराय ॥ मित्रताको भावकरिकै
श्राद्धमें जनजौन । देतजे अन्योन्यभोजन लहतस्वर्ग न तौन ॥
जायकौनहुं पुण्यसों जो स्वर्गमें अभिराम । होय तौ च्युतशी-

ग्रही यह कहतबर बुधिधाम ॥ सुनहु ताते मित्रको बुलवाइये
 नहिंतात । श्राद्धमाहीं श्राद्धविधिविद कहतहैं अवदात ॥ शत्रु
 होय न मित्रऐसो बिप्र जो नरनाह । ताहिभोजन दीजिये बर
 श्राद्धमें करिचाह ॥ श्राद्धमाहीं दियेभोजन मूर्ख द्विजको चारु ।
 होत कछुफल नाहिं दोऊ लोकमाहिं सुठारु ॥ होतनहिं उत्पन्न
 जैसे बीज ऊसरमाहिं । तिमिहिं दीन्हें मूर्खद्विजको होतहैफल
 नाहिं ॥ श्राद्धमाहीं परस्पर बर दक्षिणा जे देत । होतप्राप्त न
 पितरको सो कहत बुद्धि निकेत ॥ भ्रमत याही लोकमें सो द-
 क्षिणा नरराय । भ्रमै शालामाहिं जैसे नष्टबत्सागाय ॥ जौन
 नर्तक बिप्रहैं अरु गानकारक जौन । श्राद्धमाहीं तिन्हें दीन्हीं
 दक्षिणाहै तौन ॥ देत जो है तास पितरहि देतदिवते डारि । है
 नहीं सन्देह यामें तुम्हें कहत बिचारि ॥ देत जो अरु लेतजो
 हैं करत तिनको नास । जगतमाहीं करत तिनके बंशको उप-
 हास ॥ ऋषिनको आचारजे नित करतहैं सुनुभूप । औ सुजा
 नत सर्वधर्महिं भर्मरहित अनूप ॥ देवतावर तिन्हें जानतबिप्र
 अन्यहि नाहिं । बढ़त नितसों मोदहै सब सुरनके हियमाहिं ॥
 पढ़नमें रत रहतजे अरु ज्ञानमें रतजौन । कर्ममें रत औ सु
 तपमें जौनरत बुधिभौन ॥ चारिविधिकेबिप्र ये तिनमाहिं सुनु
 बरभूप । ज्ञानमें रतजौन सोहैं श्रेष्ठ परमअनूप ॥ ताहिभोजन
 दीजिये बर श्राद्धमें बुलवाय । तासुआदर कीजिये अतिवचन
 कहि सुखदाय ॥ करतनिन्दा जौन द्विजहैं द्विजनकी सुनुतात ।
 ताहि भोजन दीजिये नहिं श्राद्धमें अवदात ॥ करै जो द्विज
 कबहुं निन्दा द्विजनकी नहिं भूप । ताहि भोजन दीजिये बर
 श्राद्ध माहिं अनूप ॥ वेदपारग बिप्र तिनकी परीक्षा क्षिति-
 कन्त । दूरिही ते कीजिये इमि बुद्धिमान भनन्त ॥ श्राद्ध
 भोजन योग्य नृप अनहितहु जो द्विज होय । श्राद्ध में बुल-
 वाइये तौ परम सादर सोय ॥ दिये भोजन लक्ष मूर्ख द्विजन

को फलजौन । एक बुध को दियेभोजन मिलतहै फलतौन ॥

इतिश्रीमहाभारतेदानधर्मेऽश्राद्धकल्पेऽष्टाशीतितमोऽध्यायः ८६ ॥

बुधिधिरुवाच ॥ दोहा ॥

कौन समयमें किहिकियो प्रथम श्राद्ध
अभिराम । कहौ श्राद्धको रूपहै कैसो सुनु बुधिधाम ॥ कौन
अन्न अरु कौनफल कौनमूल अरुकर्म । श्राद्धमाहिं नहिंग्रहण
है कहिये तात सधर्म ॥ भीष्मउवाच ॥ प्रवृत्तिभई जिमि श्राद्धकी
जौन समयके माहिं । कीन्हों जिहिं अरुरूप है तैसो सुनु मम
पाहिं ॥ अरिल ॥ अत्रि सुऋषि अरु ब्रह्माके सुत । परम प्रताप
वान मेधायुत ॥ तिनके बंशमाहिं शुचि बुधिधर । दत्तात्रेयभये
सुनु नृपवर ॥ होतभये तिनके नन्दननिमि । कश्यपके तेजस्वी
रविजिमि ॥ रामहोत भो ऋषि निमिके सुत । परम प्रतापवान
शोभायुत ॥ करिकै सो तप सहसवर्ष बर । भयो मृत्युको
प्राप्त सुमतिधर ॥ तब ऋषिवर निमिशोच सबिधिकरि ।
बिकलभयो अतिशोक माहिं परि ॥ चतुर्दशी तिथि में तदन-
न्तर । करिकै शय्यादान सबिधिबर ॥ मन बटोरि तजिशोक
महानाहिं । करत भयो उत्पन्न सुज्ञानहिं ॥ तदनन्तर निमि
सुऋषि महामति । सुबिधि श्राद्धकी बर उत्तम अति ॥ तजि
प्रमाद भो ताहि बिचारत । अरु ताको भोजन निरधारत ॥
अन्न मूल अरु फल ताके बर । सब बिचारि हियमाहिं सुम-
तिधर ॥ सुतिथि अमावस्यामें उत्तम । बिप्र बुलाय प्राज्ञ गुरु
की सम ॥ दोहा ॥ आसन रुचिर बिछायकै सप्तद्विजनको स्वक्ष ।
सावांको भोजन दयो लवणविना निमिदक्ष ॥ घोरठा ॥ करिकै
दहिनी ओर अग्रभाग बर दर्भके । शुचिविष्टरकी ठौर बिप्रन
के पदतर धरे ॥ दोहा ॥ दक्षिणादिशि कुश अग्रकरि तिनऊपर
बुधिधाम । गोत्रनाम उच्चारिकै दीन्हेंपिण्ड ललाम ॥ तोमर ॥
करिश्राद्ध निमि बुधिधाम । करिशोच हियमें माम ॥ इमिभयो
करत बिचार । सुनु भूप बुद्धिअगार ॥ मुनिवृन्द परम प्रवीन ।

नहिंश्राद्ध पूरव कीन ॥ तिहिते सुब्राह्मण कोहि । नहिं जारिडारे
 मोहि ॥ दोहा ॥ करिकै हियमें शोचयह कियो अत्रिको ध्यान ।
 ध्यान करतही आयगे ऋषिवर अत्रि सुजान ॥ पुत्रशोक सों
 देखिकै निमिको कर्षित पर्म । समुभावतभो ज्ञानके कहिकै
 बचन अभर्म ॥ विधिको विरच्यो धर्मयह कीन्हों है तुमजौन ।
 बिना स्वयम्भू श्राद्धकी विरचि सकै विधिकौन ॥ जयकरी ॥ बि-
 धिकी कही श्राद्धविधि जौन । तुमको कहत तात हम तौन ॥
 प्रथमस्थापि अग्निको पूजि । सो हे तात मंत्रको कूजि ॥ तद-
 नन्तर पावक अरु सोम । वरुण निमित्त करै बरहोम ॥ करि
 बहु भांति स्तुति बुधिधाम । पाणि जोरिकै करै प्रणाम ॥ दोहा ॥
 पुनिकरि विश्वदेवको पितरन सह आहवान । द्विज बुलाय ति-
 नके निमित्त पूजाकरै सुजान ॥ तदनन्तर द्वै द्विजनको भोजन
 परम ललाम । पिण्डदानदै पितरकी अस्तुति करै बुधिधाम ॥
 करै बिसर्जन श्राद्धको तदनन्तर हे तात । निर्मलद्वै बैठोरहै करि
 स्वभाव अवदात ॥ निजु बर्जितहै श्राद्धमें अन्न मूल फल जौन ।
 ते तुमको अब कहत हैं सुनहु तात बुधिभौन ॥ जयकरी ॥ कछू
 धान्ययुत तण्डुल जौन । श्राद्ध माहिं बर्जित हैं तौन ॥ हिंगु
 प्याज अरु श्यामल लौन । लहसुन औ गंजन बुधिभौन ॥
 कूषमाण्ड शित जीरा श्याम । बर्जित श्राद्ध माहिं बुधि धाम ॥
 बिषको शस्त्रलगे पशु जौन । मरत तासु आमिषहै तौन ॥ श्राद्ध
 माहिं बर्जितहै तात । प्रज्ञावान कहत अवदात ॥ रहत बराह
 ग्राम में तास । आमिष बर्जितहै बुधिरास ॥ औ अंकुरको शाक
 सु जौन । औ अलाबु जम्बूफल तौन ॥ श्राद्ध माहिं ये बर्जित
 सर्व । सुनहु तात मतिमान अखर्व ॥ कोविदारफल औबिट
 नौन । श्राद्धमाहिं बर्जित बुधिभौन ॥ सिंघाड़ा अरु रुदन सु-
 जान । बर्जितहैं ऋषि भणत महान ॥ जो ये सर्व श्राद्धके माहिं ।
 होहिं पितर तौ मोदित नाहिं ॥ श्राद्धमाहिं बर्जित हैं जौन । कहे

अन्न आदिक हम तौन ॥ रामगीती ॥ बिप्रको जे हनतहैं अरु
करत मदिरा पान । करत चोरी हेमकी हैं जौनद्विज अज्ञान ॥
पापसों गुरुनारि पै द्विजजौन कुमती जात । करै इनचारोंन सों
जो मित्रता हे तात ॥ पांच ये हैं पतित प्रज्ञावान कहत महान ।
इन्हेंदीजै होन निकट न श्राद्धके मतिमान ॥ बिप्र कुष्ठी बर्ण
सङ्कर ब्रह्मघाती जौन । श्वपच औ चाण्डाल तिमिहीं सुनहु
वर बुधिभौन ॥ श्राद्धके आगार के नहि निकट दीजैहौन । अ-
त्रिकहि इहिभांति निमिको गये विधिके भौन ॥

इतिश्रीशान्तिपर्वणिदानधर्मश्राद्धकल्पेसप्ताशीतितमोऽध्यायः ८७ ॥

भीष्मउवाच ॥ तोमर ॥ सुनि पितामहके बैन । निमि सुऋषि
प्रज्ञाएन ॥ वर श्राद्धकी विधिबीच । भो प्रवृत्त होत निभीच ॥
दोहा ॥ प्रवृत्त भये ते श्राद्धकीविधिमें निमिको पर्म । पितरयज्ञ
करतेभये ऋषिवर सर्वसधर्म ॥ रामगीती ॥ ता अनन्तर वरण
चारिहु भरे अतिहि उवाह । श्राद्धकीबेलगे विधिसों सुनहु हे
नरनाह ॥ पितरके अरु सुरनके तबभो अजीरणपर्म । दंतभो
दोऊनको सो दुःख सुनहु सधर्म ॥ ता अनन्तर अतिहि पीडित
पितर सह सुरवृन्द । सोमके गे पास सबही सुनहु कुन्तीनन्द ॥
प्राप्त कैकै सोमको इमि भये कहते सर्व । श्राद्धके बहु अन्नसों
हम लखो दुःख अखर्ब ॥ आपु करिकै कृपा अतिही करि अ-
जीरण दूरि । जानि हमको शरणमें तुम देहु आनँदभूरि ॥ पितर
सहित सुदेवतनके सोम सुनिये बैन । कह्यो इमि तुमजाहुविधि
के पास आनँदएन ॥ तिहारो दुखहरेंगे सब करेंगे कल्याण ।
जाहु ताते शीघ्रही तुम द्रुहिण पै मुदमान ॥ बचन सुनिये पि-
तर सहसुर गये विधिकेपास । देखि तिनको मेरुगिरिके शृंगपै
सहुलास ॥ पितर सहसुर बचन ऐसे कहे हे भूपाल । श्राद्धकोबहु
अन्न हमको व्यथादेत विशाल ॥ सोव्यथाहरि कृपा करिकै
देहु हमकोचैन । दयासागर सुनहु हे लोकेश आनँद एन ॥ बैन

२१६ शान्तिपर्वदानधर्मदर्पणः ।

सुनि ये कह्यो विधि इमि कृपा करिकै भूरि । अग्नि देहै मोद
तुमको व्यथाकरिकै दूरि ॥ ता अनन्तर कह्योऐसे अग्नि हेनर
नाथ । श्राद्ध अवजब होयगो तब सर्व हम तुम साथ ॥ तास
भोजन करेंगे सुनु पितर सहसुर सर्व । जायगी मम संगमें मि-
टिब्यथापरम अखर्व ॥ अजीरणकी व्यथा तुमको फेरिकैहै नाहिं
बचन सुनि ये अग्निके बरविधाताकेपाहिं ॥ पितर सहसुरभये
मोदित परम हे नरराय । अजीरण जो हुतो सो सबगयो
मिटि दुखदाय ॥ श्राद्ध में यहि हेतु ते जन परम प्रज्ञावान ।
भागपूर्वहि देत शिखिको सुनहु भूप सुजान ॥ दिये पूर्वहि भाग
शिषिको पितर कारज माहिं । ब्रह्म राक्षस आय करिकै करत
बाधा नाहिं ॥ और राक्षस जिते तेते सकत पास न आय । अ-
ग्नि ऐसो देतहै फल भाग पूरवपाय ॥ सुनहु ताते भागपूर्वहि
देय शिषिको परम । पिण्ड दीजै पिताको सहप्रीति तात सधर्म ॥
ता अनन्तर पितामहको देत पिण्ड सुठान । पितामहके पिताको
पुनि दीजिये मति मान ॥ दोहा ॥ मनसों गायत्रीजपै पिण्ड पि-
ण्डके माहिं । रजस्वलाको श्राद्ध में आवनदीजै नाहिं ॥ भंगहो
हिं जिहिनारिके दोऊ कान सुजान । सोऊ आवन दीजियेश्राद्ध
में न मतिमान ॥ सुधा ॥ अल्पनीर पार लेय पितरको सुनाम ।
नदीपार होय करै तर्पण बुधि धाम ॥ तर्पणकै प्रथम पितर अप-
नेको चारु । जोरि पाणिकै प्रणाम ध्यानकै सुठारु ॥ दोहा ॥ स-
म्बन्धनके पितरको तदनन्तर हे भूप । तर्पण करै सुविधि सहित
मतिमत कहत अनूप ॥ लगे शकटमें द्वै वृषभचित्रवर्ण अभि-
राम । तिन्हें पाय उतरत नदी सुनहु तात बुधि धाम ॥ कीन्हे
तिनकी पुच्छपर तर्पण सहविधि परम । पितर मोद अति लहत
हैं भूपति सुनहु सधर्म ॥ आयु बढ़ति बीरजबढत सम्पति बढ़-
ति महान । पितर भक्तिते सुनहुनृप पण्डसुवनमतिमान ॥ प्रेत
पिण्ड संबन्धते होत पितरहैं भूप । छूटतहैं प्रेतत्वते बुधवरक-

हत अनूप ॥ भई श्राद्ध उत्पत्ति जिमिकही तुम्हें तिमि तात ।
दान विधिहि अब कहतहमसुनहु तौन अवदात ॥

इति श्रीशान्तिपर्वणिदानधर्मे श्राद्धकल्पेऽष्टाशीतितमोऽध्यायः ८८ ॥

युधिष्ठिर उवाच ॥ दोहा ॥ सुनहु पितामह कहत तुम श्राद्धमाहिं
अभिराम । ब्रती बिप्र बुलवायकें दीजै भोज्य ललाम ॥ भोजन
कीन्हें श्राद्ध में ब्रती द्विजनको चारु । रहिहै ब्रत किहि भांतिसों
कहिये बुद्धि अगारु ॥ भोष्मउवाच ॥ सोरठा ॥ यज्ञको सुब्रत जौन
भोजन कीन्हें श्राद्ध में । तौनहिं सुनु बुधिभौन नष्ट होत नहिं
अन्यब्रत ॥ युधिष्ठिर उवाच ॥ दोहा ॥ जौन दानकोदेत अरु जौनदा
नको लेत । तिनमेंको जनश्रेष्ठहै कहिये बुद्धिनिकेत ॥ भोष्मउवाच ॥
दान लिये गुणवानसो अल्पदोषहै होत । निर्गुण ते लीन्हें महा
दोष होत बुधि पोत ॥ तिमिहिं दिये गुणवानको होत सु पुण्य
महान । निर्गुणीको दीन्हें अल्प होत पुण्यमतिमान ॥ सोरठा ॥
ताते दोउन माहिं जे गुणवतते श्रेष्ठ हैं । यामें संशयनाहिं नि-
श्चय करिकै कहतहौं ॥ दोहा ॥ यहि प्रसंगमें कहतहौं यकइति
हास अवाद । वृषादर्भ अरु सप्तऋषि नितको है संवाद ॥
रामगीती ॥ अत्रि कश्यप भरद्वाज सु औ बशिष्ठ सदार । सुऋषि
विश्वामित्र औ जमदग्नि पुण्य अगार ॥ अरु सुगौतम सुऋषि
ये वरसप्त अति अभिराम । हुतीदासी एक तिनकी तासगण्डी
नाम । हुतो भर्ता तासपशुसख शुद्रसुनु नरनाह । कामनाकै बह्य
लोकहि प्राप्तकीही माह ॥ तपस्याको करत ते सब फिरतहैं भू
बीच । भानुकीसी प्रभा तिनकी सुनहु तात निभीच ॥ कबू दिन
में भई होती अनावृष्टि महान । अतिहि पीडित भयोताते लोक
यह मतिमान ॥ समयतौनहिं माहिं यकबर बिप्र मेधाधाम ।
कामनाकरि यज्ञकीवर सहित आदर माम ॥ बोलिसप्तहु ऋषि
न को विधि सहित करिकै यज्ञ । दक्षिणामें ऋषिनको सो देत
भो सुतप्रज्ञ ॥ काल तौनहिं सो बश कालके भो होत । क्षुधासों

सन्तप्तते ऋषि सर्व प्रज्ञापोत ॥ भयेठाढ़े होत तिहिकोचहूँदि-
 शिसों घेरि । परस्पर ते लगे देखन मृतकताकोहेरि ॥ ताअन-
 न्तर गण्डिताके अंगऋषिवर सर्व । भये चुरवत क्षुधासों अ-
 ति पायदुःख अखर्ब ॥ वृषादर्भ महीप तिनको देखिकै मगमाहिं
 भयो कहतो बैन ऐसे जायतिनके पाहिं ॥ वृषादर्भ उवाच ॥ पुष्टि
 का जै लेहु धन तुम करहुयह मतिकर्म । याच्यमान सु विप्र
 मोको लगत हैं प्रिय पर्म ॥ तुम्हें देहों वृषभवर दश सरस
 अतिबल वान । परम सूधे श्वेत रंगके स्वक्ष सुखमावान ॥
 धेनुबहु अरुरत्न देहों और बहुधन चारु । करहु भक्षण आपु
 मति यह है अभक्ष उदारु ॥ ऋषयजुषुः ॥ दोहा ॥ लेत प्रतिग्रह
 नृपन को लागत है प्रिय पर्म । पै दुखकर फलकार है भूपति
 सुनहु सधर्म ॥ जौन प्रतिग्रह लेतनाहिं ते निर्मल वर विप्र ।
 तपसों करत प्रसन्नहैं आदित्यनको क्षिप्र ॥ विप्रनके तपको
 महतदहत प्रतिग्रहभूप । नहीं प्रतिग्रह लेतहैं तातेप्रज्ञ अनूप ॥
 दीजै अर्थी द्विजनको भूपप्रतिग्रह आप । कहिकै इमि वृषदर्भि
 को ऋषिवर धर्मकलाप ॥ करतभये प्रज्वलित अति पावकको
 हे तात । पैनपक्क भो मांसतब भयेबिपिनको जात ॥ अरिल ॥
 वृषादर्भि के मंत्री मतिबर । शासनपाय सर्वकारजकर ॥ बनमें
 जाय उदुम्बरचुनिकरि । तिनकेमाहिंहेमकोगुणिभरि ॥ दयेऋ
 षिनके आगेधरिजबाजानिगरु इमिअत्रिकह्योतब ॥ उदुम्बरन
 में सुव्रणभरि तुम । ल्याये सो छल जानिलियोहम ॥ दोहा ॥
 जो ये फलहम लेहिं अति तृष्णाकरि हियमाहिं । पावैं तौ पर
 लोक में उत्तमफलको नाहिं ॥ इच्छा जे परलोक में सुखकी
 करत महान । ते नप्रतिग्रह लेतहैं निजुकै कहत सुजान ॥ बशि
 षुउवाच ॥ चरणकुलक ॥ जिमि जिमिद्रव्यमिलत अभिमानी । ति-
 मि तिमि तृष्णाहोति महानी ॥ तिहिते जन दुर्गतिके माहीं ।
 निश्चय परत अनिश्चय नाहीं ॥ कथ्यपउवाच ॥ भूकेमाहिं वस्तु

है जेती । लोभ न हटत लहेहू तेती ॥ ताते सुज्ञगहै संतोषै ।
तृष्णा को कबहुं नहिं पोषै ॥ भरद्वाजउवाच ॥ है प्रमाण तृष्णाको
नाहीं । ताते तजेरहे सुखमाहीं ॥ गौतमउवाच ॥ दोहा ॥ ऐसी को-
ऊबस्तुनहिं लोकमाहिं अभिराम । तौनबस्तुको पायकै होय न
तृष्णा माम ॥ तृष्णाजनकी सिन्धुसम कबहुं भरति है नाहिं ।
ताते सन्तोषै गहे होत मोदहियमाहिं ॥ विश्वामित्रउवाच ॥ पूर्णभये
यककामना द्वितिय कामनाहोति । सिद्धिहोय जो द्वितियतौ ति-
सरी करति उदोति ॥ ताते सुवरण लेनकी करिहैं तृष्णानाहिं ।
यहितृष्णातेहोहिबहु तृष्णाहीकेमाहिं ॥ जमदग्निरुवाच ॥ ते बुधतप
धारण करत जेन प्रतिग्रह लेत । धारणते नहिंकरिसकत जे
द्विजलेत अचेत ॥ प्राप्तहोतहै विप्रको दानमाहिं धन जौन ।
हम निश्चयकरि कहतहैं रहत नहींहैतौन ॥ असन्धत्युवाच ॥ धन
कोसंचयधर्मको कीजै कहत सु कोय । तपके संचय समनपै
धनको संचय होय ॥ धनसंचय ते श्रेष्ठहै तपको संचय परम ।
तपके संचयको किये को नहिंहोत सशर्म ॥ गण्डयुवाच ॥ डरत
प्रतिग्रहते बली ये ऋषि निबल समान । ताते अतिही डर-
भयो मोहिय माहिं महान ॥ पशुसखउवाच ॥ पगे लोभ में मिलत
नाहिं उत्तमपद अभिराम । ताते ब्राह्मण कहत हैं लोभ त्याग
धन माम ॥ शिक्षारथ इन ऋषिनके लगोरहतमें पास । यथा
योग में करत हौं सेवासहित हुलास ॥ ऋषयजुः ॥ रहो कुशल
सों दानसह वृषादर्भि महिपाल । जाके शासनसों कियो तुम
छलइतो विशाल ॥ मधुभार ॥ इमि कहि सुबैन । ऋषि सुमति
ऐन ॥ फलत्यागि तौन । सुनु सुमति भौन ॥ बनमाहिं अन्य ।
गे सर्व धन्य ॥ वृषदर्भि भूप । तिहिके अनूप ॥ मंत्री अपार ।
छलके अगार ॥ वृषदर्भि पासु । ते जायआसु ॥ इमिकहेबैन ।
नतकै सुनैन ॥ मन्त्रिणजुः ॥ अत्रादि सर्व । ऋषिवर अखर्व ॥
छलको सुजानि । छलभीति मानि ॥ फलतौन त्यागि । तहैंते

सुभागि ॥ वनमाहिं अन्य । ते गये धन्य ॥ दोहा ॥ मंत्रिनके ये
 बचनसुनि वृषादर्भि महिपाल । जातभयो निजधामको करिकै
 कोप विशाल ॥ चरणाकुलक ॥ गृहमें होमहि करतो भयो । वृषा-
 दर्भि भूपति कुवरयो ॥ कढ़ी अग्निते एक कराला । लोकभय
 करी नारि विशाला ॥ ताहिदेखि भूपति हर्षानो । जान्योकार्य्य
 भयो मनमानो ॥ नाम यातुधानी तिहि केरो । राख्यो नृप मुद
 पाय घनेरो ॥ अतिहि कराल काल रजनीसी । ठाढ़ी होय मृत्यु
 सजनीसी ॥ नृपको कहति भई इमिबाणी । सोहिं आय जोरि
 दोउ पाणी ॥ करौंकौन कारज मैं कहिये । कहत आपु संदेह न
 गहियो ॥ वृषादर्भि यहबाणी सुनिकै । कहत भये ताको इमिगुणि
 कै ॥ वृषादर्भिरुवाच ॥ सह अरुन्धती सप्तऋषिनके । दासी अरु
 दासीपति तिनके ॥ नाम अर्थको गुणिहिय माहीं । जाय बि-
 पिन में तिनके पाहीं ॥ दोहा ॥ मारिसकै जो तिनहिं तू तौ तिन
 को करनाश । मन आवैतहुँ जाइयोकरि मममोदप्रकाश ॥ सुनि
 भूपतिके बचनये करिकै क्रोध अखब । तिहि वनको जाती भई
 हुते जहां ऋषिसर्व ॥ भीष्मउवाच ॥ चरणाकुलक ॥ सह अरुन्धती
 सप्तऋषीवर । विचरत हे जिहिवनमें बुधिधर ॥ बासववनि सं-
 न्यासी आयो । तहांपीन परमासों आयो ॥ संगस्थूल श्वानको
 लीन्हें । आनंदभरो मन्दगतिकीन्हें ॥ देखि अरुन्धति सती महानी ।
 कही ऋषिनको ऐसे बानी ॥ जैसोपीन अंग संन्यासी । अतिही
 भरो प्रभासों खासी ॥ तैसे तुमकैहौकी नाहीं । कहौमोहिं गुणिकै
 हियमाहीं ॥ अजिष्ठउवाच ॥ नित्यकर्म कीबेकी भारी । चिन्ता हमेंहोति
 हे नारी ॥ सो चिन्ता याके है नाहीं । कहततोहिं हम गुणिहिय
 माहीं ॥ ताते श्वानसहित संन्यासी । धरे पीनता परमाखासी ॥
 अचिरुवाच ॥ भयो क्षुधासों नष्ट बीर्य्यमम । ताते वेदहि भूलिगये
 हम ॥ चिन्ताताकी मोहियमाहीं । सोचिन्ता याकेहै नाहीं ॥ ताते
 श्वानसहित संन्यासी । धरेपीनता परमाखासी ॥ विश्वामित्रउवाच ॥

धर्महमारो क्षीणभयोहै । ताते अतिहिय शोचछयो है ॥ तौन शोच याकेहै नाहीं । मिलतभोज्य जहँ करततहांहीं ॥ आलस युत अरु मूर्खमहाहै ॥ तहँहीं जातजहां मनचाहै ॥ तातेश्वान सहित संन्यासी । धरेपीनता परमाखासी ॥ जमदग्निउवाच ॥ इंधन अरु सुअन्न सञ्चयकी । चिन्तानित अति दुखता मनकी ॥ हमको प्राप्त रहतिहै जैसी । याको प्राप्तनहींहै तैसी ॥ ताते श्वानसहित संन्यासी । धरेपीनता परमाखासी ॥ कश्यपउवाच ॥ जिमि कुटुम्बके लोगहमारे । कोहूनहीं टरतहँटारे ॥ देहुभोज्य यहभांति पुकारैं । तातेहम अतिचिन्ता धारैं ॥ सोचिन्ता याके है नाहीं । कहततोहिं हमगुणि हियमाहीं ॥ ताते श्वानसहित संन्यासी । धरेपीनता परमाखासी ॥ भरद्वाजउवाच ॥ नारीकीनिन्दा हमसुनिकै । शोकहि प्राप्तहोत शिरधुनिकै ॥ तौनशोक याकेहै नाहीं । कहत तोहिं हम गुणिहियमाहीं ॥ ताते श्वानसहितसंन्यासी । धरे पीनता परमाखासी ॥ गौतमउवाच ॥ मृगकी एक चर्मको राखै । तीनवर्ष लौं बीचननाखै ॥ तासकष्ट हमकोहै जैसो । याकोकष्ट प्राप्तनहिं तैसो ॥ ताते श्वानसहित संन्यासी । धरे पीनता परमाखासी ॥ भीष्मउवाच ॥ सोरठा ॥ श्वानसहित सुर राय तिन ऋषीनको देखिकै । तिनके निकटै जाय चरणछुवत भो पाणिसों ॥ चरणाकुलक ॥ तदनंतरफल मूलनकाजै । बनमेंगे ऋषि सह परिव्राजै ॥ बनके माहिं फैलिचहुं ओरै । लगे सबै फल मूलबटोरै ॥ तेहां एक सरोवर देखी । चारुघने वृक्षनसों भेखी ॥ एकाहिबाट ब्रन्यो जिहिमाहीं । विहँम बिहार करें तिहि पाहीं ॥ स्वच्छनीर नीरज बहुफूले । तिनपै गुंजतमधुपअतूले ॥ वृषादर्भ झलकर महि पाल । तासु प्रेरिता परमकराल ॥ नाम यातुधानी तिहि केरो । करिकै सो तिहि पासबसेरो ॥ तौनसरोवरकी दिनराती । रक्षाकरत कतहुं नहिं जाती ॥ तामें नीरज विसके काजै । गये सुऋषि सब सह परिव्राजै ॥ तहँवां देखिया-

तु धानीको ॥ कहत भये ऐसी बानीको ॥ को तूहै तवनाम कहा
 है । बैठीतू किहि काजइहां है ॥ सुनिकै यातुधानि यह बानी । बोली
 ऐसे क्रूर महानी ॥ यातुधान्युवाच ॥ दोहा ॥ जोमेंहों सो हों कहा
 बूझतहौ तुम मोहिं । सरोवरहि की रक्षिका मैंहों परत न जोहि ॥
 ऋषयजुः ॥ है न हमारे पासकछु हमहैं क्षुधितविशाल । जोतू
 आज्ञादे हमें तौहमलेहिं मृणाल ॥ यातुधान्युवाच ॥ तुमसब निज
 निज नामकोमोको अर्थ बताय । लेहु मृणालनकोपरम सरोव-
 रहिमें जाय ॥ तामर ॥ तिहि यातुधानिहि जानि । इमिकह्यो अ-
 त्रि बखानि ॥ अत्रिवाच ॥ अदमृत्युको अभिमान । हरिलेत सब
 केप्राना ॥ दोहा ॥ तातेरक्षाकरत हम तौनहेतुतेस्वक्ष । अत्रिनाम
 भो रूपातहै लोकनमाहिं प्रतक्ष ॥ यातुधान्युवाच ॥ धारण करिबे
 योग्यनहिं समगतिसों तवनाम । जाहु सरोवर माहिं तुम बिस
 लीबेअभिराम ॥ वशिष्ठवाच ॥ मैं वसुमान महान अरु सब मेरे
 ब्रह्माहिं । यातेनामवशिष्ठहै मैं काहुब्रह्म नाहिं ॥ यातुधान्युवाच ॥
 तो सुनाम व्युत्पत्तिको धारिसकत मैं नाहिं । ताते तुमहूं लेन
 विस जाहुसरोवरमाहिं ॥ कश्यपवाच ॥ रामगीती ॥ कश्यपनाम शरी-
 रकोहै ताहि पालतजौन । ताहिकश्यपकहतहैं अवगाहिकै बुधि
 भौन ॥ है हमारे नामकी व्युत्पत्ति यह अभिराम । है हमारो
 नाम इहितेरूपातकश्यपआम ॥ यातुधान्युवाच ॥ कठिन अति तव
 नामकी व्युत्पत्ति जोहै परम । समुझि सो नाहिं परत मोको सुनहु
 सुश्रुषिसधर्म ॥ कमललीबेजाहुशीघ्रहिसरोवरकेमाहिं । नेकुठाढ़े
 होहुमति तुम सुश्रुषि मेरेपाहिं ॥ भरद्वाजवाच ॥ करत पोषण सु-
 तनको अरु शिष्यगणको परम । तिमिहि पोषण नारिको करि
 करत नित्य सशर्म ॥ सुरनहूंको करतपोषण नित्यहोय अभर्म ।
 औरते मैं भयों औरहि कियोपालन परम ॥ नामहै विख्यात याते
 भरद्वाज हमार । नामकी व्युत्पत्ति सुनिकै यातुधानिसुठार ॥
 कह्योइमि तव नामकी व्युत्पत्ति समुझि न जाय । सरोवर में

जायकै तुमलेहु विससुखदाय ॥ गौतमउवाच ॥ कहत बुधवर भू-
मिको अरुस्वर्गगो मो नाम । दमन तिनको करत ताते मम
सु गौतमनाम ॥ गौदमहिको कहत गौतम यातुधानि सुजानि ।
है हमारे नामकी व्युत्पत्ति यहू जानि ॥ यातुधान्युवाच ॥ कठिनहै
तव नामकी व्युत्पत्ति समुभि न जाय । सरोवरमें जायकै तुम
लेहु विस सुखदाय ॥ बिश्वामित्रउवाच ॥ मित्रं विश्वेदेवको हों परम
ताते ख्यात । नाम बिश्वामित्र मेरो भयोहै अवदात ॥ यातुधा-
न्युवाच ॥ कठिनहै तव नामकी व्युत्पत्ति समुभि न जाय ॥ सरोवर
में जायकै तुम लेहुविस सुखदाय ॥ जमदग्निरुवाच ॥ याज हविको
नामहै अरु हविहि भक्षत जौन । जमत तिनको नामहै हैं देव
ते मुदभौन ॥ अग्निमाहीं जमत प्रगटत यातुधानि सुजानि ।
तिमिहि प्रगटत अग्निमें हम सत्य मनमें जानि ॥ नाम मेरो
ख्यातहै जमदग्नि याते स्वक्ष । अग्निकीसी प्रभामेरी लसति
देखु प्रतक्ष ॥ यातुधान्युवाच ॥ कठिनहै तवनामकी व्युत्पत्ति समु-
भि न जाय । सरोवरमें जायकै तुम लेहुविस सुखदाय ॥ अरु-
न्धत्युवाच ॥ करतिहों अनुरोध पतिके चित्तको अवदात । है ह-
मारो नाम याते अरुन्धति विख्यात ॥ यातुधान्युवाच ॥ कठिन है
तव नामकी व्युत्पत्ति समुभि न जाय । सरोवरमें जायकै तुम
लेहुविस सुखदाय ॥ गण्डोवाच ॥ है हमारे बदनके एक देशमाहीं
गंड । ख्यातहै गंडो हमारो नाम याते चंड ॥ यातुधान्युवाच ॥ क-
ठिनहै तव नामकी व्युत्पत्ति समुभि न जाय । सरोवरमें जायकै
तुम लेहुविस सुखदाय ॥ पशुसखउवाच ॥ करत रक्षा पशुनकी लखि
पशुनको अभिराम । पशुनको हों सखा याते मम सुपशुसख
नाम ॥ यातुधान्युवाच ॥ कठिनहै तव नामकी व्युत्पत्ति समुभि न
जाय । सरोवर में जायकै तुम लेहुविस सुखदाय ॥ शुनःसखउवाच ॥
कही अपने नामकी व्युत्पत्ति इन जिहिभांति । नामकी व्युत्पत्ति
मोसों कहीतिमि नहिं जाति ॥ नामहै शुन धर्मको मुनि सखा

ताके आम । मुनिनको मैं सखायाते शुनःसख मम नाम ॥ यातु-
 धान्युवाच ॥ कहो अपने नामकी व्युत्पत्तिको तुम फेरि । बचन
 सुनि ये शुनःसख इमिकह्यो ताको हेरि ॥ कही अपने नाम की
 व्युत्पत्ति मैं यकबार । ग्रहणते नहिं करी ताते मारिहौं तोहिंदार ॥
 शुनःसख इमि बचन कहिकै दण्डसों करिकुद्ध । यातुधानिहि
 मारि ऊरी भूमिमें नृपबुद्ध ॥ मारिताको शुनःसख बर टेकि भूमें
 दण्ड । खरेहोते भयेवनमें धरे तेज सचण्ड ॥ ता अनन्तर सर्व
 मुनिवर लेयकै विस पर्म । सरोवरके कूलपै धरि स्नानकरि सह
 धर्म ॥ सबिधि तर्पण कै सुआये कूलऊपर सर्व । तहांविस देखे
 न ताते भयो दुःख अखर्व ॥ क्षुधारत हम खनेविस बहु महत
 श्रमसों चारु । कूल पै ते अबहिते सब लये किहि अधकारु ॥
 बचन ते इहिभांति कहिकै होय शंकामान । लगे पूंछन परस्पर
 तब सर्वमुनि मतिमान ॥ दूरकीबे शंककीबे लगे शपथ सुजान ।
 क्षुधासों अतिभये पीड़ित धरेधीर महान ॥ अचिरुवाच ॥ चरणाकुलक ॥
 परसकरे सुरभीको पदसों । तजेवेद दुर्मतिके मदसों ॥ मूत्र पुरीष
 किये रबि औरै । अनध्यायमें पढ़ै ससौरै ॥ होत प्राप्त पात-
 कहै जैसो । होय कमल के चोरहि तैसो ॥ बशिष्ठउवाच ॥ होय शरण
 में ताकोमारे । संन्यासीकै नारिनिहारे ॥ अरु धन अधिकप्रजा
 सों लीन्हें । राखिइवान गण मृगया कीन्हें ॥ अन्तकाल में प्राणी
 केरे । लिये लोभसों द्रव्य घनेरे ॥ होत प्राप्त पातकहै जैसो ।
 होय कमलके चोरहि तैसो ॥ कश्यपउवाच ॥ धरी अन्यकी वस्तु
 छपाये । दिनमें रति कीन्हें मद छाये ॥ वृथा मांसको भोजन
 कीन्हें । अरुकुपात्रको दानहि दीन्हें ॥ होत प्राप्त पातकहै जैसो ।
 होय कमलके चोरहि तैसो ॥ भरद्वाजउवाच ॥ नारि ज्ञाति अरु
 सुरभीमाहीं । दायाकरै जौन जन नाहीं । अरु जो ब्राह्मणको
 संहारै । हियमें अधरमको न बिचारै ॥ ताहि होतहै पातक जै-
 सो । होय कमलके चोरहि तैसो ॥ गुरुके नामहि नीचे करिकै ।

शान्तिपर्वदानधर्मदर्पणः ।

२२५

पढ़ैवेद गर्बे बहु धरिकै ॥ ताहि होत पातकहै जैसो । होय कमल
के चोरहि तैसो ॥ जमदग्निरुवाच ॥ किये पुरीष सुनीर किनारे । क-
रिकैद्रोह गऊको मारे ॥ होत प्राप्त पातकहै जैसो । होय कमल
के चोरहि तैसो ॥ करै तासु पोषण नितनारी । सबसों होहि
द्वेषता भारी ॥ ज्ञातिमाहिं सो जाय निकारो । लयोहोय जिहि
कमल तिहारो ॥ गौतमउवाच ॥ बेचेसदा सोमलतिकाको । अरु
छोड़े वर वेद पढ़ाको ॥ होत प्राप्त पातकहै जैसो । होय कमल
के चोरहि तैसो ॥ तास मृत्यु सह सब गृह वारे । रहैं सदाहीं
परम दुखारे ॥ तिनको पालै जन कोउ औरै । जो तव कमल
कन्दको चोरै ॥ दोहा ॥ पढ़ै अशुद्ध सुवेदको होतपाप है जौन ।
जोचोरी तव कमलकी करै लहै सो तौन ॥ अरुन्धत्युवाच ॥ चरणाकुलक ॥
पतिकोजौन प्रसन्न न राखो । नितहि कुबैन सासुको भाखो ॥
रहो जन्मभरि परम दुखारी । लयोहोय विस जौनी नारी ॥
गण्डोवाच ॥ मोललेय कन्याको दीन्हें । पतिसों परम विरोधहि
कीन्हें ॥ होत प्राप्त पातकहै जैसो । होय कमलके चोरहि तैसो ॥
पशुसखउवाच ॥ पुत्रजन्मको मुद मतिपावो । निधनी रहो दुःख सों
छावो ॥ लहोदासताके अपमानै । करीहोय विसचोरीजानै ॥ शुनः
सखउवाच ॥ धर्ममार्गमें नितहीचालो । राजाहोय प्रजाको पालो ॥
नितरतरहो वेदकेमाहीं । धरो कुमारगमेंपदनाहीं ॥ वेदवानद्विज
कोनिजकन्या । विधिवतदेहुसुरूपाधन्या ॥ पावोजीति तौन द-
शदिशिकी । करीहोयजिहिचोरीविसकी ॥ ऋषयउचुः ॥ जोतुमकरी
शपथसोनीकी । है शुधजनको दायकश्रीकी ॥ याते हमकोजानि
परघोहै । चोरकर्म यहतुमहिं कखोहै ॥ शुनःसखउवाच ॥ सत्यकही
बाणीजोतुमहै । विसकीचोरी कीन्हींहमहै ॥ कीन्हेंविसहम गुप्त
तिहारै । ते सबदेखहुपासहमारे ॥ कीवे हमसुतुम्हार परीक्षा ।
विसकीचोरीकरीअनिक्षा ॥ जानहुमोको मघवाहौंमें । मारीयातु
धानिकाकोमें ॥ जोमैयाकोहनतौनाहीं । हनतीतुम्हेंसरोवरमाहीं ॥

मैं तुम्हरे रक्षारथ आयों । मारि यातुधानिहि सुख पायों ॥ तुम
अलोभते अक्षय लोकहि । रहिहौ प्रापत होय अशोकहि ॥
देहा ॥ उठिकै तुम अब क्षिप्र विस अपने अपने लेहु । सप्त
ऋषिनको कहतमे मघवा सहित सनेहु ॥ भीष्मउवाच ॥ चरणाकुलक ॥
मुनिवर सुनि मघवाकी बानी । लैविस भे प्रसन्न शुचिज्ञानी ॥
तदनन्तर आनंदसों रये । मघवासह मुनि दिवको गये ॥ जानि
ऋषिनको अति गुणवाना । वृषादर्भि महिपाल सुजाना ॥ म-
हत पुण्यइनको दीन्हेंते । कै है यह विचार कीन्हेंते ॥ प्रथमैल-
खिधन दीबेलाग्यो । सादर परम मोदसों पाग्यो ॥ सप्तऋषिम
जब धननहिं लीन्हों । धनदीबे तब नृप छलकीन्हों ॥ तातेदान
गुणिहिको दीजै । है यहनृप सिद्धान्तपतीजै ॥ यह आख्यान
पढ़ीजो कोई । ताको अर्थ सिद्धि सब होई ॥

इतिमहाभारतदर्पणेशान्तिपर्वणिदानधर्मेएकोनवतितमोऽध्यायः ८९ ॥

चरणादेहा ॥ यहि प्रसंगमें कहत हों इकइतिहास अनूप । ता
मेंहै वृत्तान्त शपथको सुनहु युधिष्ठिर भूप ॥ अरिल ॥ पश्चिम
दिशामाहिं नरनायक । तीर्थ प्रभास परम अघघायक ॥ ता
मधिआय सुऋषि मिलि मतिवर । करत भये यहमंत्र सुमुद
कर ॥ देहा ॥ पुण्यमयी यह भूमि जो दायक मोद अखर्व । ती-
रथयात्राको चलैं तामें मिलि कै सर्व ॥ चरणाकुलक ॥ भृगुवशिष्ठ
गौतम हर्षाने । भरे तेजसों परम महाने ॥ शुक्र अंगिरा पर्वत
नारद । वरततेजसों रविकी भारद ॥ कवि कश्यप गालवमति
माना । भरद्वाजअष्टक मुदवाना ॥ बालखिल्य आनंद सोंपागे ॥
विश्वामित्र तिमिहिं अनुरागे ॥ तिमिहिं दिलीप नहुष शिवि
राजा । धुन्धुमार पुरुसमुद्र दराजा ॥ नृपययाति अरु अम्बरीष
वर । अधरमदर नित परमधर्मकर ॥ ये सब इन्द्रहि करिकै आ-
मे । तीरथकरनचले मुदपागे ॥ तीरथ करत करत भ माहीं ।
आये नदी कौशिकी पाहीं ॥ सविधि स्नानतामाहीं करिकै गये

ब्रह्मसरको मुद धरिकै ॥ करि स्नानतामें बड़ भागे । कमलकन्द
को खोदन लागे ॥ दोहा ॥ खोदि खोदिकै कन्दतब धरत भयेतट
माहिं । तहैं अगस्त्य अपनो खन्यो कन्दलखतभे नाहिं ॥ चरणा
कुलक ॥ तब अगस्त्य चिन्तासों छाये । ऋषिगणको इमि बैन
सुनाये ॥ कमलकन्द मेरो किहि लीन्हों । सब में यह अधर्म
किहि कीन्हों ॥ चोरी करन योग्य तुम नाहीं । सत्यकहतहों ऋ-
षिगण माहीं ॥ ताते कन्द हमारो दीजै । अधरम गुणिकै लोभन
कीजै ॥ कुत्सितकालधर्मको नाशै । कल्मषको सो करत प्रकाशै ॥
सुनतरहे सोई अब आयो । याते दुख ममहीमें आयो ॥ कै है
अब अधरम भू माहीं । लखिहैं भूपति धर्महि नाहीं ॥ बिप्र
लोभही में बहुधरिकै । ग्राममाहिं ऊंचेस्वर करिकै ॥ वेद सुना
वेंगे शूद्रनको । धर्म माहिं नहिं धरिहैं मनको ॥ करिहैं सबसब
के अपमानै । धर्महैं छल हिय माहिं महानै ॥ दोहा ॥ बलीनिर्ब
लहि लूटिहैं दया करेंगे नाहिं । ताते अब हम जायेंगे तुर पर
लोकै माहिं ॥ चरणाकुलक ॥ बचन सुऋषि अगस्त्यके सुनिकै ।
कहत भये सब ऋषि शिर धुनिकै ॥ चोर्यो हम नहिं कमल
तिहारो । आपुन यह हिय माहिं विचारो ॥ कहि अगस्त्य सों
ऐसे बानी । हिये शपथकी इच्छा आनी ॥ पुत्र पौत्रन सह दुख
पागे । शपथकरन ऋषि अरु नृप लागे ॥ भृगुसबाच ॥ जिहिंतब
पुष्कर लीन्हो कैहै । सो अपमान दुःखसों ध्वैहै ॥ वृषादिकनको
सो पलखैहै । तेजतास ननमें नहिंरैहै ॥ वशिष्ठउवाच ॥ लयो होय
जिहिकमल तिहारो । होहु महा सो दुर्मतिवारो ॥ होयनगरमें
सो संन्यासी । घरघर फिरिकै लहहु उदासी ॥ कश्यपउवाच ॥ दोहा ॥
लयो होय जिहिकमल तब यह तीरथके कूल । बेचो सो सबवस्तु
को धरिकै लोभ अतूल ॥ धरी अन्यकी वस्तु जो करो लोभतिहि
नाहिं । भूठोसाक्षी होहु अरु करो धर्मको नाहिं ॥ गौतमउवाच ॥
चरणाकुलक ॥ काम क्रोधमाहीं रतरहो । द्विज ह्वै कृषीकर्म को ग-

हो ॥ होहु मत्सरी दुर्मतिधारो । लयोहोय जिहिकमल तिहारो ॥
 अंगिरउवाच ॥ वेद माहिं भूठहि नितिभाखो । पाससदाश्वानन
 को राखो ॥ रहो अपावन द्विजको मारो । लयोहोइ जिहिकमल
 तिहारो ॥ धुन्धुमारउवाच ॥ शूद्रामाहिं पुत्र उपजावो । हितु उप-
 कारण मन में लावो ॥ आपुहि भोजन करै निरायो । लयोहोय
 जिहिकमलतिहायो ॥ पुरुषवाच ॥ करो भोज्य नारी को ल्यायो ।
 रहो आपु आलस सों छायो ॥ होहु वैद्यसो दुर्मति बायो । ल-
 यो होय जिहिकमलतिहायो ॥ दिलीपउवाच ॥ एकहि कूप होय
 जामाहीं । होय न सरिता ताके पाहीं ॥ ऐसो ग्राम बसै द्विज
 तामें । नितिहिं विहार करै शूद्रामें ॥ तिहिकी गतिको सो पद
 धारो । लयो होय जिहिकमलतिहारो ॥ शुक्रउवाच ॥ भोजनकरो
 वृषापलकेरो । होहु भूमि नायक को चरो ॥ रतिकीबो दिनमाहिं
 विचारो । लयो होय जिहिकमलतिहारो ॥ जमदग्निरुवाच ॥ पढ़ो
 अनध्ययनके माहीं । कहो सर्वदा बैनवृथाहीं ॥ शूद्रश्राद्धमें भोज
 नकरो । अधरमसे कबहूं मति डरो ॥ कहेहू न सुमगे पगधारो ।
 लयोहोय जिहि कमल तिहारो ॥ शिविरुवाच ॥ दोहा ॥ करो अन्य
 के यज्ञमें बिद्यहोयकै यज्ञ । लयोहोय जिहि चोरि तव कमल
 सुनहुं ऋषिप्रज्ञ ॥ ययातिरुवाच ॥ किये अनादर वेदको होत प्राप्त
 अधजौन । करीहोय जिहि कमलकी चोरीलहै सुतौन ॥ चरणा-
 कुलक ॥ लै धन जो बिद्याहि पढ़ावै । अतिथि होय पुनिगृह में
 आवै ॥ ताहि होतहै पातक जोई । होयकमल के चोरहि सोई ॥
 अम्बररीषउवाच ॥ नारिजाति अरु गोके माहीं । दायाकरै जौन जन
 नाहीं ॥ अरु जो ब्राह्मणको संहारै । हियमें अधरमको न बिचारै ॥
 ताहि होतहै पातक जैसो । होय कमलके चोरहि तैसो ॥ नारद-
 उवाच ॥ श्रेष्ठनकी निन्दाको कीन्हें । अरु निर्वलको धन हरि
 लीन्हें ॥ होत प्राप्त है पातक जैसो । होय कमलके चोरहि तै-
 सो ॥ अंगिरउवाच ॥ भूठहि कहत रहै दिनराती । भूरि गर्वसों करि

मतिमाती ॥ साधुजननसों करैविरोधै । कबहुं सुमारगको नहिं
सोधै ॥ देय कन्यकाको लै मोलै । करतरहै निति पापअतोले ॥
तिहिको प्राप्तहोति गति जैसी । होय कमल के चोरहि तैसी ॥
कविरुवाच ॥ रवि दिशि विष्ठा मूत्रहि कीन्हें । आये अतिथिहि भो-
ज्य न दीन्हें ॥ जोकोउ होय शरणके माहीं । कीन्हेंताकी रक्षा
नाहीं ॥ ताड़ै पदचलाय सुरभीको । कीन्हेंबहुत लोभमेंजीको ॥
प्राप्तहोत जनको गति जैसी । होय कमलके चोरहि तैसी ॥
विश्वामित्रउवाच ॥ शूद्रनके मुखको करवाये । तिनको दियो बहुत
धन पाये ॥ प्राप्त होत जनको गति जैसी । होय कमलके चोर-
हि तैसी ॥ दोहा ॥ होय पुरोहित नृपनको कमल लयोजिहि होय ।
लहो अनादर सर्वदा रहो दुःखसों भोय ॥ पर्वतउवाच ॥ राखो
श्वान जीविका काजै । भाखो नित्य असत्य दराजै ॥ फिरोच-
हुंघा खरपै चढिकै । गिरो वंशते मदसों मदिकै ॥ दानाध्यक्ष
होहु यश ढारो । लयो होय जिहिकमलतिहारो ॥ भरद्वाजउवाच ॥
भूँठ बोलि सबपाप बटोरै । चलै सुमारगके नहिं धोरै ॥ अरु
जो गहै कूरता भारी । कमल चोर लहु गतिहीवारी ॥ अष्टकउवाच ॥
होहु सदा सो परतिथ गामी । होहु मूर्ख अरु अधकृतनामी ॥
भूलेहूं न सुमग पगधारो । लयो होय जो कमलतिहारो ॥ गालवउ-
वाच ॥ दिये दानको नित्य बखानो । देवकार्यमें चितमतिआनो ।
होहु पापकृत अयश पसारो । लयो होय जो कमलतिहारो ॥ असन्ध
त्युवाच ॥ करीसासुकी नित्य अवज्ञा । पतिप्यारी मतिहोहि अप्रज्ञा ॥
प्रियको भोजन बिना दियेहीं । भोजन करौ आपु पहिलेहीं ॥
रहीजन्म भरि दुखसों भारी । लीन्हों होय कमल जिहि नारी ॥
बालखिन्याजचः ॥ कार्य जीविकाके दुखभारे । सहि करिकै सुग्राम
के द्वारे ॥ रहो एकपदसों तित ठाढ़ो । धर्मझोड़ि अधरममें बा-
ढ़ो ॥ क्रूरभावको नित्य पसारो । लयो होय जो कमल तिहारो ॥
शुनःसखउवाच ॥ कै संन्यासी राखहु नारी । जगबिरुयात होहु अ-

धिकारी ॥ प्रातः अग्निहोत्रहि तजि सेवो । निशिदिन वृथा
 शयनमें खोवो ॥ धर्मगतिहि कबहुं न बिचारो । लयो होय जो
 कमल तिहारो ॥ भीष्मउवाच ॥ दोहा ॥ करी ऋषिनकी शपथ सुनि
 कै सहर्ष सुरराय ॥ ऋषि अगस्त्यको देखिकै कोपित कह्यो
 कसाय ॥ शक्रउवाच ॥ शुचि कै पढो सदाहीं वेदै । होहु धर्मकर
 रहहु अखेदै ॥ शीलमान सो होहु महानै । देहु सुतावर द्विजहि
 सुजानै ॥ समुद सु ब्रह्मलोक को जावो । बहुप्रकारके आनैद
 पावो ॥ चलहु सुमारग सुयश पसारो । लयो होय जिहि कमल
 तिहारो ॥ अगस्त्यउवाच ॥ जोतुम शपथकरी सुरराजा । सो तो आ
 शिर्बाद दराजा ॥ है न शपथ याते हम चीन्हें । तुमहीं कमल
 हमारोलीन्हें ॥ देहु कमल अबहीं तुममेरो । चीन्हेंतुम्हें कहाशशि
 हेरो ॥ इन्द्रउवाच ॥ सुनि वे धर्म कमल हम लीन्हों । लोभ नेकुही
 में नहिं कीन्हों ॥ ताते क्रोध न मनमें कीजै । कमल आपनो
 यह तुम लीजै ॥ सुनिमें धर्म महतसुख पायो । शपथ ब्याज
 ऋषिगण को गायो ॥ करहु क्षमा अपराध हमारो । लागत डर
 है मोहिं तिहारो ॥ सुनि अगस्त्य मघवाकी बानी । अति प्रस-
 न्नताही में आनी ॥ लेत भये नीरज ऋषिअपनो । ताते मिटो
 केशको तपनो ॥ तदनन्तर ते ऋषि बड़भागे । अन्य तीर्थकोगे
 मुद पागे ॥ विधिवत पर्व पर्वके माहीं । तीर्थमाहिं वह देवत
 पाहीं ॥ यह आख्यान पढ़ैजो कोई । ताके मूरख सुत नहिं होई ॥
 कौनहुं आपत पास न आवै । जरा अवस्था नहिं नगिचावै ॥
 होती नष्ट कलुषता भारी । सम्पति गृहते टरति न टारी ॥ दोहा ॥
 अन्तकाल जबहोय तब जाहि स्वर्गके माहिं । भरो भूरि आ-
 नन्दसों रहै सुरनके पाहिं ॥

इति श्रीशान्तिपर्वणिदानधर्मशपथविधौनवतितमोऽध्यायः ९० ॥

गुच्छिष्ठिरउवाच ॥ दोहा ॥ श्राद्ध कर्म में करत जन उपानहनको
 दान । तिमिहिं ब्रत्रको करतहैं श्रद्धा सहित महान ॥ तीर्थ औ

व्रतहून में देत सबिधिहैं परम । ताते पूछत हों तुम्हें कहिये मोहिं
सधर्म ॥ उपानह औ छत्रकी प्रवृत्ति करीहैं कौन । औ किहि-
विधि उत्पन्न भे कहो तात बुधिभौन ॥ श्राद्ध तीर्थ अरु व्रतन
में इन्हें देत किहि अर्थ । कहो मोहिं बिस्तार कै सुनिये तात
समर्थ ॥ भोष्मउवाच ॥ दोहा ॥ जिहि बिधिसों उत्पन्न भे उपानह
औ छत्र । अरु जिहि बिधिसों प्रवृत्त भे प्रसिद्ध सर्वत्र ॥ सो
विधि तुम सों कहत हों मैं बिस्तरित महान । तजि प्रमाद ता-
को सुनहु पंडुसुवन मतिमान ॥ यहि प्रसंग में कहतहों यक इ-
तिहास अवाद । दिनकर औ जमदग्नि को तामें है सम्वाद ॥
चरणकुलक ॥ ऋषि जमदग्नि मोदसों पागे । धनु गहि क्रीड़ा क-
रनेलागे ॥ शर ऋषिवर सुचलावत ज्यों ज्यों । दौरि रेणुका
ल्यावति त्यों त्यों ॥ जब मध्याह्न भयो तब भारी । तपति भई
ताते सो नारी ॥ भई बिकल है ठाढ़ी तरुतर । तिहिते भई अ-
वेर महत डर ॥ भयो रेणुका के हियमाहीं । आईकांपति ऋषि
के पाहीं ॥ तब ऋषिकह्यो ताहि क्रुधसेती । लाईबार कहातैं
एती ॥ रेणुकोवाच ॥ सुनु ऋषिराय क्रोध जिन कीजै । कारण देरी
को सुनिलीजै ॥ तप्त भये शिर अरु पद मेरे । परम तेजसों दिन
कर केरे ॥ ताते गईवृक्षतर भागी । भूरिबिकलताई सों पागी ॥
जबलों गई बिकलता नाहीं । तबलों आय सकिन तब पाहीं ॥
यह कारण है देरीकरो । है अपराध कछू नहिं मेरो ॥ सुनिकै यह
नारीकी बानी । रिस करिकै ऋषिराय महानी ॥ दोहा ॥ कहत
भये इमिनारिसों गहि निषंगकोदण्ड । मैं गिराय देहों रबिहि
वर शरगण सों चण्ड ॥ चरणकुलक ॥ कहिइमि सुऋषि चढ़ाय
सु भौ हैं । बैठत भये भानु के सौ हैं ॥ अग्निसरिस जमदग्निहि
देखे । ऋषिको क्रोधदाप हिय लेखे ॥ मारतण्ड द्विज को वपु
धरिकै । आय कह्यो इमि विनती करिकै ॥ मारतण्ड तब कहा
बिगाख्यो । ताते इतो क्रोध तुम धाख्यो ॥ भानु किरणसों जल

को करषै । ताहि फेरिबर्षा में बर्षै ॥ अन्नहोतहै भूमें ताते । रहत
समुद मनुजादिक जाते ॥ होत धर्म बहुविधि सुमहीमें । पढ़त
शास्त्र श्रुति द्विज सुखहीमें ॥ होति बित्त संचयता भारी । बहु
विधि दान करत नरनारी ॥ तिहिते भानुपैन तुम रोषो । मेरे
कहे रोषको मोषो ॥ दोहा ॥ कीन्हों चहत प्रसन्न हम तुम्हें सु-
नहु ऋषि परम । मिलि है भानु निपात ते तुमको कहा सधर्म ॥
युधिष्ठिरउवाच ॥ भासमानके सुनिबचन ऋषि जमदग्नि सुजान ।
कहा करतमे सोहमें कहिये तात सुजान ॥ भीष्मउवाच ॥ चरणाकुलक ॥
भासमानकी सुनिकै बानी । ऋषि न शान्तताही में आनी ॥ तब
रविनौमि जोरि कै पाणी । कहत भये इमि ऋषिको बाणी ॥ चलत
रहतहै भानु सदाही । कैसे अचल जानिहौ ताही ॥ अचल बिना
जाने तुमएज । करिहौ किमि निपात रविकोजू ॥ जमदग्निरुवाच ॥
सुनहु भानु थिरताको तेरी । देखति ज्ञान आंखि हैं मेरी ॥
अर्धमेष मधि दिनके माहीं । तब थिरता है होति सदाहीं ॥
सूर्यउवाच ॥ निश्चय तुम जानौगे मोहीं । याते कहत ऋषे हम
तोहीं ॥ जानहु मोहि आपु अपकारी । करहु कृपाहों शरणति-
हारी ॥ भीष्मउवाच ॥ तब जमदग्नि कह्यो इमि हँसिकै । होहु
विकल जिन डरमें धसिकै ॥ नम्रताहि अब देखि तुम्हारी ।
मिटी रोषता सर्व हमारी ॥ तब किरणन सों युत पथमाहीं ।
दुःख होय जीवनको नाहीं ॥ ऐसोकछू बिचार बिचारो । मिटी रोष
तब सर्व हमारो ॥ भीष्मउवाच ॥ दोहा ॥ ऐसे कहि चुपहै रहे ऋषि
जमदग्नि सुजानु । छत्र उपा नह देत मे तब ऋषिवरको भानु ॥
छत्र उपा नह देयकै ऋषि जमदग्निहि परम । मारतण्ड इमि कहत
मे भूपति सुनहु सधर्म ॥ शिरकीरक्षा छत्रसों कैहै हे ऋषिराय ।
उपा नहनसों होयगी चरणनकी सुखदाय ॥ अबसों कैहै लोक-
में इनको ऋषै प्रचार । कैहै इनको दानफल अक्षय सुमति अ-
गार ॥ भीष्मउवाच ॥ छत्र उपा नहकी प्रवृत्ति कीन्हौ रवि इमिताता ।

उत्तम इनके दानको पुण्यलोक विख्यात ॥ रामगीति ॥ उपानह
अरु छत्रको तुमकरहु तातेदान । धर्मअक्षय प्राप्ततुमको होय-
गो मतिमान ॥ छत्रजेजन देतद्विजको शुभ्रसुखमाएन । प्राप्त
ताको होतहै परलोकमें बहुचैन ॥ बसत सुरपति लोकमाहींदे-
वतनकेसाथ । हैनयामें नेकसंशय सुनहु हेनरनाथ ॥ देतद्विज-
को तपनिमाहीं उपानहजनजौन । लहततौनहु देवतनकोलोक
आनँदभौन ॥ बास बहुदिन स्वर्गमेंकरि ताअनन्तरपर्म । जात
सो गोलोकमाहीं सुनहुतातसधर्म ॥ दोहा ॥ छत्रउपानहदानको
फल जोहै अभिराम ॥ सोसंपूरण हमकह्यो तुमको नृप बुधि-
धाम ॥ युधिष्ठिरउवाच ॥ छत्रउपानह दानको सुन्योसर्व फलतात ।
अवगृहस्थ धर्महिकहो हमको तुमअवदात ॥ कहाकियेसों म-
नुजके होयऋद्धि बहुपर्म । सोऊतुम हमसोंकहो करिकै कृपा
सधर्म ॥ भीष्मउवाच ॥ यहिप्रसंगमें कहतहौं यकवृत्तान्त महान ।
बासुदेव अरु भूमिको हैसंवाद सुजान ॥ सोरठा ॥ हमसों पूछो
जौन सुनहु धर्मधर प्रज्ञतुम । बासुदेव मुदभौन पूछत भे सो
भूमिसों ॥ चरणकुलक ॥ बासुदेवकी सुनिकैबानी । कहतिभईइमि
धरणि सुजानी ॥ करिकैयज्ञ नेमगहिअतिही । करैप्रसन्नसुरन
को नितही ॥ आदरकरि सुप्रीति हियमाहीं । अतिथिहिकरै
प्रसन्न सदाहीं ॥ करिकैआद्य सविधि सहप्रेमै । पितर प्रसन्न
करै गहिनेमै ॥ ऋषिवरहोहिं प्रसन्नसुजैसे । तिनकोकरैसुमति
सों तैसे ॥ बासुदेव यहधर्म गृहीको । आनँद दायकहै अति
नीको ॥ ऋद्धिमिलत बहुकीन्हैयाको । गृहीलहतहै परमप्रभा-
को ॥ धरणीकी यहवाणी सुनिकै । कृष्ण प्रतापवानवरगुणिकै ॥
धरणिकह्यो यहिधर्महिजैसे । करतभये वरविधिसों तैसे ॥ दोहा ॥
कियेधर्म यह मनुजवर पायसुयश यहिलोक । स्वर्ग लोकमें
प्राप्तकै निशिदिन रहत अशोक ॥

शान्तिपर्वणिदानधर्मेउपानच्छत्रादिदानवर्णनोनामएकनवतितमोऽध्यायः॥

युधिष्ठिरउवाच ॥

दोहा ॥ गन्धधूप अरु दीपको कियेदान अभि-
 राम । होतकहाफल मनुजको कहहुतात बुधिधाम ॥ भीष्मउवाच ॥
 यहिप्रसंगमें कहतहैं यकइतिहास सुभूप । मनुऔसुवरणविप्र-
 को है संवाद अनूप ॥ होसमसुवरण बर्णके ताकोबर्ण बिभात ।
 तातेसुवरण नामभो तिहिद्विजको बिख्यात ॥ रामगीतो ॥ समय
 कौनहुं माहिंसो द्विजगयो मनुकेपास । बूभिकै अन्योन्य दोऊ
 कुशल सहित हुलास ॥ मेरुपर्वतमाहिं सुन्दर शिलापरतेपर्म ।
 भयेबैठत मयेमुदसों सुनहुतात सधर्म ॥ ब्रह्मऋषि अरु देवदै-
 त्यनकी कथा अभिराम । करतदोऊ भये तिहिंवर शिलापर
 अभिराम ॥ ताअनन्तर कह्योमनुको बाक्य सुवरणयेह । मनुज
 के हितअर्थ कहिये धर्म हेबुधिगेह ॥ धूपदीप सुगन्धसों बर
 मनुज पूजतदेव । होततिनको कहाफलहै कहहुयाकोभेव ॥ मनु-
 रवाच ॥ कहत यहि परसंगमें इतिहास एकसधर्म । शुक्र अरु
 बलिदैत्यको संवादतामें पर्म ॥ सुनहु द्विजवरशुक्रआवत भये
 बलिकेपास । देखितिनकोदनुजपति बलिउठ्यो सहितहुलास ॥
 सहित आदर पूजिआसन चारुपै बैठाय । आपुबैठत भयोसो
 हैं शुक्रके सुखपाय ॥ ताअनन्तर कथापूछी आपुहमसों जौन ।
 भयोसोई पूछतो बलिशुक्रसों मतिभौन ॥ बलिरुवाच ॥ सुमन
 दीप सधूपदानहिं कियेते फलकौन । मिलतहै तुमकहौ भार्गव
 कृपाकरि बुधिभौन ॥ शुक्रउवाच ॥ देतमनको मोद अरुश्रिय देत
 है अभिराम । नामसुमनस कहतताते पुष्पकोबुधिधाम ॥ सुम-
 न जो जन देवतन को देतहै दैत्येश । देवतुष्टित होयताको
 पुष्टि देत अशेश ॥ सुमन जिहि जिहि देवको उद्देश करि
 जोदेत । देत सोसो ताहि मंगल सुनहु बुद्धि निकेत ॥ वृक्ष
 जेते यज्ञमाहीं ग्रहण हैं अभिराम । सुमन तिनके देवतन को
 लगत हैं प्रियमाम ॥ वृक्ष जे नहिं ग्रहणमखमें सुमन तिनके
 जौन । असुर राक्षसयक्षगणको लगतहैं प्रियतौन ॥ होयसुमन-

नमाहिं जिनजिन परमचारु सुवास । सुमनते सब देवतनके
जानु हे बुधिरास ॥ श्वेतजिनके सुमनऐसे अकण्टक जे वृक्ष ।
देवतनको लगतहैं प्रिय सुमन तिनकेस्वक्ष ॥ जलजजे कम-
लादि तिनके सुमन हे सुनुतात । यक्ष औ गन्धर्व नागहि देत
बुध अवदात ॥ रक्त जिनकेफूल अतितरु सकण्टक हैं जौन ।
प्रेतकेहैं योग्य तिनके फूलसुनु बुधिभौन ॥ कृष्ण तिलके फूल
ऐसे वृक्ष जे भूमाहिं । तिनहुंकेहैं फूल भूतहि योग्य संशयना-
हिं ॥ देत जे आनन्द मनको सुमन कोमलचारु । मनुष्यनके
योग्यते हैं सुनहु सुमतिअगारु ॥ लतातरु उत्पन्नमे श्मशान
माहीं जौन । औ भये देवायतनमें तौनसुनु बुधिभौन ॥ विवा-
हादिकके नहीं हैं योग्य तिनकेफूल । कहतहों मैं तुम्हें निजुकै
करत अशुभ अतूल ॥ लता औ तरुभये जे उत्पन्न गिरिमें
परम । सुरनकेहैं योग्य तिनके सुमनदैत्य सुशर्म ॥ सुमन पहि-
ले अमल जलसों धोयकै अभिराम । मंत्रसों पुनिकरै मोक्षण
साहितविधि बुधिधाम ॥ सहित कण्टक रक्तजिनके सुमन कटु
फलपरम । जौनऐसे वृक्षतिनके सुमनदैत्य सधर्म ॥ देवताको
अर्पिये अरिवधन कारजमाहिं । अथर्वणमें लिखी विधियहि
माहिं संशयनाहिं ॥ देवतनको करतजे परसन्न सुमनचढ़ाय ।
करत तिनकी कामनाहैं सिद्धिदेव सचाय ॥ पूजिकरिकै देवतन
को करत जे सन्मान । करतहैं सन्मान तिनको देवतासुखदा-
न ॥ अवज्ञाजे देवतनकी करत दुर्मतिवान । भस्मताको करत
हैं करिकोप देवमहान ॥ देहा ॥ सुमन दानको फलकह्यो तुम्हें
बाणिं हमसर्व । धूपदानको अब सुनोफल उत्कर्ष अखर्व ॥ यक
सारिण निर्जासयक औहै कृत्रिम एक । त्रयप्रकारकी होती है
धूपसुनहु सबिवेक ॥ चन्दनादिकी धूपजे ताको सारिणनाम ।
अष्टगन्धको कहतहैं कृत्रिम धूपललाम ॥ नामकहत निर्जासहै
गुग्गुलादिको चारु । इन तीनहुंमें श्रेष्ठहै गुग्गुलधूप उदारु ॥

सलईके निर्जासबिन हैं निर्जास जितेक । तिनकी प्रियअति धूपहै देवनको सबिवेक ॥ यक्षसर्प राक्षसनको सुनु दैत्येश अनूप । सबसारिणमें अगरकी लागतिहै प्रियधूप ॥ सलईके निर्जासको दैत्यनको प्रियधूप । यक्षादिक को प्रियनहीं निजुकै कहतअनूप ॥ मल्लिकादिके सुरससों युक्तराल रसचारु । मनुजनको प्रिय लगतिहै तिनकी धूपउदारु ॥ देवदनुज अरु भूतहू यहि सुधूपसों परम । शीघ्रहि तुष्टित होत हैं सुनु दैत्येश सशर्म ॥ मनुजनहीके योग्यहैं अतरादिक जेसर्व । हम निश्चय करि कहतहैं सुनुदैत्येन्द्र अखर्व ॥ जौनसुमनके दानको उत्तम फलहै तात । सोईधूप प्रदानको फलहै अतिअवदात ॥ दीपदानको कहतहैं अबहम फलअभिराम । दीपदान कीन्हें परम तेज बढ़तहै माम ॥ प्रभावदतिहै अंगमें होत निरोगितनैन । आधिब्याधि नहिंहोतिहै नितिहीं रहत सचैन ॥ दीपचढ़ायो देवको लीजै पुनि नहिंताहि । ताकीरक्षा कीजिये निकट बैठिकै चाहि ॥ जौनहरतहै दीपको तौनअन्ध जनहोत । होतिनष्ट ताकीप्रभा अधको करत उदोत ॥ लसत दीपलों स्वर्गमें दीप प्रद दैत्येश । चाहतहै ताकोसदा अमरन सह अमरेश ॥ घृत को दीपक दीजिये प्रेमसहित अभिराम । मिलै न घृत तौतैल को दीजैदीप ललाम ॥ इच्छाजे ऐश्वर्यकी करेंपरम हियमाहिं । दीप धरतते चतुष्पथ बनमें अरु गिरिपाहिं ॥ होतआत्माशुद्ध अरु करति सुबुद्धि प्रकाश । दीपदानते होतहै ऐसोफल बुधिराश ॥ सुवरण द्विजको मनुकह्यो यहफल अति अभिराम । सुवरण नारदको कह्यो नारदमोको आम ॥ यह जो विधि सो जानितुम करहु नित्य महिपाल । पूर्वउक्त फल तुमहुको कैहै प्राप्त विशाल ॥ युधिष्ठिरउवाच ॥ सुमनदीप अरु धूपको जो जन देत सहर्ष । ताको जो फलहोत सो सुन्योंपरम उत्कर्ष ॥ धूपदान किहिअर्थ अरु दीपदान किहिअर्थ । औ बलिदान कि-

मर्थ जन विधिसों देत समर्थ ॥ कहहु मोहिं अवगाहिकै सुनहु
 तात मतिमान । तुमहीं कहिबे योग्यहौ बक्ता परमसुजान ॥
 भोष्मउवाच ॥ कहत एक इतिहासहैं यहिप्रसंगमें भूप । ऋषि अ-
 गस्त्य अरु नहुषको है सम्बाद अनूप ॥ चरणाकुलक ॥ सुकृतकर्म
 सों नहुष सुनीको । पायोदेव राज्यशुभ श्रीको ॥ तहां मानुषी
 अरु देवनकी । क्रिया करतभो सो निशिदिनकी ॥ विधिसोंक-
 रतभयो बलिदानै । तिमिहीं सबिधि होम जप ध्यानै ॥ धरणि
 माहिं पूजतहौ जैसे । देवनको पूजतभोतैसे ॥ धूपदीप दानहिं
 सहप्रीती । नहुष करतभो गहिकैरीती ॥ तदनन्तर अपने को
 जाने । इन्द्रकरतभो गर्बमहाने ॥ ताते क्रियाभई सबहीनी । मह-
 तप्रमाद तासुमतिछीनी ॥ रथकेमाहिं लगाय ऋषिनको । तापै
 चढ़िमुदमें धरिमनको ॥ फिरतभयोचहुंधा मदपागो । ताहिऋ-
 षिनको डरनहिंलागो ॥ दोहा ॥ बीततभो बहुकाल जब मदसों
 भयो अखर्व । भो बुलावतो ऋषिन को बारी बांधि सगर्व ॥
 चरणाकुलक ॥ आईपारी कुम्भज ऋषिकी । परम प्रतापमान सम
 शिखिकी ॥ तब तिनपाससुऋषि भृगुआये । तिनको ऐसेबैन
 सुनाये ॥ नहुष करत अपमान दराजै । सो हमसहैं सुमुनि कि-
 हिकाजै ॥ अगस्त्यउवाच ॥ मम सुदृष्टिमें आवै जोई । होयहमारे
 बशमें सोई ॥ विधिसों नहुष सु यहवरमांग्यो । पायो सो ताते
 भय भाग्यो ॥ यहिते ऋषिके दम तुमदोऊ ॥ और मुख्य ऋ-
 षिगण हैं सोऊ ॥ नहुषहि दग्धसकत करिनाहीं । यहनिश्चय
 मानहु मनमाहीं ॥ भृगुरुवाच ॥ मैं ब्रह्माकेपास गयोहो । परिभव
 के अति दुखरोयो हो ॥ तिनको सब वृत्तांत सुनायो । कियो
 नहुषको दुर्मतिछायो ॥ चतुरानन ममबाणीसुनिकै । कहतभये
 मोको इमिगुणिकै ॥ बली नहुषके हैं अपकारी । कुम्भजऋषि
 बरतेजस धारी ॥ तिहिते आयो पास तुम्हारे । भयो मोदवर
 तुम्हैं निहारे ॥ सौरठा ॥ अबहिं तुम्हैं बुलवाय नहुषइन्द्र दुर्मति

सदन । रथकेमाहिं लगाय शिरमें हनिहै चरणसों ॥ चरणाकुलक ॥
ताते अबहिं अनिन्द्रकरोगो ॥ नहुषहि नेकु न डरहि धरोगो ॥
देहु शाप यह क्रुध करिभारी । होहु सर्प तू अति दुखधारी ॥
तदनन्तर मैं ताहिमहीमें । हों गिरायजानो सतिही मैं ॥ सुनि
यह ऋषिवर भृगुकी बानी । मनमें अति प्रसन्नता आनी ॥
युधिष्ठिरउवाच ॥ भयो अनिन्द्र नहुष कहुकैसे । अरु किमिपरो भू-
मिमें भैसे ॥ भीष्मउवाच ॥ चरणादोहा ॥ देवलोक अरु मनुजलोक
में सदा चारसों चारु । महतवृद्धको पाय गृहीवर पावतमोद
अपारु ॥ चरणाकुलक ॥ सविधि सप्रीति किये बलिदानै । देवत
होत प्रसन्न महानै ॥ धूप दीप दानहिं तिमि कीन्हें । तातेप्र-
सन्न देव मुदलीन्हें ॥ याते धूपदीप बलिदानहिं । करतसविधि
हैं नित्य सुजानहिं ॥ सुर अरु पितर सुऋषिहैं जेते । पूजेहोत
प्रसन्न सुतेते ॥ यह मति थापि नहुष मुदपाग्यो । होय इन्द्र
सब करने लाग्यो ॥ दोहा ॥ नहुष कौनहूकाल में भाग्य भये
ते हीन । प्रापित भयो प्रमादको भूपति सुनहु प्रवीन ॥ चरणा-
कुलक ॥ सो प्रमादताभये महानै । भूलो धूपदीपबलिदानै ॥ कु-
त्सित कर्मकरनसबलाग्यो । गर्वमाहिं दुर्मतिसोंपाग्यो ॥ तद-
नन्तर सुनहुष सुरराजा । रथके माहिं लगावन काजा ॥ तटत
सुनदी सरस्वतिकेरे । शीघ्र सुमुनिकुम्भजकोटेरे ॥ तबकुम्भज
को ऐसीबानी । कहत भये भृगुऋषिवर ज्ञानी ॥ शाप देनको
नहुष सुरेशै । जटा माहिं तव करत प्रवेशै ॥ करौं प्रवेश जटा
में जबलों । रहो नयन मुंदेतुम तबलों ॥ कुम्भजको इमिवाणी
कहिकरि । तासु जटामें बैठे क्रुधधरि ॥ नहुष पास कुम्भज के
आयो । तब कुम्भज इमि बैन सुनायो ॥ रथमें हमको बेगि
लगावो । ज्योंमन आवै त्यों सु चलावो ॥ जहां जायबेकी हम
पावैं । आज्ञातहां तुम्हें पहुंचावैं ॥ सुनिकै यह कुम्भजकीबानी ।
दिये लाय रथमें अभिसानी ॥ जब कुम्भज रथके तरआने ।

तब भृगुऋषिवर अति हर्षाने ॥ नहुष सुरेश बैठि रथ ऊपर ।
 चलत बेग अतिसों भो कूपर ॥ कछूदूरि चलि मोदसों हेरत ।
 भो प्रमोद सों मुनिको प्रेरत ॥ तबहुं कुम्भज परम तपोधन ।
 नेकहु मनमें कीन्ह्यों क्रोधन ॥ दोहा ॥ तदनन्तर सुरपति नहुष
 सुनहुयुधिष्ठिरप्रज्ञ । कुम्भजके शिरपरहन्यो बामपादसों अज्ञ ॥
 चरणाकुलक ॥ तबसक्रोधकैकै भृगुमुनिवर । नहुषहिशापदियो यह
 दुखकर ॥ भूमेंजाहु सर्प तुमकैकै । तहांरहो बहुदुख सों गवैकै ॥
 शापपाय मुनि भृगुके पाहीं । गिरो सर्प कै भूके माहीं । भृगुको
 नहुष नेकु जौं तकतो । नहुषहि भृगु गिराय नहिं सकतो ॥ ब-
 लिदानादि कर्म शुभ कीन्हें । रह्यो पूर्व वृत्तान्तहि चीन्हें ॥ तद-
 नन्तर इमि कहतो भयो । भृगुको नहुष दुःखसों रयो ॥ शाप
 अन्त कैकैकब मुनिवर । कहहु कृपाकरि मोपै मुदकरा ॥ भृगुखावा ॥
 भूप युधिष्ठिर कैहै सुनु जब । हवैहै मोक्ष नहुष तेरीतब ॥ भृगु
 नहुषको ऐसे कहिकै । बिधिके पास गयो मुदलहिकै ॥ सुऋषि
 अगस्त्यहु परम तपस्वी । गे निज आश्रमको सु यशस्वी ॥
 पासजाय बिधिके इहि बिधिसों । कहतभये भृगुभरिसुख नि-
 धिसों ॥ दोहा ॥ लखिप्रमादतानहुषकी हम महान दुखपाय ।
 शाप देय करिकै सरप भू में दयो गिराय ॥ चरणाकुलक ॥
 भृगुके बचन बिधाता सुनिकै । भये बुलावत शक्रहि गुनिकै ॥
 तदनन्तर अमरनके वृन्दहि । भये बुलावत सहित अनं-
 दहि ॥ जब संपूरण देवत आये । तब तिनको इमि बचन
 सुनाये ॥ नहुषहिभृगु अगस्त्य क्रुध धरिकै । भूमेंडारि दियो
 अहि करिकै ॥ कार्य न कछू होत बिनराजा । भयो परम
 संदेह दराजा ॥ ताते शक्रहि पुनि बैठावो । देव राज्यपर सुख
 सरसावो ॥ सबसुर सुनि यह बिधिकी बानी । पाय हर्षतापरम
 महानी ॥ कहत बचनमे बिधिको यहि बिधि । अबकीकरोकार्य
 यह तुम सिधि ॥ सुनि बाणी यह बिधि मुद आयो । शक्रहिरा-

ज्य माहिं बैठायो ॥ शक्र पूर्वराजत हैं जैसे । राज्य पाय राज्यो
पुनि तैसे ॥ नहुषहु दरश तुम्हारो पाये । छूटि शाप सों मुदसों
छाये ॥ बलिदानादि फेरि बहु करिकै । ब्रह्मलोकको गो सुखध-
रिकै ॥ देव राज्य लहि नहुष नृपाला । कीन्हीं परम अनीति
विशाला ॥ ताते अतिहि क्लेशता पाई । ऋषिकी लहिकै रिस
दुखदाई ॥ बलिदानादिक के फलसों बर । पुनिहुं होत भोसमुद
धर्म कर ॥ दोहा ॥ धूपदीप बलिदानको ऐसो फल है परम । ताते
गृही करै सदाभूपति सुनहुसधर्म ॥ आभीर ॥ धूपदीप बलिदान ।
जे जन करत सुजान ॥ रूपमान बलवान । तेजन होत महान ॥
इतिमहाभारतशान्तिपर्वणिदानधर्मे उत्तमानुशासनेद्विनवतितमोऽध्यायः ॥

युधिष्ठिरउवाच ॥ तोमर ॥ धनहर्त द्विजकोजौन । जन लहतते गति
कौन ॥ भोष्मउवाच ॥ यहिप्रश्न में इतिहास । एक कहतहों बुधि
रास ॥ रामगीतो ॥ वृद्ध एक चांडाल हौ सो सुनहु तात सुजान ।
परैगोके चरणकी रज करै तबहीं स्नान ॥ ताहि लखियक भूप
को सुत कहतभो इमि बैन । परे गोरज करतक्योंहै स्नानदुर्म-
ति ऐन ॥ चण्डालउवाच ॥ अधम यक महिपालकोऊ बिप्रकी हरि
गाय । जातहौ निजधामको अधमानसोय सचाय । मार्गऊपर
करत है महिपाल कोऊयज्ञ । चरणकी तिन गौनके रज परीति
हिमें प्रज्ञ ॥ भयो रजमय सोम ताको भये पीवत जौन । नरक
माहीं परेत द्विज कहत नृप बुध भौन ॥ औरऊ जे यज्ञ माहीं
हुते जन ते सर्व । भये जाते नरकको सुनु सुमति मान अखर्ब ॥
इन्द्रिजित कै ब्रह्मचार्य धर्मको अभिराम । धरे मेंहों बसततत्र
हि हुतो बुध मै माम ॥ धरी भिक्षा ल्याय मेंहीं परीतिहिके माहिं ।
हरी गोके चरणकी रज कढ़े द्वैकै पाहिं ॥ तासु भोजन किये ते
में भयो हों चाण्डाल । क्षीण मेरो ह्वै गयो बर धर्म तेज बि-
शाल ॥ हरीगोके चरणकी रजपरीजबसों बुद्ध । बेचिबेके योग्य
सोम न कहत मति बर शुद्ध ॥ जौन बेचत सोमको ते जातरौ-

रव माहिं । सुबुधताकी करत निन्दा नित्य संशय नाहिं ॥ परे
गोरजभयो हों चाण्डाल में मतिमान । सुनहु याते करतहोंमें
परे गौरजस्नान ॥ छूटि हों किहि भांति में चाण्डालता तेपर्म ।
होत निश्चय नाहिं हमको भूप तातसधर्म ॥ राजसुतउवाच ॥ बिप्र
के धन अर्थ छोड़ो युद्धमें तुम प्रान । है तुम्हारी मोक्षको यह
हेतु हेमतिमान ॥ बचन सुनि चाण्डाल ये महिपालसुतकेपर्म ।
बिप्रके धनअर्थ लरिकैं युद्धमाहिसधर्म ॥ प्राणतजिकैं मोक्षको
सो भयो प्रापत होत । करहुतातेतुमहुंकारजयह सुप्रज्ञापोत ॥
इतिश्रीमहाभारतदानधर्मेनृपसुतचांडालसंवादोत्रिनवातितमोऽध्यायः ॥

युधिष्ठिरउवाच ॥ दोहा ॥ एकहि है सुकृतीनको लोक परम अ-
भिराम । भिन्न भिन्नकीहै कहो मोको हे बुधिधाम ॥ भीष्मउवाच ॥
कर्म कर्म के लोक हैं पृथक् २ महिपाल । पुण्यलोककोजात
हैं सुकृती जौन विशाल ॥ पापमान ते जातहैं पापलोकको ता-
त । यामें संशय है नहीं कहत सुबुधि अवदात ॥ कहत एक
इतिहास हों यहि प्रसंगमें भूप । गौतमको अरु इन्द्रको है सं-
वाद अनूप ॥ तोमर ॥ मति मान गौतम पर्म । बन माहिं तात
सधर्म । एक हस्तिको सुत चारु । लखि परयो मृतक उदारु ॥
तिहिको जिवाय सप्रेम । ऋषिकीन्ह दीर्घ सक्षेम ॥ कछु दिनन
माहिं महान । गिरिसो भयो बलवान ॥ धृतराष्ट्रको धरिरूप ।
तहैं आयइन्द्रअनूप ॥ गहतेभयेगजतौन । तबदेखिऋषिबुधि
भौन ॥ धृतराष्ट्रको इमिबैन । कहतेभयेमतिऐन ॥ ममपुत्रवतहै
येह । गजचारु हैअघगेह ॥ गहुयाहि तू तिहितैन । ममजीवहोत
अचैन ॥ यह इधमअरु जलल्याय ॥ नितदेत मोहिं सचाय ॥
अतिहि लागत मोहिं । सुख लहा इहिको जोहि ॥ धृतराष्ट्रउवाच ॥
शतदासिका अभिराम । अरु गो सहस्र ललाम ॥ बहुरत्न चारु
अमन्द । अरु और बित्त बिलन्द ॥ हम तुम्हें देहैं पर्म । सुनहु
ऋषि सहधर्म ॥ गज चाहिये द्विजकौन । निजु जानु हे बुधि

भौन ॥ गौतम उवाच ॥ तब दासिका अरु गाय । बररत्न बहु सुख-
 दाय ॥ अरु और ऊ धन जौन । चाहिये न हमको तौन ॥ धृतराष्ट्र
 उवाच ॥ दोहा ॥ बाहन कुंजर नृपनको हात कहत बुध परम । याते
 में लेजातहौं है नहिं नेक अधर्म ॥ कुंजरको अब मोह तुम छोड़ि
 देहु बुधिधाम । हस्ती योग्य न राखिबो बिप्रनको अभिराम ॥
 सुने बचन धृतराष्ट्रके ये गौतम मतिमान । कहत भये ऐसे
 बचन करिकै क्रोध महान ॥ गौतम उवाच ॥ रामगीती ॥ पुण्यकर्मा
 जायकै जहँ रहत हैं सानन्द । पापकर्मा जायकै जहँ लहतहैं
 अतिदन्द ॥ सुनहुं ऐसी सदन है यमराजको तहँ भूरि । दिवैहों
 मैं यातना तुम रहेका सुखपूरि ॥ धृतराष्ट्र उवाच ॥ धर्मसों जे रहितहैं
 अरु रहित श्रद्धा जौन । बिषयमें जे रहत रहतहैं महत अधके भौन ॥
 यातनाते सहतहैं अतिजाय यमके धाम । जायँगे हम तहां नहिं
 निजु जानु ऋषिबुधिधाम ॥ गौतम उवाच ॥ जाहुगे जो धनदके तुम
 लोकमें नरराय । यातना मन्दाकिनीमें दिवैहों तौ जाय ॥ धृतराष्ट्र
 उवाच ॥ देत भोजन अतिथिको जेगहे व्रत अभिराम । देत आ-
 श्रय द्विजनको जे परम प्रज्ञाधाम ॥ प्रथम भोजन देयतिनको
 जौन आश्रित होय । करत भोजन धनाधिपके जात लोकहि सोय ॥
 हमन जैहैं धनाधिपके लोकको ऋषि परम । दिवैहों किमियातना
 तुम मोहिं प्रज्ञासधर्म ॥ गौतम उवाच ॥ मेरु आगे फूल फलयुत बिपि
 न चारु बिभात । भरे आनंद गानकिन्नर करत जहँ अवदात ॥
 बहति जम्बू नदी है जहँ महति जल गम्भीर । तहां हूं जो आपु जैहों
 सुनहु भूमिपधीर ॥ दिवैहों तौ यातनामें हरेमोग जचारु । तुम्हें
 निजुकै कहत संशय है न भूप उदारु ॥ धृतराष्ट्र उवाच ॥ पढ़त जे द्विज
 प्रज्ञहैं इतिहास सहित पुरान । सत्यवक्ता बहु श्रुत अरु धर्मवान
 महान ॥ समधु भोजन देत द्विजको जौन जन बुधिधाम । जात जम्बू
 नदीको ते कहत बुध अभिराम ॥ तहां मैं जैहों न ताते यातना किमि
 मोहि । दिवैहों हे ऋषे मतिबर सुनहु इत तुम जोहि ॥ गौतम उवाच ॥ प्रिय

सुनारद ऋषीको फलफूलसों युतपर्म । अप्सरा गन्धर्वगणको
 तिमिहिं प्रियसहशर्म ॥ करताकिन्नरराजतामें नित्य समुद बि-
 हार । इन्द्र तामें जायकै अति मुदित होत उदार ॥ सुनहु ऐसो
 बिपिन नन्दन तौन माहीं तोहि । दिवावैगे यातना हम महत
 का इतजोहि ॥ धृतराष्ट्र उवाच ॥ नृत्यमें अरु गीतमाहीं कुशल हैं
 द्विज जौन । कबहुंकाहूको न याचतजौनद्विज बुधिभौन ॥ जात
 नन्दन बिपिनको ते और कोउ न जात । तहांहम जैहैं न जानो
 सत्यऋषि अवदात ॥ गौतम उवाच ॥ जहां अग्निज बसतहैं अरु
 पर्वतजहैं यत्र । जलज जन जहैं रहतहैं सह देवगण एकत्र ॥
 सिद्धि सर्व सु कामना बर करतहैं जहैं शक्र । नारिनर गणमें न
 कोऊ कबहुं बोलतबक्र ॥ नाम उत्तर कुरुसुताको लोक ऐसो
 जौन । यातना तुमको दिवैहों मैं तहां करिगौन ॥ धृतराष्ट्र उवाच ॥
 कामना करिजात जे नाह कबहुं कोऊपास । जे न भक्षत मांस
 धारे ज्ञानसहितहुलास ॥ जिते जंगम सथावरहैं भूत तिनके
 माहिं । कबहुं हिंसा भावकोजेजनबिचारत नाहिं ॥ लाभमें औ
 अलाभहूमें रहत एकहि भाय । स्तुती निन्दाकरत काहूकी न
 सुख दुख छाय ॥ उत्तरा कुरुलोक माहीं जातहैं जन तौन ।
 सुनहुऋषिवर तहांको हमकरैगे नहिंगौन ॥ दिवैहों किमि या-
 तना तुम मोहिं करिकै क्रुद्ध । छोंड़िहों मैं नाहिं जैहों लैसुगज
 यहउद्ध ॥ गौतम उवाच ॥ चन्द्रहूके लोकमें जो जाहुगे महिपाल ।
 दिवैहों तौ तहांहूमें यातना सुबिशाल ॥ धृतराष्ट्र उवाच ॥ जे प्रति
 ग्रह लेतनाहीं देतहैं नितदान । जौनमांगत बिप्रसोई बस्तुदेत
 सुजान ॥ जितेआवैं अतिथितिनको भरिकरि सन्मान । देत
 भोजन प्रीतिसों जे परम प्रज्ञावान ॥ छोंड़िरोषहि सदाकोमल
 जौन बोलतबैन । निरन्तरजे करत यज्ञहिसुनहु सुऋषि सचै-
 न ॥ जाततेहैं चन्द्रमाके लोकको सुखऐन । दिवैहों तुम यात-
 नाकिमि तहांहम जैहैंन ॥ गौतम उवाच ॥ रजोगुण औ तमोगुण

सों रहित अति अभिराम । शोकऊसों रहित तेजसभरो अति-
 हीमाम ॥ लोकऐसो भानुको जो जायहौ तिहिमाहिं । दिवैहैं तौ
 यातना हम तोहिं संशयनाहिं ॥ धृतराष्ट्र उवाच ॥ करत सेवा गुरुकी जो
 प्रीतिसहित विशाल । शास्त्रश्रुतिमें रहत जे रत महत जौ न दयाल ॥
 तपस्याको करत जे अरु गहे सुब्रतहि जौ न । सत्य जे जन नित्य
 बोलत चारु प्रज्ञा भौ न ॥ दिवाकरके लोकमाहीं जात ते हैं परम ।
 तहां हम जेहैं न जानहु सत्यसुक्रषिसधर्म ॥ गौतम उवाच ॥ वरुण
 के तुम लोकमें जौ जायहौ भूपाल । दिवैहौं तौ तहांहुं हम यात
 ना सु विशाल ॥ धृतराष्ट्र उवाच ॥ वेद विधिसों अग्नि होत्रहि करै
 जो त्रयवर्ष । यज्ञत्रय बर वर्ष माहीं करै जौ न सहर्ष ॥ सुमारग
 में चलै जो नित करै नित्य सुधर्म । वरुणके सो लोकमाहीं जात
 सुक्रषि सधर्म ॥ तहां हम जेहैं नयाते यातना तुम मोहि । दिवै
 हौं किहि भांति सों ऋषि सुनो मो तन जोहि ॥ गौतम उवाच ॥
 जायबेकी तहां मानव करत इच्छा परम । शोक सों है रहित ऐसो
 इन्द्र लोक सशर्म ॥ तहां तुमको यातना में दिवैहौं अति भूरी
 कहा जगको लेयकै तुम रहे सुखसों पूरि ॥ धृतराष्ट्र उवाच ॥ युद्धमें
 जे सूर हैं अरु पढ़त जे नित वेद । जिये जो शतवर्षलों बरकरै
 धर्म अखेद । इन्द्रवारे लोक माहीं जायहैं जन तौ न । दिवैहौं
 किमि यातना नहिं करेंगे तहैं गौन ॥ गौतम उवाच ॥ स्वर्गहू के
 लसत ऊपर प्रजापति को लोक । जायबे की तहां इच्छा करत
 सब बुधि ओक ॥ तहां तुमको यातना में दिवैहौं महिपाल । कहा
 कुंजर लेय मेरा भरे हर्ष विशाल ॥ धृतराष्ट्र उवाच ॥ अश्वमेधहि क-
 रत जे अरु प्रजापालत जौ न । प्रजापति के लोकको ते जात
 हैं बुधिभौन ॥ तहां हम जेहैं नयाते यातना तुम मोहि । दिवै
 हौं किहि भांति सों ऋषि कहत हैं हम तोहि ॥ गौतम उवाच ॥ शोक
 सों है रहित औ हैं परम दुर्लभचार । जायकै तहैं लहत अक्षय
 मोदसुमति अगर ॥ सुनहु शुचिगोलोक है इहि भांतिको अभि-

राम । तहां तुमको यातनामें दिवैहों अतिमाम ॥ धृतराष्ट्र उवाच ॥
 सहस्रगो जो देतविधिसों बर्षमाहिं ललाम । सहितआदर द्वि-
 जनको बुलवायकै बुधिधाम ॥ होहिं गृहमें जासु शतगो देतजो
 दशगाय । होहिं जाके गऊ दशसो देय एकसचाय ॥ ब्रह्मचर्य्य-
 हिमाहिं जे जन बृद्ध होत सुजान । करतरक्षा धर्मकी जो बिप्रवर
 मतिमान ॥ गोमती अरु कौशिकीमें करतजौन स्नान । तिमिहिं
 यमुना सुरसरीमें करतस्नान सुजान ॥ बिपासा अरु बाहुदामें
 तिमिहिं पंपामाहिं । प्रेमसों जे जायकै जनकरत स्नानसदाहिं ॥
 और उत्तम तीर्थ जे हैं भूमिमें अभिराम । सविधि तिनमें स्नान
 जे जन करत हैं बुधिधाम ॥ जातते गोलोकको हैं हैं संशयअत्र ।
 दिवैहों किमियातना हमजायेंगे नहिं तत्र ॥ गौतम उवाच ॥ उष्णता
 अरु शीतको हैं नेक जहैं भयनाहिं । क्षुधा प्यास न लगतिहै
 नहिं होत दुखसुख पाहिं ॥ रागद्वेष न जहांहैं अरु जरा मरण
 न होय । शत्रुता अरु मित्रता जहैं परतहैं नहिं जोय ॥ पाप पुण्य
 न जहांऐसो लोकविधिको परम । यातनामें दिवैहों तहैं कहां
 लखत सशर्म ॥ धृतराष्ट्र उवाच ॥ करत काहूको न जे जन संगहैं
 करिमोह । नेमसों जे करतहैं व्रत करतकबहुं न कोह ॥ स्वर्ग
 गतिको प्राप्तहवैकै तौन जन अभिराम । विधाता के लोक ब-
 रको जातहैं बुधिधाम ॥ तहां हमजैहैं न याते यातना तुममो
 हि । दिवैहों किहि भांतिसों मुनि कहाजोवत कोहि ॥ गौतम उवाच ॥
 पुंडरीक सुकंजकी जहैं होति बेदीचारु । जहां गायोजातहैं नि-
 ति सामवेद सुढारु ॥ यातना में दिवैहों धृतराष्ट्र हे तहैं तोहि ।
 कहागजको लेयकै मुसकात मोतन जोहि ॥ तदअनन्तर जानि
 गौतम शक्रको हेतात । कहतभे इमिबैन प्रज्ञा ऐन मुनिअवदा-
 त ॥ लये तुमको जानि हे सुरराज अब हम आम । तुमन मन-
 सावाकहूसों करत अघ मुदधाम ॥ शतशत उवाच ॥ हम सुनिज
 सुरनाथ हैं तुम लये हमको जानि । तुम्हें करत प्रणामहैं हम

जोरिदोऊयानि ॥ व्याजमें गजहरण के हम सुनी अद्भुत बात । जो
 कहौ सो करें अब हम सुनहु मुनि अवदात ॥ गौतम उवाच ॥ वर्ष
 दशलौ हरि हमारे गजहि राखो अन्त । देहु सो तुम कृपाकरि
 कै सुनहुं हे सुरकन्त ॥ इंद्र उवाच ॥ लखहु आवत आपुको यह
 सुवन वारण पर्म । चरण उपटे रावरे के भूमि माहिं सधर्म ॥
 सुंघितिनको चायसों सो रह्यो सुखसों पूरि । प्रेम बर्यो जात है
 नहिं तास हियको भूरि ॥ करहु वारण लेहु वारण आपनो अभि-
 राम । दयाधारण करु सु धारण श्रेयमममतिधाम ॥ गौतम उवाच ॥
 चहत हैं कल्याण तेरो सदा हम सुरराय । पाय वारण आपनो मैं
 भयों परम सचाय ॥ इंद्र उवाच ॥ कहे बिन तुम जानि लीन्हों मोहिं
 मुनि मतिधाम । भयोहों परसन्न ताते भयो मुदमें माम ॥ चल-
 हु तुम शुभलोकको गजसहित ऋषि अवदात । कहे ऐसे बचन
 मुनिसों शक्र सुनु हेतात ॥ ता अनन्तर करि सुआगे मुनिहिं
 गज सह पर्म्म । सुराधिप सुरलोक को भो जात होय सशर्म्म ॥
 दोहा ॥ पढ़िहैं जो आख्यान यह मढ़िहैं मुदसों भूरि । जैहैं विधि
 केलोकको गौतमलौ सुख पूरि ॥

इति श्री शान्तिपर्वणिदानधर्मे आद्वकल्पे चतुर्नवतितमोऽध्यायः ॥ ९४ ॥

मुग्धश्चिर उवाच ॥ दोहा ॥ शांति अहिंसा सत्य अरु बहु प्रकार
 के दान । अपनी तियमें तुष्टि अरु दान सुफल सुखवान ॥ व-
 रणि सुनायो मोहिं तुम सुनहुतात बुधिधाम । पूंछतहों यकहेतु
 अब कहहु तौन तुम आम ॥ तप बलते तुम और का जानत
 श्रेष्ठ सुजान । कहहु श्रेष्ठ जो होय सो बक्ता आपुमहान ॥ भौष्म-
 उवाच ॥ जितने तप तिन माहिं हैं अनशन तप अभिराम । अन-
 शन तप सम और तप है न कहत बुधिधाम ॥ जयकरी ॥ यहि
 प्रसंगके माहीं भूप । सुनहु एक इतिहास अनूप ॥ विधि औ
 नृपति भगीरथ पर्म्म । तिनका है सम्बाद सधर्म्म ॥ अमरलोक
 गो लोकहि पर्म्म । अरु ऋषि लोक उलंघि सशर्म्म ॥ गये

भगीरथ बिधिके लोक । देखिताहि बिधि आनंद ओक ॥ क-
हतभये ऐसेवर बैन । सुनहु युधिष्ठिर प्रज्ञाऐन ॥ आये कौन
भांति तुम भूप । इहिसुलोकके माहिं अनूप ॥ नर अरु अमर
तिमिहिं गन्धर्व । किये तपस्या बिना अखर्व ॥ आय सकतहैं
कोऊनाहिं । मम उत्तम सुलोकके माहिं ॥ भगीरथउवाच ॥ सुवरण
की मुद्रा यकलक्ष । दई द्विजन को सादर स्वक्ष ॥ कहे वेदमें
जे व्रतचारु । कीन्हें तेमें सबिधि उदारु ॥ तिनके फलते में
इहिलोक । आयोंहों नहिं सुनु मुदओक ॥ होत एकदिन में
मखजौन । कीन्हें तेमें दश मुदभौन ॥ होत पञ्चदिन में जे
यज्ञ । तेऊ दश कीन्हें सुनुप्रज्ञ ॥ एकादश दिनमें मखजौन ।
होतकिये एकादश तौन ॥ ज्योतिष्टोम यज्ञ शत एक । कीन्हें
हैं हम सहित विवेक ॥ बसिकै सुरसरि तट शतवर्ष । कीन्होतप
हम महत सहर्ष ॥ तहांखच्चरी सहस सुठार । दीन्हीं हम सुनु
मोद अगार ॥ औ कन्या दीन्हीं अभिराम । भूषण परम पि-
न्हाय ललाम ॥ तिनहूँके फलते हमनाहिं । आये इहि सुलोक
के माहिं ॥ अश्वदिये सुन्दर यकलक्ष । अरुगोबीस सहस अ-
तिस्वक्ष ॥ दीन्हीं पुष्कर तीरथ माहिं । बिप्र बुलाय बिज्ञ हम
पाहिं ॥ सुवरणके आभरण पिन्हाय । साठि सहस कन्या छवि
छाय ॥ विधिवत हमदीन्हीं लोकेश । भरेहर्षसों परम अशेश ॥
तौन दानहूँके फलसौन । आये द्रुहिण तुम्हारे भौन ॥ गोमुख
माहिं सुनहु लोकेश । करिसनमान द्विजनके वेश ॥ एक एक
द्विजको हमगाय । दशदश अर्बुद दई सचाय ॥ पहिले व्याई
जोहै गाय । गृष्टी ताहि कहत बुधराय ॥ दोयकोटि हम दीन्हीं
तौन । सुनु हे द्रुहिण परम सुखभौन ॥ तौन दान फलसों हम
परम । नाहिं लह्यो तव लोक सशर्म ॥ बाह्मिदेशके बाजीचारु ।
श्वेतवर्णके प्रभाअगारु ॥ सुवरण भूषणसों अभिराम । भूषित
लसैं चालके माम ॥ दीन्हे में सादर यकलक्ष । वायु बेगवारै

अतिदक्ष ॥ एकएक नखमेंलोकेश । कोटिकोटिवर मोरसुवेश ॥
 वेदवान बिप्रनको दीन्ह । तिनके विधिवत आदर कीन्ह ॥ तौ
 नहुं फलसों आये नाहिं । ब्रह्मालोक तुम्हारेमाहिं ॥ श्यामकर्ण
 बाजी अभिराम । अरुवर हरितवर्ण छविधाम ॥ सुवरणमाला
 तिन्हें पिन्हाय । सत्रह कोटि दिये सुखदाय ॥ सुवरणमाल वि-
 शाल सुठान । तिनसों भूषित अति बलवान ॥ तिनकेदन्त सु
 उन्नतशुभ्र । मनु बकमाल धरेहैं अभ्र ॥ तिनके कुम्भनिऊपर
 पर्म । चिह्न पद्मके लसत सशर्म ॥ ऐसे सुन्दर मैगलमाम ।
 सत्रहकोटिदिये छविधाम ॥ अरु सुवरणके रथ रमणीय । तिन्हें
 देखि मोदित कै जीय ॥ मुक्तालर लागी तिनमाहिं । इन्द्रहु के
 ऐसे रथनाहिं ॥ सत्रहकोटि दिये हम तौन । युक्त सुवाजिनसों
 बलभौन ॥ अंगदक्षिणाके सु जितेक । वेदमाहिंहें कहे तितेक ॥
 बाजपेयदशयज्ञसुवेश । करिदीन्हेंहमसबलोकेश ॥ बलसोंजीति
 सर्व महिपाल । राजसूयकरि यज्ञ विशाल ॥ भूषणसों भूषित
 अभिराम । मघवासम विक्रमसोंमाम ॥ ऐसेभूपति एकहजार ।
 दिये दक्षिणामाहिं सुठार ॥ पञ्चमली ॥ हमदीन तीनशत चारु
 ग्राम । अरुषटहजार बाजीललाम ॥ संकल्पनीरको भो प्रवाह ।
 सुरसरित स्रोतहू ते अथाह ॥ तिहि दानतैसु हम अत्रआय ।
 नहिं प्राप्तभये सुनु लोकराय ॥ सुरसरित ल्यायवे को महान ।
 हिमवान भूमिधरपै सुठान ॥ हमकियो भूरितप महत काल ॥
 थिरिकै सुचित्त चञ्चल विशाल ॥ तिहितेहुं लोक तवमाहिं
 आय । हमभये प्राप्त नहिं लोकराय ॥ दिन द्वादशमें मखहोत
 जौन । हमकीन्ह त्रयोदश यज्ञतौन ॥ वर सहस्रअष्ट बल के
 उत्तंग । सुवरण मढ़ाय यकएक शृंग ॥ हमदिये द्विजनको वृ-
 षभचार । आये न तौनहूते उदार ॥ बरहेमरत्नके निचयउद्ध ।
 हमदिये द्विजनको बोलिशुद्ध ॥ धनधान्ययुक्त अभिरामग्राम ।
 दीन्हेंसहस्र विधिसोंसुखाम ॥ अरुअश्वमेध बहुयज्ञकीन । तिन

माहिं दक्षिणाभूरिदीन ॥ मढवायहेमसों तरुसुठार । करिभूषित
रत्ननसों अपार ॥ तिनतरुनकोसुयोजनप्रमान । बिस्तरितवि-
पिनअतिवरसुठान ॥ बरवेदवानविप्रनबुलाया विधिसहिततौन
दीन्होसचाय ॥ दोहा ॥ फलते तौनहुंदानके सुनुलोकेश सशर्म ।
आये नहिं तव लोकमें निश्चय जानहुपर्म ॥ अरिल ॥ तीस वर्ष
व्रत कियो तुरायन । छोड़िप्रमाद क्रोध सहचायन ॥ गोनौशत
हमदीन्हीं दिनदिन । मुदितभये अतिपाई जिन जिन ॥ तौन
दानहूके फलतेवर । लोकमें न तव आये मुदकर ॥ तीस सुच-
यन यज्ञकीन्हेंहम । अरु नरमेधसप्त कीन्हेंसम ॥ सविध सुअ-
ष्टादश अरु यकशत । किये बिश्वजित मखलहि श्रुतिमत ॥
नदी बाहुदा सरयू सुरसरि । नैमिषार औ तिनमें विधिकरि ॥
दश हजार गौदई दुग्धवति । तौनहुते न लई हम यहगति ॥
दोहा ॥ राख्यो हियमें गुप्तकरि अनशनव्रत सुरराय । ताकोजा-
न्यो शुक्रकरि तपमहान सुखदाय ॥ ताहि जानिकै शुक्रजिमि
साधतभयेसुजान । तिमिही अनशन व्रतहि में साधतभो सुख
दान ॥ साधे अनशन सुव्रतको द्वै प्रसन्न ऋषिसर्व । जितेहुते
ममधाममें तेजसभरे अखर्व ॥ ब्रह्मलोकको जाहु तुम महत
मोदकेधाम । कहतभये ऐसे बचन मोहिंदया करिमाम ॥ ताते
में तवलोकको प्राप्तभयों लोकेश । नमस्कार में करतहों होहु
प्रसन्न अशेश ॥ अनशन व्रतसम औरनहिं सुखदायक तप
पर्म । ताहिकिये ते में लह्योवर तवलोक सशर्म ॥ तोमर ॥ नृप
भगीरथके बैन । सुनिलोकनाथ सचैन ॥ अतिद्वै प्रसन्न सु-
जान । सुरवृन्द सहित महान ॥ दोहा ॥ भगीरथहि पूजतभये
आदरसों बैठाय । अनशनव्रत फलदेतहै ऐसो हे नरराय ॥
इतिश्रीशान्तिपर्वणिदानधर्मेब्रह्माभगीरथसम्बादेपंचनवतितमोऽध्यायः ९५

युधिष्ठिरउवाच ॥ दोहा ॥ लिखीवेदमें पुरुषकी आयु वर्षशत तात ।

बाल तरुण किमि मरतहैं कहिये करि विरूथात ॥ आयु बढ़ति

हैं मनुजकी किये कर्मको कौन । अल्पआयु किहि कर्मसों
 होत कहा बुधिभौन ॥ कौन कर्मसों लहतहैं कीरति मनुज म-
 हान । कौन कर्म कीन्हें लहत श्रियसुखदा मतिमान ॥ भीष्म-
 उवाच ॥ रामगीतो ॥ लहतहैं जिहि कर्मसों जन महतकीरति तात ।
 औ लहैं जिहिकर्मसों श्रिय मोददा अवदात ॥ मनुजकी जो
 कर्मकीन्हें आयु होति महान । होतिहै औ कर्मसों जिहि अल्प
 आयु सुजान ॥ कहतहों ते कर्मतुमको सुनहु तजिकै भर्म ।
 प्रश्न ऐसोकरे तुमबिन कौन तात सधर्म ॥ आयुहोति महान
 जनकी किये ते आचार । लहत हैं आचारहीसों श्रियहु तात
 उदार ॥ कीर्तिप्राप्तहु होनको आचारही है हेत । तुम्हें निजुकै
 कहतहों मैं सुनहु बुद्धिनिकेत ॥ हनत जनके पापको आचारहै
 अभिराम । सुनहु ताते योग्यहै आचार कीबो माम ॥ क्रियासों
 जे रहितहैं नास्तीक हैं जन जौन । दुराचारी पातकी अरु जौन
 सुनु बुधिभौन ॥ होतहैं अल्पायुते जन कहत बुध अवदात । नेकु
 नहिं सन्देह यामें जानु कुन्तीतात ॥ तजत जे मर्यादको अरु
 शील छोड़त जौन । रहत मैथुन माहिं जे रत नित्य दुर्मति
 भौन ॥ शास्त्रको अरु गुरुको जो बचन मानत नाहिं । होतहैं
 अल्पायुते संशय न याके माहिं ॥ नित्यबोलत सत्यहैं अरु जौन
 करत न क्रुद्ध । कबहुं हिंसा करत जे नहिं धरिप्रमादहि उद्ध ॥
 करत कबहुं ना असूया धरत श्रद्धाभूरि । आयु तिनकी बढ़ति
 है नित रहत सुखसों पूरि ॥ दशनसों जे नित्यकाटत नखनको
 हे तात । धारि दुर्जनताहि जे जन क्रोधको सरसात ॥ तृणन
 को जो नित्यतोरत लोष्टफोरत जौन । महत आयुहि तौन प्राप्त
 न होतहैं बुधिभौन ॥ करत चुगुली जौन तिनको शीघ्र होत वि-
 नाश । है नहीं सन्देह यामें नेकनृप बुधिराश ॥ रहै निशि जब
 चारिघटिका तब मुआलस त्यागि । धर्मको अरु अर्थको नित
 करै चिन्तनलागि ॥ प्रातउठिकै स्नानसंध्या करै विधिवतपर्म ।

तिमिहि सायंकाल संध्या करै तात सधम्म ॥ अर्द्ध उद्यत मार-
तण्डहि कबहुं लखिये नाहिं । औ न लखिये मारतण्डहि कबहुं
जलके माहिं ॥ होहिं जब नभ मध्यगत कबहुं न लखिये तात ।
होत जनको दोषदेखे कहत बुध अवदात ॥ किये संध्या बढ़ति
आयु सु ऋषिनकी अभिराम । करै ताते सविधि संध्या मौन
कै बुधिधाम ॥ प्रातःसंध्याकरैं जे नहिं औ न सायंकाल । कम्म
तिनसों शूद्रके करवाइये महिपाल ॥ कबहुं नहिं परनारिमाहीं
रमणकीजै भूप । धम्मचारिहु वर्णको यह कहत प्रज्ञ अनूप ॥
सुनहु परतिय गमन जैसो आयुनाशक पम्म । और ऐसो आयु
नाशन हेतुहै न सधम्म ॥ सुनहु नृप परनारि के अँगमाहिं
रोम जितेक । रमत जो परनारि सेवत नरक वर्षतितेक ॥
दन्त धावन केशधोवन देवपूजन जौन । प्रात ये सब कार्य
करिये कहत वर बुधि भौन ॥ मूत्र विष्ठा देखिये कबहुं न तात
सधम्म । औ उलंघन कीजिये नहिं कहत प्रज्ञ अभर्म ॥
अतिहि प्रातःकाल औ नहिं अतिहि सायंकाल । औ नहीं म-
ध्याहनमें चलिये सुधरणी पाल ॥ शूद्रगण के साथसे औ बि-
जातीके साथ । गमन कबहुं नाहिं कीजै सुनहु वर नरनाथ ॥
भूपको औ विप्रको अरु बृद्धजन को पम्म । और गऊको दीजि-
ये पय कहत प्रज्ञ अभर्म ॥ गर्भवतिका नारिको अरु जौन होय
सभार । तिमिहि निबलहि दीजिये पथ दया करि सु अपार ॥
पिप्पलादिक बृक्ष जेपै पूजनीय सुजान । कीजिये तिनकी प्रद
क्षिण मिलै जहँ मति मान ॥ अर्द्ध निशि मध्याहन में औदु औ
संध्या माहिं । चतुष्पथ में जाइये नहिं सुन्यों बुधजनपाहिं ॥
अन्यकीपहिरीउपानहपहिरिये नहिं तात । औ न ओढ़ोवस्त्रलीजै
कहत बुध अवदात ॥ चरणऊपर चरणको कबहुं न धरिये भूप ।
मूत्र विष्ठा कीजिये तरुझांहमें न अनूप ॥ अष्टमी औ अमावस्या
पूर्णिमाके माहिं । औ चतुर्दशि माहिं तियके जाइये नहिं पाहिं ॥

कबहुं काहूकी न चुगुली कीजिये दुखदाय । औ अनादर की-
जिये नहिं दुखद बैनसुनाय ॥ आपुसों जो होय नीचो पढ़िय
तिहि सों नाहिं । कूरताको राखिये नहिं आपने हिय माहिं ॥
कबहुं काहूको न कहिये तात ऐसे बैन । सुने जिनको होय हिय
के माहिं भूरि अचैन ॥ लगे शायक होत जोहै देह माहींघावा
पूरिआवत तौन है कछु दिननमें नरराव ॥ बाक शायक लगेसों
जो घाव होत महान । कबहुं पूरतनाहिं सोहै जानु निजुं मति-
मान ॥ युद्धमें जो लगत शायक सकत कढ़िहै तौन । बचनशा-
यक सकतकढ़ि नहिं जानु निज बुधिभौन ॥ प्रज्ञताते कहतका
हू सों न है कटु बैन । औ न काहूको करै परिहास प्रज्ञा ऐन ॥
रूप बिनके जौनहैं अरु हीन अंगके जौन । कीजिये अपमान
तिनको कबहुं नहिं बुधिभौन ॥ जौन बिद्याहीन हैं अरु जौनहैं
धनहीन । कीजिये अपमान तिनहुं को न तातप्रवीन ॥ पुत्र को
अरु शिष्यको शिक्षार्थ ताड़न देय । अन्यओर उठाइये नहिं
दण्ड करमें लेय ॥ प्रातअनुदय माहिं उठिकै देवकोकरिध्यान।
मात औ पितुको सु करिये नित प्रणाम सुजान ॥ तिमिहिगुरु
को और जेठे होहिं तिनको भूप । नमस्कार सु कीजिये नित
यह सुधर्म अनूप ॥ बढ़ति है यह धर्म कीन्हे आयु तांतसधर्म।
है नहीं संदेह यामें कहत प्रज्ञ अभर्म ॥ शास्त्र माहीं कही जेती
वस्तुभक्ष नृपाल । तिनहिंको नित करिय भक्षण कहत दक्षवि-
शाल ॥ बैठि उत्तर दिशा मुखकै शौच करिये तात । मौन ड़ैकै
दन्तधावन करै नित अवदात ॥ वृद्ध ढिग औ गुरुन के ढिग
तिमि बिचक्षण पास । देवपूजा किये बिनहुं जाइये बुधिरास ॥
देवपूजा किये बिन नहिं जाइये अन्यत्र । होमनित्यहि कीजिये
यह धर्म भूप पवित्र ॥ मूत्र और पुरीष करिकै धोइये नितपाय ।
तिमिहि जो कहुं जाइये तौ धोइयेनरराय ॥ भोज्य औ अध्य-
यन कीजै पढ़नको नित धोय । नित्यको यह धर्म कीन्हे रहत

सुखसों भोय ॥ देवताके अर्थ भोजन बिरचिये हे तात । स्नान करिके शुद्ध कैंके मनतबुध अवदात ॥ मलिन जो आदर्शता-को देखिये कबहुं न । औ निशामें देखिये नहिं होत परमायूना ॥ शिरहि उत्तर ओर करिके शयनकीजै नाहिं । तिमिहि पश्चिम ओरकै हम सुन्यो बुधजन पाहिं ॥ पूर्व दक्षिण ओर शिर कै नित्य कीजै शयन । अति अंधेरे माहिं शयन न कीजिये मति अयन ॥ होहि जौने सदनमाहीं सोवती परदार । जाइयेनहिं सोइबेको तहां भूप उदार ॥ सोइये कबहुं न जीरण भग्नग्रह के माहिं । औ न तिरछो सोइये हम सुन्यो बुधजन पाहिं ॥ कीजिये कबहुं न भूपति नास्तिकन को संग । संग कीन्हे होत अपनो धर्म नष्ट उतंग ॥ बैठि आसन पायसों नहिं बैठिये भूपाल । नग्न कैंके न्हाइये नहिं कहत सुबुध विशाल ॥ औ निशाके माहिं कबहुं कीजिये नहिं स्नान । स्नानकरिके अंग को नहिं पोंछिये मति मान ॥ बिना कीन्हे स्नानचन्दन लाइये नहिं भाल । स्नान करिके बस्त्रको फटकारिये न नृपाल ॥ बस्त्रभीजो राखिये कबहुं न तन के माहिं । स्नानकै बिन किये पूजा बोलिये हे नाहिं ॥ देवतापै चढ़ी मालापाइ तिहिको परम । गरेते सो खेंचिये कबहुं न तात सधर्म ॥ पहिनि ताको जाइये नहिं बाहिरे सुनु तात । परशिये नहिं पातकीको कहत बुध अवदात ॥ रजस्वलिका नारिसों कबहुं न कहिये बैन । ग्राम के नहिं निकट बिष्ठा कीजिये मति ऐन ॥ मूत्र बिष्ठा कीजिये नहिं कबहुं जल के माहिं । खेत माहीं अन्नके अरु औ न सुर मूहपाहिं ॥ अन्न भोजन करत जल नहिं पीजिये त्रयवार । करि सु भोजन धोइये मुख तीनवार उदार ॥ पूर्वमुख हवै नित्यभोज न कीजिये हवै मौन । कबहुं भोजन की न निन्दा कीजिये बुधिभौन ॥ करि सु भोजन राखिये कछु अन्न भाजनमाहिं । बढ़ति जनकी आयुहै इमि किये धर्म सदाहिं ॥ पूर्व-

मुखह्वै किये भोजनबढ़ति आयु सुभूप । बदन दक्षिण ओर
करिकै किये भोज्य अनूप ॥ होतहै यश भूमिकामें चंद्रसों अ-
भिराम । बदनपडिचमओरकरिकै किये भोज्यललाम ॥ धन्य
जगमें होतहै मतिपायकै अवदात । बदनउत्तर ओरकरिकै
किये भोजन तात ॥ होतहै कल्याणप्रापत कहत बुध अभिराम ।
सुनहु कुन्तीनन्दवर अरु वृन्ददर बुधिधाम ॥ करि सु भोज-
नपरशशिखि को करि सुमन सों भूप । लाइये जल नाक कान
सु चक्षुमाहिं अनूप ॥ मूर्द्धमाहीं तिमिहिं जलको परशकीजै
तात । ताअनन्तर देह मै सब कीजिये अवदात ॥ अस्थिभस्म
अलारजहूँ बहु पर्यो होयसुजान । तहां ठाढ़ो हूजिये नहिं
कहत प्रज्ञ महान ॥ अन्यजनके स्नान ते जो बच्यो है कीला-
ल । कीजिये नहिं स्नान तासों कहत बुद्ध विशाल ॥ अन्नपथ
में चलत कबहूँ खाइये नहिं तात । औखरो ह्वै खाइये नहिं
कहतबुधअवदात । मूत्रकीजै भस्ममें औ गऊ गृहमें नाहिं ।
औ न ठाढ़ोहोयकीजै औ न सुरगृह पाहिं ॥ जायभोजन कर-
नको तब धोय करिकै पाय । पोछिये नहिं चरण आले राखिये
नरराय ॥ शयन कीजै धोय करिकै पोछिपद सुखदायु । किये
यहविधि नित्य नृपवर बढ़ति है बहु आयु ॥ खायकै कछु बिना
धोये बदनको अभिराम । विप्र गो अरु अग्नि को जे छुवत नहिं
बुधिधाम ॥ भानुऔसितभानुको औ नखत वृन्दहिपर्म । जे न
देखत होत ते अल्पायु नाहिसधर्म ॥ वृद्ध आवै पास जबतब
नमूह्वै बुधिधाम । जोरि कर उठि जायसोंहे सबिधि करि पर
नाम ॥ हाथअपने चारु आसनको बिछायनरेश । वृद्धकोबैठा-
इये यह धर्मसुखद अशेश ॥ कांस्य भाजन भग्नमें करिये न-
भोजनतात । भग्नआसन पै नकबहूँ बैठिये अवदात ॥ कीजिये
भोजन न तनमें राखिकै यकबास । औ न कीजै शयन कै नग्न
मुंबु बुधिरास ॥ औ सुनो उच्छिष्ट मुखहू कीजिये नहिं शयन ।

औ न शिरको परशिये उच्छिष्टमुख मतिअयन ॥ रहत शिरके
सर्व आश्रय प्राण हैं नरराय । केश तातेखेंचिये नहिं कहत
वरबुधराय ॥ औ न कबहुं घावदीजै हौन शिरकेमाहिं । शिरहि
अपने पाणि दोउन सों खुजाइय नाहिं ॥ औ न पुनि २ स्नान
कीजै सहित शिर महिपाल । किये यहविधि होति जनकी
आयु परमविशाल ॥ जो लगायोतेल शिरमें रह्यो तामें जौन ।
अंगमें लगवाइये नहिंतौन सुनु बुधिभौन ॥ जौनभूंजेतिहुनको
कबहुं न भक्षत तात ॥ होतहैं अल्पायु ते नहिं कहत बुधअव-
दात ॥ बेदको उच्छिष्ट मुख कबहुं न पढ़िये भूप । औ पढ़ाइये
नकबहुं कहत बुध अनुरूप ॥ बेदकोपढ़िये न तबजब चलैबा-
यु महान । औ तहां पढ़िये न जहैं दुर्गन्धहोय महान ॥ दोहा ॥
बाणी श्रीयमरायकी कहीपरम अभिराम । यहि प्रसंगमें कहत
हौं सुनहुं तौन बुधिधाम ॥ रामगीती ॥ पढ़त जे उच्छिष्ट मुखअरु
पढ़ावत जन जौन । होतहैं अल्पायु अरु नहिं लहत सन्तति
तौन ॥ अनध्यायन माहिं जे जन पढ़त अज्ञ सुवेद । बेदकोते
लहतहैं नहिं रहत नित्य सखेद ॥ होतहैं अल्पायु ते यहिमाहिं
संशय नाहिं । कहीबाणी धरमकीहमसुनीबुधजनपाहिं ॥ चंचला ॥
भानु अग्निगाय बिप्रसामुहें अजान जौन । मूत्र औपुरीष कर्त
होतहैं गतायु तौन ॥ जेनकर्त ते सु प्राप्त होत आयुको महा-
न । नित्य ते अनन्दको लहैं नरिन्द्रहे सुजान ॥ दोहा ॥ बिष्ठा
मूत्रहि करतजे उत्तरमुख दिनमाहि । दक्षिण मुख निशिमाहिं
ते हैं अल्पायु नाहिं ॥ तोमर ॥ हठ कीजिये गुरुसाथ । कबहुंन
हे नरनाथ ॥ जब होय गुरु सहकुद्ध । तब नमूकै अतिउद्ध ॥
करिकै बिनय परिपाय । करियेप्रसन्न सचाय ॥ गुरुकी सुनिंदा
जौन । जनकरत दुर्मति भौन ॥ निश्चैहि तिनकीआय । नशि
जाति है नरराय ॥ रोला ॥ चरणधीयबे काजलयो भोजनमें जो
जल । दूरिडारिये बच्योहोय जिहिमाहिं जितोजल ॥ भोजनक-

२५६ शान्तिपर्वदानधर्मदर्पणः ।

रिकै जायदूरि कछु बहुजललैवर । बदनकीजिये शुद्धनित्य सुनु
भूपसुमतिधर ॥ दोहा ॥ दूरि कीजिये धामते मूत्र जायकै तात ।
धाममाहिं नहिं कीजिये भनत सुबुध अवदात ॥ कबहुं न धारण
कीजिये रक्तपुष्प की माल । शुक्लपुष्पकी मालको धरिये सदा
नृपाल ॥ रक्तसुमन जे बिपिनके औ नीरजहैं जौन । तेतौ धारण
कीजिये सदा तात बुधिभौन ॥ कचनारहु के सुमन कीमाला दूषि-
त नाहिं । सुन्योतात सिद्धान्त यह हमवर बुधजन पाहिं ॥ सोप्या ॥
जो जनकरिकै स्नान आवै पूजासमयमें । शिरमें तासु सुजान
चन्दन चारु लगाइये ॥ रामगीता ॥ ओढ़िबेके बस्त्र तिनको पहिनिये
नहिं तात । ओढ़िये नहिं पहिनिबे के बस्त्रको अवदात ॥ दशी
जौने बसनमाहीं होयनाहीं भूप । कीजिये नहिं ताहि धारण कहत
प्रज्ञानूप ॥ देवपूजा समयके अरु शयनके बरबास । तिमिहि
बाहिर जायबे के बसननृप बुधिरास ॥ पृथक् पृथक् सुराखिये
मतिमान भनत हमेश । राखिये नहिं कार्य सबमें एक बसनन-
रेश ॥ रहै दिनभर ब्रह्मचारी भयो करिकै स्नान । ब्रह्मचारी होय
औ सब पर्वमाहिं सुजान ॥ एक भाजन माहिं जन द्वैचारि मि-
लिकै तात । कीजिये कबहुं न भोजन भनत बुध अवदात ॥ गऊ
औ मज्जारको सूंघ्यो सुभोजन जौन । तिमिहि सूंघ्यो इवानको
करिये न भोजन तौन ॥ लवण करमें खाइये नहिं औ न निशि
के माह । सहु दधिसँग खाइये कबहुं न हे नरनाह ॥ तौन भो-
जन कीजिये नहिं कढ़ै जासे बाल । मांससूखो औ न बासी खा-
इये महिपाल ॥ मांसगाय मयूरकोहै नित्य बर्जित तात । खाइये
कबहुं न ताते भनत बुध बिख्यात ॥ भूमिमें धरि कीजिये कबहुं
न भोजनपर्म । औ सुभोजन शब्दवत कीजै न तात सधर्म ॥
पंक्तिमाहीं सबनको दीजै सुभोज्य समान । दीजिये नहिं कबहुं
न्यूना धिक्कतात सुजान ॥ भक्ष्य जेती वस्तु तिनको भक्षिक-
रिकै शेष । कबहुं काहूको न दीजै भनत सुबुध सुवेश ॥ उदुम्बर

शणशाक पिप्पल बटनके फलजौन । चहतजे कल्याण ते नहिं
खातहैं बुधिभौन ॥ करिसुभोजन आचमन करि कहतबुध अ-
वदात । चरणदक्षिणके अंगुष्ठहि धोय उठिये तात ॥ ताअन-
न्तर शुद्ध कैकै पाणिसों शिरपर्शि । परश करिये अग्निको कै
खरोसो हे दर्शि ॥ किये यह विधि रहतमोदित पचत अन्नसु-
जान । प्रशंसा है होतिजनकी ज्ञातिमाहिं महान ॥ ज्ञाति को
जो वृद्ध अपनी औ दरिद्रीमित्र । इन्हें राखे गेहमाहीं होतगेह
पवित्र ॥ जौनराखतधन्यते हैं बढततिनकी आयु । कटतिबाधा
गेहते सब रहत आनंदझायु ॥ सारिका शुकऔ परेवा राखिये
गृहमाहिं । वृद्धिकारक सर्वये हैं अत्र संशयनाहिं ॥ गृध्रउद्दीपक
तथा अलितिमिहिं भूपकपोत । सर्वआयेधाममें येकरतअशुभ
उदोत ॥ कीजिये निन्दा न कबहुंमहत जनकीतात । छोंड़िकप-
टहि प्रशंसानित कीजिये अवदात ॥ नृपतिकी अरु वैद्य की
अरु वृद्धकी तियभूप । विप्रकी अरु बन्धुकी अरु भृत्यनारि
अनूप ॥ बालकी औ शरणमें जो होयताकी दारु । नारिसम्ब-
न्धीनकी औ है अगम्याचारु ॥ गमनइनमें करत जे नहिंमहत
तिनकी आयु । होत निश्चय कहत हैं बुध सुनहु वर नररायु ॥
शास्त्रमतसों शुद्ध जोवर बनोहोय अगार । बासतामें कीजिये
बुधिरासि भनत सुदार ॥ शयन औ अध्ययन संध्यामाहिं कीजै
नाहिं । औ न भोजन कीजिये हम सुन्यो बुधजन पाहिं ॥ किये
यह विधि होति जनकी आयु महतसुजान । नित्ययामेंरहततरत
हैं परमप्रज्ञावान ॥ धोइये नहिं केश कबहुंकरि सुभोजनतात ।
औ न कीजै श्राद्ध निशिमें भनतबुध विख्यात ॥ बहुत भोजन
कीजिये नहिं कबहुं रजनी माहिं । बिहंगनको मारिये महिपाल
कबहुंनाहिं ॥ बैन अप्रिय भूप कहिये कबहुंकाहूकौन । औ न
काहू को सशोकै कीजिये बुधिभौन ॥ कीजिये निन्दा न काहू
की परोक्षसुजान । घटति जनकी आयु ये सब किये ते मति-

मान ॥ पतितसों नहिं बोलिये कवहूँन हे महिपाल । दर्शपर्शहु
 कीजिये नहिं कहतप्रज्ञ विशाल ॥ पतितको संसर्गसोहै आयु
 हर्तापर्म । है नहीं संदेहयामें सुनहु तातसधर्म ॥ किये ते दिन
 माहिं मैथुन होतजनअल्पायु । तिमिहिं कन्यागमनते जनहोत
 हैं अल्पायु ॥ रमणकुलटा माहि कीन्हें होति आयुषक्षीन । औ
 किये ते स्नान पुनि पुनि कहत परमप्रवीन ॥ रजो दर्शन भये
 बिननहिं जाइये तियपास । हेतु दीरघ आयुको यह भणत बर
 बुधिरास ॥ होय जाको जन्मभो कुलमाहिं उत्तमपर्म । होहिं
 जाके अंग सुंदरसर्व तात सधर्म ॥ होय जाकी बरोबरवय तिहि
 सुकन्या साथ । ब्याहकीबो योग्यहै सुनु धर्मधरनरनाथ ॥ वंश
 राखन हेत करि उत्पन्न पुत्रसुजान । सविधिताहि पढायकैकरि
 भरिबर मतिमान ॥ परमउत्तम वंशमाहीं तास कीजै ब्याह ।
 राखियेनितधर्ममाहिं प्रवृत्त हे नरनाह ॥ पुत्रिका उत्पन्नकरिकै
 सहित विधिअभिराम । सुकुलमें उत्पन्न शुचिधीमान परमा
 धाम ॥ दीजिये ऐसे सुवरको हर्ष सहित विशाल । धर्मधर बर
 कीर्तिकरवर प्रज्ञमुनु महिपाल ॥ सविधिसह शिर स्नानकरिकै
 विमलतन अभिराम । देवकारज पितर कारज कीजियेबुधिधा-
 म ॥ होय जौने नखतमाहीं जन्मसुनु हे तात । श्राद्धतिहि में
 कीजिये नहिं भनतबुध विख्यात ॥ पूरवा अरु उत्तरामें श्राद्ध
 कीजै नाहिं । तिमिहिं श्राद्ध कीजिये नहिं नखतकृतिकामाहिं ॥
 और ज्योतिषमाहिं वर्जित हैं जितेकनक्षत्र । श्राद्ध तिनमें
 कीजिये नहिं भणतप्रज्ञ पवित्र ॥ पूर्व मुख औ उदीचीमुख
 जे करावत क्षौर । बढ़ति तिनकी आयु है बरभणत बुधि
 शिरसौर ॥ होय जौने वंशमें रुजमृगी कुष्ठमहान । ब्याह
 तौने वंशमें नहिं कीजिये मतिमान ॥ चारु लक्षण जितोति-
 नसों सोय युक्ताजौन । दर्शनीया औ प्रशस्ता होय जोबुधि
 जौन ॥ होयजामें कुटिलता नहिं नेकहू नरनाथ । ब्याहकीजै

चाहिऐसी कन्यकाके साथ ॥ ईरषा कबहूँ न कीजै नारिसेनृप
 प्रज्ञ । हेतुहै अल्पायुको यह कहतबर धर्मज्ञ ॥ उदय माहीं
 भानुके अरु दिवसमाहीं शयन । कियेतेजन होतहैं अल्पायु
 नृप मतिअयन ॥ औ किये उच्छिष्टमुख निशिमाहिं शयनसु-
 जान । तिमिहिं सन्ध्यामें किये अल्पायुहोत अजान ॥ स्नान
 भोजन पढ़नसन्ध्या माहिंकीजैनाहिं । औ न कबहूँ गमनकीजै
 पर सुनारी माहिं । करत जे ते होतहैं अल्पायु हे महिपाल ।
 है नहीं सन्देह यामें भणत बिज्ञविशाल ॥ क्षौरको करवाय
 करिकै तबहिकीजै स्नान । घटतिहै आयुष्यकीन्हें देरहेमति-
 मान ॥ द्विजनकी अरु देवतनकी तिमिहिं गुरुकीपर्म । स्नान
 करिकै कियेपूजा बढ़ति आयुषधर्म ॥ निमंत्रण विनजाइये नृप
 विवाहादिक मै न । निमंत्रणहूँ विनामखमें जाइये बुधिऐन ॥
 आपुएकहि करि सुसाहस जाइये न विदेश ॥ औ निशामें चा-
 लिये नहिं बिना संगनरेश ॥ मातको अरु पिताको अरु गुरुन
 को अवदात । हितहु औ अनहितहु शासन मानिये हेतात ॥
 वेदऔ धनुवेद पढ़िये यत्नसों अभिराम । तिमिहि अश्वादि-
 कनपै चढ़िये सुनृप बुधिधाम ॥ नीति शास्त्रहि तथावर गन्धर्व
 शास्त्रहि पर्म । शब्द शास्त्रहि तिमिहिं पढ़िये यत्नसहित स-
 धर्म ॥ शास्त्रमें हैं कहीजेती कलातेती सर्व । जानियेवर बिज्ञ
 जनसों सुमतिमान अखर्व ॥ नित्यसुनिये चोपसों इतिहास
 सहितपुरान । नीतिसों नित प्रजापालन कीजिये मतिमान ॥
 दोहा ॥ रजस्वला जबहोय तब जाइ न तियकेपास । दिनचतु-
 र्थमें जायजब करैस्नान सहुलास ॥ रमैसु पचई रातिमें तिय
 के संग सुनुभूप । निश्चय पुत्रीहोतहै मतिबर भणतअनूप ॥
 दोहा ॥ छठईनेशिके माहिं रमेनारिमें होतसुत । यामें संशय
 नाहिं निश्चय करिकै कहतहों ॥ अर्द्ध चरणादोहा ॥ इमिहीं षोड़श
 दिवसलों रमेनारिमें भूप । समदिनमें सुतहोत विषममें पुत्री

२६०

शान्तिपर्वदानधर्मदर्पणः ।

होति अनूप ॥ सबवेदनमें श्रेष्ठहै आचारहि नररायु । होतधर्म
आचारते बढ़ति धर्मते आयु ॥ कह्योविधाताको महा यह आ-
ख्यान सुजान । पढ़े सुने याकोमिलै यश अरु आयु महान ॥
शान्तिपर्वणिदानधर्मे उत्तमानुशासने आयुराख्याने पढ़नवतितमोऽध्यायः ॥

युधिष्ठिरउवाच ॥

देहा ॥ मानै किमि सुकनिष्ठको ज्येष्ठ बन्धुमति-
मान । औ कनिष्ठकिमि ज्येष्ठको मानै कहहु सुजान ॥ भीष्मउवाच ॥
ज्येष्ठ सुबन्धु कनिष्ठकी नितही करै सहाय । आज्ञामें नितज्येष्ठ
कीरहै कनिष्ठ सचाय ॥ चाहै भलो कनिष्ठको ज्येष्ठबन्धु जो
नाहिं । पापलोकको जायतौ यामें संशयनाहिं ॥ चरणादेहा ॥ मरै
पितातब ज्येष्ठबन्धुको मानै पिता समान । रहै सदाहीं आश्रित
कैकै बन्धुकनिष्ठ सुजान ॥ तिमिहीं ज्येष्ठबन्धुकी तियको जानै
मातसमान । औ ज्येष्ठाभगिनीको मानै बन्धुकनिष्ठ सुजान ॥
धोखा ॥ कियो प्रश्न तुम जौन ताको उत्तर हमदयो । सुनहु तात
बुधिभौन अब आगेका पूछिहौ ॥ युधिष्ठिरउवाच ॥ जयकरी ॥ इच्छा
उपवासनकी परम । बर्णचारिहू करत सधर्म ॥ तिमिहीं म्लेच्छ
करतहैं तात । तासुहेतु नहिं जान्यो जात ॥ यह हमसुन्यो बुधन
सों दक्ष । नेमसु उपवासनको स्वक्ष ॥ करै बिप्र क्षत्रियहि स-
प्रीति । और न कोऊ करै सनीति ॥ याको कहिये मोकोहेत । आ-
पुहि कहिये योग्य सचेत ॥ औ उपवासनको फलजौन । तौनहु
कहौ तात बुधिभौन ॥ जे उपवासकरत अवदात । गतिको कौन
तौन जन जात ॥ कौनधर्म कीन्हें अभिराम । जनछूटै अधर्म
सों माम ॥ औ कहुकौन कर्मसों परम । मिलै स्वर्गमें धामसशर्म ॥
जे जन करत सविधि उपवास । करैं दान काते बुधिरास ॥ बेश-
म्यायनउवाच ॥ सुने युधिष्ठिरके ये बैन । कहत भये भीषम मति-
ऐन ॥ भीष्मउवाच ॥ देहा ॥ सुन्यो जौन हम श्रेष्ठगुण उपवासनके
साहिं । सुनहु तौन हम कहतहैं भूप तुम्हारे पार्हि ॥ पूछ्यो जो
यह प्रश्न है हमसों तुम अवदात । सोइ अंगिरस बिप्रसों

पूछ्यो हौं हमतात ॥ सुनिकै ऋषिवर अंगिरस मम सुप्रश्न
को परम । कहतभये उपवासके फलको तात सधर्म ॥ अंगिराउ-
वाच ॥ एकरात्रि द्वैरात्रिको तीनरात्रिकोपरम । ब्राह्मण औक्षत्री
करैं वर उपवास सधर्म ॥ इन उपवासन को करैं वैश्य शूद्र
जो भूप । मिलै न कछुफल अचल है यह सिद्धान्त अनूप ॥
तिथि सुपंचमी षष्ठीमें औ पूरणमासी माहिं । एकबेर भोजन
करै होत दरिद्री नाहिं ॥ क्षमा मिलति सन्तति मिलति होत
रूप अभिराम । यामेंहै संशयनहीं सुनहु भूप बुधिधाम ॥ वैश्य
शूद्र जो यज्ञकी इच्छा करैं नरेश । तौ कुलवान बुलायवर सा-
दर बिप्र सुवेश ॥ तिन्हें देय भोजन सबिधि खरोहोयकैपाहिं ।
कृष्णपक्ष की पंचमी षष्ठी अष्टमि माहिं ॥ यज्ञ यहीहै वैश्यको
तिमिहिं शूद्रकोपरम । व्याधिकढे बीरजबढ़ै कीन्हें याहि सधर्म ॥
चंचला ॥ मार्गशीर्ष मासमाहिं बिप्र वृन्दकोबुलाय । देय भोज्य
दक्षिणा समेत कै बिदा सचाय ॥ नित्य एकबेर भोज्य जो करै
सुनो सुजान । तासु व्याधि पापको विनाशहोतहै महान ॥ सर्व
मोदको उदोत होत गेहमाहिं भूप । होतिहै समृद्धि प्राप्तकीर्ति
भूमिमें अनूप ॥ पौषमाहिं एकबेर भोज्य जे करैंसुबुद्ध । होतते
सकीर्तिभूतिमानरूपमानशुद्ध ॥ एकबेरभोज्यमाघमाहिं जोकरै
सचेत । होयभूतिमान वंशमाहिं सो महत्त्वलेत ॥ दोहा ॥ एकबेर
भोजनकरत फाल्गुणमेंजनजौन । ताकेबशमें होहितिबहुतिय
बल्लभभौन ॥ जयकरी ॥ चैत्रमाहिं भोजन एकवार । करै जौनजन
सुमति अगार ॥ बहु धनवान वंशमें तौन । लेत जन्महै सुनु
बुधिभौन ॥ औ बैशाखहु माहीं भूप । किये एक वरभोज्य अ-
नूप ॥ होहु नारि वा नर नरनाह । श्रेष्ठहिहोत जातिके माह ॥
ज्येष्ठमास में भूप सुदार । कीन्हें ते भोजन एकवार ॥ मिलत
अतुल ऐश्वर्य महान । होहु नारि वा नर मतिमान ॥ आषा-
ढ़हु में जो जन एक । बार करै भोजन सविवेक ॥ लहै पुत्रबहु

अरु धनभूरि । रहैसदा आनँदसों पूरि ॥ श्रावणहूमें जो यक-
 बार । भोजन करै सुबुद्धि अंगार ॥ अरु तीर्थनमें करै सनान ।
 बढैवंश ताको मतिमान ॥ तिमिहिं भाद्रपद माहिं उदार । भो-
 जनकरै जौनयकबार ॥ ताहिअचल ऐश्वर्य महान । प्राप्तहोत
 है सुनहु सुजान ॥ अरु बहुप्राप्त होतहैं गाय । रहैनित्य आनँद
 सों छाये ॥ कारमासमें जो यकबार । भोजनकरै सुबुद्धि अंगार ॥
 मिलैताहि बाहन अभिराम । अरु बहुपुत्र होत बुधिधाम ॥
 एकबार भोजन जनजौन । कार्तिकमाहिं करै बुधिभौन ॥ प्राप्त
 होति ताको बहुनारि । भरी सुगुणसों परम सुठारि ॥ होतशूर
 अरु कीरतिवान । रूपवान अरु बरबलवान ॥ दोहा ॥ अगहन
 आदिक मासमें कीन्हें ते उपवास । जे फल जनको मिलत ते
 कहे तुम्हें बुधिरास ॥ कीन्हें ते उपवासनृप तिथिन माहिं फल
 जौन । जनको प्राप्त होत अब सुनहु तौन बुधिभौन ॥ पक्ष
 गत भये जौन जन भोजनकरै सुजान । दीर्घ आयुसो होतबहु
 पुत्रहोत मतिमान ॥ कहे पूर्व उपवास जे तिनको गहिकै नेम ।
 कीन्हें द्वादशवर्ष लों जन गणहोत सक्षेम ॥ जयकरी ॥ जे जन
 हिंसामें रतनाहिं । दायाधरे भूरि हियमाहिं ॥ प्रातकाल औ
 सायंकाल । भोजन करै सविधि महिपाल ॥ करैहोम नित आ-
 लस त्यागि । विधिवतचारु क्रियामें पागि ॥ तेजन षट वर्षहि
 के माहिं । लहैं सिद्धिको संशयनाहिं ॥ औ मख अग्निष्टोम
 अनूप । लहत तासुफलहै सुनुभूप ॥ धाम अप्सरनको अभि-
 राम । तामेवाम सहस्र ललाम ॥ रमण करत तिनमें सानंद ।
 सुनहु धर्मधर कुन्तीनन्द ॥ रमिकरिकै तिनमें बहुकाल । तद-
 नन्तरसो सुनु महिपाल ॥ सुवरण वर्ण ललाम बिमान । तामें
 चढ़िलहि मोद महान ॥ सानँद ब्रह्मलोकको जाय । वर्षसहस्र
 रहत मुदछाय ॥ दोहा ॥ तदनन्तर इहिलोकमें आय तौन सुनु
 भूप । उत्तमघरमें जन्मलाहि लहत महत्त्व अनूप ॥ तोमर ॥ जन

जौन करत अहार । एकवर्षलों एकवार ॥ अतिरात्रि मखको
 पर्म । फल लेततौन सधर्म ॥ दशसहस्रवर्ष सुजान । बसिस्वर्ग
 माहिं महान ॥ सुखलहतहैं महिपाल । बरप्रज्ञभणत विशाल ॥
 सुरलोकते पुनिआय । भुवलोकमें नरराय ॥ नितसोमहत्त्वहि
 लेत । गहिधर्म राह सचेत ॥ दोहा ॥ भोजन चतुरथ प्रहरमें
 जौन करतयक वर्ष । हिंसातजि गहिसत्यको इन्द्रीजीतिसहर्ष ॥
 बाजपेय मखके फलहि लहिसोजन महिपाल । वर्ष सहसदश
 स्वर्ग में आनँदलहै विशाल ॥ दिनके छठयें भागमें करत सु
 भोजनजौन । एकवर्षलों नेमगहि क्रोधछोड़ि बुधिभौन । अश्व-
 मेधके फलहि बर लहिमहत्त्व मतिमान । चक्रवाक जामें लगे
 ऐसो चारुबिमान ॥ तापैचढ़िकै स्वर्गको जाततौन अवदात ।
 वर्ष सहस चालीसलों बसिकै समुद्र बिभात ॥ दिनके अष्टम
 भागमें एकवर्षलों नेम । गहि भोजन जो करतगो मखफल
 लहतसक्षेम ॥ जामें सारस हंसबर लागेपरम अनूप । तिहिबि-
 मान पै बैठिसो जातस्वर्गको भूप ॥ वर्षसहस्र पचासलों स्वर्ग
 माहिं करिवास । पावतहै आनंदको सुनहु तात बुधिरास ॥
 चरणादोहा ॥ करत जौनजन भोजनको है मासमाहिं द्वै बार ।
 अमावास्या पूरणमासी माहिं सुमति आगार ॥ अनशन व्रत
 षटमासको ताको जो फलशर्म । ताको ते जन होतहैं प्रापतसु
 नहुसधर्म ॥ चरणादोहा ॥ साठि सहस संवत्सरलोंसोबसतस्वर्ग
 के माहिं । करिकै भाव अनेकन नाचतिरम्भादिकतिहिपाहिं ॥
 एकवर्षलों मास मासमें जोजन जल एकवार । पीवत सो है
 लहत विश्वजित मखको सुफलउदार ॥ हंसादोहा ॥ सिंहव्याघ्र
 सों युक्कवर ऐसो जौन बिमान । स्वर्गलोककोजातहै तापैचढ़ि
 मतिमान ॥ वर्षसु सत्तरिसहसलों स्वर्गमाहिं करिवास । पावत
 मोदमहानको सुनहुतात बुधिरास ॥ अनशन व्रतकीजै सुबिधि
 आनँद कर अवदात । सो बिधितुमसों कहतहौं सुनहुतौनतुम

तात ॥ रामगीती ॥ व्याधिसों जे रहित अरुहैं जौन आरतनाहिं ।
 ते किये अनशनहि मखफल लहत पदपदमाहिं ॥ हंसयुक्त वि-
 मान पै चढ़ि स्वर्गमेंही जाय । करतहैं यकलक्ष बत्सरतहांवास
 सचाय ॥ अप्सरन की चारुकन्या रहतिताके पाहिं । राखती हैं
 ताहि मोदित सदाकौतुकमाहिं ॥ व्याधियुत औ आरतहु जो
 अनशनहि ब्रूतपर्म । करें तौ आनन्दको अति होहिं प्राप्तस-
 धर्म ॥ हंस सहसन लगेजामें प्रभामान विमान । बैठि तामें
 स्वर्गको सो जात हे मतिमान ॥ लक्षवत्सर स्वर्ग में करिबास
 बरबुधिरास । करत सुन्दर तियनसँग सुविलाससाहितहुलास ॥
 सुब्रूत अनशन माहिंजाकी देह छूटतितात । भानुकीसी पाय
 कै सो प्रभाचारु बिभात ॥ जड़ितमणि मुकतानसो छविमान
 स्वच्छ विमान । बैठि तामें स्वर्गको सो जातहैं मतिमान ॥ रोमे
 जेते देहमाहीं वर्ष सहस तितेक । बसतहैं सुरलोकमाहीं सुनहु
 नृप सविवेक ॥ श्रेष्ठलाभ सुधर्मते नहिं औरहैं मतिमान । औ
 नहीं हैं वेदते नृप श्रेष्ठ शास्त्रसुजान ॥ मातसम नहिं और गुरु
 हैं श्रेष्ठ सुखद विशाल । तिमिहिं अनशन सुब्रूत समतप और
 नहिं महिपाल ॥ विप्रसम नहिं और पावन दुहुंलोकन माहिं ।
 करतजे उपवास हैं यहि माहिं संशयनाहिं ॥ देवतन उपवास-
 हीसों लह्यो हैं सुरलोक । सिद्धिलहि उपवासहीसों भयेसुऋषि
 अशोक ॥ कियो भोजन बारिकदिनमाहिं विश्वामित्र । सहस
 यकसुर वर्षलों गहि क्षमाभूरिपवित्र ॥ भये ताते विप्र ताको
 प्राप्त अति अभिराम । कह्यो हमसों अंगिरस ऋषि परम
 प्रज्ञाधाम । च्यवन भृगु जमदग्निगौतम ऋषिवशिष्ठसुजान ।
 सबन इम उपवासही सों लह्यो दिवमुदवान ॥ कह्यो यह उप-
 वासके आख्यान क्रमसे पर्म । कृपाकरिकैं अंगिरस मुनिसुनहु
 तातसधर्म ॥ दोहा ॥ पढ़िहैं याको जौनअरु सुनिहैं याको जौ-
 न । छूटितौन कर्मपनसों करिहैं दिवको गौन ॥ लहिहैं कीरति

भूमि में अति अभिराम महान । सब पक्षिनको जानिहैं राष्ट्र
सुनहु बुधिधाम ॥

इति श्रीमहाभारतेदानधर्मे उपवासविधौ सप्तनवतितमोऽध्यायः ६७ ॥

युधिष्ठिर उवाच ॥ दोहा ॥ कहे सबिधि उपवास अरु कहे सबि-
धि सबयज्ञ । अरु यज्ञनके जे सुगुण तेऊ कहे सुप्रज्ञ ॥ धन
बिन होत न यज्ञ है याते तात प्रवीन । यज्ञ नहीं करिसकतहैं
जे जन हैं धनहीन ॥ धन हीननको जौन विधि प्राप्तयज्ञ फल
होय । कहहु ताततुम तौन विधि ज्ञान नयन सों जोय ॥ सोरठा ॥
अरु जो होय समान मखफलको तौनहु कहौ । सुनहुतात मति-
मान धर्म गेह सन्देहंदर ॥ भीष्म उवाच ॥ रामगीती ॥ लहत हैं धन
हीन मखफल किये ते उपवास । यज्ञकेसम उपासही है सुनहु
नृप बुधिरास ॥ करत भोजन जौनजन त्रयवर्षलों एकवार ।
धर्म पत्नी माहिं जोरत रहैं सुमतिअगार ॥ यज्ञ अग्निष्टोम
को फल लहत हैं सो तात । कही हमको यह सुविधि ऋषि अं-
गिरा अवदात ॥ क्षमाधारे सत्य बोलत नित्य जे जनपर्म । दान
औ उपवास में रतरहत जौनसधर्म ॥ हंसजामें लगे ऐसो शुभ्र
चारु बिमान । बैठि तामें स्वर्गको सो जात हवै मुदवान ॥ वर्ष
द्वै शतकोटि लौं दिवमाहिं करिकै बास । रहत है अप्सरनके
सँग भरो भूरिहुलास ॥ दूसरे दिन करत भोजन जौनजन इक-
वार । वर्ष लौं एक औरै नितहोम सुमति अगार ॥ सो उअ-
ग्निष्टोम मखको लहत फल अभिराम । अंगिरा ऋषि कह्यो
हमसों सुनो बरबुधिधाम ॥ हंससारस युक्तिलहिकै प्रभावान
बिमान । बैठि तामें जाय दिवमें लहत मोदमहान ॥ वर्षलौं
यक तीसरे दिन करत भोजन जौन । करै होम सुनित्य आ-
लस झोड़िकै बुधिभौन ॥ लहत सो अतिरात्र मखको सुफल
परम सुजान । युक्त हंस मयूर सों अभिराम पाय बिमान ॥
बैठि तामें इन्द्रसों लसिप्रभासों अभिराम । जात सप्तऋषीन

के वरलोक माहिं ललाम ॥ बासकै त्रयपद्म बत्सर तहां आनंद
 लेत । अप्सरनके साथरमिकै सुनहु बुद्धि निकेत ॥ चतुर्थेदिन
 जौन भोजन करतहैं हे तात । वर्षलों एक करै होमहि नेम सों
 अवदात ॥ बाजपेय सु यज्ञको फल लहततौन सधर्म । बैठि
 चारु बिमान ऊपर अप्सरन सहपर्म ॥ जाय सुरपति लोक
 माहीं देवतनके साथ । रहतहैं चौपद्म बत्सरहर्ष सह नरनाथ ॥
 जौन पञ्चम दिवस माहीं वर्षलों एकबार । करै भोजन होम
 को नितकरै सुमति अगर ॥ होत द्वादश दिवसमाहीं यज्ञजो
 अवदात । होत ताके फलहि प्रापत तौन जन देव तात ॥ भानु
 को सो भास जामें हंसयुक्तबिमान । बैठि तापै जातहै सुरलोक
 को मुदवान ॥ पद्म इक्यावनसु बत्सर तहां करिकै बास । लहत
 है अरु महत आनंद सुनहु नृप बुधिरास ॥ करत भोजनदिवस
 छठयें वर्षलों जन जौन । औ करै नितहोम थिरिकै चित्त को
 बुधिभौन ॥ लहतहै गोमेधको फल तौन जन महिपाल । हैनहीं
 संदेह यामें कहत विज्ञ विशाल ॥ हंसऔ बरहीनसों युत हेम
 को सुबिमान । अग्निकीसीप्रभा जामें सुनहु तात सुजान ॥
 ब्रह्मलोकहि जात है सो बैठि ताके माहिं । लहतहै आनंदअ-
 तिही अप्सरनके पाहिं ॥ सहसकोटि सु पद्मअष्टादश पताका
 दोय । ऋक्षके शतचर्म माहीं रोमजेते होय ॥ रहत तेते वर्षसो
 है ब्रह्मलोकहि माहिं । सुन्यो यह फल भूप हमहै अंगिरसमुचि
 पाहिं ॥ दिवस सप्तममाहिं भोजन करै जो एकवर्ष । करै होम-
 हि नित्य तजिकै क्रोध होय सहर्ष ॥ ब्रह्मचर्यहि धरैविद्या करै
 गुप्तकबौन । मांस मदिरा कबहुं भक्षण करै नहिं बुधिभौन ॥
 होय जौने यज्ञ माहीं महत सुवरणदान । लहतहै तिहि यज्ञ
 को फल तौन जन मति मान ॥ मरुतके अरु इन्द्रके सो लोक
 माहीं जाय । रहतहै बहु वर्षलों सह हर्षसों नरराय ॥ परमसु-
 न्दरि देवकन्या पूजतीहैं ताहि । करति मोदित राखिबेकोभाव

ते बहु चाहि ॥ दिवस अष्टम माहिं भोजन करै जो जनतात ।
 वर्षलों यक करै होमहि नेम सों अवदात ॥ पौंडरीक सु यज्ञ
 को फल लहतसो अभिराम । है नहीं संदेह यामें भणतमतिवर
 माम ॥ पद्मवर्ण विमान को लहि जाय दिवके माहिं । लहत है
 बहु नारिसो यहि माहिं संशय नाहिं ॥ करत जो जन नवमवा-
 सर माहिं भोजनभूप । वर्षलों यक करै होमहि धरे धैर्य अनूप ॥
 अश्वमेध सहस्रको फल लहतसो जनदक्ष । पुण्डरीक सुकमल
 कीसी प्रभाजामें स्वक्ष ॥ व्योम यान सु पाय ऐसो सुनहु भूप
 उदार । बैठितामें जाय दिवमें लहतमोद अपार ॥ कल्पयक औ
 वर्ष अष्टादश सहस्र नरेश । शतसहस्र सुकोटि ऐसो बसत तत्र
 सुवेश ॥ करत जो जन दशमदिनके माहिं भोजन तात । वर्षलों
 यक करै होमहि नेमगहि अवदात ॥ अश्वमेध सहस्रको फल
 लहत तौन सुजान । है नहीं संदेह यामें भणत बिज्ञमहान ॥ लगी
 लरमोतीनकी जिहिमाहिं अति अभिराम । जरेहीरा चारु जामें
 भरे परमामाम ॥ लगे अनगिनखम्भजामें मणिनके छविमान ।
 कोकनद के वर्ण सोहै परम परमावान ॥ हंस सारस बंशजामें
 करैं नाद अनूप । पाय ऐसे व्योम यानहि बैठि तामें भूप ॥ जा-
 यकै सुरलोक माहीं रहत है बहु काल । अप्सरनके साथरमि
 कै लहतमोद विशाल ॥ वर्षलों यक ग्यारहेंदिन करतभोजन
 जौन । छोड़ि आलस नित्य होमहि करै सुनुबुधि भौन ॥ लखै
 नहिं परनारि औ बोलै न मिथ्या बैन । देय काहु जीवको कबहुं
 न भूप अचैन ॥ पिताको अरु मातको उद्धार कीबेकाज । महा-
 देव सुमहाबलको प्रीति सहित दराज ॥ करै दर्शन जायकहि-
 कै तौन जन हे तात । अश्वमेध सहस्रको फल लहत है अव-
 दात ॥ बिधाताको लहत पावन महत चारु विमान । बैठि तामें
 जात दिवको भरो मोद महान ॥ मिलतिहैं तहँ हेमवर्णा ताहि
 सुन्दरिदार । करत तिनके साथमाहीं नित्य सुमुद बिहार ॥ द-

शहजार सुकोटि औ शतकोटि दशशतवर्ष । करत है तहँ बाससो
 बुधिरास तात सहर्ष ॥ नित्य शंकर जात ताको देखिबेके काज । अं-
 गिरसमुनि कह्यो हमसों सुनहुवर नरराज ॥ करत द्वादश दिवस
 में जन जौन भोजन तात । वर्षलों यक करै होमहिनेमगहि अव-
 दात ॥ लहत सो सब यज्ञ को फल महत सुनु महिपाल । चारु
 जामें जरी मणि औ भरी मुक्तामाल ॥ हंसवरही वंशजामें करै
 शब्द सचैत । व्योमयान सुपाय ऐसो सुनहु नृप बुधि ऐन ॥
 बैठितामें भानुवारे लोकमाहीं जाय । तहां करिकै बाससो बहु
 काललों सुख पाय ॥ लहत हैं पुनि ब्रह्मलोकहि महत मोद
 निकेत । है न यामें नेक संशय कह्यो सुमुनि सचेत ॥ त्रयोदश
 दिनमाहिं भोजन करतजो यकवार । वर्षलों नित करै होमहि
 सहितनेम उदार ॥ देव मखको महत सो फल लहत है अ-
 भिराम । अग्नि कोसो तेज तनमें होतहै अति माम ॥ लगी
 मुक्तामाल औ मणिजाल तामें चारु । देवकन्या परमधन्या भ-
 रीरूप अपारु ॥ करति जामें गान ऐसो पायकै सुबिमान । बैठि
 तामें जातहै सुरलोकमाहिं सुजान ॥ शंकु एक औ पताका द्वै
 कल्पयक अरु दक्ष । कोटि औ यक पद्मवत्सर बसत सो तहँ
 दक्ष ॥ करत ताके सामुहेहैं गान नित गन्धर्व । देवकन्या देति
 ताको नित्यमोद अखर्व ॥ चतुर्दश दिनमाहिं भोजन करतजो
 यकवार । वर्षलों नित करै होमहि गहि सुनेम सुदार ॥ देव कन्या
 लसति जामें परम सुन्दरिभूप । हंस सारस जूह कूजत भरे
 मोद अनूप ॥ व्योमयान सुपाय ऐसो बैठितामें परम । देवकन्या
 के सु गृहमें जात तौन सशर्म ॥ चारुबालूकण जितेहैं सुरसरी
 के माहिं । तिते वत्सर रहतसो है देवकन्यापाहिं ॥ पक्षजवगत
 होय तबजो करै भोजन भूप । वर्षलों यक करै होमहि नितस-
 नेम अनूप ॥ राजसूय सु यज्ञको फल लहतसो अभिराम । है न
 यामें नेकु संशय सुनहु नृप बुधिधाम ॥ चारुयक स्तरुभ जामें

चारिद्वार सुदार । सप्तषण अभिराम तामें लगीं सुमणिअपार ॥
 लुरै लर मोतीनकी अतिप्रभामय नरराय । ध्वजा जामें लगीं
 सहसन जुगी छबिसों छाय ॥ प्रभाजामें दामिनीकी लसति प-
 रम अनूप । व्योमयान सुपायऐसोबैठितामेंभूप ॥ जातहै सुर-
 लोकको अवदात सो जन पर्म । सहस युगलों रहतहैतहैं मह-
 तप्रज्ञ सशर्म ॥ करत षोड़श दिवसमाहीं जौन भोजन एक ।
 वर्ष लों यक करै होमहि नित्य सहित विवेक ॥ चन्द्रकन्या के
 सुगृह में करत सोहै वास । जहांइच्छा होय सो तहँजात सहित
 हुलास ॥ प्रभावारी चारुनारी नित्यपूजत ताहि । नित्यराखत
 मुदितते बहुभावकरिकै चाहि ॥ पद्मशत औ बिधाताके वर्ष
 शतलों तत्र । बसतहै सोसुनहु भूपति है न संशय अत्र ॥ सप्त
 दश दिनमाहिं भोजन करतजो यकवार । वर्षलों नितकरै होम
 हि सहितनेम उदार ॥ बरुणके औ चन्द्रमाके लोकमाहीं तौन।
 प्राप्तकै जातहै पुनि रुद्रके बुधिभौन ॥ तिमिहिं मारुतशुक्रवा-
 रे लोकमाहींजाय । जातहै पुनि ब्रह्मलोकहिमाहिं सो नरराय ॥
 तहां भूषण सहित कन्या इन्द्रकी अभिराम । राखती हैं ताहि
 मोदित नित्यवरबुधिधाम ॥ चलतजबलों गगनमाहीं चन्द्रमा
 औ भान । रहत तबलों ब्रह्मलोकै माहिं सोमतिमान ॥ अठार-
 रहदिनमाहिं जौ जनकरत भोजन तात । वर्षलों यककरै हो-
 महि नेमगहि अवदात ॥ देवकन्याचढ़ी जापै मढ़ी सुखमापर्मा
 चलतपीछे तासु ऐसरथ अनूपसधर्म ॥ अब्द कोसो शब्द जा-
 को भूरि आनंदकार । व्याघ्र सिंह सुयुक्त ऐसो लहि विमान
 सुदार ॥ बैठितामेंलहतहै आनंदतौनअपार । देवकन्या सहित
 तिहि में बसत कल्पहजार ॥ देवता जोकरत भोजन करत
 सोई स्वक्ष । हैनहींसंदेह यामें सुनहुभूपतिदक्ष ॥ करतभोजन
 जौन जन उनईस दिनमें तात । वर्षलों यककरै होमहि नेम
 गहि अवदात ॥ लखतहै बर लोक सातहु तौनजे बुधिधाम ।

रहतितामैं अप्सराहैं लहतसो शुचिधाम ॥ करतहैं गंधर्व ताके
 सामुहे नितगान । भानुऐसो कान्तिमयसो लहतचारु विमान ॥
 राखतीहैं ताहिवर सुरनारि नित सानन्द । रहतहैं तहैं कोटि
 बत्सर सुनहु कुन्ती नन्द ॥ बीसदिनमें करत भोजन जौनजन
 यकवार । करै द्वादश मासलों नित होमसुमति अगार ॥ जात
 सो आदित्यवारे लोकको अभिराम । लहतहै बहुमोदको तहैं
 सुनहुनृप बुधिधाम ॥ अप्सरा गन्धर्वके नभयान ताकेसाथ ।
 चलत हैं नितजात जहैं तहैं सुनहु वरनरनाथ ॥ जौनजनइक-
 ईसदिनमें करत भोजन एक । करै द्वादश मासलों नित होय
 सहित विवेक ॥ शुक्रकेअरु मरुतके सोलोकमाहींजात । जात
 सो तिनअश्विनीसुत लोकमें अवदात ॥ सुखहिमें रत रहतहै
 नित दुःखहोत न पास । अमरलों नित करत क्रीडा सुनहुनृप
 बुधिरास ॥ रहतिहैं बहुनारि ताके संग सुन्दरिपर्म । नित्य मो-
 दित राखतीहैं सुनहुतातसधर्म ॥ करत भोजनजौन जन बाई-
 स दिनमेंतात । वर्षलों नित करै होमहि नेमगहि अवदात ।
 नित्यबोलैसत्यहिंसाकरै कबहूं नाहिं । करै दोषारोपकाहू केन
 गुणके माहिं ॥ प्रभामान सु भानुसों सो होतहै महिपाल ।
 बसुनकेशुभलोकमाहीं जातसमुदविशाल ॥ सुरनकीकन्यानके
 सँगरमतसोहैभूषाअमृतभोजनकरतहैनितकह्योसुमुनिअनूप ॥
 करतभोजनजौनजनत्रयविंशदिनकेमाहिं । वर्षलोंनितकरैहोमहि
 करैहिंसानाहिं ॥ मरुतकेअरुशुक्रकेशुभलोकमाहींजाय । जातहै
 पुनिरुद्रके शुभलोककोसुखपाय ॥ अप्सरावरनाचतीहैंसदासों
 हेतास । होयकै यहि भांति मोदित करतहै तहैंवास ॥ बैठिकै
 सुविमान ऊपर देवकन्या साथ । रमतहै आनंदसों सुनु धर्म-
 धर नरनाथ ॥ करतजो चौबीस दिन के माहिं भोजन एक ।
 वर्षलों नितकरै होमहि नेम गहि सविवेक ॥ जायकै आदित्यके
 सो लोकमें अभिराम । रहतहै बहु काललों मुद लहतहै अति

माम ॥ हंसयुक्त विमानऊपर बैठिकै नरनाथ । सहस कन्या
 देवतनकी रमत तिनके साथ ॥ पञ्चविंश सु दिवसमाहीं करत
 भोजन जौन । वर्षलों नितकरै होमहि नेमगहि बुधिभौन ॥
 सिंहव्याघ्र सु लगे तिनमें प्रभाके अभिराम । देवकन्या चढ़ी
 तिनपै मदी छविसों माम ॥ बने सुन्दर हेमके इहिभांतिके रथ
 तात । तासुपाछे चलतहै अति प्रभाके अवदात ॥ आपुबैठि
 विमानमें थक सहस नारिनमाह । रमतहै थक सहस कल्प सु-
 सुनहुबर नरनाह ॥ सुधाभोजन करतहै तहँ सुधाहैनहिं अत्र ।
 सुनहु वर धर्मज्ञ भूपति भणत प्रज्ञ पवित्र ॥ करत भोजन
 जौन जन षटविंश दिनमें भूप । वर्षलों नितकरै होमहि सहित
 नेम अनूप ॥ मरुतके औ वसुनके सो लोकमाहींजात । लहि
 विमानस्फटिकको अति प्रभाको अवदात ॥ बैठि तामें अप्सरा
 गन्धर्व लैकैसाथ । रमत है द्वै सहस युगलों सुनहुबर नरनाथ ॥
 सप्तविंश सु दिवसमाहीं करत भोजन जौन । वर्षलों नित करै
 होमहि नेमगहि बुधिभौन ॥ होतसो जन पूज्य है सुरलोकमा-
 हीं जाय । अमृत भोजन करत है तहँ सहित मुदसों छाया ॥
 रमतसो नारीनमें तहँ रहत कल्प हजार । बैठिचारु विमान
 ऊपर लहत मोद अपार ॥ जौन अष्टाविंश दिनमें करत भो-
 जन एक । वर्षलों नित करै होमहि नेमसह सविवेक ॥ भास्कर
 सो तेजसों सो लसतहै महिपाल । नारिसुकुमारीनमेंरमि लहत
 मोद विशाल ॥ भानुकीसी प्रभाको लहिकै विमान महान ।
 रमतहैशतसहस कल्पहि इन्द्रलोंमतिमान ॥ करतभोजन जौ-
 नजन उनतीस दिनमें भूप । वर्षलों नित करै होमहि गहि सु-
 नेम अनूप ॥ सर्व रत्नसु लगेतामें भानुसों छविमान । जटित
 मोतिन हेमको वर प्रभाको सुविमान ॥ नखत वृन्दन सहित
 राजत उदय कैसो भानु । अप्सरा गन्धर्व तिहिके माहिं करत
 सुगानु ॥ रमत तामें बैठिकै सो अमरलों महिपाल । चारु भू-

षण भूषिता बहुपाय करिकै बाल । बसुनके अरुमरुतके अरु
 रुद्रके अभिराम । दस्रके अरु बिधाताकेलोकको सुख धाम ॥
 जातहै अरु साध्यके सो लोकको मतिमान । अंगिरसमुनि
 कह्यो हमसों परम प्रज्ञावान ॥ मासजब गत होय तबजो करत
 भोजन तात । मासद्वादश करै होमहि नेमसों अवदात ॥ तेज
 सों अरु वपुषसों सोलसत बिरलों दक्ष । देखिताको होतहै
 अनिमेष सुरकेअक्ष ॥ बिधाता के लोकमें सो प्राप्त कैके परम ।
 रहतहै आनन्दमें रत नित्य भूपसधर्म ॥ आपनीही प्रभासों
 जे रहीं शोभित होय । रमत तिननारीन में नभयान लखिमु-
 खभोय ॥ नित्य कन्या देवतनकी पूजती हैंताहि । सदामोदित
 राखती हैं भावकरि बहुचाहि ॥ भानुऐसो पूर्वदिशि अरुचन्द्र
 सो पश्चात । मेघऐसो इयामउत्तर औरसो सुबिभात ॥ रक्त
 दक्षिण ओरसो अधनील ऊर्ध्व बिचित्र । व्योमयान सुलहत
 ऐसो सुनहु भूप पवित्र ॥ मेघवर्षत बूंद जेती वर्ष एकहजार ।
 रहत तेते वर्ष है बिधिलोक माहिउदार ॥ सोरठा ॥ जिहि बिधि
 जन धनहीन लहत यज्ञ को फल परम । सो बिधि सुनहु प्रवीन
 कही तुम्हें हम वरणिकै ॥ दोहा ॥ सबिधि करत उपवास ते
 उत्तम गतिको जात । छोड़ि क्रुद्धकरि शुद्धहिय धरि सुज्ञान
 अवदात ॥ कही अंगिरस सुश्रुषिकी यहविधि वर भूपाल ।
 यामें संशय है नहीं है यह सुखद विशाल ॥

इतिश्रीशान्तिपर्वणिदानधर्मेउपवासविधौअष्टनवतितमोऽध्यायः ९८ ॥

युधिष्ठिरउवाच ॥ जयकरी ॥ सब उपवासन माहीं जौन । होय
 महत फलदायक तौन ॥ कहौ मोहि उपवास सुज्ञान । धर्म
 प्रवक्ता आपु महान ॥ भीष्मउवाच ॥ दोहा ॥ अगहनकी एकादशी
 तामें व्रतकरि जौन । केशवको जे राति दिन पूजि भजत है
 तौन ॥ छूटि जातहैं पापसों होत देह अभिराम । अश्वमेधको
 फललहत सुनहु भूप बुधिधाम ॥ एकादशिका पौषकी तामें

व्रतकरि पूजि । निशिदिनकरत प्रसन्न जे नारायणको कूजि ॥
 बाजपेयके फलहि लहि ते जन मोदित होत । यामें संशय है
 नहीं सुनहु तात बुधि पोत ॥ एकादशमें माघकी करि जे जन
 उपवास ॥ पूजिमाधवहि दिवस निशि कूजतवरबुधिरास ॥ राज-
 सूयको लहतफल कुलको तारतसर्व । यामें संशय है नहीं मति-
 वर कहत अखर्व ॥ फाल्गुणकी एकादशी व्रतकरिकै मतिमान ।
 पूजिजौन गोविंदको निशिदिन करत सुध्यान ॥ तौन यज्ञ अति-
 रात्रको लहिकै फल अवदात । सोमलोक को जातहैं है नहिं
 संशय तात ॥ एकादशिका चैत्रकी तामें व्रतकरि जौन । सह
 विधि पूजत विष्णुको नेम सहित बुधिभौन ॥ पौंडरीक मख
 को सुफल तौन लहत अभिराम । देव लोक को जातहै सुनहु
 तात बुधि धाम ॥ जौन मास बैशाखकी एकादशी अनूप । व्रत
 करि तामें नेमसह निशिबासर सुनुभूप ॥ पूजतजे मधुसूदनै
 भरे प्रेमसों भूरि । लहि फल अग्निष्टोमको रहत मोदसों पूरि ॥
 सोम लोक को जातहै प्रभापाय अवदात । यामें संशय है नहीं
 निश्चय जानहु तात ॥ एकादशिका ज्येष्ठ की तामें व्रत करि
 जौन । पूजतसविधि त्रिविक्रमहि शुद्ध होय बुधिभौन ॥ पावत
 सो गोमेधको फल सुखदायक भूरि । संगमाहिं अप्सरनके र-
 हत मोदसों पूरि ॥ एकादशि आषाढ़की व्रतकरि ताके माहिं ।
 पूजतबामनको सुजे बोलिसु बुधजन पाहिं ॥ तौन लहतनरमेध
 को फल उत्तम है तात । रमत संग अप्सरनके लहि भाचारु
 विभात ॥ श्रावणकी एकादशी तामें तिमिहीं भूप । कूजत जे
 जन श्रीधरहि निशिदिन सब्रत अनूप ॥ पञ्च यज्ञको लहतफल
 तौन प्रज्ञ हेतात । पावतमोद महान है लहि बिमान अवदात ॥
 तिमिहिं भाद्रपद मासकी एकादशी अनूप । तामें व्रतकरि नि-
 शिदिवस शुद्ध होयकै भूप ॥ हषीकेशको जौन जन पूजत हैम-
 हिपाल । ते जन मख अति रात्रके फलको लहत विशाल ॥

चरणादोहा ॥ एकादशी कारकी माहीं बूतकरि कै जनजौन । पद्म-
नाभको पूजतनिशिदिन शान्ति गहे बुधिभौन ॥ गोसहस्रके
दान को पावत हैं फल परम । यामें संशय है नहीं भूपति सुनहु
सधर्म ॥ तिमिहीं कार्तिक मासकी एकादशिका माहिं । सादर
मति बर जननको जो बुलायकै पाहिं ॥ पूजत दामोदरहि थिर
करि मन निशि दिन तात । गोमखको फल लहतहैं महत तौन
अवदात ॥ पूजत जो जन बिष्णुको एक वर्षलौं भूप । पूर्वजन्म
को होतहै सुमिरण ताहि अनूप ॥ सुवर्ण प्राप्त होतहै वर्ण
होत अभिराम । यामें संशय है नहीं सुनहु तात बुधि धाम ॥
यहबूत पूरण होय तब सादर बिप्रबुलाय । भोजन दीजेकैसुबूत
दीजे मुदसों दाय ॥ और नहीं उपवास है याके सम सुनुभूप ।
आपु बिष्णु यह है कह्यो आनंद रूप अनूप ॥ जयकरी ॥ होय
द्वादशी युक्ता जौन । एकादशी कहत बुधिभौन ॥ तामाहींकीजै
उपवास । सुनहु युधिष्ठिर बर बुधिरास ॥

इतिशान्तिपर्वणिदानधर्मेएकादशीप्रशंसावर्णनोनामनवनवतितमोऽध्यायः

युधिष्ठिरउवाच ॥ मल्लिका ॥ ज्ञानवान नाहिं जौन । रूप औ बिभूति
तौन ॥ कौनभांति पाय भूप । मोदको लहैं अनूप ॥ भीष्मउवाच ॥
चंचला ॥ जौन हेतुते अप्रज्ञ रूप औ बिभूति पाय । मोदकोलहैं
महान तौन हेतु मोददाय ॥ कानदै सुनो महीप मैं तुम्हें कहौं
बखानि । कौन लेतहै अशेष मोदको सुताहिजानि ॥ चरणादोहा ॥
मार्ग शीर्ष की परिवा में जब परै सुमूल नक्षत्र । तब कीजै बर
चान्द्रबूतको नृप आरम्भपवित्र ॥ चित्त शुद्ध करि ध्यानमेंदेखि
चन्द्रमा पाहिं । धरैनखतमूलादिसब ताके अङ्गनमाहिं ॥ जयकरी ॥
मूलनखत चरणन के माहिं । धरैरोहिणी जंघापाहिं ॥ धरैनित-
म्बनमाहीं भूप । नखत अश्विनी कोसुअनूप ॥ दोऊ नखतअ-
षाढ़ सुजान । धरैउरनके माहिं सुठान ॥ फाल्गुनीताराकोपरम ॥
धरै गुदा के माहिं सधर्म ॥ धरै सुकृतिका कटिके माहिं । तिमिहि

भाद्रपद नाभी पाहिं ॥ अनुराधार धनिष्ठा द्वोय । धरै पीठि में
सुखसों भोय ॥ धरै रेवतीको महिपाल । अक्षण माहिंपरमख-
बिजाल ॥ बाहुन माहिं विशाखा भूप । धरैहस्तमें हस्तअनूप ॥
पुनर्वसुअंगुलिन में स्वक्ष । अश्लेषाहि नखनमें दक्ष ॥ ज्येष्ठा
धरै ग्रीवके माहिं । धरै श्रवण काननके पाहिं ॥ धरै पुष्यमुख
माहिं सधर्म । स्वाती दन्त ओष्ठमें परम ॥ मघा शतभिषाको
महिपाल । धरै नासिकामें खबिजाल ॥ लोचन माहिं मृगशिरा
तात । मित्र ललाट माहिं अवदात ॥ शिरमें भरणीधरैनक्षत्र ।
आर्द्रा केशनमाहिं पवित्र ॥ कैके शुद्ध ध्यानकेमाहिं । देखिच-
न्द्रमा अपने पाहिं ॥ इहि विधि ताकेमाहिं नक्षत्र । धरै पक्षलौं
भूप पवित्र ॥ होयपूर्ण जब यहव्रत तात । देय द्विजनको घृत
अवदात ॥ भारवा ॥ कीन्हें यहव्रत भूप अज्ञहोत है प्रज्ञवर ।
पावतरूप अनूप लहि बिभूति बहुमुद लहत ॥ दोहा ॥ सुन्यो
चान्द्रव्रतकोसुफल तुमसों हम हे तात । सुन्यो चहत वृत्तान्त
अब मनुजन को अवदात ॥ तोमर ॥ महिमाहिं हैं जनजौन ।
किहि कर्मसों नृप तौन ॥ सुरलोकमाहीं जाय । मुद लेतहैं नर-
राय ॥ किहि कर्मसों अरुतात । जन नरकको हैं जात ॥ अरु
जातजे परलोक । तजिदेहको बुधिओक ॥ कहु जातको तिन
साथ । बरप्रज्ञ हे नरनाथ ॥ भीष्मउवाच ॥ अरिल ॥ देखहु भूपवृह-
स्पति आवत । भानु समान तेजसों भावत ॥ पूछो इन्हें प्रश्न
तुम यहवर । और न इनसों बह्माबुधिधर ॥ वैशम्पायनउवाच ॥ से-
~~खा~~ ॥ आये इतनेहिं माहिं बर भगवान वृहस्पती । लखिआगे
चलिपाहिं जातभये धृतराष्ट्रसह ॥ सादर तिनको ल्याय अनु-
पम पूजा करतभो । तदनन्तर मुदछाय सभासदन पूजाकरी ॥
तदनन्तर महिपाल धर्मनन्दवर धर्मधर । करिकै विनय वि-
शालसुरगुरु सों पूछतभयो ॥ युधिष्ठिरउवाच ॥ जयकरी ॥ सुनहुवृह-
स्पति बरधर्मज्ञ । सर्वशास्त्र विद मोददप्रज्ञ ॥ जनको कहहु

सहायक कौन । पूछतहों तुमसों बुधिभौन ॥ जबजन मृत्युहि
 प्रापत होत । तबसुत आता अरुसब गोत ॥ पित औ मात
 मित्रके जूह । सम्बन्धी औ जाति समूह ॥ तासु शरीरकाष्ठलों
 क्षिप्र । छोड़िजात सब घरको विप्र ॥ जीवसाथ परलोकैमाहिं ।
 कौनजात है कहुममपाहिं ॥ बृहस्पतिरुवाच ॥ एकहि जन्म लेत
 बुधिराश । तिमिहिं एकको होत बिनाश ॥ एकहि जातनरकके
 माहिं । भूपति यामें संशयनाहिं ॥ कोऊनहिंकरि सकतसहाय ।
 पिता आदि निजजानो राय ॥ अरु इनमें कोऊ नहिं जात ।
 साथ जीवके हे नरनाथ ॥ साथजात है धर्म सुजान । करतस-
 हाय अवश्यमहान ॥ ताते कीजै धर्म अनूप । धर्महि मुद-
 दायक है भूप ॥ धर्मयुक्त प्राणी हैं जौन । दिवको गमन करत
 हैं तौन ॥ अधरमरत जनजे महिपाल । परें नरकके माहिं बि-
 शाल ॥ याते कीजै धर्म अनूप । तजिप्रमादताको हे भूप ॥
 युधिष्ठिरउवाच ॥ सोरठा ॥ युक्तधर्मसों बैन कहे तुम्हारे हम सुने । पै
 यक मोहिय ऐन संशयभो सो हरहुतुम ॥ दोहा ॥ जीव तजत
 है देह तब परत नहीं है देखि । धर्मजात किमिसंग है ताकोक-
 हिये लेखि ॥ बृहस्पतिरुवाच ॥ काव्य ॥ भू अपतेज अकाश वायुअरु
 अन्तक मनमति । जीवनके ये देखतहैं महिपाल धर्म निति ॥
 सब भूतनके साक्षि भूत येहैं नृप बुधिधर । इन सर्वनसह धर्म
 जात है जीव संगबर ॥ आभीर ॥ हमको पूछो जौन । कह्यो तुम्हें
 हमतौन ॥ अब जो पूछहु हेत । सो हमकहैं सचेत ॥ युधिष्ठिरउ-
 वाच ॥ सोरठा ॥ जात जीव सँग धर्म जैसे हम तैसे सुन्यो । अब
 तुम कहहु सशर्म रेत होत किहिभांति है ॥ बृहस्पतिरुवाच ॥ दोहा ॥
 शरीरस्थ जे पंच हैं भूतमहीप सचेत । ग्रहणकरै जो अन्न है
 सोइ होत है रेत ॥ नरनारी संयोगते होत गर्भहै तौन । जन्म
 पायकै कर्मबश भूमेंकरत सुगौन ॥ दोहा ॥ जन्म प्रभृति जेकरत
 हैं यथाशक्तिजनधर्म । मनुजहोय पुनिरहतहैं भूमेंनित्यसशर्म ॥

धर्म बीचजे करतजन अधरमको महिपाल । सुखके पाछे
लहत हैं ते जन दुःख विशाल ॥ अधरममें जे युक्त हैं ते जन
यमपै जाय । महतदुःखको लहत हैं जानहु निजु नरराय ॥ पुनि
भूमें सो आयकै तिर्यग्योनी माहिं । जन्मलेत हैं भूपसुनु यामें
संशयनाहिं ॥ पुरुष सुजिहि जिहि कर्मसों दुखदागतिको जा-
त । तेते अब हम कहत हैं कर्मभूपअवदात ॥ पञ्चभूली ॥ पढ़िकै
सुवेद चारों सुजौन । द्विजलेय पतितसों दानतौन ॥ खरहोय
वर्ष दशलों महान । दुख सहतपरम सुनु नृपसुजान ॥ खरयो-
निछोड़िकैसुनुनरेश । पुनिवृषभहोत बलको सुशेश ॥ रहिवृषभ
योनि में सप्तवर्ष । सुनु धर्मवान भूमिप सहर्ष ॥ पुनिहोय ब्रह्म
राक्षस विशाल । त्रयमास रहत बनमें नृपाल ॥ दोहा ॥ तदन-
न्तर सो होतहै ब्राह्मण सुनुवरभूप । यामेंसंशय है नहीं निजुकै
कहत अनूप ॥ जौन करावतविप्र है जन पतितनसों यज्ञ । ते
ऐसीगति लहत हैं सुनहुभूप धर्मज्ञ ॥ तामर ॥ कृमि होयकैबुधि
भौन । दशवर्ष जीवततौन ॥ खरयोनिको पुनिपाय । रहि वर्ष
पंच अचाय ॥ दोहा ॥ पुनि सो शूकरहोत है पंच वर्षलों भूप ।
शूकर योनिहिं छोड़ि पुनि कुकुटहोतअनूप ॥ पंचवर्षलों रहतहै
कुकुटयोनीमाहिं । पुनि सो जम्बुक होतहै यामें संशय नाहिं ॥
पंचवर्ष जम्बुक योनिहुंमें रहिकै सो बुधिपोत । इवानयोनिमेंएक
वर्षलों रहिपुनि मानवहोत ॥ विनकारणही शिष्यको मारतहै
गुरुजौन । जन्महंसकी योनिमें तासोपावततौन ॥ अरिल ॥ पितुको
अरु माताको जोजन । करत अनादर सुनु नृपसोजन ॥ गर्दभ
ताको प्रापत कैकरि । जीवतदशवत्सर दुखग्वैकरि ॥ पुनि
कुम्भीर होत यकवत्सर । होत मनुजसोहै तदनन्तर ॥ अरुजा-
के माता पित रूपत । नित्य कुचाल देखिकै दूषत ॥ दोहा ॥
तौनहु गर्दभ योनिमें प्राप्तहोय भूपाल । जीवत चौदह मासलों
सहिकै दुःखविशाल ॥ जयकरी ॥ पुनि मार्जार योनिमें होय ।

जीवत सप्तवर्ष दुखभोय ॥ तदनन्तरसो मानवहोत । सुनहु यु-
धिष्ठिर प्रज्ञापोत ॥ माताकी औ पितकी जौन । निन्दाकरै
कुमति को भौन ॥ तौनहोत सारिकहैभूप । निजुकै प्रज्ञसु भण-
तअनूप ॥ अरु जो ताड़तहोयसक्रुद्ध । तौनहोत कच्छपहैउद्ध ॥
कच्छपकै जीवत दशवर्ष । सुनहु युधिष्ठिरभूप सहर्ष ॥ शल्यक
योनिमाहिं पुनिहोय । तीनवर्ष जीवत दुखभोय ॥ पुनिबिकराल
होतहै व्याल । जीवत षटमहिना भूपाल ॥ तदनन्तर नरयोनी
माहिं । होतनेक संशयहै नाहिं ॥ दोहा ॥ धरी धरोहरि अन्यकी
मनुजअपावत जौन । जन्मलहत कृमियोनिमें सुनहु बारशत
तौन ॥ रहत एकयक जन्ममें चौदह चौदह वर्ष । तदनन्तर
सोहोतहै नर नृपसुनहुसहर्ष ॥ गुणमें दूषणदेय जो काहूके जन
जौन । निश्चयसो पशुहोतहै सुनहुभूपबुधिभौन ॥ विश्वासीकै
घातजो करै होयसोमीन । जीवत बत्सर आठलौंभूपति सुनहु
प्रवीन ॥ मीनयोनिते छूटि पुनि चारिमासमृगहोत । मृगयोनि-
हुसे छूटि पुनि आगहोतबुधिपोत ॥ आगहोयजीवतरहै एकवर्ष
भूपाल । कीटहोयकै लहत पुनिदुखसों अतिहिबिशाल ॥ तद-
नन्तरसो लहतहै मनुजयोनि सुनुभूप । यामें संशयहै नहीं नि-
श्चयजानु अनूप ॥ रामगीती ॥ उरद औ गोधूम यव तिल मूंग
तण्डुलपर्म । चना अरसी तिमिहिं सरसों सुनहुतात सधर्म ॥
तिन्हें चोरत जौनमूखक होतहै निरलाज । छोड़ि मूषक योनि
शूकरहोत तौन दराज ॥ रोगसोंहवै युक्त शूकर योनिकोसो
त्यागि । पञ्च बत्सररहै जीवत श्वानकै दुखपागि ॥ ततअ-
नन्तरहोत मानव सुनहुबर महिपाल । कहतहों मैं तुम्हें निजुकै
हियेमाहिंबिशाल ॥ रमत जो परनारिमें सोहोत वृकबलवान ।
छोड़िकैवृकयोनिकोसो श्वानहोतमहान ॥ श्वानयोनिहिंछोड़िकै
पुनि कृशित होकैशृगाल । ततअनन्तर गृध्रहवै कै होतहैसो
व्याल ॥ व्याल योनिहिं छोड़ितेपुनिहोतहै बककाक । हैनहीं

संदेह यामें सत्यहै मम वाक ॥ नारिमाहीं बन्धुकी जो रमत दु-
र्मतिभौन । रहै कोकिल योनिमाहीं एकवत्सर तौन ॥ सखाकी
अरु भूपकी अरु गुरुकी तियमाहिं । रमत जो है तासुसम नृप
और पापीनाहिं ॥ पञ्च वत्सर तौन जीवे ग्राम शूकरहोय ।
छोड़ि शूकर योनिकोसो खानहवै दुखमोय ॥ रहै जीवतवर्षद-
शलौं सुनहुबुद्धि अगार । ततअनन्तर पञ्चवत्सर होतहै मा-
जार् ॥ छोड़िकै मार्जार योनिहि होयकुक्कुटतौन । रहै जीवत
वर्षदशलौं परम दुर्मतिभौन ॥ ततअनन्तर हवैपिपीलक जिय-
तहै त्रयमास । कीटहवै एकमासजीवै सुनहु नृपबुधिरास ॥
जन्मयेती योनिमें लहि फेरिसो महिपाल । जन्मलहि कृमियोनि
माहीं लहत दुःखविशाल ॥ मासचौदह वासकरि कृमि योनि
माहीं तौन । फिरत विष्टा मूत्रमाहीं सुनहु नृपबुधिभौन ॥ तत
अनन्तर भये अबको नाश हेबुधिरास । करतमानव योनिमाहीं
फेरिसोहै बास ॥ व्याहमें अरु यज्ञमें अरुदानमें जनजौन ।
करतबाधा लहतहै कृमियोनिको जनतौन ॥ वर्षदश औ पञ्च
सो कृमियोनिमें करिबास । ततअनन्तरहोत मानव सुनहु नृप
बुधिरास ॥ प्रथम कन्यादर्द जो सो औरको जेदेत । तौनहू कृ-
मियोनिको लहि महत दुखकोलेत ॥ रहत कृमिकी योनिमाहीं
वर्ष तेरह दक्ष । नशे अधरम सर्वसोपुनि मनुजहोत प्रतक्ष ॥
देवकारय पितरकारय किये बिनजन जौन । करतभोजन काक
सो जनहोत सुनु बुधिभौन ॥ काकहवैशतवर्ष जीवतफेरि कुक्कु-
टहोत । छोड़ि कुक्कुटयोनि को पुनि तौनसुनु बुधिपोत ॥ ब्याल
योनिहिं प्राप्तहवै एकमास रहि तेहिमाह । ततअनन्तरहोतमा-
नव तौनहे नरनाह ॥ जीविका जोदेतताकी करतनिंदाजौन ।
रहतबानर योनिमें दशवर्षलौंहै तौन ॥ छोड़ि बानरयोनि मूषक
योनिमें पुनिहोय । पञ्चवत्सर रहत जीवत महत दुखसोभोय ॥
छोड़ि मूषक योनिहूको होतहैपुनिखान । खानहवै षटमासजी-

वत पायदुःखमहान ॥ करतहै जनजौन जेठे बन्धुको अपमाना
 क्रौञ्चपक्षी होतसोहै सुनहु नृपमतिमान ॥ क्रौञ्चयोनिहिछो-
 डिकै चक्रवर्षमाहींतौन । होतचीरक बिहँगहैसुनुभूपप्रज्ञाभौन॥
 छोड़िचीरकयोनिकोतिहिकेअनन्तरभूप।लहतमानवयोनिकोहै
 भनतविज्ञअनूप ॥ब्राह्मणीमेंरमतजोहैशूद्रदुर्मतिमान । कीजिये
 कबहुंनताकोदरशपरशसुजान ॥ प्राप्तकै कृमियोनिमेंसोशूद्रबहु
 दुखपाय । ग्रामशूकरहोयकैपुनिरहतरुजसोंछाय ॥ छोड़िशूकर
 योनिको पुनि इवानयोनी माहिं । महादुखको लहतहै यहिमा-
 हिं संशयनाहिं ॥ तिहि अनन्तर पापकर्मा होत मानवनीच ।
 पापही को करत सो पुनि सर्व वयके बीच ॥ एकसंतति होय
 जब तव मृत्युलहिकै तौन । होयमूषक योनिमें है प्राप्त दुर्मति
 भौन ॥ कियो काहूको न मानै जौनजन उपकार । सहतहैयम-
 दूतकी सो दण्डकी बहुमार ॥ दूतकी यमराजके सो मारलहि
 कै भूरि । प्राप्त कै कृमियोनि में पुनि रहतदुखसों पूरि ॥ वर्ष
 पन्द्रहवासकरि कृमि योनिमाहीं तौन । गर्भको पुनि होयप्रा-
 पत परम दुर्मति भौन ॥ गर्भहीमेंमृत्युको सोपाय सुनुभूपाल ।
 गर्भ को पुनि होय प्रापत लहत दुःख विशाल ॥ इमिहि पुनि
 पुनि गर्भशतमें वासकरिदुख पाय । होय तिर्यग योनिमें पुनि
 प्राप्त हे नरराय ॥ तौन तिर्यग्योनिमाहीं महादुखकोपाय ।
 कूर्मकैरहत है बहुकाल हे नरराय ॥ घोरठा ॥ दधिकोचोरत
 जौन बगुला सोजन होतहै । सुनहु भूप बुधिभौन यामें संशय
 है नहीं ॥ जौन फूलफल पूष चोरत है दुर्मति सदन । सुनिये
 भूप अनूपसो पिपीलिका होतहै ॥ जयकरी ॥ पायसकीचोरीजन
 जौन । करत होत तीतिरि हैतौन ॥ अरुचोरै जन जौनपिसा-
 न । होत उलूक तौन अज्ञान ॥ अरु जो चोरतहै कीलाल ।
 सो पपिहा है होत नृपाल ॥ कांस्यपात्रजो लेत चुराय । हरि-
 यलपक्षी सो नरराय ॥ रजतपात्रको चोरतजौन । होतकपोत

योनिमें तौन ॥ अरु जो काञ्चनपात्र चुराय । सो कृमि योनि
 पायदुखछाय ॥ पीताम्बर जो चोरतपर्म । लहत भृत्य कै तौन
 सशर्म ॥ जामें लगै मोल बहुतौन । बसनचुरावत दुर्मतिभौन ॥
 हंसयोनिमें जन्महिपाय । रहतकालबहु है नरराय ॥ अरुचोरै
 जनजौन कपास । कौंच योनिमें पावैवास ॥ ऊर्णबस्त्र जो लेत
 चुराय । तौनहु कौंचहोय दुखपाय ॥ बस्त्रस्थूल चुरावतजौन ।
 सुनु नृपशशा होतहै तौन ॥ रंगचुरावतजो जनभूप । मोरहोत
 है तौन अनूप ॥ रक्त पीतचन्दन अरुइवेत । चोरी करिइनको
 जो लेत ॥ तौन छछुन्दरियोनिहि पाय । पन्द्रहवर्ष रहतदुख
 छाय ॥ तदनन्तर सो मानवहोत । सुनहु युधिष्ठिर प्रज्ञापोत ॥
 जौन चुरावत पयजो होय । बगुलारहत दुःखसों भोय ॥ लो-
 भी तैल चुरावत जौन । तैलपजीव होत है तौन ॥ धनअर्थी
 वा शत्रुविशाल । शस्त्र सहित कै सुन भूपाल ॥ शस्त्र रहितको
 मारत जौन । गर्दभ होत मृत्यु लाहितौन ॥ जीवत वर्ष दोय
 विख्यात । फेरिशस्त्रसों मारोजात ॥ मरिकैसो पुनि होतकुरंग ।
 रहै नित्यभय भरो उत्तंग ॥ एक वर्ष जब पूरणहोय । जातश-
 स्त्रसों मारोसोय ॥ छोंडि कुरंग योनि पुनि मीन । होततौनसुनु
 भूपप्रवीन ॥ जालमाहिं फँसि बहुदुखपाय । कछूदिनन मेंमारो
 जाय ॥ श्वापदकै पुनिसो दशवर्ष । जीवतभूपति सुनहुसहर्ष ॥
 व्याघ्र होयकै बनमें गौन । बत्सरपंच करतहैतौन ॥ तदनन्त-
 रसो सुनुभूपाल । पापनशे ते परम विशाल ॥ मनुज योनि में
 प्रापत होत । पै न लहत बहुमोद उदोत ॥ जौनहरै काहूकी
 दार । ताहि देत यमकेश अपार ॥ शीघ्र शीघ्र सो मरि दुख
 छाय । बीसजन्म पावतनरराय ॥ तदनन्तर कृमियोनिहिपाय ।
 बीसवर्ष लौं रहतअचाय ॥ कृमि योनिहि तजिकै पुनि तौन ।
 होत मनुज है सुनु बुधिभौन ॥ दोहा ॥ भोजनचोरत जौनजन
 तौन मक्षिका होय । बहुतभासलौरहतहै महत दुःखसोंभोय ॥

चोखा ॥ सर्वपापको नाश भये सुउज्ज्वलहोतजब । सुनहुनृपति
 बुधिराश पावत मानव योनितब ॥ अरिल ॥ सुनुनृप खरी चुरा-
 वत जोजन । निश्चय कैकरि मूषक सोजन ॥ नित्य दौरिमनु-
 जनको काटत । केहु न मानत बहुजन डाटत ॥ मीनमांस को
 जौन चुरावत । काकहोय सो दुखसों छावत ॥ अरु जो जन
 चोरतहै नोनहिं । चीरीकाक होतहै भौनहिं ॥ घृतहि चुरावत
 जौन सचावन । काकमद्गुलो होतभयावन ॥ धरी धरोहरि
 जौन छपावत । मीनयोनि लहि सो दुखपावत ॥ मीनयोनिको
 तजिकै सो पुनि । मानवहोत कहत तुमको गुनि ॥ मनुजयोनि
 में प्रापत कैकरि । शीघ्रहि मृत्यु लहतदुखज्वैकरि ॥ प्रथमपाप
 के पुंज प्रकाशत । समुझि तिनहैं ब्रूतकरि जे नाशत ॥ फेरि
 करत अघ तजिकै ज्ञानहि । व्याधिवान ते होत महानहि ॥
 अरु नितपाप करतहैं जे जनानिश्चय म्लेच्छहोतहैं तेजन ॥
 दोहा ॥ करत जौनजन पापहैं पूरबकथित अपार । तिनको जो
 नारिहुकरै भूपति सुनहु सुदार ॥ तिनहींकी तौ नारि हवै पाव-
 ति दुःख अपार । यामें संशय है नहीं भणत सुबुद्धि अगार ॥
 इन पापनको फल कह्यो तुमको किञ्चित भूप । और कथाके
 योगमें सुनिहौ सर्व अनूप ॥ जन्म प्रभृति जे करतनहिं कौ-
 नहु पापसुजान । होत अरोगी तौनअरु रूपवान धनवान ॥
 सुनिकै मेरे बचन ये करोनित्य तुम धर्म । धर्म किये भूपाल
 तुम रहिहौ नित्य सशर्म ॥

इतिभाषायांमहाभारतदर्पणेशान्तिपर्वणिदानधर्मेशततमोऽध्यायः १०० ॥

दोहा ॥ हमको कही बखानि तुम अधरमकी गतिसर्व । धर्म
 गतिहि अब सुननकी इच्छा भई अखर्व ॥ तोमर ॥ सुनुबृहस्पति
 मति मान । करि पाप कर्म महान ॥ जन लहतशुभगति परम ।
 किहि भांति कहहु सधर्म ॥ अरु कर्म कीन्हें कौन । सुनुपरमप्र-
 ज्ञाभौन ॥ जनलेत शुभगति स्वक्ष । कहु मोहिं आपु प्रतक्ष ॥

वृहस्पतिरुवाच ॥ देहा ॥ प्रथम जौन अज्ञान ते करिकै पाप महान ।
 प्राप्त होय सन्तापको द्वैकै तौन सुजान ॥ गहि सुधीरताचित्त
 को करिकै थिर भूपाल । फेरि नहीं अध करत ते शुभगतिलहत
 विशाल ॥ गेला ॥ मानवको मन निन्दा अधकी करत सु जिमि
 जिमि । उज्ज्वल होत शरीर पापते छूटत तिमितिमि ॥ जिमि
 जिमि मनुज सुजान करत है बात धर्मकी । तिमि तिमि छूटत
 पाप होतिहै प्रवृत्तिधर्मकी ॥ अरु जे बिप्र सुजान वेदविद धर्म-
 वान बर । तिनसों किये सनेह पाप छूटतहै दुखकर ॥ विधिवत
 दीन्हें दान बोलिसादरवर बिप्रहि । शुभगति प्रापत होति पाप
 छूटत है क्षिप्रहि ॥ शुभगति मानव लहत पाप करि जौन हेतु
 सों । तुमको कह्यो बखानि तौन हम सर्व चेतसों ॥ देहा ॥ अध-
 कारी जिहिदान सो होत धर्म युत परम । तौनदान में कहत हों
 तुमसों भूप सधर्म ॥ सबदाननमें श्रेष्ठहै अन्नदान अभिराम ।
 ताते प्रथमहिं दीजिये अन्नदान बुधि धाम ॥ करत प्रशंसा अ-
 न्नकी सुर ऋषि मानव सर्व । रन्तिदेव भूपाल यह करिकै दान
 अखर्व ॥ प्राप्त भये सुरलोक को महत पाय आनन्द । दुहुंलो-
 क में लसति है ताकी कीर्ति अमन्द ॥ लब्धअन्न जो धर्म सों
 तौन अन्न महिपाल । वेदवान बर द्विजनको दीजै समुद विशा-
 ल ॥ जाके अन्नहिखात हैं द्विजवर एकहजार । नहिं सो तिर्यग
 योनि में परत सुबुद्धि अगार ॥ दशहजार बरद्विजनको जो जन
 भोजन देय । अधरम ते सो छूटिकै महत मोदको लेय ॥ जो
 द्विज भिक्षामांगिकै अन्नल्याय अभिराम । वेदवानवर द्विजन
 को देत मोदसों माम ॥ लहततौन आनन्द को महत सुनहु म-
 हिपाल । चहतताहि सब भूमि में कहत सुबुद्धि विशाल ॥ पालि
 प्रजाको नीति सों लेय अन्न अवदात । जो क्षत्रिन बरद्विजन
 को मुदसों देत विभात ॥ छूटि तौन सबपापसों महत धर्म को
 पाय । रहत नित्य आनन्द सों सुनु सधर्म नरराय ॥ जौनबिप्र

नित रहत हैं वेदहिमें रत भूप । अन्न दिये तिनको महत होत
 सु पुण्य अनूप ॥ करि सुकृषी उतपन्न करि अन्न वैश्य जो प्र-
 ज्ञ । शुद्ध चित्तों द्विजनको देत सुनो धर्मज्ञ ॥ छूटि जात सो
 पाप साँ आनंद पायविभात । अधरम दरवर धर्मकर सुनहु भूप
 अवदात ॥ शूद्र अन्न उत्पन्न करि करिकै क्लेशहि भूरि । वेदवान
 बर द्विजनको देत मोद सों पूरि ॥ छूटि जात सो पापते परमा
 पायविभात । यामें संशय है नहीं भणत सुबुध अवदात ॥ जौन
 अन्न उत्पन्न करि अपने बलसों परम । देत द्विजनको तौन नहिं
 दुखको लहत सधर्म ॥ अन्न दानको फल कह्यो तुम्हें सर्व हम
 भूप । सब धर्मनको मूल है यह शुचिदान अनूप ॥ अन्न दान
 कीन्हें लहत जनशुभ गतिको परम । यामें संशय है नहीं भूपति
 सुनहु सधर्म ॥

इति शान्तिपर्वणि दानधर्मे गुरुयुधिष्ठिरसम्वादे एकाधिकशततमोऽध्यायः ॥

युधिष्ठिर उवाच ॥ दोहा ॥ ध्यान अहिंसायज्ञ अरु इन्द्रिय निग्रह

जौन । गुरुशुश्रूषा औ सुतप इनमें श्रेयस कौन ॥ बृहस्पति उवाच ॥
 ये सबही हैं सुखद पै इनमाहीं भूपाल । नित्य अहिंसाधर्म सो है
 अति सुखद विशाल ॥ वैशम्पायन उवाच ॥ ऐसे कहिकै बृहस्पति
 धर्मनंद सों बैन । जात भये सुरलोकको बर आनंद के ऐन ॥ तद-
 नन्तर भूपाल मणि पण्डुनन्द बुधिगेह । पूछत भे गांगेयको
 करिकै यह सन्देह ॥ युधिष्ठिर उवाच ॥ हिंसा मन बच कर्मसों करत
 जौन जनतात । ते छूटत किमि दुःखसों कहौ मोहिं बिरूयात ॥
 भीष्म उवाच ॥ आभीर ॥ तजिकै हिंसा जौन । दयाधरत है तौन ॥ छूटि
 दुःखसों भूरि । रहत मोदसों पूरि ॥ कुंजर पदमें तात । सब के
 पाय समात ॥ तिमिहिं अहिंसा माह । और धर्म नरनाह ॥ नि-
 श्चय जात समाय । संशय नहिं नरराय ॥ दोहा ॥ मनसा बाचा
 कर्मसों हिंसा होत नृपाल । बुधजन सों मैं पूछिकै निश्चय कि-
 यो विशाल ॥ ताते प्रथमहिं छोड़िये मनसों हिंसा परम । फेरि

वाक अरु कर्मसों तजिये तात सधर्म ॥ इहि विधि हिंसा छो-
 डिकै भक्षत मांसन जौन । छूटत तेहें दुःखसों सुनहुतात बुधि
 भौन ॥ करत प्रशंसा मांसकी जोजन हे महिपाल । तिन्हैंहोत
 है दोष अति कहत सुबुद्धि विशाल ॥ युधिष्ठिरउवाच ॥ परमअहिं-
 सा धर्म है कह्यो आपु बहुवार । यामें संशय होत है सुनहु
 सुबुद्धिअगार ॥ कही सुबहुविधि मांससों आपु श्राद्ध विधिप-
 र्म । मांस प्राप्तनहिं होत है हिंसा विना सधर्म ॥ याते मांस
 निषेधमें संशयभयो महान । करहुपितामह दूरिसो बक्ताआप
 सुजान ॥ जोजन भक्षत मांसको ताहि दोषहै कौन । जोभक्षत
 नहिं ताहिगुण होत कौन बुधिभौन ॥ मृगादिकनको बधकरैं जो
 जन आमिष खाय । वाकाहूजन औरसोंतिनको बधकरवाय ॥
 अन्यारथजे हनतअरु मोल लेतहैंजौन । तिनकोप्राप्तहोतहै
 कौनदोष बुधिभौन ॥ यहसुनिबेकी ममहिये इच्छाभईमहान ।
 कहहुपितामह मोहिं तुम करिकैकृपासुजान ॥ भीष्मउवाच ॥ किये
 अभक्षणमांसको होतधर्महैजौन । तौनतुम्हें मैं कहतहों सुनहु
 तातबुधिभौन ॥ रूपबुद्धिवल आयुअरु धीर्यअंग सबशुद्ध ।
 कियेअहिंसामिलत हैं सबये सुनुनृपबुद्ध ॥ ऋषिगणकेसंवाद
 में भयो जौन सिद्धांत । सो मैं तुमसों कहत हों सुनियेवर क्षिति
 कांत ॥ मास मासमें करतहैं अश्वमेध को जौन । औमदमांस
 हि तजतजो समदोऊ बुधिभौन ॥ हरिगीती ॥ सप्तऋषि औ बा-
 लखिल्याऔ मरीचय जौन हैं । करत आमिषअभक्षणकी प्रशं-
 साको तौनहैं ॥ जेनभक्षत मांसको अरुहनतजे कबहूँनहैं । मित्र-
 ता प्राणीनकीते लहत दिनदिन दूनहैं ॥ जे न भक्षत मांसताको
 करत जीव बिश्वासहैं । करत सो ताकीप्रशंसा साधुवर बुधिरा-
 स हैं ॥ जो बढावत मांसअपनो मांसपरको खायकै । कह्योना-
 रद नियत सो जनरहत दुखसोंछायकै ॥ सदा कीन्हें यज्ञवरऔ
 सदाकीन्हें दानहैं । सदाकीन्हें तपस्या फल होत जौनमहानहैं ॥

होत जो फल त्याग मदि रा मांस को कीन्हें सुनो । कहत निश्चय तुम्हें
 यामें भूपमति संशय गुनो ॥ प्रथम आमिष खाय करिकै तजत फेरहु
 जौ न है । यज्ञ कीन्हें औ पढ़े श्रुति मिलत फल नहिं तौ न है ॥ खात जो
 जन मांस ता सो नाहिं छोंड्यो जात है । जौ न छोड़त तौ न पावत अभय
 फल अवदात है ॥ अभय सब प्राणीन को जन देत जो महिपाल
 हैं । प्राण दाता होत ते बर भणत बिज्ञ विशाल हैं ॥ लोक माहीं
 अभय दीबो जौ न सब प्राणीन को । परम सो है धर्म बर लखि
 परत है ज्ञानीन को ॥ परम प्यारो लगत जैसे जीव अपनो जा-
 निये । तिमिहिं सब को जीव आपन लगत प्रिय निजु मानिये ॥
 मांस को जो छोड़िबो सो धर्म सुख को धाम है । स्वर्ग लोकहि
 जायबे को हेतु बर अभिराम है ॥ अहिंसा है परमत प औ अ-
 हिंसावर धर्म है । अहिंसा है सत्य बर नृप कहत निजु कै परम है ॥
 काष्ठ तृण अरु उपल माहीं होत आमिष नाहिं है । जंतु मारे मि-
 लत याते दोष भक्षण माहिं है ॥ जो न भक्षत मांस कबहुं तौ न
 देव समान है । सदा आमिष खातराक्षस तौ न दुर्मति मान है ॥
 जो न भक्षत मांस निर्भय रहत सो सर्वत्र है । होत प्राप्त न कबहुं
 भय को नाहिं संशय अत्र है ॥ कबहुं काहू जीव को उद्वेग जौ नहिं देत
 है । कबहुं सो उद्वेग को नहिं प्राप्त होत सचेत है ॥ दोहा ॥ स्वादक जो
 नहिं होहिं तौ घात कहोहिं न तात । खादक काजै हनत हैं घातक
 जन विरुयात ॥ चरणा दोहा ॥ मृगादिकन की हिंसा को है मानव स्वाद
 कहत । भक्षण आमिष को कीजै नहिं याते बुद्धि निकेत ॥ दोहा ॥
 है सुभक्ष आमिष मनुज कहत जौ न यह बैन । ताको हिंसा होति
 है निवृत सुनहु बुधि ऐन ॥ जे जन हिंसा करत हैं तिन की आयु
 नरेश । काल असत है शीघ्र ही मति बर भणत सुवेश ॥ सोरठा ॥
 हिंसक हैं जन जौ न तिन को रक्षक मिलत नहिं । सुनहु तात बु-
 धि भौन निश्चित करिकै कहत हों ॥ दोहा ॥ खाय जौ न परमांस को
 अपनो मांस बढ़ात । जन्म जन्म में भीतिको प्राप्त होत ते तात ॥

जौन अभक्षण मांसको सो दायक कल्याण । सुयश आयु अरु
स्वर्गको दाता तिमिहिं सुजान ॥ सोरठा ॥ हिंसकहैं जन जौन
तिनके निकटै जो बसत । सोऊ सुनु बुधिभौन निश्चयहिंसक
होत है ॥ दोहा ॥ याते हिंसक जननकी संगति कीजै नाहिं । सु-
निये कुन्तीनन्द गुणि कहत प्रज्ञ हियमाहिं ॥ भूमिदान गोदा-
न अरु सुवरणको जो दान । मांसअभक्षण श्रेष्ठ है तिनहूं ते
मतिमान ॥ रामगीती ॥ करै रक्षां मांसकी जो बिप्र हे महिपाल ।
किये तौ तिहि संगभक्षण दोषहै न विशाल ॥ यज्ञ बिन औ
श्राद्ध बिन विधि हीन जेजन खात । दोष तिनको होतहै अति
भणत बुध बिख्यात ॥ वृथामांसहि खात जेजन नित्य हे नर-
राय । नरक माहीं जात ते जन महत दुखसों ब्याय ॥ मांस जे
जन खात ताके कार्य्य जौन अबुद्ध । कहे बिनही हनत पशुको
सुनहु नृप बुधउद्ध ॥ महत दोषहि लहत सो हम कहतगुणि हि-
यमाहिं । खात ताको होतदोष न प्राप्त संशय नाहिं ॥ खाय मां-
सहि प्रथम फेरिहु देत जो है त्यागि । छूटि अघते प्राप्तधर्महिं
होत सो सुखपागि ॥ जौन ल्यावत मांसको अरु कहत नीको
जौन । मोल मांसहिलेत अरुजो देत दुर्मति भौन ॥ हनतजे
अरु खातजे जन मांसको भूपाल । होतहै इन सबहिके सम
दोष भाव विशाल ॥ रह्यो चाहत उपद्रव बिन जौन जन सर्वत्र ।
सर्व मांसहि तजत सो है सुनहु भूप पवित्र ॥ सुनतहैं हम भूप
पूरव कल्पमें मखकार । ब्रीहिको बनवाय कै पशुचारु बुद्धि अ-
गार ॥ हनतहैं सब यज्ञमाहीं वेद विधिसों पर्म । हनत हैं नहिं
कबहुं पशुको दयावान सधर्म ॥ सुनहु आमिष खात जे नहिं
रहत सुखसों पूरि । खातजेजन नित्यहैं ते परत दुखमेंभूरि ॥
वर्षशतलों तपस्या जो करतहै मतिमान । करत आमिष त्याग
औ जो दुओजान समान ॥ खाइये नहिं मांस मदिरा कारतिक
के माहिं । औ अवश्यहि खाइये सितपक्षमें तौ नाहिं ॥ धर्म

करिवो योग्य कार्तिक माहिं है भूपाल । कीजिये हिंसा न याते
 भणत विज्ञ विशाल ॥ मास श्रावण भाद्रपद औ कार कार्तिक
 माहिं । जे न भक्षत मांसते दुख लहत कबहूँ नाहिं ॥ कीर्ति
 बल अरु आयु यशको प्राप्तहोत महान । है नहीं सन्देह याते
 भणतवर मतिमान ॥ चारि महिना माहिं एकहुमाहिं जो नहिं
 खात । छूटि दुखसों तौन जन मुदवान होय बिभात ॥ मासहूँ
 में पक्ष एक जन मांसखात न जौन । तिनहुंकीहै होति हिंसा
 निवृत्ति सुनुबुधिभौन ॥ भूप पुरु नाभाग औ नृप अम्बरीष सु-
 जान । गयन नहुष ययाति औ नृप आनरण्य महान ॥ आयु
 नृग कृतवीर्य औ अनिरुद्ध शिवि मुचकुन्द । श्येनचित्र दिलीप
 पृथु रघु रन्तिदेव नरेन्द ॥ बिरूपाश्व अलर्कनल निमि जनक
 करुष सुवेश । धर्मवान महान अरुबर कीर्तिकार अशेश ॥ ऐल
 रैवत सुना शृंजय हरिश्चन्द्र नृपाल । वीरसेन दुष्यन्त अज
 नृप रामभूप विशाल ॥ मान्धाता भरत औ इक्ष्वाकु शम्भु सु-
 जान । सगर औ वसुबाहु भूपति श्वेतवर मतिमान ॥ इते भूपन
 कारतिक में मांस खायो नाहिं । नेमसोंवर भयो ताते बास दिव
 के माहिं ॥ स्वर्गते पुनिजाय विधिके लोकमें भूपाल । बसत
 सोहैं करत हैं गन्धर्व गान विशाल ॥ जन्मभर जे मद्य मांसहि
 खातहैं कबहूँन । मुनिनकी सम तौन तिनकी प्रभाहोति न ऊन ॥
 पढ़तजे अरु सुनतजे यहि धर्मको अभिराम । जाय तौ नहिं
 नरकको जन दुराचारिहु मांस ॥ पापते छुटिजात पापी है न
 संशय अत्र । दुःखते दुखवान छूटत सुनहु भूप पवित्र ॥ जन्म
 तिर्य्यग योनिमाहीं लेतनाहीं भूप । ऋद्धिपावत भूमि पावत
 पाय रूप अनूप ॥

शान्तिपर्वणिदानधर्मेमांसाभक्षणप्रस्तावोनामद्वयधिकशततमोऽध्यायः ॥

युधिष्ठिरउवाच ॥ दोहा ॥ बहुप्रकारके भोजन तिनको मनुज छो-
 डिकैतात । आमिषभक्षत प्रीतिसों राक्षसलों विख्यात ॥ आ-

मिष भक्षणकी करत जिमि जन इच्छापर्म । अन्यभोज्यकी
 करतहैं इच्छातिमि न सधर्म ॥मैंहूंजानत मांससम अन्यभोज्य
 नहिंचार । निश्चय करिकैं कहतहों तुमको भूप उदार ॥ मांस
 अभक्षण माहिहैं जे गुणवर बुधिधाम । औ भक्षणमें दोषजे
 ते पुनि कहियेआम ॥ भीष्मउवाच ॥ घोरठा ॥ कह्यो जौनतुम भूप
 तामें नेक असत्य नहिं । मांससमान अनूप भोजन और न भूमि
 में ॥ विषय माहिं रतजौन औ जिनके तन माहिंक्षत । सुनहु
 तात बुधिभौन अरु जे हारे मार्गमें ॥ तिनको मांस समान और
 न भोजन श्रेष्ठ है । आमिषकरत महान पुष्टि सुनहु भूपालम-
 णि ॥ मांस अभक्षणमाहिं बहुगुण हैं भूपालमणि । सुनहुतौन
 ममपाहिं मैं निश्चय करिकैं कहत ॥ दोहा ॥ जौन बढायो चहत
 हैं अपने मांसहि भूप । खाय अन्यके मांसको तेहैं क्षुद्र अनूप॥
 सबकाहुको और कछु प्रिय नहिं प्राण समान । दयाकरै ताते
 मनुज हियके माहिं महान ॥ अर्द्ध चरणादोहा ॥ मांस होतहै शुक्रते
 यामें संशयनाहिं । ताके भक्षणमाहिं दोष है पुण्य अभक्षण
 माहिं ॥ घोरठा ॥ वेदमाहिं विधिजौन आमिष भक्षणकी नृपति ।
 तिहि विधिसों बुधिभौन भक्षणमें नहिं दोष है ॥ जयकरी ॥ पशु
 बनाये मखके काज । यहौ सुनत हम हैं नरराज ॥ क्षत्रियकी
 जो विधिहै तात । आमिष भक्षणमें विख्यात ॥ तौनहु कहत
 तुम्हें हम पर्म । सुनहु कानदै नृपति सधर्म ॥ अपने बलसों है
 नरराय । मृगया करिकैं मांसहि लयाय ॥ भक्षण कीन्हेंदोष न
 होत । कहत महतहैं प्रज्ञापोत ॥ चरणादोहा ॥ यज्ञनके जे देवत
 हैं बर तिनके अर्थ नृराय । बनके पशु संकलिप दयेहैं पूर्व अग-
 स्त्य सचाय ॥ घोरठा ॥ यातेबर भूपाल मृगया काजै जात हैं ।
 सुनुवर विज्ञ विशाल तिनकोहोत न दोषहै ॥ दोहा ॥ पै सब
 भूतनमें दया तिहिसम धर्म न और । दयावान को होतभय कहूं
 न भूप शिरमौर ॥ घोरठा ॥ सुनहु अहिंसा जौन लक्षणसो है धर्म

को । कहत धर्मविद तौन धर्मनन्द अरिवृन्द दर ॥ दोहा ॥ सब भूतनको देत जो अभय सुनहु महिपाल । सर्वभूतहैं देत नृप ताको अभय विशाल ॥ दयावानको होतहै प्राप्तदुःख जबभूप । सर्वभूत ताकी करत रक्षा परम अनूप ॥ अरिल ॥ भयते अन्यहि जौन छुड़ावत । छूटितौन भयते मुदपावत ॥ परम प्राणकेदान समान न । और दान है सुनु अरिभानन ॥ दोहा ॥ मरण न नीको लगतहै सबभूतनको तात । मृत्युकालमें लहत भय सर्व जीव विख्यात ॥ सारठा ॥ मांसखात जनजौन नारक कुम्भीपाक में । परिकै पावततौन महत दुःखबर बुधकहत ॥ दोहा ॥ सब पृथ्वीको राज्यहू प्रिय नहिं प्राणसमान । यातेसबमें कीजिये दयासुनहु मतिमान ॥ जयकरी ॥ मांस न खात कबहुं जनजौन । जबलौंजीवै तबलौंतौन ॥ स्वर्गमाहिं लहिचारु अगार । बसत मोदसों नृपतिउदार ॥ जिन भूतनको आमिष खात । जो जन सुनहुप्रज्ञ अवदात ॥ ताके मांसहितेसबभूत । भक्षतदैकैदुःख अकूत ॥ जो जन अन्यहि मारततात । सोऊ निश्चयमारहि खात ॥ अन्यहि सुनहु रोवावतजौन । तौनहु रोवत दुर्मतिभौन ॥ अरु जो जो दुख औरहि देत । सो सो आपहु लहत अचेत ॥ हरिगीती ॥ अहिंसाहै परमतप औ अहिंसा बर धर्म है । अहिंसाहै दानवर औ अहिंसा मख परम है ॥ अहिंसा है परम बल औ अहिंसावर मित्रहै । अहिंसासम सुखद और न हेत तात पवित्र है ॥ यज्ञकीन्हें होतवर फल जौन तात सुजान है । तीर्थ यात्रा कियेअरु फल जौन दीन्हेंदान है ॥ अहिंसा फलकी न समता कैसकैं येसर्वहैं । अहिंसाफलसो अहिंसा फलहि कहत अखर्व हैं ॥ दोहा ॥ कबहुं हिंसा करत नहिं जोजन बर बुधिभौन । माता औ पितसोलगत सबजीवनको तौन ॥ हिंसाको जो त्याग है ताको फलहैजौन । शतवर्षहुमें करिसकतताहिनमेंबुधिभौन ॥

युधिष्ठिरउवाच ॥ चरणादोहा ॥ सम्पति माहिं असम्पति में औ

सुख दुख माहींतात । प्राप्तहोनका कहियेकारण आपुमोहिं वि-

ख्यात ॥ भीष्मउवाच ॥ सम्पतिमाहिं असम्पति माहीं औ सुख

दुखकेमाहिं । जगमाहीं उत्पन्न होतहैं प्राणी संशय नाहिं ॥

हंसादोहा ॥ याको कारण कहतहों तुमसों में भूपाल । थिरकरिकै

तुम सुनहुसो चञ्चलचित्त विशाल ॥ यहि प्रसंगमें कहतहों

यक इतिहास अवाद । कीटकको अरु व्यासको तामेंहैं संवाद ॥

रामगीती ॥ सकटके पथमाहिं यक भयभरो कीट महान । शीघ्र

धावतहुतो ताको देखिकै मतिमान ॥ व्यासमुनि सर्वज्ञतासों

कहतभे इमिवैन । कहा धावत कीटतू हे भयो परम अचैन ॥

कीटकउवाच ॥ सकटके सुनिघोर घोषहिभरो भयमेंपर्म । धावतो

हों शीघ्रयाते सुनहु व्याससधर्म ॥ मरणसबको लगत अप्रिय

लगत जीवनप्रीय । हैं नहीं सन्देहयामें गुणो तुमहंहीय ॥ दोहा ॥

छूटिमोदते दुःखमें होहुं न प्रापत व्यास । यहविचारि मैं भजत

हों शीघ्रभरो अतित्रास ॥ भीष्मउवाच ॥ पञ्भली ॥ सुनिव्यास कीट

के येसुवैन । इमि कहत ताहिभे सुमतिऐन ॥ सुनु कीट तोहिंहैं

मोदकौन । कहुमोहिं शीघ्रतू करि न गौन ॥ दोहा ॥ तिर्यगयोनी

माहिं सुनु प्राप्त भयेहैं जौन । तिनको जोहैं मरण मैं मानतहों

मुदतौन ॥ शब्दस्पर्श सुगन्ध रस और भोगहैं जौन । तिनको

जानत तू नहै याते सुखहै कौन ॥ कीटकउवाच ॥ सब योनिनमें

रहत रति जीव सुनहु हे व्यास । यहिकारणते मोदहैं मोकोबर

बुधिरास ॥ यहि योनिहुके माहिं मैं रहत सहित आनन्द । जीवै

की इच्छा करत ताते हे निरदन्द ॥ पञ्भली ॥ मैं पूर्वजन्मके माहिं

पर्म । धनवान शूद्रहों सुनु सधर्म ॥ हों क्रूर भूरिमें पापकार ।

अरु कृपण महत छलकर अपार ॥ धन देय व्याजलैकै

अखर्व । सुनु विप्रकरतहों कार्यसर्व ॥ मैं कहत नित्य हों

कटुक बैन । कबहुं न देत काहुहिचैन ॥ परद्रव्य हरणहोंकरत

नित्य । सबही सदाहि बोलत असत्य ॥ तजि अतिथि भृत्य
 गृहमाहिं जाय । हों करतनित्य भोजनसचाय ॥ मैं देवकाज
 अरु पितरकाज । कबहुं न करतहों सुबुधराज ॥ जनरहत
 जौनमम शरणआय । मैं करतहों न ताकी सहाय ॥ धनधान्य
 अन्यके देखिचारु । अरुदारबसन भूषण सुठारु ॥ अतिदुखि-
 त होतहों सुनहुब्यास । नितकिये रहतहों क्रुधप्रकास ॥ गन्या-
 नक ॥ भलो अन्यको चाहत हों नहिं अपनेहीके माहीं । अप-
 नोभलो चहत हों नित्यहि कहत सत्यतुमपाहीं ॥ क्रूरकर्म मैं
 नित्यकरेहों बहुदुर्मतिसों दायो । ताके समरण ते अबमेरेताप
 हियेमें आयो ॥ दोहा ॥ पूर्वकर्म जेतेकिये तिनमें द्वै शुभ कर्म ।
 कीन्हें हैं मैं व्यासमुनि तुमसों कहत अभर्म ॥ वृद्धामाताकीक-
 री सेवामें नितब्यास । भक्तिराखि हियमाहिं अति ह्वैकैसहित
 हुलास ॥ औ यक निर्मल बिप्रको भोजनमें यकबार । दीन्हों
 हों ममधाममें आये सुमति अगार ॥ इनदोऊन सुकर्मते जन्म
 पूर्वको पर्म । समरण है सुनु व्यासमुनि मतिवर सुनहु सधर्म ॥
 यहि सुकर्म सों होयगो पुनिहु प्राप्त सुखमोहिं । जानि परतहै
 कीटइमि कह्योब्याससों जोहि ॥ व्यासउवाच ॥ घोरठा ॥ कीटयोनि
 में तोहिं पूर्व जन्मकी सुरति है । अरुभो प्रापत मोहिं शुभकर्म
 न दोऊनसों ॥ प्रवंगम ॥ तपके बलते तोहिं कीटमें तारिहों । भू-
 रिमोदसों पूरिदुःखसब टारिहों ॥ तपकेबलसम और कीटबल
 नाहिं है । तोहिं कहत हम गुणिकै निजु हियमाहिं है ॥ कीट
 योनिमें भयोप्राप्त तू पापसों । तजिकै अब यह योनि धर्म के
 दापसों ॥ ह्वै है मोदहिप्राप्त हिये निज जानुतू । मम बाणी में
 नेकु न संशयआनुतू ॥ रामगीतो ॥ मनुजताको प्राप्तह्वैकै कीट
 तू मतिमान । धर्ममाहीं प्रवृत्त ह्वैहै प्रेमसहित महान ॥ करत
 कहैं बिप्रपूजा देवतनकी यत्र । होति ह्वैहै कथा औ जहँबैठि
 है तू तत्र ॥ कीटसुनुवर प्राप्तह्वैहै भोगतोको सर्व ॥ पाय है

तू विप्रताको चायसहित अखर्व ॥ वैनमुनिये भयो ठाढोकीट
मगके माहिं । नेककीन्हों शकटगणको हियेमें भयनाहिं ॥ शक-
टगण तिहिकालहीमें भयोआवत उद्ध । मख्यो तिहिके तरे सो
दवि सुनहुभूपति शुद्ध ॥ व्यासमुनिकी कृपातेसो कीटसुनुबुधि-
धाम । भयोक्षत्रियवंशमें उत्पन्नहोतललाम ॥ ताअनन्तरव्या-
सताके भये आवत पास । देखिसो करिस्मृति उठिकै गहेपद
सहुलास ॥ कीटकउवाच ॥ सुनहु मुनिवर व्यासतव शुचिकृपा ते
अभिराम । छोड़िकै कीटत्व मैं भो राजपुत्र ललाम ॥ तुरंग मै-
गल ऊष्ट्ररथअरु और जान जितेक । प्राप्त हैं सब मोहिं तेरी
कृपा ते सबिवेक ॥ बन्धु मित्रन सहित मैं निज करत भोजन
चारु । सोवतो हों मोदसों मैं सुन्दरी सहदारु । करत बन्दी-
जन सुकीरति नित्य मेरीपर्म । देतहों मैं दान तिनको नित्य
होय सशर्म ॥ प्राप्त जो है मोहिं सो सब कृपा ते तव व्यास ।
करतहों परणाम तुमको भरो भूरिहुलास ॥ करो आज्ञा कृपा
करिजो करों मैं मुनि तौन । आपु सम आनन्दके हौ हेतुवर
बुधिभौन ॥ व्यासउवाच ॥ राज्यको तू प्राप्तहवैकै करत नहिं अ-
भिमान । भयो हों परसन्नयातेमैं महामतिमान ॥ क्षत्रियत्वहि
छोड़िकै अब विप्रता अभिराम । पायकै तू पायहै मुदपरमप्र-
ज्ञाधाम ॥ राज्यको सुख पायकैकरि यज्ञतू सबिधान । गऊ
ब्राह्मण अर्थ लरिकै युद्धमें तजिप्रान ॥ पाय है तू स्वर्गमाहीं
महतमुद नरराय । लहैगो तू ब्रह्मपदको प्राप्तहोय सचाय ॥
जीव तिर्यगयोनिको तजि शूद्रताको पाय । शूद्रताको छोड़िकै
पुनि वैश्यतामें जाय ॥ वैश्यताको छोड़िकैपुनिक्षत्रियत्वहिलेत ।
ताअनन्तरविप्रताको लहतबुद्धिनिकेत ॥ दोहा ॥ रहैधर्मकेमाहिं
तन पायविप्रतास्वक्ष । पावतहैतबब्रह्मपद सुनहुभूमिपतिदक्ष ॥
इतिश्रीमहाभारतेशान्तिपर्वणिदानधर्मचतुरधिकशततमोऽध्यायः १०४ ॥

भीष्मउवाच ॥ दोहा ॥ क्षत्रिय हवै सो कीटवर करत भयो तप

पर्म । तास निकट आवतभये पुनि मुनिव्याससशर्म ॥ सोरठा ॥
 कहतभये इमि बैन व्यास आयकै तासतट । सुनहुभूप बुधि-
 ऐन धर्मपाल अरिजालदर ॥ व्यासउवाच ॥ दोहा ॥ भूतनको जो
 पालिबो सो क्षत्रिनकोधर्म । करिकै तू तिहिधर्मको नीतिधारिकै
 पर्म ॥ तदनन्तर तू पाय है बिप्रताहि अभिराम । क्षत्रियको
 तनत्यागिकै पाणि मोदमें माम ॥ आभीर ॥ ताते धर्मपसारि ।
 सर्व पापको टारि ॥ पालुप्रजाको सर्व । गहिकै नीति अखर्व ॥
 भीष्मउवाच ॥ व्यास सुमुनिके बैन । सुनिकै ये बुधि ऐन ॥ धर्म
 पसारि महान । अधरम टारि सुजान ॥ पालिप्रजा सहनी-
 ति । निशिदिन करिकै प्रीति ॥ थोरेही दिन माह । सुनुसधर्म
 नरनाह ॥ पाय बिप्रतापर्म । सोभो होत सशर्म ॥ तदनन्तर
 मुनि व्यास । आये पुनि तिहिपास ॥ व्यासउवाच ॥ पापकरतजन
 जौन । पापयोनिमें तौन ॥ प्राप्त होत हैं दक्ष । सुनहु बिप्र वर
 स्वक्ष ॥ पुण्यकरतजो माम । पुण्ययोनिमें आम ॥ प्राप्त होयकै
 भूरि । रहत मोद सों पूरि ॥ अबतूहै द्विजपर्म । रहिहै सदास-
 शर्म ॥ कीन्हें ते अभिराम । पुण्यकर्म बुधि धाम ॥ पुण्यकर्म के
 माहिं । रहतू प्राप्त सदाहिं ॥ कीटकउवाच ॥ तब सु कृपाते व्यास ।
 आनंद कर बुधिरास ॥ भये पाप सब दूरि । लह्यो मोद में भूरि ॥
 भीष्मउवाच ॥ दोहा ॥ कीटकृपाते व्यासकी पाय बिप्रता पर्म । किये
 यज्ञ बहु प्रज्ञवर वर धर्मज्ञ सशर्म ॥ तदनन्तर सो जातभोवि-
 धि के लोकहि चारु । ब्रह्म पदहि प्राप्त भयो सुनहु सुबुद्धि
 अगारु ॥ चरणादोहा ॥ सम्पत्ति माहिं असम्पत्तिमें औ सुखदुख
 माहीं पर्म । प्राप्त होनके पुण्यपापहैं कारण भूप सधर्म ॥ दोहा ॥
 हमसों पूछ्यो जौन तुम कह्यो तुम्हें हम तौन । अब आगे का
 पूछिहौ सुनहु तात बुधिभौन ॥

इति श्रीशान्तिपर्वणिदानधर्मकीटोपारख्यानपंचाधिकशततमोऽध्यायः ॥

युधिष्ठिरउवाच ॥ दोहा ॥ विद्याअरु तपदानमें श्रेष्ठहोयजोतात ।

त हों मैं आपसों कहौ मोहिं विख्यात ॥ भीष्मउवाच ॥ यहि
गके माहिं वर कहत एक इतिहास । सुनहु तौन भूपालम-
धर्मपाल बुधिरास ॥ बार बधूके गेहमें पुरीकाशिका माहिं ।
मैत्रेय सु व्यासमुनि आये तिनके पाहिं ॥ हरिगीतो ॥ देखिकै
य प्रज्ञाराशि वर मुनि व्यासको । जाय आगे ल्यायसादर
भूरि हुलासको ॥ भये पूजत व्यासमुनिको प्रेम सों बैठाय
तृषावान बिलोकि शीघ्रहि नीर दीन्हों ल्यायकै ॥ प्याय
ले व्यासमुनि को आपु पीछे जल पियों । देखि ताके धर्म
तो व्यासमुनि विस्मयकियो ॥ देखि विस्मित व्यासको सो
त भो इमि बैन हे । कहा विस्मय कियो हियमें कहो प्रज्ञा
हे ॥ व्यासउवाच ॥ दोहा ॥ सत्यदान अद्रोह अरु ये तीनों मैत्रेया
म ब्रत हैं मनुजके इनते आनंद लेय ॥ सीरठा ॥ ये सुवेदके
सुने पूर्व हम ऋषिन सों । सुनहु मनीषा ऐन धर्म धुरन्धर
वर ॥ रामगीतो ॥ तृषित मोको देखि करिकै तृषित तुम मै-
। मोहिं मोदित कियो सादर नीरपहिलेदेय ॥ महत ताते
। तुमको भयो पुण्यसुजान । सर्व लोकन माहिं तवगतिहो-
। मतिमान ॥ भयो मैं परसन्न तेरो देखिपावन दान । हैन
॥ तपहु उत्तमदान सम बुधि माम ॥ दोहा ॥ कैहौ प्राप्त म-
तुम आनंद को अभिराम । दान किये मनसों लहतको नहिं
नंद माम ॥

तेशान्तिपर्वणिदानधर्मव्यासमैत्रेयसंवादेशपाधिकशततमोऽध्यायः ॥
भीष्मउवाच ॥ सीरठा ॥ पुनि मैत्रेय सुजान कहत भयो इमिव्या-
। । तुमहौ परम सुजान ताते पूजत हों कछू ॥ व्यासउवाच ॥
॥ जो जो इच्छाहाय तुम पूछो सो सो सर्व । जो तुम कहि
तौन हम सुनि हैं सुबुधअखर्व ॥ मैत्रेयउवाच ॥ चरणादोहा ॥
॥ औ तपते उत्तमतुम कहत दानको चारु । यामें संशयहै
निश्चयभयो उदारु ॥ दरश तिहारो पायकै लाभप्राप्तभो

मोहिं । हरषभयो हियमाहिं अति कृपासावरी जोहिं ॥ तवदर-
शन ते होयगो मेरोनित कल्यान । सुनहु व्यासबुधिराशिवरकृ-
पाधाम सुखवान ॥ सुन्दर कुलमें जन्म अरु शास्त्रपढ़नतपपर्म ।
ये कारण ब्राह्मण्यके हैं मुनि व्यास सधर्म ॥ इन तीनोंवरगुणन
सों युक्त होय जबदक्ष । श्रेष्ठहोत तब विप्र है सुनहु व्यासमुनि
स्वक्ष ॥ जयकरी ॥ होततृप्त जब विप्र सुजान । तृप्तलहत सुर
पितर महान ॥ जैसे चारु क्षेत्रमें पर्म । मनुजलहत फल महत
सधर्म ॥ तिमिहीं गुणवत द्विजकोचारु । दीन्हेंते सुनुबुद्धिअगा-
रु ॥ पावतदाताफलकोस्वक्ष । निजुकैतुमसोंकहतप्रतक्ष ॥ दोहा ॥
गुणयुत जोविप्रनमिलैसुनहुव्यास बुधिधाम । तौदाता धनवान
को व्यर्थहोत धनमाम ॥ धोखा ॥ जैसे ऊसरमाहिं बोये कछू न
होतहै । तिमिहिं कछूफल नाहिं मिलत मूर्ख द्विजको दिये ॥
मूर्खलेत जो दान तौन परत है नरकमें । सुनहुव्यास बुधिमान
दान व्यर्थ हवैजात है ॥ दोहा ॥ लेयदान जो विप्रवर गुणसों
युक्त सधर्म । होय वृद्धको प्राप्त तौ दाता को धनपर्म ॥ याते
दानहि देतजो गुणवत दानहि लेत । लहत सुपुण्य समान है
दोऊ बुद्धि निकेत ॥ जयकरी ॥ जो कुलीनद्विजहै अभिराम । तप
में रत नितरहत ललाम ॥ अरुरतपढ़न पढ़ावन माहिं । मि-
थ्या कबहुं बोलतनाहिं ॥ ऐसे ब्राह्मण सुनहुसधर्म । पूजनयोग्य
सर्वदापर्म ॥ भोष्मउवाच ॥ दोहा ॥ सुनिकरिकै मैत्रेयके वचनव्या-
सये भूप । कहत भये मैत्रेयको ऐसे समुदअनूप ॥ तेरी बुद्धि
निहारिकै मैं भो हर्षित पर्म । तेई प्रशंसा योग्य हैं जिनमें सु-
गुण सधर्म ॥ जयकरी ॥ दानहिकी सुप्रशंसा चारु । हमहैं करत
सुबुद्धि अगारु ॥ तुमतौ तपशास्त्रहुकी स्वक्ष । करत प्रशंसाहौ
वरदक्ष ॥ स्वर्ग जायवेको अभिराम । बरसाधन तपहैबुधिधाम ॥
तपसों मिलत महत्त्व सुजान । तपहीसों अधमिटत महान ॥ जो
जोइच्छा करिकैपर्म ॥ करैमानुजतप सुनहुसधर्म । सोसो इच्छा

होति सु सिद्धि । यामें नहिं संशय बुधिनिद्धि ॥ गुरु तियमाहिं
 रत जन जौन । गर्भहनें जो दुर्मति भौन ॥ औ मदिरापी सुव-
 रण चौर । ये सब सुनहु सुबुध शिरमौर ॥ तपसों छूटि पापमो
 भूरि । रहत महत आनंद सां पूरि ॥ विद्या सर्व पदों जो होय ।
 नीचहु करै कर्म जो कोय ॥ तौ अपमान न कीजै तास । तिमि-
 हिं तपस्वीको बुधिरास ॥ श्रुति अरुशास्त्र पढ़त जन जौन ।
 अरु जे दानदेत बुधिभौन ॥ औ जे करत तपस्या पर्म । ते
 सब पूजन योग्य सधर्म ॥ इहि सुलोकमें सम्पति पाय । रहत
 नित्य आनंदसां छाये ॥ औ परलोक माहिं मतिमान । पावत
 हैं आनन्द महान ॥ अन्न दानसां उत्तम लोक । पावतहैं जन
 वर बुधिओक ॥ ^{अरि} ॥ अरु जनजात अदाता जहैं जहैं । पा-
 वत दुःख महतहैं तहैं तहैं ॥ मतिवर यामें संशयहै नहिं । कहत
 तुम्हैं हों गुणिकै हियमाहिं ॥ ^{अन्तगुरुतोमर} ॥ तुम बुद्धिमान महान
 हौ । अरु श्रेष्ठ तुम कुलवान हौ ॥ व्रतवान औ सु दयाल हौ ।
 वर धर्मकार विशाल हौ ॥ दोहा ॥ याते कौनहु पापको प्रापत कै-
 हौ नाहिं । तुमसां कीन्हें बारता भो सुख मो हिय माहिं ॥ सदा
 सप्रेम निबाहिये अपने कुलको धर्म । यहगृहवाननको उचित
 सुनु मैत्रेय सशर्म ॥ ^{मेरठा} ॥ ताते स्वधरम माहिं प्रवृत्तरहोतुम
 निशिदिबस । सुनहु आपु ममपाहिं यह सम और कछु नहीं ॥
 दोहा ॥ जो भर्ता निज नारिमें तुष्टरहतहै पर्म । औ निजपतिमें
 रहतजो तुष्टानारिसधर्म ॥ तिनको दुःख न होत है प्राप्तहोत
 कल्याण । यामें संशयहै नहीं सुनु मैत्रेय सुजान ॥ अग्निप्रभा
 सां जाततप्त जलसां ज्यों मलजात । तिमिहीं तप अरु दानसां
 कल्मष सर्व बिलात ॥ ^{मेरठा} ॥ यह कहिकै मुनिव्यास बुद्धिराशि
 मैत्रेयसां । विदाहोय सहलास जातभये निजधामको ॥ दोहा ॥
 यह तुम मनमें राखियो कह्यो तुम्हैंहम जौन । बचन सुने ये
 व्यासके जोरिपाणि बुधिभौन ॥ नम्र होय परदक्षिणा करि

मैत्रेय प्रणाम । कहत भयो इमिव्याससुख पायो तुमते माम् ॥
 शान्तिपर्वणिदानधर्मव्यासमैत्रेयसंन्नादेसप्तमाधिकशततमोऽध्यायः १०७

युधिष्ठिरउवाच ॥ जयकरी ॥

उत्तम नारिनको आचार । कहहु पि-
 तामह बुद्धिअगार ॥ भई सुननुकी इच्छा पर्म । मेरे हियमें सु-
 नहुसधर्म ॥ भीष्मउवाच ॥ मोरछा ॥ स्वर्गलोकके माहिं शाण्डीली
 सु तपस्विनी । ताको लखिकै पाहिं सुमना तिय पूछति भई ॥
 रामगीतो ॥ कौनतूआचार बरसों पापको करि दूरि । आयकै सुर-
 लोक माहीं रही मुदसों पूरि ॥ तेजसों शिखि शिखा ऐसी रही
 राजि सुजानि । प्रभासों शशिसुता ऐसीरहीभाय महानि ॥ धारि
 निर्मल बसन बैठी चारु पाय विमान । कैरहीमें चकित ताकी
 प्रभादेखि महान ॥ अल्प कीन्हेंदान तप औ अल्प कीन्हें नेम ।
 सकत कोऊ आयनहिं यहि लोकमाहिसक्षेम ॥ नारिकिहिशुभ
 कर्मसों यहि लोकमाहीं आय । राजती है कहौ मोसों महत
 आनंदपाय ॥ चारु सुमना नारिके ये शाण्डीली सुनि बैन ।
 ताहि ऐसे भईकहती सुनहुप्रज्ञाएन ॥ धारिकै काषायबसनहि
 औ न बलकल धारि । औ जटाको राखि नहिं इहिलोक आ-
 ई नारि ॥ आयबेको हेतु जो है कहतिहों मैं तोहि । सुनहु
 सुमना नारिथिरिकै चित्तमोतन जोहि ॥ कहे कबहुं मैं नपति
 को अहित बैनकठोर । औ नताकी नयनकरि क्रुधेएन प्रिय
 की ओर ॥ रहीयुक्ता पितर देवत विप्रपूजा माहिं । करीकाहूकी
 न चुगुली कबहुं काहूपाहिं ॥ द्वारपै आगार वारे भई ठाढ़ीमें
 न । औनकाहूसोंकहे बहुवारलौमैंबैन ॥ सुनहुसुमना औकियो
 कबहुं न उन्नत हास । औ न काहूसंगमें एकान्त बागविला-
 स ॥ जायकै कहुंहुतो आवत जबसुमोभरतारु । मुदितकैबैठा-
 वतीही बिछेआसन चारु ॥ खातहै भरतारमेरो नाहिं भोजन
 जौन । रहीखाती माहिं मैंहुं कबहुं भोजनतौन ॥ कहतहै भर-
 तार कखिंकार्य जेजे सर्व । करतिही मैं कार्य तेते मुदितहोय

अखर्व ॥ पति सु कौनौ कार्यको जो हुतो जातविदेश । होतही
मैंबहुत मंगलयुक्त तब सु अशेश ॥ मोसुपति परदेशतेहो आ-
वतो जबलौन । धारतीही अंजनादिक सर्वमैंतबलौन ॥ करतहैं
जब शयनेपति तबहीं जगावतिनाहिं । रहतिहीमैं प्रीतिसों बर
नित्यसेवा माहिं ॥ धन्यपियविन अन्यमेरो लख्यो कोउन गा-
त । करतिही गृह कार्यको मैं प्रीतिसों अवदात ॥ करतसेवा
सासुकी औश्वशुरकीही भूरि । करतिही जो कहतहैं सो महत
आनंदपरि ॥ करतिनारी जौनहैं यह धर्मको अभिराम । अरु-
न्धति लौलहति हैं ते स्वर्गमें सुखमाम ॥ किये याही धर्मको
यहलोक माहीं आय । रहतिहौं मैं सुनहु सुमना महत मुदको
प्राय ॥ भीष्मउवाच ॥ दोहा ॥ बरतपस्विनी शाण्डिली कहि यहि
धर्म ललाम । तहँहीं अन्तर्दान सों होतिभई बुधिधाम ॥ पर्व
पर्वके माहिंजो पढ़िहैं यह आख्यान । स्वर्गलोकमें प्राप्तहवै ल-
हिहैं मोद महान ॥

इतिश्रीदानधर्मसुमनाशाण्डिलीसम्बादेमहाधिकशततमोऽध्यायः १०८ ॥
बुधिष्ठिरउवाच ॥ दोहा ॥ सामदानदोऊनमें श्रेष्ठहोय जो तात ।
पूछतहों मैं आपसों कहौ मोहिं विख्यात ॥ भीष्मउवाच ॥ किते
सामसों होतहैं मुदित सुनहु महिपाल । किते दान सों होत हैं
मानव मुदितविशाल ॥ सौरठा ॥ यातेजानि स्वभाव मनुजनको
संसारमें । कीजै यक नरराव सामदान दोऊनमें ॥ अन्तगुरुलोमर ॥
सुनुसामके गुणजौन हैं । तुमसों कहें हम तौन हैं ॥ जनक्रूरता
के पोतहैं । बरा सासुसों ते होतहैं ॥ तपोमर ॥ इहि प्रश्नमें इति-
हास । यक कहत हौं बुधिरास ॥ यक विप्रको गहिरक्ष । वन
माहिंगो सुनु दक्ष ॥ तब विप्र सो मति मान । अति लह्यो कष्ट
महान ॥ मनमो सु थिरता धारि । बिधि सामकी सुबिचारि ॥
करतो भयो अभिराम । सुनि तौन राक्षस माम ॥ अति कै प्र-
सन्नसुजान । मनमें विचारि सुठान ॥ यक प्रश्नपूछौ पर्म । डि-

जको जानिअभर्म ॥ रावसउवाच ॥ दोहा ॥ रहित प्रभाअरु कृशि-
तमें कौन हेतुसों विप्र । कहौ मोहिं यह प्रश्नतू तोहिं छोड़िहों
क्षिप्र ॥ मधुमार ॥ सुनि ये सुबैन । द्विज सुमति ऐन ॥ कै मुदित
परम । सुनुनृप सधर्म ॥ बिकलइहि टारि ॥ प्रश्नहि विचारि ॥
उत्तरहि देत । भो द्विज सचेत ॥ ब्राह्मणउवाच ॥ आभार ॥ दार्यावान
महान । तूहै परम सुजान ॥ पै जन कहत सु जोहि । रहितद-
यासों तोहि ॥ यह तूहिये विचारि । रहै शौचता धारि ॥ दोहा ॥
रहित प्रभाअरु कृशरहत यहि कारण सों रक्ष । यामें संशय है
नहीं निश्चयजानहु दक्ष ॥ सुनेविप्र के बैन ये राक्षस होय स-
हर्ष । मित्र करतभो विप्रको जानि सुबुधउत्कर्ष ॥ राक्षसहूबश
होतभो साम सुबुधि सों भूप । आनंद दायक होत है ऐसोसाम
अनूप ॥ धन दीवेको होत नहिं तब सुनु हे महिपाल । जीवन
कीसु उपाय तू सामहि जानु विशाल ॥

इतिशान्तिपर्वणिदानधर्मैतामविधौनवाधिकशततमोऽध्यायः १०९ ॥

युधिष्ठिरउवाच ॥ छन्द ॥ कर्म भूमि माहीं सुखदाय । दुर्लभमनुज
योनिको पाय ॥ करै दरिद्री कहा सुजान । अर्थ श्रयके परम
महान ॥ दानन में जो उत्तम दान । औ ते मान्य पूज्यमति मान ॥
ते सब कहौ मोहिं बिरूयात । कहिवे योग्य आपुहौ तात ॥
वैशम्पायनउवाच ॥ सुनि पाण्डवके ये बर बैन । भीषम परम मनी-
षाऐन ॥ धर्मन माहीं परम अनूप । गुप्त धर्म भे कहत अनूप ॥
भीष्मउवाच ॥ कह्यो पूर्व हमसों मुनिव्यास । गुप्तधर्मवर सुनु
बुधिरास ॥ तुमसों कहतधर्म में तौन । तजि प्रमाद को सुनु
बुधिभौन ॥ गाई गाथा यम अभिराम । कहे सुफल औ तप
के माम ॥ रमादेव ऋषिपितर सुजान । चित्रगुप्त अरु प्रज्ञा-
वान ॥ सौ गाथा सुनिकरि कै सर्व । ये प्रसन्नता लहत अख-
र्व ॥ तिहि गाथकेमाहींपरम । उत्तमकहे ऋषिनकेधर्म ॥ सब
यज्ञन के फल अभिराम ॥ अरुवरफलदाननकेमाम ॥ कहेसर्व

हैं सुनु भूपाल । तिन्हें सुने सुखहोत विशाल ॥ दशपशुधनस-
म होत सु एक । तैलकार सुनुनृपसविवेक ॥ तैलकारदशसम
यकहोत । मदिराकार कहत बुधिपोत ॥ दश मदिरा करकेसम
जानि । वेइया एक न संशय आनि ॥ दश वेइया सम यक भू-
पाल । नीचकर्म जोकरे विशाल ॥ तासोंदान लियेते पर्म । दोष
होतहै जौन सधर्म ॥ यमगाई गाथाको चारु । सुने मिटतते
दोष अपारु ॥ ताहिपढ़तजो मनुजअनूप । तासुहोत बुधि उ-
ज्ज्वल भूप ॥ तीर्थकिये फल जौनमहान । औकीन्हें फल जो
गोदान ॥ यज्ञकियेऔबिधिसहजौन । वरफलहोतसुनहुबुधिभौ-
न ॥ तेफल प्राप्त होत अभिराम । पढ़े सुने यमगाथाआम ॥ छू-
टतिहैं कलमषता सर्व । प्राप्त होतहैं धर्म अखर्व ॥ यमकी गाथा
को फल पर्म । पूर्वहिं भूपति तुम्हें सधर्म ॥ वरणि सुनायोहम
अभिराम । अबगाथा काहतहैं आम ॥ देवदूत यकप्रज्ञावान ।
कौनहुकाल माहिं मतिमान ॥ गुप्त होयकै तौन सचैन ॥ कहत
भयो मघवाकोबैन ॥ देवदूतउवाच ॥ वर भेषज अश्विनीकुमार ।
परम श्रेष्ठ गुणके आगार ॥ तिनकी आज्ञाको मैं पाय । नर
अरु पितर देव सुखदाय ॥ तिनको मैंभो प्राप्तसुरेश । सुनिये
हे मुदकार अशेश ॥ करत श्राद्धमें भोजनजौन । औजो श्रा-
द्धकरत बुधिभौन ॥ तिनको मैथुनकरणसशर्म । किहि कारणते
वर्जितपर्म ॥ पृथक्पृथक् पिण्डनसोंतीन । भोविभाग किहिअर्थ
प्रवीन ॥ चरणादोहा ॥ प्रथमपिण्डदीजै किहिकोअरुमध्यमदीजै
काहि । अरुसुतीसरोपिण्डदीजिये काहिकहौअवगाहि ॥ सोरठा ॥
देवदूतये बैन कहत भयोसुररायसों । सुरअरुपितरसचैन सुनि
सुप्रश्नसबहोतमे ॥ तदनन्तर तिहिको पितरकहतभयेइमिबैन ।
देवदूत आवहु निकट परममनीषाएन ॥ आभीर ॥ यहतुमपूछो
जौन । प्रश्नपरमबुधिभौन ॥ सोहैगूढसुजान । दायकमोदमहा-
न ॥ दोहा ॥ जोजन करके श्राद्धको रमै त्रियाके संग । औजो

जन भोजन करि त्रियको करैप्रसंग ॥ श्राद्धकारके पितरतौ ए-
 कमासलों बास । तिनदोउन के रेतमें करें सुनहुबुधिरास ॥ चर-
 यादोहा ॥ पिण्डन को बिभाग अब क्रमगहि कहत ललाम ।
 सुनहु तौन तुम देवदूतवर परम मनीषाधाम ॥ रामगीती ॥ प्रथ-
 म पिण्डा नीर माहीं डारिये अभिराम । द्वितीय पिण्डा दीजिये
 निजनारिको बुधिधाम ॥ तृतीय पिण्डाको सु कीजै अग्निमाहीं
 होम । श्राद्धकी यह परमविधिहै सुनहुबरबुधितोम ॥ पितरहो-
 तप्रसन्न कीन्हें श्राद्ध यहिविधि पर्म । बढ़ति सन्तति तिमिहिं
 सम्पति बढ़त अक्षय शर्म ॥ देवदूतउवाच ॥ दोहा ॥ पिण्डनको
 सुभाग तुम कह्योसुक्रम गहिआम । पूछतहों यक हेतुमें तौनहु
 कहौ ललाम ॥ अरिल ॥ प्रथम पिण्ड जलमाहीं डारत । पितर
 सुतहिसों किमि मुद धारत ॥ तिहिसों होत प्रसन्न कौनसुर ।
 यहतुम कहौ कृपाकरिकैतुर ॥ मध्यम पिण्डहि पति आज्ञालहि ।
 पत्नी खाति भूरितिसो चहि ॥ ताकोपरमकहाहै कारण । कहौ
 मोहिं करिके निरधारण ॥ तृतीय सु पिण्ड श्राद्धकरिके बर ।
 अग्नि माहिं होमत हैंबुधिधर ॥ दोहा ॥ तासुकहा फलहोत अरु
 प्राप्तहोतहै काहि । यहसुनिके इच्छाभई कहौ आपु अवगाहि ॥
 पितरउवाच ॥ घोरठा ॥ तुमयह पूछोजौन सो अतिउत्तम प्रश्न
 है । सुनहुपरमबुधिभौन याको उत्तरदेतहैं ॥ दोहा ॥ करतप्रशंसा
 श्राद्धकी सुरमानिके समुदाय । श्राद्धकर्म उत्तम परम है अति
 आनंददाय ॥ सुनिकरिके भगवानते श्राद्ध कर्मको आम । लह्यो
 मारकण्डेय है निश्चय परमललाम ॥ और न कोऊ श्राद्धको
 जानत निश्चयचारु । यामेंसंशय हैनहीं सुनहुसुबुद्धि अगारु ॥
 तीनहुं पिण्डा होतहैं जिनको प्राप्तसुजान । सोमें तुमसों कहत
 औ जोफल होतमहान ॥ चरणकुलक ॥ पिण्डजात जलमाहीं जो
 हैकरैप्रसन्न चन्द्रकोसोहै ॥ चन्द्र प्रसन्नकरै देवनको ॥ औतिमिहीं
 पितरनके गनको ॥ जोलहिके भर्ता कीआज्ञा । पिण्ड खातिहै

नरिसुप्रज्ञा॥पितरदेतहैं ताहिसुनीको । पुत्रसु प्रज्ञमहानहि श्री-
को ॥ होमतजौन अग्निकेमाहीं । सुनोतासु फलमेरेपाहीं ॥ पि-
तरंसुलहि प्रसन्नताभारी । करतकामना सिद्धि सुदारी॥ दोहा ॥
तीनोंपिण्डनको सुफलवर्णि सुनायोसर्व । देवदूत हमतोहिसुनु
वर मतिमान अखर्व ॥ जो द्विजभोजन करतहै श्राद्धमाहिं अ-
भिराम । श्राद्धकारके पितर त्वहिसो प्राप्तहोत बुधिधाम ॥ चरणा-
दोहा ॥ मैथुनकीबो बर्जित यातेश्राद्ध दिवसके माहिं । होत स्व-
नारी परतियतुल्या यामेंसंशयनाहिं ॥ श्राद्धमाहिं भोजन करै
कैशुचि करिकै स्नान । क्रोधन आनै चित्त में गहै सुक्षमामहा-
न ॥ भोमउवाच ॥ यह विशेषहै श्राद्धकी उत्तम विधि भूपाल । यहि
विधिसों जनको मिलत आनंदपरम विशाल ॥ रामगीती ॥ शरद
अरु हेमन्त ऋतुमें अष्टमी तिथिमाह । करत यहिविधि श्राद्ध
हैं जन सुनहुवर नरनाह ॥ अष्टकाहै नाम यहिवर श्राद्ध विधि
को परम । किये यहिविधि पितर कै परसन्न करत सशर्म ॥ उल्लास ॥
तवप्रश्न माहिं आख्यान एक भूमिपाल औरहुसुनो । हमकहत
तोहिं अवगाहिकै ताहि तुम सुहीमेंगुनो ॥ चरणाकुल ॥ विद्युत्प्रभ
यक परम तपस्वी । रविसम तेजस भरो यशस्वी ॥ प्राप्तहोत
मघवाको बानी । कहत भयोऐसे सो ज्ञानी ॥ विद्युत्प्रभउवाच ॥ कीट
पिपीलिक अरु मृगजूहा । पक्षीगणअरु सर्प समूहा ॥ जे अ-
ज्ञानी इनको मारैं । तेजन बहु पातकको धारैं ॥ तिनको छूटत
पाप महाना । कैसे कहो मोहिं मघवाना ॥ विद्युत्प्रभकी बाणी
सुनिकै । कहत भये मघवा इमि गुणिकै ॥ शक्रउवाच ॥ अरिल ॥
गंगागाय प्रभास तीर्थ बर । पुष्कर औ कुरुक्षेत्र कलुष हर ॥
इनतीर्थनको करिकै ध्यानहि । ही महँधरिकै प्रीति महानहि ॥
विधिसों करत स्नान है जोजन । छूटिजात पातक सों सोजन ॥
अरु जोजन गोके करि दरशहि । करिकै तासु पीठके परसहि ॥
पुनिगहि पुच्छ सु करत प्रणामहिं । सो पावत फलव्रतके माम-

हिं ॥ सर्वहि छूटिजातहै पातक । धर्मसु प्राप्तहोत दुख घातक ॥
 जयकरी ॥ तदनन्तर बासवको बैन । विद्युत्प्रभभोकहत सचैन ॥
 अतिसूक्ष्म यक पावन धर्म । कहत तोहिहों सुनहु सशर्म ॥
 बटके बलकल सुन्दर ल्याय । चारुनीर में तिन्हें पचाय ॥ प्रथम
 कांकको अबटन स्वक्ष । लायअंग माहीं सुनुदक्ष ॥ पुनि तिहि
 जलसों कीन्हें स्नान । छूटिजात सब पाप महान ॥ अरु षष्ठिक
 ओदन अभिराम । खाये पयके संग ललाम ॥ छूटत सबपाप-
 नसों भूरि । रहत परमआनंद सों पूरि ॥ औरहु चारुधर्म यक
 पर्म । सुनिये निर्जर नाथ सशर्म ॥ तीरथ कुरुक्षेत्र के माहिं ।
 सुरगुरु जाय शम्भु के पाहिं ॥ कहत हुते मेंसुन्यों सुतत्र । कहत
 तौनतव पाहिं पवित्र ॥ चढिकै गिरिबर माहिंमहान । ऊर्ध्वजो-
 रिकै पाणिसुजान ॥ बूतकरि ठाढ़ो पदसों एक । डै करिकै जो
 जन सविवेक ॥ मारतण्ड को लखै सप्रेम । सोजन नित्यहि
 रहत सक्षेम ॥ महत किये तप लहत सु जौन । फल सों प्राप्त
 होत बुधिभौन ॥ औ उपवासन को अभिराम । प्राप्त होत
 परम फलमाम ॥ दिनकर की किरणिनि सों सर्व । छूटिजात हैं
 पाप अखर्व ॥ प्रभा देहमें होति महान । क्षीण होति नहिं कबहुं
 सुजान ॥ परम महान सुपरमावान । अति सुखदायक पाय वि-
 मान ॥ लसत चन्द्रलों ताके माह । हर्ष माह डै सुनुसुरनाह ॥
 देहा ॥ तदनन्तर सुर वर्गमें देवराजसुनु भूप । सुरगुरुको पूछत
 भयो यहवर प्रश्न अनूप ॥ देवराजउवाच ॥ मनुजनको जिहि धर्म
 सों प्राप्त होय आनन्द । तौन धर्म हमसों कहौ करिकै कृपा
 बिलन्द ॥ औहैं दोष महान जे कहौ तौनहू सर्व । आपु श्रेष्ठ
 धर्मज्ञ हौ बक्ता परम अखर्व ॥ काव्य ॥ जेजन विष्ठा मूत्र करत
 हैं मारतण्डदिशि । औ जे निन्दा उग्र वायुकी करत दिवस नि-
 शि ॥ भयेबिना प्रज्वलित अग्निजे होम करतहैं । औ जे मानव
 अन्न दया नहिं दिये धरत हैं ॥ तद्वत बालवत्समधेनको मनद

शचीपति । कहत तौन हम तिन्हें होतहै दोष जौन अति ॥
 गोअरु रवि अरु अग्नि बायु मनुजनको तारत । इनको सेवत
 जौन तौन नहिं दुखको धारत ॥ रामगीती ॥ मूत्रविष्टा करत जे
 नर नारि रबिकी ओर । नरक सेवत छियासी तेवर्ष सुरशिर
 मौर ॥ करत निन्दा बायुकी हैं जौन जन अज्ञान । गर्भते गिरि
 जाति तिनकी प्रजा हे मतिमान ॥ भयेबिन प्रज्वलित पावक
 करतहोम सुजौन । ग्रहण ताके हव्यको नहिं करत शिखि बुधि
 भौन ॥ बालवत्सा धेनुको जन दुग्ध पीवक जौन । लहतहैं आ-
 नन्द सन्ततिको नहीं जन तौन ॥ सुनहुताते बर्ज्य कार्य न की-
 जिये सुरराय । बर्ज्य कारज किये तेजन रहत नित्य अचाय ॥
 ताअनन्तरदेवताअरु मरुतगणअपिपर्म । सर्वयेमिलि सुनहु
 भूपति परमप्रज्ञसधर्म ॥ दोहा ॥ पितरनकोपूछतभयेजोवृत्तान्त
 अनूप । सोमैंतुमसोंकहतहैंसुनहुयुधिष्ठिरभूप ॥ पितरहोतपर-
 सन्नहैं किहिविधिसोंअभिराम । औअक्षयकिमिहोतहैं श्राद्ध
 प्रदानललाम ॥ औ मानव किमिहोतहैं रहितसुअरणसों सर्व ।
 यह सुनिबे की है भई इच्छापरम अखर्व ॥ पितरजचुः ॥ मधुभार ॥
 पूछो सुजौन । हमसों सुतौन ॥ हम कहतसर्व । कारणअखर्व ॥
 मदनदीपक ॥ वर्ण होय लोहित औ श्वेत खुर बिशान । होयव-
 दन पाण्डुर औ पुच्छ त्यों सुठान ॥ वृषभ यहि सुभांतिको सु-
 ढार शीलवान । नीलकण्ठ तासुनाम है बलीमहान ॥ मल्लिका ॥
 नीलकण्ठ शीलधाम । श्रेष्ठहोतसोललाम ॥ तासुदानकेमहाना
 जू फलै सुनोसुजान ॥ जयकरी ॥ जे सुजानि विधि बुधजनपाहिं।
 तिथि सु अमावस्याके माहिं ॥ पितर निमित्त सप्रीतिसशर्म ।
 नीलवृषभको छोड़त पर्म ॥ होत अअरण ते प्रज्ञाधाम । पितर
 मोदता पावतमाम ॥ दीपदान वर्षामें चारु । जे जन करतसु-
 बुद्धि अगारु ॥ तेऊ अअरण होत हैं सर्व । हम निश्चय करि
 कहत अखर्व ॥ एसुपरम अक्षय हैं दान । इनते है फल होत

महान ॥ हम सन्तुष्ट रहतहैं परम । है नहिं संशय सुनहु सशर्म ॥
 दोहा ॥ पुत्र करत उत्पन्न जे धर्म सहित अभिराम । तौन नि-
 कारत नरकते पितरनको बुधिधाम ॥ सोरठा ॥ पितरनके ये बैन
 सुनि सचैन द्वैकै परम । वृद्धगार्ग्य मतिऐन कहत भये ऐसे ब-
 चन ॥ जयकरी ॥ नीलवृषभ छोड़े गुणवान । अरु वर्षा के माहिं
 सुजान ॥ दीपदान कीन्हें अभिराम । होत कहाफल परमल-
 लाम ॥ पितरजचु ॥ नील वृषभकी पुच्छ सुठार । ऊर्ध्व उच्चारत
 जौन सुबार ॥ तिहि सों गार्ग्य सुनहु बुधिधाम । साठि हजार वर्ष
 अतिमाम ॥ पावत तृप्ति पितर हैं परम । संशय है नहिं सुनहु
 सधर्म ॥ दोहा ॥ जौन उठावत शृंगसों नदी कूलते पंक । सोम
 लोकको जात हैं ताते पितर अशंक ॥ दीपदान जे करतहैं वर्षा
 में जन जौन । शोभित शशिलौं होतहैं परमासों जनतौन ॥ गू-
 लरिवारे काष्ठको बर भाजन बनवाय । तामें मधुतिल औ उदक
 भरि करिकैं सुखदाय ॥ अमावास्या माहिं बर जे मानवहैं देत ।
 तिनको प्रापित होतहैं पुत्र सुबुद्धि निकेत ॥ अश्रुण होत हैं
 तौन जन पिण्ड देत हैं जौन । सन्ततिसों तिनको सदा भरो रह-
 तहैं भौन ॥ देवत औ ऋषि मरुतगण पितरनके सुनि बैन ।
 पावत भये महान मुद सुनहु तात बुधिऐन ॥

इति श्रीमहाभारतेशान्तिपर्वणिदानधर्मदशाधिकशततमोऽध्यायः ११० ॥

आभीर ॥ तदनन्तर सुरपाल । मुदसों भरो विशाल ॥ विष्णु-
 हि ऐसे बैन । कहत भये बुधिऐन ॥ इन्द्र उवाच ॥ दोहा ॥ आपु होत
 संतुष्ट किमि कहहु विष्णु सानन्द । करता हरता जगतके दर-
 ता दुःख बिलन्द ॥ सुनि सुरपतिके बचन ये विष्णु परममुद-
 धाम । कहत भये इमि इन्द्रको सुनहु भूप अभिराम ॥ विष्णु उवाच ॥
 चरणदोहा ॥ द्विजको जे जन करत अनादर करत हमारो जौन ।
 औ जे द्विजको पूजत हैं जन पूजत हमको तौन ॥ दोहा ॥ जब
 भोजन करि द्विज उठै तब कीजै परणाम । तिमिहीं संध्या करि

चुकै मानव जब बुधिधाम ॥ करिप्रणाम सु आपनै चरणनको
सुरराय । मैं प्रसन्न अति होत हौं यह विधि किये सचाय ॥
अरु गोमयसों लीपिकै चक्राकारसुजान । जपिकैमंत्र सुदर्शन-
हिं तामें दे बलिदान ॥ होत परमसंतुष्टहौं कीन्हें यहविधिपर्म ।
मुददायक मानवनको है यह सुबुधि सशर्म ॥ बामन द्विज को
देखि अरु जलते उठो बराह । तिनको करत प्रणामजे मानव
सुनु नरनाह ॥ कल्मष तिन मानवनके दूरि शीघ्रही होत । क-
बहुं तिनके गेहमें होत न अशुभ उदोत ॥ गोको औ चलदल
द्रुमहिं पूजत जौन हमेश । सब जगपूजे को सुफल तिनको
होत सुरेश ॥ पूजा मैं तिनकी करी अति प्रसन्न हवै लेत । प-
रमहोत संतुष्ट हौंसुनुवर बुद्धि निकेत ॥ चरणदोहा ॥ गोकुलीऔ
चलदलकी पूजा सोइहमारीजानि । अन्यापूजा है न हमारी
यह तू निश्चयमानि ॥ इन्द्रउवाच ॥ दोहा ॥ चक्रचरणबाराहअरु
ब्राह्मण बामनजौन । करत प्रशंसा आपुहौं तिनकी किमि मुद
भौन ॥ भीष्मउवाच ॥ तोमर ॥ सुनिइन्द्रके यहबैन । वर विष्णुआनंद
ऐन ॥ हंसिकैकह्यो इमिभूप । सुनु धर्मपाल अनूप ॥ विष्णुसुवाच ॥
रामगीती ॥ चक्रसों हमदैत्यमारे बक्रबलकेधाम । लईबसुधा दाबि
हैहम पदनसों अभिराम ॥ रूपधरि बाराहको हम भूमित्याये
इन्द्र । रूपवामन धारिहम जीत्योसुबलि दैत्येंद्र ॥ करतइनकी
प्रशंसा यहिहेतुतेहौं पर्म । इन्हेंपूजे अजयजन की होति नाहिं
सुशर्म ॥ गुप्तयह वरधर्म तुमसों कह्योहमसुरराय । कियेतेयहि
महतधर्महि लहतसुखसमुदाय ॥ भीष्मउवाच ॥ अरिल ॥ तदनन्तरसुनि-
येनरनायक । मनुजनको अतिआनंद दायक ॥ कहतभये बल
देवधर्मवर ॥ ताहिकिये नशिजातकलुषतर ॥ बलदेवउवाच ॥ प्रात
करै उठिगोकैदर्शहि । औ दधिघृतसरसोंके परशहि ॥ तिमिहि
कांकको दरश किये अति । छूटि जात सबपाप कहत सति ॥
देवाञ्जलः ॥ गूलरिकाष्ठ पात्रको लहिकरि । निर्मलनीर चारु ताम-

हि भरि ॥ तौननीरकरमेंलाहिपावन । उत्तरमुखकैहोयसचावन ॥
 बृत उपवासन के सङ्कल्पहि । करै प्रात तब सुफल अनल्पहि ॥
 प्राप्तहोत मानवहै मतिबर । कबहुं होत न जीवन दुखतर । क-
 रत जौन इमिहोत तासुसुर । अति प्रसन्न अरु काम सिद्धतुरा ॥
 बिनसङ्कल्प किये फल होत न । यह निश्चय सुकियो मतिपो-
 तन ॥ चरणादोहा ॥ बलिभिक्षाअरुअर्घ्य दीजिये ताम्रपात्र सों
 चारु । तिमिहिं दीजिये पितरनकोबर तिल अरु उदक सुठारु ॥
 दोहा ॥ ताम्रपात्रसों बिन दिये होत न फल अभिराम । गुप्तधर्म
 यह परमअति कह्यो देवतन माम ॥ धर्मउवाच ॥ रामगीती ॥ अति-
 थिजाके गेहते जो होय जाय निराश । जायहोय निराश तौ
 शिखि पितर औ सुरताश ॥ नारिऔ गो विप्र को जो हनत
 दुर्मति भौन । औनहीं उपकार मानत मनुजगर्वीजौन ॥ करत
 औ गुरुनारिके संग जौन अज्ञाबिहार । होत जैसो तिन्हें प्रापित
 पाप परमअपार ॥ होत तैसो ताहि प्रापित घोर पाप महान ।
 अतिथि को नहिं करत पूजन जौन जन अज्ञान ॥ अग्निरुवाच ॥
 गऊको अरु विप्रको अरु अग्निको जन जौन । करतकबहुंपर-
 श पदसों परमदुर्मति भौन ॥ होत ताको स्वर्ग लौहैं अयशअ-
 तिही भूरि । पितर ताके रहतहैं अति महत डरसों पूरि ॥ हब्य
 ताको दियो पावकलेतहैं नहिं पर्म । रहत तासउदास देवत दे-
 खिभूरि कुकर्म ॥ करत सोहैं बास बहुदिन नरकमाहीं उद्ध । करै
 ताते कर्म ऐसे कबहुं नहिं करि क्रुद्ध ॥ भीष्मउवाच ॥ बशिष्ठादिक
 सप्तऋषिवर जाय विधिके पास । करि प्रदक्षिण सर्व ठाढ़ेभये
 सहित हुलास ॥ ता अनन्तर ब्रह्मज्ञानी ऋषि बशिष्ठ सुजान ।
 प्रश्न पूछो द्रुहिणको यहमोदकार महान ॥ जौन जनधनहीनते
 जन यज्ञकोफलपर्म । कौन कीन्हेंकर्मपावतकहौ द्रुहिणसशर्म ॥
 सुनेवचनबशिष्ठके येद्रुहिणआनंद ऐन । कहत भे इमि बैनऐसे
 सुनहु भूप सचैना ॥ ब्रह्मउवाच ॥ प्रज्ञमानिवरकियो तुम यहप्रश्नअति

अभिराम । सुनहु यहशुभप्रश्नको तुम चारुउत्तर आम ॥ पौष
के सितपक्षमार्हीरोहिणी नक्षत्र । प्राप्तकै तब स्नानकरिकै होय
परमपावित्र ॥ ओढिकै यकबस्त्रबाहरकरै भूमेशयन । रहैजबलौं
रोहिणीनृपसुनहुआनंदअयन ॥ परे शशिकी किरणितनमेंसुधा-
मयअभिराम । होतजनको यज्ञकोफल प्राप्तहै बुधिधाम ॥ भानु-
स्वाच ॥ दोहा ॥ व्रत मिलाय अक्षतनमें अंजलिमें भरि बारि । पू-
रण मासी में दिये शशिको प्रीतिहि धारि ॥ अग्निहोत्रकोमह-
त फल लहत मनुजअभिराम । यामें संशय है नहीं जानहुनि-
ज बुधि धाम ॥ चरणाकुलक ॥ जेजन अमावास्या माहीं । करत
विचार हियेमें नाहीं ॥ काटत हैं बहु वनस्पतीको । सुनोसुतिन
की अशुभगतीको ॥ पातकटे वृक्षनमें जेते । हत्याहोय द्विजन
की तेते ॥ तिथिसुअमावस्यामें जोहै । करै दंतधावनकोसोहै ॥
पावतपाप हनेको चन्दहि । मानतहैं डर पितर बिलन्दहि ॥ लेत
न हव्य देव तिहिकेरो । तापै करैं क्रोध बहुतेरो ॥ करत पितर-
ऊ क्रोध महाना । ताको करत दुखद अधमाना ॥ तिहिकोबा-
ढ़त बंश नहींहै । सो पावत नहिं मोद कही है ॥ लक्ष्मीस्वाच ॥
भाजन भग्न मलिन जो राखै । दारहि हनै कुवैननि भाखै ॥
राखै आसन अतिहि मलीना । तिमिराखैभा गृहकी हीना ॥ ताके
गृहते जात पितरसुर । उत्सवमें औपर्वमाहितुर ॥ अंगिराउवाच ॥
जो सुनेम गहिएक सम्बत्सर । दीपक देय करंजक द्रुमतर ॥
तिमि सुबर्चलालतिका पासै । दीपक धरिकै करै प्रकासै ॥ बंश
बढ़त है ताको तीको । बढ़त सुयश अरु शशिकीसीको ॥ गार्ग्य-
उवाच ॥ होतपुण्यजोशतमखकीन्हें । तिनमेंदानमहान सुदीन्हें ॥
प्राप्त सुपुण्य होत सो क्षयको । कहत महत हम करि निश्चय
को ॥ औ श्रद्धा करिकै हिय माहीं । कियो धर्म ताकीक्षयनाहीं ॥
गुप्तबात यह हम सुबखानी । जानत याहि महत जे ज्ञानी ॥
दोहा ॥ रजस्वला औ कुष्ठिका औ अपुत्रिकानारि । देव पितरके

कार्य में तिन्हें दीजिये टारि ॥ देव कार्य जो तियलखै देवत
 लेत न हव्य । औ देखै जो पितर कार्य को लेत पितर नाहिं
 कव्य ॥ सोरठा ॥ रहत त्रयोदशवर्ष असन्तुष्ट कैकै परम । भूपति
 सुनहु सहर्ष कियो गार्ग्य सिद्धान्त यह ॥ धोम्यउवाच ॥ जयकरी ॥
 भग्न भाण्ड अरु कुक्कुटश्वान । और खट्व सुनुवर मतिमान ॥
 अप्रशस्तये सर्वहि जानु । यहिमें नेकु न संशय आनु ॥ भग्न
 भाण्डमें कलिको बास । रहत कहत हैं बर बुधिरास ॥ श्राद्ध-
 कार जो बर बुधि ऐन । सुनै कहूं कुक्कुटको बैन ॥ लेत सुपिण्ड
 पितर तौ नाहिं । है नहिं संशय याके माहिं ॥ तिमिही बैन
 सुनै मखकार । तौन देवहविलेत सुठार ॥ श्राद्धहि औ यज्ञहि
 जो श्वान । देखै तौ सुनुवर मतिमान ॥ पितर लेत नहिं
 कव्यहि परम । औ हविको नहिं देवसशर्म ॥ दोहा ॥ श्राद्धमाहिं
 औ यज्ञमें बिप्रबुलाये जौन । खट्वादीजै बैठिबे तिनको नहिं
 बुधिभौन ॥ सोरठा ॥ जौन निमंत्रित बिप्र बैठे खट्वा माहिंजो ।
 नष्ट होय तौ क्षिप्र दाताको धनमहतसब ॥ यमदग्निरुवाच ॥ चरणा-
 दोहा ॥ बाजपेय अरु अश्वमेध मख करै हजारनपरम । औशिर
 नतकरि करै तपस्या जो जनसुनहुसधर्म ॥ दोहा ॥ होय नजाको
 हृदय जो शुद्ध सुनहु महिपाल । तौ निश्चयपरि नरकमें पावै
 दुःख विशाल ॥ जो न हृदयको शुद्धता तासम कोउ न यज्ञ ।
 हृदय शुद्धतासों लहत मोद महत जनप्रज्ञ ॥ शङ्कु बिप्रकोदेय
 जो शुद्ध हृदयसों परम । ब्रह्मलोककोजाय तौ प्राणीहोयसशर्म ।
 वायुरुवाच ॥ आभीर ॥ मनुजको अभिराम । आनन्ददायकमाम ॥
 जे हैं धर्म सुठार । ते हमकहत उदार ॥ औ जे दोष अखर्व ।
 कहत तौनहूं सर्व ॥ जयकरी ॥ चारिमास वर्षाके माहिं । हीमेंक-
 रेक्रोधकोनाहिं ॥ तिलजलदेय सु करिकै स्नान । दीपदानअरु
 देय सुजान ॥ वेदवान द्विजवर बुधिधाम । तिनको भोजनदेय
 ललाम ॥ यथाशक्तिसों सादरपरम । अरुसुबैन कहि करै सश-

र्म ॥ अग्निहोत्रकोकरै ललाम । औ सुखीर भोजनबुधिधाम ॥
यहि विधिसों मानव सुनुभूप । शतमुखको फललहत अनूप ॥
कह्यो परम हम तुम्हें बखानि । अब हम दोषकहत अनुमानि ॥
अग्निशूद्रसों मुखके काज । जौन मैगावत मूर्खदराज ॥ मांस
बच्यो मुखमाहीं जौन । देयमांस भार्याको तौन ॥ लिप्तहोय
सो अधसों परम । कबहुं नहिं पावतहै शर्म ॥ कोप करतहै अ-
ग्निमहान । किये कर्म यह कै अज्ञान ॥ सुरअरु पितरनतुष्टित
होत । करत क्रोधकोमहत उदोत ॥ तदनन्तरसो मृत्युहिपाय ।
शूद्रयोनि लहि रहत अचाय ॥ यह जो अधरम अतिदुखदाय ।
ताके छूटनकी सुउपाय ॥ अब हम कहत सुनहु तुम तौन । त-
जिप्रमादको प्रज्ञा भौन ॥ गोपुरीषसों निर्मलधाम । करिकै
परमप्रीतिसों माम ॥ पीकरिकै गोमूत्रहिचारु । एकवर्षलों बुद्धि
अगारु ॥ होम करै गोघृतसों परम । तब प्रसन्नसुरहोत सशर्म ॥
पितरहु श्राद्धकालके माहिं । आवत यामें संशयनाहिं ॥ लोमश-
उवाच ॥ दोहा ॥ जे बिवाह नहिं करतहैं परतियमाहिं बिलाश ।
श्राद्धमाहिं तिनके पितर कैकै जात निराश ॥ रामगीती ॥ रमत
है परनारि माहीं जौन दुर्मति भौन । अरु सुबंध्या नारिहिंमिरहै
मोदित जौन ॥ बिप्र को धन हरत जोहै लोभकरि हियमाहिं ।
दोष तिन तिनहुंनको समहोत संशयनाहिं ॥ पितरऔ सुरदि-
यो तिनको नहीं कबिहवि लेत । रमै नहिं परदारमें तिहिते न
होय अचेत ॥ करै अपनो व्याह दूजो तजै बंध्यानारि । बिप्र
को धन हरै कबहुं न लोभता हियधारि ॥ धर्म एक तुम सुनो
औरहु मोददायक भूरि । वचन गुरुके सदामानै प्रेमसों हिय
पूरि ॥ सघृत अक्षत द्वादशी औ पूर्णिमामें देत । जौनजन बु-
लवायकै द्विज परमबुद्धि निकैत ॥ बढ़तताकेपुण्यसों है निशा-
पति सानंद । औ महोदधि बढ़त सागर होत नीर अमंद ॥
भाग चौथो देतहै हयमेधको अभिराम । सुराधिपकरि कृपाता-

को जानिबर बुधिधाम ॥ करत है नखतेश ताकी सिद्धि इच्छा
 सर्व । वीर्य बाढ़त अंगमाहीं होत तेज अखर्व ॥ औरऊ एक
 धर्म तुमसों कहतहैं हमपर्म । होतहै कलियुगहुमें जन कियेता-
 हिसशर्म ॥ प्रातउठि जे स्नान करिकैपैन्हिकै सितबास । ताअ
 के बरपात्रमें भरितिलनको सहुलास ॥ शुद्ध सुन्दर वेदविद
 बुलवाय ब्राह्मण पर्म । सहित आदर देत तिनको धारिकैहिय
 शर्म ॥ समधुतिल जल कृशर औ तिमि दीपको जो देत । सु-
 नहु तिनको फलहि तुमको कहत होय सचेत ॥ करत जो जन
 दान सुरभी दान उत्तमभूरि- । करत औ जो यज्ञ अग्निष्टोम
 आनँद पूरि ॥ तिन्हें जो फल होत उत्तम कहत बासव सोय ।
 भरो तिलसों पात्र जोजन देत ताको होय ॥ सदा कीन्हें श्राद्ध
 जैसी तृप्तपावत शुद्ध । दिये तिल जल तृप्त तैसी पितरपावत
 उद्ध ॥ भीष्मउवाच ॥ अर्द्धचरणदोहा ॥ तदनन्तर देवतनसह पितर
 सर्व सुनुभूप । पूछत भये अरुन्धति तियकोयहवर धर्मअनूप ॥
 अरुन्धत्युवाच ॥ कृपा तुम्हारी पायकै मोद कारणीमाम । मैं वृद्धा
 होतीभई तपहि करत अभिराम ॥ धर्मपर्म मैं कहतिहों सुनहु
 तौन तुमसर्व । जिहि को कीन्हें लहत हैं मानवमोद अखर्व ॥
 मनुजअश्रद्धावान जे औ अभिमानी जौन । गुरु तियगामी
 ब्रह्महा हैं जेदुर्मतिभौन ॥ तिनमनुजनके सामुहें कहियेकवहुँन
 धर्म । शुद्धहोयजिनको हृदयकहियेतिसोंपर्म ॥ जयकरी ॥ प्रात
 कालउठिकैबुधिभौन । गोकेश्रृंगमाहि जनजौन ॥ छिरकैकुशसों
 जलकोपर्म । पाणिजोरिकै प्रथमसधर्म ॥ उत्तरैनीरश्रृंगतेजौन ।
 छिरकै अपने शिरमें तौन ॥ तीर्थजिते तिहुँलोकन माहिं । बसै
 सुमुनिवर तिनके पाहिं ॥ तिनमाहीं कीन्हें स्नान । जैसो फल
 बर मिलत महान ॥ गोशृङ्गोदक सों अभिराम । मिलै सुफल
 तैसोई माम ॥ सुनि अरुन्धती के ये बैन । पितर तिमिहि सुर
 आनँद ऐन ॥ भये प्रसन्न परम सुनुभूप । मोदकार यह धर्म

अनूप ॥ पितामहउवाच ॥ मे प्रसन्न ह्यसुनि यह धर्म । बढोसदा
तेरो तप पर्म ॥ तदनन्तर यम ऐसे बैन । पितरनको सहसुर
मुद ऐन ॥ कहतभये सुनु कुन्तीनन्द । धर्म धुरंधर प्रज्ञ नरेन्द्र ॥
यमउवाच ॥ चित्रगुप्तको कह्यो सुजान । सुनो सर्व तुम धर्म महा-
न ॥ करत अराधन रविको जौन । बर धर्मज्ञ मनीषा तौन ॥
तासु होत परलोकहि माहिं । साक्षी सूरज संशय नाहिं ॥ दीप
दान अरु पानीदान । दीजै श्रद्धासहित महान ॥ छत्र उपानह
दीजै चारु । बोलि वेदविद विप्र सुठारु ॥ पुष्कर तीर्थ माहिं
अभिराम । दीजै कपिला गऊ ललाम ॥ अग्निहोत्र को करै
सदाहिं । आलस ल्यावै मनमें नाहिं ॥ है यह परमधर्म अभि-
राम । अब याको फल सुनिये माम ॥ दोहा ॥ जात जबै परलोक
में मानव छोड़ि शरीर । क्षुधा प्यास सों लहत तब तहां जाय
अतिपीर ॥ जरन लगत है भाजि कहूँ जाय सकत है नाहिं ।
प्राप्त होतहै महत अति अन्धकारके माहिं ॥ करत सहाय म-
हानजहै कीन्हें जेहें धर्म । यामें संशयहै नहीं निश्चय जानहु
पर्म ॥ चरणाकुलक ॥ जे जन देत सुउज्ज्वल पानी । नदी सुपुण्यो-
दका महानी ॥ प्राप्तहोतिहै तिनको नीकी । अक्षयबर निर्मल
पाणीकी ॥ तासु सुधासो पीकै बारी । पावत है अति तुष्टि सु-
ठारी ॥ दीपदिये जिन जनन सदाहीं । तहां तिमिरते देखत
नाहीं ॥ रहत प्रकाशित सूरज जैसे । दीपक रहत प्रकाशित
तैसे ॥ होत जौन फल कपिला दीन्हें । सुनहु तौन अब मन
थिर कीन्हें ॥ पुष्कर तीर्थ माहिं अति पावन । देत जौन क-
पिला यक चावन ॥ गोशतसवृष दिये ते जोफल । प्राप्तहोत
ताकोहैं सो फल ॥ द्विजहत्यासम पातकजेहें । यककपिला दीन्हें
नशतेहें ॥ ताते तीरथ पुष्करमाहीं । बिधिसह शुक्लपक्षके मा-
हीं ॥ श्रुतिविद द्विजको कपिला दीजै । तासुभूरि अति आदर
कीजै ॥ छत्रदेत है जो जन नीको । शुभ्र सलानो शशिके सीको ॥

सोपरलोक जात भगमाहीं । पावत आनँददायक छाहीं ॥ देत
 उपानह द्विजको जोहै । कंटकको दुख लहत न सोहै ॥ दोहा ॥
 कबहुं दीन्हें दानको नाशहोतहै नाहिं । कह्यो धर्मयह धर्मवर
 सहसुर पितरन पाहिं ॥ चित्रगुप्तको धर्मयह यमसों सुनिकै
 पर्मे । सुरसह पितरनको कहत सूरजभये सशर्म ॥ उक्छा ॥ जे
 जन श्रद्धावान । कै करिकै ये दान ॥ द्विजको देत सप्रीति । ते
 जन लहत न भीति ॥ भोष्मउवाच ॥ दोहा ॥ तदनन्तर देवतपितर
 औ तिमिहीं ऋषिसर्व । पूंछत भूतनको भये यहवर प्रज्ञ अ-
 खर्व ॥ जौन अपावन रहतहै मानव शुचिता टारि । कैसे तिन
 को हनतहौ कहौहमें निरधारि ॥ किहि उपायसों हनि सकत
 मनुजनको तुमनाहिं । पूंछोहै हम जौन तुम कहौ हमारे पाहिं ॥
 भूताजचुः ॥ होत अपावन मनुज है मैथुनकरि अरु बान्त । करत
 स्नाननहिं जे तिन्हें डरहम देत नितान्त ॥ जोजन तरुतर मूल
 में सोवत शिरहि लगाय । औ पांयत करिकै शिरहि करिशिर-
 हाने पांय ॥ औ जेजन अज्ञानते सदाहिं आमिषखात । औ
 शिरपै धरिकै कहूं आमिष जो लैजात ॥ जलमें औजे करतहैं
 मलमूत्रहि अज्ञान । परम अपावन मनुज हैं ये ते दुर्मतिवान् ॥
 ये सब हनिवें योग्य हैं यामें संशय नाहिं । याते इनको हनत
 नहिं दयाकरत हियमाहिं ॥ सोरठा ॥ अबतुम सुनहु उपायजाते
 हम बधिसकत नहिं । है अति आनँददाय मनुजनको निश्चय
 कहत ॥ चरणादोहा ॥ गोरोचन शिरमाहिं लगावत बचराखै कर
 माहिं । तासुनिकट हम आयकै ताहि बधिसकैं नाहिं ॥ घृतयुत
 अक्षत और लगावत भाल माहिं जनजौन । अरुजो आमिष
 खात कबहुंनहिं मानववर मतिभौन ॥ अरिल ॥ मारिसकत नहिं
 तिनहूँको हम । यहनिश्चय मनमें मानहु तुम ॥ अग्नि रहत
 निशि दिन जिनके घर । अरु सु व्याघ्र के दांत चर्मवर ॥ अरु
 भूधर के जलको कूरम । होयजासु गृह माहिं अनूपम ॥ तिनके

गृह माहीं हम जात न । केहू पावत तिनके तात न ॥ सोरठा ॥
 पीतवर्ण वा इयाम होय छाग जाके सदन । औ मार्जार ललाम
 होय तहूं हम जात नहिं ॥ दोहा ॥ तातेराखे गृहस्थी धाममाहिं
 ये सर्व । इनते बाधा सकत हैं देयन भूत अखर्व ॥ भीष्मउवाच ॥
 सोरठा ॥ सुनहु भूप बुधिऐन तदनन्तर लोकेश वर । कहतभये
 इमिवैन महत्प्रज्ञ सुरराजको ॥ हारिगीति ॥ अति भरे तेजस म-
 हत्वर बलवानदिग्गजसर्व हैं । सहशैलकानन समुद्र भूकोधरे
 भार अखर्व हैं ॥ तुमकहोरेणुक गजहिसादर इहांताहि बुलाय
 कै । तिनदिग्गजनको धर्मपूछै रसातलमें जायकै ॥ सुनिदेव
 सहदैवाधिपति गुणि विधाताके बैनको । गजरेणुकहि बुलवाय
 करिकै महत् बलकेऐनको ॥ इमिकह्यो तासों जायकरिकै रसा-
 तलके माहितू । वरधर्म आवहु पूंछिकरिकै दिग्गजनके पाहिं
 तू ॥ सुनिसुरसह सुररायके ये बैन रेणुक गजबली । भोजाय
 पासै दिग्गजनके पूंछतो विधिसों भली ॥ रेणुकउवाच ॥ तुमकहौ
 हमको कृपाकरिकै गुप्तजोवर धर्महै । हमतुम्हें पूंछत पायआ-
 ज्ञा सुराधिपकी पर्म है ॥ दिग्गजाजुः ॥ दोहा ॥ कृष्णपक्षकी अ-
 ष्टमी कार्तिकवारी जौन । अश्लेषा तामेंनखत होवेजब बुधि
 भौन ॥ श्लोकः ॥ बलदेवप्रभृतयो येनागाबलवत्तराः । अनन्ता
 ह्यक्षयानित्यम्भोगिनःसुमहाबलाः ॥ तेषांकुलान्वयायेच महा-
 भूताभुजंगमाः । तेमेबलिंप्रयच्छन्तु ब्रह्मतेजोभिवृद्धये ॥ यदा
 नारायणःश्रीमानुज्जहारवसुन्धरां । तद्वलन्तस्यदेवस्यधरामुद्ध-
 रतस्तथा ॥ जयकरी ॥ पढ़िकै यह वर मंत्रललाम । गुड़ ओदन
 की बलिअभिराम ॥ नीलबस्त्रसों ढापिसुढारु । अरु फूलनसों
 अतिही चारु ॥ रविके अस्त समयमेंपर्म । सर्वशोच तजिहोय
 सशर्म ॥ वरबल्मीक माहिं बलितौन । दीजैसुनहु मनीषाभौन ॥
 तिहि बलिसों सबनाग सुजान । पावतहैं वर तुष्टिमहान ॥ संग
 भुजंगनके अभिराम । हमहं लहत तुष्टिहैं माम ॥ सब धरणी

को भारमहान । ताते परतनहींहैं जान ॥ ब्राह्मण औक्षत्री मति-
मान । तिमिहि बैश्य अरु शूद्रसुजान ॥ इमिबलिदानकरे एक
वर्ष । पायमहतफल रहतसहर्ष ॥ सोरठा ॥ सुनि रेणुक यहधर्म
धर्मज्ञ सुदिग्गजनसों । ऋषिसुर पितर सशर्म तिन्हेंकहत भो
आयकै ॥ दोहा ॥ ऋषिसुर पितर सुधर्मसुनि लहि प्रसन्नता
माम । पूजतभे रेणुक गजहि सुनहु भूप बुधिधाम ॥ स्वामिकांति-
कउवाच ॥ रामगीती ॥ कहतहैं एकधर्म हमहूं सुनहु सोतुम सर्व ।
ताहिकीन्हें लहतहैं आनंद मनुज अखर्व ॥ नीलखण्ड सुवृष-
भके लहि शृङ्गते अभिराम । मृत्तिकाको लायतनमें तीनदिन
बुधिधाम ॥ करतजोहैं स्नानताके पाप छूटतभूरि । श्रेष्ठताको
लहत दोऊलोकमें मुदपूरि ॥ शूरता ताकीन कबहूं नष्टहोति
महान । औरऊ एकसुनो हमसों धर्मपरम सुठान ॥ पात्रगूलरि
काष्ठको बनवायकै अभिराम । समभु भरि पकानतामें प्रीतिसों
अतिमाम ॥ पूर्णमासी सुतिथिमें जब उदयहोय निशेश । दी-
जिये बलितौन तब अतिस्वच्छ मधुर अशेश ॥ अश्विनी सुत
साध्यमारुत भानुऔ सितभानु । रुद्र बिश्वेदेव अरु वसुलेत
सो बलिदानु ॥ कान्ता ॥ यहजो धर्म । है अतिपर्म ॥ करिकैया-
हि । हियमें चाहि ॥ आनंद उद्ध । लेत सुबुद्ध ॥ बिष्णुसवाच ॥ राम-
गीती ॥ वर ऋषिनके अरु देवतनके कहेजेते धर्महैं । नितपढ़त
जे अरु सुनतजे जन लहतते फलपर्महैं ॥ नहिंहोत कबहूंप्राप्त
तिनको बिघ्नकौनहुं आयकै । अरु होत कबहूं न प्राप्त साध्वस
रहत मुदसों आयकै ॥ सबपापमा नशि जातसुखमा होतिहैबर
देहमें । दुखनष्ट कै सबजात है सरसात बहुसुख गेहमें ॥ सुर
पितर तिनके दियेमुदसों हव्य कव्य सुलेतहैं । बरहोतहैं बल-
वान औ सतिमान बुद्धि निकेतहैं ॥ सुरपितर औ ऋषिपरम
तिनपै प्रीतिकरत सुउद्धहैं । श्रुति शास्त्रमें रतरहत औ रतधर्म
मार्हीशुद्धहैं ॥ भीष्मउवाच ॥ सोरठा ॥ यह सुधर्म अवदात कह्योमोहिं

मुनिव्यासवर । कह्यो तुम्हें हमतात परमप्रज्ञ धर्मज्ञतर ॥ अरिल ॥
जगमें जेजन श्रद्धावान न । करत सुधर्म कथा दिशिकान न ॥
गुरुद्रोही अरु जो मतिमान न । यथाशक्ति जे करत सुदान न ॥
तिनको कहियेधर्ममहान न । ये सुखदायक दुखतर भान न ॥
इनको कियेकहुं अपमान न । होतलसत रबिलों है आन न ॥
इति श्रीमहाभारतेशान्तिपर्वणिदानधर्मेएकादशाधिकशततमोऽध्यायः १११

युधिष्ठिर उवाच ॥ चरणादोहा ॥ विप्रदेहि किहिको भोजन अरु
किहिको क्षत्रियतात । वैश्यदेहि औ किहिको किहिको शूद्र
कहौ विख्यात ॥ भीष्म उवाच ॥ जयकरी ॥ ब्राह्मण क्षत्री वैश्य सधर्म
देहिंपरस्पर भोजनपर्म ॥ दीजै भोजनशूद्रहि नाहिं । औ लीजै
न सुन्यो बुधपाहिं ॥ अन्न शूद्रको जोजनखात । खाततौन
विष्ठा मनुतात ॥ देखि शूद्रके उत्तमकर्म । ब्राह्मण क्षत्री वैश्य
बिधर्म ॥ ताकेकरत सुभोजन जौन । पचतनरककेमाहीं तौन ॥
जौनकर्म अपनेको त्यागि । करै सुशूद्र कर्ममेंलागि ॥ तौन
सर्वहैं शूद्रसमान । संशय नहिंयामें मतिमान ॥ दोहा ॥ विप्र
पुरोहित जौन अरु करत चिकित्सा जौन । कोतवाल हैं जौन
अरु सुनहु तात बुधिभौन ॥ ज्योतिषही को पढ़तजे और
शास्त्र नहिं कोय । अनध्यायमें पढ़त जे विप्रधर्मको गोय ॥ ते
सब शूद्रसमान हैं यामें संशय नाहिं । निश्चय करिकै कहत हम
सुन्यो सुबुधजनपाहिं ॥ उक्ता ॥ जे द्विज शूद्रसमान । सुनहुतात
मतिमान ॥ तिनके गृहके माहिं । भोजन कीजै नाहिं ॥ जोजन
करत अजान । सो दुख लहत महान ॥ तिर्यग योनिहि पाय ।
निशिदिन रहत अचाय ॥ अन्न वैद्यकोजौन । हैपुरीषवततौन ॥
विरचत जौन अगार । तिनको अन्न उदार ॥ होत रुधिरसम
भूप । भणत सुप्रज्ञ अनूप ॥ चरणादोहा ॥ विद्यासों जे करत जी-
विका अन्न तिनहुं को जौन । शूद्रअन्नहीके समान है याते ब-
र्जिततौन ॥ दोहा ॥ जोजन चुगली करतहैं तिनको अन्नसुजान ।

लीन्हें द्विज हत्या लगति बरबुध भणत महान ॥ नगरीकीरक्षा
 करत जो द्विज सुनु मतिमान । अन्न लिये ताको श्वपचहोत
 महत अघमान ॥ गो द्विजको जो हनतहै मदिरा पीवतजौन ।
 औगुरुनारीमें रमैजोजन दुर्मति भौन ॥ भोजनतिनके अन्नको
 कीन्हेंते महिपाल । महतदक्षते कहतसो राक्षस होतबिशाल ॥
 अरिल ॥ धरोहरिहि जनजौन छपावत । ताको अयश जगतसब
 गावत ॥ लेत अन्न ताको है जोजन । भिल्लयोनि को पावत
 सो जन ॥ दोहा ॥ कुलटा तियको अन्न जो सोहै मूत्र समान ।
 याते कबहुन लीजिये भणतसुबुद्ध महान ॥ तोमर ॥ द्विज शस्त्र
 धारत जौन । सम शूद्रकेहै तौन ॥ सुनु अन्न तेहिते तास । न-
 हिं लीजिये बुधिरास ॥ सोरठा ॥ होय अनादरयत्र तहांनभोजन
 कीजिये । बरबुध भणत पवित्र औ बिन जाने मनुजके ॥ प्रश्न
 कियो तुम जौन ताको उत्तर हम दयो । सुनहु तात बुधिभौन
 अब आगेका पूछिहौ ॥

इतिमहाभारतदर्पणेशान्तिपर्वणिदानधर्मेद्वादशाधिकशततमोऽध्यायः ॥

युधिष्ठिरउवाच ॥ दोहा ॥ दान लिये भोजन किये होत कलुष है
 जौन । सोकिमि छूटत द्विजनको कहो तातबुधिभौन ॥ भीष्मउवाच ॥
 दान लिये भोजन किये होत कलुषहै जौन । सो छूटत जिहिकर्म
 सों सुनहु कहत हम तौन ॥ रामगीता ॥ अग्निको प्रज्वलित करि
 कै समिध सों अभिराम । करें होमहिं जपि सुगायत्री सुनो तुम
 बुधिधाम ॥ होतजोहै कलुष द्विजको लिये घृततिल दान । छूटि
 सोसब जातहै मतिमान कहतमहान ॥ दानलीन्हें मांसको अरु
 लवण घृतकोपर्म । होतजोहै कलुषद्विजको सुनहु तातसधर्म ॥
 लिये जबसों दान तबसों रवि उदय लौं तात । रहे ठाढ़ो होत
 पावन पाप सो नशिजात ॥ दान कञ्चनको लिये ते लहतजो
 अघ बिप्र । दानसो विख्यात कीन्हे जगत माहीं क्षिप्र ॥ औ
 सु गायत्री जपे सों छूटि सो अघ जाय । होत पावन बिप्र है

सुनु धर्मधर नरराय ॥ तिमिहिं नारी दान लीन्हें बसन दान
अनूप । औ लिये धन और पातक होत जोहै भूप ॥ जपेगायत्री
सु कीन्हें दानको विख्यात । नष्ट सो ह्वै जात पातक भएत बुध
अवदात ॥ लिये पायस दान औ बरअन्नदान सुजान । तैल
दानहिलियेते अरुलिये इक्षुकदान ॥ होतजोहै पापसो त्रयकाल
कीन्हेंस्नान । छूटिसो सब जातहै सुनु भूपवर मतिमान ॥ दोहा ॥
जावक जल फल दुग्धदधि अरु सुफूल अभिराम । लीन्हेंइन
को दान अघ होत बिप्रको माम ॥ सो अघ गायत्री जपे छूटि
जात है सर्व । यामें संशयहै नहीं बुधवर कहत अखर्व ॥ लिये
क्रियामें मृतककी बख्खउपानह दान । होत प्राप्त है बिप्रको पा-
तक जौनमहान ॥ करै तपस्या शतवरष वनमें जाय एकान्त ।
छूटत पातक तौन है सुनिये बर क्षितिकान्त ॥ चारठा ॥ लियेक्षे-
त्रमें दान होत दोष जो द्विजनको । सो छूटत मतिमान कीन्हे
ते उपवास त्रय ॥ बन्दीखाने माहिं मृतकप्रापति होत जो । सु-
निये बर नरनाह छूटत है त्रय व्रत किये ॥ दोहा ॥ कृष्णपक्षमें
श्राद्ध में करत सु भोजन जौन । अष्टप्रहरको ब्रूत किये छूटत
अघसोंतौन ॥ भोजन कीजै श्राद्धमें जिहिदिनमें मरनाह । संध्या
पूजाजपनहीं कीजै तिहिदिनमाह ॥ चरणादोहा ॥ द्वितिय बेर भोजन
कीजै नहिं कहत सुबुधअवदात । यही हेतु अपराहनमाहिं है
श्राद्ध करन को तात ॥ रामगीतो ॥ गेह माहीं मृतकके दिनतीसरे
में जौन । करत भोजन बिप्रहै सोसुनहु बरबुधिभौन ॥ करैद्वा-
दश दिवसलों नितस्नान तीनहुं काल । होतहै तब शुद्धभूपति
कहत विज्ञ विशाल ॥ होहिं जबगत दिवसद्वादश तब सुकरि
बहुस्नान । सहित आदर द्विजनको बुलवायकै मतिमान ॥
दियेभोजन तिन्हें छूटत सर्वअघसोंभूरि । महतलहि सन्मान
भू में रहत सुखसों पूरि ॥ मृतकके दशदिवसलों द्विजकरैभो-
जन जौन । पूर्व जो बिधि कही अघसों मुचत कीन्हे तौन ॥

३२०

शान्तिपर्वदानधर्मदर्पणः ।

शूद्रसँग यकपंक्तिमें द्विजकरै भोजन जौन । महत ताको होत पातक प्राप्त सुनु बुधिभौन ॥ तौनपातक छूटिबेकी है उपायन भूप । करै पै स्नानादि विधिको कहत प्रज्ञ अनूप ॥ वैश्यके सँग करै भोजन होत जो अघ तात । किये ते उपवास त्रयदिन छूटि सो अघजात ॥ क्षत्रियनसँग किये भोजन पंक्तिमाही एक । होत जो अघ प्राप्त द्विजको सुनहु नृपसबिवेक ॥ छूटि सो अघजात है सब किये स्नान सबस्त्र । कहत मतिबर सुनहु नरवर है न संशय अत्र ॥ आभीर ॥ पूछो हमको जौन । कह्यो तुम्हें हम तौन ॥ सुनहु भूप बुधिधाम । धर्मकार अभिराम ॥

इति श्रीशान्तिपर्वणिदानधर्मे त्रयोदशाधिकशततमोऽध्यायः ११३ ॥

युधिष्ठिर उवाच ॥ दोहा ॥ तपहू कीन्है ओदिये दानहु उत्तमतात । स्वर्गलोकको जात जन हवै अशोक अवदात ॥ तिन दोउनमें अतिहिजो श्रेष्ठ होय भूपाल । कहौ तौन मोको सुगुणि करिकै कृपा विशाल ॥ भीष्म उवाच ॥ सौरठा ॥ तपओ उत्तमदान है तो दोऊ समहि पै । वरमहान मतिमानकरत प्रशंसादानकी ॥ दोहा ॥ जे जे उत्तमदान करि गये स्वर्गमें परम । ते ते तुमको कहतहौं भूपति सुनहु सधर्म ॥ मल्लिका ॥ अत्रिपुत्र ब्रह्मज्ञान । देय शिष्य को सुजान ॥ स्वर्गलोक को गये सु । भूरि मोद सों रये सु ॥ तुंगा ॥ शिविवर नरराजा । परम धरमकाजा ॥ सुनि सुबचन नीके । शुचि द्विज सुमतीके ॥ सुत प्रिय हनिडार्यो । हिय न कछु बिचार्यो ॥ लहि सुस्वर्ग ताते । लसत द्युति महाले ॥ अमलकमल ॥ नृपति प्रतरदनजो । समुझि धरमवरसो ॥ द्विजहि नयन निज दै । अतुल कीर्ति शुचिलै ॥ छूटि अति सब दुख सों । महत परम सुख सों ॥ बसत अमरपुरमें । लसत अतिहि सुरमें ॥ भद्रक ॥ अम्बरीषमुदधायकै । बिप्र बिज्ञबुलवायकै ॥ राज्य दै तिनहि प्रेमसों । होय युक्त अति क्षेमसों ॥ आपु जाय करि स्वर्गमें । वासकीन्है सुर वर्गमें ॥ भुजंगप्रयात ॥ वृषादभि दै

विप्रको रत्न नीके । भरे द्रव्यसों धाम दै माम सीके ॥ गयो
मोदसों पागिकै स्वर्ग माहीं । लसै दूसरो इन्द्रसों इन्द्रपाहीं ॥
मालती ॥ ऋषि अगस्त्य को बोलि । परम प्रेम को खोलि ॥
सुघरि आपनी ताहि । सुवनि देतभो चाहि ॥ निमिसु भूप धी
धाम । स्वर्ग जायकै माम ॥ लहतभो सु आनन्द । सुनहु पा-
ण्डुकेनन्द ॥ नंदनी ॥ जामदग्नि सुरामजू । जीति भूयह मामजू ॥
देयकै द्विज वृन्दको । धारि मोद बिलंदको ॥ जाय उत्तम लोक
को । प्राप्त भोतजि शोकको ॥ जासु कीर्ति महानहै । लोकमा-
हिं कहानहै ॥ समानिका ॥ ब्रह्मदत्त भूपजो । दानदै महानसो ॥
प्राप्तपर्म धामको । होतभो ललामको ॥ चामर ॥ कक्षशेन भूमि
पाल स्वच्छदान देयकै । स्वर्गमाहिं प्राप्त भोमहान मोद लैय
कै ॥ जासु कीर्ति भूमि में रही अमन्द छायहै । देत है अनन्द
भूरि ताहि देवरायहै ॥ पद्मिनी ॥ सहस्राचित्त भूमिपालजो । सु-
जानिधर्म पर्मप्रज्ञसो ॥ सुविप्रकाज छोड़िप्रानको । अमन्द
कीर्तिलै महान को ॥ सुदेवलोक माहिं जायकै ॥ बरयो महान
मोदपायकै ॥ तोटक ॥ वर पौत्र महीप करन्धमको । बिलसै यश
जासु शशी समको ॥ तनया अपनी मुदसोंभरिकै । ऋषिअं-
गिरसै नृप दै करिकै ॥ तजि शोक महा सुरलोक लियो ।
तिहिको सुबखान न जात कियो ॥ परमा लखिकै तिहिकीसु-
महा । सुर के गण चक्रित होय रहा ॥ कांता ॥ हते भूप । परम
अनूप ॥ अरु भूपाल । और विशाल ॥ दैकैदान । सबिधि म-
हान ॥ निर्जेर लोक । आनन्द ओक ॥ पायोपर्म । सुनहु सधर्म ॥
इति श्रीशान्तिपर्वणिदानधर्मेचतुर्दशाधिकशततमोऽध्यायः ११४ ॥

शुद्धिष्ठिर उवाच ॥ दोहा ॥ युक्तधर्म अरु अर्थमों अरु सुखकार-
क पर्म । होयमहत आश्चर्य्य सुनि जाको तातसधर्म ॥ ऐसो
बर वृत्तांत अति सुनिबेकी महिपाल । भई हमारे हृदयमें इ-
च्छापरम विशाल ॥ नारायण आनन्दकर छन्द दूरिकर सर्व ।

बैठे हैं तब पास अरु भूपति और अखर्व ॥ कहिये तिनके
सामुहे पूछतहों मैं जौन । बक्ताआपु महानहौ सुनहु तात
बुधिभौन ॥ भूप युधिष्ठिरके बचन सुनिये भीषम दक्ष । कै
प्रसन्न तिनको कहत ऐसे भये प्रतक्ष ॥ भीष्मउवाच ॥ नाराय-
णको पूर्ववर जो हम सुन्यो प्रभाव । सो मैं तुमको कहतहों सुनु
सुप्रज्ञ नरराव ॥ गिरिजा को अरु मोदकर पशुपतिकोसंवाद ।
यहि प्रसंगमें कहतहों सो सुनुब्रोढ़िप्रमाद ॥ तपवर बारहवर्ष
को करतभये हरिभूप । पर्वत नारद लखनको आये तिन्हें अ-
नूप ॥ धवल काश्यप धौम्य अरु व्यास परमबुधिरास । और
सुऋषि शिष्यन सहित आवत भेसहुलास ॥ आसन हरित
बिछायकै कुशके चारु नवीन । बैठायेसब ऋषिनको हरिसादर
सु प्रवीन ॥ दर्शन करिकै कृष्णको नारदादि ऋषिसर्व । सुनहु
प्रज्ञ धर्मज्ञनृप आनंद भरे अखर्व ॥ कछू बेरमें सुरनकी अरु
भूपनकीपर्म । कथाकरत भे सर्व ऋषि हरिके संगसशर्म ॥ तद-
नन्तर नृप कृष्णके मुखते परमबिशाल । अतिहि महानप्रचंड
अति कढ़ो सुअग्निकराल ॥ हरिगीतो ॥ तरुलता जीवन सहित
शैलहि अग्निसो जारतभयो । सबकरतहाहाकार भो गणजीव
को दुख सो रयो ॥ तिहिके अनन्तर जारिशैलहि कृष्णपाहीं
आयकै । पद परशिसोहें भयो ठाढ़ो होत शिष्य सुभाय कै ॥
सुनु भूप हरितिहिके अनन्तर दग्धशैलहि देखिकै । करिदयो
जैसो रह्यो पूरव परमभासों भेखिकै ॥ सब मुनिन विस्मय कि-
यो अद्भुत यह सुचरित निहारिकै । हरिदेखि विस्मित तिन्हें
ऐसे कहत भे निरधारिकै ॥ तुम शास्त्रविद कै परममनमें महत
विस्मय क्यों गहौ । यह भयो है संदेह ममहिय सर्व तुमहमको
कहौ ॥ सुनि कृष्णजूके बैनये ऋषिवृन्द आनंदसों पगे । यहि
भांतिसोहें कृष्णकेसुनु भूपते कहिबेलगे ॥ ऋष्यजुः ॥ तुम
सृजतसब हौ लोकको करत अरु तुमहीं नाशहौ । जलतुमहिं

कर्षततुमाहिं वर्षततुमाहिं करतप्रकाशहौ ॥ हैचराचर भुवमाहिं
 तिनकेमातु औपितुपर्महौ । करिकृपाजनपर महतप्रभुपरतुमाहिं
 करतसशर्महौ ॥ तवबदनतेजो अग्निकस्योतासुहेतुकृपालजू
 हमको कहौ संदेह ताते मिटै परम विशालजू ॥ येबचनसुनिसब
 ऋषिन के हरिसदनवर आनन्दके । इमिभयेकहते बचनतिनको
 हरणजन दुखवृन्दके ॥ बासुदेवउवाच ॥ यहहै हमारे तेजपरम
 प्रचण्डजो मुखते कढ़ो । तिहि सौलताद्रुम दुण्ड जीवनसहित
 यह गिरिहौ दढ़ो ॥ ऋषिहुते गिरिके माहिं ते ते भये पीड़ित
 सर्व हे । अरु तुमहु सब ऋषिवर तपस्वी भये व्यथित अखर्व
 हे ॥ हमआपने सम सुवन लहिबेकी सुइच्छाकरि महा । इहि
 आय भूधर माहिं हम तपके सुमारगको गहा ॥ तिहि के अन-
 न्तर आत्मा मम अग्नि रूपहि धारिकै । गो बरद शिवके पास
 हौं जहँ महत मोद पसारिकै ॥ लखिशंभु मेरे तेजको यहिभां-
 ति सों कहतो भयो । मम परम आतम तेजसों तव पुत्र हवै है
 मुदरयो ॥ बरदान लैकै शंभुसों यह तेज मम सो आयकै । गहि
 शिष्यलों मम चरण गो मम देह माहिं समायकै ॥ मम बदन
 ते जो कढ़ो पावक तासु कारण जौनहै । तुम डरहु मति हियमा-
 हिं नेकहु कह्यो तुमको तौनहै ॥ तुम तपस्वी हौ परम अरुवर
 ज्ञान धारण किये हौ । गति तुम्हारी सर्वत्रहै अति धरे आनंद
 हियेहौ ॥ शेरठा ॥ भूमें वादिव माहिं सुन्यो होय आश्चर्य जो ।
 कहौ तौन ममपाहिं बुद्धिभवन तुमसर्वहौ ॥ बासुदेवके बैन
 सुनिकै ये वर सर्वऋषि । सुनहु तात बुधिऐन होत भये हर्षित
 परम ॥ दोहा ॥ पूजा करिकै कृष्णकी पढिकै स्तवन अनूप । अ-
 ति प्रसन्न करते भये सुनहु युधिष्ठिर भूप ॥ शेरठा ॥ तदनन्तर
 ऋषि सर्व परम प्रज्ञ धर्मज्ञ वर । कोबिद जानि अखर्व नारद
 को इमि कहत भे ॥ ऋषयजुः ॥ दोहा ॥ अचरज जैसो होतभो
 कृष्णमाहिं अभिराम । तै सोई भो हो परम गिरि हिमवत में

माम ॥ कहौ तौन आश्चर्य्य तुमहौ तुम बिज्ञ महान । सुनिकै
नारद ये बचन कहत भये मतिमान ॥ नारद उवाच ॥ रामगीती ॥ परम
उन्नतभूमिधर हिमवान बररमणीय । जासुपरमा देखि किहि
को मुदितहोत न हीय ॥ फूलफलसों युक्त औ युत औषधिन
सों चारु । करति तामें अप्सरा गन्धर्व वृन्द बिहारु ॥ यक्षकि-
न्नर रक्षतामें करत केते बास । ऋक्ष मुख अरु बाजि मुख हैं
किते करतबिलास ॥ व्याघ्र मुख हैं किते केते सिंह मुखतिहि
माहिं । किते जम्बुकवदन ताको छोड़िकहुं नहिं जाहिं ॥ शङ्ख
भेरि मृदङ्ग की धुनिरही जामेंपूरि । करत जामें बिहँगहैं रव भरे
आनँद भूरि ॥ फूल फलसों युक्त जामेंलसत वृक्ष महान । अमर
गुंजतफिरत जामेंभये अति मुदवान ॥ देवतागण बसत जामें
लसत भासों उच्च । किते विषधर यक्ष केते किते मुनिगण शुद्ध ॥
लोकपालहुफिरतबिहरतभरेभूरिअनन्द । मरुतऔबसुरहतअरु
बहु पिशाचनके वृन्द ॥ चारुऐसो अचलहै हिमवान तामेंपर्म ।
तपस्या बरभये करते गौरिनाथ सशर्म ॥ व्याघ्रचर्महि किये
धारण औधरे बहुव्याल । असुरगणको त्रासकर्ता भीमरूप
बिशाल ॥ देखितिनको महत ऋषिवर करतमे परणाम । नद्य
कैकै स्तवहि पढ़िकै भरेआनँद माम ॥ तत अनन्तर शैलकन्या
परम धन्याचारु । शम्भुसम व्रतधारिणी सँगलिये बहुसुरदारु ॥
औलिये बहुसंगमाहीं नदी पातक हर्षि । भरीनिर्मल नीरसों
वरपरम पावनकर्णि ॥ सर्व तीर्थनके सुजलसों भरोअतिअभि-
राम । कलशलीन्हें हेमको करमाहिं भामयमाम ॥ हियेहर्षति
सुमनवर्षति शम्भुजूकेपाहिं । भईआवति प्रेमधारणकिये हिय
केमाहिं ॥ तत अनन्तर हास्यकीजै शम्भुजूके नैन । भईमूंदति
शीघ्र गिरिजा महतआनँद ऐन ॥ भये मूंदति नयनतीजो न-
यन परमविशाल । भालमाहीं होतभो रविकेसमान कराल ॥
अलखकीसी अग्नि जाते कढ़ीज्वालाभूरि । सो जरावति भई

गिरि हिमिवतहिं चहुंदिशि पूरि ॥ दीप्तिपावक सदृश तिनको
 नैनऐसेसर्व । देखितिनको धारिकरिकै नम्रताहि अखबं॥जोरि
 कर ह्वै खरीसोहें भई करति प्रणाम । जरत लखि हिमवान
 गिरिको भयो दुख अति माम ॥ हुते जेते जीवगिरि हिमवान
 माहीं तौन । भये आवत शंभुजू के पासतुरकरि गौन ॥ ताअ-
 नन्तर तौन द्वादश भानुके सम ज्वाल । भई पर्शतिव्योम को
 अति भई चण्डविशाल ॥ क्षणहिं माहीं दग्धकीन्हों सर्व गिरि
 हिमवान । लतावृक्षन सहित पक्षिनके समूहमहान ॥ताहि गि-
 रिजादेखिकै पुनि जोरि दोऊ पानि । भई सोहें खरी करिकैस-
 जल नयन सु जानि ॥ देखि बिकला उमाको अति शूलपाणि
 दयाल । लखतभे हिमवान को करि कृपा परम विशाल ॥भयो
 तातेपूर्ववत् हिमवान गिरिअभिराम । फूलफल युत विपिनसह
 सह बिहंग वृन्द ललाम ॥ पूर्ववत् लखि गिरिहि गिरिजाअति
 प्रसन्न सुहोय । भईकहती बैनऐसे शंभुसो हेंजोय ॥ उमोवाच ॥
 सुनहुशंकर भयोहैंयक मोहिये सन्देह । दूरिकीजै तौनतुमकरि
 भूरि सहितसनेह ॥ भयोतव सुललाटमें किहिअर्थ तीजनैन ।
 औकियो किहिअर्थ गिरिकरि दग्धपरम अचैन॥कियोपुनिकिहि
 अर्थगिरिको पूर्ववत् अभिराम । लतावृक्षन सहितपक्षिन स्वच्छ
 परमाधाम॥ महेश्वरउवाच ॥बाल्यतेतें लयेलोचन गौरिमूँदिहमार ।
 ब्रयोताते लोकमाहीं तिमिर परम अपार ॥ सुनहु गिरिजाभई
 ताते प्रजा बिकला सर्व । नाशिवेको तिमिर तव हम तृतीय
 नयनअखबं ॥ करतभे उत्पन्न तेजस भरो अतिहीभूरि । महत
 तासु प्रकाशभूमें गयो चहुंघापूरि ॥ तव पिता हिमवान तिहि
 के तेजसों अतिचण्ड । दग्धहोतो भयो क्षणमें सहित खगतरु
 दुण्ड ॥ पूर्ववत् पुनिकियो गिरिहम तव खुशीके काज । मलिन
 लोको देखिकै हमभरे प्रीतिदराज ॥ उमोवाच ॥ चतुर्मुख तुमभये
 कैसे कहौहे ईशान । अरु सु चारिहु बदनमें तव तीनवर भा-

वान ॥ बदन दक्षिणओरको सो घोरहै किमिसर्व । औ कहौ किमि कण्ठमें तव प्रभानील अखर्व ॥ धरेरहत पिनाक करमें नित्यहौ किहिकाम । औ कहौ किहि अर्थहौ तुमजटा धारेमाम ॥ ब्रह्मचारी रहतहौ तुम सदाहीं किहिअर्थ । कहौ मोको कृपाकरिकै सुनहु शम्भु समर्थ ॥ भीष्मउवाच ॥ बैनसुनि गिरिसुताके ईशान ये अवदात । होतमे परसन्न अतिही सुनहु कुन्तीतात ॥ ता अनन्तर भये कहते गौरिको इमिवैन । कृपासागर उजागर वरशम्भु आनंदऐन ॥ भयेहैं जिहिहेतुसों हम चतुर्मुख हेवाम । औ भयो जिमि घोर मेरो बदन दक्षिण माम ॥ हेतु तोसों सर्व सो हम कहेंगे हे बाल । सुने तोसों प्रइन मो हिय भयो हर्षविशाल ॥ महेश्वरउवाच ॥ दोहा ॥ सब रत्ननको सारलै तिल भरि प्रिय अभिराम । बिरचीही लोकेश यक परमसुन्दरी बाम ॥ ताको नाम तिलोत्तमा धरतभये सुनु बार । भरीमहतवरगुणनसों सब अंगतासु सुठार ॥ सोमोमनहिं लुभावती करिकैभावप्रकास । भोतन लखि मुसकावती भई आवती पास ॥ जिहि जिहिओर फिरी सुवह मम समीप बरवाम । तिहि तिहि ओर भये बदन मेरे परम ललाम ॥ इहि कारणते मैं भयों चतुर्वदन हे बाम । यामें संशय है नहीं गिरि नन्दनि अभिराम ॥ पालत हौं सुरपति पदहि पूर्व बदन सों परम । उत्तरमुख सों रमत हौं तो संगमाहिं सशर्म ॥ पश्चिममुखसों देतहौं जीवनकोआनंद । दक्षिण मुखसों हनत हौं प्रजादेय कैदंद ॥ इहि कारण ते बदन त्रय मेरे हैं श्री मान । औ गिरि नंदनि घोरहै दक्षिण बदनमहान ॥ लोकन के हित अर्थमें धरेजटा हौं माम । सदाब्रह्मचारी रहतकहत सत्यहेवाम ॥ देवनकीरक्षा अर्थमेंहौं धरे पिनाक । होतवृन्द दानवन के जाको देखि सशांक ॥ पूर्ववज्र माख्यो रह्यो मोऊपर सुरपाल । तातेमेरेकण्ठ में भई नीलताबाल ॥ उमोवाच ॥ बाहन तजिकै और सब प्रभावान बलवान । क्यों बाहन अप-

नो कियो वृषभ कहहु मतिमान ॥ महेश्वर उवाच ॥ करत भये उ-
 त्पन्नवर सुरभीको लोकेश । तिहि सुरभीते और बहु सुरभी
 भई सुवेश ॥ चरणादोहा ॥ तिनकेबच्छनको उच्छिष्ट सुफेण आ-
 यकै वाम । परोहमारे ऊपर ताते क्रुध करिकै हम माम ॥ दोहा ॥
 दग्धकरी सुरभीनको तवसु प्रजापति आय । दूरि क्रोध मेरो
 कियो दैकै वृषभ सचाय ॥ बरवै ॥ वृषभ भयो तवसों बाहन
 चारु । कह्यो जौन हमजो तैं पूछो दारु ॥ उमोवाच ॥ तोमर ॥ दिव
 माहिं अति अभिराम । गुणमामके तवधाम ॥ तजितौन हे तुम
 सर्व । इमशानमाहिं अखर्व ॥ किहि अर्थ करत सुवास । कहिये
 सुआनंदरास ॥ इमशानहोतमलीन । तिहि माहिं नित्य नवीन ॥
 बहु जरतहैं शव आय । दुर्गन्धता बहुछाय ॥ सुनि गौरिके
 शिववैन । कहतेभये मुद ऐन ॥ महेश्वर उवाच ॥ उकटा ॥ देखत
 पावनथान । भूकेमाहिं महान ॥ फिरतभयो सर्वत्र । पै इमशान
 पवित्र ॥ समस्थाननहिंकोय । कहूंलखिपखोजोय ॥ इमशानै के
 माहिं । रहत सुभूत सदाहिं ॥ विन भूतन हम पर्म । केहुंनरहत
 सशर्म । यातेहम हेदार । बर इमशान सुठार ॥ तामें कीन्हों
 बास । कैकै सहितहुलास ॥ उमोवाच ॥ चरणालुलक ॥ शंकर जो मैं
 संशयकीन्हों । ताको आपु दूरिकरिदीन्हों ॥ चारिहु वर्णनके
 अवधमैं । मोकोकहौ कृपाकरि पर्में ॥ सुनिकै यह सुउमाकीबा-
 नी । बोलेशंकर आनंददानी ॥ महेश्वर उवाच ॥ ब्राह्मणहैं सु देव
 धरणी के । वेद शास्त्रविद शुचि बरधीके ॥ विधिसों उपवासन
 को कीवो ॥ अरु सुरपूजा में मन दीवो ॥ यह सुविप्रको नित्य
 धर्म है । याहि किये फल मिलत पर्में है ॥ दोहा ॥ धर्मकिया उप-
 नयन अरु ब्रत आचरण ललामें । इन सर्वनसों होतद्विज सुनु
 हे सुन्दरि वाम ॥ जौन धर्म सों युक्त द्विज तौन ब्रह्मपद लेत ।
 रहित धर्मसों जौन द्विज सोदुख लहत अचेत ॥ रामगीतो ॥ पढ़ै
 वेदहि कै अखेदहि नयतागहिभूरि । करै तीनहुं काल सन्ध्या

होय थिर मुद पूरि ॥ देव जो गुरुदेव आज्ञा करै तौन सप्रेम ।
 मांगि ल्यावै नित्य भिक्षा करैहोम सनेम ॥ ता अनन्तर पठन
 करि गुरु की सुआज्ञा पाय । ब्रह्मचारय ब्रूतहि तजिकैं सहित
 विधि सुखदाय ॥ ग्रहण नारीको करै गुण सों सुठारी लेखि ।
 सत्य बोलै नित्य आदर करै अतिथिहि देखि ॥ लेय अन्न न
 शूद्रको अरु लखै नहिं परदार । अग्निहोत्रहि करै विधिवत्
 विप्र बुद्धिअगार ॥ कबहुं हिंसाकोकरै नहिं दया धरि हियमाहिं ।
 भृत्य जनको देय भोजन करै क्रोधहि नाहिं ॥ देवताकी करि
 सुपूजा देय पुनि बलि पर्म । कह्यो हम द्विजगृहीको यह अल्प
 तोको धर्म ॥ दोहा ॥ क्षत्रियको जो धर्मवर सुखदायक अभि-
 राम । तौन धर्म अरु कहतहौं मन लगाय सुनुबाम ॥ भुजंगप्रयात ॥
 प्रजाको सुपालै गहे नीति नीकी । नहींहौं नदईति की भीनजी
 की ॥ सदाहीं प्रजा सों छठौं अंशलैकै । सुराखैसप्रेमै महामोद
 दैकै ॥ महीपाल धर्मात्मा जो विशालै । गहेनीति अअछी प्रजा
 को सुपालै ॥ भली होती है कीर्ति जाकी महीमें । नहींतो हिया
 भूठ बानी कही में ॥ षडैं वेद औ देय दानै महानै । करैअग्नि-
 होत्रै अघैनित्य भानै ॥ महीपाल सो धर्मसों युक्त हवैकै । रहै
 भूमि माहीं महा मोदगवैकै ॥ क्रियाको गहेही रहै धर्मचारी ।
 करै यज्ञको रीति सोहें सुठारी ॥ सदा भृत्यके वृन्द राखै सश-
 में । तजै भूठ बोलै सदा सत्य पर्म ॥ मही माहिं कोऊ करै दोष
 जैसो । करै राज की नीति सों दण्ड तैसो ॥ सुरक्षा करै दीनकी
 धारि दाय । गहै शरण तापै करै नित्य छाया ॥ गऊ विप्र काजै
 लरै युद्धमाहीं । करै जीव में नेकहू खोम नाहीं ॥ उक्खा ॥ यह
 क्षत्रिनको चारु । धर्म परम है दारु ॥ करत सुयाको जौन ।
 लहत मोद बहुतौन ॥ अश्वमेध ते लोक । जौन सुमिलत अ-
 शोक ॥ तौन लोक अभिराम । किये मिलत यह माम ॥ दोहा ॥
 द्विजको अरु क्षत्रीयको कह्यो धर्म हम चारु । अब तोको में

वैश्यको धर्म कहतहों दारु ॥ पशु पालै खेती करै पढ़ैवेद देदान । गहि सुमार्ग बाणिज्य को करै वैश्य मतिमान ॥ इन्द्रिनको निग्रह करै अतिथिहि भोजन देय । विप्रनको आये महत आदर करिकै लेय ॥ सबिधि अग्निहोत्रहि करै तैलहिवेचैनाहि । यह सुधर्म है वैश्यको कह्यो गौरि तव पाहि ॥ सेवा तीनहुं वर्ण की करै शूद्र हे वाम । जीतै इन्द्रिन को सदा बोलै सत्य ललाम ॥ अतिथिहु की सेवा करै आये तेगहि प्रेम । अरु देवनकी द्विजन की पूजा करै सनेम ॥ यह सुधर्म है शूद्रको कीन्हें ते यह पर्म । शूद्र लहत है महत फल नित्यहि रहत सशर्म ॥ धर्म सुचारिहु वर्णको तोको कह्यो बखानि । अब आगेका पूछिहौ गिरिनन्दनी सुजानि ॥ उमोवाच ॥ धर्म सुचारिहु वर्णको कह्यो मोहि अवदाता ॥ अब ऋषीनके धर्म को कहो आपु विख्यात ॥ महेश्वरउवाच ॥ धर्म ऋषिनको जौनहै कहत तौन हम सर्व । जाहि कियेसों महत ऋषि सिद्धिहि लहत अखर्व ॥ पय पीवनजब लगतहैं बछरा होय सशर्म । निकसत जिनके बदन ते फेण दुहूँदिशिपर्म ॥ तिन को जे ऋषि पियत हैं फेणपतिनको नाम । स्वर्ग माहिं ते प्राप्त कै लहत मोद को माम ॥ ब्रह्मा पूरवतप कियो फेणपीयकैपर्म । तिहि ते परम महत्त्व को प्रापतभयोसधर्म ॥ मतिवर ऋषिकेण पन को मिलत परमफल जौन । सुनु नन्दनि हिमवान कीकह्यो तोहिं हमतौन ॥ बालखिल्यगणको परमसुनु सुधर्मअवनारि । है अंगुष्ठके पर्व सम ते सब साठि हजारि ॥ करत भये पक्षीण की वृत्ति सर्वतेदक्ष । सूरज मण्डलमें रहत तिहि के फल सों स्वक्ष ॥ शुद्ध चित्तके और जे दया धर्म युत पर्म । फिरतरहत भुव माहिं हैं तपको करत सशर्म ॥ सो प्रलोकमें प्राप्त कै मति वरते ऋषि सर्व । भक्ष्य सु आसु सुधांशु की मोदित रहत अखर्व ॥ जे ऋषि भोज्य पदार्थ को राखत हैं नहिं शेष । औप्रस्थरसों कूटि जे भोजन करत सुवेश ॥ औचर्बणहीं करि रहत

जे ऋषि महत सुजान । सुनु गिरिजे तिनको मिलत जो फल
परम महान ॥ सोमप औ सुर ऊषमप तिनके निकटै जाय । स-
मभाको लहि रहत हैं नारिन सहित सचाय ॥ हस्मिती ॥ गिरि-
नंदनी सुनु औरऊ वर ऋषिनको जो धर्महैं । अति दुखहिना-
शक मुद प्रकाशक कहत तोको तौनहैं ॥ बशमाहिं करि इन्द्रि-
यनको सब काम कोधहि जीतिकै । लखि ज्ञान लोचन सों सु-
मार्गहि चलै तामहिं नीतिकै ॥ नित पितर औ देवतनकी विधि
प्रीति सह पूजाकरै । अरु अग्निहोत्रहिकरै अतिथिहि देयभो-
जन सादरै ॥ चुनि विहंगलों नित अन्न ल्यावै विपिन माहीं
जायकै । अरु करै अल्पाहिशयन आसन भूमि माहिं बिछायकै ॥
फलमूल कबहुंखाय कबहुं शाकपर्ण शिवारको । कबहुं सु वायुहि
करै भक्षण करै कबहुं बारिको ॥ नहिं करै गोरसमाहिं प्रीतिहि और
भोग्य जितेकहैं । नहिं करै तिनको ग्रहण कबहुं धारिचारु विवेक
हैं ॥ शुचिधर्म येते ऋषिन के अभिराम उत्तमपर्महैं । इनको कि-
येते चारु गातिको पाय रहत सशर्म हैं ॥

इतिचतुर्वर्णधर्मयुतऋषिकर्मवर्णनोनामपंचदशधिकशततमोऽध्यायः ॥

उमोवाच ॥ दोहा ॥ बान प्रस्थको धर्म जो कहहु मोहिं अब
तौन । हरसों इमि कहती भई गिरिजा सुनु बुधिभौन ॥ अभीष्टा ॥
गिरिजा के ये बैन । सुनिकै शिव मुद ऐन । बानप्रस्थको पर्म ।
कहते भये सुधर्म ॥ महेश्वर उवाच ॥ जयकरी ॥ बानप्रस्थको सुधर्म
जौन । गिरिजे तोहिं कहत हमतौन ॥ सुनुतूताहि सुचित्तलमाया
चञ्चलता को सर्वविहाय ॥ दोहा ॥ करै त्रिकाल स्नाननितगहि
करिकै वरनेम । पितरनको अरु सुरनको पूजन करै सप्रेम ॥ करै
अग्निहोत्रहिसदा आलसताको त्यागि । बसै महा आश्रयमें
निर्भयतासैं पागि ॥ सावां आदिक अन्न जे बिन बोये हेदार । तिनको
ल्यावै बीतिकै भोजनकाज सुठारा ॥ औ ल्यावै फल मूल वर वनमें ते
अभिराम ॥ दीपकको ऐरण्डको राखै तैल तल्लाम ॥ बरुं लचीर

सुवृक्षको औ मृगचर्मललाम । धारै औ इन्द्रियनको राखै वशमें
 वाम ॥ वर्षा में जलको लहै अपने ऊपर दार । शीतमाहि जल
 में रहै ठाढ़ा सुमति अगर ॥ वायुभक्ष्य कबहुं रहै कबहुं भक्ष्य
 सुनीर । कबहुं भक्ष्य शिवारको रहै धारिकै धीर ॥ ग्रीष्ममें पं-
 चाग्नि सों तापै करि थिर चित्त । वनके सब प्राणीनको जानै
 अपने हित ॥ देवयज्ञ पितृज्ञ अरु भूत यज्ञ अभिराम । ब्रह्मय-
 ज्ञ अरु पञ्चम सुमनुज यज्ञ है वाम ॥ अग्निहोत्र सुरयज्ञ है
 श्राद्ध परम पितृज्ञ । ब्रह्मयज्ञ स्वाध्याय में पठन कहत हैं प्रज्ञा ॥
 दीवो जो मानवनको मनुजयज्ञ है तौन । भूत निमित्तकसो सु-
 बलिभूत यज्ञ है जौन ॥ करै सुपांचै यज्ञ ये श्रद्धा सहित महाना
 रहै शरणमें अग्नि की नित्यहि वर मतिमान ॥ करै नित्य एक
 होम अरु पूरणिमा में तीन । वानप्रस्थ करि चित्तको थिरतामाहिं
 प्रवीन ॥ ब्रह्मलोक अरु सोमको लोक चारुं तिहि माहिं । किये
 धर्म यह जात जन यामें संशय नाहिं ॥ वानप्रस्थको धर्म हम
 तोको कह्यो बखानि । अब आगे का पूछि हौ भूधर सुता सुजा-
 नि ॥ शंकर के ये वचन सुनि आनंद भरे ललाम । फिरि गिरि-
 जा करती भई प्रश्न भरी मुद माम ॥ उमोवाच ॥ दोहा ॥ दीप्ति-
 मान जन होय कै लहत लोक अवदात । किहि विधि सों अब
 मोहि यह कहो आपु बिरूपात ॥ सोरठा ॥ सुनि गिरिजाके बैन
 कहत भये ऐसे वचन । शङ्कर आनंद ऐन प्रश्न कियो नीको
 परम ॥ महादेव उवाच ॥ जे जन हैं ब्रूत वान अरु जे इन्द्रिबश करता
 बोलत सत्य सुजान हिंसा कबहुं न करत हैं ॥ करत सबिधि
 उपवास दीप्तिमान वरहोयकै । ते जन लहत हुलास गन्धर्वनके
 संगमें ॥ शीत समयके माहिं जे जन जलमें रहत हैं । ते नागन
 के पाहिं दीप्तिमान हवै मुदलहत ॥ मृगके संगमें घास खाय र-
 हत जो बिपिनमें । दीप्तिमान हवै वास अमरपुरी में करत हैं ॥
 गिरे पात शैवाल बसि वन में जे खात हैं । अरु हिम माहिं विशाल

जो जलमाहिं बसत निशि ॥ दीप्तिमानहवै परम उत्तम गतिको
 पायते । रहत सदाहिं सशर्म यामें संशयहै नहीं ॥ वायुहि भ-
 क्षत जौन अरु जेभक्षत नीरको । करिसु बिपिन में भौन जेज-
 न भक्षत मूलफल ॥ दीप्तिमानते होय यक्षणमें ऐश्वर्य्य लहि ।
 रहतमोदसौं भोय अप्सरानके गणनसह ॥ जेजन द्वादश वर्ष
 पंचअग्निनों तपत हैं । ग्रीष्म माहिं सहर्ष होत तौन द्युतिमा-
 ननृप ॥ गहिसुनेमआहार करतजौन द्वादशवरष । पर्वत मेरु
 सुदारतामें बसिकै प्रज्ञवर ॥ परभावान महान नीतिमान धर्म-
 ज्ञ अरु । भूपतिहोत सुजान यामें संशयहैनहीं ॥ अनशनव्रत
 में जौन वरबुध तजत शरीरको । दीप्तिमानहवैतौन स्वर्गमाहिं
 सुख लहतहैं ॥ जोजनवारहवर्ष धरतीमें आकाशतर । सोवत
 होत सहर्ष सुनुनन्दनि गिरिराजकी ॥ ताकोवाहन चारुमिलत
 औसु शय्या मिलति । अरुवर मिलत अगारु शुभ्र प्रभामय
 चन्द्रसों ॥ द्वादशवर्ष सुजान जौन तपस्याकरतहै । छोड़ि सि-
 न्धुमें प्राण वरुणलोकको लहतसो ॥ वारहवर्ष सुजान करत
 तपाहिजन जौनवर । पुनिदृढताहि महानधरिकै पावकमेंजरत ॥
 चारुदीप्ति सोपाय परमप्रज्ञ धर्मज्ञ शुचि । अग्निलोकमें जाय
 पूज्यमान हवैकै रहत ॥ अनशन व्रतकेमाहिं तजतदेहजो वीर
 लों । जाय इन्द्रके पाहिं कांतिमान हवैकै रहत ॥ निरत सत्व-
 गुण माहिंजो सदाहिरहि तजततन । तौनहुं सुरपति पाहिंदी-
 प्तिमान हवैकै रहत ॥ लहिविमान अभिराम इच्छापूर्वक फिर-
 तहै । पावत है मुदमाम जहँजहँ जात तहांतहां ॥

इतिदानधर्मेगौरीशसंवादेसफलतपाविधानंषोडशाधिकशततमोऽध्यायः ॥

उमोवाच ॥ सीरठा ॥ हैएक और संदेह श्रीगङ्गाधर त्रिपुरहर ।

महत मोदके गेह करहु तौनहू दूरितुम ॥ पूर्वविधातापरमचारि
 वरण उत्पन्नकिय । शंकर सुनहु सशर्म दक्षयज्ञ हरप्रज्ञ वर ॥
 तिन वर्णनकेमाहिं कौनकर्मसों वैश्यजो । कहहु हमारे पाहिं

प्राप्तहोतशूद्रत्वको ॥ अरुक्षत्रियसौलित बैश्यताहिकिहिकर्मसों।
 अरुकिमि मोद निकेत क्षत्रियताको द्विजलहत ॥ किये कर्मको
 कौन शूद्रयोनि में होतद्विज । कहियेआनंद ऐन क्षत्रियहू अ-
 रुबैश्यहू ॥ अरुजेतीनहु वर्ण विप्रताहि किमिलहतते । श्रीशि-
 वसंशय हर्ण करहु दूरि संदेह यह ॥ श्रीमहेश्वरउवाच ॥ प्रश्नकि-
 योयह स्वच्छ तैं सुनु हे गिरिनंदनी । याकोहेतु प्रतच्छ अद्य-
 हितोको कहतहों ॥ जोद्विज तजि निजधर्म क्षत्रियके कर्महि क-
 रत । द्विजताते सो पर्म छूटि सुक्षत्रिय होतहै ॥ त्यागि स्वध-
 र्महि जौन बैश्यकर्मको करतहै । हेसुनु क्षत्रिय तौन बैश्यवर्णको
 लहतहै ॥ शूद्र कर्मके माहिंबैश्यरहत सोजौनहै । यामें संशय
 नाहिं शूद्र होतहै बैश्यसो ॥ दोहा ॥ ब्राह्मण क्षत्रिय बैश्यअरु
 कियेशूद्रके काम । निश्चय शूद्रहि होतहैं है नहिं संशयबाम ॥
 रामगीती ॥ सुनहु गिरिजे अन्न निंदित क्रूरजन को पर्म । शूद्रको
 है अन्न निंदित अतिहि नाशकधर्म ॥ श्राद्धमाहीं निमंत्रितहै
 विप्र गिरिजे जौन । तौन भोजन करिचुकैं जब बचोजोहै तौ-
 न ॥ परमनिंदितअन्नहै इहिमाहिंसंशयनाहिं । कहेंहैं येपिता-
 महकेवचन तेरे पाहिं ॥ चरणदोहा ॥ होयउदरमें अन्न शूद्रको
 मृत्युसमयकेमाहिं । शूद्रयोनिमें जन्महोय तो द्विजको संशय
 नाहिं ॥ दोहा ॥ अन्नसुजिहिजिहि जातिको मरे खाय द्विजजौ-
 न । निश्चय तिहितिहि जातिमें जन्म लहतहै तौन ॥ मारठा ॥
 दुर्लभ द्विजतापाय भक्षतजौन अभक्षको । निजु द्विजताछुटि
 जाय तौनविप्रअज्ञान सों ॥ हरिगीती ॥ द्विजसुरापीवत जौनअ-
 रुजे नीचकर्महिं करतहैं । अरु जेनहीं उपकार मानत क्रूरता
 हियधरतहैं ॥ रतरहत चोरी माहिं जे अरु विप्रको जे हनतहैं।
 अरु तौनहैं द्विजपरमगर्बी औरको नहिंगनत हैं ॥ अरु पढ़त
 जेनहिं वेदको नित कपट में रतरहतहैं । अरु जौन देखतशुद्ध
 राखतधूर्तताहितमहतहैं ॥ व्रतकरतकौनहुंनाहिंजे अरुर्मैंशूद्री

माहिहैं । गुरु नारिमैंजे रमत हैं अघको बिचारतनाहिहैं ॥ जिहि
 पात्रमाहि बनायभोजन तौनहींमेंखातहैं । अरुनीचकीजेकरत
 सेवापाप करिसरसातहैं ॥ व्रतकोनपूरणकरत देत सुबीचहीमें
 त्यागिहैं । नितकरतनिन्दागुरुकी गुरुद्रोहमाहींपागिहैं ॥ सोरठा ॥
 ऐसेद्विजजेबालवेदवानहूंहोहिंजो । सुखदापरमविशालद्विजताते
 गिरिजातहैं ॥ दोहा ॥ जौनहेतुसोंलहतहैं शूद्रवैश्यताचारु । अरु
 क्षत्रियतालहतहैं वैश्यसुबुद्धिअगारु ॥ पावतहैंवरविप्रता क्षत्रि-
 यवरबुधिभौन । सुनुगिरिनन्दनि कहतअब तोकोकारणतौन ॥
 पावनि ॥ सुबुद्धिमान शूद्रआपने । करैसुकर्म मोदथापने ॥ टहेल
 माहिबिप्रकीरहै । कबौ न उग्रबैनकोकहै ॥ सुमार्गमाहि नित्यही
 चलै । कहै सुसत्य ना करैछलै ॥ करै सुनेमबांधि भोजनै । क-
 बौ न काहु जीवको हनै ॥ जबै होय तिय रजस्वला । करै तबै
 सुकामकी कला ॥ दोहा ॥ देवनको अरु द्विजनको करैसदा स-
 त्कार । भोजन देयसुअतिथिको आदर करिसुअपार ॥ सोरठा ॥
 बैठै बुधजन पाहिं चारु वार्त्ता सुनन को । भोजनकरै सदाहिं
 बचोहोय जो द्विजनसों ॥ ऐसोवर बुधिधाम शूद्र लहतहैं वैश्य
 ता । है नहिं संशयब्राम हे नन्दनि हिमवानकी ॥ दोहा ॥ वैश्य
 लहत जिहि हेतुसों क्षत्रियता अभिराम । तौन हेतु मैं कहत
 हों गौरि तोहि अबआम ॥ महती ॥ नित सत्यबैनहिं कहै । क-
 बहूँन गर्वहि गहै ॥ अरु क्रोधको नहिकरै । हियमाहिं शांतिहि
 धरै ॥ तोटक ॥ विधिसों अरु श्राद्ध सदाहिं करै । अरु दै धन
 दीनहिं मोदभरै ॥ बलिदेय सुभूतन को नितही । अरु होमक-
 रैरतिसों अतिही ॥ शुचिद्वै करिकै नित वेद पढ़ै । सुगहै सब
 इन्द्रिन को सुदृढ़ै ॥ द्वैकालकरै नित भोजनको । नहिं फेरिकरै
 गहिकै पणको ॥ दोहा ॥ प्रथम अतिथिको देयकै सादर भोजन
 चारु । फेरिआपु भोजनकरै सर्वसाहित परिवारु ॥ सोरठा ॥ की-
 न्है ऐसे कर्म क्षत्रियता को लहत है । मतिबर वैश्य सधर्मया-

में संशय है नहीं ॥ रामगीती ॥ जाति कर्मादिक सुजाके समस्कार
सुसर्व । होहि जो द्विज होत क्षत्रिय धर्म सहित अखर्व ॥ पा-
लिकरिकै प्रजाको सब पुत्र जो अभिराम । लेय छठवों अंश
तासों सत्यबोलै माम ॥ होहि जामें दक्षिणाबहु करै एसोयज्ञ ।
पढ़ै वेदहि अग्निहोत्रहि करै बर धर्मज्ञ ॥ लखै जैसो दोषतैसो
दण्डदेय सधर्म । प्रजामाहीं देय शासन धर्म कीबे परम ॥ प्रीति
करिकै दीनजनकी करै नित्य सहाय । रमै अपनी दारमाहीं
समय लहि सुखदाय ॥ लखै नहिं परनारि कबहुं जानि पाप
विशाल । अग्निहोत्र सु होय जौने गेहमें सुनुवाल ॥ शयन
तौने गेह माहीं करै शुचि कै परम । देय भोजन अतिथिको बर
प्रेम सहित सधर्म ॥ अतिथि शूद्रहु होय तौ दीजै सुभोजन
ताहि । करै विधिवत श्राद्धराखै दुष्टभावहि नाहि ॥ होय पावन
परम विधिवत् करै बरउपवास । गुरु ब्राह्मण काजरणमें लरै
सहित हुलास ॥ ज्ञानमान महानवर धर्मात्मा अभिराम । वि-
प्रताको लहत एसो तौन क्षत्रियवाम ॥ धर्ममाहीं रहै रततौशू-
द्रहु द्विज होय । विप्रहु जो करै अधरम धर्म अपनो गोय ॥
शूद्रताको लहै तौ यहिमाहिं संशयनाहिं । रहै ताते नित्यतत्पर
धर्म अपने माहिं ॥ हेतु द्विजताको सुधर्महिं जानु निश्चयवा-
म । बचन ब्रह्माके कहे हम कहे ताको आम ॥ दोहा ॥ द्विजता
जौने हेतु सों पावत शूद्र सधर्म । औ द्विजजौनेहेतुसों लहत
शूद्रता परम ॥ सोरठा ॥ ते सबकह्यो बखानि तोको हम गिरिन-
न्दनी । अवहियमाहिं सुजानि इच्छाका है सुननकी ॥ गिरिजा
सुनि ये बैन कहत भई इमि शम्भुसों । पशुपति आनँद ऐन
यक संशय औरउकहौ ॥ जयकरी ॥ पापकर्म बन्धनमें जौन । सु-
नहु बँधे हैं मानवतौन ॥ किहि विधि कर्म कियेसों कौन । छुटि
करत हैं दिवको गौन ॥ महादेवउवाच ॥ यह जो प्रश्न कियो तै
वाम । मनुजन को सुखकर अभिराम ॥ हमसों सुनो कहत हम

आम । करिहैं प्रिय यहिको बुधिधाम ॥ जे रतरहत सत्यकेमा-
 हिं । रहैं सदा प्रज्ञनके पाहिं ॥ ते नहिं अघबन्धनके माहिं ।
 बँधे रहत हैं मुदित सदाहिं ॥ देहा ॥ हिंसामनबच कर्मसों करत
 नहीं जनजौन । अघबन्धनसों छूटिकै करत स्वर्गको गौन ॥
 इन्द्रिनको जे विषयमें लगनदेत हैं नाहिं । शत्रुता न अरुमि-
 त्रता राखत काहूमाहिं ॥ दया धरै शीलहि धरै अरु जे जन
 अभिराम । अघबन्धनसों छूटि ते लहत स्वर्गमेंधाम ॥ हरिगीती ॥
 धन औरकेमें जौनजन कबहूँन लोभहि करत हैं । अरु रमण
 की परनारिमें कबहूँ न इच्छा धरत हैं ॥ बरआपनीही दारमाहीं
 रहतजे जन निरत हैं । अरुधर्म ते भो अन्न जोहै प्राप्तताको
 चरतहैं ॥ खोरठा ॥ ऐसे हैं जनजौन तौनछूटि अघफांसिसों जाय
 स्वर्ग में भौन लहतमहत परमाधरे ॥ अरिल ॥ कबहूँ भूठनबोलत
 जेजन । पापफांसिसों छूटिकै तेजन ॥ जाय स्वर्ग में आनँद
 पावत । भरे परम परभासो भावत ॥ जो कबहूँ कोऊ आवैघर ।
 ताहि कहत मीठीबाणी बर ॥ औ जे कहैं कठोरहि बैन न । करैं
 कुटिल काहू दिशि नैन न ॥ ते कुकर्म फांसीसों छूटिकरि । स्वर्ग
 लोकको जातसुमुदधरि ॥ मञ्जुगीती ॥ चुगलीहिजौन करैनहीं ।
 हिय दुष्टताहि धरै नहीं ॥ जन औरको निदरै नहीं । हिय क्रोध
 ताहि भरैनहीं ॥ आभोर ॥ ऐसे हैं जन जौन । अघफांसी सों तौन ॥
 छूटि स्वर्गको गौन । करत होय मुदभौन ॥ तोटक ॥ अरु जौन
 बिरुद्धहि नाहिं करै । शठकी कहनूतिहि ना अचरै ॥ दुख होय
 महा सुनिकै जिहिको । हियमें नहिं बैनकहै तिहिको ॥ कान्ता ॥
 ऐसे जौन । जन बुधिभौन ॥ स्वर्गहि जाय । रहत सचाय ॥ खोरठा ॥
 अरु अरन्यहू माहिं द्रव्य परायो देखिकै । जेजन मनमें नाहिं
 लीबे की इच्छा करत ॥ तेजन आनँद पाय अघ बंधनसों छूटि
 कै । स्वर्ग लोकमें जाय ओक लहत परमामयो ॥ चरणकुलक ॥
 कामवती अति परमसुदारी । ऐसीजो पर नरकी नारी ॥ ताहि

देखि एकान्तै माहीं । जे मानव मनहू से नाहीं ॥ तामेंरमै तौन
 जन ज्ञानी । अघफांसीसों छूटि महानी ॥ जाय स्वर्गमें मुदसों
 भारे । पावतहै बरसदन सुढारे ॥ जे काहूसों बैरनराखें । औ
 करि मित्रता न अभिलाखें ॥ सुपथ कुपथको जौन बिचारै ।
 जीवनको करिदया निहारै ॥ दोहा ॥ अघ फांसीसों छूटिते जाय
 स्वर्गके माहिं । महत लहत आनंदको यामें संशयनाहिं ॥ जय-
 करी ॥ शास्त्रमाहिं रतजौन मुजान । अरुजे श्रद्धावान महान ॥
 धर्म अधर्महि जानत जौन । युक्त दान गुणसों बुधिभौन ॥ अरु
 जे पूजत सुरहि सनेम । मानै श्रुतिवत द्विजहि सप्रेम ॥ ते जन
 अघफांसी सों भूरि । छूटि महत आनंदसों पूरि ॥ जाय स्वर्गमें
 पावत धाम । है नहिं यामें संशय बाम ॥ तामें ॥ हमको सु पूछ्यो
 जौन । सब कह्यो तोकोतौन ॥ अब पूछिहै जो मोहिं । हमकहें-
 गे सो तोहिं ॥ उमोवाच ॥ दोहा ॥ रूपवान जन होतहैं कौन हेतुसों
 परम । मोहिं कहौं करिकैकृपा अबबह आपु सशर्म ॥ मोतीदाम ॥
 दया सबजीवनकी हियमाहिं । करै जन जो बुधिभौन सदाहिं ॥
 लहैं बर रूप महा अभिराम । परैं नहिं नारक में बुधिधाम ॥
 मधुभार ॥ पूछ्यो सु जौन । हमको सु तौन ॥ सब तोहिं बाम । हम
 कह्यो आम ॥ उमोवाच ॥ दोहा ॥ कौन कर्म कीन्हें मनुज जात
 स्वर्गकेमाहिं । शंकर अवयह करि कृपा कहो आपु ममपाहिं ॥
 महेश्वरउवाच ॥ हरिगीती ॥ बर कूप बापी धर्मशालाको बनावत
 जौन हैं । अरु बसन भोजन देत दीनहि जौनवर बुधिभौनहैं ॥
 बर द्विजनको सन्मान करिकै परम मोदित करतहैं । अरु देय-
 कै गोभूमि दानहि मोदहियमें धरतहैं ॥ भरि रत्नसों अरु और
 धनसों धामअति अभिरामको । जन देत जेहैं प्रीतिसों द्विज
 वेद विद बुधिधामको ॥ अरुजौनवाहन देतहैं अरुचारुआसन
 देतहैं । अरु देत दास दान जे कै मुदित बुद्धि निकेतहैं ॥ सब
 अन्नको अरु देतजे हैं परम चारु बनाय कै । जन सर्व ये ते

स्वर्गमाहीं लहत आनंद जायकै ॥ बसि स्वर्ग में बहुकाल लौ
रमि अप्सरनके संगमें । अरु चारु नन्दन विपिन माहीं रहत
मोद उतंगमें ॥ जबहोत च्युतहैं स्वर्ग ते तब भूमिमाहीं आय
कै । लहिजन्म धनयुत वंशमाहीं रहत आनंद पायकै ॥ सब
होत युक्तसुगुणनसों सब होति इच्छा सिद्धिहै । कबहुंन आवत
दरिद्र गृहमें भरी रहति सुनिद्धि है ॥ अरुजौन जनलखि अ-
तिथिको अरु भिक्षुकन के वृन्दको । धनवानकैकै देत कछुनहिं
धरे कुमति बिलन्दको ॥ द्विज जौन मांगत आयतिनको कहत
बैन कठोर हैं । पुनि बैठिदैकै पीठि तिनकी तकत नाहीं ओर
हैं ॥ नहिं कबहुं कौनहु दानको सबजन्म माहीं देतहैं । जन न-
रकमाहीं जाय ते अति महत दुखको लेतहैं ॥ कढ़ि नरकते बहु
कालमें जो कबहुं मानुषता लहैं । तोजन्मलहि धनहीन कुलमें
नित्य पीड़ितही रहैं ॥ अरु जौन अति अभिमानसोंयुत मनुज
जगके माहिहैं । जनजौन आदरयोग्य तिनको करत आदर
नाहिहैं ॥ महिपालको अरु अन्धको अरु बिप्रबुद्धि अगारको ।
अरु गर्भवतिका नारिको अरुवृद्ध जनहिं सभारको ॥ नहिंदेत
मारग अल्पबुद्धी महत अति मदसों भरे । अरु देखि आवत
गुरुको नहिं होत हर्षित हवैखरे ॥ अरुऔरऊ सन्मान कीबे
योग्यमानव जौन हैं । नहिं करत जे सन्मान तिनको परम दु-
र्मति भौनहैं ॥ सबजातते जन नरकमें यहि माहिं संशय नाहिं
है । हम सुन्यो यह वृत्तान्तपूरब लोकपति के पाहिं है ॥ दोहा ॥
कढ़ै कबहुं जो नरकते तो कुत्सित कुलमाहिं । जन्म पायकै ल-
हत दुख अरुअघ करत सदाहिं ॥ चरणाकुलक ॥ अरुजे जन हैं
नहिं अभिमानी । धरे दया हियमाहिं महानी ॥ पूजतसुर अरु
द्विजहि सदाहीं । कहत मधुर बाणी सबपाहीं ॥ कबहुं द्वेषन मन
सों आनै । सब जीवनको अति प्रिय जानै ॥ जौन मनुष्य नि-
कट में आवै । ताको अति प्रिय बचन सुनावै ॥ गुरु आवै जब

मोदित ह्वैकै । सादरुलेय प्रीति सों ग्वैकै ॥ अतिथि जौन आवै
 गृह माहीं । करत अनादर ताको नाहीं ॥ ऐसे बुद्धिमान जन
 जेहैं । प्रापतहोत स्वर्ग में तेहैं ॥ स्वर्ग माहिं रहिकै बहु कालै ।
 पावत हैं आनन्द विशालै ॥ दोहा ॥ तदनन्तर जब मनुजता पा-
 वत भूके माहिं । उत्तमकुलमें जन्मलहि मोदित रहत सदाहिं ॥
 प्राप्तहोत सब भोग हैं तिनको अरु बहुरत्न । सब प्राणिनको
 होत प्रिय बिना कियेहु यत्न ॥ धर्महि माहीं रहत रत शर्म स-
 हित अभिराम । परम प्रज्ञताको लहतजात भर्म मिटि माम ॥
 मुग्धाबिलास ॥ अरु जौन क्रूर महान । अधभौन दुर्मति मान ॥ नित
 रहै परमससान । नहिं करत कौनहुंदान ॥ दोहा ॥ कर पद सों
 अरु रज्जुसों तिमिहिं माहिं कै दण्ड । जे जीवनको देतहैं बाधा
 भूरि प्रचण्ड ॥ आभोर ॥ ते जन दुर्मति रास । लहतनरकमें वास
 यामें संशय नाहिं । कहतसत्य तव पाहिं ॥ दोहा ॥ जो कबहुं
 कदि नरकते लहै मनुजता जौन । तो बाधायुत वंशमें जन्मल-
 हत है तौन ॥ बिन अपराधहि करत हैं द्वेष तासजन सर्व । औ-
 निशिदिन तिनकी परम निन्दाहोति अखर्व ॥ सुन्दरी ॥ कौनहुं
 भांति सुजीवहि जो जन । देत व्यथाकबहुं नहिं सो जन ॥ जाय
 सुदेवत लोकहि भावत । चारुअनूपम आलय पावत ॥ सोरठा ॥
 निर्जर लौं दिन माहिं प्रभापायकै लसत है । सुरनारी तिहि पा-
 हिं रहि बहु आनंद देति है ॥ लहै मनुजता जौन कबहुं जो बहु
 कालमें । दुःख रहित कुलतौन पाय रहत आनंदसों ॥ उमोवाच ॥
 दोहा ॥ महाप्रज्ञ केते किते अल्पप्रज्ञ हैं परम । देखिपरत संसार
 में पशुपति सुनहु सशर्म ॥ चरणदोहा ॥ महाप्रज्ञ अरु अल्पप्रज्ञ
 जन कौन कर्म सों होत । यह संशय कोकरहु दूरितुम गंगाधर
 मुद पोत ॥ हंसदोहा ॥ कौन कर्मसों होत जन अन्धा अरु रुज
 वान । कौन कर्मसों होत है क्खीव कहहु मुद वान ॥ महेश्वर उवाच ॥
 सोरठा ॥ ॥ विप्रधर्म बिदु जौन तिन्हें अशुभ शुभ कर्मते । तूछि

जौन बुधि भौन करत अशुभ तजिकर्म शुभ ॥ तेजन आनंद
पाय परममहत यहि लोक में । फेरि स्वर्ग में जाय रहत सुरन
के संगमें ॥ दोहा ॥ फेरि लहै जो मनुजता महा प्रज्ञतो होय ।
पढ़त शास्त्र को शीघ्रही रहत मोद सों भोय ॥ दुष्ट चक्षु सों
लखत हैं परनारी को जौन । अन्धजन्मलहिहोतहैं तेजन दुर्मति
भौन ॥ दुष्ट चित्तसों लखतजे नग्नापरकी दार । पीड़ितते जन
होत हैं लहिकै रोग अपार ॥ सोरठा ॥ अरु जे दुर्मति भौनपर
नारी में रमत हैं । होतछीब हैं तौन यामें संशयहै नहीं ॥ दोहा ॥
गुरु तिय गामी जौन अरु पशुको बेधत जौन । व्यर्थ करत मै-
थुनहिं जे होत छीब हैं तौन ॥

इतिशान्तिपर्वणिदानधर्मेउमामहेश्वरसंवादेसप्तदशाधिकशततमोऽध्यायः॥

नारदउवाच ॥ दोहा ॥ तदनन्तर शंकर परम गिरिजाको येवैन ।

कहतभयेमुसकायकै बरआनंदसोऐन ॥ महेश्वरउवाच ॥ सावित्री
तियद्रुहिणकीशचीइन्द्रकीनारि।स्वाहाशिखिकीरोहिणीशशिकी
नारिसुठारि ॥ तियामारकण्डेयकीधूमार्णासुललाम।ऋद्धिधनद
की वरुणकी गौरीतिय अभिराम ॥ सुवर्चला तिय भानुकीभ-
री रूप सोंचारु । कश्यप की तियदिति अरु यशस्विनीसुठारु ॥
पति ब्रता ये सर्व हैं प्रज्ञावती महानि । इनसों तो सों परस्परहै
अतिप्रेम सुजानि ॥ सोरठा ॥ ताते पूंछततोहिं मैं हों हे गिरिनन्द
नी । धर्म तियन के मोहिं कहु इच्छाहै सुननकी ॥ दोहा ॥ जेतव
पूजा करतते होत महत बलवान । होत महा गुणवान अरुहोत
महा सुखवान ॥ रक्षातू नित सुरनकी करति छेशकोदूरि । अरु
तूही मानवनको देतिमोदसोंपूरि ॥ जैसोमैंवृतवानहों तैसीतूवृत
वानि । अतिप्रियमोकोलगतितू गिरिनन्दनीसुजानि ॥ नारिन
को जोधर्मसो जानति तूहैसर्व । याते तोसों सुननकी इच्छाभई
अखर्व ॥ उमोवाच ॥ सोरठा ॥ मोमेंहैगुणजौन तौन कृपातेरावरी ।
सुनियेआनंद भौन भयहरसुरगणसर्वके ॥ दोहा ॥ युक्तानिर्मल

नीरसों ये सबनदी महानि । कीबेकाजै परश तव आई पास सु-
जानि ॥ इनके संग विचारिकै स्त्री धर्महिं पर्म । कहि हों मैं तुम
सों सुनो हे ईशान सशर्म ॥ यह जो नदी सरस्वती नंदिनमाहिं
अभिराम । ज्येष्ठाहै अरु उत्तमाजलसों भरीललाम ॥ रामगीती ॥
विपासा अरु बितस्ता अरु चन्द्रभागा चारु । गोमती अरु कौ-
शिकी अरु नदी सिन्धु सुठारु ॥ औशतद्रु इरावती अरु देविका अभि-
राम । मोद करणी सुरसरी बरपाप हरणी माम ॥ नदी येती हर्ष
सेती प्राप्त हैं तव पास । शम्भु सों कहि बैन इमि गिरिसुता स-
हित हुलास ॥ भई पूंछति नदिनको नारीनको जो धर्म । पाय
आज्ञा शम्भु की बहु धरेहीमें शर्म ॥ उमोवाच ॥ सोरठा ॥ प्रश्न
कियो शिवजीन नारिनके बरधर्मको । संगतुम्हारे तौन क-
हिहों ताहि विचारिकै ॥ दोहा ॥ सुनि गिरिजाके बैन ये बरगं-
गादिकसर्व । गिरिजा को पूजति भई आनंद भरी अखर्व ॥ तद-
नन्तर गंगापरम बिनती करिकै भूरि । शैलसुताको बैन इमि
कहत भई मुदपूरि ॥ सोरठा ॥ योजन प्रज्ञ महान जिहि जनको
पूछै कछू । तासु होत सन्मान धरमज्ञा सुनु शैलजा ॥ दोहा ॥ तुम
सर्वज्ञा शैलजा पूंछति हमसों धर्म । याते अति सन्मानहै होत
हमारोपर्म ॥ कहिवे योग्या तुमहिं हौ नारिनके बरधर्म । याते
कहिये आपुही बिनती सुनि ममपर्म ॥ सुमती ॥ गंगाकी सुनिकै
सुठार बातें । बोली यों गिरिजा सुमोद तातें ॥ नारीके अति
स्वच्छ चारु धर्म । मैंहीं हे कहिहों सुनो सुपर्म ॥ दोहा ॥ गंगा
को इमि बैन कहि हेमवती अभिराम । शिवको नारिनके धरम
कहत भई सो आम ॥ उमोवाच ॥ सोरठा ॥ जिहि दिन होय विवाह
तिहि दिनही सोनारिका । अतिही भरी उमाह पतिकी आज्ञा
में रहै ॥ लखै प्रीतिसों माम जैसे बदन सुपुत्रको । तैसेही बर
वामपतिको देखै निशि दिवस ॥ पतिव्रताजे नारि कथा सुतिन
की श्रवण करि । सेवामाहिं सुठारि पियकी तीय रहै सदा ॥ क-

बहुं कहै कठोर जो पिय करिकै कुद्धअति । तबहुं पियकीओर
 प्रीति सहित चाहै सदा ॥ करै सुब्रत प्रियजौन करै तौन तिय
 आपहु । करै जहांको गौन तहां प्रीतिसो जातसँग ॥ जानैदेव
 समान पतिको है मतिमान तिय । स्वपनेहु में आन पुरुषओर
 देखै नहीं ॥ होय पुरुषजो दीन अथवा रुजजुत होय कृश ।
 तब हवै नित्य नवीन प्रीति सहित सेवाकरै ॥ पुत्र भयेहु पर्म
 पति कीरति राखै महत । पतिव्रतनके धर्म सुनहु शंभु ये सर्व
 हैं ॥ भोगकामके माहिं औ तिमिहीं ऐश्वर्यमें । राखै मनकोना-
 हिं पतिरति में राखै सदा ॥ नित्यहि उठिकै प्रात करै अगारहि
 स्वच्छअति । गोमयसो अवदात लीपि आपनेकरनसों ॥ पिय
 के संगसदाहि अग्निहोत्र विधिवत करै । पियकी आज्ञा नाहिं
 भंगकरै कबहुं तिया ॥ देव अतिथि अरुभृत्य पतिसह तिनको
 तृप्तकरि । प्रीति सहित अरु नित्य शेष आपु भोजनकरै ॥ से-
 वाकरिकै भूरि सासूकी अरु स्वसुरकी । महत मोदसोंपूरि तिन
 से नित्त अशीष लै ॥ पतिकी आज्ञापाय दुर्बलदीन सुद्विजन
 को । अन्न सुदेति सचाय ते पतिव्रतानारिहैं ॥ राखै चितपति
 माहिं नितही सेवाकरिपरम । जानै स्वर्गहु नाहिं पियकी कृपा
 समानवर ॥ जामें होय अधर्म अरु जो कीबे योग्यनहिं । की-
 जै तौनहुं कर्म जो आज्ञापति देयतौ ॥ महत कष्टहु माहिं पिय
 को संगतजै नहीं । सुखदुख माहिं सदाहिं छायालोंसँगमेंरहै ॥
 नारिनके जे धर्म तुम्हें सुनाये वर्णिमें । सुनिये शंभुसशर्म रह-
 तिधर्ममें पतिव्रता ॥ पतिव्रत धर्मसमान नारिनको नहिं और
 है । जे तियकरत महान ते पावतहैं मोदको ॥ भोष्मउवाच ॥ ना-
 रिनको जो धर्म शंभु गौरिसों सर्वसुनि । भये प्रसन्न सशर्म
 सुनहु युधिष्ठिर प्रज्ञवर ॥ तदनन्तर सबभूत नदी अप्सरा ग-
 न्धरव । हर्षहिपाय अकूत शिवहि नौमि सबजातमे ॥

सुप्रयुक्तः ॥ घोरठा ॥ सुनु सशर्म हे सर्व कहौ महातम विष्णु
को । दायकमोद अखर्व हम सुनिवेको चाहत हैं ॥ महेश्वर उवाच ॥
अरिल ॥ निर्जर शत्रुनकेगणनाशक । बासुदेव सुरमोदप्रकाशक ॥
परममहान तेजहै तनकर । सम नहिं होत अनेकन दिनकर ॥
तिनको सर्वदेवता पूजत । बहुविधि प्रेमसहित हैं कूजत ॥ सब
थावरजंगम के नायक । हैं भक्तनके सदासहायक ॥ रामगीती ॥
भये तिनके उदरते उत्पन्न हैं लोकेश । औ सुशिरते भये हैं
उत्पन्न हमयहि भेश ॥ केशतेउत्पन्न तिनके भयेनखतसमूह ।
औ भये हैं रोमते बरसुरासुरके जूह ॥ रहे सब में व्यापि हैं
अरु परम हैं सर्वज्ञ । फिरतहैं सर्वत्र तिनको भजतजे हैं प्रज्ञ ॥
आपुही उत्पन्न कर्ता चराचरकेसर्व । आपुही संहार कर्ता बा-
सुदेवअखर्व ॥ है न तिनसों श्रेष्ठकोऊ तिहूलोकनमाहिं । और
रक्षक सुरनको तिन बिनाकोऊ नाहिं ॥ सुरनकाजै परमयाते
धरतमानव रूप । सर्व भूत सुकरत जाको नमस्कार अनूप ॥
परमनायक सर्वभूतनके सुआनंदधाम । सकैनाहीं बर्णिकोऊ
तासुगुण अभिराम ॥ भीतिसो है जौन पीड़ित हरततिनकी
भीति । दीनपालनमाहि हैं रतरहत नित्यसनीति ॥ अहंकार
न करत कबहू क्षमावान महान । रहत तिनके शरणजेते होत
हैं सुखवान ॥ होहिं जे उत्पन्न मनु के बंश माहीं परम । सुरन
के कल्याण को गोविंद परम सशर्म ॥ अंगह्वैहै पुत्र मनुकेपरम
मेधावान । पुत्रअन्तर्द्धासुह्वैहै अंगके बलवान ॥ पुत्रताके होय
गोबर हविर्धामा स्वक्ष । हविर्धामा के सुवन प्राचीन बरहिष
दक्ष ॥ होहिं गे प्राचीन बरहिषके सुप्रज्ञावान । प्रचेतादिकचा-
रु दशसुत परमपरमा वान ॥ दक्ष तियके होयगो ह्वैहै प्रजा
पति तौन । पाय है सर्वत्र महिमा महत प्रज्ञाभौन ॥ दक्षके दा-
क्षायणीह्वैहै सुपुत्री चारु ॥ होयगो आदित्य ताके पुत्र उग्रसु-
दारु । होयगो आदित्य के मनु पुत्रवर अभिराम । पुत्रकाजैयज्ञ

करिहैं तौन विधि सो माम ॥ कहैगी सु बशिष्ठ सो तबइमि सु
मनुकी नारि । करहु एसोकाज जातेसुताहोय सुठारि ॥ होयगी
तिहि ते सुपुत्रीइला ताको नाम । देखि ताको कहेंगे मनु क्रोध
करि इमिमाम ॥ सुनहु सुऋषि बशिष्ठ हम सुतकाजकीन्होयज्ञा
भई पुत्री भयो ताते दुखदहमको प्रज्ञ ॥ बैनसुनिए सुमनुकेऋ-
षिवर बशिष्ठ सुजान । तपस्यासों करेंगेसुत सुताको छबिमाना ॥
नामताको धरेंगे सुप्रद्युम्नसु ऋषि बशिष्ठ । मुदित ताते होयगो
मनु भये ते दुख नष्ट ॥ इलावर्त सुखण्ड माहीं तौन मृगयाका-
ज । जायगो तहँ होय जैहै नारि सहित समाज ॥ कहेंगे वृत्ता-
न्तयह सुबशिष्ठ को मनु फेरि । करेंगे तब प्रार्थना ऋषिशंभुजू
कोटेरि ॥ शंभु ऐसे कहेंगे शानि सुऋषि बरके बैन । धर्म धरवर
सुनहुंऋषिवरपरमप्रज्ञाएन ॥ इलावर्तसुखण्डमाहींपुरुषआवत
जौन । शापते मम होय नारी जात निश्चय तौन ॥ अन्यथासो
होयगो नहिं सुनहुं ऋषि बुधि धाम । करतहौ तुम प्रार्थनायहि
हेतु ते अभिराम ॥ एक महिना पुरुष हवैहै एकमहिना दार ।
करहुनिश्चय हियेमें तुम सुऋषि बुद्धि अगार ॥ शम्भुकेएबैन
मनुको कहेंगे सुबशिष्ठ । मुदित तिहि ते होयगो मनु भयेते दुख
नष्ट ॥ शम्भुजूके बैन ते सुप्रद्युम्नअति अभिराम । एकमहिना
पुरुषहवैहै एक महिना बाम ॥ होयगो जबबामतब बुधप्राप्त
हवैहै आय । रमणतामें करेंगेलखि तासुरूपलुभाय ॥ होयगो
सुपुरूरवा महिपाल तिहि ते परम । होयगो सुपुरूरवाके आयु
पुत्र सधर्म ॥ नहुष कैहै आयु केसुत नहुषके सुययाति । होय
गी बरतास कीरति लोक माहीं ख्याति ॥ होयगो सुययाति के
यदु धर्म वान महान । होयगो यदुके सुक्रोष्टाके सुवृजिनीवा-
न ॥ पुत्रवृजिनी वानके शुभ गोयगो सुउखंग । होहिंगे द्वै पुत्र
ताके बलीसुभट उतंग ॥ चित्ररथ अरु सूर करिहैं भूरि कीरति
परम । सूरके सुत होहिंगे बसुदेवस्वक्ष सधर्म ॥ होहिंगे बसुदेव

केसुत वासुदेव प्रचण्ड । जरासन्धं हि जीति करिकै भरो गर्व
अखण्ड ॥ महीपालनको रुके छुड़वायदेहैं सर्व । जीति सकि हैं
नाहिं कोऊ तिन्हें सबल अखर्व ॥ ब्राह्मणन को करैगो सो नि-
त्यही सत्कार । महादाता होयगो वर वीर्यवानसुठार ॥ शूर-
सेन सुदेशमें उत्पन्न हवैकै परम । द्वारिकामें जायवसिभू पालि
है सह धर्म ॥ ताहि हवैकै प्राप्तपूजाकरोगेतुम तास । स्वच्छ चि-
तसों सुतव पढ़िकै भरे भूरि हुलास ॥ किये दर्शन हमारो औ
विधाता को जौन । होत है फल तासु दर्शन किये हवैहैं तौन ।
वासुदेव सु कृपा जापै करैगो अभिराम ॥ कृपा तापै करैगो सब
देवता अति माम ॥ शरणमें बसुदेव नन्दनके रहैगो जौन । की-
र्ति जय अरु आयुको जन प्राप्त हवै है तौन ॥ धर्मको उपदेश
कारक होयगो अरु परम । धर्महीमें रहैगो रत छोड़ि सर्वकुर्म ॥
कोटि ऋषि उत्पन्न करिहैं वासुदेव समर्थ । वृद्धिकाजै धर्म की
अरु प्रजाके हित अर्थ ॥ गन्धमादन स्वच्छ पर्वत माहिं परम
सुठार । रहैगो ऋषि सर्व ते वर सहित सनतकुमार ॥ श्रेष्ठ वृत
वासुदेव सुतको एक हवै है स्वक्ष । सुनहु तुमको कहत हौमैं पर-
म तौन प्रतक्ष ॥ पूजि हैं जन जौन ताको पूजि है सह प्रेम । कू-
जिहै जन जौन ताको पूजि है सह नेम ॥ देखिहै जन जौन ताको
देखिहै सह प्रीति । लेखिहै जन जौन ताको लेखिहै सह नीति ॥
करैगो सम्मान जो सम्मान करिहै तास । प्रेमकरिहै जौन तापै
प्रेमकरिहै आस ॥ औ सुनो जो रहैगो जन तासु सेवामाहिं । क-
बहुं कौनहु लोकमें भय तौ सु लहिहै नाहिं ॥ नमस्कार सुकरत
हौं मैं नित्य नित्यहि ताहि । सुनहु ताते तुमहु राखो तास ध्यान
सदाहि ॥ होहिंगे बलदेवताके ज्येष्ठ आता परम । चक्रलांगल
धरैंगे ते दियो बन्धुसशर्म ॥ दोहा ॥ कह्यो महातम बणिहम वासु-
देव को स्वक्ष । अतिपावन आनंद करि ऋषिवर तुम्हें प्रतक्ष ॥

सोरठा ॥ तदनन्तरऋषि सर्व नौमिगौरिसह शंकरहि । आ-
 नंद भरे अखर्व तीर्थकरनको जातमे ॥ ये सुऋषिणके बैनमधु-
 सूदन सुनिकै परम । वरआनंदके ऐन पूजत भये ऋषीणको ॥
 तब ऋषि मतिबर सर्व कहत भये इमि कृष्णको । सदादयाल
 अखर्व दर्शन हमको दीजिये ॥ दोहा ॥ जैसी हमको लालसा
 तब दर्शन की परम । स्वर्गहु की तैसीनहीं हमको नाथसशर्म ॥
 सोरठा ॥ कह्यो महातम जौन शम्भु बर्णिकै आपुको । परमसत्य
 है तौन सुनहु कृष्ण आनन्दकर ॥ दोहा ॥ जो कछु तीनोंलोक
 में सो जानत हौ सर्व । अबिदित तुमसों हैन कछु करुणासिंधु
 अखर्व ॥ पुत्र तुम्हारे होयगो तुमहिं सदृश अभिराम । स्वच्छ
 कीर्तिकर दक्षवर परमप्रभाको धाम ॥ भीष्मउवाच ॥ सोरठा ॥ हमि
 कहिकै ऋषि सर्व करिप्रणाम श्रीकृष्णको । आनंद भरे अखर्व
 जातभये निजधामको ॥ दोहा ॥ जातभये श्रीकृष्णहू द्वारावति को
 भूप । सुनहु युधिष्ठिर प्रज्ञवर वा सत्यअनूप ॥ पूर्ण भये दश
 मासवर पुत्र परम अभिराम । रुक्मिणिमार्हीं होतभो शूर
 तेजको धाम ॥ तासनाम प्रद्युम्नवर धरत भये सहप्रेम ।
 सब भूतनमें प्राप्त सो रहत सदाहिं सक्षेम ॥ शरण माहिं श्री-
 कृष्ण की तुम हौ रहत सदाहिं । याते तुम नृप धन्यहौ तुम सों
 कोऊ नाहिं ॥ कीरति लक्ष्मी धैर्य्य अरु स्वर्ग मार्ग अभिराम ।
 जहां कृपा श्रीकृष्णकी तहां सर्वये आम ॥ पञ्चमाली ॥ तेतीस
 कोटिसुरवर विशाल । कृष्णहितु जानि सुनु भूमिपाल ॥ आन-
 न्द रूप हरि आदि देव । जानत न तास कोऊ सुमेव ॥ सब
 लोकनाथ आनन्द रूप । सर्वत्र तास महि है अनूप ॥ तिहिको
 सुनाम अघहरत उद्ध । आनन्द देत करिचित्त शुद्ध ॥ दोहा ॥
 तोको कृष्णहि जय दई अरुवर कीर्ति ललाम । सुनहुं युधि-
 स्थिर धर्मधर परम मनीषा धाम ॥ जहां कृष्ण कीहै कृपा तहां
 सर्व आनन्द । यामें संशय है नहीं सुनु धर्मज्ञ नरेन्द ॥ जयकरी ॥

तुम सुप्रतिज्ञा पालन माहिं । रहत निरत हौ भूप सदाहिं ॥ धा-
रेकोमल रहत सुभाव । करत न कबहुं क्रोधको छाव ॥ दुर्योध-
न आदिक महिपाल । खाये तिन्हें युद्धमें काल ॥ काल समान और
बलवान । कोऊ है नाहिं भूपसुजान ॥ मेरे समर माहिं हैं जौन । तिन
को शोक करुन बुधि भौन ॥ शिव गौरी को जो सम्वाद । सुन्यो
पूर्व ते छोड़ि प्रमाद ॥ रहो धरे ताको हिय माहिं । सुनहुं युधिष्ठिर
भूप सदाहिं ॥ पढ़ि है अरु सुनि है जन जौन । तिहि सम्वादहि
प्रज्ञा भौन ॥ लहि है तौन परम कल्यान । कै है नाहिं कबहुं दुख-
वान ॥ कै है सर्व कामना सिद्धि ॥ भरी रहै गी गृह में निधि । भूमें
करि कै धर्म सचाय । लहि हैं मोद स्वर्ग में जाय ॥ यहि में है
नाहिं संशय भूप । वर धर्मज्ञ सुप्रज्ञ अनूप ॥ गहिकै नीति देत
जे दण्ड । पालत प्रजा सप्रीति अखण्ड ॥ ते नृप जात स्वर्ग के
माहिं । निश्चय यामें संशय नाहिं ॥ ताते पालहु प्रजा सधर्म ।
गहिकै नीतिहि भूपतिपर्म ॥ मयूरशालिनी ॥ वासुदेव बाल भाव-
हीमें । ज्ञातिके सुरक्षणार्थ जीमें ॥ क्रोध के महान कंस माख्यो । सर्व
दुःख तातको निवाख्यो ॥ पर्म और कर्म कीन्ह जेते । है कहे न
जात सर्व तेते ॥ धन्य लोक माहिं जीवते हैं । तास शर्ण में रहें
सुजे हैं ॥ दोहा ॥ ऐसे हैं श्रीकृष्ण ते सखा तिहारे भूप । तिहिते
निश्चय पायहौ आनंद परम अनूप ॥ वैशम्पायन उवाच ॥ धर्मगण्डन ॥
सुनि सुबैन तातके महा । धर्मनन्दन कछू कहा ॥ परम उद्धमो-
द कालहा । कृष्णकी सुप्रीतिको गहा ॥ सोरठा ॥ धृतराष्ट्रादिक
सर्व अति विस्मयको प्राप्त कै । गहिकै प्रीति अखर्व पूजि
पाणि जोरत भये ॥ अरिल ॥ तिमिहिं नारदादिक ऋषि मतिवरा
भीषमके सुनि बैन सुमुदकर ॥ कृष्णाहि पूजत भये सचावन ।
पढ़ि कै बहु विधि सुतव सुहावन ॥ दोहा ॥ पुनि भीषमको कहत
भे कुन्ती सुत इमि बैन । कहौ महातम फेरितुम हरिको वर बुधि ऐन ॥
इति महाभारते दानधर्म श्रीकृष्णमाहात्म्ये विंशत्याधिकशततमोऽध्यायः १२०

वैशम्पायनउवाच ॥ जयैकरो ॥ भूपयुधिष्ठिर सुनिकै धर्म । अरुपा-
वन सुनि सुस्तव पर्म ॥ फेरि पितामहको इमि बैन । कहते भये
मनीषा ऐन ॥ युधिष्ठिरउवाच ॥ ठोहा ॥ मुख्य देवता कौनहैं लोक
माहिं अभिराम । अरु सुपरायण है कहां कहौ मोहिं बुधिधाम ॥
केहिको अर्चे औ पढे किहिकी स्तुति सु अनूप । प्राप्तहोहिं क-
ल्याणको मानव कहिये भूप ॥ सब धर्मन में परमतुम जानतहौ
को धर्म । अरु सुजपे का जन्म सों रहित होहिं जन पर्म ॥
पाण्डवके ये बचन सुनि गंगासुत मतिमान । कहत भये इमि
बीरवर धरिकै हर्षमहान ॥ भीष्मउवाच ॥ रामगीती ॥ जगत के प्रभु
देवदेव अनन्तवर भगवान । भक्तजनको कीर्ति वर्धन मोद
मान महान ॥ सर्वलोकनके महेश्वर विष्णु आनंदधाम । स्तुति
सुतिनकी किये छूटत मनुज दुखसों माम ॥ विष्णुही हैं सर्वके उ-
त्पत्तिधाम नरेश । पूजिबे के ध्यायबे के योग्य परम सुवेश ॥
पुरुष अव्यय चारु तिन की स्तुति सुकीबो जौन । सर्व धर्मन
माहिं हमको अधिक धर्म सुतौन ॥ देवतनमें परम देवत विष्णुही
हैं जानु । पावनन में परम पावन और मति अनुमानु ॥ सर्वभू-
तनके पिता हैं नाशरहित अनूप । मंगलनमें परम मंगल विष्णु-
ही हैं भूप ॥ विष्णुही ते होत हैं उत्पन्न भूतक सर्व । विष्णुही
में होत प्रापित प्रलय माहिं अखर्व ॥ सुनहुं नाम सहस्र तिन
को पापभयको हर्ष । कहत हों मैं तोहिं भूपति परम आनंद
कर्ण ॥ विष्णुसहस्रनाम ॥ विश्वं विष्णुर्वषट्कारो भूतभव्यभवत्प्रभुः ।
भूतकृद्भूतभृद्भावो भूतात्मा भूतभावनः ॥ पूतात्मा परमात्मा च
मुक्तानां परमागतिः । अव्ययः पुरुषः साक्षी क्षेत्रज्ञोक्षर एव च ॥
योगो योगविदानेता प्रधानपुरुषेश्वरः । नारासिंहवपुः श्रीमान् के
शवः पुरुषोत्तमः ॥ सर्वः शर्वः शिवः स्थाणुर्भूतादिर्निधिरव्ययः ॥ संभ-
वो भावनो भर्ता प्रभवः प्रभुरीश्वरः ॥ स्वयम्भूः शंभुरादित्यः पुष्क-
राक्षो महास्वनः । अनादिनिधिनो धाता विधाता धातुरुत्तमः ॥

अप्रमेयोहर्षाकेशःपद्मनाभोऽमरप्रभुः॥विश्वकर्म्मामनुस्त्वष्टास्थ
विष्ठःस्थविरोध्रुवः॥अग्राह्यःशाश्वतःकृष्णोलोहिताक्षःप्रतर्दनः।
प्रभूतस्त्रिककुक्षामपवित्रमंगलंपरम्॥ईशानःप्राणदःप्राणोज्येष्ठः
श्रेष्ठःप्रजापतिः॥हिरण्यगर्भोभूगर्भोमाधवोमधुसूदनः ॥ ईश्वरो
विक्रमीधन्वीमेधावीविक्रमःक्रमः। अनुत्तमोदुराधर्षःकृतज्ञःकृति
रात्मवान् ॥सुरेशःशरणंशर्मविश्वरेताःप्रजाभवः।अहःसंवत्सरो
व्यालःप्रत्ययःसर्वदर्शनः १०० अजःसर्वेश्वरःसिद्धःसिद्धिःस
र्वादिरच्युतः । वृषाकपिरमेयात्मासर्वयोगविनिस्मृतः ॥ वसुर्व
सुमनारुसत्यः समात्मासन्मितःसमः। अमोघःपुण्डरीकाक्षोवृष
कर्मावृषाकृतिः॥रुद्रोबहुशिरावभ्रुर्विश्वयोनिःशुचिश्रवाः । अमृ
तःशाश्वतःस्थाणुर्वरारोहोमहातपाः॥ सर्वगःसर्वविद्वानुर्विष्वक्
सेनोजनार्दनः । वेदोवेदविदव्यङ्गोवेदाङ्गोवेदवित्कविः ॥ लो
काध्यक्षःसुराध्यक्षोधर्माध्यक्षःकृताकृतः । चतुरात्माचतुर्व्यूहश्च
तुर्दंष्ट्रश्चतुर्भुजः ॥भ्राजिष्णुर्भोजनंभोक्ता सहिष्णुर्जगदाद्विजः।
अनघोविजयोजेता विश्वयोनिःपुनर्वसुः ॥ उपेन्द्रोवामनःप्रांशु
रमोघःशुचिरूर्जितः।अतीन्द्रःसंग्रहःसर्गोधृतात्मानियमोयमः॥
वेद्योवैद्यःसदायोगी वीरहामाधवोमधुः । अतीन्द्रियोमहामायो
महोत्साहो महाबलः ॥ महाबुद्धिर्महावीर्योमहाशक्तिर्महाद्युतिः।
अनिर्देश्यवपुःश्रीमानमेयात्मामहाद्रिधृक् ॥ महेष्वासोमहीभ
र्ताश्रीनिवासःसतांगतिः। अनिरुद्धःसुरानन्दोगोविन्दोगोविदां
पतिः ॥मरीचिर्दमनोहंसःसुपर्णोभुजगोत्तमः॥२००॥हिरण्यना
भःसुतपाःपद्मनाभःप्रजापतिः । अमृत्युःसर्वदृक्सिंहःसंधाता
सन्धिमान्स्थिरः॥अजोदुर्मर्षणशास्ताविश्रुतात्मासुरारिहागुरु
र्गुरुतमोधामसत्यःसत्यपराक्रमः॥ निमिषोऽनिमिषस्त्वर्वावाच
स्पतिरुदारधीः । अग्रणीर्ग्रामणीःश्रीमान्न्यायोनेतासमीरणः ॥
सहस्रमूर्द्धाविश्वात्मा सहस्राक्षःसहस्रपात् । आवर्तनोनिवृत्ता
त्मासंवृतःसंप्रमर्दनः ॥ अहःसंवर्तकोवह्निरनिलोधरणीधरः ।

सुप्रसादः प्रसन्नात्मा विश्वधृग्विश्वभुग्विभुः ॥ सत्कर्त्ता सत्कृतः
 साधुजन्हुर्नारायणो नरः । असंख्येयोऽप्रमेयात्मा विशिष्टः शिष्टः
 कृच्छुचिः ॥ सिद्धार्थः सिद्धसंकल्पः सिद्धिदः सिद्धिसाधनः । वृषाही
 वृषभो विष्णुर्दृषपर्वो वृषोदरः ॥ वर्धनो वर्धमानश्च विविक्तः श्रुति
 सागरः । सुभुजो दुर्द्धरो वाग्मी महेंद्रो वसुदो वसुः ॥ नैकरूपो बृह
 द्रूपः शिपिविष्टः प्रकाशनः । ओजस्तेजोद्युतिधरः प्रकाशात्मा
 प्रतापनः ॥ ऋद्धः स्पष्टाक्षरो मंत्रश्चन्द्रांशुर्भास्करद्युतिः । अमृ
 तांशूद्भवो भानुः शशबिंदुः सुरेश्वरः ॥ औषधं जगतः सेतुः सत्यधर्म
 पराक्रमः । भूतभव्यभवन्नाथः पवनः पावनोऽनलः ॥ कामहा
 कामकृत् कान्तः कामः कामप्रदः प्रभुः । युगादिकृद्युगावर्तो नैक
 मायो महाशनः ॥ अदृश्यो व्यक्तरूपश्च सहस्रजिदनन्तजित् ।
 इष्टो विशिष्टः शिष्टेष्टः शिखण्डी नहुषो वृषः ॥ क्रोधहा क्रोधकृत्कर्त्ता
 विश्वबाहुर्महीधरः । अच्युतः प्रथितः प्राणः प्राणदो वासवानुजः ॥
 अपांनिधिरधिष्ठान मप्रमत्तः प्रतिष्ठितः ॥ ३०० ॥ स्कन्दः स्कन्द
 धरो धुर्य्यो वरदो वायुवाहनः । वासुदेवो बृहद्भानु रादिदेवः पुरन्दरः ॥
 अशोकस्तारणस्तारः शूरशौरिर्जनेश्वरः । अनुकूलः शतावर्त्तपद्मी
 पद्मनिभेक्षणः ॥ पद्मनाभो रविन्दाक्षः पद्मगर्भः शरीरभृत् । मह
 र्द्धिर्द्धो वृद्धात्मा महाक्षो गरुडध्वजः ॥ अतुलः शरभो भीमः समय
 ज्ञो हविर्हरिः । सर्वलक्षणलक्षणयो लक्ष्मीवान्समितिंजयः ॥
 विक्षरो रोहितो मार्गो हेतुर्दामोदरः सहः । महीधरो महाभागो
 वेगवानमिताशनः ॥ उद्भवः क्षोभणो देवः श्रीगर्भः परमेश्वरः ।
 करणङ्कारणङ्कर्त्ता विकर्त्ता गहनो गुहः ॥ व्यवसायो व्यवस्थानः
 संस्थानः स्थानदो ध्रुवः । परर्द्धिः परमस्स्पष्टस्तुष्टः पुष्टः शुभेक्षणः ॥
 रामो विरामो विरजो मार्गो नैयोनयोनयः । वीरः शक्तिमतां श्रेष्ठो ध
 र्मो धर्मविदुत्तमः ॥ वैकुण्ठः पुरुषः प्राणः प्राणदः प्रणवः पृथुः ।
 हिस्स्यगर्भः शत्रुघ्नो व्याप्तो वायुरधोक्षजः ॥ ऋतुः सुदर्शनः का
 लः परमेष्ठी परिग्रहः । उग्रः संवत्सरो दक्षो विश्रामो विश्वदक्षिणः ॥

४०० ॥ विस्तारःस्थावरःस्थाणुः प्रमाणबीजमव्ययम् । अर्थो
नर्थोमहाकोशोमहाभोगोमहाधनः ॥ अनिर्विणःस्थविष्ठोभूद्धर्म
यूपोमहामखः । नक्षत्रनेमिर्नक्षत्री क्षमःक्षामःसमीहनः ॥ यज्ञ
इज्योमहेज्यश्च क्रतुःसत्रंसतांगतिः । सर्वदर्शीविमुक्तात्मासर्व
ज्ञोज्ञानमुत्तमम् ॥ सुव्रतःसुमुखःसूक्ष्मःसुघोषःसुखदःसुहृत् । म
नोहरोजितक्रोधो वीरबाहुर्विदारणः ॥ स्वापनःस्ववशोव्यापीनै
कात्मानैककर्मकृत् । वत्सरोवत्सलोवत्सी रत्नगर्भोधनेश्वरः ॥
धर्मगुब्धर्मकृद्धर्मीसदसत्क्षरमक्षरम् । अविज्ञातासहस्रांशुर्विधा
ताकृतलक्षणः ॥ गभस्तिनेमिःसत्त्वस्थः सिंहोभूतमहेश्वरः । आ
दिदेवोमहादेवोदेवेशोदेवभृद्गुरुः ॥ उत्तरोगोपतिर्गोप्ता ज्ञानग-
म्यःपुरातनः । शरीरभूतभृद्भोक्ता कपीन्द्रोभूरिदक्षिणः ॥ सोम
पोऽमृतपःसोमः पुरुजित्पुरुषोत्तमः । विनयोजयःसत्यसन्धोदा
सार्हःसात्वतांपतिः ॥ ५०० ॥ जीवोविनयितासाक्षी मुकुन्दोऽमि
तविक्रमः । अंभोनिधिरनन्तात्मा महोदधिशयोऽन्तकः ॥ अ
जोमहार्हःस्वाभाव्यो जितामित्रःप्रमोदनः । आनन्दो नन्दनो न
न्दः सत्यधर्मात्रिविक्रमः ॥ महर्षिःकपिलाचार्यः कृतज्ञोमेदिनी
पतिः । त्रिपदस्त्रिदशाध्यक्षो महाशृङ्गःकृतान्तकृत् ॥ महावराहो
गोविन्दः सुषेणःकनकांगदी । गुह्योगभीरोगहनो गुप्तश्चक्रग
दाधरः ॥ वेवाःस्वांगोजितःकृष्णोदृढःसङ्कर्षणोऽच्युतः । वरुणो
वारुणोवृक्षः पुष्कराक्षोमहामनाः ॥ भगवान्भगहानन्दी वन
मालीहलायुधः । आदित्योज्ज्योतिरादित्यः सहिष्णुर्गतिसत्त
मः ॥ सुधन्वाखण्डपरशुर्दारुणोद्रविणप्रदः । दिवस्पृक्सर्वदृग्
व्यासो वाचस्पतिरयोनिजः ॥ त्रिसामासामगःसाम निर्वाणंभै
षजंभिषक् । संन्यासकृच्छ्रमःशान्तो निष्ठाशांतिःपरायणः ॥ शु
भांगःशांतिदःस्रष्टा कुमुदःकुवलेशयः । गोहितोगोपतिर्गोप्ता
वृषभाक्षोवृषप्रियः ॥ अनिवर्त्तीनिवृत्तात्मासंक्षेप्ताक्षेमकृच्छिवः ॥
६०० ॥ श्रीवत्सवक्षाःश्रीवासः श्रीपतिःश्रीमतांवरः ॥ श्रीदः

श्रीशःश्रीनिवासः श्रीनिधिःश्रीविभावनः । श्रीधरःश्रीकरःश्रेयः
 श्रीमाल्लोकत्रयाश्रयः ॥ स्वक्षःस्वंगःशतानन्दोनन्दिज्योतिर्गणे
 श्वरः । विजितात्माविधेयात्मासत्कीर्त्तिश्छिन्नसंशयः ॥ उदीर्णः
 सर्वतश्चक्षुरनीशःशाश्वतःस्थिरः । भूशयोभूषणोभूतिर्विशोकः
 शोकनाशनः ॥ अर्चिष्मानर्चितःकुम्भो विशुद्धात्माविशोधनः ।
 अनिरुद्धोऽप्रतिरथःप्रद्युम्नोऽमितविक्रमः ॥ कालनेमिनिहावीरः
 शौरिःशूरजनेश्वरः । त्रिलोकात्मात्रिलोकेशःकेशवःकेशिहाह
 रिः ॥ कामदेवःकामपालःकामीकान्तःकृतागमः । अनिर्देश्यवपुर्वि
 ण्णुर्वीरोनन्तोधनंजयः ॥ ब्रह्मण्योब्रह्मकृद्ब्रह्माब्रह्मब्रह्मविवर्द्धनः ।
 ब्रह्मविद्ब्राह्मणोब्रह्मीब्रह्मज्ञोब्राह्मणप्रियः ॥ महाक्रमोमहाकर्मा
 महातेजामहोरगः । महाक्रतुर्महायज्वा महायज्ञोमहाहविः ॥
 स्तव्यःस्तवाप्रियःस्तोत्रंस्तुतिःस्तोतारणप्रियः । पूर्णःपूरयिता
 पुण्यः पुण्यकीर्त्तिरनामयः ॥ मनोजवस्तीर्थकरोवसुरेतावसुप्रि
 यः । वसुप्रदोवासुदेवोवसुर्वसुमनाहविः ॥ ७० ॥ सद्गतिःसत्कृतिः
 सत्तासद्भूतिःसत्परायणः । शूरसेनोयदुश्रेष्ठःसन्निवासःसुयामुनः ॥
 भूतावासीवासुदेवः सर्वासुनिलयोनलः । दर्पहादर्पदाहृतोदुर्द्ध
 रोत्थापराजितः ॥ विश्वमूर्त्तिर्महामूर्त्तिर्दाप्तिमूर्त्तिरमूर्त्तिमान् । अ
 नेकमूर्त्तिरव्यक्तः शतमूर्त्तिःशताननः ॥ एकोऽनैकःसवःकःकिं य
 त्तत्पदमनुत्तमम् । लोकबन्धुलोकनाथोमाधवोभक्तवत्सलः ॥ सु
 वर्णवर्णोहेमांगोवरांगश्चंदनांगदी । वीरहाविषमःशून्योधृताशी
 रचलश्चलः ॥ अमानीमानदोमान्यो लोकस्वामीत्रिलोकधृक् ।
 सुमेधामेधजोधन्यः सत्यमेधाधराधरः ॥ तेजोवृषोद्युतिधरःसर्व
 शस्त्रभृतांवरः । प्रग्रहोनिग्रहोव्यग्रो नैकशृङ्गो गदाग्रजः ॥ चतु
 र्मूर्तिश्चतुर्बाहुश्चतुर्व्यूहश्चतुर्गतिः । चतुरात्माचतुर्भावश्चतु
 र्वेदविदेकपात् ॥ समावर्तोनिवृत्तात्मादुर्जयोदुरतिक्रमः । दुर्लभो
 दुर्गमोदुर्गो दुरावासीदुरारिहा ॥ शुभांगोलोकसारंगः सुतन्तु
 स्तन्तुवर्धनः । इन्द्रकर्मामहाकर्मकृतकर्माकृतागमः ॥ उद्भवः

सुन्दरः ॥ ८०० ॥ सुन्दोरत्नलाभः सुलोचनः । अर्कोवाजसनः
 शृङ्गीजयन्तः सर्वविज्जयी ॥ सुवर्णविन्दुरक्षोभ्यः सर्ववागीश्वरे
 श्वरः । महाहृदोमहागर्तो महाभूतोमहानिधिः ॥ कुमुदः कुन्दरः
 कुन्दः पर्जन्यः पावनोऽनिलः । अमृतांशोऽमृतवपुः सर्वज्ञः सर्वतो
 मुखः ॥ सुलभः सुव्रतः सिद्धः शत्रुजिच्छत्रुतापनः । न्यग्रोधोदु
 म्बरोऽवत्थश्चाणूरांघ्रिनिषूदनः ॥ सहस्रार्चिः सप्तजिह्वः सप्तैधाः
 सप्तवाहनः । अमूर्तिरनघोचिन्त्यो भयकृद्भयनाशनः ॥ अणुर्दृ
 हत्कृशः स्थूलो गुणभृन्निर्गुणो महान् । अधृतः स्वधृतः स्वास्यः
 प्राग्वंशो वंशवर्द्धनः ॥ भारभृत्कथितो योगी योगीशः सर्वकामदः ।
 आश्रमः श्रमणः क्षामः सुपर्णो वायुवाहनः ॥ धनुर्धरो धनुर्वेदो द
 एडो दमयिता दमः । अपराजितः सर्वसहो नियन्तानियमो यमः ॥
 सत्त्ववान् सात्विकः सत्यः सत्यधर्मपरायणः । अभिप्रायः प्रिया
 हर्षः प्रियकृत् प्रीतिवर्द्धनः ॥ विहाय सगतिर्ज्योतिः सुरुचिर्दुतभु
 ग्विभुः । रविर्विरोचनः सूर्यः सवितारविलोचनः ॥ अनन्तो हु
 तभुग्भोक्ता सुखदो नैकदोग्रजः । अनिर्विणः स दामर्षी लोकाधिष्ठा
 नमद्भुतः ॥ ८०० ॥ सनात्सनातनतमः कपिलः कपिरव्ययः । स्व
 स्तिदः स्वस्तिकृत् स्वस्ति स्वस्तिभुक् स्वस्तिदक्षिणः ॥ अरौद्रः
 कुण्डलीचक्री विक्रम्यूर्जितशासनः । शब्दातिगः सर्वसहः शिशि
 रः सर्वरीकरः ॥ अक्रूरः पेशलो दक्षो दक्षिणः क्षमिणाम्बरः । विद्वत्त
 मो वीतभयः पुण्यश्रवणकीर्त्तनः ॥ उत्तारणो दुष्कृतिहा पुण्योदुः
 स्वप्ननाशनः । वीरहारक्षणः शंतो जीवनः पर्यवस्थितः ॥ अन
 न्तरूपोऽनन्तश्रीर्जितमन्युर्भयापहः । चतुरस्रोगभीरात्मा विदि
 शो व्यादिशो दिशः ॥ अनादिर्भूर्भुवोलक्ष्मीः सुवीरो रुचिरांगदः ।
 जननो जनजन्मादिर्भीमो भीमपराक्रमः ॥ आधारनिलयो धाता
 पुष्पहासः प्रजागरः । ऊर्ध्वगः सत्पथाचारः प्राणदः प्रणवः प्रणः ॥
 प्रमाणं प्राणनिलयः प्राणभृत्प्राणजीवनः । तत्त्वं तत्त्वविदेकात्मा
 जन्ममृत्युजरातिगः ॥ भूर्भुवः स्वस्तरुस्तारः सपिता प्रपितामहः ।

यज्ञोयज्ञपतिर्यज्वा यज्ञांगोयज्ञवाहनः ॥ यज्ञभृद्यज्ञकृद्यज्ञीयज्ञ
भुग्यज्ञसाधनः । यज्ञान्तकृद्यज्ञगुह्यमन्नमन्नादएवच ॥ आत्म
योनिःस्वयंजातो वैखानःसामगायनः । देवकीनन्दनःस्रष्टाक्षि
तीशःपापनाशनः ॥ शंखभृन्नन्दकीचक्रीशार्ङ्गधन्वागदाधरः ।
रथांगपाणिरक्षोभ्यःसर्वप्रहरणायुधः ॥ १००० ॥ इतिश्रीविष्णु
सहस्रनामसम्पूर्णम् ॥

देहा ॥ यह जोनाम सहस्रहै केशवको अभिराम । तिहिको
पादि हैं जौनअरु सुनिहैं जोबुधिधाम ॥ दुहुंलोकमें अशुभको
द्वै हैं प्राप्तनतौन । यामेंसंशयहै नहीं सुनहुंतात बुधिभौन ॥
पदिहैं सुनिहैं याहिजो ब्राह्मण परम अनूप । वेदवानतौ होयगो
निश्चय जानहुंभूप ॥ क्षत्रीलहिहैं विजयको बैश्यद्रव्यअति-
माम । शूद्रहोत आनंदको प्राप्त सुनहुं बुधिधाम ॥ चाहत जे
जनधर्मको धर्म लहतते चारु । अर्थचहत ते अर्थको पावत
बुद्धि अगारु ॥ अरुकामीजन कामको प्राप्तहोतहैं भूप । संतति
चाहत मनुज जे सन्ततिलहत अनूप ॥ मधुभार ॥ हरिमाहिं
लाय । प्रीतिहि सचाय ॥ निति पढ़तजौन । बर बुद्धिभौन ॥ यश
लहतस्वक्ष । अतिहोतदक्ष ॥ अचलाअनूप । श्रियलहतभूप ॥
भयहोतनाहिं । कबहौंहुपाहिं ॥ बाढ़त सुवीर्य । अतिलहत
धीर्य ॥ कबहुं न होत । रुजको उदोत ॥ बलऔ स्वरूप । पावत
अनूप ॥ द्युतिमान परम । होतसुसधर्म ॥ अरुज्ञातिमाहैं । सुनु
भूमिनाहैं ॥ होतसुप्रधान । बर सुमतिवान ॥ सोरठा ॥ बंधोहोय
जन जौन सो बन्धन ते छुटतहै । सुनहुंतात बुधिभौन रोगी
छूटत रोगसों ॥ छूटतहैं भयवान भयसों निश्चय भूपवर । मनुज
आपदावान आपद सों सो छुटत हैं ॥ देहा ॥ वासुदेव के भक्त
ते अशुभ लहतकबहुं न । पावतहैं परमा महत आनंद दिन
दिन दून ॥ जन्मजरा अरुमृत्युको तिमिहिं व्याधिको परम ।
भयवाहिं आपत होतहै सुनु बरभूप सधर्म ॥ इतिश्री विष्णु-

सहस्रनाम माहात्म्यम् ॥ बुधिशिरउवाच ॥ दोहा ॥ सुनहु पितामहप्राज्ञ
 वर सर्व शास्त्र विदपर्म । कौनजपे जपधर्मफल जन नित लहत
 अभर्म ॥ चरणादोहा ॥ देवकर्म अरु पितर कर्ममें अरु प्रवेश
 में तात । औ तिमिही प्रस्थानमें कहाजपै अवदात ॥ हंसादोहा ॥
 अरु अरिनाशन कौनजप अरु भय नाशनकौन । कहौ मोहिं
 अवगाहिकै सुनहु तात बुधिभौन ॥ कह्यो व्यासको मंत्रहै तोहिं
 कहतहौं तौन । थिरि करिकै मन सुनहुतुम भूप मनीषा भौन ॥
 मनुजसुने जिहि मंत्रको रहित पापसों होत । महत आयु को
 लहत अरु मुदको लहत उदोत ॥ अथसावित्री ॥ नमोवशिष्ठाय
 महाव्रताय पराशरं वेदनिधिप्रणम्य । नमोस्त्वनन्ताय महोरगाय
 नमोस्तुसिद्धेभ्य इहाप्शयेभ्यः ॥ नमोस्त्वृषिभ्यः परमंपरेषां देवे
 षु देवावरदंवराणाम् । सहस्रशीर्षाय नमः शिवाय सहस्रनामाय
 जनार्दनाय ॥ अजैकपादहिर्बुध्नः पिनाकीचापराजितः । क्रतु
 इच पितरूप इच त्र्यम्बक इच सुरेश्वरः ॥ वृषाकपि इच शम्भु इच
 शवनाथे इवरस्तथा । एकादशैते प्रथिता रुद्रास्त्रिभुवनेश्वराः ॥
 शतमेतत्समाम्नातं शतरुद्रे महात्मनाम् । अंशो भग इच मित्र इच
 वरुण इच जलेश्वरः ॥ तथा धातार्यमाचैव जयन्तो भास्करस्त
 था । त्वष्टा पूषा तथैवेन्द्रो द्वादशो विष्णुरुच्यते ॥ इत्येते द्वादशा
 दित्याः काश्यपेया इति प्रभो । धरो ध्रुव इच सोम इच सावित्रोऽथ
 त्रिलोचनः ॥ प्रत्यूष इच प्रभास इच वसवोऽष्टौ प्रकीर्तिताः । ना
 सत्य इचापि दस इच स्मृतौ द्वावश्चिनावपि ॥ मार्तण्डस्यात्म
 जावैतौ संज्ञानाशाविनिर्गतौ । अतः परं प्रवक्ष्यामि लोकानां कर्म
 साक्षिणः ॥ अपियज्ञस्य वेत्ता सो दत्तस्य सुकृतस्य च । अदृश्याः
 सर्वभूतेषु पश्यन्ति त्रिदशेश्वराः ॥ शुभाऽशुभानि कर्माणि मृ
 त्युः काल इच सर्वशः । विश्वे देवाः पितृगणाः मूर्तिमन्तस्तपोध
 नाः ॥ मुनयश्चैवासिद्धाश्च तपोमोक्षपरायणाः । शुचिस्मिताः
 कीर्तयतां प्रयच्छन्ति शुभं नृणाम् ॥ प्रजापतिकृतानेतां लोका

न्दिव्येन तेजसा । वसन्ति सर्वलोकेषु प्रयताः कर्मकर्मसु ॥ प्राणा
 नामीश्वरानेतान्कीर्तयन्प्रयतो नरः । धर्मार्थकामैर्विपुलैर्युज्यते
 सहिनित्यशः ॥ लोकांश्चलभते पुण्यान्विश्वेश्वरकृताञ्छुभा
 न् । ये ते देवास्त्रयस्त्रिंशत्सर्वभूतगणेश्वराः ॥ नदीश्वरो महाका
 यो ग्रामणीर्दृषभध्वजः । ईश्वराः सर्वलोकानां गणेश्वर विनाय
 काः ॥ सौम्यारौद्रागणाश्चैव योगभूतगणास्तथा । ज्योतिश्च
 सरितो व्योम सुपर्णः पन्नगेश्वरः ॥ पृथिव्यान्तपसा सिद्धाः स्थाव
 राश्च चराश्च ह । हिमवानादयः सर्वे चत्वारश्च महार्णवाः ॥ भ
 वस्यानुचराश्चैव हरतुल्यपराक्रमाः । विष्णुर्देवोऽथ जिष्णुश्च
 स्कन्दश्चाम्बिकया सह ॥ कीर्तयन्प्रयतः सर्वान्सर्वपापैः प्रमुच्य
 ते । अत ऊर्ध्वं प्रवक्ष्यामि मानवानृषिसत्तमान् ॥ यवक्रीतश्च
 रैभ्यश्च अर्वावसुपरावसु । औषिजश्चैव कक्षीवान्बलश्चांगिर
 सः सुतः ॥ ऋषेर्मधातिथेः पुत्रः कण्वो बहिर्षदस्तथा । ब्रह्मतेजोम
 याः सर्वे कीर्तिता लोकभावेनाः ॥ लभन्ते हि शुभं सर्वे रुद्रानेकवसु
 प्रभाः । भुविकृत्वा शुभं कर्म मोदंते दिवि देवतैः ॥ महेन्द्रो गुरवः सप्त
 प्राचीं वै दिशमाश्रिताः प्रयतः कीर्तयन्नेतान्क्षत्रलोके महीयते ॥
 उन्मुचुः प्रमुचुश्चैव स्वस्त्यात्रेयश्च वीर्यवान् । दृढव्यश्चोर्ध्ववा
 हुश्च तृणः सोमो गिरास्तथा ॥ मित्रावरुणयोः पुत्रस्तथा गस्त्यः
 प्रतापवान् । धर्मराजर्त्विजः सत्यादक्षिणां दिशमाश्रिताः ॥ दृढे
 युश्च क्रतेयुश्च परिव्याधश्च कीर्तिमान् । एकतश्च द्वितश्चैव
 त्रितश्चादित्यसन्निभाः ॥ अत्रेः पुत्रश्च धर्मात्मा ऋषिः सारस्वत
 स्तथा । वरुणस्य र्त्विजः सप्त पश्चिमां दिशमाश्रिताः ॥ अत्रि
 र्बशिष्ठौ भगवान् कश्यपश्च महानृषिः । गौतमः स भरद्वाजो वि
 श्वामित्रोऽथ कौशिकः ॥ ऋचीकतनयश्चोग्रो जमदग्निः प्रताप
 वान् ॥ धनेश्वरस्य गुरवः सप्तैते उत्तराश्रिताः । अपरे मुनयस्स
 प्तदिक्षु सर्वास्वधिष्ठिताः ॥ कीर्त्तिस्वस्तिकरानृणां कीर्तिता लोक
 भावेनाः । धर्मः कालश्च कामश्च वसुर्वायुर्किरेव च ॥ अनन्तः

कपिलश्चैव सप्तैते धरणीधराः । रामो व्यासस्तथा द्रौणिश्च तथा
 माचलो मशः ॥ इत्येते मुनयो दिव्याः एकैकाः सप्त सप्तधा । शा
 न्तिस्वस्तिकरालोके दिशां पालाः प्रकीर्तिताः ॥ यस्यां यस्यां दि
 शि ह्येते तन्मुखः शरणं व्रजेत् । स्वप्नारः सर्वभूतानां कीर्तिता लोक
 पावनाः ॥ सम्बर्तमेरुसावर्णे मर्कटण्डे यश्च धार्मिकः । सांख्ययो
 गौनारदश्च पर्वतश्च महानृषिः ॥ अत्यन्ततपसो दान्ता स्त्रिषु
 लोकेषु विश्रुताः । अपरे रुद्रसंकाशाः कीर्तिता ब्रह्मलौकिकाः ॥
 अपुत्रोलभते पुत्रं दरिद्रोलभते धनम् । तथा धर्मार्थकामेषु सिद्ध
 उचलभते नरः ॥ पृथुर्वैन्यं नृपवरं पृथ्वीयस्या भवत्सुता । प्रजाप
 तिः सार्वभौमं कीर्तयेद्वसुधाधिपम् ॥ आदित्यवंशप्रभवं महेंद्रस
 मविक्रमं । पुरुरवसमैलं च त्रिषु लोकेषु विश्रुतं ॥ बुधस्य दयितं पु
 त्रं कीर्तयेद्वसुधाधिपं । त्रिलोकविश्रुतं वीरं भरतं च प्रकीर्तयेत् ॥ ग
 वामयेन यज्ञेन येन नेष्टुं कृते युगे । रंति देवं महादेवं कीर्तयेत्परमद्यु
 तिं ॥ विश्वजित्तपसोपेतं लक्ष्म्यं लोकपूजितं । तथा श्वेतं च रा
 जर्षिं कीर्तयेत्परमद्युतिं ॥ सगरस्यात्मजायेन प्लावितास्तारि
 तास्तथा । हुताशनसमानेतान् महारूपान् महौजसः ॥ उग्रको
 पान् महासत्त्वान् कीर्तयेत्कीर्त्तिवर्द्धनान् । देवानृषिगणांश्चैव
 नृपांश्च जगतीश्वरान् ॥ सांख्ययोगञ्च परमं हव्यं कव्यं तथैव
 च । कीर्तितं परमं ब्रह्म सर्वश्रुतिपरायणं ॥ मंगल्यं सर्वभूतानां प
 वित्रं बहुकीर्तितम् । व्याधिप्रशमनं श्रेष्ठं पौष्टिकं सर्वकर्मणाम् ॥
 प्रयतः कीर्तयेच्चैतान् कल्यंसायं च भारत । ये ते वै यांति वर्षति भां
 ति वांति सृजन्ति च ॥ एते विनायकाः श्रेष्ठाः दक्षाक्षान्ताजितेन्द्रि
 याः । नराणामशुभं सर्वं व्यपोहन्ति प्रकीर्तिताः ॥ साक्षिभूता म
 हात्मानः पापस्य सुकृतस्य च । एतान्वै कल्यमुत्थाय कीर्तयन् शु
 भमश्नुते ॥ दोहा ॥ सावित्री यहमंत्रहै कह्यो तुम्हें हम जौन ।
 याहि जपे सो प्राप्त सुख होत सुनहु बुधिभौन ॥ देवकार्य में
 जो पढ़ै यहि मंत्रहि अभिराम । देवहोहिं परसन्न तौ अतिहि

सुनहु बुधिभौन ॥ पितरकार्यमें जो पढ़ै पावन कैकैपर्म । पितर
 होहिपरसन्न तौ अतिहीतातसधर्म ॥ काश्यपगौतम अंगिरस
 भृगुअरु भारद्वाज । शुकवृहस्पतिअत्रिअरु ऋषिअगस्त्यनर-
 राज ॥ अरुवशिष्टजमदग्निअरुइनआदिकऋषिऔर । तिमिही
 वसुअरु अमरपति सुनहुमनुजशिरमौर ॥ सावित्री मंत्रहिपढ़ेकै
 बलवानमहान । जीतेसबदानवनकोभूपतिसुनहुसुजान ॥ सुवर-
 णसों मढ़वाइकै तिनकेशुंगअनूप । गोशतदीन्हैते सुफल जैसो
 होत सुभूप ॥ सावित्री मंत्रहि पढ़ै तैसोई फलपर्म । प्राप्तहोतहै
 मनुजको निश्चय जानुसधर्म ॥ मनुजजपै जो पातकी तौ पातक
 नशिजाय । अरु जो जन रोगीजपै तौ सब रोग बिलाय ॥ पढ़े
 क्षेत्रमें होतहै अन्न बहुत अभिराम । पढ़े गेहमें होतहै मंगल
 महत ललाम ॥ नारी आदिक मनुज नितरहत निरोगितसर्व ।
 अग्नि चोर भय होत नहिं सम्पति बढ़त अखर्व ॥ याहि पढ़े
 प्रस्थानमें अरु प्रवेशमें पर्म । राज्य सभाके माहिं अरु मिलति
 सुसिद्धि सधर्म ॥ ऋग्गीता ॥ रणमाहिं क्षत्रिय जोपढ़ै तौलहैरणमें
 जीतिको । सब जाहिं बैरी भागि रणते भूरि लहिकै भीतिको ॥
 जब जाय कौनहु काजको करि चित्त थिरतब जो पढ़ै । करिसि-
 द्धि काजहि आय गृहमें भूरि आनंदसों मढ़ै ॥ भयचोर अरु
 व्याघ्रादिको कहुं होय मारगमें नहीं । निति होत बहुसन्मान
 वर अपमानता न लहै कहीं ॥ अरु बायुजल अहि वृन्दको भय
 प्राप्त कबहुं होतना । निति रहै सम्पति बाय गृहमें होतदरिद
 उदोत ना ॥ जहँजाय सावित्री पढ़ी तहँ बाल मृत्युहि ना लहै ।
 सब होतहै सो सिद्धिहै मनमाहिं मानव जोचहै ॥ सुनु भूप यह
 जप गुप्तहै वर सुऋषि गण बुधिधामको । सब अशुभ कोहै
 नाशकारक हेतु आनंद मानको ॥ गहिनेम याको जपत हैं
 जन जौन वर बुधिभौन हैं । जन करत हैं आनंद सों ते परम
 गतिको गौन हैं ॥ देख ॥ सावित्री वर मंत्र हम तुम्हें कह्यो

महिपाल । अब आगेका भूप तुम करिहौ प्रश्न विशाल ॥

इतिशान्तिपर्वणिदानधर्मेसावित्रीमाहात्म्येएकविंशधिकशततमोऽध्यायः ॥

बुधिष्ठिरउवाच ॥ सोरठा ॥ परमपूज्य है जौन कहौ तौन अब मो-

हिं तुम । सुनहु तात बुधिभौन ब्रह्माधर्म महानके ॥ तोटक ॥ सुनि

भीषम बैन सुभूपति के । धर्मज्ञ सुप्रज्ञ महा अति के ॥ यहिमां-

ति भये कहते सुख सों । लखि पाण्डव को रति की रुखसों ॥

तोमर ॥ वर विप्रजे बुधिधाम । श्रुतिमान स्वच्छ ललाम ॥ अति

पूज्य हैं नृप तौन । वर धर्म कर मतिभौन ॥ आभीर ॥ भीषम के

ये बैन । सुनिकै भूप सचैन ॥ कहत भयो इमि बात । भीषमको

अवदात ॥ अरिल ॥ ब्राह्मणकी पूजामेंशुचि फल । कहा अधिक

देख्यो तुम वर बल ॥ करत प्रशंसा हौ पुनि पुनि अति । तिहि

ते पूछतहौं मैं वरमति ॥ भीष्मउवाच ॥ दोहा ॥ कहत एक इति-

हासहौं इहि प्रसंगमें भूप । कार्तवीर्य अरु बायुको है सम्वाद

अनूप ॥ सोरठा ॥ होतभयो महिपाल पुरी सुमाहिषमतीमें । स-

हित सुनीति विशाल पृथ्वी को पालत भयो ॥ देतभयो सोभूरि

धनवर दत्तात्रेयको । महत मोद सों पूरि करि बहु विधि बिन-

ती परम ॥ दोहा ॥ दत्तात्रेय प्रसन्न है ताहि कह्यो इमिबैन । मां-

गहु हमसों तीनवर देहौं तुम्हें सचैन ॥ रामगीती ॥ बैनदत्तात्रेय

के सुनि कार्तवीर्य भूप । मांगतो वर भयो ये त्रय मुदित होय

अनूप ॥ चमूमाहीं हाहिं मेरे सहसबाहु प्रचण्ड । जीति औमें

लेहुँ बल सों सर्व भूमि अखण्ड ॥ सदापालों भूमिको मैं प्राप्त

होय सधर्म । देहु ये वर तीन हमको कृपा करि तुमपर्म ॥ देहिं

शिक्षा सन्तमोको करौं जब अभिराम । देहु यह वरदानचौथो

मोहिं हे मतिमान ॥ कह्यो दत्तात्रेय ऐसे भूपके सुनिबैन । यहो

हम वरदान तुमको दियो हे बुधिऐन ॥ ता अनन्तर भानु सम-

रथ बैठि ताके माहिं । देखि अपनो तेज काहुहि भयो गनतो

नाहिं ॥ भयो कह तो बैन ऐसे भूरि करि अभिमान । हैनकोऊ

आजु मोसों और बीर जवान ॥ दोहा ॥ अर्जुन के बाक्यान्त
 में नभवाणी इमि बैन । धरि निशाचरी रूपको कहति भईबुधि
 ऐन ॥ जयकरी ॥ कहा कहत है तू अभिमान । कार्तवीर्य सुनु हे
 अज्ञान ॥ विप्र श्रेष्ठ क्षत्रिय ते तौन । तू जानत नहिं दुर्मतिभो-
 न ॥ अर्जुन उवाच ॥ सोरठा ॥ आश्रित विप्र सदाहिं क्षत्रिय कैकै
 रहतहैं । क्षत्रिय आश्रितनाहिं विप्रनके कबहूरहत ॥ चरणकुलक ॥
 अरु क्षत्रियहि प्रजाको पालै । राज्यनीतिको गहे विशालै ॥ अरु
 क्षत्रियही सुपथ चलावै । धरिकै धर्महि कुपथ मिटावै ॥ दोहा ॥
 धर्म चलायो चलत है क्षत्रियहीसों परम । क्षत्रियते किहि भांति
 हैं ब्राह्मण श्रेष्ठ सधर्म ॥ गेला ॥ सदाराखिहों अपने बशमें विप्र-
 नको मैं । ब्राह्मणते क्षत्रियको अबते बर करिहों मैं ॥ युद्धमाहिं
 नहिं कोऊ मेरे सोहैं आवत । ऐसे हों मैं बीर परमभो यशजग
 गावत ॥ दोहा ॥ नर अरु सुरमोहिं राज्यते टारि सकतकोऊन ।
 याते हम हैं श्रेष्ठ अति ब्राह्मण हम ते ऊन ॥ सोरठा ॥ अर्जुनके
 सुनि बैन कांपति भई निशाचरी । सुनहु तात बुधि ऐन बर
 धर्मज्ञ सु कीर्तिकर ॥ तदनन्तर इमि बायु गुप्तभयो सो कहत
 भो । सुनु अर्जुन नरराय कलुष भाव यह छोड़ि दे ॥ अरिल ॥
 नमस्कार विप्रनको तू करु । क्रूरभावको हियमें मति धरु ॥
 विप्रनको करिहैं अपमानहि । कैहैंतौ तब बिघ्नमहानहि ॥ दोहा ॥
 अथवा तेरो मान हरि करिहैं राज्यहि भंग । विप्रकोप करि तू
 न करु यहि ते गर्व उतंग ॥ मारुत के सुनि बैन ये अर्जुन ब-
 ली नृपाल । कहत भयो इमि कौन तू है हे मूढ़ विशाल ॥ मंजु-
 गीती ॥ सुनि बैन ये महिपाल के । अति गर्ववान विशाल के ॥
 यहि भांते बायु कह्यो बली । हम बायु बात कहीभली ॥ अर्जुन
 उवाच ॥ दोहा ॥ करत प्रशंसा विप्रकी यहि ते पूछततोहिं । विप्रन
 को कीन्हो कहा होत सिद्धि कहु मोहिं ॥ आभोर ॥ अर्जुनके ये
 बैन । सुनि मारुत बुधि ऐन ॥ कहत भयो इमि बात । अर्जुन

को विख्यात ॥ वायुसुबाध ॥ तोमर ॥ गुणविप्रगणके परम । हम कहत तोहिं अभर्म ॥ सुनु तौन चित्तलगाय । नृपतू प्रमाद विहाय ॥ हरिगोती ॥ सुनु पूर्व ऋषिवर अंगिरस जलतेज सों सब पीगये । नहिरह्यो बाकी तनक भूमें तृप्ततबहूं ना भये ॥ पुनिदई भरि सब भूमिका को भूमिनीर प्रवाह सो । तिहिते नदी पुनि बहन लागी भरीसलिल अथाह सो ॥ सुररायको ऋषि शाप गौतम दियो क्रोध अछेहमें । तिहि ते भये सुररायके भग सहस सिगरी देहमें ॥ जलमिष्ट सों हौ भरो सागर पूर्व रत्ननसों रयो । सोशाप लहिकै ब्राह्मणनको परम लवणोदकभख्यो ॥ अरु और उग्र सुकर्म विप्रन किये जे अवदात हैं । सुनु भूमि पालन कर्म सोसों कहते सबजात हैं ॥ सम तू नहीं है ब्राह्मण नके करत का अभिमानको । करु नित्यपूजा विप्रगणकीधारि प्रीति महानको ॥ वरविप्रऔरो नाशकीन्हों तालजंघ नृपाल को । अरु कियो विप्रहि दण्डकनते नाशराज्य विशालको ॥ लखुतोहिं प्रापति राज्य भो अरु तेज बरबल माम है । वरविप्र दत्तात्रेयजूकी कृपाते अभिराम है ॥ तिहि ते न तू सम विप्रके नहिं करत का अभिमानको । नहिं कछू दुर्लभ कार्यहै वरविप्र वृन्द सुजानको ॥ हैविप्रकर्ता लोकके क्यों जानिहोत अजानतू । दुहुँलोकमाहीं ब्राह्मणनको जानुउग्रमहानतू ॥ गुणचारु कश्यप विप्रको मैं कहतहों सो सुनहुजू । सुनुताहि हेनरनाह हियकेमाहिं आपु सुगुणहुजू ॥ नृपअंग श्रीवर द्विजनको भूदेनकीइच्छाकरी । तिहि ते सुचिन्ता महा हिय के माहिं श्री धरणी धरी ॥ मैं दुर्लभाहों ताहि प्रापति अंग नृपवर होयकै । कैसे सुइच्छादेन की है करत लोभहि गोयकै ॥ अब रहोंगी नहिं अत्रजैहों विधाताके धामको । यहकै बिचार सुधरणि चाली छोड़िदेह ललामको ॥ वरविप्र कश्यप धर्मधर यहि जानिकै वृत्तान्तको । परवेश भूकी देहमें करिधरे धीर्य नितांतको ॥ भोकरत धारण

चराचरके भार अतिही मामको । जनजान तो कोऊनभे वृ-
त्तान्तयहि अभिरामको ॥ भोदेत भूपति अंगभूको यज्ञमाहिं
विधानको । करिभूरि आदर द्विजनको हियधरे मोद महानको ॥
घोस्टा ॥ यहिविधि तीसहजार वर्ष देवतनके परम । कश्यप बुद्धि
अगार भूमि होयकै रहतभो । तदनन्तर पुनिआय भूमि द्रुहिण
के लोकते । अति विस्मयसों छाय कश्यपको देखति भई ॥ गुण
कश्यपको देखि मुदिता धरणी होयकै । अतिहिश्रेष्ठ हियलेखि
तासुसुता होतीभई ॥ अभीरा ॥ भयो काश्यपी नाम । तबसो भूको
आम ॥ ऐसो ब्राह्मण परम । काश्यप भयो सधर्म ॥ द्विजकश्यप
सो कौन । भोक्षत्रिय बलभौन ॥ कार्तवीर्य महिपाल । कहिये
मोको हाल ॥ देहा ॥ मारुतके येवचन सुनि कह्यो न कछुनर-
राय । तदनन्तर पुनिकहतभो भूपतिको इमिबाय ॥ अबमैंविप्र
उतथ्यको कहत पराक्रम तोहि । कारतवीर्य महींपमणि सुनिये
मोतनजोहि ॥ रामगीतो ॥ सुताभद्रा सोमकी अतिभरी रूपमहा-
न । तासुतुल्य उतथ्यकोभो जानतो शशवान ॥ होयपति सुउ-
तथ्य मोयह कामना करिभूरि । भई तपको करतिभद्रा महत
मुदसों पूरि ॥ ताअनन्तर विप्रविज्ञ उतथ्यको बुलवाय । भयो
भद्रा देतताको अत्रि मुदसों छाय ॥ विप्रउग्र उतथ्य ताको
कियो ग्रहण सप्रीति । भई हर्षित होतिभद्रा देखिपतिकी रीति ॥
करीपूरव कामनाहीं जलेश्वर यहपरम । होयभद्रा प्राप्तमोकोरूप
मानि सशर्म ॥ जलेश्वरसों कालिन्दीके तीरमाहीं जाय । युक्ति
कौनहु करिहरी भद्राहि मुदसों छाय ॥ जाय अपनेनगर माहीं
लगोकरन बिहार । साथभद्राकेपगो सुख प्रीतिसहित अपार ॥
कह्यो सुऋषि उतथ्यको नारद सु यहवृत्तान्त । कह्यो इमिसुउ-
तथ्यतब करिकै सुक्रोध नितान्त ॥ कह्यो नारद जायकै तुम वरु-
णको येवैन । क्षिप्रकरिकै कृपामोपै परमप्रज्ञाएन ॥ वरुणतू है
लोकपालक लोकनाशकनाहिं । कहतहों मैंसत्यसमुभोआपने

मनमाहिं ॥ हरीक्यों तैं नारिचारु उतथ्य ऋषिकीपर्म । छोड़ि
देतूहै नतुमको योग्य बरुणसधर्म ॥ वचन सुनि सुउतथ्यके ये
सुमुनिनारद जाय । कह्यो जौन उतथ्य बरुणहिदयोतौन सुनाय ॥
बैन नारदके सुने इमिकह्यो बरुण सशर्म । मोहिकन्या सोमकी
यहलगति प्यारीपर्म ॥ रहतयाके संगहों निशि दिवसमें सा-
नन्द । दईनाहीं जातिमोसों सुनहु सुमुनि अमन्द ॥ सुनि सु-
नारद जलाधिपके वचन येसुनुभूप । आयपास उतथ्यके इमि
भये कहत अनूप ॥ तज्योनाहीं चहततेरी नारिको नीरेश । क-
रहु कीबेहोय जासो सुनु उतथ्य सुवेश ॥ कहेजौन उतथ्यको
ये बैन नारद तौन । अंगिरा सुनिकियो हीमें कोप अति बुधि-
भौन ॥ कहतभे इमिहरीमेरे पुत्रवारी नारि । सर्व तिहिते सो-
खिजैहों तेजसों में बारि ॥ कहि सुइमिवर भये पीवत अंगिरा
जलसर्व । तजीतबहूं नाहिंनारी नीरराज सगर्व ॥ कह्यो इमिसु-
उतथ्य तबकरि कुद्धभूको बैन । देदिखाय सुभूमिमोको जला-
धिपकोऐन ॥ लक्षषट जिहिमाहिं हैं हृदस्वच्छ जलमय भूरि ।
रहतयत्र जलेशहै अति महत सुखसों पूरि ॥ ताअनन्तर सिंधु
हटिगो दयोभूमि दिखाय । सदनवर बारीशको अभिराम अ-
तिसुखदाय ॥ जायकै सुउतथ्य जहँ अतिभरेक्रोध महान । सर-
स्वतीवर नदीसों इमि भये कहत सुजान ॥ जाहुत मरुदेशको
सुनु सरस्वति शुभवेश । जाय होय अपुण्य जासों बरुणको
यहदेश ॥ सुनिसुबैन उतथ्यके ये सरस्वति अभिराम । बरुण-
वारे देशकोतजि शीघ्रही बुधिधाम ॥ भईजाति सुदेश मरुको
सुनहु हेमहिपाल । भयोताते बरुणके हियमाहिं दुःख विशाल ॥
जलाधिप तबसहमि करिकै ल्यायभद्रा नारि । भयोदेतो ऋषि
उतथ्यहि दुःख हियमें धारि ॥ ऋषि उतथ्य सुपायभद्रा नारि
को अभिराम । सुनहु भूपति महत मोदहि लहतभो बुधिधाम ॥
छोड़िदीन्हो जलाधिपको दुःखते अतिभूरि । अंगिरस ऋषि

जगतमाहीं दयोनीरहि पूरि ॥ जातहों निजधामको मैं लेय अ-
 पनी नारि । मूढ़सुनु बारीशतेरे सर्वगर्बहि गारि ॥ ऋषि उतथ्य
 सुपरम इमिकहि जलाधिपको बैन । नारि लहिकै होय मोदित
 गयो अपने ऐन ॥ दोहा ॥ ऐसोभयो उतथ्य ऋषि परम प्रतापी
 दक्ष । को उतथ्यते श्रेष्ठभो क्षत्रिय कहहु प्रतक्ष ॥ भोष्मउवाच ॥
 आभीर ॥ सुनि मारुतके बैन । कार्तवीर्य बलऐन ॥ बोले बचन
 कछून । क्षत्रियकी सुनि ऊन ॥ कहत भयो इमिफेरि । वायु नृप-
 तिकोटेरि ॥ ऋषि अगस्त्य अभिराम । सुनहु तास गुण माम् ॥
 सब देवनको जीति । दनुजन किये सभीति ॥ मानवान के कर्म
 यज्ञादिक सबपर्म ॥ हरि लीन्हें ते सर्व । बलसों परम अखर्ब ॥
 तबसुभूतिसों क्षीन । कैकै अतिही दीन ॥ देवतसबभू माह ।
 फिरत भये नरनाह ॥ दोहा ॥ तदनन्तर कछुदिवसमें ऋषि अ-
 गस्त्यको पर्म । लखतभये सब देवता भूपति सुनहु सशर्म ॥
 रोला ॥ सर्वदेवता ऋषिअगस्त्यको नमस्कारकरि । बूझिकुशलें
 पुनिकहत भये इमि दुःखधरि ॥ सुनहु सुऋषि हमयुद्धमाहिं
 दनुजनसों हारे । भूमें ताते फिरतभये हमपरम दुखारे ॥ अब
 तुम रक्षाकरहु कृपाकरि परमहमारी । आपु महत दुखहरण सर्व
 हम शरण तुम्हारी ॥ सुनिदेवन के दीन बैनये ऋषि अगस्त्य
 बर । कीन्होंकोप विशाल सुनहु महिपाल गर्बधर ॥ चरणाकुलक ॥
 तेजतपस्या के सो भारे । ऋषि अगस्त्य सबदानव जारे ॥ जरे
 तदनु पीड़ितकै भजिकै । दक्षिणदिशिको गे दिवतजिकै ॥ बलि
 हौ करत यज्ञ धरणी में । पगोक्रिया मखकी नीकी में ॥ तिहिते
 अन्यदनुज हे जितने । सुऋषिजारिडारे सब तितने ॥ अमर
 वृन्द तदनन्तर दुखसों । छूटिवसे दिवमाहीं सुखसों ॥ पुनि नि-
 र्जरन कह्यो इमिऋषिको । करिउत्पन्न फेरिकुधशिषिको ॥ भू-
 में दनुज मण्डलीजेती । डारहुजारि सर्वतुम तेती ॥ सुनिकै दे-
 वनकी यहबानी । बोलेइमि अगस्त्य ऋषिज्ञानी ॥ जेहें दानव

सुनहु महीमें । जारिसकतहों तिन्हेंनहीं मैं ॥ दोहा ॥ दहों बिना
अपराधजो सुनहु सो निर्जर सर्व । क्षीणतपस्याहोय तौ मेरी
चारु अखर्व ॥ ऋषिअगस्त्य ऐसेदहे दानववृन्दमहान । अ-
पने तपके तेजसों भूपति सुनहु सुजान ॥ ऋषिअगस्त्यजैसो
भयो परमश्रेष्ठहेभूप । कहौकौनक्षत्रिय भयो तैसोउग्र अनूप ॥
भोष्मउवाच ॥ सुन्दरी ॥ भूपतिबैन सुमारुतके सुनि । बोलतभोन
कछूहियमें गुनि ॥ मारुतबोलतभोलखिया पुनि । गर्वमहाहर-
णीकरिकैधुनि ॥ पञ्चभलो ॥ ऋषिवरवशिष्ठ मतिमानपर्म । सुनु
कार्तवीर्य नृप तासुकर्म ॥ वैखानस सरवर अतिमहान । जल
सों अमन्द पूरणसुठान ॥ दोहा ॥ ताकेतट आदित्यमख बिर-
चतभये अनूप । रक्षाकाजै सुमिरिकै ऋषि वशिष्ठको भूप ॥
वैखानस सरवर परम तासु निकट अभिराम । हुतोएक सर
अतिमहत ब्रह्मदत्त तिहिनाम ॥ खलिन नाम दानव महत
तिहिमें ते कढ़िउद्ध । करिकै शब्दहि भंगमख कीबे चलो
सक्रुद्ध ॥ मधुमार ॥ ते दनुजसर्व । गहि गिरिअखर्व ॥ अरु वृक्ष
वृन्द । लहिकै बिलन्द ॥ दोहा ॥ ब्रह्मदत्त सरको सलिल शत
योजन लौं पर्म । मथतभये सुनुभूपवर कार्तवीर्य सहशर्म ॥
तोटक ॥ तदनन्तर शब्द महाकरिकै । मखके थलकै चहुँघा अ-
रिकै ॥ लरिदेवनको सहत्रास किये । तब देव सबै धरि दुःख
हिये ॥ भजिजाय सुवासवके शरणै । अपनो दुख सर्व लगे
बरणै ॥ तदनन्तर दानव तत्र गये । जहँ शक्रहुतो अतिक्रोध
रये ॥ लरिशक्रहु दानवसों रणमें । लहि हारिहि ग्लानि धरे
मनमें ॥ ऋषि पर्म वशिष्ठ हुतेसुजहां । अतिआरत होयगयो
सुतहां ॥ लखिकै ऋषिवासवको सुडरै । इहिभांति कह्यो मति
भीति धरै ॥ चरणकुल ॥ सुरनसहित सुरपतिको देखे । अतिही
पीडित मनमेंलेखे ॥ तेज आपने सों ऋषिभारे । दानवखलि-
न सर्वदहिडारे ॥ तदनन्तर सुल्यायकै गंगा । ब्रह्मदत्तसरकी-

न्हों भंगा ॥ फूटि सुब्रह्मदत्त सरवरयू । होत भयो सो सरितास-
 रयू ॥ दोहा ॥ दानव खलिन हते जहां ऋषि बशिष्ठ बुधिधा-
 म । सुनहु भूप तादेशको खलिन होत भो नाम ॥ ऐसे देवन की
 सुऋषि करी बशिष्ठ सहाय । दाहि दनुज निज तेजसों सुनु
 अर्जुन नरराय ॥ तेजस्वी सुबशिष्ठ ऋषि ऐसे कीन्हें कर्म । ऐसों
 को क्षत्री भयो कहौ प्रतापी परम ॥ भीष्म उवाच ॥ मारुत के ये ब-
 चन सुनि बोल्यो कछु न भूप । तदनन्तर पुनि कहत भो मारुत
 बचत अनूप ॥ तोमर ॥ अब अत्रिके बरकर्म । सुनु भूमिपाल
 सशर्म ॥ सुर असुर युद्ध महान । रचते भये बलवान ॥ सोरठा ॥
 बाणनसों स्वरभान रवि शशिको बेधत भयो । तिहिते घोरम-
 हान छाया गयो अतिही तिमिर ॥ चरणाकुलक ॥ दनुजन अन्धका-
 रमें भारे । देव समूहनको मलि डारे ॥ ते सब सुर कृशतासों भेखे ।
 अत्रि तपोधन ऋषिको देखे ॥ तिनको बचन कहत भे ऐसे ।
 हारे महत भरे बहु भयमे ॥ शशि सूरहि बाणनसों चोखे ।
 डारे बेधि दानवन रोखे ॥ तममें हमहूँको तिन मारे । ताते भे
 हम परम दुखारे ॥ अब तुम रक्षा करहु हमारी । ऋषिवर हम
 हैं शरण तिहारी ॥ ऋषि उवाच ॥ सकै सुहाय तुम्हारी जैसे । रक्षा
 कहा मोहिं तुम तैसे ॥ तब इमि कहत भये सुरवानी । सुनहु सुऋ-
 षिवर अत्रि सुजानी ॥ होय चन्द्रमा तुम तम हरिये । जग के
 माहिं प्रकाशहि भरिये ॥ अरु सुतेज अपने सों चंडै । जारहु
 दनुज समूह अखंडै ॥ यह बाणी देवन की सुनिकै । अत्रि सुऋ-
 षि हिय माहीं गुनिकै ॥ सोरठा ॥ शशि कै कै मतिमान बिना ति-
 मिर कीन्हों जगत । भरि सुप्रकाश महान अर्जुन सुनहु महीप
 वर ॥ रत्ना ॥ तेज आपने सों महान दानव ऋषि जारे । गणदे-
 वन के परम महत आनंद सों भारे ॥ कियो प्रकाशित भासमान
 को दुःख दूरिकरि । ऐसों कीन्हों कर्म अत्रि हिय मोद पूरि करि ॥
 दोहा ॥ कहैं तोहिं हम अत्रिके करम परम अभिराम । ऐसों को

क्षत्रियभयो कहो मोहितुमआम ॥ भीष्मउवाच ॥ जयकरो ॥ अर्जुन
 सुनि मारुतके बैन । बोलतभये कछु न बुधिऐन ॥ तदनन्तर
 ऐसे पुनिवायु । भये कहत सुनुवर नररायु ॥ कर्म च्यवनऋषि
 के अभिराम । अब हम तुम्हें कहत हैं आम ॥ कहिअश्विनी
 सुतनसों बैन । ऐसे च्यवन सुवरबुधिऐन ॥ भागतुम्हें मखमा-
 हीपर्म । देंगे निश्चय करहु अभर्म ॥ बासवको ऐसेऋषिदक्ष ।
 भये सुकहते बचन प्रतक्ष ॥ भाग यज्ञमाहीं तुमदेहु । अश्वि-
 नी सुतनहुं को करिनेहु ॥ बासव ये सुच्यवनके बैन । सुनिइमि
 कहत भयो बुधिऐन ॥ दस और देवनसम नाहिं । याते भाग
 यज्ञके माहिं ॥ कैसे देहिं सुनहु बुधिऐन । कहिये आपु न पुनि
 ये बैन ॥ कहिहौ और तौनहम सर्व । करिहैं सुनु ऋषि च्यवन
 अखर्व ॥ च्यवनउवाच ॥ दोहा ॥ संगअश्विनीसुतनके पीवहु सो-
 महिपर्म । येऊ तौ हैं अमरही सूरजपुत्र सशर्म ॥ नराचिका ॥ जो
 सो सुबाकमानिहौ । तौ माँहीय तानिहौ ॥ जो आपु मानिहौ
 नहीं । मोदै न पायहौ कहीं ॥ इन्द्रउवाच ॥ सोरठा ॥ सोमपान हम
 नाहिं करिहैं अश्विनि सुतनसह । सत्यकहत तवपाहिं सुनहु
 च्यवनऋषि प्रज्ञवर ॥ च्यवनउवाच ॥ दोहा ॥ सोम अश्विनी सु-
 तनसँग मनसों पीहौ नाहिं । बरबसतुम्हें पिवायहौ तौ मैंमख
 के माहिं ॥ कहिकै ऐसे इन्द्रसों कियो यज्ञ प्रारम्भ । ताहि
 देखिकै क्रोधअति करिकै इन्द्र सदम्भ ॥ तोटक ॥ गिरि औवर
 बज्रउठायचरयो । हनिबेऋषिकोअतिकुद्धभरयो ॥ सुरराजहि
 आवत सो चाहिकै । पढिमंत्रजलैकर में लहिकै ॥ ऋषिउग्र
 महा तिहिपैछिरकयो । तिहितेसुरराय न आय सकयो ॥ तदन-
 न्तर शत्रु सुसुरपतिको । अतिघोर भयङ्करभा अतिको ॥
 ऋषिउग्रबली उत्पन्न कियो । लखिताहि कैप्यो सुरको सु-
 हियो ॥ मदनामभये धरते तिहिको । दीरघ आस्थ कियो
 जिहिको ॥ दोहा ॥ शतशत योजनके किये ताकेदन्त हजार ॥

दन्तनते द्विगुणी रची उन्नत डाढ़ उदार ॥ ताकेमुखको भाग
अध भू में लग्यो महान । अरु ऊपर को भागसो नभ में
लग्यो सुजान ॥ ताके जिह्वा मूलमें सुरन सहित सुरराय ।
प्राप्त होत भो सुनहु नृप महत भीति सों द्राय ॥ सोरठा ॥ तब
पीड़ित सुर सर्व कहत भये इमि शक्रसों । सुनु हेशक्र अखर्व
करहु बन्दना च्यवनकी ॥ दोहा ॥ पीवेंगे हम सोम सब सहअ-
श्विनी कुमार । नतौ जायगोलीलि यह मद बलवान अपारा ॥
ये सुनि देवन के बचन अरु गुणि दुखको शक्र । करिसुबन्दना
च्यवन की छोड़ि सुभावहि बक्र ॥ शक्र अश्विनीसुतन सह
पियो सोम अभिराम । तदनन्तर पूरण कियो यज्ञच्यवनबुधि
धाम ॥ मद के चारि विभागकरि च्यवन सुऋषि धर्मज्ञ । सुन-
हु सहस्राबाहु नृप बर बलवान सुप्रज्ञ ॥ द्यूतमाहिं अरु मृगयमें
अरु परतिय माहिं अभर्म । अरु मदिराके माहिं धरतभे मद
को सुऋषि सधर्म ॥ तिहिते नृप इन सबन सों रहिये दूरिस-
दाहिं । होत मनुजअल्पायु है लिप्त भये हनमाहिं ॥ च्यवन
सुऋषि बर उग्र के कहे तोहिं हम कर्म । ऐसोको क्षत्रियभयो
उग्र प्रतापीपर्म ॥ भीष्मउवाच ॥ अर्जुन सुनिकै बचन ये कछु न-
हिं बोल्यो बैन । तब मारुत पुनि कहतभो ऐसे सुनु बुधि ऐन ॥
चरणाकुलक ॥ बिप्र सुकर्म करतहैं जैसे । क्षत्रिय सकतनहीं करि
तैसे ॥ जब मदके सुखमाहिं भयेहे । प्राप्तसर्वसुर दुःखरये हे ॥
दोहा ॥ तौन समयमें च्यवन भू हरी सुरनकीपर्म । अरु कप द-
नुजनदिव हरयो भूपति सुनहु सधर्म ॥ निकसे मद के बदनते
तब पीड़ित सुर सर्व । जाय द्रुहिणपै सब कह्यो निज वृत्तान्त
अखर्व ॥ देवाञ्जुः ॥ च्यवन हरयो भूलोक अरु स्वर्ग हस्योकप
वृन्द । सुनहु द्रुहिण ताते भयो हमको दुःखबिलन्द ॥ मोतीदामा ॥
सुने बिधि देवन के यहबैन । कह्यो यहि भांति सुनो बुधिऐन ॥
सबिप्रन के शरणे तम जाय । रहौ लहिहौ दहंलोक सचाय ॥

शान्तिपर्वदानधर्मदर्पणः ।

३६६

रामगीती ॥ बैन सुनिये विधाताके सर्व देवत परम । विप्रगण के
 शरणमाहीं भये रहत सधर्म ॥ तद अनन्तर कह्यो विप्रन सुरन
 कोइमिबैन । कहो जोतुम करैं सो हम कहत तुमकोऐन ॥ बचन
 सुनिये विप्रगण के कहत भे सुर सर्व । डरो तुम कपदानवन के
 वृन्द परम अखर्व ॥ बैन सुनिये देवतन के विप्रपरम सुजान ।
 नाशिबे कप वृन्दकीबे लगे होम महान ॥ तौन सुनि कपदान-
 वन बर ब्राह्मणनके पास । भये भेजत दूत अपनो परमप्रज्ञा-
 रास ॥ जायकरिकै ब्राह्मणनके पास सो बर दूत । भयो कहतो
 बैन ऐसे भरो बुद्धि अकूत ॥ सुनहु जैसे आपु हौ तैसेइहैं कप
 वृन्द । यज्ञकारक वेदविद अरु प्रज्ञपरम अमन्द ॥ बासकी-
 न्हें रहति लक्ष्मी सदा तिनके माहिं । किये धारण लक्ष्मीको
 तौन रहत सदाहिं ॥ ऋतुमती जब होति नारी जात जबति-
 हि पास । रजस्वलिका नारिमें नहिं रमतहैं बुधिरास ॥ करत
 हैं तब होम जब प्रज्वलित पावक होत । वृथामांसन खातहैं हैं
 परमप्रज्ञापोत ॥ दोहा ॥ पूरबाहनमें घूतनहिं खेलतहैं कपसर्व ।
 औदिनमें सोवत नहीं हैं बलवान अखर्व ॥ तोमर ॥ तुम जीति
 सकिहौ नाहिं । कपवृन्दको रण माहिं ॥ तिहि ते न करहुबिगारा
 तुम सर्व बुद्धि अगार ॥ बिप्राज्जुः ॥ दोहा ॥ जीतैंगे कपवृन्दको
 हम सब संशय नाहिं । दूत शीघ्र तू जायकै कहौ कपन के पा-
 हिं ॥ आभीर ॥ द्विजन कहौहो जौन । दूत कपनको तौन ॥ शी-
 घ्र कहत भो जाय । सुनु अर्जुन नरराय ॥ पञ्चमाली ॥ सुनि कपन
 दूत के बैन सर्व । गहि अस्त्रक्रोध करिकै अखर्व ॥ द्विजगणहि
 मारिबेको महान । करिकै बिचार कीन्हो प्रयान ॥ लखिध्वज
 कपनकी द्विजनपरम । तिनको सुजारिबेको अभर्म ॥ दीन्हों सु-
 छोड़ि प्रज्वलितकृशानु । कपवृन्दतौन दहिकै महान ॥ भोल-
 सत मेघ लौं व्योमबीच । लखि ताहि होत भे सुर निभीच ॥
 दोहा ॥ तदनन्तर ब्राह्मणनकी करत प्रशंसापरम । भये अमर

इन्द्रादि सब कै कै भूरि सशर्म ॥ प्रापतहो सुरलोकको रहत
 भयेसानन्द । लहि सहाय ब्राह्मणनकी दहे सर्व कपवृन्द ॥ लोमरा
 सुनि बैनये अभिराम । बरबायुके बुधि धाम ॥ अर्जुनसुबायुहि
 पूजि । गुणतासु बहुविधि कूजि ॥ इमि कहतभो सुनु भूप । अ-
 भिमानछोड़ि अनूप ॥ तुम विप्रके बरकर्म । हमको कहे सह
 धर्म ॥ तिहि ते गयो अभिमान । मिटि सर्व मोमतिमान ॥ दोहा ॥
 सुखदायक अभिमानजो कियोतौनतुमदूरि । ताते मोकोबायुतुम
 हौ सुखदायक भूरि ॥ कृपा सुदत्तात्रेय कीतैं मोको अभिराम ।
 कीर्तिमिली अरु बल मिल्यो अरु ऐश्वर्य महान ॥ बायुरुवाच ॥
 विप्रनको पालहु सदा गहिकै क्षत्रिय धर्म । अरु राखो इन्द्री-
 नको बशमें सदा अभर्म ॥ भृगुऋषि ते कछु दिवसमें अति-
 ही भीति विशाल । प्रापत तुमको होयगी अर्जुन प्रज्ञ नृपाल ॥
 इतिशान्तिपर्वज्ञानधर्मेबायुअर्जुनसंवादेद्वाविंशाधिकशततमोऽध्यायः १२२
 युधिष्ठिरउवाच ॥ दोहा ॥ पूजामेंफलहैकहा विप्रनकी सहधर्म ।
 कहौ मोहितुम करतहौ पूजानित्य सशर्म ॥ आभोर ॥ पाण्डवके
 सुनि बैन । ये भीषम बुधिऐन ॥ कहतभये इमि परम । पाण्डव
 कोसहधर्म ॥ भीष्मउवाच ॥ तोमर ॥ हमबिकलहैं अवपरम । सुनुपा-
 ण्डुपुत्र सधर्म ॥ तिहितेनपूछहुमोहिं । हमकहत सत्यहि तोहिं ॥
 चयकरी ॥ ब्राह्मणकीपूजाअभिराम । कीहैं जो फल मिलतल-
 लाम ॥ सोजानतहैं कृष्ण अनूप । पूछो इनसों तुमहेभूप ॥
 सबके कर्ता हैं सर्वज्ञ । कृष्णचन्द्र सुनु भूपति प्रज्ञ ॥ भीषमकी
 सुनिकै यहवात । भूपयुधिष्ठिर कुन्तीतात ॥ कृष्णचन्द्रको ऐसे
 बैन । कहतभये बर प्रज्ञाऐन ॥ विप्रनकी पूजामें जौन । मिलत
 कृष्ण फल कहिये तौन ॥ सुनिये बैन भूपके परम । कहत भये
 श्रीकृष्ण सशर्म ॥ कृष्णोवाच ॥ द्वारावती पुरीके माहिं । सुतप्रद्यु-
 म्न हमारेपाहिं ॥ कह्यो वचन काहूकटुविप्र । तातेकै सक्रोधअ-
 ति क्षिप्र ॥ मोहिं कहत भो ऐसेबैन । ममसुतवर प्रद्युम्नसचैन ॥

विप्रनकी पूजा सहप्रेम । आपकरतहौ नित्यसक्षेम ॥ तासहोत
 फलका अभिराम । कहौमोहितुमआनंदधाम ॥ देहा ॥ सुनिकै
 ये प्रद्युम्नके वचनपरमसुनुभूप । द्विजपूजाको चारुफल मेंभोक-
 हत अनूप ॥ अरिल ॥ ब्राह्मणहैं सुखदुखके कारण । कहततोहिं
 में करिनिरधारण ॥ द्विजकीपूजाकीन्हेंनिर्मल । मिलतकीर्त्ति
 अरुआयु सुयशबल ॥ करहुक्रोधतुम मतिविप्रनपर । ब्राह्मण
 होत परम उत्तम तर ॥ रामगीती ॥ करैइच्छाचित्तमें जो विप्रवर
 मतिमान । रचै दूजोलोक तौ सहलोकपाल महान ॥ हुतोफि-
 रतो एकब्राह्मण भूमिमाहिंअनूप । चीरबल्कल किये धारण
 कहतइमि मुदरूप ॥ नामदुर्बासा हमारो लोकमाहिं प्रसिद्धि ।
 करैगोसत्कार मो जो लहैगो दुखदृष्टि ॥ जोकरावै क्रोधनहिंसो
 मनुजराखै मोहिं । करतताते नाहिं कोऊ तासआदर जोहिं ॥
 ताहिराखतभये हम गृह माहिहेसुनुतात । कहै कबहुं वचनका-
 हू सों नहीं अवदात ॥ करैभोजन मनुजजेतो सहस तेतोखाय।
 कबहुं भोजन अल्पहीकरि रहतमुदसोंछाय ॥ हँसैकबहुं आपु-
 हीसों देतकबहुं रोय । वृद्धतासम औरभूमें पुण्यनाहीं जोय ॥
 रहैकबहुं धाममाहीं कबहुं बाहर जाय । रहैठाढोहोयगृहमें क-
 बहुं औचक आय ॥ ताहिरहिबे काज हमबरदयो जोहोधाम ।
 कछूदिनमें जारि ताको सहित शय्या बाम ॥ जायबाहर आय
 पुनि हमको कह्यो इमिविप्र । खीर भोजन करेंगे हम ल्याउअ-
 वहीं क्षिप्र ॥ तासु जानि स्वभाव भोजन सर्व हम बनवाय ।
 हुते राखे पूर्वही करि धामस्वच्छ लिपाय ॥ ल्याय पायस शी-
 ग्रही हमदई ताको तात । क्षिप्रताको खायकै इमि कहतभोअ-
 वदात ॥ रहीभाजन माहिं हमते खीरबाकी जौन । सर्व अपने
 अंगमाहीं कृष्णलावहु तौन ॥ बैनसुनिये तासुहमसब अंगमा-
 हीं पर्म । भयेसो उच्छिष्ट लावत खीरतात सशर्म ॥ तदअन-
 स्तर रुक्मिणीतव मातको लखि विप्र । कह्योपायस तुमहुं ला-

बहुअंगमाहीं क्षिप्र ॥ रुक्मिणीहू भई पायस लावतीतनमाहिं ।
 तदअनन्तर कियोतिहियहकर्म मेरेपाहिं ॥ लायरथमें रुक्मिणी
 को वृषभ लौहे तात । बैठितामें शीघ्र गृह मेंभयो बाहर जाता ॥
 लखत मेरे रुक्मिणी कोलग्यो मारनपर्म । चमौटीसों तौन ब्रा-
 ह्मण रहित शंक सशर्म ॥ तबहुं अपने चित्तमें मैं दुःखकीन्हों
 नाहिं । देखि ताको सर्व यादवराज मारगमाहिं ॥ होय क्रोधित
 परमते इमि लगे कहन सुजान । लखौयह द्विजकरतहै अति-
 घोर कर्ममहान ॥ रुक्मिणीको हनतहै नहिं करतभय हियमा-
 हिं । औरऐसो बिप्रकबहुं कहूं देख्योनाहिं ॥ हैन ब्राह्मणवर्णके
 समऔर कोऊवर्ण । भरो आनंद सों महा निर्भीति ताको धर्ण ॥
 भये कहते बैन इमि अन्योन्य यादवसर्व । पैनकोऊबिप्रसोंक-
 हिसक्यो बचनसगर्व ॥ तदअनन्तर रुक्मिणी गिरिपरी पथ
 के माहिं । तबहुं प्रेरत भये कीन्होंनेक शंका नाहिं ॥ उठिसकी
 नहिं क्रोधकरि तबउतरि रथते पर्म । छोड़िमारगभये दक्षिण
 ओरजात सशर्म ॥ कृपाकरिये करहु क्रोधन आपुबरबुधिधाम ।
 लगोपीके चलयोमें इमिकहत गतिगहिमाम ॥ रहित क्रोध बि-
 लोकि मोको तदअनन्तर बिप्र । भयो कहतो बैनऐसे कृपाक-
 रिकैक्षिप्र ॥ क्रोधहूवे के किये हमबहुत कारणपर्म । तबहुंतुमने
 कियोनाहींक्रोधकृष्ण सशर्म ॥ दोहा ॥ ताते भयो प्रसन्नहों तव
 ऊपर मैं पर्म । जोइच्छामें होयसो मांगहु बरसह धर्म ॥
 चरणाकुलक ॥ तुमसब लोकन के प्रियहवैहौ । चारु कीर्ति लोकन
 मेंचैहौ ॥ पायसलायो तनजितनेमें । हवैहै मृत्युभयनहिं तितने
 में ॥ जियबेकी इच्छातुम जबलौं । करिहौतुम जीवोगेतबलौं ॥
 जोतवहमअगार दहिडाख्यो । हवैहैसो नवीनभाभाख्यो ॥ पदत-
 लमेंनहिं पायस लायो । सो तुम कियो न मोमन भायो ॥ और
 सर्व तनमाहीं कीन्हों । लेपनवाकीरहै न दीन्हों ॥ कहतहिकह-
 त बात येनीकी । मेरीभई देह शुभ श्रीकी ॥ पायस लेपनतन

में जोहो । पखोजानि नहीं सो कितगोहो ॥ तदनन्तर रुक्मि-
णिको बानी । कहत भये ऐसे ते ज्ञानी ॥ लोकनमाहीं कीर्त्ति
सुठारी । कैहै हे सुनु रुक्मिणिथारी ॥ कैहै श्रेष्ठा नारिनमाहीं ।
रहिहै सदा कृष्णके पाहीं ॥ लहिहै तू वियोग नहीं कबहुं । ह-
रियहि लोकहि तजिहैंतबहुं ॥ सोरहसहस कृष्णकी नारी । ति-
नमें तू अति कैहै प्यारी ॥ तो तनमाहिं सुगन्धवसैगी । नित्य
नई तो प्रभा लसैगी ॥ देहा ॥ दुर्वासातवमातको कहि इमिवैन
सुजान । तदनन्तर पुनिविप्रसों करिकै कृपामहान ॥ मोहिंक-
हत इहिभांतिभो क्षमा देखि ममपर्म । जैसी अब तैसी रहो
तवमतिसदासशर्म ॥ सोरठा ॥ मोसों कहि इमिवैन तहँहीं अन्तर्दान
भो । दुर्वासा मतिऐन बिप्र क्षिप्र सुनुतातवर ॥ देहा ॥ तब सों
हम यहबूत लियो कहत जौन हैं बिप्र । सुनहु तातश्रद्धासहित
करत तौनहम क्षिप्र ॥ चरणकुल ॥ तदनन्तर हमगृहमें आये ।
अतिही आनँदतासों आये ॥ दुर्वासा जो धाम जरायो ॥ तौ-
नधाम परभासों आयो ॥ नूतन लखत भये सहवामा । और
वस्तुसह सर्व ललामा ॥ नूतनधाम सहित सबहेरे । ताते भो
अचरज हियमेरे ॥ सोरठा ॥ द्विजसेवामें जौन मिलत महतफल
परमहै । सुनहुतातबुधिभौन कह्योतुम्हेंहमतौनसब ॥ चरणकुल ॥
फलजो द्विजसेवाके माहीं । सो प्रद्युम्नके सुहमपाहीं ॥ सुनहु
भूपवर वर्णिसुनायो । सोई हमतव आगेगायो ॥ देहा ॥ द्विज
सेवामें जानिकै उत्तमफल अभिराम । भीषम निशिदिन करत
हैं श्रद्धासह बुधिधाम ॥ जयकरी ॥ ताते तुमहुं युधिष्ठिर भूप ।
कहिकै कोमल बचन अनूप ॥ उत्तम बिप्रन को अभिराम ।
करहु प्रसन्न परमबुधिधाम ॥ आभीर ॥ लोभी हैं द्विजजौन । हैं
उत्तम नहींतौन ॥ योग्य पूजिबे नाहिं । सत्यकहत तवपाहिं ॥
मल्लिका ॥ नित्य धर्म जौनभूप । कै सकै न ते अनूप ॥ लोभमें
पगे महान । रहैं असत्यता सुजान ॥ जौन लोभमाननाहिं ।

विप्रतौ न हीयमाहिं ॥ होय जोय सिद्धिकर्त । भीतिको कहूं न
धर्त ॥ विप्रताहि हर्षिचारु । लोभ पापको अगारु ॥ क्षिप्रदूरि
कै सुदेत । ना असत्य है सचेत ॥

इति श्रीदानधर्मेदुर्वासारुयानेत्रयोविंशाधिकशततमोऽध्यायः १२३ ॥

युधिष्ठिरउवाच ॥ मोतीदाम ॥ महातम शंकरको अभिराम । कहो
अब आपु सुनो सुखधाम ॥ बामुदेवउवाच ॥ महातम शंकर को
सुविशाल । तुम्हें कहते हम हैं महिपाल ॥ सुनो थिरकै चित
को तुमपर्म । सुने सुख होइहि तोहिं सधर्म ॥ कियो यह प्रश्न
महासुखकार । महीपति हे तुम बुद्धिअगार ॥ स्थावर जंगम
भूत जितेक । रचे सब शंभुहिहैं सुतितेक ॥ सदा शिवकीसम
कोऊनाहिं । महावर तीनहुं लोकनमाहिं ॥ पञ्चलो ॥ जब शम्भु
पर्मसह क्रोधहोय । तब होत तासेसोहैं न कोय ॥ डरिशत्रुजात
संग्राममाहिं । गिरि परत कम्पि थिरिसकतनाहिं ॥ शिव करत
कोप जापै महान । नहिं लहत मोदसो कहुसुजान ॥ जिहिको
निनाद सुनिकै अखर्व । कम्पित सुहोत देवतहु सर्व ॥ मखक-
रतदक्षहौ हवैसचोप ॥ मखसो निहारि शम्भुहि सकोप ॥ मृग
रूपधारिभो भजतपर्म । लखि ताहि शंभु धरिधन सशर्म ॥
हनिशीश तीरसों तासुभूप । दीन्हों गिराय भूमें अनूप ॥ मख
धाम माहिं सुरहुते जौन । दुखसहित होतमे सर्वतौन ॥ धनुके
निनादसों अतिअखर्व । व्याकुल सुहोतमे लोकसर्व ॥ गिरि
गिरतभये भूउठीकम्पि । गो अन्धकार चहुँओर सुभम्पि ॥
सहभानु नक्षत्रनकोप्रवीण । गोक्षैप्रकाशवरसर्वक्षीण ॥ चरणाकु-
लक ॥ तदनन्तर देवनके पीछे । धाये शिवकरिनैन तिरीछे ॥ भ-
गसुरके गहिनयन निकारे । अरु पूषाकेदांत उखारे ॥ पुनिजब
धारण कीबेलागे । परकोतब सुर अतिभय पागे ॥ करिपरणा-
म जोरिकै पानी । सर्व देवता सहऋषिज्ञानी ॥ अति प्रसन्न
शंकरको कीबे । अरुवरानिर्भयताको लीबे ॥ शतरुद्रीय स्तव

अतिनीको । सुखदायक अरु दायक श्रीको ॥ पढ़तेभये शंभु
के सौहें । ताते सूध कैगई भौहें ॥ भये प्रसन्नहोत शंभूअति ।
देवन पै सुनु प्रज्ञसुभूपति ॥ दोहा ॥ भागपीछलौ यज्ञको अमर
शिवहिभे देत । तदनन्तरपुनि कहत भे ऐसे बुद्धिनिकेत ॥ शं-
करहमतवशरणहैं कीजैकृपाअखर्व । सुनियेदेवनके वचनअति
प्रसन्न हवैशर्व ॥ मखकेमुण्डहि रुण्डपरधरिकै दयोमिलाय ।
औरहतेजेतेरेहे ते सबदयेजियाय ॥ आभोर ॥ शंकरकोअभिराम
और पराक्रम माम ॥ कहततुम्हैं हमभूप । सुनिये तौनअनूप ॥
रामगीती ॥ भयेबिरचत स्वर्गमाहीं असुर त्रयपुरमाम । लोहेको
इकरजतको इक हेमको अभिराम ॥ सुरनसह सुरराजति-
नको सक्यो नाहिं उजारि । आयकै शिवपास तब इमिभयो
कहतपुकारि ॥ मारि पुर सह दनुज गणको कृपासिंधु अखर्व ।
करदुरक्षा शरण में हम हैं तुम्हारी शर्व ॥ बैन सुनि ये देवतन
के शंभुआनंद धाम । दनुज नाशक मुद् प्रकाशक सुरनके अ-
भिराम ॥ विष्णुकाराचि तीर उत्तम शल्य शिखिहि बनाय । पुंख
यम को विरचि हिय बरतीर माहिं लगाय ॥ वेदको करि धनुष
गायत्रीहि रोदा पर्न । मही रथकरि बिधिहि सारथि महादेव स-
शर्म ॥ जाय करिकै होय क्रोधित विरचिकै संग्राम । मारिदान-
व जारिडारे तीनहूं पुर माम ॥ तद अनंतर तबहिंशंकर धर्यो
बालक रूप । कौन शिशु यह कह्यो गौरी ताहि देखिअनूप ॥
छली दानव जानिताको इन्द्रबजूउठाथ । मारिवे को चलयौऊं-
चे हाथकरि रिसछाय ॥ प्राप्त तौन स्तभ ताको होत भो सुरपा-
ल । हस्त ऊर्ध्वहि रह्यो नहिं नत होत भो महिपाल ॥ नहीं जा-
नत भये शिव को सविधि देवत सर्व । तद अनन्तर विधाता
बर करि सुध्यान अखर्व ॥ जानि शंभुहिभये बंदत प्रीति सह
अभिराम । जानि विधिके कहे देवत और सबबुधिधाम ॥ बं-
दना करि शंभु को अरु गौरिको सुखदाय । भये करत प्रसन्न

३७६ शान्तिपर्वदानधर्मदर्पणः ।

हियमें महत आनंद छाये ॥ शंभु की वर कृपाते सुरनाथ बारो हाथ । रहो जैसो पूर्व तैसो होत भो नरनाथ ॥ शंभु हवैकै बिप्र दुर्बासा सु तेजसवान । द्वारका में आयकै मम धाम माहिं महान ॥ बास करिकै काललौबहु बहु उपद्रव कीन । सहे ते हम सर्व हे सुनु भूप परम प्रवीन ॥ शंभु हीहैं चन्द्रमा अरु शंभुही हैं भानु । शंभुहीहैं अग्नि औ अरु शंभुही पवमानु ॥ शंभुही हैं इन्द्र सह सब देवता अभिराम । शंभुही हैं वरुण औ जल विधाता बुधिधाम ॥ शंभुहीहैं मृत्यु औ वर शंभुही हैं काल । शंभुही दिन राति अरु ऋतुमास बरष नृपाल ॥ आभीर ॥ ऐसेहैं ईशाना सुनहु भूप मतिमान ॥ शत वर्षहुकेमाहिं । शिवके वर गुणनाहिं ॥ मैं कहिसकि हौं परम । मानों सत्य सधर्म ॥

इति श्रीशान्तिपर्वणि ईश्वरप्रशंसायांचतुरविंशत्यधिकशततमोऽध्यायः ॥

आमुदेव उवाच ॥ तोमरा ॥ शिवको महातम और । सुनु परम नृप शिरमौर ॥ रामगीतो ॥ शंभुके द्वैरूपहैं एक सौम्य औ एकघोर । धर्मवान महान सुनु वर महीपति शिरमौर ॥ घोर तन जो शंभुको है सोय पावक परम । सोय बिद्युत सोय सूरज भयो तेज सशर्म ॥ शंभुको तनु सौम्य जोहैं चन्द्र सोई स्वक्ष । नीर सोई परम सोई धर्महैं सुनु दक्ष ॥ सौम्य तन सों करत रक्षा सर्व जग की सर्व । घोर तम सों हरत हैं यह सर्व जगत अखर्व ॥ महत ईश्वरतास याते महेश्वर भो नाम । हैं प्रतापी परम याते उग्र नाम ललाम ॥ रुवावत हैं जगहि ताते रुद्र भो अभिमान । बिश्व पालत महत ताते महादेव सुजान । हैं सुधूमा जटा ताते धूर्जटी भो परम । मनुष्यन को देत हैं कल्याण शंभु सशर्म ॥ भयो ताते रूपात है शिवनाम त्रिभुवन माहिं । महा औठर ढरन है शिव अत्र संशय नाहिं ॥ मिलति महती श्रीयहैं वरलिंग पूजे जासु । होत हैं परसन्न शंकर लिंग पूजे आसु ॥ देत हैं आनंद नित्यहि भक्त को अभिराम । बसत हैं इम शान माहीं भरे आनंद माम ॥ युद्ध माहीं लरत जे हैं पूज

शिवको पर्म । होत तिनकी पराजय नहिं कबहुं भूपसधर्म ॥ श-
रण माहीं होत ताकी करत रक्षाभूरि । कीर्तिजाकी रही तीनों
लोकमाहीं पूरि ॥ मानुषनको देतहैं ऐश्वर्य्य धन अरु आयु ।
करत इच्छा सिद्धिहैं सब सुनहु बर नररायु ॥ शक्र आदिक सु-
रनमें ऐश्वर्य्य जौन विशाल । शंभुही को जानु निश्चय तौन
सब भूपाल ॥ दोहा ॥ खर्वसु होत अखर्वहै शिव सेवा ते पर्म ।
कह्यो महातम शर्व को तोको सर्व सधर्म ॥

इतिश्रिशान्तिपर्वणिईश्वरप्रशंसायांपंचविंशत्यधिकशततमोऽध्यायः १२५

ब्रह्मपायनउवाच ॥ दोहा ॥ वासुदेवकेबैन येसुनिपाण्डव मतिमान ।

भीषमको पुनिप्रश्नयह पूछतभयोमुजान ॥ जेजननिंदाधर्मकी
करत सुदुर्मतिमान । औजेधर्महि करतहैं श्रद्धासहितमहान ॥
तेदोऊकहैंजातहैं कहौमोहिंविख्यात । आपुहि कहिवे योग्यहौ
महतप्रज्ञवरतात ॥ भीष्मउवाच ॥ हरिगीती ॥ जनजौन निन्दाधर्मवारी
करतदुर्मतिमानहैं । परिनरकमाहीं घोरतेजनलहतदुःखमहान
हैं ॥ अरु करत प्रज्ञावान हैं वरनिरन्तरजे धर्मको । सुरलोक
माहीं जायते जनलहत आनंद पर्मको ॥ युधिष्ठिरउवाच ॥ आभीर ॥
कैसे होत असाधु । दुर्मति भरे अंगाधु ॥ अरु वरसाधु अम-
न्द । कैसे होत नरेन्द ॥ अवयह कहहुमुजान । वक्ताआपुम-
हान ॥ भीष्मउवाच ॥ भुजंगप्रयात ॥ धरेहीरहैं क्रोधभावे सदाहीं ।
सदा गूढ़ बोलैं कबौं सत्य नाही ॥ पगेई रहैं जे दुराचारमाहीं ।
कबौंहूँन बैठैं महा विज्ञ पाहीं ॥ दोहा ॥ ऐसेहोत असाधुहैंसुन-
हुं पाण्डुसुतपर्म । अवसाधुन कैं कहतहों लक्षण तोहिसधर्म ॥
चामर ॥ शीलताधरें महान क्रोधको करें नहीं । सत्य नित्यहीकहैं
असत्यको धरें नहीं ॥ पापसों डरें सदाहि काहु सों अरें नहीं ।
चित्तसोंहु जीवके अनन्दको हरें नहीं ॥ जयकरी ॥ ऐसे होतसाधु
हैं भूप । प्रज्ञावानमहान अनूप ॥ रहत सुसाधु सदा सानन्द ।
लहतअसाधु महत हैं दन्द ॥ दोहा ॥ धर्म और हम कहत हैं

सुनहुं युधिष्ठिर भूप । तिनधर्मनको श्रवण करि लहिहौ मोद
 अनूप ॥ रामगीती ॥ नारिको अरु पुरुषहूको नग्नलखिये नाहिं ।
 गुरुहि आवत देखिकै उठिप्रेम धरि हिय माहिं ॥ छूय पदकर
 जोरिआसन चारु पै बैठाय । खरो रहिये पूजिसोहें हर्ष हियमें
 छाय ॥ देश औ परदेशहूमें अतिथि आये परम । सहित आ-
 दर चारु भोजन दीजियेसह धर्म ॥ वृद्धजनके बैठिकै ढिगप्रात
 सायंकाल । बचन सुनिये धर्मवारे भर्म छोड़ि विशाल ॥ वृद्ध-
 जनकी कियेसेवा बुद्धि होत महान । तिमिहिं गुरुकी कियेसेवा
 बढ़तिबय निजजान ॥ गुप्तमैथुन कीजिये औ तिमिहिं भोजन
 भूप । महत जनसों बोलिये न तुकारिप्रज्ञ अनूप ॥ तिमितुका-
 रिन बोलिये बरबुधनको अभिराम । पुत्र शिष्यहि बोलियेत्वं-
 कारि वर बुधि धाम ॥ अज्ञतासों होय जो अघकियो कबहुं
 परम । पूछि तोबर प्रज्ञजन सों चोप सहित अभर्म ॥ कीजिये
 अघदूरि करनि उपाय तजिअभिमान । बैठिये अरु सदाप्रज्ञ-
 न पासलहिबे ज्ञान ॥ दोहा ॥ जलसों जैसे लवणकोमहतवृन्द
 गरिजात । तिमिहीं किये उपाय बर पातक सर्व बिलात ॥
 इतिमहाभारतदर्पणेशान्तिपर्वणिदानधर्मषड्विंशत्याधिकशततमोऽध्यायः ॥

बैशम्पायनउवाच ॥

जग्रक्षरी ॥ धर्मधुरन्धर वीरमहान । भीषम को
 पुनि वर सति मान ॥ जोरिसुपाणि युधिष्ठिर भूप । पूछतभोयह
 प्रश्न अनूप ॥ युधिष्ठिरउवाच ॥ कौनकर्म कीन्हें अभिराम ॥ मिलत
 मोद मानव को माम ॥ छूटि जात कल्मषता सर्व । होति देहमें
 प्रभाअखर्व ॥ भीष्मउवाच ॥ रामगीती ॥ देवतनके ऋषिनके अरु
 नृपनकेबरमाम । कहतहौं मैं तुम्हेंभूपति परमप्रज्ञाधाम ॥ जपे
 जिनकोहोत कल्मष दूरिसर्व महान । भूरिआनंद होतप्राप्त
 धर्मवान सुजान ॥ बिधाताअरु विष्णु शंकर कार्तिकेयसुशर्म ।
 विशिखाशिखि आदित्यमारुतचन्द्र सुरपति परम ॥ सहितगा-
 र्गी वरुण धूमोरणा सहयमराय । सहित ऋध्याधनेश्वर अरु

बालाखिल्य सचाय ॥ सुरभि अरु ऋषि विश्रवा वरमहतप्रज्ञा-
वान । व्यासनारद तथा पर्वत शुक्र परमसुजान ॥ बृहस्पति
बुधराहु कश्यप शनिसु औ नक्षत्र । अश्विनी सुत भौम अरु
वसु अष्टपरम पवित्र ॥ तुम्बर सुहाहा सुहृद् चित्रसेनसुजाना
औ सुविश्वावसुमहा मतिसुरगन्धर्वसुठान ॥ देवकन्याअप्सरा
रम्भादिसुन्दरिपर्म । औरबरबहु देवगणहैं मोदवानसधर्म ॥
बिपासा औ चन्द्र भागानदी सिन्धु महानि । नर्मदासरयू बि-
शल्या सुरसरी सुखदानि ॥ बेत्रवति अरु गण्डकी ताम्रारुणा
अभिराम । कृष्ण बेणीतथावेणाभरी जलसों माम ॥ चक्षु औ
मन्दाकिनी त्यों अद्रिजागंभीरा तिमिहि लोहितमहानदवरता
सदोऊतीर नर्मदाकाबेरिकाविमलामहाअघहर्णि । देविकाअरु
नदीपुण्या पुण्यमयतन कर्णि ॥ हिरण्यवतिका पुच्छवतिकावेद
स्मृति सुअमन्द । चर्मण्यवतिका कौशिकी अरु भरी सलिल
विलंद ॥ भीमरथिका बाहुदायमुना सुपावन रूप । सरस्वति
माहेन्द्रवानी नीलिका सुअनूप ॥ तिमिहिं नन्दाफल्गुत्रिदिवा
भूमिभागा चारु । ब्रह्मसर अरु महाहृद वरभरो नीर सुठार ॥
तिमिहिं नैमिष परमपुष्कर चारुधर्मारण्य । कलिल अरु कुरु-
क्षेत्र शिवसर अरु प्रयागसुपुण्य ॥ बिन्ध अरु हिमवानभूधर
मेरु निषध महान ॥ गन्धमादन अंचनाभ सुचित्रकूटसुठान ॥
रजत पर्वत नीलदर्दुर मलयगिरि अभिराम । तिमिहिं उन्नत
सोम गिरिवर भरो औषध माम ॥ दिशा विदिशा भूमिभूरुह
लतावृन्द अनूप । कहे तुमको तीर्थ यह हम परमपावनभूपा ॥
सुऋषि कक्षीवान औषिज तथा रैभ्यसधर्म । अंगिराभृगु
कण्वमेधा तिथि सुतिमिहीं पर्म ॥ सु ऋषि औ वरहीं सुगुण
सों भरो परमसुजान । सुऋषि प्राची दिशामें ये रहत हैं मति
मान ॥ उन्मुचू औ प्रमुचु स्वस्त्यत्रेय वीरसुकाय । मुमुचु औ
सुअगस्त्य ऊरधबाहु अरु सुहृदाय ॥ रहत दक्षिण दिशामें

ये सुऋषि आनन्ददाय । रहत भजनानन्द पूर्वकसकलविघ्न
 बिहाय ॥ दीर्घतम सुखंग गौतम तथाकश्यपपर्म । परिव्याध
 सुतथा एकतद्वित्तत्रितसधर्म ॥ सारस्वत औ तिमिहि सह सौ-
 दर्यसौ ऋषि अभिराम । रहत पश्चिम दिशामें ये सु ऋषिवर
 बुधि धाम ॥ शक्तिअत्रि बशिष्ठ पाराशर्य विश्वामित्र । भरद्वाज
 सधर्म अरु जमदग्नि परमपवित्र ॥ विपुल देवलदेवशर्मा पर-
 शुराम सुजान । धौम्यकोहल हस्तिकाश्यप च्यवनतेजसवान् ॥
 तिमिहि लोमशलोमहर्षण नाचिकेत सधर्म । श्वेत केतु सुति-
 मिहि उग्रश्रवा भार्गवपर्म ॥ लिये तेइनसवनको अभिरामना-
 मसुजान । जात हवै सब दूरि कल्मष प्रभा होति महान । सुनहु
 अबतुम नृपनकेवर नामवरबुधिधाम । महाकल्मष हरण आनन्द
 करण तेजसधाम ॥ नृप ययाति सुनहुष यदुपुरुसगर अरु दु-
 ष्यंत । धुन्धमार दिलीप अरुवर धृष्टरथ क्षितिकंत ॥ यौवना-
 श्व सुयवन अरुनृप जनक तिमिहि कृशाश्व । कोशलेश्वरतथा
 नृप अनरण्य अजचित्राश्व ॥ हरिश्चन्द्र नृपाल रघुअरु भूप
 दशरथ पर्म । रामराक्षस हरण अरु शशबिन्दु मरुत सधर्म ॥
 भगीरथ अरु ऐलट्टरथ महोदय बलवान । करंधम कुरु मां-
 धाता जन्हुदक्ष सुजान ॥ आदि श्री महिपाल पृथुसह धर्मअ-
 रु मुचकुन्द । मित्रभानसुजान औ त्रसदस्युश्वेतनरेन्द ॥ महा-
 भिष निमिआयुक्षुप अरु प्रतर्दन महिपाल । दिवो दाससुदास
 शान्तनु अरु प्रतीप विशाल ॥ प्रियंकर प्राचीनबर्हि सुजानुजं-
 घनरेश । कच्छसेनसु तथावर इक्ष्वाकुभूप सुवेश ॥ प्रातउठि
 अरु तिमिहि सायंकाल माहीं नाम । लियेते इन सवनको अंध
 मिटत अतिहीमाम ॥ विघ्नकौनहुं होत नहिं औ धर्मप्राप्त होत ।
 बढ़त आयु सुकीर्ति तनमें होत पुष्टि उदोत ॥

इतिमहाभारतदर्पणेशान्तिपर्वणिदानधर्मसप्तविंशत्यधिकशततमोऽध्यायः

जनमेजय उवाच ॥

॥ दोहा ॥ भूप बुधिष्ठिर धर्म सुनि अरु सुदान

विधि पर्मा और कियो कछु होयसोकहिये मोहिं सधर्म ॥ बेशम्यायन-
उवाच ॥ भीषमजूसों धर्मसुनि अरुसुदान विधिचारु । फेरिकछु
न पूछ्योरहे चुपहवै बुद्धिअगारु ॥ तदनन्तर कछुबेरमें व्या-
सपरम बुधिधाम । सुरसरितासुतसों वचन कहतभये इमिआ-
म ॥ कुन्तीसुततुमसों सुन्योज्ञानधर्म अरुदान । तातेसंशयसब
मित्यौ भीषमसुनहुसुजान ॥ भूपयुधिष्ठिर कृष्णसह बैठे हैं तव
पास । इनकोपुरकोजायवे अबतुमकहियेआस ॥ येसुब्यासकेब-
चनसुनि गंगासुत मतिमान । मधुर वचन इमि भूपको कहत
भयेबलवान ॥ हरिगीती ॥ वरनृप युधिष्ठिर जाहु अब तुम हस्ति-
नापुर को सुनो । ममवचन मानि सुजानि तुमअब औरमतिहि-
यमें गुनो ॥ दुखटरहु तेरे चित्तको सबकरहु यज्ञ विधानसों ।
जिमिकिये भूपययाति मतिबर परम द्रव्यमहानसों ॥ नितरहो
क्षत्रिय धर्ममें रत प्रजापालहु नीति सों । अरुपितर देवनको
करो तुमताततृप्त सुरीतिसों ॥ वरसुहृद हैंजनजौन नृपसत्कार
तुम तिनको करो । मुददेहु मित्रन को महानित नित्यपरम दया
धरो ॥ जब उत्तरायण होय रवि तवपास मेरेआइयो । परिवार
सहित समाज अपने भूपबेरन लाइयो ॥ सुनिपितामहके बैनये
परनाम कहिगहिपायको । भोजात सह परिवार पाण्डव नगर
बरसुखदायको ॥ धृतराष्ट्रगान्धारीहि आगे किये अतिही प्रेम
सों । सह बासुदेव स्वभक्तको वरयुक्त कारणसुक्षेम सों ॥ अरु
मंत्रि भ्रातन सहितऋषि नृपभयो पहुंचतनगरमें । सबदेखि-
वे को नगरवारे भये ठाढ़ेबगरमें

इति श्रीशान्तिपर्वणिदानधर्मैष्टाविंशत्यधिकशततमोऽध्यायः ॥ १२८ ॥

बेशम्यायनउवाच ॥ चरणादोहा ॥ तदनन्तरपुरवासी जेहैं नृपकेसंग
सधर्म । बिदा करत भो तिनसबहिंनके आदर करिकेपर्म ॥
दोहा ॥ जिन नारिनकेहे हते रणमें पतिअरुबीर । अतिही
पीड़ितहोयकैतिनकोदेखिसपीर ॥ दानअर्थदेवनतिन्हैं कोमल

कहिकै बैन । धीरजभयो धरावतो पाण्डववरबुधिऐन ॥ प्राप्त
 होयकै राज्य को बली युधिष्ठिर भूप । पालत भयो प्रजाहिसो
 गहिकै नीति अनूप ॥ वेदवान बर द्विजनसों लैकै आशि-
 र्वाद । गजपुरमें बसतो भयो भूपति सहमर्याद ॥ रामगीती ॥
 ताअनन्तर उत्तरायण शयन आयेपर्म । कियोसुमिरण पिता-
 महके बचनकोसहधर्म ॥ पुष्पमाला गन्ध चन्दन पीतअम्बर
 चारु । अगरु अरु बहुमोलके बरलेय रत्नसुठारु ॥ धृतराष्ट्र
 अरुगान्धारिको अरु पृथाको धीमान । करिसुआगे सहित
 आतन अरु सहरि मुदवान ॥ युयुत्सु अरु सात्यकी सह और
 सहपरिवार । अग्निलैकै पितामहके होमकी सुखकार ॥ निक-
 सतोभो हस्तिनापुर तेबलीमहिपाल । इन्द्रकोसो लसतभोसो
 स्वर्गतास विशाल ॥ जायकै कुरुक्षेत्रमाहीं भयोप्रापत भूप ।
 दर्शिवकी पितामहको धरेप्रीति अनूप ॥ असित देवल तथा
 नारद व्यासवर बुधिधाम । रहेवाकी युद्धमें हेभूपजेअभिराम ॥
 सर्वते चहुंओरबैठे बीच सुरसरिनन्द । शयनशरकी सेजऊपर
 कियेबीर विलन्द ॥ देखितिनको उतरि रथते सहित आतन
 पर्म । छूयचरणहि करतभो परणाम भूप सधर्म ॥ तिमिहिंसब
 व्यासादि विप्रनको सुकरि परनाम । पितामहको बचन ऐसे
 भयो कहत ललाम ॥ हेपितामह युधिष्ठिरहों प्राप्तमें तवपास ।
 होहुजोतुम सुनत तोनृप कहौबर बुधिरास ॥ करोंका मैंउत्तरा-
 यण समयआयोतात । पुत्रतो धृतराष्ट्रबैठे पासतव अवदात ॥
 औकृपानिधि कृष्णबैठे पासहैं तवभूप । और जेते बचेरणके
 माहिं नृपति अनूप ॥ लखातुम तिन सबनको बुधिऐन नैन
 उधारि । चाहिये यहिसमयमें जे सर्वमें निरधारि ॥ करी हेतव
 पाहिप्रापत वस्तुहे भूपाल । और आज्ञाहोयसोमें करों बीर
 विशाल ॥ वैशम्पायनउवाच ॥ दोहा ॥ भूप युधिष्ठिरके बचन सुनिये
 भीषमपर्म । आंखिखोलिकै सबनको देखतभये सधर्म ॥ तद-

नन्तर इमिकहतभे कुन्तीनन्दहि बैन । भानुउत्तरायण भये मैं
 भो परम सचैन ॥ पैमें शरकीसेजपर अट्टावनदिनमोहिं । बीते
 हैं शतवर्षलों सत्यकहतहों तोहिं ॥ माघ महीना प्राप्तभा यह
 उत्तम मनुजेश । तामाहीं द्वैअंशगे एकअंशहैशेश ॥ शुक्लपक्ष
 की अष्टमी कैहै आजुसुजान । गंगासुत इमिपाण्डुको कहत
 भये मतिमान ॥ जयकरी ॥ भूप युधिष्ठिर सों इमिवैन । कहिकै
 भीषम बरबुधिऐन ॥ धृतराष्ट्रहिको निकट बुलाय ॥ कहतभये
 इमिवचननृराय ॥ भीष्मउवाच ॥ जानतहौतुम हेसुतधर्म । अरु
 हौ प्रज्ञावानअभर्म ॥ बरबहुज्ञ विप्रनकोपास । राखतहौ तुम
 बर बुधिरास ॥ श्रुति अरु शास्त्रनको अवदात । जानतहौतुम
 निश्चय तात ॥ जोभवितव्य होतहैसोय । ताको मेटि सकत
 नहिंकोय ॥ तातेशोच न करहुसुजान । धीरजधारे रहोमहान ॥
 युधिष्ठिरादिक पांचौनन्द । अपनेहीतू जानुनरेन्द ॥ रहिहैनित
 तवसेवामाहिं । आज्ञाभङ्ग करेंगे नाहिं ॥ धर्मवान इनको तू
 जानि । मैंहों कहत तोहिं अनुमानि ॥ क्रूरभाव इनमें नहिंनेका
 निशिदिन धारेरहत विवेक ॥ रहेपुत्र तवदुष्ट महान । निशि
 दिन करत रहै अभिमान ॥ क्रोधलोभ माहीं पगिपर्म । करत
 रहत हेसदा अधर्म ॥ तिनकोतू शोचन करितात ॥ जानुपा-
 ण्डवन सुत अवदात ॥ अभीर ॥ धृतराष्ट्रहि इमिवैन । कहिभी-
 षम बुधिऐन ॥ बासुदेवको पर्म । इमिभो कहत सधर्म ॥ भीष्म
 उवाच ॥ हरिगीतो ॥ मैंकरतहों परनाम तुमको कृपासिन्धु महान
 हे । तिहुंलोक नायक आपुहौ तुमसों न कोऊआनहे ॥ गुण
 गायवे जोचहैं तवतौ गायकोऊ नासकै । नरकी कहैको सुनहु
 माधव जीभ शेषहुकीथकै ॥ दोहा ॥ जानहुमोको दासतुम कृष्ण
 कृपा करिपर्म । मोदकरण भवदुखहरण औढर ढरण सधर्म ॥
 हेपाण्डव तव शरणमें इनकी करत सहाय । जैसे तिमिहींकी-
 जिये नितनित तुम सुखदाय ॥ दुर्योधनसों मैंकह्यो यहिविधि

सों बहुवारु । जहांकृष्ण तहैं धर्महै धर्मजहां जयचारु ॥ ताते
 तू श्रीकृष्णको कह्योमानि भूपाल । करुमिलाप पाण्डवनसों
 तजिकै द्रोह विशाल ॥ चरणकुलक ॥ मान्यो कह्यो मूढ़ नहिंमेरो।
 करतभयो अभिमान घनेरो ॥ बहुभूपनको नाशकरायो । आ-
 पुहि मख्यो क्रोधसोंछायो ॥ दोहा ॥ कहेव्यासको मैंतुम्हैं जानत
 हों मुदधाम । देवनके तुम देवहों नारायणअभिराम ॥ आभीर ॥
 सुनहु कृष्ण मुदगेह । तजिहों मैं अबदेह ॥ तवसुकृपाते परम ।
 लहिहों सुगति सशर्म ॥ बासुदेवउवाच ॥ दोहा ॥ तू सुमारकण्डेय
 सो पिताभक्तहै परम । तिहिते तोबशमृत्युहै भीषमप्रज्ञसधर्म ॥
 प्राप्तहोयगो बसुनको तूमें जानततोहि । मुदितभयोहों बचन
 सुनि भीषम हरितन जोहि ॥ वैशम्पायनउवाच ॥ तदनन्तर पाण्ड-
 वन सह धृतराष्ट्रहि इमिबैन । कहतभये भीषमपरम महत म-
 नीषाऐन ॥ आभीर ॥ अबहम तजिहैंदेह । सुनहुं सर्वबुधिगेह ॥
 सत्यमाहिं तुमसर्व । रहियो निरतअखर्व ॥ सबसों कहिइमि
 बैन । भीषमवरबुधिऐन ॥क्रमसोंप्राणहिपरम । रोंकतभयेसधर्म॥
 तबभीषमकेप्रान । ऊरधभयेसुजान ॥ दोहा ॥ प्राणहिंजिहिंजि-
 हिं गात्रते कर्षत भये सुजान । रहित तीर होतो भयो सो सो
 गात सुठान ॥ सब के लखतहि शररहित क्षणकमाहिंभोगात।
 ताहि देखि विस्मित भये सबहि प्रज्ञअवदात ॥ सब शरीरते
 खैंचिकै आत्माको बुधिधाम । योगयुक्तिसों फोरिकै मूर्द्धाको
 अभिराम ॥ उल्कालों सो प्राप्त कै शीघ्रहि नभके माहिं । क्षण
 में अन्तर्द्धानभो फेरि लखिपख्यो नाहिं ॥ माघशुक्लकी अष्टमी
 तिथिमें वरबलवान । गंगासुतभो मृत्युकोप्रापतसुनहुंसुजान ॥
 तदनन्तर पाण्डव बिदुर चारु दारु बहुल्याय । चिताबनावत
 भे रुदन करते दुखसों छाय ॥ आच्छादित करि बस्त्रसों चारु
 सुगन्ध लगाय । भये चितामें धरतते पुष्पमाल पहिराय ॥ धा-
 रण कीन्हों छत्रवर युयुत्सु सुखसों छाय । चामर पंखाकरतभे

अर्जुन भीम सचाय ॥ अरु दोऊ पगरीलिये ठाढ़े माद्रीनन्द ।
 और सर्व चहुंदिशि खरेदुखसों भरे बिलन्द ॥ सह युधिष्ठिर
 धृतराष्ट्र अति दुखसों भरे महान । लगे चरणादिशि हैं खरे
 पंखाकरन सुजान ॥ तदनन्तर चन्दन अगारु और सुगन्धअ-
 मन्द । आच्छादित करिकैं चितातिनसों सुनहु नरेन्द ॥ बिधि-
 वत नृप धृतराष्ट्रवर करि प्रज्वलित कृशान । दाहक्रिया करते
 भये सुनहु भूप मति मान ॥ दाह क्रिया करि जातमे गंगाको
 ते सर्व । आगे करि धृतराष्ट्रको दुखसों भरे अखर्ब ॥ कीन्हीं
 क्रिया तिलोदका सुर सरितामें जाय । नृपधृतराष्ट्रहि आदिसब
 रोवत कहि कहिहाय ॥ तदनन्तर उठि सुरसरी जलमेंते अ-
 भिराम । भई बिह्वलारोवती भई शोकसों माम ॥ मृतक क्रिया
 लखि पुत्रकी गंगादुखसों छाय । कढ़ी सलिलते रोवती बिक-
 लाहवै नरराय ॥ तदनन्तर कौरवनसों कहत भई इमि तौन ।
 कहतीहों मैं जो सुनो सिंगरे तुम बुधिभौन ॥ रामगीती ॥ अति
 पवित्र सुपुत्र मेरोपिता भक्तमहान । महावीरयमान अरु बर
 महा मेधावान ॥ पूर्वरणमें परशुराम महान भट सों परम । परा-
 जयको प्राप्तभो नहिं बलीवीर सधर्म ॥ दोहा ॥ तौनवीर बन-
 भौन को हतो शिखण्डी हाय । तिहिते औरहु दुख गयो मेरे
 हियमें छाय ॥ प्राप्तभयो मोको परमसुतको शोकमहान । फटत
 न तऊ कठोर है मोहिय लोह समान ॥ सोरठा ॥ काशीनगरी
 बीच जीति स्वयम्बरमें नृपन । मो सुतपरम निभीचकन्याहरि
 ल्यावतभयो ॥ तासमकोऊ नाहिं बलसों अचलामें भयो । ताहि
 युद्धके माहिं मारचोहाय शिखण्डिने ॥ दोहा ॥ गंगाअतिरोवति
 भई कहिकहि ऐसे बैन । धीर्य धरावत ताहिमे कहिइमिहरि
 मुद ऐन ॥ गंगेतू मति रुदनकरु धीरजधरु हिय माहिं । परम
 लोकको प्राप्तभो तोसुत संशय नाहिं ॥ सोरठा ॥ तबभो होसुत
 जौन सो बसुहौसुनु सुरसरी । शापदोष ते तौन मानुषता पाई

३८६

शान्तिपर्वदानधर्मदर्पणः ।

रही ॥ दोहा ॥ अर्जुन ताको युद्धमें हतो शिखण्डीनाहिं । ताते
तू मत शोक करु गंगाहिय के माहिं ॥ मारिसकतनाहिं इन्द्रहू
भीषमको रण माहिं । स्वेच्छामों मरिकै गयो दिवको संशय
नाहिं ॥ तातेतू हे सुरसरी करै शोकमतिपर्म । मनुजताहि तजि
पुत्र तो बसुभो फेरि सधर्म ॥ सुनिसुबैन ये कृष्ण के गंगासुनहु
नरेश । छाड़ि शोक करती भई जलके माहिं प्रवेश ॥ कृष्ण
सहित ते सर्वकरि गंगाकोसत्कार । आज्ञालहि फिरतेभये सुनु
नृप बुद्धि अगार ॥

स्वस्तिश्रीकाशीराजमहाराजाधिराजश्रीउदितनारायणस्याज्ञाभि-
गामिनाश्रीवन्देजिनकाशीवासिरघुनाथकवीश्वरात्मजगोकुल
नाथस्यात्मजगोपनाथस्याशिष्येणमणिदेवेनकविनाबिरचि-
तेभाषायांमहाभारतदर्पणेशान्तिपर्वणिदानधर्मेनव-
विंशत्यधिकशततमोऽध्यायः १२९ ॥

दोहा ॥ दानधर्म दर्पणपरम बुधजनकोसुखदाय ।
श्रीउदित भूपालकी नितहीकरो सहाय ॥
श्रावण शुक्ल त्रयोदशी सोमवारशुभदीस ।
शांतिपर्व पूरण भयो दशनौसौ इकतीस ॥

इतिशान्तिपर्वदानधर्मःसमाप्तः ॥



महाभारतदर्पणे ॥



अश्वमेधपर्वदर्पणः ॥

देहा ॥ नमस्कार नारायणहिं करि नरोत्तमहि नौमि । वन्दि
गिराव्यासहि रचत भारत भाषा सौमि ॥ भूकृतभूभृत भूभरण
भूस्वामी भगवान् । तेहि भरतहि भजिभणतयह भाषाभार्तम-
हान ॥ जेहि रघुवर प्रभुके चरित बहुशत कोटिअमन्द । ताहि
सुमिरि भारत रचत भाषा बिरचिसुखन्द ॥ सेरठा ॥ बन्दौं कपि
वर वीर रामपरमाप्रिय पारषद । मंगलमूरति धीरभारतस्वस्थ
ध्वजस्थ वर ॥ सुमिरि उच्छलनि अक्ष उदधि उलंघनसमय
की । भारतसमुद्रप्रतक्ष भाषा करिचाहततस्थो ॥ देहा ॥ सकल
यज्ञको फलमिलत कीन्हें याकोध्यान । ताहिध्यायभाषा रचत
अश्वमेध मुद दान ॥ बैशम्पायनउवाच ॥ जयकरो ॥ उदक क्रियाकरि
सुरसरि तीर । गहिअति दुसह शोककी पीर ॥ महिमधि बैठि
युधिष्ठिर भूप । रुदन लगेकैं बिङ्गल रूप ॥ नृपहि बिकललखि
वृद्धमहीप । कहत भये सुनु कुरुकुल दीप ॥ अब करतव्यक्रिया
विधि जौन । धीरज धारि करोसबतौन ॥ तुमगहिक्षात्र धर्म
करियुद्ध । जीतेभूमि पायजय शुद्ध ॥ करोभोगअब शोच
बिहाय । उचित न शोच जीतिइमिपाय ॥ हमहिं दम्पतिहि

शोचवयोग । मरेजासु शत सुवनअरोग ॥ बिदुरव्यास भीषम
 के बैन । नहिंमान्यो कतशोकलहैन ॥ अबमतिकरौ शोचतुम
 तात । पालौप्रजा भूमिअवदात ॥ इमिकहिरहे वृद्धनृपमौन ।
 तबइमि बोले रुक्मिणिरौन ॥ सुनोभूप कीन्हें अतिशोक ।
 तपितहोत सबपितर सओक ॥ तातेत्यागि शोकको लेश ।
 करो कर्मजो कहत नरेश ॥ यज्ञकरौ दक्षिणा दैभूरि । देवन
 पूजो आनंदपूरि ॥ भीषम व्यास बिदुर मतिधाम । तिनसों
 सुने धर्म अभिराम ॥ तजि निजराज धर्मकी गैल । गहत
 मूढ़ जनके बढ फैल ॥ रोयेमरो मिलत नहिं आय । सोगुणि
 भूपति शोकबिहाय ॥ करोजौन करतव्यसनेम । क्षत्रिहिरण में
 मरिबोक्षेम ॥ यहसुनि कहे युधिष्ठिर भूप । प्रभुतुम सिखवत
 नीति अनूप ॥ गुरु पितामह बन्धुन मारि । रहोजात नहिंधी-
 रज धारि ॥ जो अनुशासन देहु सचाय । तौ हम बसैंबिपिनमें
 जाय ॥ प्रभुअबकहो करें हमतौन ॥ मिटैपाप यह कीन्हें जौन ॥
 यहसुनि व्यास मुनीश बिचारि । कहे युधिष्ठिर सों निरधारि ॥
 नृप सुनु सर्व धर्म व्यवहार । फिरि फिरि कहत कहत जिमि
 बार ॥ वृथाबके हम परो लखाय । नहिं तुम सुने नेकु मनला-
 य ॥ वृद्धजीविका जाकी शुद्ध । ताको मरिबो कौन विरुद्ध ॥
 साधुअसाधु कर्म जो पीन । पुरुषकरतहवै दैवाधीन ॥ यामें
 कहा शोचको काम । निज पहुँ थापतपापअक्षाम ॥ कीन्हे स-
 विधि यज्ञतपदान । मिटतपापयह शास्त्रनिनान ॥ तातेअश्व-
 मेध मखपर्म । करोजानि भूपन को धर्म ॥ यहसुनि धर्मभूप
 हित जानि । कहेव्यासमुनि सोंअनुमानि ॥ मुनि हमहीनद्रव्य
 यहिकाल । कैसे करिये यज्ञ विशाल ॥ भूरि दान दीन्हें बिनु
 तात । सिद्धन होत यज्ञ अवदात ॥ ॥ जिनके पतिसुतव-
 धिगये घोरयुद्ध मधि आय । तिन युवतिनसों लेबधन उचित
 नहीं मुनिराय ॥ ताति मुनिअनुमान करि कहो उचितजोमंत्र ।

अश्वमेधपर्वदर्पणः ।

३

जेहिप्रकार विधिवत सधै बाजिमेधको तंत्र ॥ चौपाई ॥ यहसुनि
व्यासमुनीश सुज्ञानी । कहेधर्म नृपसों अनुमानी ॥ पूर्वमरुतभू
यशकारय । अश्वमेधमखकीन्हो आरय ॥ तहँलहिदानविप्रमन
भाये । नहिंजोचलैतौनतजिआये ॥ हमकहिदेततौनलेआयो ।
अश्वमेधकरिआनँददायो ॥ ऐसोव्यासदेवसों सुनिकै धर्मभूप
बूझतभेगुनिकै ॥ कवमखकियो मरुतनरनायक । कहोतौनमुनि
मंगलदायक ॥ सुनि मुनिकहे सुनो नरपालक । भयो मरुत जब
खल कुलघालक ॥ नृप कृतयुगमें पुहुमीत्राता । भयो दण्डधर
मनुविख्याता ॥ तासुतभो प्रसंधिनरनाहू । तासुसुवन क्षुपदी-
रघ बाहू ॥ तासुसुवन इक्ष्वाकु महीपा । भये ताहिशत सुत कुल
दीपा ॥ नृपति विंश तिनमें गुरुआता । तासुविश्वास पुत्रमहि
त्राता ॥ पन्द्रहसुवन प्रबल भेताके । जेठे खनीनेत्र बरभाके ॥
तासुसुवचस सुवनसुसाजा ॥ तासुसुवन कारन्धमराजा ॥ त्रेतामें
कारन्धम भूपा । सार्वभौम नृपभयो अनूपा ॥ जाकोसुवन मरुत
धनुधारी । भयोविष्णुसम भूतलचारी ॥ सोहिम गिरिकेउत्तर
आसा । कियो यज्ञकरिधर्म बिलासा ॥ दोहा ॥ व्यासदेवके
बचन सुनि कहे युधिष्ठिर भूप । कहो सुमुनि बिस्तारकरि यह
इतिहास अनूप ॥ व्यासउवाच ॥ भये अंगिरसके प्रगट दीयपुत्र
तप धाम । प्रथमबृहस्पति द्वितिय हे मुनि सम्बर्त सुनाम ॥
तिनयुग बन्धुन सों नृपति भोअति दुखदविरोध । तवगृहत-
जिकै बनगयो छोटो अनुज सुबोध ॥ दोहा ॥ तदनु असुरणजी-
सि व्यासव इन्द्रपद लहि भूप । इविधि गुरु सों कहतभे नहिं
और मम अनुरूप ॥ मरुत नृप ममसदृश महिपर तासुदिग
तुम जाय । यज्ञमातिकरवाइयो यह करोपण मनलाय ॥ होकर-
न्धम मरुत बृहको पितामह अभिराम । ताहि करवाये अमित
मखअंगिरस तपधाम ॥ तथा तेहि करवाइबोमख चहौतुमतौ
तात । जाहु उत जो रहौ इततौ करोपण अवदात ॥ बचनयह

सुनि जीवबोले तुम्हहिं तजिन कदापि । भूमि पहुँ करवाइबे
 मखकुण्ड वेदी थापि ॥ जीवके ये बचन सुनिकै शक्त्यागेशोच ।
 इहै चाह्यो यज्ञकीबो मरुत भूप अपोच ॥ यज्ञकीबो चाहि भूप-
 ति जायसुरगुरुपास । कहेहम मखकियो चाहत करोपूरणआ-
 सा ॥ कहेसुरगुरु जाहुभूपति नरपतिन कहँयाँग । जायहमकर-
 वाइबेको गहतनहिँ अनुराग ॥ सुरणसह सुरराजसो यजमान
 अनुपम पाय । नरनकहँ यजमान करिबो कौनमहिपै जाय ॥
 कहे नृप तो पिता ऋषिमम पितामहको पूर्व । यज्ञकरवायो त-
 थातुम करो सो विधिगूर्ब ॥ कहेमुनि सुरराजसो हम कियेपण
 यहि हेत । जाहुनृप निज बिप्रसों यह कहो कारजचेत ॥ जीव
 के ये बचन सुनिकै फिरोभूप लजाय । तहांरहि गुणरटतनारद
 मिलेमगमें आय ॥ दीनमन लखिभूपको मुनि भयेबूभक्तभेद ।
 दीनमनहौ भूपकत कहलहे हौ निरबेद ॥ सुमुनिके सुनिबचन
 भूपति कहे सो वृत्तान्त । भूप सों तब कहतभे इमि सुमुनिनारद
 दान्त ॥ अंगिरसको पुत्रलघु सम्बर्त मुनि तपधाम । भूप तेहि
 तुमल्यायकै मखकरो पूरणकाम ॥ अमरतीरथ काशिकाकोग-
 यो सोयहिकाल । जाइतहँसम्बादमम कहि ल्याइयोनिजनाल ॥
 दोहा ॥ यहसुनि भूपति मोदलहि जाइकाशिका द्वार । लखिस-
 म्बर्तहि जोरि कर पीछूचलो उदार ॥ लखिभूपहि सम्बर्तमुनि
 बटतरु तर करिगौन । कहेभूप सों भेदमम तुम्हँ बतायो कौन ॥
 सांचकहो नहिं शीश तुव फाटेहवैहैबहुटूक । यहसुनि नृपसम्बर्त
 ते बोल बचन अचूक ॥ चौपाई ॥ यह उपदेश दिये मुनि नारद ।
 मुनि तुम ममगुरुपुत्र विशारद ॥ तुवप्रसाद लहिकैहे आरया
 हममख कियो चहत हितकारय ॥ यहसुनि मुनि भूपति सों
 भाखे । हमगृह त्यागि विपिन अभिलाखे ॥ प्रथमबृहस्पति सों
 यह कहहू । बैन करै तबहमकहँ गहहू ॥ तब नृप सब वृत्तान्त
 सुनाये । जो सुरगुरुसों सुनि फिरि आये ॥ यह सुनि कहतभये

मुनि नायक । नृप तुम यज्ञकरो निजलायक ॥ हमचलियज्ञक-
 राइब विधि सों । जाते होहु शक्र सम रिधिसों ॥ जो हिमवान
 शैलवर सीको । ताढिग मुंजवान गिरि नीको ॥ ताके मध्यगुहा
 अभिरामा । तहांतपत तप शंभुसत्रामा ॥ सुरगन्धर्व यक्षऋ-
 षि जेते । तहां बिहार करें सब तेते ॥ नृप ताके ढिगहै अति
 पावनि । जात रूपकी खानि सोहावनि ॥ तेहिकुबेर के गणसह
 साजा । सदारहत रक्षत सुनुराजा ॥ ताते तुम करि शिवकोपू-
 जन । करि प्रणाम करि अस्तुति कूजन ॥ लैधन तौनकरो म-
 खरम्भन । सुनि सो कियो भूमिधुर थम्भन ॥ सोसुधि लहि
 सुरगुरु अनखाने । गुणि अति अनरथ हिये सकाने ॥ शक्र
 गुरुहि अति चिन्तितज्वैकै । बूझे भेद भीतिसोंग्वैकै ॥ दोहा ॥
 कहेबृहस्पति शक्रसों मरुतआइ ममपास । यज्ञकरावनहेतभो
 याचत पूरित आस ॥ तो संमत अनुमानि हम नहिंमान्योसो
 वैन । अबसम्बर्तहिल्यायसो यज्ञकरतलहिचैन ॥ बृहस्पतिरुवाच ॥
 नहिं सपत्नकी वृद्धि यशकाहू सोहीजात । जानिवृद्धि सम्बर्त
 की हम बिबरण हे तात ॥ इन्द्रउवाच ॥ तजौ शोच हम अग्नि
 कहैं भेजतसो समुभाय । कहिहि भूपसों भूपमख करिहैं तुम्हें
 बुलाय ॥ लहि अनुशासन शक्रकी अग्नि मरुत पहुँ आय ।
 अर्घ पायलहि नृपति सों कहतभये समुभाय ॥ अग्निरुवाच ॥ नृप
 हम आये शक्रको लैयह शुभद सँदेश । तजिसंबर्तहि जीव
 कहैं ऋत्विजकरो शुभेश ॥ जौन लोकवसिजौन फल ईदत
 भूमत्तारि । तप निधि सुर गुरु तत्त्वविद जीवतासु दातार ॥ जा-
 यइतो संबर्तमम नहिं सुरगुरुसुप्रयोग । हवै महेंद्रको परमगुरु
 नहिंमम ऋत्विजयोग ॥ तब संबर्तक अग्निसों कहे नयनकरि
 बक्र । भस्मित करिहों तोहिं नहिं शीघ्रजाहुजहैं शक्र ॥ यहसुनि
 पावक भीतभरि सुरनायक पहुँजाय । निजनृपअरु संबर्तकीबा-
 र्तातदएसुनाय ॥ इन्द्रउवाच ॥ फेरिजायतुमइमिकहौनहिंमानिहितौ

६

अश्वमेधपर्वदर्पणः ।

ताहि । हठकरिबधिहौं जीवहितसहबज्रहिवरबाहि ॥ अग्निरुवाच ॥
 अग्निकहो हमजावनहिं गुणितहंइतोविशेष । कह्योविप्र अब
 तोहि लखि करिहौं भस्माशेष ॥ जयशरी ॥ सुनिसुरपति करिको-
 धअखर्व । होधृतराष्ट्रनामगन्धर्व ॥ तासोंकहे मरुतपहँ जाय ।
 ममसँदेशयहकहो बुभाय ॥ ऋषिसंबर्तहि दूरिदुराय । जीव-
 हि ऋत्विजकरै सचाय ॥ सुनि गन्धर्व आयगाहिचैन । कह्यो म-
 रुत नृपसों यहबैन ॥ मरुतउवाच ॥ शक्रहि जीवकरावहिं कर्म ।
 सम्बर्तक ममऋत्विज पर्म ॥ इतनेमें सुरपति तेहिपर्व । नभ
 पहँगरजत भये सगर्व ॥ तबगंधर्व कह्यो सुनुभूप । तोबधचा-
 हतशक्र अनूप ॥ नभपहँ गरजत सन्मुख आय । बाहनचह-
 त बज्रदृढ धाय ॥ यहसुनिमरुत महीप सचेत । सम्बर्तकहि
 सुनायो हेत ॥ सुनिबोल्यो सम्बर्त उदार । मतिभय गहोभूमि
 भर्तार ॥ कहाबज्र का शक्र कठोर । तपप्रभावमममहा अथो-
 र ॥ जैसो निरखन चहो उताल । तैसोलखो इन्द्रकोहाल ॥ सु-
 निनृप कह्योशीघ्र सुरराज । इत चलि आवै सहितसमाज ॥
 मुनि प्रभाव लहिनृप तेहिकाल । तुरिततहां आयैसुरपाल ॥
 मिलिनृप सुरपति मुनिमुदपूरि । किये परस्परवार्ताभूरि ॥ सर-
 स प्रेममहि बैर बिहाय । सुरपति कोअनुशासनपाय ॥ अप्सर
 किन्नर यक्ष समस्त । बसु सुमनस गन्धर्व प्रशस्त ॥ सादर
 तहांराखि चिरकाल । कीन्होयज्ञमरुत क्षितिपाल ॥ अगणित
 तहां द्रव्यके ढेर । सोलै बिलसो यथाकुबेर ॥ व्यासदेवके ऐसे
 बैन । सुनिनृप धर्मपाय अतिचैन ॥ राजनीतिको समुक्ति सु-
 तंत्र । कृष्णचन्द्र सों बुभेमंत्र ॥ अबहमसों कछु कह्यो न जा-
 त । अबजो उचित कहासो तात ॥ कहै कृष्ण सुनुभूप प्रवीन ।
 सबजग होत मृत्यु आधीन ॥ अब इतिहास कहतहौं एक । भूप
 सुनहु सो सहित विवेक ॥ वृत्रासुर अतिछली अमान । हरयो
 भूमिको गन्ध महान ॥ बज्र तज्यो तापै मघवान । धसोबारि स-

अश्वमेधपर्वदर्पणः ।

७

धिवृत्र अमान ॥ बज्रह्न्यो फिरि ताप्रहँ शक्र । तवरस हरिसों
 दैयत बक्र ॥ दुरो तेजमधि ओज बढ़ाय । ह्न्यो बज्रफिर शक्र
 रिसाय ॥ हवै ताडित हरिसु विषयरूप । जायवायु मधिबीर अ-
 नूप ॥ हन्यो वायुको विषयसमाज । तहँफिरि बज्रह्न्यो सुरसा-
 ज ॥ तवधसि मगन मध्यसोबीर । हन्यो शब्दगुणपरम गँभीर ॥
 तव मधवा करि ऋषि अतिचण्ड । ह्न्यो वृत्रकहँ बज्र उदण्ड ॥
 दोहा ॥ तव वृत्रासुर शक्रके तनमधि प्रविशिसडौर । हन्यो
 विषय मोहितभये शक्रमुमन शिरमौर ॥ तववशिष्ठ चिन्तित
 कियो चेतिबज्रवर बाहि । निजगात्रस्य अटइयतेहि बध्योशक्र
 जयचाहि ॥ एकपिताकेपुत्रइमि लरेमरेनृपपूर्व । क्षात्रधर्मयह
 सिद्धहैशोचकरो मतिगूर्व ॥ रोला ॥ लहे सुख दुख रहंत सुमि-
 रत सुपटु पुरुष प्रवीन । परे दुख सुखकरत सुमिरन होत ना-
 हिं अधीन ॥ सभामधिमेंद्रौपदीकी भईही गतिजौन । कर्षजो
 दुरबचन भाष्यो सुरति कीजै तौन ॥ जरत बचि कदिलाख
 गहसों सह्यो जो दुख घोर । विपिन को दुख समुझि भूषति
 गुनोयह दुखथोर ॥ दोयअक्षर मृत्युनृपअरु ब्रह्मसुवरणतीन ।
 होतिमृत्युममेतिअरुनममेतिब्रह्मअहीन ॥ ब्रह्मशाश्वतसुबुधिसों
 गुनित्यागि सिमरोशोच । अश्वमेध सुयज्ञ करिवे को करो अब
 रोच ॥ इविधि के बहु भांति के सुनि कृष्ण प्रभु के बैन । धर्म
 भूषति शोक तजिकै भये समुदसचैन ॥ पूजि विप्रन प्रजन कहँ
 दैधीर साहस भूप । भीष्मकी करि क्रियालहिकै सुदिन स्वच्छ
 अनूप ॥ भूरि दक्षिणा भूसुरनदे सुनत मंगलचार । सहित नृप
 धृतराष्ट्र प्रविशे पुरी मध्यउदार ॥ दोहा ॥ यथाउचित शुचिशु-
 भ थलनि करि निवास मतिमान । पूजि भूसुरन देत भेगोमणि
 पुहर्मादान ॥ लगे प्रजापालन करन नीति निपुण नृपधर्म । शु-
 चिवसु बन्धुनसहित पटुजाता शुद्ध सुकर्म ॥

इति श्री अश्वमेधपर्वणि युधिष्ठिरराज्यप्राप्तिर्नाम प्रथमोऽध्यायः ॥ १ ॥

बेशम्पायनबाच ॥ दोहा ॥ रामकृष्णश्रीरमणकी लहिकैकृपाअनू-
 प । लगे प्रजापालन करन मुदित युधिष्ठिर भूप ॥ रोला ॥ कछू
 दिन रहि तहांकेशव पार्थ पूरितमोद । इन्द्रप्रस्थ सुसभामधि
 फिरिगये करतबिनोद ॥ तहां केशव कहे कितने कथा अरु इ-
 तिहास । कहतभेफिरिपार्थसों इमिविशदबीरबिलास ॥ प्रबल
 अरिसों युद्ध करिकै बिहित धर्म नरेश । पार्थतेरे बाहुबलसों
 लहेविजय सुभेश ॥ सकलपाण्डव मोहिं अति प्रियइतोऔर
 नआना धर्मभूपहि त्यागिहमनहिं चहत कितहूजान ॥ द्वारका
 विनुलखेबीतो बहुत दिनइतमोहि । तुम्हेंसहतहँचलोचाहत
 परम आनँदजोहि ॥ पार्थतुम कहँरुचैतोचलि धर्मनृपकेपास ।
 हमेंसह उतचलन कहँ तुम कहौ तजिकैत्रास ॥ गयेप्राणैतासु
 अप्रिय करबहम न कदापि । जौन कहिहै धर्म नृपसोंकरबहिय
 में थापि ॥ पैन अब इत रहनको कछु अति प्रयोजन तात ।
 प्रबलभूप अशत्रु बिलसत राज्य लहि अवदात ॥ बचन यह
 सुनि कहै पारथ सुनो यदुकुल मौर । तत्त्व बार्त्ता सुनो चाहत
 कहो कछु यहि ठौर । बचन यह सुनि मोदि केशव कहे करि
 अनुमान । पूर्वको इतिहासभाषत सुनो सो मति मान ॥ पूर्वब्रा-
 ह्मण एक आयो स्वर्गते मम पास । पूजि विधिवत ताहि हम
 इमि कियो बाक बिलास ॥ विप्र आशय समुझि मम इमिक-
 हत भोहे पार्थ । कृष्ण चाहत सुन्यो हम सों कहत तत्त्वयथार्थ ॥
 परम ज्ञाता तत्त्वकोहौ विप्र बर्य महान । जासुगति सर्वत्रज्ञाप-
 क सर्व कर्म विधान ॥ तासुसेवन कियो कोऊविप्र ब्राह्मणएक ।
 सिद्धकै परसन्नतासों कह्यो बुद्धि विवेक ॥ कर्म बशपरिजीव
 भरमत कर्म फल दातार । मिलत क्रमसोंलोक सिगरेकर्मके
 अधिकार ॥ पितामातापुत्रभ्राता पुत्र हित समुदाय । जीवदेख-
 तकर्मबशपरियोनि अगणितआया ॥ जातआवेत थिरतनिपतत
 चढत निपतत फेरि । लहत सुख दुखविविध विधिके कर्मगति

सों घेरि ॥ जरा बाधा बिसनरोग अनेक विधिके खेद । दुसह
यमपुर यातनायह कर्म फलकोभेद ॥ विप्र इमिवहुबारकुत्सित
कर्मको करि भोग । पाय सद्गुरु कियो बुद्धि विचार अमलप्र-
योग ॥ लहे तब हम सिद्धि ऐसी अधिक लहिहैं और ॥ लहब
उत्तमसुपद इमि करि ब्रह्मचिंतनजौर ॥ विप्र फिरि ममआग-
मन नहिं होयगो यहि लोक । ब्रह्मपद अव्यक्त तामधि लहब
अव्यय ओक ॥ वचन यह सुनि विप्र काश्यपकहत भोअनुमा-
नि । देह कैसेहोत च्युतकिमिहोत कहिये जानि ॥ कष्टतेसंसारके
किमि छुटत कहिये तौन । प्रकृति सों छुटि जीव कैसे करत पर
पद गौन ॥ देहा ॥ यह सुप्रश्न सुनि सिद्धि द्विज कहत भयोस-
मुभाया आयू पूरे पतत तन कछू उपद्रव पाय ॥ देह प्राप्तजिमि
होतहै सुनो तौन व्याख्यान । जीवदेह तजिजाय उत भोगि
कर्म परमान ॥ रज बीरज संयोग भव पिण्ड तासुमाधि आय ।
सुनु द्विजाति निज करम के रूप क्षेत्र सो पाय ॥ जिमि तुमपू-
रितगेह कहैं दीपक करत प्रकास । तथाप्रकाशत देहकहैं जीव
आय करि बास ॥ समय पाय ह्वै वायु बश कहत योनिमग
पाय । यहि प्रकारते लेतहैं जन्म जीव इत आय ॥ पूर्व कर्मअ-
नुसार लिपिलिखिदीन्हों करतार । भोग करत सो अशुभशुभ
सो प्रारब्ध उचार ॥ जिमिदुख सों संसारके छुटतजीवसचैना
सो सुनि विप्र विचार करु संशय नेकुरहै न ॥ गुनि अनित्यसं-
सारकहैं इन्द्रिजीत रहि दक्ष । सुखदुखलाभअलाभ महैं रहि
समभावप्रतक्ष ॥ करै फलाशा त्याग करि विधिवत उत्तमकर्म ।
रहि बैसग्य सुबुद्धिगहि पालन करै सुधर्म ॥ इमि साधन करि
जीव द्विज जगदुख सों छुटि जात । अब सो सुनिये जीव जिमि
परपद पायबिभात ॥ अजन अघोष सुठौर मधि कै गिरिकन्दर
मांह । अचल ध्यान धरि थिररहै तिमिन चलै जिमि छांह ॥
जेहि प्रकार सैधव शिला बारिदमें मिलिजाय । शोधि मनहिं

तिमि ब्रह्ममें रहै सदा लपटाय ॥ यहि प्रकार योगस्थ रहि जीव
 त्यागि यह देह । अव्यय पर अस्थान लहि बिलसत सहित स-
 नेह ॥ सिद्ध उवाच ॥ यह प्रश्नोत्तर सुनि तहाँ काश्यप विप्रसुजा-
 न । फेरि प्रश्न इमि करत भो सुनो कृष्ण मतिमान ॥ भोजन
 कीजै अन्न सों रस शोणित किमि होत । मांसरुधिर अरु अ-
 स्थि किमि होत कहौ तजि ओत ॥ केहि विधि बर्द्धत गात चल
 जीव वसत कित तत्र । सुमनि कहौ समुभाय जिमि आत्मा वि-
 लसत अत्र ॥ सुनो कृष्ण यह प्रश्न सुनि हम इमि कहे बुभाया
 सबिधि आत्म दर्शन किये यह सुभेद लखि जाय ॥ चक्षुरादि
 इन्द्रियन सोंहै न दृश्य यह भाव । ज्ञान दीप दीपित भये मन यह
 लखत बनाव ॥ सुनो कृष्ण समुभाय इमि विदा कियो हम ता-
 हि । पारथ इमि कहि सिद्ध वह गुप्त भयो जय चाहि ॥ कृष्ण उवाच ॥
 और एक इतिहास हम कहत सुनहु सो पार्थ । पूर्व विप्रदम्प-
 ति रहे ज्ञाता तत्त्व यथार्थ ॥ एक समय लहि ब्राह्मणी करि हियरे
 अनुमान । कहत भई इमि सुपति सों सुनो पार्थ मतिमान ॥
 न्यस्त कर्म जेते लहत कौन लोक हे नाथ । कौन लोक मो जाति
 है आर्यापति के साथ ॥ यह सुनि पण्डित विप्र हँसि कहत भयो
 इमि बैन । प्रिये कर्म कीन्हें बिना कोऊ कबहुं रहै न ॥ वेद उक्त
 शुचिकर्म को करत मोह बंश त्याग । जेहि कीन्हें विनु वन तमाहिं
 अत्र शिरहत सो लाग ॥ शब्द अरु परश रूपरस गन्ध विषय
 जो सर्व । ग्रहण न तिनके स्वाद को सो संन्यास अखर्व ॥ प्राण
 अपान समान अरु व्यान उदान समस्त । इनको शुचिव्यापार
 करि चिन्तत प्रभुहि प्रशस्त ॥ घ्राता भक्षयिता तथा श्रोता दृष्टा
 चारुजी अरु स्पर्शयिता प्रभुहि समुक्त सुबुधि उदारु ॥ श्रेय
 आदि जे वस्तु हैं तिन्हें विचारत जौन । हविष अग्नि होतादि
 कहँ सुष्ठु मति मानत तौन ॥ श्रवण त्वचा चखजीभि अरु ना-
 सा अरु पशुपानि । अरु उपस्थ ये दश तिन्हें होत लीजै जानि ॥

वाक्यकिया अरु शब्दस्समन्ध अस्पशरूप । रेतमूत्रमलत्याग
 ये हैं दश अविष अनूप ॥ दिशिमहि सबि शशिअग्नि अरु
 इन्द्र प्रजापतिमित्र । विष्णु वायुये दश सुनो हैं सब अग्निवि-
 चित्र ॥ विषय समधि अरु चित श्रुवाये विभागमख अंग । जे
 निरखत ते लहत हैं परपद भरे उमंग ॥ यहि प्रकार सद्वात्ता कहि
 सुनि करि चरितार्थ । सदल चले हास्तिन नगर रथचढ़िकेशव
 पार्थ ॥ जयकरी ॥ तहैं मगमें पारथमतिमान । कहेकृष्ण सोंकरि
 अनुमान ॥ नाथआपके कृपा प्रसाद । पांडवलहेविजय अह-
 लाद ॥ कुरुदलदारुणसमुदअपार । विजयपाइहवैं ताकेपार ॥
 लहे अकण्टक राज्य महान । प्रभुतुम जगपालक भगवान ॥
 सबजगतो ईहा अनुसार । होत नशत नहिं और विचार ॥ इ-
 विधि प्रशंसतसहितसनेह । गेधृतराष्ट्रभूपके गेह ॥ तहैंधृतराष्ट्र
 विदुरनृप धर्म । भीम नकुल सहदेव अभर्म ॥ पान्धारीकुन्त्या-
 दिक बाल । जायतहां निरखे क्षितिपाल ॥ यथा उचित आ-
 शिषपरसाम । कहे सुने बरवल बुधि धाम ॥ रहि तहैं करिवात्ता
 अभिराम । किये व्यतीत दिवस सब याम ॥ निशिलहि नृप
 धृतराष्ट्र सचैन । किये विसर्जन कहिमृदु बैन ॥ तब पारथके
 गृहमग्नि जाय । कृष्णचन्द्र सों निशा विताय ॥ लहिप्रभातक-
 रिआह्निक कर्म । गये पार्थसह जहैं नृप धर्म ॥ लखिकेशवहि
 धर्म करि नेम । करि आसीन कहे गार्हिप्रेम ॥ प्रभुदीजैं अनु-
 शासन जौन । पूरितप्रेम करैं हम तौन ॥ यह सुनिकहे पार्थ
 मतिमान । केशव चाहत निजपुर जान ॥ यह सुनि बोले धर्म
 नरेश । उचित करत जो कृष्ण निदेश ॥ जाय द्वारकापुरी वि-
 भाति । मोहि रहेहु समुक्तदिनराति ॥ माता पिता बन्धुसमु-
 दाय । मिलि सबजनसों देखिदेखाय ॥ फिरि मम अश्वमेधम-
 खमाह । आयहु श्री यदुकुलके नाह ॥ हमैं भयोजो मणिधन
 लाहु । जो चाहौसो लीन्हें जाहु ॥ यह सुनिकहेकृष्णअवदात ।

मम धन तुव तुव धन मम तात ॥ यहसुनि भूप केशवहिपूजि ।
 कीन्हें बिदा सुबानी कूजि ॥ लहि नृप की सम्मत सुखदाय ।
 कृष्ण सुभद्रहि सुरथचदाय ॥ रथचढ़िचले द्वारकाकोद । संग
 चलेसात्यकि गहिमोद ॥ पठवनचले अर्जुनभीम । विदुर न-
 कुल सहदेव अधीम ॥ चलिकछुदूरि कृष्ण अनुमानि । तिन्हें
 बिदा कीन्हें सन्मानि ॥ मगमें निरखत सगुण अनेक । चले
 द्वारका पालनठेक ॥ मगमेंतहां मिलतभेआय । सुमुनिउत्तंक
 मोदसस्साय ॥ प्रभुसोंपूजित हवै तेहिठौर । सुमुनिभये बूझत
 करिमौर ॥ हैं कुरु पांडव कुशल ससैन । महाराजसुत विक्रम
 ऐन ॥ यहसुनि कृष्णचन्द्र तेहिपर्व । दये सुनाय व्यवस्था सर्व ॥
 बोहा ॥ सुनि बिनाश कुरुवंशको मुनिबोले अनखाय । बिनतो
 चाहे नहिं भयो ऐसोअनर अचाय ॥ सबप्रपंच गुणि कृष्णतो
 पूरहिये परिताप । क्रोधरोकिनहिं सकतहमदेन चहतहैं शप्या
 यहसुनि केशव कहतभे क्षमा गहौमुनिराज । विशद तत्त्व अ-
 ध्यात्म सुनि देहु शापनिज राज ॥ यहसुनिकैं उत्तंकमुनि बोले
 क्रोधबिहाय । यहसुतत्त्व अध्यात्मगुण केशवकहौबुभाया ॥ श्रीकृ-
 ण्णउवाच ॥ रोला ॥ सत्वरज तम गुणानि कहैं मम भावजानो तात ।
 रुद्रवसुसब सुरनकेहम प्रभव है अवदात ॥ मोहिं मधिसबभूत
 अरु सबभूत मधिममबास । सत असत क्षरअरुअक्षरहम
 करतपूरण आस ॥ चारि आश्रम धर्म वैदिक ते ममात्मकसर्व ।
 वेद चरु हवि यूप मख हममंत्रसोम अखर्व ॥ सकलउद्घाता
 सदा मम करत अस्तुतिनौमि । धर्महमहम धर्मरक्षक धर्मकर्ता
 सौमि ॥ विष्णुब्रह्मा इन्द्र शिव हम भूतग्रामसमस्त । धर्मरक्षण
 हेतुहम अवतार लेत प्रशस्त ॥ यक्षदैयत नाग सुर गंधर्व कि-
 न्नर जौन । जात हमजेहि योनितेहि विधि रचतहे मति
 भौन ॥ धर्मदयाणि अनीतिगहिकै किये कौरवयुद्ध । युद्धमधि
 मरिचये सुरपुरहोततुमकत कुद्ध ॥ मुनिउत्तंकसु बचन यहसुनि

कहे हे जगदीश । तत्त्वयह सुनि आजमम भ्रम मयोविश्वेवीश ॥
 नाथ अब दरशाइये निज विश्वरूपअनुप । कृष्णतब दरशाय
 दीन्हें चारुविश्वसरूप ॥ लखेहेकुरुक्षेत्र में जोरूपअनुपमपार्थ ।
 देखिसो उत्तंक अस्तुति किये जानियथार्थ ॥ कृष्ण तबउत्तंक
 मुनिसों कहेसुनुहेविप्र । जौनतुमवरदान मांगहु देहिं हमसो
 क्षिप्र ॥ बचनयहसुनिकह्यो मुनिउत्तंकआनंदछाय । तृपितहवै
 हमचहैंजहैं तहैं दिहेउदर्शनआय ॥ कृष्णबोलितथास्तु तबगे
 द्वारकाशुभमेश । विप्रक्रमसोंकछूदिनमेंजातभोमरुदेश ॥ फिरत
 तहैंहवै तृपितकृष्णहि भयोसुमिरततौन । मिलोआगेआइतहैं
 चाण्डाल विक्रमभौन ॥ इवानलीन्हेंसंगशर धनुगहे अरुदिग
 वास । खरो लखि द्विजतासु पगतर लख्यो स्रोत प्रभास ॥
 कह्यो सो चाण्डालमुनिवर पियोजलतजिशंक । तासुपगतरदे-
 खिजलनहिं पियो मुनि उत्तंक ॥ कृष्णके गुणि बचन कृष्णहिं
 कह्यो बहुदुरवैन । कह्योसो चाण्डाल फिरि जल पियो संशयहै-
 न ॥ पियो नहिं जल विप्र तबसो भयो अन्तर्दान । विष्णुतेहि
 थरप्रकटमे गहिशंख चक्र महान । विप्र विष्णुहि देखिवोलो
 उचित नहिं इमि तोहिं । चाण्डाल के पगतरे जल करि देन
 लागे मोहिं ॥ बचनयह सुनि विष्णुद्विजसों कहे हम समुझाइ
 कहे सुरपति सो उत्तंकहि देहु अमृत जाइ ॥ शक्रसो सुनिकह्यो
 अमृत मानुषहि नहिं योग ॥ मानि आज्ञा आपकी कछु ठानि
 व्याजप्रयोग । जाइ अमृतलेन भाषव जौनलेहैं तौन ॥ प्रकट
 करि नहिं देव तौ फिरि आइवे करिगौन ॥ भेषकुत्सित शक्रहै
 अरु रहो अमृत वारि । लये नहिं अब कहा कीजै कहो तौन
 बिचारि ॥ भाषिइमि प्रभु कहे आपुहि जबहिं तुम यहि देश ।
 चाहिहो जल वृष्टि होइहि तबहिं वृष्टि सुवेश ॥ होइंगे उत्तंक
 नामक मेघ अबतै तौन । समुझि आशय आपुकी इतवृष्टि करि
 हैं जौन ॥ अजौलौ उत्तंक नामक मेघ बरषततत्र । देश मरुमें

विष्णुविप्रहि दये आशिष यत्र ॥ जनमेजय उवाच ॥ रह्यो कैसो किये तप
उत्तंक जाके दर्प । चह्यो जाते करन कृष्णाहि शापदारुण अर्पा ॥
वेशम्पायन उवाच ॥ शिष्य गौतम सुऋषिको उत्तंक परम प्रवीन । गुरुशु-
श्रूषा करत प्रकटत नित्य भक्ति अहीन ॥ करत सेवा गुरु की भैकेश
सिगरे इवेत । एक दिन गो काठ आनन गुरु के गृह हेत ॥ खिन्न
है अति भार सों द्विज गिरोगृह ढिग आय । लगो रोदन करन
तनमें महा पीड़ा पाय ॥ पाय आज्ञा पिता की गुरु सुता तेहि थर
जाय । कियो वारण रुदन को नहि तज्यो विप्र अचाय ॥ आपु
गौतम कहे तब कत इतो रोदत आजु । गह्यो कैसो खेद बनमें
भयो कौन अकाजु ॥ दोहा ॥ गौतम ऋषिके बचन सुनि कह्यो
उत्तंक प्रशस्त । तौ सेवा करि शत वर्ष भये जरा सौ प्रस्त ॥
मम आगे कै यक शतक विप्र शिष्य इत आय । गये गेह नहि
जान मोहि कहे आपु सुखदाय ॥ लह्यो न जग को बीद कछु भये
शक्तिसों हीन । यह गुणि हम रोदन करत करैं कहा अब इन ॥
यह सुनि गौतम करि कृपा युवापुरुष करि ताहि । व्याहि दई
निज कन्यका श्रुति स्मृति संमत चाहि ॥ तदनु अहल्या सों क-
ह्यो द्विज उत्तंक अनुमानि । अम्ब कहौ गुरु दक्षिणा तौ न देहि
हम आनि ॥ अहन्योवाच ॥ सुतशुश्रूषा तुम कियो ताही सों हम
तुष्ट । अवशिचहो जो देन तौ देहु कहै जो पुष्ट ॥ जो सौदास म-
हीप की पत्नी कुण्डलतासु । आनि देहु यह विप्र सुनि तहां चल-
त भे आसु ॥ जाइतहां द्विज लखत भो राक्षस रूप महीप ॥ द्विज-
हि देखि इमि कहत भो नृप राक्षस कुल दीप ॥ षट् दिन बीते देव
बश भोजन पायो आजु । यह सुनि कै उत्तंक मुनि कहत भयो
निज काजु ॥ गुरुहि दक्षिणा देन हित याचन आयउ तोहि देहु
तौ न दे आइहौ तब तुम खायहु मोहि ॥ जो कुण्डल तव तरुणि
पह देहु कृपा करितौ न । यह सुनि कै सौदास नृप कह्यो क्षणक
राहि मान ॥ मम तिय के ढिग जाय तुम कहि निज अर्थ बुझाय ।

मम निदेश कहिलेहु द्विज कुण्डल आनिद जाय ॥ यह सुनिकै
द्विजजातभो मदबन्ती के पास । नृपनिदेश अस निज अरथ
विधिवत कियो प्रकास ॥ मदयन्ती सो सुनि कह्यो यक्ष असुर
सुर नाग । करि उपाय कछु चाहत हैं कुण्डल लियो अदाग ॥
नृप आज्ञा दृढ़हेत कछुबार्ता ल्यायोफेरि । तौ कुण्डलहम देहि
तुमलैहु अपूरवहेरि ॥ यह सुनि नृपपहँ जाइद्विज यहवार्तालै
आय । कहि सुनाय नृप घरानिकहँ चलो सुकुण्डलपाय ॥^७लोक
नचैवैषागतिः क्षेम्या नचान्याविद्यतेगतिः । एतन्मेमतमाज्ञाय
प्रयच्छमणिकुण्डले ॥ यहिराक्षस गतिमुक्त हित याते और न
यत्न । यह मम मतगुणि दीजियोकुण्डल चारु सरत्न ॥ लहिसु
कुण्डलहि मुदित द्विज जायभूपके पास । करिसुवार्ता चलतभो
गुरु दिग गुणतसुपास ॥ कछुदूरिचलि क्षुधित द्विजवृक्षबेलको
देखि । चढ़ितापै तोरन लगो पके सुफल अवरोखि ॥ इतने में
छुटि गिरि परो कुण्डल महिपै आय । तेहि ऐरावतकुलज अहि
गहिमहि गयो समाय ॥ तब तेहि तरुते उतरिकै विप्र दण्डग-
हि प्राणि । देखि बिबर लागी खँदन कुण्डल लीबो जानि ॥ भरे
क्रोध पैतिस दिवस भूमि खँद्यौ जबविप्र । तब भूमिहि व्याकुल
निरखि सुरपति आये क्षिप्र ॥ द्विज उतंकसों कहतभे सुरपतिकरि
अनुमान । नाग लोक अब इहांसों योजनसहसप्रमान ॥ विप्र
रूप धरि शक्र सो यहसुनि कह्यो उतङ्क । बिन कुण्डलपायेइहां
तजिहैंप्राण अशङ्क ॥ यहनिदचयगुणिविप्रकी शक्रदयाके तंत्र ।
दण्डहि योजित करतभे बज्रअस्त्रके मंत्र ॥ बज्रअस्त्रपरभावते
क्षणमें विरचिसुराहानागलोकमें जातभो ब्राह्मण कुण्डलचाह ॥
जायतहो द्विज खखतभो नागलोककोद्वार । ऊँचो योजनपाँच
अरु शतयोजन विस्तार ॥ भयो निराशाविप्र तब मिलोतुरंग
अति काय । द्विजहि गुरु की शिष्य गुणि कहतभयो समुभाय ॥
मम गुद फुँको विप्र तुम तब लहिहो निजराज । सोसुनिद्विजफू-

कत भयो गुदा सिद्ध गुणिकाज ॥ रोमरोमते तुरंग केकदीधूम
कधार । तासोंपूरित होतभो नागलोक बिकरार ॥ हवै अति
व्याकुल नागसब आइ उतंकहि पूजि । देत भये कुण्डलबिम-
ल विधिवत अस्तुति कूजि ॥ लहि कुण्डल अति मुदित हवै
द्विज गौतम पहुँ जाय । गुरुपत्निहि कुण्डल दयो सिगरी कथा
सुनाय ॥ ऐसो परमप्रभाववर तपव्रत तेज अनूप । मुनिउतंक
को हम सुने हे जनमेजयभूप ॥

इति श्रीअश्वमेधपर्वणिउतंकोपाख्यानोनामद्वितीयोऽध्यायः २॥

जनमेज उवाच ॥

सौरठा ॥ विप्रहि दै वरदान कृष्ण द्वारकाजाय
कै । कीन्हें कौन विधानसो बैशम्पायन कहो ॥ बैशम्पायनउवाच ॥
चोपाई ॥ कृष्ण उतङ्क मुनिहि वरदैकै । सात्यकि सहितजायमुद
लैकै ॥ देखत चारुपुरीकी शोभा । जेहि लखि बसति शक्रहिय
लोभा ॥ आनंद देत मिलत सबजनसों । गे निजघरसेवितय-
दुगनसों ॥ कमसों बन्दिचरण गुरुजनके । बैठेहरणहार मुनि
मन के ॥ कुशल प्रश्न विधिवत कहिसुनिकै । इमिवसुदेवकहत
भे गुनिकै ॥ केहि विधिभयो युद्धअतिभारी । सो सबसविधि
कहौ रणचारी ॥ सोसुनि प्रभु कहिवो अभिलाषे । गहिसंक्षेप
युद्धसबभाषे ॥ सुनि अभिमन्यु वीरको मरिवो । भोतेहि समय
वज्रको परिवो ॥ मातुदेवकी अतिदुख लीन्हीं । अंकिसुभद्रहि
रोदन कीन्हीं ॥ तिमिवसुदेव शोकसों भोये । दुहितासुतके गुण
कहि रोये ॥ तब केशव कहि धर्म बुझाये । ताकीतियहि समर्थ
सुनाये ॥ सुनि बसुदेव शोक दुखत्यागे । पिंडदान कीन्हें अनु-
रागे ॥ साठिलाख विप्रनकहँ भोजन । दीन्हें अगणित धनकरि
योजन ॥ उतै व्यास कुन्तीपहुँ आये । यह सुहेतु कहिकै समु-
झाये ॥ सुविनि कुंअरि उत्तरा वरणी । होइहि सुतपालक सब
धरणी ॥ सोसुनि पांडवदुखतजि हरषे । बचन पितामहकाहित
परषे ॥ बोहा ॥ अश्वमेधके हेत धन आगमको उपचार । करो

भाषिइमिजात भे व्यास मुनीश उदार ॥ यहसुनि जनमेजयकहे
इमि कहिगे मुनि व्यास । नृपति युधिष्ठिर तब कहा किये कहौ
मतिरास ॥ सुनि बैशम्पायन कहे सुनुजनमेजय भूप । तदनन्तर
नृप धर्म गुणि लहिकै समय अनूप ॥ चौपाई ॥ वचनव्यासके कहि
मुद धरिकै । सब बन्धुन सों सम्मत करिकै ॥ धनल्यावनको शा-
सन दीन्हें । सदल चलत भे आनंदलीन्हें ॥ प्रभुहि नौमिकरि-
कै सब कूजन । विप्रन दानदेत करि पूजन ॥ वृद्धदम्पतिहि नौ-
मि सुभावन । सविधि सुनत स्वस्त्ययन सुहावन ॥ राखियुयुत्सु-
हि नृपके धारे । सुरथन नहि नहि चंचल धारे ॥ भीमधर्म आ-
दिक सब भाई । सदल चले अति ओज बढ़ाई ॥ वंदीजन सों
अस्तुतिरुरे । सुनत जाय अति आनंदपूरे ॥ क्रमते बनगिरि
सरिता तरिकै । गे तेहि गिरि ढिग कछु दिन चरिकै ॥ जेहि गिरि
ढिग धन व्यास बताये । गये जासुहित आनंद छाये ॥ तिहि गि-
रिढिग निवास करि राजा । आगे करि सब विप्रसमाजा ॥ करत
शांतिमंगल हितकारी । सब दिशिराखि सुभट धनुधारी ॥ नृपति
युधिष्ठिर मधिमें रहिकै । लसे शंकरहि मनमें गहिकै ॥ पटु विप्रनको
सम्मत सुनिकै । धर्मनृपतिरहि निरशनगुनिकै ॥ कुशविज्ञाय
महि शय्या कीन्हें । कामदानि प्रभु शंभुहि चीन्हें ॥ यहि प्रकार सों
निशा बिताये । भोरद्विजातिन होम कराये ॥ मोदकपायस मांस
सोहाये । विधिवत बलि दीन्हें मन भाये ॥ दोहा ॥ तब सुनि भद्रकुबेर
अरु अरु जे गणसमुदाय । विधिवत तिन कहँ पूजिकै दै बलिदान
सचाय ॥ व्यास आदि द्विजवरन कहँ करि आगे मतिरास । सुनत
स्वस्त्ययन जात भे रत्नखानिके पास ॥ पूजि धनेशहि तत्र अरु दे
विप्रन कहँ दान । रत्नखुदावत भे तहां धर्म भूपमतिमान ॥ अग-
णित पात्र खुदाय धन लदवावत भो भूप । तिनकी संख्या कहत
नृप सो गुणिलेहु अनूप ॥ जयकरी ॥ ऊँट लदाये साठि हजार ।
तासु द्विगुण घारे समचार ॥ द्विरद एकादश शत लदवाय ।

तितने शकटनके समुदाय ॥ खर अरु भार बाह नरजौन । सं-
 ख्यातासु सकै कहि कौन ॥ इतनो द्रव्य लदाय चलाय । फेरि
 पूजि शंभुहि सुखदाय ॥ विप्रभटनसह पूरित मोद । फिरेनगर
 प्रति करत विनोद ॥ इतै कृष्ण दायक फलचारि । अश्वमेध
 को समयनिहारि ॥ सह प्रद्युम्नसात्यकि बलराम । अरुगदसा-
 म्ब निशठ बलधाम ॥ अरु कृतवर्मा सारन संग । सहित सु-
 भद्रा भरेउमंग ॥ हास्तिनपुर आयेकरिप्रेम । सुनिधृतसष्ट भूप
 गुणिक्षेम ॥ विदुर युयुत्सुहि समुद पठाय । उचित करत भेवास
 कराय ॥ इतने में सुनु भूपति तंत्र । द्रोण तनयको प्रेरित मंत्र ॥
 प्रविशिउत्तराके उरबीच । पीड़नलागो दायक मीच ॥ तेहिदक्ष-
 णगुणिकै श्री यदुनाथ । गेअंतःपुरसात्यकिसाथ ॥ कृष्णकृष्ण
 टेरेत तेहिकाल । कुन्ती आय कह्यो सोहाल ॥ उरताड़तपूरित
 परिताप । करतभई आरत परलाप ॥ तुम हे किये प्रतिज्ञापूर्व ।
 रक्षणकरव गर्व हम गूर्व ॥ सो तुम भूलिगये कततात । जाते
 भयो गर्भको घात ॥ तुम रक्षक पांडवन सप्रेम । जैसे पुतरिहि
 पलकसनेम ॥ प्रभु तव भागिनेय को गर्व । हायलहै यहि विधि
 गति खर्व ॥ धर्म भीम अर्जुन यहि देखि । किमि जीहैं अनरथ
 अवरेखि ॥ यहि विधि भयो वंशको नाश । लखियहगर्व गह्यो
 सब आश ॥ सोऊ मृतकभयो अब हाय । ऐसो शोक सहोकि-
 मि जाय ॥ प्रभुअब निजगुरगरिमा चाहि । उत चलिवेगिजि-
 आवो ताहि ॥ यहि विधि कहिकहि कुन्तीमोहिं । महि गिरिर-
 ही कृष्णकहैं जोहिं ॥ तब कुन्तिहिगहि कृष्ण उठाय । साहस
 देत भये समुझाय ॥ तहां सुभद्रा रोवत आय । बोलतभई ब-
 चन दुखदाय ॥ मृतकपुत्र प्रगटितभो तात । यह दारुण दुख
 सहो न जात ॥ लखि यह गर्भ पुत्रको शोक । मैं सहिरही धीर
 करि रोक ॥ लहि तो अनुकम्पा की रीति । पांडवपाये सबथर
 जीति ॥ द्रोण तनयको अस्र अमान । तासों बचोभीम बल-

वान ॥ अबसो अस्त्र देत जयचाहि । तुमपउत्र कोजीवनदाहि ॥
 अब सब पांडवहारे जात । जाते होत मूलको घात ॥ याचत
 तोहिं तात परिपाय । भागिनेय सुत देहु जिआय ॥ द्विजसुत
 सों प्रण कीन्हों जौन । तात करो अब पालन तौन ॥ तात आपु
 को जानि प्रभाव । हम हठि इतो कहति करिराव ॥ सुनिधीर-
 ज दै कृष्ण उदार । गये प्रसूत गेहके द्वार ॥ तहांगुणीजन भि-
 षज अनेक । बैठे रक्षण हेत सटेक ॥ घृततिलतंडुलसरषभूरि ।
 लीन्हें बैठे दुखसों पूरि ॥ द्रुपद सुता उत धीरज आनि । कही
 उत्तरासों अनुमानि ॥ मातुल ससुर कृष्णतोतीर । आयेत्यागि
 शोक धरु धीर ॥ कृष्ण आगमनसुनि सुखपाय । मृतकपुत्रकहैं
 गोदलगाय ॥ कहिकहिकैं शोकाकुल बैन । करो उत्तरा रुदन अ-
 चैन ॥ तब केशव करुणा के ऐन । लीन्हें करषि अस्त्रजगजैन ॥
 लहि संहार अस्त्र वह भूप । गयो पितामह पास अनूप ॥ तब स-
 चेतमो पिता तुम्हार । अति पूरित भे मंगलचार ॥ वृष्णिवंशके
 वृद्धमहान । कीन्हें नामकरण सविधान ॥ वंशक्षीण पहुँभो अवि-
 धाम । ताते कियो परीक्षित नाम ॥ नरनारी सब आनंद पूरि ।
 दिये दानमणि भूषण भूरि ॥ दोहा ॥ एक मासको जब भये पिता
 तुम्हार महीप । तब धनलै आये सदल धर्मभूप कुलदीप ॥ मि-
 लिसबन सों परस्पर पूजिपुजाय सठौर । हास्तिनपुर राजित
 भयो धर्म नृपति शिरमौर ॥ समय पाय तब भूप पहुँ आये व्या-
 स मुनीश । पूजियथोचित ताहि इमि कहो धर्म अवनैश ॥ अ-
 श्वमेध मखमहतको कियो आपु उपदेश । अब शुभ समय बि-
 चारि प्रभु कीजै उचित निदेश ॥ चौक ॥ इमिकहिकहे कृष्ण सों
 सानंद । आपुहोहु दीक्षित प्रभुमानंद ॥ मोहिं सिद्धि पद कृपा
 तुम्हारी । तुव आक्षाफल सब मखचारी ॥ यह सुनिकहे कृष्ण
 प्रभु नागर । तुम ममकुल पति भूप उजागर ॥ तुवकर तबमम
 मम तुव आरय । आपु करो अनुपम मखकारय ॥ यह सुनिभूप

मोद हिय राखे । पाणिजोरि मुनिवरसों भाखे ॥ प्रभुअनूपअ-
 नुकम्पा गहिये । आरम्भनको दिन गुणिकहिये ॥ यहसुनिब्यास
 कहे करि ईछित । होहु चैत पूनोलहि दीक्षित ॥ सराजामसब
 योजित कीजै । विप्र बोलाइ निमंत्रण दीजै ॥ भूमि परजटय
 नहिं बिधिकै कै । अश्वतजौ रक्षक सँग दैकै ॥ सबजगजैनपार्थ
 धनुधारी । सदल जाहिं हयकी रखवारी ॥ भीम नकुलसहदेव
 मुखारी । रहैं गेह रक्षक मखचारी ॥ यहसुनि भूप बिजय अ-
 भिलाषे । धीरफालगुणसोंइमिभाषे ॥ अश्वहिरक्षणहतेपधारो ।
 भूमिविजयकरियज्ञसुधारो ॥ जोआड़ैकोउ भूपअकादर । पहिले
 ताहि बुभावहुसादर ॥ जेहि न बिरोध बढै सौकीजौ । नहिं मानै
 तो लरिजयलीजौ ॥ इमिसमुभाय पार्थसोंकहिकै । भूपभयोदी-
 क्षितदिनलहिकै ॥ दोहा ॥ वृद्धभूपधृतराष्ट्रसों आज्ञालैतेहिकाल ।
 बिधिवतदीक्षित कैसबिधि अश्वतज्योक्षितिपाल ॥ पारथनृपसों
 कैबिदा कृष्णहि ध्यायसचैन । चलेअश्वरक्षणकरतसुनतशुभद
 स्वस्त्येन ॥ कैउत्तरपूरबचलेअश्वसुनोक्षितिपाल । अबसुनिये
 जेहिथलभयो युद्धमहा बिकराल ॥ सौरठा ॥ हयआगमनअनूप
 सुनि त्रिगर्तपति बैरगुणि । बढिसहसेना भूप यज्ञअश्व लाग्यो
 गहन ॥ चौपाई ॥ ताहि अश्वरोकत लखिपारथ । भयो सुनावत
 बचन यथारथ ॥ सुत बन्धुनको बध गुणिताते । नहिं मान्यो
 सो नृप रिसिराते ॥ नाम सूर्य वर्मारणचारी । बाणपार्थ पहुँ
 तज्यो प्रचारी ॥ अगणित रथन सहित बढि बलसों । भिरत
 भयो पारथके दलसों ॥ नृपति सूर्यवर्माको भाई ॥ नाम केतुव-
 र्मा दृढ़ धाई ॥ भिरो पार्थ सों थिरुथिरु भनिकै । पारथताहि
 बध्यो शर हनिकै ॥ तब धृतवर्मा विदित महारथ । भिरतभयो
 कहिभागु न पारथ ॥ अतिकर लाघव करि धनु करण्यो । अ-
 विरलबाण पार्थपहुँबरण्यो ॥ अतिकरलाघव लखितेहिक्षणमें ।
 पारथभये सराहतमनमें ॥ धृतवर्मारिसकरि तेहिथरमें । माख्यो

बाणपार्थ के करमें ॥ करतेधनुष गिख्योतवराजा । देखिमुद्रितभे
 शत्रुसमाजा ॥ तेहिक्षणपारथभट अतिकोप्यो । गहिगांडीवप्रलय
 आरोप्यो ॥ महाराज सुनियेतेहिपलमें । हाहाकारमचोअरिदल
 में ॥ अरिदलकेसहसनभटबधिकै । लसोकालसमपार्थवरधिकै ॥
 तहँ पारथको विक्रम देखी । भगी शत्रु सेना भयभेखी ॥ तब
 त्रिगर्तपति गुणि मन माहीं । शर अरु धनुष त्यागिरथपार्थी ॥
 टेरिपार्थ सों कह्यो बुभाई । हम तो वश अब तजहुलराई ॥
 अबहमकरैं करौ जो शासन । कहेपार्थ सुनियहसम्भाषन ॥ व-
 न्धुनसह हस्तिनपुर आयहु । अश्वमेधमखलखि सुखपायहु ॥
 इमिकहि पारथभट जयईछे । सासयन चले अश्वके पीछे ॥
 फिरि क्रमसों प्राग्ज्योतिषपुरमें । पहुँचतभयो तुरँगअतितुरमें ॥
 देहा ॥ तहां सुवनभगदत्तको बज्रदन्तवर नाम । कदि पढ़नते
 सदल बढि भिरतभयो बलधाम ॥ पारथसोंभिरि लरतभोवज-
 दन्तरणधीर । तिमि पारथकेभटनसों भिरे और बरवीर ॥ चढो
 दीह युगदन्तपहँ बज्रदन्तबलवान । पारथवीर रथस्थपहँ वरषो
 अविरल बान । चोपाई ॥ पारथतापहँ शरभरिकीन्हें । बारणबाण
 बिरथ करि दीन्हें ॥ दोऊकर लाघवता ठाटे । अगणित बाण
 परस्पर काटे ॥ दोऊ दुहुन प्रचारिप्रचारी । वरषे बाणप्राणहर
 भारी ॥ दोऊ दुहुन बाण हनि डाटैं । घने बाण बाणनसोंकाटैं ॥
 तहँ पारथ अति तुरता धाख्यो । तीक्ष्ण बाण तासु उरमाख्यो ॥
 तासों बेधित कै सो धरकस । मोहित भयो भूलिधन तरकस ॥
 क्षणमें चेतिभूप रिसिझायो । मेघ जलदसम द्विरद चलायो ॥
 गहिकरसों साँकर उलभारत । गर्जत चलो द्विरदभयभारत ॥
 पार्थ द्विरदपहँ शरभरि करिकै । राख्योदूरि नैकेपण धरिकै ॥
 बज्रदन्त तबकरषि शरासन । वर्षतभयोबन अरिनाशन ॥ ते-
 हि विधिपार्थ शरासन करण्यो । बज्रदन्तपहँ शरवरण्यो ॥
 यहि प्रकार दोऊ भट आरज । लरे नैन दिन जयके कारज ॥

चौथेदिन नृपवीर अतोलो । करि अट्टहासइमि बोलो ॥ लरि
 मम वृद्धपितहि तुममारे । तातेगर्व हियेमें धारे ॥ आजुतोहिं
 बधिकै जयलेहों । बन्धुवर्ग कहँ आनँद देहों ॥ इमिकहिगर्जत
 गजहि चलायो । चलो द्विरद ऐरावत जायो ॥ दोहा ॥ शुण्डा
 दण्ड उदण्ड सों दीरघगहे जँजीर । जंगम गिरिवर समद्विरद
 गयोपार्थ के तीर ॥ तब पारथअतिकोप करि मारि अमोघ सु
 बाण । डारिदेतभो भूमिपर द्विरदहि करिगत प्राण ॥ द्विरदसंग
 नृप गिरि परो तब इमि बोलोपार्थ । भूपभीत तजिवचनसुनु मैं
 यह कहत यथार्थ ॥ चोखा ॥ मोकहँ धर्म नरेशयह निदेशदीन्ह्यो
 उचित । फिरि आवो सब देश मतिकीजो बध नृपनको ॥ भूपन
 सों समुझाय इमिकहियो मतिरण करैं । अश्वमेधमें आयलैहि
 सुउत्सव जनित सुख ॥ तातेबैर बिहाय मखदेखन आयहुउतै ॥
 यह सुनि नृप सुखपाय कहितथास्तु गृहजातभो ॥ तोमर ॥ तब
 तुरँग तौन शुभेश । चलिगयो सिन्धु सुवेश ॥ सुनि तौन उत
 के वीर । बढि भिरतभे रणधीर ॥ तहँ चले अस्त्र अथोर । भोम-
 चत संगरघोर ॥ भट अयुत तुरँग सवार । अरुरथीएकहजार ॥
 बढि फाल्गुणकहँ घेरि । भे बाण वर्षतटेरि ॥ गुणिजयद्रथकोघा-
 त । भे करत आयुधपात ॥ जिमि बिहँग पंजर माह । तिमिक-
 रतभेनरनाह ॥ यह देखिभयदप्रयोग । भेदुखितइतसबलोग ॥
 तेहिसमयअनरथ भूरि । लखिपरे अशकुनभूरि ॥ घनघोरमधि
 तमअन । तिमि भयो पार्थ अमान ॥ तब पार्थ बिक्रमऐन । इमि
 सैन्य चने सों बैन ॥ भो कहत सुनहुं समस्त । गुणि भूप वचन
 प्रशस्त ॥ नेहिवधत तुमहिं सुटेक । ममवचनजानोनेक ॥ तुम
 बैरभाव बिहाये मख लखौ ममपुर आय ॥ यह वचन सुनि
 ते सर्व । इमिकहे बैन सगर्व ॥ जोगहे जियको लोभ । मम
 युद्ध लखिभो क्षोभ ॥ जाहु रण तजि भागि । कत कहत कै-
 तव लागि ॥ यह सुनत भो अमान । भोक्रोध कालसमान ॥

चलि चक्रसम भटचण्ड । अति चपलकरि दोर्दण्ड ॥ करि
धनुष मंडलरूप । भोवाण वर्षत भूप ॥ प्रतिभटन शायकजा-
ल । भोरचत बीर विशाल ॥ भटतुरंग अगणित मारि । भो
देत महिपर डारि ॥ दोहा ॥ पार्थ अग्निकी शरलपट सहिन
सके भयपूरि । भागिचले सैन्धव सुभट बेधित पीड़ितभूरि ॥
तबदुहिता धृतराष्ट्रकी शिशु पउत्रलैआय । रुदन करनलागी
तहां आरत बचन सुनाय ॥ चौपाई ॥ तेहिलखि पारथ करुणा
भरिकै । तजि लरिवोधनु रथपर धरिकै ॥ सादर इमि भगिनी
सों भाषे । कहति कहाकहु जो अभिलाषे ॥ तबदुस्सला कही
सुनु आरज । यहिबालकको करुहित कारज ॥ यहममसुतको
सुतसुनु भैया । अवयाको नहि और सहैया ॥ यहसुनि पार्थ
कहे लेचहुसो । याकोपिता भयोकाकहुसो ॥ कहीदुस्सला पुत्र
हमारो । पितामरण सुनिमरोविचारो ॥ अवयहि बालहिआ-
शतिहारी । अभयकरो करिकृपा विचारी ॥ इमिकहि दीनद-
शासों पागी । दुखित दुस्सला रोवनलागी ॥ तबपारथ तेहि
श्वासित कीन्हे । कहेजाहु घरआनंद लीन्हे ॥ इमिकहि ताहि
विदाकरि पारथ । चलेअश्वके संग गुणिस्वारथ ॥ क्रमसोंअ-
गणित देश मभावत । गोमणिपूर देशहयधावत ॥ बभ्रुवाह-
ना नृपसो सुनिकै । सानंदपिता पार्थकहँ गुनिकै ॥ विप्रन स-
हित निरायुध कढ़िकै । मिलनचलो पारथसों बढ़िकै ॥ तिमि
तेहि देखिपार्थ रिसगहिकै । निन्दाकिये बचन इमिकहिकै ॥
छाविसमान क्षात्रगुणतजिकै । आवतकहा पलटि जोलजिकै ॥
मखयह रक्षत धनुटङ्कारत । नृप गर्विनको गर्व बिदारत ॥ हम
आवत तुम ताके धोरे । आयेक्षुद्र सरिस करजोरे ॥ जो हम
इहां निरायुध आइत । तोइमि तोहि देखिसुख पाइत ॥ तब
यहि बिधिमम सम्मुख आइब । तोहिउचितहो प्रीतिबढाइब ॥
यहसुनि बभ्रुवाहना लजिकै । रहोशीशनत करिमुद तजिकै ॥

यहसुनि नागसुता तेहिपलमें । भूमिवेधि प्रकटी तेहिथलमें ॥
 नृपसों कहतभई महिचारी । नागसुता हममातु तुम्हारी ॥ बीर
 फाल्गुण पिता तुम्हारे । युद्धहेत इतसदल पधारे ॥ युद्धकरौ
 तजिनेह सगाई । क्षात्रधर्मकी इहैबड़ाई ॥ मातु उलूपीकी यह
 बानी । सुनतबभ्रुवाहन अभिमानी ॥ काञ्चनकवच रोषकरि
 धाख्यो । अरु शिरत्राण तुरीण सुधाख्यो ॥ रथचढ़ि महाक्रोध-
 सों पागो । हयगहि शायक वर्षणलागो ॥ धनुटङ्कारि पार्थभट
 नायक । वर्षणलगो पुत्रपहँशायक ॥ पितापुत्र दोऊ धनुधारी ।
 कीन्ह्यो तहांयुद्ध अतिभारी ॥ दोऊलाघव करि धनु करषे ।
 अबिरल शर दोउन पहँवरषे ॥ दोऊदुहुन चक्रसम परषे ।
 अद्भुतविक्रम लखि लखिहरषे ॥ दोऊ दोउनके शररूरे । काटि
 दुहं दिशि शायकपूरे ॥ दोहा ॥ अतिविक्रम करिकै तहां बभ्रु
 वाहनाबीर । पारथकेभ्रूमधिहैन्यो अतिशयतीक्ष्णतीर ॥ तासों
 बन्धितपार्थभटरहिमोहितक्षणएक । चेतिधनुषटंकारकरिवरष्यो
 बाणसटेक ॥ गुरुतोमर ॥ तहँपार्थपुत्रहिहेरिकै । भोकहतयहिविधि
 टेरिकै ॥ सुतसाधुसाधुसुधीरहै । धनुधरणिधररणधीरहै ॥ अब
 आड़भरिममबानकी । जोचूर करनिपषानकी ॥ इमिभाषिशर
 सन्धानकै । नभदयोविनुरन्धानकै ॥ सोभूपधनुविधिठाटिकै । भो
 नदतसबशरकाटिकै ॥ तबपार्थअद्भुतठानसों । हनिअर्द्धबिधुवर
 बानसों ॥ ध्वजकाटि महिपरडारिकै । भोनदत तुरगनमारिकै ॥
 तबभूप रथसों कूदिकै । अतिगर्वकोप असूदिकै ॥ अतिपाणि
 लाघव ठानसों । भोबाण तजत विधानसों ॥ तहँहैन्यो पारथ
 घातमें । बहुबाणताके गातमें ॥ बहुबाणताके गातमें ॥ तबबभ्रु
 वाहन तेखिकै । निजविजयविधि अवरेखिकै ॥ अतिकठिन
 धनुटङ्कारिकै । थिरुपार्थ पार्थप्रचारिकै ॥ वरशरनको तमजा-
 लकै । भोलसत ओज विशालकै ॥ तहँपार्थ विक्रम भूरिकै ।
 अवकाश बाणन पूरिकै ॥ सब बाणबाणन वारिकै । बहुबाण

माख्यो भारिकै ॥ तब बभ्रुवाहन कोपिकै । निजविजयके हित
 चोपिकै ॥ दोहा ॥ बज्रसमानउदण्डशरपारथकेउरमाहाहनतभयो
 अतिवेगसोंदारुणभटनरनाह ॥ अतितीक्ष्णउदण्डशरबेधिमर्म
 थलतासु । पन्नगसम कटिजातभो प्रविशि भूमिमधिआसु ॥
 नृप तेहिक्षण गतप्राण कैपरोपार्थ तेहिठौर । हाहाधुनि सैनिक
 किये मरोपार्थभटमौर ॥ बेधितपारथके शरन बभ्रुवाहनाबीर ।
 मोहितकै गिरि भूमिपर परत भयोभरिपीर ॥ चोपाई ॥ प्रियपति
 सुतको मरिबो सुनिकै । चित्रांगदा विपति दिनगुनिकै ॥ जाय
 तहां अति दुखसों पागी । करिआरत धुनि रोवनलागी ॥ उर
 ताड़नकरि अनरथ ज्वैकै । परी भूमिपर मोहितकैकै ॥ कछुक्षण
 परी मोहबशरहिकै । चित्रांगदा चेतफिरि लहिकै ॥ व्याकुल
 शोकानलसोंदहिकौरुदनलगीपतिपतिसुतकहिकै ॥ तब आईतहँ
 नागकुमारी । नामउलूपी पतिहि पियारी ॥ तेहिलखि चित्रांग
 दासयानी । कहतभई यहिविधिकी बानी ॥ ममसुतके बाणनसों
 पातित । पतिहिदेखुसबकी गतिरातित ॥ तोमतमानि लरोसुत
 मेरो । तातेभो यहअनरथहेरो ॥ बेगिजियाउ यत्नकछुकरिकै ।
 कत लखिरही शोचसोंभरिकै ॥ इविधि सपत्नीसों कहिसोई ।
 गहिपतिचरण बिकलहवै रोई ॥ इतनेमें जयकीविधिहेतो । ब-
 भ्रुवाहनाभूपतिचेतो ॥ पितामरणलखिनिजअबचीन्हों । अति
 आरतहवै रोदनकीन्हों ॥ प्राचितहित मरिबोअभिलाषे । यहि
 विधि नागसुतासों भाषे ॥ तोमतमानि पितासोंलरिकै । हम
 अतिपापलहे बधकरिकै ॥ अम्बसुनो हमनिश्चयभाषत । अब
 नहिं मोहिंबनततनराखत ॥ जियैपिता तौहमतनराखब । नहिं
 यहतन तृणकेसमनाशब ॥ यहकहिकरि मरिबेकोसामा । बैठत
 भयोभूप बलधामा ॥ यहसुनि नागसुता दुखलीन्हों । संजीवनि
 मणिसुमिरणकीन्हों ॥ तुरिततहां संजीवनिआयो । नागसुताके
 पाणिसोहायो ॥ दोहा ॥ नागसुतातब भूपसों कहतभई इमियेहु ।

यह मणिलै निजजनकके उरऊपरधरिदेहु ॥ तबनृपमणिलैपार्थ
 के उरपरधरे सचाव । तबपारथठाढ़ेभये मणिके बिशदप्रभाव ॥
 मोदिजनकके पदगह्यो बभ्रुवाहनाभूप । पारथलायो सुतहिउर
 ह्वै अतिमोदितरूप ॥ खेला ॥ चेतिपारथ उभयपत्निन एक ते
 तहँदेखि । भयेबूझत आगमनको हेतकछुअवरेखि ॥ तब उलू-
 पीभईभाषत नाथतो बधजानि । विकलह्वैहम उभयआईइहां
 अनरथ मानि ॥ शक्र वरुण कुवेर यमसों तुमअजेयअमान ।
 गयेसोतुम पुत्रकेशर बधेइत यहिमान ॥ सुनोताको हेतहमअब
 देत तुम्हहिंसुनाय । भीष्मको बधकिये तुम जोकरि अधर्म अ-
 दाय ॥ आइगङ्गापास वसुगण मंत्रकरितेहिहेत । दये तुम कहँ
 शापऐसो सुनोसो करिचेत ॥ पार्थ अबयहिकर्मको फल पाइहै
 रणमाहँ । बधैगो यहिपुत्रयाको भूपदीरघवाहँ ॥ आजुसोईभयो
 अबतुम तजो दुखकोलेश । छुटे अबवहि पापते तुमलहो आ-
 नँदवेश ॥ बचनयहसुनि मोदिपारथ कहेसुतसोबैन । पुत्र अब
 हयसंग उतहम जातहँ सहसैन ॥ सुनोपरकीचारु चैत्री मध्य
 धर्मनरेश । यज्ञकरिहँ सहितमातन आइयोतेहिदेश ॥ भाषि
 इमिह्वै बिदापारथ तुरँगचारुचूलाय । चलैरथचढ़ि सहितसे-
 ना दुन्दुभीबजवाय ॥ तहांसोचलि अश्वआयो राजमहल सु
 ग्राम । तहांहो सहदेवको सुत भूप बलबुधिधाम ॥ मेधसंधि सु
 नामसों कढ़िभिरो धनुटङ्कारि । पार्थसों सो करतभो अतिघोर
 रणपणधारि ॥ पार्थपहँसा पार्थतापहँ बाणवरषेभूरि । घनेशा-
 यक दुहुनदोऊ हनेअमरषपूरि ॥ मेधसंधिमहीपके हयसूतबधि
 के पार्थ । मारिबाण क्षुरप्रदीन्हों काटिधनुगुणि स्वार्थ ॥ कूदिरथ
 सों गदागाहितबचलो भूपअमान । काटिदीन्हों गदासोऊ पार्थ
 हनिबरवान ॥ विरथबिधनु महीपतिहिकरिपार्थ बधव न चाहि ।
 दयाकरि इमिभाषि बिधिवत भयेशीक्षत ताहि ॥ क्षात्रधर्म
 अमूपसो करिभयेतुम क्षितिपाल । कहँहमसो करोअबतजियुद्ध

बैरविशाल ॥ अश्वमेधसुयज्ञमें तुमआइयो नृपपास । पूर्णमख
लखिआइयोइत पाइपरमसुपास ॥ भाषिइमिह्वैसविधिपूजित
चारुअश्वचलाय । चलेपारथसहितसेना दुन्दुभीवजवाय ॥
तहांसोचलि अश्वआयोचेदिनगरअनूप । सरभसुत शिशुपाल
कोतहैं कियोपूजनभूप ॥ पाइपूजा आइवेको यज्ञमध्यअभर्म ।
देइशासन चलोदक्षिणओरपालकधर्म ॥ तहां अङ्क किरातको-
शल नृपनसों पुजवाय । गयोदेश दशार्णमें सहसैन ओज
बढाय ॥ तहां चित्रांगद महीपति लरोकड़िसहसैन । जीति ता
कहैं चलोआगे पार्थ विक्रमऐन ॥ एकलव्य निषादकेपुर गयो
तव हयतौन । लरोतहैं कड़ि एकलव्यमहीपको सुतजौन ॥ जी-
तिताकहैं गयेदक्षिण बारिनिधिकोकूल । तहां जीत्यो द्रविड़
माहिष कोलपतिन सशूल ॥ जायफिरि गोकर्णगिरिदिग अश्व
सुखमाऐन । फेरिजाय प्रभासथलगो द्वारकाजगजैन ॥ अश्व
को सुनि आगमनतहैं तरुणयादवसर्व । नगरतेकड़ि लरनचाहे
शस्त्रपाणिअखर्व ॥ उग्रसेनहिं आदिसिगरे वृद्धतिनकहैंबारि ।
ल्यायपार्थहिं करतमे सत्कारसविधि बिचारि ॥ तहांसों चलि
अश्वसों फिरि गयोपडिचमओर । कृष्णसों ह्वैविदा तितगो
पार्थसुभट सजोर ॥ पंचनदमें जाय हयसो गयोजहैं गान्धार ।
शकुनिको सुतअश्व गहितहैं कियोयुद्धअपार ॥ मनेकीन्हें पार्थ
बहुविधिवचननृपके भाखि । सुनोनहिंसोशकुनिकोसुत गर्बहिय
में राखि ॥ सैनसहबढ़िटेरि पार्थहिकियो संगरपीन । बध्योताके
सुभटअगणित पार्थधीरधुरीन ॥ दोहा ॥ गनेगनेनिजभटनके श-
कुनिपुत्रबधदेखि । आपुपार्थसोंभिरिभयो वर्षतबाणविशेखि ॥
फेरि ताहि बर्जत भयो पारथवीर अमान । नहिं मान्योतबबाण
हनि काटि दयो शिर त्रान ॥ चौपाई ॥ सोलखि उतके योधा रुरे ।
भिरे पार्थसों अमरष पूरे ॥ तोमर पट्टिश शक्तिसोहाये । अबि-
रल बर्षि पार्थ पहुँचाये ॥ तहांपार्थ अति लाघवकीन्हों । अग-

णित धरविनु शिर करि दीन्हों ॥ कीन्हों अगणित करपगछे-
 दन । कीन्हों अगणित के उरभेदन ॥ कितने धनुध्वज काटि
 गिराये । बधे कितेहय गजछवि छाये ॥ यहि विधिप्रलयदेखि
 तेहि क्षनमें । मंत्री वृद्धसुबुधि गुणि मनमें ॥ ल्यायशकुनि भू-
 पति की रानिहि । शमितकिये निज नृप अभिमानिहि ॥ पुत्रहि
 बारित करि नृपनारी । गई पार्थद्विग शाम विचारी ॥ पार्थता-
 हि लखि धनु तजिसादर । किये प्रणाम उचितकरि आदर ॥
 कहे शकुनिके सुतसों पारथ । तुम ममबंधु लरतविनु स्वारथ ॥
 बैर बिहाय प्रीति गहिभाई । मम पुर आयहु समुझि सगाई ॥
 इमिकहि पार्थ बिदा कै तिनसों । चलोलेत जयहारै किनसों ॥
 चलितहैं सों मखहय गुण अगरो । पलटि हस्तिनापुर दिशि
 डगरो ॥ तब चलांक चारण चलि आये । धर्म नृपति सों खब-
 रिसुनाये ॥ भूमि विजय करि आनंद आवत । रक्षत तुरंगपार्थ
 इत आवत ॥ धर्म भूप सुनि यह सम्भाषन । बन्धुन बोलिदयो
 अनुशासन ॥ आजु माघकी अनुपम पूनो । आवत पार्थहोत
 सुखदूनो ॥ देहा ॥ शुभद यज्ञकेसदनकी रचना अति कमनीया
 तोरण करवावहु विशद पंथ उचित रमणीय ॥ दूत भेजिसब
 नृपनकहैं सादर लेहु बुलाय । सादर आनहु यत्नसों बिप्रन को
 समुदाय ॥ यह निदेश सुनि नृपतिको भीमसेन अनुमानि । यथा
 योग सब करत भे क्रमसों सबविधि जानि ॥ पाइ निमंत्रणमु-
 दित कै आये सिगरे भूप । यथायोग सादरदये तिनकहैं बास
 अनूप ॥ पूजनकरि करि द्विजन कहैं दीन्हों विशद निवास । बि-
 धिवत सब सतकार करि दीन्हें सकल सुपास ॥ कुम्भधारआ-
 दिक सकल पात्र सौज समुदाय । विनु सुवरणके एकनहिलखे
 बिप्र क्षितिराय ॥ सिता मिले दधिदूध अरु घृतकेतालभराया
 भोजनके परकारके अगणित ढेरलगाय ॥ चहुंदिशि ठाढ़ेकहत
 जन खाहुखाहुमनमान । पियोदूधदधि शब्दयह पूरि रहोसुख

दान ॥ जो जहँ जो चाहत भयो लह्यो तहां सो तौन । भरोको-
लाहलमोदमय कहेननिवरतजौन ॥ चौपाई ॥ इतनेमें तहँकेशव
आये । पुत्र पउत्र सहित मनभाये ॥ सात्यकि एक साम्ब कृत-
वर्मा । गद प्रदुन्न सह पूरितपर्मा ॥ सो सुनि भीममोदसोंछाये ।
सबिधिपूजि नृपढिगलै आये ॥ लखि कृष्णहि नृप आनँद ल-
हिकै । बूझे कुशल बचन ऋजुकहिकै ॥ फिरि भूपति बूझेमन
भायो । सुने पार्थ होतो पुर आयो ॥ तासु युद्धजय विधिवत
कहिये । सो सुनि कृष्णकहे सब सहिये ॥ इतनेमें आनँद सों
छायो । चार पार्थके ढिगसों आयो ॥ करि प्रणाम करजोरिसु-
भावन । दयो सुनाय खबरिमन भावन ॥ सो सुनि नृप अति
आनँदलीन्हें । आदर सहित बसनधन दीन्हें ॥ वहदिन बितै
दोय दिनबीते । पार्थ निकट आयो हित चीते ॥ धूरवार धाई
सब दिशिमें । लसे सूर जैसो शशि निशिमें ॥ धुनि हयहीसनि
गजगुरजनकी । गईपूरि सुखप्रद हितमनकी ॥ अस्तुति सुनत
मोद सों पागे । गये भूप के ढिगअनुरागे ॥ कृष्णचन्दनृपधर्म-
हि आदिक । सब बढि मिले बचन प्रिय बादिक ॥ बैठि सप्रेम
सकल अवदातै । लगे करन इतउत की बातै ॥ इतनेमें तहँस-
हित समाजा । आयोबभ्रुबाहनाराजा ॥ दोहा ॥ कृष्ण युधिष्ठिर
भीम अरु नकुल पार्थ सहदेव । वन्दि सबहि मातामहिहि ब-
न्दतभयो सुभेव ॥ सब गुरजनकीतियनकहँ बन्दतभयो सप्रेम ।
तासुजननि सब सोंमिली यथाउचितगहिनेम ॥ यथाउचितसब
करतमे तासुउचित सत्कार । तेहिक्षण अतिआनँद बढो सुनो
भूमि भर्तार ॥

इतिअश्वमेधपर्वणिअर्जुनदिग्विजयोनामतृतीयोऽध्यायः ३ ॥

बेशम्पायनउवाच ॥ दोहा ॥ जेहि दिन आये पार्थ अरु नृप
माणिपूर अधीश । नृपताके तीजे दिवस आये व्यास मुनीश ॥
जयकरी ॥ कहे युधिष्ठिर नृपसों बैन । करोहवन आरम्भ सचैन ॥

आजु मुहूर्त परमअभिराम । करोअश्वविधि विशद ललाम ॥
 विधिवत त्रिगुण दक्षिणादेहु । चारुतीनि मखको फललेहु ॥
 व्यास देवको पाय निदेश । कीन्हों यज्ञअरम्भ नरेश ॥ शुचि
 पलाशको यूपगडाय । लागे करन कर्म समुदाय ॥ खदिर
 पलाश बेलकै तीनि । देवदारुके दोयअहीनि ॥ यूप गडाय
 आगमनेत । रत्नहेममय सुखमा हेत ॥ रुक्मपुंख रचिगरुडा
 कार । राखेदश हस्तकद्रष्टार ॥ यथाशास्त्र सबपशुब्यापार ।
 कीन्हें ब्राह्मण विधि ज्ञातार ॥ पशुपक्षी अरु जलचर तौन ।
 जेहि जेहि देवन लेखितजौन ॥ तेहितेहिसो सबसहितविधान।
 दीन्हें अग्निकर्मकृतमान ॥ तीनिशतक पशुकेसमुदाय । यूपन
 नियमित कीन्हेंलयाय ॥ अप्सरकरत नृत्य तेहिपर्व । गानकरत
 मोदित गन्धर्व ॥ राजत किन्नर सिद्धसमस्त । अरु ऋषि मुनि
 जे विप्रप्रशस्त ॥ तपनिधि शिष्य व्यासके सर्व । करत यज्ञके
 कर्म अखर्व ॥ तपनिधि सबिधि अश्व पुजवाय । हिंसन किये
 वेदमत पाय ॥ द्रुपदसुता सह धर्म्मनरेश । होमे अश्व अंग
 तेहि देश ॥ षोडश ऋत्विज मुरुख महान । हवन कराये सहित
 विधान ॥ शिष्यन सहित व्यास तपधाम । पूर्णकराये मख अ-
 भिराम ॥ करिमख पूर्ण भूपमतिमान । कीन्हेंभूरि भूमिकोदान॥
 भूमिदानलै व्यास मुनीश । कहतभये इमिसुनु अवनरीश॥भूमि
 दान दीन्हें तुमजौन । निष्क्रय तासुदेहुलै तौन ॥ विप्रहिनहिं
 प्रियमहि अधिकार । विप्रहि प्रियधन सुखदातार ॥ यह सुनि
 कहे धर्म क्षितिपाल । यहनमोहिं स्वीकारकृपाल ॥ विप्रहिदयो
 दानजो भूमि । उचित न सोफिरि लीबोघूमि ॥ चारिभागकरि
 सिगरे विप्र । हठतजि बांटिलेहु अवक्षिप्र ॥ भाइन सहितकहे
 इमिभूप । कियेप्रशंसा सुमुनि अनूप ॥ फिरि इमिकहे व्यासस-
 मुभाय । मोहिंदये तुम भूमि सचाय ॥ सोहम तुम्हें देत तुम
 लेहु । निष्क्रय भूरि दक्षिणादेहु । तबनृपसों सुनि कहेसुबैन ॥

लेहु देहु कछु संशयहैन ॥ व्यासकहत सोकरो सप्रेम । गुरुअ-
नुशासन दायकक्षेम ॥ यहसुनि धर्मभूप गहिचाव । भाइन सो
करि सम्मतभाव ॥ दोहा ॥ दैतभये प्रति ऋत्विजन कोटिकोटि
धनभूप । द्वैद्वैकोटिविचारि फिरिदयेयज्ञ अनुरूप ॥ तेहिप्रकार
सब द्विजनकहँ दयेरत्न धनभूरि । सबमंडप ऋत्विजनकहँदी-
न्हेआनँदपूरि ॥ सबजनकोपरितोष करिकरिअवभृथअस्नान ।
सविधि नृपनकी रचिसभा बैठोशक्र समान ॥ गजमाणि हय
भूषण वसन दैदैनृपनसप्रेम । धर्मभूप कीन्हेविदासविधिपालि
व्रतनेम ॥ कृष्णराम आदिकन कहँ समुद यथा विधिपूजि ।
विदाकियोक्षितिपालमणि उचितवारताकूजि ॥ बभ्रुवाहनैकरि
विदा सानँद धर्मनरेश । वसुवर्षत सब जननपहँ कीन्हे नगर
प्रवेश ॥ चौपाई ॥ वैशम्पायन सो इमिसुनिकै । बोले जनमेजय
नृप गुनिकै ॥ मखमें अचरज होहु निरेखे । कहौतौन ममहित
अवरैखे ॥ यहसुनि वैशम्पायन बोले । अचरजलखे रहेसो
खोले ॥ मखपूरण सबभो तेहि थलमें । नकुल एक आयोतेहि
पलमें ॥ सोअतिघोर शब्दतहँ करिकै । नरसम बोलिकह्योपण
धरिकै ॥ नहिंयह यज्ञभयो तेहिविधिको । पूर्वलखेहमजोअति
सिधिको ॥ यह सुनिविप्र नकुलसों भाखे । कहौकौन मख तुम
लखिराखे ॥ यहसुनिनकुल कह्योसतिबानी । कुरुक्षेत्रमें होद्विज
ज्ञानी ॥ तियसुत पुत्रवधू मनभावन । रहीतासु तपरुचि उप-
जावन ॥ अन्नखेतसो बीनिलेआवत । सोभोजन करिकाल
बितावत ॥ अति दुरभिक्ष भयोतहँ सुनिये । तबद्विज अतिपी-
ड़ितभो गुनिये ॥ षट्ब्रतकरि कछुजबलैआयो । तेहिदिनबीतत
सिद्ध करायो ॥ सोकरि चारिभाग सबलीन्हे । विधिवत बलि
बैश्वदिककीन्हे ॥ इतनेमेंद्विजएकपुकारत । आयोमहा क्षुधित
कै आरत ॥ सोसुनिवृद्धविप्र मुदगहिकै । ल्यायोकुटी मध्यहित
कहिकै ॥ अर्घपाद्यदे विधिवतपूज्यो । आजुकृतार्थ भयों इमिकृ-

णा भूरि ॥ शिक्षक जाकोव्यासमुनीश । कर्ता जासुधर्म अवनी-
 श ॥ नकुलभयो निन्दत मखतौन । कहोविप्र यहकारणकौन ॥
 यहसुनिबैशम्पायन मोदि । यहिविधि बोले महाविनोदि ॥ सुनो
 भूपइतिहास पुरान । पूर्वयज्ञ कीन्हे मघवान ॥ तहँपशु बधको
 समयनिहारि । दयागहे सबविप्र बिचारि ॥ कहेइन्द्रसोंकरिअ
 नुमान । रुचत नपशुबध करब बिधान ॥ हिंसा सरिस न और
 अधर्म । विनुहिंसाको यज्ञसुकर्म ॥ तातेशास्त्ररीति अनुमानि ।
 होमोबीज धर्मविधि जानि ॥ यहविधिरुची न इन्द्रहि भूप । तेहि
 थरभयो विवादअनूप ॥ करिविवादतबते मतिभौन । वसुभूप
 ति सों बूझेतौन ॥ यहसुनिबसुबोलो गुणिआप्त ॥ होमोद्रव्य
 होइजोप्राप्त ॥ यहसुनि बोलेविप्रविचित्र । वसुउत्तरदीन्हेअ-
 पवित्र ॥ नहिंहिंसा उत्तमपददेत । हिंसायज्ञ कामकोहेत ॥ जेहि
 विधिधन उपराजित होत । यज्ञ किये फलतथा तनोत ॥ लेकै
 एकअपटुको मंत्र । उचितन करिवो कर्मस्वतंत्र ॥ विश्वामित्र
 जनक गुणिसर्व । कीन्हे धार्मिककर्मअखर्व ॥ द्वादशवार्षिक यज्ञ
 महान । रहे अगस्ति करतसबिधान ॥ तहँनववर्ष न वरषोवा-
 रि । तबसब ब्राह्मण कहेबिचारि ॥ अन्नदेत कुम्भज यजमा-
 न । नहिं जल वर्षत है जलदान । जो न अन्नहोइहि उत्पन्न ।
 तौहोइहि केहिभांति प्रपन्न ॥ यशजनलहिहैं पीड़ाभूरि । तजौ
 यज्ञयहंदोषबिसूरि ॥ कुम्भजयहसुनिकैमनलाय ॥ सबविप्रनसों
 कहे बुझाय ॥ तजौशोच हमकहतप्रयोग । जो नहिं सधीअन्न
 उतयोग ॥ तौहमकरबमानसिकयज्ञ । कैमखयात्रा करबकृतज्ञ ॥
 मनदै सुनो कहतयह और । हमचाहैं सोकरैं सडौर ॥ जबचाहैं
 हमकरैं सृष्टि । उतपतिकरैं चारिविधिसृष्टि ॥ सबजगमें जो
 अनधनयत्र । जबचाहैं तब अनैं अत्र ॥ सुनिअगस्तिके ऐसे
 बैन । किये प्रशंसा विप्रसचैन ॥ सुनि ये बैन जानि परभाव ।
 वरषे बारिमेघ गहिचाव ॥ दोहा ॥ सहित बृहस्पति इन्द्रतहँ

आयेरुचि उपजाय । मख समाप्त करिमुनि द्विजन बिदा किये
 हर्षाय ॥ यहसुनि जनमेजयनृपति फिरि इमिकहे बिचारि । न-
 कुलरूपवहकोरहो कहोतौननिरधारि ॥ चौपाई ॥ वैशम्पायनमु-
 नियहसुनिकै । बोले जनमेजयसों गुनिकै ॥ ऋषि जमदग्नि
 श्राद्धपणधरिकै । राखेदूधपात्रमधि करिकै ॥ तेहिथर क्रोध स
 तन चलिआयो । मुनिकेदेखत दूधगिरायो ॥ सोलखि सुमुनि
 क्रोधनहिं कीन्हो । क्रोधकहो इमिविस्मयलीन्हो ॥ मुनिवरआ-
 जुमोहिं तुमजीते । आज्ञा करहु होहुजो चीते ॥ तबजमदग्नि
 कहे सुनुभाई । मोहिं तोहिं नहिं बैर मिताई ॥ हमहैं पितृकर्म
 केचाहक । ता मधि विघ्न किये तुम नाहक ॥ हम न गहैं कृत
 दण्ड उझाहू । अब तुम मम पितरनपहँ जाहू ॥ वैजो कहैंक-
 रो सो सादर । यह सुनि क्रोध भयो तजिकादर ॥ तासुपितर
 ढिग गयो डेरानो । तेहि लखि पितर कहे इमि जानो ॥ तू हठ
 किये नकुलको कारय । ताते हो अबनकुल अनारय ॥ यहसुनि
 सो अति बिनती कीन्हे । तब तिन शापनाश कहिदीन्हे ॥ धर्म
 भूप के मखमें जैहौ । तब तुम मुक्तशाप सोंहवैहौ ॥ सोवहक्रोध
 नकुल वपुधारी । आयो तहँ अघहानि बिचारी ॥ सोवहचेति
 आइतेहि थलमें । छुटो शापसों ताहीपलमें ॥ दोहा ॥ यहिप्रकार
 भूपाल मणियशी युधिष्ठिर भूप । अश्वमेध मख करतमे लहि
 प्रभुकृपा अनूप ॥

स्वतिश्रीकाशीराजमहाराजाधिराजश्रीउदितनारायणस्याज्ञाभिगामिना
 श्रीबन्दीजन काशीवासि गोकुलनाथकवीश्वरात्मजेन गोपीनाथेन
 कविनाविरचितेभाषायामहाभारतदर्पणेश्वमेधपर्वसमा-

प्तिर्नामचतुर्थोऽध्यायः ४ ॥

इत्यश्वमेधपर्वसमाप्तः





महाभारत दर्पणः ॥



आश्रमवासिकपर्व दर्पणः ॥

दोहा ॥ नमस्कार नारायणहि करि नरोत्तमहिं नौमि । बन्दि
गिरा व्यासहि रचत भारत भाषा सौमि ॥ जेहि रघुवरप्रभु के
चरित बहु शतकोटि अमन्द । ताहि सुमिरि भारत रचतभाषा
विरचि सुखन्द ॥ पारथके स्वारथ भये सारथि परमअनूप । ते
सारथ रचिदेहिं यह भारत भाषा रूप ॥ जासुकृपाते सधत हैं
शुभ आश्रम विधि सर्व । ताहिसुमिरि भाषारचत आश्रम वा-
सिकपर्व ॥ सोरठा ॥ सुमिरिउच्छलनिअक्षउदधि उलंघनसमय
की । भारत समुदप्रतक्ष भाषा करि चाहत तरयो ॥ जयकरी ॥
मुनि तव मम सुपितामहपूर्व । जयलहि पाय राज्य अतिगूर्व ॥
किमि धृतराष्ट्र भूपको तोष । कीन्हो गोपिपुत्र बध दोष ॥ केहि
विधि दम्पति वृद्धमहीप । रहे किते दिन कहु कुलदीप ॥ यह
सुनि व्यास शिष्य मतिमान । कहतभये इमि सहित विधान ॥
सुनोभूप लहि भूमि अशेश । सहित सुबन्धुनधर्म नरेश ॥ वृ-
द्ध भूपतिहि बूझि सरीति । पालतप्रजा समस्त सनीति ॥ रहत
शुश्रूषा करत सप्रेम । नितउठि बन्दत चरणसनेम ॥ धर्म नृपति
को शासनपाय । संजयविदुर युयुत्सु सचाय ॥ सेवत रहतनृपति

सब याम । शासन लहतकरत सो आम ॥ करि तहँ बासव्यास
तप धाम । रहत सुनावतकथा ललाम ॥ मंत्री सुभटसखासमु-
दाय । रहत पाणिजोरे दिगजाय ॥ तिमि कुंती अरुद्रुपदकुमारि ।
आदि सुभद्रा सिगरीनारि ॥ सेवत गान्धारिहि सबकाल । रहि
बिनीतकहि बचन रसाल ॥ भूमि रत्नअन धनको दान । कियो
चहो धृतराष्ट्र सुजान ॥ सो विधिवत करवायोधर्म । और स-
पुत्र सरिस करिकर्म ॥ भूषणवसन असन व्यवहार । अरु जो
शासनको अधिकार ॥ रहो पूर्ववत तौन समस्त । अरु ताते
कछु और प्रशस्त ॥ जाते पुत्र मरणको शोक । भूलिगयेदम्पति
मुद ओक ॥ यहि विधि भूप चन्द्रदश वर्ष । दम्पतिकिये व्य-
तीत सहर्ष ॥ सब दिन सब पाण्डव सुखदाय । सेवें भूपहि दोष
भुलाय ॥ भीम भूपको शासन मानि । सेवत वृद्धहि आनँदआ-
नि ॥ पै उनको दुरमंत्र प्रभाव । अरुजो कुटिलपनेको छाव ॥
सो सबसमुझि समुझि अनखात । आदरकरत हियेपछितात ॥
एक दिवस पूरव विरतांत । समुझि भीम अरिसेन कृतांत ॥
बाहु शब्द करि बीर अखर्ब । कहत भयो इमि बचन सगर्ब ॥
परिघोपम ममभुजाविशाल । अन्धभूपके सुतकेकाल ॥ चन्दन
चर्चित पूजनयोग । है प्रसिद्ध जानतसबलोग ॥ सभासदनसों
यहि विधि बैन । दीरघगरेकह्यो बलऐन ॥ तौन सुनेनृपदम्पति
वृद्ध । किये हिये में शोक प्रवृद्ध ॥ धर्म नकुल पारथसहदेव ।
कुंत्यादिक नहिँ जाने भेव ॥ गहिनिर्वेद वृद्ध क्षितिपाल । कहे
हितन सों बचन रसाल ॥ हैं हम सब अनरथको मूल । ममकु-
मंत्र मम हियको शूल ॥ दोहा ॥ दुष्ट मूढ़ दुर्योधनहिँ राज्यदयो
हम जौन । सकल जगतके नाशको दुस्तर कारण तौन ॥ द्रोण
व्यास भीषम बिदुर कृप केशव के बैन । नहिँ मान्यो हम मोह
बश कत न होहिँगतचैन ॥ धर्म शील पालक प्रजासुबुधि युधि-
ष्ठिर ताहि । दई न महि पै तामही जगत सराहत ताहि ॥ तेहि

कुमंत्र को फल लह्यो ऐसो दुसह दराज । नृपति युधिष्ठिरबाहु
बल लह्यो अनूपम राज ॥ चौपाई ॥ धर्मभूपकी शासन रुखसों ।
सेवत मोहिं सकल जन सुख सों ॥ इमिकहि वृद्ध भूप अनुमा-
नी । कहेधर्म भूपति सों बानी ॥ धर्म शील तुम कुरुकुलनायक ।
हौं सर्वज्ञ सकल विधिलायक ॥ तुममम दोषनको करिगोपन ।
सेवें सकल भांतिसों चोपन ॥ तुवप्रसाद हम कीन्हें नीके । दान
श्राद्ध विधि भावत जीके ॥ सर्व धर्म शिक्षकतुम राजा । तुम्हें
सराहत सुमुनि समाजा ॥ हम गान्धारी संमत करिकैं । तुम
सों कहत उचित हिय धरिकैं ॥ तुव शासनको लाभ उमाहत ।
हमवनवास कियोअवचाहत ॥ बल्कलवसनअनूपमधारी ।
जाव बिपिन हम सह गांधारी ॥ दै अनुशासन आशिष लेहू ।
मोहिं विदा करि आनंद देहू ॥ यह मम कुलकी रीति सदाहीं ।
सुतहिं राज्य दै कानन जाहीं ॥ यहि विधिवृद्ध नृपति सों
सुनिकैं । नृपति युधिष्ठिर बोले गुनिकैं ॥ तुम वन बसो सकल
दुख सहिकैं । तौधिक मोहिं राज्यसुख लहिकैं ॥ भोगराज्य
मखदान महानो । तुम बिनु मोहिं व्यर्थ सब मानो ॥ तुम
मम पिताबन्धु गुरु माता । हम तो सुवन आपु महित्राता ॥
लहेपापकरि अपयश पीछे । अब फिरि अयश देत तुमईछे ॥
दोहा ॥ जो वन चलिबो अवशितौ देहु युयुत्सुहि राज । बिपिन
चलबहम आपुसँग सहित सुबन्धुसमाज ॥ यहसुनिकैं धृतराष्ट्र
नृपकहे सुनो क्षितिपाल । उचितमोहिं वनवासअब देखिवय-
क्रमकाल ॥ सकलभांति बहुदिवस तुम कियेशुश्रूषा तात । अब
आज्ञा वनवासको देव न अनुचित बात ॥ वृद्धहमहि वनउचि-
त अब यह मम कुलकीरीति । पाणि जोरिइमि भाषि नृपमोहित
भये सप्रीति ॥ रत्ना ॥ धर्म नृप अति भये खेदित दशा यह ल-
खितासु । बारिसों मुख हृदय ताको भये धोवत आसु ॥ बिदुर
संजय आदिसिगरे किये रोदन तत्र । आदि कुन्ती युवति रो-

दत्त पर भूपति यत्र ॥ चेति क्षणमें वृद्ध उठिके नृपहि अंक ल-
गाय । करेगदगद गरौ फिरि इमि कह्यो प्रेम बढाय ॥ ओहसों
भरि हियो मेरो भयो पूरित मोह । तदपि तपकीभावना नहिं
तजति मेरो गोह ॥ सुनौ ताते हियो दृढ़ करिदेहु शासनमोहिं ।
जाब हम बन नीति गुणि नहिं नेक अनुचित तोहिं ॥ महा रो-
दन शब्द तेहि थर भयो पूरित भूप । व्यासमुनि तब धर्मनृपसों
कहे वचन अनूप ॥ कहत कुरुकुल दीप नृपसों करो संशय
त्यागि । यह अवस्थापाय तपविधि उचितबन मगलागि । शास्त्र
विधियह वृद्धनृपसब कियेतप बनबास । भाषि इमि निज आ-
श्रम गे गुप्तकै मुनि व्यास ॥ धर्म नृप मुनि घरिक गुणि इमि
कहत भो मतिभौन । अवशिसो करतव्य आज्ञा गुरुजननकी
जौन ॥ करोभोजन आजुअब इतममकहो प्रभुमानि । गहोआ-
श्रमवास तबजो कियेप्रण अनुमानि ॥ वचन यह धृतराष्ट्र नृप
मुनिकरतभेस्वीकार । गयेदम्पति गेह निजसह बिदुर सबप-
रिवार ॥ तहांकरिसबकृत्य विप्रन पूजि विधि दरशाय । किये
भोजन वृद्धदम्पति सरस रुचि उपजाय ॥ भोजनोत्तर वृद्धभू-
पति सहित सरस सुप्रेम । कहे नृप सों राज्य करियो सहित
नीति सुनेम ॥ राजधर्म सुकर्म जो सब कहे भीषम तात । सदा
तेहि अनुसार पालेहुप्रजा भट अवदात ॥ प्रजा पीड़ित होइ
नहिं जेहिसे न होइ न क्षीन । लहैबिद्व न शत्रु जाते रहहुतिमि
परबीन ॥ राज्य के सब अंग रक्षत रहेहु सहित विधान । रा-
खियो शुचि सुहृद मंत्री परम जोमतिमान ॥ मंत्रविनु मतिकि-
हेहु कारज किहेहुकरि अनुमान । मंत्रको नहिं भेद पावै लखन
कोऊआन ॥ सदा तोषत रहेहु सुभटन करिसुदानसुमान ।
सैनपतिअरु यूथपन कहँ किहेहु मित्र समान ॥ महा चतुर च-
लाक चारणरहेहुराखेतात । खबरिसिगरेदेशकी सुनिकहेहुयत्न
बिभात ॥ सरससुकृतीसुहृदराखेहु सहितचौकीदार । सूपपाणी

पानदायक किहेहुसहितसुप्यार ॥ सदा आमदखर्चअपनोसुनते
 रह्यो सनेम । अश्वगजकेदेखिवेमें रहेहुराखेप्रेम ॥ रहेहुरक्षत स-
 दासयतन जाति कुलको धर्म । रहेहु पूरण करत सबमें सविधि
 सकल सुकर्म ॥ नित्य करियो सुबुधि अरु कविकोविदन कोसंगा
 नित्य सुनियो शास्त्र अरु नितरहेहु गुणतसुढंग ॥ मित्र अरि
 अरि मित्र अरुअरि शत्रुको अनुमान । करत रहियो युक्तिसों
 जेहि होइ नित कल्याण ॥ युवा युवति शिकार आदिक विषयके
 आधीन । होइयो मति कबहुं ढिगकरि पुरुष मति गति हीन ॥
 सदाडर परलोक की यहि लोककीअतिलाज । रहेहुराखे कर-
 त रहियो दानपुण्य सुकाज ॥ नृपतिसों नृप नीति इमिकहि नृ-
 पति बाहेरआय । दियेविधिवतदान अगणित द्विजनकहँ बोल-
 वाय ॥ खबरि यहसुनितहां आये व्यथित पुरजन सर्व । जेरि
 युगकर भूपतिनसों कहे वचन अखर्व ॥ सुनो मम ममपुत्रके
 दुरमंत्रसोंयहिदेश । भयोअनरथमहासो नहिंकहतवनतअशे-
 श ॥ नृप युधिष्ठिर सहित बन्धुन सविधि सेयो मोहि । सकल
 विधि परसन्न हमगुण धर्म इनके जोहि ॥ सुनो अब मम हिये
 प्रकटित भयोअति निरवेद । जानचाहत विपिन सह गान्धार
 जायहिभेद ॥ सहित बन्धुन धर्म भूपति नीति सागर गूर्व । स-
 विधिसबको करिहि पालनयथा पूर्वज पूर्व ॥ दोहा ॥ तातेतुम
 सबमुदितकै विदाकरो अबमोहि । यहसुनि सबजन विकलहवै
 रोये अनरथजोहि ॥ इतनेमें तहँ धीरधरि ब्राह्मण एकसुजान ।
 कहतभयो धृतराष्ट्रसों सुनोभूप मतिमान ॥ नहिंकाहूकी कुमति
 सोंभयोयुद्धजननाश । दैवचहतजोयत्न सों ताकोकरतप्रकाश ॥
 सविधि पालिहै प्रजनकहँ पांडवनहिं संदेह । भूपजाहु तुम
 विपिन कहँ कौनकहै तजिनेह ॥ इतनेमें संध्या निरखि सब
 कोविदा महीप । करि गान्धारी केसदनजात भयो कुरुदीप ॥
 सोरठा ॥ तहँ सो रजनि वितायकहे विदुर सों वृद्धनृप । धर्म

नृपति पहुँ जाय कहो सँदेश अँदेश तजि ॥ जाब विपिन
 हम तात पाय कार्तिकीपूर्णमा । कियों चहत अवदात यहि अ-
 न्तरमें श्राद्धमख ॥ भीष्म द्रोण बाहलीक दुर्योधन आदिकन
 को । श्राद्धकरब लखिलीक हिता सुहित लैभूरिधन ॥ चौपाई ॥
 यह सुनि बिदुर मोद सा छाये । सादरधर्म नृपति पहुँ आये ॥
 विधिवत समाचार सबभाखे । सो सुनि भीमसेन अतिमाखे ॥
 कहे न यहि हित देवउन्हें धन । करबश्राद्ध हम यथारुचिहिमन ॥
 दुर्योधन आदिक सुत उनके । हैं नहिं श्राद्ध कर्मके गुनके ॥ अब
 इमि बोलत ऋजुता पागे । यह मति कहांगईही आगे ॥ यह
 सुनि अर्जुन अनुचित जानी । कहे कहत कत अति कटुबानी ॥
 वृद्ध पिताके जेठेभाई । निज आश्रित हतपुत्र सहाई ॥ दम्पति
 वन जैबे कहँ दीक्षित । करिबो उचित तासुसबईहित ॥ देव न
 देवन तुम आधीना । उचित करिहि क्षितिनाथप्रवीना ॥ यह
 सुनि धर्म भूप सुख पाये । भीमसेन रहु मौन सुनाये ॥ तबइमि
 कहे बिदुर साँ राजा । तासुसकलमम राज्य समाजा ॥ हयगज
 रजत वसनमणि जेतो । माँगैं भेजिदेहिं हम तेतो ॥ बन दुख
 समुझिभीम इमि मारुयो । ताते इविधि बचन कटु मारुयो ॥
 सो यह वचन हिये मति आनैं । मम धन प्राण आपनो जानैं ॥
 तब चलिबिदुर भूप पहुँ आये । सविधि सकल वृत्तान्त सुनाये ॥
 सोसुनि भूपति आनँद लीन्हें । सविधि श्राद्धको रंभनकीन्हें ॥
 दोहा ॥ तहां युधिष्ठिर नृपति के भृत्यनके समुदाय । हाजिररहि
 सब सौज सह शासन लखे सचाय ॥ शत सहस्र अरु अयुत
 धन जाहि दिवाये जौन । हय गजमणि क्षिति बसनसब दिये
 ताहि ते तौन ॥ पृथक पृथक सब जननको करि करि श्राद्धस-
 प्रीति । भूरिदक्षिणा देतमे नृपधृतराष्ट्र सनीति ॥ यथायोगसब
 बरण कहँ भोजन दीन्हें भूरि । यहि प्रकार दश दिनकियेश्राद्ध
 यज्ञमुदपूरि ॥ जयकरी ॥ तबभूपति सोनिशाबिताय । भोरकार्तिकी

पूनोपाय ॥ प्रातकृत्यकरि सतियसचाय । प्रेम भरे पाण्डवबुल-
वाय ॥ करि सुवार्त्ता दम्पति भूप । गहे विपिन की गैल अनूप ॥
पटबांधे चखमें अभिराम । गान्धारी अति पतिव्रत वाम ॥ कु-
न्ती के काँधेपर पानि । धरेचली विधिगति अनुमानि ॥ गान्धारी
के काँधेहाथ । धरिभो चलतवृद्ध क्षितिनाथ ॥ लीन्हें अग्नि-
होत्र सुखदान । आगे चलो बिप्रमतिमान ॥ रुदनकरत कुरु-
कुलकी नारि । संग चलीं अतिदुख बिस्तारि ॥ रोवत पांडव
करत प्रलाप । चले संगअति भरे उताप ॥ व्याकुलरोवत पुर
जन सर्व । रुदत चले दुखगहे अखर्व ॥ सुनोभूपतेहि क्षणकी
बात । दुसहदशा कछुकहीन जात ॥ चलिकछुदूरि भूपसमुभा-
य । फेरत भये युवति समुदाय ॥ फिरि बुभाय पुरजनकहँफेरि ।
चले भूप दुस्तर दुख मेरि ॥ धर्मभीम अर्जुन दुखपूरि । माद्री
सुवन गहे दुख भूरि ॥ संजय विदुर युयुत्सु अचैन । धौम्य आ-
दि बहु द्विज मतिऐन ॥ रोवतचले बिकलताछाय । कहतप्रला-
पितवचनअवाय ॥ दोहा ॥ तबभूपति पाण्डवनकहँ बहुत भांतिस-
मुभाय । आशिष दै कीन्हेंबिदा गहि गहि अंक लगाय ॥ धर्म
भूप अरु भीम तब मोहमये बहु बैन । निज जननीसों कहतमे
व्याकुल भये अचैन ॥ सो सुनि कुंतीरुदन करि सबिधिं तिन्हें
समुभाय । नहिं पलटी नृप संगचली नेहजाल निछुटाय ॥ तब
दम्पति बहुविधिकहे तासु फिरनके हेत । तबहंकुंती नहिं फिरी
गई बिपिनगत चेत ॥ रुदन प्रदक्षिण तिनहिं करि भूपतिआ-
ये गेह । बिपिन गये संजय विदुर नृप संगभरे सनेह ॥ सौरठा ॥
रामकृष्ण सियराम रटत भूप अतिप्रेमसों । उत्तर दिशिअभि-
राम सुरसरि तट चलि जातमे ॥

इतिआश्रमवासिकपर्वणिधृतराष्ट्रस्याश्रमवासगमनोनामप्रथमोऽध्यायः १

बैशम्पायनउवाच ॥ दोहा ॥ सुरसरि तट धृतराष्ट्र नृपजानिऋषिन
कीभीर । अग्निहोत्र विधि करि निवासिरजनि बिताई धीर ॥

जयकरी ॥ भोरविदुरको सम्मतपाय । कीन्हे तहांनिवाससचाय ॥
 कुन्ती सहदम्पति मतिमान । कीन्हेसुरसरिमें अस्नान । कीन्हे
 उचित कृत्यअनुमानि । विप्रनसहित वेद विधिजानि ॥ आइ
 तहां मुनिगण सउमङ्ग । भये सुनावत कथाप्रसंग ॥ इमि मुनि
 सँग सो दिवस विताय । सन्ध्या कृत्यकिये मनलाय ॥ करिउप-
 बास डासिकुशशैनि । भूप वितावतभे सो रैन ॥ प्रातकृत्यकरि
 विप्रन बन्दि । कुरुक्षेत्र कहँ गये अनन्दि ॥ तहां मिलोराजर्षि
 अनूप । केकय अधिप भूप शत यूप ॥ सो पुत्रहि दे राज्य ल-
 लाम । हो वनवासकरत तपधाम ॥ मिलितासों नृप ताके संग ।
 व्यासाश्रम गे भरे उमंग ॥ बन्दि सविधि मुनिबरके पाय । टिके
 भूपके आश्रम जाय ॥ मुनिवर के आज्ञाअनुसार । बानप्रस्थ
 कौ बिधि व्यवहार ॥ भयो सुनावत केकयराज । तिमि बिलसो
 कुरुकुल शिरताज ॥ गान्धारी अरु कुन्ती बाम । संजयविदुर
 भूप तपधाम ॥ बल्कल अजिन मनोहर धारि । कन्दमूल को
 अशन विचारि ॥ करि व्रत चरणलगेगहि नीति । मनबचक्रम
 सबइन्द्रियजाति ॥ भयेअस्थि अरुचर्माशेष । जटा मौलिअ-
 तितेज विशेष ॥ संजय विदुर व्रतीगहि नेम । निशिदिन सेवत
 नृपहि सनेम ॥ भूपचरत दुस्तर व्रत यत्र । नारद मुनिआवत
 भे तत्र ॥ अरु पर्वत देवल तपधाम । देखि तिन्हें लहि आनँद
 आम ॥ कुन्ती करिसत्कारअहीन । करत भईआसनआसीन ॥
 शिष्यन सहित व्यासमुनि आय । बैठत भेतहँ रुचिउपजाय ॥
 तहँ नारदमुनिसमय निहारि । कहे पूर्ववृत्तान्त बिचारि ॥ नृपति
 सहस्रचिंत्यहों पूर्व । केकयनाथ बिदित भटगूर्ब ॥ हैंशतयूपभूप
 इतजौन । ताको रहो पितामह तौन ॥ सो पुत्रहि दै पृथ्वी तन्ता
 वन बसिलहि अति तपकोअन्त ॥ बसो जाइसुरपतिके लोक ।
 सुरपति सरिसतेज को ओक ॥ तिमिशैलाल भूमि भर्तार । जो
 भगदत्तमहीपउदार ॥ ताकोरहोपितामहतौन । तपबललह्योस्वर्ग

मतिभौन ॥ नृपवृषध्र करि तप अधिकाय । विलसत भयोशक्र
 पुरजाय ॥ मान्धाताकोसुवनमहीपाहो पुरुकुत्सविदितकुलदीप ॥
 सोवनमें करि तप अभिराम । विलसो शक्रलोकलहिग्राम ॥ हो
 शशलोमा नामकभूप । सोइततपि दिव लह्यो अनूप ॥ द्वैपायन
 मुनिके परसाद । इत तप चरिकरि हरिगुण नाद ॥ तुमदम्पति
 लहिधामविभात । करिहौविशदबासअवदात ॥ धर्मभूपकीजन-
 निसुजानि । सुमिरत पतिहित पतिहितमानि ॥ सोजाइहि निज
 पतिकेपास । पूरणकरिहि तासुप्रभुआस ॥ लहिहिस्वर्ग संजय
 परबीन । होइहि विदुर धर्ममें लीन ॥ सुनिनारदके ऐसेबैन । पू-
 जन कियो भूप मति ऐन ॥ यह सुनिकै शतयूप नरेश । कीन्है
 मुनि को अस्तुति बेश ॥ अस्तुति करि उर आनंद आनि । बू-
 भक्तभयो जोरियुग पानि ॥ दोहा ॥ प्रभुसब तपकृत के कहेलोक
 गमन तजिखेद । नहिं इन दम्पति को कहे लोक बासको भेद ॥
 नारदउवाच ॥ तीनि वर्ष तप और करिये दम्पति मतिमान । त-
 जितजि धाम कुबेरके बसिहैं जाय महान ॥ सोरठा ॥ इमिकहि
 देव मुनीश पर्वत देवल दिवगये । सहचर यह अवनशीश सुनि
 आनंदसों भरि भये ॥ बैगम्प्यानउवाच ॥ रोला ॥ गये भूपति विपिन
 जब तब सहित बन्धुनधर्म । शोचबश रहि कछू दिन करिभूमि
 शासनकर्म ॥ देखिवे की लालसा नहिं सकोरोकि नरेश । सहित
 नारिन सहित पुरजन चलतभो तेहि देश ॥ नगर रक्षण हेतु
 राखि युयुत्सुकहैं रणधीर । कछूदिन चलि उतरि यमुना गये
 आश्रमतीर ॥ दूरते लखिआश्रम सबत्यागि बाहनसर्व । मुनि-
 न बूभक्त गये नृपटिग भरे शोच अखर्व ॥ बारिपूरणकलशली-
 न्हे तिन्हें आवत देखि । दौरिपाण्डव परे पांयन महादुखसों
 भेखि ॥ लाइकै सहदेव कहैं उर तजति आंशूधार । कही कुन्ती
 पुत्र आये सुनतभूप उदार ॥ भयो सबकहैं अङ्क लावत करत
 रोदन भूरि । अङ्क लाई सुतनकहैं गान्धारजा दुखपूरि ॥ कलश

तिनके लये निजकर सकल पाण्डव तत्र । बधुन सों पुरजनन
 सों मिलिगये आश्रम यत्र ॥ आगमन सुनि पाण्डवनकोऋ-
 षिनके समुदाय । कहे संजय देहु सबके नाम भेद बताय ॥ व-
 चन सो सुनि मुनिनसों इमि भयो कहत सुमेव । धर्म ये ये
 भीम अर्जुन नकुलये सहदेव ॥ द्रौपदी वसुदेव जाये उत्तरायहि
 रीति । पृथक् पृथक् बताय दीन्हे गहे अतिशय प्रीति ॥ देखि मु-
 निवर गये निज निज आश्रमन सुखदान । वृद्धनृपतव भयो
 बूझत कुशल सहित विधान ॥ भाषि सब विधि कुशल निज
 नृप धर्म इत उत जोहि । कहे कितगो विदुर नहिं लखि परत
 है इत मोहि ॥ कहे नृप वसिविदुर बनमें चरत तप अतिघोर ।
 मौन रहि करि वायु भक्षण भरो धूरि अथोर ॥ मुनिन कहैं लखि
 परत कबहुं भ्रमत रहि दिगवास । गयोमोकहैं भूलि आवत क-
 बहुं नहिं मम पास ॥ इते में नृप धर्म कहैं लखि परो विदुरमहा-
 न । चला बनमें जात धूलिन मत्त द्विरद समान ॥ देखि नृप
 उठि दौरिकै इमि चलो टैरत ताहि । हम युधिष्ठिर विदुरथिरकै
 देहु दर्शन चाहि ॥ भूप के सुनि वचन क्षत्ता गहनवनमें जाय ।
 वृक्षसों लगि खरो रहि भो लखत यकटकलाय ॥ जाय नृप भो
 खरो आगे गहे प्रीति अथोरि । मौन रहि सो रह्यो अनमिष
 चखन सों चख जोरि ॥ योग बलसों मिलै दीन्हो प्राणमें निज
 प्राण । इन्द्रियनमों सकल इन्द्री दयो मिलय सुजान ॥ बुद्धि
 मन चितवायु सिगरे मिलैकै परवीन । विदुर यहि विधि धर्म
 नृपमें होत भो तहँ लीन ॥ धर्म नृप तव विदुर को तहँ लखि अ-
 चैतन गात । तेज गुण बल अधिक निजमें लखत भो अवदात ॥
 व्यास ता कहैं रहे योगी कहे सो अनुमानि । योगविधि करि भयो
 मोमहँ लीन ऐसो जानि ॥ चहेत वन नृपदग्ध करिबो तामु देह
 अनूप । गगनवाणी भई तहँ मतिकरो ऐसो भूप ॥ परम योगी
 कियेहै यह ज्ञान दग्ध शरीर । वचन यह सुनि पलटि आयो भूप

सुमति गँभीर ॥ विदुरकी सो दशा सबसों कहे भूपति जाय ।
सुनतसो सब रहे ठगिसे महा दुखसोंछाय ॥ वृद्ध नृप तब दे-
तमे फल मूल भोजन जौन । अशन सो करि भूमि शय्या किये
सब मतिभौन ॥ कथावार्ता करत सबते तौनि रजनि बिताय ।
कृत्य करिकै वृद्धनृपकी सरसआज्ञा पाय ॥ लखनलागे मुनिज-
ननको आशरम रमणीय । अग्निपक्षी मृग गणनिसों परमजो
कमनीय ॥ बन्दिबिप्रन देतथाली श्रुवाअजिन अनेक । अरु क-
मण्डलु कनकके शुचिकुम्भसहित विवेक ॥ इविधि मिलिसब
मुनिनसों फिरि भूपके ढिग आय । बन्दि विधिवत भये बैठत
सरस आज्ञा पाय ॥ सुमन सुरपति सहित जैसे लसत सुरगुरु
दक्ष । पाण्डवन सह भूप तैसे भयो लसतप्रतक्ष ॥ देहा ॥ इत-
नेमें शिष्यन सहित आये व्यास मुनीश । आसनस्थ कीन्हैस-
विधि पूजि ताहि अवनीश ॥ आसनस्थ कै मुनिन सह व्यास
मुनीश महान । तप मन सहचर ज्ञानकी बूझे कुशल विधान ॥
कुशलप्रश्न करि व्यासमुनि कहतभये समुभाय । यमराजहि
मांडव्य ऋषि शाप दयो अनखाय ॥ दासीसुत तूहो जनमिभ-
यो विदुर तेहि हेत । ताहीते नृपधर्ममें मिलो सुज्ञान निकेत ॥
धर्मजौनसो विदुर है विदुर जौन सो धर्म । वायु बारि क्षिति
अग्नि नभ सम ये निर्मल कर्म ॥ चौपाई ॥ इतने में तहँ मुनिवर
आये । नारदपर्वत देवलगाये ॥ अरुविश्याबसु आनँद छाये ।
चित्रसेन तुम्बरु मुनि भाये ॥ वृद्धभूपकी आज्ञा पाये । पूजि
धर्म भूपति बैठाये ॥ बैठितहांमुनिवर तपरिधिके । कथाप्रसंग
कहे बहुविधिके ॥ तबसुनि व्यास कृपा सों भरिकै । बोलतभये
दया हियधरिकै ॥ सुतधृतराष्ट्र तुम्हें लखि दीक्षित । हमपरस-
न्न कहो जो ईच्छित ॥ देखो सुनोलहो जो चाहौ । सोहमदेहिं
न दुख अवगाहौ ॥ यहसुनि भूप मोद हियराखे । पाणि जोरि
मुनिवर सों भाखे ॥ ममसुत गह्यो कपट अति मनमें ॥ ताते

प्रलय होतभोरनमें ॥ पुत्र पउत्र सखासम्बन्धी । बंधु पितामह
 जे अनुबन्धी ॥ तिन्हेंसमुझि मन धीरनधारै । सो दुख अग्नि
 सरिसहियजारै ॥ इमिकहिमौनरहो व्रतधारी । तबइमि कहत
 भईगान्धारी ॥ नाथभूप हम अरुसबनारी । प्रियजनके बध
 परम दुखारी ॥ सहिन सकेंदुख हियेकराहैं । हमसब तिनकहैं
 देखन चाहैं ॥ यह सुनि व्यासमुनीश सुज्ञानी । कुन्तीसों बोले
 प्रियबानी ॥ कुन्ती होय परम प्रिय तोहिं । सो अबमांगुबरद
 गुणि मोहिं ॥ सो सुनि कुन्ती आनंद गहिकै । विधिवत्त जन्म
 करणको कहिकै ॥ इमि कहि कहत भई अति शोचित । मैं मुद
 लही नतासु यथोचित ॥ सोनहिं लह्यो जननि सुख मोसों । य-
 हदुख हिये किते दिन पोसों ॥ दर्शन तासु देहु मुनिनायक ।
 तुम सर्वज्ञ सर्व विधि लायक ॥ देहा ॥ तबमुनि दम्पतिसों कहे
 तुम सुतबधुन समेत । जाहुसरित तट तहैं तिन्हें लखिहौ ज्ञान
 निकेत ॥ सोसुनि नृप पाण्डव सहित अरु सब कुरुकुल नारि ।
 सुरसरिके तटजाइकैकिये निवास विचारि ॥ वर्षसरिस सोदिन
 बितै करि सन्ध्यादिक कर्म । बैठतभेडिग व्यासके सिंगरेपाल-
 कबर्म ॥ चौपाई ॥ तबमुनि व्यास बारि मधि धसिकै । मंत्रजापकरि
 रबिसम लसिकै ॥ कीन्हे आवाहन व्रतधारी । भो जलमध्य
 शब्दअति भारी ॥ भूपति तहैं सुरसरि सों निकरे । बाहन श-
 यन सहित नृपसिगरे ॥ जाको जैसो रूप सोहावन । बाहन वेष
 रहो मन भावन ॥ तेतिमि प्रगट भये सुनु राजा । सहित सखा
 सुत सैन समाजा ॥ द्रुपद विराट करणदुर्योधन । बन्धुन सहि-
 तसहित सब योधन ॥ शकुनि जयद्रथ शलौशिखण्डी । सो-
 मदत्त बाहलीक अदण्डी ॥ भूरिश्रवा शल्यवृषसेना । धृष्टद्युम्न
 केकय जगजेना ॥ द्रौपदेय अभिमन्युसुवीरा । लक्ष्मण इरावा-
 णरणधीरा ॥ चेकितानहैंडम्बि अमाना । भटभगदत्त अलम्बुष
 जाना ॥ इन्हेंआदि नृपसुभटघनेरे । गनेरहे जेबीरबड़ेरे ॥ बिनु

विरोधतेसिगरेआये । देखिपरस्परअतिसुखपाये ॥ व्यासप्रसाद
 दिव्य चखलहिकै । दम्पतिवृद्ध मोद अतिगहिकै ॥ सादरपुत्र
 पउत्रनदेखे । बन्धुनदेखि सुदिनअवरेखे ॥ पाण्डवअति आनंद
 सोंफेटे । उठि उठि पुत्रन सुहृदन भेटे ॥ निज निज सुत पति पि-
 तहि निहारी । उठि उठि मिलतभई सब नारी ॥ दोहा ॥ नृपसो
 निशि सबकहँ भई अति आनंदकी खानि । युवति पतिन सों
 मिलिरहीं महा कृतारथ मानि ॥ यहिप्रकार मिलिपरस्पर महा-
 मोद सों पूरि । नर नारी सब हियेको शोक करतभे दूरि ॥ यहि
 प्रकार मिलि रहि तहां नृप सो निशा बिताय । सब सबही सों
 कै बिदा गये मोद दर्शाय ॥ जे आये जेहिलोक सों तेतु गये
 त्यहि लोक । तब सब तरुणिनसों कहे मुनिजलस्थ तपओक ॥
 सोरठा ॥ जो चाहै पति संग सो जलमधि धसि त्यागि तन । ल-
 हि पति लोक अभंग बिहरै पति संग मोद भरि ॥ चौपाई ॥ यह
 सुनिकै पति ब्रता नारी । लहि नृपकी आज्ञा हितचारी ॥ जल
 मधिधसिधसिकै तन तजिकै । जातभई पतिढिगड्यबि सजिकै ॥
 दिव्य बिमानन चढ़ि चढ़िभामिनि । निज निजपति ढिगगईसु-
 कामिनि ॥ जनमेजय भूपति यह सुनिकै । व्यास शिष्यसोंबूभे
 गुनिकै ॥ सबको देहरहो इत सहिये । सबवह देह लहे कितक-
 हिये ॥ जनमेजयके बचनअतोले । सुनिइमिबैशम्पायनबोले ॥
 होत न नाश कर्मको जौलों । नृप नहिं देह नशतिहै तौलों ॥ जौ
 लगिदूसर जनम न होई । तौलगि बिलसति आकृत सोई ॥
 तब जनमेजय मुनि सों भाषे । हमनिजपितु दर्शनअभिलाषे ॥
 व्यास कृपा करि पितुहि लखावैं । तब हम निश्चय गुणि मुद
 पावैं ॥ तब मुनि व्यास भूप के चाहन । किये परीक्षितको आ-
 वाहन ॥ निजवयरूप भूपतहँआये । जनमेजय लखि आनंद
 पाये ॥ बन्दिपिताके चरण सोहाये । नृपअवभृथअस्नानकरा-
 ये ॥ करिअवभृथ अस्नानसुखोर । नृपतिपरीक्षितस्वर्गपधारे ॥

यह इतिहास सरुचिजे सुनिहैं । तेलहिहैं जो लहिबो गुनिहैं ॥
 वैशम्पायन की यह बानी । सुनिबोले जनमेजयज्ञानी ॥ दोहा ॥
 पुत्र पउत्रन सखन लखि नृपधृतराष्ट्र अहीन । किये कहा सो
 अब कहो व्यास शिष्य परबीन ॥ वैशम्पायन मुनि कहे तब
 नृप आश्रम आय । पुरजन अरु सैनिकन कहैं विदा किये समु-
 भाय ॥ पाण्डव निज स्त्रिन सहित अरु सहसेना शेष । बैठि
 लसे ढिग नृपति के मानो सुमनविशेष ॥ जयकरो ॥ तब मुनि व्या-
 सदेव सुखदानि । कहे वृद्ध नृप सों अनुमानि ॥ नृप तुम सब विधि
 सरस सुजान । नारदादि सों सुने सुज्ञान ॥ अब मति गहौ शोच
 को लेश । तप व्रत करि बितवो दिनशेष ॥ आयो पाण्डव नृपति
 अनूप । एकमास बीतो सुनु भूप ॥ विदा करौ अब सबिधि बु-
 भाय । करैं प्रजापालन गृहजाय ॥ यह सुनिकै धृतराष्ट्र महीप ।
 कहत भये सुनु कुरुकुल दीप ॥ इततो आगमके परसाद । हम
 पाये सब विधि अह्लाद ॥ अब हास्तिनपुर जाहु सप्रीति ।
 करौ प्रजा पालन गहि नीति ॥ यह सुनिबोले धर्मनरेश ।
 भूप मोहिं राखौ यहि देश ॥ भीम आदि ममबन्धु विशाल ।
 करिहैं जाय प्रजा प्रतिपाल ॥ तब गान्धारी कही सचैन । पुत्र
 कहौ मति ऐसे बैन ॥ तुम कुरुकुल के नाथ महान । करौ प्रजा
 पालन सबिधान ॥ मानि भूपको वचन सनेह । बन्धुन सहित
 जाहु निजगेह ॥ यह सुनि धर्म भूप दुखधारि । निज जननी सों
 कहे बिचारि ॥ मातु बिसर्जत भूपति मोहि । हम नहिं त्यागि
 सकत बन जोहि ॥ बन्धुसखा सम्बन्धिन हीन । मोकहैं लगत
 राज्यपदक्षीन ॥ यह सुनिकै बोले सहदेव । गेह जाहु तुम भूप
 सुमेव ॥ हम इत रहब जननिके संग । सेवब चरण पालि
 व्रत अंग ॥ यह सुनिकै कुन्ती दुख पाय । फिरि फिरि पुत्रन अंक
 लगाय ॥ बोली पुत्र नेह दुख त्यागि । पालौ प्रजानीति मनला-
 गि ॥ तुम्हरे रहे भंग तप होत । ताते जाहु पुत्र मतिपोत ॥ यहि

विधिकहिकहि वचन प्रशस्त । विदाकरत भे वृद्धसमस्त ॥ त-
जत चषनते जलकीधार । विदाभये सबबन्धु उदार ॥ करिकरि
परदक्षिण सबिधान । चरणबन्दि डगरे मतिमान ॥ द्रुपदसुता
आदिक सब बाम । रुदतचलीं अति दुखसों ब्राम ॥ चलैं लखैं
फिरिचलैं सखेद । यहिविधि चलिपूरितनिरबेद ॥ हयगजतुरंग-
नचढ़ि चढ़ि सब । आये हास्तिननगर अखर्व ॥ हास्तिननगर
आइनृपधर्म । लागेकरननृपनकेकर्म ॥ ताकेदोयवर्षकेबाद । ना-
रदकरतविष्णु गुणनाद ॥ आयेधर्मनृपतिकेपास । पूज्योसविधि
भूपमतिरास ॥ आसनस्थकरिज्ञाननिकेत । बूझतभेआगमको
हेत ॥ नाथ देहु अनुशासन जौन । सानैंद शीघ्र करौमैंतौन ॥
वाहा ॥ यह सुनिकै नारदकहे सुनो युधिष्ठिर दान्त । उत्तरदिशि
हम जाइकै लख्यो एक वृत्तान्त ॥ नृप आश्रमसों जब इहांतुम
आये तब भूप । कुरुक्षेत्र तजिकै गर्ये गंगाद्वारअनूप ॥ चौपाई ॥
तहां भूप अनशन ब्रत लीन्हे । वायु अहार शुधाहित कीन्हे ॥
जल अहार ब्रत करि गान्धारी । रहत भई तहैं पतिव्रतचारी ॥
कुन्ती एकमास गत करिकै । खायकछूफल ब्रतविधि चरिकै ॥
छठयेदिनफल मूलअहारा । संजय करै पालि ब्रतधारा ॥ एक
दिवस सुरसरितटवनमें । बैठे हरिहि जपत हेमनमें ॥ इतनेमें
तेहि बनमें राजा । लगो दवानल अनरथसाजा ॥ तब बनजी-
व बिकलतापागे । जरे असंख्यनअगणितभागे ॥ निराहारब्रत
सों बलहीने । चलि न सके तो पितरप्रवीने ॥ संजय सों इ-
मि कहे बुझाई । अवहिय दृढ़करि नेह बिहाई ॥ तुमकढ़िजा-
हुन संशय आनो । यहयहिसमय कहोमममानो ॥ यहि प्रकार
संजय सों कहिकै । ते त्रय रहे योग विधि गहिकै ॥ सो सुनि
लखि संजय मेधावी । गुणिरहि घरिक बूझिकै भात्री ॥ सत्वर
तिन्हैं प्रदक्षिण करिकै । गंगा तीर जातभे टरिकै ॥ कुन्तीभूप-
ति अरु गान्धारी । योगी सबै योग विधिधारी ॥ जरेकाष्ठसम

निश्चलरहिकै । भयेन नेकु विकल दुख लहिकै ॥ संजय यह मुनिजनसों भाषी । गे हिमवान योग अभिलाषी ॥ दोहा ॥ सुनि मुनिजनसों यह दशा हम आये तुव पास । उचितहोइ अब जो क्रिया करौ तौन मतिरास ॥ यह अनरथ सुनि धर्मनृपगहि अति दुसह उताप । कुन्तीनृप गान्धारजहि शोच कियेपरलाप ॥ भीम आर्जुनसे प्रबलजाकेसुत रणधीर । ते जरिमरेअनाथ सम समुभि होत यह पीर ॥ यहिविधि कहिकहि धर्मनृप महा शोकसोंपूरि । भीमादिक बन्धुन सहित रोदन कीन्हैभूरि ॥ चौपाई ॥ द्रुपद सुता दितीय यह सुनिकै । रुदतभई अति अनरथ गुनिकै ॥ पुरजन सखा सुभट दुखभोये । अतिआरत धुनि करि करि रोये ॥ तब नारदभूपहि समुभाये । मौनकराय सुबचनसुनाये ॥ भूपतिसुनो शोकमतिधारो । विहित अविहित विधान विचारो ॥ कुन्ती अरु भूपति गान्धारी । हे अतिज्ञानी तत्त्व विचारी ॥ किये उग्र तप अति ब्रूत गहिकै । हे चाहततन त्याग उमहिकै ॥ जरे न प्रकृता जलमधि परिकै । हम यहसुने मुनिन सँग चरिकै ॥ कीन्हें होम अनल सों बढिकै । बर्द्धितभयो तरुणपै चढिकै ॥ तामधि जरे भूप सुनि लीजै । अबउनको कुछ शोच न कीजै ॥ गई पाण्डु ढिग जननि तुम्हारी । जेहि हित तपत रही ब्रूत धारी ॥ शोक त्यागि अब धीरज धरिये । विधिवत उदक क्रिया सब करिये ॥ यह सुनि भूपति जानि यथोचित । बंधुन सहित दुखित अति शोचित ॥ इस्त्रिनसहित सहित पुरवासिन । एकएक पटगहे उदासिन ॥ कदिपुरते सुरसरितट आये । बैठि क्षणक फिरि पैठि अन्हाये ॥ तब युयुत्सु कहँ आगे करिकै । उदक दान कीन्हें विधिधरिकै ॥ गान्धारी कुन्ती निज मातहि । अरु धृतराष्ट्र नृपति मणितस्तहि ॥ उदक दान करि मत ठहराये । सहित विधिज्ञ सुज्ञाति बुलाये ॥ तिन सों कहत भये समुभाई । गंगाद्वार जाहु तुम भाई ॥ जहां जरे

नृप दावानलमें । तहँलै अस्थि प्रवाहेहु जलमें ॥ सो सुनिकै
ते आनँद धारे । तुरितहि गंगाद्वार पधारे ॥ बरहेंदिवस युधि-
ष्ठिर राजा । शुद्ध होत भे सहित समाजा ॥ विधिवत श्राद्ध क-
र्म नृप कीन्हें । दान असंख्य द्विजनकहँ दीन्हें ॥ दोहा ॥ तिन
तृमूर्ति को भूमिपति पृथक् पृथक्लै नाम । पिण्डदान करिद्वि-
जन कहँ दिये द्रव्यअभिराम ॥ श्राद्ध कर्म करि भूमिपति की-
न्हें नगर प्रवेश । मोह भरे बन्धुन सहित राजेयथाप्रवेश ॥ गं-
गाद्वार गये रहे जेते तेहि थल जाय । अस्थि बीनि एकत्र करि
गंध सुपुष्प चढ़ाय ॥ करि प्रवाह सुरसरितमें पलटि भूप पहुँ
आय । उत कीन्हें उपचार सो भूपहि दये सुनाय ॥ तब नारद
मुनि भूपतिहि करि आश्वसित तत्र । हरि गुण टेरतकै विदा
रमेजाय अन्यत्र ॥ जयकारी ॥ दुर्योधन के बध उपरान्त । पन्द्रह
वर्ष नगर रहि दान्त ॥ तीनि वर्ष करि विपिन विहार । मरेभूप
धृतराष्ट्र उदार ॥ तदनु युधिष्ठिर भूप प्रवीन । उदासीन रहि
आनँद क्षीन ॥ धरत भयो महिभार सरीति । पाल्योप्रजा पालि
नृप नीति ॥ दोहा ॥ रामचन्द्रकहँ जपतनित लखत रहत धरि
ध्यान । कृष्ण प्रभुहि प्रत्यक्ष लखि पावत मोद महान ॥ राम
कृष्णकी लहि कृपाको नहि पावत मोद । रामकृपाते शक्र सुर
दिवमधि करत विनोद ॥

स्वस्ति श्रीकाशीराजमहाराजाधिराजश्रीउद्दितनारायणस्याज्ञाभिगामिना
श्रीविन्दीजनकाशीवासिरघुनाथकवीश्वरात्मजगोकुलनाथस्यात्मजेन
गोपीनाथकविनाविरचितेभाषायामहाभारतदर्पणेआश्रमवासिक
पर्वसमाप्तिर्नाम द्वितीयोऽध्यायः २ ॥

इति श्रीआश्रमवासिकपर्वसमाप्तम् ॥



महाभारत दर्पणो ॥



मूशलपर्व दर्पणः ॥

नारायणं नमस्कृत्य नरं चैव नरोत्तमं । देवीं सरस्वतीं चैव ततो
जयमुदीरयेत् ॥ देहा ॥ नमस्कारनारायणहिकरिनरोत्तमहिं नौमि ।
वन्दिगिराव्यासहि रचत भारत भाषा सौमि ॥ भूकृतभूभृतभू
भरण भूस्वामी भगवान् । तेहि भरतहि भजि भनतयहभाषा
भार्त महान् ॥ जेहि रघुवर प्रभुके चरित बहुशत कोटिअमंद ।
ताहि सुमिरि भारत रचत भाषाविरचिसुखंद ॥ पारथकेसार-
थ भये सारथि परमअनूप । ते सारथ देहैं विरचि भारत भाषा
रूप ॥ चोरठा ॥ वन्दौं कपिवर बीर रामपरम प्रियपारषद । मंग-
ल मूरति धीर भारतस्वस्थ ध्वजस्थवर ॥ जाकोजपत सुनाम
कुशल कुशलतालहत जन । मुशल पर्व अभिराम ताहिध्याय
भाषा रचत ॥ बैशम्पायनउवाच ॥ जयकरी ॥ भूप युधिष्ठिर राज्य म-
हान् । छत्तिसवर्ष भोग मतिमान् ॥ अनरथकर्ता अशकुनभूरि ।
देखि रहतमे चिन्तापूरि ॥ सुने कछू दिनमें अतिघोर । यदुबं-
शिनको नाशकठोर ॥ अति शोकाकुल कै हत चेत । सब संक-
ल्प भये तजिदेत ॥ जनमेजयउवाच ॥ केहिप्रकार विनशोयदुबंश ।
सबनृपमंडलके अवतंश ॥ बैशम्पायनउवाच ॥ सुनो भूमिपति अ-

२ मूशलपर्वदर्पणः ।

नरथ तौन । हरिकीईहा भेटैकौन ॥ विइयामित्र कएवमुनिराज ।
 अरु नारदमुनि मुनि शिरताज ॥ आइद्वारकामें तप गेह । भये
 बिराजत सहित सुनेह ॥ तिनसों सारण आदिकुमार । कौतुक
 करत भये यहि चार ॥ सांबहि गर्बिनि युवति बनाय । कहेमोह
 बश मुनि सों जाय ॥ याके होइहै कैसोबाल । देहुबतायसुतप
 को चाल ॥ यहसुनिकै मुनिकरि अनुमान । कहे सुनोमम तप
 को ठान ॥ यह जो कृष्णपुत्र छबिसान । गहे युवतिको वेष वि-
 धान ॥ होइहियाके मुशलमलान । लोहेको किरतान्त समान ॥
 तासों यदुवंशिनको नास । होइहिबीचलहे कछु मास ॥ तबह-
 लधर करुणासों पागि । समुदमध्य जइहै तन त्यागि ॥ महिपर
 सोवतकृष्णहिदेखि । धीवरजराजन्तु अवरोखि ॥ वेधिहि कृष्ण-
 हि ऐसे बैन । मुनिवर कहे अरुणकरि नैन ॥ इमि तिनसोंकहि
 हरिपहँ जाय । मुनि दीन्है वृत्तान्त सुनाय ॥ प्रभुसो सुनिभवि-
 ष्य अनुसार । सबकहँ दये सुनाय सचार ॥ दूजे दिवससाम्ब
 मजबूत । कीन्हें आय समुशल प्रभूत ॥ सो सुनिकै यदुकुलको
 भूप । मुशल करायो चूरण रूप ॥ चूरणकरिकै दोषबराय । दी-
 न्है सागरमध्य डराय ॥ सबपुर में डौंड़ी बजवाय । आहुकि सों
 दीन्हें कहवाय ॥ दोहा ॥ आजु प्रभूतकोउ करौ मति ऐसो सुरा
 सप्रेम । करिहि तौन दैजायगो सूरिसुनोसनेम ॥ चौपाई ॥ तब सों
 होत भयो पुर माहीं । अशकुन होत कुशल जेहिनाहीं ॥ इयाम
 युवति बरदन्त निकारे । इत उत फिरत फिरारबिचारे ॥ नहिं
 घरवासी बिहँगघनेरे । लगे गृहनमें लेन बसेरे ॥ सारस शिवा
 नगर मधि बोलैं । पांडुकपोत गृहन बसिडोलैं ॥ मूषकलरैन-
 कुल सों भिरिकै । फिरै कबन्ध शूर ढिगाघिरिकै ॥ कृष्णपक्ष ते-
 रह दिन केरो । भयो शुक्ल चौदह को हेरो ॥ चामर छत्रध्वजा
 आभूषण । निशिमें हरैं असुर शुभ दूषण ॥ यहि प्रकारके
 अशकुनरूरे । लखि यदुवंशी विस्मय पूरे ॥ सो लखिप्रभु भ-

विष्य विधि चीन्हे । तीर्थ करन को शासन दीन्हे ॥ सोसुनिक
यदुवंशी सिंगरे । युवतिन सहित नगर सों निकरे ॥ बसेप्रभास
तीर्थ तटजाई ॥ बेश बसनके बासवनाई । तहां मोक्ष रतिऊधो
ज्ञानी । मिलि सब जनसोंभाषि सुबानी ॥ कैकै बिदा समुदमधि
बसिकै । गुप्तभयो योगी सम लसिकै ॥ विप्रन हित जो अन्न
बनायो । बौलि बानरन तौन खवायो ॥ तब कृतवर्मा सात्यकि
आदिक । मद्यपान करि भये प्रमादिक ॥ मन ममताके रँग में
बोरे । बैठे राम कृष्ण के धोरे ॥ दोहा ॥ तहँ कृतवर्मासों कहेसा-
त्यकि बचनमलान । कुत्सितकर्मा भटनमें कृतवर्मा नहिंआन ॥
जो भारत के अन्तमें द्विज भट के समलागि । निशिमें सूतेभ-
टन कहँ बधवायो मुद पागि ॥ चौपाई ॥ सुनि कृतवर्मा अमरष
गहिकै । बोले क्रोधानल सों दहिकै ॥ बाहु बिहून निरायुध
चाहे । भूरिश्रवहि बध्यो तुम काहे ॥ यह सुनिकै केशव भट
तीक्षण । देख्यो तानि अरुणकरि ईक्षण ॥ सो लखि कै सात्य-
कि रिसअतिसों । असिगहि उठो भटनकी जतिसों ॥ जहँ
ये द्रुपद सुताके बारे । तहां भेजिहों तोहिं गँवारे ॥ इमिकहि
कूदि सिंहसम डाट्यो । करतलवाहि तासु शिरकाट्यो ॥ कृत-
वर्महि बधि गर्वित बकिबकि । चलोतासु सबपक्षिन तकितकि ॥
तब ताको वारणकरिवेको । चले कृष्ण अनरथ हरिवेको ॥ इ-
तनेमें भोजांधकवंशी । घेरिलिये सात्यकिहि प्रशंशी ॥ सोल-
खिकृष्ण कालगतिजानी । चुप कै खरे रहे अनुमानी ॥ ते सब
अनुचित बाणी कहिकहि । जूठे पात्र परेसो गहिगहि ॥ चाहि
चाहि बध कीबो मनमें । हननलगे सात्यकि के तनमें ॥ तिमि
सात्यकिहि प्रद्युम्न निहारे । वर्जनलगे क्रोधसोंभारे ॥ मद्यपा-
नकीन्हें मतवारे । लगे प्रद्युम्नहि मारनसारे ॥ कृष्णप्रद्युम्नहि
व्याकुल देखी । भरे क्रोध अनरथ अवरेखी ॥ जमोरहो शरको
सो चीन्हें । मूठीएक ताहि गहिलीन्हें ॥ करमें आय भयो सो

मूशल । जाकेलगे रहैको कूशल ॥ सो गहिकेशव ओजबढ़ाये ।
 बधे तिन्हें जे सन्मुख आये ॥ शरको लीन्हें सबबलवाना । भो
 सबकेकर मूशलसमाना ॥ ताहि प्रहारि सबैमति बिगरे । क्षण
 में मरे परस्पर सिगरे ॥ भ्राता पितापुत्र नहिंजाने । बधे काल
 बश भये अयाने ॥ जरैपतंग अग्निपरि जैसे । तिमि यदुबंशी
 मरे अनैसे ॥ मूशललागि कृष्णरहि ठाढ़ो । देखतरहे तोषग-
 हिगाढ़ो ॥ बढ़ि बढ़ि मारि परस्पर मरिमरि । अगणित लसे
 भूमिपर परिपरि ॥ तहँ प्रद्युम्न साम्बहि अनुरुद्धहि । गदअरु
 चारुदोष्णभट उद्धहि ॥ मरोपरो लखिअतिरिस धरिकै । के-
 शवमूशल चक्रसम करिकै ॥ हे हतशेष तिन्हें बधिडारे । हरे
 जौन बिधि हे बिस्तारे ॥ दारुक बभ्रु दोय तहँबाचे । तेकौतुक
 लखि बिस्मयराचे ॥ तिन्हें सहित प्रभुकौतुकसागर । गे जहँ
 हे प्रभु रामउजागर ॥ तहांजाय प्रभुरामहि देखे । ध्यानावस्थ
 योगबिधि भेखे ॥ तहँ केशवदारुकहाँ भाषे । हम अर्जुनहिल-
 खनअभिलाषे ॥ तुम रथचढ़ि हास्तिनपुरजाई । शीघ्र अर्जुन-
 हिं ल्यावहु भाई ॥ दोहा ॥ सोसुनि दारुकहांकिरथ चलेनागपुर
 यत्र । तब केशवप्रभु बन्धुसों कहतभये इमितत्र ॥ बन्धुद्वारका
 जाय तुम रक्षो युवतिसमूह । नातरुधनके लाभधसि बधिहैंत-
 स्कर यूह ॥ सो सुनिकै तहँ चलतही पायमूशलको घात ।
 मरेबभ्रु तब रामसों कहे कृष्ण अवदात ॥ जयकरी ॥ तुम यहि
 ठौर रहौ मनलाय । हमफिरिआवतनिजपुर जाय ॥ इमि कहि
 निजपुर जातउदार । कहे पितासों कुलसंहार ॥ फिरि इमिकहे
 बिपिन हमजात । मोहिं न नगर रुचतअवतात ॥ जौलौंआवै
 पार्थ प्रशस्त । तौलौं रक्षहु युवति समस्त ॥ नृपतेहिक्षण रोद-
 नधुनिभूरि । जातभयो महि नभलौंपूरि ॥ रुदनसुनत करिहि-
 यो कठोर । केशवगये रामकी ओर ॥ रामहिं तहां लखे सुनु
 भूप । सहसशीर्षा शेषस्वरूप ॥ तक्षक बासुकि कद्रुहि आदि ।

आइतहांसब अहिअह्लादि ॥ सरितन सहित सरितपतिआ-
 य । सादरगये लवाय सचाय ॥ तासुगवनलखिप्रभुअनुमानि।
 कुरु यदुकुल की क्षयगतिजानि ॥ गुणिगान्धारी को जो शाप ।
 दुर्वासाको बचनप्रलाप ॥ वनमधिजाय योग विधिधारिं । महि
 पै कीन्हें शयनविचारि ॥ जरानाम व्याधातहैं आय । मृगगुणि
 तज्यो बाणधनुलाय ॥ पगतलमध्य लगोसो वान । तबगो नि-
 कट जरादुखदान ॥ प्रभुहि देखि गुणिनिज अपराध । पगगहि
 करत भयो अवराध ॥ तेहिआइवासित करिप्रभु बैठि । बिलसे
 योग युक्तिमधि पैठि ॥ सुरसुरपति सब ऋषि तहँजाय । नभ
 रहि अस्तुति किये सचाय ॥ दोहा ॥ उत दारुक पाण्डवनसों
 कही दशासबजाय । सो सुनिकैं अति विकलभे धर्मआदिसब
 भाय ॥ सब बन्धुनसों कै बिदा शोचित पार्थसुजान । जायद्वा-
 रकालखत भे हतश्री शून्यमहान ॥ लखिपार्थहि व्याकुलमहा
 रानी रुक्मिणिआदि । घेरिबैठि रानी रुदन अतिआरत धुनि
 नादि ॥ बारिधारिचखसों तजतकरि तिनको आइवास । पारथ
 शोचित जातभे कृष्ण जनकके पास ॥ चौपाई ॥ देखि पारथहि
 रोदनकरिकैं । इमि बसुदेव कहे दुखभरिकैं ॥ शापदर्ई गान्धारी
 जोई । पारथ प्रकटभयो अब सोई ॥ मुनिजन शापदयो जो
 पाछे । सोऊ अनरथ भयो अनाछे ॥ जब विनाश यदुवंशीपा-
 ये । तब केशवइत ममढिगआये ॥ काल कलाकहि मोहिंबुभा-
 ये । अरु यहि विधिके बचन सुनाये ॥ दारुकगो अर्जुनहिं बु-
 लावन । सुनतहि आइहि सो मनभावन ॥ जो हमसों अर्जुन
 सुनिलीजै । जो अर्जुनसों हम गुणिदीजै ॥ सुतन सहित युव-
 तिनको रक्षण । अर्जुन करिहि पालिसब पक्षण ॥ करतब बश
 तो ऊरध देहिक । करिहि पार्थमम परमसनेहिक ॥ पारथजेहि
 दिन यहिपुरआइहि । तबसों बीति सात दिनजाइहि ॥ तबव-
 डि उदधिनगर यह बोरिहि । पुरको छोरिवारि निज जोरिहि ॥

इमि कहिकैगो कृष्ण प्रशंशी । मरेजहां सिगरेयदुवंशी ॥ पारथ
मोहिं लगत जगफीको । मोकहँ देह तजेअबनीको ॥ यहसुनि
महाशोकगहि पारथ । कृष्णजनक सों कहे यथारथ ॥ द्रुपदसु-
ता अरु हमसबभाई । इहिजगमें विनु कृष्णसहाई ॥ नहिरहि
सकब काल दिनआयो । कृष्ण गमनसों आगमपायो ॥ दोहा ॥
बाल वृद्ध नारी जिती हैं व्याकुल हत चेत । इन्द्रप्रस्थलैजाव
हम तिनकहँ रक्षणहेत ॥ इमि कहिकै दारुक सहित सभासद-
नमें जाय । राज्यकाज कर्त्ता रहे तिनसों कहे बुझाय ॥ गये
सात दिन नगरयह बोरिहि बारिधि बारि । सरंजामसबजनन
सह सादरकढो बिचारि ॥ रीला ॥ बचन सुनिसब करनलागे क-
दनको व्यापार । वसे अर्जुनतहांतेहि निशि गहे शोकअपार ॥
रामकृष्णहि सुमिरि सब निशि भोरलहि बसुदेव । देह तजि
कै गयो ऊरध लोक सुबुधि सुभेव ॥ नगरमें अतिघोर तेहिक्ष-
ण भयो हाहाकार । पार्थ ताको किये निजकर उचित करतव
चार ॥ गईताके संगजरिकै सुबुधिपत्नीचारि । देवकी अरु रो-
हिणी अरु सुभग मदिरा नारि ॥ अरु सुपत्नी प्रियाभद्रा जरी
संगसप्रेम । कियेशेषकुमार कुलके उदकदान सनेम ॥ देशका-
ल बिचारिकै करिक्रिया तेहिथर पार्थ । गयेयदुवंशी सकलजहँ
मरे हे विनुस्वार्थ ॥ देखिसबको गात निपतित महादुखसोंपूरि ।
राम केशवके सुतनलखि मोहिं धरिकबिसूरि ॥ प्रेतकर्म विधान
करिकै भरे अतिशयशोक । भये आवत सातयेंदिन कृष्ण प्रभु
के ओक ॥ रुदत ताड़त शीशउर सब तियनको समुदाय । स-
पदिपुर ते कियेबाहर सहित सौजसहाय ॥ अश्वगजरथबसन
मणिधन सकल दासीदास । बर्ण चारो दुखित पुरजन कढ़पू-
रितत्रास ॥ बज्रनामपउत्र हरिको सहित शिशु सुकुमार । चलो
रोदत युवति कोटिन गहे शोक अपार ॥ बज्रसदृश कठोर अ-
तिशय हृदयकीन्हेंतत्र । लिये सबकहँ चलो पारथ धर्मभूपति

यत्र ॥ उदधिको जल उमगि तेहिदिन नगरदीन्हों बोरि । कि-
योमाया विस्तरितसो विष्णुलीन्हेंमोरि ॥ लिये सबकहैं पार्थ
नांघत शैल बिपिन अनेक । पंचनदमें भयेनिवसत राखिजन
सबिवेक ॥ देखितिन्हहिं अभीरजुरिकै किये मंत्रविशाल । एक
धनुधर पार्थ सिगरे वृद्ध युवतीवाल ॥ घेरि सबदिशि युवतिय-
न धनलेहु इनसों छोरि । मंत्रयहकरि परिघगहि गहि चलेपारे
जोरि ॥ देखिपारथ कहे हैंसि फिरि जाहुरे सबमूढ़ । चहौ जी-
वन आपनोतौ तजोममता गूढ़ ॥ बचनसो सुनिरुके नहिंते
भिरे बलकत आय । पार्थतब गांडीव धनुषहि नीठनीठचढ़ाय ॥
दिव्य शस्त्रन गुणतमे अस्मरण भे नहिं एक । ब्रीडि विधिगत
बूझिलागे बाण तजनसटेक ॥ होइसूक्ष्म घावताके लगे जाके
वान । पार्थतबभोलेतऊबि उसांस करि अनुमान ॥ परिघसम
तब वाहि धनुषा थके बल करि सर्व । गये अगणित युवतिह-
रिलै म्लेच्छ कुमतिअखर्व ॥ वृष्णिअन्धकभूपकुलकी युवति
को समुदाय । लखतअर्जुनके गये लै खल अभीरसचाय ॥
अस्त्रशस्त्र प्रभावनिजको जानिक्षय तेहिकाल । बूझि भावीसु-
मिरिकृष्णाहिं रहे घरिक अचाल ॥ धीरधरि हतशेष तिय धन
सहित पारथ जाय । बसतभे कुरुक्षेत्रमधि अतिदुसह दुखसों
छाय ॥ तहांसो हार्दिक्यको सुत भोजकुलकीनारि । तिन्हैंराखे
मातृकावत नगरमध्य विचारि ॥ इन्द्रप्रस्थ सुग्राम में फिरि
आय पूरि कलेश । सात्यकीके सुतहिदीन्हेंसरस्वति तटदेश ॥
कृष्णप्रभुको पौत्रहो जो बज्र तेहि सन्मानि । भयेराखत इन्द्र-
प्रस्थ सुग्राम मधि अनुमानि ॥ राज्यलहि जब भये राजत
बज्रतब हेभूप । पार्थ शीक्षितकिये विधिवत राजनीति अनूप ॥
अक्रूरकी तिय सकलकीन्हीं ग्रहण तब संन्यास । बज्रको नहिं
कहोमान्यो सहित दासीदास ॥ रुक्मिणीगान्धारजा अरुहेम-
वति मतिमान । दह्योतनजांबवति सब्या अग्निमें धरिध्यान ॥

८ मूशलपर्वदर्पणः ।

सत्यभामहिं आदिसिगरी कृष्णकीतियजौनाग्रहणकरि संन्यास
ते सबकियो कानन गौन ॥ द्वारकाके जिते पुरजन रहे तिन कहैं
पार्थ । सबिधिसौं पे बज कहैं कहि यथायोग यथार्थ ॥ दोहा ॥
शीक्षि यथा विधि बज कहैं कैकै विदा सठौर । हास्तिनपुर प्रति
चलत भे करत कालगति गौर ॥ कछूदूरि चलि बिपिन मधि
व्यासहि बैठो देखि । निकट गये रथते उतरि निजहित थित
अवरेखि ॥ करि प्रणाम अति प्रेमसों बैठे आदरपाय । लखि शो-
काकुल पार्थ कहैं कहे व्यास मुनिराय ॥ व्यास उवाच ॥ जय करी ॥ पा-
रथ तुम अति खिन्न लखात । हत श्रीसुखो बदन विभात ॥
रणमधि तौ नहिं पाये हारि । भोगेतौ नहिं रजयुत नारि ॥ घटह
मुते तन पै जलदान । करितौ नहिं कीन्हें अस्नान ॥ बज्रदशीनख
कच जल तात । परशेतौ नहिं कहु तो गात ॥ कीन्हें तौ नहिं द्विज
कोघात । जाते हत श्री दीन लखात ॥ लख्यो न कबहुं तुमैं अस
दीन । शीघ्र कहो निजदशा नवीन ॥ अर्जुन उवाच ॥ कहा कहों कछु
कहो न जात । महा अनर्थ भयो हेतात ॥ पंकज लोचन प्रभु
घनश्याम । महापुरुष श्रीमहिमाधाम ॥ श्रीहलधर सहप्रभुता
ओक । गये देहतजि ऊरधलोक ॥ गान्धारी के शाप प्रमान ।
अरु लहि ऋषिको शापमहान ॥ पाय मुशलको घात कठोर ।
बिनशे यदुकुलपुरुष अथोर ॥ महाशूर अति बलरणधीर । जासु
पराक्रम बिदित गँभीर ॥ शक्तिगदादिक आयुधघात । नहिं
पीड़ित हैं जाको गात ॥ ते भटवर शरकाके पात । मरे कालगति
कहीन जात ॥ पांचलाख भट सात्यकि आदि । मरे परस्पर लरि
उन्मादि ॥ और असंख्यन पुरुष प्रशस्त । लरि भे तारागण
सम अस्त ॥ नभको पतन सिन्धुको शोष । पर्वतको चालन सम
पोष ॥ देखि कृष्ण प्रभुको तन त्याग । नहिं सहि जात महान
अभाग ॥ लहि अतिकष्टकुलिशको पात । ममहिय होत बिदी-
रणतात ॥ लाखन वृष्णि वंशकी नारी । हरिलै गये अभीर प्र-

मूशलपर्वदर्पणः ।

६

चारी ॥ गहिगांडीव धनुष टंकारि । प्रभुहम सके न तिनकहैं
बारि ॥ अस्त्र शस्त्र ममजे अस्पष्ट । सोसब तहां गयेह्वनष्ट ॥
परमात्मा केशव जगदीश । ममसहाय कृत विस्वेवीश ॥ निज
रथस्थ लहि जाहि सहाय । हमदाह्यो अरिवनसमुदाय ॥ जा-
हिविनामम ऐसोहाल । प्रातभयो दुख दुसह कराल ॥ ताहि
बिना बाढ़तहियदाह । अवनमोहिं जीवनकीचाह ॥ अवजोकरव
मोहिं शुभभेश । सोतुमतातकरोउपदेश ॥ यहसुनिकै बोलैमुनि
व्यास । यह भविष्य होसुनु मतिरास ॥ सुनहु कृष्ण प्रभुप्रभु-
ता ओक । सकै अन्यथा करि त्रैलोक ॥ विप्रशापको कितनो
दाप । टारिसकैको विष्णु प्रताप ॥ भूमिभार मेटनके हेत । इत
आयेहैं कृपानिकेत ॥ तुमसों करि अति नेहपसार । हरिहराय
अवनीको भार ॥ निजअस्थान गये मुदधारि । शोकतजो तुम
तत्त्वविचारि ॥ दोहा ॥ कृष्णसंग बन्धुन सहित तुमकीन्हें सुर
कार्य । तुवसबन्धुको प्राप्तभो गमन समय हेआर्य ॥ पंचतत्त्व
जग बीजको मूलकालहैं तास । कालैकरत विनाशअरु दुर्बल
बली बिलास ॥ निजकरतव करि अस्त्रतुव गयेसुनोमतिमान ।
तथाभये कृतकृत्यतुम करिकरि युद्धमहान ॥ अवतुमहूं बन्धुन
सहित करो महाप्रस्थान । यहसुमंत्र तुमको महा है श्रेयद क-
ल्याण ॥ दोहा ॥ व्यासदेवकेबैन सुनि कैविदाप्रणामकरि । शो-
चित पार्थ अचैन हास्तिनपुरप्रति चलतभे ॥ कृष्णचन्द्रको
ध्यान करतजाय हास्तिननगर । गयोपार्थ मतिमान नृपति
युधिष्ठिर हैं जहां ॥ जायनृपतिकेपास कहत भये वृत्तान्तसब ।
सुनि भूपति मतिरास ध्यायरहे कृष्णहि प्रभुहि ॥

स्वस्तिश्रीकाशीराजमहाराजाधिराजश्रीउदितनारायणस्याज्ञाभि-


गामिनाश्रीवन्दीजनकाशीवासि गोकुलनाथकवीश्वरात्मजेन

गोपीनाथेनकविनाविरचिते भाषायांमहाभारतदर्पणे

मूशलपर्वसमाप्तिमगमत् ॥



महाभारतदर्पणे ॥



महाप्रस्थानपर्वदर्पणः ॥

देहा ॥ नमस्कार नारायणहि करिनरोत्तमहिं नौमि । वन्दि
गिरा व्यासहि रचत भारतभाषा सौमि ॥ जेहि रघुवर प्रभुके
चरित बहुशतकोटि अमन्द । ताहि सुमिरि भारतरचत भाषा
विरचिसुखन्द ॥ पारथके सारथभये सारथि परमअनूप । ते
सारथ देहैं विरचि भारतभाषा रूप ॥ सोरठा ॥ वन्दौं कपिवर
बीर राम परम प्रिय पारषद । मंगलमूरतिधीर भारत स्वस्थ
ध्वजस्थवर ॥ सुमिरि उच्छलनि अक्ष उदधि उलंघन समय
की । भारत समुद प्रतक्ष भाषाकरिचाहततख्यो ॥ दोहा ॥ जाहि
ध्याय मानवसकल लहत शुद्धअस्थान । ताहि सुमिरि भाषा
रचत पर्व महाप्रस्थान ॥ जनमेजयउवाच ॥ सोरठा ॥ मौशलको वृ-
त्तान्तसुनि सबन्धु कौरव अधिप । किये कौन सिद्धान्त व्यास
शिष्य मुनि कहहु सो ॥ वैशम्पायनउवाच ॥ जयकुरी ॥ यदुकुल को
मौशल उत्पात । महाकठोर कुलिशको पात ॥ सुनि सबन्धु कु-
रुपति क्षितिपाल । शोचि कालगाति अमिट विशाल ॥ करिवे
को सुमहाप्रस्थान । करत भये सिद्धान्त महान ॥ दैयुयुत्सु कहैं
भार बिबेक । किये परीक्षित कहैं अभिषेक ॥ कहे सुभद्रा सों

समुभाय । पौत्रहि पालेहु नीतिबढ़ाय ॥ इन्द्रप्रस्थको राज्यपु-
नीति । बज्रहि हमदीन्हे गुणिनीति ॥ इन युगजनमें बाढ़ैप्रेम ।
शीक्षत रहियो तथासनेम ॥ तब कुरुपति नृप सहित बिधान ।
कृष्णादिकन दये जलदान ॥ रामकृष्ण सात्यकि बसुदेव । ति-
न्हैंआदि जितने शुभभेव ॥ पिण्डदान सबकहँ करिभूप ।
दीन्हें मणिमहि बख्ख अनूप ॥ भोजन भूषणहयगजनारि । द्वि-
जवृन्दनकहँ दिये बिचारि ॥ कृपाचार्य गुरुवरहि सराहि । नृप
परीक्षितहि सौंपेताहि ॥ यह बालक तुवशिष्यसुजान । पालेहु
शीक्षेहु सहित बिधान ॥ नृपपरीक्षितहि प्रजासमस्त । सौंपेक-
हिकहि नीति प्रशस्त ॥ तब सब कहँ कारण समुभाय । दीन्हें
निज प्रस्थान सुनाय ॥ सो सुनि प्रजा लहे दुखभूरि । सुख
उत्साह जातभो दूरि ॥ नृपसौं कहतभये सब लोग । भूपति
उचितन ऐसो योग ॥ सो सुनि नहिं माने नृप पर्म । ज्ञाताकाल
विपर्ययकर्म ॥ बहुप्रकार सबकहँ समुभाय । चाहतभे प्रस्थान
सचाय ॥ चारुवसन भूषण करित्याग । बल्कल धारण किये
सभाग ॥ तथा द्रौपदी तजिशुचिचीर । धारी बल्कल बसन
गंभीर ॥ बन्धुन सहितधारि यहभेष । कीन्हेंत्यागयज्ञसबिशेष ॥
निजतन ऊपर अग्निउतारि । जलमधिडारे विधि बिस्तारि ॥
यहिविधिकरि कीन्हें प्रस्थान । रुदन किये नरनारिमहान ॥ ब-
न्धुनसहित हर्ष बिस्तारि । चले पांच सँग छठई नारि ॥ कूकुर
एक चलो सँगलागि । यहिविधि सात चले अनुरागि ॥ घर
जन पुरजन आनँदभंग । गयेदूरिलों भूपतिसंग ॥ चाहतपल-
टि चलै कुलदीप । पै न सको कहि फिरो महीप ॥ थिर भूपति
पुरवासिन फेरि । फेरतभे सब नारिन हेरि ॥ भूप परीक्षित कृप
आचार्य । अरु युयुत्सु कहँफेरेआर्य ॥ सबहिं फेरि नृपज्ञान नि-
केत । चले बन्धु तियश्वानसमेत ॥ गयेपूर्वदिशि भूपअमन्द ।
फिरतभये सब पूरित दन्द ॥ भो बिषाद तेहिक्षणमें जौन । भू-

पतिकहोजात नहिं तौन ॥ दोहा ॥ तदनुधसी सुरसरित मधि
युवति उलूपीधाय । नागसुता तियपार्थकी इरावानकी माय ॥
बभ्रुवाहना की जननि चित्रांगदा सुनारि । गईनगर मणिपूर
प्रति निजसुत अधिप विचारि ॥ और रहीं जितनी तिया ते
परीक्षितहि घेरि । आई निजपुर धामप्रति रोदतदुखहियपेरि ॥
चौपाई ॥ चलिपूरव पाण्डवसबभाई । क्रमसों लसे समुदतटजा-
ई ॥ लोहितथर उदयाचल घोरे । गये सातते नहिं मन मोरे ॥
लीन्हेंरहे पार्थ मनभावन । धनु गांडीव तुणीर सुहावन ॥ गुणि
धनु रतन ताहि हे लीन्हें । अति सनेम गहि त्यागन कीन्हें ॥
गिरिअकारपावक तहूँ देखे । पुरुरूपअति सुखसों भेखे ॥ तहां
अग्नि पांडवसों बोले । हम हैं अग्निप्रभावअतोले ॥ कृष्ण
फाल्गुणकेपरभावन । हमजारयो खांडववनचावन ॥ धनुगांडीव
लये जो पारथ । नहिंअब तासु ग्रहण ते स्वारथ ॥ यहि तजि
बिपिनजाहुजहँचाहो । महि दिशि सरित शैलअवगाहो ॥ पूर्व
वरुणसों लैकैयेही । हमदीन्हें अर्जुनहि सनेही ॥ सोधनु अब
तुम वरुणहिदेहू । जो पथगहेतासु ब्रतलेहू ॥ सुनिसवपांडवकहे
यथारथ । धनुषवारि मधिडारे पारथ ॥ भेअदृश्यपावक गुणअ-
गरे । तेनैअत्यकोणगहि डगरे ॥ गहेकूप सागरको तैसे । फिरे
प्रतीचीदिशितेहिलैसे ॥ क्रमसोंजाय द्वारकादेखे । सागरमधि
गोपिनअवरेखे ॥ करि प्रणामजलसोंभरिईक्षण । चलेउदीची
करतनिरीक्षण ॥ दोहा ॥ गहे कूलतेहिसमुदकोगहे प्रदक्षिणभा-
व । चलि क्रमते हिमवान गिरि नांधेपूरितचाव ॥ तितसोंपाये
मेरुको दर्शन अनघवनाव । अगरि बालुकाकोमही देखेतुहिन
प्रभाव ॥ रोला ॥ नांधिवेको ताहि तामधिचले योगीभेव । धर्म
नृप तब भीम अर्जुन नकुल अरु सहदेव ॥ तासुपीछे द्रौपदी
तब श्वान यहिविधिजात । द्रौपदी कछुदूरि चलिकैं गिरी तहूँ
हेतात ॥ देखि निपतित द्रौपदी कहँ भीमसेननिहारि । कहतभे

इमि धर्म नृपसों शोच अतिशय धारि ॥ महाराज बिलोकिये
 इतगिरी द्रुपद कुमारि । किये कछुनअधर्म काहे गिरीसाहस
 हारि ॥ युधिष्ठिरउवाच ॥ पार्थसों यह रही राखत अधिक हियमें
 नेह । गिरीइत तेहि पापसों तेहि पापको फलएह ॥ भीम सों
 इमि भाषि भूपति चले योग सुधारि । गिरेतब सहदेवतेहां दु-
 सह हमसों हारि ॥ भीमभाषे गिरो अबप्रियबन्धुतुव सहदेव ।
 कौन पातक कियो इनसो भूपकहिये भेव ॥ आपु सममतिमान
 औरहि गुणतहो नहिं एहु । गिरो अब तेहि पाप इमिकहिचलो
 नृपतजि नेहु ॥ नकुल तब कछुदूरि चलि कै गिरे सुनु क्षितिपा-
 ल । भीमभाषे भूप सों तब गहेशोक विशाल ॥ हायनिपतोन-
 कुल भूपति कहो याको पाप । कह्यो भूपति रह्यो यहि निजरूप
 को अतिदाप ॥ तदनु अर्जुन गिरे बोले भीम तब बिलखाय ।
 भूपअर्जुन गिरो अब इतकौनकारणपाय ॥ भूप तबइमि कह्यो
 अर्जुन कहत हो बहुबार । एक दिनमें करौंमैं सब शत्रुको संहार-
 र ॥ तौननहिं करि सकोहो इहिबीरताको गर्व । तौन पातकगि-
 रो अति अभिमान पाय अखर्व ॥ भीम आयो धीर धरि इमि
 भाषि अगरो भूप । तदनु कछु चलिभयो निपतत भीमबीरअ-
 नूप ॥ टेरिभाष्यो सुनहु हमहूंगिरेहेमतिभौन । हेरिमम दिशि
 कहो याको कठिन कारण जौन ॥ कह्यो भूपति तुम्हें बल को
 रहो अति अभिमान । गिरे तुम तेहि पापसों लहि कालगति
 बलवान ॥ भाषि ऐसो चलो नृपनहिं लखो तेहिकरिचाह । इवा-
 नसोई गयो नृपके संगहे नरनाह ॥ सुरथचढ़ि तबशक्र आये
 भूमिपतिके पास । कहे रथ चढ़ि चलो ममपुर भूप महिमारास ॥
 युधिष्ठिरउवाच ॥ बन्धुमम अरुद्रुपद दुहिता गिरीयहिमहि माह ।
 तिन्हें बिनु दिव जाइवेको नहीं मोकोचाह ॥ इन्द्रउवाच ॥ मानुषी
 तन त्यागि तेसब लसत दिवमधिजाय । चलो तुम यहि देहसों
 उतलखो तिनहिंसचाय ॥ युधिष्ठिरउवाच ॥ इवानयहममसंगआ-

अस्ताहि इतहो त्यागि । गयेदिवमोहिं लगतलघुताकूरताअघ-
पागि ॥ इन्द्रउवाच ॥ लहे तुम अमरत्वादिवसुख परमश्री अधि-
काय । तजे इवानहिं तुमहिं लघुता लगत नहिं यह न्याय ॥
युधिष्ठिरउवाच ॥ निन्द्य है यहकर्म आर्यहि नहीं करिवे योग । भक्त
जनको त्याग करिवो चाहि श्री सुखभोग ॥ इन्द्रउवाच ॥ इवान
अतिशय अशुचिनहिं संसर्ग के अधिकार । त्याग कीन्हें अ-
शुचिको नहिं लगत लघुता चार ॥ ब्रह्महत्या सरिस पातकभ-
क्तजनको त्याग । तजव नहिं हम इवानकहैं करि स्वर्गको अनु-
राग ॥ आर्त अरु शरणारथी निज आश्रित जो ताहि । तजत
हम नहिं कष्ट प्राणो नित्यवृतअवगाहि ॥ इन्द्रउवाच ॥ इवानको
संसर्ग कर्ता पुरुष जोहै तासु । दान वृतको हरतफलसुरक्रोध
बश गन आसु ॥ भूप ताते इवानको करि त्यागि चलहुसचेत ।
बन्धु तियको त्याग करिकत इवानहित हठलेत ॥ युधिष्ठिरउवाच ॥
देहा ॥ करिवो संग्रह त्याग अरु बैरमित्रता जौन । जीवतते अ-
नुचित उचित मरेदोष गुणकौन ॥ मरेतज्यो हम बन्धु तियत-
जव न जीयत इवान । मित्रद्रोह द्विजधन हरबभक्तहि तजव
समाना ॥ वैशम्पायनउवाच ॥ रोला ॥ इवानकोतनत्यागिकै तव धर्मगहि
निजरूप । कहतभो तहैं धर्मनृपसों सुनोकौरवभूप ॥ नृपयुधि-
ष्ठिर धन्यतुम तुवधर्मपरमअमन्द । नीति पालकभये तुमनिज
पिता सरिस सुखन्द ॥ देहा ॥ किये परीक्षापूर्वतुव द्वैतबिपिनम-
धितत्र । प्रश्नोत्तर दीन्हे बिना मरेबन्धु तुवयत्र ॥ मम प्रश्नो-
त्तर आइ जब तुम दीन्हे तेहि ठौर । यक्षरूप तवहमकहे सुनो
भूप शिरमौर ॥ मरेतिहारे बन्धुये चारि तिन्हैंमो एक । जाकहैं
कहिये ताहि हम देहिं जिआइ सटेक ॥ वसुकला ॥ तहैं अतिअ-
नूप । जो बचन भूप ॥ तुम कहेटेरि । सोसुनोफेरि ॥ देहा ॥ निज
जननी के जियत हम जेठ सुघन तेहिभाय । माद्री को सुत
नकुलगुरु ताकहैं देहु जियाय ॥ फिरि पेखे तुव धर्म अब पूरण

६. महाप्रस्थानपर्वदर्पणः ।

विस्वेवीश । स्वर्गहु नहिं राजर्षि कोउ तो सम हे अवनीश ॥
वैशम्पायनउवाच ॥ तदनन्तर नृप धर्मकहँ यथाउचित सन्मानि ।
लयेचदाय विमानपहँ आपु शक्र गहिपानि ॥ धर्म रूप
भगवान अरु मरुतशक्र ब्रह्मर्षि । चलत भये निजलोकप्रति
करत बार्ताहर्षि ॥ आगेते आवतभये सुरराजर्षि समस्त ।
तहँनारद नृपधर्मसों बोलेबचन प्रशस्त ॥ यहि प्रकार मानव
कोऊ नहिं आयो यहिदेश । जिमि आयेतुव धर्मनृप भोगौस्व-
र्ग शुभेश ॥ भूपकहेहमचहत नहिं स्वर्ग ऊर्ध्वकै और । गयेब-
न्धु नृपसुताजहँ जानचहत तेहिठौर ॥ यहसुनिकै सुरपतिकहे
सुरपदपाय अनूप । अजौ न छूटी मानुषी बुद्धि तुम्हारी भूप ॥
कौन कौनको बन्धु अरु नारि कौनकी कौन । कर्म भूमिको सं-
गहो मोहतजोमतिभौन ॥ यहसुनिकै भूपतिकहे हमनहिं चाहत
स्वर्ग । मिलै जहांमम बन्धुतिय उत्तमसो अपवर्ग ॥ यहि प्रकार
करि कृष्णको ध्यानधारि नृपधर्म । जगमंगल प्रभुरूप लखि
रहे मोदगहि पर्म ॥ रामकृष्णको ध्यानधरि को न लहत आ-
नन्द । राम कृष्ण हिय जगत के शुभ सदस्थरविचन्द ॥

स्वस्तिश्रीकाशीराजमहाराजाधिराजश्रीउदितनारायणस्याज्ञाभिगामि
नाश्रीबन्दीजनकाशीवासिरघुनाथकबीश्वरात्मजगोकुलनाथस्यात्म
जगोपीनाथस्यशिष्येणमणिदेवेनकविनाबिरचितेभाषायांमहाभार
तदर्पणेमहाप्रस्थानपर्वसमाप्तिर्नामप्रथमोऽध्यायः १ ॥

इतिमहाप्रस्थानपर्वसमाप्तम् ॥



महाभारतदर्पणः ॥



स्वर्गारोहणपर्व दर्पणः ॥

दोहा ॥ नमस्कार नारायणहि करिनरोत्तमहिं नौमि । वन्दि
गिरा व्यासहि रचत भारतभाषा सौमि ॥ सीताराम सलक्ष्म-
णहि रुक्मिणि कृष्ण सराम । कपिअग्रस्थ ध्वजस्थसह धरु
धारण हियधाम ॥ रामसतिय सानुज सकपि सहित भक्त स-
मुदाय । ध्यायचहत हौं भार्तको पारलहव सुखदाय ॥ आरो-
हणि सबलोककी जासुनाम भवसेत । स्वर्गारोहण रचत यह
ताहि ध्याय लहिचेत ॥ जनमेजयउवाच ॥ जयकरी ॥ दिवमधि जाय
पितामह सर्व । बसेपाइथल कवनअखर्व ॥ किमि दिवदर्शोधर्म
नरेश । बैशम्पायन कहो विशेश ॥ बैशम्पायनउवाच ॥ दिवमधि
जाय युधिष्ठिरभूप । दुर्योधनहिं लखे अतिरूप ॥ राजत सिंहा-
सन लहिवेश । सिद्धिसाध्य सेवतचहुँदेश ॥ लखिताको अति-
शय ऐश्वर्य । नहिं सहिसकेउ धर्मनृप बर्य ॥ तेहि लखिसादर
चखमन फेरि । कहत भये सुरगण से टेरि ॥ यहि सहसाकर्मी
केसाथ । हम नहिं निवसब हे सुरनाथ ॥ याके दोष भूप समु-
दाय । मरे व्यर्थ लरिओजवदाय ॥ सभामध्य गहि कुमतिद-
राज । पांचालिहि कीन्हों हतलाज ॥ कहो दुसह दुर्वचन अ-

नेक । नाहक युद्ध कियो गहिटेक ॥ इहिनाशो परिवारसमस्त ।
 हित सम्बन्धी भृत्य प्रशस्त ॥ हम न सकत इतहूं यहि देखि ।
 जानचहत जहँ बंधु बिशेखि ॥ यह सुनिकै नारद मुसुकाय ।
 कहे न इमि भाषो कुरुराय ॥ त्यागि विरोध बसतसब अत्र ।
 तजिसब अमरष बसोएकत्र ॥ क्षात्रधर्मकरिकै तनत्यागि । यह
 इत बिलसत आनँदपागि ॥ यह दिवइहां उचितनहिँ बैर ।
 त्यजो द्यूतकृत सगरो घैर ॥ मिलौ भूपसों प्रीति बढ़ाय । राज
 हेतुकृत दोषदुराय ॥ यह सुनिबोलो धर्म महीप । इमि न कहो
 शुभ विधि कुलदीप ॥ जो कीन्हों बहु कुत्सितकर्म । सो इमि
 बिलसत मुदित अभर्म ॥ जे सबविधि सुकर्मके ओक । तेमम
 बंधु बसत केहि लोक ॥ धृष्टद्युम्न आदिक मम मित्र । ते कहँ
 बिलसत परमपवित्र ॥ सोथरदरशावो मुनिराज । जहँबिलस-
 तमम सहित समाज ॥ द्रौपदेय अभिमन्यु अमान । इरावान
 आदिकबलवान ॥ धृष्टद्युम्न उतमौजाआदि । ये नृप बूभेजय
 यशनादि ॥ ते सब बिलसत जेहि अस्थान । सो दरशावहु
 सुमुनिसुजान ॥ सलिलदानकी समय निहारि । जो ममजननी
 कहो बिचारि ॥ कर्ण तिहारो सोदरभाय । सो गुणि मम हिय
 तपतअचाय ॥ कर्ण बसतइत लहिथल जौन । मुनिहम लखो
 चहत थलतौन ॥ मुनि बिनु इनसबके सहवास । सब दिवमधि
 नहिँ मोहिँ सुपास ॥ यहसुनिकै मुनि सुमन समोद । कहे भूप
 सों गहे विनोद ॥ लहि सुरपतिके शुभद निदेश । हमसबतोहिँ
 तरतयह देश ॥ तुमहिँ रुचै जो सब्य असब्य । हैहमकहँ सो-
 ई करतव्य ॥ देवदूतसँग लेहु प्रशस्त । जाहु जहां तुव बन्धु
 समस्त ॥ सो सुनि देवदूत लेसंग । चलोभूमिपति गहेउमंग ॥
 ले भूपहि चलिआगे दूत । गयेजौनथल अशुचि अकूत ॥ तम
 पूरित सो देश अस्वच्छ । मांसरुधिरको कीचकतच्छ ॥ चहुँ-
 दिशिफैलि रहो नखकेश । माछीभरी अनाछीवेश ॥ कृमिअरु

कीट भयानकवेष । बहुदिशिज्वाल किये परिवेष ॥ अगणित
काक गृध्र अरुप्रेत । बोलतडोलत किये निकेत ॥ पूरितमेद रु-
धिरसों गात । स्पटत भूपटत पीवतखात ॥ मांस रुधिरमज्जा
अनुबंध । पूरितमहादुसह दुर्गंध ॥ अतिशय तपित बालुका
भारि । महाभयानक नदी निहारि ॥ असिधारासम जाकेपत्र ।
अविरलवृक्ष लखतभे तत्र ॥ लोहकुंडमें प्रतपित तेल । प्रत-
पितलोह शिला प्रतिमेल ॥ अति दुर्गंध दुसहते पीड़ि । धर्म
महीप कहतभे बीड़ि ॥ यहपन्था दुर्घट चहुँ ओर । नहिं ममग-
मन योगअतिघोर ॥ यहपथ इमि पूरित दुखभूरि । अबचलिवे
को कितनीदूरि ॥ है यह कौनदेवको देश । कितबिलसत मम
बन्धु सुभेश ॥ यहसुनि पलटि दूतमतिमान । भूपति से इमि
कहेनिदान ॥ हम अब फिरत फिरो तुमभूप । अमित भयेअति
पावनरूप ॥ इमिआज्ञादीन्हें बसुदेव । फिरेहु देखि भूपहिश्रम
भेव ॥ होइमूर्च्छितलहिमहाकलेश । तहँसोपलटतभयो नरेश ॥
दुःख शोक पूरित क्षितिपाल । पलटि सुनतभो गिरा अलाल ॥
हे राजर्षि भूप शिरताज । क्षणक थिरो मम आनंद काज ॥ लहि
तुव तनको गन्धअनूप । हम सबचैन लहतहेभूप ॥ बहुदिनपै
नृप तुम कहँ देखि । हम सब पाये मोद विशेषि ॥ जबसे इत
आयो तुम तात । तबसों मम दुखनिघटत जात ॥ ताते कछु
क्षण थिरये तत्र । हम सब पावें आनंद अत्र ॥ सुनि यहि विधि
की दीन पुकार । थिरत भयो तहँ भूप उदार ॥ महा कष्ट लहि
नृप तेहि ठौर । को तुम कहत भयो करिगौर ॥ सो सुनि कहत
भये ते सर्व । भीमार्जुन हम नकुल अखर्व ॥ हमहँ द्रुपदसुता
सहदेव । धृष्टद्युम्न अरु कर्ण शुभेव ॥ दोहा ॥ द्रौपदेय आदिक
इविधि बोलै सब रणधीर । परे निरय मधि दैव बश पावतअ-
तिशय पीर ॥ सो सुनि धर्म महीप तहँ गये शोच सों पूरि । ये
सब पाये देश यहकिये कवनअघभूरि ॥ पापात्मा धृतराष्ट्रसुत

तिमि बिलसत गहिगौर । धर्म शीलये सब लहे ऐसो कुत्सित
 ठौर ॥ निद्रावश कै स्वप्नयह लखत भईकी भ्रान्ति । देखिमहा
 बिपरीत यह मो मन गहत न शान्ति ॥ इबिधि चिन्ति अति
 शोचिनृप निंदि सुरन कहँ भूरि । देव दूत सों कहतभे महाक्रोध
 सों पूरि ॥ जाहुशक्रके पासतुमहमइत करबनिवास । कहेहुमोहिं
 यहिथर रहे पावत बन्धु सुपास ॥ रोला ॥ भूप के ये बचनसुनिकै
 दूत सत्वरजाय । भूमि पति के बचन शक्रहिदयो सबिधिंसुना-
 य ॥ बचन सो सुनि शक्र सुरगणसहित नृप पहुँआय । सहित
 आदर धर्म नृपकहँ लखे आनँद छाया ॥ मेद मज्जा आदि यहि
 थररहे कुत्सितजौन । देवपति के जातहीतहँ भयेलोपिततौन ॥
 बहन लागो सुखद मारुत गहे निज गुणपर्म । शान्तिगहितहँ
 शक्र बोले सुनहु भूपतिधर्म ॥ इन्द्रउवाच ॥ सिद्धि तुम कहँ भई
 प्रापत महा महिमा ओक । भूप प्रापत भये तुम कहँपरम अ-
 क्षय लोक ॥ क्रोध भूपति करो मति मम बचन मानो सांच ।
 अवशिहै द्रष्टव्य भूपन नरकदुःसह आंच ॥ सुकृत भोगत प्र-
 थमपावत निरयते पश्चात । प्रथम भोगत निरयपावत स्वर्ग
 ते अवदात ॥ अधिक पातक हेत जाके पुण्य थोरोहोत । भो-
 गि सो कछु स्वर्ग भोगत निरयको लहि सोत ॥ होतथोरोपाप
 जाके पुण्यको अधिकार । भोगि थोरो निरयसो फिरि लहत
 स्वर्ग उदार ॥ आचार्य के बध समयभाषे व्याजसे कछु बैन ।
 व्याज ते लहि निरय ताते भये घरिक अचैन ॥ भीम अर्जुनन-
 कुल तिमि अरु द्रौपदी सहदेव । व्याजते सब नरक परशो भूप
 तैसो भेव ॥ मुक्तते सब भये अघतेचलो निरखो भूप । स्वर्गम-
 ध्य सपक्षबिलसतअक्ष अक्षयरूप ॥ तपत जाके हेतु तुम सो
 करण महिमा भौन । पाय पूरणसिद्धि बिलसत लखो करिउत
 गौन ॥ भूप मान्धाता भगीरथ भूमि पति हरिचन्द । भरतअ-
 रु द्रौपदेय बिलसत जौन ठौर अनन्द ॥ भूपसब के ऊर्ध्वहैतव

लोक बिहरहुतत्र । चलो निरखहु पक्षनिज यो कियेसंगरसत्र ॥
 स्वर्ग गंगा लखो पावनकरतयो त्रैलोक ॥ तासु मधि अस्नान
 करिकै चलो आनंद ओक । इहांके अस्नानते तुव छुटिहि मा-
 नुष भाव । नाश होइहै बैर ईर्षा शोकको तेहि छाव ॥ कहतऐसे
 शक्र के तहँ धर्मगहि निज देह । प्रकट लसिकै भूमिपतिसोंकहे
 सहित सनेह ॥ क्षमा दमतो दयालखिहमभये अतिहिप्रसन्ना
 बारत्रय तो करि परीक्षा भये मुद आसन्न ॥ परमपावनबन्धु
 तो सब नरकके नहिं योग । शक्रदरशाये तुमहिं निज परममाया
 भोग ॥ स्वर्गगङ्गा मध्यचलि अस्नानकरिये भूप । त्यागिमानुष
 भावजाते लहोदिव्यस्वरूप ॥ बचनयह सुनिनृपयुधिष्ठिरसहित
 सुमनसमीर । शक्र सह अरु धर्म सह चलिगये सुरसरि तीर ॥
 तहां करि अस्नानभूपति मानुषी तन त्यागि । गहेदिव्यस्वरूप
 अनुपम परम सुखमा पागि ॥ तहां से चलिगये नृपजहँरहे ब-
 न्धु समस्त ॥ सुवनसब धृतराष्ट्र के अरुभीम आदि प्रशस्त ॥
 दोहा ॥ जाइ तहां गोविन्द कहँ भये विलोकत भूप । चक्र आदि
 आयुध प्रभुहि शेषव गहेस्वरूप ॥ अरु सेवत अर्जुन प्रभुहि
 जिमि सेवत हे अत्र । तिनहिं देखि नृपमोद गहि अगरि गये
 अन्यत्र ॥ तहां जाइकर्णहि लखेसहद्वादशआदित्य । फेरिमरु-
 द्गणसह लसित भीमहिंलखे अचिन्त्य ॥ चौपाई ॥ फिरि आगे
 चलिलखे शुभेवहि । आश्विन सहित नकुलसहदेवहि ॥ पुनि
 आगे चलि द्रुपद कुमारिहि । देखे रमा सदृश दिव चारिहि ॥
 तहँ नृप कछु बूझन अभिलाषे । सो गुणि शक्र भूप सों
 भाषे ॥ यह दिवकी श्री परमसोहावनि । तो हितगई भूमि मन
 भावनि ॥ ये गन्धर्व पंच अति पावन । भये तुम्हारै सुवन
 सोहावन ॥ फिरि आगे चलिशक्र समीपहि । दरशाये धृत-
 राष्ट्रमहीपहि ॥ ये सब गन्धर्वन के स्वामी । तो पितु के गुरु
 बन्धु सुकामी ॥ साध्यमरुत वसुगण मधिअंशी । वृष्णिभोज

अरु अन्धकवंशी ॥ सात्यकि प्रभृति लखो नरनायक । जितने
 महारथी रणचायक ॥ सोमसमान सोमसह राजत । देखो अ-
 भिमन्युहि छविज्जाजत ॥ कुन्ती अरु माद्री सहशोभित । पांडु
 महीपहि लखो अक्षोभित ॥ बसुनसंगभीषम कहँ पेखो । संग
 जीवके द्रोणहि देखो ॥ और जितेदुहुँ दिशिके पक्षी । सुभटम-
 हीपराजसुतरक्षी ॥ गुह्यक यक्ष पुण्यजन जेते । तिनके संग
 लसत इततेते ॥ यहिप्रकार सुरपति फिरिफिरिकै । भूपहिदर-
 शाये थिरि थिरिकै ॥ शक्रसाधनृप धर्म सोहाये । तिनहि देखि
 अति आनंद पाये ॥ जनमेजयउवाच ॥ दोहा ॥ भीष्मद्रोण भूरिश्र-
 वा शकुनिजयद्रथ भूप । जयत्सेन अरु कर्ण अरु नृपधृतराष्ट्र
 अनूप ॥ नृपदुर्योधन पुत्रसह सत्यसेन रणधीर । धृष्टकेतु अरु
 कर्ण के पुत्र घटोत्कचबीर ॥ इनहिं आदि अगणित सुभटमरे
 युद्धकरिजौन । ते दिवमधि कितने दिवस बसे कहोमुनितौन ॥
 स्वर्गवासकरि कर्मके अन्तलहे गतिकौन । सोसुनिबेकी लाल-
 सा हमें कहौ तपभौन ॥ सूतउवाच ॥ चौपाई ॥ सो सुनिकै मुनि बै-
 शम्पायन । भूमिपालसोंकहे सचायन ॥ सो हम कहत सुनौसब
 कोऊ । जाहि सुनेसुधरत दिशिदोऊ ॥ नृपको प्रश्न अनूपम सु-
 निकै । बैशम्पायन बोले गुनिकै ॥ भूपप्रश्न तू किये सोहावन ।
 सुनोतासु उत्तर मनभावन ॥ देव गुह्य यह गुणिवेलायक । यहि
 बिधि कहा व्यासमुनिनायक ॥ पापकर्मको अन्त अहीना । भे
 निज निज प्रकृतिन मधिलीना ॥ मिले बसुनमें भीषमज्ञानी ।
 गुरुमें मिले द्रोणद्विजमानी ॥ मिले मरुतगणमें कृतबर्मा । रबि
 मधि मिले कर्ण अति पर्मा ॥ दम्पतिधनद मध्यचलिसम्प्रति ।
 नृप धृतराष्ट्र मिलतभे दम्पति ॥ पत्निनसहित पाण्डुमुदधारे ।
 देवराजके सदनसिधारे ॥ सनत्कुमार सुमुनि सबयामी । तिन
 में मिले प्रद्युम्नसुनामी ॥ शशिमें मिलेपार्थ सुतबीरा । जो अ-
 भिमन्यु विदितरणधीरा ॥ द्रुपदविराट शंखशलराजा । उग्रसेन

बसुदेव समाजा ॥ धृष्टकेतु अरु भूरि महीपति । उत्तरभूरिश्रवा
करि कीरति ॥ कंकविदूरथ भानुकहाये । साम्ब निशट अक्रूर
गनाये ॥ कंसआदि पूरित अतिछविसे । विश्वेदेवा मधि सब
प्रविसे ॥ धृष्टद्युम्न अरु शकुनिनरेशा । कीन्हेंपावक मध्य प्र-
वेशा ॥ शतसुबन्धु दुर्योधनआदिक । यातुधान हैं प्रबलप्रमा-
दिक ॥ कै पवित्र रणमें तन तजिकै । बसेस्वर्गमधि सुखमा स-
जिकै ॥ विदुर युधिष्ठिर मुदगहि मनमें । किये प्रवेश धर्म के तन
में ॥ शेषरूपगहिहलधरआरय । गये रसातलकरिजगकारय ॥
कृष्ण देवकी तनय गोसाई । बिलसत भये पूर्वकी नाई ॥ सोरह
सहसकृष्णकी रानी । रहीं जिती सुख सुखमाखानी ॥ मनबच
कर्ममाधवहिभजिकै । सरस्वती मधिधसि तन तजिकै ॥ कै अ-
प्सरा मिलीं घनश्यामहिं । नारायण जगकृत जग धामहिं ॥
आदि घटोत्कच राक्षसजेते । दुहुंदिशि रहे विजय यश हेते ॥
तेगन्धर्व यक्ष अरुकिन्नर । कै कै लहे लोक अति सुन्दर ॥ के-
कय मद्र आदि चहुंदिशिके । रहे जिते भट शशिरण निशिके ॥
ते सब दिव्य देह गहि गहिकै । क्रमसोंबसे लोक लहि लहिकै ॥
जे माधवको दर्शनकीन्हे । ते सबजनउत्तमपद लीन्हे ॥ जेकीन्हे
सहवास सोहावन । ते किनलहैं स्वर्ग मन भावन ॥ जेजनराम
कृष्ण रटलावत । कहतवेद विदतेदिवपावत ॥ सौमिकउवाच ॥ दोहा ॥
व्यास शिष्य द्विज श्रेष्ठते यह अनूप व्याख्यान । सुनिजनमे-
जय भूमिपति आनंदलहे महान ॥ तदनुशेष मखकर्मसों किये
समापन भूप । याजक पूर्णाहुतिदियेपढ़िपढ़िमंत्र अनूप ॥ करि
मोचित सब अहिन कहैं मुनि आस्तीक अमन्द । अतिप्रसन्न
कृतकृत्य हवै पदेषु आशिष छन्द ॥ जनमेजय क्षितिपालमणि
महामोद सों पूरि । पूजनकरि सब द्विजनकहँदये दक्षिणाभूरि ॥
जनमेजय सों हवै बिदा दै आशिष सुखदाय । निज निज आ-
श्रम जातभे मुदित विप्र समुदाय ॥

व्यासाज्ञयासमाख्यातं सर्पसत्रेनृपस्यतु । पुण्योयमितिहा
 साख्यःपवित्रंवेदमुत्तमं ॥ कृष्णेनमुनिनाविप्र गदितंसत्यवादि
 ना । सर्वज्ञेनविधिज्ञेन धर्मज्ञानवतास्तुता ॥ अतीन्द्रियेण
 शुचिना तपसाविधृतात्मना । ऐश्वर्यैवर्तताचैव सांख्ययोगविद
 स्तथा ॥ नैकतंत्रविशुद्धेन दृष्टादिव्येनचक्षुषा । कीर्तिकथयता
 लोके पाण्डवानांमहात्मनां ॥ अन्येषांक्षत्रियाणांचभूरिद्रविणते
 जसां । यद्भद्रंश्रावयेद्विद्वा न्सदापर्वणिपर्वणि ॥ धूतपापोजितः
 स्वर्गोब्रह्मभूतायगच्छति । यश्चैनंश्रावयेच्छ्राद्धेब्राह्मणान्पादमं
 त्रतः ॥ अक्षय्यमानंपवनंपितृन्तस्योपतिष्ठते । अह्नायदेनंकुरुते
 इन्द्रियैर्मनसापिवा ॥ महाभारतमाख्याय सायंसंध्याप्रमुच्यते ।
 यद्रात्रौकुरुतेपापंब्राह्मणस्त्विन्द्रियैश्चरन् ॥ महाभारतमाख्याय
 पूर्वसंध्याप्रमुच्यते । धर्मैचार्थैचकामैचमोक्षैचभरतर्षभा ॥ यदि
 हास्तितदन्यत्र यन्नेहास्तिततत्कचित् । जयानामितिहासोयं
 श्रोतव्यंभूतिमिच्छता ॥ ब्राह्मणेनचराज्ञाचगर्भिण्याचैवयोषि
 ता । स्वर्गकामोलभेत्स्वर्गं यजमानोलभेज्जयं ॥ गुर्विणीलभ
 तेपुत्रंकन्याविन्दतिसत्पतिं । अनागतंत्रिभिर्वर्षैःकृष्णद्वैपायनः
 प्रभुः ॥ सन्दर्भेभारतस्येमं कृतवान्धर्मकाम्यया । षष्ठींशतस
 हस्राणि चकारेमांचसंहितां ॥ त्रिंशच्छतसहस्राणिदेवलोकेप्र
 तिष्ठितं । पितृपंचदशंज्ञेयं नागयक्षेचतुर्दशम् ॥ एकंशतसहस्रं
 चवैशंपायनगीयते । इतिहासमिमंपुण्यंमहार्थंवेदसम्मितं ॥ श्रा
 वयेद्यस्तुवर्णास्त्रीन्कृत्वाब्राह्मणमग्रतः । सनरःपापनिर्मुक्तःकीर्त्तिं
 प्राप्येहसौमिक ॥ गच्छेत्परमिकांसिद्धिमंत्रमेतन्नसंशयः । मह
 र्षिर्भगवान्व्यासःकृत्वेमांसंहितांपुरा ॥ श्लोकैश्चतुर्भिर्धर्मात्मा
 पुत्रमध्यापयच्छुक्रं । मातापितृसहस्राणि पुत्रदारशतानिच ॥
 संसारेवनुभूतानियांतियास्यंतिचापरे । हर्षस्थानसहस्राणिभय
 स्थानिशतानिच ॥ दिवसेदिवसेमूढाः प्रविशंतिनपण्डिताः ।

स्वर्गारोहणपर्वदर्पणः ।

६

ऊर्ध्वबाहुर्विरोम्येषनचकश्चिच्छृणोतिमे ॥ धर्मादर्थश्चकाम
श्चसकिमर्थंनसेव्यते ॥ नजातुकामान्नभयान्नलोभाद्धर्मैत्यजे
ज्जीवितस्यापिहेतोः । धर्मोऽनित्यः सुखदुःखेत्वनित्ये जीवोऽनित्यो
हेतुरस्यत्वनित्यः ॥ इमांभारतसावित्रीं प्रातरुत्थायनः पठेत् ।
सभारतफलंप्राप्य परंब्रह्माधिगच्छति ॥ यथा समुद्रोभगवान्य
थाचहिमवान्गिरिः । स्यातावुभौरत्ननिधीतथाभारतमुच्यते ॥
कृत्स्नंवेदफलंविद्वान्श्रावयित्वार्थमश्नुते । सवक्तादेवलोकेहि
गत्वादेवैःसहाचरेत् ॥ महाभारतमाख्यानंयः पठेत्सुसमाहितः ।
सगच्छेत्परमांसिद्धिभितिमेनास्ति संशयः ॥ पुस्तकैपूजनंकुर्यात्
श्रद्धाभक्तिसमन्वितः । काष्ठमासनवेष्टुञ्चमुक्तादामभिरन्वित
म् ॥ धूपैर्दीपैश्चगन्धैश्चनैवेद्यैर्विविधान्वितैः । गीतैर्वाद्यैश्चनृ
त्यैश्चउत्सवेन मनोहरम् ॥ भूयसींदक्षिणान्दद्यात्साष्टांगंप्रणमे
त्ततः । वाचकंपूजयेत्तत्रग्रंथिबन्धनसंयुतः ॥ पादप्रक्षालनञ्चैव
पादपूजनमेवचातदूर्ध्वंतिलकंकुर्यात्पुष्पमालासमर्पणम् ॥ उष्णी
षोजाविकंतत्रकटिवेष्टोत्तरीयकम् । भूषयेत्तस्यकर्णौच कुण्डला
भ्यांतथोरसम् ॥ विष्णुपूजनजंपुण्यंलभतेनात्रसंशयः । व्यास
स्त्रीपूजनंकार्यं त्रिवस्त्रेणसमन्वितम् ॥ सर्वाभरणभूषाढ्यांलक्ष्मी
स्तेनप्रपूजिता । वाचकंतोषयेद्भक्त्यावित्तशाठ्यविवर्जितः ॥

स्वस्तिश्रीकाशीराजमहाराजाधिराजश्रीउद्दितनारायणस्याज्ञाभिगामिना
श्रीबन्दीजनकाशीवासिगोकुलनाथात्मजेनगोपीनाथेनकविनाविरचिते
भाषायांमहाभारतान्तर्गत शतसहस्रसंहितायांविद्यासिक्त्यांस्वर्गा
रोहणंनामप्रथमोऽध्यायः १ ॥

स्वर्गारोहणपर्वसमाप्तम् ॥



अथहरिवंशदर्पणः ॥



दोहा ॥

गुरुपद पद्ममरन्दद्वि मो मन अलि तजिदन्द । ध्यानपान
करि हरि चरित करत गान शुभछन्द ॥ नारायण नर रूपहरि
न्यामक अन्तर्यामि । सीताराम कृपालु प्रभु सन्ततसदानमा-
मि ॥ पारथके स्वारथ भये सारथि परमअनूप । तेसारथ रचि
देहिं मोहिं भारतभाषा रूप ॥ नारायण न्यामक नियम नरनरो-
त्तमहिं नौमि । बंदिगिराव्यासहि रचत भारत भाषा सौमि ॥
मन अलभ्य तेहि लहनको होंजुकरयो यह काम । महिमासीता
राम की दृढ़ बसाय हिय धाम ॥ सीतारामहिं सुमिरिजनकबहू
लहैनहानि । परशानको चन्दहि जऊ परशिपसारैंपानि ॥ ^{घोरठा} ॥
तड़ित श्यामघनरूप कमल बान धनुधर विशद । स्मित मुख
शुभद अनूप सीताराम सुस्वामिप्रभु ॥ बन्दों कपिवरवीरराम
परम प्रिय पारषद । मंगल मूरति धीर भारथ स्वस्थध्वजस्थ
वर ॥ ^{चौपाई} ॥ विधिते छठईं शाखि सोहाये । पाराशरसुत गुरु
गुणगाये ॥ श्रुति स्मृति वेद पुराण निधाना ॥ बन्दों व्यासविदित
भगवाना ॥ शौनकादि तप तेज निधाना । नैमिषारमें करि अ-
नुमाना ॥ सूतपुराणिक सों इमि बोले । प्रेम प्रशंसा बहुविधि

खोले ॥ तातकहेहुबहुभांति बुझाई । सबकेवंश विभूति बड़ाई ॥
 कौरववंश कहेहुमुनि ज्ञानी । जन्म कर्मकी कथाबखानी ॥ अं-
 धक वृष्णि वंश व्यवहारा । क्रमसों कहेहुन ज्ञान अपारा ॥ सो
 सुनि सूतपुराणिक हरषे । प्रश्नोत्तर कहि आनंद बरषे ॥ तात
 सुनहु यह प्रश्न सुवानी । जनमेजय नृप आनंद खानी ॥ वैश-
 म्पायन सों इमि बूझे । प्रेमलताकी जाल अरु भे ॥ वैशम्पा-
 निजु उत्तर दीन्हा । सो हमतहांसकल सुनि लीन्हा ॥ वैशम्पा-
 निकहा सुनुभूपा । प्रथमसृष्टि उत्पत्ति अनूपा ॥ जो ईश्वरमाया
 बिस्तारी । रचत जगतबहुभांति सुधारी ॥ ब्रह्मा सोइ ईश्वर
 वर मांगी । निर्गुण नारायण अनुरागी ॥ महतपुरुष तेहि ते अ-
 हंकारा ॥ तेहि ते भूतभूत बिस्तारा ॥ दोहा ॥ अब जगउत्पत्ति
 कहउं नृपसह बिस्तार सहेत । वृष्णिवंश क्रमसों बहुरि कहि-
 हों ज्ञान निकेत ॥ चौपाई ॥ जग रचनाकरि ईक्षित ईशा । प्रथम
 हिं आप रचेउ जगदीशा ॥ तेहि मधि तजेउबीर्यजग स्वामी ।
 करि विचारि कछु अन्तर्यामी ॥ भयउ बीर्यतेहि अण्डअनूपा ।
 अमल अपूरव सुवरण रूपा ॥ तेहि मधि विधि ने एकवरीसा ।
 बसितेहि द्विधा कीन्ह जगदीसा ॥ अर्द्ध भूमि दिव कीन्हेउ
 आधा । तेहि मधि शून्य अकाश अबाधा ॥ दशधादिशितेहि
 विशद बनाई । ब्रह्मानिरखेउ निज निपुणाई ॥ कालकाम अरु
 क्रोधबनाये अरु मन बाचहि रचेउ सुहाये ॥ पुनिजग वृद्धियु-
 क्तिहितबेधा ॥ सप्तप्रजापति रचेउ सुमेधा ॥ अत्रि मरीचि-
 पुलस्ति सोहाये । पुलह अंगिरस अरु ऋतुजाये ॥ अरु व-
 शिष्ठवर तप विधि चीन्हे । मानस पुत्र सातविधि कीन्हे ॥
 विधिसम तिनहिं पुराणबखानै । नारायण आत्मकजगजानै ॥
 रोषात्मक पुनि रुद्रहि जाये । सनत्कुमार रचे मनभाये ॥ सप्त
 प्रजापति उत्पत्ति कीन्हे । बहुत प्रजाअति आनंदलीन्हे ॥ रुद्र
 प्रकट स्कन्दहि कीन्हा । गणसमूह रचिआनंद लीन्हा ॥ रुद्र

पुत्र अरु सनत्कुमारा । प्रजाप्रसूतन मन हिय धारा ॥ प्रकट
कीन्ह तब विधिगुण गाये । विद्युतअशनि मेघमनभाये ॥ दोहा ॥
मेघाधिप रोहित धनुष पक्षी विविध अखेद । रचिविधि रचेउ
सप्रेम फिरि यज्ञसुधारन वेद ॥ चौपाई ॥ मुखसों प्रकट कीन्ह
विधि देवन । उरसों पितरपुनीत सुसेवन ॥ मदनांकुशसों उत्प-
तिमानव । कीन्हेउ जघनदेश सों दानव ॥ अप्सरादि सबसृष्टि
अनूपा । अंग अंग प्रति प्रकटेउभूपा ॥ तबविधिविधाकीन्हनि
जगाता । नारीपुरुषभये सुनुताता ॥ दृढतप करनलगी वहनारी ।
पुरुष विराट रूप तेइ धारी ॥ कै विराट निज अंश निधाना ।
शुचिस्वयम्भुमनु रचेउ सुजाना ॥ इकहत्तरियुग भोगविधाना ।
तासु मन्वन्तर कहत पुराना ॥ अयुत वर्ष तप करि वह नारी ।
नाम सुभगसतिरूपाधारी ॥ लहि स्वयम्भुमनुपति परबीना ।
बीरनामसुत उत्पति कीना ॥ कन्याकर्दमकी शुभचारी । पांनि
गृहीत बीरकी नारी ॥ द्वैसुतभये तासु बलवाना । उत्तानपाद
प्रियव्रत जगजाना ॥ मुनिवशिष्ठकी सुतासोहाई । कन्यासुपति
प्रियव्रत पाई ॥ प्रकटेसि चारिपुत्र शुभचारी । ते संग्राह कुक्षि
बलभारी ॥ पुनिविराट अरु प्रभुबलवाना । प्रियव्रतके बरपुत्र
पुराना ॥ उत्तानपाद कहँ अत्रिसुजाना । ग्रहणकीन पुत्रत्व वि-
धाना ॥ अश्वमेधमख परमपुनीता । धर्मनृपति किय सहित
सुनीता ॥ दोहा ॥ भई चारु कन्याप्रकट तामखते सुनुभूप । सु-
नीतानाम लहीसुपति उत्तानपाद अनुरूप ॥ चौपाई ॥ तासुभये
सुत चारि अनूपा । ध्रुवअरु कीर्ति मतेचर भूपा ॥ आयुषमंत
बहुरिबसु जानो । तिनमें ध्रुवभागवत बखानो ॥ तीनि सहस्र
वर्ष ध्रुवज्ञानी । कीन्हतपस्या अतिहित जानी ॥ लहि ईश्वर
सों सबरनिदेशा । पृथिवी पालन कियो नरेशा ॥ शंभूनाम प्रि-
या लहि नीकी । सुखदायनि अवलंबनिजीकी ॥ सृष्टि भव्य
द्वैसुतउपजाई । बसेजाय पदअनुपम पाई ॥ को ध्रुवकी कहि

सकै बड़ाई । शेषशारदा सकै न गाई ॥ ऋषिग्रह जेहि परद-
क्षिणकरहीं । आपुहि धन्यजानि मुदभरहीं ॥ शिष्टनृपतिकीति-
यासुझाया । तासुभये सुतपांच सदाया ॥ रित्यसुरिपु जयविप्र
सोहाये । वृकल नृपतिवृकते यशगाये ॥ रिपुकी वृहतीतिया स
यानी । तासु सुवन चक्षुष गुरुज्ञानी ॥ पुष्परनी चक्षुषकीघर-
नी । तासुत मनु नृप पालक धरनी ॥ प्रियानबूला मनुकीप्या-
री । दशसुत तासुभये शुभचारी ॥ उरूपुरू सतद्युम्नतपस्वी ।
सत्यवाक कविपरम यशस्वी ॥ अग्निष्टुव हरिरात्रि सोहाये ।
कहि सुद्युम्न अभिमन्यु सुभाये ॥ अग्रेई तिय ऊरुकेरी । तासुत
षट्श्रोताजयभेरी ॥ दोहा ॥ अंगसुमन अरुस्वातिक्रतु अंगिरगय
भूपाल । नामसुनीताकालकी सुताअंगकीवाल ॥ चौपाई ॥ तासुत
नाना अगुण निधाना । नानाको गुणगहे अमाना ॥ भयोवेणु
अपमारग गामी । कुमती क्रोध कलित कलिकामी ॥ कियो वेद
पथ लोपन तेही । निज पथ रोपोसि कुपथ सनेही ॥ हठ करि
हठ यह दिहेसि निदेशू । यज्ञजापकर रहै न लेशू ॥ मोहिंजपहु
मोहिं जानहु देवा । मोसों प्रबल कौनको भेवा ॥ धर्म लोपल-
खिऋषिगण आये । अत्रिप्रभृत यहकहि समुभाये ॥ हमसब
कोवेयज्ञ उमाहे । तुवसहाय सबविधि सो चाहे ॥ तूअधर्म तजु
हे नृप साई । करु सुधर्म निजपितुकी नाई ॥ सोसुनि व्यंगहास
करिबोलेसि । निजममत्व की पदबांखोलेसि ॥ मुनिजाना यहि
होहि न चेता । तब तेहिको गहिज्ञाननिकेता ॥ दक्षिणजानुम-
थो रिसिराते । कृष्ण पुरुष प्रकट्यो इक ताते ॥ सो वहवेणुपाप
को रूपा । भयो जोरि कर ठाढ़ोभूपा ॥ कह्यो निषीद अत्रि तप
रासू । बैठ अर्थ यह भूपतितासू ॥ ताते जाति निषाद अपाना ।
कोलभिल्ल गणभये सथाना ॥ फिरि भुज दक्षिण मंथनकीन्हे ।
प्रकटे पृथुकर शर धनु लीन्हे ॥ कदत अग्नि जिमिमथे सुअर-
णी । तिमिदरशेवर बर्चशवरणी ॥ देखिलोकतेहि भयोसुखारी ।

मुद मंगल पसरयो दिशिचारी ॥ देहा ॥ तदनुवेणु स्वर्गहिगये
उच्चपरमपद पाय । प्रकटे को सत पुत्रके परकट परमअभाय ॥
चौपाई ॥ सागरसरिस सरसमुखझाये । रत्नअमौलिक लैलैआ-
ये ॥ ऋषि दिगपाल सुमनसुरनायक । अजकीन्हेउ पृथुकहँ
अभिषायक ॥ विधिकृत मखते उत्पति जाको । ऋषिकीन्हेउ
आवाहनताको ॥ मागध सूतनाम शुभचारी । अस्तुति करता
परम विचारी ॥ बंदीजन अति अमल अचारी । मखते जेहि
जायो मुखचारी । तिनसों ऋषि बोले सबकोऊ । करहुभूपकी
अस्तुति दोऊ ॥ किमिअस्तुति करियेमुनिराई । बिनजाने गुण
सुयशवडाई ॥ कहामुनिन तुमहौ बरज्ञानी । बरणि भविष्य कहौ
अनुमानी ॥ बंदीजन निजमुखसोंकहिहै । सोप्रत्यक्षजगजनसब
लहिहै ॥ सुनि आशिष तिनअस्तुतिकीन्हा । भूपमुदितमनतिन
कहँ दीन्हा ॥ देश अनूपम सुत कहँ दीन्हा । मगधा धीश मगध
कहँ कीन्हा ॥ प्रजनपुकार आइतव कीन्ही । भूमि पदारथसबहरि
लीन्ही ॥ सो सुनिपृथुकरिक्रोध अमाना । तेजराशिधारेउधनुवा-
ना ॥ लखिसो भूमि धेनुकैमांगी । चले तासुपीछेपृथु लागी ॥ सब
लोकपसों आरत भाखी । पृथुभय कोऊ सकेउ न राखी ॥ आई
तवपृथुशरणविचारी । त्राहित्राहियहवचन उचारी ॥ देहा ॥ भूप-
तिपरमसयानतुम तियबधकरवअयोग । जेतोतिर्यंग योनिजा
कहत वेद विद लोग ॥ चौपाई ॥ लागिप्रजाहित ममबधचाहा ।
मोहिं बिना किमिप्रजानिवाहा ॥ होइहि भूप विचारहु जियसों ।
मैं जोकहउँ धरहुसोहिय सों ॥ कारज सिद्धिउपायउपासे । कार-
ज सधन न कारण नासे ॥ करि भूसम अरु क्रोध दुराई । करहु
मोहिं दोहन नृपराई ॥ सो सुनि भूप भूमि सम कीन्हा । सकल
पदारथ गोदुहि लीन्हा ॥ दानवदेव पितृ ऋषिआदिक । दोहेउ
निजनिज कारज साधिक ॥ राजंसूय मखनृप पुनिकीन्हा । बहु
दक्षिणाद्विजन कहँ दीन्हा ॥ क्षत्री आदि भये पृथुभूपा । रोपे

६

हरिवंशदर्पणः ।

राजसूय मखयूपा ॥ दोहा ॥ पृथु पुहुमिहि पुत्रत्व करि सिरज्यो
 सबसंसार । तबते भूपृथ्वीभई लही योनि अवतार ॥ चौपाई ॥
 पृथुके दोयपुत्र नृपराई । अंतर्द्धानपालिसुखदाई ॥ अंतर्द्धान
 शिखण्डिनि दम्पति । हबिर्द्धान सुत जायेउसंप्रति ॥ बटसुत
 हबिर्द्धान के जाये । आग्रेई सो भयेसोहाये ॥ प्राचीनबरहि शु-
 कगय नयगामी । कृष्ण कुँवर बरअजिन सुनामी ॥ प्राचीनब-
 रहि जपतेज निधाना । कोटिन कियेयज्ञ सविधाना ॥ उदधि
 स्वसुतासुवर्णा नामा । दिय प्राचीन बीर कहँ आमा ॥ तासु
 भये दशसुत तपचारी । नाम प्रचेता दशौ बिचारी ॥ जलनिधि
 बैठि करन तपलागे । तेदश एकधर्म अनुरागे ॥ तिनहिं तपत
 तप अयुत वरीशा । भयोव्यतीत सुनहुअवनीशा ॥ तबते भई
 वृक्षमय धरणी । रहीनकहुं खालीवर वरणी ॥ दुखित प्रजाभे
 भये अकाजा । तिनसों तहीं सुना सुनराजा ॥ सो सुनितेकरि
 कोपकराला । मुखतेवायुअग्निकी ज्वाला ॥ प्रकटितदशौप्रचे-
 तसुकीन्हा । तातेवृक्ष नाशकरिदीन्हा ॥ शेषरहे तरु जब तब
 भूपै । आये चन्द्र प्रचेतसयूपै ॥ औषधीश बोले यह बानी ।
 क्रोधहि क्षमहु प्रचेतसज्ञानी ॥ देहितुम्हें तरुतनयालेहु । मारु-
 तअग्नि शमित करिदेहु ॥ दोहा ॥ वृक्षनको शुचिअंशशुचि हो
 निजगर्भ बसाय । राख्योजानि भविष्ययहिवंशवृद्धिके चाय ॥
 चौपाई ॥ कन्यारत्न मारिषानामा । तुमसब याहि करहु निजबा-
 मा ॥ ममतुवतेज संभवित यासों । कैहैपुत्र भूपफिरि तासों ॥
 कैहै सोमवंश बिस्तारा । पूरिहि सुयश पयोधि पसारा ॥ दशौ
 प्रचेतस सुनि हियधारी । अंगीकार कीन्ह वहनारी ॥ लहिप-
 ति तिनहिं भूमितलचारी । मानसगर्भ मारिषाधारी ॥ तासों
 दक्ष प्रजापतिजाये । तीनिलोक गुण गरिमागाये ॥ चर अरु
 अचर द्विपद चौपाये । दक्षप्रजापति बहुबिधिजाये ॥ सुता प-
 चास मानसिक कीन्हा । दशतिनमहँते धर्महि दीन्हा ॥ तेरह

दयो कश्यपहितामें । सुतासताइस सोमसकामें ॥ बहुविधिभई
सृष्टितिन तिनसों । भयोसँयोग भूपजिनजिनसों ॥ तबसोंसृष्टि
मैथुनी भूपा । उतैमानसिकरही अनूपा ॥ शौनक सुनहु परम
विज्ञानी । बैशम्पायनकी यहवानी ॥ सुनि जनमेजय प्रश्न उ-
चारा । प्रथम कहेउ तुम ज्ञानअपारा ॥ उत्पति देव दानवन
केरी । दक्षप्रजापतिकीमुदघेरी ॥ विधिकोचरण अगूढाचारू ।
तासोंप्रकटे दक्षउदारू ॥ बायें अँगुठाते गुणखानी । भई तासु
पत्नी सुखदानी ॥ तब तिमिवरणेहु बुद्धिनिधाना । अबइमि
कहहु द्वितीय विधाना ॥ दोहा ॥ चंदसुता सुत दक्षकहि कहेदु-
सर फिरितासु । सोसबसुनि संशय भयउ मेटहु ज्ञानप्रकासु ॥
उत्तर बैशंपानितव दीन्हेउ ज्ञानअपार । देहधरै तेहिनिनृप
उत्पति अरुसंहार ॥ विद्यावंत मुनीशगण तिनकहँमोहनहोत ।
ईश्वरकी महिमा महत निरखत ज्ञान उदोत ॥ खेराठा ॥ रह्यो
न कछु तेहिकाल भेदनात अरु गोतको । तपगरिमा भूपाल
तपप्रभाव कारणरहो ॥

इतिश्रीहरिवंशदर्पणेदक्षोत्पत्तिवर्णनोनामप्रथमोऽध्यायः ॥

जनमेजयउवाच ॥ चौपाई ॥ उत्पति देवतादि सबहीकी । बैशंपा-
नि कहहु प्रियजीकी ॥ बैशम्पायनउवाच ॥ प्रथमदक्ष मानस विधि
धारा । बहुविधि कीन्हेउ भूतपसारा ॥ देवतादि कृमिलोंरचि
दीन्हें । तबफिरि सृष्टि मैथुनीकीन्हे ॥ वीरन नृपकी सुतासया-
नी । दक्षप्रजापतिकी प्रियरानी ॥ पांचसातसुत तासों जाये ।
नामएक हर्यश्व सोहाये ॥ तिनमनमें जगरचनाचीते । तिमि
नारदमुनि कलह पिरीते ॥ कौतुक बचन सुनाइ सुदेही । ति-
नको नाशकीन्ह सबजेही ॥ सुनिजनमेजय बूझोऐसे । दक्ष
सुतनि नाशामुनिकैसे ॥ बैशम्पायनउवाच ॥ दक्षपुत्रजगरचनाईछे ।
तिनहिंआइ नारदमुनिशीछे ॥ तुमबालक सब भूप कुमारा ।
चाहनकीन प्रजाविस्तारा ॥ भुवप्रमाणपहिलेलखिलेहू । रचहु

प्रजातव सहित सनेहू ॥ सोसुनिते दशदिशा सिधारे । लीबे
 भूमि प्रमाण सुखारे ॥ दोहा ॥ अबलोंते बहुरे न फिरि भूपभूरि
 परताप । भयेजलधिगत थिरतनहिं यथाआपगाआप ॥ चौपाई ॥
 तिनहिं गयेफिरि दक्षविचारी । सहसपुत्र कीन्हेउ पनधारी ॥
 सोइबाणीपुनि तिनहिं सुनावा । वाहीविधि उतउनहिं पठावा ॥
 सोमुनि दक्षप्रजापति कोपे । नारदनाशनको पनरोपे ॥ ब्रह्म
 ऋषिनलै बेधाआये । बहुतभांति कहि शापवराये ॥ दक्षकहा
 तव वरऋषि गोई । नारदमोतनया युतहोई ॥ दक्षसुता कश्यप
 कहँ दीन्हा । बसितागर्भ जन्ममुनि लीन्हा ॥ ऋषिभयदक्षहि-
 ये अनुमानी । जाये दुहिता साठि सयानी ॥ दश तिय दक्ष
 धर्मकहँ दीन्हा । तेरहले कश्यप तियकीन्हा ॥ तियशुचि सोम
 सताइसधारी । रिष्टनेमि लीन्हेंउ तियचारी ॥ द्वैबहुपुत्र प्रिया
 परवीना । भई दोय अंगिरसअधीना ॥ अरु कृशाश्व उलीन
 अनूपा । सबके नाम सुनहुअबभूपा ॥ अरुन्धती वसुजामीलं-
 बा । भानु मरुत्वति धर्मअलंबा ॥ संकल्पा सुमुहूर्ती कहिये ।
 साध्या बिइवा सुनिमुद गहिये ॥ ये दशधर्मतिया अनुमानो ।
 तिनके सुतके नामबखानो ॥ पृथिवी विषय अरुन्धति जाये ।
 वसुसुत ये वसुबसुमनभाये ॥ तनय नागबीथी जामीके । दोय
 पुत्र रंबानामीके ॥ भानूके सुत भानुप्रकाशे । मरुत्वतीके मरुत
 बिलाशे ॥ संकल्पा संकल्पाहि जाई । पुत्रमुहूर्त्त मुहूर्त्ता पाई ॥
 दोहा ॥ साध्यासुत साध्यासुभग सुनु जनमेजयभूप । विश्वाके
 सुत प्रकटजग बिश्वेदेव अनूप ॥ आठ वसुनके कहतअबना-
 मवंशसुनु भूप । प्रथम आपध्रुव सोमधर अनिल अनलशुभ
 रूप ॥ चौपाई ॥ अरु प्रत्यूष प्रभाष बखानै । पुत्रआपके चारि
 सुजानै ॥ प्रथम बितंब्य बहुरिश्रमजानी । अन्तकहत पुनिमु-
 निबिज्ञानी ॥ ध्रुवकेपुत्र कालसुनु भूपा । बर्चससोमतनयअनु-
 रूपा ॥ धरसुतद्रविनशिराहतजाने । प्राणरमन येषांचबखाने ॥

अनिलकुमार मनोजवभूषा । अविज्ञात गति दुतिय अनूपा ॥
 भये अनलके सुवनकुमारा । षट्कृतिकास्तन निजमुखधारा ॥
 नैगमेय अरु शाखविशाखा । तासुअनुज सुनुनृपसतिभाखा ॥
 भे प्रत्युषकेसुत ऋषिएकू । देवलदुतिय भये सविवेकू ॥ देवल
 के तनया यकजाई । विदित वृहस्पति ताकेभाई ॥ सो प्रभास
 की पत्नी प्यारी । तासुत विश्वकर्मा गुणभारी ॥ जेतेरहकश्य-
 पकी नारी । नामतासु सुनु भूतलचारी ॥ अदिति दिती तनु
 तास्राजानो । विनतासुरसा कद्रूमानो ॥ धरासुरभि अरु इला
 बनाई । बहुरिश्वसा मुनि अश्वाभाई ॥ सुरभी कश्यप दम्पति
 भाये । तिनसों रुद्र एकादशजाये ॥ अजैकपाद हरत्रंबकरैवत ।
 अहिर्बुध्न्य बहुपशुहैं दैवत ॥ दोहा ॥ अपराजित अरु वृषाकपि
 शंभुकपर्दीजानि । नामपिनाकीकहतसबलियेपिनाक सुखानि ॥
 चोपाई ॥ चाक्षुष मन्वन्तरसुचितामें । द्वादशसुरवरगुरुतपधामें ॥
 तुहिता एकनाम सबकेरा । तिनसब सम्मत निजमति हेरा ॥
 इनको अन्तर बीतनलागै । बैवस्वतको लागनलागै ॥ उभय
 सन्धिमो यह तनत्यागी । अदितिगर्भद्वैप्रकटैभागी ॥ तनुतजि
 अदितिगर्भ वे जाये । तब द्वादश आदित्यकहाये ॥ शक्रविष्णु
 अरुत्वष्टा धाता । सवितापूषाभग सुनुताता ॥ मित्रअर्य्यमाअं-
 शुबिराजै । वरुण विवश्वनासुखसाजै ॥ जेनक्षत्रसताइसगाई ।
 सोमप्रियातेबहुसुतजाई ॥ अरिष्टनेमि पत्नीकेजाये । सोरहसुत
 बरतप करगाये ॥ बहुपुत्र तियके चारिकुमारी । विधुत सुनाम
 भई गुणभारी ॥ भेअंगिरस तनय शुचिभेवा । शुचिवरमंत्रअ-
 धिष्ठित देवा ॥ भेकृशाश्व शुभस्थल गामी । देवअस्त्र अधि-
 कारीस्वामी ॥ देवसमूह कहे जे नामी । इन्हैं आदि बहुअन्त-
 र्यामी ॥ विधिके दिन प्रमाण तनधारी । फिरि तनतजि शुचि
 सुहृद सुखारी ॥ विधिमें लीन रहे सबऐसे । रहतबीजमें मिलि
 तरु जैसे ॥ प्रकट होहिं यहि विधि ते तैसे । अस्तहोत प्रकटत

रविजैसे ॥ दोहा ॥ दितिके दोयतनयभये हिरण्यकशिपु बलवा-
न । अरु हिरण्य चखवर गरवअवगुणओघअमान ॥ चौपाई ॥
हिरण्यकशिपुके भेसुतचारी । अह्लादनामसंह्लादअनारी ॥ अरु
प्रह्लाद फिरिभयो सुखारी । अनुह्लादसुतत्वविचारी ॥ अह्लाद
पुत्रअह्लादनिरदंदा । संह्लाद तनयद्वैसुन्दनिसुन्दा ॥ अनुह्लाद
सुतआपूका । नृपप्रह्लाद जुसहितबिवेका ॥ बिष्णुभक्तभावत
सुअपारा । भयो विरोचन तासुकुमारा ॥ तनय विरोचनकोबलि
धीरा । बानवार बलिको बरबीरा ॥ हेबलिकेसुत बलीअनेका ।
तिनमें बड़े बान सबिवेका ॥ इन्द्रदमनसुत बानबलीके । लौ-
हिति तियसों प्रकटेनीके ॥ पांच हिरण्यनयनके बेटे । रहेबली
बरबिरदलपेटे ॥ रही हिरण्यनयनकीचाही । सुतासिंहिकाछाया
ग्राही ॥ इतिदितिबंध ॥ अथदनुबंध ॥ शतसुतभयेदनूकेभूपा ।
तिनमें कहेप्रधानअनूपा ॥ बिप्रचित्ति स्वर्भानु पुलोमा । वैश्वान-
रहयग्रीव सजोमा ॥ अरुवृषपर्वा सुनु नृपज्ञानी । कहैंकहांलों
सबअभिमानी ॥ स्वर्भानूकीप्रभाकुमारी । अरु पुलोमकी शची
दुलारी ॥ वैश्वानरकी दुहितानोई । कालीऔर पुलोमासोई ॥
हयग्रीवकी तनयाजानी । उपदानवी सुनहु नृपज्ञानी ॥ दोहा ॥
वृषपर्वाकीहीसुता शर्मिष्ठाहनाम । तिनकेबंध कहैं सुनोभूपति
आनंद धाम ॥ चौपाई ॥ प्रभापुत्रके नहुष उदारा । नृप जयन्तहै
शचीकुमारा ॥ पौलोमा कश्यपसों जाये । साठिहजार पुत्रं मन
भाये ॥ चौदहशत काली सों कीन्हा । तिनसबबिधि सौंयहबर
लीन्हा ॥ देवनसों नहिं मरों बिधाता । तिन्हें फाल्गुण जाइ नि-
पाता ॥ उपदानवी तासुके जाये । भेदुःकृन्त महतबलगाये ॥
शर्मिष्ठाको पुर भो पूता । तासों बाढ्यो बंध बहूता ॥ सिंहिका
हिरण्याक्षकाजाई । बिप्रचित्रपति अनुपमपाई ॥ तासुत जेठो
राहुबखानो । बातापीशुचिइल्वलंजानो ॥ इनहिंआदि सुतशत
सह वाके । पुत्र पउत्र अनगिनेताके ॥ इतिदनुबंध ॥ अथता-

घ्रावंश ॥ षटतनया ताम्राकीजानी । काकी शेनी भाषी मानी ॥
 सुग्रीवा शुचिगृध्रा कहिये । तिन जायेजेहि तेहि श्रुति लहिये ॥
 काकी काक उलूकनिजाई । शेनी बाज प्रभृति नृपराई ॥ भाषी
 भाषादिक रचिदीन्हा । गृध्रागीधन प्रकटितकीन्हा ॥ शुचीजई
 जल जंतु ससीवा । सुग्रीवाहयखर लवगीवा ॥ इतिताम्रावंश ॥
 अथबिनतावंश ॥ अरुणगरुड बिनताके बालक । सुरसाकेअहि
 उरगति तालक ॥ कद्रू के जेनागकहावैं । एक अनेक फणनिसों
 भावैं ॥ तक्षक बासुकि शेष प्रधाना । बिनता कद्रूवंश बखाना ॥
 दोऊवंश बहुत बढ़ि जाते । चौदहसहससुपर्ण निपाते ॥ जल-
 जा थलजा पक्षी जेते । कीन्हीप्रकट धरासब तेते ॥ गायमहिष
 ये सुरभीके हैं । तरु तृणलता इलाकेये हैं ॥ देहा ॥ भये इवसा
 के तनय ये यक्ष रक्षगण सर्व । भूतिके अप्सरवृन्द हैं अरिष्टाके
 गन्धर्व ॥ कश्यप सों भूपाल मणिभई सृष्टियहि भांति । स्वारी-
 चिष मनु के रह्यो अन्तरहे वरकांति ॥ चौपाई ॥ अब आगे सुनु
 कथा सोहाई । बैवस्वतमन्वन्तर पाई ॥ देव दैत्य सों भयो बि-
 रोधा । देव दैत्य बधि कीन्हेउबोधा ॥ तब दितितपिकश्यपकहैं
 तोषी । मांग्योवर यह अन्तर रोषी ॥ देव देहु मोहिं सुत बल
 बीरा । बधैं सुरपतिहिं जो रणधीरा ॥ होयपुत्रयह कश्यपभाखी ।
 जो शत वर्ष गर्भ सकुराखी ॥ सहित अचार विचार सदाई ।
 तेइ सब कहा सधिहि सब साई ॥ तब निज तेज तासुहियथा-
 पी । करन गये तप कश्यप जापी ॥ रहि तब ताढिग करिकछु
 भेशा । शङ्कि अशुचता लहत सुरेशा ॥ लहि दिन प्रभुइच्छा
 अनुसारे । दितिसोईबिनु पायँपखारे ॥ ताक्षणतनु तन धरिन्प
 आसू । वज्रपाणिशत शत करि तासू ॥ रुदन करनते लगेदुखा
 रे । मारुद मारुद इन्द्र पुकारे ॥ तिन्हैं सहितबाहर कढिआये ।
 तब ते मारुत नाम धराये ॥ ते उञ्चास बायु भूस्वामी । तब ते
 भये इन्द्र अनुगामी ॥ अनाचार सुनु भूतल शासन । जनको

होत सर्व विधि नाशन ॥ ताते अनाचार नहिं कीजै । श्रुति पु-
 राण को शिष सिखि लीजै ॥ दोहा ॥ तिन्हें इन्द्र कीन्हों तदनु
 सात सात करि एक । सात सात मण्डल अधिपसुनिये सहित
 विवेक ॥ चौपाई ॥ सुनहु भूपअवविधिकी बातें । सहितप्रेममुद
 मोहिंअरातें ॥ लोकलोकसहथोक सुमेधा । कियेइतकअविकारी
 बेधा ॥ द्विजबल्ली गृहमख नप ताके । कियो अधिपशशिअयन
 सुधाके ॥ जलके बरुण कुबेर नृपनके । बसुके पावक इन्द्रसुम-
 न के ॥ विष्णु अधिप द्वादश आदितके । पतिप्रह्लादहिदनुज
 दइतके ॥ सागरनदीमेघ वर्षा के । कियोअधिप पर्जन्यसदाके ॥
 दंशिनके धिप शेषहि कीन्हे । नाग अधिप वासुकि करि दीन्हे ।
 शेषन के धिप तक्षक भीले । अप्सरके पति काम छबीले ॥ ति-
 थि अरु बार मास पखवारा । तामें कला आदि व्यवहारा ॥
 सिन्धु सरितके स्वामि सयाने । पर्वत पति हिमवन्तहि जाने ॥
 साध्यनके नारायण स्वामी । रुद्रनके वृषभध्वज नामी ॥ विप्र-
 चित्ति दानवके राजा । गजपति विधि ऐरावतसाजा ॥ अइव
 अधिप उच्चैःश्रवगाये । पक्षिनके पति गरुड़ सोहाये ॥ दोहा ॥
 चित्ररथहि गन्धर्वपति कीन्हों विधिसहरीति । मृगपति कीन्हों
 सिंह कहँ सुनिये भूप सुनीति ॥ चौपाई ॥ गोपतिकियो वृषभकहँ
 भूपा । वनस्पतीपति छक्षअनूपा ॥ तदनु भूपमणिखल कुल
 घालक । अभिषेकेउ नृप अज दिशि पालक ॥ कियो सुधन्वहि
 प्राची दिशिपति । सुतवैराजके बस्मर बल अति ॥ कर्दमसुत
 दक्षिण दिशिपाला । नाम शंखपद कियउ गुआला ॥ पश्चिम
 दिशि परजससुतभूपा । केतु मंत तेहि कियो अनूपा ॥ सुतपर-
 जन्यको उत्तर दिशेशा । नाम हिरण्यरोम शुभ भेशा ॥ ते सब
 यथा प्रदेश महीपा । अधप्रभृत पालत सब दीपा ॥ मुनिमुख
 कंजतासुरसवानी । पीछकि बोले नृप अतिज्ञानी ॥ अबमुनिबर
 तपतेज निधाना । कहहु मन्वन्तरकेर विधाना ॥ मनु के नाम

कहेहुं नृप तोसों । कौरव बंश शूर सुनु मोसों ॥ मनु स्वयम्भु
स्वारोचिष जानो । औतिमतामसरैवतमानो ॥ चाक्षुष वैवस्व-
त सावर्ण । चारि मेरु सावर्णि सुवर्ण ॥ भौत्य रौच्य येरुचि सुत
जानो । यहि प्रकार चौदह मनुमानो ॥ तिनके ऋषि सुत देवन
कहिये । सो सुनि पुरुषसिंह मुद गहिये ॥ अत्रि मरीचिपुलस्त्य
मुनीशा । अंगिर भार्गव सुनुअवनीशा ॥ अरु वशिष्ठयेऋषियम
देवा । मनु स्वयम्भुके सुत शुभचेवा ॥ दोहा ॥ मेधावसु अग्निध्रु
अरु अग्निवाह द्युतिमान । हव्यश्रवन अरु पुत्रकहि कहिये
ज्योतिष्मान ॥ चौपाई ॥ अरु मेधातिथि सुनु नृपज्ञानी । मनुस्व-
यम्भुके सुत सुखदानी ॥ स्तम्ब और्व काश्यप अरु प्राना । अ-
त्रि च्यवनगुरु ऋषि राजाना ॥ तुषिता देव पुत्रअप आया ।
प्रकृति ज्योतिनभमूर्ति सजाया ॥ प्रथित नभस्वह विघ्नसु
मनुके । उर्जससुत स्वारोचिष मनुके ॥ ऋषि वशिष्ठके तनय
सोहाये । सातसै वै वाशिष्ठ कहाये ॥ ते ऋषि तृतीय मन्वन्तर
के हैं । भानुदेवता तासुरहेहैं ॥ दशसुत उर्जस आदिबखाने ।
औतममन्वन्तरके जाने ॥ काव्य अग्निष्ठथु जहनुकहेहैं । क-
पीवान कपिवान लहेहैं ॥ धाताये ऋषिसात सुसाजा । धृतिहि
आदिदशसुत हे राजा ॥ सत्य देवगण अभय दिशाकर । ता-
मस मनुमें हैगुणआकर ॥ वेदबाहु परजन्य मुनीशा । वेदशिरा
ध्रुव सुनु अवनीशा ॥ सत्यनेत्र अरु वत्सर जानो । पितृ अधि-
प वैवस्वत मानो ॥ यक्ष रक्षसो भूतपिशाचो । ताधिप शिव
सुजान विधिराचो ॥ मुद मंगल अरु ऊरधवाहू । अरु हिरण्य
रोमा ऋषिनाहू ॥ ये ऋषि रैवत आदि सुभेवा । अशूतरजपा-
रिखवदेवा ॥ धृतिहिआदि दशसुत तपधामा । हेरैवतमनुकेशुचि
नामा ॥ भृगु विवस्व नभ विरज सुधाता । और अमिनामा सुनु
ताता ॥ अरु सहिष्णुये सात ऋषीशा । देष्टप्रसूत रिभव क्षि-
ति धीशा ॥ दोहा ॥ लखा पृथुक दिवौकस ये देवत गणपांच ।

चाक्षुष मनुके सुवनदश रुरू आदिक सांच ॥ चौपाई ॥ गौतम
 अत्रि वशिष्ठ विराजे । भरद्वाज कश्यपतपसाजे ॥ विश्वामित्र
 विदित तपरासी । जामदग्नि सुनु भूमि बिलासी ॥ विश्वेदेव
 साध्य वसुबायू । अरु आदित्यन सुहवर आयू ॥ आश्विनेय
 ये देव बखाने । सुत इक्ष्वाकु आदि दशजाने ॥ वैवस्वत मनुके
 सुनु भूपा । वर्तमान जे लसत अनूपा ॥ वर्तमान अरु भूतबखा-
 ना । अब भविष्य मनु सुनहु सुजाना ॥ अष्टममनु सावर्णिसु-
 भावी । शुचिसूरजके सुत मेधावी ॥ परशुराम अरु व्यासपुनी-
 ते । कृपाचार्य गालव गोजीते ॥ दुर्वासा अरु उर्वस लोने । अ-
 श्वत्थामा ये ऋषि होने ॥ बारावान आदि दशपावन । लहिहैं
 सुत लावरण सुहावन ॥ चारिमेरु सावर्णि गनाये । कश्यपप्रि-
 या प्रियाके जाये ॥ मेरु शिखर तिनबर तप कीन्हा । तबते सुनो
 नाम यह लीन्हा ॥ ऐसे चारिमेरु सावरणू । रौच्यभौत्य येहेंबर
 बरणू ॥ सात सुऋषि अरु सुतसुर लहिते । यथा प्रमाणभोगि
 हैं महिते ॥ चौदह मनुजेकहे सुचालैं । सहसचौकड़ी युगमहि
 पालैं ॥ बीते सहसचौकड़ी भूपा । बीतैविधिको दिवस अनूपा ॥
 दोहा ॥ शयनकरहि विधि प्रलय तब होय सृष्टि संहार । युगस-
 हस्र निशि सोइ फिरि जागिरचे संसार ॥ चौपाई ॥ सुनि मुनीश
 के बचन पुनीता । फिरि इमि बोले नृपति सुनीता ॥ मन्वन्तर
 युग विधि दिनतासू । कहहु प्रमाण द्विजोत्तमआसू ॥ सुनिमुनि
 कहा सुनहु नृपज्ञानी । कियो प्रश्न ताउत्तरजानी ॥ पंद्रहनिमिष
 प्रमाण बखानी । काष्ठा कहत गणित गणज्ञानी ॥ काष्ठा तीस
 कला परमाना । तीसकलानि मुहूरत जाना ॥ तीस मुहूरतमें
 सब कोऊ । कहत भोगवत निशिदिन दोऊ ॥ पन्द्रह निशिदिन
 पक्षबखाने । दोय पक्षको मासप्रमाने ॥ दोयमासको ऋतुसुनु
 भूपा । तीन ऋतुनको अयन अनूपा ॥ दोय अयन लहिकै नृप
 पूजे । वर्ष गिरा यह सबकोउ कूजै ॥ मास विदित मानुषको जो-

ई । सो पित्रनको निशिदिन होई ॥ कृष्ण पक्षसों दिन विस्तारा ।
 शुक्लपक्षसों राति अपारा ॥ मानुष वर्ष प्रमाण कृपाला । देवन
 को निशि दिवस विशाला ॥ उत्तरायण दिन अघ तमघा-
 ती । दक्षिणायन जो सो शुभराती ॥ यहि विधि जो नृप देव
 बरीसा । ता दशगुणमनु निशिदिन दीसा ॥ निशिदिनदशगुण
 पक्ष कहावै । लहि दशपक्ष मास मनुपावै ॥ द्वादश मासलहे ऋतु
 होई । लहि ऋतु दोइ अयन मनु कोई ॥ दोय अयन लहि पू-
 रित होई । मनुको वर्ष कहै सब कोई ॥ देव वर्ष वर चारिहजा-
 रू । सतयुग को वरभोग बिहारू ॥ दोहा ॥ चारि चारि शतसंधि
 दै भूपतिकरो बिचार । चारि सहस्र अरु आठ शत सतयुगको
 सञ्चार ॥ चौपाई ॥ वर्ष हजार तीन परमाना । त्रेतायुगको भोग
 विधाना ॥ तीन तीन शत संधि बिचारे । तीन सहस्र षटशत
 अधिकारे ॥ द्वापरदोय हजारवरीसा । भोग भोगवत सुनि अव-
 नीसा ॥ द्वैद्वै शत दे संधिसमेता । दोयहजार चारिशत एता ॥
 कलियुग वर्ष हजार विराजै । शतशत वर्ष संधि शुभ साजै ॥
 एकहजार दोयशतमानो । द्वादशसहस वर्ष सबजानो ॥ ये
 युगचारि चौकड़ी नामी । ताइकहत्तर के मनुस्वामी ॥ सहस
 चौकड़ी युग तेहि माहीं । चौदह मनुगण भोगिनशाहीं ॥ सो
 कल्पान्त कहत सब लोका । बीते विधिको दिवस अशोका ॥
 बीतंगये दिन सन्ध्याजोवै । तब वेधा निद्रित नृपहोवै ॥ तब
 कछु लखि ईश्वरकी आशैं । द्वादश अदित प्रचण्ड प्रकाशैं ॥
 भस्महोहिं चर अचर जहांते । सुरनआदि सब कहे कहांते ॥
 विविध विधान विधीसों बगरे । लीन होहिं ते विधिमें सगरे ॥
 होहिं स्वतेज भस्म रचिजेऊ । लीनहोहिं विधिमें सब तेऊ ॥
 पसरे पूर पयोधिपसारा । लहि ईश्वर इच्छा अनुसारा ॥ शय-
 नकरहिं तब सुचित विधाता । सकलपसार धारि निजगाता ॥
 सहस चौकड़ी के परमाना । बीते निशितब सुनहु सुजाना ॥

दोहा ॥ जागि विरंचि विचार करि विरचैं बिश्व अखेद । वाही
 क्रम वेई सकल प्रजाप्रजापति वेद ॥ यथा दुकान समेटिसब
 सोवै बनिकसुजान । भोर पसारै जागिसब सोई वस्तुनआन ॥
 चौपाई ॥ वैशम्पानि कहा सुनुभूपा । वैवस्वतको जन्म अनूपा ॥
 रवि कश्यपके तनय सोहाये । संज्ञानाम तिया तिनपाये ॥ बि-
 श्वकर्माकी तनया सोई । रविके तेज दुखितसोहोई ॥ नीटनीट
 सो द्वै सुतजाई । वैवस्वत अरु यमसुखदाई ॥ दुहिता एकसर-
 स अभिरामा । कहत जाहि जग यमुनानामा ॥ फिर न सकी
 सहि तेज अमाना । तब संज्ञा हिय करिअनुमाना ॥ निजछा-
 याकहैं तियते कीन्हीं । निज अनुरूप ताहि लखिलीन्हीं ॥ क-
 हेसि रहहुतम गृहमें वाला । बालक तीनकरहु प्रतिपाला ॥
 लखैं न पावैं रवि यहभेदा । इमिकहि पितुघर गई अखेदा ॥
 विश्वकर्मा तेहि लखिरिस कीन्हीं । निदरि सिखापन बहुविधि
 दीन्हीं ॥ सो सुनि संज्ञा फिरी लजाई । भई अश्विनारूप बना-
 ई ॥ उत्तरदिशा कुरू यकदेशा । तहां जाइ बिहरैं तिहिभेशा ॥
 छायारूप भई रवि घरणी । सो जायेसि द्वै सुत बरवरणी ॥ जे-
 ठेमनु सावर्णि बिलासी । दूजे शनिशुभ सुखमा रासी ॥ निज
 सुत में माया अधिकारी । छायारूपस्वगुण अनुसारी ॥ सो प्र-
 भावसब यमलखिपावा । मारनको निज चरणउठावा ॥ तब
 तेईशाप दीन्ह रिसिराती । तेरोचरषा गलैउत्पाती ॥ दोहा ॥ सो
 सुनि डरि यमसूरसों कही कथासब जाइ । जननी दीन्हों शाप
 सो दीजै पिता बराइ ॥ चौपाई ॥ सो सुनिकहा सूरगुणज्ञाता ।
 जननी शाप मिटिहि नहिं ताता ॥ यह पग गलि दूसरपगहो-
 इहि । तो मनकोसब संशयगोइहि ॥ तासु बोधकरि तियडिग
 आये । बूझनलगे भेद मनभाये ॥ कहै न भेद सूर तब तेखे ।
 तब धरिध्यान विधाननिरेखे ॥ कंचगहि शाप न चहे रिसाई ।
 तब तेई सब वृत्तान्त बताई ॥ सोसुनि विश्वकर्मा पै आये ।

लखिअतिनी हिय कोपवसाये ॥ रविहि पेखिविश्वकर्मा डरपे ।
 अर्घ्य पदारथ बहुविधि अरपे ॥ रविसों विश्वकर्मा करजोरी ।
 कह्यो न संज्ञाकी कछु खोरी ॥ तबप्रताप अति उग्र गोसाईं ।
 सहि न सकै नैनूकी नाई ॥ जों दिनेश प्रभु देहु निदेशू । तेज
 सुधारिकरों शुभभेशू ॥ तब रवि तेहि अनुशासन दीन्हा । ते-
 जझोलितेइ तनु समकीन्हा ॥ मुखतेतेज पुंजभयन्यारे । तेद्वादश
 आदित वपुधारे ॥ मित्रवरुण भग त्वष्टाधाता । पूषाइन्द्रवरुण
 सुनुताता ॥ विवस्वानअरु बिष्णु सुलेखे । ये द्वादश आदित
 वपुमेखे ॥ और अंगते तेज निकारे । बिष्णुचक्र शुचितासु सु-
 धारे ॥ तब रचिआपु अश्ववपुधारी । गये तहां जहँ तियशुभ
 चारी ॥ संधेजाइ सुखदमुख तासू । रतिचेष्टित भा वीर्य खला-
 सू ॥ दोहा ॥ घ्राण कियो सो वीर्यतेई भये दोयसुत तासु । नाश-
 त्यप्रथम अरुदस्त्रजे सुरवइद्य गुणरासु ॥ चौपाई ॥ ते फिरिनिज
 निज शुचितनधारी । बिहरैसुचित चित्तशुभचारी ॥ वैवस्वत
 भे मनु अधिकारी । पितृअधिप यमलोकप भारी ॥ मनुसाव-
 णि भविष्यनरेशा । तपैमेरुपै तप शुभभेशा ॥ शनिभे ग्रहभा-
 षत सबकोऊ । सुरवइद्य अश्विनीसुत दोऊ ॥ यमुनाभई नदी
 वरपावन । ये रविकेसुत सुता सुहावन ॥ रविसुत वैवस्वतमनु
 भूषा । पालकलोक नीति अनुरूपा ॥ लह्यो न सुत तिन बहु
 दिनबीते । करनलगे मखपुत्र पिरीते ॥ मित्रवरुणकहँ देहिं सु-
 आहुति । ताते कढ़ी सुता शुभदा द्युति ॥ सो वह इलानाम
 सुखदाई । मित्र वरुणसों बूझेसिजाई ॥ ईश मोहिंजो देहु
 निदेशा । सो में करों रहों तेहिदेशा ॥ तब तिनकहा नृपति पहुँ
 जाहू । होहुसुद्युम्न पुत्रकै लाहू ॥ चली बहुरितब मनुनृप पाहीं ।
 रमे इला सों बुधमगमाहीं ॥ सुतपुरूरवा तहां परगटे । सरस
 तेजसों लसे अरगटे ॥ तदनुइला पूरुषतनुधारी । नामसुद्युम्न
 महीतल चारी ॥ सुत सह वैवस्वत पहुँ आई । दियो सकल

वृत्तान्त सुनाई ॥ मनुके छींकतभे इक्ष्वाकू । प्रकट नासिका
 ते शुभशाकू ॥ मनुकी तिया आठ सुत जाई । नाभग धृष्ट
 सर्पति नृपराई ॥ दोहा ॥ अरु निरिख्य कहि प्रांशुफिरि कहिये
 नागादिष्ट । भूप कुरुष सुवृषध्रये पालक प्रजासुदिष्ट ॥ चौपाई ॥
 भे सुद्युम्न के सुवन सोहाये । उत्कल अरु बिनताश्व गनाये ॥
 उत्कल नृप उत्तर दिशि पाये । गयलहि पूरुबगया सोहाये ॥
 बिनताश्वहि पश्चिम दिशि दीन्हा । देश यथामति सोतिनली-
 न्हा ॥ प्रतिष्ठानजो देश सुराजा । सो सुद्युम्न कहैं दीन्हें उराजा ॥
 जो अब रूसी प्रकट कहावैं । तीरथपति ढिग महिमा पावैं ॥
 दंड आदि सुततीनि सोहाये । प्रकटे फिरि सुद्युम्न के जाये ॥
 जिन दंडक बन रचे प्रवीना । पावनपरमापूर अहीना ॥ इसी
 बपुमें बुधसों जाये । जो पुरुरवा सुतगुणवाये ॥ प्रतिष्ठान को
 नृप तेहि करिकै । गये सुद्युम्न स्वर्गमुद भरिकै ॥ भेनाभाग त-
 नय बलवाना । अंबरीष भागवतबखाना ॥ धृष्ट पुत्र धर्ष्टकरण-
 धीरा । सुत नरिष्यकेसका सुवीरा ॥ भे करुषके तनयसयाने ।
 ते कारुष नामा गुणगाने ॥ भे नाभागादिष्टके बारा । ते स्वकर्म
 कृत के अनुसार ॥ लहि बइश्यता फिरि बरमांगी । लहें द्विजत्व
 कर्म अनुरागी ॥ भये वृषध्रप्रांशु के बालक । लहे शापते गुरु
 गौधालक ॥ प्रांशुतनयभे भूतलभर्ता । नृपसर्यातिदुवनदल
 दर्ता ॥ भे सर्याति तनय बलधामा । नृप आनर्त नाम अभि-
 रामा ॥ कन्या एक सुकन्या नामी । भे ऋषि च्यवन तासुके
 स्वामी ॥ भे आनर्त तनयबल भारी । रेवा नृपवर भूमिविहारी ॥
 रेवतके सुतरैवतलायक । कुशस्थलीके पति सुखदायक ॥ दोहा ॥
 रेवतके सुत औरहैं शतपरमित अभिराम । तिनमें रैवतहैं बड़े
 नीति निपुण गुणधाम ॥ रैवतके कन्याभई तासु रेवती नाम ।
 लै ताको विधि पै गये रैवतसुमिरत राम ॥ चौपाई ॥ गगनसुनत
 विधिको लखि ठाढ़े । देखिमुहूर्त रहे मुद बाढ़े ॥ फिरि बूझेउ

विधि सों चितचाही । ईशदेउंकन्या यह काही ॥ विधि हँसि
 कहा जाय जगदेखो । बलरामे तनया दे लेखो ॥ आइ लख्यो
 निजुपुरी सुधामी । सोकै रही द्वारका नामी ॥ औरै युग जन
 औरैदेख्यो । ईश्वरकी महिमा अवरैख्यो ॥ दैवलरामहि सुता
 सोहाई । बैठे आपु मेरुपैजाई ॥ अबलों रैवत तहँ सुनु भूपा ।
 परमतपस्या करें अनूपा ॥ बैवस्वतके सुवनसलोने । प्रकटे जे
 इक्ष्वाकु अयोने ॥ मध्य देशपति तिनकहँ कीन्हें । गुरु वशिष्ठ
 को शासन लीन्हें ॥ ताके शत सुत भये सोहाये । तामें बड़े वि-
 कुक्षि गनाये ॥ तासु अयोध दूसरोनामा । तिनयह रच्यो अ-
 योध्याग्रामा ॥ भे विकुक्षके तनयसयाने । नृपककुत्स्थ जे विश्व
 बखाने ॥ चढ़े ककुद जे इन्द्र वृषभके । नाम ककुत्स्थ लह्यो
 मुख सबके ॥ अमुरन सों बरसंगर कीन्हा । मारितिन्हें दुर्लभ
 जयलीन्हा ॥ ताके सुवन अनेन अमाना । सुत अनेनके पृथु
 बलवाना ॥ तनय आइ पृथुके धनुधारी । आइ तनय यवना-
 श्व विचारी ॥ दोहा ॥ भयेतनय यवनाश्वके नृपश्रावस्तसुजान ।
 प्रकटे सुत श्रावस्त के नृपवृहदाश्व अमान ॥ चौपाई ॥ भे वृह-
 दाश्व तनय गुणज्ञाता । नृपकुबलाश्व महीतल त्राता ॥ धुन्ध-
 मारभो नाम बिरूयाता । तासुधुन्धको किये निपाता ॥ सुनि
 बोले जनमेजयऐसे । कोहो धुन्ध बध्यो तेहिकैसे ॥ बैशम्पानि
 कहा सुनुभूपा । कहो आदिसों कथा अनूपा ॥ बैशम्पायनउवाच ॥
 दे कुबलाश्वहि राज्य बिलासा । नृपवृहदाश्व करनवनवासा ॥
 चले निरायुध कै तिमिआई । मुनिउतंक निजशोच सुनाई ॥
 भूपतिमम आश्रमके धोरे । भूमिबालुका में चहुँओरे ॥ तहँम-
 धुसुत दै अतितनचोरे । धुन्धनाम यक रहै अजोरे ॥ संवत
 सरके अंत कठोरा । छोड़े श्वास वायु अति घोरा ॥ धूरिधूम
 सों धुन्धुरिमाचै । हालै भूमि वृक्षजनुनाचै ॥ बरषै आगि अ-
 मोघअंगारा । तामधि तपत बालुकाझारा ॥ सातदिवसतक

प्रलय पसारै । प्रतिसंबतनहिं कबहुँ बिसारै ॥ ताहि मारि नृप
 काननजाहू । होइ तुम्हें बरतप फललाहू ॥ नृप कुबलाश्वहि
 दीन निदेशु । मारहु शठहि जाइ मुनिदेशु ॥ नृपतिगये बनसौ
 मुनि साथा । चल्यो बीरलैशरधनु हाथा ॥ शतसुत रहे तिन्हें
 सँगलीन्हें । धुन्धनाशकोपनमन कीन्हें ॥ दोहा ॥ तममें नृपकु-
 बलाश्वके बिष्णुतेज तहिकाल । प्रविश्यो आइ अमोघ जो
 दैयतकुलको काल ॥ चौपाई ॥ नृपतेहि तहां अदृश्य निरेखी ।
 आज्ञा दियो सुतनतन देखी ॥ लहि निदेश ते हेरनलागे । कै
 सरोष अति रिससों पागे ॥ पड़िचम दिशिसो कड़ा अयानु ।
 मुखते काढ़ि कराल कृशानु ॥ तिनमें सुत सतानवे जारेसि ।
 फिरिजलको परबाह पसारेसि ॥ तब नृप करिअतिकोप नि-
 हारा । पानगये करिबारि पसारा ॥ अग्नि वर्षि जल शीतल
 कीन्हा । धुन्ध दैत्यको बध तब कीन्हा ॥ धुन्धनाशलखि सुर
 गण हरषे । सुमनसमूह भूपपै बरषे ॥ धुंधमारयह नाम अ-
 नूपा । भोकुबलाश्वकेरइमि भूपा ॥ जै कुबलाश्व तनयबलपूरे ।
 शतमें तीनि बचेरहिरूरे ॥ है दृढ़ाश्व जेठे सुत तिनमें । तासुत
 भे हरयश्व सुदिनमें ॥ तासुतभे निकुम्भ धनुधारी । तासुतसं-
 हताश्व बलभारी ॥ द्वैसुतसंहताश्वके जाये । अकृशाश्वकृशा-
 श्व सोहाये ॥ अकृशाश्वकेसुत जगजेता । भे प्रशेन नृपनीति
 निकेता ॥ तासुतभे यवनाश्व यशीले । मांधाता सुततासुलसी-
 ले ॥ द्वैसुत मांधाताकेताता । पुरूकुत्समुचुकुंद सुदाता ॥ पुरू-
 कुत्सकेसुत विख्याता । भे त्रैदस्युगुणी गुणज्ञाता ॥ दोहा ॥ ताके
 सुत शंभूभये तासु सुधन्वा पूत । नाम त्रिधन्वातासुसुतधनुधा-
 री मजबूत ॥ चौपाई ॥ तनयत्रिधन्वाके सुख रासी । भेत्रेज्यारुण
 भूमि बिलासी ॥ भयो तासुसुत सुनु प्रियवादी । नामसत्यवत
 अति उन्मादी ॥ पाणिग्रहण समयमो तेही । हरसिप्रजाकीति-
 या सनेही ॥ सो सुनि त्रेज्यारुण अतिकोपी । तासों कह्योजानि

पथ लोपी ॥ तू चण्डालकर्म अधिकारी । इमिकहि दीन्हेंउ ता-
हि निकारी ॥ गुरु वशिष्ठ नहिं कीन्ह निवारण । जानिदंडअप-
राध सुधारण ॥ नृप त्रेज्यारुण मुनि व्रतधारी । बसेजाइ वनह्वै
वनचारी ॥ पुरजनपरिजनपरजाजेते । गुरु वशिष्ठ पालहिं सब
तेते ॥ त्रेज्यारुणको तनय सदोषा । गुरुवशिष्ठपै दुइ विधिरो-
षा ॥ बारहवर्ष अवर्षण भयऊ । ताके पाप मोदसबगयऊ ॥
लखि सब सुतको मरण उपाधी । मध्यतनयके गरगुण बाधी ॥
कौशिककी तिय बेचनलागी । सोलखि वहनृपतनय सुभागी ॥
ऋषिपत्नी कहँ धीरज दीन्हें । ऋषिसुत बंधन मोचनकीन्हें ॥
मृगगण मारि मांसपहुंचावैं । कौशिकसों चाहैं चितचावैं ॥ एक
दिना मृगपायेसि नाही । गुरसुरभी तिमि कीन्हेंसि ताही ॥ सो
सुनि गुरु वशिष्ठ अतिकोपे । तासु त्रिशंकुनाम आरोपे ॥ दोहा ॥
पिता अवज्ञा प्रथमकहिगो बध करिवो दोय । तीजेगो भक्षण
कियो इमि त्रिशंकुभो सोय ॥ चौपाई ॥ इतने में कौशिक मुनि
आये । समाचार सुनि अति सुखपाये ॥ कहामांगु बरनृपयहि
ठाऊं । कहेसिस्वदेह स्वर्गमेंजाऊं ॥ कौशिकताकहँ राजसुधारा ।
कियअभिषेक बजाइ नगारा ॥ मुनि तेहि यज्ञकरावन लागे ।
हियवशिष्ठ के अमरषपागे ॥ ऋषिगण कोऊ तहां न आये ।
सुर मखभागन लीन्ह सुभाये ॥ ऋषिकर जानि भूपकर कर्मू ।
जानि रहे सब जुदे सधर्मू ॥ तब कौशिक मुनिकोप बढ़ावा ।
भूपहि स्वर्ग सदेह पठावा ॥ चला वशिष्ठहिगर्व सुनाई । अध
गिरु कहा वशिष्ठ रिसाई ॥ गिरत देखि तेहि गगनमेंभारे । उ-
तरहु कौशिक बचनउचारे ॥ रहात्रिशंकुलटकि नभकैसे । विवि
चुम्बक विच लोहा जैसे ॥ भे त्रिशंकु के सुत भूभर्ता । नृपहरि-
चन्द्र दुवन दलदरता ॥ तासुत रोहित अरिमदगारी । हरिता-
सुसुत हित हियहारी ॥ तासुत चंचु चंचु सुतदोई । विजयसु-
देव कहत सबकोई ॥ भये सुरुक विजय सुतबीरा । तासुत

वृकसवगुणन गँभीरा ॥ वृकके पुत्र बाहु बलवाना । तेन लखे
नृपनीति निधाना ॥ नृपति बाहुपै अरिचढ़ि आये । तिन सों
बाहु पराजय पाये ॥ दोहा ॥ बाहुजाय बनमें बसे और्वस ऋषि
के पास । तहांभये सुत सगर नृप जाको सुयशप्रकास ॥ दोर-
दण्ड कोदण्ड सों धरि कोदण्ड कराल । सगर रोष परचण्ड
करि जीत्यो तिन्हें उताल ॥

इतिभाषायांभारतान्तर्गतेहरिवंशदर्पणोनामचतुर्थोऽध्यायः ४ ॥

जनमेजयउवाच ॥ चौपाई ॥ केहि औगुण नृप बाहुपराजै । लहे
कहो मुनि संशय भाजै ॥ सगर नाम ताके सुत केरा । भोकाहे
करि कहो निबेरा ॥ कहा मुनीश सुनहु परबीना । बाहुभूपहेव्य-
सन अधीना ॥ जुआ शिकार खेलि दिन खोये । कैयवतिनके
सँग परि सोये ॥ असती निर्गुण हास्यप्रबीने । तिन्हें सभासद
करि हित चीन्हे ॥ मंत्री सुभट गुणी गिनतीके । तिन्हें न
कीन्हों प्रियसम जीके ॥ सो सुनि अरिजब गाजन लागे ।
लरि न सकेतबयहि गुणभागे ॥ काल जंघसेकहैं हयआदी ।
लिये राजवसिये उनमादी ॥ सगर मातुकी सौति अयानी ।
गर्भ समयगर दीन्हेंसि जानी ॥ गरसों भयो न कछूअकाजा ।
गरसह भयो पुत्र सुनुराजा ॥ ताते सगर नाम मुनि कीन्हा ।
मंत्र दिव्य अखनकरदीन्हा ॥ तिनअखन नृप रिपुदलजीता ।
पालेउ प्रजापुनीत सुनीता ॥ सगर नृपतिकी तियापुनीती ।
रहींदोयशुभ चरितसुनीती ॥ और्वस ऋषि तिनकहँबर दीन्हा ।
दैवमिकहबरलेहुप्रबीना ॥ साठिहजारपुत्रएकबारा । होहिँएकके
एक कुमारा ॥ जेठीतियै एकसुत मांगी । छोटी साठिसहस अनु-
रागी ॥ भई गुर्विणी दोऊ नारी । ईश्वर की माया अधिकारी ॥
दोहा ॥ कछ्यो गर्भ तिय एक के तूँबाके आकार । भरे पुत्र तेहि
बीज सम तिलमित साठिहजार ॥ चौपाई ॥ घृतभरि कुम्भ भूप
धरवाये । साठिहजारमोद सोंछाये ॥ एक एक सुत तिनमें की-

न्हा । एक एक प्रति घाइनदीन्हा ॥ समयपाय तेहि भये सया-
ने । अति बलवान जगतमें जाने ॥ जेठी तियके सुतशुभ कर-
णी । भेअसमंजस पालक धरणी ॥ भूपसगरजग जीतन चोपे ।
अइवमेध बर मख आरोपे ॥ साठि हजार पुत्र सँगलागी ।
चले अइव रक्षण अनुरागी ॥ अग्नि कोणमें अइव चोराई ।
बाँधो इन्द्र कपिल ढिग जाई ॥ अइव अदृश्य भये नृप वारे ।
मही खोदिसागर करिडारे ॥ जाइ पताल कपिलकहंदेखे ।
अइव निकटलखिअतिशयतेखे ॥ तबतिनतहां कीन्हउत्पाता ।
कपिल कोपकरि तिन्हेंनिपाता ॥ सगर जाइ बहु अस्तुति की-
न्हा । कपिल ताहिशुभ आशिषदीन्हा ॥ सगर सुतनके खँदेव-
नाये । ताते सागरनाम कहाये ॥ सगरसुवन असमंजस नामी ।
ते भे भूरि भूमितल स्वामी ॥ असमंजसके सुवनमहीपा । अंशु-
मानभे पालक दीपा ॥ तासुत भूप दिलीपसुसाजा । तासुतभ-
ये भगीरथ राजा ॥ तासु सुवन श्रुति स्मृति पथगामी । श्रुति
के सुत नाभाग सुधामी ॥ भेनाभाग तनय वरबीरा । अम्बरी-
ष रणकर्कशधीरा ॥ तासुतसिन्धुदीप दलबाहक । तासुतअयु-
ताजित गुणगाहक ॥ देहा ॥ अयुताजितके सुवनशुचि भेरुतव-
रणसुजान । तासुतआर्तापणिनृपति शीक्षकधनुषविधान ॥ ता
सुतभयेसुदासनृपतासुतकल्मषपाद । दुतियनामहैमित्रसहजो
पूरकअह्लाद ॥ चौपाई ॥ तासुतसर्वकर्मजगजाने । तासुतनय
अनरण्यबखाने ॥ ताकेतनयनिध्वनयगामी । ताकेसुतअनमि-
त्रसुनामी ॥ ताकेसुतदुलिदुह गुणग्रामा । ताकेसुतदिलीप छ-
विधामा ॥ भेदिलीपसुतरघुनरनाहू । रघुकेसुतअजदीरघबाहू ॥
अजकेसुतदशरथबड़भागी । तासुतरामस्वजनअनुरागी ॥ श्री
श्रीपति सियराम सुस्वामी । बन्दौन्यामकअंतर्यामी ॥ भरतल-
क्ष्मण सरससोहाये । अरुशत्रुघ्नशत्रुहनगाये ॥ रामअनुजयेप-
रमपियारे । सुन्दरनृपदशरथकेबारे ॥ रामचन्द्रकेसुतधनुधारी ।

भेकुशलवज्रग आनंदकारी ॥ कुशकेसुवनअतिथिश्रुतिलहिये ।
 तासुत निषद सुने मुद गहिये ॥ तनय निषदकेनल नयनागर ।
 नलके सुत नभ सबगुण आगर ॥ पुण्डरीक नभसुतसुततासू ।
 भये क्षेमधन्वा सुखरासू ॥ तासुतदेवानीम प्रवीना । तासुत अ-
 र्हन गुणन अहीना ॥ तासुतभये सुधन्वागाये । तासुत नलनय
 निपुण कहाये ॥ नलके सुवन उबरथ प्रतापी । तासुत बज्रनाभ
 दलदापी ॥ तासुत शंख पुष्पसुतताके । तासुत अर्थसिद्धिघर
 भाके ॥ दोहा ॥ भयेसुदर्शन तासुसुत अग्निवर्ण सुततासु । अ-
 ग्निवर्ण के शीघ्रसुत मरूतनयभे जासु ॥ भये मरूके तनयनृप
 विश्रुतवतमति धाम । शुभदवंश वरणयो सुजेहि प्रकटे राजा-
 राम ॥ सूर्यवंशके ये कहे जे जेपुरुष प्रधान । इनते भयोपसार
 सो को कहि सकै सुजान ॥ श्राद्ध देव वर देव हैं सूर्य धाम के
 धाम । तासुवंश वर्णन पढ़ै सो इतउत अभिराम ॥

इतिहरिवंशदर्पणोनामपंचमोऽध्यायः ५ ॥

चौपाई ॥ सूरजश्राद्धदेव मुनिकैसे । कोहैं पितर कहोसबतैसे ॥
 जासुनामलै पिण्डा देहीं । प्रेतकर्म गतिते किमिलेहीं ॥ तेहिते
 इतरपितर कोउ होई । कहो प्रकट करि मुनिवर सोई ॥ विधि-
 वत श्राद्ध किये जे तोषैं । श्राद्ध करै तेहि बहुविधि पोषैं ॥ सुनै
 वेद विद सों यह बानी । पितरहि पूजहिं सुर शुभ जानी ॥ सो
 सब कहो मुनीश बुझाई । सुनि तब कहा हर्षि मुनिराई ॥ पूछे-
 उप्रश्न भूप तुम सोई । नृपति युधिष्ठिर आनंद भोई ॥ भीष्म-
 पितामह सोइमि बूझे । जाकेबाण बीरबहुजूझे ॥ सोसुनिबोले
 भीष्मतातैं । सुनहुं भूप एक दिनकी बातैं ॥ हमहे करत श्राद्ध
 सुखदाता । भूते काढि हाथ मस ताता ॥ मांगन लगे पितरनि-
 जपानी । सो प्रकारहों अनुचित जानी ॥ कुशपै धर्यों पिण्ड
 क्रमही सों । सोलखि कै प्रसन्न पितु जीसों ॥ कह्यो सुवन हम
 कीन्ह परीक्षा । तुम विधि सों करिहौ जगशिक्षा ॥ चलै कुपथ

जो भूतल स्वामी । तेहिमग चलै प्रजा अनुगामी ॥ ताते धर्म
शास्त्र विधि लोपै । सो अनुचित लखि ईश्वर कोपै ॥ हौ तुम
निपुणनीति अनुसारी । अबिहित विहित विधान विचारी ॥
मृत्युकहतजेहि जगत पुकारे । सो सुतरैहैं सुवश तिहारे ॥
दै आशिष इमि सहित सनेहू । कह्यो मांगि सुत वरतुम
लेहू ॥ इहै प्रश्न तब भूप तुम्हारा । हम बूझा तिन कहि
निरधारा ॥ दोहा ॥ आदि देवके सुवन हैं पितर प्रसिद्ध उ-
दार । विधिवत अर्चन हारको सुखसंपति दातार ॥ गोत्रनाम
लै जासुजन करत पिण्डको दान । सो जेहि गतिते ताहितित
पोषतरहत सुजान ॥ प्रश्नोत्तर संक्षेपसों बरणि कहा हमतात ।
कहिहैंसब विस्तार सों मार्कण्डे अवदात ॥ चौपाई ॥ यह कहि भे
पितु अन्तर्द्वाना । हम तिनसों सब कहा विधाना ॥ मार्कण्डेय
कहासुनु भूपा । पितरप्रभाव प्रकार अनूपा ॥ मेरु शिखरशुचि
निरखिसुहावन । हमहे करत तपस्यापावन ॥ तहां विमानचा-
रु आसीना । आये सनत्कुमार प्रवीना ॥ लसैं विमान मध्य
तेकैसे । ज्वलित अग्निमें सुवरण जैसे ॥ तबहों करि दंडवत
प्रणामा । अर्घ्यपाद्यदै बूझेउँ नामा ॥ तब तिन आपन नाम
उचारा । सुनु मुनि हैं हम सनत्कुमारा ॥ तप विधि विशद सु-
धारणताई । निरखिभये हमतुमहिं लखाई ॥ इच्छितहोय बूझि
सो लेहू । तब हम बूझा यह संदेहू ॥ पितृनको प्रभावविख्या-
ता । जो तुम बूझेउ नृपगुणज्ञाता ॥ सनत्कुमार कहातबजैसे ।
भीषम सुनो कहों सो तैसे ॥ ब्रह्माआदि देवकहैं जाये । निज
आराधन हित मनभाये ॥ समय पाइते विधिहि भुलाये । लहि
आतम सुखमें मनलाये ॥ शाप दियो विधि निरखि भुलाने ।
शून्यहृदय तुम होहु अयाने ॥ ते निजहृदय शून्य लखिजाई ।
विधिसों कियो बिनय गुणगाई ॥ विधि हंसिकहा लहे कृत
लाहू । अब तुम निज सुतपै चलिजाहू ॥ दोहा ॥ वैजो कहैं बि-

चारिसो प्राश्चितकरो अखेद । होइहि तब चैतन्यचित मिटि-
हिग्लानि निरवेद ॥ चौपाई ॥ सो सुनि ते निज सुतपहँ आये ।
तिनसों सब वृत्तान्त सुनाये ॥ सुनि ते तिन्हें उपाय बताये ।
सो करिते बहुविधि सुखपाये ॥ तब सुतकहा पितासों बानी ।
जावपुत्र अब घरसुखमानी ॥ सो सुनिआदि देव अनखाये ।
करिविवादब्रह्मापहँ आये ॥ विधिसे कह्यो कहा मुनिबेधा । स-
त्य कह्यो तुम परमसुमेधा ॥ देहजनक तुम वै तुवबारे । ज्ञान
दावि वै पितरतुम्हारे ॥ तुमदोउ जने पितर अरुदेवा । हौअ-
न्योन्य पिता सुतभेवा ॥ आदिदेवतव हियमुदराखे । सुत पहँ
आइ पितरकहिभाखे ॥ प्रथमपूजितुम कहँ सबलोगू । पाइहि
मुद मंगलमय भोगू ॥ पीछे पूजन करिहि हमारा । सुर अरु
असुर सकल संसारा ॥ तबते सुनोगिरीश बिहारे । भयेपितर
परसिद्ध अगारे ॥ पितर निमित्त कर्म जो करहीं । पितरताहि
मुद मंगलभरहीं ॥ पितरतुतकै चंदहि पोषैं । चंद औषधीश-
इयहि तोषैं ॥ सनत्कुमार देवकी बानी । सुनि फिरि कीनप्रश्न
अनुमानी ॥ किते पितरगण हैं सो कहिये । बसत लोक केहि
केहि मुद गहिये ॥ सनत्कुमार कहो सो जानो । हैं गणसात
पितरअनुमानो ॥ दोहा ॥ मूर्तिवंत गणचारि हैं हैं अमूर्तिगण
तीन । लसत सात इमि पितरगण सुनु मुनि महतप्रवीन ॥
चौपाई ॥ तिनके लोकवंश सब भाखैं । तुमसों मुनि कछु गोइ न
राखैं ॥ तिनमें तीनिअमूर्तिगनाये । भूपतासु तिननामबताये ॥
प्रथम कहे वैराजसुनामी । अग्निष्वाता अन्तर्यामी ॥ तृतीय
बर्हिषद कहैं उदारैं । लोक सनातन तहां बिहारैं ॥ ये विराज
के मानस जाये । मनमय शुचिशुभ तन जे पाये ॥ इन्हें देव
अरचैं करिआदर । और विधान तासुसुनु सादर ॥ पितर बि-
दित वैराजकहाये । सुता मानसिकते उपजाये ॥ मैनानामतासु
करिलीन्हें । सो हिमवन्त नगेशहि दीन्हें ॥ सुतमैनाक तासु

शुभदेशा । कौंच तासुसुत उन्नत भेशा ॥ तीनिसुतामैना की
जाई । ते दुस्तरतप कर्त्ता गाई ॥ जेठी सुता अपर्णा चाहीं ।
पर्णा अहार कीन्ह जिन नाही ॥ दुतियएक पर्णाशानि लीन्हा ।
एक पर्णा तिनभोजनकीन्हा ॥ तृतियएक पाटलाकहाई । पाटल
पुष्प एक तिनखाई ॥ भई अपर्णा शिव संयोगिनि । दुतियभ-
ईदेवल संभोगिनि ॥ एकपाटला नगपदुलारी । जैगीषव्यकीन
तेहिनारी ॥ अग्निष्वाता पितरसुचरिता । तनयातासु अच्छि-
दा सरिता ॥ कहत अच्छिदा सरिता जासों । भयो अछोद
सरोवरतासों ॥ सो सरिता विनु पितरहि देखे । व्याकुलतासों
निज हियभेखे ॥ दोहा ॥ विनुदेखेनिज पितरअरु विनजानेगुण
नाम । लज्जितकै अति शोचकरिभई अच्छिदाछाम ॥ चौपाई ॥
चली स्वर्ग तब पितरनिरेखन । देखिपरे तहँ पितरअभेषन ॥
तहां अमावसुको तेई देखा । सहित अद्रिकांति अशुभेखा ॥
तासों कहेसि सुनहुँ करिछोहू । तुमदोउ मातु पिता मम होहू ॥
आपनपितरताहि विन चीन्हें । औरहिदेखि पितरकरिलीन्हें ॥
निज गरिमाहित तेहि अब सोई । गिरी तहांते तपबलखोई ॥
देखेसि तब शुचि चढ़ेविमाना । तेजपुंज त्रसरेणु प्रमाना ॥
ब्राहि ब्राहिलखि तिन्हें पुकारेसि । तासुकृपा लहि थिरता धारे-
सि ॥ ते बोले हम पितर तुम्हारे । तुम औरहि कहिपितर उ-
चारे ॥ योग अष्टहवैताते ऐसे । गिरिहु भूमि कोउ रोकै कैसे ॥
सुर अरु असुर आदि सबलोग । अवशिभोगवै निज कृतभो-
ग ॥ विधि विरच्यो जो बिहित विधाना । विविध भांति सों वि-
धि बलवाना ॥ ताते कहो भविष्य तुम्हारा । जो ईश्वर इच्छा
अनुसारा ॥ हवै है भूप अमावसु जाई । द्वापरमें निजकृतगति
पाई ॥ तासु अद्रिका होइहिनारी । पति ब्रत पूरित पतिहि पि-
यारी ॥ पितर व्यतिक्रम फल तुम पाई । मत्स्ययोनि जाहवैहौ
जाई ॥ लहि पितु मातु इन्हें सुखभैहौ । अब ईछेहुतब परब्रत

पैहौ ॥ देहा ॥ पाराशर सों सुवन तब उत्पति करिहौएक । एक
वेद सों चारिजे करिहैं सहित विवेक ॥ चौपाई ॥ फिरि लहिनृप
संतन पति प्यारे । उत्पति करिहौ द्वै शुभ बारे ॥ विदित वि-
चित्र बीर्य बलवाना । अरु चित्रांगद चारु सुजाना ॥ तबवह
तन तजिसब सुख ओका । आइ भोगिहौ यह निज लोका ॥
कह्यो पितरयह सब जैसेही । लह्यो अछिदासो तैसेही ॥ पि-
तर बर्हिषद जो शुभ रासी । सो बैभ्रा जलोक के बासी ॥ ते
पुलस्त्यके सुवन सोहाये । मानस सुतापीवरी जाये ॥ द्वापरमेंसो
यह बरबरणी । होइहि व्यासपुत्रकी घरणी ॥ चारिपुत्र यक
कन्या जाइहि । शुकाचार्य के मनअति भाइहि ॥ कृष्णगौर
प्रभुशंभु कहै है । पुत्रयोगकी युक्ति जे गैहै ॥ कृत्वा नाम
सुताशुभचारी । होइहि सोइ अनुहकी नारी ॥ तासुत ब्रह्म
दन्न गुणि धरिहै । तपबल वंश वृद्धिते करिहै ॥ ये अमूर्तिवर
पितरबखाने । जेगणतीनि जगतमें जाने ॥ सुरगन्धर्व असुर
अरु किन्नर । अप्सरयक्ष इन्हें अरचैवर ॥ मूर्तिवंत गणचारि
बताये । तिनके नाम सुनहुँ मनभाये ॥ शुकुल अंगिरस सुस्व-
धाजानो । शुभद सोमपा सुनि सुखमानो ॥ कहेशुकुलगणपि-
तरसमाने । ते बशिष्ठकेसुवन बखाने ॥ देहा ॥ दिव्यलोकतिन
को महत पूजकब्राह्मणतासु । तनया ताकी मानसिक प्रकटनाम
गौजासु ॥ चौपाई ॥ सो शुककी पतिनी गुणखानी । कैहै सुनुमु-
निवरगुरुज्ञानी ॥ जे आंगिरस पितरगण कहिये । तेअंगिरस
तनयश्रुति लहिये ॥ ते क्षत्रिनकहँ पूज्यपुनीता । देनहार अर-
चक चितचीता ॥ सुता यशोदा मानसताकी । तापति विश्व-
महान सुताकी ॥ सुवन दिलीप राजऋषि ताके । ऋषिन
सराह्यो शुचिमख जाके ॥ पितर सुस्वधा पुलह के बारे । ते
नित कामग लोकबिहारे ॥ पूजहिं तिन्हें बइश्य बिचारी ।
बिरजा ताकी सुता दुलारी ॥ तापति भूप नहुष नयगामी ।

सुवनययाति भूमि के स्वामी ॥ बरणे पितर सोमपाजाही ।
 हिरण्यगर्भ उपजायहुताही ॥ मानस लोक बिहारहिं सोऊ । पू-
 जहिं ताहि शूद्रसबकोऊ ॥ मानससुतातासु अवहरिता । नाम
 नर्मदा पावनि सरिता ॥ पुरुष कुत्सपति अनुपम पाई । असद
 नाम सुत तेइ उपजाई ॥ श्राद्धदेव ये ये फल दायक । ये नित
 अर्चन करिवे लायक ॥ पितर प्रभाव भूप अतिभारी । सनत्-
 कुमार कह्यो नभचारी ॥ रहे पूर्व युगमें सुनु ताता । भरद्वाजके
 सुतगुण ज्ञाता ॥ योगभ्रष्ट हवैतेयकवारा । गिरेसुमान सरोवर
 पारा ॥ कछु दिनपै ते तन तजिजाई । योग कियेहे ताफलपाई ॥
 दोहा ॥ हवै सुमनस सो भोग फल कुरुक्षेत्र मों आय । कौशिक
 के फिरि सुतभये विधिगति कही न जाय ॥ चाँगाई ॥ उतहूं वै
 कर शर धनुधारे । पितर कर्म मिसमृग बहु मारे ॥ मांसवनाय
 उदर भरिलेहीं । भूँठ निहोरा पितरहिं देहीं ॥ हिंसा अध ते
 लहे कुयोनी । निज कृत कर्म कहावत होनी ॥ पितर प्रभाव
 तऊ मुनिज्ञानी । रही तिन्हें सुधि पूर्व कहानी ॥ तातेडरपि
 सुधर्म सुधारे । तेहि गुणमे ब्राह्मणके बारे ॥ तब सुकर्म करिकै
 मनभाये । तब तजिते अनुपम पदपाये ॥ ताते करिवो उचित
 मुनीशा । शुभ सुकर्म शुचि विस्वेवीशा ॥ सुनहुं मुनीश सुधर्म
 प्रकारा । विधिसों करै अहार बिहारा ॥ याचन योगन तिन्हहिं
 न याचै । पाइ विभूतिन ममता राचै ॥ शरणागत कर रक्षण
 धरई । मद्यमांस नहिं भक्षण करई ॥ करिअध्ययन ध्यानधरि
 धीरा । गतकरशोच न करै गँभीरा ॥ करै काज सो लेयबिचा-
 री । क्रोधहि तजै शांति व्रतधारी ॥ सदाअनालस रहैप्रवीना ।
 होय अशक्त न काम अधीना ॥ कहिवे योग न करिवे योगू ।
 कहै करै नहिं सो शिखिलोगू ॥ असतिन संग न बैठेकितहूँ ।
 लहै मोदसों उतहूँइतहूँ ॥ सांच कहै अरु इन्द्रिनजीतै । अहं-
 कारसों हियधर रीतै ॥ दोहा ॥ पहिले कहै विचारिफिरि करैक-

हैं जो सोइ । सर्व धर्म में श्रेष्ठलखि परउपकारक होइ ॥ यह
सुधर्म है योगसम जो जन साधै याहि । जो पदयोगीजनलहैं
सौपद सुलभताहि ॥ वर्ष अठारहलौ नृपति यहि विधि करि
उपदेश । सनत्कुमारअदृश्य कै गयेफेरिनिज देश ॥

इतिहरिवंशदर्पणो नामषष्ठोऽध्यायः ६ ॥

चौपाई ॥ बन्दों सीताराम सुस्वामी । जेहि लहि भये जनक
जगनामी ॥ मार्कण्डेयउवाच ॥ दिव्यदृष्टि तुम होहु मुनीशा । गये
देव दै सुभग अशीशा ॥ तबकै दिव्यदृष्टि हमभूपा । कौशिक
के सुत लखा अनूपा ॥ पितृव्याज जिन हिंसाकीन्हों । फिरिजे
बाह्यणको बपु लीन्हों ॥ रहे सात ते नृपहम देखे । जन्म कर्म
तिनके सब लेखे ॥ तिनमें सप्तम सरस सयाना । ब्रह्मदत्तसोइ
भयो सुजाना ॥ शुकाचार्यकी सुतासयानी । कृत्वा अनुह भूप
की रानी ॥ तिनसों प्रकटभये ये ज्ञानी । ब्रह्मदत्त बकता प्रिय
बानी ॥ भीष्मउवाच ॥ तिनको वंश विभूति विधाना । मुनिवरसों
हम सुनिनृपजाना ॥ सो सब कहे युधिष्ठिरतुमसों । सुनियेसा-
वधान कैमनसों ॥ पौरववंश प्रसिद्धबखाने । भेपुरमित्रजगतमें
जाने ॥ तासुतभे वृहद्विषु बरसाजा । तासुतभयेवृहद्वनुराजा ॥
तासुतवृहद्वर्मरणधीरा ॥ भयेसप्तजिततासुतबीरा ॥ भयेविश्वजित
ताकेवारे । भयेसेनजिततासुदुलारे ॥ भयेसेनजितकेसुतचारी ।
रुचिअरुरखतकेतुगलभारी ॥ महिस्तारअरुवत्सप्रवीना । रुचि
के सुत पृथुसेन अहीना ॥ ताकेतनय पारवलवाना । तनयपार
के नीपुसुजाना ॥ दोहा ॥ भयेसुवन सतनीपके नाम सबन को
नीप । भूपदेश पंचालके भूषितकीन्हें दीप ॥ चौपाई ॥ जेठे के
सुत समर कहाये । तीनि सुवन तिनके गुणगाये ॥ परसदश्व
पारापरघालक । परकेसुतभे पृथुपुर पालक ॥ पृथुकेपुत्र सुकृत
धनुधारी । तासुतभे विभ्राज बिचारी ॥ तासुत अनुह शास्त्रवि
धिचीन्हें । कृत्वासुता ताहि शुकदीन्हें ॥ तासुत ब्रह्मदत्त कैजा-

ये । सप्तम कौशिक सुतजेगाये ॥ नृपविभ्राज बहुरिजगआये ।
 ब्रह्मदत्तके सुतकैजाये ॥ विष्वक्सेन नामभो ताको । दण्डसेन
 प्रगव्योसुत जाको ॥ ब्रह्मदत्तको सुतयकओरो । सर्वसेन नामी
 हो वौरो ॥ जाकी चारु आंखिरंगराती । फोरोसि पालितपक्षी
 घाती ॥ दण्डसेन को सुतबल भाख्यो । होभल्लडा करण तेहि
 भाख्यो ॥ तासु भयो उग्रायुधबारा । सतौनीप कहँ जेई शठमा-
 रा ॥ सोयुधि कानन में ममवानन । मारो परौ पुरुष पंचानन ॥
 सुनि उग्रायुधको बह काजा । बूझो बिहँसि युधिष्ठिर राजा ॥
 पूर्व जन्मको को यहपापी । केहिगुणयहि मारेहु परतापी ॥ भी-
 षमकहा सुनहु भूपतिवर । अजमीढ़को सुवनजबानर ॥ दोहा ॥
 तासुत भे धृतमन्त अरु तासुसत्त्व धृतिजानि । ताकेसुत दृढ-
 नेम नृप तासु सुधर्मामानि ॥ चौपाई ॥ तासुत सर्व भौमनृपजा-
 नो । सुतमहान ताके अनुमानो ॥ भयेरुकुमरथ ताकेबारा । ता
 सुत भयो सुपाश्व उदारा ॥ तासुत भयोसुमतिबलवाना । ता-
 को तनय सुन्वति गुणवाना ॥ तासुपुत्र कृतवेद बिचारी । ता
 सुतकार्त्ति भयो बलभारी ॥ सोइ उग्रायुध भयोमहीपा । जेबध
 कियो नीपकुल दीपा ॥ उग्रायुधको सुत सुनुताता । क्षेमनाम
 भो दीरघदाता ॥ तासुत भयो सुवीर सुवीरा । तासुतभयो नृप-
 जयवीरा ॥ बहुरथ ताको सुवन रसाला । एते पौरव वंश बि-
 शाला ॥ उग्रायुधउनमत्त अचेतू । जाउर सागर अवगुणसेतू ॥
 हतिनीपन फिरि हमहिं सँदेशू । भेजेसि धूत दूत निरदेशू ॥
 राजकाज युत जीवनचाहौ । मम निदेशतोभीषम चाहौ ॥ नाम
 गेध काली निजमाता । देहु मोहिं तुम ममबल ज्ञाता ॥ कैस-
 न्मुख चढ़ि करो लराई । छोड़ि ताहिकै जाहु पराई ॥ सोसुनि-
 हौं करिकोपकराला । कह्यो सजनशुभ सभटरिसाला ॥ मंत्रिन
 तबनृप तीनसुनावा । क्रमसों करिबोउचितवतावा ॥ सामदाम
 अरु भेद उपाई । पहिले करिलीजै नृपराई ॥ ताहि न जोमानै

शठ कोई । करै दण्डतब नृपनय जोई ॥ दोहा ॥ सो सुनिताके
 पास हों दूत पठायोबृढ़ । तेइ समुभायो भांतिबहु एकनमान्यो
 मूढ़ ॥ चौपाई ॥ तब दलसाजि गाजि चढ़िताता । कियोजाइ हों
 तासु निपाता ॥ मरघो तीनदिन लरि उनमादी । सर्वशस्त्रविद
 सगरबबादी ॥ तासुमरण सुनि अतिसुखसाजे । रहे नीपकेसुत
 जे भाजे ॥ वृषतनाम ममपाइ निदेशू । बसिकीन्हैउपालननिज
 देशू ॥ तासुत द्रुपदराज अधिकारी । जीतिताहि अर्जुन धनु-
 धारी ॥ ताकरदेश द्रोणकहँदीन्हा । सोयहद्रोणभाग द्वैकीन्हा ॥
 आधा लियो द्रोणधनुधारी । आधाद्रुपदहि दियो बिचारी ॥
 भूपयुधिष्ठिरमुदमयबानी ॥ फिरभीषमसोंबूभेउज्ञानी ॥ सर्वसेनकी
 फौरिसि आखैं । केहि गुणचटक आपुसों भाखैं ॥ भीषमकहा
 सुनहु नरनाहू । धराधर्म धर दीरघ बाहू ॥ ब्रह्मदत्त नृपतपकर
 ज्ञानी । बूभाहि सब जीवनकी बानी ॥ चटकएक ते घरमें राखे ।
 सहित सनेह सखाकहि भाखे ॥ सो वह चरण देशांतरजावै ।
 रात्रिआइ सबकथा सुनावै ॥ ब्रह्मदत्तभूपति के बारे । सर्व सेन
 हे परम दुलारे ॥ भयो चटकके प्राणअधारा । एक चेटुवाअति
 सुकुमारा ॥ करत कुतूहल भूप कुमारा । तासु नरमगर करक
 सिधारा ॥ मरघो चेटुवाग्रीव दवाने । ब्रह्मदत्त सो सुनि पछि-
 ताने ॥ आइ चटकतहँ सो गति देखी । भई मोहबशबिकल बि-
 शेखी ॥ दोहा ॥ मुर्छित हवै फिरि चेतसो करि रोदन परलाप ।
 जाइ कहेसि फिरि भूप सों निज हियको सन्ताप ॥ चौपाई ॥ भूप-
 ति तुम नय जानन हारे । किमि तुव सुत मम सुत कहँ मारे ॥
 पीड़ित क्षुधित दीन शरणागत । प्लायमानअरु आरतभाषत ॥
 बहुदिनको सेवक सुखरासी । बहुदिन को निजघरको बासी ॥
 इनसों निर्दयपन जो करई । कुम्भीनरक अवशि सोपरई ॥ इमि
 कहि चटकचटकई कीन्ही । नृप सुतके चखनखकरि दीन्ही ॥
 आंखिफोरि नभचली उड़ाई । तब तेहिं भूपतिकहि समुभाई ॥

उचित दण्ड तुम दीन्हेउताही । हमप्रसन्नतुव बुधिवलचाही ॥
 आइ रहौ फिरिपूर्व विधाना । सोमुनि बोलीचटक सुजाना ॥
 राजनीति हम जानहिं भूपा । करें काजताही अनुरूपा ॥ कुसुत
 कुमित्र कुनारि कुदेशा । ज्ञानी तजतजानि कुनरेशा ॥ अपका-
 री अरिविनय प्रकासै । तऊ न ज्ञानवान विश्वासै ॥ रोग अ-
 गिनि ऋण अरि जेहि भाखै । बुधिवर तासु शेष नहिं राखै ॥
 जो अरिसों निज बढ़ती होई । तऊ न ताहि विश्वासइ सोई ॥
 कोमल हवै अरि इमि नगिचाही । जिमिनभ बौरितरुहि लप-
 टाही ॥ अरिहवै नमित चरणजो लागै । तौ तरुदीमककीगति
 जागै ॥ जे विश्वासन योग न आहीं । तिन्हें विश्वासैतौ अति-
 नार्हीं ॥ दोहा ॥ तुव सुतको चषफोरिहम किमिरैहैं तुवपास । इ-
 मिकहि सो चेटक चतुर गहेसि अनतको वास ॥ चौपाई ॥ भीषम
 फेरि कहा जनमेजय । भूप युधिष्ठिर सों इमि मुदमय ॥ कौशिक
 के सुतसात बताये । तिनके जन्मकर्म सबगाये ॥ कृत कुत्सित
 करि जे सब बिगरे । पितृ प्रसाद भलीविधि सुधरे ॥ जानिति-
 न्हें करणी के खोटे । कौशिक तिन्हें कियो चषवोटे ॥ गार्ग्य सृ-
 ष्टि तेहवै मन भावन । तासुगाय बनगये चरावन ॥ तेहि हति
 रुचिसों मांस बनाये । पितरन अरचिमूढसो खाये ॥ मुनि सों
 कहेनि वत्समुनि लेहू । धेनुहिं हतेसि बाघवन गेहू ॥ शुद्धहृदय
 मुनिसों सतिमाने । कछु दिन बीते मरे अयाने ॥ व्याधाभयेस-
 होदर जाई । तेहि अघको फलते सबपाई ॥ पितर प्रभावशुद्धि
 मति तिनकी । भईरहीसुधि पूरवादिनकी ॥ थोरेजीवमारिकैं तो-
 रैं । जाते मातु पिताकहैं पोषैं ॥ तिनके मात पिता तनछोड़े । ते
 तब मन हिंसासों मोड़े ॥ बनमें बसि तन त्यागन कीन्हे । तब
 फिरि जन्म मृगाकर लीन्हे ॥ भये कालजर शैल बिहारी । सा-
 तौ पूर्व वृत्तान्त विचारी ॥ कछु दिन मुनि वत रहि तनत्यागे ।
 फिरि भे चक्रवाक संग लागे ॥ तितहू पूर्व कर्मके ज्ञानी । ब्रह्म-

चर्य्य ब्रतधारे जानी ॥ सो तन तजिभे हंस उदारे । मानसरो-
 वर सुथर बिहारे ॥ दोहा ॥ सुभग सहोदर सातते जातस्मरपर-
 वीन । ब्रह्मचर्य्य ब्रतधारिहे योग युक्तिमें लीन ॥ चौपाई ॥ गये
 तहां तिय सहित बिहारण । नृप बिभ्राज अरिंद बिदारण ॥ ति-
 नको सुख समाज लखिनीको । लोभ्यो एकहंस शुचिजीको ॥
 जो कछु तप कीन्हो यहिदीपा । तौहम ऐसे होहिं महीपा ॥ औ-
 रौ द्वै बोले फल चीते । हममंत्री हवैहैं हित हीते ॥ रहे चारि ते
 सुनि ऋषि भोये । तुम यह तपफल नाहक खोये ॥ इनके बंश
 प्रगटिहौ जाई । ये दोउहवैहैं मंत्रीभाई ॥ योगजे बाहिरदै तुम
 लीन्हे । राज्य लाखसो नहिं फल कीन्हे ॥ सुनौतात यह भावी
 भाखै । फिरि योगहि पैहौकहि राखै ॥ पुरुष एक अश्लोकसुनै
 है । सो सुनिकै तुव चित भ्रमजैहै ॥ तब तुम चेतियोगमगगहि
 हौ । तेहि प्रसाद उत्तमपद लहिहौ ॥ तिन हंसन कहैं लखिसु-
 खपाये । नृपबिभ्राज बहुरिघर आये ॥ तासुत अनुह धर्मधर
 आगर । शील समर सर्वस गुण सागर ॥ कृत्वासुता ताहिशुक
 दीन्ही । चित चैतन्य चारुता चीन्ही ॥ तबनृप मणिबिभ्राज
 विचारी । सुत कहैं कियेउ राज्य अधिकारी ॥ सबतजि आपु
 योग ब्रतधारी । बसेजाय तेहि सर शुभचारी ॥ इन्हें देखिजि-
 तहंस लोभाने । ये जितहंससरबशुभमाने ॥ दोहा ॥ तापीछेतन
 त्यागिवै तीनो हंस सुजान । जो जस इच्छा भूप मणिसो तस
 लह्योबिधान ॥ चौपाई ॥ इच्छौराजभयोसोराजा । अनुहपुत्रकै बि-
 शदबिराजा ॥ ब्रह्मदत्तभो नामसुसाजा । जाहिदेखिहियसुरपति
 लाजा ॥ वैद्वैमंत्रीभयेसहाये । कण्ठरीकपंचालकहाये ॥ सबजीव
 नकीबूझैवानी । ब्रह्मदत्तनृपनिर्मलज्ञानी ॥ ब्रह्मदत्तकहैंराजसु-
 धारी । लह्यो परमपद अनुहप्रचारी ॥ देवलनृपकीसुता दुला
 री । सन्तति ब्रह्मदत्तकीनारी ॥ वै जे चारिहंसवरयोगी । बिद्या
 बुद्धि विशदके भोगी ॥ सो तनतजिजेतेहि पुरआये । ब्रह्मदत्त

जाके पतिगाये ॥ आत्री द्विजके सुत सुखदाई । चारौ भये स-
होदरभाई ॥ कछुदिनमें ते तजि पितुमाता । कानन बसनचले
सुनुताता ॥ ताके पिता शोचबहु कीन्हा । तेहिइलोक एकतिन
दीन्हा ॥ मंत्रिन सहित भूप कहँचाही । यह इलोक सुनायहु
ताही ॥ देइभूपसो ले मुद भरियो । भगवत भजन सुचितहवै
करियो ॥ तबते जाइ भये बनवासी । योगयुक्तिके विशदविला-
सी ॥ ब्रह्मदत्त लै तियवर बीड़ा । करत एकदिन हे बनक्रीड़ा ॥
तहँ पिपीलिका दम्पति भोले । रति चेष्टित आपुसमें बोले ॥
देहा ॥ सो सुनि सुखद सुजाननृप समुझिहँसे तेहिकाल । सो
लखि जान्यो नृपघरणि मोहिं हँसे क्षितिपाल ॥ चौपाई ॥ हठि
बूभेसि हँसिबेको कारण । सोवृत्तान्त कह्यो भूभारण ॥ सोसु-
निसन्नति सांच न मानी । बूभेसिपति सों कहि मृदुबानी ॥
गिरापिपीलिक की तुमजाना । केहि कारणसो कहो विधाना ॥
योगभ्रष्ट तुम हौ ब्रतधारी । कैईश्वर आशिष अनुसारि ॥ तब
भूपति अनशनब्रतलीन्हें । नारायण आराधन कीन्हें ॥ छठई
निशिनारायण आये । दीनोद्धर इमिताहि सुनाये ॥ कियेभाव-
ना होनृप जोई । होइहि प्रकट कालिहसव सोई ॥ यह कहि भे
प्रभु अन्तर्द्वाना । धन्यआपुकहँ भूपतिजाना ॥ प्रातन्हाय सर
सचिव समेता । रथचढ़ि भूपति चले निकेता ॥ इतने में नृप
ब्राह्मण सोई । चारौ हंस जासुसुत होई ॥ दै इलोक भये बन-
वासी । सो वहब्राह्मण वेद विलासी ॥ भरो भूरिमुद सन्मुख
आयो । भूपतिसो इलोकसुनायो ॥ व्याधा सातदशारणदेशा ।
गिरि कालिंजर पै मृगभेशा ॥ फिरिसरद्वीप रहेकै कोका । मा-
नससरमें हंसअशोका ॥ हम उत्तमपद जात सयाने । तुमचे-
तहु मतिरहहु भुलाने ॥ सुनिनृप दोउ मंत्रिन तन जोहे । सब
वृत्तान्त समुझिमन मोहे ॥ देहा ॥ फिरि भूपतिचैतन्य कै तेहि
विप्रहि मनमान । गोगयन्द हयभूमिदै कियो प्रसन्नसुजान ॥

विष्वक्सेन कुमारकहँ करिराजा सुखदान । सहतिय सचिव सु-
जाननूप साधे योगविधान ॥

इतिगोपीनाथकृतेभाषाभारतान्तर्गतहरिवंशदर्पणेसप्तमोऽध्यायः ७ ॥

बैशम्पायनउवाच ॥ चौपाई ॥

सुनहु भूप जनमेजय ज्ञानी । तुम जो
कियो प्रश्न अनुमानी ॥ ब्रूँकेउ वृष्णिवंश व्यवहारा । सोअब
कहँ सहित विस्तारा ॥ ब्रह्माके मानस सुतजाये । अत्रिमुनीश
वेद बिद गाये ॥ ऊर्ध्वबाहुहवै अत्रिमुनीशा । कियोतपस्यासुनु
अवनीशा ॥ तीनि हजार वर्ष मुद बाढ़े । वृक्ष समानअचल है
ठाढ़े ॥ दिव्य वर्ष इतने के बीते । तब कछु रचनामनमें रीते ॥
सत्वहि करि सोमत्व सचेता । चख पथ काढ़े ऊरधरेता ॥ दृगते
कढ़त बारिकी धारा । दश दिशि देवी निज उरधारा ॥ तेन स-
कींसो गर्व सँभारी । भूपैगिरो गर्वसों भारी ॥ मूर्तिवन्तहवैसोम
सुधाकर । तेज पुंज सतगुरमेंभावर ॥ शशिहिभूमिपै लखिअ-
ज आये । लै सादररथपैबैठाये ॥ सहस सुमेष बाजिजेहि लागे
शोभा सीवै श्वेत रँग पागे ॥ सोमहि रथपै मुनिगण देखी ।
अस्तुति किये शुभाशिषभेखी ॥ बारएकैससोम पनधारी । भूमि
प्रदक्षिण किय नभचारी ॥ तन ते गिख्योताहि तेहिकाला । तासु
औषधी भईरसाला ॥ पद्महजार वर्ष तपकीन्हे । सोम परस
पन मनमें लीन्हे ॥ दोहा ॥ विधिवत विधि कीन्हे नृपति शशि
हि राज्य अभिषेक । विप्र औषधी बीज कर शशिकर सहित
विवेक ॥ चौपाई ॥ राजसूयमख विधि तबकीन्हे । कियो काजतहँ
विधि सुर लीन्हे ॥ हवैसंगर्व शशिअनय विचारा । हख्यो वृह-
स्पतिकी तिय तारा ॥ अंगिर सुवन वृहस्पति कोपे । लै सुर
साथलरन कहँ चोपे ॥ तबभे शशिके शुक्र सहाई । लैअसुरन
कहँ किये लराई ॥ सुर अरु असुर लरे ये दोऊ । दोऊ प्रबल
न हारे कोऊ ॥ तब सुर तुषिता विधि पै जाई । सब यह कथा
कह्यो समुभाई ॥ सुनि विरंचि तब सादर आये । कलहवराय

शशिहि समुभाये ॥ लै तारहिं सुरगुरु कहँ दीन्हा । ताहिसगर
भा सुर गुरु चीन्हा ॥ सुरगुरु कह्यो गर्व यह नाखौ । यहपरवी-
र्य गर्भ मति राखौ ॥ तव तारा सो गर्भ गिराई । धरि दीन्हा
गाडर पै जाई ॥ तेजपुंज अति उग्रप्रभामें । लस्यो तहांसो बा-
ल कलामें ॥ देखि ताहि विस्मित कै देवा । ब्रूमयो तारासों य-
ह भेवा ॥ कहौ सांच यह सुत हैकाको । शशि कोकै गुरुको कहु
जाको ॥ सोसुनि तारा उतरनदीन्हा । तव सो सुवन कोप अ-
ति कीन्हा ॥ मम पितुको नहिं नाम बतावै । शापन चह्योब्रूमि
यहि भावै ॥ करि तेहि क्षमित विरंचि अखेदा । ब्रूमयो तारा
सोंवहभेदा ॥ वेहा ॥ तवतारा विधिसोंकह्योहैशशिकोयहवार ।
सोसुनिकैसुतअंकमेंलीन्होसोमउदारा ॥ चौपाई ॥ कीन्होसोमना-
म बुधताको । सुतपुरूरवाभूपतिजाको ॥ भयेइलासोंजोनृपआ-
छे । आयेवरणि कथासोपाछे ॥ नृपपुरूरवा भो भूमर्ता । दान
शील अगणितमखकर्ता ॥ ताहिउर्वशीवरोसिसकामा । तेजपुंज
लखिअतिअभिरामा ॥ तासँगभूपतासु शुचिहिहरे । नन्दनव-
नमें बहुदिनविहरे ॥ वनचइत्ररथअलकातामें । मेरुगन्धमादन
सुखदामें ॥ अरुमन्दाकिनि पाइनि धारा । तहांपुरूरवा कियो
विहारा ॥ जनमेजयब्रूभा यह भावा । नृप उर्वशिहि कौनविधि
पावा ॥ बैशम्पायन हरषि बताये । सो उर्वशीशापहीपाये ॥ हूवे
मानुष की संयोगिनि । भइ पुरूरवाकी संभोगिनि ॥ लीन्होसि
करिकरार करिशोचन । सोइकरारहोशापविमोचन ॥ भूपतिन-
गन दरशमति देहू । मम इच्छालाखि रति सुख लेहू ॥ एकवार
घृत भोजनकरहू । नित्यनिरन्तर पन मनधरहू ॥ शयन पासद्वे
छागसोहाये । राखौबांधिकरौमन भाये ॥ यहिकरारसोंजेहिदि-
नटरिहौ । तेहिदिन हमेंअदृश्य निहरिहौ ॥ यहकरारभूपतिदृढ
धारे । तासँगवोनसठि वर्षविहारे ॥ वेहा ॥ कैचिन्तत गन्धर्वग
ण जानिनिबंध विधान । आइतहा निशिमेंहस्यो एकछागमुख

विष्वक्सेन कुमारकहँ करिराजा सुखदान । सहतिय सचिव सु-
जाननूप साधे योगविधान ॥

इतिगौपीनाथकृतेभाषाभारतान्तर्गतहरिवंशदर्पणेसप्तमोऽध्यायः ७ ॥

वैशम्पायनउवाच ॥ चौपाई ॥ सुनहु भूप जनमेजय ज्ञानी । तुम जो
कियो प्रश्न अनुमानी ॥ ब्रूभेउ वृष्णिवंश व्यवहारा । सोअब
कहँ सहित बिस्तारा ॥ ब्रह्माके मानस सुतजाये । अत्रिमुनीश
वेद बिद गाये ॥ ऊर्ध्वबाहुहवै अत्रिमुनीशा । कियोतपस्यासुनु
अवनीशा ॥ तीनि हजार वर्ष मुद बाढ़े । वृक्ष समानअचल कै
ठाढ़े ॥ दिव्य वर्ष इतने के बीते । तब कछु रचनामनमें रीते ॥
सत्वहि करि सोमत्व सचेता । चख पथ काढ़े ऊरधरेता ॥ दृगते
कढ़त बारिकी धारा । दश दिशि देवी निज उरधारा ॥ तेन स-
कीसो गर्व सँभारी । भूपैगिरो गर्वसों भारी ॥ मूर्तिवन्तहवैसोम
सुधाकर । तेज पुंज सतगुरमेंभावर ॥ शशिहिभूमिपै लखिअ-
ज आये । लै सादररथपैवैठाये ॥ सहस सुमेष बाजिजेहि लागे ।
शोभा सीवि श्वेत रँग पागे ॥ सोमहि रथपै मुनिगण देखी ।
अस्तुति किये शुभाशिषभेखी ॥ बारएकैससोम पनधारी । भूमि
प्रदक्षिण किय नभचारी ॥ तन ते गिह्योताहि तेहिकाला । तासु
औषधी भई रसाला ॥ पद्महजार वर्ष तपकीन्हे । सोम परस
पन मनमें लीन्हे ॥ दोहा ॥ विधिवत विधि कीन्हे नृपति शशि
हि राज्य अभिषेक । बिप्र औषधी बीज कर शशिकर सहित
बिवेक ॥ चौपाई ॥ राजसूयमख विधि तबकीन्हे । कियो काजतहँ
विधि सुर लीन्हे ॥ हवैसंगर्व शशिअनय बिचारा । हस्यो वृह-
स्पतिकी तिय तारा ॥ अंगिर सुवन वृहस्पति कोपे । लै सुर
साथलरन कहँ चोपे ॥ तबभे शशिके शुक्र सहाई । लैअसुरन
कहँ किये लराई ॥ सुर अरु असुर लरे ये दोऊ । दोऊ प्रबल
न हारे कोऊ ॥ तब सुर तुषिता विधि पै जाई । सब यह कथा
कह्यो समुभाई ॥ सुनि विरंचि तब सादर आये । कलहवराय

शशिहि समुभाये ॥ लै तारहिं सुरगुरु कहँ दीन्हा । ताहिसगर
भा सुर गुरु चीन्हा ॥ सुरगुरु कह्यो गर्व यह नाखौ । यहपरवी-
र्य गर्भ मति राखौ ॥ तव तारा सो गर्भ गिराई । धरि दीन्हा
गाडर पै जाई ॥ तेजपुंज अति उग्रप्रभामें । लस्यो तहांसो वा-
ल कलामें ॥ देखि ताहि विस्मित कै देवा । ब्रूमयो तारासों य-
ह भेवा ॥ कहौ सांच यह सुत हैकाको । शशि कोकै गुरुको कहु
जाको ॥ सोसुनि तारा उतरनदीन्हा । तव सो सुवन कोप अ-
ति कीन्हा ॥ मम पितुको नहिं नाम बतावै । शापन चह्योब्रूमि
यहि भावै ॥ करि तेहि क्षमित विरंचि अखेदा । ब्रूमयो तारा
सोंवहभेदा ॥ वेहा ॥ तवतारा विधिसोंकह्योहैशशिकोयहवार ।
सोसुनिकैसुतअंकमें लीन्होसोमउदार ॥ चौपाई ॥ कीन्होसोमना-
म बुधताको । सुतपुरूरवाभूपतिजाको ॥ भयेइलासोंजोनृपआ-
छे । आयेवरणि कथासोपाछे ॥ नृपपुरूरवा भो भूमर्ता । दान
शील अगणितमखकर्ता ॥ ताहिउर्वशीबरोसिसकामा । तेजपुंज
लखिअतिअभिरामा ॥ तासँगभूपतासु शुचिहिहरे । नन्दनव-
नमें बहुदिनविहरे ॥ वनचइत्ररथअलकातामें । मेरुगन्धमादन
सुखदामें ॥ अरुमन्दाकिनि पाइनि धारा । तहांपुरूरवा कियो
बिहारा ॥ जनमेजयब्रूभा यह भावा । नृप उर्वशीहि कौनबिधि
पावा ॥ बैशम्पायन हरषि बताये । सो उर्वशीशापहीपाये ॥ दूबे
मानुष की संयोगिनि । भइ पुरूरवाकी संभोगिनि ॥ लीन्होसि
करिकरार करिशोचन । सोइकरारहोशापविमोचन ॥ भूपतिन-
गन दरशमति देहू । मम इच्छालाखि रति सुख लेहू ॥ एकवार
धृत भोजनकरहू । नित्यनिरन्तर पन मनधरहू ॥ शयन पासद्वे
छागसोहाये । राखौवांधिकरौमन भाये ॥ यहिकरारसोंजेहिदि-
नटरिहौ । तेहिदिन हमेंअदृश्य निहरिहौ ॥ यहकरारभूपतिदद
धारे । तासँगवोनसठि वर्षबिहारे ॥ वेहा ॥ कैचिन्तत गन्धर्वग
ण जानिनिबंध विधान । आइतहा निशिमेंहस्यो एकछागमुख

दान ॥ चौपाई ॥ ब्रागहरत लखिनृपहिजगाई । कहेसि उर्वशीले-
 हु छड़ाई ॥ नृपहेनग्नन उठे बिचारी । दुतियब्राग तिनहरेनिहा-
 री ॥ फिरि उर्वशीकहेसि अनखाई ॥ तबनृप ब्रागछोड़ाये धा-
 ई ॥ तबगन्धर्व सु अवसर जानी । बिजुरीप्रगटकिये अभिमा-
 नी ॥ तारुचिनृपकहँ नग्ननिरेखी ॥ भईअदृश्य उर्वशी तेखी ॥
 तेहिबिनु लखे नृपति अकुलाने । मोहभयेबहुतै पछिताने ॥ कै
 व्याकुल घरतजि बनहेरत । कुरुक्षेत्र में गे तेहिटेरत ॥ रुदन
 करत अति मायाभेखे । सर में न्हाततहांते देखे ॥ लहिभूपहि
 बोली सोधीरे । भूपतुन्हारगर्वहमहीरे ॥ बीतेवर्षपासतुवआई ।
 एकराति बसिहों सुखपाई ॥ कहिसोभईअदृश्यसनेहा । मोहित
 नृपआयेनिजगेहा ॥ बीतेवर्षभूपपैआईरमि उर्वशीउप्रायवताई ॥
 गन्धर्वनकहँ भूपअराधौ । तुमगन्धर्व होहुसोसाधो ॥ सुनिनृप
 तिन्हेंअराधिसभागे । हमगन्धर्वहोहियहमांगे ॥ पूरिअग्निथाली
 तिन्हलीन्हा । करोयज्ञकहिनृपकहँदीन्हा ॥ यज्ञकियेनिजइच्छित
 पैहौ । तबयहिलोक मोदसौं ऐहौ ॥ कहिदीन्हे सुतसात सोहा-
 ये । जो उर्वशी भूपसों जाये ॥ दोहा ॥ अग्नि राखि बनमेंनृप-
 ति सुतन सहित घर आय । तिन्हें यथोचित राज्य दै आप
 लखे बन जाय ॥ चौपाई ॥ तहां न भूपति अग्नि निरेखा । तेहि
 थर पीपरको तरु देखा ॥ ताके गर्व समी लखिभूपा । गयेजहां
 गंधर्व अनूपा ॥ तिनसों यहु वृत्तान्त सुनाये । सुनि गन्धर्व उ-
 पाय बताये ॥ ताकर अरणी रचिमुद बाढौ । अग्नि ताहि म-
 थिकै नृप काढौ ॥ नृप पुरुरवासों सिख लीन्हा ॥ अग्निकाढि
 मंजुल मखकीन्हा ॥ एक अग्नि आगे परधाना । तब ते त्रेता-
 गिनि जगजाना ॥ यज्ञ सिद्धि करिकै मनभावा । शुभ गन्धर्व
 लोक नृप पावा ॥ जे पुरुरवाके सुतगाये । तिनके नाम सुनहु
 मनभाये ॥ आयू और अमावसुजानो । सतासु बिदित बनायु
 पुमानो ॥ विश्वायू द्रिट आयू कहिये । भूप शतायू सुनि मुद

गहिये ॥ अमावसूके सुत सु अधीमा । भूप भीम अरिदलकहँ
भीमा ॥ ताके सुतकांचन प्रभुनीके । ताके सुवनसुहोत्र सुर्जाके ॥
सुत सुहोत्र के जहनु यशीले । यज्ञकरतते रहे रसीले ॥ ताकहँ
पति करिवेके लोभा । गंगा आई तहँ सह क्षोभा ॥ जहनुनमा-
न्यो तब रिसि आई । दर्ई यज्ञ सामान बहाई ॥ सो लखिके तब
जहनुरिसाने । गंगहि पान कियो जगजाने ॥ दोहा ॥ तब ऋषि
गण स्तुति कियो सुनि सऊम्य कै भूप । छोड़्योधारा स्रोतमग
सुन्दर सुधास्वरूप ॥ चौपाई ॥ निज संकल्पसत्य हित गंगा ।
कियो दोय निज सुभग सुअंगा ॥ हवै आधे कावेरी सरिता ।
भई जहनुकी तियासुचरिता ॥ तिनसों सुवनसुनह नृपजाये ।
पुत्र सुनहके आनँद पाये ॥ कुशके भये चारिसुत चारू । कुशि
क और कुशनाभ उदारू ॥ नृप कुशांब वरविरद बखाने । मूर्ति
मान अति मंजुलजाने ॥ कियो उग्रतपकुशिक महीपा । ईच्छि
इन्द्र समसुत कुलदीपा ॥ बीते सहसवर्ष तहँ आई । इन्द्रकु-
शिक सों कह्यो बुभाई ॥ नृप मम अखिलअंश संभविता । पै
हौ सुवन उग्र जिमि सविता ॥ कुशिक सुवनभो गाधिसोहाये ।
गुणअगाधि कौशिक कहिगाये ॥ पुरूकुत्स्य तियतासु पियारी ।
सत्यवती तासुता दुलारी ॥ व्याहेहु गाधि ऋचीकहि सोई । व-
रतपकरेसुकृतयुतजोई ॥ ऋषिऋचीकचरुचारुबनाये । पुत्रहेत
है भांगलगाये ॥ ब्रह्ममंत्र मंत्रित यककीन्हा । छत्रशक्ति दूजे
में दीन्हा ॥ तासुभेद तजिखेद बताई । निज तियकहँ दीन्हेउ
मुनिराई ॥ यहचरुचारु चाहि तुम लेहू । यह चरु निजमाता
कहँ देहू ॥ दोहा ॥ चरु दै ऋषिकानन गये सत्यवती तबजाय ।
निजमाताके ढिगधख्यो दोउचरुभेद बताय ॥ चौपाई ॥ सोसुनि
गाधि भूपकी नारी । चरुबदल्यो कछु भेद बिचारी ॥ शुचिचरु
तासु आपुलै खायो । आपनचरुसो वाहि खवायो ॥ मुनिवर
आइ भेदसो जाने । निज पतिनीसों कह्यो सयाने ॥ होइहिसु-

त तुम्हरे धनुधारी । क्षात्रवंश नाशक अपकारी ॥ क्रूरस्वभाव
 कठोर कराला । विदितवीर रणधीर कराला ॥ तुवमाताकोसुत
 तवभ्राता । होइहि ऋषिवर तपविधि त्राता ॥ सत्यवती सुनि
 अनुचितजानी । पतिसों कही विनयमयबानी ॥ ममसुत ऐसो
 होइ न साई । तपविधि होइ तुम्हारियनाई ॥ चरुप्रभाव जो
 वृथा न जानो । ममपउत्र तौ ऐसो आनो ॥ एवमस्तु तवकहा
 मुनीशा । तव प्रभाव निरखौ अवनीशा ॥ तपवर सत्यवती के
 जाये । जगजाहिर जमदग्नि कहाये ॥ सूर्यवंश नृपरेणु सुदा-
 नी । तासुरेणुका सुतासयानी ॥ मुनि जमदग्नि तासुकेभर्ता ।
 अमलअमन्द अतुलतप कर्ता ॥ तासुत परशुराम धनुधारी ।
 भे तेहिचरु प्रभावअनुसारी ॥ द्वैसुत और आपुसम कीन्हें ।
 मुनि जमदग्नि मोदवर लीन्हें ॥ शुनःशेफ शुनपुच्छ कहाये ।
 ब्रह्मऋषीश ब्रह्मविद गाये ॥ देहा ॥ गाधि नृपति के सुवनभे
 चरु प्रभावते भूप । सप्तऋषिनमें शीवजे विश्वामित्र अनूप ॥
 भेसुत विश्वामित्रके तपकर्ता सबिवेक । यागबलिक कतिबभ्रु
 अरु गालव आदिअनेक ॥ चौपाई ॥ जो जमदग्निकेरसुतदूजा
 शुनःशेफनामक कृतपूजा ॥ सो कौशिकको मानि निदेशा । भ-
 यो पशुत्व सरुचिशुभ भेशा ॥ नृपहरिदश्व कियो मख तामें ।
 मानुषबलि निर्मितहो जामें ॥ विश्वामित्र ताहि सुतकीन्हा ।
 निज पुत्रनमें गुरुतादीन्हा ॥ सुत पुरुरवा के जेभाखे । सात
 उर्वशी सों रुचिराखे ॥ तिनमें वंश अमावसुके ये । अबकहियो
 आयूके हेये ॥ प्रभातिया आयूकी सुहिता । सोस्वर्भानु भूपकी
 दुहिता ॥ तिनके पांच तनयवरसेना । नहुषरज्जि अरु रम्भ
 अनेना ॥ छत्रवृद्धि क्षत्री क्षितिपालक । ये आयूके सुत खल
 घालक ॥ राजिके सुवन पांचशतजाये । ते पांचौशत राजकहा
 ये ॥ देव असुरसों भयो विरोधा । दोऊ विधिसों आगमशोधा ॥
 हमदोउ लरनहार बलभारी । को जीतिहि को पाइहि हारी ॥

विधि भाषा जेहि ओर सुनीती । रजिनृप रहिहि लहिहि सो
जीती ॥ सुनिसुर असुर रज्जिपहँआये । निज निज अरथकहे
मन भाये ॥ कह्यो सुरनसों रज्जिसुभागी । हतें अमुर हम तुव
हितलागी ॥ यहकरार पहिले करिलेहू । जयलहि हमें इन्द्र
पद देहू ॥ दोहा ॥ कीन्होंसुरनकरार सो तबचढ़ि रज्जिसुकाया
हति असुरन बैठे विशद इन्द्रासनपहँजाय ॥ चौपाई ॥ तबमघ-
वान विनय विधिसाजा । हमतुव धर्मपुत्रहैंराजा ॥ सुरसमाज
आपन करिलेहू । उचित बूमि फिरिहमकहँ देहू ॥ सोसुनिनृ-
पति रज्जि सुखपाये । इन्द्रहि उतै राखिइतआये ॥ रज्जिभूमि
पति जवतनु त्यागे । तवनृपके सबसुत बलपागे ॥ तेशतपांच
इन्द्रपै जाई । पदकरि लीन्हों राज्य छड़ाई ॥ तेतहँ भोगबहुत
दिन कीन्हे । इन्द्रहि कछूभाग नहिं दीन्हे ॥ इन्द्रदुखित सुरगुरु
पै जाई । कह्यो सकल वृत्तान्त बुझाई ॥ सुनिगुरु इन्द्रहि सा-
हसदीन्हे । मतनारुतीक प्रगट तबकीन्हे ॥ गुरुकृतसुनि नृप
सुत सिखिलीन्हा । सोइ आचरण चाहि चितकीन्हा ॥ ताते
धर्म नष्ट भे सिगरे । हीनपराक्रम कै अतिबिगरे ॥ लखिनिज
तेजपापसों राते । बज्रपाणिचढ़ि तिन्हेंनिपाते ॥ गुरुप्रसादल-
हि मघवाराजे । तीनिलोकपति कै फिरिगाजे ॥ आयूके सुत
रंभकहाये । ते स्वकर्मवश पुत्रनपाये ॥ नृपआयू के सुतसुख
दाने । है अनेनतावंश बखाने ॥ नृप अनेनके सुवनबखाने ।
नृप प्रातिछत्र सुअव विधिजाने ॥ तासुत सृंजयजयसुतताके ।
तासुत विजय सुवनकृतजाके ॥ दोहा ॥ हर्यश्वन ताके सुवन
ताके सुतसहदेव । भे नदीन ताके सुवन हरणदीन दुखभेव ॥
चौपाई ॥ तासुत जयत्सेन जयकर्ता । तासुत संकृत अरिदल
दर्ता ॥ तासुतछत्रधर्मशुभरूपा । ये अनेनके वंशजभूपा ॥ छत्र
वृद्ध आयूके वारे । तासुतभे सुनहोत्र दुलारे ॥ तासुततीनिका-
ससलमानो । और गृत्समदवरहद जानो ॥ भूपगृत्समदको सुत

वीरा । सुनकमहीप मत्तरणधीरा ॥ सुवनसुनककेशौनकनामी ।
 भये भूप अनगिने सकामी ॥ चारोंबर्ण भये ते मानो । नित कृत
 धर्मकर्मगतिजानो ॥ सालनृपतिकोसुतबलभारा । चष्णिषेनभे
 भूपउदारा ॥ तासुतभये सुतपनरनाहू ॥ जासोंलह्योनजयअरि
 काहू ॥ कासभूपकोसुतसुनुताता । भयोदीर्घतपदीरघदाता ॥ भूप
 दीर्घ तप बरतप कीन्हे । पुत्र कामना मनमें लीन्हे ॥ वृद्धापनमें
 ते सुत पाये । जे धन्वन्तरि बिदित कहाये ॥ कदेक्षीर सागरते
 जोई । प्रकटे आइ धन्वन्तरि सोई ॥ भूपदीर्घ तपके सुतगाये ।
 धन्वन्तरि द्वापर में जाये ॥ धन्वन्तरि के सुत सुखदानी । प्रगटे
 केतुमान बरझानी ॥ तासुत भये भीम रथदापी ॥ तासुत दिवो
 दास परतापी ॥ देहा ॥ दिवोदास काशीशको क्षिति भोगवत
 अनूप । भई बिचित्र कथाकछू सो अब सुनिये भूप ॥ चौपाई ॥
 काशी अति रमणीयनिरेषी । चाह्यो लियो शंभु शुभभेषी ॥ गण
 निकुम्भको दियो निदेशू । तुम काशी में करौ प्रवेशू ॥ करि प्रवे-
 श कछुकला बढ़ायो । दिवोदासको खोरि लगायो ॥ खोरि ल-
 गाइ शाप फिरि देहू । देवहि शाप तेजहरिलेहू ॥ कै निहतेज
 छोड़ि सो भागै । तब उतवसिबे की विधि लागै ॥ सोसुनिगण
 निकुम्भ तहँ आये । कंठक नाउहिँ सपन देखाये ॥ मम मूरति
 अस्थापन करहू । करि पूजन मुद मंगलभरहू ॥ सोसुनिकंठक
 आनंद लीन्हें । तासुमूर्ति अस्थापित कीन्हें ॥ पूजनकोसंबपुर
 जन आवैं । जोफल जौमांगैं सो पावैं ॥ सोसुनिदिवोदासहर-
 षाई । निज पतिनीको दियो पठाई ॥ दिवोदास की पतिनीजा-
 ई । करि पूजन बहुभांति मनाई ॥ सुवनसु पूत मांगिघरआई ।
 परिखेसि बहुत दिवस मनलाई ॥ भयो न सुत तबभूपरिसाई ।
 मठमूरति खुदि दियो बहाई ॥ तब निकुम्भगण औसरपाई ।
 उग्रशापदीन्हों अनखाई ॥ रहै शून्य यह सुखदा कासी । वर्ष
 हजार अमानववासी ॥ शाप प्रभावआइ तहँघोरा । छेमकनाम

दैत्य सह जोरा ॥ किहेसि उपद्रवता भयआगे । पुरजन छोंड़ि
काशिकाभागे ॥ दोहा ॥ शून्यदेखि काशीपुरी दिवोदास नृपधीर ।
चिन्तिशाप फल जाइ तब बसे गोमती तीर ॥ चौपाई ॥ लखि
शिव शिवा सहित सुखसाजे । आइ काशिकामें तबराजे ॥ कही
एक दिन शिवा सोहाई । सुपति शंभुसों समया पाई ॥ चलौ
नाथ कहुं अनत बिहारैं । कानन शैल पेखिसुख धारैं ॥ कह्यो
शम्भु तियसों चित चावन । आबिमुक्त यह मम गृहपावन ॥
याहि छोड़ि हम अनतन जैहैं । सबयुग नित्य इतहिमेंरैहैं ॥ रहैं
तीनि युगप्रकटमहेशा । कलिमें रहत गुप्तकरिभेशा ॥ दिवोदास
के सुतबलभारी । भयेप्रतर्दनभूतलचारी ॥ भयेप्रतर्दनकेद्वैवारै ।
वत्सभार्ग नृपभूमि बिहारे ॥ भूप अलर्क वत्सकेजाये । कुंभजकी
तियसों बरपाये ॥ छाछठि सहसवर्ष तन धारे । ते छेमकराक्षस
को मारे ॥ फिरि काशीमें बसिमुदभारे । खलकुलकेवल विरद
बिदारे ॥ सुत अलर्क के सन्नतिभाये । ताके सुवन शुनीथ क-
हाये ॥ ताके सुवनक्षेमवरक्षेमी । तासुत केतुमान नृपनेमी ॥ ता
सुत भये सुकेतु सुकेतू । तासुत धर्मकेतु यशसेतू ॥ तासुतस-
त्यकेतु सतिवकता । तासुतविभु हरिगुण रस ब्रकता ॥ नृपआ-
नर्त तासुसुत बीरा । तासुसुवन सुकुमार सुधीरा ॥ दोहा ॥ सुत
भूपति सुकुमार के धृष्टकेतु बलवान । वेणुहोत्रताके सुवनतासु-
त भर्ग सुजान ॥ चौपाई ॥ येते काशिवंश गुरजानी । नहुषवंश
अबकहे बखानी ॥ विरजापित्र सुतावर वरणी । नहुषभूमि पति
की सो घरणी ॥ भेतिनके षट्सुत कुलदीपा । पतिय यातिसं-
याति महीपा ॥ अरु ययाति यातिवर राजे । येषट नहुष तनय
सुखसाजे ॥ नृपककुत्स्थ की सुतादुलारी । सोस्वयंवरापतिकी
नारी ॥ पतिदंपति द्वै योग बिलासी । भयेजाइ काननकेवासी ॥
भये ययाति महीप बिबेकी । वेद बिहित भूधर अभिषेकी ॥
तासु देवजानी तिय प्यारी । सुता शुक्रकी पतिव्रतधारी ॥

तासुत यदु अरु तुर्वसु जाये । यदुवंशहि यदुवंशी गाये ॥ विष
 पर्वण हो असुर सुनामा । तासुसुता सरमिष्टा आमा ॥ सो य-
 यातिकी दूजी नारी । तासुत भये तीनि शुभचारी ॥ द्रुह्युदुवन
 दर अरु अनु आये । प्रकट भये पुरुतिनके पाये ॥ नृप ययाति
 को सुरपति दीन्हें । दिव्य सुरथ सो भूपति लीन्हें ॥ शुभ्रमनो
 जब हय जेहि लागे । तापै चढ़ि ययाति मुद पागे ॥ षट्दिनमें
 सब धरणी जीते । जाहिर जगजेता जयहीते ॥ भूपति भोग
 बहुत दिन घरणी । भये वृद्ध करताशुभ करणी ॥ विषयभोगसो
 तोषन पाये । है आरत पुत्रनपहँ आये ॥ कह्यो बुभाइ सुतन
 सों बानी । मैं जो कहौं करौं सो ज्ञानी ॥ दोहा ॥ भूमि विषय के
 भोग सों मो मन लहै न तोष । है तृष्णा आतुरभई करौतासुप-
 रिपोष ॥ चौपाई ॥ मम वृद्धापनसुत तुमलेहू । आपन तरुणापन
 मोहिंदेहू ॥ क्रमसों चारिसुतनसों भाष्यो । भूपति बचनन काहू
 राष्यो ॥ दिये शाप तब नृपरिसि भारे । होहिं अराजकसुवनतु-
 म्हारे ॥ तिन्हें शापदे पुरपहँ आये । पुरसों कहितेहि भांतिबुभाये ॥
 सुनिपुरतासु विरधई लीन्हें । निज तरुणापन भूपहि दीन्हें ॥ युवा
 पुरुषई मोहितभूपा । लगे भोगवनविषय अनूपा ॥ बहुविधिकिये
 भोगलगि जीसों । विश्वाची आदिक तरुणीसों ॥ जितो भो-
 गवै विषयबिहारी । होइतितक तृष्णा अधिकारी ॥ बहुविधि भो-
 गि बहुत मनलाये । कामभोगको अंत न पाये । तबभा भूपतिके
 उरज्ञाना । विषय त्याग तबकियो सुजाना ॥ पुरुको तरुणापन
 नृप दीन्हा । आपन वृद्धापन सोलीन्हा ॥ तबनृप भूमि पांच-
 धा करिकै । पांचौ सुतहि दियो मुद भरिकै ॥ चारिसुदेश चारि
 कहँ दीन्हा । मध्यदेशपति पुरुकहँ कीन्हा ॥ कह्यो ययातिज्ञानमै
 बानी । समयपाय सदसद पहिंचानी ॥ जीरणभयेन जीरणहोई ।
 जाहि न त्यागिसकै सबकोई ॥ जोतनसंग रोगसमलागी । कबहू
 श्रमित न होइ अभागी ॥ दोहा ॥ सो यह तृष्णा प्रबल है याहि

तजे सुखहोइ । जवलोंयह तनमेंरहैतवलों सुखी नकोइ ॥ ती-
निलोककोईशकै कोटिनारिपतिहोय । जोतृष्णैमानैनतौ मोदि-
त कवहुंनसोय ॥ जिती लहै तृष्णातिती तृष्णा बाढ़तिजाति।
जैसे आहुति को दिये ज्वलन ज्योति अधिकाति ॥ थोरोलहि
बिनहूंलहै तियअनधन परधान । ज्ञानीजन सन्तोषसों पावत
मोदमहान ॥ कहिएसो भूपालमणि तियसहकरिवनवास । सा-
धियोग विधि त्यागि तन कीन्होंस्वर्ग विलास ॥

इतिश्रीहरिवंशदर्पणोनामअष्टमोऽध्यायः ८ ॥

चोपाई ॥ सुनिजनमेजयभूपतिज्ञानी ॥ मुनिसोंकह्योमनोहरबानी ॥
नृपययातिके सुवनवखाने । यदुपुरुअनुअरु द्रुह्युसयाने ॥ अरु
तुर्वसुये पांचगनाये । इनकेवंशकहोंमनभाये ॥ वैशम्पानि कहा
सुनुभूपा । पुरुके पुत्रप्रवीनअनूपा ॥ तासुतभये मनस्युमनस्वी ॥
तासुत अभयदभयेयशस्वी ॥ तासुतपशुधन्वाधनुधरता । तासु
सुबाहुतनयभूभरता ॥ भेरौद्राडव तासुसुतराजा । भई तासु द-
शसुता सलाजा ॥ शुचि नामी ते शूद्रासलदा । भद्राखला च-
लाअरु मलदा ॥ मद्रासुरथा बलदाजानो । गो चपला ये ग-
णिदशमानो ॥ अत्रिवंश ऋषिवर तपभारी । नाम प्रभाकरप-
रम अचारी ॥ दशौसुता तेहिको नृपदीन्हा । श्रुतिकीऋचा सु-
रुचि कहिलीन्हा ॥ जेसुतइन केहोहिं दुलारे । तेसिगरे सुत
होहिं हमारे ॥ एक एकसुत तिनकेजाये । तिन्हेंभूप निजसुतक-
रिभाये ॥ नृपकक्षेपू अरु कृकणपू । स्थण्डिलेपु अर्थेतु सनेपू ॥
नृपति ऋचेपु बनेपु जलेपू । धीरधनेपु महीप थलेपू ॥ तीनिसु
वन कक्षेपूकेहैं । भूप सभानर चक्षुषतेहैं ॥ दोहा ॥ अरु परमेक्षु
प्रवीण नृप ज्ञाता धनुष विधान । भयेसभा नरके सुवन काला-
नल बलवान ॥ चोपाई ॥ कालानलके शृंजयजाये । शृंजयसुवन
पुरंजय गाये ॥ ताके सुत जनमेजय नामी । महा सालतासुत
महि स्वामी ॥ तासुत महामना नयगामी । तासुदोय सुतभये

सुधामी ॥ भयेउसीनर जेठे वासों । भो तितिक्षु लहुरो जो
 तासों ॥ पांच उसीनर की तिय जानो । नृगीक्रिमी अरु नबा
 बखानो ॥ सुवन क्रिमीके क्रिमि कहवाये । तनयनबाके नबकहि
 गाये ॥ दर्बाके सुत सुव्रतवीरा । दृषद्युतीके सिबि रणधीरा । जो
 सिबि भूपचारि सुतताके । नृप वृषदर्भ सुबीर सुसाके ॥ मद्रव
 अरु कैकैय बिचारो । पौत्र उसीनरके येचारो ॥ नृपतितिक्षुके
 सुतजग जेता । भयेउ सद्व्रथसुपरपुर लेता ॥ तासुत फेनसुतप
 सुत ताके । तासुत बलिबणैं गुणजाके । दियोतिन्हैं बर कृपा
 निधाना । विधि आयू करि कल्पप्रमाना ॥ बलि हैं योगी
 इंद्रीजेता । ज्ञानगेर अरु ऊरधरेता ॥ ताते निजतियेते मन
 भाये । मुनि सों पांच पुत्र करवाये ॥ अंगबंग अरुमुम्भ सरा-
 हे । पुंडकलिंग प्रजाजिन पाहे ॥ अंगपुत्र दधिवाहन बीरा ।
 तासुत दिबिरथ गुणन गँभीरा ॥ भये धर्मरथ तासुत राजा ।
 तासु चित्ररथसुवन दराजा ॥ दोहा ॥ भये चित्ररथके सुवनलो-
 मपाद परवीन । शृंगीऋषिको ल्याइजे शांतास्वसुतादीन ॥ शृं-
 गी ऋषिकी कृपाते लोमपाद क्षितिपाल । पायो सुवन सपूत
 शुचि नृपचतुरंग सुचाल ॥ चौपाई ॥ भे चतुरंग भूपके वारे । नृप
 पृथुलाक्ष अच्छ गुणवारे ॥ तासुत भये चंपनृपचारू । तासुत
 भे हरिजंग उदारू ॥ ऋषि बैभांडकि जाहित धारे । ऐरावत
 गजभूमि उतारे ॥ भेहय्यंग भूपके बेटे । नृपति भद्ररथ विरद
 लपेटे ॥ तासुत बृहत्कर्म बलवाना । ताकेसुत वृहदर्भसुजाना ॥
 तासु बृहन्मन सुत धनुधारी । ताके द्वै पतिनीपतिप्यारी ॥ एक
 यशो देवी शुचिनामा । सत्वा दुतिय सुबुधि सब जामा ॥ सुवन
 यशो देवीके जाहिर । भये जयद्रथ सबगुण माहिर ॥ दृढ़रथभये
 तासुसुत नामी । तनय विश्वजित तासु सुधामी ॥ तासुतभयेक-
 रण शुभ कर्णी । तासु विकर्णतनयवरवर्णी ॥ इनके बंश बहुत
 नयचीन्हें । अंगभूपकी कीरति कीन्हें ॥ भये विजय संत्वाके

बालक । ताके सुत धृति खलकुल घालक ॥ तासुत धृतिव्रत
धीरयधारी । सत्यकर्म तासुत बलभारी ॥ सत्यकर्म भूपतिके
जाये । मे अधिरथ जे सूत कहाये ॥ तेईकरणहि पालि बढ़ाये ।
करण ताहिगुण सूत जगाये ॥ सुवन करणके विष्वक्सेना ।
तासुत वृषवाहक बरसेना ॥ दोहा ॥ येवंशज कक्षेपुके पुत्रवंत
सबधीर । अबक्छेपुके कहतहैं रौद्रपुत्रजे वीर ॥ चौपाई ॥ ज्व-
लनातक्षक सुतादुलारी । सो ऋचेपुकी पतिनी प्यारी ॥ ताके
सुत मतिनारमहीपा । तासुत तीनिभये कुलदीपा ॥ अंशुप्रथ-
म फिरिप्रतिरथमानो । यह सुबाहुनृप धार्मिकजानो ॥ अस्यक
कन्या गौरी नामा । तासुत मांघाता गुणग्रामा ॥ भये कर्णप्र-
तिरथके बारे । मेधा तिथिमे तासुदुलारे ॥ इलिनी तासुसुता
व्रतधारी । ताको कियो अंशु प्रियनारी ॥ तासुत भये सुराध
सुयोधा । तातिय उपदानवीसुबोधा ॥ ताकेचारि सुवन गुण-
वंता । नृप दुष्यंत भूप सुखकंता ॥ अनघ प्रवीर धीरयेचारौ ।
वर्णे वीर सुने मुदधारौ ॥ नृपदुष्यंत भूपमणि गाये । रमिशकु-
न्तला सों सुत पाये ॥ भरतनामनयविद महित्राता । जावंशज
तमभारत रूयाता ॥ तनय भरतके हैं बरदापा । ते निजजननी
को लहि शापा ॥ नशे तिन्हें नाशित लखिराजा । भरत वृद्ध
कीन्हों यहकाजा ॥ भरद्वाज सुरगुरुके बारे । पुत्रवधूसों तिन्हें
निहारै ॥ सुवन वितथ नामक तबजायो । अभिषेकित भूपाल
कहायो ॥ सुवन वितथके पांच ललामें । भये सुहोत्र जैठ हे
तामें ॥ दोहा ॥ मे सुहोत्रके सुवन द्वै कासगृत्समतिनाम । भये
गृत्समतिके सुवन ब्राह्मणक्षत्रीआम ॥ चौपाई ॥ कासभूपको सुत
सुनु ताता । भये दीर्घतप दीरघदाता ॥ भूप दीर्घतपकी सुत
गाये । धन्वन्तरि द्वापरमें जाये ॥ धन्वन्तरिके सुतसुखदानी ।
प्रकटे केतुमान बरज्ञानी ॥ तासुत भये भीमरथ दापी । तासुत
दिवोदास सुप्रतापी ॥ दिवोदासके सुतबलभारी । भये प्रतर्दन

भूतल चारी ॥ भये प्रतर्दन के द्वैवारे । बत्सभार्ग नृप भूमि-
 बिहारे ॥ भूप अलर्क बत्सकेजाये । लोपामुद्रासों वरपाये ॥ सु-
 तअलर्क के सन्ततिजाये । ताकेसुवन शुनीथ कहाये ॥ ताके
 सुवन क्षेमवर क्षेमी । तासुत केतुमान बरनेमी ॥ तासुतभये
 सुकेतु सुहेतू । तासुत धर्मकेतु यशसेतू ॥ तासुत सत्यकेतु स-
 तिवकता । तासुत बिभुहरिगुण रसभस्ता ॥ नृपआनर्त तासु
 सुतवीरा । तासु सुवन सुकुमार सुधीरा ॥ धृष्टकेतु सुततासु सु-
 जाना । वेणुहोत्र तासुत बलवाना ॥ तासुत भर्गभयेबलभारी ।
 एते कासवंश अधिकारी ॥ जे सुहोत्रके सुवन तृतीये । ताको
 वृहत्तनाम सुनिलीये ॥ ताके सुवन तीनिअजमीढा । अरु धी-
 मीढ तृतीयपुर मीढा ॥ दोहा ॥ तीनितिया अजमीढके नीलिनि
 केशिनि जानि । अरु धूमिनि सुकुमारि शुचिसरस सुशील सु-
 जानि ॥ चौपाई ॥ अजमीढा केशिनिसों जाये । जहनुभूपवर तप
 करगाये ॥ नृप युवनाश्व सुता शुभचरिता । ताकी तियाकावेरी
 सरिता ॥ तिनसां सुवन सुनहनृपजाये । पुत्र सुनहके अजक
 कहाये ॥ तासुत बली काश्वबलभारी । ताके सुत कुश आनंद
 कारी ॥ कुशके भये चारिसुत चारू । कुशिक और कुश नाभ
 उदारू ॥ नृपकुशांब अरु भूरमति मानू । सुवन कुशिकके गा-
 धिसुजानू ॥ तासुत विश्वामित्र कहाये । तिनके सुवन अनगि-
 ने गाये ॥ ये अजमीढभूपके जाये । केशिनिसोंते तुम्हेंबुताये ॥
 जे नीलिनिसों प्रकटे वारे । ते अब तुमसों कहैं पुकारे ॥ भेसु-
 सत्ति नीलिनिके जाये । ॥ पूरुताके सुवन कहाये ॥ नृपति पूरु
 के बाह्यसुबालक । तासुतपांच भये क्षितिपालक ॥ मुद्गलसु-
 जयवृहद्विषु कहिये । औक्रिमिलाश्वजयीनर लहिये ॥ येपांचौ
 जो देश बसावा । सोइ सुदेश पांचालकहावा ॥ जेठो सुत
 मुद्गल को जोई । इन्द्रसेन कहवायउसोई ॥ इन्द्रसेनकेसुवन
 सयाने । भेवअश्व जगतमें जाने ॥ ताकी तिया मेनकात्तामा ।

सो साधहि जायसि अभिरामा ॥ दिवोदासमुत पालकधरनी ।
 सुता अहल्या गौतमधरनी ॥ तासुत सतानन्द शुचिजीके ।
 ताके सुवन सत्यधृत नीके ॥ दोहा ॥ देखिअप्सरा को भयोता-
 को बीजखलास । परिसरईके पुंजपै सो शुचिलह्यो सुपास ॥
 तासों भूप तहां भये सुतअरु सुता असूप । कृपाचार्य जो वि-
 दित है कन्याकृपी अनूप ॥ तिनपैसंतनकरिकृपा लै आयेनिज
 धाम । सुनोभूप ताते भयो कृपाकृपी यहनाम ॥ चौपाई ॥ दिवो-
 दासकेसुतसुनुराजा । भयेमित्रयुःकृतशुभकाजा ॥ येमुद्गलके
 बंशबखाने । अबसृजयकेसुनुसुखमाने ॥ सोमदत्तसृजयकेबारे ।
 भयेतासु सहदेव दुलारे ॥ तासुतभे सोमकमहि साई । तामुत
 जन्तु पिताकी नाई ॥ शतसुत जन्तु यज्ञकरिपाये । सबते छोटे
 पृषतकहाये ॥ तनयपृषतके द्रुपदप्रवीना । धृष्टद्युम्न ता तनय
 अहीना ॥ धृष्टकेतु ताकोसुत शूरा । सर्वशास्त्र विद्यासोंपूरा ॥ ये
 अजमीढ़ भूप के बंशज । मेनील्लिनि सों ईश्वर अंशज ॥ अब
 धूमिनिके बंश बखानै । जेहि में तुम्हें प्रभृतिसुखदानै ॥ धूमिनि-
 पुत्र हेत व्रतधारी । अयुत वर्ष कीन्हों तप भारी ॥ कच्छ नाम
 ताके सुत जाये । ताके सुत सम्बरण कहाये ॥ ताकेसुवनकुरु-
 नय लीन्हें । तंजिप्रयाग कुरुक्षेत्र सु कीन्हें ॥ ताके बंशजकौ-
 रव गाये । भे कुरुके सुतचारि सोहाये ॥ भूप सुधन्वा सुधनुम-
 हीपां । नृपति परीक्षित भे कुलदीपा ॥ चौथा सुत अरिमेजय
 चारु । भयो धनुर्धर परमउदारु ॥ भयो सुधन्वाको सुतबीरा ॥
 भूप सुहोत्र सरस रणधीरा ॥ दोहा ॥ नृप सुहोत्र के च्यवनसुत
 ताके सुत कृतयज्ञ । चैद्योपरि चरतासुसुत भूपतिपरम कृतज्ञ ॥
 अंतरिक्ष गणनाशत्रसुताको हैं अवतारु । षट्सुत एक तनया
 लह्यो चैद्यो परिचरचारु ॥ चौपाई ॥ नृपति बृहद्रथमगधाधीशा ।
 अरु प्रत्यग्रथवर अवनीशा ॥ नृप कुरुअरु मनि वाहनशाल-
 क । अरु पदु जाहिर युधिकर तालक ॥ सुतामत्स्यकाली अति

पावनि । पतिव्रता व्रत भवतहि भावनि ॥ तनय कुशाग्र वृहद्रथ
 केरे । तासुत वृषमल ये अरिखेरे ॥ तासुत पुष्पवानमहित्राता ।
 नृपति सत्वहित तासुत ख्याता ॥ तासुत ऊर्ज सकलगुणखा-
 नी । तासुत संभव नृप गुरुज्ञानी ॥ ताके तनय भयोद्वै फारा ।
 लखि अनिष्ट सो बाहर डारा ॥ लखि तेहि जराराक्षसीलीन्ही ।
 सारकील दै सन्धित कीन्ही ॥ ताते जरासन्ध कै राज्यो । विशद
 वीर दश दिशिमें गाज्यो ॥ तासुत भे सहदेव नरेशा । तासुत
 उदायु तनय शुभभेशा ॥ तासुत श्रुतशर्मा महि शीक्षक भगध
 अधीश धीर जय ईक्षक ॥ कहँ सुधन्वा कुरु के बारे । तिनके वं-
 शज कहि निरधारे ॥ नृपति परीक्षितके अब कहिये । कौरववंश
 विदित जो लहिये ॥ सुवनपरीक्षित के जनमेजय । तासुत
 तीनि सुनो जनमेजय ॥ उग्रसेन श्रुतिसेन सुसेना । भीमसेन
 जिनकी पन देना ॥ ये सुत एक प्रियासों जाये । दूजीतिया एक
 सुत पाये ॥ दोहा ॥ सो जनमेजय को सुवन भयो सुरथबलवा-
 न । भूप बिदूरथ तासु सुत शीक्षक धनुष बिधान ॥ चौपाई ॥ सु-
 वनबिदूरथके बलवांना । भये ऋक्षनृप परमसुजाना ॥ भीमसेन
 ताके सुतजाने । ताके सुवनप्रतीपबखाने ॥ भेप्रतीपकेतीनकुमा-
 रा । सन्तन अरुदेवापि उदारा ॥ अरुबाहलीकभेलीकनिबाहू । ता
 सुत सोमदत्तजय चाहू ॥ तासुत भूरिश्रवा भो भूपा । महारथी
 विरुदैत अनूपा ॥ देवापी सन्तनके भाई । तेमुनिभये च्यवन
 ढिगजाई ॥ सन्तन नृप नृपसेवक जाके । भीषमभे अनुपमसुत
 ताके ॥ गंगासुत भीषम धनुधारी । इन्द्राजित योगीशअचारी ॥
 रही गन्धकाली तिय दूजी । सन्तन की प्रिय पावनि कूजी ॥
 तासु दोय सुत जानत सिगरे । नृपति विचित्रवीर्य हैं अगरे ॥
 छोटे चित्रांगद गुणसागर । शूरवीर धनुधरमें आगर ॥ इच्छि
 कुभाव शुद्धता चाहे । ये दोउबन्धु देह निज दाहे ॥ तिनकीति-
 या नेत्र पथ आनी । किये व्यास क्षेत्रज सुतज्ञानी ॥ भूप पांडु

धृतराष्ट्र कहाये । भये विदुर भागवतगनाये ॥ पांडवकेसुत अ-
र्जुन बीरा । ता सुत भे अभिमन्यु सुधीरा ॥ तासुपरीक्षित भये
सुसाजा । तासुत तुम जनमेजय राजा ॥ दोहा ॥ रही पांडुक्षिति-
पालकी शुभदा दुहिता एक । नाम सुभद्रा तासुको कीन्हें स-
हित विवेक ॥ शतसुतहैं धृतराष्ट्र के गांधारी सौबीर । तिनमें
जेठेहैं नृपति दुर्योधन रणधीर ॥ चौपाई ॥ नृपति ययाति भूप के
बारे । कहे पांचजे भूमि बिहारे ॥ पुरुतुर्वसु अरु द्रुह्यसुखारे । अरु
अनुयदुवर्मा दृढभारे ॥ तिनमें पुरुकेवंश सुनाये । जे पौरवकौरव
कहिगाये ॥ तुर्वसुको सुत बहनि विरूपाता । तासुतनयगोभानु
सुदाता ॥ तासुत मैत्रे सादिमु सानी । ताके सुत मारुतविज्ञा-
नी ॥ नृपति मरुत के दुहिताएका । भई सम्मता सहितविवेका ॥
नृपति ताहि सर्वत्रहि दीन्हें । सुत दुष्यन्त तासुनिज कीन्हें ॥
सुत दुष्यन्तभूपको जायो । करुत्थामवर भूप कहायो ॥ तासुत
नृप अंकीड सुभेशी । भे ताके सुतचारिसुदेशी ॥ केरलपार्थिव
पाण्डु प्रवीने । अरु नृप गोलबीर रसभीने ॥ नृप तुर्वसु के वंश
बखाने । कहैं द्रुह्यके अब मनमाने ॥ भये द्रुह्यके द्वैसुत नागर ।
ब्रह्मसेतु कुवदीप उजागर ॥ नृप अंगार सेतुके बारे । तेहि यव-
नाश्व समरमें मारे ॥ जाय जोवकीजाल अरुभे । चौदहमास
युद्धकरि जूभे ॥ ताको सुत गांधार महानो । ये ते द्रुह्यवंशनृप
जानौ ॥ अब अनुवंशज भूप बखाने । अनुके पुत्र धर्मजगजा-
नै ॥ दोहा ॥ तासुत धृति ताके दुदुह ताके तनयप्रचेत । प्रगटे
तनय प्रचेत के नैविद भूतसुचेत ॥ पुरुतुर्वसु अनुद्रुह्यके वरणि
कहे ये वंश । अब आगे यदुको कहैं सुनिये नृप अवतंश ॥

इति श्रीगोकुलनाथकृते भाषाभारतान्तर्गते हरिवंशदर्पणेनवमोऽध्यायः ९ ॥

चौपाई ॥ नृपययातिके सुत यदुज्ञानी । तिनके भये पांच सुत
दानी ॥ नृपति सहस्रद सदसंद ज्ञाता । अरु पयोद कोष्ठाम-
हित्राता ॥ भूपनील अरु अंजिक जाने । ये यदुके सुतपांचव-

खाने ॥ तीनि सहस्रदके सुत कहिये । सो सुनि पुरुष सिंहमुद-
 गहिये ॥ है हय हय ये दोय सुनामी । भूप बणु हय तृतीयसु-
 धामी ॥ है हयनृपको पुत्र विशाला । धर्म नेत्रभो अरिकुलका-
 ला ॥ भये कांति ताके सुत भूभर । नृपसाहंज तासुसुतकूपर ॥
 ताके तनय महिष्मतमानी । भद्रसेन ताकेसुत ज्ञानी ॥ ताके
 सुत दुर्दम नरनाहू । कनकतासु सुत दीर्यबाहू ॥ चारिकुमार
 कनकके जाये । ते कृतवीर्य कृतोज कहाये ॥ अरु कृतवर्माकहैं
 सयाने । हे कृताग्नि चौथो सुनिजाने ॥ भो कृतवीर्य तनय भू-
 स्वामी । कार्तवीर्य सहसार्जुन नामी ॥ अयुतवर्षकरि तप मन
 माना । दत्तात्रय सों लहि बरदाना ॥ सातौ द्वीप अमलिसौली-
 न्हें । शतशतमख प्रति द्वीपन कीन्हें ॥ जीति रावणै बांधिल-
 यायो । ताको आइ पुलस्त्य छोड़ायो ॥ तासों लरनयोग जै
 जोऊ । रह्यो न भूपै भूपति कोऊ ॥ दोहा ॥ वर्ष पचासी सहस
 सो कीन्हों भूमि बिहार । परशुराम तब कोपकरि कियो तासु
 संहार ॥ चौपाई ॥ शतसुत रहे तासुवरवीरा । तामेंवचे पांचरण-
 धीरा ॥ सूरसेन अरु सूर सुसूरा । नृपधृष्टोक्त कृष्णबलपूरा ॥
 पंचयोंपूत जयध्वज पूता । कार्तवीर्यसुत बली अकूता ॥ भयो
 जयध्वजको सुतबांको । तालजंघ नृपबड़े भुजाको ॥ ताकेवंश
 भये बहुराजा । तामें वृष कै विदित बिराजा ॥ वृषके मधु नृप
 मधुके बालक । भये वृषगण परजा प्रतिपालक ॥ मधुकेवंशज
 माधवख्याता । वृषण वंशजा वृष्ण सुज्ञाता ॥ यदुकेपुत्र सहं-
 सदनामी । तिनको वंशजये महिस्वामी ॥ यदुसुतजे क्रोष्टाव-
 रदानी । अब तावंशसुनो नृपज्ञानी ॥ नृपक्रोष्टाकेही द्वैनारी ।
 मंजुलमाद्री अरु गान्धारी ॥ गान्धारीके सुवन बखाने । हेअ-
 नमित्र जगतमें जाने ॥ भेअनमित्र भूपके बारे । भूप शिरोम-
 णि सुनि मुदभारे ॥ तासुसुवन सात्यकि बलभारी । तासुसुवन
 सात्युकि धनुधारी ॥ ताको सुवन असङ्गकहाये । तासुसुवनभे

भूमि सदाये ॥ ताके पुत्र जुगन्धर राजा । किये सदानयमिति
सतकाजा ॥ क्रोष्टा गान्धारीके अंशज । नृप अमित्रतिनके भये
वंशज ॥ दोहा ॥ यदुसुतक्रोष्टा भूपकी माद्री तिया सुजानि ।
ताके वंशज अब कहैं सुनो भूप सुखदानि ॥ चौपाई ॥ माद्रीसु-
वन युधाजित कूजे । भूप देवमी दुशहेदूजे ॥ नृपति युधाजित
के द्वै सुतभे । वृष्णि अधते नृप नययुतभे ॥ भये वृष्णिके द्वैसुत
वीरा । स्वफलक अरुचित्रकरणधीरा ॥ काशिराजभूपतिकीतन-
या । रहीयथार्थगांदिनीसनया ॥ सोस्वफलकभूपति कीप्यारी ।
तासुतनय अक्रूर अचारी ॥ तासुअनुजहे बारह औरौ । सुत
स्वफलक नृपके सति सौरौ ॥ उग्रसेनकीसुतादुलारी । सोअक्रूर
केरि प्रियनारी ॥ द्वैसुततिनसों भयेसयाने । ते प्रसेन उपदेवब-
खाने ॥ कृष्ण तनय दूजो महि त्राता । जो चित्रक स्वफलकके
आता ॥ तिनके सुवनकहैंसो मानो । पृथु विपृथुये जेठे जानो ॥
बाहु सुबाहु सुपाश्व सुसावां । और सुधर्मा अश्वग्रीवां ॥ अ-
रिष्ट नेमि गवेषिण धीरा । अश्वबाहुसब गुणनगैभीरा ॥ सर्मि-
ष्ठा श्रवणा द्वै कन्या । चित्रक नृपकी धनीसुधन्या ॥ क्रोष्टाअरु
माद्री सों जाये । दोय सुवनजो तुम्हें बताये ॥ जेता युद्धयुधा-
जित कूजे । भूप देवमी दुशहे दूजे ॥ वंश युधाजितके येजानो ।
अब दूजेको सुनि सुखमानो ॥ तियादेवमी दुखकी ज्ञानी । रही
अश्वकी सरससयानी ॥ तिनके तनय शूरनृप यतनी । भोज
वंशजाताकी पतिनी ॥ दोहा ॥ भये शूरके दश सुवन सुतापांच
शुभभेव । तिनमें सबतेहैंवड़े भाग्यवानबसुदेव ॥ तासुजन्ममें
दुन्दुभी सुरन बजायो आम । तातेभो बसुदेवको आनकदुन्दु-
भिनाम ॥ देवभाग गंडूष फिरि अनादृष्टि अरु श्याम । देव
श्रवागूंजिम बहुरि बत्सावत अभिराम ॥ चौपाई ॥ अरुसमीक
कन बक उरआनो । तनय शूरके ये दशजानो ॥ जेठीपृथातदनु
श्रुतदेवा । पृथुकीर्ती श्रुतश्रवा सुभेवा ॥ अरु राजाधि देवि-

रा पांचौ । सुताशूरकसुनि सुखरांचौ ॥ राजा सुकृत शूर सों
 मांगे । पृथा सुताते दै मुदपागे ॥ तेहिं निजसुता कियो भूस्वा-
 मी । पृथाभई तब कुन्ती नामी ॥ कुन्तिहि कुन्तपाण्डुको दीन्हें
 लोक वेद विधिसों मुद लीन्हें ॥ भेकुन्ती के तीनि कुमार । नृप-
 ति युधिष्ठिर भीमउदारा ॥ और धनंजयक्रमसोंजानो । यमअरु
 बायुइन्द्रसोंमानो ॥ कुंत्यभूमिपतिकोपतिपाई । देवश्रवाजगहुसु-
 तजाई ॥ वृद्धशर्मणाकोपतिलहिकै । पृथुकीर्तिसोंबरमुदगाहिकै ॥
 दन्तवक्रसुत उतपति कीन्ही । उग्र तेजमें तेहि लखिलीन्ही ॥
 शूर सुता श्रुतश्रवा कहाई । सो चइयपति अनुपमपाई ॥ हवै
 शिशुपाल तासु सुत जायो । जो हिरण्यकश्यप कहिगायो ॥ शूर
 भूपकी सुतासयानी । तिनकेवंश कहे नृपज्ञानी ॥ कहे सुवन
 जे दशगुणज्ञाता । तिनकेवंशसुनो अबताता ॥ जेठेनृप बसुदे-
 व सोहाये । जाकेसुवन कृष्णगुण गाये ॥ दोहा ॥ देवभागगंडूष
 अरु अनाधृष्टअरुश्याम । देवश्रवागूंजमबहुरि बत्सावत अ-
 भिराम ॥ चौपाई ॥ अरु समीककन बक उर आनो । सुवन शूर
 के ये दश जानो ॥ देवभागके सुत बरज्ञानी । ऊधो भये परम
 परमानी ॥ अनाधृष्ट के सुवन बखाने । भयेनिनर्त जगत में
 जाने ॥ देव श्रवाके सुत सुखभोये । भेशत्रुघ्न शत्रुजित जोये ॥
 देवश्रवाके सुवनसराहे । एकलव्य जे पर पुरदाहे ॥ वत्सावत
 के सुत नहिंजायो । तब ताको करिकै मनभायो ॥ तेहि बसुदे-
 व सुवन निज दीन्हें । कौशिकतेहिते निजसुत कीन्हें ॥ शूरसु-
 वन गंडूष उदार । तिनकेभयो न आत्मजबार ॥ निजसुतचारि
 तिन्हें हरिदीन्हें । कृष्ण कृपामय करुणा चीन्हें ॥ तासुनाम कृ-
 त लक्षण चारु । चारु देष्णपंचाल सुचारु ॥ तंत्रिपालतंत्रित
 द्वेबारे । भेकनवकके परमदुलारे ॥ हनु विश्वास दायसुतबीरा ।
 भेगूंजम के हरहितपीरा ॥ सुबुविश्यामको सुवन सुशीला । भे
 सुमित्रसहसानरशीला ॥ सुतसमीककोपरमप्रवीना । भोअजा-

त अरिजय यशस्वीना ॥ हीवसुदेव भूपकीरानी । चौदह चातुरि
चारु सयानी ॥ सबसों बड़ीरोहिणी रानी । फिरिमदिरापीहीं
गुरुज्ञानी ॥ फिरि बैशाखी अरु सहदेवा । तदनु सुनामाकहि
श्रीदेवा ॥ दोहा ॥ तिया शांति देवा सुरुचि देवरक्षितारानि ।
वृकदेवी अरु देवकी उहदेवी सुखदानि ॥ सुतनु सुतनु बड़-
वा बहुरिये चौदह गनिलेहु । नृपमणिश्रीवसुदेवकी पतिनी
सरससनेहु ॥ चौपाई ॥ पौरवनृप बाहलीकयशिला । तासुरोहि-
णीसुता सुशीला ॥ आठ सुवन दुइदुहिताताके । नृपवसुदे-
व सुवश हैं जाके ॥ जेठे श्रीवलरामकहाये । फिरि सारणशठ
दुर्दमगाये ॥ दमनश्वभु पिंडारकजानो । उग्रउसीनर येवसु
मानो ॥ चित्रानाम सुता यकजाई । सोतन तजि फिरिताउर
आई ॥ सोइ सुभद्रा भई सोहाई । जोपतिव्रतापार्थपतिपाई ॥
रामरेवती रमण उदारा । तासों प्रकट्यो निशठ कुमारा ॥ भ-
ये देवकीके सुतनागर । कृष्णकृपानिधि करुणा सागर ॥ भये
शांति देवाकेबारे । भोज विजय द्वै जय रुचिधारे ॥ गदवृक
देवसुवीर करेरे । येद्वै सुवन नामतिनकेरे ॥ वृकदेवीके सुत
जय ईक्षक । भये अनावह धनुधर शीक्षक ॥ सुता त्रिगर्तिराज
की ज्ञानी । वृकदेवीही सरस सयानी ॥ ताभूपति के रहे पुरो-
हित । शिशिरायण वरतप स्वज पोहित ॥ ताहि नपुंसक काहु
भाख्यो । सोरिसते मनमें गहिराख्यो ॥ बीते द्वादश वर्षप्रमा-
ना । तबलहि औसर करि अनुमाना ॥ गोपसुता लहि रति
सुख लीन्हें । निज मनुशापन प्रकटितकीन्हें ॥ दोहा ॥ सोशापि-
तहो अप्सरा गोपसुता जोबाल । मुनिसंग रमी अनेक दिन
सहित सप्रेम सुचाल ॥ चौपाई ॥ सुवन एक प्रकट्यो तहैं तासो ॥
तबसो गई स्वर्ग भरि भासो ॥ मुनि निरुपह्वनहिं सुतहिनिहारो
शोकानन तजिअनत विहारे ॥ रह्यो यमनराजा यककोई । ल-
ख्यो आइतहैं सोसुत सोई ॥ सोसुतलै नृपनिज सुत कीन्हें ।

कालयमन सोइ शिववर लीन्हें ॥ कालयमन के रथके बाजी ।
 रहे वृषभमुखवर जयसाजी ॥ सुनहुं भूप जनमेजय ज्ञानी । अब
 जो कहैं सरुचि शुचिवानी ॥ क्रीष्ण भूपतिके बलवाना । भयो
 एकसुत और सुजाना ॥ तासुनामवृज नीव सुनीको । तासुत
 स्वाहि सूर शुचिजीको ॥ ताके सुवन रुसद्रु सुवीरा । ताके पुत्र
 चित्ररथधीरा ॥ ताकासुत सरबिंदु नरेशा । तासुत पृथुश्रवाशु-
 भभेशा ॥ ताकेसुत अन्तर महिस्वामी । ताकेसुत सुयज्ञ शुभ
 नामी ॥ ताके पुत्र उसत बिरूयाता । ताके सुवन सिनेयु सुदा-
 ता ॥ ताकेतनयमरुत महित्राता । कम्बलबर्हिष तासुतज्ञाता ॥
 शतप्रसूति तासुत सुखदायक । रुक्मकवचतासुत सबलायक ॥
 तासुत अपराजितरणजेता । तासुतपांचभये जयलेता ॥ रुक्मेयू
 पृथुरुक्म महाना । अरु ज्यामेध अमोघ सुजाना ॥ दोहा ॥ पा-
 लित अरु हरिपांचये बरौ बीर विशाल । सुवन पराजितभूपके
 अरि वृन्दनकेकाल ॥ चौपाई ॥ भूपविदेह ताहि नृपदीन्हें । पालित
 हरिद्वै सुतमुदलीन्हें ॥ भेरुक्मेयु राज्य अधिकारी । भेपृथुरुक्म
 तासु सहचारी ॥ येदोउमिलि विरोधहियधारी । लरिज्यामेधहि
 दियो निकारी ॥ तेमुनि सँगवसिमुनि सोपाये । शस्त्रमंत्रजे जय
 विधिछाये ॥ तबचढ़ि रणज्यामेध सचायक । विदितबीरवरबिना
 सहायक ॥ नदीनर्मदातटभटभारे । रिच्छवन्तगढ़पतिकहँमारे ॥
 वसितहँ राज्यकियो सबिवेका । हियेटिकाये रणजयटेका ॥ हे
 ज्यामेध भूपकीरानी । सैब्यानामप्रगल्भामानी ॥ रह्योनभूपति
 पुत्रउझाहू । तियभयकरैनदुतिय विवाहू ॥ जीतिकहँ भूपति की
 दुहिता । ल्याये निजतिय हितकरि सुहिता ॥ लखिसैब्या बो-
 लीरिसभारे । यहको तियहै साथ तुम्हारे ॥ सुनिडरि भूपति
 कहा बिचारी । पुत्रबधू यहतिया तुम्हारी ॥ तबतेई कहा मूढ़
 मति होहू । पुत्रहीन किमि लह्यो पतोहू ॥ कह्यो भूपमति रिस
 उर आनो । सुत भविष्यकी पतिनी जानो ॥ तबवह सुताकियो

तपभायो । ताकेभाग्य भूपसुतपायो ॥ भोज्यामेध भूपकोबारा ।
 ताकोनाम विदर्भ उदारा ॥ ताकेभये तीनि सुतमानो । लोम
 पाद क्रथ कौशिक जानो ॥ दोहा ॥ लोमपादके बभ्रुसुत ताके
 सुत आह्यात । तासुत कौशिक चेदिता तासुत वैदि विख्याता ॥
 चौपाई ॥ भोविदर्भके सुतयक औरौ । बलगुण गर्वगहे जोगौरौ ॥
 भूपति भीमभूरि बलभीमा । एक विहित जोविदित महीमा ॥
 तासुत कुन्ति नीति विधिचीन्हे । जेकुन्तहि निज तनया कीन्हे ॥
 ताकेतनय धृष्ट क्षितिकन्ता । तासुतीनि सुत गुणनि अनन्ता ॥
 नाम अवन्त दसाह सुहावन । बिषहर परपुर दुन्द मचावन ॥
 सुत दसाहके व्योम सुनीता । ताकेसुत जीमूतपुनीता ॥ तासु-
 त वृहती अरिदल कूटन । तासु भीमरथ परपुर लूटन ॥ ता
 सुत अनरथ रिपुरथ खूंदन । दशरथ तासु दुवन दलदूंदन ॥
 तासुत शकुनि सुशील सराहे । तासु करम्भ सुनय जेचाहे ॥
 देवरात तासुत असिबाहक । तासु देवक्षिति वरयश चाहक ॥
 तासुत मधु मंजुल महिभरता । तासों द्वै सुत अरिदल दरता ॥
 मरुवस सत्वसत्य प्रतिपालक । पुरद्वान मरुवसुके बालक ॥
 तनय सत्वके चारि उजागर । कौशल्य सो भे गुणसागर ॥ नृप
 भजमान देवभृतजानो । अंधक वृष्णिभूप येमानो ॥ द्वैभजमान
 भूपकी रानी । तिनमें बड़ी बाह्यका ज्ञानी ॥ उपबाह्यकी दुतिय
 सयानी । भये बाह्यकाके सुतदानी ॥ दोहा ॥ धृष्ट विदूरथ ब्रमन
 कृम और पुरंजय पाठ । अयुताजितसुसहस्रजित सतजित स
 हयेआठ ॥ चौपाई ॥ उपबाह्यकाके सुत बलभारी । देववृद्धभे भूत
 लचारी ॥ सुवन सपूत हेत ब्रतधारी । कीन्हींतपकै पर्णअहारी ॥
 जाय सरिततट संध्याकरहीं । लहित्रिकाल जलपरशन करहीं ॥
 नृपकी चित्तवृत्तिशुचि देखी । सरिता भये प्रसन्न विशेषी ॥
 तब कै मूर्तिमान वहसरिता । कहोभूपसों सरुचि सुचरिता ॥
 क्षितिपति अबनिज ईच्छित भाखौ । कियेकर्मको शुचिरसचा-

खौ ॥ भूपति कही कृपायह कीजै । मोहिं सदृश मोहिं शतसुत दीजै ॥ सुनितेइ गुणी तियाको ऐसी । भागवान शुचि सुहृद सदैसी ॥ जो ऐसो सुत उतपति करिहैं । भूपति अतिआनंद सोभरिहैं ॥ यहगुणि आपुहिशुचितन धारी । भईभूपकी पतिनी प्यारी ॥ रमितासों भूपति मुदलीन्हें । बभ्रुनाम सुत उतपतिकीन्हें ॥ ताकेपुत्र पउत्र बिधाना । भे बंशज शतसह बलवाना ॥ जेभजमान भूपके बारक । बीर बिदूरथ बैरि बिदारका ॥ नृपराजाधि देवसुतताके । दत्तअदत्तसुवनभेजाके ॥ तीजोसुत सोणाखहि जानो ॥ चौथइवेत बाहनको मानो । सुवन दत्तके अरिबल खोऊ । समीदण्डशर्मा ये दोऊ ॥ श्रवणा-अरु सरमिष्टा तनया । दत्तभूपकी शुचिरुचि सनया ॥ भे प्रतिछत्रसमीके जाये । तासुत स्वयंभोज जगभाये ॥ ताकेसुवन हृदीक बिख्याता । ताकेबहुततनय गुणज्ञाता ॥ जेठे कृतवर्मा गुणज्ञाता । भिषगु सुधन्वा भीमहि त्राता ॥ तनया दोय कामदा नामी । कामदंतिका लह्यो सुस्वामी ॥ इनके बंशज शतसह जानो । सबको धीरवीर अनुमानो ॥ देहा ॥ सत्वा भूपति के सुवन नृप भजमान उदार । ताके बंशज ये कहे नरपति सह बिस्तार ॥ चौपाई ॥ सत्वाकोसुत अंधक भाखा । सुनो तामु बंशजकी शाखा ॥ नृप दृढाश्व की तनया चारू । ताके अन्धक नृप भरतारू ॥ तिनसोंभये चारिसुतउतपति । तिनमें बड़े कुरुरभे नरपति ॥ अंभजमान तदनु सम सांचे । कंबल बरहिष बर जस रांचे ॥ तनयकुरुरके धृष्णु कहाये । ताकेसुवन कपोतर गाये ॥ तैतिर नृपतिभये सुतताके । प्रकटे सुवन पुनर्वसु जाके ॥ ताके सुत अभिजित महिनाथा । ताके भये सुतासुत साथी ॥ सुता आहुकी भई सुशीला । आहुक नामक सुवन यशीला । नृप अवांतिपति निज समजानी । दियोआहुकी सुतासयानी ॥ भे बाहुकके दोय कुमारा । देवक उग्रसेन बलभारा ॥ देवकके सुत

चारि बखाने । देववान उपदेव सयाने ॥ अरु सुदेव शुभकारज
कर्ता । और देव रक्षित हिय हर्ता ॥ तनया सातदेव की आदी ।
और शांत देवीशुभ बादी ॥ देव रक्षिता अरु उपदेवी । श्रीदे
वी अरु शुचि वृकदेवी ॥ सतईसुता सुजान सुनामा । सबवसु-
देव भूपकी बामा ॥ नवमुत उग्रसेन के जानो । कंस न्यग्रोध
सुनामा मानो ॥ कंकुसु भूमिप सुधनु सुधन्वी । राष्ट्रपाल अरु
शंकु समन्वी ॥ अनाधृष्ट बल धीरज गेहू । पुष्टिमान ये नव
गनिलेहू ॥ दोहा ॥ कंसा कंसवती सुतनु कंकाजेहि प्रियसांच ।
रहीराष्ट्रपालीसहित बहिनिकंसकीपांच ॥ यदुवंशजपरधानजे
वरणिसुनायेभूप । बीरधीरदाताविदित जेतायशीअनूप ॥

इति श्रीहरिवंशदर्पणोनामदशमोऽध्यायः १० ॥

चौपाई ॥ यदुसुतकोष्ठानृपकीनारी । मंजुलमाद्री औ गान्धा-
री ॥ गान्धारीमहिषीके जाये । भूपतिजे अनमित्र सदाये ॥
माद्रीपुत्र युधाजित कूजे । और देव मीदुषहैं दूजे ॥ तिनकेवं-
शभेद व्यवहारा । प्रथमहिं कहा सहित विस्तारा ॥ और एक
माद्रीके जाये । ते भूपति अनमिव कहवाये ॥ अनमिवके सुत
निघ्न महीपा ॥ ताके दोय तनयकुल दीपा । नृप प्रसेन सत्रा-
जित जेता । विदितवीर विरदैत सचेता ॥ सब यदुवंशी कृष्ण
समेता । बिहरैं द्वारावती सनेता ॥ सत्राजित हे सूर्यअराधक ।
परमभक्त अविछिन्न अब्राधक ॥ ते यकदिवस समुदतटजाई ।
रवि सन्मुख द्वै बांह उठाई ॥ रहि तहैं खरो खरीलय लाये । कै
प्रसन्न रवि भूपै आये ॥ रविहि समीपहुँआये लेखे । तेजपुज
नहिं मूरति देखे ॥ तब नृप कह्यो सूर्यसों ऐसे । देखतरहे तुम्हैं
प्रभु जैसे ॥ नभ पै तैसे इतहूँ लेखैं । तेज पुंज मै मूर्तिन देखैं ॥
सो सुनिरवि निजगरसों तूरी । मणिस्यमन्त धरिलीन्हेंउटूरी ॥
तब रवि सौमि तेज कै भाये । नृप कै सुचित मूर्तिलखिपाये ॥
दोहा ॥ करिसंभाषण भूपसों रवि चढ़िचले विमान । मांग्योनृप

सेमन्त मणि दियोसूर सुखदान ॥ चौपाई ॥ सोमणिवांधि कंठमु-
 दजोहे । भूपति भूमि सूर्य कै सोहे ॥ सत्राजित सो मणिमुद
 लीन्हें । नृप प्रसेन जित भाइहि दीन्हें ॥ सो मणिदेखि कृष्ण
 प्रभुमांगा । दिये न सो शठ लालचपागा ॥ सोचलिमणिसह
 बिपिन बिहारेसि । मणिहित ताहि सिंह तहँ मारेसि ॥ मणि
 लहि कै वह सिंह असूदै । लाग्यो बनमें इतउत कूदै ॥ मोहित
 लखितेहि बिधि रिसिआई । जांबवान मणि लियो छड़ाई ॥
 जब सेनाजित घरनहिंआये । तबता गुरुजन कपट बढ़ाये ॥
 मांग्यो कृष्ण न तेई मणिदीन्हा । ताते ताहि मारितिनलीन्हा ॥
 कहन लगे इमि सबै अयाने । सो सुनिकै हरिअनुचित माने ॥
 प्रभुलै संग सुभट शुभभेशा । लगे लगन करि बिपिनप्रवेशा ॥
 तहां मरो तेहि नृपको देखे । ताके कंठन सो मणिलेखे ॥ च-
 लि आगे सब सिंहानिरेखे । ऋक्ष चरण तहँ उपटे पेखे ॥
 उपटे चरण लखत चलिआगे । दीरघ गुहादेखि मुद पागे ॥
 सुन्यो तहां बाणी यहि भावै । ऋक्ष सुतहि जोधाय सुनावै ॥
 उरप्रसेनको सिंह बिदाख्यो । सिंहहि जाम्बवान गहि माख्यो ॥
 कततुम रोदन करत कुमारा । है यह चारु स्यमन्त तुम्हारा ॥
 सो सुनि सबहि राखि बिलद्वारे । प्रविशे कृष्णरोष वरधारे ॥
 जाम्बवान हरिकहँ लखिभूपत्यो । घोर सजोर शब्दकरि लप-
 त्यो ॥ देहा ॥ कै सकुद्ध सो उद्धभट बाहु युद्धकरि घोर । यक-
 इस दिनपै जानिप्रभु परयोपाय सहजोर ॥ जाम्बवती कन्या
 दियो अरु स्यमन्तमणि चारु । सो लै मोदित द्वारका आये
 कृष्णउदारु ॥ चौपाई ॥ सोमणि सत्राजित कहँ दीन्हें । भूठो
 लांछन लोपित कीन्हें ॥ हींसत्राजित के दशनारी । तिनकेशत
 सुत भूमि बिहारी ॥ तिनमें तीनिप्रसिद्ध सुकामी । हेमंकारवात
 पति नामी ॥ वियत्स्नातये सुत त्रयमानी । तनया तीनिप्रवीण
 बखानी ॥ चारु सत्यभामा अरु व्रतिनी । प्रस्वापिनि हरिरति

रस रतिनी ॥ सत्राजित नृपनिज भलचीन्हे । तीनोंसुता कृष्ण
 कहँ दीन्हें ॥ द्वैसुतभाग राजके जाने । नृप सभाक्ष नारेयवखा-
 ने ॥ ऋच्छजीति जो मणिप्रभु ल्याये । सत्राजित को दै सुख
 पाये ॥ नित्य सुवर्ण भरै मणिसोई । रहै तहां न अवर्षण होई ॥
 यह गुणलखि अक्रूर लुभाने । मणिलीवे को मत हियमाने ॥
 सुनि पाण्डवको कौरवजारे । कृष्णराम तहँ गये पियारे ॥ तब
 अक्रूर सुअवसर पाई । शतधन्वाको मंत्र सिखाई ॥ सत्राजित
 को हतिमणिल्यावो । निशिमैं हमको दै मुदपावो ॥ शतधन्वा
 तेहि हति मणिलीन्हें । सहितप्रेम अक्रूरहि दीन्हें ॥ कह्यो अ-
 क्रूरकरो पनभाई । हमें दियोतुम जो मणिल्याई ॥ सो मतिका-
 हुहि भेदबतावो । कियो कष्टजो वासोंपावो ॥ गेहा ॥ पितामरण
 लखिदुखित कै सतिभामा रिसियाइ । रथचढ़िजाइ गोविंदपै
 कहीदशा बिलखाइ ॥ चौपाई ॥ सुनि हरितहांसात्यकिहि राखे ।
 आपद्धारका गेरिसिराखे ॥ शतधन्वाकोघेस्योजाई । लख्यानिकसि
 सोसन्मुख आई ॥ कछुक्षण लरि फिरिचल्योपराई । रथमेंएक
 अश्वनीलाई ॥ सोबाजिनि शतगामिनिनामा । शतयोजन चलि
 मरीसुकामा ॥ तबशतधन्वा भयसोंपाग्यो । रथसोंउतरिपयादे
 भाग्यो ॥ पीछे रामकृष्ण तहँ आये । रथकी दशादेखि सुखपा-
 ये ॥ निजरथ सहतहँ रामहि राखी । ता पीछे हरिचले सुसा-
 खी ॥ लखिताको इमि कियो भूषेंटें । जिमिगयन्दको सिंह द-
 पेष्टें ॥ मिथिलापुर पहुंचत तेहि मारे । तेहिमणि बिनु ताकंठ
 निहारे ॥ फिरिगे आतापै मुदपागे । रामलषणको सो मणिमां-
 गे ॥ कह्यो रामसों कृष्णबुभाई । तासोंरह्यो न सो मणिभाई ॥
 सो सुनि रामकपट अनुमाने । मिथ्यावचनजानि रिसियाने ॥
 रूसिजाइ मिथिला सुखसाजे । मिथिला पतिसों पूजितराजे ॥
 लहि मणिकनक प्रसूतिसुखारे । गुणि अक्रूर यज्ञपन धारे ॥
 नित्यनिरंतर शुचिमख करहीं । दैअसंख्य दक्षिणमुदभरहीं ॥

साठिवर्ष यहिविधि मखकीन्हें । मणिप्रभाव सो काहूचीन्हें ॥
 सतमारग में रततेहि लेखे । कहिनसकै कोऊ बिनुदेखे ॥ दोहा ॥
 यहिअन्तरमें रामपै मिथिलापुरमें जाय । गदायुद्ध सीर्योसु-
 भट दुर्योधन नृपराय ॥ चौ ॥ अंधकि वृष्णरामपै आई ।
 सहितकृष्ण लैगये मनाई ॥ मणिकारणकै अंतरत्रासी । भेअ-
 क्रूर दूरिके बासी ॥ गे अक्रूर दूरिकढ़ि जबते । भो निजदेश
 अवर्षण तबते ॥ तब अंधक नृपजाइ बुभाये । अक्रूरहि निज
 पुरमहँ ल्याये ॥ सुनहुभूप तब मणिकेभेवा ॥ बष्यो द्वावाति
 में देवा ॥ सुधिअक्रूर कृष्णकहँ दीन्हों । निजतनया हिय आ-
 नंद लीन्हों ॥ सभामध्य अक्रूरहिदेखी । कह्यो कृष्णबाणीरिस
 भेखी ॥ मणि स्थमन्तहै तुम्हरे गेहू । निजभल चाहि हमें सो
 देहू ॥ सुनिअक्रूर न उत्तरभाखे । सो मणि हरिके आगेराखे ॥
 लाखिसो मणिप्रभु निजकर लीन्हें । कैप्रसन्न अक्रूरहि दीन्हें ॥
 बांधि कंठमणि मुदसों मोहे । नृप अक्रूर सूरसम सोहे ॥ जा-
 म्बवानके घरके द्वारे । प्रभु जे सुन्यो शब्द पुनधारे ॥ भांदौ
 चौथि चन्दजो देखे । हियकलंकके भयसों भेखे ॥ तौ वहशब्द
 पठन जो लागै । भूँठकलंक न ताको लागै ॥ हिय प्रसेनको
 सिंहविदाख्यो । सिंहहिजाम्बवान गहिमाख्यो ॥ कतरोदन तुम
 करत कुमारा । है यहचारु स्थमंत तुम्हारा ॥ श्लोकः ॥ सिंहः
 प्रसेनमवधीत्सिंहोजाम्बवताहतः । सुकुमारकमारोदीस्तवह्ये
 षस्थमन्तकः ॥ दोहा ॥ तीनिवारयहिजो पढ़ै निश्चयसों हिय
 भेखि । भूँठकलंक न त्यहिलगै चौथि चन्दको देखि ॥ फिरि
 बूभयो मुनिराज सों जनमेजय क्षितिपाल । विदित विश्वभर
 विष्णु की पावनि कथारसाल ॥ छन्द ॥ शुचि सुबुधि सकल
 पुराणविदसों सुरुचि यह बाणिलहै । भे विशद विष्णु बराह
 ताकर शुभकथा सुनिबो चहै ॥ आचरण चरित सुभाव का-
 रण रूपगुण तिनके कहो । अरु विश्व सृजभगवान कत बसु-

देवके सुतभे अहो ॥ जेहि अखिल अमर विरंचि आदिक
 ध्यान धरि लखि हृदिधरे । निज लोक तजि यहि लोकप्रभु
 ते नरनसँग क्रीड़ाकरे ॥ जो रचत पालतकरत गोपन विश्व
 बहुविधि बहु घने । ते गोप कहवाये स्वरुचिगोपाल गोपीपति
 बने ॥ अरु विविध विधिके विविधविधि सों विविधवर वि-
 धिसों भये । बहुविश्व जाकेउरवसत उरवाससोप्रभु कतलये ॥
 तेयज्ञते यज्ञांगताई यज्ञ कारक यशयशी । तेयुगुति पावकज्व
 जन जाहिर बासुकीरति पगवसी ॥ जे वरणविद्यावेद व्यापक
 चरअचर समुदायहैं । क्षण आदि जुगपरयत्न ताके भेद में जे
 काय हैं ॥ जेगरुड़गामीक्षीर सागर शयनकर अभिरामहैं । जेहि
 भजे गोपीनाथ जन गणलहत आनंद धाम हैं ॥ बात्मा ॥ और
 एक । बातनेक ॥ तासुभेद । का अखेद ॥ दोहा ॥ रससों शोणि
 तहोतअरु शोणितही सों मासु । होतभाससों भेददृढ होतहाड़
 फिरितासु ॥ चौपाई ॥ तासों मज्जाहोत गोसाई । तासोंहोत शुक्र
 शुभठाई ॥ होतशुक्रते गर्भविधाना । सबकोमूलकरस परधाना ॥
 ताते प्रथमभागरस जानो । आकर तासु सुधाकरमानो ॥ ताते
 सोमात्मक सबकोई । शुक्रहिकहत अनुक्रम जोई ॥ दुतियभाग
 जो रज रमणीके । सोपावक आत्मकहैं नीके ॥ हैं कफवर्ग शुक्र
 सुनि जाने । रजकहैं पित्तगर्ब अनुमाने ॥ हृदय होइकफका अ-
 सथाना । रहत नाभिमें पित्त प्रधाना ॥ हैं मन नित्य हृदयको
 बासी । मनकोदेव चन्दसुखरासी ॥ नाभिदेश रजपित्त सुमेवा ।
 ताके सदा हुताशन देवा ॥ रज अरु शुक्र एकतेकैंकैं । बाढैअ-
 म्बुदसम दोउभैंकैं ॥ तब तेहि गर्भ मध्यशुभ देशा । करिईश्वर
 मयवायु प्रवेशा ॥ अंगभेद प्रकटितकरि पोषैं । तामेंआपुपांच
 कैं तोषैं ॥ प्राणअपान समान कहाये । अरु उदान अरु व्यान
 गनाये ॥ अघअपान हृदिप्राण विआरै । अरु उदान ऊरधसं
 चारै ॥ नाभिदेशमें बसै समाना । सर्व देहमें बिहरै व्याना ॥

ऐसी दशा देहकी जानों । पंचभूत में सो अनु मानों ॥ दोहा ॥
 पृथ्वीवायु अकाश जल अग्निपांचये भूत । दशइन्द्रा तेहैं
 सबै मनयन्ताके सूत ॥ प्राणवायुतनु भूमिमें चक्षुज्योति में
 चारु । रंध अकाश अदृश्यजो जलप्रसेद अरुलारु ॥ सबप्र-
 कार निर्मित कियो न्यामक ईश्वरजौन । सोइ आपु प्रभुनर
 भये सो यह कारणकौन ॥ गर्भ बास को महत दुख बरणत
 हैं सबकोय । तासुबास ईश्वरकियो कहोकौनगुणहोय ॥ चौपाई ॥
 इतनो प्रइन भूप कहिलीन्हें । तब मुनिवर यह उत्तरदीन्हें ॥
 अहोभूमिपति तुमबड़भागी । पावनिबिष्णुकथा अनुरागी ॥
 निमिषमात्र प्रभुमें मनलावै । सोअपूर्व उत्तमपदपावै ॥ नृपतुम
 भाग्यवान सबहीते । जो प्रभु कथाश्रवण चित चीते ॥ एक-
 मूर्ति प्रभु की सुखरासी । ज्योतिराशि वैकुण्ठ बिलासी ॥ दुतिय
 क्षीरसागरके बासी । सहितयोग मायाशुभदासी ॥ सहसचौ-
 कड़ी युगपरमाना । सोयजागितेकरि अनुमाना ॥ नाभिकमल
 पै बिधिहि बिलासैं । ताहित मधुकैटभको नासैं ॥ रचैं जगत
 ब्रह्मा मनभाये । जेहिप्रकार पीछू कहिआये ॥ प्रभु जेहिहेतु
 लेत अवतारा । सो अब सुनियेभूप उदारा ॥ जबजब दैत्यहो-
 हिं मदमाते । अति उतपातकरैं रिसराते ॥ तबतब धर्मलोप
 जगहोई । दुखित होहिंऋषि सुरसबकोई ॥ तब प्रभु लै अव-
 तार महाशौ । करुणानिधि खल को कुलनाशौ ॥ असुरहिरण्य
 नयनमदभारा । कैबराहताकहैं प्रभुमारा ॥ यज्ञअंग जितनो श्रु-
 तिधारो । तेवराह प्रतिअंग विचारो ॥ ताते यज्ञवराहबिरूया-
 ता । धर्योदशानपै महि हिमत्राता ॥ जल प्रवाहमें बूड़त देखी ।
 ऊरधकियो लोकहितपेखी ॥ दोहा ॥ यह वराह की शुचि कथा
 तुम्हैं सुनायो भूप । अब सुनियेनरसिंहके पावनचरितअनूप ॥
 तोमर ॥ शुभसत्ययुगमेंआम । जुहिरण्यकश्यप नाम । खल दै-
 त्य वर बल धाम । तप कियो अति अभिराम ॥ दोहा ॥ सहस

इग्यारह पांचशत वर्ष निरम्बु विधान । तपत देखि विधिआइ
तव कह्यो मांगु बरदान ॥ चौपाई ॥ कै सोदित तव तेई बरमांगा ॥
सब जग जीतनके पन पागा ॥ देव असुर गन्धर्व कहाये । कि
न्नर यक्ष पिशाच गनाये ॥ अरु मनुष्य ऋषि तप बल भारे ।
हौन मरौ प्रभुइनके मारे ॥ अस्रवेद अरु पर्वत भारी । तिन
सों सकैन म्वाहिं कोउमारी ॥ सूखेबोदे आयुध जेते । मोतन
व्यर्थहोहिं सबतेते ॥ इनतेइतर निरायुधआवै । करै पराक्रम
जो बहि भावै ॥ सोसुनि एवमस्तु कहिवेधा । सुरसेवित गे स्व-
र्ग सुमेधा ॥ बर प्रभावअति उग्र निरेखी । सुरन कह्योविधि
सों भय भेखी ॥ प्रभु जिमिवर दीन्हें तुमवाको । निर्मित मृत्यु
करो तिमिताको ॥ सुनि विधिकहा सुनोसबकोई । तप प्रभाव
मिथ्या नहिं होई ॥ तप फल भोगि गर्व हिय भारे । मरिहिबि-
ष्णु सों उदर बिदारे ॥ कै हिरण्यकश्यप बलभारी । जीतेसि
तीनि लोक धनुधारी ॥ तव सुरगये विष्णु पै धाये । आरत कै
निज व्यथासुनाये ॥ प्रभु सुरगणकहैं साहस दीन्हें । ता बध
करिवेको पन कीन्हें ॥ घनसम वपुघन बोज कठोरा । करिघन
बेग घनस्वन घोरा ॥ कै सकुद्ध नरहरि वपुधारे । दुष्ट दैत्यको
उदर बिदारे ॥ दोहा ॥ जेहि हित प्रभु नरसिंह भे सो बणैं क्षि-
तिपाल । अबकहियतु जेहि हेतभे वामन विदित विशाल ॥
रोला ॥ शक्रहूवे हेत विरच्यो बलिमहत मखजूप । तव विनयसु-
नि पुरुहूत के प्रभु भये बावन रूप ॥ जाय बलिपै मांगिसाढ़े
तीनि पग महिपाय । लगे नापनताहि कै अति अमल उन्नत
काय ॥ दोहा ॥ तहँ प्रभु के कटि जानुलों भये निशेश दिनेश ।
तादिनकी सुखमान कहि सकैं शारदा शेश ॥ चौपाई ॥ सकल
लोक अमलत लखिधाये । असुर जिते पहिले कहि आये ॥
दिति अरु दनुके बंशज जेते । प्रभुसों हतेगये तहँतेते ॥ फिरि
प्रभु बलिहि पतालपठाये । सहसुरशुकसरस सुखपाये ॥ फिरि

प्रभुलै अवतार सुहावन । दत्तात्रेय भये चित चावन ॥ वेदधर्म
 को लोपनिरेखी । भयेअत्रिके सुवनसुभेखी ॥ वेद धर्ममखवर्ण
 बिबेका । रोपित कियो सुरीति अनेका ॥ दत्तात्रेयहि पूजिसु-
 जापी । कार्तिवीजभो परमप्रतापी ॥ प्रथमरह्यो सोद्वै भुजगायो ।
 लहि प्रभु कृपा सहसभुज पायो ॥ सातद्वीपको पतिद्वै राज्यो ।
 माहिष्मती पुरीवासि गाज्यो ॥ ताको पापकर्म लखिकोपी । भे
 प्रभु परशुराम पन रोपी ॥ परशुराम जयशब्दनिवेदन । कियो
 तासुबध करिभुज छेदन ॥ बार एकैस जीति महि लीन्हें । सो
 बिधिवत बिप्रनकहैं दीन्हें ॥ अब नृपचित्त एकते ल्याई । सुनु
 सप्रेमहिय भक्तिबसाई ॥ जेहि बिरञ्चि सनकादिक ध्यावैं । सो
 उदार अवतार बतावैं ॥ भवसागरको सेतु सोहायो । जासुनाम
 शुभधाम गनायो ॥ प्राणपयान समय ज्यहिनावैं । बसिकाशीमें
 शंभु सुनावैं ॥ दोहा ॥ राम नाम अभिराम अति महिमा सागर
 चारु । अमलअगाधि अभौर शुचि अनुपम सरलसुतारु ॥ श्री
 श्रीपति सियरामहवैं कीन्हों भूमिबिहार । सहकारण सोसुनि सु
 जन अवशिलहत भवपार ॥ बिधिवर लहि अतिप्रबलहवैं रावण
 निशिचर राज । सुरसुरपति अरु ऋषिनको कीन्होंमहत अका-
 ज ॥ ऐक्य ॥ लंकपतिके कर्मकुत्सित देखि अतिदुखपाय । भूमिधरि
 गोरूप बिधिसों कही बहुबिधिजाय ॥ कहीसो सुनि समुझिबेधा
 सहित सुरऋषि भीर । समुद करुणा समुद ढिगगे पयसमुदके
 तीर ॥ कियो स्तुति सरुचि रचिरचि जोरिकरसुखपाय । भक्ति
 बत्सल प्रकटभे प्रभु दिशाप्राची आय ॥ रमासह इमि गरुड़
 पै प्रभु सूर परमापूर । उदय गिरिपै उदित मानहुँ कला कोटि
 नसूर ॥ तोटक ॥ मुदमें सुनिकै बिनती बिधिसों । बिधिके मन
 की करिबो बिधिसों ॥ कहिकै हरिअन्तरध्यान भये । सुरसह
 करता निजधाम गये ॥ चौपाई ॥ पूरणब्रह्म विश्वपति स्वामी ।
 रमारमण नागान्तकगामी ॥ जनहित हेति हरषि पुरुषोत्तम ।

नरेन्द्रअज इन्द्र पुरोगम ॥ सुनहुतासुशुभ चरित नरेशा ।
 गहि सुनि रहै न पातकलेशा ॥ विधिकीबिनय मानिमुदभारे ।
 दशरथके सुवन सुखारे ॥ शंख चक्र सह गदा सुखारी । भये
 गहि हवै चारुसुचारी ॥ राम भरथ अरु लषण पियारे । अरु
 त्रुघ्नभये लघुबारे ॥ रामहि परब्रह्म नृपजानो । अनुजतीनि
 गंखादिक मानो ॥ रचिरचि बालचरित चितचावन । बहुविधि
 बेहरिभये मनभावन ॥ कै कछु दिनमें सुभग सयाने । गहि
 गरधनु विधि धनुधर जाने ॥ कौशिकबचन मानिमुदलीन्हें ।
 दशरथ नृप कौशिक कहँदीन्हें ॥ अति अभिरामराम सब जा-
 मेहि । पुरुषसिंह लक्ष्मण अनुगामिहि ॥ मगमें मारि ताड़कै
 स्वामी । गे मुनिवन शतरवि समधामी ॥ तहँ मुनियज्ञ विध्वं-
 सनहारे । आदि सुबाहु दैत्यबहु मारे ॥ लखि मारीचहि शर
 एकछाड़े । सो लैगयो समुदतट चाड़े ॥ ऋषिसह चलि तहँते
 मुदधारे । गौतम घरणि अहल्यहि तारे ॥ तहँ ते चलि सुरस-
 रितटजाई । सुनिकेवटसों बिनय सोहाई ॥ देहा ॥ सुरसरित-
 रिउदारप्रभु ऋषि अरु अनुज समेत । लखे मनोहर मंजु पुर
 मिथिला कृपानिकेत ॥ महिबारी ॥ तहँ पुहुमिपति मिथिलेश को
 पण परम प्रिय सुनिमुदभरे । करधनुष धरिसो धनुषधरिकरि
 द्विधाधरणी पै धरे ॥ निज प्रियापरमा पूरपावन कराणि सिय
 तेहि पुनिबरे । करिलोकराति संप्रीति फिरि निज तेज भृगुपति
 सोहरे ॥ सुख अवधिजाय सुअवधपुर बरवर्ष द्वादश लौरहे ।
 पितु बचन मिसि सियलषणसह फिरिसुरन हित बनमगगहे ॥
 लहि शृंगबेर निषादपै करि कृपा फिरिसुरसरितरे । लखिसुम-
 नि भारद्वाजको फिरिउतरि यमुनाजल खरे ॥ चलिबालमीकि
 मुनीशसों मिलि चित्रकूटहि चाहिकै । कछु दिननमें तितभरथ
 आये तेहि सुबचननि पाहिकै ॥ शुचिपादुका दै विदाकरिफिरि
 अत्रिमुनिपै प्रभुगये । तब तहांते चलिनदी तरिलखि बाधि

विराधहि वरदये ॥ फिरिसुवनदण्डक चाहि जेहि तरुबलि अ-
 तिहि सुन्दरजमे । सरभंगसुत पशु तीक्ष्ण मुनिगण सहित तहँ
 बहुदिनरमे ॥ करि कुम्भसंभव सों समागमजाय पंचवटीबसे ।
 ते धन्य गोपीनाथ जाहिय बनविहारी प्रभुलसे ॥ तोटक ॥ तहँ
 रावणकी भगिनी बलम । तहँ सूर्पणखा ठगिनी छलमें ॥ चित
 चावन सों अति चातुरि हवै । प्रभुपास गई मदनातुरि द्वै ॥
 दोहा ॥ प्रभुकी आज्ञा लहि तहां लक्ष्मणबीर निशांक । सूर्पण-
 खा को गहिलियो काटि कान अरुनाक ॥ चौपाई ॥ तासु सहाय
 निशाचर धाये । चौदहसहस सहत बलआये ॥ खरदूषण त्रि-
 शिराबल भारे । क्षणमें तेहि श्रीराम सँहारे ॥ तब सो देखि रु-
 दनकरिभागी । रावणके ढिगगई अभागी ॥ ताकी दशादशा-
 नन सुनिकै । गो मरीचपै हिय कछु गुणिकै ॥ करि विचित्रमृग
 ताहि पठायो । पीछे आपु धूर्त बनिआयो ॥ लखिविचित्र मृग
 प्रभु पहिचाना । निज संकल्प हिये अनुमाना ॥ करितब सि-
 यहि अग्निमें लीना । किय माया आसन आसीना ॥ लषणहि
 राखि तासुरखवारी । बध्योजाइ तेहि असुर विचारी ॥ मख्यो
 रामवत बचनसुनाई । सो सुनि लषणहिं सियापठाई ॥ माया
 सिथपै रावणआई । हरिलै चलयो सुरथ बैठाई ॥ लखिजटायु
 तेहि पक्ष न माख्यो । एइँ जटायु को पक्ष विदारयो ॥ शेषप्राण
 द्वै परे जटायू । गयो सियहि लै सोलघुआयू ॥ प्रभु फिरिआई
 सियहि नहिं देखे । व्याकुलतासों निजहिय भेखे ॥ यह सुनि
 भूपति भ्रममति कीजो । लीलाप्रोढ़ हेत लखिलीजो ॥ लखि
 जटायु कहँ शुचिगति दीन्हें । चलिकबन्ध भुज छेदनकीन्हें ॥
 सो तन दहि सो निजपदपायो । तिमि शवरिहि निजधामप-
 ठायो ॥ दोहा ॥ पम्पासरजल परसकरि आगूचले उदार । तहँ
 पठये सुग्रीवके आये पवनकुमार ॥ भक्ति सहित दण्डवत करि
 बूमिकथा सुखदाय । गिरिपै सहभ्राता प्रभुहि लैगे कन्ध

चढ़ाय ॥ चौपाई ॥ तहँ सुग्रीव परे पग आई । कीन्हें ताहि
 सखा रघुराई ॥ तासु दशा सुनि प्रभु प्रण कीन्हे । बालिहि
 मारि राज्य तेहि दीन्हे ॥ बालिसुवन अंगद बलवाना । कि-
 यो ताहि युवराज प्रधाना ॥ राज काज में कपिहि लगाई ।
 बसे प्रवर्षण पै प्रभुजाई ॥ तहँ सुग्रीव अंगद अथोरे । कटक
 राज कपि कटक बटोरे ॥ लषण जाइ तेहि प्रभु पै ल्याये ।
 सियहि निरेखन हेत पठाये ॥ जाम्बवान अंगद हनुमानहिं ।
 आदिबीर दशवर बलवानहिं ॥ निजनामांकित अमल अंगूठी ।
 प्रभु हनुमानहिं दई अनूठी ॥ लैतेहि कपिवर चले सदाये । बी-
 चहि एक निशाचर पाये ॥ हवै सरोष ताकोबध करिकै । पेखि
 योगिनीको मुद भरिकै ॥ गये समुद्रतट आनंदभेखे । तहँ स-
 म्पाति गृद्धकहँ देखे ॥ लहि उद्देशसियाको तासों । पवनकुमा-
 र चले भरिभासों ॥ सुरसासों संभाषणकरिकै । प्राणसिंहिका
 कोपरि हरिकै ॥ समुद्रसमुद्रकेपार कपीशा । जाइनिशंकलंकपुर
 दीशा ॥ तब कपिवर सूक्ष्म बपुधारी । लंकापुरमधिचले सुखा-
 री ॥ मगमें मिली लंकिनी धीरा । सीक्षिताहिपुर प्रविश्यो बी-
 रा ॥ दोहा ॥ सियहि दरशि करि बार्ता दैमणि मुँदरीचारु । लै
 चूड़ामणि चलिकस्यो उपवन को संहारु ॥ अछै कुमारहिंमारि
 अरु अक्षय रावणहि जाय । जारि लंकपुरफिरि लख्यो प्रभुपद
 पंकज आय ॥ मौक्तिकदाम ॥ कह्यो विरतान्त सबै प्रभुपास । क-
 रयोउत जो बलवान बिलास ॥ सुन्योप्रभु सों अतिशय सुख
 पाय । लियो हनुमानहिं अंक लगाय ॥ जयकरी ॥ करजोरिकहि
 सियको सँदेश । मन मुदित दै शुचिमणि सुवेश ॥ अबचलहु
 प्रभुमति करहुदेरि । कहिमंजु मूरति रह्योहेरि ॥ दोहा ॥ सोसुनि
 सेना सहित चलिप्रभु विरदैत सुबीर । सुथरे सुथरे देखि थल
 उतरे सागर तीर ॥ चौपाई ॥ आयो तहँ प्रभुशरण विचारी । भ-
 गत बिभीषण बुधि बलभारी ॥ तीनि दिवस रहि सागरतीरा ।

तव तेहि भयदीन्हों रघुवीरा ॥ तव सागर ब्राह्मणबनि आयो ।
 विहित विनयकरिभेद बतायो ॥ सेतवांधिसहसेनास्वामी । जाहु
 पारप्रभु अंतरयामी ॥ सेतवांधि प्रभुउतरेपारा । धराधीशमर्दन
 खलधारा ॥ प्रभुनिदेशलहि सुभटप्रचारे । गढ़लंकाकेचारिउद्वारे ॥
 लहि रावणको उग्र निदेशा । राक्षसकढ़े कराल कुभेशा ॥ भिरे
 वीर रणधीर प्रचारी । कपि अरु निशिचर बपुबलभारी ॥ हनू-
 मान अंगद बलवाना । जाम्बवान नलनील सुजाना ॥ द्विविद
 मयन्द केसरी वीरा ॥ तार सुषेन सरभ रणधीरा ॥ गवगवाक्ष
 येयूथप भारे । दै अतदल बलदलि मलिडारे ॥ दैदैतालकँगूर
 न चाढ़िकै । जयतिराम टेरेबल बढिकै ॥ मनुदश शिरके शिरन
 सुसाजै । काल कराल विशाल विराजै । सोलखि मेघनादभट
 घोरा । बाणवृष्टि कीन्हेसि चहुंवोरा ॥ ह्वै अटइयअतिअसत
 अथाया । लाग्योयुद्ध करन रचिमाया ॥ सोलखिप्रभु करिको-
 प कराला । लीन्हों कर शर धनुष विशाला ॥ ह्वैसभीतचल
 बलखल भाग्यो । प्रबल राम दलगाजन लाग्यो ॥ दोहा ॥ ह्वै
 सकुद्ध तव युद्धको दशकंधर क्षितिपाल । चढोमूढ़ जाशिरचढो
 निरततकाल कराल ॥ बीसभुजनि आयुध विशद धरे लस्यो
 यहि चाल । मनुसूखो तरुहै सचल शाखासहित विशाल ॥
 चौपाई ॥ तासों भिरेसुभट रणधीरा । हनूमान आदिकबलवीरा ॥
 पर्वत तरुवर लैलैडारैं । निशिचर सेना सुभट सँहारैं ॥ दशक-
 न्धर निज बन्धुहि देखी । शक्ति अमोघ चलायसि तेखी ॥ सो
 लखि लक्ष्मण निज उर लीन्हे । रघुवर पाहिं अभयवर दीन्हे ॥
 ताते प्रभुलीला अनुसारी । परेभूमि पै मनो दुखारी ॥ लखि
 लषणहिं प्रभुसांच जनाये । औषध हित प्रिय कपिहि पठाये ॥
 बायुबेग चलि बायुकुमारा । मगमें कालनेमिकहँ मारा ॥ तदनु
 जाय द्रोणाचलल्याये । लषणहिं औषध दै सुखपाये ॥ सुनिद-
 शकन्धर अतिदुख पायसि । कुम्भकरणकहँ लरन पठायसि ॥

विदित वीर रावणको भ्राता । कठिनयुद्ध कीन्हेंसि मदमाता ॥
 निजकर रघुवर ता बध कीन्हा । ताते तेहि उत्तम पद दीन्हा ॥
 सो सुनि रावण अतिदुखपायो । मेघनादतवतेहि समुभायो ॥
 थलनिकुम्भिलामें फिरि जाई । लाग्योयज्ञ करन मनलाई ॥ सो
 यह भेद बिभीषण जानी । प्रभुसों कह्यो विनयमय बानी ॥ प्रभु
 अब आज्ञा लषणहिं देहू । मेघनाद करवध सुनिलेहू ॥ प्रभुतब
 आज्ञा लषणहिं दीन्हा । लषणजाइ ताकरवध कीन्हा ॥ दोहा ॥
 मेघनादको मरण सुनि हवै व्याकुल दशकंध । पाइमंत्रभृगुसों
 करन लाग्यो मखमति अंध ॥ तामखध्वंसन करिवहुरिपखेप्र-
 भुके पाँय । रावण निश्चर राजतब उन्नत रथपै जाय ॥ प्रभु
 आज्ञालखि कोटिदश सुभट सराहे राजि । उमड़िघनोघनघो-
 र सम चढ़ो प्रबलदल साजि ॥ मादक ॥ आवतताहि बिलोकि
 बलीवर । मारुत नन्दन दैत दलीदर ॥ कोपकराल कियो जय
 चाहक । बानरयूथ सयूथप पाहक ॥ घोरठा ॥ हनूमान बलवान
 तड़पि भड़पि घनसम गरजि । मूका बज्रसमान रावणकेउरमें
 दयो ॥ भुजंगप्रयात ॥ चौपाई ॥ लगेदीहमूका भयो मूढ़मूका । रहेकै
 दशौ आस्य ज्योंमंजु मूका ॥ उठ्यो चेतिकै हेतिकै युद्धभारी ।
 सराहैं हनूमान को गर्वधारी ॥ कहामोहिरेतू सराहै सुखारे । ल
 खेफेरि चौगान जों प्राणधारे ॥ अरेएक मूका हमें मारिले तू ।
 लगैफेरि मेरो तनयछांडिदेतू ॥ सुनेसो हनूमानको मूकमाख्यो ।
 न ताते कछूद्वन्दसो वीरधाख्यो ॥ भगोलेखि लंकेश संकेत जा-
 नी । गयोफेरिश्रीरामपै मत्तमानी ॥ कलैकै छलैकै बलैकै करा-
 लै । तजैशूलऔबाण भिण्डानभालै ॥ भयोमोहमें मूढ़माया
 पसारै । तिन्हेंव्यर्थ देखे तऊ ना विसारै ॥ दोहा ॥ मायानिधि
 प्रभुसों करै यों माया विस्तार । चहैबहायो जलनिधिहि शठ
 प्रस्वेदके धार ॥ निशिचर पतिहिरथी निरखि प्रभुहि पदाती
 देखि । शक्र पठायो मातलिहि निजरथ अस्त्र निमेखि ॥ चौपाई ॥

चढ़ि तेहिरथपै प्रभुमुद भारे । गहि प्रचण्ड कोदण्ड निहारे ॥
 बीरहु मूढ़खरोमति भागे । निजकृत फललहि निजतन त्यागे ॥
 कहिवर बाणन मारनलागे । ताकेतनहिं विदारण लागे ॥ दश
 शिर बीस भुजाप्रभुकाटैं । नये प्रकटिफिरि सुखमा ठाटैं ॥ गिरैं
 शीश रावणकेकैसे । ताल वृक्षतेवर फल जैसे ॥ कटैंकटैं इमि
 भुजशिरताके । अदरश दरश यथा क्षणदाके ॥ यहिविधि नि-
 शिदिन सातप्रमाना । शीक्षताहिवर युद्ध विधाना ॥ प्रभुनिशि-
 चर पतिको बधकीन्हें । बरषेसुमन सुमनमुदलीन्हें ॥ लखिवि-
 भीषणहि सहित बिबेका । कियोलंकपतिकर अभिषेका ॥ माया
 सीतहि अग्नि प्रवेशी । लहि शुचिसीता महिमाभेशी ॥ चढ़ि
 पुष्पक पै सहित समाजा । आयेप्रभुजहँ भारद्वाजा ॥ एकनिशी-
 थिनि तहां विताये । फिरि प्रभुसोध अवधपुरआये ॥ गुरुअ-
 रु मातु बन्धुपुरवासी । मिलिसबसों प्रभु आनँद राशी ॥ फिरि
 प्रभु महिमंगलसों साजे । विधिवत विशद राज्य लहिराजे ॥
 पाइप्रभुहि प्रतिपालन परणी । भईधन्य तादिनते धरणी ॥
 दोहा ॥ प्रतिरोमन ब्रह्माण्डजो पालनकरत अनूप । महिपालन
 की ता कथा कहैं कहांलों भूप ॥ शुभद चरित श्रीरामके पावन
 करन उदार । बरणि कहे संक्षेपसों भवनिधि तारनहार ॥ अब
 कहियतु श्रीकृष्णके चरित चारु संचार । जे प्रभु कै बसुदेव
 सुत कियो दैत्यसंहार ॥ चोपाई ॥ हो तब मथुरा कल्प अनूपा ।
 भये कृष्ण जब अनुपम रूपा ॥ भे बसुदेव तनय जगस्वामी ।
 दुष्ट दलनहित अन्तर्यामी ॥ मंत्री सखा सुभट सुत आता ।
 सहित कंसको कियो निपाता ॥ और जिते खल नृप मदमाते ।
 कौतुक सों तब तिन्हें निपाते ॥ प्रभुके चरित कहांलों गावैं ।
 ताते भेद निदान बतावैं ॥ लखौ सुनौ जो गुणि अनुमानो । सो
 सब कृष्ण चरित करिजानो ॥ मच्छ कच्छ आदिक अवतारा ।
 ये वरणे सुनु भूप उदारा ॥ व्यास कपिल सनकादिक आदिक ।

प्रभु अवतार असंख्य सुवादिक ॥ चाहि जानिवो जासु प्रमा-
ना । लहै देवगण मोहमहाना ॥ अब भविष्य अवतार महीपा ।
सुनु सप्रेम कौरव कुलदीपा ॥ होइहि संभल पुरकोवासी । नाम
विष्णु जगद्विज सुखराशी ॥ तासुत कै कै हैं विरूयाता । सुप्रभु
कलंकी पुहुमी त्राता ॥ अन्तरवेद मध्यकरि वासा । करिहैं
प्रभु दुष्टनको नासा ॥ असती पुरुष सबै मिटिजैंहैं । सुसती
प्रकटि सुधर्मवदैहैं ॥ सुनो भूप तब कलियुग जाइहि । परम पु-
नीत सत्ययुग आइहि ॥ दोहा ॥ जो प्रभुके अवतार के सुनै सु-
चरित सप्रेम । सो धनि परमारथ धनी इतउत लहै सुक्षेम ॥
याही सों सबवनतहैं यहि बिनु सबै नशाय । नहिं इहि कीन्हें
श्रम अधिक तजे नसुख सरसाय ॥ बिनाविचारेसहजही बात
सुबड़ी नशाय । किये बिचार सुसहजही बड़ी बात बनिजाय ॥

इति श्रीहरिवंशदर्पणोनामैकादशोऽध्यायः ॥ ११ ॥

चोपाई ॥ परब्रह्म ईश्वर गुणगाथे । सुर सेवित बैकुण्ठ कहा
थे ॥ ते प्रभुमानुष कै गुणधारी । कृष्ण कहाये भूतलचारी ॥ जे
प्रभु क्षीरधि उदधि बिहारी । विरच्यो विधिहि स्वरुचि अनु-
सारी । क्रमसों विधिजग उत्पतिकीन्हें । गुणमें विविध भांति
मुदलीन्हें ॥ सबमें रहेव्यापि प्रभुऐसे । उपल दारुमें पावक
जैसे ॥ अदितिपुत्र कै निजजनपालक । भेउपेंद्रराक्षस कुलघा-
लक ॥ करुणानिधिकी कीरति नीकी । पावन करनिसुनहु प्रिय
जीकी ॥ भयो सत्ययुगमें बलवाना । वृत्रासुर अघओघअमा-
ना ॥ मुशलप्रमाणरौज सोफैलै । भयोप्रमत्त सुरनसोंजैलै ॥ लै
दधीचिको हाड़सोहायो । विदित विडौजा बज्रबनायो ॥ तासों
बधिवृत्रहिजयलीन्हे । ताते असुरवृन्दरिसकीन्हे ॥ चढ्योकोपि
मय बरबलभारी । लर्योसुरनसोंसुजयविचारी ॥ कीन्हेंसिकुद्ध
युद्धअतिघोरा । मायाव्यापित करिचहुंओरा ॥ गरजैधूमिघनो
घनझायो । अतिशय अन्धकार मढ़िआयो ॥ तड़पैतड़ितभया-

नकभेशा । जेहि लखिरहै न धीरजलेशा ॥ मारुतसातप्रबलकै
डोलैं । अतिप्रचण्ड दशदिशिसों बोलैं ॥ तपितबारिवरषै बर
बूंदन । उल्का पतनहोइदिशिदूँदन ॥ सुरबिमान परबशतेहि
माहीं । उलटैं पलटैंभुकैं उड़ाहीं ॥ बरबीची सागरमें जैसे ।
बोभितबोहित बिहरैं तैसे ॥ दोहा ॥ सुरपति सहित समस्तसुर
कैतव तहांअचैन । त्राहि त्राहि करुणायतन आरत बोलेबैन॥
सोसुनिकरुणासिंधुप्रभु दीनोद्धरणउदार । ताक्षण तहूँ प्रकटित
भये लखिनिजबिरदबिहार ॥ चौपाई ॥ हैंजितने उतपात महाने ।
ते तेहि क्षण यहि भांतिनशाने ॥ ज्वलितज्योति जिमि निरखि
सुभेशा । रहै न घरमें तमकोलेशा ॥ घनसम श्याम मेरुसम
भारी । चारु चतुर्भुज आयुधधारी ॥ गरुडध्वज रथपै आसी-
ना । जासु चक्रशशि सूरअहीना ॥ कीलजासु मन्दरतनुधारी ।
नह्यो अनंत किरिणिसों भारी ॥ जामें सुमन गुच्छसमलागे ।
ताराग्रह नक्षत्रछविपागे ॥ रबिरथके बाजीजेहिबाधे । जे जय
लीबेकीविधि साधे ॥ प्रभुहि पेखिकै सुमनसुखारे । सहित इन्द्र
जयजयतिपुकारे ॥ कह्योशक्रसों सारंगपानी । होहु निशंकदैत्य
बधजानी ॥ सत्यसंधकी सुनियहबानी । भयेअशंक सुमनसुख
मानी॥सुमनसुरपतिहि निर्भयदेखी॥दानवदोहचढ़ेअतितेखी ॥
द्वादशशतवर हाथ प्रमाना । चारिचक्रको सुरथअमाना ॥ कं-
चनमय परदलकोदाहक । सहसरिच्छगणजाके बाहक ॥ अस्त्र
विशेष भूरिसोंभार्यो । तापैचढ़िमय लरनपधार्यो ॥ कोशभरे
को जासुपसारो । लोहमयो अस्त्रनिसोंभारो ॥ दोहा ॥ जामेंलगे
सहस्रखर आछे ऐंचनहार । तेहिरथ चढ्यो प्रमत्तकै दैत्यबीर
बर तार ॥ हयग्रीव अरु राहुखर अरु अरिष्ट वाराह । प्रबल
बीर रथ चढ़िलसे करत युद्धकोचाह ॥ चौपाई ॥ विप्रचित्त दनु-
जेश कहायो । श्वेतनामभट ताको जायो ॥ चलो विरोचन बर
रणधीरा । बलिको तनयअरिष्टप्रवीरा ॥ इन्हेंआदि दैअतबर

बढिकै । हैगज रथ खर ऊंटन चढिकै ॥ व्यूह बांधि भे सन्मुख
ठाढ़े । बीरधीरमद उन्मदवाढ़े ॥ सिंहवराह रिच्छआरोहे । कि-
तनेवीर पदातीसोहे ॥ नानारूपनके बलभारे । विविध भांति
के आयुध धारे ॥ दैदै ताल काल सम गरजैं । लखि लखि सु-
मन समूहन तरजैं ॥ प्रभुप्रसाद सुरपति दलसाजे । ऐरावत
गजपै चढिराजे ॥ रुद्रादित्य आदि सबदेवा । तेंतिस कोटिसं-
ग शुभभेवा ॥ पूरुब दिशि पुरुहूत विराजे । दक्षिणदिशिगरबी
यमगाजे ॥ पश्चिम दिशिरहि वरुण प्रचारे । उत्तरदिशा कुबे-
रबिहारे ॥ सहित साजसुर सेना पाहैं । करदन परदल मरदन
चाहैं ॥ किन्नर यक्ष गंधर्वसोहाये । मुनिगण सर्व मध्यरहि भाये
बाजि सहस जेहिरथमें स्वागे । तापैचढ़ि शशिसुखमा पागे ॥
मारुत सात प्रबलकैडोलैं । कै सन्मुखअरिदलपै बोलैं ॥ उमड़ि
मेघ अरि दलपै गरजैं । जाते परैं दैत्य उरदरजैं ॥ तड़िता अ-
शनि भयानक तरपैं । निर्भय असुरलखे जेहि डरपैं ॥ दोहा ॥
तक्षक वासुकि विशद विष जुरे सहित परिवार । दै अतदल
प्रातितजतताकि फूतकारकीधार ॥ शर धनु खड्गादिक विशद
आयुधधरे सुबीर । शोभे सबसुमनससुभग संगर करताधीर ॥
तोटक ॥ शुभदं शुभमंगलआशिषमें । सुमनैसुअमीअसुरैं विष
मैं ॥ तपपुंजमयं सुनि बृन्दपढ़ै । सुनि सोमुदसों सुरचावचढ़ै ॥
महिखरो ॥ इतसजीसुर शुभसैनतामधि बिष्णु सुरस्वामीलसे ।
प्रभुगरुड़ गामी गरुड़केतु विलोकि जेहि परबलत्रसे ॥ धरिशं-
ख चक्र गदारि भंजन सरुचि सारंग धनुगहे । कटिखंगनंदक
नंदकर तूणीर अक्षय ब्रविलहे ॥ लखि प्रभुहि विधिवत बंदि
सुरपतिसहित सेनाबढ़िचले । जिमि नांधि बेला उदधि फैलत
तिमि असुरदल पैरले ॥ शर खंगभल्ल सुशक्ति मुद्गर भिंड
पालहि आदिते । सब चले आयुध दुहूंदिशिसों घोरशब्दबि-
नादिते ॥ बरसैनदोउ दुइओरसों चलिद्वौसमुदसेभिरिमिले ।

जिमिप्रलय मारुतपाय बीची उठतितिमि भटगणखिले ॥ भट
 जुटें कुटें छुटें जुटेंछुटें भटफिरि जुटिधरें । बढिमारु मारु पुकारि
 मारें मरेंजुधि क्रीड़ाकरें ॥ इमिमढो घोर अमोघसंगर देखिमय
 मायामयो । सरगर्वमाया फांससों सबबांधिसुरसेना लयो॥तेहि
 फैसेसुरह्वै चढ़ीभूतनसकहि हिलि चित्रितभये । तबदेखिसुर
 पतिवज्रसों बहुकाटिबरबंधनदये ॥ दोहा ॥ मायाफांसहि काटिकै
 दानवदलमेंजाय । तामसअस्त्र अमोघ तेहिंतज्योसुरेश सचा-
 य ॥ ताते निशिचर सैनपै गयो घनोतम छाय । जाते नहिंदा-
 नवनको निजपर परै लखाय ॥ चौपाई ॥ अन्धकार व्यापै चहुँ
 ओरा । भये वितप चकिनी चकोरा ॥ निजदल बिकल देखि
 मेधावी । माया प्रकटैसि मयमायावी ॥ तामसभई अग्निकी
 ज्वाला । कीन्हेंसिप्रकट अग्निमय इवाला ॥ तमभो दूरिदैत्य
 मुदपागे । कैकै तपित सकलसुर भागे ॥ शशिकेपास जाइ भे
 ठाढ़े । लखिसुरेश अति अमरष बाढ़े ॥ कह्यो बरुणसों भयम
 तिपावो । करिकैज्यायह अग्नि बरावो ॥ सो सुनिकह्यो बरुण
 मुददाता । यहिमाया की गतिसुनुताता । रह्यो पूर्वयुगमें तप-
 रासी । ब्रह्मऋषिज काननको बासी ॥ उर्व नाम दुस्तर बूत
 लीन्हें । तपके तेज तपितमहिकीन्हें ॥ ताकेपास तपितकैआये ।
 सुरऋषिगण करिताहि सुनाये ॥ ताततजहु दुस्सहबूतभारी ।
 सुतउत्पत्ति करहु लहिनारी ॥ सोसुनिउर्व कोपकरिबोले । ब्रह्म
 चर्यकी महिमा खोले ॥ धीरज धर्म तेजतपजानो । ब्रह्मचर्य
 के बशतेमानो ॥ ब्रह्मचर्यको बरत निबाहैं । ते योगीश करें
 जो चाहैं ॥ बिना योगनहिं सिद्ध अधीना । सिद्धि बिना नहिं
 सुयश अहीना ॥ दोहा ॥ जासुसुयश संसारमें होतलहैसंसार ।
 ताको इतउत्तमसरग है उत सुरथविहार ॥ चौपाई ॥ तियसंग्रह
 करिसुत उपजावन । तुमजोकहे चढ़े चितचावन ॥ प्रथमसृष्टि
 उत्पत्ति विधिकीन्हें । तबते कहो तिया हे लीन्हें ॥ ब्रह्मचर्य

व्रतधारी योगी । मानसपुत्र रचै मुदभोगी ॥ यहिप्रकारबहुवि-
धिसों भाषे । फिरिमुनि उर्वपुत्र अभिलाषे ॥ दक्षिणजानु अ-
ग्नि पै राखी । कुशसों मंथन कियो सुसाखी ॥ भेदि उर्व को
ऊरुचारू । और्वलनल भे प्रकटउदारू ॥ जगत दहन ईछे
ऋषिभारे । तीनिलोक निज तेज पसारे ॥ ताक्षण कहेसि
पितासों ऐसो । रोषमयो रुखकरे अनैसो ॥ मेंहों क्षुधित देहु
मोहिं शासन । हौंजगभक्षों सुनो शुभासन ॥ इतने में तहँवेधा
आये । बहुतभांति उर्वहि समुभाये ॥ सुनि निज सुतको तेज
अपारा । क्षमितकरावहु ज्ञानअपारा ॥ हमदेहैं तुवसुतके ला-
यक । आसन अशन चारु चित चायक ॥ सोसुनि उर्व सरस
सुखमानी । विधिसोंकह्यो परमप्रियवानी ॥ नाथकियोकाकित
अनुमाना । ममसुत योगअशन अस्थाना ॥ कह्योविरंचिसुनहु
मुनिज्ञानी । बड़वा कहत अश्वनिहि ज्ञानी ॥ तामुख सदृशस-
मुदको आनन । परमसुहावन सुरुचिसुकानन ॥ देहा ॥ तामधि
बासिहों करत हो सदा उदधि जलपान । सो जल तुवसुतको
अशन सो सुख शुचिअस्थान ॥ सो सुनिकैमन मुदित कैमुनि
सुत अनल महान । बड़वा मुखमेंबसिकरै सदासमुदजलपान ॥
चौपाई ॥ विधि मुनिगण गे निज निजधामा । यह कौतुक लखि
कै अभिरामा ॥ दैत्य हिरण्यकशिपु बरजोरी । कहेसि उर्वसों
करिचितचोरी ॥ तात बिलक्षण चरित तुम्हारो । लखिमोहित
मनभयो हमारो ॥ ताते हमेंशिष्य करिलेहु । यहसुप्रयोगमंत्र
मोहिं देहु ॥ सुनि मुनि कृपा तासु पै कीन्हें । और प्रयोग मंत्र
तेहि दीन्हें ॥ कहि निज वंश यदपियहमानो । सोई यहप्रयोग
है जानो ॥ ताते अब मोहिं देहु सहाई । सोमशीतकर कहँसुख
दाई ॥ शशि सुधांशु करिशीत प्रकाशन । करिहैं ज्वाल जाल
को नाशन ॥ सो सुनिकै सुरपति मुदभारे । शशिसों कहे सरा-
हि सुखारे ॥ तुम अरु वरुण स्वतेज प्रकाशौ । रजनीचर

की मायानाशौ ॥ शासन सुनि सुधांशुसुख पागे । कै हर्षितहि-
 मि वर्षन लागे ॥ ज्वालजालमें मायाक्षणमें । लोपितकरिपूरेपन
 मनमें ॥ प्रलयकालके धाराधरसे । तुहिनधारअरिदलपर बर-
 से ॥ बरुणपाशधर मुदित ननरदैं । पाशडारिदैअत दलमरदैं ॥
 जलआकर जलपति ये दोऊ । इनसों जीति सकैं नहिं कोऊ ॥
 हवै हवै हिमिते विकल पिरारे । गिरे दैत्य जिमि पर्वत भारे ॥
 दोहा ॥ सो लखि मय निशिचर अधिप करिकै कोप कराल ।
 शैलमयी माया प्रकट कीन्हैसिबरण विशाल ॥ परनलग्योसुर
 सैन पै शिला बिटपचहुँओर । आकसमाद अमोघ अति म-
 द्योशब्द अति घोर ॥ ^{हृषीकेश} ॥ सुरशयनमधि गिरि विपिनक-
 न्दर सरितसर अनगिनबने । जेहि एक एकहि लखत नहिंरहि
 थरनिथर अन्तरघने ॥ बहुसिंहव्याघ्रबराहनिर्मितभालुभीषण
 लखिपरैं । कै छारवायु प्रकर्षउन्नत अमितअमि दिशिरजभरैं ॥
 शशिवरुणआदि समस्तसुरगणचकितरहिव्याकुलभये । लखि
 असुरबलहि प्रमत्त गरजहिंमेषसम मनमदभये ॥ सुरअसुरको
 यहलखतसंगर गरुड़गामी प्रभुखरे । बरदैत्यपतिको बधसमय
 करिक्षमापरखत धनुधरे ॥ ^{दोहा} ॥ तबप्रभुमारुतअग्निकहुँआज्ञा
 दयोउदार । करोप्रबलहवै आसुरीमायाकोसंहार ॥ ^{चौपाई} ॥ प्रभु
 सों लहिनिदेशते कोपे । हवैअतिप्रबल प्रलयआलोपे ॥ गिरि
 काननजे मायाधारे । तेहिउड़ाइ परदल परडारे ॥ प्रबलपवन
 कोपाइ सहायक । हवैप्रकर्ष अतिअनल सुभायक ॥ घूमिभूमि
 दै अत दलजारे । जरेमरे हवै दैत्य पिरारे ॥ मरेकिते अधजरे
 पराने ॥ किते भागि सर सरित समाने ॥ सुरपति सेनाके भट
 गाजे । सुखद जीति के दुन्दुभिवाजे ॥ मय निशिचर पति की
 सुनिहारी । कालनेमि दानव बलभारी ॥ शत मस्तकसों शोभि-
 त तैसे । शत शृंगनको पर्वत जैसे ॥ शतभुजवीर बलीबरणन
 को । कठिन कराल जई पररणको ॥ शत आयुध लीन्है मद

माता । आयो मयपै रिस रसराता ॥ तेहि लखि मय उठि अं-
कलगायो । हवै आरत निजदशा सुनायो ॥ सोसुनि कालनेमि
रिस भरिकै । सुरन जीतिबे को पनकरिकै ॥ धीगधकैत धुरंधर
धीरा । धाराधरसों बरबपु वीरा ॥ सँगलै चढ्यो दानवी सेना ।
मय आदिक निशिचर जगजेना ॥ कठिन कशालकालसमघो-
रा । विशद बाण वर्षत चहुं ओरा ॥ विविध भांति के आयुध
धारे । भेष भयानक भूषणभारे ॥ कालनेमिकोलखिसुरनायक ।
किये सजुषसेना सरसायक ॥ दोहा ॥ भिख्यो जायसुरसैन सों
घालत शस्त्र अघात । भिरेसघनवनमें मनो वर्षत मेघसवात ॥
भुजंगप्रयात ॥ भिरेतालदै पायदे पायदे सों । रथीसों रथीते लरे
कायदे सों ॥ भिरे बाजिवारेन सों बाजिवारे । लरे मैगलीमैग-
ली रोषधारे ॥ सुभालैत भालैतसों जंग माच्यो । जुवानैत बा
नैत सेरंग राच्यो । सबैवीर ऐसे भिरे जोर जोरैं । अमानैनके
हूमनै नेकु मोरैं ॥ कितेवीर बांके बली जय विचारी । बिनाशी-
श के हवै लरे खड्गधारी ॥ घनेघाव लागैं कितेवीर घूमैं । छके
से खरे हवै किते धीर भूमैं ॥ किते तर्जिकै गर्जिकै शस्त्रमारैं ।
नभैमें किते चर्मपै ताहि धारैं ॥ भिरे भल्लमें हे कितेवीर ऐसे ।
खिले कालके दंडमें सानुजैसे ॥ दोहा ॥ बाहुयुद्ध केते करैं भिरे
वीर बलवान । दांकि दांकि दै हांक हठि धारे रोष अमान ॥
चौपाई ॥ भेरी दुन्दुभिको सु अदोरा । अरु कोदंडनकोटकोरा ॥
वीरनकी गर्जनि ते घोरा । शब्द अमोघ मढ्यो चहुं ओरा ॥
बाढ्यो शोणित समुद महाना । तामधिसब जलजन्तुसमाना ॥
यहि विधिको लखि संगर माचो । कालनेमि दानवरिसरांचो ॥
लाग्यो युद्ध करन अतिभारी । शत भुज सोंशत आयुधधारी ॥
लैलै शृंग सुरनपै भेलै । चल मंदर मनु कंदुक खेलै ॥ घनस-
मान घनको गुणलीन्हेसि । शंख वृष्टिको दुर दिन कीन्हेसि ॥
शरमें बंधन रचिभरि भासों । गहेसि बांधिसुरपतिकहै तासों ॥

यम कुबेर जे वरुण कहाये । शशिसूरजजे प्रबलगनाये ॥ अन-
 ल अनिल जल सागर सरिता । सुर गन्धर्वजिते शुभचरिता ॥
 सबहि जीति निज बश करि भायो । प्रथितपांच नहिं वशकरि
 पायो ॥ वेद धर्म अरु क्षमासोहाई । सुखद सत्य अरु श्रीगुण
 गाई ॥ येसब नारायण आधीना । कैसे इन्हें लहै मति हीना ॥
 सुरन जीति मन ममता भेरेसि । तब सो नारायण तनहेरेसि ॥
 गरवी क्रोध अग्नि सों डाढ़ो । चलिद्वै प्रभुके सन्मुख ठाढ़ो ॥
 लग्यो कहन बढ़ि वचन कठोरा । भयो काल बश ह्वै मतिभो-
 रा ॥ देहा ॥ तुम मम बैरी विदितहो बनि सुरगणके नाथ । करे
 बहुत अपराधहै लगि सुरपतिके साथ ॥ भलेसमयमों लखि
 परे भलो बन्यो यह काजु । लेहौं सबदिनको बयर बधतुम्हार
 करि आजु ॥ चौपाई ॥ सोसुनिहँसिबोले सुरस्वामी । श्रीश्रीपति
 नागांतक गामी ॥ हम जाना तुमहौ बलवाना । बहुभुज बहुत
 धरे धनुवाना ॥ हौं बहुमुख बहुविधि सों बोलौ । निज महिमा
 की पदवीखोलौ ॥ रहै एक मुखके सब आगे । कहिनसकेइमि
 ते रिसपागे ॥ थोरो कहिते यहफल पाये । अब तुम बहुतकहत
 ढिगआये ॥ ताते बहतअधिक फललीन्हो । सो यह जानि
 चहैं हमदीन्हो ॥ अर्थांतर गर्वित यहबानी । सुनिकै कालनेमि
 अभिमानी ॥ मुद्गर तानि महतबल भारेसि । खगपति के म-
 स्तकपै मारेसि ॥ ह्वै घूर्मितते हिलगेखगेशा । गयेभूमिपै बैठि
 सुभेशा ॥ सो लखिकालनेमि मुदपाग्यो । बाण पखानन मारन
 लाग्यो ॥ ऋषि सुमनसगण अचरज जानी । अस्तुति करन
 लगे शुभवानी ॥ अस्तुति सुनि प्रभु अंतर्यामी । बर्द्धित भये
 गरुड़सह स्वामी ॥ नभ किरीट महि चरण सोहाये । चारु बि-
 शाल भुजातिमिभाये ॥ उग्रचक्रसों महिमाठाटे । कालनेमिके
 शिर भुजकाटे ॥ शिरभुजकटेहु रह्यो रिसबाढ़ो । शाखाहीन
 वृक्षसोंठाढ़ो ॥ हन्योपक्षसों तेहि उरगारी । तबसो गिख्यो शैल

समभारी ॥ दोहा ॥ मयतारहि आदिकरहे जिते दनुज परिवार ।
चक्रगदासों प्रभुकियो तिनसबको संहार ॥ अतिरेला ॥ सुर शक्र
सों इमि कहेउ प्रभु हतिदनुजको समुदाय । निज निज पदन
बसि करहु अब निजधर्म पालन जाय ॥ तुव हेत रण चढि
कख्यो हम सब असुरकोसंहार । बलिराहु वाचे भागि तिनसों
रहेहुनित हुशियार ॥ चोपाई ॥ कमलासन तहँ आयकरि अस्तुति
श्रीरमणकी । गे निज लोकलवाय अति अमोघ आनंदभरे ॥
इतिहरिवंशदर्पणमयतारकामयदेवासुरसंग्रामोनामद्वादशोऽध्यायः १२ ॥

चोपाई ॥ बैशंपायनकी बरवानी । सुनि बोले जनमेजयज्ञानी ॥
ब्रह्मलोक विधिके सँगजाई । कियो कहा प्रभु कहौ बुझाई ॥
केहि कारज हितप्रभु अभिरामहिं । गे लवाय बेधा निज धाम-
हिं ॥ लहि अषाढ़ की शयनीनामा । शुक्लपक्षकी अति अभि-
रामा ॥ एकादशिशुचि सुखमारासी । शयनकरहिं जे विश्ववि-
लासी ॥ एकादशि कार्तिक की चारू । लहिजागहिं लोकपभर
तारू ॥ क्षीरसमुद्रमें बसैंसबाला । कैसे करें विश्व प्रतिपाला ॥
प्रश्नभूपको सुनि सुखदायक । बोले मुनि सुनु नृप सबलायक ॥
प्रभुकी गति अति सूक्ष्म जानो । सुर न सकहिं जेहि लखिइ-
मिमानो ॥ विष्णु लोकमय महिमापूरे । लोक विष्णुमय हैं सब
रूरे ॥ जलतरंगकी गति उरआनो । कंचन भूषणसम अनुमा-
नो ॥ प्रभुमहिमा सागरको पारा ॥ करि बिचारको पावनहारा ॥
सुनहुजाय बेधा केसाथा । ब्रह्मलोक प्रभु कियो सनाथा ॥ तहां
सरस सुखमासों भेखे । यज्ञ करत ऋषिगणकहैं देखे ॥ सहित
अग्नि तिनकहैं प्रभुबंदे । मर्यादापालक आनंदे ॥ दोहा ॥ प्रभु
हि पेखिऋषिगणमुदित अर्घपाद्य दैचारु । परब्रह्म भगवानकी
अस्तुति कीन्हउदारु ॥ चोपाई ॥ सुनिअस्तुति हवै प्रमुदितस्वा-
मी । गेनिजधामविहंगपतिगामी ॥ मंजुलमढ्यो जासुचहुंओरा ।
अंधकार अति सों अतिघोरा ॥ जहां न अनल निशेश दिने-

शा । प्रभु के तेज दिपित सो देशा ॥ तहां सहसशीर्षा ह्वैस्वामी । शयनकियो प्रभु अंतर्यामी ॥ वर्षहजार शयनतहँ कीन्है । कृतयुग द्वापरलों मुद लीन्है ॥ तब ऋषिसप्तसहित बिधिजाई । प्रभुहि जगाये गुरु गुणगाई ॥ जागि कह्यो बिधिसों बरबानी । विश्वंभर प्रभु आनंददानी ॥ कहो सुमन कासों भयपाये । जाहित तुम मोहिं आइ जगाये ॥ तासु निपात करौं हों सादर । बिधिबोले सुनि बानी सादर ॥ सुरन कुतो भय हेरिजु घालक । प्रभु कृपालु जिनके प्रतिपालक ॥ सुमनसमूह सुचित्तविलासै । सह सुरपति सुखमासों भासै ॥ यथाकाल बर्षे घनबारी । ताते परजापरमसुखारी ॥ नृप करि नीति प्रजन सुख देहीं । छठवां भागभाग निज लेहीं ॥ नृप समूहधरणीपै बाढ़े । ते बलदलसों विदित उकाढ़े ॥ नगर ग्राम गढ़ मानुष भारे । अप्रमेय अति घने बिहारे ॥ तिनके भार भई इमि धरणी । बेप्रमाण बोभी जिमि तरणी ॥ दोहा ॥ ताते धरणी दीनकै आतुर मम ढिग आइ । भरी भूरि भय निज दशा कहति बिकल बिलखाई ॥ चौपाई ॥ ताहित सत्वर हों इत आयो । तासुदशा प्रभुतुमहिं सुनायो ॥ लहि नर नरपति को बरभाये । धरणी पीड़ित भई अपाये ॥ याको एक आपुकी गतिहै । सुने सर्वदा सों यह सतिहै ॥ ते सब धर्म गैलके गामी । भूमि भार किमि हरिहौ स्वामी ॥ विनु अपराध नृपन कहँ मारे । रहिहि न प्रभु कछु धर्म बिंचारे ॥ भार हरे विन महिदुख पाइहि । सकिहि न थमि पातालहि जाइहि ॥ ताते चलहु मेरुपै साई । सह सुर करहु मंत्र तेहि ठाई ॥ एवमस्तुकहि प्रभुतब आये । मेरु शिखर पै सुखमा छाये ॥ अजसुरपति सुर ऋषिन समेता । बैठे तहँ प्रभुकृपानिकेता ॥ भूमि जोरि करि कै तहँ ठाढ़ी । लगी कहन अति करुणा बाढ़ी ॥ युगयुगमें मम भार निवारण । करहु नाथ तुम असुर संहारण ॥ जब नहिं रह्यो सृष्टि व्यवहारा । होइ पूरित जलपूर पसारा ॥ तहां

शेष शायी तुम गाये । नाभिकमल पै विधिहि रमाये ॥ तबतहँ
काननसों मलकाढ़े । ते भे मधुकैटभ बल बाढ़े ॥ ते लखिवेकहँ
विधिहि प्रचारे । विधि हित प्रभुतुम तिनकहँ मारे ॥ वर्षसहस्र
युद्धकरिघोरा । ते दोउ मरे सरससह जोरा ॥ दोहा ॥ जललह-
रिन सों मथिजमी जलपर बर विस्तार । तासुमेदकी मेदिनी
जापै बिश्व पसार ॥ हिरण्याक्ष हरिलै चलयो तब वराह कैआ-
प । ता बध करि ऊरध कियो मोहिं भरी परताप ॥ हरिगीती ॥ हवै
भारवति क्षत्रीन सों जब भई हों व्याकुल महा । तब परशुराम
उदार हवै प्रभुपरशुतीक्षण तुम गहा ॥ सो विदित बार एकैस
हति क्षत्रीनको आनंद लये । करि पिताको शुभ श्राद्धलौकिक
मोहिं कश्यपको दये ॥ बरसार्ब भौम महीशयोग निरेखिसर्वसु
गुणमये । दै मोहिं बैवस्वतमनुहिं तपहेत कश्यप बनगये ॥
इक्ष्वाकुआदि नरेन्द्र दिनकर वंशमम पालनकरे । अब फेरिहों
तुव शरणआई पाहि करुणाकरखरे ॥ सुनिभूमिकी इमि विनय
सुरगणसरुचि इमिविधिसों कहे । ते समुभि आशय बिष्णुकी
चितचाहसों करिबोचहे ॥ जिमिकहहु तिमिसव सुमन गणहम
जायमानुषतनधरें । तहँ बिष्णुकीरुचि रुचिरकी अनुगमनकरि
महिधुरहरें ॥ सुनि कह्योविधितुम कहेउसो करतव्य निश्चयकरहु
हे । महिप्रकट भारतवंश तेहि तुमजायसबअब तरहुहे ॥ रचि
योगराख्यो पूर्व सोहों कहत सो तुम सब सुनो । हिय जानिइ-
च्छित बिश्वपतिकी शीघ्रसो करिबो गुनो ॥ दोहा ॥ एक समय
कश्यपसहित लवणसमुदपै जाय । करतकछू बाँतैरहे ईश्वरके
गुणगाय ॥ चौपाई ॥ ताक्षण समुद उमड़िकरहेला । गंगासहित
नांघि निजबेला ॥ पूर्णचन्द्र लखि आनंद पागो । लहरिनसों
मोहिं भेवनलागो ॥ तब हों कह्यो शान्तहो सागर । सो सुनि
तनधरि उदधि उजागर ॥ भो अतिराजसिरी सों बाढो । सुर
सरिसह मम आगे ठाढो ॥ तब तिनसों हों कहैं निरेखी । तुम

मे राज्यतुल्य वपुभेखी ॥ तातेजाय भूमिपति होहु । शांतननाम
 पुण्यश्रज पोहु ॥ तितहुँ हुये गंगातुव पतिनी । तन धरि कै है
 पतिव्रत बतनी ॥ च्युत कै बसु बसुमहि पथज्वैहैं । ते गंगा के
 गर्भज कैहैं ॥ अष्टम बसुसो सुनु सहकारण । होइहि महि को
 भार निवारण ॥ ताते अबतुम सादरजाहू । हो शुभार्थ वंशज
 कहलाहू ॥ यह विधान पहिले रचिराख्यो । लखि भविष्य सो
 तुमसों भाख्यो ॥ सो अब गंगासुत महिचारी । विद्यमानभीष
 मधनुधारी ॥ दुतियतिया संतनकी तासों । द्वै सुतभये भरेबर
 भासों ॥ तिनके भये दोयसुत ज्ञानी । पाण्डु और धृतराष्ट्र सु-
 दानी ॥ द्वै तियभई पांडुके नीकी । कुन्तीअरुमाद्री शुचिजीकी ॥
 है धृतराष्ट्र भूपकीप्यारी । गांधारी तिय पतिव्रतधारी ॥ दोहा ॥
 तिनके पुत्रनसों सुनो बिग्रह बड़ी महान । द्वापर युगके अंतमें
 सुनो सुमन सुखदान ॥ दोऊ निज निजपक्षलै करिहैं युद्ध बि-
 लास । ताते कैहैं भूमिपै भूमिपतिनको नास ॥ चौपाई ॥ तबक-
 लियुगकरहोहि पसारा । मिटिहैं सर्वधर्म व्यवहारा ॥ शिवअरु
 शिवकुमार द्वैदेवा । हवैहैं पूज्य उग्र करिसेवा ॥ ताते तुम सब
 सुमनउदारा । निज निज अंश लेहु अवतारा ॥ कुन्ती अरु
 माद्रीके बारे । धर्म अंशसों होहुसुखारे ॥ कलिप्रभावमें ममता
 जाये । प्रकटहु गांधारी के जाये ॥ सो सुनि भूमिगई निजआ-
 नन । लहि सुरगण बिधिको अनुशासन ॥ कुरुपांचाल वंशमें
 जाये । वरबलमें गुण गरिमागाये ॥ अंशयुधिष्ठिर धर्मराजके ।
 भीमसेन मारुत दराजके ॥ अंशशक्रके अर्जुन वीरा । अरिम-
 र्दन जयवर्द्धन धीरा । नास्वदस्रके अंशज चारू ॥ भये नकुल
 सहदेव उदारू ॥ रविकेअंशजकरण कहाये । गुरुके अंशद्रोण
 हवै भाये ॥ यमके अंशज बिदुरबिरूपाता । शशिअंशज अ-
 भिमन्यु सुज्ञाता ॥ भूरिश्रवा शुक्रांशज जायो । भो वरुणांश
 श्रुतायुध गायो ॥ शिवको अंशज अश्वत्थामा । मित्रांशज

भे कणिक सुनामा ॥ यक्ष गंधर्व अंशते निगरे । भे दुःशासन
आदिक सिगरे ॥ यहिविधि सुर निज अंश सुधारी । जब आये
महिपै शुभचारी ॥ दोहा ॥ तब नारद मुनि कलह प्रिय देवस-
भामें जाय । कह्यो विहँसि इमि विष्णुसों अस्तुति करिगुणगा-
य ॥ प्रभु अंशा अवतरणजो कीन्हें सुमन समूह । तिनसों नहिं
कारज सधिहि कहैसांच करिऊह ॥ चौपाई ॥ नरनारायणसों सुर
स्थामी । सधिहिकाज यह अन्तर्यामी ॥ जे तुम हते असुरधनु-
धारी । युद्ध तारकामयमें मारी ॥ ते सिगरे पृथिवी पै जाये ।
वैभेइबल सुविरद बैठाये ॥ मथुरानाम पुरी इक पावनि । यमुना
के तट सरस सोहावनि ॥ रह्यो पूर्व राक्षस मधुनामा । तेइमधु-
बन विरच्यो अभिरामा ॥ तासुत रह्यो लवणवपु पोषक । दीह
दाप दानव द्विजदोषक ॥ लंकाजीति राम जब आये । अवध-
पुरी में मंगलझाये ॥ तबसों लवण दूतह्वै आतुर । व्यंगकठोर
वचन कहि चातुर ॥ भेजिसिराम पास पनधारी । युद्धहेत बहु
भांतिप्रचारी ॥ रामचन्द्रसों सुने सँदेशू । शत्रुघ्नहि इमि दियो
निदेशू ॥ तुममम शासन सुनिपन धरहू । जाइलवणकर बध
हठि करहू ॥ सुनिशत्रुघ्न उग्रपन लीन्हें । सादरजाय तासु बध
कीन्हें ॥ ताबध करिकरि सोवन छेदन । पुरीरच्यो जयशब्द
निवेदन ॥ सो मथुरा यह आनंददासी । परम सोहावनि सु-
खमा रासी ॥ शूरसेन हैं ताके स्वामी । ताकुल उग्रसेन हैं
नामी ॥ ताकेसुत ह्वै कंसकहायो । दानवकालनेमिजो गायो ॥
हयग्रीव सों भो अभिरामा । अनुज कंसको केशी नामा ॥
दोहा ॥ वृषभासुर है तहँ भयो दैत्य अरिष्टअमान । रिष्टदैत्य
तहँ है भयो कुबलै गज बलवान ॥ लवण नाम दानवउतै भो
प्रलंब है जाय । खर नामक दानव उतै धेनुक रह्यो कहाय ॥
चौपाई ॥ जे बाराह किशोर इतै ते । भे मुष्टिक चाणूरउतैते ॥ ये
सब उतै भयानकभेषी । हैंतब शुभदकथाके द्वेषी ॥ सबको अ-

धिप कंस बलवाना । उग्रसेनको तनय अमाना ॥ दिव सागर
 अरु पृथिवी पाहीं । हैं तुम सों ये बध्य सदाहीं ॥ और सुमन
 गण जितनेआहीं । तिनसों बध्य कदाचित नाहीं ॥ ताते जाय
 भूमिपै स्वामी । मानुष रूप धरहु नयगामी ॥ दानव कुल को
 करहुनिपाता । हरहु भारपृथ्वी को ताता ॥ सुनि नारदकोबचन
 सुहावन । बोले कृपासिंधु प्रभुचावन ॥ तुमजो कहेत्रिकाल बि-
 शारद । सो सब हम जानहिं हे नारद ॥ जोहैं इत उत जो हवै
 राजे । कंसादिक दानव सुख साजे ॥ मम अवतार हेतुतुमभा-
 खे । सो बिचारहमदृढ़ करिराखे ॥ इमिकहिनारदसों सुरस्वामी ।
 बोले विधिसों अन्तर्यामी ॥ काके गर्भ बास करि बेधा । जन्म
 लेहिं हम कहहु सुमेधा ॥ सो सुनि कह्यो बिरजिच बिचारी । एक
 समयकश्यप पनधारी ॥ हस्यो बरुणकीकामद गाई । सोमांग्यो
 कहि बरुण बुभाई ॥ दियो न कश्यप तब अनखाये । सादरव-
 रुणपासमम आये ॥ दोहा ॥ कहेतात मम जनकहवै कश्यपअ-
 नय बिचारि । काम पयद मम गानसोहरि लीन्हे ऋषिधारि ॥
 मांग्यो हों कहि भांतिबहु पिता न मान्यो एक । अदिति सुरभि
 द्वै तियनको लहि समताहिय टेक ॥ चौपाई ॥ सोसुनि यहभविष्य
 जियजानी । हो इमि दियो शाप अनुमानी ॥ कश्यपहरणगाय
 कोकीन्हे । अदिति सुरभि को सम्मत लीन्हे ॥ ताते होहिं गोप
 भुवि जाई । अदितिसुरभि सहकृतफलपाई ॥ ताते कश्यपांश
 गुरुज्ञाता । हैं महिपै बसुदेवविख्याता ॥ अदिति देवकीहवैअ-
 भिरामा । सुरभी चारु रोहिणी कामा ॥ भई तासु सुखदाइनि
 बामा । करै भूरि भूषित शुचि धामा ॥ तिनके गर्भबासलै स्वा-
 मी । होहु प्रगट हवै भूतलगामी ॥ निज भक्तनको करहुसना-
 था । करि क्रीड़ाप्रभु तिनके साथ ॥ इमिकहिगे बेधानिज आ-
 सन । क्षीरधितीरगयेगरुड़ासन ॥ क्षीरधिकेउत्तरतटचारू । गुहा
 पार्वतीनामउदारू ॥ तहँनिजतेजबिभज्यसोहाये । गृहबसुदेव ध-

नीके आये ॥ नारदसुमुनिभेद यह जानी । कह्यो कंससों जाइ सुज्ञा-
नी ॥ भल तुम्हारे हम जियसों ईछैं । ताते कंस तुम्हें इमि शीछैं ॥
सुर अज सहित मंत्रकरिकीन्हें । तुव बधकोपन प्रभु मन लीन्हें ॥
सो सुनिकै हम सादर आये । सहित प्रेमवृत्तान्त सुनाये ॥ देव-
ककी तनया अभिरामा । जो तुव स्वसादेवकी नामा ॥ देहा ॥ ता-
के अष्टमगर्भसों लै ईश्वर अवतार । हवै सरोष करिहैं अवशि
तुव सबंश संहार ॥ ताते अब चैतन्य रहि करियो यत्न विचा-
रि । यह कहि नारद दिवगये हृदय सुआनंद धारि ॥ रोष ॥
कंस सचिव सखानको इमि दियो चाहि निदेश । देवकीको गर्भ
रक्षण करहु भीषण भेष ॥ एकलों अरु आठलों जै होहिं गे सुत
तासु । जन्मतेही आनि तिनको करौंगो हों नासु ॥ चौपाई ॥ मम
हित इस्त्री दृढतागहि कै । अतुदिन गनै तासु ढिग रहिकै ॥ पूर-
णमास सुने निशि दिनमें । अति चैतन्य रह्यो छिन छिनमें ॥
जन्मतहो सुत मोढिग ल्यायहु । तासु नाश लखिकै सुखपाय-
हु ॥ नित बसुदेवहिं चख चर राखौ । बचन कठोर कछू मति
भाखौ ॥ यह सुनि प्रभु रहि अन्तर्द्वाना । कह्यो कंसको दृढ अ-
नुमाना ॥ भावीभूत चितिकै स्वामी । गेपताल प्रभु अन्तर्यामी ॥
तहैं षट्दैत्य रहैं खलपूरे । ते षट्गर्भ नाम हे खूरे ॥ तेहैं काल-
नेमि के जाये । पौत्र हिरण्यकशिपु के गाये ॥ तपकरि विधिहिं
मुदित ते कीन्हे । अबध्यत्व सुरगण सों लीन्हे ॥ ताते तिनसों
कहेसि रिसाई । दैत्य हिरण्यकशिपु अनखाई ॥ कत तुम मम
महत्त्वको बाधे । हमें छांडिकत विधिहि अराधे ॥ मोहिं अराधि
मांगितुमलेते । वर अमोघ चाहत हैं जेते ॥ मोहिं छांडि विधि
सों वरमांगे । ताको फल पावहुगे आगे ॥ निज पितुके हाथन
सों सिगरे । बधे जाहुगे हे मति विगरे ॥ कालनेमि तिनको पितु
जोहो । सोई मथुरा कंस भयोहो ॥ सोइ प्रभाव चिति प्रभुचा-
वन । गे जहैं हे षट्गर्भ सोहावन ॥ देहा ॥ तहां जाइ जल गर्भमें

सोवत तिन्हें नरेखि । प्राणकर्षितिनको लियो दशास्वप्नकी भे-
 खि॥ तिन्हें योगनिद्राहिदियो कहिइमिसरुचिसहास । इनजीवन
 को यत्न सों राखौ अपने पास ॥ चौपाई ॥ देखि देवकी को ऋतु
 भेशा । क्रमसों ताके गर्भ प्रवेशा ॥ इन्हेंकरावहु हे गुणखानी ।
 भूत भविष्य सबै अनुमानी ॥ जन्म धरेपै तासु निपाता । क-
 रिहिकंस दारुण रिसराता ॥ क्रमसों नाश करिहि इन षटको ।
 जब नृप कंस कलिन्दी तटको ॥ तब तौ सप्तम गर्भ बिहारू ।
 करिहि चारु मम अंशउदारू ॥ सप्तम मास होइ जब ता-
 सू । तबसो गर्भ कर्षि तुमआसू ॥ उरसि रोहिणी के सुचाव
 सों । ताहि राखियो शुचि सुभावसों ॥ ताते संकर्षण पद
 पाई । कै हैं ममअग्रज प्रियभाई ॥ तासुगर्भ अष्टमजो भाखो ।
 तामेंहों बसिहों सुनिराखो ॥ तबतुम चाहि चारुवर वरणी ।
 यशुदा नन्द गोपकी धरणी ॥ ताके गर्भवासतुमकीजो । जानि
 जन्ममम साथहिंलीजो ॥ सरुचि यशोदापै हम आउब । तुम्हें
 देवकीपास पठाउब ॥ जानिजन्म तब कंस नरेशा । गहि तब
 चरणमृत्यु उद्देशा ॥ षटकन लगिहिशिलापै जाक्षण । ताके कर
 सों छुटि तुम ताक्षण ॥ जाइ गगनपै विदित बिहारेहु । दिव्य
 स्वरूप अनूपम धारेहु ॥ चारि भुजनसों धारि अतूलहि । खड्ग
 कंज मधुपात्र त्रिशूलहि ॥ दोहा ॥ भूषणवसन बिचित्रधरि तेज
 पुंज अधिकाय । उग्रउदार अमन्द तेहिनिजस्वरूप दरशाय ॥
 घोर भूतगण यूथमों सेवित परम अपार । सानँद जायहु स्वर्ग
 धरि व्रत कौमार उदार ॥ हरिगीती ॥ तहँ समुभि भगिनी सहित
 सुर सुरराज विधिवत पूजिहैं । प्रियकरणिमंगल भराणि मंजुल
 वरणि अस्तुति कूजिहैं ॥ फिरि शक्रदेहें वास तुम्हहिंसुबिन्ध्य-
 गिरि रमणीय पै । तहँवसि विविध धरिरूप रमेहु अनेक थल
 अवनीय पै ॥ त्रैलोक्य चारिणि चारुचरिता बिन्ध्यशैल निवा-
 सिनी । द्वै दैत्य शुम्भ निशुम्भ कै हैं तासु दर्पबिनासिनी ॥ त्वं

सिद्धि आर्याकीर्ति धृति अरु कामदा कात्यायनी । तुम रात्रि
सन्ध्या प्रभानिद्राकौशिकीवरदायनी ॥ बहुरूपिणीसुविरूपिणी
नारायणी जनरक्षणी । तुम उग्रयमकी स्वसाजेठी दैत्य कुलकी
भक्षणी ॥ तुम जया विजया क्षमादाया अग्नि ज्योति स्वरूपि-
णी । अरु सिंह वाहन चन्दसूर पपाकिनीस अनूपिणी ॥ तुम
रमावाणी पार्वती इन्द्राणिऔ परजायसों । तुम सर्व व्यापिनि
सर्वमयहौ सर्वदा चितचायसों ॥ जेजानिजन परभाव मम बर
प्रेम तुमकहँ ध्याइहैं । तेअभयरहिहैं सवसमयजो चाहिहैं सो
पाइहैं ॥ दोहा ॥ इमिकहिप्रभु महिभारहर भेतहैं अन्तर्द्धान ।
मुदित महामाया करी क्रमसों सकल विधान ॥ दई देवकी के
उदर षट गर्भन केवास । सक्रम कंस तिनको कियोजन्म भयेपै
नास ॥ दोहा ॥ गर्भसतयों मास सतथे गये आधीरैनि । देवकी
को नींद बश लखि करषिसो जगजैनि ॥ राखिउरमें रोहिणी के
दई भेद बताय । रोहिणी सुनि रही चुपकै महतआनंद पाय ॥
देवकी निज गर्भ लखिकरि स्वप्नकी विधिदेखि । जागिउर विनु
गर्भ लखिहिय रही दुखसों भेखि ॥ तासु अठयें गर्भमें तब बसे
श्रीपतिआय । नंदकी तियके उदरमधि बसीमायाजाय ॥ देव-
कीको गर्भ अठयोंजानिकंस नरेश । कियो चौकी हेत नियमित
सुहितसुभट सुभेश ॥ मास दशयें भाद्रपदकी कृष्णपक्षी भां-
ति । अष्टमीको रोहिणीलहि गये आधीराति ॥ देवकीके जन्म
लीन्हे आपु त्रिभुवन नाथ । भईयशुदा के प्रगट जगदेव प्रभु
केसाथ ॥ मोहमें कै लोग सबकोउ नाहिं येहलखेव । भयरहे
चितचैतन्य दम्पति देवकी बसुदेव ॥ दोहा ॥ निज स्वरूप सों
प्रगट भे प्रभु सर्वज्ञ उदार । लखि बसुदेव कह्योदवे कंस भीत
के भार ॥ चौपाई ॥ यह स्वरूप प्रभु गोपन करहू । कै प्रसन्न
लौकिक बपुधरहू ॥ सो स्वरूप प्रभुगोपन करिकै । बोले तासु
शोच सब हरिकै ॥ मोहिं लै चलहु नन्दकेगेहा । यशुदाके ढिग

सरस सनेहा ॥ ताके पासमोहिं धरिआवो । ताके सुताभई सो
 ल्यावो ॥ सो सुनि प्रभुहि गोदते लीन्हे । तुरित पयान तहांको
 कीन्हे ॥ सुत यशुदाके ढिग धरि दीन्हे । ताकीसुतागोदमें ली-
 न्हे ॥ निज गृहआये आनँद साने । इतउत काहू भेदनजाने ॥
 दियो देवकिहि सुता सभागी । तब सो तनया रोवनलागी ॥
 चौकीदार रुदन सुनि जागे । सावधान कै आनँद पागे ॥ गे
 बसुदेव कंस पै आतुर । कन्या भई सुनायो चातुर ॥ सो सुनि
 आइ कंस तहँ सादर । कन्यहिं मांगि बिहँसिहठिकादर ॥ तासु
 चरण गहि आनँदपागो । ऐंचि शिलापै पटकन लागो ॥ तब
 ताके करसों छुटिकन्या । दिवपै दिव्यरूप धरिधन्या ॥ करि
 अट्टहास सुखदानी । कंसहि टेरि सुनायसि बानी ॥ तुम जो
 आत्म कुशलके काजा । ममबध विहित बिचारेहु राजा ॥ कछु
 दिन बीतेतवबध होई । ताहि नेवारिसकै अब कोई ॥ दोहा ॥
 तासों इमि कहिकै भई देवी अन्तर्धान । पांयपखोसो देवकीके
 करि विनयमहान ॥ कहि निज मुखसों खोरि निज भयो शोच
 सों आम । शीशनवाये दीनसम गयो आपने धाम ॥ रोला ॥ रो-
 हिणीयों प्रथमहीसों नन्द के घरजाय । रहीहीतिनभयो हो सुत
 सरुचि सुन्दरकाय ॥ नामकरण सरीति तिनकोकियो श्रीनँद-
 राय । मोद सों अनधेनु मणिगण बसन बेसलुटाय ॥ दोहा ॥
 कीन्हों जेठे कुवँरको संकर्षण यह नाम । कियोकुमार कनिष्ठको
 कृष्णनाम अभिराम ॥

इतिश्रीहरिवंशदर्पणेकृष्णावतारवर्णनोनामत्रयोदशोऽध्यायः १३ ॥

बैशम्पायनउवाच ॥ दोहा ॥ कथाकृष्णके जन्मकी बर्णिकही सह
 हेत । चरित कहत अबकृष्णके जेचितकर चितचेत ॥ चौपाई ॥
 एकदिन कृष्णचन्द्र अभिरामहिं । बालचरित बिचरत छबिधा-
 महिं ॥ स्वायतहां जा ऊरधभारी । बांधोरह्यो शकटमहिचारी ॥
 गई यशोदा यमुना तीरा । भाग्यवती जगधन्या धीरा ॥ इत

लीलामिसि कृष्ण उदारू । चपलवदाय चरण चलचारू ॥
 दयो गिराय शकटवह भूपर । अधरहि आपु ताहिलै ऊपर ॥
 रुदनकरन लागे किलकाई । तिमितहँ लख्योयशोमतिआई ॥
 निजउर ताड़ि धाईतहँ जाई । ऐंचि सुतहिलै अंकलगाई ॥ वि-
 स्मितशोच कहन इमिलागी । हर्षविषाद भावसोंपागी ॥ आ-
 जु कुशल यह ईश्वरकीन्हों । नयोजन्म करिसुत मोहिंदीन्हों ॥
 बनतेतहां नन्दतव आये । शकटलेखि विस्मयसोंझाये ॥ लगे
 साचरज वचन उचारण । कैसे गिख्यो शकट विनुकारण ॥ रहे
 लखतते बाल बताये । एई पगसों शकट गिराये ॥ सो सुनि
 काहू सांचन माने । दैवीगतिहियमें अनुमाने ॥ एकसमय नि-
 शिमें तहँ आई । दारुणकंसभूपकी धाई ॥ नाम पूतनापापिनि
 गाई । कुच कुम्भनिमें जहर लगाई ॥ अर्द्धरातिमें सूनोदेखी ।
 प्यावन लगी कृष्णकहँ तेखी ॥ दोहा ॥ मुखसों स्तनगहि लिये
 करषिप्राण प्रभुजानि । घोर पूतना घोरधुनि करि गिरिपरी उ-
 तानि ॥ चौगाई ॥ सो धुनि सुनि नन्दादिक जागे । तेहिलखि
 विस्मित बोलनलागे ॥ कोबलवान याहि जो माख्यो । कोगहि
 ल्याय याहि इतडाख्यो ॥ विरचिअथाई सब अनुमाने । पैकाहू
 कछुभेद न जाने ॥ क्रमसों रामकृष्ण दोउभाई । घुटुवनचलन
 लगे सुखदाई ॥ खेलैं इतउत आंगनमाहीं । कृष्ण चपलकढ़ि
 बाहर जाहीं ॥ खीभिएकदिन यशुदामाई । कृष्णहि गहि बा-
 हर सो ल्याई ॥ कटिमें बांधि दाममुद लीन्हीं । ताहिबांधि ऊ-
 खलमेंदीन्हीं ॥ कछुकारजमें आपु भुलानी । ओखरिसह चलि
 प्रभु अनुमानी ॥ जुरेबढे हें ढिगवर छाये । यमलार्जुन द्वै वृक्ष
 सुहाये ॥ तिनके मधि द्वै कढ़िमनभाये । तिनमें बरबोखार अ-
 टकाये ॥ ऐंचि मूलसों तिन्हें उखारे । बालभाव प्रभु हँसैं सु-
 खारे ॥ तब तिमि तेहि तहँ लोंग निहारे । सादर यशुदहि जाइ
 पुकारे ॥ सुनिसो दशा यशोदा धाई । हाहाकरत पुत्रपहँ आई ॥

धाड़ उठाय अंकमें लीन्हो । विस्मित सुचितशोचबहु कीन्हो ॥
 सुनिनन्दादिक गोप महाने । जुरेआइतहँ शिशुकसयाने ॥ दोहा ॥
 वृक्षपात लखि विस्मित कीन्हों नन्द बिचार । कारण लखि
 पावै न कछु करै कहा उपचार ॥ दाम उदरमें कृष्णके बांध्यो
 गयो ललाम । ताहीते गोपिन कह्यो दामोदर यह नाम ॥ गेला ॥
 रामकृष्ण उदार सुखमा सीवै आनंदधाम । चारु कंचन
 बर्ण वैवै बनकवर घनइयाम ॥ बाल चरित अनेक बिधि ते
 बिरचिकीन्हे जौन । कहैं गोपीनाथ सो कहि पारपावै कौन ॥
 हरिगीतो ॥ बलराम कृष्ण उदार क्रमसों सातवर्षनके भये । धरि
 नील पीत अमन्द अम्बर अखिलसुखमासों मये ॥ शुचिइवेत
 पीत सुअंग रंगनि चारुतनचित्रितकरे । बनमालचारु विशा-
 ल अरु शिखिपक्ष अति मंजुलधरे ॥ लैं गोपसुतनिसमेत ब-
 त्सनि जायबन बिहरणलगे । तहँकरैं कीड़ा बन्धुदोउ बहुभांति
 अति आनंदपगे ॥ तहँ एकदिन बलरामसों श्रीकृष्णचन्द्र जु
 इमिकहै । यह बन बिरल रमणीय नहिं यहि तजन मोमन च-
 हतहै ॥ हैकालिंदीके पार वृन्दावन परम रमणीय सों । तानि-
 कट गोवर्द्धनशयल छबिसीवमय कथनीयसों ॥ सो सुवन बिह-
 रण योग निबिड़ सकुंज सरित सुतारहैं । तहँ गोप गोपिनहूँ
 सुखद हित गुउनको अतिचारहैं ॥ उतवास बिरचन हेत हम
 वृक इतै प्रकटित करतहैं । उत्पात अति दरशाय गोपनिभूरि
 भयसों भरतहैं ॥ तबडरपिकै नन्दादिसबइतछोड़िचलि बसिहैं
 उतै । तहँमोदसों दोउबन्धु विविधबिलासकरिहैं अद्भुतै ॥ दोहा ॥
 इमिसम्मत बलरामसों करि श्रीकृष्ण अनूप । प्रकटकिये वृक
 यूथतहँ बिकट भयानक रूप ॥ तिनसों लहि उत्पातडरि नन्दा-
 दिक सबगोप । वृन्दावनमें जाइकै बृजरचि बसे सचोप ॥ चौपाई ॥
 योजन भरको चौड़ोचारु । दुइयोजन विस्तरित उदारु ॥ रचो
 पूरी अतिवृज रमणीया । पुलकित होय जाहिलखि हीया ॥

चारिउ दिशारुधान बढाये । पृथक् पृथक् वरगोंठ बनाये ॥ रमें
 तहां सिगरे ब्रजबासी । रामकृष्ण प्रभु विपिन विलासी ॥ यक
 दिन कृष्ण बिना बलभाई । गोपसुतनि कहँसंगलवाई ॥ बत्सन
 लये रमत बरकानन । धरम धुरीण पुरुष पंचानन ॥ जोय ला
 खबट बिटप सुहायो । उन्नतजो भांडीर कहायो ॥ दीरघ शाखी
 घनो गसीलो । मढो लतनिसों सरल रसीलो ॥ चारु भवन
 सो बनो सुहावन । पक्षिनके रवसों मनभावन ॥ त्यहि लखि
 कृष्ण सुखद थल चीन्हें । निज विलास हित रोचित कीन्हें ॥
 सबै सखनिसह तब अनुरागे । रमे दिवस में आनँदपागे ॥ गये
 तहांसो यमुना तीरा । गोपसुतनिसह लेगोभीरा ॥ अति रम-
 णीय तासुतट देखी । इतउत रमणलगे शुचिभेखी ॥ लखेतहां
 यकदह अतिभारी । योजन भरको बर विस्तारी ॥ मीनादिक
 जलजन्तु न हीना । याके तटके द्रुम अतिक्षीना ॥ जीवजन्तु
 कोउ निकट न आवैं । भूरि भयानक लखिभयपावैं ॥ दोहा ॥ ब्रज
 ते उत्तर देशमें कोशभरे पै तौन । चाहि ताहि चितमें घरिक
 शोचे आनँद भौन ॥ कालीजामें बसतहैं सहितपक्ष परिवार ।
 यह थर सूनो ताहिके फूतकार के झार ॥ चौपाई ॥ यह विचारि
 आनँदसो मढ़िकै । कूदेकृष्ण कदमपैचढ़िकै ॥ जलमें भयोशब्द
 अति घोरा । उमड़ि गयो जलचढ़ि दुहुँओरा ॥ घोरशब्द सु-
 निकैरिसिझायो । काली प्रभुकेसन्मुख आयो ॥ फूतकारछोड़त
 रिसि रातो । करे कालिन्दीको जलतातो ॥ सह परिवार गर्वभ-
 रिमनमें । लपटिगयो शठ प्रभुकेतनमें ॥ सोलखिकैसिगरे सँग
 वारे । सादरब्रजमें जाय पुकारे ॥ सुनतेनंद यशोमति धाये ।
 बालक वृद्ध युवासब आये ॥ हाय हायकहि इतउत हेरत । कृष्ण
 कृष्ण कै आरत टेरत ॥ नन्द यशोमति अति अकुलाने । मरण
 चहैं कै सरितसमाने ॥ यहि गति श्रीबलराम निरेखी । बोले
 सगरब अतिशय तेखी ॥ कालिहि मर्दि बाहिरे आवो । अब

मीत कृष्ण विलम्ब लगावो ॥ फणिगहि तापै चढ़ि मुदलीन्हें ।
 गर्जि मर्दि रिजुरजु समकीन्हें ॥ तबकाली प्रभुकहँ पहिचानी ।
 कहेसि विनय करि आरत बानी ॥ मम अपराध क्षमा करि
 स्वामी । देहु बास मोहिं अन्तर्यामी ॥ कहे कृष्ण तुम सह परि-
 वारा । करौ जाइकै उदधि बिहारा ॥ प्रभुनिदेश कालीउरधारे ।
 मुदित समुद कहँ तुरित पधारे ॥ दोहा ॥ प्रभुआयेकढ़ि बाहिरे
 नन्द यशोमति धाय । नीर भरे नयननि पुलकि लीन्हें अङ्कल-
 गाय ॥ धन्य जानिकै अपुनको अतिनिज भाग्य सराहि । आये
 ब्रजमें मुदितमन प्रभुमुख पंकजचाहि ॥ चौपाई ॥ संकरषण अरु
 कृष्ण सुनामी । सुखमा सिंधु सरस सहगामी ॥ गोप सुतन सँग
 लैसह गोधन । बन बिहरतगे जहँ गोवर्द्धन ॥ उत्तरदिशि गो-
 वर्द्धन केरे । अति रमणीय तालबन हेरे ॥ उन्नत ताल वृक्ष
 जेहि फूले । जिनमें करिकरसम फलभूले ॥ तिनकोपाय शुद्ध
 सोहायो । संकरषण सों कृष्ण सोहायो ॥ लखो तालफल सरस
 सुहावन । ऐसो जासु गन्धमनभावन ॥ ताको स्वाद अपूरब कै
 है । पायेमनआनँदसों गवैहै ॥ सोसुनिरौहिणैयसुखपाये । तरुण
 तालतरु तुरित हलाये ॥ भो अतिशब्द तरुनके हाले । फलके
 गिरे पत्रके चाले ॥ सुनि धेनुकदैअत अघखानी । ताबन को
 रक्षक अभिमानी ॥ गर्द्धभ रूप भयानक भारी । सँगसम रूप
 लयेअनुचारी ॥ लताभवनते चपलनिकशिकै । संकर्षणहिदांत
 सों दशिकै ॥ फिरि पछलातनि मारनलाग्यो । दारुण दुष्ट दो-
 षसों पाग्यो ॥ तासुचरण दोउ पूरब वारे । गहिऊरधको राम
 पवारे ॥ उन्नतताल शिखापै परिकै । गिखो मूढ़तहँमहिपै मरि
 कै ॥ रहे चिते ताके सँगवारे । ताकी बिधिगहि तिन कहँ मारे ॥
 तिन्हें मारि अति आनँद पागे । बीरधीर बन बिहरण लागे ॥
 दोहा ॥ गोपन सँगक्रीड़ा करत लै गोधन समुदाय । बट विशाल
 भांडीर के ढिग प्रभुगये सचाय ॥ तहां जाय पेषण लगे बाला-

पनके खेल । दोय गोल करि चावसों विरचि वरग चितमेल ॥
जयकरी ॥ असुर प्रलम्ब नाम बलवान । गोप सुवन बनि कुटिल
अमान ॥ आये तहुंतहैं हे ब्रजनाथ । खेलन लगो सखा बरि
साथ ॥ चौपाई ॥ खेलत रहे खेल बलधामें । यह करार निर्मित
होतामें ॥ हारै सो निजकन्ध चढ़ाई । जो जीतै ताको लै जाई ॥
सुबिटपवट भांडीर छुआवैं । फेरि चढ़ायइतैलै आवैं ॥ हो श्री-
दाम नाम प्रिय बादी । भयो कृष्णको तहैं प्रतिवादी ॥ जो
प्रलम्ब होकरे ठगोरी । सो भो संकर्षण को जोरी ॥ जोर
विरचि यहिभांति सभागे । चतुर चावसों खेलन लागे ॥ कृ-
ष्ण सबन्धु सबर्ग सुनीते । सुहित संग प्रति बादिहि जीते ॥
निज निज बादिन पै चढ़ि चावन । लगे गोप सब जावन
आवन ॥ संकर्षण कहैं कन्ध चढ़ाई । चल्यो प्रलंब सुऔसर
पाई ॥ बटढिगजायरोष हिय छायसि । कै बर्द्धित निजवपु दर-
शायसि ॥ उन्नत कज्जल गिरिसा भारी । भूरि भयानक भेष
सुधारी ॥ संकर्षण कहैं लैलै भागो । मत्तअनन्त गर्वसोंपागो ॥
तापै संकर्षण हैं ऐसे । चल बारिद पै थिर रवि जैसे ॥ तब संक-
र्षणहिये विचारी । कहे कृष्णसों धीरज धारी ॥ मोसों दुगुन
लखात सुरारी । काकरिये सोकहौ पुकारी ॥ सुनिइमिकह्योकृष्ण
सुखदानी । आपहि भूलिकही तुमबानी ॥ दोहा ॥ जगदाधार
अनन्त तुम हौ अनन्त परभाव । महिधारण तुम शेषहौ चेति
गहौ चितचाव ॥ हम तुम एक न भिन्नहैं भयेएकसोंदोय । धा-
रण पोषण जगतके हेतुविचारोंसोय ॥ चौपाई ॥ ताते बन्धु वचन
मम सुनिकै । मानि अनंत आपकोगुनिकै ॥ बलीदैत्यको बध
अब करिकै । हमसों आइ मिलो मुदभरिकै ॥ सोसुनि संकर्षण
रिसिभारे । मूका तासु शीश पै मारे ॥ मूका मारि फोरि शिर
दीन्हें । फेरि जानुसों ताड़न कीन्हें ॥ तब मरि गिखो भूमिपै
सोई । कृष्ण ग्वाल हर्षे सब कोई ॥ रहि अदृश्यसो लखि सुम-

नस गन । वर्षिसुमन इमि कहे मुदितमन ॥ बलसों हते दैत्य
 ऋषि राते । ये बलदेव नाम अवताते ॥ करि प्रलम्बको बध
 सुख पाये । सहित समाज कृष्ण ब्रज आये ॥ सहित सखा प्रभु
 ब्रजमें राजे । चारुपुरी सुखमासों साजे ॥ लहि वर्षाको अन्त
 सोहाये । गोप वृन्द आनंद सों छाये ॥ इन्द्र यज्ञ आरोपण
 चाहे । तब इमि बोले कृष्ण उवाहे ॥ कोंहें इन्द्रयज्ञसो भाखौ ।
 तासु प्रभाव गोप मतिराखौ ॥ सो सुनि वृद्धगोप यकबोल्ह्यो ।
 शक्र यज्ञकी महिमाखोल्ह्यो ॥ इन्द्र मेघ के अधिपति सरसैं ।
 तासु निदेश पाय धन बरसैं ॥ वर्षेहोइ तृप्ति यहधरणी । तृण
 अरु शस्यहोय बहुबरणी ॥ तरु तृणलता फूलि फलिभावैं ।
 जीवजन्तु सब आनंद पावैं ॥ दोहा ॥ जलतृण अन्नरु तरुन
 सों औषधीनसों तात । जगमें सबजीवीनको जीवनबणोंजात ॥
 वृन्द गउनको चरि सुतृण कैकै पुष्टि विशाल । देहिबहुत पय
 ताहिते गोपिनको प्रतिपाल ॥ चौपाई ॥ याहीहेतु सुनहु प्रिय
 कूजन । करैं इन्द्रको हमसब पूजन ॥ गोपवृद्धकी सुनि यहबा-
 नी । हँसिइमि बोले कृष्ण सुज्ञानी ॥ गोपजाति हम बिपिन
 बिहारी । गोधन जीवन वृत्ति हमारी ॥ गोधन गिरि काननके
 चारी । गिरि काननसों रहैं सुखारी ॥ ताते हमें पूजि गिरि का-
 नन । अरु गोधनकरि विविध बिधानन ॥ जीवनवृत्ति जासु
 है जासों । सोई तासुदेव सर्वदासों ॥ तिन्हें छोड़ि जे औरहि
 पूजैं । ताहि कृतघ्न सुबुधि जनकूजैं ॥ गिरि प्रभाव यक और
 सुनतहैं । सो निज जियमें सांच गुनतहैं ॥ गिरि कै सिंहब्याघ्र
 तनुधारी । करै सबनकी नित रखवारी ॥ गिरिवरको पूजै जन
 कोई । तासुबिघ्न कबहुं नहिहोई ॥ बिनु गिरिपूजेबिपिनबिहारै ।
 ब्याघ्रसिंह कै गिरि तेहिमारै ॥ ताते मम सुबचन हियधरहू ।
 गिरिगोधनकर पूजन करहू ॥ सोसुनि गोपवृन्द हर्षाने । कृष्ण
 कहे जोसो सतिमाने ॥ पूजि गउनकहू भूषित करिकै । गौ

गोवर्द्धनपै मुद् भरिकै ॥ पयदधिघृतसेकुण्डभराये । भोज्यवस्तु
के गांज लगाये ॥ नरनारिन सह आनंदलीन्हे । गोवर्द्धन कर
पूजनकीन्हे ॥ दोहा ॥ पूजनान्तमें कृष्णप्रभु माया विरचिउदारु ।
गिरिवत वपुधरि प्रकटभे दिव्यपुरुषद्वै चारु ॥ भोज्यवस्तु भो-
जनकरै पयदधिकीन्हे पान । देखि अपूरव कलायह हर्षे गोप
सुजान ॥ चौपाई ॥ गोपनसहित कृष्ण बलरामू । कीन्हे त्यहि द-
ण्डवत प्रणामूं ॥ प्रभु कौतुकी कुतूहल लीन्हे । आपुहि आपु
दण्डवत कीन्हे ॥ शैल मूर्ति धरसों करजोरी । कहे गोपकरि
प्रीति अथोरी ॥ आज्ञाकरौ नाथ अब जोई । करैं नेमसों हम
सबसोई ॥ सो सुनिकहे शैल वपुधारी । प्रति वर्षनकरि पूजा
म्हारी ॥ सहित समाज प्रदक्षिण करिहैं । सरस सम्पदा सों
तौ भरिहैं ॥ हम तुव आदि देव उपकारी । अपरनपूजेहु हमें
विसारी ॥ गिरि वपुधारी कृष्ण सुजाना । इमि कहिकै भे अंत
र्द्धाना ॥ सहित समाज गोप छविछाये । गिरिहि प्रदक्षिणकरि
ब्रजआये ॥ चढ़ेचाव चातुर चितचाहे । कृष्णहिं भांति अनेक
सराहे ॥ निजपूजन विधि ध्वंसनदेखी । दशशताक्ष अतिमन
में तेखी ॥ सम्बर्तक गणबली बलाहक । तेहि निदेश दीन्हें
सुरपाहक ॥ ममनिदेश लहि ममहित चाहू । तुम सिगरेचलि
ब्रजपै जाहू ॥ ब्रजको नाश करनको चोपौ । बात बृष्टिसों प्र-
लयारोपौ ॥ सातराति दिन अतिशय घोरा । करहुवृष्टि ब्रजपै
चहुंओरा ॥ शक्र सक्रोध निदेश जु दीन्हें । सो सुनिचले मेघ
रिसिलीन्हें ॥ दोहा ॥ सजल मेघ असंख्य उन्नत सबदिशिनि
ते घेरि । चलेइमिव्रजपै सजबजन लहतउर जेहिहेरि ॥ क्षुधित
मत्तअनन्तमैगल सुवश विनुगढ़दार । भुक्त जिमिचहुंओर
ते लखि ऊखको केदार ॥ दोहा ॥ ब्रजमण्डलको घेरिकै घिरि
घनघनेअपार । छोड़न लगेसरोषअतिकरि करसमजलधार ॥
चौपाई ॥ गर्जि तर्जि मढ़ि करि आंधियारी । लहि प्रचण्ड मारुत

उपकारी ॥ प्रलय काल आरोपित कीन्हें । ब्रजवासिनको अति
 दुख दीन्हें ॥ ब्रजवासिन कहैं आरत देखे । तब श्रीकृष्णचन्द्र
 अति तेखे ॥ करि अनुमानि प्रयत्न बिचारे । गोवर्द्धन गिरि
 कर पै धारे ॥ ताकेतर बैठे मुदराते । गोगोपी गोपालजहांते ॥
 छप्पन पहर बलाहकवरसे । काहूकेतनझाटनपरसे ॥ कैलज्जित
 तब शक्र सुशामा । मेघन सहित गये निजधामा ॥ जयति कृ-
 ष्ण इमि गोपनभाषे । यथा प्रदेश गिरिहि प्रभु राखे ॥ गिरि
 धारणब्रज रक्षण ज्वैकै । सुरपति मनमें बिस्मित कै कै । ऐरावत
 पै चढ़िछबि छाये । परम प्रेम गहिप्रभुपर आये ॥ गोवर्द्धनको
 शिला सोहावन । तापै बैठे हैं प्रभु पावन ॥ श्री घनश्याम पि-
 ताम्बर धारी । मंजुमुकुटधर बिपिनबिहारी ॥ बनजकुसुमके भू-
 षण धारे । जेहि लखि जाहिं काम शतवारे ॥ उर श्रीवत्ससु
 लक्षण सोहैं । देखि जाहि सुरमुनिनरमोहैं ॥ रहि तहँ गुप्तसुपर्ण
 सुकाया । कीन्हेंहे पक्षनिसों छाया ॥ किये इन्द्रलखि तृपितसुअ-
 खियन । लालचलाजभरे अनमिषियन ॥ लहे मोहतहँ शक्रसुभे-
 खी ॥ अनमिखियन अँखियनसों देखी ॥ दोहा ॥ प्रभुहि पेखि अति
 मोदलहि सुरपतिसरससुजान । मधुरमनोहरबचनसों करनलगे
 गुणगान ॥ करपरगिरिधरि कृष्णतुम लीन्हें जो ब्रजराखि । सो अ-
 मोघगुणअपुनको सकैं न कोऊ भाखि ॥ हरिगीती ॥ सुर यक्षरक्ष सग
 णानहूँको काजयहदुस्तररह्यो । तुम सहजहीमें किये सोयहजात
 गुणकापै कह्यो ॥ निजयज्ञ ध्वसनदेखिहौ रिसिमानि अतिअ-
 नुचित करे । निज काजलीन्हें साधि तुम कछुरोष नहिं हियमें
 धरे ॥ अति दुखित उग्र समस्त बैष्णवतेज तुम गोपनकिये ।
 कोसकैं बूझि बिचारिकहि अति अमल गुणतुम जोलिये ॥ जो
 आपु बिधि तुव गुणगणन को अन्त कछु लहिबो चहैं । तौ दे-
 खिगिरि वर पंगु जिमि तिमि बूझि मनसों थकिरहैं ॥ हेपूर्वहम
 तुम अदिति गर्भज तत्रहों अग्रजसुनो । सो जानि मम अप-

राध हिय सौं दुरिकरि बोई गुनो ॥ हैं कील दण्ड समान जल
 पै शैल महितापै बनी । हैं भूमिपै सब आदि मानव जाति जि-
 तनी अनगिनी ॥ अरु तासु ऊरध गगनमें गतिखगणकीसब
 कहतहैं । ताऊर्थ हैं रवि स्वर्ग की शुचिद्वारता जो गहत हैं ॥ है
 तासुपर मम स्वर्ग लोक सुतासु परविधिलोकहै । हैतासुपरगो
 लोक शुचि आनन्दको जो लोकहै ॥ दोहा ॥ सुरन सहितनिज
 लोकपै हों निति करत विलास । ब्रह्म ऋषिणसह विधि करें
 ब्रह्मलोकमें बास ॥ करत साध्यगोलोकमें गोपालन व्रतधारि ।
 तासों अति ऊरध तहां तुम विलसत भुजचारि ॥ चौपाई ॥ जा
 सुभेद सुर मुनिनहिं पावैं । बहुत भांति विधिजऊं बतावैं ॥ पृ-
 थिवी कर्म क्षेत्र है पावन । इतै कर्म करिजीव सुहावन ॥ पद
 अनुरूपकर्म के पावैं । सबथल जाहिं बहुरि इत आवैं ॥ उत्तम पद
 तुम्हारजे पावैं । तेन कबहुं फिरि महि पै आवैं ॥ कुत्सित कर्म
 तमो मय करहीं । तेभूमिहुते अघसंचरहीं ॥ कहूं सुकृतकहुंदु-
 षकृत करिकै । अमें गगनमारुत बस परिकै ॥ शुद्धसुकर्म सुकृ-
 त जेकरहीं । पायस्वर्ग ते आनंद भरहीं ॥ चारुब्रह्मतप करि
 अनुमानी । पावै ब्रह्मलोक गुरुज्ञानी ॥ गऊलहैं गोलोक उदा-
 रा । औरहि दुर्लभ तासु विहारा जोतवभक्त मुमुक्षु अकामका
 पावैं ते तव लोक सुनामक ॥ इमिकहि सुरपति आनंद छाये ।
 कनककुम्भ भरि सुजल मगाये ॥ शुचिअभिषेक कृष्णको करि
 कै । कहे इंद्र हिय आनंद धरिकै ॥ हम देवनके इन्द्रविख्याता ।
 तुम गाइनके इन्द्रसु ज्ञाता ॥ अबसों तुम गोविन्द कहावो ।
 निजजनके हिय आनंद छावो ॥ सुभग बार्षिक चातुरमासा ॥
 मम पूजन दिन बिहित विलासा ॥ तिनमें दोयमास हमलेहीं ॥
 दोय मासशुचितुमकहैं देहीं ॥ दोहा ॥ वर्षाऋतुद्वै मासमें हमहि
 पूजिहैं लोग । करिहैंलहि ऋतुशरदको तवपूजन उपयोग ॥ यह
 कहिकै फिरि कृष्णसों इमिभाषेसुरराज । शीघ्रकरौ बधकंसको

सहित सुसखासमाज ॥ चौपाई ॥ कंसहि मारि मोद हिय धारौ ।
 ब्रजमण्डलमें शुचितबिहारौ ॥ तुव पित भगिनी कुन्तीनामा ।
 तागर्भज अर्जुन अभिरामा ॥ सोमम पुत्र धीरधनुधारी । तापै
 करिकै कृपाबिचारी ॥ की जोसखासप्रेमहिं याते । कछुहमरेकछु
 अपनेनाते ॥ सोतुव चितवृत्ति अनुगामी ॥ होइहि समरभूमिमें
 नामी ॥ कहेशचीपातेजासोसुनिकै । सादरकहेकृष्णइमिगुनिकै ॥
 चाहिसुरेशइतैतुमआये । तासोंहमअतिआनंदपाये ॥ भावतु-
 म्हारअहैंहमजाने । सोकरिबो मतहैअनुमाने ॥ अतिप्रियसखा
 अर्जुनहिकरिकै । अरुबरुतासु भृत्यताधरिकै ॥ भूमिभारतिनसों
 हरवैहों । तीनिलोकमेंआनंद बैहों ॥ सोसुनि सुरपुरगयेउचाहैं । दै
 आशिष बहुभांतिसराहैं ॥ काजअमानुषलखिद्वैविस्मित । आ-
 नंदभरेबहैं इमि सस्मित ॥ बालापनसों अबलों कीन्हे । तुमजे
 कारज आनंदलीन्हे ॥ देवनहूं दुस्तर तेकारज । करेसहजहीमें
 तुमआरज ॥ तातेहमसब बिस्मितद्वैकै । बूभोकहौसत्यमुदग्वै-
 कै ॥ दोहा ॥ हौतुमकोसुरगणनमें अरुकेहिकारणआय । द्वैमनुष्य
 प्रकटित भये कहौकृष्ण समुभाय ॥ पद्मदलेक्षण कृष्णप्रभुसो
 सुनिबोलेबैन । तुमजो कहे विचारकरि इनमें हमकोउहैन ॥ हैं
 हमगोप सजातितुव जौनलेहु यहमानि । तौकछुदिन चुपरहहु
 फिरिआपुहि लेहौजानि ॥

इतिहरिवंशदर्पणेबालचरित्रेकृष्णशक्रसमागमोनामचतुर्दशोऽध्यायः १४॥

चौपाई ॥ श्रीश्रीकृष्णचन्द्र गुणसागर । धर्मधुरन्धरधीरउजाग-
 र । गोपउवारणधारेमन्दर । भयेकुमारमारसमसुन्दर ॥ पायशा
 रदीनिशा उदारू । चाहि चांदनीचन्द्रसुचारू ॥ रसिकराजअ-
 ति आनंदपाये । मोहनमुरली मंजुबजाये ॥ सोसुनि गोपबधू
 मुदग्वैकै । गईकृष्णपै मोहितद्वैकै ॥ भांतिअनेक रमेप्रभुतिन-
 सों । कहीजाइ सो सुखमाकिनसों ॥ बहुविधि रमेबहुतनिशि
 नागर । अन्तर्यामी सुखमासागर ॥ सोविस्तार कहांलोकहिये ।

बहुतमोद थोरो कहिलहिये ॥ सुनो एकदिनकी मनभावन । कृ-
ष्णचन्द्रकी कथा सुहावन ॥ नाम अरिष्टदैत्यबलभारी । रह्यो
अमान वृषभबपुधारी ॥ गोयूथनमें परलय नाथक । छोटेबड़े
वृषभको बाधक ॥ गाइनहूं को दुखद अन्याई । संध्या समय
एकदिन आई ॥ प्रभुके सन्मुख गर्जनलाग्यो । भयो कालवश
अतिरिसपाग्यो ॥ तेहिलखि हरि करताली दीन्हे । सुनिसोचल्यो
हकड़िरिसलीन्हे ॥ कसि शरीर पुरपूंछ उठाये । घींचतिरीछे शृङ्ग
उदाये ॥ दोहा ॥ यहिविधि आवतताहिलखि कूदिशृङ्गगहिबीर ।
घूमघुमाय गिराय तेहि बधे कृष्णरणधीर ॥ वृषभासुरको देखि
बध सिंगरेगोप सुजान । कैमोदित श्रीकृष्ण की अस्तुतिकिये
महान ॥ चौपाई ॥ सिंगरे चरितकृष्णके सुनिकै । कंसभूपनिज
हियमेंगुनिकै ॥ उग्रसेन वसुदेव निशंकहि । बभ्रु अक्रूर भोज
अरु कंकहि ॥ सात्यकि दारुक अरु कृतवर्मा । कंकावरण विकट्ट
सपर्मा ॥ विपृथु पृथुश्रिय अरु बैतरण । ये यदुवंशी आनंदभर-
ण ॥ अर्द्धरात्रिमें इन्हें बोलाई । करितिनकी बहुभाँतिबड़ाई ॥
हिये त्रसित ऊपरअभिमानी । कहनलगो यहिविधिकी बानी ॥
ममबिनाशको कारणगाढ़ो । नन्दगोपको सुतहवैबाढ़ो ॥ कृष्ण
नाम अति उद्धतबीरा । दुस्तरकारजकर रणधीरा ॥ मंत्रीचार
विचारनहीना । हों यहपायो शोचअधीना ॥ जिमिआलससों
रोगबढ़ावै । तबचेतै जबअतिदुखपावै ॥ तिमिअबलोहम चे-
तनकीन्हों । अबसुनि तासु चरितचितदीन्हों ॥ खेलतहो पलना
पै जबसों । अद्भुतकाज करेपैतवसों ॥ एकसमय नारदमुनिआ-
ये । द्वितियबार इमिमोहिंसुनाये ॥ तुवबिनाश करताहोंटेरो । अ-
ठवाँपुत्र देवकीकेरो ॥ तेहिवसुदेव यशोदहिदीन्हे । तासु सुता
निजतनयाकीन्हे ॥ बिन्दक्षेत्रपै विदितविराजै । सोहत शुम्भ
निशुम्भ दराजै ॥ दोहा ॥ अठवाँसुत वसुदेवको सुतवधकर्त्ता
बीर । नन्दगोपके गेहमें बिलसतहै रणधीर । सोतुम सबवसु-

देवको देखो कुत्सितकर्म । ममविनाश चितचाहिकै कैसोकियो
 अधर्म ॥ चौपाई ॥ ममढिग रहिकरि भोगविलासा । कैकृतघ्न
 चाहै ममनासा ॥ मम बध इच्छिचाव चितराखे । अरु निज
 सुतहि राज्यअभिलाखे ॥ आपुहिआपु मोदहियभारे । ममबध
 करिबोसहज बिचारे ॥ वृद्धकहाय मान्यसबहीके । हैं ये भये
 कुटिल अतिजीके ॥ बारपकेते वृद्ध न कोई । वृद्धसोईबरबुधिको
 जोई ॥ इनहिं न बधउँ बूझियह आजू । ज्ञाति वृद्धतिय बधब
 कुकाजू । ताते हेअक्रूर सुज्ञानी । जाहुनन्दपै सुनिममबानी ॥
 कह्यो नन्दसों ममढिगआवैं । उचितदण्डदे आनँदछावैं ॥ सब
 कोउ उनकेसुतनसराहैं । तिनहूँको हमदेखनचाहैं ॥ तिनहूँको
 सँगलीन्हे ऐहैं । जैहैं तबसँग लीन्हे जैहैं ॥ धनुषयज्ञहम रंभन
 कीन्हे । तामेंतिनकेमुदसुत लीन्हे ॥ मेरेमल्लनसों लरिजीतौ ।
 मांगिलेहिं तैंजो चितचीतौ ॥ यहिप्रकार बहुभांति बुझाई ।
 ल्यावो तिन्हें बिश्वासबढ़ाई ॥ सोकरिबो जेहि इतलोंआवैं । उत
 इतको कछु भेद न पावैं ॥ कह्योकंसजोसो सबसुनिकै । चलेअ-
 क्रूर नन्दपै गुनिकै ॥ प्रभुहि लखनको उत्सुककैसे । तृषितज्येठ
 को जलको जैसे ॥ सबके मान्यवृद्ध शुचिभेवहि । देवतुल्य बर
 बुधि बसुदेवहि ॥ अतिकठोरबानी रिससानी । कहेसिजुकुटिल
 कंस अभिमानी ॥ दोहा ॥ सोसुनि नहिं बोले कछू श्री बसुदेव
 सुजान । सब यदुवंशी व्यथितकै मूँदि रहे निजकान ॥ अति
 अवाच्य बातैं कहे ताहिकालबश मानि । उग्रसेनके पितामह
 अंधकबोले जानि ॥ चौपाई ॥ अहो कंस तुम शुचिमति नाषे ।
 बसुदेवहि जो यहिविधि भाषे ॥ ये नहिं ऐसे कहिबेयोगू । इन्हें
 सराहत हैं सबलोगू ॥ यदुवंशज वीरधअरु पोचू । सबमानैं
 इनको संकोचू ॥ तासुनिरादर इमितुमकीन्हे । सबकेहृदयभल्ल
 यह दीन्हे ॥ मान्यपुरुषकहैं निदरै कोई । ताकोभल कबहूँ नहिं
 होई ॥ निजसुतको इनरक्षण कीन्हे । सो अघजानि रोष तुम

लीन्हे ॥ नीके निज पितुसों तौ बूझौ । याहीविधि उनहूं सों कू-
 भौ ॥ नाहकतुमको पोषि सुधारे । जनमतकाहे मारि न डारे ॥
 सुतपै करै नेह पितुजैसो । वे तुमसों कहिहैं सो तैसो ॥ पीछेकि-
 ये कर्म तुमजेते । सो बिचारकरिपहिले लेते ॥ निज अघ समु-
 भेहू कहिआवत । तौ तुम कहते जो कछु भावत ॥ तुम बहुअ-
 नरथ कीन्हें पीछे । अरु अवहूं करिबोई ईछे ॥ ताते इत अति
 असगुन होई । राजछत्रको नाशक जोई ॥ संकर्षण अरु कृष्ण
 सुयोधा । तिनसों तुमसों बड़ो बिरोधा ॥ ताते मम शिक्षा हिय
 धरिकै । श्रीवसुदेवहि मोदित करिकै ॥ लै वसुदेवहि संगसहा-
 ई । चलो कृष्णपै कपट बिहाई ॥ दोहा ॥ अन्धकको यह सुनि
 बचन बोलाकछू न बैन । गो उठिकै निजभवन में करिरिसराते
 नैन ॥ अन्धकादि यादव गये निज निज घर सुखदानि । जानि
 कंसको कालवश हरिइच्छा अनुमानि ॥ चौपाई ॥ रह्यो दैत्ययक
 केशीनामा । वाजिवेषधर बरबलधामा ॥ रहैसदा वृन्दावनमा-
 हीं । गोमानुष हतिखाइसदाहीं ॥ तेहिपठयेहो कंससँदेशू । कृ-
 णनाशको उग्र निदेशू ॥ सो वहकेशी अश्व विशाला । आयो
 ब्रजपै कठिनकराला ॥ तेहिलखि ब्रजबासी भयपाये । आरत
 भागि कृष्णपै आये ॥ ब्रजबासिनको साहस दैकै । ताढिगचले
 कृष्ण मुदलैकै ॥ कृष्णहि आवत सन्मुख देखी । आइहयेन्द्र
 भूपति भय भेखी ॥ हींसत ग्रीव सुपूछउठाये । घूम्यो प्रभुके
 दहिने बांये ॥ बार अनेक घूमि चहुँओरा । शठमारेसि पाछि-
 लात कठोरा ॥ फिरि अतिघोर शब्दकरिडाटेसि । बाहुमूलमें
 रदसों काटेसि ॥ बरबलके ममतासों छायो । चाहेसिउरसोरैलि
 गिरायो ॥ तब हरिनिजभुज बद्धित कीन्हे । डारिदैत्यके मुखमें
 दीन्हे ॥ करि ताउरमें भुज बिस्तारा । कीन्हेंकेशीको दुइफारा ॥
 केशिहिमरोदेखि ब्रजबासी । अति मोदितभे बिपिनविलासी ॥
 यथाउचित कहि कहि प्रियबानी । बहुविधि प्रभुहि सराहे ज्ञा-

नी ॥ नारदमुनि परभाव अतोले । रहि अदृश्य नभ पै तहँ
 बोले ॥ दोहा ॥ या केशीको बध रह्यो दुस्तरहे असुरारि । याके
 बधिवे योग्य हैं तुमहीं कै त्रिपुरारि ॥ तुमकेशीको बधकरे ताते
 महिमाधाम । होइहि जगमें प्रगट तुव अनुपम केशवनाम ॥
 हरिगीतो ॥ लखि तुमहिं तुव चरितानि अबहम जात हैं आनंद
 भये । फिरि आइ इत लखिहैं सरुचि अब चरित करिहौ जेन-
 ये ॥ इमि कृष्णसों कहि प्रेमपूरि मुनीशनारद दिवगये । सह
 गोप कृष्ण उदार प्रभु प्रिय परम ब्रज प्रविशतभये ॥ तेहिदि-
 वस संध्या समय तहँ अक्रूरपहुँचे बुधिखरे । तुर उतरिरथसों
 नन्दकेघर गये अति सुखसों भरे ॥ गोवत्सके व्यापार में तहँ
 देखि कृष्णहि तकिरहे । रोमांचितो द्वै पुलकि पसिजि सुनैन
 जलभरि जकिरहे ॥ यकसमयमें बटपत्रपै शिशुरूप शयन स-
 रुचिकरें । ते आइ महिपै गोपवनि यहिभांतिके कारज करें ॥
 इमि बूझि मनमें ज्ञानवर चलि कृष्णकृष्ण सुटेरिकै । गहिमि-
 ले अंग लगाइ कसिवह मूर्तिचखमें मेरिकै ॥ सहकृष्णगे जहँ
 नन्द हे तहँ भूपटिकै तिनसों मिले । बलरामसों मिलि ताहि
 क्षणते कदम किंशुकसे खिले ॥ तहँ वृद्धगोपन सहित बैठि
 सुकुशल कहिसुनि मुद लहे । फिरिकह्यो कंसमहीपको तहँनन्द
 अरु हरिसों कहे ॥ दोहा ॥ शासनकंस महीपको सुनहुनन्दसह
 चोप । वार्षिककरलैं चलहु उत लैं सँग सिंगरे गोप ॥ कंसनृ-
 पति कीन्हें महत धनुमखको आरोप । चलैं तहां तेहि लखन
 को रामकृष्णवर ओप ॥ चौपाई ॥ इमिकहि कहे कृष्णसों ऐसो ।
 रुचत रह्यो निज मनकोजैसो ॥ वृद्धपिता वसुदेव तिहारे । पर-
 बशपरे जन्मतेहारे ॥ रहति देवकी जननीधारी । तुमहिं लखे
 बिनुसदादुखारी ॥ तुमसोंपुत्रपाइतेदम्पति । लहैंशोचसों अनु-
 चितसम्पति ॥ तुम्हरे अमरष वररिसलीन्हे । कंसतिन्हें अति-
 शय दुखदीन्हे ॥ ताते उत चलि सहित सनेहू । मातहि पितहि

सरस सुखदेहू ॥ सोसुनि कृष्ण न रिस कछुकीन्हे । उतचलिवेके
 शासनदीन्हे ॥ रामकृष्ण अक्रूरसोहाये । निशिकहिकथा प्रसंग
 विताये ॥ चलेभोर सब सम्मत करिकै । पयदधि वृषभ महिष
 घृतलैकै ॥ रामअक्रूर कृष्णतहँ बढ़िकै । दुसरे एकसुरथपै चढ़ि
 कै ॥ निरखिकलिंदी दीरघदानद । कहेअक्रूर कृष्णसों सानद ॥
 तातएकक्षण तुम दोउभाई । रथसह इतैरहौ सुखदाई ॥ न्हाइ
 ध्याइ शेषहि इतजबलों । नहिंआवों मोहिं परखेहुतबलों ॥ इमि
 कहिजाइ कलिंदी भीतर । लैचुभकी तहँ लखैं अनीतर ॥ सेवि-
 त तक्षकादि अहिगण सों । शोभित शेष सहस्र सुफण सों ॥
 तासु उछंग विष्णु आसीना । निकटविराजे रामप्रवीना ॥ देहा ॥
 लखि विष्णुहि इमि तहँ कछू चाहे कहन अक्रूर । कहि न गयो
 कछु तकिरहे अनुपम परमापूर ॥ बाहरकदिजों लखै तौ श्याम
 गौर अभिराम । रथ पै बैठे हैंसतहँ रामकृष्ण छविधाम ॥ चौपाई ॥
 जलमें बूढ़ि निकसि फिरि देखे । ताहीविधि उत इतै निरेखे ॥
 तब तजिजल अक्रूर सोहाये । साचर जितसे रथढिग आये ॥
 बोले बिहँसि कृष्ण तेहिचाहे । हौआश्चर्यितसे तुमकाहे ॥ सुनि
 अक्रूर कहे प्रभुपाहीं । तुमकहँ ये कछु अचरज नाहीं ॥ चाहो
 सो करि आनंद छावो । एक अनेक रूप दरशावो ॥ उततुम्हरे
 सन्मुख मन भायो । हम सों कछूबोली नहिं आयो ॥ इत इहि
 भांति रमो सबही सों । लागोइतक आचरजजीसों ॥ इमिकहि
 रथचढ़ि चले उतालहि । पहंचे मथुरा सायंकालहि ॥ गे अक्रूर
 निजगेह लवाई । सादर तहां उतारे जाई ॥ बोले तहँ अक्रूर
 सुबानी । सुनहु कृष्णबलराम सुज्ञानी ॥ कछु दिन इतउत बैठि
 वितायहु । अबै न निज पितुके घरजायहु ॥ जो उतको जैवो
 सुनि लेइहि । तो नृप उनहिं अधिक दुखदेइहि ॥ सुनि हैंसि
 बोले केशव आरज । उत जैबे को मोहिं न कारज ॥ जहँ तहँ
 जायपुरी यह पेखव । धनुषयज्ञको शाला देखव ॥ सुनि अक्रूर

मोद हिय धरिकै । हरिहि प्रणाम मनहि मन करिकै ॥ गयेकंस
 पै आनंद पागे । राम कृष्ण पुर पेखन लागे ॥ यथाअनर्गल
 युगगज भारी । जहँ तहँ बिहरै स्वेच्छाचारी ॥ दोहा ॥ राजमार्ग
 में रजकहो रंगकार तेहि देखि । तासों मांगन लगे शुचिवसन
 बिचित्र निरेखि ॥ रजककहेसि तुमकौनहौ केहिवनके रखवार ।
 कंसभूपको बसन लखि मांगनलगे गवाँर ॥ समअनंतशिखा ॥ शठ-
 करजककर सकतबचन सुनि रिस करि तेहि हरि हनि करतल
 सों ॥ शिर धरसनभिन्न करि दियेतब गइ रजकिनि कहननृप-
 ति बर बलसों ॥ चौपाई ॥ बसनपहिरि तब प्रभु दोउभाई । ईछे
 शुचिमाला छबिछाई ॥ चलिकछु दूरि सुसवननिभेखे । गुणक
 सुनामकमालिहि पेखे ॥ तासों कहेकृष्ण छबिगेहू । हमहिंयोग
 शुचिमाला देहू ॥ सोसुनि कहेसि प्रियंवद माली । लीजै सुख-
 मानिधि बलशाली ॥ इमिकहि तिन्हहिंहार पहिरायसि । श्रिय
 वर्द्धन शुचिआशिष पायसि ॥ राजमार्गमें फिरते डगरे । तहँ
 देखे कुबिजहि गुण अगरे ॥ अंगरागकर भाजन लीन्हे । लखि
 तेहि कृष्ण प्रश्न इमि कीन्हे ॥ कमल नयनि यह शुचिअनु-
 लेपन । करिहौ काके अँगमें लेखन ॥ सुनि हँसिकुबिजा चितै
 तिरीछे । बोली मनमथ शरसों सीछे ॥ आवहु तुम मोहिं अति
 प्रिय लागे । अमल अलौकिक छबिसों पागे ॥ कंस भूपकी दु-
 हिता प्यारी । हों तौ अनुलेपन अधिकारी ॥ तुमको कहौ कहाँ
 सों आये । केहि हित मोहिं मोहिं बेलमाये ॥ सस्मितकृष्णकहे
 तब तासों । भरे भूरि मनभावनि भासों ॥ हम दोउबन्धु अति-
 थि यहि पुरके । मर्दनमल्लमल्लवल पुरके ॥ अंगरागसह तुम
 कहँ चाहे । सो निज अंगलगावनचाहे ॥ यथायोग अनुलेपन
 भावन । भामिनि देहु सनेह सचावन ॥ दोहा ॥ कै प्रमुदित कु-
 बिजेंदई अंगराग सित पीत । सोलैलायेअँगमें हलधर कृष्ण
 अभीत ॥ तदनन्तर तापर कृपा करि केशव यदुराय । ठोढ़ीतर

दे आंगुरी लीन्हे ताहि उठाय ॥ चौपाई ॥ ग्रीवतनेसी पीठिलचा-
यसि । कै चंचलि तियभाव लखायसि ॥ लचे गयो मिलिकूबर
तनमें । प्रभुप्रभावसों जानहु मनमें ॥ कनकलतासी सुन्दरि कै
कै । प्रभुसे कहैसि मोदसों गवै कै ॥ भये मोहिं तुम अनुपमलाहू ।
अब मोहिं छोंडि कहूं मति जाहू ॥ सुनहु कंत अब सहित सनेहू ।
वसिकरिये पावनममगेहू ॥ बाणीतासु प्रेममें सुनिकै । कृष्णचन्द्र
बोले इमि गुनिकै ॥ कछु दिन सुन्दरि धीरज राखौ । अबै न आतुर
कै कै भाखौ ॥ कछु दिनमें हम सादर आइव । वसितुम्हरे घर आ-
नंद पाइव ॥ ताहि प्रबोधि वीरदोउ भाई । धीर विलोके धनुगृह
जाई ॥ प्रभुलखि बहुत धनुषतहूं राखे । सस्मित धनुष पालसों
भाखे ॥ सो वह कौन धनुष है ओपे । भूपतिजासु यज्ञ आरोपे ॥
तेई दरशाये सो धनुभारी । सकै न जाहि इन्द्रगहि टारी ॥ ल-
खि उठाय तेहि प्रभुगण जोरे । सहजहि ऐंचि बीचसों तोरे ॥
टूटत धनुष शब्द अति घोरा । भयो दुसह व्यापित चहुं ओरा ॥
धनुष तोरि दोउ बन्धु सुखारे । सो गृह तजि कहूं अनत बि-
हारे ॥ शंकित धनुषपाल तब जाई । कहैसि कंससों कथा बुझा-
ई ॥ दोहा ॥ पुरुषसिंह द्वै वीरवर गौरश्याम शुचिगात । तेजपुंज
अतिप्रभा में विबुधोपामित विभात ॥ आइ लखे तहूं धनुष
तब कृष्ण पुरुष बरवीर । बड़ो धनुषगहि तोरि धौं कितै गये
रणधीर ॥ चौपाई ॥ धनुषभंगको दुसह सँदेशा । कहैसितासु क-
रि बिदा नरेशा ॥ कीन्हे अन्तःभवन प्रवेशा । मनमें गहे अ-
मोघ अँदेशा ॥ रामकृष्णको पौरुषभारी । समुझि बिलक्षण
भयो दुखारी ॥ मुनिको बचन सांचकरि जान्यो । निजकृतकर्म
समुझि पछितान्यो ॥ हम षट्बालक नाहक मारे । बिधिचाहत
सो टरत न टारे ॥ इमि चिन्तित कढ़ि बाहर आयो । मखशाला
को कृत्य बतायो ॥ मंचादिककी रचना जेती । करि आज्ञाभृ-
त्यन कहैं तेती ॥ युद्धधर्मविद अरु युधकर्ता । अरु जे युद्धपेखि

मुदभर्त्ता ॥ तेसब प्रात रहैं इत आई ॥ इमिकहिबैठो घरमेंजाई ।
 मुष्टिक अरु चाणूर सुनामा । दोयमल्लहैं बरवलधामा ॥ तिन्हैं
 बोलाइ तहां मुद भरिकैं । अस्तुति तिनकी बहुविधि करिकैं ॥
 कहे कंसलखि सूरसुजीके । सुनहु बीरतुम ममहित नीके ॥ जे
 बसुदेव तनय दोउभाई । बद्धितमये नन्दघर जाई ॥ संकर्षण
 अरु कृष्णकहाये । ते मम शासनते इतआये ॥ ते दोउ विशद
 बीर बिरुयाता । युद्ध भेदके सरस सुज्ञाता ॥ तिन सों तुमसों
 युद्धमहाना । होइहि काल्हि सुनहु बलवाना ॥ दोहा ॥ सावधान
 हैं युद्धकरि पनभरि पकरिपछारि । जीवततिन्हैं न छोड़ियो बा-
 लक हिये बिचारि ॥ सोसुनि बोले मल्लनृप उनकी आयूछाय ।
 तौलों मम सनमुख नवै जौलोंपरें लखाय ॥ आर्यागीती ॥ तेदोउ
 मल्ल सहितबल इमि कहिगे निजघर अति गौरवसों । तबनृप
 कंसबुलायसि कुबलय गजपालहि रवधरवरसों ॥ दोहा ॥ कुब-
 लयगजपालक मोदमयो । नृपके ढिगजाय खरोजुभयो ॥ तैहि
 देखिकहे इमि कंसबली । हियदंभभरे मतिअन्धबली ॥ तुमलै
 कुबलय गजमत्तमहा । मखद्वाररहौ मममानिकहा ॥ गजकेमनको
 सहरोषकिये । रहियो निजपास सुअस्त्रलिये ॥ दोहा ॥ तहँलखिकैं
 बसुदेवके तनयनको करि जेर । गजसों बध करवादयो कीजो
 कछू न देर ॥ चौथाई ॥ तिनको नाश देखि मुदलहिकैं । तब हों
 घोर रोष हिय गहिकैं ॥ भये मोहिं यदुवंशी लक्ष्मी । सिगरेराम
 कृष्णके पक्षी ॥ तिनकोनाश करों फिरि सादर । उग्रसेनआदि-
 क जे कादर ॥ उग्रसेन नहिं पिता हमारे । कहिगेहैं मुनिकलह
 पियारे ॥ सो सुनिकैं बोल्यो गजपालक । यह वृत्तान्त कहहु
 खलघालक ॥ कहे कंस यक द्योस विशारद । मम ढिग आई
 सुमुनिबरनारद ॥ मोसों इमि हँसिकहे सुखारे । उग्रसेन नहिं
 पिता तुम्हारे ॥ तबहों हठि नारदसों बूझे । सुनिबेको वृत्तान्त
 अरुभे ॥ नारदकहे सुनहु महि त्राता । ऋतुदिन लहि मोदित

तुव माता ॥ गिरि जो चारु सुजामुन नामा । तापै सखिन
 सहित छविधामा ॥ गई लखन वर वनकी शोभा । कुसुमित
 बिपिन देखि मन लोभा ॥ कूजनि सुनि सुखदानि खगन की ।
 गूंजनि सुने मत्त अलिगनकी ॥ मारुतसुखद त्रिविध तनला-
 गे । तिय स्वभाव मन मन्मथजागे ॥ अतिअमोघ आनंदसों
 पागी । तियन सहितवन विहरनलागी ॥ विधिवशताहीक्षणतहँ
 आयो । द्रुमिलनाम दानव छवि छायो ॥ रथसों उतरिसूतसह
 सोऊ । लग्यो रमण वनमें छवि जोऊ ॥ दोहा ॥ तहँ वनविहरत
 दूरिसों तुव मातहि सों जोहि । विस्मित बोल्यो सूत सों मनमें
 अति सो मोहि ॥ यह अपूर्व मनमोहनी अति रुपवन्तीनारि ।
 वन विहरतमोमनभयो बिद्वल याहिनिहारि ॥ चौपाई ॥ यह धों
 कौनभूपकी नारी । लगीमोहिं यह अतिशय प्यारी ॥ याकोभेद
 कौनविधि पावों । किमि बशकरियहि अंक लगावों ॥ तबजल
 परसि ध्यान बिधि ठान्यसि । उग्रसेन की तिय यह जान्यसि ॥
 तब सो उग्रसेन बनि लीन्ह्यसि । जाइ तहां तासों रतिकीन्ह्य-
 सि ॥ प्रथम ताहि तिन चीन्हो नाहीं । जानि प्राणपति रमीउ-
 छाहीं ॥ पीछे रतिगौरव लहि तासू । बोली शंकि क्रोध करि
 आसू ॥ को तू मम पतिसम बनि आये । जो मम पतिव्रतधर्म
 नशायै ॥ रेशठ दुष्ट पतितअपराधी । धिग त्वहिं खल परतिय
 रति साधी ॥ सो बोल्यो मैं हों बर जानी । द्रुमिलनाम दानव
 अभिमानी ॥ इमि कत रोष करहु गजगामिनि । मैं जो कहों
 सुनहु सो भामिनि ॥ केती तियपरपति रतिसुनिये । कितेपुरुष
 परतिय रति गुनिये ॥ है तियपुरुष को यहकामा । भयो कहा
 यह अनुचित बामा ॥ मम सम्भोगज सुत अबलहिहौ । तब
 कामिनिबर आनंद गहिहौ ॥ को तुम इमि मोहिं बूझेहुवामा ।
 ताते तासु कंसयहनामा ॥ होइहि सो अतिशयबलवाना । अ-
 रिमर्दन अमनैत अमाना ॥ सुनिसो बोली सुनु मति बिगरे ।

पुरुष न लम्पट तोहिंसम सिगरे ॥ होहिं न सब तिय परपति
 गामी । कहूं एक कोउ भई हरामी ॥ ताते निन्द्य न हैंतिय सि-
 गरी । जे बिगरी हैं तेई बिगरी ॥ तुव सम्भोगज सुत जो हो-
 इहि । सोखल धर्म लोककर खोइहि ॥ तब कोउ एक पुरुष
 अवतारी । होइहि यदुकुलमें बलभारी ॥ दोहा ॥ तबतुव संभव
 पुत्रको कर्म निरखि गहिरोष । बधकरिकरिहैसोइपुरुष यदुकुल
 को परिपोष ॥ यह सुनि सो निजपुरगयो यहआई निजधाम ।
 इमि कहि मोसों दिविगये नारदमुनि अभिराम ॥ चौपाई ॥ ताते
 सुनु हे बारप आरज । हमें न मातपिता सों कारज ॥ तुम मम
 कहो भोरही कीजो । फिरि जो होइहि सो लखिलीजो ॥ इमि
 कहि तेहि गजपास पठाये । नृप चिन्तितसो निशा बिताये ॥
 भोरहि सुभट सचिव सुखदाई । जुरेयुद्धघरमें सबजाई ॥ युद्ध
 विशारद योधा आये । आये मल्ल बीररसझाये ॥ पुरजन आये
 आनंदसाने । युद्ध देखिबे को ललचाने ॥ तबनृपकंस मत्तमद
 झायो । रंगभवनके द्वारे आयो ॥ कुबलहि गजहि राखिकैद्वारे ।
 गयो आपुंभीतरमुदधारे ॥ सब समान तहँदेखिनरेशा । यथा
 उचित को देइ निदेशा ॥ अतिउन्नत हो मंचबनायो । मणिन
 रचित सब भांति सोहायो ॥ तापै जाइ गर्व गहि बैठो । मोछ
 उमेठि ऐंड़ सों ऐंठो ॥ इतरदारुमय मंचबनाये । तिनमें बसि
 यदुवंशी भाये ॥ मंचै तियन योग जे खासैं । तिनपैबैठि लसी
 रनिवासैं ॥ लसैं मंचमनु देवनलीन्है । सपद बिमान भूमि पद
 दीन्है ॥ मुष्टिकआदि मल्लबल बाढ़े । करिकै तीनि गोल भे
 ठाढ़े ॥ बहुबिधि बाजन बाजन लागे । जयसाजनजन गाजन
 लागे ॥ दोहा ॥ ताहीसमय सुबंधुदोउ रामकृष्णबलवान । रंग-
 भूमिके द्वारपै आये बीर अमान ॥ मगरोंके कुबलय गजहि
 खूरो देखि अनुमानि । कहो कंस क्षितिपालको लिये कृष्णप्रभु
 जानि ॥ चौपाई ॥ प्रभुहि निकट लखि गजप रिसाये । कीन्हैसि

कुवलय गजहि इसाये ॥ कुवलय करको कुण्डल करिकै । प्रभु
 पै चलो दुसह रिस धरिकै ॥ तब प्रभु तालठोंकि छरकीले ।
 द्वै पग पीछू हटे लसीले ॥ सिंधुरधरिबोमनमेंधारेसि । शुण्डा-
 दण्ड उदण्ड पसारेसि ॥ लखि बढि झपटि कृष्ण रिस पागे ।
 लपटि शुण्डमें भूलन लागे ॥ रदचरणनके अन्तर द्वारे । प्र-
 विशे कढ़े शुण्डउरधारे ॥ दीह दशन अरु शुण्ड चरन सों ।
 करि न सक्यो कछु द्विरद रदनसों ॥ कछुक्षण गजसँग कृष्ण
 बिलसिकै । इमि दावेगज कर कर कसिकै ॥ जाते द्वै पीड़ित
 गजराजू । बैठि गयो गिरिसदृश दराजू ॥ तब प्रभुपग कुम्भन
 ढिगधरिकै । लये उखारि दशन दोउ धरिकै ॥ बज्र सदृश सोइ
 दशन प्रहारे । गजगिरिको शिर शृंग बिदारे ॥ पूछउपारिलिये
 हलबाहक । कौतुक लागि युद्ध जयचाहक ॥ गिरि बिलमेंमधि
 प्रविशो नागहि । ईचिलोह जिमि शुचि परनागहि ॥ गजगज-
 वानहिवधि गजमर्दन । धीरधराधर धरजग वर्द्धन ॥ गजरक्षक
 हे सुभट घनेरे । बली कंस भूपति के प्रेरे ॥ गज दन्तनसों ते
 दोउभाई । तिनको नाश किये सुखदाई ॥ फिरिधरि कन्धन पै
 रद प्रविशे । सुपुरुष सिंह रंगघर प्रविशे ॥ दोहा ॥ तहां जाइ
 निरखत भये भट मल्लनको यूथ । सिंह सरोष लखैयथा गज
 गणकेर बरूथ ॥ गजवध सुनि लीन्हे दशन लखिदुख पायसि
 भूप । लागैक्षतमें लवण जिमि प्राणीहोत बिरूप ॥ हरिगीती ॥
 बलराम अरु बलवीर वीर सुवीर भेष सरुचिधरे । बरवीर रस
 सों भरे धीर प्रवीर शंकद चखकरे ॥ तहँ घूमि इतउत देखि
 सकल समाज जन मुदसोंमये । लखिरंग घरको मध्यदेश सु-
 भेष प्रभु ठाढ़े भये ॥ नृप कंसलखि अति क्रोध करि चाणूरको
 शासनदये । तुमकृष्णसों बलरामसों मुष्टिकलरहु चेतनभये ॥
 चलि चावसों चाणूरचलि ब्रजचन्दके सन्मुखभयो । युधचाहि
 घञ्चल अचलसम चौगानमें ठाढ़ोभयो ॥ रणरूढ़ दीरघकाय

ताहि बिलोकि यदुवंशी कहे । यहमल्ल शास्त्र विरुद्ध युद्धत होत
 अति अनुचित अहे ॥ है मल्लयुद्ध समानवपुवय कोसुकोविद
 कहतहैं । तिमिएन हैं बलभरे सुभट जु खरे गौरवगहतहैं ॥ सुनि
 कृष्णचन्द्र विचारि यदुवंशीनसों इमिकहतमे । येमल्ल दीरघ
 काय हमसों लरनकोमुद गहतमे ॥ ये धर्मयुद्ध विरुद्धकरत स-
 क्रुद्धकै हमहैं सुने । ये मारि कितने मल्लमहिपै एक आपुहि हैं
 गुने ॥ दोहा ॥ जैसो करिबो चाहिये हमसों येबलवान । तैसो इन
 को जानिहमकरिहैं सुनो सुजान ॥ इमि धीरजदै यादवन कैमो-
 दित यदुनाथ । तालठोंकि चाणूरके सन्मुख कीन्हेहाथ ॥ चोपाई ॥
 हाथहिहाथ पकरि दोउ वीरा । लपटि गये छरकैल सुधीरा ॥
 लपटि छूटिभिरि छूटनलागे । बन्धविधाननि जूटनलागे ॥ करैं
 पंचअरु पंच बचावैं । अतिशय चञ्चलता दरशावैं ॥ पकरि
 भूमिकोउ घातलगावैं । कोउ ऊपरसों पंचचलावैं ॥ फिरि उठि
 भिरैंतालदै चावन । करिकरि विविधभांतिके दावन ॥ जैसे सिं-
 हगजहि गहिपावैं । झपटिलपटि तजि लपटिगिरावैं ॥ फिरि उ-
 ठाइ फिरि दाबि गिरावैं । तिमितिमि बिहरैं जिमिजिमिभावैं ॥
 श्रीश्रीकृष्णचन्द्र प्रभुतैसे । गहिचाणूरहि क्रीड़ सुलैसे ॥ दक्षि-
 णकरसों कंस निवारे । हैं जे बाजत बाजनभारे ॥ चढ़े विमानन
 सुमन सचावैं । सदय सत्तऋषि समुदसुभावैं ॥ जयति कृष्ण
 कहि आनंद छावैं । बहुतभांति दुन्दुभी बजावैं ॥ किये कंसपै
 ऋषि प्रभु मनमें । कंपित भई भूमि तेहि क्षनमें ॥ हाल्यो मंत्र
 मुकुट ते ताके । शुचिमणि गिरे सदनसुखमाके ॥ नव पल्लवित
 वृक्षते जैसे ॥ भरैंअनूपम सुसुमन तैसे ॥ इमि भिरि लरैं दोऊ
 भट भारे । जिमि बनमें मैगल मद्वारे ॥ कै चाणूर रोष रस-
 रातो । होइ न नेकुमातु मदमातो ॥ रीला ॥ चाणूरको बध भये
 पै अतिक्रोध करिबलराम । वीर मुष्टिक सों भिरे बरबीरताके
 धाम ॥ होनाम तोशल मल्लमत्त सुविदित बल बलवान ॥ भिरे

तासों कृष्ण शीक्षक मल्लयुद्ध सु विधान ॥ राम मुष्टिकको बधे
करि पंचपांच पछारि । कृष्ण पकरि घुमाइमारे वाहि महि पै
डारि ॥ नाशकरि मल्लानको श्री राम कृष्ण सुवीर । तालदैदै
खड़े भै रमणीय अति रणधीर ॥ तीनिपुरको एकते लहिमनोद्वै
त्रिपुरारि । उग्ररूप अनूप ठाढ़ेलसै तिनकोमारि ॥ तहांतिनको
देखि जो सुख नन्द अरु वसुदेव । लहे सो नहिं लहेकबहुं देव
देव सुभेव ॥ कंसको मुखश्चेतभोअरुस्वेदकणभेछाय । हारिहि-
यसों क्षणक शंकित रह्यो शीश नवाय ॥ फेरिसाहस आनिग-
रबीभटन की दिशि हेरि । सचल दक्षिण करहिं करि इमिकह-
न लाग्योटेरि ॥ दोहा ॥ गोप बनेचर जेजुरे तिनकोदेहु निकारि ।
नन्दहि गहिकै पै करै देहु पांय में डारि ॥ अन धन गोधनगण
सकल गोपनको हरि लेहु । ये खलहैं मम राज्य में इन्हें बसन
मतिदेहु ॥ चौपाई ॥ सो सुनि कृष्णचन्द्र रणधीरा । कूदि मंचपै
गये सुवीरा ॥ जातन काहू मगमें देखे । खड़े मंचपै सब कोउ
पेखे ॥ मुकुट गिराइ केश गहिलीन्हें । कंसहि जड़ीभूत कहि
दीन्हें ॥ केहरिके भपटे गजजैसो । होतभयो सो भूपतितैसो ॥
चले श्वास तन नेकु न हालै । भूलिगयो बल कुटिल करालै ॥
प्रभुहि न पेखिसक्योभय पूरो । रह्यो मूँदिचख व्याकुल फूरो ॥
गहे केशवहि सहित सहाये । कूदि मंचते महिपै आये ॥ कंसी
कंसनामहो जाको । प्राण बिहीन भयो तन ताको ॥ जिततित
ताहि कठोरि सुखारे । रंगभूमि के बाहेर डारे ॥ जेहि मगगयो
कठोरि बेचारा । तहँभो कंसकठोरणखारा ॥ रह्यो सुनाम कंस
को भाई । बधे ताहि हलधर सुखदाई ॥ तव सहबंधु कृष्णआ-
नन्दे । मातु पिताके शुचिपग बन्दे ॥ सिगरे यदुवंशिन सों ह-
रषे । मिलि घनश्याम मोद जल वरषे ॥ यथाउचित मिलिसुभग
सोहाये । यदुवंशिन सह पितु घर आये ॥ कंसभूमिपति कीसब
नारी । पतिको मरण निरेखिदुखारी ॥ जायमृतक ढिग रोवन

लागीं । आंसुन सों अँगधोवन लागीं ॥ देहा ॥ हायनाथ कैसे
 भये कत कैरहे अबोल । आलिंगनकरि करि बकति कर्षणकरो
 निचोल ॥ पुरुषसिंह पुरुषार्थ तजि कत सोये हियहारि । अब
 हम सब करिहैं कहा सो किन कहौ पुकारि ॥ चौपाई ॥ अब को
 तुम्हें बिना हे स्वामी । निरखि समान तियन प्रियकामी ॥ सर-
 स बचन कहि हिय समुझाइहि । गहि सप्रेम सादर उरलाइ-
 हि ॥ चलत न कहि लीन्हे तुम भर्ता ॥ कैसे भये निठुर भय
 हर्ता ॥ तुम तिय लहि उतहूं सुख लहिहौ । अब ममसुधिकाहे
 को गहिहौ ॥ इमि प्रलाप बहुविधि कहिकहिकै । कटि उरभुज
 ऊरु गहि गहिकै ॥ कीन्हो रुदन कंसकी पतिनी । परमपियारी
 पतिव्रत ब्रतिनी ॥ रुदति आइतेहि नृपकी माता । उरपैकरति
 स्वकरतलपाता ॥ सुत शिर निज ऊरुनपर धरिकै । बहुविलाप
 कीन्ही दुखभरिकै ॥ सुततुम हे राजनके राजा । गये शीघ्रकत
 छोड़ि समाजा ॥ रथ गजतुरै छत्र भटनारी । लेनगये संगकहा
 बिचारी ॥ कहिगो हो रावण सुनिलीजै । बंधुहि बैरी कबहुं न
 कीजै ॥ बंधुविरोध किये भल नाहीं । बंधुप्रयोग आड़ि नहिं
 जाहीं ॥ सो अबहमें प्रत्यक्ष लखाना । बंधुबैर कत अगुण अ-
 माना ॥ यहिविधि बिलपि कही ब्रजपति सों । बूझो जाय
 कृष्ण यदुपतिसों ॥ जो वै कहैं सोई उर धरहू । कृत्यकाजवाही
 बिधि करहू ॥ उग्रसेन सुनि दुखित पधारे । गये जहां हैं प्रभु
 मुदधारे ॥ देहा ॥ बैठे यदुवंशिन सहित करुणासिन्धु बिभाता
 रुदन कंसकी तियनको सुनि सुनिहैं पछितात ॥ यदुवंशिन मु-
 खियानको लैकै संगसहाय । उग्रसेन सन्ध्यासमय कहन लगे
 द्विगजाय ॥ चौपाई ॥ तातकंस निजकृत फलपाई । गयोस्वर्ग
 निजदेह बिहाई ॥ तुम बीराधि बीर जगमाहीं । तुम्हें सदृश
 कोउ महिपै नाहीं ॥ अबसुनि भूमिपाल सब डरिहैं । बिनाप्र-
 यास उचित करभरिहैं ॥ प्रवृत्तितधर्म अधर्म नशाइहि । सुयश

तुम्हार भूमिपरछाइहि ॥ यदुकुल वर्द्धित मोदित होइहि । कोउ
अनर्थ कबहुं नहिं होइहि ॥ देशकोश सेनाभट जेते । करहुरा-
ज्य निज बश करितेते ॥ देहु निदेश कृपाहिय धरिकै । प्रेत-
कर्म हम सुतकर करिकै ॥ तियअरु पुत्र बधुनसहजाई । ब-
सबजाइ बन नगर बिहाई ॥ उग्रसेनकी आरतवानी । बोले कृ-
पासिन्धु सुखदानी ॥ उग्रसेनतुम सबविधिज्ञानी । तजहुशोच
सुनि गुणि ममवानी ॥ कर्मकाल के वश सब लोका । भ्रमत
रहत सहशोक अशोका ॥ तनधरिकर्मकरै सबकोई । तनधरि
अवशि कालवश होई ॥ कर्मफेर परितन धरिसोई । कृतफल
भोगि कालवश होई ॥ ताते कर्मप्रधान बिचारो । तजौ शोक
साहस उरधारो ॥ करो सुराज्यग्रहण तुम आरज । हमैं न कछू
राज्यसों कारज ॥ हम स्वतन्त्रबिहरब महिपाहीं । जिमिखग
पुर थलबन गिरिमाहीं ॥ दोहा ॥ ताके कर्मनिरेखिकै ताहि काल
वश जानि । हौंकीन्हों बधतासु नहिं राज्यहेत अनुमानि ॥ सा-
दर प्रभुके बचनसुनि उग्रसेन सुखपाय । उत्तर नहिं दीन्हेंरहे
चुपकै शीशनवाय ॥ इमि कहि यदुवंशिन सहित कृष्णचन्द्र
सबिवेक । उग्रसेन पै करिकृपा किये राज्य अभिषेक ॥ चोखा ॥
यदुवंशिन सहजाय उग्रसेन अभिषेकलहि । प्रेतकृत्यमनलाय
पुत्रनको कीन्हे सविधि ॥ करि पुत्रनको कृत्य उग्रसेन भूपाल
मणि । आपुभये कृतकृत्य पाय सहाई कृष्णको ॥

इति श्रीहरिवंशदर्पणेकसवधउग्रसेनराज्याभिषेकोनामपंचदशोऽध्यायः १५

चौपाई ॥ रामकृष्ण प्रभुस्वेच्छाचारी । उग्रसेन कहैं राज्य सु-
धारी ॥ युवती युवावशी जगजेता । कछुदिन मथुरा बिहरिस-
नेता ॥ प्रियदर्शन पावनदोउभाई । पुरीअवन्तीमें चलिजाई ॥
तहँहे शान्दीपन तपरासू । तिनसों सीखे धनुषबिलासू ॥ चौं-
सठि दिनमें चाहि उदारू । सीखे चौंसठि बिद्या चारू ॥ यहि
बिधि बुद्धि बिलक्षण देखी । शान्दीपन मनमें अवरेखी ॥ रूप

बुद्धिगुण निरखि सयाने । अतिउत्कृष्ट देवकरिजाने ॥ पैसठवें
 दिन कृष्णसुज्ञानी । कहेगुरूसों आनंददानी ॥ सरुचि मांगि
 गुरुदक्षिणा लेहू । घरजैवे को शासनदेहू ॥ सो सुनिकै गुरुउर
 सुखपाई । करिप्रभुकी बहुभांति बड़ाई ॥ कहे सुनहु हेकृष्ण
 सुदाता । रह्यो तुम्हार एक गुरुभ्राता ॥ लवण उदधिमें तीर्थ
 प्रभासू । सो अन्हानगो सुखमारासू ॥ निगलि ताहि जलमें
 गहि मीना । सो सुत आनिदेहु परवीना ॥ एवमस्तुकहि सा-
 गरतीरा । गयेराम अरु कृष्ण सुवीरा ॥ किये समुदमेंजाइ प्र-
 वेशा । तहँआयो सागरधरिभेशा ॥ तासोंकहे कृष्ण छविगेहू ।
 शान्दीपन मुनिकर सुतदेहू ॥ दोहा ॥ सोसुनि सागर जोरिकर
 बोल्यो सुनहु कृपाल । पांचजन्य नामक असुर है भूषरूप बि-
 शाल ॥ शान्दीपनके तनयको पकरिगयो सो खाय । निजगुरु
 के बरतनयको लेहुताहि गहिजाय ॥ चौपाई ॥ यहसुनि रामकृ-
 ण रिस लीन्हें । शीघ्रजाइ ताकर बधकीन्हें ॥ पांचजन्यशुचि
 शंख सोहायो । होतौतनमें जागुणगायो ॥ लीन्हें शंखनसोसुत
 देखे । तब यमपुरगे रिससोंभेखे ॥ यमहिं जीति गुरुकोसुतलै-
 कै । आयभूमिपै गुरुको दैकै ॥ मथुरा आइमोदसों पागे । यदु-
 वंशिन सह बिहरन लागे ॥ जरासन्ध नृपकी दुइ दुहिता ।
 कंसभूपकीहैं तिय सुहिता ॥ तेवैजाइ पितासों रोई । पति बि-
 योग अतिदुखसों भोई ॥ दईसुनाइ दशाते सिगरी । सोसुनि
 कै ताकी मतिबिगरी ॥ कारुष दन्तवक्र शिशुपालू । साकित
 कालयमन महिपालू ॥ भीष्मक सुतसह अरुभगदन्तू । दुर्यो-
 धन केशिक क्षितिकन्तू ॥ भूरिश्रवा जयद्रथवीरा । चित्रसेन
 अरुशल्य सुधीरा ॥ अंगवंग कालिंग देशपति । कोशलकाशी
 को पति वरमति ॥ मद्रदेश पति आदिक जितने । रहे भूमिपै
 भूपतितितने ॥ लैसँगचढ्योकोपकरिभारी । जरासन्धक्षितिपति
 धनुधारी ॥ मथुरहि घेरिलिहेसि चहुँदिसिसों । बरवानैत भरो

अतिरिसिसों ॥ दोहा ॥ तासुचमूलखिमंत्रकरिरामकृष्णसहचाव ।
यदुवंशिनको संगलैकीन्हें व्यूहवनाव ॥ कहे विहँसिबलरामसों
विशद बीर बलबीर । धर्म धुरन्धरधराधुर हरणधनुर्धर धीर ॥
चौपाई ॥ लखहु कालवश हवै चढ़िआयो । जरासंधरिस रुजसों
छायो ॥ भूमिपाल सिंगरे संगलैकै । निजभुज बलसों तिन्हें
अभैकै ॥ हंसराज सम राजत जेहैं । शुचिसितव्रत्र नृपनकेते
हैं ॥ ये सब अतिथिसुप्रथमसमरके । बलिपशु से संगर मख
बरके ॥ अब इनसों करि संगरभाई । हरे भूमिकोभारभलाई ॥
तेहि निशि जरासंध की सेना । करिनिवास जाहिर जगजेना ॥
भये प्रात नृपगणहैं जेते । जरासंधके ढिगगे तेते ॥ जरासंध
मति अंध नरेशा । दयो तिन्हें अति उग्र निदेशा ॥ तुम सब
निज निज सेनालैकै । लगहु तीनि दिशि गन निरभैकै ॥ राम
कृष्ण बधिजाहिं न जौलों । लरेहु सरोष भूपसब तौलों ॥ इमि
निदेश दै बर रिस पाग्यो । आपु जाइ दक्षिणदिशि लाग्यो ॥
लैशिशुपालहि संगसोहायो । अतिअमोघ अमरषसों छायो ॥
चारियूथ करिपुरसोंकढ़िकै । लरनलगेयदुवंशीबढ़िकै ॥ रथचढ़ि
रामकृष्ण धनुधारी । लागे करन युद्ध बलभारी ॥ तीक्ष्णबा-
णन मारन लागे । परदल व्यूह बिदारनलागे ॥ अति सवेग
चहुँ दिशि रथफेरैं । परबल भट के तनशर मेरैं ॥ दोहा ॥ इतने
में तहैं स्वर्ग ते आये आयुध वेद । हल मूशल अरु धनु गदा
दिव्य प्रभाव अखेद ॥ सो नन्दक नामक मुशल संवर्तकहल
चारु । तिन्हें धारि शोभित भये श्री बलराम उदारु ॥ रोला ॥
शार्ङ्ग धनु अरु गदा धरि कौमोद की यह नाम । भये शोभित
समर में श्री कृष्ण प्रभु अभिराम ॥ करषिहलसों आनि ढिग
बर भटन को बलराम । मारि मूशल सों लगे संहार करनल-
लाम ॥ विकल कै नरनाह सब तब भागिजाइ अचैन । जरासं-
ध नरेन्द्रके ढिगकहे आरत वैन ॥ तिन्हें लखिकरि क्रोध अति

नृप जरासंध सुवीर । लग्यो धिक धिक कहन तिनको धनुष-
 धर रणधीर ॥ विदितक्षत्री धनुष धारे जीवकोकरि लोभ । भा-
 गि आये समर सों सो किये कार्य अशोभ ॥ प्रबल अरि सों
 लरहु अबकै धीर धरि उतजाय । कैसुचित ममयुद्धदेखौ बैठि
 पीछे आय ॥ वचन सुनि कै भूपसिगरे लज्यमान सचेत । जा-
 य निज निज थरन लागे लरनजय यश हेत ॥ विविधविधि
 के शस्त्रलागे चलन दुहुँदिशिभूरि । धनुष के टंकार रवसों रह्यो
 दिशिदश पूरि ॥ दोहा ॥ गरुडध्वज सुरथस्थ श्री कृष्णचन्द्रवर
 वीर । जरासंध के तनहने आठबाण रणधीर ॥ बेधेताके सार-
 थिहि मारिबाण बरपांच । तरतुरंगनके बध करे मारि विशद
 नाराच ॥ चौपाई ॥ जरासंधको बिकल निरेखी । चित्रसेन नृप
 अतिशय तेखी ॥ आइसामुहे प्रभुहि प्रचारी । झाँडेसिबाणच-
 पल रथचारी ॥ केशिकसेनानी रिस धारेसि । तीनिबाण बल-
 रामहिंमारेसि ॥ तबबलदेव क्रोधकरिडाटे । तासुधनुषवरशरसों
 काटे ॥ तबनृपचित्रसेन बलदेवहि । नव सुबाणमारे शुभभेवहि ॥
 पांचबाण कौशिक रिस भरिकै । मारे कोपिदुतियधनु धरिकै ॥
 जरासंध शरसात विशालै । मारेसिकोपि नैन करि लालै ॥ तब
 हरि शर तीक्ष्ण असिबारे । तीनितीनि तीनोंको मारे ॥ पांच
 पांचनाराच सुचारू । मारे तिनको रामउदारू ॥ नृपजो चित्र-
 सेन होबांगा । काटे ताके रथकी तांगा ॥ अरु श्रीराम वृहत
 भुजदंडा । काटे तासु कठिन कोदंडा ॥ विरथ बिधनु हवै बिकट
 गदालै । चित्रसेन नृप महत मदालै ॥ रथसों उतरि क्रोध सों
 ब्रायो । संकर्षण के सनमुखधायो ॥ चित्रसेनको नाश बिचारी ।
 लाये शर धनु सो हलधारी ॥ सोलखि जरासंध नृप आसू ।
 शर सों दयो काटि शर तासू ॥ जरासंध धनुधरधनुभेदी । सं-
 कर्षण को बर धनु छेदी ॥ दोहा ॥ सत्वर निजरथसों उतरि ग-
 रजिगदासों मारि । रथवाहक हय रामके दीन्हे महिपै डारि ॥

उद्धयुद्धको चाहकरि हवै सकुद्ध बलराम । स्वजय युद्ध लागे
 करन गदा युद्ध अभिराम ॥ चौपाई ॥ संकर्षण मगधेश सोहाये ।
 दोऊ गदा युद्ध विदगाये ॥ करलै गदा प्रचारिप्रचारी । किये
 युद्ध अतुलित बलभारी ॥ भांति भांतिके घातनि मारैं । गरुवे
 गदा गदासों टारैं ॥ लागे गदा नेकु नहिं मानै । गहिअतिरोष
 मारिमुद आनै ॥ ठौर ठौर यहि विधि चहुँओरा । महत युद्ध
 माच्यो अतिघोरा ॥ लहि रुक्महिं केशव धनुधारी । हते नना-
 त भविष्य विचारी ॥ दिवससताइस लों यहि विधि को । भयो
 युद्ध असिसुभट समृधिको ॥ हलधर जरासन्धरणधीरा । लरि
 हवै बिरथ विधनु बरबारी ॥ चारुगदा करमें लैलैकै । लरेगदा
 अँगमें लै दैकै ॥ गदायुद्धमें तेहिदृढ़देखी । श्रीसंकर्षण अ-
 तिशय तेखी ॥ जरासन्ध को बध अनुमानी । लीन्है नन्दक
 मुशलसुजानी ॥ मुशल अमोघ अमोघ प्रभावा । जब ह-
 लधर भरि व्याम उठावा ॥ तब भइ नभ बाणी गम्भीरा ।
 क्षमहु क्रोध हलधर रणधीरा ॥ बध्य न तुमसों यह मगधेशा ।
 ताते क्षमा धरहु शुभभेशा ॥ याको बधनहारभयचाही । हैजग
 प्रकट बधिहि सो याही ॥ सुखदानी यह बाणी सुनिकै । अ-
 भय भये हलधर हिय गुनिकै ॥ दोहा ॥ क्रोधरोध करि नहिंकरे
 मुशल प्रहार सुभाव । जरासन्ध सोऊ भयो सुनि बिस्मिततजि
 चाव ॥ इतने में संध्या निरखि रामकृष्णलैसैन । शंखध्वनिक-
 रिकै करे पुर प्रवेश लहि चैन ॥ चौपाई ॥ भये प्रात मगधेश म-
 हीपा । नृपन सहित कै दिनको दीपा ॥ मगधरि मगधगयोमन
 मैलो । इतवर बर्चस प्रभु को फैलो ॥ फिरि सुनि निजदुहितन
 की बानी । रिसकरि चढ़ो मगधपति मानी ॥ ताही विधि फिरि
 भई लराई । पृथक् पृथक् सो बर्णि न जाई ॥ फिरिहलधरगहि
 मुशल सुधारे । तिमि नभबाणी सुनि न प्रहारे ॥ लहिप्रभात
 फिरिनृप मगधेशा । बिस्मित व्यथित गयो निजदेशा ॥ कंसी

कसक कंसको गहिये । सत्रहवार हारिइमि लहिये ॥ बीसक्षौ-
 हिणी दलको स्वामी । जरासंध नरपति जयकामी ॥ चढ़ि अ-
 ठारहें बारअयाना । मथुराकहँ फिरिकिहिसि पयाना ॥ सोसुनि
 रामकृष्ण बलभारी । यदुबंधिनसह सरुचिसुखारी ॥ लागेकर-
 नमंत्रमनभाये । तहँइमि बचन बिकहुसुनाये ॥ सूर्यवंशइक्ष्वाकु
 नरेशा । हेतासुत हरयश्व सुभेशा ॥ मधुदइत्यकी तनयाचारू ।
 हेते ताके प्रिय भरतारू ॥ होंहरयश्व केर गुरुभ्राता । अभिषे-
 कित नरपति महित्राता ॥ सो हरयश्वहि दयो निकारी । सो
 तजि अवध भयेवनचारी ॥ नृपहरयश्व विपिनमेंबसिकै । अति
 दुखलहे शोचमें ग्रसिकै ॥ दोहा ॥ तहँ एकदिन नृपसों कहीइमि
 मधुमती सुनारि । कुन्तराज्यको मोहअब तजहु धीरता धारि ॥
 तजि संशयमधुवन चलौ ममपितु मधुके गेह । वैमोदित करिहँ
 तुम्हें सादर सहित सनेह ॥ चौपाई ॥ सो सुनि नृप हरयश्व सु-
 खारी । मधुवन गये सहित प्रियनारी ॥ मधुलहि निकट भूप
 जामातहि । सादर मिलि बूभेकुशलातहि ॥ सुनिवृत्तान्त कहे
 इमि मानँद । तजहु शोच हियधारहु आनँद ॥ मधुवन बिना
 राज्य मम जेतो । लेहु सनेहु देउ मैंतेतो ॥ मधुवनमें ममलव-
 णकुमारा । बसि नितकरिहि सहायतुम्हारा ॥ दक्षिणसमुद्रकूल
 लोंधरणी । होइहि नृपतुव सुवश सुवरणी ॥ इमि कहि नृपरा-
 ज्यावर दैकै । मधुदानव हिय आनँद लैकै ॥ जाइ लवण निधि
 तट शुचिज्ञानी । तपसाधन कीन्हें हितजानी ॥ पाइराज्य हर-
 यश्व सुखारी । पालनलगेप्रजानयचारी ॥ पुर आनर्त सुनाम
 बसाये । दुर्गम दीर्घ दुर्गबनाये ॥ मधुजा जोमधुमती सुबामा ।
 तासोंभयो पुत्र यदुनामा ॥ संबत्सर दशसहससुनामी । बिहरि
 भूमिपै नृप नयगामी ॥ तनतजिजाय स्वर्गबसिभाये । इतयदु
 लहि अभिषेक सोहाये ॥ नीतिनिपुणयदुकरि महिपालन । अ-
 तिशोभित भे खलकुलघालन ॥ हितवर्द्धन अरिमर्दन बीरा ।

धर्मधुरन्धरधनुधरधीरा ॥ एकदिवसप्रियतियन समेता । जाइ
समुदतटकृपानिकेता ॥ दोहा ॥ लागे जलक्रीडाकरन भरनमोद
सुनुतात । सहित नक्षत्र नक्षत्रपति समशोभितशुचिगात ॥ स-
र्पराज तहँ यदुनृपहि गहिलैगेनिजधाम । जाइ नृपतिअहिपुर
लखे सुखमासे अभिराम ॥ दोहा ॥ चारुमाणिमय बारिजासन
बनोहो अतिवेष । भूपको बैठाय तापै सर्पराजसुभेष ॥ कहेइमि
भूपालसोंसबभांतिसों हितजानि । कन्यका हैंपांच म्हारी सर-
स शुभ सुखदानि ॥ पितृव्यअरुतव पिताजे युवनाश्वअरुहर-
यश्व । तासु भगिनीकी सुता येसिखेगुण सरवश्व ॥ पाणिग्रहण
सरीति इनसों प्रीति सों करिभूप । जाहु लै निज सदनसुव-
दन मदन कदनसरूप ॥ सुवनकैंहैं पांच इनसों परमपरमापूर ।
सर्वगुणसम्पन्नभूमिप समरजेताशूर ॥ जगबृहतकैंहैंविशदयदु
वंशइनसोंरूयात । देवअंशज नृपति इनसों प्रकट कैंहैंतात ॥
भौम अंधक कुरुर भोजदशार्ह वृष्णि उदार । पुरुषवरपरसिद्ध
कैंहैंवंशवर्द्धनहार ॥ वंशवर्द्धन पाइयह वरदान वरगुण जानि ।
नातको न बिचार कीन्हें नृपति यदुसुखदानि ॥ दोहा ॥ पाणिग्र-
हण सरीतिकरि पांचोंतियन समेत । कहेउदधिके बाहिरे सब
को आनंद देत ॥ नाग नरनकीकन्यकन नृपतिमिलापकराय ।
पुरप्रवेशकीन्हें समुद समुदकूल तजिजाय ॥ चौपाई ॥ कछुदिन
में अहिपतिकीतनया । पांचोंलहींपांचसुत सनया ॥ पद्मवर्ण
मुचुकुन्द नरेशहि । माधव सारसहरित शुभेशहि ॥ तेसब क्र-
मसों वर्द्धितकैंकै । कहे पितासों मुदसों गवैकै ॥ तातहमैंजोआ-
जा देहू । सोतिमि हमसबकरहिंसनेहू ॥ सोसुनि इमिबोलेयदु-
राजा । प्रियसुत मम मुचुकुन्दसमाजा ॥ विंध्यऋक्षगिरिकोम-
धिदेशा ॥ तहँ पुररचिविलसैं शुभभेशा ॥ सह्य शैलपै यशके
काजै ॥ पद्मवर्ण पुररचि बसिराजै ॥ पश्चिमदिशि तेहिगिरि
पै नीकी । सारस रचेपुरी प्रिय जीकी ॥ धूमवर्ण अहिपतिको

दीपा । पालन करहिं हरित कुलदीपा ॥ जेठे सुत माधव शुभ
 साजू । ममपुर पालहिं कै युवराजू ॥ पितु निदेश अभिषेक स-
 मेता । लहि लहिते बल बुद्धि निकेता ॥ यथा निदेश देश बसि
 राजे । राज राजसी सुखमा साजे ॥ यदुनृप राज्य माधवहिदै-
 कै । गये स्वर्ग निजकृत फललैकै ॥ माधवनृपके सुतगुणगाये ।
 भये सत्व बरसत्व सोहाये ॥ सुवनसत्वके भीम कहाये । भूपति
 भूमि भावतिहि भाये ॥ दोहा ॥ भीमहिमहि शीक्षतसमय दाश-
 रथी श्री राम । । कोनिदेश शत्रुघ्न लहि हति लवणहि अभिरा-
 म ॥ मधुवन छेदन करि बिरचि मथुरापुरी सप्रेम । सुतहि रा-
 ज्य दै रामपद सेवन करे सप्रेम ॥ मथुभार ॥ जबरामचन्द्रउदार ।
 कुश लवहि दै महिभार ॥ बर स्वर्ग द्वार प्रविश्य । प्रभुभे सब-
 न्धु अदृश्य ॥ तब भीम नृप निज जानि । बसिलये मथुराआ-
 नि ॥ तहँ लहे सुत नृप भीम । सोनाम अंधक भीम ॥ चौपाई ॥
 अंधकके सुत रेवत भूपा । ताके सुवन ऋक्ष अनुरूपा ॥ रैवत
 नाम ऋक्षको दूजा । विश्वगर्भ तासुत कृतपूजा ॥ विश्वगर्भ
 की तीनि सुनारी । रहीं प्रियपतिहि परम पियारी ॥ लहींचारि
 सुतते कमलाक्षा । बसु अरु बभ्रुसुषेण सभाक्षा ॥ येयदुबंश
 बंशके कर्ता । असमदादि के हैं मुद भर्ता ॥ बसुके सुतबसुदेव
 सुखारे । भाग्यमान जे जनक तुम्हारे ॥ यह सुबंश उत्पति ति-
 मिभाखे । जिमि द्वैपायनसों सुनि राखे ॥ होइहै बंश सदैव अ-
 दूषित । तुमहिं पाइभो अतिशय भूषित ॥ सुनहुकृष्णयदुबंश-
 ज जेते । हैं तव सुबंश शुद्ध सब तेते ॥ यह नृपजरासन्धवल-
 वाना । बीस क्षौहिणी पति जगजाना ॥ यदुबंशी थोरे गिनती
 के । लरे बहुत दिन शूर सजीके ॥ अब अतिखिन्न भये सब
 लोगू । एकबार नहिं लरिबे योगू ॥ नहिं खंधक नहिं शहरपना-
 हू । अड़गड़गढ़ बिरच्यो नहिं काहू ॥ तापैलरे न अबबरिआ-
 इब । ईधन अन्नबिना दुखपाइब ॥ हैं सिंगरे पुरजनभयभारे ।

अवरोधनते भये दुखारे ॥ तातेमम सुतंत्रयह सुनिकै । उचित
होइ सो करिये गुनिकै ॥ दोहा ॥ सुनि विकट्रुकेवचन इमिहरषि
कहे बसुदेव । उचित मंत्र यह तुमकहे राजनीति के भेव ॥ सो
सुनि बोले कृष्णप्रभु तुमभाषे सतमंत्र । याकोकहैं उपायहों सोकै
सुनहु स्वतंत्र ॥ चौपाई ॥ है विरोध यानृपसोंहमसों । यासों कछुन
बैरतुम सबसों ॥ ताते कछुक्षण यासोंलरिकै । हमवलराममोद
हिय धरिकै ॥ कदि जैहैं दक्षिणदिशिदूरी । तब यह मनमें मद
भरि भूरी ॥ इत काहू के निकट न आइहि । जितहमजाब तहां
चलि जाइहि ॥ तुम सब रहेउ सुचित सुखपाई । हम यासों उत
लेब बनाई ॥ इतने में नृप पुरढिग आयो । अति गड्ढरदुन्दुभि
बजवायो ॥ सुनि पुरते कदि दोऊ भाई । रामकृष्णजगके सुख-
दाई ॥ कछु दिनतासों लरिगुण अगरे । छरकीले दक्षिणदिशि
डगरे ॥ शैल अनेकन सैर सुखारे । गये सह्यगिरिपै मुदधारे ॥
पद्मवर्ण नृप जहां सोहावन । पुर करबीर रचेहैं पावन ॥ बेणु
सरिततट तहैं बटतरुतर । बैठेहैं भृगुपति मुनि तपवर ॥ तेज
पुंज सुखमा सों छाये । परशु कांध पै धरे सोहाये ॥ राम कृष्ण
भृगुरामहि लखिकै । जाइ निकट हिय आनंद लखिकै ॥ करि
प्रणाम ढिग बैठि सुझानी । बोले कृष्ण मनोहर बानी ॥ प्रथम
तासुगुण कीर्तन कीन्हे । फिरि निजकथाकहे मुद लीन्हे ॥ उत्तर
दिशि यमुनाके तीरा । मथुरा नामापुरी गँभीरा ॥ दोहा ॥ यदु-
वंशज तहैं विदित हैं श्री बसुदेव उदार । येसंकर्षण कृष्ण हम
तिनके सुखद कुमार ॥ कारणवशनृपकंस सों हमसों बढ़ो बि-
रोध । ताते हम बध कंसको करि कीन्हे निज बोध ॥ चौपाई ॥
जरासंधको सो जामाता । होताते सो सुनि रिसराता ॥ कपटी
कंसभूपके जनकहि । दयो राज्य हों शुभद वचन कहि ॥ जरा-
संध बरबल दलसाजी । आइ लख्यो बहुवार स्वकाजी ॥ सेन
साजिवहुरो चढ़ि आयो । अति प्रमत्तममतासों छाये ॥ तेहि

ते पुरजन अतिदुख पाये । तब हम पुरतजि इतचलिआये ॥
 अब भृगुपति तुम मंत्र बिचारि । कहौ करैं हमसो ब्रत धारि ॥
 सो सुनि परशुराम हँसिबोले । परमप्रेम की पदवीखोले ॥ तुम
 जोहौ जो कीन्हें कारज । जिहि हित जो अब करिहौ आरज ॥
 सो हम भलीभांतिसों जानैं । भूतभविष्य सबै अनुमानैं ॥ तुम
 सर्वद सर्वज्ञ सयाने । बूझहु हमसों मनहुं अयाने ॥ सो कहिबे
 की आज्ञा जानी । हम अब कहैं उचित अनुमानी ॥ यहकर-
 वीर नाम पुर चारु । निरम्यो यदुको सुवन उदारु ॥ ताके
 बंशज सों लरि जैलै । नृप शृगाल बिलसत निज कैलै ॥
 सो अति क्रूर स्वभाव कुचाली । ताते तुम यह पुरतजिहा-
 ली ॥ बेणुनाम जे नदी अगारे । तेहि तरिजाहु पार मुदभारे ॥
 चारु यज्ञ गिरिहैं यक आगे । तापै बसियक निशि अनुरागे ॥
 ताढिग नदखद्योग महाना । उठि प्रातहि तेहि तरेहु सुजाना ॥
 दोहा ॥ कनक कसनके उपल सों भूषित ताकेकूल । तेहि लखि
 फिरि आगे चलेहु मुदमंगल के मूल ॥ यहसुत सारसको रचो
 तहां कौंचपुर चारु । नृपति महाकपि है तहां ताकेबंश उदारु ॥
 चौपाई ॥ तहैं बसि नृपसों मिलि मुददाता । गिरिगोमंत लखेहु
 चलित्राता ॥ अति उन्नत नभगत यकसानू । है तेहि गिरिको
 मंजु महानू ॥ तहैं बसितेहि महिमासों भेखेहु । जहैं लों रविग-
 ति तहैं लों देखेहु ॥ जरासंध नृप जबते आई । तब तासोंतुम
 किहेहु लराई ॥ है यहकामद गऊ हमारी । करहुतासुपयपान
 सुखारी ॥ पयप्रीचलहु शीघ्र मुद प्यारे । हमहूंचलिहैं साथतु-
 म्हारे ॥ पय करिपान चले दोउभाई । परशुराम मुनि संगसहा-
 ई ॥ चलि कछु दिनमेंते सुखदाई । गिरिगोमंतलखे ढिगजाई ॥
 अतिरमणीय मनोहर नीको । अति उन्नत आनंददा जीको ॥
 चढितापै ते इमि छबिसाजे । मनुचय बिदिश त्रिदिवपै राजे ॥
 बोले तहैं भृगुपति गुरुज्ञानी । सुनहु कृष्ण सादर ममबानी ॥

इत बसिके कछु दिवस वितावो । गिरि शोभालखि आनंदपा-
 वो ॥ इतऐहैं सब शस्त्र तिहारे । उग्र अमोघ प्रभावनि भारे ॥
 जरासंध नृपसों जयलेहौ । यदुवंशिनको आनंद देहौ ॥ इमि
 कहि बहुविधि आशिषदैकै । भृगुपति गये स्वथलमुद लैकै ॥
 रामकृष्ण प्रभु आनंद पागे । सुन्दरवन गिरि विहरनलागे ॥
 दोहा ॥ कृष्णचन्द्र विनु एक दिन वन विहरत बलराम । पुष्पि-
 तवारु कदम्बतरु तर बैठे अभिराम ॥ तहां मद्यको गन्धलखि
 पीबेको ललचाय । उठि कदम्ब कोठरलखो गन्धडोर गहिजा-
 य ॥ चौपाई ॥ तेहि कोठरमें मदिरानीकी । भरीलखे सुखदाइनि
 जीकी ॥ वर्षामें जलतेहिरुपाहीं । परिथिररहै सुकोठरमाहीं ॥
 सोई होइ मदिरा अभिरामा । उनमादककादंबरि नामा ॥ सो
 लैकरे पानहलधारी । मदिरामधुके अलिवनचारी ॥ क्षणमेंता-
 के रस रंगराते । भेउनमत्त मत्तमदमाते ॥ मूर्तिमान इतने में
 आई । वरुण कुमारि वारुणीगाई ॥ सो तहैं जोरिपाणि कैठाढी ।
 करि बहु विनय प्रीति गहिगाढी ॥ श्रीबलराम बीरके तनमें ।
 भई लीन आनंद गहि मनमें ॥ तदनुआयतहैं कांति सोहाई ।
 मूर्तिमान सुखमा सों छाई ॥ हलधरसों संभाषण करिकै । सोऊ
 भईलीन मुदभरिकै ॥ तदनंतर तहैं श्रीसुखदाता । आई प्रभा
 पुंजमयगाता ॥ मणिमयमाल विचित्र सुहावन । हलधरकहैं
 पहिराय सचावन ॥ ज्योतिजालको चारु निकेता । कुण्डलअरु
 किरीट सुसुहेता ॥ नील वसन अरुहार अनूपा । अमल अ-
 लौकिक अरु अनुरूपा ॥ सो स्वरूप के ये तव भूषण । कहि
 धारण करवाइ अदूषण ॥ संकर्षणके तनमें लीना । भई तेज
 वर्द्धन परवीना ॥ दोहा ॥ सोथल तजि बलराम प्रभु कृष्णचन्द्र
 पैआय । बैठिलगे बतलान तिमि जिमि गृहमें सुखदाय ॥ वै-
 णव चारुकिरीटलै तेहिक्षण तहैं खगराज । आइकृष्णके शी-
 शपै तकि तजि करे स्वकाज ॥ चौपाई ॥ प्रभुके मौलि यथोचित

चारू । शोभित भयो मुकुट हियहारू ॥ सोवृत्तान्त जानिखल
 गंजन । कहेबन्धुसों मुनिमनरंजन ॥ क्षीरधिमेंहम शयनसोहा-
 यो । करतरहे तहँ बलिचलिआयो ॥ बनिसुरपतिसम ममढिग
 जाई । हरि किरीट लै गयोदुराई ॥ कछुदिनमें सो समुझि ख-
 गेशा । तासों जाइ लरे शुभभेशा ॥ अबतासों जय लहि यह
 लीन्हे । सादरआइ हमें इत दीन्हे ॥ अबतजि शोच मोदहिय
 आनो । यह शुभकर्म जयद अनुमानो ॥ इतने में वह नृपकी
 सेना । देखिपरी दारुणि दुखदेना ॥ तेहिलखि कृष्णकहे कित
 लेखो । जरासंधकी सेना देखो ॥ चतुरंगी यहसेना भारी । धूरि
 धार सह परै निहारी ॥ जलद जलद मनुसँगकरिभावैं । अति
 रव जवसों उमड़े आवैं ॥ जरासंधके भयसों पागे । सब नृप
 गण याके सँगलागे ॥ भये कालबश आये कोही । ठगसँगमं-
 त्रित यथा बटोही ॥ इतने में भूपति मगधेशा । घेरिसिजाइशै-
 ल चहुँ देशा ॥ तेहि निशि तहँ निवासकरिराजा । भोरहिबैठो
 सहित समाजा ॥ सबभूपनकहँ पासबोलाई । दियो निदेशरोष
 सों छाई ॥ दोहा ॥ घनकुद दारिन सों कठिन शिलासमूह बि-
 दारि । समकरि गिरिसह सैनचदि लेहु तिन्हें गहिमारि ॥ जे
 दुर्गम दुरगम्यनृप शस्त्र कुशल रणधीर । शूरपूरबल के लरैंते
 आगे रहिवीर ॥ चौपाई ॥ सुनिबोले शिशुपालबिचारी । नहिंयह
 मंत्र उचित धनुधारी ॥ फोरेतेनहिं फुटैपहारू । बिनुदेखेकतशस्त्र
 प्रहारू ॥ यहिउपायसोंउन्हेंनपैहो । हवैकैश्रमितहारिफिरिजैहो ॥
 तातेसूखे काठमँगाई । पर्वतके चहुँओर धराई ॥ आगिलगाइ
 देहु बनमाहीं । सहजहि जरिमरिहैं गिरिपाहीं ॥ जोअधजरेबा-
 हिरेऐहैं । तौवैशस्त्रनसों बधिजैहैं ॥ यहसलाहसुनि नृपसुखपाई ।
 चहुँदिशिदई आगि लगवाई ॥ लागो बरन विपिन चहुँओरा ।
 जरनलगो गिरि उन्नत घोरा ॥ अर्द्धकोश पैदल सहजाई ।
 खरेभये भूपति सुखपाई ॥ रहेशैल पै जीव जहांते । व्याकुल

सिगरे भये तहांते ॥ लखिहलधर हिय दायाभेखी । बोले कृ-
ष्णचन्द्रसों तेखी ॥ तात जरे यहगिरि गिरिचारी । होइहिअ-
यश भूमिपै भारी ॥ हों अब उत्रिणगिरिसों तबहीं । हतौंजाइ
भूपनको जबहीं ॥ इमिकहि कूदि शैलते धीरा । गये भूपके द-
लमेंबीरा ॥ तदनु कृष्ण पगसों गिरि दाबी । कूदिसैनमै गे मे-
धाबी ॥ दाबेसों गिरिते जलधारा । चहुँदिशि अविरल कढ़ी
अपारा ॥ दोहा ॥ अग्निशांति तातेभई भे सबजीव अचेत ।
निरखि अलौकिक कर्मयह डरपेनृपति अचेत ॥ इतनेमें तहँस्व-
र्गते आये आयुधवान । हलमूशलधनु अरुगदा चक्र महान
अमान ॥ महिखरी ॥ बलरामकृष्ण सुधीरयातहँ सिमिटि सबनृप
भिरतभे । बहुबाहि आयुध विविध विधिके रोषरससों निरत
भे ॥ हलमूशल गदा प्रहारसों तहँ सुभटकितने नशतभे । हिय
हारि कितने अमितकै मुरिमनमसूसन मसतभे ॥ बलराम अरु
मगधेश भिरितहँ गदायुद्ध सुकरतभे । बरबीर दोऊकाललों
हठि घने घातन लरतभे ॥ तजिगदा तब बलराम करमें मंजु
मूशल धरतभे । बधचाहि नृप मगधेशको अतिक्रोधसों हिय
भरतभे ॥ नहिं नृपति तुमसों बध्ययहइमि नभगिरा तब सुन-
तभे । सुनिरोक मूशल प्रहार नृपतिहि गुरुगदा सों धुनतभे ॥
गुनि दिव्यपुरुष उदार इनकहँ मगधपति कर मलतभे । अति
बेगसों रथ हांकि बल तजि निज निलय प्रति चलतभे ॥ जि-
मिबातके सँग पाततिमि तासंग सबनृप भगतभे । जिमिसिंह
के भे भगतगैवर यूथ तिमिते लगतभे ॥ बलराम कृष्णउदार
तिनसों बूझिनहिं कछु कहतभे । हो चेदिराज महीप जेशिशु-
पाल ते तहँ रहतभे ॥ जयकरी ॥ नृप शिशुपाल बुद्धि बलपूर ।
जाइकृष्णकेढिगअगरूर ॥ जोरिपाणि द्वैखरेसचाय । लागेकरन
बिनय गुणगाय ॥ केशवतुम करुणाके ऐन । शीलसिन्धु बकता
प्रियवैन ॥ हम तव पितु भगिनीके बार । ताते तुम ममबन्ध

उदार ॥ जरासन्धके भयसों नाथ । रहतरहे हम वाके साथ ॥
 कहतरहे बहुभांति बुभाय । नहिं वह मानतहो दृढ़काय ॥ भल
 तुम्हार मनबच क्रमकाय । चाहतहैं हम देवमनाय ॥ सो अब
 मोपर जो ऋषिभूरि । हौ हिय धरे करहुसो दूरि ॥ दोहा ॥ अब
 हम तुव अनुगमन नित करिहैं रहि आधीन । सद्य अधकरत-
 व्यजो सोसुनि करहु प्रवीन ॥ पद्मवर्ण यदु सुवनको बिरच्यो
 पुरकरबीर । तिहि भुजबलसों निजकरे है शृगाल नृपधीर ॥
 पुरुषसिंह यदुवंश तुम ममदल सहचलिघेरि । मारि शृंगलहि
 सो नगर जीतिलेहु बसि फेरि ॥ चारठा ॥ सुनि सबन्धु प्रभुमोद
 सहसेना शिशुपाल सह । तेहि पुरके चहुँकोद घेरिलये दिन-
 तीनिचलि ॥

इति श्रीहरिवंशदर्पणयोगोमंत्रगिरिदहनोजरासंधपराजयोनामषोडशोऽध्यायः

दोहा ॥ पुर रुन्धित लखिकै कटो नृप शृगाल सहसैन । धनु
 टंकार करत कहत गर्वी गर्वित बैन ॥ चौपाई ॥ शुचि हरिताश्व
 सुरथपै चढिकै । आयो हरिके सम्मुख बढिकै ॥ हरिहलधरहि
 प्रचारन लाग्यो । बरबाणन सों मारन लाग्यो ॥ सत्वसदन
 सुशैल समभारी । बरणो एकबीर धनुधारी ॥ होसंगर युधजय
 यशलीन्हे । गहिप्रभुचक्र तासुबध कीन्हे ॥ नृपति शृगालकेर
 बध देखि । भागे सैनक भटभय भेखि ॥ पति बधसुनि भूपति
 की नारी । उर शिर ताड़न करति दुखारी ॥ पतिढिगजाइपीन
 दुख पागी । रुदनप्रलाप करन तबलागी ॥ पद्मावती नामपट-
 रानी । धरि धीरज लैसुतहि सयानी ॥ रुदनकरति प्रभुकेढिग
 जाई । लगी कहन करि विनय बड़ाई ॥ जो नृपकोबध प्रभुतुम
 कीन्हे । यहताको बालक भयलीन्हे ॥ पाणिबांधि तुव पगढिग
 आई । ठाढोभयो लखहु यदुराई ॥ जोकरिकृपा देहु अनुशासना
 सो यह करै सुनहु भयनाशन ॥ सोसुनि कृपासिन्धु यदुनन्दन
 दयेताहि धीरजजगबन्दन ॥ ताके मंत्री सखा पुरोधा । तिन्हें

बोलाइ कृष्णकरिबोधा ॥ नृपसुतको अभिषेकित करिकै । लै
हरिताश्व सुरथ मुद धरिकै ॥ निज पुरचले कीर्तिलहि बरणी ।
शक्रदेव कीन्ही पितु करणी ॥ बोहा ॥ पांच रजनि मगमें बिहरि
रामकृष्ण शुभभेश । छठयेदिन शिशुपाल सह मथुराकिये प्र-
वेश ॥ बन्दि चरण बसुदेवके जननीके सहप्रीति । गुरुलघुसब
सों फिरिमिले यथाउचित सहरीति ॥ चोपाई ॥ तहँ फिरिराम
कृष्ण अनुरागे । यदुबंशिन सहबिहरन लागे ॥ एकसमय बल-
राम सुखारे । कृष्णविना गे ब्रजमुदधारे ॥ नन्दादिक गोपन
पै जाई । सादरमिले प्रेम दरशाई ॥ सबसों मिले मिलतहँ जै-
से । सानँदसहज सुभावन तैसे ॥ कुशल बूझिकहि आनँद पा-
ये । हरिवियोगको दुखतिन गाये ॥ कहेगोप अतिआनँद ली-
न्हे । तुमदोउ बंधुइहांजो कीन्हे ॥ अद्यप्रभृत जययशके कार-
ज । सो हम सुनतरहे हे आरज ॥ तुमहि देखि अब अतिसुख
पाये । कहँ कहाँलौं हे मनभाये ॥ सोसुनिकहे रामगुरझानी ।
जन्म भूमि यह मम सुखदानी ॥ तुवघर हम सुख पाये जेतो ।
लहिहि न कोउ निजघरमें तेतो ॥ दधि पय माखन बहुविधि
खाये । संग सखनके गाय चराये ॥ इमि गोपनसों बातें करिकै ।
लैसँग सखन राम मुद भरिकै । बरवन्दावन देखन लागे ॥ फू-
लनसों अँग भेषन लागे ॥ तहँ प्रिय सखा बारुणी ल्याये । सो
करिपान सरस छबिछाये ॥ सखनसंग फिरि ब्रजकोडगरे । अ-
तिउनमत्त भये गुण अगरे ॥ लखि कालिंदि न्हाइबो चाही ।
कहेकालिंदिहि सौं हलबाही ॥ मम अस्नानहेतु इमि आवो ।
सुनिमो बचन बिलम्ब न लावो ॥ जबदेखे यमुना नहिं आई ।
तबहलायता तटमें जाई ॥ निज ढिग करषि विशद जलधारा ।
कीन्हे मज्जनवीर्य अपारा ॥ तनकै मूर्तिवन्त सुखदाई । यमुना
कहन लगीढिग आई ॥ बोहा ॥ हलधर तुमहठ गहिकरे मो
धारा अवरोध । केहिमग कै हम जाहिं अब सो कहिकीजै बोध ॥

सोसुनिकै हलधर कहेलहि अतिआनंद लाहु । जल प्रवाहसों
 तोरिमहि याही मगसों जाहु ॥ यमुनाको भेदननिरखि मोदित
 गोप सुजान । हलधर तिनसों कैबिदा मथुरागये अमान ॥ ह-
 लधरको आवत निरखि उठिमिलिहरिसुखदान । कुशल प्रश्न
 ब्रजजननको बृभिसुने मतिमान ॥ चौपाई ॥ एकसमय प्रभु मो-
 दित मनमें । हैं बैठे शुचिसभा सदनमें ॥ तहँ चलाक चारण
 चलिआयो । करिप्रणामकरजोरि सोहायो ॥ इच्छितअतिप्रिय
 खबरि सचावन । लग्यो कहन सो सुबुधि सुधावन ॥ नाथ
 रुक्म नृप कुण्डिनपुरको । सुवन भूप भीष्मक बलपुरको ॥ भ-
 गिनी ताकी रुक्मिणि नामा । परमापूर सर्वगुणधामा ॥ तासु
 स्वयम्बर रचि शुभसाजा । किये एकत्र देश के राजा ॥ तिसरे
 दिवस आजुके नामी । होईतासु स्वयम्बर स्वामी ॥ यह सुनि
 कै हों सादर आयो । प्रभु कहँ सब वृत्तान्त सुनायो ॥ सुनि
 प्रभु उग्रसेन बलरामहिं । पुर पक्षन हित तजि बलधामहिं ॥
 साजि सेन चतुरंगिनि भारी । कुण्डिनपुर प्रतिचले सुखारी ॥
 सिंगरे यदुवंशी धनुधारी । कृष्ण संग तहँ गये सुखारी ॥ संध्या
 समय सेन सहजाई । पहुंचे कुण्डिनपुर सुखदाई ॥ निज प्रभाव
 तहँ प्रगटन कारज । गरुड़हि सुमिरे केशव आरज ॥ सुमिर-
 तही नागान्तक आये । पक्षज मारुत सों दिशिछाये ॥ गिरेवास
 गृह पटापटिनके । जुरे रहे जे भूपति तिनके ॥ लखि गरुड़हि
 प्रभु आनंदलीन्हे । प्रेमपूरि अनुशासन दीन्हे ॥ मम ढिग रहि
 अब आनंद धरहू । खल क्षितिपन कहँ भय सों भरहू ॥ दोहा ॥
 इमि कहि सेना सहितगे कौशिक नृपके गेह । ते प्रभुको आग-
 मन सुनि चलि लैगये सनेह ॥ अतिबिचित्र मन्दिर विशद
 जाको बर विस्तार । तामें प्रभुहि निवास दै किये उचित व्यव-
 हार ॥ चौपाई ॥ प्रभु आगमन गरुड़सह सुनिकै । नृप समूह सब
 मनमें गुनिकै ॥ भीष्मक नृपके सभा सदनमें । जुरे जाइ सब

चिन्तत मनमें ॥ लागेकरन मंत्र शुभभेशा । बोल्यो तहँ नृपति
मगधेशा ॥ कृष्णप्रभाव लेहु सुनि मोसों । कहेउकरेहु फिरिभा-
इहि सोसों ॥ इमिकहि मत्स्य आय अवतारा । कहि सब कीर्त्य
कीर्ति व्यवहारा ॥ वृन्दावनमें जो जो कीन्हे । क्रम सों सो सब
कहि मुद लीन्हे ॥ मथुरामें जिमि मैगल मारे । मल्ल मत्त नृपको
संहारे ॥ सत्रहवार आपुलरिहारो । क्रमसों सो सबकहेसि सु-
खारो ॥ फिरि गोमत्त शैलपर वारी । कहत भयोसब कथा वि-
चारी ॥ गरुड़ बिना ये कीन्हे ऐसो । गरुड़सहित धौं करिहैं कै-
सो ॥ दोहा ॥ ये अव्यय भगवानहैं लीला बितरण हार । अब
करि इनसों प्रीति दृढ़ तजहु युद्ध व्यवहार ॥ जरासन्धकोवचन
सुनि नृपति सुनीथ सुजान । कहे कह्यो मगधेशको है कर्तव्य न
आन ॥ मधुभार ॥ फिरि दन्तवक्र महीप । इमि कहत भो कुल-
दीप ॥ ये कृष्ण आनंद ऐन । हैं सहनशील सचैन ॥ पनबाल-
पनदै आदि । लहि आपु ये उनमादि ॥ नहिं किये कबहुं रारि ।
यहि लेहु बूझि बिचारि ॥ जो भिरो नाहक आय । इनदिये ता-
हि सजाय ॥ ये अबहुं कलहवराय । घर कौशिकैके जाय ॥ बसि
रहे हैं सहसैन । ये कलह लायक हैं ॥ हम कहैं सो अनुमानि ।
अब करहु निज हितजानि ॥ दोहा ॥ नृपसमाज सब कृष्ण पै
चलिकै सहित सनेहु । पूजि यथोचित बचन कहि परम मित्र
कहिलेहु ॥ नृपकन्या जाकहैं बरिहि सो तेहिलही सचैन । ना-
हकही बिग्रह किये सुनो नफा कछु हैं ॥ चौपाई ॥ दन्तवक्रकी
सुनि शुभवानी । बोल्यो शाल्व नृपति अभिमानी ॥ तुमसब
बचन कहे जे सांचे । ते श्रुति परिनहिं मममन राचे ॥ क्षत्री
धनुधर धीर कहाई । यहि विधि तिनसों बैरबढाई ॥ तजित-
जिशस्त्र दीन हवैजाई । आरत भाषे कहा बढाई ॥ बिनाकाल
कोउ सकै न मारी । प्राप्तकाल कोउसकै न टारी ॥ कालअप्रा-
प्त असुरबलभारे । तिन्हें न हठि प्रभु कबहुं मारे ॥ बिनाकाल-

बश बलिहि निहारे । बलिपताल पठये नहिं भारे ॥ तातेधीर
 रहौ सबकोई । जो होनी होइहि सोइ होई ॥ बचन हमारऔर
 यह सुनहू । सो यहसांच हिये में गुनहू ॥ ये महिभार हरण
 मुदभारे । क्षितिपसंहारन हिततन धारे ॥ बैरकरहु कै प्रीतिब-
 दावो । रहो दूरिकैडिगरहि भावो ॥ समयपाय इनसोंसबकोऊ ।
 लहिहौ नाश लेहु सुनिसोऊ ॥ ताते आनि तजहु मतिभाई ।
 बैरप्रीति निबहेहिं भलाई ॥ नृपति शाल्वकी सुनियह बानी ।
 चुप हवै रहे भूपसब मानी ॥ आगत संध्यासमय निहारी । नि-
 ज निज डेरनगे धनुधारी ॥ भोर कृत्यकरि मोदितमनमें । जुरे
 आइ फिरि सभासदनमें ॥ दोहा ॥ उत बिदर्भपुरमें सुखदेव
 दूत इकआय । पाती कौशिक भूपकहँ दीन्हीअति सुखदाय ॥
 पाती पठई इन्द्रकी क्रथकौशिक नृपदेखि । जाइ कृष्णसोंजोरि
 कर लगे कहन मुदभेखि ॥ चौपाई ॥ नाथ नाथ तुम तिहुँपुरके
 हो । तुवइप्सा माया तुमतेहो ॥ सो प्रभु तुम मुद मंगलद्वारे ।
 भये कृपाकरिअतिथि हमारे ॥ ताते तुव सतकारसुभावन । क-
 रिहमभयो चहतहैं पावन ॥ यह मम राज्य समाज समाजा ।
 सो करिग्रहण होहु महिराजा ॥ जे तृप तुमहिं अराजा कहिकै ।
 अनुचित बचन कहैंरिसगहिकै ॥ तुवप्रभाव ममशासनमानी ।
 इत ऐहैं ते सब अभिमानी ॥ शुचिअभिषेकतुमहिं सबकरिहैं ।
 आपुहि धन्यजानि मुदभरिहैं ॥ इमि कहि दोउबन्धु घरआये ।
 पाती कुंडिननगर पठाये ॥ ऐसी पाती लिखे सुभेशा । भूपति
 सुनहु आदि मगधेशा ॥ सुरपति हमें निदेश पठाये । सो हम
 तुम्हें लिखे मनभाये ॥ क्रथ कौशिक ममशासनमानी । कृष्ण-
 हि परब्रह्म पहिंचानी ॥ रत्नमयो सिंहासन चारू । जो हमभे-
 जें परमउदारू ॥ तापरकृष्णहि करिआसीना । अर्पहु आपन
 राज्य अहीना ॥ कुण्डिनपुरमें भूपतिजेते । जुरे बोलाइ लेहु
 तहँ तेते ॥ तिन्हें सहित प्रभुकहँ अभिषेका । करहु वेद विधि

सहित विवेका ॥ तुव शासन सुनि जे नहिं ऐहैं । ते सब बध्य
कृष्ण सों कैहैं ॥ दोहा ॥ गुरु निदेश सुरराजको हम यह देत प-
ठाय । सो सुनिआवहु शीघ्रइत तजि विरोधगहिचाय ॥ पाती
कौशिकभूपकी कुण्डिनपुरमें जाय । नृपसमाजमें देतभो धावन
अति सुखदाय ॥ चौपाई ॥ लखि पाती सब नृपति अमाना ।
लागे करन मंत्र अनुमाना ॥ इतने में तहैं सुरपपठायो । सुधि
चित्रांगद दूतं सोहायो ॥ अन्तरिक्ष रहि सो गुरुज्ञानी । लगो
कहन यहि विधिकी बानी ॥ तुम सबको यह इन्द्र निदेशा । दी-
न्हें सो सुनि करहुनरेशा ॥ तजि विरोध हरि पै चलिजाहू ।
करहुजाइ अभिषेक उछाहू ॥ उनसों बैरकिये भलनाहीं । उन्हें
विष्णु जानेहु मनमाहीं ॥ जरासन्ध अरु शाल्वमहीपा । नृपति
सुनीथ रुक्म कुलदीपा ॥ इत अशून्य हित ये नृपचारी । रहैं
इतै दीरघधनुधारी ॥ और नृपतिजे यहि पुरमाहीं । ते बिदर्भ
पुर सादरजाहीं ॥ कृष्णहिकरि अभिषेकित लेखैं । फिरिइत
आय स्वयंबरदेखैं ॥ इमिकहि चित्रांगदनिजदेशा । गयो मुदि-
तमन शुभद सुभेशा ॥ चित्रांगद की सुनि यह बानी । भीष्म-
कआदि भूप हितजानी ॥ जरासन्धकी आज्ञा लहिकै । गेवि-
मान लै सबमुद भरिकै ॥ दिव्यपताके लखि मुदभारे । चढ़े
बिमानन सुरन निहारे ॥ शुभद दुन्दुभी सुरबजवावैं । नरदुन्दु-
भि रव दशदिशि छावैं ॥ सोसुनि अति आनंदसोंसाने । आ-
पुहि धन्यधरापर जाने ॥ दोहा ॥ विशद सिंहासन शक्रको शुचि
तापै आसीन । कथकौशिक क्षितिपालसों सेवितप्रभाअहीन ॥
दिव्यवसन अरु आभरण दिव्यगंध स्रगस्वच्छ । सो भूषित
प्रभु को निरखि मोदित सिंगरे यच्छ ॥ दोहा ॥ गन्धर्व अप्सर
दिशपबिद्याधर सुमुनिगण आय । चढ़े याननिकरें अस्तुतिस-
रुचि सरस सचाय ॥ मुदिततन मधवान मंजु बिमान चढ़िछ-
बिछाय । थिरे अम्बरपै लखै तहैंशची सहसुख पाय ॥ परभाव

मंगल शभदबरको भयो न पारावार । रंगभूमि बिचित्रनृपसब
 गये ताकेद्वार ॥ बूझिप्रभुसों नृपतिकौशिक द्वारलौंचलिजाय ॥
 नृपनको सत्कार करिगे कृष्णपास सचाय ॥ तासमय सुर हेम
 कुम्भानि भरे मंगलवारि । मेघसम वर्षन लगे अभिषेक विधि
 अनुसारि ॥ गानअस्तुति नृत्यआशिष बाद्यजयरव भूरि । भू-
 मिनभसों बरधि ताक्षण रहे दश दिशिपूरि ॥ नगर अरु दिव
 तेहि समयभो एकनगरसमान । इन्द्र परम उपेन्द्र सुरनर रहे
 मिलि सुखदान ॥ स्वरुचि अभिषेकित प्रभुहि दै अर्घनृप स-
 मुदाय । जोरि मण्डल भये बैठत उचित आसनपाय ॥ दोहा ॥
 नृप कौशिक तहँ हवै खरे प्रभुसन्मुख करजोरि । सबिधिअर्ज
 करि नृपनकी माफकराये खोरि ॥ नृप भीष्मक फिरि जोरिकर
 प्रभुसों बोले बैन । प्रभु प्रभावलखि चित्तमें चिन्तितभये अ-
 चैन ॥ चौपाई ॥ प्रभु मम आत्मज रुक्म सुनामी । सो हवैबाल
 भाव अनुगामी ॥ चाहै कियो स्वयम्बर सोई । निज भगिनी
 को निजवश होई ॥ सो प्रकार हम नहि अनुमानै । कह्यो ह-
 मारन सो कछु मानै ॥ ताते कहँदासकीनाई । क्षमो तासुअप-
 राधगोसाई ॥ सो सुनि हँसिइमि केशवबोले । कपट भूपकेमन
 की खोले ॥ तुवसुत बालभावमें ऐसो । करै प्रौढ़ हवै करिकै
 कैसो ॥ तुमजो कहौ स्वयंवरकीबो । और भूपकै कन्यादीबो ॥
 हम नहि चहँ सुता बरिआई । करैकहौसो शिशुकी नाई ॥ इत-
 ने नृपति तिहारे आये । चल आगे तुम तिनकहँल्याये ॥ ति-
 न्हँ देखितुमअतिशय तोषे । करिसत्कार भांति बहुपोषे ॥ मम
 आगमन तुम्हँ नहि रोच्यो । सो प्रकार हमआपुहि शोच्यो ॥
 ममसत्कार न तुमकछु कीन्हें । ताते हम इत आसन लीन्हें ॥
 बल विश्राम हेत अबलों इत । रहे न तरु जाते निजपुरतित ॥
 कन्या जेहि चाहहु तिहि देहु । भय हमारमति हियमेंलेहु ॥ क-
 न्याबरत विघ्न जो करई । रौरव नरक अवशिसो परई ॥ कृष्ण

चन्द्रकी सुनि यहबानी । बोलेनृप भीष्मक भयमानी ॥ हे हम
चर्म दृष्टि प्रभु तबलों । तुव दरशन नहिं पाये जबलों ॥ अब
ह्वैदिव्यदृष्टि हमताता । भयेअसतसत विधिके ज्ञाता ॥ दोहा ॥
शरणागत ह्वै अपुनको नाथ हमैं भयनाहिं । अब चिन्तित
निज चित्तकी कहौं सांचप्रभु पाहिं ॥ बिरचि स्वयंबर अब न
हम कन्या देव बिचारि । करहुकृपा प्रभु हीयते रोष दीजिये
टारि ॥ जयकरी ॥ भीष्मकभूपतिके येवैन । सुनिबोले प्रभुकृपा
ऐन ॥ सुता तुम्हारिलेहूँ करिगौर । देहुन देहु कहै को और ॥
पै हमकथा कहें यहएक । सो तुम सति जानहु सबिवेक ॥ लिये
बिष्णु महिपै अवतार । कहे रमासों तब करतार ॥ तुमकुंडिन
पुरमें चलिजाहु । होहु भीष्मकहि तनयालाहु ॥ सो रुक्मिणि
तवसुताललाम । याहि न जानेहु लौकिक वाम ॥ है नहिं यह
नरपति के योग । इतो बूझियो योग अयोग ॥ तुमजब रचें
स्वयंवरतासु । तब सुरपतिसों आज्ञा आसु ॥ लहि इत आये
बली सुपर्ण । विघ्न करनके हेत सुवर्ण ॥ हमहूँ आये सहजसु-
भाव । उतसबदेखनकोगहिचाव ॥ क्षमाकरन तुमकहे सुलीक ।
सो यहलगो हमैं अतिनीक ॥ बुधिबरकहैं क्षमागुण जोय ।
क्षमाकिये सिधिकारज होय ॥ तुमसों प्रथम निरादरपाय । हम
इत बसे क्षमाकरिआय ॥ कथकौशिक ममकरि सन्मान । दये
मोहिं निजराज्य महान ॥ तेहि प्रभाव इनके दशपूर्व । पायेउ-
त्तमलोक अपूर्व ॥ इनहिं आदिदै ग्यारहऔर । लहिहैं उत्तम
लोक सुठौर ॥ दोहा ॥ जे नृपसम अभिषेक यह आय लखन
सचाय । तेऊ सुमन सुलोक शुचिलहिहैं समयो पाय ॥ इमि
कहि प्रभुसब नृपनकहूँ दीन्हें सहित विधान । बसनरत्नहाटक
अमल करिसबको सन्मान ॥ चौपाई ॥ यहिबिधि सबको मोदित
करिकै । सदल चले निजपुर मुदभरिकै ॥ रथढिगआवत भी-
ष्मकभूपहि । दरशाये प्रभु निजवररूपहि ॥ सोलखि भीष्मक

आनंद लाहिकै । अस्तुति कीन्हें गुरुगुण कहिकै ॥ प्रभु की
 अस्तुति करिमुदलीन्हें । अस्तुति बिहंगराजकी कीन्हें ॥ द्वै
 प्रसन्न सुनि अस्तुति स्वामी । चले सुरथ चढ़ि अन्तर्यामी ॥
 नृपसब परम प्रेमसों पागे । गये कोशभरि प्रभुसँग लागे ॥
 तब प्रभु तिनसों कहि प्रियबानी । बिदा किये सबकहँ स-
 न्मानी ॥ फिरि फिरि कथ कौशिकसों मिलिकै । बिदा किये
 अति मुदसों रलिकै ॥ इत बिदर्भपुरमें सुरआई । गेसिंहासन
 लै सुखदाई ॥ हवै प्रभुसों नृप बिदा सुखारी । गे कुण्डिनपुर
 बिरिमत भारी ॥ सभासदनमें सभा सोहाई । रचिबैठे तहँसब
 कोउ जाई ॥ जरासन्ध आदिक सबराजा । बैठे तहां मंत्र के
 काजा ॥ समाचार हो उत्तको जेतो । भीष्मक सबहि सुनायो
 तेतो ॥ समाचारकहि भीष्मकभूपा । कहे सपचिकरि बदनबि-
 रूपा ॥ जनित स्वयंवर दोष विशाला । क्षमेहुमोर सिंगरेमहि-
 पाला ॥ समाचारसबजानहुभाई । अबन स्वयंवरकियेभलाई ॥
 किये स्वयंवरविघ्न महाना । होइहि जानहु करि अनुमाना ॥
 दोहा ॥ इमि कहिकै सबनृपनको कीन्हेंबिदा नरेश । गयेनृपति
 निज निज पुरनकिये मलिन मनवेश ॥ जरासन्ध नृपशाल्व
 नृप अरु सुनीथ क्षितिपाल । दन्तबक्र नरनाह अरु महाकूर्म
 नरपाल ॥ कथकौशिक श्रीशन्त अरु बेनुदार नरनाह । का-
 शमीर को भूप अरु अरिदल सुहित पनाह ॥ इतने भूपति तहँ
 रहे मन्त्रकरन के हेत । जनमेजय क्षितिपाल मणि सुनिये बुद्धि
 निकेत ॥

इतिहरिवंशदर्पणेरुक्मिणीस्वयंवरकृष्णाभिषेकोनामसप्तदशोऽध्यायः १७ ॥

चोपाई ॥ चिन्तत भूपति भीष्मकज्ञानी । बोले जरासन्धसों
 बानी ॥ नीति निपुणहौ तुम सब राजा । तुव सम्मतलहि हम
 यहकाजा ॥ कीन्हें सोगुणि धीरज गहहू । अब जो उचितहोइ
 सो कहहू ॥ इमिकहि भीष्मकरुक्महिचाहे । तेहि निदरनहित

प्रभुहि सराहे ॥ धनि बसुदेव देवकी दोऊ । इन्हैं समान न म-
हिपै कोऊ ॥ जाके सुवन कृष्णधनुधारी । विदित बीरसत अ-
सदविचारी ॥ रिपुदल दलन धीर नयगामी । गुणी ज्ञाननिधि
अन्तरयामी ॥ ऐसोई सुतदेइ विधाता । बिना सुवनकइ रा-
खइ ताता ॥ इमिबाणी भीष्मककी सुनिकै । बोले शाल्व नरा-
धिप गुनिकै ॥ भीष्मक जो तुम यहिबिधि कहिकै । रुक्महि
निदरे रिस हिष गहिकै ॥ रामकृष्ण कहैं जीतन लायक । को
तीजो महिपै चित चायक ॥ रामकृष्ण बिनु तीजो कोहै । रु-
क्महि जीतन लायकजो है ॥ रुक्म एक धनुधर बिख्याता ।
नीति निपुण बिधिवत महित्राता ॥ परशुरामसों धनुबिधि सी-
खो । रिपुदलमर्दन गणमेंलीखो ॥ कृष्णहिदेव सनातनजानो ।
निज पुत्रहि मति निदरि बखानो ॥ ताते हमजो कहैं बिचारी ।
सो उतयोग करहु दृढ़धारी ॥ दोहा ॥ कालयवन नृपको पिता
गार्ग्यगोत्र मुनिराज । मांग्यो शिवहि अराधिवर लखि कछु
कारणकाज ॥ दीजै सुवन सुबीर मोहिं धनुधरधीर धुरीन । म-
थुरोद्भव बीरानसों जो अजेय परवीन ॥ ताते मथुरा भटनसों
कालयवन युतनीति । है अवध्य जययश लहिहि उनसों रणमें
जीति ॥ तातेदूत पठायकै करौ सहाई ताहि । हमकहैं तौ यह
रुचतहै कहौ रुचै जो जाहि ॥ चौपाई ॥ कहीशाल्वसो सुनिसब
राजा । कहे अवशि करिये यहकाजा ॥ सब नृपतिन की सुनि
यहबानी । बोलो जरासन्ध अभिमानी ॥ अबलों ममआश्रित
तुम रहिकै । हख्यो राज्य मोसों फिरि लहिकै ॥ भये चहत अ-
पराश्रित तैसे । कुलटा तियपर पतिरति जैसे ॥ सो अबकछु
संशय मतिधरहू । जातेभलजानहुसो करहू ॥ ममवृत्तांत सुनहु
सबलोगू । परआश्रय नहिं हमकहैं योगू ॥ हमैं हांकि लरिमरे
भलाई । पर आश्रय गहिबो कदराई ॥ तुम सब कहैं हम मने
न कीजै । बरु यहियोग दूत कहि दीजै ॥ शाल्वभूमि पति है

वरज्ञानी । इनकहँ दूतकरहु हितजानी ॥ हैं येबिहिता बिहित
 विचारी ॥ हैं इनको रथ नभ पथचारी ॥ अन्तरिक्ष चलियेउत
 जैहैं । महिते केशव भेदनपैहैं ॥ नृपगणसों इमिकहिमगधेशा ।
 शाल्व नृपति को दिये निदेशा ॥ नृपतुम कालयवन पहुँजाई ।
 किये मन्त्र सो साधहुभाई ॥ याते कालयवन अनखाई । जाय
 कृष्णसों करै लराई ॥ जीति तिन्हें दुन्दुभी बजावै । नृपसमूह
 आनँदसोंछावै ॥ यहिविधि ममनिदेश अनुसारा । कहेउबढ़ाई
 विशद ब्योहारा ॥ दोहा ॥ इमिनिदेश मगधेश पति सदलगये
 निजदेश । और नृपति तेऊगये निजपुर सबलसुभेश ॥ शाल्व
 नृपति नभपथगये रथपै मुदित महान । कालयवन नरनाहपै
 सादर गये सुजान ॥ चौपाई ॥ कालयवन नृप शाल्वहि देखी ।
 सानँदउठि सादर शुभभेखी ॥ चलिक्छुमंत्रिन सहितउम्माहे ।
 उचित अर्घलै अर्पण चाहे ॥ तवरथते नृपशाल्व उतरिकै ।
 बोले हिय आनँदसों भरिकै ॥ हमनहिं अर्घ योग यहिकाला ।
 हमहिं अर्घमतिदेहुनृपाला ॥ जरासन्ध आदिकनृपगाये । तासु
 दूतकै हमइत आये ॥ यातेटेरिकहैं तुमपाहीं । नृपहिदूतअरघा
 रहनाहीं ॥ सोसुनि कालयवन नृपज्ञानी । बोलेबिहँसि बिहित
 वरबानी ॥ नृपयहभेद प्रथम हमजानो । ताते तुम्हें पूज्यअति
 मानो ॥ सबके सम्मत सों तुम आये । अतिशय सुखदस्वरूप
 लखाये ॥ तुमहिं पूजि मनु सबकहँपूजै । कहै शोचनहिं मिथ्या
 कूजै ॥ इमि कहिदोऊ नृपति सयाने । मिले परम आनँद सों
 साने ॥ कुशल बूझिकहि नृपसुखदाई । बैठे सिंहासनपर जाई ॥
 बोले कालयवन सुखपाई । जेहिहित चले कहहु सो भाई ॥
 जासु कृपा लहि हमसब राजा । सदाअभीत रहैं सहसाजा ॥
 सो मगधेश तुम्हें केहिकारण । भेजे कहहु जु करहु अवारण ॥
 यहसुनि शाल्वभूप सुखपाये । जरासन्धको वचनसुनाये ॥ दोहा ॥
 जरासन्ध नरनाहपति जो कहि शुभद सुदेश । पठये मोहिंसो

सुनहुनृप कालयवन शुचिभेश ॥ इमिकहि शाल्वमहीप मणि
क्रमसोकहे सहर्ष । भयो कृष्णसों शैलढिग जिमिसंगर उत्कर्ष ॥
चोपाई ॥ तहँ द्वादश अक्षाहिणि सेना । हनेसबन्धु कृष्ण जग
जेना ॥ अरु जिमिभई विशद नभबानी । सो सबकहे शाल्व
नृप ज्ञानी ॥ कहिनृप कहे सुनहु यवनेशा । यहकहि कहे भूप
मगधेशा ॥ गार्ग्य गोत्रमुनि पिता तुम्हारे । ते सुतहेतु उग्रव्रत
धारे ॥ असिचूरण भक्षण विधिसाधे । शम्भुहि द्वादशवर्ष अ-
राधे ॥ बरंब्रूहि यह शिवकीबानी । सुनिमांगे तहँ बरबरमानी ॥
सुतउदग्र वर्चस बरबीरा । देहिं धनुर्द्धर गुणन गँभीरा ॥ जो
माथुरभट गणकहँजीतै । सिद्धिलहै सोजो चितचीतै ॥ एवम-
स्तुकहि तबशिवदीन्हें । तुम अतिउग्र सर्वगुणलीन्हें ॥ तातेराम
कृष्णके जेता । हौं तुम एक नृपनके नेता ॥ तासों हमयह मंत्र
बिचारी । तुमसों कहें सुनहु धनुधारी ॥ सैनसाजि चतुरंगिनि
भारी । मथुरापै चढ़िजाहु सुखारी ॥ कृष्णहि जीति नृपनसुख
देहू । उद्धत सुयश लोकपै लेहू ॥ यह मगधिप को महत नि-
देशा । शाल्वनृपति इमि कहे सँदेशा ॥ सो सुनि कालयवन
मुद लहिकै । बोले रणको उत्सव गाहिकै ॥ दोहा ॥ सुनहु भूप
मणि धन्यहम भये धरापर आजु । तपकीन्हें जेहि हित पिता
भयो सिद्धिसो काजु ॥ रामकृष्ण जगजैनके जीतनयोग बिचा-
रि । दीन्हें भूप दिनेश मोहिं संशयहियसों टारि ॥ चोपाई ॥ सब
नृपगण के बचनप्रभावन । अवशिलहब जययश मनभावन ॥
नृपहित हारिलहब जो भाई । कोटिजीति सम्मतउभलाई ॥
इमिकहि कालयवन मुद लीन्हें । विप्रनबोलिदानबहु दीन्हें ॥
पक्षी सुभट सभासद चोषे । दानमान करितिनकहँतोषे ॥ सोइ
क्षण शुभ दिन समुक्ति सुजाना । मथुराकहँ कीन्हेंप्रस्थाना ॥
तब ह्वै विदा शाल्वनरनाहू । रथचढ़िगे निजपुरबरबाहू ॥ इत
युगपाणि जोरिउरगारी । बोले प्रभु सों बचन बिचारी ॥ प्रभु

तुव बास योगमनभावन । है रैवत गिरि परम सोहावन ॥
 रजनीचरविहरें तेहिकानन । अरु जो दुष्टजीव पंचानन ॥ जो
 प्रभु सों अनुशासन पावों । सो बन निष्कण्टक करि आवों ॥
 सो सुनि प्रभु अनुशासनदीन्हे । गये गरुड़तहँ आनँदलीन्हे ॥
 प्रभु यदुवंशिन सह मुद छाये । चलि मथुरापुरके ढिग आये ॥
 बैशम्पायनसों इमिसुनिकै । बोले जनमेजय नृपगुनिकै ॥ जिमि
 बिदर्भपुरमें मनभाये । भो प्रभुको अभिषेक सुहाये ॥ उग्रसेन
 नृपसो सुधि पाई । किये कहासो कहहु बुभाई ॥ जनमेजयकी
 सुनि यह बानी । बोले बैशम्पायन ज्ञानी ॥ दोहा ॥ क्रमसों प्रभु
 अभिषेक को सुनि वृत्तान्त सचाय । उग्रसेनमथुराधिपति अ-
 तिशय आनँदपाय ॥ दिये दान द्विजवरनको पूजे देवीदेव । अ-
 तिशय उत्सव किये सब निज बिभूतिके भेव ॥ चौपाई ॥ बहु
 विधि उत्सव करि मनभाये । उग्रसेन नृप आनँदछाये ॥ सुख
 निधि लूटति सहित सनेहा । गे बसुदेव देवकी जेहा ॥ उनको
 सब वृत्तांत सुनाये । ते सुनि अतिशय आनँद पाये ॥ समा-
 चार कहि मोदित राजा । राम सहित रथचढ़े सुसाजा ॥ ताही
 क्षण प्रभुपुरढिग आये । पांचजन्यशुचिशंख बजाये ॥ धुनिसुनि
 उग्रसेन हलधारी । चले शीघ्र प्रभु मिलन बिचारी ॥ पुरजन
 युवावृद्ध अरु बाला । नरनारी सब चले उताला ॥ जे जैसे तैसे
 उठि धाये । सिंगरे पुरजन आनँद छाये ॥ उमँगि चले सब पुर
 जन ऐसे । शकाशशिलखि जलनिधि जैसे ॥ जिमिशैलस्थर-
 बिहि लखि नंदहि । तिमि रथस्थ कृष्णहि जन बंदहि ॥ उग्र-
 सेननृप प्रभुहि बिलोकी । उतरे महिपै निजरथ रोकी ॥ रत्न
 मयोरथ प्रभाअहीना । तापै प्रभुहि पेखि आसीना ॥ दिव्य
 वसन भूषणसों भूषे । कोटिमैनकी महिमा दूषे ॥ चामरव्यजन
 सुछत्र उदारू । अतिउन्नत गरुड़ध्वजचारू ॥ राजचिह्नसंपू-
 रणदेखी । नृपनिज हिय आनँद सों भेखी ॥ बोले श्रीहलधर

सों बैना । मोद बारिसों पूरेनैना ॥ दोहा ॥ अब रथचढ़ि मोहिं
 कृष्णके सन्मुखजाय अयोग । हैं उदार ये बिष्णु प्रभु गहेकछू
 उतयोग ॥ रहि मथुरापै गुप्त ये पुरविदर्भमें जाय । प्रगटतकी-
 न्हें आपुको लहि अभिषेक सचाय ॥ चौपाई ॥ ताते पांयन च-
 लिबो चाहैं । विधिवत अस्तुति करन उमाहैं ॥ उग्रसेन की
 सुनियहवानी । बोले राम परमप्रिय मानी ॥ भूपहिं अस्तुति
 करब न योगू । देवहि कहत चलत बुध लोगू ॥ तुमसों प्रभुप्र-
 सन्न वैसेही । मिलहुमिलत हैं जिमि तैसेही ॥ इमि बतलात
 भूप अरु हलधर । चलि पहुँचे प्रभुके ढिग बुधिवर ॥ अर्घपात्र
 लै भूप उछाहे । कृष्णचन्द्र तहँ अर्पण चाहे ॥ तिमि रथरोकि
 कृष्ण नयगामी । कहे भूपसों त्रिभुवन स्वामी ॥ मथुरा अधि-
 पति करि अभिषेका । कीन्ह तुम्हें हम सहित बिबेका ॥ तुम
 मति अर्घपाद्य मोहिं देहू । सीख हमारि मानियह लेहू ॥ तुव
 अभिप्राय बूझि हमयेहा । कहैं करहु सो तजिसंदेहा ॥ सहित
 समाज शत्रुकुल चालहु । निजपुर पुहुमि पूर्वता पालहु ॥ जि-
 तने नृप महिपै अहलादे । मान्य हमहिं तुम सबसों ज्यादे ॥
 इमि कहि कृष्णचन्द्र प्रभु मानद । दीन्हें उग्रसेनकहैं सानद ॥
 दिव्यआभरण बस्त्र यथोचित । जिमि दीन्हें हे नृपन सुरोचि-
 त ॥ आदि बिकट्रु भूपके सँगमें । हे जेते यदुवंशी मगमें ॥ द-
 शदश सहस द्रव्यमुद लीन्हें । भूषण बसन तिन्हें प्रभु दीन्हें ॥
 दोहा ॥ परिजन पुरजन सुभटगण बंदीजनहिं समोद । सहस
 सहस बसुदै सबिधि कीन्हें विशद विनोद ॥ गणिका अरुगा-
 यननिको शतशत द्रव्यअमंद । दीन्हें प्रभु यदुवंशमणि पूरित
 परमअनंद ॥ जयकारी ॥ विधिवत करि सबको सत्कार । कृष्ण-
 चंद्र प्रभु भूभर्तार ॥ उग्रसेन सों बोलेवैन । पूरेमोद बारिसों
 नैन ॥ तजिसंदेह भूपशिरताज । चढो स्वरथपै सनृपसुसाज ॥
 इमिकहि रथपै नृपहि चढ़ाय । पुर प्रवेश कीन्हें यदुराय ॥ भेरी

तुव बास योगमनभावन । है रैवत गिरि परम सोहावन ॥
 रजनीचरबिहरैं तेहिकानन । अरु जो दुष्टजीव पंचानन ॥ जो
 प्रभु सों अनुशासन पावों । सो बन निष्कण्टक करिआवों ॥
 सो सुनि प्रभु अनुशासनदीन्हे । गये गरुड़तहँ आनँदलीन्हे ॥
 प्रभु यदुवंशिन सह मुद छाये । चलि मथुरापुरके ढिगआये ॥
 बैशम्पायनसों इमिसुनिकै । बोलेजनमेजय नृपगुनिकै ॥ जिमि
 विदर्भपुरमें मनभाये । भो प्रभुको अभिषेक सुंहाये ॥ उग्रसेन
 नृपसो सुधि पाई । किये कहासो कहहु बुभाई ॥ जनमेजयकी
 सुनि यह बानी । बोले बैशम्पायन ज्ञानी ॥ दोहा ॥ क्रमसों प्रभु
 अभिषेक को सुनि वृत्तान्त सचाय । उग्रसेनमथुराधिपति अ-
 तिशय आनँदपाय ॥ दियेदान द्विजवरनको पूजेदेवीदेव । अ-
 तिशय उत्सव किये सब निज बिभूतिके भेव ॥ चौपाई ॥ बहु
 विधि उत्सव करि मनभाये । उग्रसेन नृप आनँदछाये ॥ सुख
 निधि लूटति सहित सनेहा । गे बसुदेव देवकी जेहा ॥ उनको
 सब वृत्तांत सुनाये । ते सुनि अतिशय आनँद पाये ॥ समा-
 चार कहि मोदित राजा । राम सहित रथचढ़े सुसाजा ॥ ताही
 क्षण प्रभुपुरढिगआये । पांचजन्यशुचिशंख बजाये ॥ धुनिसुनि
 उग्रसेन हलधारी । चले शीघ्र प्रभु मिलन बिचारी ॥ पुरजन
 युवावृद्ध अरुबाला । नरनारी सब चले उताला ॥ जे जैसे तैसे
 उठि धाये । सिंगरे पुरजन आनँद छाये ॥ उमँगि चलेसब पुर
 जन ऐसे । राकाशशिलखि जलनिधि जैसे ॥ जिमिशैलस्थर-
 बिहि लखि नंदहि । तिमि रथस्थ कृष्णहि जन बंदहि ॥ उग्र-
 सेननृप प्रभुहि बिलोकी । उतरे महिपै निजरथ रोकी ॥ रत्न
 मयोरथ प्रभाअहीना । तापै प्रभुहि पेखि आसीना ॥ दिव्य
 बसन भूषणसों भूषे । कोटिमैनकी महिमा दूषे ॥ चामरव्यजन
 सुञ्जत्र उदारू । अतिउन्नत गरुड़ध्वजचारू ॥ राजचिह्नसंपू-
 रणदेखी । नृपनिज हिय आनँद सों भेखी ॥ बोले श्रीहलधर

सों बैना । मोद बारिसों पूरेनैना ॥ दोहा ॥ अब रथचढ़ि मोहिं
 कृष्णके सन्मुखजाय अयोग । हैं उदार ये विष्णु प्रभु गहेकछू
 उतयोग ॥ रहि मथुरापै गुप्त ये पुरविदर्भमें जाय । प्रगटतकी-
 न्हें आपुको लहि अभिषेक सचाय ॥ चौपाई ॥ ताते पांयन च-
 लिवो चाहैं । विधिवत अस्तुति करन उमाहैं ॥ उग्रसेन की
 सुनियहवानी । बोले राम परमप्रिय मानी ॥ भूपहिं अस्तुति
 करव न योगू । देवहि कहत चलत बुध लोगू ॥ तुमसों प्रभुप्र-
 सन्न वैसेही । मिलहुमिलत हैं जिमि तैसेही ॥ इमि बतलात
 भूप अरु हलधर । चलि पहुँचे प्रभुके ढिग बुधिवर ॥ अर्घपात्र
 लै भूप उछाहे । कृष्णचन्द्र तहैं अर्पण चाहे ॥ तिमि रथरोकि
 कृष्ण नयगामी । कहे भूपसों त्रिभुवन स्वामी ॥ मथुरा अधि-
 पति करि अभिषेका । कीन्ह तुम्हैं हम सहित विवेका ॥ तुम
 मति अर्घपाद्य मोहिं देहू । सीख हमारि मानियह लेहू ॥ तुव
 अभिप्राय बूझि हमयेहा । कहैं करहु सो तजिसंदेहा ॥ सहित
 समाज शत्रुकुल चालहु । निजपुर पुहुमि पूर्वता पालहु ॥ जि-
 तने नृप महिपै अहलादे । मान्य हमहिं तुम सबसों ज्यादे ॥
 इमि कहि कृष्णचन्द्र प्रभु मानद । दीन्हें उग्रसेनकहैं सानद ॥
 दिव्यआभरण बस्त्र यथोचित । जिमि दीन्हें हे नृपन सुरोचि-
 त ॥ आदि विकट्रु भूपके सँगमें । हे जेते यदुवंशी मगमें ॥ द-
 शदश सहस द्रव्यमुद लीन्हें । भूषण वसन तिन्हें प्रभु दीन्हें ॥
 दोहा ॥ परिजन पुरजन सुभटगण बंदीजनहिं समोद । सहस
 सहस वसुदै सविधि कीन्हें विशद विनोद ॥ गणिका अरुगा-
 यननिको शतशत द्रव्यअमंद । दीन्हें प्रभु यदुवंशमणि पूरित
 परमअनंद ॥ जयकंठी ॥ विधिवत करि सबको सत्कार । कृष्ण-
 चंद्र प्रभु भूभर्तार ॥ उग्रसेन सों बोलेवैन । पूरेमोद बारिसों
 नैन ॥ तजिसंदेह भूपशिरताज । चढ़ो स्वरथपै सनृपसुसाज ॥
 इमिकहि रथपै नृपहि चढ़ाय । पुर प्रवेश कीन्हें यदुराय ॥ भेरी

दुंदुभि पटह विशाल । तूर्जशंख को स्वनमुदमाल ॥ बंदीजन
 की स्तुति धुनिभेश । जय उच्चरत जु सुभट सुभेश ॥ गजवृं-
 हित हयहीसन भूरि । रथधुनि रही दिशानमें पूरि ॥ श्रीश्रीकृ-
 णचंद्र घनश्याम । वसु वरसावत आनंदधाम ॥ उग्रसेन नृप
 औ बलराम । अरु यदुवंशिन सह अभिराम ॥ सरस सुखद
 प्रभु सहित सनेह । मोदितगे निज पितुके गेह ॥ कै मोहितब-
 सुदेव सुजान । पत्निनसह लहि म्मेद महान ॥ प्रभुहि निरेखि
 रहे तेहि ठौर । करि न सके कछु कारज और ॥ दै तहँ प्रभुहि
 अर्घ मुद धारि । चातुरि उग्रसेन की नारि ॥ कंसकियेहो अ-
 र्जनजौन । अर्पण कीन्हों धन सबतौन ॥ तब प्रभु परमकृपाके
 ऐन । बोले उग्रसेनसों बैन ॥ पुरधन राज्य बाजिगजराज । इन
 सों नहिं कछु हमसोंकाज ॥ ^{देहा} ॥ इनसबको नृपनाथ तुमक-
 रहुअचिंतित भोग । करहुयज्ञ विधिवत विविध तजहु कंसको
 शोग ॥ यहि विधिकहि भूपालसों सोधनदै फिरिताहि । सहित
 राम श्री कृष्ण गे अंतर्भवन सचाहि ॥ मधुभार ॥ हे ग्रहणकी-
 न्हें जौन । शुभशस्त्र तजितहँ तौन ॥ करिनित्य नियमितकर्म ।
 दोउ बंधु पालक धर्म ॥ तहँ करनलागे आम । बरबारता अ-
 भिराम ॥ तेहि समय आकसमाद । सुनि पख्यो दीरघ नाद ॥
 अति बह्यो रंघसवात । जेहि बढो अति उत्पात ॥ सब बिकल
 भे अनुमानि । प्रभु किये स्मित मुसुकानि ॥ सो शुभदमारुत
 मानि । प्रिय गरुड़ पक्षज जानि ॥ लखिपरे प्रकट सुपर्ण । बर
 पन्नगासन कर्ण ॥ ते दिव्यगन्ध सुमाल । हे धरे विशद विशा-
 ल ॥ लखि प्रभुहि आनंदधाम । करिदण्डवत परनाम ॥ डिग
 राजिराजे भूरि । अति अनघ आनंद पूरि ॥ प्रभु बूझिस्वाग-
 ततासु । सहबन्धु तेहि सहआसु ॥ चलिबैठि एकथलजाय ।
 भे करत मंत्र सचाय ॥ तहँ गरुड़सों यहि भांति । प्रभु कहत
 भे बरकांति ॥ यह कालयवन नरेश । अरु भूमिपतिमगधेश ॥

ये बध्य हमसोंहैन । हम लहव इनसों जैन ॥ दोहा ॥ ताते अब
 यहि नगरमें हम बसिलहव न क्षेम । याहि छोडि कहूँ अनत
 चलि बसिबो चहैंसप्रेम ॥ गरुडध्वजके वचन सुनि गरुड कहे
 ये बैन । नाथ आपसों कै बिदा जो हों गयो अचैन ॥ चोरठा ॥
 पडिचम दिशिमें जाय निरख्यो परमविचित्र थल । रैवत गिरि
 सुखदाय सागरतट रमणीय अति ॥ चौपाई ॥ अति पावन सो
 सुथर गोसाईं । सुन्दर शुभद सुखद शुभठाई ॥ है तव बसिवे
 योगसोहावन । बन उपवन पुरसों मनभावन ॥ बैनतेय की
 सुनि यह बानी । कृष्णचन्द्र मुदमंगलदानी ॥ इच्छित करिवे
 की विधिलीन्हें । उतका बसिवो रोचितकीन्हें ॥ सोसुनि उग्र-
 सेन मुदगवैकै । कहा कृष्णसों शोचित कैकै ॥ आप अनतको
 बास बिचारे । सो सुनिसव हम भये दुखारे ॥ तुम्हहिं बिना
 हम व्याकुल हवैहैं । जलबिन मीन सदृश दुख जवैहैं ॥ तुम्हहिं
 बिना हैं हम सबकैसे । बिना पुरुषकी पतिनी जैसे ॥ ताते हम
 सिगरे हे स्वामी । है मनवचक्रम तुवअनुगामी ॥ ताते जहां
 चलहु नयगामी । लयेचलहु तित सबहिं सुनामी ॥ कहेतथास्तु
 कृष्णसुनि सोई । सोसुनि हर्षितभे सबकोई ॥ यहि विधिकृष्ण
 बारता भावनि । रहेकरतरचि सभासोहावनि ॥ कालयवनइतने
 में आई । पुरडिग परो निशानबजाई ॥ तासुआगमनसुनि यदु-
 नायक । विधिवत कौतुकवितरण चायक ॥ यदुवंशीवरवृष्णिहि
 आदिक । मंत्र निपुण नय प्रियमय बादिक ॥ विधिवत तिनसों
 मंत्रदृढ़ाये । विषद भयानक व्याल मँगाये ॥ घटमें ताहि मूँदि
 चावनसों । तापै भेजिदिये धावन सों ॥ सो घट खोलि देखि नृप
 व्यालहि । समुझि सुकृष्णचन्द्र के ख्यालहि ॥ बहु पिपीलिका
 तुरत मँगाई । भेजि दियो तेहि घटमें नाई ॥ सो लखि कृष्ण-
 चन्द्र मुसुकाने । यवनहिं बुद्धिमान अतिजाने ॥ दोहा ॥ तासुबु-
 द्धिवल प्रबल लखि कृष्णचन्द्र सुखदान । बोले यदु पुंगवन

सों यह नृप बली महान ॥ हमहिं आदि माथुर भटन सों अब-
 ध्य यह बीर । रण चढ़ियासों जीतिनहिं लहबसुनहु रणधीर ॥
 ताते तुम सब शीघ्र अब तजिमथुरा सहसैन । रैवतगिरि ढिग
 चलिबसहु समुदमानि मम बैन ॥ प्रभुआज्ञा लहिकै कढ़े यदु-
 बंशी सहसाज । सह कलत्रसह धन सदल सह हयगय गजरा-
 ज ॥ पड़िचम दिशि सबचलतभे सह कुटुम्ब परिवार । सुभट
 असंख्य निशंक मति प्रभु आज्ञा अनुसार ॥ चौपाई ॥ जे भट
 बीर धीर गणतीके । मर्दन परदल सुभट अनीके ॥ तिनहिं स-
 हित प्रभु सबके पीछे । भेरिनिशानचले जय ईछे ॥ बन गिरि
 शहर नदी नद शैरत । गे रैवतगिरि ढिगप्रभुजैरत ॥ रैवतगि-
 रिको ढिग अतिपावन । शिखर मंदरोदार सोहावन ॥ हो नृप
 एक लब्धता स्वामी । ही तहँ ताकीरची सुनामी ॥ पुरीद्वारका
 अति रमणीया । प्रमुदित होत जाहि लखि हीया ॥ सो लखि
 प्रभु हिय आनंद लीन्हें । निज निवास हित रोचित कीन्हें ॥
 दै तहँ सबहि निवास सुपासू । मथुरा प्रति पलटे प्रभु आसू ॥
 एकाकी पांयन पथचारी । मथुरा प्रविशे प्रभु धनुधारी ॥ प्रभु-
 हि देखि सहसैन नरेशा । चढ़ो कालबश कै यमनेशा ॥ प्रभुकै
 सन्मुख बाण चलावन । लाग्यो भरे बीररसभावन ॥ प्रभु तापै
 कछुबाणचलाई । फिरिफिरि चले छरहरे धाई ॥ कालयवनग-
 र्वीमदपागो । दलसह प्रभु के पीछे लागो ॥ मांधाताको सुत
 जयवर्द्धन । हे मुचुकुंद भूप अरि मर्दन ॥ पूर्व देवसुर संगरकी-
 न्हें । तबते लरि इन्द्रहि जय दीन्हें ॥ कहे इन्द्रतब सरससनेहू ।
 नृप मुचुकुन्द मांगि बरलेहू ॥ दोहा ॥ सो सुनिकै पुरुहूतसों ऐसो
 कहे नरेश । बहुत काल करि युद्ध अति होहों श्रमित सुरेश ॥
 ताते चाहत करनहों निद्रा दिवस बहूत । दीजै मोहिं बरदान
 यह पुर पालन पुरहूत ॥ चौपाई ॥ सोवत मोहिं जगावै जोई ।
 भस्म होइ मो देखत सोई ॥ एवमस्तु सुनि कहे सुरेशा । सो

सुनि क्षितिपर आइ नरेशा ॥ दीरघ गुहा देखि मुदमोये । सोये
ते हैं तबलों सोये ॥ सो वृत्तान्त समुक्ति प्रभुनागर । कलितकौ-
तुकी कौतुक सागर ॥ ताके देखत प्रविशे तामें । सोवत हो
नृप जेहि सुगुहामें ॥ जाइ भूप के अमल उसीसे । बैठे छपि
बिनु ताके दीसे ॥ कालयवन नृप प्रभु के पीछे । प्रविश्यो तामें
जययश ईछे ॥ खरो पांयते कै धनुधारी । हनेसिपांयसों कृष्ण
बिचारी ॥ लांगे लातजागि नृप सोई । आंखिखोलि देखे रिस
भोई ॥ सुरपति के वरके अनुसार । कालयवननृप जरिभो छा-
रा ॥ तब श्रीकृष्ण परम सुखपाये । उठि भूपति के सन्मुख
आये ॥ कहेभूप सों आनँद भोये । नरपतिआप बहुतदिनसो-
ये ॥ जेहि कारण तुम सोये जबसों । नारद मुनिभाषे सबहम
सों ॥ नृप तुम महत काजमम कीन्हें । तुम्हहि देखि हमअति
मुद लीन्हें ॥ अति हरस्व बपुवर्चसुभेखी । पुरुष बिलक्षणप्रभु
कहँ देखी ॥ युग बिभेद मनमें अनुमानी । कहेभूप इमिप्रभुसों
बानी ॥ देहा ॥ कोतुम कित आये इतैं केहि युगमें इत आय ।
सोये हम अब कौनयुग सो सब देहु बताय ॥ सो सुनि बोले
कृष्ण प्रभु चन्द्रवंश कुलचन्द । नृपति नहुषके तनय हे नृपति
ययाति स्वच्छन्द ॥ नृप ययातिकेचारि सुत तिनमेंगुरु यदुभूप ।
ताके कुल वसुदेवमे वंश विरद अनुरूप ॥ गेला ॥ नृपति ताको
सुवन हों मैं कृष्ण मेरोनाम । दुवन मेरो दुष्ट हो यह कालयवन
सकाम ॥ रह्यो हमसों यह अवध्य सुहेतु यहि तुवपास । आइजू
क्षितिपाल मणिहों लख्यो याकोनास ॥ शयनकीन्हें आपजब
तब रह्यो त्रेता तात । अंत द्वापरको अहै कलिप्राप्त कल्मष
गात ॥ कृष्णके ये वचनसुनि मुचुकुन्द तजिगिरि गेह । निकसि
बाहेर खरेभेसह कृष्ण पूरित नेह ॥ अल्पबुधिवल बिजय अल्प
हरस्व लखि नरनारि । हीनसंपति क्षीणकांति मलीन भूमि नि-
हारि ॥ औरवंशजको निरखि निज राज्यपतिअनुमानि । कृष्ण

सों द्वै विदा श्री मुचुकुन्द नृप गुणखानि ॥ जाय गिरि हिमवंत
 पैकरि उग्रतप मुदपागि । गये स्वर्ग स्वकर्म फल लहि सुचि-
 त शुचितन त्यागि ॥ कृष्णचन्द्र उदार प्रभु नृपयवनके दल
 जाय । अश्वगज रथ अस्त्रध्वजधनुकवचहरि सुखछाय ॥ जाय
 द्वारावती में सबकहे इतको हाल । तौन सुनि यदुबंशसिगरे लहे
 मोदविशाल ॥ भोरलहिफिरि सखनसह यदुराय प्रभुकुलचंदा
 देखिवन गिरि सुथर चहुंदिशि पूरिपरम अनंद ॥ क्षत्र बर्द्धन
 करनपाय नक्षत्र शुभद महान । रौहिणीमें द्विजनको सनमान
 करि दैदान ॥ स्वस्तिवाच्य पुनीतसुनि विधिपूर्वकरि शुभकाज
 दुर्गरचनाकोकिये आरम्भ प्रभु सहसाज ॥ कहेइमि यादवन
 सों प्रभुबचनप्रिय कमनीय । पुरीनिर्मित करतहों इत सुखद
 अति रमणीय ॥ नामप्रिय द्वारावती अमरावतीसी बेश । विर-
 चि निज निज गेह तुमसुर सदृश लसहु सुभेश ॥ चौक चत्वर
 सौधसुन्दर राजमार्ग बनाय । पन्नयौरि विचित्र रचिरचि रमहु
 सुचित सचाय ॥ कृष्णके सुनिबचन यादव लहिसुदिनकर
 क्षेम । लगेरचना करनपुरकी परम पूरितप्रेम ॥ दोहा ॥ पुररचि
 बेकेकाज प्रभु बिश्वकर्माकेहेत । मनसि शकसों कहतभे यदु-
 पति कृपानिकेत ॥ लहिसुदेश सुरराजको बिश्वकर्मा तहँआ-
 य । जोरिपाणि प्रभुसोंकिये बिनय परमसुखपाय ॥ चौपाई ॥ मोहिं
 इन्द्र अनुशासन दीन्हें । जाहुउपेंद्र पास मुदलीन्हें ॥ होंसुनि
 प्रभु तवमैं ढिगआयों । पदपंकज लखिअति सुखपायों ॥ जो
 अनुशासन देहु गोसाईं । सोमैंकरों दासकीनाई ॥ तासु बचन
 सुनि प्रभुमुदलीन्हे । पुररचिबेको शासनदीन्हे ॥ सुनिनिदेश
 सो निरखि विचारी । प्रभुसोंकहे जोरि युगवारी ॥ नाथ चहुं-
 दिशि सागरजोहै । अतिसंकीर्ण कियेसो सोहै ॥ नाथ देइजो
 महि कछुसागर । तौपुर रचना बनै उजागर ॥ बिश्वकर्माकी
 सुनि यहबानी । कहे सरितपतिसों प्रभुमानी ॥ ममपुर रचना

हित सुनिलेहू । द्वादश योजनक्षिति शुचिदेहू ॥ जो सरितेश
मान्य मोहिंजानो । तौममवचन शीघ्र यहमानो ॥ प्रभुकीआ-
ज्ञा जलनिधि सुनिकै । कर्षि प्रवाहदये महिगुनिकै ॥ सम बि-
स्तरित भूमिसों ज्वैकै । विश्वकर्मा आनंदसोंग्वैकै ॥ मानस-
पुरी रचे मनभावनि । चाहतचख चितचाव चढ़ावनि ॥ चामी-
करमय विरचितचारु । रतन विचित्रित जाल उदारु ॥ यथा-
योग गृह सबकेलायक । रचिदीन्हें भरिभासों भायक ॥ भांति
भांतिके सौधवनाये । रचिविचित्र सुखमासोंछाये ॥ दोहा ॥ विरचे
विशद बजार वर विविध विधानवनाय । विश्व सुसबसे वनिक
जेहि बसिबिलसे वसुपाय ॥ बापी कूप तड़ागवर उपवनविशद
विचारि । विश्वकर्मा विरचे सरुचि सउचित सुरथ निहारि ॥
चोपाई ॥ प्रभुहि योग अतिउत्तम गेहा । मणिमय विरचेसहित
सनेहा ॥ अन्तःपुर बहु बहुविधि विरचे । हीराहेमनि हरषनि
हिरचे ॥ कृष्णचन्द्रन्यामकवरभाके । विश्वकर्माहैंशिल्पीजाके ॥
तापुर गृहकी सुखमाकोकहि । सकै सर्व गुणकी गरिमा गहि ॥
रचिपुर विशद समुद विश्वकर्मा ॥ प्रभुहि बन्दिगे स्वधरसुधर्मा ॥
शंख निधिहि तब कृष्णबोलाई । ताहिदई आज्ञा मनभाई ॥
द्वारावतिमें सानद सरसे । सर्व संपदा घरघर वरसे ॥ प्रभुनि-
देशलहि निधिपतिहर्षे । सर्व संपदा घरघर सरसे ॥ फिरिए-
कान्तै बैठिसुहाये । मुरमर्दन मारुतहिबोलाये ॥ प्रभुढिगआइ
जोरिकर सानद । मारुतकहे सुनहुप्रभुमानद ॥ जिमिहम देव-
दूत शुभभेशा । तिमितुवदीजै सुखद निदेशा ॥ यहसुनि प्रभु
जोहेअभिलाषे । सोसादर मारुतसोंभाषे ॥ जाहुशक्रपैममहि-
तमानी । सभा सुधर्मा ल्यावहुज्ञानी ॥ सुनिमारुत सुरपतिपै
जाई । सभासुधर्मा दीन्है ल्याई ॥ सभापाय प्रभु आनंदपागे ।
यदुवंशिन सह बिहरनलागे ॥ फिरि प्रभुनीति रीतिके चारी ।
नियमित किये काजअधिकारी ॥ दोहा ॥ उग्रसेनको नृप करे

सत्यसन्ध भगवान् । अनाधृष्टको करतभे सेनापति बलवान् ॥
 उद्धव कंक विकट्रुगद स्वफलकविष्टुताहि । चित्रकपृथु सात्य-
 किहि किय मंत्री बुधिबर चाहि ॥ अधिकारी वरयुद्धको किये
 सात्यकिहिजानि । सांदीपनको करतभे पुरोहित हितमानि ॥
 दारुकको प्रभुकरतभे निजरथकेरोसूत । धीरवीर बुधिमान ल-
 खि संगर बिद मजबूत ॥ यहि विधान कोबन्धरचि कृष्णचन्द्र
 सुखदानि । बिहरनलागेद्वारका मेंमुद मंगलखानि ॥ सोरठा ॥
 रैवत नृपतहैं आय ल्यायेरेवतीनिजसुता । बलरामहिंसुखदाय
 व्याहिगये बन तपकरन ॥

इतिहरिवंशदर्पणेकालयमनमरणोद्वारावतीनिर्माणोनामाऽष्टादशोऽध्यायः

दोहा ॥ निर्मितकरि द्वारावती रमिसह अंधक वृष्ण । भूपति
 सो अबकहतहों कियेचरित जोकृष्ण ॥ चोपाई ॥ प्रभुको बासद्वार-
 काजानी । जरासंध भूपति अभिमानी ॥ सबभूपन कहैं पास बो-
 लाये । सबसोंकहि यह मंत्र दृढाये ॥ रुक्मिणिको नृप सहित उ-
 छाहू । हैशिशुपालभूपसोंब्याहू ॥ तुमसब कोउतहैं जाइ सुखारी ।
 रक्षन करहु वीरधनुधारी ॥ दन्तवक्रको सुवनमहीपा । नाम सु-
 बक्र धीर कुलदीपा ॥ पांडुदेशकोभूपसुभेवा । बासुदेवके सुवन
 सुदेवा ॥ एकलव्य नृपको सुतवीरा । पंडुदेशपतिको सुतधीरा ॥
 बेणुदारि सुतबर्मा राजा । अंशुमान अरुक्राथ सुराजा ॥ नृपति
 कलिंगदेशको जोसो । अरुगान्धार देशपतिहोसो ॥ काशीपति
 आदिक नृपजेते । गेशिशुपाल संग सजि तेते ॥ मुनिवैशम्पा-
 यनसोंयह सुनि । बूझे जनमेजय नृपहियगुनि ॥ वंशदेशकोहि
 मेंरुक्मिणिजू । भई प्रकटसोकहिये मुनिजू ॥ यदुसुत हैंक्रोष्टा
 माहि स्वामी । तावंशजअपराजित नामी ॥ ता सुतहैं वृजनी-
 ब सुमानी । तावंशज अपाराजित ज्ञानी ॥ ताके पांच सुवनहैं
 आनी । तीजो सुत ज्यामेघ सुदानी ॥ भोज्योमेघभूपकेबारा ।
 ताकोनामबिदर्भ उदारा ॥ ताकेभये तीनिसुत मानो । लोमपाद

क्रथ कौशिक जानो ॥ दोहा ॥ लोमपादके बधुसुत ताकेसुत
 अद्वात । तासुतकौशिक चेदिहै तासुतचैव विख्यात ॥ चौपाई ॥
 क्रयसुत अंशुमान शुभ साजा । कौशिककेसुतभीष्मकराजा ॥
 भीष्मककेसुत रुकुम विख्याता । सुतारुक्मिणी श्रीजगमाता ॥
 बिन्धुशैलकेदक्षिणदेशा । कीन्हे राज्य बिदर्भ नरेशा ॥ तहँकु-
 ण्डिनपुरमेंनयचारी । हँभीष्मक भूपति धनुधारी ॥ सुत यया-
 तिके पुरकेवंशज । हँचैद्यो परिचर बसु अंशज ॥ ताकेसुवनवृ-
 हद्रथ गाये । जरासन्धता बंशजभाये ॥ बंशज चैद्यो परिचर-
 हीके । हे दमघोष भूपशुचिजीके ॥ रही श्रुती श्रवा ताकी प-
 तिनी । जो बसुदेव भूपकीभगिनी ॥ तासों भये पांच सुत ता-
 के । शिशुपालहि आदिक बरभाके ॥ जरासन्धनृप आनंदसा-
 ने । शिशुपालहि निजसुत करिजाने ॥ तेहि सम्बन्ध चावसों
 चोपे । अनरथमूल व्याहआरोपे ॥ लैसँग नृपन मोदसोंछाये ।
 साजि सेन कुण्डिनपुरआये ॥ रुक्म भूमिपति आगे चलिकै ।
 ल्याये तिन्हें मोदसोंभरिकै ॥ सुनिशिशुपाल बंधुकोब्याहू । रा-
 मकृष्णकोमानिउछाहू ॥ सहयदुबंशिनसाजि सुसेना । आये
 कौशिक पुर जगजेना ॥ क्रथकौशिकचलिआगेलीन्हे । मुदित
 यथोचित पूजनकीन्हे ॥ दोहा ॥ कौशिकपुर में बासकरि प्रभुसो
 निशाबिताय । प्रातकृत्यकरि सेनसह रथचढ़िचले सचाय ॥
 ताहीक्षणरुक्मिणि गई रथचढ़िसाखिनसमेत । इन्द्राणीकी मू-
 र्तिको प्रियपूजनकेहेत ॥ गुरुतोमर ॥ तहँ रुक्मिणीकोदेखिकै ।
 प्रभु हिये आनंद भेखिकै ॥ करिमंत्र श्री बलरामसों । अतिही
 सु बुद्धि निधानसों ॥ जबशचीजूको पूजिकै । बरबरणि अस्तु-
 तिकूजिकै ॥ लखि प्रभुहि हीरे नेहको । भरिचलनचाही गेह
 को ॥ तब पाणिगहि बलबीर जू । शरधनुषधर रणधीरजू ॥
 रुक्मिणिहि रथपै आनिकै । बैठाय रमणी जानिकै ॥ अतिच-
 पलबाजी हांकिकै । कढ़िचले बीरन दांकिकै ॥ बलराम वृक्ष

उपारिकै । परवर भटनकहैं मारिकै ॥ सहयादवन रिसिभारिकै ।
 थिर रहे तहैं धनुधारिकै ॥ तब जरासंधहि आदिजे । नृपरहे
 हैं उनमादि जे ॥ नैनृपति बरदल साजिकै । सब भिरे तिनसों
 गाजिकै ॥ बढि यादवो भटभावसों । भिरि लरनलागेचावसों ॥
 तहैं दुन्दुभी के भेरको । हय मैगलन के टेरको ॥ बरधनुषके टं-
 कारको । अरु भटनके हुंकारको ॥ बहुमल्ल तोमर बान को ।
 अमिभिलिम टोप मिलानको ॥ रवरह्यो पूरिदिशानमें । तेहि
 समयके घमसानमें ॥ बाहा ॥ रुक्मिणि को हरिकंसहा निजरथ
 पै बैठाय । लयेजातहैं सुनि रुकुम महत रोषसों छाय ॥ गहिको-
 दंड उदंड भट भुजदंडन तन देखि । किये प्रतिज्ञा प्रलयकर
 प्रबल प्रकर्ष बिशेखि ॥ रोल ॥ मारि कृष्णहि जौ न ल्यावों
 रुक्मिणीको फेरि । तौ न आवों या नगरमें बचन ऐसोटेरि ॥
 चल्या रथचढ़ि चावसों चितचाहि जययश पूर । सबल सत्वर
 साजिसेना सरस साँवथ शूर ॥ चले संगलगि रुक्मके नृप अं-
 शुमान सुधीर । बेणुदार महीप वरभट औश्रुतर्वावीर ॥ बेगसो
 चलि सुभट ते बहुकोश बीथीजाय । नर्मदाकेतीर प्रभुसों भिरे
 चौरेचाय ॥ रुक्ममारिकृष्णकहैं तहैं चारु चौंसठिबान । बाणस-
 त्तरिरुक्मके तन हने कृष्ण सुजान ॥ रुक्मके ध्वज सूतको शिर
 बाणसों प्रभु काटि । तजे अगणित बाणधनुसों बिकट बीरन
 डाटि ॥ अंशुमान महीपदश नृप श्रुतर्वाणों पांच । बेणुदारक
 सात प्रभुके हने तब नाराच ॥ अंशुमान महीपके उर हनेप्रभु
 यकबान । गिर्यो ताते बिह्वलै सो विदितबीर महान ॥ श्रुति
 बाणतानि महीपके बर बाजि शरसों मारि । बेधि ताको हृद-
 यरथपै दये ताको डारि ॥ बेणुदार महीपको ध्वज काटिकै
 यदुनाहैं । मारि शीघ्रग बाणदीन्हें बेधि दक्षिणबाहैं ॥ क्रोध
 करिये सुभट प्रभुपै भुके तबयकबार । मुदित हवै प्रभुकिये
 तब बहुभांति युद्ध विहार ॥ हस्तलाघव अनघ करि इमितजे

सरस विधान । सुभटसिगरे भजेजाते बिकल कैतजिसान ॥
 रुक्मनिज बलव्यर्थ लखिहैं बिकलकरि अफूसोस । हनेप्रभु
 के हृदय मधिशर पांच करि अतिरोस ॥ तीनिशर बर हनत
 भो फिरि सारथीके देह । हनेप्रभु तब साठि शर तन रुक्मके
 सहनेह ॥ काटिदीन्हें रुक्मको फिरि धनुषशरसों साधि । रुक्म
 नृपलै औरधनु तब इष्टदेव अराधि ॥ दिव्यअस्त्र अनेकबाह-
 त गयेजय अभिलाखि । काटिते सब बाणते प्रभु दये महिपै
 नाखि ॥ दोहा ॥ काटि शस्त्रसब रुक्मके प्रभु काटे फिरि तासु ।
 रथकी ईषा चारु अरु धनुष बाणसों आसु ॥ कटेचापरथ क्रोध
 करि रथते उतरि उताल । खड्गचर्म लै चलतभो प्रभुपै सो क्षि-
 तिपाल ॥ चौपाई ॥ तबप्रभु धनुधरकी विधि ठाटे । शरसों खड्ग
 मूठिढिग काटे ॥ खड्गकाटि कछुरिसि हियधारे । तीनिबाण बर
 उरमें मारे ॥ ताते रुक्म मूरछित कै कै । महिपै गिरो चावसब
 गवैकै ॥ रुक्मणि आतहि मूरछितज्वैकै । प्रभुके चरण परीदुख
 गवैकै ॥ अबमति याहि हनहु मुददानी । यह रुक्मणि की आ-
 रत बानी ॥ सुनिकै कृष्णक्रोध परिहरिकै । गये द्वारका आनंद
 भरिकै ॥ कृष्णआदि यादवसमुदाई । भूपन जीतिनिशान ब-
 जाई ॥ सेना सहित द्वारका आये । मिलिके सबसों आनंद पा-
 ये ॥ उतै श्रुतबां नृप धनुधारी । रुक्म भूपकहैं रथपै डारी ॥
 कुण्डिनपुरप्रति चलो दुखारी । चेति रुक्मतब स्वपन बिचारी ॥
 हीनप्रतिज्ञा भेहे ताते । गये न कुण्डिननगरहि याते ॥ कुण्डि-
 नपुरके दक्षिण आशा । कीन्हेंपत्तन बिरचि बिलाशा ॥ नाम
 भोजकटपुरभो सोई । तामेंबसे रुक्म सुखभोई ॥ कुण्डिनपुरमें
 भीष्मक राजा । रहे पूर्ववत सहित समाजा ॥ उतै कृष्ण विधि-
 वत मुद लीन्हें । पाणिग्रहण रुक्मणिको कीन्हें ॥ निज अनु-
 रूप प्रियावर पाई । बहुदिन रमि सप्रेम सुखदाई ॥ दोहा ॥
 उत्पतिकीन्हें दशसुवन प्रबल प्रद्युम्नउत्तार । चारुदोषणमुदेषण

सुत सुतसुषेण सुकुमार ॥ चारुगुप्त सुत चारु अरु चारुबाहु
 रणधीर । चारु बिन्द अरु चारु कहिभद्रचारु परवीर ॥ चौपाई ॥
 कन्या चारुमतीशुभ थारी । प्रकटी रुक्मिणिसों शुभचारी ॥ महि-
 षी सात और प्रभुकीन्हें । तिनके नाम सुनहु मुद लीन्हें ॥
 कालिन्दी कमनीया सोई । सुता सूर्यकी यमुना जोई ॥ मित्र-
 बिंदा सुखदाइनि सनया । सो आवंत्य भूपकी तनया ॥ भूप न-
 ग्नजित अवध अधीशा । सत्या तासु सुता नयदीशा ॥ जाम्ब-
 वान की सुता सयानी । जाम्बवती सुखदायनि मानी ॥ कैकै-
 पतिकी सुता सुखामी । भद्रा दुतिय रोहिणी नामी ॥ भद्रराज
 की सुता ललामा । नाम सुशीला अति अभिरामा ॥ सत्राजि-
 तकी सुता दुलारी । सत्यभामा अति पतिहि पियारी ॥ सैव्य-
 राज की तनया ज्ञानी । नाम लक्ष्मणा नवई रानी ॥ सोरह स-
 हस और शुभनारी । लहि प्रभु कीन्हें अतिशय प्यारी ॥ प्रकटे
 सुवन हजारन तिनके । धीर बीर दाता गिनती के ॥ तिनहिं
 सहित प्रभु आनंद द्वारे । द्वारावति में मुदित बिहारे ॥ रुक्म
 नृपति की शुभद कुमारी । नाम सुभागी सुखमाभारी ॥ रुक्म
 भूमिपति आनंद लीन्हें । तासुस्वयम्बर रोपित कीन्हें ॥ देश
 देशके भूप बुलाये । तहँ प्रद्युम्न गे आनंदछाये ॥ तहां स्वयं-
 बर सभा सदनमें । बैठे नृप सब मोहित मनमें ॥ देहा ॥ रुक्म
 भूमिपति की सुता आइ स्वयम्बर गेह । निरखि प्रद्युम्नहि सो
 तहां बरत भई सहनेह ॥ विधिवत पाणि ग्रहण करि सतिय
 प्रद्युम्न सुभेश । आये द्वारावति गये निज निज पुरन नरेश ॥
 महिखरी ॥ कछुद्योस रमिते सरुचि दम्पति सुभग सुत उत्पति
 किये । अभिराम ताकोधाम लखि अनिरुद्धपद ताको दिये ॥
 क्रमसों सुबर्द्धित द्वै विशदगुण सर्व शास्त्र सबिधि दिखे । अरु
 धनुष वेद विधान सों शुभमंत्र सह सानंद सिखे ॥ तेहि लखि
 अनूपम अरु अपूरब अति अलौकिक गुणभरे । शुचि साव-

धान सराहिवेके योग सुखमालय खरे ॥ हीरुक्मके सुतकीसु-
ता त्यहि योग सुन्दरबर गुणी । लिखि रुक्मनृपको बिहितपाती
कियो सम्मत रुक्मिणी ॥ तब साजिवेश बरात बर प्रभुभोज-
कटपुर प्रतिगये । बलरामरुक्मणिसहित यादवयूथ मन आ-
नँद मये ॥ तहँ रुक्म नरपति कर उचित व्यवहार लहि शुभ
दिन सुखी । दीन्हें सबिधि अनिरुद्धकहँ शुभसुतासुतकी शशि
मुखी ॥ अति भयो उत्सव दुहुँदिशिसों सरस आनँदसों भयो ।
लहिदानअरुसन्मानयाचक गणनकोदारिदगयो ॥ तहँ एकदिन
सब नृपतिगण द्वै एकमति मतकरिगये । नरपति रुक्मके पास
तहँ यहि भाँतिसों भाषतभये ॥ नृपअक्षखेल बिधानमें तुममहत
चातुरहौकहे । अरुहमसवैजन अक्षखेलन में परमपटुहँअहे ॥
बलरामकहँहँ अक्षप्रिय परखेल नहिँ जानहिँसुनो । हमसबहि
मिलकर जीतिहँ यहवातमनमें तुमगुनो ॥ इतबोलिताते उन्ह-
हिँ उनसों दाम लीजै दावसों । कटु बचन व्यंग प्रसिद्ध कहि
कहि कूटकीजै चावसों ॥ सुनि मोदि रुक्म नरेश मिसिसों बो-
लिवलरामहि लिये । करिबार्ता कछुचातुरी सों अक्षखेलनतहँ
गये ॥ बदिदांवधरिधरि द्रव्यदुहुँदिशि घनेघातनिखेलिकै । नृप
रुक्म जीते बलहि पांसा कितव ताके भेलिकै ॥ तब रामअम-
रष करि दये धरि कोटि मुद्रा कनकके । सोउजीति लीन्हें रुक्म
पांसा डारिकै बर बरणके ॥ सो जीति रुक्म बिदर्भपति हिय
गर्भ अतिशय गहतभे । गहिगर्व हँसिहँसि नृपनसों कटुबचन
यहिविधि कहतभे ॥ दोहा ॥ अबल अबुधि अति अपटुये अरु
अबिद्य असमर्थ । इत आये हँ बूतमिसिद्रव्य देनके अर्थ ॥
यह सुनिकै कालिंगपति बिहँसिहँस्यो करि शोर । चारु दशन
दरशायकै लखिहलधरकीवोर ॥ चौपाई ॥ सुनि हलधर अति
मनमें माखे । कहे न कछूरोकि रिसिराखे ॥ कोटिसहसदशमुद्रा
सांगे । बोलि दांवपै खेलन लागे ॥ रुक्मनरेश जीति ललचा-

ने । अक्षपात कीन्हें मुदसाने ॥ पख्यो रामको जयकेपासा । बोले
 रुक्म तऊकटु भासा ॥ यह मम दांव जीति यह मेरी । कहि भूठे
 भूगरे भूगरेरी ॥ भई इतैमें तहँ नभ बानी । जीतेहलधरआ-
 नंददानी ॥ सुनि नभगिरा रामअतिकोपे । नृपमण्डलमेंप्रलया
 रोपे ॥ मोहरभरी मंजुल थैली । धरी रही आनंद अमैली ॥ ति-
 नमें ते लै एक रिसारे । रुक्म भूप के उरमें मारे ॥ ताके लगे
 रुक्म नृप मरिकै । शोभित भये पुहुमिपै परिकै ॥ दांत निका-
 सिहँसोहो जोई । नृप कलिंगपति आनंद भोई ॥ सगरब तेहि
 अमरष सों पूरे । लातमारि ताके रद तूरे ॥ सिंह समानसकुद्ध
 गरजिकै । द्विरद सदृश नृप भटन तरजिकै ॥ कृष्णचन्द्रपैसा-
 नंद जाई । कहे सकल वृत्तान्त बुभाई ॥ सो सुनि कृष्णचन्द्र
 नाहिं बोले । निज अन्तर्गत कछूनखोले ॥ बन्धुमरण सुनि रु-
 किमणि रानी । करि रोदन अतिशय बिलखानी ॥ बोहा ॥ दैवी
 गति कहि रुक्मिणिहि केशव प्रभु समुभाइ । सहित यादवन
 द्वारका आवत भे सुखदाइ ॥ बएयोया अध्यायमें प्रभुरुक्मिणि
 कोब्याह । उत्पतिब्याह प्रद्युम्नको वर्णन कियेसचाह ॥ कह्यो
 जन्मअनिरुद्धको अरु बिबाहउत्साह । अक्षखेलि जिमि रामसों
 मरेरुक्म नरनाह ॥

इतिहरिबंशदर्पणेरुक्मिणीस्वयंवरानामऊनविंशोऽध्यायः १९ ॥

जनमे जयउबाच ॥ बोहा ॥ कहे स्वयम्बररुक्मिणी तुमवर बर्णि
 सहेत । सो सुनिहों आनंद लह्यो सुनिये ज्ञाननिकेत ॥ चोपाई ॥
 अब कहिये मुनिवर तपरासू । श्री हलधरको चरितबिलासू ॥
 जन्मेजय नृपकी बाणी सुनि । बोले बैशम्पायन मुनिगुनि ॥ अ-
 नघ अनन्त अमोघ सुज्ञाता । शेष धराधर जो बिख्याता ॥ हैं
 बलराम हलायुधसोई । जानै ज्ञानमान सबकोई ॥ अयुतनाग
 के बलसों भारो । जरासन्धहो पूरबवारो ॥ बाहुयुद्ध करिजीते
 तासों । भूषितभये भूरि भरि भासों ॥ दुर्योधनकी सुतासोहाई ॥

हरिलै चले साम्बतेहि जाई ॥ लखि दुर्योधन नृप रिस भारे ।
 गहि तेहि कारागृहमें डारे ॥ जाम्बवतीके सुवन दुलारे । सां-
 कृष्ण कहँ परम पियारे ॥ सुनि तहँ जायराम रिस पागे । सा-
 म्बहि दुर्योधनसों मांगे ॥ दिये न दुर्योधन मद माते । तबबल-
 राम अधिक रिस राते ॥ पुर परिखाको बिप्र सुहावन । तामें
 लाय हलाय सो भावन ॥ ब्रह्ममन्त्रसों विधिवत सीधे । ईंचि
 ताहि पुर उलटन ईधे ॥ पुर उलटत लखि नृप दुर्योधन । बर
 कन्या दै कीन्हें बोधन ॥ सतियसांभ कहँ लै सुखछाये । नतउ-
 न्नतपुर तजिघरआये ॥ दोहा ॥ धेनुक और प्रलम्ब अरुमुष्टिक
 आदिक बीर । को बधिबो कहिकहे जो यमुना कर्ण्यो धीरा ॥ सुनि
 मुनि के ये बचन बर जन्मेजय क्षितिपाल । फिरिबूझे मुनिराज
 सों पूरितप्रेमविशाल ॥ जयकरी ॥ रुक्म भूपकेबधके अन्त । आइ
 द्वारका कृष्णअनन्त ॥ गुणनिधि कीन्हें कहाबिलाश । सोकहिये
 मुनि ज्ञान प्रकाश ॥ नृप जन्मेजयके येबचन । सुनि बोले मुनि-
 आनंद अयना ॥ रह्यो प्रागज्योतिषपुर ग्राम । तहँबसिनकासुरबल
 धाम ॥ प्रबलप्रमत्त भरोउन्माद । करै सुरनसों हठि अनवाद ॥
 सुरगन्धर्वन की सुकुमारि । लखि चतुर्दशी तनयावारि ॥ सोलह
 सहस एकशत जानि । किहेसि एकते हरि हरि आनि ॥ महि-
 सागर ते हरिगहि नेम । हर्षित जोरेसि हीरा हेम ॥ सुवन भूमि
 कोअति बलवान । नकासुर अध ओघअमान ॥ प्रागज्योतिष
 पुरपति निरदन्द । सब असुरनको अधिप अमन्द ॥ रत्ननि
 को पुर ढिग बरफैल । रचेसि चारु अति सुन्दर शैल ॥ पुरमें
 रक्बा चारिउ द्वार । द्वारे चारिचारिखवार ॥ हयग्रीव यूथप
 सरदार । पालत होसो पहिलोद्वार ॥ निसुन्दवती द्वार निसु-
 न्द । तीजीपौरि पंचजनतुन्द ॥ चौथी पौरिरहै अमनैत । सुव-
 न सहस्र सहित सुरदैत ॥ दोहा ॥ नकासुर असुराधिपति निज
 भुजबल के जोर । हरेसि सुकुण्डल अदितिके पारिस्वर्ग में

शोर ॥ ऐरावत चदिइन्द्र तब आये प्रभुकेपास । चिन्तचित्तमें
 चाहिकै नर्कासुरको नास ॥ चौपाई ॥ रामकृष्ण आदिक यदुबंशी ।
 हे बैठेजहँ कृष्ण प्रशंशी ॥ तहँ सहसा सहि आवत देखी ।
 उठि मोदित ते सरुचि सुभेखी ॥ अर्घ पाद्यदै मोदित कीन्हें ।
 यथा उचितशुचि आसन दीन्हें ॥ आसनस्थ सहस्राक्ष स्वहा-
 ये । सानँद प्रभुसों बचन सुनाये ॥ जो हित हेति इहांहम आये ।
 सो प्रिय बन्धु सुनहु मनभाये ॥ महि सुतनर्कासुर बलभारी ।
 है अतिपाप कर्म अधिकारी ॥ तपविधिसो बरपाइ अयानो ।
 है अबध्य सुरगण सो जानो ॥ सुर गन्धर्व यक्ष अप्सरगण ।
 अहनिशि देइ तिन्हें दुखगहि पण ॥ हरेसि अदितिके कुण्डल
 सोई । कुटिल कलंकी कुमती सोई ॥ सुनि मन बचन मोद सों
 पागी । करहुतासु बध सुरहित लागी ॥ खगपति इत आयेमम
 गोहन । करहुशीघ्र तापै आरोहन ॥ चक्रपाणिचातुर जगनेता ।
 बधहु ताहि नैऋत कुलजेता ॥ दश शताक्षकी बाणी सुनिकै ।
 कृपासिंधु प्रभुमन में गुनिकै ॥ सत्यभामा सह आनँद दाता ।
 चदि खगेश पै त्रिभुवन त्राता ॥ साथहि चले शक्रके मानद ।
 गहिनिज आयुध पूरित आनद ॥ इन्द्र उपेन्द्र धनुष शरधारी ।
 ऊरध चले गगनपथचारी ॥ बोहा ॥ आवह प्रबहिहि आदि दे
 वायुमार्ग जेसात । क्रमसों तिनपै चलिभये इन्द्र उपेन्द्र विभात ॥
 महिसो यदुबंशी तिन्हें लखे ऊर्ध्वकरि गौर । गजपति खगपति
 सहित शुचिरवि शशिसमयकठौर ॥ अप्सर अरु गन्धर्वसोंतहँ
 अस्तुति सुनिधीर । शक्रगयेनिजलोक प्रभुप्राग्न्योतिषपुरबीरा ॥
 चौपाई ॥ करि अति बेग बिहँगके स्वामी । क्षणमें तहँपहुंचेनभ
 गामी ॥ दूरिहिसो प्रभुद्वारे देखे । षटसहस्रभट आयुधभेखे ॥
 भट गजस्थ बाजिस्थ सयाने । अरु रथस्थपैदर उमदाने ॥ ति-
 न्हहिं लोखि प्रभु आनँदसाने । धनुटंकार किये मनमाने ॥ तब
 लखिप्रभुहि दैत्य सुनि ज्ञानी । जानेसिबिष्णुवेष अनुमानी ॥

गहिकर शक्ति क्रोध सों छायो । सेना सह उठि सन्मुख धायो ॥
 दीरघ शक्ति हेम सो भूषित । सो प्रभुपै छाड़ेसिमति दूषित ॥
 तेहि आवत लखि कृष्ण अखेदे । शर क्षुरप्र सों बीचहि भेदे ॥
 तब मुरदैत्य क्रोध अति धारेसि । गहिगुरुगदा दूरसो मारेसि ॥
 प्रभुलखि बाणगदामधि मारे । काटि बीचसों महिपैडारे ॥ करि
 अतिक्रोध दानवन डाटे । मुरको शीश शूलसों काटे ॥ मुरको
 मारि धनुष शर धारे । ताके संग के सुभटसँहारे ॥ तिन्हहि मारि
 प्रभु महिपै डारे । नांघे प्रथमप्रकार सुखारे ॥ दुतियपौरिके तहँ
 रखवारे । भिरे आइते अतिरिस भारे ॥ असुर पंचजनवर
 बलवाना । दैत्यन शुण्ड उदण्ड अमाना ॥ हयग्रीव दितिसुत
 बलभारी । भिरे आय तहँ सब धनुधारी ॥ दोहा ॥ सेन सहित
 ते असुर तहँ कीन्हें युद्ध महान । विदित बीरबानैतवर प्रबल
 प्रकर्ष अमान ॥ रथचढ़िबीर निसुन्दतहँ प्रभुके सन्मुख आय ।
 मारतभो दशबाणवर महत क्रोधसों छाय ॥ जयकरी ॥ निजशर
 सों प्रभु ताशरकाटि । मारेताहि सातशरडाटि ॥ सो सुभटन
 सहबाणचलाय । दीन्हेसि शरको जाल बनाय ॥ तबश्रीकृष्ण-
 चन्द्र जय ईछि । उग्रप्रजन्य मंत्रसोंशीछि ॥ बाणसबै सुभटन
 केबारि । पांच पांचशर तिनको मारि ॥ दीन्हेंमारिभूमि परडा-
 रि । तब निसुन्द अतिरिस विस्तारि ॥ मारि बाणवर भुजके
 जोर । शरपंजर कीन्हेसि चहुँओर ॥ तबसावित्र शस्त्रतजि
 चारि । शरपंजर प्रभुदये बिदारि ॥ तबशरसो रथधनुध्वजभे-
 दि । अरुहय शीश सूतकोछेदि ॥ भटनिसुन्दपै भल्लचलाय ।
 कीन्हेंतासुशीश बिनुकाय ॥ सत्वर दीरघ शिलाउठाय । मारे-
 सिप्रभुपैसबलचलाय ॥ लखि श्रीकृष्ण बाणवरवाहि । बीचहि
 दयेचूर्णकरिताहि ॥ प्रभु चलाय बरबाणअलेष । राक्षस सेना
 कीन्हे शेष ॥ हयग्रीवतब अतिरिस धारि । लीन्हेंसि दीरघवृ-
 क्षउखारि ॥ होदशव्यामजासुबिस्तार । सोप्रभुपैडारेसिदृढ़सा-

र ॥ प्रभुतजि शीघ्रगवाणहजार । काटिकियेतेहितिलकेतार ॥
 दोहा ॥ फिरि गरुडध्वज कृष्ण प्रभुमारि एकवरबाण । हयग्रीव
 बरबीरको कीन्हें तनविनु प्राण ॥ पंचजनहि आदिक सुभट
 आठलाखवरबीर । मारितहां श्रीकृष्णप्रभु शोभितभे रणधीरा ॥
 चोपाई ॥ प्राग्ज्योतिषपुर ध्वंसन करिकै । श्री श्रीकृष्णचन्द्र मुद
 भरिकै ॥ मध्य कछूमैंहो छबिछायो । नाम पंचनद बिशदबना-
 यो ॥ नरकासुर असुराधिपताको । मंजुमहतपुर पुयधरभाको ॥
 ताके पासगये छबि छावत । पांचजन्य शुभशंख बजावत ॥
 धुनिसुनि तनधनके मदमातो । कै नरकासुर अति रिसरातो ॥
 लोहहेम रत्ननिमय भारी । पूरित शस्त्र सहस हयधारी ॥ रथ
 विशालपै चढ़ि धनुधारी । प्रभुके सन्मुख चलो सुखारी ॥ बि-
 बिध भांतिके आयुध धारे । सुभट असंख्य बीजबलभारे ॥
 चले संग बलकत गर्बीले । हयगजरथ चढ़िबने छबीले ॥ बीर
 पदाती धीर नुकीले । चले चावसों छकि छरकीले ॥ घननादो-
 पम बाद्य बजावत । घने समान निशान घुमावत ॥ गोससेन
 तहैं जहैंहैं स्वामी । शारंगधर नागांतक गामी ॥ सैनिकसुभट
 सहित मुदप्राग्यो । अस्त्र अनगिने मारनलाग्यो ॥ शक्तिशूल
 शरपाश सोहाये । भिन्दिपाल बरगदा बनाये ॥ तोमर भल्ल
 आदिहैं जेते । शस्त्रचलाये तेतहैं तेते ॥ शीक्षित सुभट सुगौ-
 रव लीन्हें । नभमहि पूरि शरनसों दीन्हें ॥ दोहा ॥ कृष्णाम्बुद
 रुचि कृष्णप्रभु गहि कौदण्ड विशाल । तजे अनन्त अमोघ
 इषु कौणपकुलके काल ॥ अस्त्रजाल राक्षसनके निज बाणनसों
 भेदि । शिरभुज कटि पगभूमिपै डारे तिनके छेदि ॥ गुरुतोमर ॥
 शिरकटे कितने डोलहीं । धरु मारु कितने बोलहीं ॥ भुजकटी
 जिनकी दाहिनी । ते बामकरअंग पाहिनी ॥ लैखरे अनुपम
 भावसों । हे कितेभट शरघावसों ॥ भटजिते निशिचरराजके ।
 हैं दैत्य दापदराजके ॥ ते लगे प्रभुके बाणके । सबगिरे कै विनु

प्राणके ॥ गजवाजिरथ धनुवानसों । प्रभु दयेकाटिविधानसों ॥
 परसेनमें जेते रहे । नहिं एकबिनु भेदे रहे ॥ यह दशालखि
 निजसैनकी । अतिदुसह बिपदाएनकी ॥ असुराधिपति जय
 चोपसों । कोदण्डगहि अतिकोप सों ॥ बरदिव्य अस्त्र बनाव
 सों । भोतजत प्रभुपै चावसों ॥ सो अस्त्रचक्रचलायकै । प्रभु
 दये काटि बचायकै ॥ फिरि तासु ध्वज हय सूतको । धनु कवच
 रथ मजबूत को ॥ प्रभु मारि बाण बिबेकसों । करिबहुत दीन्हें
 एकसों ॥ कै बिरथ विधनु सुवीर सों । बर तजेसि शूल सुधीर
 सों ॥ सोउ बाणसों प्रभु काटिकै । असुराधिपति को डाटिकै ॥
 तेहि युद्ध विधि इमि शीछिकै । भे मुदित निजजय ईछिकै ॥
 वेहा ॥ उग्रप्रभाव उदग्र रुचिचक्र अमोघ चलाय । नरकासुर
 को बधकिये कृष्णचन्द्र यदुराय ॥ नरकासुर निजसुवनको मर-
 णदेखि दुखपाय । कहतभई श्रीकृष्ण सों भूदेवी तहँ आय ॥
 नाथ याहि तुमदीन्हेंउ मोही । तुममाख्यो यहि अवगुणजोही ॥
 हौ तुम स्वेच्छाचारी साई । क्रीड़ाकरहु बालकीनाई ॥ अदिति
 देविके कुण्डल जोई । नरकासुर ल्यायो रिस भोई ॥ सो यह
 मोहिं दये हो ल्याई । लीजै यह प्रभु रोष बिहाई ॥ राज्यरत्न
 धन हय गजनारी । लेहुतासु लीला विस्तारी ॥ इमिकहि पृ-
 थिवी कुण्डल दैकै । गई प्रभुहि लखि आनंद लैकै ॥ तब प्रभु
 अति सुषमा सों भेखे । मोदित जाय कोशगृह देखे ॥ मरकत
 मणि आदिक मणिजेते । लखे असंख्य तहांप्रभु तेते ॥ मुक्ता
 अरु प्रवाल छवि छाये । चन्द्रकांत के ढेर लगाये ॥ जातरूप
 कलधौत सोहाये । लखे अतौलन जातबताये ॥ हो नरकासुर
 के घरजेतो । धनन धनाधिपके घरतेतो ॥ कोशसदनके रक्षक
 भाये । पृथक्पृथक् सब प्रभुहिलखाये ॥ तिनमें जितनीसुषमा
 छायो । कृष्णचन्द्रके मनमेंभायो ॥ राक्षसगणके शीशचढ़ाई ।
 दीन्हें सो निजपुर पहुँचाई ॥ फिरिकरि पक्षिराजको आदर ।

चढ़िगे मणि पर्वत पै सादर ॥ बैठे पक्षिराजपै सानद । लखत
 भये तहँ केशव मानद ॥ दोहा ॥ मध्य शैलमें कन्दरा बनी बि-
 शद रमणीय । रतनमयी आलयतहां चित्रित अतिकमनीय ॥
 सुर गन्धर्वनकी सुता तहँ देखे अभिराम । सोलहसहससुएक-
 शत कंचनकीसी दाम ॥ चौपाई ॥ ते सब नरकासुरकी आनी ।
 ब्रती कुमारी तेजस सानी ॥ तेसब प्रभुहि पेखि प्रभु चीन्हीं ।
 अतिमोदित शुभ अंजलि दीन्हीं ॥ अंजलि माथ कृपालु नि-
 हारी । कृपा कटाक्षहि सों असुरारी ॥ सुन्दर दिनमणि सुरुचि
 सुदिनके । पाणिग्रहण कीन्हें प्रभु तिनके ॥ दै अंजलि तेसरस
 सयानी । कहत भई प्रभुसोंबरबानी ॥ नाथ एकदिन मारुत आ-
 ई । गेहैं ऐसो बचन सुनाई ॥ सोई बचन महत मुनि नारद ।
 कहिगे हे बर बिदित विशारद ॥ शंखचक्रधर खगपतिगामी ।
 गदाधनुषगहि अन्तर्यामी ॥ ससयन नरकासुरको मरिहैं । तुमहि
 प्रिया करि मोदित करिहैं ॥ नाथ आजु तुम सोई कीन्हें । ह्वै
 प्रसन्न निज दर्शन दीन्हें ॥ यह सुनि कृष्ण प्रेम अति गहिकै ।
 उचित बचन प्रिय तिनसों कहिकै ॥ रहे बृद्ध राक्षस तहँ रक्षक ।
 तिनको दै आज्ञा प्रभु दक्षक ॥ शिविका यान सचाह मैगाये ।
 सादर तिन पै तिनहि चढ़ाये ॥ सँगकरि सुभट समूह सोहाये ।
 बेगि द्वारका तिन्हें पठाये ॥ तेहिगिरिको जो शृंग सोहावन ।
 मणिमय अर्चित हो मनभावन ॥ तापै जे अस्थावर जंगम ।
 हैं कीन्हें अति अनुपम संगम ॥ दोहा ॥ पक्षिराजते उतरि प्रभु
 तिन्हहि सहित सोशैल । गहि उखारि धरि गरुड़पै गहे स्वर्ग
 की गैल ॥ प्रभु आज्ञा लहि बिहंगपति भेरो परिक्कै जाय । शक्र
 शचीके द्वारपै उतरत भये सचाय ॥ चौपाई ॥ उतरि गरुड़ से
 प्रभु सत्यभामा । गे जहँ शक्र शची अभिरामा ॥ यथायोग्य
 जेहँ जस जिनसों । बन्दि मिले तहँ ते तिमि तिनसों ॥ कुशल
 प्रश्न कहि सुनि मुद लीन्हें । प्रभु सो कुण्डल शक्रहि दीन्हें ॥

लैकुण्डल सह शची सुखारे । सतिय कृष्ण सह इन्द्रपधारे ॥
गये अदितिके सदन अनंदे । दै युग कुण्डल शुचि पगबंदे ॥
इन्द्र उपेन्द्र शची सत्यभामहि । दिव महिपालन कर अभिरा-
महि ॥ आशिष दीन्हीं अदिति सुमाता । सुनि प्रमुदित भेदोऊ
आता ॥ समाचार तब इन्द्र सुनाये । जेहि विधि केशवकुण्डल
ल्याये ॥ सतिय अदिति सों शासन लहिकै । श्री श्रीकृष्णचन्द्र
मुद गहिकै ॥ सादर बिदा शक्र सों कैकै । चढ़ि खगपतिपै न-
न्दन ज्वैकै ॥ पारिजात तरु सरस सोहायो । पुष्पित तहँ प्रभु
के मन भायो ॥ गहि उपारि तेहि लीन्हें चावन । चले गरुड़ पै
धरि मनभावन ॥ सो सुनि शक्र रोकि रिस राखे । बूझि प्रभाव
कछू नहिं भाखे ॥ सुर मुनि गणसों अस्तुतिभाये । सुनि श्रीकृष्ण
द्वारका आये ॥ वृष्णि आदि सब यादव गनसों । मिले यथो-
चित गुरु लघुजन सों ॥ सह परिवार मोदसों पागे । बहुरि पू-
र्ववत बिहरनलागे ॥ दोहा ॥ बरणे यहि अध्याय में हलधर केर
प्रभाव । अरु द्वावतिपुरी में शक्रागमन सचाव ॥ नरकासुर
को बध बहुरि सहसइन्य परिवार । तिय समूहको लाभ फिरि
बरणे सहबिस्तार ॥ स्वर्ग गमन फिरि कृष्ण को शक्र अदिति
सम्भास । बहुरि आइकै द्वारका बरणेबिशद बिलास ॥

इति श्रीहरिवंशदर्पणेनरकासुरबधोनामविंशतितमोऽध्यायः २० ॥

जन्मेजयउवाच ॥ दोहा ॥ कृष्णचन्द्र के चरित सुनि मोमन तृप्ति
लहैन । ताते कहिये और अब चरित सुमुनि तप ऐन ॥ चौपाई ॥
सुनि नृप बचन कहे सुनि आरज । किये कृष्ण प्रभु फिरि जे
कारज ॥ एक दिवस प्रभु अन्तर्यामी । सहित रुक्मिणी त्रिभु-
वन स्वामी ॥ रैवतगिरि पै जाय सुखारे । रुक्मिणिको सम्मत
अनुसारे ॥ उत्सव कीन्हे निज अनुरूपा । आनंद अयनअपूर्व
अनूपा ॥ तहांबासगृह विशद रचाये । संपूरणपरिवार बुलाये ॥
द्विज समूहको अर्चन कीन्हे । करि सन्मान दान बहुदीन्हे ॥

बन्दीजन अरु अर्थी जेते । प्रभुसों लहे दान तहँ तेते ॥ बन्धु-
 बर्गकेकरि रुचिरोचित । बेस बासबसु दिये यथोचित ॥ बहु-
 बिधि तहँ उत्सवकरि मोदे । सह कलत्र करिबास बिनोदे ॥ रु-
 किमणिके घरमें तहँ सानद । बैठे रहे कृष्ण प्रभु मानद ॥ तेथर
 मुनिवर नारद आय । पूजि यथोचित प्रभु बैठाये ॥ पारिजात
 को पुष्प सोहावन । दिये कृष्ण कहँ मुनि मनभावन ॥ कृष्ण
 अपूर्व पुष्पसो चीन्हे । प्रेमसहित रुकिमणि कहँदीन्हे ॥ रुकिम-
 णि पति इच्छा अनुसारी । भामिनि भावन भाव बिचारी ॥ रा-
 खत भई शीशपै ताको । ताते लहीदुगुण बरभाको ॥ तब नारद
 रुकिमणिसों बोले । पारिजातकी महिमा खोले ॥ दोहा ॥ देवि
 तुम्हारे योगयह पारिजातकोफूल । ईच्छितसौरभकोसदा-देन-
 हार अनुकूल ॥ शीत उष्ण मन मानको देनहार सुखदानि ।
 बांछित रसको श्रवतयह मनकी बांछा जानि ॥ क्षुधा पिपासा
 जराको है यह बरजनहार । सम्बतसर पर्यन्तयह ईच्छितदे-
 त बिहार ॥ चौपाई ॥ राति दीपसम सुभग उजेरी । रहित पुष्पके
 चहुंदिशि घेरी ॥ अदिति उमा अरुशचीसोहाई । इन्हहिं आ-
 दि सुर तिय सुखदाई ॥ पुष्प एक प्रति सम्बतधारै । लहि सो-
 हाग पतिसंग बिहारै ॥ सो यहफूल कृष्ण के करसों । लहेहु
 देवितुम अति आदरसों ॥ सांच बचन मानहु मनमाहीं । तिय
 न तुम्हाहिं समकोउ जगमाहीं ॥ सत्यभामा आदिक जे रानी ।
 निज सुषमाकोहै अतिमानी ॥ तिनमें सत्यभामा बरमानी ।
 निज सोहागकी सगरब जानी ॥ तुव सोहाग लखि सबै सिहै
 हैं । सत्यभामा लहिहारि लजै हैं ॥ निज सोहागकी ईहा तजि
 तजि । लहिहैं अबसब तियगुणि लजिलजि ॥ नारदमुनि हिय
 कछु अभिलाषे । यह सुबचन रुकिमणिसों भाषे ॥ आपुहि पतिहि
 एकतिय जानों । और तियनकहँ न्यारीमानों ॥ सो सुनि सखी
 सकल मानिनकी । सत्यभामा आदिक रानिनकी ॥ कही जाय

निज निज स्वामिनिसों । गजगामिनि भामिनि कामिनि सों ॥
 सो वृत्तान्त सबैतिय सुनि सुनि । चिन्तित भई चित्तमें गुनि
 गुनि ॥ सखियनसों सुनि सो सत्यभामा । रूपप्रेमगुण गर्वित
 बामा ॥ मान अमान मान करि मानिनि । ठौनि अटान ठानकी
 ठानिनि ॥ दोहा ॥ भूषणबसन जु अँग सरिस तेहि द्वै सरिसउ-
 तारि । प्रविशी कोप निकेतमें बसनइवेत शुचिधारि ॥ तनुअं-
 शुक शुचिइवेत सों बेष्टिभाल शुभदेश । लेपि अरुण चन्दन
 कियो गोपित बन्दनभेश ॥ चौपाई ॥ ऊबि उसांस लेतिरिसरा-
 ती । त्योरितरेरिभांति अवदाती ॥ सुमिरि सुमिरि शिरकंपन
 करि करि । जलपति गिरा रोषसों भरि भरि ॥ धरि करतल पै
 चारु कपोलै । तकिअनिमेष क्षणक नहिं बोलै ॥ सुपति सेज
 पै उठि फिरि सोवै । अति उदबेग दशासंभोवै ॥ श्वासनिभु-
 रैकमल संपूरण । तजति नखनसों करिकरि चूरण ॥ चरणअं-
 गूठा सो महिलेखति । समुझि समुझि अमरष ते तेखति ॥ उतै
 कृष्ण प्रभु अंतर्यामी । यह वृत्तान्त जानि महि स्वामी ॥ रुक्मि-
 णिके गृह सों उठि आतुर । पठै प्रद्युम्नहि मुनि ढिग चातुर ॥
 चिन्तित शंकितसे मनभाये । सत्यभामाके आलयआये ॥ दूर
 हिते सत्राजितजाके । लखिअनुभाव भावबरभाके ॥ चपेचरण
 चलिआनंद साने । अलिके ओटजाइ नगिचाने ॥ जबवहडारि
 बदनपै अंचल । रही सोय तब चातुर चंचल ॥ जाइ पिछों हे
 बीजन लीन्हें । नयनसैन सखियनकहैं कीन्हें ॥ हौजैसे तैसेही
 रहहू । मम आगम को भेद न कहहू ॥ इमिकहि कौतुक के रँग
 पागे । बीजनमंद डोलावन लागे ॥ उत जो पारिजातकोपावन ।
 हैं लीन्हें करकुसुम सुहावन ॥ तेहि प्रभाव शुभ सौरभ नीको ।
 बगर्यो घरमें मोदद जीको ॥ दोहा ॥ तेहि अपूर्व सौरभसुखद
 कोलहि घ्राण सुजानि । सत्यभामा ह्वै चकित उठि बैठीअच-
 रजमानि ॥ यहसौरभ केहिपुष्पको परतनहींपहिचानि । आवत

कितसों सखिनसों कहत भई अनुमानि ॥ ^{सेला}॥ सखी गण सुनि
 कृष्ण के भय सकीं नहिं कछु भाखि । शंकिसत्यहि भई प्रणमित
 शीश महिपै राखि ॥ ताहि परिमल को प्रभाव तहँ चहूँदिशि
 चखफेरि । लगी हेरन सत्यभामा परेप्रभु तबहेरि ॥ लखतही
 चख कमलते कदिचले अलिजल बून्द । पेखिजेहि श्रीकृष्ण
 के मन कियो मनमथ दून्द ॥ गौरसों करि त्योर तिरछे डौरसों
 सतुराय । फेरि मुखधरिपाणितलपै लही शीश नवाय ॥ तजत-
 ही तिय नयन ते ज्यों बारिअति अनखाय । पाणि पुटमें ताहि
 लैप्रभुलये उरमेंलाय ॥ बारि हियसों लायकै निज प्रेमबरदर-
 शाय । कहे बचन बिनीत बिधिवत गहेपटुताभाय ॥ प्राणप्या-
 री हेत कहि चख कोकनदते बारि । तजतिहौ ममखेददायक
 शोच चित संचारि ॥ सुरँग बसनउतारि कतधरि इवेतसारी
 बेश । देव पूजन बिना बैठिहु धारि अनुचित भेश ॥ भूरिभूष-
 ण रत्नकेकत धरे दूरिउतारि । सुखद सिंगरे सौज हठिकत दि-
 हेहु ढिगसों टारि ॥ मान दिन लहि आभरणसुनुछत्र बिनमृग-
 नयनि । बदन शशिन बिभात अति सति मान हं पिक बयनि ॥
 पूर्ववत लखि सरसकत नहिं देतिहौ म्वहिं मोद । भूलिसीकत
 गई हो तिय आजुसकल बिनोद ॥ जानि किंकर आपनोमोहिं
 करहुसूधे नैन । मंजुमम मन मथनमन्मथ बाणसे जगजैन ॥
 कृष्ण के कृश बचन सुनि कृशतनी करि कृशमान । कृती कैकृत
 कृत्यकरि कृतकृत्य को अनुमान ॥ कोपि कृत्रिम शोचिकृपिणी
 नेहकी कथनीय । कृपाकी करि क्रिया बोली करषिमनकमनीय ॥
 नेह निजकी निपुणतासों नाथ थोरोनेह । रही जानत आजुलों
 निजनेह सदृश अबेह ॥ देखि सुनि परतक्ष सों वह परो अब
 पहिंचानि । बचनकहिबो मधुर सों तुव चातुरीकी बानि ॥ दोहा ॥
 मोपै करहु सनेह जोहै ताको अनुभाव । दक्षपुरुषके कितब जो
 ताको विशद बनाव ॥ शुद्धहृदयमन ओर सों गहेनेहकी नीति ।

हमसों भावनहौ गहे सहजलोककी शीति ॥ चोपाई ॥ सहजनेह
हो मोपै जोऊ । अब तुम औरहि अर्पेहु सोऊ ॥ नाथहमेंनहिं
सुखकी ईहा । तप करिहैं गहि निर्जन ठीहा ॥ बिनुपाये पति
आज्ञा नेकौ । उचित न तियको तप व्रत एकौ ॥ पति आज्ञा
बिनु हठतिय कोई । करै क्रिया सो निष्फल होई ॥ ताते मोहिं
देहु अनुशासन । करैं सुचित ह्वै व्रतउपवासन ॥ इमिकहिन-
यन बारिभरि प्यारी । तजन लगी ह्वै महत दुखारी ॥ पतिको
पीत बसनगहि भामिनि । ईचि दोऊकर पै धरि कामिनि ॥ ब-
दन सनयन मूँदि सुखदाइनि । मंजु मनोहर भाव लखाइनि ॥
सो लखि कामदानि गुणसागर । बोले सत्यभामा सोनागर ॥
मानिनि मान अग्निके भारण । दहहुगातममसोकेहिकारण ॥
कहिसिं अराउ शीघ्र मेधाबिनि । शशि मुख बचन सुधासम
आबिनि ॥ सुनि पति वचन प्रिया सत्यभामा । पतिव्रतपालि-
नि अति अभिरामा ॥ चखगर भरेहरे लखिबोली । मानठान
को कारण खोली ॥ ममसोहाग तुमहीं गुरुकीन्हें । सब सीम-
न्तिनमें मुदलीन्हें ॥ मम सोहागलखि सबै सिहाहीं । सत्यास-
दशप्रिया कोउनाहीं ॥ तेसबदशा सखिनसों सुनि सुनि । हैंसि-
हैं हमहिं न्यून अबगुनिगुनि ॥ दोहा ॥ पारिजात को कुसुमजो
अनुपम अति सुखदाय । नारदमुनि तुमकहँदये समुदस्वर्गते
लाय ॥ सो लै तुमताकोदये जो अति तुमहि पियारि । मोपैरह्यो
पियारसो हियते न्यारे टारि ॥ जयकरी ॥ जबतुम दये सुमनसन-
मानि । तबमुनि अधिक प्रियातेहि जानि ॥ कियेतासु अस्तुति
बहुभांति । सोतुम सुने मोहिंसोंराति ॥ अस्तुति किये करैमुनि-
राय । तुमहुं सुने सूनौगहिचाय ॥ पर मम भाग्यहीनको नाम ।
कतलीन्हें तहँमुनि तपधाम ॥ गौरवतासु न्यूनतामोरि । नारद
कहे बहोरिबहोरि ॥ सो तुम सुनो चोप अधिकाय । यह दुख
मोसों सहो न जाय ॥ ताते सुनहु कहौ परियाय । देहु निदेश

करौं तपजाय ॥ ज्ञातिवर्गमें कै अतिहीन । रहिबो ताते मरिबो
 पीन ॥ मान सहित नीको संसार । मानगये मरिबो अधिकार ॥
 सुनि सत्यभामाके ये वयन । हँसिबोले प्रभु राजिवनयन ॥
 सुनहु प्रिया वहसुमन सराहि । निजकर दीन्हें नारदताहि ॥
 इतनोई मन दोष विशाल । मुनिहि न बरजिदिये तेहिकाल ॥
 क्षमहु प्रिया मम सो अपराध । मानिलेहु मम बिन आराध ॥
 पुहुपसु पारिजातको एक । तांके हेत गही तुमटेक ॥ तजहुमान
 देहौं सुखदानि । पारिजातको तरु त्वहिं आनि ॥ तासुकुसुमलै
 लै मन मान । बिहरहुकामिनि यथा विधान ॥ दोहा ॥ प्रियपाति
 के ये बचन सुनि सत्यभामा सुखपाय । कहत भईइमि चावसों
 कै कै सौम्य सुभाय ॥ पारिजात को बिटप जो स्वर्ग लोक ते
 ल्याय । देहु नाथ तौ अपुनको सांचौनेह लखाय ॥ चौपाई ॥ तौ
 सब तिय गणमें बड़भागिनि । होउँ नाथ मैं बिदित सोहागि-
 नि ॥ मम तुव प्रीति रीति निपुणाई । सुनि करिहैं सब लोक
 बड़ाई ॥ कहे तथास्तु कृष्ण शुभकामी । चक्र शार्ङ्गधर खग-
 पति गामी ॥ भई सरस तब मान बिहाई । सत्यभामा शशि
 मुखी सोहाई ॥ सत्यभामा सह आनंद पाई । न्हाने कृष्णसमु-
 द तट जाई ॥ करि नितकृत्य पाक गृह आये । तब तहँ प्रभु
 मुनिवरहि बुलाये ॥ करिसत्कार यथोचित मानद । पूजे मुनि-
 हि कृष्ण प्रभु सानद ॥ हेम पात्र सों प्रभु जल ढारे । सत्यभामा
 शुचिपायै पखारे ॥ आसनस्थफिरि मुनिकहँ करिकै । भोजन
 करवाये मुद धरिकै ॥ करि भोजन मुनि आशिष दीन्हें । सो
 सुनि दम्पति आनंद लीन्हें ॥ नारद मुनिकी आज्ञा लहिकै ।
 भोजन किये कृष्ण मुदगहिकै ॥ प्रभु निदेश लहि प्रिया सोहा-
 ई । भोजन कीन्हो गृहमेंजाई ॥ करिभोजन हवै शुचिसुखदाई
 राजित भई नाथ ढिग आई ॥ तदनन्तर प्रभु सों मुनिज्ञानी ।
 कहत भये यहि विधिकी बानी ॥ अबहम तात शक्रपुरजाहीं ।

उत्सव बड़ो सबै गृहमार्हीं ॥ करि शिवको पूजनचितचायक ।
 करिहैं अतिउत्सव सुरनायक ॥ दोहा ॥ पूर्व दिवसमें देइहैंसुम-
 न हमें सुरराज । दिये निमंत्रणचाहिकै उत ऐवे के काज ॥ वृक्ष
 राजको फूल यह बांछित को दातार । शचीपूजिसहनीति लहि
 नित्य सोहाग बिहार ॥ जयकरी ॥ पति कश्यपकहैं अदितिअरा-
 धि । करिप्रसन्न पूरणव्रत साधि ॥ मांगतभई समय अनुमानि ।
 देहु मोहिं सो सुनि सुखदानि ॥ ईछित फल जो देइ महानि ।
 पूरणकरै मोद मम मानि ॥ सो सुनि करि मारीच बिचार । म-
 न्दरगिरिको कर्षि सुसार ॥ पारिजात तरुराज विख्यात । दिये
 अदितिको सोअवदात ॥ पारिजात तरुमें गुणखानि । अदिति
 बांधि पति के युगपानि ॥ दई समर्पि मोहिं विधिजानि । पुण्य
 सोहाग अर्थ अनुमानि ॥ दै पतिको निग्रय पश्चात । लईछो-
 डाय पतिहि सुनुतात ॥ सो तिमिकीन्हीं शची सुजानि । करी
 रोहिणी सो विधिमानि ॥ सुरसरि पार भयो अभिराम । ताते
 पारिजात यहनाम ॥ मन्दर तरुको सारउदार । ताते नामभयो
 मन्दार ॥ कौन दारु यह बूझो कोय । ताते कोबिदारिहै सोय ॥
 दिव्य वृक्षसत सौम्यसुभाव । चेतन चारु पुनीत प्रभाव ॥ यहि
 विधि पारिजातको भेव । कहि प्रभु सों नारद मुनि देव ॥ चहे-
 चलन सुरपति के गेह । तब इमिबोले कृष्ण सनेह ॥ सुरपतिको
 हम कहैं सँदेश । सो सुनि लीजै सुमुनि सुभेश ॥ दोहा ॥ प्रथम
 कहेहु सुरराज सों बूझि उचित व्यवहार । भायपु कहेहुबुभाय
 कहि गुरु लघुको निरधार ॥ फिरि मम अर्थ सुरेशसों कहियो
 सुमुनि सुजान । सिद्धि होय जाते अरथ तिमि कहियो सबि-
 धान ॥ दोहा ॥ कामदानि अनन्त गुणमय पारिजात महान ।
 पूजि तेहि जिमि अदिति कीन्हीं अरु शचीपति दान ॥ तासु
 पुण्य प्रभाव सुनि मम सत्यभांसा बाम । चहति तिमि तेहि पू-
 जि कीन्हीं सोइविधि अभिराम ॥ दानपुण्य सुधर्म हेत विचा-

रिकैं सुरराज । पारिजात बिख्यात तरु इत भेजिदेहिं सुसाज ॥
 पूजि दान बिधान करि फिरि पारिजातहि तत्र । भेजि हम देहैं
 सुनो उत रहतहै वह यत्र ॥ बार्ता कहि शक्रसों मुनि किहेहु
 सो उतयोग । देहिं जाते शक्र सुरतरु लखाहिं इत सब लोग ॥
 कृष्ण के ये बचन सुनि हैंसिकहे मुनि शिरताज । कहव हमबहु
 भांति पर नहिंदेहिंगे सुरराज ॥ शक्रसों एकसमय मांगे पारि-
 जात सचाय । उमाके प्रियहेत शंकर आपुसुरपुर जाय ॥ शची
 के बिश्रामको करि ब्याज तब सुरनाथ । दिये नहिं सो बिनय
 करिकैं जोरिकैं युगहाथ ॥ शम्भु तब करि कृपा नहिं हठिलिये
 तरुवर तौन । चारुमन्दिर शैलपै तब रचेगिरिजारौन ॥ कोश
 युग परमानलों तरुराजको बनवेश । सूर्यके किरणानिकीगति
 है न कछु तेहि देश ॥ उमाशिवसह गणन तेहि बन बिहरि नि-
 त्य बिभात । हमहिं तजि तहैं और की नहिं गतागत है तात ॥
 गयो तहैं एक समय अन्धक नाम असुर अमान । वृत्रते दश
 गुण सबल तेहि हते शम्भु सुजान ॥ दियो नहिं जो शिवहिसो
 किमितुमहिं देहैं शक्र । उभय ओर बिचारि मोहिं यह लगे
 कारण बक्र ॥ बचन ये सुनि कहे केशव सुनहुनारद दक्ष । कहे
 तुम जो बात तामें भेदहै परतक्ष ॥ शम्भु उनसों बड़ेहैं नहिं
 दिये तौनहिं दोष । शचीको सुनि ब्याज लघु गुनि किये शङ्कर
 तोष ॥ शक्रके लघु अनुजहैं हम लालनीय सप्रेम । बूझि सब
 बिधि मोह तजि तरु दियेही है क्षेम ॥ कियो प्रण हम बामसों
 सोसुनहु ज्ञाननिकेत । स्वर्गते तरुराज देहैं ल्याय पूजन हेत ॥
 बचन सो नहिं व्यर्थ कै है सत्य विस्वेवीश । बचन मिथ्याभये
 होत सुधर्मलोप मुनीश ॥ सुरासुर गन्धर्व पन्नग सब हैं न स-
 मर्थ । कियो हों प्रण उग्रताको करें बलसों व्यर्थ ॥ जो न देहैं
 आपुसों हठि पारिजात सुरेश । एक प्रण तौ करों औरों सुनहु
 सो शुभभेश ॥ देहा ॥ तिय हियके अनुलेप सों चिह्नित जो

उर तासु । मारि गदा ता मधि सुनों लेहों सुरतरु आसु ॥ यह
सुनि नारद चुपरहे बोले कछू न बैन । सादर प्रभुसों कै बिदा
गये शक्रके ऐन ॥ चौपाई ॥ तहां जाइ आनंदसों भेखे । नारद
मुनिवर उत्सव देखे ॥ सुरसमूह ऋषि मनु अरु वसुमन । मा-
रुत नाग सुपर्ण मुदित मन ॥ यक्ष सिद्ध गन्धर्व सोहाये । ड-
म्बर तुम्बर किन्नर गाये ॥ अप्सरादि सुरलोक बिहारी । राजे
तहँ निजपद अनुसारी ॥ बाद्य नृत्य अरु गान सोहायो । अति
उत्सव सुरपुर में छायो ॥ तहँ सुरमण्डलके मधि पावन । सिं-
हासन अतिउच्च सुहावन ॥ तापै गौरीपति आसीना । देवदेव
परभाव अहीना ॥ नंदिहु आदिकगण छबिबाढ़े । सेवैतहँ चहुं
दिशिसोंठाढ़े ॥ सहउपचारशक्र मुदलीन्हें । सविधिशंभुको पू-
जनकीन्हें ॥ कै प्रसन्न शङ्कर सहबामा । धामधाम चलिगेनि-
जधामा ॥ तब जे सबआये हैं तेहां । ते कै बिदा गयेनिज गेहां ॥
सहित सभासद सुरपति सोहे । आवततहँ नारदकहँ जोहे ॥
उठिसहसाक्ष सुमुनिकहँ पूजे । आसनस्थ करिअस्तुति कूजे ॥
तबसुरपतिसों नारदज्ञानी । कहतभये यहिविधिकी बानी ॥
सुनहु शक्र मम बचन सोहाये । हमहिं कृष्ण करिदूत पठाये ॥
कछूकाज हितभूतल स्वामी । सोसुनिये ऐरावत गामी ॥ दोहा ॥
नारदमुनिकेसुनि बचन शक्रकहे हरषाय । कहनलगे केशव क-
हा सो कहिये मुनिराय ॥ सुनहु नरेन्द्र मुनीन्द्र तब कहेइन्द्रसों
चाहि । तबलघु अनुज उपेन्द्रप्रभु लखन गये हमताहि ॥ चौपाई ॥
सुरतरुको लै फूल गयेहैं । सोहम तिनकहँ तहां दयेहैं ॥ अति
अपूर्व लखि कुसुम सोहावन । बिस्मितभई तिया सब चावना ॥
पारिजातके गुणमनभाये । अरुउत्पति बिधिउन्हें बताये ॥ अरु
पतिदान व्यवस्था जैसी । सविधि सुनाये सो सबतैसी ॥ सो
सुनि एक कृष्णकी बामा । मानिनि पति प्यारी सतिभामा ॥
सो पतिदान धर्म अभिलाषी । पतिसों यांचत भई सुसाषी ॥

अति अभिलाष तियाकोजानी । हमसों कहे कृष्ण मुददानी ॥
 नारद तुमसुरपति सों जाई । मम प्रणाम कहि कहेहु बुभाई ॥
 वैमम गुरुआता सुरत्राता । हमउनके लघुअनुज बिख्याता ॥
 सुतसम सदा दुलारन योगू । बहुरो अनुज कहत सबलोगू ॥
 अनुजबधू उनकी सातिभामा । पारिजातको गुणसुनि आमा ॥
 तेहिलहिदान सुधर्मउद्याहू । करिचाहतसो अनुपमलाहू ॥ धर्म
 हेत अरु मोरिहिताई । बूझिदेहिं सुरतरुहि पठाई ॥ नारदसों
 यह प्रभुकी बानी । सुनि बोले सुरपति अनुमानी ॥ सकलप्र-
 ष्न केशव सों कहि सुनि । फिरि मम बचन कहेहु नारदमुनि ॥
 सुर तरु आदिक जितक पदारथ । मन सों उनको कहेउ यथा-
 रथ ॥ दोहा ॥ उतसों करि कारजसकल तियन सहितइतआया
 जो जो भाइहि चित्त में सो करिहैं गहिचाय ॥ अधिकपदारथ
 स्वर्गको स्वल्प काजके हेत । लैंजैबो नरलोक में अनुचितज्ञा-
 न निकेत ॥ जयकरी ॥ बिरचे बेधा जो जेहि लोक । सकल पदारथ
 दुखसुख ओक ॥ ताही लोक तासु अधिकार । उलटि सकैको
 सो व्यवहार ॥ जो हम पारिजात उततात । भेजिदेहिं तौ सुनि
 यह बात ॥ कर्ता कोपि देहिं मोहिं शाप । करैं सुमनगण निद-
 रिअथाप ॥ ताते तात कहो मम मानि । कहे बातसोअनुचित
 जानि ॥ उतै पदारथ जिते अदोष । तिन सों भोगि करहुस-
 न्तोष ॥ इते पदारथजे अवदात । भोगिहैं तिन्हें आइइततात ॥
 नारद कृष्ण भूमि पै जाइ । आमिषभोजनकिये अघाइ ॥ ताते
 कै उन्मत्त मोटाय । भये पापरत पख्यो लखाय ॥ गहेमानुषीबुद्धि
 सचाय । स्त्री वश भे ज्ञानभुलाय ॥ बड़े बन्धु को ऐसे बैन ।
 कहि पठये तजि लाज सचैन ॥ पारिजात तरु महिपैपाय । म-
 हिजन सबै मोद अधिकाय ॥ पाइ स्वर्गको फलउत बेश । तजैं
 स्वर्गको ईहालेश ॥ मखतप धर्म करै नहिंकोय । तरु प्रभावते
 निर्भयहोय ॥ जरामृत्यु आदिक जे ईति । तिनकी लहै न कोऊ

भीति ॥ तातेपारिजात सुखदान । नहिंदेहैंहम महिपै जान ॥
 बीहा ॥ मृत्युलोक के योगहैं जितने वस्तु बिभात । भूषण बसन
 विचित्र मणि सोहम देहैं तात ॥ देवराजके बचन सुनि बोले
 मुनि परबीन । अवशि कहब हम तुमकहे जे ये बचन अहीन ॥
 तुमसों बूझेही बिना हम उतही समुझाय । कहे शक्र दीन्हें न
 तरु शम्भुहि बिनयसुनाय ॥ तबवै बोले शम्भुहे गुरुनहिं कीन्हें
 रोष । हमसों तरु लीन्हेंबिना करिहैं नहिं सन्तोष ॥ रोला ॥ कियो
 प्रण हम बामसों सो सुनहु ज्ञान निकेत । स्वर्ग ते तरुराज देहैं
 ल्याय पूजन हेत ॥ बचन सो नहिं व्यर्थ कै है सत्य बिस्वेबीश ।
 बचन मिथ्या भयेहोत सुधर्म लोप मुनीश ॥ सुरासुर गन्धर्व
 पन्नग सर्वहैं न समर्थ । कियो जो प्रण उग्रताको करें बलसों व्य-
 र्थ ॥ जोन देहैं आपुसों हठि पारिजात सुरेश । एकप्रणतो करो
 औरौसुनहु सो शुभभेश ॥ बीहा ॥ अनुलेपन सों शचीके चिह्नित
 जो उरतासु । मारिगदा ता मध्यसों लेहों सुरतरुआसु ॥ सुर-
 तरुलेहैं अवशिबै जिमिदेहौ सुरराज । तातेमंत्रविचारिकै करो
 उचित जोकाज ॥ सुरतरु दीजै कृष्णकहैं राखिउचितव्यवहार ।
 हिततुम्हारमममंत्रयह परममंत्रकोसार ॥ चौपाई ॥ नारदमुनिकी
 सुनि यहबानी । रिसकरिकहे शक्र अभिमानी ॥ जेठो बन्धु सहो-
 दर मोही । यहि बिधिकहे कृष्ण जो कोही ॥ तौ अब मुनिव्य-
 वहार कहाहैं । ऐसो नीरस प्रश्न जहां है ॥ मम अपकार बहुत
 वै कीन्हें । अबलों सो सब हम सहि लीन्हें ॥ जब वृत्रासुरअ-
 ति बलभारी । आयो मोसों लरन प्रचारी ॥ तब सहाय हित
 उनहिं बोलाये । बूझि कछू नहिं तब वै आये ॥ देवासुर सोंभई
 लराई । तब वै लरेन मम हित आई ॥ कौतुक देखत हैं ढिग
 ठाढ़े । चढ़े गरुड़पै आनँदबाढ़े ॥ उनसों भिरोआइ मयजबहीं ।
 लरे निदान सुनों वै तबहीं ॥ अंर्जुनको सँगलै मुद छाये । मम
 प्रिय खांडववन जरवाये ॥ मम पूजन व्यवहार मिटायो । जो

प्रणसों गिरिवर पुजवायो॥ धरि गोवर्द्धन मम अपमाना । कीन्है
 तौन तिहूपुर जाना ॥ और बहुत अब कहँ लगि कहिये । मनमें
 समुझि समुझि चुप रहिये ॥ हम बिरुद्धमति कबहुँ न राखी ।
 नारदतुम सब दिनके साखी ॥ अबमम उरमें गदा प्रहारण ।
 कहे कृष्णहठि तियके कारण ॥ राजस तामस गुणगहि भाई ।
 तियहित बोले सत्यभुलाई ॥ दोहा ॥ राजस तामस काम तिय
 कोधिकहै तप ऐन । जावश है केशव कहे गुरु बन्धुहि इमिबैन॥
 कश्यपके अरु दक्षके कुलकीजोहै रीति । ताहिछोड़िकै सब गहे
 नारद सुनहु अनीति ॥ चौपाई ॥ कहे विचारिवचन यह बेधा ।
 जो जगकर्त्ता सरस सुमेधा ॥ सहसन सुत तियगण जगमाहीं ।
 एक सुबन्धु सरिस कोउनाहीं ॥ भाइ समान न हितकोउहोई ।
 कश्यप अदिति कहे यहसोई ॥ तिनमें सरस सहोदर भाई ।
 करतसदा विनु कपट हिताई ॥ अबयहि समय पिताअरु मा-
 ता । हैंजल बास किये मम त्राता ॥ ये केशवके बचन अचायका
 हैंनिजुतिन्हहि सुनावनलायक ॥ निज आननसों निजप्रभुता-
 ई । बड़ेकहैं नहिं लाजबिहाई ॥ तदपिप्रयोजनवश कहि आ-
 वै । ताते कछु कहोंसतिभावै ॥ एकसमय वैधनुष चढ़ाई । खड़े
 रहे ठोढ़ीसों लाई ॥ कीटरूप धरि निशिचरआई । औचकजाका-
 टेसि दुखदाई ॥ लगेतीरतब तुरित पछारे । धरते दूरि पखो
 शिरन्यारे ॥ तब हम तहों कृपाकरिआये । तनसों शीश लगाइ
 जिआये ॥ चली नकछु प्रभुतातेहि क्षनमें । बिष्णु कहाइमुदित
 हैंमनमें ॥ जो ममभाग रह्यो बसुधामें आधी दयेउन्हें हमतामें॥
 जब असुरनसों भईलराई । तब हम उन्हें जानिलघुभाई ॥ प्र-
 थम लराइन साधेकाजा । हमनहिं लरे यदपि हेराजा ॥ दोहा ॥
 लघुहै वै ममगेहके ऊपर कीन्हेंगेह । सोऊहम कीन्हें क्षमाजानि
 अनुज गहिनेह ॥ पात्रयशी अरु मान्यपुट अरु सर्वज्ञकृतज्ञ ।
 जानत हैं अबलों उन्हें अबपहिचाने अज्ञ ॥ जयकरीछन्द ॥ अब

सादर नारद मुनिराय । कहौ कृष्णसों यहि विधिजाय ॥ बहु
दिन सहे बहुत अपराध । अब नहिं क्षमब नेकु पल आध ॥
ताते भावेजब मनमाहिं । तब चदिआवैं कछु डरनाहिं ॥ पहि-
ले मारि लेहिंवै आय । चक्र वाण वा गदा चलाय ॥ तापीछे हम
बाहबशस्त्र । जेहि प्रकार बनि आइहितत्र ॥ लरबयथेष्ट प्रीति
सब नाखि । गुरुता लघुता न्यारे राखि ॥ विनु जीते नहिं देहों
तात । पारिजात को आधोपात ॥ इतनो उनसों कहेहुबु भाय ।
मति तरुवर लै जाहिंचोराय ॥ सुनिमहेन्द्रके वचनअमान ।
बोले नारदसुमुनि सयाना ॥ सुरपतितुम सबविधि मतिमान । सु-
नों कहैंजो हम व्याख्याना ॥ बन्धु बिरोध न नीको होय । यहकरि
लह्यो न आनंद कोय ॥ सुबुधिअरंभै कारजसोय । जाकोअन्त
सोहावन होय ॥ यहिकारजको अन्त मलीन । करिविचार दे-
खोपरबीन ॥ कारणरूप जौन प्रभुएक । परंप्रकृतिसों कियेबि-
वेक ॥ अगुणअव्यक्त जाहि कहुवेद । तासुव्यक्त जो भागअ-
खेद ॥ जग उतपतिकर जेसुनु जिष्णु । तासु आतमाहौ प्रभु
बिष्णु ॥ दोहा ॥ जीव जातहैं जहांलों तिनमें चेतनरूप । पावन
आत्मा आपुहैं न्यामक बिष्णुअनूप ॥ पराप्रकृति अव्यक्तजो
व्यक्तरूपहै तासु । गिरिजासीता रुक्मिणीनाम प्रगट हैजासु ॥
करि ताको संसर्गद्वै सगुणी निगुणी जौन । करैचाहि कारज
सुनो विविध भांतिके जौन ॥ नारायण अव्यक्तसो करिसुव्य-
क्तनिजअंश । रुद्र बिष्णु ब्रह्माहि रचै सगुण स्वरूपप्रशंश ॥
सुनोरुद्र अरु बिष्णुसों गुणोन कछुविशेष । प्रभवप्रभावनए-
कहैं नामदोय द्वै भेष ॥ सौरठा ॥ आपुबिष्णु तजि खेद जाते
भेतुवलघु अनुज । सुनहु शक्र सो भेद सावधान ह्वै शचीस-
ह ॥ अदिति देविअनुमानि बिष्णुहि सविधिअराधिकै । नर
मांग्यो सुख दानितुमहिं सदृश सुतहोंलहों ॥ चौपाई ॥ सोसुनि
कहेबिष्णु यह वानी । मोहिं सदृशको दुतिय सयानी ॥ मैंनिज

अंश तोर सुतद्वैहों । सुर समूह में आनंदग्वैहों ॥ यहिबिधि
 भये विष्णु तब भाई । भये न जनमि कर्म बश आई ॥ बरदै
 गर्भ अदितिके आये । कश्यपतनय उपेन्द्र कहाये ॥ तुवहित
 विष्णुरूप बहुधारे । प्रबल दैत्यके वृन्द संहारे ॥ बलिहि छले
 प्रभु तुवहितलागी । पर उपकार धर्म अनुरागी ॥ जगउपकार
 हेत अबस्वामी । भयेकृष्ण द्वै भूतल गामी ॥ अच्युत अव्यय
 अरु अनन्तहैं । न्यामक व्यापकत्रिपुरकांतहैं ॥ तातेपूज्यकेश
 वहि मानो । मनमें भायपु मति अनुमानो ॥ हियेतोष गहिरो
 ष बिहाई । सादर सुरतरु देहुपठाई ॥ सुनि मुनि बचन सुरा
 धिपबोले । भुजबल बज बिलोकि अतोले ॥ तासु प्रभावसुमु
 नि तुमभाखे । सो सब हम पहिले सुनि राखे ॥ बरु याते कछु
 अधिक सुनैहैं । ताहीते नहिं देनगुनैहैं ॥ महतप्रभाव पुरुषजे
 ज्ञानी । रिस न धरें तेईषांआनी ॥ महतपुरुष वै तरुकेकारण
 नहिं रिसकरि करिहैं धनु धारण ॥ क्षमाशील सत पुरुषसुज्ञा
 नी । मानहिंसुनि वृद्धन कीबानी ॥ देहा ॥ परमपुरुष जगईश
 वै रिस करितरुके काज । करिहैं बन्धु बिरोध नहिं यह निश्चय
 मुनिराज ॥ यहबिचारि निश्चिन्त रहि तरुवर हमदेहैन । सुनि
 बिचार करिये सुमुनि और कहेंजो बैन ॥ चौपाई ॥ जिमिमम
 जननीको बर दैकै । भये सुरन वै आनंद लैकै ॥ तेहि बिधि
 जेठ बन्धु मोहिं जानी । राखें मान उचित अनुमानी ॥ जो
 ऐसो करिवोहो उनको । तौ जेठो किनाकिये अपुनको ॥ येबातें
 सुरपति कीसुनिकै । नारदमुनि भविष्य कछु गुनिकै ॥ द्वैकैबिदा
 मोद सों छाये । सादर द्वारावति पुरआये ॥ गे तहैं जहांसहित
 सतिभामा । बैठे हे प्रभु प्रिय अभिरामा ॥ आवतनारद मुनि
 हिं निहारी । उठिचलितिय सह कृष्णसुखारी ॥ विधिवतमुनि
 को पूजन करिकै । बैठायेआनंदसों भरिकै ॥ सुखासीन ना
 रदसों सानंद । बूझे बिहँसि कृष्ण प्रभु मानद ॥ उतके बचन

प्रलाप सोहाये । पृथक् पृथक् सब सुमुनि सुनाये ॥ सो सुनि बोलेकृष्ण विशारद । अमरावती जाब हम नारद ॥ इमिकहि सुमुनि समुद तट जाई । न्हाइ सुमुनि सों कहे बुझाई ॥ नारद कहेहु इंद्र सोंजाई । मति हठि हमसोंकरहिं लराई ॥ ममसन्मुख हवै करें लराई । ऐसे समरथ नहिं सुरराई ॥ नाहक लरि मति होहि हँसाई । सादर सुर तरु देहिं पठाई ॥ सुनिहवै बिदा जाइ मुनि भाये । सुरपति सों ये वचन सुनाये ॥ दोहा ॥ बहुत भांति मुनिवर कहे नहिं मानी सुर राज । तब सुरपति सों हवै बिदा अनत रमे मुनि राज ॥ बरणों या अध्यायमें सतिभामा को मान । कृष्ण शक्र नारदसुमुनि को संवाद विधान ॥

इतिहरिवंशदर्पणेनारदशक्रसम्वादोएकविंशोऽध्यायः २१ ॥

दोहा ॥ नारद मुनिको करि बिदा जिष्णुजीवपै जाय । समाचार सब कहतभे सुनि गुरु रहे चुपाय ॥ जयकरी ॥ धरि कछु पाय चिन्ति सुरपति सों । कहे बृहस्पति इमि रिस अति सों ॥ अहो सुरेश न तुम भल कीन्हे । प्रथमहिंमोहिं बूझिनहिं लीन्हे ॥ शक्र अरम्भेहु काजअनीको । जासु अन्तदुख दायक जीको ॥ कर्मज कछु भवितव्यसुरेशा । प्रेरिकहेसि जोयहउपदेशा ॥ ब्रह्मलोक मोहिंगये बिहारण । भयोइतो अनरथकोकारण ॥ साहसकरिकै बिनाबिचारो । कियोकाज दुखदानिउचारो ॥ यहसुनि कह्योशक्र सुनिलीजै । भयेकार्यको शोचन कीजै ॥ होय प्राप्तजब जोव्यवहारा । बुधजन ताको करें बिचारा ॥ ताते अब जो करिवेलायक । सोकरि कृपाकहौ सुखदायक ॥ दशशताक्षकी सुनियहबानी । शीश नवाइचिन्ति गुरुज्ञानी ॥ अबतो लरिवेई को कारय । सहित जयन्त लरेउ लखि आरय ॥ इमिकहिशक्रहि गेह पठाये । आपु शीघ्र क्षीरधि माधि आये ॥ तहँ हे कश्यप अदिति सुहाये । समाचार सब तिनहिं सुनाये ॥ सो सुनि कश्यप रिससों भोई । कहे कर्मफल निश्चय होई ॥ गौतमधरनि

अहल्यानामी । सो जो किये कुकर्म कुकामी ॥ ताको शान्तविधान विचारी । होंजलबास करौं ब्रतधारी ॥ दोहा ॥ कहे बृहस्पति आव करौ गुनि कछु उग्रविधान । कर्मज फलके प्राप्तिको समय आइ नगिचान ॥ चौपाई ॥ तहँ देवास्तुति शिवकी कीन्हे । हवै प्रसन्न शिव दर्शन दीन्हे ॥ दर्शनदै करुणा के सागर । औठर ठरनि सुदानि उजागर ॥ बोले कश्यप सों जगस्वामी । देवदेव प्रभु अन्तर्यामी ॥ मंजुतुम्हार मनोरथ जानी । कहैं सुनों कश्यपगुरुज्ञानी ॥ जाइइंद्र के गृहमधि संप्रति । करहु बास तुम तपविधि दंपति ॥ तेहि प्रसाद तब सुत सुखसाजिहि । चिरंजीव हवै सुरपुर राजिहि ॥ बरलहि कश्यपदम्पति भाये । शिवहि नौमितुर सुरपुर आये ॥ प्रातहि कृष्ण नित्यकृति कै कै । संग प्रद्युम्न सात्विकिहिलै कै ॥ मृगया मिस रथचढ़ि धनुधारी । रैवत गिरिपै गये बिचारी ॥ तहँ सात्विकि सह सरससुखारे । चढ़े गरुड़ पै आनंद धारे ॥ दारुक को यह दिये निदेशा । तुमरथ लै इतरहौ सुभेशा ॥ नभगरथस्थ प्रद्युम्न कुमारहि । संगलाइ बरबीर उदारहि ॥ चलिदिवदिशि आयुधसों भेखे । क्षणमें जाइ शक्रवन देखे ॥ तहां देवयोधा भट भारे । नन्दनवनके हे रखवारे ॥ तेलखि शङ्खि कछूनहिं भाखे । पारिजात लखि प्रभुमुदराखे ॥ मूलसहित सुरतरुहि उखारी । राखि गरुड़ पै कृष्ण बिचारी ॥ दोहा ॥ मन्द मन्द चलिदन्द हर नन्दसुनन्द संमेत । परदक्षिण लागे करन सुरपुरको सहहेत ॥ तदनन्तर सुरवृक्ष के रक्षक सत्वरधाय । समाचार यह कहत भे सुनाशीरसों जाय ॥ चौपाई ॥ सो सुधि सुनि सुरेश रिस भरिकै । चढ़ि ऐरावत पै धनु धरिकै ॥ संग रथस्थ जयन्तहि लै कै । चले कृष्ण पै हियो अभयकै ॥ पूरुबद्वार कृष्ण कहँ देखी । कहे पुरन्दर अन्दरतेखी ॥ केशव कौन कर्म यह कीन्हे । हवै अभरम मम मरम अचीन्हे ॥ सुनि हैंसि प्रभु धीरनकी जति सों । कहे नौमि यहि विधि सुर-

पति सों ॥ दान धर्म सुनि भई उछाही । अनुजबधूतवयहत रु
वाही ॥ ताके हेत सुनहुं पविधारी । लिये जात हमयहन रुभारी ॥
बक्रबचन सुनि शक्र रिसाई । कहे न इमिलै गये बड़ाई ॥ लरि
मम उरमें गदा लगाई । तरुलै जावकहे तुम भाई ॥ लरि मम
उरमें गदा प्रहारी । तब सुरतरुलै जाहु सुखारी ॥ सुनि प्रभु एक
सुबाण निकारे । ऐरावत गजवर कहँ मारे ॥ तब सुरराज एक
इषु चोखो । गरुडहि मारे अमल अनोखो ॥ केशव शर सुर
पति कहँ मारे । शर सों कृष्णहि शक्र प्रहारे ॥ विष्णुहि जिष्णु
जिष्णुकहँ विष्णु । मारन लगे विष्णुकहँ जिष्णु ॥ दोउरण
कर्कस धर्कस धीरा । दोउ वर कर्कस धर्कस बीरा ॥ धनु
विधि विहित बाणवर प्रेरें । वीर शब्द समरोचित टेरें ॥ दोहा ॥
जेशर मारे कृष्ण ते छेदे शक्र सुजान । जेइषु मारे इंद्र ते
काटे कृष्ण अमान ॥ जिष्णु विष्णुके धनुषके टंकोरन सों
पूरि । रह्यो स्वर्ग मोहित भये दिववासी त्रिसि भूरि ॥ तोमर ॥
तहँ मचो संगरघोर । सुतशक्रको सहजोर ॥ रथहांकि नीरे
आय । तरु लियो चाह्यो धाय ॥ प्रभुकी सुआज्ञा पाय । तहँ
चलि प्रद्युम्न सचाय ॥ रथहांकि आड़े आय । शरहनो ताके
काय ॥ तेहि लखि जयन्तौ क्रोधि । शरतजे मंत्रन शोधि ॥ ते
बिशद वीर महान । बटुपढ़े धनुष विधान ॥ तहँ तजे बाण अ-
मान । जलबूंद मेघसमान ॥ तहँ सुमन जनगण सब । जुरि
लखें युद्ध सुपर्व ॥ हो प्रवर नामक एक । भट बिकट पालक
टेक ॥ सो पूर्व ब्राह्मण जाति । करि उग्रतप मुदराति ॥ बरपि-
तामहसों पाय । वह कै अवध्य सचाय ॥ तजि भूमि सुर पुर
जाय । भो देवदूत सुकाय ॥ सुरराजको प्रिय मित्र । सो धनुष
धारि बिचित्र ॥ गुणसुनाशीरहि देन । बढिचलो सुरतरुलेन ॥
तिन देखिकै सब ताहि । इमि सात्यकी सों चाहि ॥ कहि दये
आवत तासु । तुम करहु वारण आसु ॥ दोहा ॥ पर यह ब्राह्मण

जाति है रोकेहु रोषअमान । निर्दयकै मति मारियो याके तन
में बान ॥ सात्यकिभट गरुडस्थ तहँ प्रभु आझा हितजानि ।
डाटतभे परप्रवरको शीघ्र शरासन तानि ॥ चोपाई ॥ तब भट
प्रवर क्रोध हियभारे । माठिबाण सात्यकि कहँ मारे ॥ सात्यकि
शरसों ताधनु छेदे । फिरितासों इमि कहे अखेदे ॥ रेब्राह्मण
चलु द्विजके पथपै । मति हठि पांवराखु अनरथपै ॥ ब्राह्मण
जानि क्रोधमें वारों । प्राणहरणशर तोहिं न मारों ॥ यह सुनि
कहे प्रवरमुसुकाई । क्षमाछोडि अब करहुलराई ॥ क्षमायुद्ध में
कादरकरहीं । हियसों हारिव्याज बिधि धरहीं ॥ जामदग्निसों
शरबिधि सीखो । मैं धनुधरमें पहिले लीखो ॥ केशवके भय
सुरगणकोई । लरैंन सुरपति के सँगहोई ॥ सखा शक्रको बि-
दित कहायो । निर्भय हो ताते चढ़िआयो ॥ अब मति क्षमा
व्याजकरिबरहू । लोभजीवको तजिकै लरहू ॥ इमि कहि धनु
धरि धनुधरगायो । सात्यकिपै बरबाण चलायो ॥ तब सात्यकि
अति रिससों पागे । त्यहि बाणनसों मारनलागे ॥ तेहिसात्य-
कि सात्यकि कहँ सोई । मारनलगे बाण रिसभोई ॥ मारहिं कू-
टहिं डाटहिं मारें । प्रबल प्रवीण प्रशंसि प्रचारें ॥ भांतिभांति
के शर दोउछाड़ें । बीचहि तिन्हें शरनसों आड़ें ॥ यहि बिधि
ते अतिउग्रलराई । कीन्हें सो नृप बरणिनजाई ॥ दोहा ॥ बीर
जयन्त प्रद्युम्न तहँ करिकै युद्ध अघात । पूरिदिये नभ बाण
सों कहें कहाँलों तात ॥ इंद्र उपेन्द्र तनय दोऊ बरणे बीरअ-
मान । निज निज जय ईच्छक सुभट शीक्षक धनुष बिधान ॥
महिबारी ॥ तहँ जानि प्रबल प्रद्युम्नको मधवानको सुत रिसभ-
रो । भो दिव्यअस्त्र अमोघ छांडत चपलचातुर बलखरो ॥
लखि कृष्णको सुत ताहि आवत दीप्तितेज विशालसों । क्षण
एकलों तेहि मगहिरोँके सुभटनिज शरजालसों ॥ फिरिदिव्य
उग्रप्रभावशस्त्र प्रद्युम्नके रथपै गिरो । जरिगयो रथपर तासु

तेज प्रद्युम्नके तन नहिं भिरो ॥ नहिंदहति अगणित अग्नि
अग्निहिं भेद याको यह गुनो । हवै विरथवीर प्रद्युम्न बोले
शची सुतसों इमिसुनो ॥ नहिं जीति लहिहौ छांडि तुम यहि
भांतिके शरसहसहे । नहिं छुवन पैहौ सुतरुको दल कोटिवि-
धिकरि वहसहे ॥ यह सुनि जयंत रिसायमारे चारिशरमंत्रित
किये । तेजाय चारिहुं दिशि प्रद्युम्नहिं घेरि तत्रित रिलिकि-
ये । तब पुरुष सिंह प्रद्युम्न शरसों काटिउनको शरदये ॥ शर
काटि डाटि विशाल बाणन बिहँसि तेहिमारतभये ॥ तकिउन्ह-
हिं वै वै उन्हाहिं प्रति तकि बाणवर अनगिन तजे । शरमारि
काटि बचायमारे सरस सुखमासों सजे ॥ दोहा ॥ वीर जयन्त
प्रद्युम्नको उद्धयुद्ध तहँ चाहि । साधु साधु कहि सुमनभे प्रमु-
दित तिन्हें सराहि ॥ महारथी सात्यकि सुभट प्रवरवीरकोडा-
टि । शरसों ताके धनुषकी दईप्रत्यंचाकाटि ॥ चौपाई ॥ तबभट
प्रवर दुतियधनु गहिकै । अब बचाउ सात्यकि सों कहिकै ॥
सात्यकि को धनु काटि सुखारे । शीघ्रग बाण अनगिने मारे ॥
सात्यकिशीघ्र दुतियधनुधारे । शरसों प्रवरहि बेधि प्रचारे ॥
गहिवरअष्टधार शरचोखो । इन्द्रसखाभट प्रवर अनोखो ॥
सात्यकि भटके इषुको आसन । छेदि हनेतेहितीनि शरासन ॥
फिरिसात्यकिहि लेत धनुदेखी । मारेसिगदा प्रवरअतितेखी ॥
तब सात्यकी शरासन लीन्हे । खड्ग चर्म लै सन्मुखकीन्हे ॥
काटिखड्ग तब प्रवर प्रवीरा । तजनलगो शरप्रदपअधीरा ॥
तब प्रद्युम्न चंचलता लीन्हे । निजसुखड्ग सात्यकि कहँ
दीन्हे ॥ मारिभल्लतब प्रवर अखेदे । सोऊ खड्ग मूठि दिग
छेदे ॥ फेरि प्रवर सात्यकिहि प्रचारी । गरजो शक्ति हृदय
मधिमारी ॥ तदनु सात्यकिहि मुरझित देखी । सुरतरु लेनचलो
मुद भेखी ॥ खगपति प्रवरहि आवत हेरे । पक्षज मारुततापै
प्रेरे ॥ ताते रथसह प्रवर उड़ाई । मुरझितपरोकोशयुगजाई ॥

तेहि जयंत तहँजाइ उठाये । रथपैडारि समरमहँ ल्याये ॥ मु-
 दित प्रद्युम्न गरुड़ पै आये । करिउपायसात्यकिहि चिताये ॥
 दोहा ॥ सुरतरुके दक्षिण तरफ रहे प्रद्युम्न सुवीर । लसेसात्य-
 की बामदिशि विशदबीर रणवीर ॥ संखापुत्र जानस्थको बायें
 दहिने राखि । कहे शक्रमति लरहु मम युद्धलखहु भयनाखि ॥
 जयकरी ॥ इमि कहि तिनसों शक्र सनेह । मारेबाण गरुड़कीदे-
 ह ॥ तब खगराज शेष बिस्तारि । भिरेगजाधिपसों मुदधारि ॥
 रदकर मस्तकसों गजराज । नीलनखन पक्षन खगराज ॥
 मारन लरनलगे अति कोपि । दौऊ प्रबल प्रलय आरोपि ॥
 किये मुहूर्तक युद्धमहान । तब अतिकोपि सुपर्ण अमान ॥ नख
 अंकुश अति कठिन कराल । मारतभे गजपतिकेभाल ॥ ताते
 हवै व्याकुल गजराज । मूर्च्छित परे भूमिपै आय ॥ पारिजात
 गिरिपै सहजिष्णु । आयै तितहीं सगरुड़ विष्णु ॥ ऐरावत
 जब भये सचेत । तब सुरनायक सत्व निकेत ॥ अतिशय प्र-
 बल गरुड़ को लेखि । मारनलगे बज्रसों तेखि ॥ जितने बज्र
 हने सुरराज । तितने पक्ष तजे खगराज ॥ बज्र बज्र प्रति इक
 इकपक्ष । जानि प्रभावहि तजे सुपक्ष ॥ लहिअमान खगपति
 को भार । सो गिरिद्विगो भूमि मैंभार ॥ बाहेर रह्यो कछू
 जब शेष । तब गिरि आरत धरिकै भेष ॥ कीन्हैसि विनयकृ-
 ष्णसों चाहि । तब प्रभु करि आशवासित ताहि ॥ खगपतिको
 यह दिये निदेश । तुम उड़ि शीघ्र रहौ नम देश ॥ प्रभुकीआ-
 झापाय द्विजात । अन्तरिक्ष रहि भये विभात ॥ तब प्रद्युम्न
 कहँ पुरी पठाय । निजरथ लीन्है कृष्ण मँगाय ॥ रथलखिसा-
 दर महिपै आय । तापै आपु चढ़े प्रभुजाय ॥ सात्यकिऔ प्र-
 द्युम्नसों भाखि । शोभित किये गरुड़पै राखि ॥ दोहा ॥ सात्यकि
 सतरु प्रद्युम्नसह खगपति परमापूरि । रथके पीछे चलतभेहिये
 भरे मुद भूरि ॥ सत्वरप्रभुगे जहँ रहे सुरपति सहित गजेन्द्र ।

लखालखी करि फिरि लगे लरनमहेन्द्र उपेन्द्र ॥ चौपाई ॥ अति-
 शयश्रमितगजेन्द्रहिदेखी । कहेइन्द्रसों कृष्णसुभेखी ॥ लखिग-
 पतिको किये प्रहारा । है अतिश्रमितगजेन्द्र उदारा ॥ करिनहिं
 सकै कछूपुरुषारथ । तात सुनहुहमकहैं यथारथ ॥ ताते युद्ध नि-
 वारणकरिये । संध्याभई कृत्यअनुसरिये ॥ निशिगजपति श्रम
 लेहिं बिहाई । फेरिभोर चढ़ि करब लराई ॥ करि प्रणाम यह
 मंत्र ददाई । पुष्करतट उतरे दोउभाई ॥ ब्रह्मा कश्यप अदिति
 सोहाये । सुरमुनि गण बसु सबतहैं आये ॥ पारिजात गिरिपर
 बिश्रामा । करिदीन्हे प्रभु आशिष आमा ॥ मेरु सुगिरिते आ-
 धी महिमा । होइहि पारिजात तव महिमा ॥ फिरिप्रभु निशा
 शेष लखिलीन्हे आवाहन सुरसरिको कीन्हे ॥ आइतहां सुर-
 सरिशुचिधारा । महिमा जासु अनूप अपारा ॥ तामधि करि
 स्नानसबाहन । कियेशंभुको तहैं आवाहन ॥ प्रकट भये तहैं
 शिवशिव कूजन । विधिवत तासुकिये प्रभुपूजन ॥ गंगोदक
 दल बिल्वचढ़ाई । वेदस्तुति बरकहे बनाई ॥ वेदस्तुति सुनि
 शिव सुखदाई । ईषद दक्षिण हाथ उठाई ॥ प्रभुहि दये बरदा-
 नसोहाये । तेसुनि प्रभुअति आनंद पाये ॥ दोहा ॥ कृष्णहिदे
 बरदानइमि कहेशंभु अभिराम । होइहि इतमम मूर्तिवरबिल्वो-
 दक यहनाम ॥ सुरधुनिकी धाराविशद इतआने तुमजौन ।
 सुरसरि सरिबत रहिहि लहि नाम अविध्यातौन ॥ दोहा ॥ जे
 अविध्या सुरधुनी में तीनिदिन इतन्हाय । पूजिहैं बिल्वोदकहि
 उपवास करियुतचाय ॥ परम आनंद ओक इच्छित लोकते
 जनपाय । बिलसिहैं इमिकहि कहोफिरि शंभुप्रीति बढ़ाय ॥ धरा-
 धरके तरेषटपुर नाम पढ़न अत्र । दीह दानववसत हैं बहुबि-
 ध्नकारकतत्र ॥ जानि लृणवत मानुषहि बरमांगिविधिहि अरा-
 धि । भयेसुर गणते अहतते महत बलव्रत साधि ॥ बधहुताते
 तिन्हहिं तुम त्रयलोकपति नररूप । अमर नरवर अपर हो-

हिं जुअपर अडर अनूप ॥ शंभु इमिकहि जातमे तब कृष्ण
 प्रभु अनुमानि । पारिजात सुशैलसों इमिकहे आनंद खानि ॥
 सुनहुपर्वत श्रेष्ठतव अध बसतदुष्ट सुरारि । करहु तिनकोनाश
 जिमिहम कहहिं यत्न बिचारि ॥ दीहदलबल दानवन तुमदेहु
 दलमलिदावि । बासममतव उपररैहै नित्य हे मेधावि ॥ शिला
 लै तव मूर्ति मेमरचि पूजिहैं जे जानि । पाइहैं चित रुचित
 फल रहि सुचितते सुखदानि ॥ पारिजात गिरीन्द्रको इमि दै
 निदेश सुकाम । सौरिसौरि सगौरिको चढ़ि सुरथपै अभिराम ॥
 जाय पुष्कर तीर शक्रहि भये टेरत बीर । टेर सुनि रथ चढ़ि
 भिरे बढि पाक शासन धीर ॥ रथी अरथी सुतरुके शुचि
 पथी पूरण क्रुद्ध । शुद्ध जय के लुब्धते तहैं किये उद्धतयुद्ध ॥
 सगिरि बसुधा भई कम्पित दिशानि जहैं लगिछोर । घोरधनु
 टङ्कारको दश ओर भरियो शोर ॥ देखि बेधा कहे कश्यपअ-
 दिति सों मुसुकाय । जाय बद्धित युद्ध वारहु सुतनकहैं समु-
 भाय ॥ मानिरथ तहैं शीघ्र दम्पति तेज पुंज उकाढ़ । जाय
 इन्द्र उपेन्द्र के भे मध्यमहि में ठाढ़ ॥ देखि मातहि पितहिरथ
 ते उतरि ते तजिशस्त्र । नौमि बिधिवत गये चलिवै खरैहैं तहैं
 यत्र ॥ दोहा ॥ गहिकर तिनके अदिति इमि कहतभई मुदपूरि ।
 सोदर कै कोउ लरतहै यहि बिधिभरि रिस भूरि ॥ मानिबचन
 मम क्रोध तजिसंग निरायुध जाय । न्हाय आयइत करहुसुत
 जो हम कहैं बुभाय ॥ चौपाई ॥ मातु बचन सुनिते सुखपाये ।
 जाय समुदसुरसरिमें न्हाये ॥ करत यथोचित बातें भाई । पितर
 पास आये दोउ भाई ॥ सों प्रिय संग प्रणाम सुभेशा । तबसो
 भयो सुनो मनुजेशा ॥ तब सब सुर सुरपुर कहैं उगरे ॥ चढ़ि
 चढ़ि यातन सरस उजगरे ॥ कश्यप अदिति शक्र यदुनायक ।
 एक यान पै चढ़ि मुददायक ॥ जाय शक्रके सदनसुखारे ।
 अदिति चित्र रमणीय निहारे ॥ पेखिशचीअति आनंद ली-

न्हीं । सासु ससुरको पूजनकीन्हीं ॥ तेहि दिन तहँ निवास करि
मोदे । सादरसह परिवार बिनोदे ॥ भोरभयेकश्यप गुरुज्ञानी ।
कहे कृष्ण सों इमि अनुमानी ॥ सुनहुतातसुरतरुलै जाहू ।
करहुजाइ विधिवत उत्साहू ॥ फिरि सुरतरु इत दिहेहु पठाई ।
सदासनेह रहेहु दोउ भाई ॥ इमिकहि विदा कृष्णकोकीन्हे ।
चले कृष्ण अति आनँद लीन्हे ॥ चलती बार सतीकरि रोचि-
त । दीन्हो भूषणवसन यथोचित ॥ कै सुरपति सों विदा सो-
हाये । प्रभुरैवत गिरिवर पहुँ आये ॥ रहि तहँ सुरतरु सहित
सुभेशा । सात्यकि कहँ इमि दिये निदेशा ॥ तुम अब शीघ्र
द्वारका जाई । मोदहु यह वृत्तान्त सुनाई ॥ देहा ॥ पारिजातको
करबहम नगर प्रवेश न आजु । ताहित सब पुरजन करहिंमं-
गल उत्सवसाजु ॥ प्रभुनिदेश सुनि सात्यकी द्वारावतिमें जाय ।
ब्रह्मादिक सब कहँ दये सब वृत्तान्त सुनाय ॥ चौपाई ॥ सुनि
यदुवंशी अति सुखपाये । पुरजन परममोद सों छाये ॥ घरघर
मङ्गलसाज सुसाजे । बजवाये मनभाये बाजे ॥ साम्बहि आदि
कुमार सुखारे । यदुवंशीपुरजन मुद धारे ॥ चढ़ि चढ़ि गजरथ
अश्वन भाये । सात्यकिके सँग प्रभु पहुँ आये ॥ यथा उचित
सब सों मिलि स्वामी । चढ़े सुरथपै अन्तरयामी ॥ पारिजात
सह खगपति पाहीं । चढ़ि प्रद्युम्न मोदे मन माहीं ॥ यहिविधि
पुर प्रवेश प्रभु कीन्हे । लखि पुरजनअति आनँद लीन्हे ॥ पा-
रिजात कहँ लखि मन भाये । जेजन जो चाहे सो पाये ॥ प्रभु
निजगृहमें जाइ अतन्दे । पितुजननी गुरुजनकहँ बन्दे ॥ राम-
हि आदिक यादव तिनसों । मिले उचित जिमि मिलबोजिन
सों ॥ फिरि प्रभु निज निवास गृहजाई । सत्यभामासहगे सुख-
दाई ॥ कामरूप तरुवर कहँ सानँद । सत्यभामाकहँ दीन्हे मा-
नद ॥ पारिजात तरुवर लहिं आमा । भई परम मोदितसत्य-
भामा ॥ तब प्रभु दान हेतकी सामा । सम्पादित तहँ किये

ललामा ॥ दान ग्रहणहित आनंद लीन्हे । आवाहननारदकर
 कीन्हे ॥ जानिहेतु नारदतहँ आये । पूजियथोचित प्रभु बैठाये ॥
 दोहा ॥ भोजनादि व्यवहार करि दान प्रतिग्रह हेत । मुनिहि
 निमंत्रण दिये प्रभु बुधिवलज्ञाननिकेत ॥ प्रातकृत्यकरिप्रातहीं
 हेम कूट मय रत्न । भूषणवसन सुधान्य के बिरचे कूट सयत्न ॥
 चौपाई ॥ पति निदेश लहितबसत्यभामा । लैबिचित्र कुसुमनकी
 दामा ॥ पारिजात में कृष्णहि बांधी । प्रमुदित मंजु मनोरथ
 सांधी ॥ सकल पदारथ सहमुद लीन्ही । सबिधि समर्पिसुमुनि
 कहँ दीन्ही ॥ स्वस्तिबोलि लै मुनि अभिलाषे । हास्यवचन
 बहुबिधिकेभाषे ॥ तिय अधीन पियसुनि नहिंमाने । अब यह
 वचन सांचमम जाने ॥ बांधि गरे तब पुष्पित गुनको । दीन्ही
 सत्राजीत अपुनको ॥ अब तुम केशव मम आधीना । चलहु
 संग मम सुनहु प्रवीना ॥ यहि विधिं कहि प्रभुसों मुनिजानी ।
 सत्यभामासों कहे सुबानी ॥ सत्यभामा अब निज पतिलेहू ।
 निकय हम माँगहिंसो देहू ॥ कपिला गऊ सबत्सा चारू । कृ-
 ष्णांजिन तिमि पूर्ण शिंगारू ॥ सोदै सत्यभामा मुद दाती ।
 लीन्ही पतिहि प्रेम सों राती ॥ हवै प्रसन्न तब दानदमानदा
 प्रभु बोले मुनिवर सों सानद ॥ नारद मांगहु वर मनभावन ।
 सो अब तुमहिं देहिं हम चावन ॥ सुनि मांगेमुनि भक्तिसोहा-
 वनि । अरु सुरलोक गवनि गति पावनि ॥ जनन अयोनिज
 लहउँ गोसाईं । होउँ सुब्राह्मण अबकी नाई ॥ एवमस्तुतवकृ-
 ष्ण उचारे । सुनि नारदभे परमसुखारे ॥ दोहा ॥ जिती सपत्नी
 गण तिन्हें सत्यभामा गहि मोद । न्योति बुलायेही तितै निर-
 खन हेत विनोद ॥ एकएक तिनकहँदये सानंद सुभगसुभेश ।
 भूषण वसन बिचित्र जे दये शची केवेश ॥ चौपाई ॥ कृष्णच-
 न्द्र तहँ रेवति बुलाये । लखनहेत आनंदसों छाये ॥ पारिजात
 की विशद विभूती । अमल अपूर्व अनूप अकूती ॥ सुभद सु-

भद्रा कुन्तिरानी । सहित द्रौपदी पाण्डवज्ञानी ॥ भीष्मक आ-
दि सहित जे राजा । तिन्हें बोलायलये सहसाजा ॥ यथाकाल
प्रभु तिन्हें रमाई । कीन्हें बिदा प्रीति दरशाई ॥ पारिजात
अनुपम सुरसाखी । सम्बत्सर प्रमाण तहँराखी ॥ गये स्वर्ग
लै ताहि विचारी । कृष्णचन्द्र चातुर नयचारी ॥ बन्दिअदिति
कश्यपके पावन । शक्रहि दये देवतरु पावन ॥ कश्यपअदिति
सुआशिष दीन्हें । सुनि केशव अति आनंद लीन्हें ॥ कुण्डल
अरु किरीट छबिछाये । दये कृष्णकहँ शक्र सोहाये ॥ कहेशक्र
सों प्रभु अनुमानी । देवराज सुनिये ममबानी ॥ पारिजातगि-
रितरु उनमादी । है राक्षस सुरगणके बादी ॥ करनतासु हम
बधधनु धैकै । तब तुम प्रवर जग्रन्तहिलैकै ॥ तेहि गिरिकेऊ-
रधनभवारी । रहियो खरेखरे धनुधारी ॥ इमिकहि माधवनिज
पुरआई । बधेजाइ राक्षससमुदाई ॥ फिरिपुर आइ मोद हिय
गहिकै । किये बिहार पूर्ववत रहिकै ॥ दोहा ॥ बरण्यो यहि अ-
ध्यायमें पारिजातके हेत । किये युद्धजो कृष्णअरु शक्रसुसत्य
निकेत ॥ पारिजात गिरिराजपै जेहि बिधिभयो मिलान । सो
कहि कहे यथाकरी सत्यभामा पतिदान ॥ दोहा ॥ पारिजातलै
जाय प्रभु दै आये शक्रकहँ । सो कहि कहे सचाय तदनुज
बिना न पुररमन ॥

इतिहरिवंशदर्पणेपारिजातहरणोनामद्वाविंशोऽध्यायः २२ ॥

दोहा ॥ वैशम्पायनसों कहे फिरिजनमेजयभूप । मुनिवरतुम
सर्वज्ञहौ तपवर परमअनूप ॥ चौपाई ॥ व्यासहि प्रियबहुश्रुत
गुरुज्ञानी । मुददायक कर्ता प्रियबानी ॥ सुनिमम वचन अ-
नुग्रहगहहू । ब्रतउत्पत्ति तात अबकहहू ॥ सुनिभूपतिके वचन
अमोले । प्रेमपूरि मुनिबरइमि बोले ॥ ब्रत बिधि प्रथम उमा
उपजाई । सबिधि सुनहु सो नृपमनलाई ॥ षष्ठपुरस्थ दनुजन
कहँ मारी । जब प्रभुभये द्वारकाचारी ॥ तब नारदमुनिवरतहँ

आये । पूजि यथोचित प्रभु बैठाये ॥ प्रभुके सन्मुख रुक्मिणि
रानी । ब्रूत विधि बूझी मुनिसों मानी ॥ रहीं तहां आठों पट-
रानी । अरुषट दशहजार सबरानी ॥ रुक्मिणिकही सुनहुमुनि
राई । ब्रूत उत्पत्ति कहहु समुभाई ॥ अरुविधिसमय दानफल
योगू । संयम नियम सुदैव प्रयोगू ॥ सुनिबोले इमि सुमुनिवि-
रागी । सनु रुक्मिणि पतिब्रूत अनुरागी ॥ पूर्व उमा पुण्यक
ब्रूतकरिकै । ब्रूतके अन्त सुविधि अनुसरिकै ॥ न्योति बुलावत
भई भवानी । सकलदेवपत्नी शुभदानी ॥ दक्षप्रजापति की
सब तनया । सब ऋषि मुनिकीपत्नी सनया ॥ सबदिगपालन
की प्रियनारी । सिद्धसाध्यकी पत्नी प्यारी ॥ स्वांहा सावित्री
शुभचरिता । अरु गंगाआदिक सब सरिता ॥ बोहा ॥ तियापि-
तृपतिकी विशद अष्टवसुनकी तारि । ह्री श्री धृति अरुकीर्त्ति
मति मेधा मुद दातारि ॥ सन्नति आसा प्रीतिअरु बारुसुब्रूता
ख्याति । आइशिवाके ढिगभई ये सब तहां बिभाति ॥ चौपाई ॥
इन सबकहैं तहैं पूजि भवानी । देतभई विधिवत विधिजानी ॥
पर्वत रचितिलधान्य रतनके । भूषणबसन सुबिबिधयतनके ॥
हमहूं एकशैलतहैं पाये । हमलै दये द्विजनकहैं भाये ॥ विरचि
सभा तहैं सकल सयानी । लगीं कहन शुभ कथा कहानी ॥
तब लहि सबको सम्मत सुहिता । अरुन्धती शुचि शशिकी
दुहिता ॥ पत्नी मुनि वशिष्ठकी ज्ञानी । कहत भई गिरिजासों
बानी ॥ पुण्यक विधि प्रभाव सुखदाता । कहहुउमा त्रिभुवन
की त्राता ॥ कहतभई तब शैलकुमारी । ब्रूत प्रभावसुनुपतिब्रूत
चारी ॥ ब्रूत विधि कामद सुकृती जनको । होत होत नहिं कु-
टिल कुमनको ॥ जे पतिब्रूता साधु प्रियवादिनि । शुचिसउम्य
प्रिय हिय अहलादिनि ॥ सुबुधि सुशालसुकारज करता । मन
बच कम पतिमनअनुसरता ॥ ब्रूत अरुधर्म सुफलहै तिनको ।
नहिं कुत्सित सुभावहै जिनको ॥ दुष्टाअप्रिय वचन प्रलापि-

नि । रुक्ष सकुद्ध अशुचिसन्तापिनि ॥ स्वामी दुखी रहत हैं
जाके । ब्रूत संयम सब निष्फलताके ॥ ते तिय अवशि नरक
अधिकारी । इतउत रहहिं न कबहुँ सुखारी ॥ जो ये चेतिपति-
ब्रूतधरहीं । तौकरि प्राश्चित अवशि उधरहीं ॥ दोहा ॥ पतिबं-
चक पर पुरुषरत तिनको नाहिं उद्धार । घोर नरकमें परिकरें ते
तिय निकर बिहार ॥ कुत्सितयोनिनमें भरमि जो पावै नररूप ।
तौ वै डोमिनि हवै बहुरि परें नरकके कूप ॥ क्रोधी कपटी क्रूर
शठ कुपथी मूढ़ मलीन । दीन दारदी दुष्ट अरु कलुषितरोगी
क्षीन ॥ ऐसेऊ पतिको तिया जानै देवसमान । सो तिय पति
सहस्वर्ग लहि बिहरै कल्पप्रमान ॥ जयकरो ॥ जे पतिभक्ता ति-
यासुजानि । तिनकहँ ब्रूत संयम सुखदानि ॥ तिनके हित ब्रूत
को सुविधान । कहौं कहे जो शम्भुसुजान ॥ सुबुधि तियाउठि
प्रात अन्हाय । लै पतिकी आज्ञा सुखदाय ॥ बंदि ससुरके च-
रण सुजानि । सकुशताम्र भाजन लै पानि ॥ दक्षिणशृंग सुर-
भिको चारु । सींचिलेइ तामें जलधारु ॥ धरि पतिके आगेज-
लसोय । पतिसहकरि मार्जन सुख भोय ॥ तीनिलोकके तीर्थ
महान । मनु कीन्हों तिनमें अस्नान ॥ यहि मार्जनको चारुप्र-
योग । नारी पुरुष सबके योग ॥ अमल असीये आसनडारि ।
महि पै शयन करै ब्रूतधारि ॥ अश्रुपात रिस कलह चबाव ।
कीन्हें रहै न ब्रूतको भाव ॥ धारणकरै बस्त्र शुचि शैत । शौच्य
शिगार न करै सकेत ॥ दन्तकाष्ठनहिकरै सचाय । मलै न बार
मसाला लाय ॥ मृत्तिकासों सब करै बिचारि । छुवै न कबहुँ तेल
ब्रूतधारि ॥ गो बाहन करि चलै ननेक । नंगे न्हाइ न जानि
बिबेक ॥ रुचिसों न्हाय सरित मोजाय । कै अन्हाय भरनाजल
पाय ॥ कै तड़ाग कै बापीवेश । क्रमसों ये अस्नान शुभेश ॥
दोहा ॥ ये अलभ्य जो होइ तों नूतनघट भरवाय । स्नान करै
तियशीशसों ब्रूत विधिधारिसचाय ॥ सम्बत्सरपर्यंतकै कै षटमा-

स सनेम । मास एककैतिय करें यहि विधि सुव्रतसप्रेम ॥ चौपाई ॥
 शुक्लपक्षकी नवमी लहिकै । व्रत आरंभैं आनंद गहिकै ॥ शुक्ल-
 पक्षकी तवमी पाई । व्रत उद्यापन करै सोहाई ॥ तिय सावित्री
 सुभगएकादस ॥ विधिवत् तिनकहैं पूजिअनालस ॥ सविधि
 समर्पि अचार्यहि दैकै । दै निष्कय फिरितिनकहँलैकै ॥ दान
 मानसों तोषि सुज्ञानी । विदाकरैं तिनकहैं विधिजानी ॥ करि
 उपवास ताहिदिन यासिनि । उत्सव दानकरैं बरकामिनि ॥
 क्षौरकर्म पतिसहकरवावैं । जेहि यशउचित ब्रूभितेहि भावैं ॥
 स्नान शिगारयथोचित तादिन । करैं प्रवीण प्रियाप्रियवादिन ॥
 स्नानहेत शुचिकुम्भभराई । पढें मंत्रयह तिय सुखपाई ॥ -आ
 पोदेव्यः ऋषीणां हि विष्णुधन्यादिव्यामदंत्यो यशस्करा । धर्म
 धात्र्यः हिरण्यवर्णाः पावकः शिवतमेन रसेन श्रेयसेमां जुषन्तु-॥
 इति मंत्रः ॥ यह पौराणिक मंत्र सुहावन । पढ़िअस्नान करै तिय
 चावन ॥ स्नानकरत बांछितफलमांगे । सो लहि तिय आनंदसों
 पागे ॥ भूमि बायु नभ जलशशि सूरहि । साक्षीकरै अग्निगुण
 पूरहि ॥ दिशिदेविन व्रतसाक्षी करिकै । धारि बसन शुचि आ-
 नंद भरिकै ॥ निज करतित विरचित प्रदशुचि सों । देइ पतिहि
 तब समुद सरुचिसों ॥ नातरु अन्य सुबसन मँगाई । निज
 कातो इकसूत मिलाई ॥ देइ पतिहि तदनन्तर नारी । पूजिद्वि-
 जबरहि पतिव्रत धारी ॥ देहा ॥ भोजन ताहि कराइ कै धौत
 बस्त्रदेदोय । गऊदेइ फिरि देइतेहि यथा शक्ति सुख भोय ॥
 पय दधि घृत मधु लवण गुड़ पै प्रतिमा रचिभोरि । देइ द्विजन
 कहँ सोदसों पूरित प्रीतिअथोरि ॥ रजतहेम अरु ताम्रकी प्रति-
 माविप्रहि देइ । देइ चारु तिलपात्र अरु गऊ सबत्सादेइ ॥ देइ
 तिलन सों पूर्णकरि कृष्ण मृगाको चर्म । भूषण बसन सआ-
 दरसदेइ पूरिवरधर्म ॥ भांति भांतिके सुफलअरुसुमनद्विजन
 कहँदेइ । जीवघात नहिं करइयह सीख सुखद सिखिलेइ ॥ भा-

ग्यवती शुचि सुतवती अरु धनवती सुजानि । यह व्रतकरि
 तिय होतहै लहि बांछित सुखदानि ॥ घोटा ॥ बरबांछित फल
 पाय भोगि भूमिपै भावनी । फिरि लहि स्वर्गसचाय पतिसह
 बिलसति कल्पमिति ॥ सुनि शशिसुता सुज्ञानि प्रथमहि यह
 व्रत हमकरो । ताते यह सुखदानि भयो उमाव्रत नामबर ॥
 जयकरी ॥ अबव्रत कहहु दुतिय सुखदानि । सुनहु अरुन्धति
 सरससुजानि ॥ जेहि विधिमोसों कहे इशान । में तुम सों सो
 कहौं विधान ॥ जेष्ठ अषाढ़ मासमें मानि । एक एक कै दूनो
 जानि ॥ करि आचरण कहे जिमि पूर्व । कामिनि यह व्रत करै
 अपूर्व ॥ जलपय दधिघृत मधुगुड़ चारु । तिल सर्पपसो करक
 उदारु ॥ पूरि पूरि व्रत के अवसान । देइ द्विजन कहँ सहित बि-
 धान ॥ कांचन रजतसबत्सा गाय । भूषणबसन धान्यसुखदाय ॥
 यथाशक्ति द्विजवर कहँ देइ । मोदितकरै चरणशुचिसेइ ॥ भो-
 जन करवावै मन मान । देइ दक्षिणा करि सन्मान ॥ खाइ सु
 अन्न प्रथमदिन जौन । व्रत पर्यन्त खाय तियतौन ॥ पहिले
 दिवस दिवसमें खाय । भोजन करै दिवसतौ पाय ॥ भोजन करै
 प्रथमजो राति । तौव्रतभरि निशिमें मुदराति ॥ दिनमें भोजन
 करि व्रतधारि । कांचनको रबिदेइ सुनारि ॥ निशिकेनेम चन्द्र
 ग्रह देइ । सुनहु अरुन्धति व्रतयह सेइ ॥ लहै सुपुत्र सरुचि
 सो बाल । भाग्यवान धनवान विशाल ॥ कन्याइछेजो तिय
 सोइ । कन्यालहै न मिथ्याहोइ ॥ घोटा ॥ सम्बत्सर पर्यन्तजो
 करै तियाव्रत येहु । संयमसों रहि नियमयुत पूरितपरमसनेहु ॥
 लहि आज्ञा पतिकी शुभद देइ द्विजनकहँ दान । जेहिविधि
 कहिआये सुफल करकादिक सुखदान ॥ मास मास प्रतिदान
 बर करै सशक्ति अकूत । देइ कार्तिकी पूर्णिमा मयकंचनकेसूत ॥
 लौवा भांटा अमिषनहिं भोजनकरै सुजानि । कांचनकी लौकी
 बिरचि देइ द्विजन सन्मानि ॥ यह व्रतकरि युवतीलहै अवशि

सुपुत्र सुजान । सावित्री रहि सर्व सुख भोगि लहै दिवयान ॥
 चौपाई ॥ अति उत्तमबपु चाहइजोई । अब जो कहउँ करैसिख
 सोई ॥ दीरघ कुटिल इयामकचचारु ॥ कोमलजेहि मोहै भरतारु ॥
 चाहै तियासो असिती नीकी । पाइ अष्टमी सुखदाजीकी ॥
 बसन इवेतधरि सरस अचारु । कंद मूलफल करइ अहारु ॥
 प्रात ब्राह्मणहि भोजन दैकै । भोजन करै आपु मुदलैकै ॥
 यहिविधि सम्बत्सर भरिनारी । करै विशदब्रत बिहितबिचारी ॥
 सम्बत्सर पूरे सुखमाबर । देइ द्विजहि सितचारु सुचामर ॥
 चमरी गोको असित सुकेशा । देइ दक्षिणा सहित सुभेशा ॥
 होहि अपूर्ब केश तौताके । अति दीरघ शुचि इयामप्रभाके ॥
 शीश निरोग चाहु जो कोई । गोमय सोकच मीजै सोई ॥
 अँवरा बेलगिरी सों पीछे । मीजै चिकुरअरुजशिर ईछे ॥ जल
 सों धोयकरै अस्नाना । नित गोमूत्र करै शुचिपाना ॥ कृष्णा
 चारु चौदशीपाई । यहविधिकरै तरुणि सुखदाई ॥ भाग्यवती
 निरुजा सो कामिनि । होइ परम पतिकी मन भामिनि ॥ अति
 सुन्दर ललाट जो चाहै । सो अब कहों बचन सो पाहै ॥ प्रति
 प्रतिपदकहँ दृढ़ ब्रतधारी । अलवण भोजन करैबिचारी ॥ एक
 बारपय घृतसों खाई । सुखद सुअन्न मोदसों छाई ॥ दोहा ॥
 सम्बत्सर पर्यन्त इमि ब्रतकरि सहित बिधान । पत्र रजतको
 भालामिति देइ बिप्रकहँ दान ॥ अति सुन्दर भ्रू जोचहै सुनो
 तासु उपचार । प्रति दुतियाको ब्रतकरै करि फलमूलअहार ॥
 सम्बत्सर पर्यन्त करि यहि विधि सुब्रत बिधान । माषलवण
 घृत दक्षिणा देइ द्विजनकहँ दान ॥ श्रुति अतिसुन्दर चाहि
 तिय श्रवण नक्षत्रहि पाय । सम्बत्सर पर्यन्तरचि सरशुचि
 यवकोखाय ॥ सम्बत्सरके अन्तमें श्रुति सुवरणके दोय । देइ
 बिप्रकहँ डारिकै घृतमें आनँदभोय ॥ सुन्दरि नासा जो चहै
 सो सुन्दरि सुखपाय । तिलको गुलुम अलोपिकै सींचन करै

सचाया॥प्रथम दिवस ब्रूत करइ वहि सींचनलायक जानि । दूजे
दिन सींचन करै याही क्रमसों मानि ॥ जबवह फूले फूलतब
वाको घृतमेंडारि । सहित दक्षिणा द्विजनकहँ देइ परममुदधा-
रि ॥ कबहुं न ताकी नासिका में न होइ रुजजाय । अति सु-
न्दरचष जोचहै अबसुनु तासु उपाय ॥ सम्बत्सर पर्यन्तसो
कामिनि अलवण खाय । सम्बत्सरको अन्तलहि उत्पल पत्र
मँगाय ॥ सीरे पयमें डारितेहि देखि तरुणि सुखदानि । सहित
दक्षिणा द्विजनकहँ देइ दान सन्मानि ॥ मनमोहन सुन्दर अ-
धर चाहै जो शुभनारि । सो मृतिकाके पात्रमें पिये वर्ष भरि
बारि॥शुचि हवैकै शुचिगेहमें नौमीको दिनपाय । बैठिरहै तहँ
आपुसों देइ कोऊ सो खाय ॥ यहिबिधि सम्बत्सर बितै करै
सुविद्रुमदान । होहि अधर तेहि तरुणिके कुंदुरू रूपसमान ॥
चारुदशन चाहैतरुणि एकबार तौ खाय । शुक्लपक्षकी अष्टमी
में भरिवर्ष सचाय ॥ सम्बत्सरके अन्तसों दशन रजतकेदेइ ।
डारि दूधमें दशनमित द्विज पद पंकजसेइ ॥ मुखअतिसुन्दर
चाहि तिय प्रति पूनो लहि जानि । चन्द्रोदय लहि न्हायकै
विप्रनकहँ सन्मानि ॥ यवकी जाउरि चारुशुचि सघृताससिता
ताहि । प्रिय भोजन करवाइकै देइ दक्षिणा चाहि ॥ सम्बत्सर
पर्यन्त इमि ब्रूतकरि तिय अभिलाखि । देइ भूसुरहि रजतको
चंद कमलपै राखि॥कुच श्रीफलवत चारुचहि पियप्रति दश-
मी पाय । रहै मौन हवै बैठि जब देइ कोऊ तबखाय ॥ गोरठा ॥
है कांचनके बेल सम्बत्सरके अन्तमें । करि सुधर्मसोंमेल देइ
भूमिसुर कहँ तरुणि ॥ चाहि कृशोदर नारि एक अन्नभोजन
करै । वर्ष दिवस ब्रूतधारि पुण्यशीलरहि शुचिसदा ॥ अन्त
तोय सँगखाय सरुचि पंचमीके दिवस । मास बारहोंपाय स-
हित मान द्विजवरनकहँ ॥ चारु चमेली बेलि पुष्पित देय
सदक्षिणा । सो तिय करता केलि होइ कनककी बेलि सी ॥

तिय अति सुन्दर पानिचाहि द्वादशीके दिवस । करि फलभो-
जन जानि बर्ष एकबर ब्रत करै ॥ द्वादश मास बिताय कमल
देइ शुचिकनक के । विप्रहि देइ सचाय होहिं तासु करकमल
से ॥ बर्तुल उन्नतपीन चाहि नितम्ब नितम्बिनी । प्रतित्रयो-
दशी प्रवीन एक बार भोजन करै ॥ पूरे बर्ष उदारु कमलासन
रचिलवणके । अरु कंचनके चारु देइ सबस्य महीसुरन ॥ मधुर
बचन अभिलाखि बर्ष एक वा मास भरि । लवणछोड़ि मुद रा-
खि दानदेइ फिरि लवणको ॥ मांसल चारु सुवेष चाहिगुलुफ
कामिनि सुनहु । प्रतिषष्ठी शुभभेष खाइउदक ओदनसरुचि ॥
बहनि विप्र अरु गाय छुवै न कबहुंचरण सों । जो धोखे छुइ
जाय तौ सशौच बन्दै तिन्हें ॥ चरणचरण सों नेक धोवै कबहुं
भूलिनहिं । देइ द्विजहि सबिवेक दोय कुर्मरचिकनकके ॥ दोय
कमल के फूल उलटि राखितेहि पूजिकै । कामद आनंदमूल
देइ सहेम द्विजाति कहै ॥ अति सुन्दर सब देह कामिनि चाहि
बसन्तमें । तीनि दिवस युत नेह करै सुब्रत अतिमोदसों ॥ मं-
जुल मांसअषाढ़ आश्विनकार्तिक ज्येष्ठकी । लहिपूनोगुणबाढ़
विधिवत ब्रत कामिनि करै ॥ करि शुचिसुन्दर गेह चित्रितकरै
सुचूर्णसों । मधुरबचन सह नेह दासिनहूसों कहइ प्रिय ॥ दोहा ॥
मिथ्याकबहुंनहिं कहै सदासउम्य दयाल । देवाराधननित करै
रहै सदा खशहाल ॥ ब्राह्मण भोजन प्रेमसों करवावै सुखदा-
नि । होइपरम सुन्दरि तरुणि पियप्यारी सुखदानि ॥ चौपाई ॥
शतसुबंधु इच्छैतिय जोई । प्रति सतिमीमें ब्रत करि सोई ॥
चौबिंशई सप्तमि लहि भामिनि । अरपै वृक्षहेमको कामिनि ॥
दक्षिणा देइ द्विजनकहँ भूरी । तौ शतबन्धु लहै मतिपूरी ॥ दि-
पतदीप कंचनके बारी । देइ दीप घरमें धरि नारी ॥ दिपै दीप
वत तौ सबतियमें । रमै निरन्तरपियमें हियमें ॥ जे शुचिसदा
चार रत भामिनि । सौम्य सुशील सुसतपथगामिनि ॥ पति-

बत रत पतिकी अह्लादिनि । प्रियकर प्रकृतिसदाप्रियवादि-
नि ॥ सासु श्वशुर की सेवा करहीं । ते बिनु बतहि मोदसों भ-
रहीं ॥ दैव योग जोतिय पतिवरता । बिधवा होहिं सुपथ अनु-
सरता ॥ ते मृगमय वा कागद माहीं । पूजहिं रचिपतिरूप स-
दाहीं ॥ तासों आज्ञामांगि सुनावै । ब्रूतकरि मृत्युसुलोकतपावै ॥
ब्रूत बिधि गिरिजासों सुनि सुनिकै । बंदि सतिहि करिवे गुनि
गुनिकै ॥ कै कै बिदा उचित कहि कहिकै । गई सकल आनंद
गहिगहिकै ॥ सो ब्रूत अदिति प्रेमसों कीन्हीं । ज्यहि बिधिगि-
रिजासों सुनि लीन्हीं ॥ पारिजात सहपतिको दाना । कीन्ही
अधिक नवीन बिधाना ॥ तबसों भयो अदितिब्रूत नामा । सो
ब्रूत कीन्हो अब सत्यभामा ॥ दोहा ॥ सावित्रीसों सुब्रूत करि की-
न्हीं अधिक इतेक । संध्यालहि देवारचन दुगुणित जबसबिबे-
क ॥ इंद्राणी सों उमा ब्रूत करीइतक अधिकाथ । चौथे चौथे
दिन दई कुम्भ सहस्र भराय ॥ चौपाई ॥ सोई ब्रूतफिरिसुरसरि
कीन्ही । इतक बिधान अधिक करि दीन्ही ॥ ऊषाकाल अन्हान
सोहावन । करै संप्रेम सदाचित चावन ॥ कुंभ सहस्र पूर्ण करि
देई । गंगा तटमें आनंदलेई ॥ यह सब ब्रूत सनेम जो करई ।
मुद मंगल सो इतउत भरई ॥ सातसात पूर्वन कहैं तारै । स्व-
पति स्वर्ग लहि मुदित बिहारै ॥ कीन्हींवर ब्रूत यमकी पतिनी ।
ऋतुहिमन्तमें पतिब्रूत ब्रूतिनी ॥ नाम जामरथसुत सुखदाई ।
यह करि कोउ यमलोक न जाई ॥ देश अनाद्यादितमें रहिकै ।
प्रातन्हाय हिय आनंद गहिकै ॥ पतिहि बन्दि बांझितफलमां-
गै । सोलहि कामिनि आनंद पागै ॥ बिप्रनकहैं भोजनकरवावै ।
देइ दक्षिणा बांझित पावै ॥ ये ब्रूत शिव गिरिजा सों भाखे । ते
हम गिरिजा सों सुनि राखे ॥ ते पौराणिक ब्रूत मन भाये । तुम
सबकहैं हम सबिधि सुनाये ॥ मम वरतपके उग्र प्रभावन । ब्रूत
फल तुम सबलहु सुभावन ॥ सुनहु भूपनारद प्रियवादिक ।

सो सुनि हरषीं रुक्मिणिआदिक ॥ रुक्मिणिप्रथम उमाबूतधा-
री । कीन्ही वृषभ दान अधिकारी ॥ फिरि करि जीववती सुख-
दाई । रत्नवृक्ष दीन्ही अधिकाई ॥ सत्यभामा करि बूत अधि-
कारी । दीन्ही पीतवसन पियथारी ॥ दोहा ॥ सर्वकामप्रद उमा
बूत जे करिहैं सुखदानि । सर्व सम्पदा सर्वफल ते लहिहैं सुख
दानि ॥ बरणे इहि अध्यायमें नारदको सम्बाद । रुक्मिणिसों
शुचि उमाबूत कोबिधिवर अहलाद ॥

इतिहरिबंशदर्पणेब्रतोपदेशकथनोनानामत्रिंशोऽध्यायः २३ ॥

दोहा ॥ बैशम्पायन सुमुनिसों बूकेनृपशिरताज । पारिजातके
हरणमें कहे आपु मुनिराज ॥ षटपुरके दानवन को कीन्हे कृष्ण
निपात । काहे वै किमि बधे सो कहो सबिस्तर तात ॥ चौपाई ॥
जनमेजय भूपतिकी बानी । सुनि समोद बोले मुनि ज्ञानी ॥
त्रिपुरहि हते शम्भु रिस राचे । साठि हजार दैत्य तब बाचे ॥
जम्बू मार्ग बिषय ते जाई । लगे करन तप मंत्र दढ़ाई ॥ जम्बू
तरबैठे तहैं केते । कितने गूलरितर मुद हेते ॥ बटकपित्त तरु
किते सुखारी । बैठि लगे तप करन बिचारी ॥ अरु शूगालबाटी
तर कितने । बैठे निज निज कारज हितने ॥ बिधिहि जपैधरि
धीर अपारा । रहि रवि मुखकरि वायु अहारा ॥ शिवहि जीति-
बेकी करईहा । लगे करन तप महिपै ठीहा ॥ बटतर जे बैठेअ-
नुमानी । ब्रह्मचितवत ते गुरुज्ञानी ॥ आइ तहां ब्रह्मामुदराखे
जम्बूतर वारेन सों भाखे ॥ मांगहु वर ते नहिं अभिलाखे । श-
म्भुहि जीतनकहैं हियमाखे ॥ तबबटतर वारेनसोंबेधा । बरंब्रूहि
बोले बरमेधा ॥ शिव महिमाके जाननहारे । तेअकामता सरुचि
उचारे ॥ फिरि जंबूतरबेधा आई । तिनसों कहत भये समुभा-
ई ॥ उत्पति प्रलय नाशके कर्ता । शिव अनादि ईश्वर जग
भर्ता ॥ तिनसों बैर न कबहूंपैहौ । श्रमकरि व्यर्थपरे इतरैहौ ॥
दोहा ॥ ताते शिवसों जीतिकी बांझा तजि अनुमानि । चहौ

और बरदानसो मांगिलेहु हितजानि ॥ तब ते करता सों क-
ह्यो अबध्यत्व मोहिं देहु । सर्व सुमनसों सर्वसों स्वामीसहित
सनेहु ॥ चौपाई ॥ षट पुरदेहु भूमि तर स्वामी । तहँ बसि हम
सब रहैं मुदामी ॥ एवमस्तुकहि विधि मुसुकाई । तासु मरण
दिन दये बताई ॥ जब तुम बैर बिप्र सों करिहौ । तब नारा-
यणसों निज मरिहौ ॥ विधि निदेशलहि तबते जाई । बसे
भूमितर छपुरबंसाई ॥ जेहँ बटतर आनंदलीन्हे । तिन्हें आपु
हर दर्शन दीन्हे ॥ श्वेत वृषभपै चढ़े सोहावन । आयकहे ति-
नसों मनभावन ॥ बैर दम्भ अरु ईर्ष्या कोहा । तजि तुममोहिं
भजेहु तजिमोहा ॥ ताते हम चलि तब ढिगआये । देनतुम्हें
बरदान सोहाये ॥ जेइत तपकरिहैं मदराते । वानप्रस्थ विधान
सोहाते ॥ मासवर्ष वाविधिवतरहैं । सहसवर्षको फलतेपैंहैं ॥
नाम श्वेतपाहन ममजोई । जपिहि लहिहि बांछितफलसोई ॥
जंबूमार्ग जाय हम बसिहैं । यह इछि हैं ते ममढिग लसिहैं ॥
इमिकहि तिनके गुणनि सुखारे । जे कपित्थ गूलरि तरवारे ॥
अरु शृङ्गाल बाटि तरवारे । तिनहिं सहित निज लोकसिधारे ॥
जम्बू तरवारे जे सिंगरे । षटपुर बसे जायमति बिंगरे ॥ समय
पायते गर्व अहीने । भये काल बश बुद्धिमलीने ॥ दोहा ॥ ताहि
समयतिनके निकट रहतरहो तपधाम । याज्ञवल्क्यको शिष्य
वर ब्रह्मदत्त यहनाम ॥ रह्योकराये बिप्रसों अश्वमेध बरयज्ञ ।
श्री बसुदेव सुजानके परमप्रवीन कृतज्ञ ॥ चौपाई ॥ तबसों ताहि
सखा करिभाषे । श्री बसुदेव प्रेम अभिलाषे ॥ सांबत्सरिकयज्ञ
आरोपन । करत भयो सो द्विजवर चोपन ॥ तहँ बसुदेवहि नेवति
बुलाये । ते दम्पति गे आनंद छाये ॥ हे मुनि व्यास हमहिंसह
तेहा । याज्ञवल्क्य जैमिनि सह नेहा ॥ जाबालिदेवल आदि
मुनीशा । रहे बहुत तहँ सुनहुं महीशा ॥ ताही समयतहां
बलपूरे । षटपुरके ते राक्षसरूरे ॥ आदि निकुम्भ आय अ-

घसाने । ब्रह्मदत्तसों कहे अयाने ॥ देहु सुरन कहैं जिमि गाहि
 नेहु । यज्ञभाग तिमि हम कहैं देहु ॥ हैं अनेक जे सुतातु-
 म्हारी । देहु हमहिं ते सुखमा भारी ॥ रत्न अमौलिक जितने
 जोरे । हौंसोदेहुं बिनामनमोरे ॥ यहसुनि ब्रह्मदत्त मुनि ज्ञानी ।
 कहत भये तिनसों बरबानी ॥ उचित न यज्ञभाग दैत्यनको ।
 बूझिलेहु तपबर मुनिगनको ॥ हैं सब सुता समर्पित कीन्ही ।
 श्रुति पराग बिप्रनकहैं दीन्ही ॥ रत्न मांगिहौं बिनय समेता ।
 तौ देहैं हम कृपा निकेता ॥ बलसों चाहो तौ नहिं देहैं । बली
 कृष्णके बल हम हेहैं ॥ यह सुनिते सब अति रिस करिकै ।
 लैगे तासु सुता सब हरिकै ॥ दोहा ॥ तब बसुदेव गोविंद कहैं
 कहिपठये संदेश । सुनि श्रीकृष्ण प्रद्युम्न कहैं दीन्हें उचित
 निदेश ॥ रक्षामुनि तनयानकी शीघ्रकरहु तुम जाय । जबलौं
 आय ससैन हम उत कछुकरैं उपाय ॥ जयकरी ॥ सो सुनिजाय
 प्रद्युम्न उताल । रचि माया बल बुद्धि विशाल ॥ माया मयी
 सुतातहैं राखि । ल्याये सब तनया अभिलाखि ॥ ते सब नहिं
 जाने यह भेद । तिनसों बिलसन लगे अखेद ॥ लागेकरनय-
 ज्ञतप बिप्र । मोदित मुनिगण सहित अक्षिप्र ॥ इतनेमें आये
 सबभूप । पूर्व निमंत्रित बलअनुरूप ॥ जरासंध शिशुपाल म-
 हीप । दुर्योधन पाण्डव कुलदीप ॥ दन्तवक्र अरु रुक्मनरेश ।
 आदिक और क्षितिप शुभभेश ॥ ते मुनिके पुरके ढिगआय ।
 भये निवास करत सहचाय ॥ तब नारदमुनि कलह बिलास ।
 गये तुरित दनुजनके पास ॥ पूजित तिनसों बैठिसनेह । कहत
 निकुम्भ दैत्य सोंयेह ॥ सुनो कहैंहम तुमसोंसांच । युवती चारु
 चपल शतपांच ॥ ब्रह्मदत्तहै राखे ल्याय । हत प्रद्युम्नके आ-
 नंद छाय ॥ ब्राह्मणकी तनयाशत दोय । शत क्षत्रिनकी आनंद
 भोय ॥ शतवैश्यनकी तनयावेश । शतशूद्रनकी सुता सुभेश ॥
 ब्रह्मदत्तकी आज्ञापाय । ते सब दुरवासा पहुँजाय ॥ सेवाकरत

भई मुदआनि । आशिष दये सुअपि हित मानि ॥ सरस
 सोहाग भाग्यसोंपूरि । बिलसहु पतिसह लहिमुदभूरि ॥ दोहा ॥
 सुवन सुता एकैक सँग प्रति सम्बत्सरपाय । भये करें सबकहैं
 दयोयह आशिष मुनिराय ॥ आशिष को वृत्तांत सुनिब्रह्म-
 दत्त सुखपाय । जाय ल्यायसब कन्यका देन कहे गहिचाय ॥
 पृथक् पृथक् कहि यादवन कह सुन्दरिशतचारि । अहैंअमन
 सीछबिलसीतिनमें ते शतनारि ॥ चौपाई ॥ जाय तिन्हें निज
 हितहरिलाई । हौ अशोच तक आनैदपाई ॥ तिन के हेतकृष्ण
 धनुधारी । लरिहैं तुम सोंअवशि विचारी ॥ यदुवंशज अम-
 रष सों राते । आवत चढ़े बीर रसमाते ॥ ताते हमजो कहे उ-
 पाई । करहु बूझिसोसादर जाई ॥ जरासंधआदिक मनुजेशा ।
 हैंआये तव निकट सुभेशा ॥ दान मान अरु विनय भलाई ।
 करि तिनकहैं अब करहुसहाई ॥ बीर निकुम्भ बचनयहसुनि-
 कै । मंत्रिनसहित गयो तहैं गुनिकै ॥ जरासन्ध आदिक नरप-
 तिसों । मिलिभो देत रत्न बहुजतिसों ॥ दान मान लहिमोदि-
 तकैकै । तासों कहेभूप मुद ज्वैकै ॥ केहि कारण आयेहु दनु-
 जेशा । कहहु शीघ्रसो बीरसुभेशा ॥ तबतेई कहा कहां यह
 तुमसों । बढ़ो विरोध कृष्णसों हमसों ॥ उन्हहिंहमहिंअब होहि
 लराई । तुम सब कोउ ममहोहु सहाई ॥ सुनिकहि एवमस्तु
 महिरक्षी । सिंगरेभये तासु प्रतिपक्षी ॥ तासु बचननहिं पाएडव
 माने । कृष्णहि आत्म परम हितजाने ॥ राखि आहु कहिनि-
 ज पुर रक्षक । सब यदुवंशी सह प्रभु दक्षक ॥ आइ सुब्रह्मद-
 त्त केधोरे । किये निवास शयनवरजोरे ॥ दोहा ॥ आर्बतकशुभ
 सरितसों उठिप्रभु प्रातअन्हाय । बिल्वोदक शिवके चरण ब-
 न्दि परम सुखपाय ॥ सात्यकि अरु बलराम सहचढ़े गरुड़पै
 धीर । मखरक्षणहितपाण्डवन कहैं निदेश दैवीर ॥ रोला ॥ सैन
 रक्षण हेतनियमित करिप्रद्युम्नहि तानि । सैन सह चलिशीघ्र

स्वामी कौतुकी अनुमानि ॥ पारिजात गिरीन्द्रकीन्ही गुहागुर
 विस्तार । विकट पुरको प्रकट सो तट अधट अनुपमदार ॥
 सैनयोजितकरितहां प्रभु बोलिलीन्हे आसु । प्रवरसहितजय-
 न्तकहँकरि शुभदसुमिरणतासु ॥ कहे तिनसों गमनमधि तुम
 रहहुधीरधुरीन । चलै नभपथ असुर तिनकहँ नेहपरमप्रवीन ॥
 रचतमेतहँ मकरव्यूह समूहभट करियूह । शांवसारण विपृथु
 पृथुगद अनाधृष्टि सऊह ॥ वीर कृतवर्मावली अरु चारुदेष्ण
 सुधीर । रहेचहुँदिशि मध्यमें हेसकलयादवधीर ॥ रहेरक्षकपृष्ठ
 दिशि अनिरुद्धकुंवरसकुद्ध । पाइशासन कृष्णकोतव बजेबाजे
 उद्ध ॥ सुनतहीगहगहेमारू बाधकेरवकोपि । धोण धौंसाधुनत
 धाये धीरदानवचोपि ॥ नाग हय रथ ऊंट खर मृगमहिष मकर
 महान । पै चढ़ेते कढ़ेसिगरे बढेरोषअमान ॥ विविध आयुध
 धरे वीर असंख्यदीरघकाय । उमड़िघनसेघुमड़ि बढिबढि ल-
 ये दशदिशिछाय ॥ दैत्यराज निकुम्भकी दिशिसकल नृपदल
 साजि । आइसन्मुख यादवनसों भिरेगर्वितगाजि ॥ चलेआ-
 युध दुहुँदिशिसों प्राणहरणअनेक । भिन्दिपाल त्रिशूल तोमर
 शक्ति मल्ल अनेक ॥ मचे संगर घोरवीर निकुम्भबाणनमारि ।
 यादवीदल विकलकीन्हे विशदबल विस्तारि ॥ यादवी सेना-
 धिपति तब अनाधृष्ट रिसाय । डाटि वीरनिकुम्भपै शरतजत
 मे यहिभाय ॥ ध्वजालों गो गोपि जातेशरनसों वहदैत । वि-
 कलकैतब असुरमाया रचतभो अमनैत ॥ अनाधृष्टहि पकरि
 मायाफांससोंअनखाय । अन्धमें बरगृहामें लैजारिदीन्हेसिजा-
 य ॥ दोहा ॥ कृतवर्मा अरु भोजअरु चारुदेष्ण अरुबाहु । हिय
 करि अरुभट रिक्षतहँ दीन्हेसि डारि सुबाहु ॥ इनहिं आदिभट
 बहुतगहि दिये गुहामें डारि । आपुनिकुम्भअदृश्यरहि गुरुमा-
 या विस्तारि ॥ गुरुतोमर ॥ यह देखिकृष्ण रिसाइकै । बरमांगे
 धनुषचढ़ाइकै ॥ शरतजे ताकी सैनमें । इमिचले पूरे चैनमें ॥

जिमि दीहदावा जोरसों । बनघनेमें इकओरसों ॥ इमि लरत
कृष्णहि देखिकै । सबदैत्य अतिशय तेखिकै ॥ इमि भुकेरिस
बिस्तारिकै । जिमिशलभ ज्योतिनिहारिकै ॥ बहुशस्त्र तरु पा-
षाणसों । अरुलगे मारनबाणसों ॥ निजबाणसों प्रभुडाटिकै ।
सब शस्त्र तिनके काटिकै ॥ बरबाण मंत्रितमारिकै । भटकोपि
महिपैडारिकै ॥ तहँसरितशोणितधारकी । करिदईपाट अपारकी ॥
रुक्सके तेन सचेतज्यों । जलधसे सिकता सेतज्यों ॥ तबदैत्य
भयसों पागिकै । उडिचले ऊरध भागिकै ॥ तितइन्द्रको सुत
हेरिकै । बधकिये तिनको घेरिकै ॥ अरु प्रवरशर सन्धानसों ।
भोवधत तिनहिं बिधानसों ॥ तेराहुकेतुअनेकसे । महिगिरे रू-
पन एकसे ॥ भुज गिरतभे बरचापसे । लसिपांच फणके सांप
से ॥ भरिरुधिरसों भट भातसे । तहँगिरे उलका पातसे ॥ देहा ॥
माया मयी गुहा विरचि तब प्रद्युम्न तमझाय । रहि अदृश्य
पहि नृपनकहँ डारेतामधिल्याय ॥ जरासन्ध दुर्योधनहिं द्रुपद-
हि शकुनिहि आदि । धृष्टद्युम्न आदिक नृपन दये डारि अह-
लादि ॥ दन्तवक्र शिशुपाल अरु रुक्महिं तहां निहारि । कहे
नात गुरुता समुझि देहिंतुम्हें हमबारि ॥ चोपाइ ॥ सुनि शिशु-
पाल महत रिसपागे । दलपै बाण चलावन लागे ॥ शाम्बा-
दिक यादवसों तिनसों । लागोहोन युद्ध सुरथिनसों ॥ इतनेमें
तहँ नन्दीआये । लिये अनेकपास मनभाये ॥ दै प्रद्युम्नकहँ
फांस सोहाये । हरकोकहो सँदेश सुनाये ॥ इन फांसनिसों नृप
तिनबांधो । हति असुरन जय कारज साधो ॥ मुदित प्रद्युम्न
फांसि सबलीन्हे । बन्दन बिल्वोदक करकीन्हे ॥ दन्तवक्र शि-
शुपालहि आदिक । बचेरहे जे नृप अनवादिक ॥ सदलबांधि
तिनकहँ रिसझाये । मायामयी गुहामेंनाये ॥ अनिरुद्धहि तिन
की रखवारी । राखेबीर प्रद्युम्नबिचारी ॥ बांधितिन्हें कै सुचित
सुखारे । असुरनपै शरविधि बिस्तारे ॥ सुतको सत्त्वदेखि प्रभु

हरषे । असुर सैनपै बरशरवरषे ॥ भगे असुरकै परम पिरारे ।
 तिन्हें बुझाई निकुम्भ निवारे ॥ क्षणमेंतिनकहैं कृष्णबिनासे ।
 असुराधिपहि शरनसों गांसे ॥ तब निकुम्भ नभगये उड़ाई ।
 तहैं जयन्तसों भई लराई ॥ तब निकुम्भ अतिरिस बिस्तारी ।
 प्रवरहि हने परिघ गहिभारी ॥ मूर्च्छित प्रवर भूमिपै आये ।
 तब जयन्ततहैं आइ उठाये ॥ दोहा ॥ जीयत प्रवरहि जानिकै
 तुरत तहां फिरिजाय । मारे बाण जयन्तकहैं अति मत्सरसों
 छाये ॥ परिघ जयन्तहि मारिकै भट निकुम्भ अनखाय । रहि
 अदृश्य मारतभयो परिघ कृष्णकहैं आय ॥ गरुड़ राम अरु
 शाम्ब कहैंअरु प्रद्युम्नकहैंजानि । मारतभो पांडवन कहैं परिघ
 जोरसों तानि ॥ चौपाई ॥ लखे बिना तेहि सब आचरजे । प्रभु
 तब ध्यान शम्भुको सरजे ॥ शिव प्रभावसों पख्यो निरेखी ।
 तब धनुधर अर्जुन अतितेखी ॥ दुष्ट दैत्यको नाश बिचारे ।
 बाण अनेक तासुतनमारे ॥ ताके तनमें शर जुरिजुरिकै । धसे
 न एक गिरे मुरिमुरिकै ॥ तब अर्जुन अतिबिस्मितकैंकै । प्रभु
 सों कह्यो चावसब गवैकै ॥ येमम शरवर शैल बिदारण । व्यर्थ
 भये यापै केहिकारण ॥ तबप्रभु पूर्व वृत्तान्त सुनाये । आपुन
 सों बधताहि बताये ॥ यह बिदेहहो अतिबल भारो । तिनमेंएक
 पूर्व हममारो ॥ भानुमतीके हरण समयमें । हतितेहि कीन्हों
 सुरन अभयमें॥सेवै दितिकहैंएक सुखारी । हौ यहएक वीर बल
 भारी ॥ बातें किये कृष्णइमि जौलों । गयो निकुम्भ गुहामाधि
 तौलों ॥ तबप्रभु शीघ्र गुहामाधिजाई । लागे तासों करनल-
 राई ॥ प्रभुके पाछेतहैं सबकोई । गोपांडव यादव सुखभोई ॥ मरै
 न शरसों सो रणधीरा । कहे शम्भुतब रहि अशरीरा ॥ अबके-
 शव शरधनु धरिदीजै । याकोनाश चक्रसों कीजै ॥ सुनि धरि
 धनुष चक्रप्रभु लीन्हें । मारितासुशिर छेदनकीन्हें ॥ तबप्रद्युम्न
 बीराधिप अगरे । ल्यायेमोचि रहेजेपकरे॥रहेआपु नृपजन कहैं

बांधे । छोंडितिनहैं जयकारज साधे ॥ ते सब लज्जित शशिनवाई ।
खरेभरे तहँडीठि बचाई ॥ गोंह ॥ असुरनकी बरकन्यका यदुनदये
यदुनाथ । हयगज धनरथ देतभे हेजितने तहँसाथ ॥ षटसहस्र
रथ पाण्डवन कहँ दीन्हे यदुभूप । देतभये सब नृपनकहँ गज
रथ रत्न अनूप ॥ ब्रह्मदत्त यदुराजकहँ दै षटपर रमनीय । नृप
गण अरु पांडवन कहँ किये विदा कमनीय ॥ बिल्वोदक शिव
के निकट करि उत्सव अभिराम । यज्ञपूर्ण लखि कृष्ण प्रभु
आये सदल स्वधाम ॥ बरणे यहि अध्यायमें षटपुरकोसंहार ।
ब्रह्मदत्त यदुराजको सिद्धयज्ञ व्यवहार ॥

इति श्रीहरिबंशदर्पणेषटपुरवधोनामचतुर्विंशोऽध्यायः २४ ॥

दीहा ॥ बैशम्पायन सों कहे फिरि जनमेजय भूप । भानुमती
को हरण अब कहिये सुमुनि अनूप ॥ पारिजातके हरणमें ना-
रदमुनि बिरुयात । अन्धकको बध शिवकिये कहे कहहुसो
तात ॥ चोपाई ॥ सुनिबोले मुनिवर विज्ञानी । जनमेजय नृपकी
यह बानी ॥ जब देवासुर संगरमाहीं । असुरन हते विष्णुनभ
पाहीं ॥ तब दिति अतिशय शोचित कैकै । तपि कश्यपहि
मोद सों गवैकै ॥ यह बरमांगत भई सनेहू । सुरगणसों अब-
ध्य सुतदेहू ॥ एवमस्तु तब कश्यप भाखे । अंगुलि तासु उदर
पर राखे ॥ कछु जप करि इमि कहे सुखारे । होइहि सुत मन
मान तुम्हारे ॥ सबसुरपै प्रभाव मम भारी । बरजिसु आदि
देव त्रिपुरारी ॥ सर्वहि बिनासर्व सुरगनसों । होइहिसो अबध्य
भरिपनसों ॥ इमि कहिगये तपन तपमुनिवर । लहतभईदिति
सुत अनुपमधर ॥ शिरभुज सहसद्गुनपग नैना । अति दी-
रघ बपुबलीसचैना ॥ बलकेमद तेहिअंध निरेखी । अंधनाम
सबकहेविशेखी ॥ अतिशय सोउनमादि सुरारी । लगोअनीति
करनबलभारी ॥ तिय धनरत्न वाजिरथ गजगण । हरनलगो
सुरगणके गहिप्रण ॥ तीनि लोक जीतनको प्रणकरि । चाहेसि

लरनइन्द्र सोंधनु धरि ॥ तबकश्यपपै सुरपति जाई । कहतभये
 बहु भांति बुझाई ॥ ताहि अवध्यकिये तुम ताते । बाचब अब
 हम केहिबिधि याते ॥ दोहा ॥ सुनि धीरजदे इन्द्रकहँ कश्यपदिति
 सहजाय । वारतभे अन्धक बलिहि बहुतभांति समुझाय ॥ तऊ
 जायसुरलोकमेंकरैउपद्रवनित्य । बाधैऋषिमुनिकेकरमअभरम
 पितुबरचित्य ॥ ताकी इच्छासों चले रविशशि ग्रह गणपौन ।
 चढ़ि विमान सुरसिद्धगण सकैं गौन करिकौन ॥ चौपाई ॥ यहि
 बिधितासु कर्म लखिपोचे । कैयकत्र सबऋषि मुनिशोचे ॥
 कहे तहां सुरगुरुऋषिगनसों । बध्यदुष्ट यहमदन कदनसों ॥
 ताते चलि सब नारदमुनिसों । कहहुदशासमुभाय सुधुनिसों ॥
 शिवबर कृपा करेंउन पाहीं । वैचाहैं तब शिवपहँ जाहीं ॥ तब
 शिवसों सब दशा सुनैहैं । तासोंतासु नाश करवैहैं ॥ यहसुनि
 सबमुनिगण मुदराखे । जाय व्यथा नारदसों भाखे ॥ सोमुनि
 नारदमुनिबर रोषी । शिवपहँ गये मुनिनकहँतोषी ॥ पारिजा-
 त करबिपिन सोहावन । तहांशम्भुपै जाइसचावन ॥ एकराति
 तहँ बसिसुख पाये । विधिवतसबवृत्तान्तसुनाये ॥ सुनिशिवको
 निदेशमुदगहिकै । पारिजातकी मालालहिकै ॥ डारिगरेअन्धक
 पहँजाई । बैठेपूजितकैसुखदाई ॥ पारिजातकोगन्धसोहायो । करि
 कैघ्राणअन्ध मुदछायो ॥ बूझतभयो दुष्टगहिभारद । पारिजात
 यह कितको नारद ॥ जाकोऐसो सुमन अनूपा । सरससौरभित
 अनुपम रूपा ॥ बहुदिन लखेशक बन माहीं । ऐसे कुसुमउतैहूँ
 नाहीं ॥ तातेकहहु शोचमन भाये । यहमालातुमकहँसों ल्याये ॥
 दोहा ॥ सुनिमुनिदक्षिण पाणिसोंसोखगचारुउठाय । हँसिअन्धक
 मतिअन्ध सों कहत भये सुखपाय ॥ मन्दरगिरिपै मूलधरपा-
 रिजात को बेश । हैं बिरचेवनबिशदअति सुनुसुबीर असुरेश ॥
 मधुमार ॥ तेहि बिपिन कुसुमउदारु । बहुभांति यासों चारु ॥ धन
 रत्नके दातार । मनमानदेत बिहार ॥ शुचिगन्ध इच्छितदेत ।

तरु तरुणिमोद निकेत ॥ तेहि विपिनमें निशि एक । जो बसै
सुनहु सटेक ॥ सोलहै कबहुं न भीति । कोउ सकै ताहि न जीति ॥
पर कठिन उतको जाब । उत प्रबल शिवको दाब ॥ रणधीरवीर
सुभेश । रक्षपतरति सो देश ॥ तहँ सदा शंभु उदार । सह शिवा
करत बिहार ॥ नहिँ आन पुरुष सचाय । उत सकत कैसेहु जाय ॥
सुनि सुमुनि के ये वचन । करि अंध अरुण सुनयन ॥ वरवीर
सेना साजि । चढ़ि चलो शिवपै गाजि ॥ चलि शीघ्र शठबद
फैल । भो लखत मन्दर शैल ॥ गिरि श्रेष्ठ तब गहिकाय । भे
खरे तो ढिग आय ॥ गिरिराज को लखि दैत । इमि कहत भो
अमनैत ॥ जो चहौ निज कुशलात । तौ मानि मेरी बात ॥ तरुराज
को बनपन्न । मोहिं चलहु लै तुम तत्र ॥ दोहा ॥ ना तरु हम मर्दव
तुम्हें कौन उबारण हार । हौं अबध्य पितु कृपाते जानत सब
संसार ॥ अंधक के ये वचन सुनि भे अदृश्य गिरिराज । तब अ-
न्धक बोलत भयोग बिंत गिरादराज ॥ चौपाई ॥ कै अदृश्य मन्द-
र कहँ जैहौ । मोहिं तजि शरण कौन की लैहौ ॥ अवतुव सानुचूर्ण
हम करहुं । इत सों डारि अनतलै धरहुं ॥ इमि कहि दीरघ सानु
उपारी । लग्यो देन शृङ्गन पै डारी ॥ सुभटन सहतहँ शृंग उपारन ।
लग्यो लग्यो शृंगन पहुँ डारन ॥ इमि बहु शृंगचूर्ण करि दीन्हें । तब
शिवकृपा शैल पहुँ कीन्हें ॥ भये पर्ववत सिंगरे सानु । लखि बिस्मित
भो दैत्य अमानु ॥ शृंग उपारि असुर परिहरहीं । तिन सों दबि दै-
यत गण मरहीं ॥ यह बिपरीत दशालखि कोही । कहत भयो
अन्धक सुरद्रोही ॥ गिरि तुम सों हम सों नहिँ कारज । हैं कित
शम्भु बने जे आरज ॥ हम बल सों उन पै चढ़ि आये । जी-
तन चहँ उन्हें मुद छाये ॥ सो वै अब कितरहे लुकाई । सनमुख
कै किन करहि लराई ॥ इतने में शंकर अति कोहे । वृषभारूढ़
शूलगहि सोहे ॥ तेहि क्षण अन्धक के दल माहीं । अशकुन भये
कुशल जेहि नाहीं ॥ आइतासु सन्मुख छबि छाये । शम्भु अमो-

घ त्रिशूलचलाये ॥ लगित्रिशूल अन्धकके तनमें । कीन्हेंता-
 हिभस्म तेहिक्षनमें ॥ लखिसुरमुनिगण आनँदपागे । अस्तुति
 करन शम्भुकीलागे ॥ दोहा ॥ देवबजाये दुन्दुभी हरषेवरषेफू-
 ल । गानकिये गन्धर्वगण अप्सरनृत्यअतूल ॥ अन्धककेबध
 तेभयो निष्कण्टक सबलोक । आनँदपूरो महतसुर मुनि नर
 गणके ओक ॥ तोटक ॥ सुनिअन्धकको बध आनँदसों । जन-
 मेजय भूपति मानदसों ॥ फिरिबूभक्तमे मुनिराजकहो । अब
 जो हमबूभक्त चित्तचहो ॥ प्रभुसारथ पारथसों जुकहे । युधि
 दैत्य निकुम्भहिके उमहे ॥ यहहोव पुनीत मरोबलसों । तेहिमें
 यहएक मढोबलसों ॥ दितिकोनित सेवत एकगुनो । हमएक-
 हि पूर्व बधेसोसुनो ॥ यहिभांति धनंजयसों कहिबो । प्रभुको
 मुद पारथको गहिबो ॥ तुमभाषेहुजो अबसोमुनिजू । बिस्ता-
 र समेतकहो गुनिजू ॥ बरबीर निकुम्भहिकी अरुजी । गिरि-
 सी गुरजोवह देहुदुजी ॥ तेहिबिष्णु बधेजेहि कारणसों । जेहि
 भांतिजिते प्रणधारणसों ॥ सुनिकैजनमेजयकी सुगिरा । मुनि
 बैशंपायनजू रुचिरा ॥ इमिबोलतमे नृपसों सरितै । पहिलेसु-
 निये प्रभुकेचरितै ॥ फिरिबूभेहु सोवह उच्चरिहों । सबसंशय
 आपुनको हरिहों ॥ प्रभुएकहमें तियकोगणलै । जलमें जल
 क्रीड़नको प्रणलै ॥ बसुदेवहि औनृप वृद्धसमै । पुरद्वारावती
 महँराखिअमै ॥ सँगयादवलै सिंगरेसुखसों । करिमोदित आ-
 नँदमें रुखसों ॥ दोहा ॥ निजयुवतिनको बृन्दलै आपुचलेसुख
 पाय । गणिका सब यादवनके दीन्हेंसंगलगाय ॥ संगरेवती
 को लये चलैरामबलवान । पिंडारक वरतीर्थमें कीबेकोअस्ना-
 न ॥ चौपाई ॥ गयेसमुदतट तहँ बलभारे । दैत्यवसतहँ तिन्हें
 सँहारे ॥ फिरियुवतिन सहआनँदपागे । पैठिसिंधुमहँ क्रीड़न
 लागे ॥ रहींजिती युवती रँगराती । पटरानी रानी बिरुयाती॥
 कामरूपकै तितनेस्वामी । बिहरेसबसों अन्तरयामी ॥ निज

निजदिग निज निज बशजानी । क्रीडतभई सकल सुखदानी ॥
 भावअनेक भांतिके करिकरि । विहरनलगीं तरुणि मुद भरि
 भरि ॥ प्रेमझाकसों छकी उझाही । जेजेहिविधिसों विहरनचा-
 ही ॥ तिन्हैंविहारे तेहिविधिनागर । सागरगतप्रभु कौतुक सा-
 गर ॥ नखरदछतसों चिह्नितकैकै । मोदितभई आदरशज्वैज्वै ॥
 युवतिनके शुचि अनुलेपनसों । अरुचिकुरनको गथितसुमन
 सों ॥ कैयकयोजनलों सरितेशा । भयोसौरभित सुखद सुभे-
 शा ॥ प्रभुप्रभावते भोअतिनिरमल । पयसुस्वाद लवण निधि
 कोजल ॥ जानुलंक कुचला बरसीके । रह्योउदधिजल तहैं स-
 बहीके ॥ कादम्बरी पानकरिमाते । रामरेवतीके रसराते ॥ बहु
 विधिरमे स्वइच्छाचारी । हवैजल गिरिरहि विपिन विहारी ॥
 यादवगण गणिकन संगमोदे । सागरमें बहुभांति विनोदे ॥
 दोहा ॥ हरिणाक्षिके हियोहरि जलमें हरिजलजाक्ष । रमित
 तृप्तिता लहेतकि तीक्ष्ण तरल कटाक्ष ॥ निजप्रभावसों कृष्ण
 तहैं दिव्याप्सरन बुलाय । संगयादवनकेरमहु आज्ञादयेसचा-
 य ॥ चौपाई ॥ प्रभुनिदेश सुनिते मुदपागीं । यदुवंशिन संगविह-
 रनलागीं ॥ सजल मेघगण संगजिमि दामिनि । तिमितिनमें
 बिलसीते कामिनि ॥ बाद्यगान अरुनृत्य सोहाये । थलसम
 फिरें बारिपैभाये ॥ भावलखाय अनेक यतनके । हरतभई मन
 यादवगनके ॥ मन्दिरबस प्रमत्तबलपूरे । छविसागरयादवगण
 रूरे ॥ तिन्हैंसहित ऊरधबलिजाई । बाहुकंधधैतिन्हहिरमाई ॥
 फिरिसागर बनगिरि महँल्यावैं । रमिरमाय फिरि उतैरमावैं ॥
 तियनसहित तिनके संगलागे । इतउतरमे कृष्णमुदपागे ॥
 मोदअलभ्य अपूर्व अनूपा । यादव इमिलहि अद्भुत रूपा ॥
 कृष्णप्रभाव चित्तसुखसाने । सोप्रकार नहिं अचरज माने ॥
 भोज्यलेइ अरुचोष्य पेयशुचि । भोजनभावन भूरियथारुचि ॥
 प्रभुप्रभावते अति अनुपमतहैं । भयोप्राप्त नरनारिसवनकहैं ॥

प्रभु कारन ॥ तदनुराम मदके मदझाये । सहित रेवती सम्मुख
 आये ॥ कहेरहे प्रभु जेहिबिधि तैसे । दुहुं दिशि बँधोगोल
 लखिलैसे ॥ वारियंत्र लैलै वरभावन । दुहुं दिशिसों जललगे
 चलावन ॥ कितने बारि बारिसोंबारें । कितेबारिबारिजपैधारें ।
 यहिविधि तरुणि तरुण दुहुंदिशिसों । विरचे चारियुद्ध बिनु
 ऋषिसों ॥ प्रभु अप्सर आज्ञा अनुसारी । करें बाद्य तहँ उ-
 चित बिहारी ॥ दर्दुर बाद्य करें मुदराती । अरुजल बाद्यगान
 अवदाती ॥ बारिधि कामिनि बारिज बिधिमय । भो तेहिक्षण
 बारिधि सुखमालय ॥ यहिविधि वारियुद्ध करिछाके । कृष्ण प्र-
 बल प्रभुप्रभु प्रभुताके ॥ वारियुद्धकहँ वारण करिकै । बाहर
 कढ़े मोदसों भरिकै ॥ प्रभुके कढ़े कढ़े सबकोई । धारण किये
 बसन सुखभोई ॥ दोहा ॥ अनुलेपन तन सुमुनिके निज करसों
 प्रभुलाय । लगवाये निज गातमें तियन सहित सुखपाय ॥ या-
 दवगण नरनारिसब लावतमे तनराग । कृष्णचन्द्र भगवानके
 पूरितबर अनुराग ॥ तबप्रभु भोजन करनकहँ बैठत मे सुख
 पाय । यादवगण अरु तियनकहँ यथाउचितबैठाय ॥ सोरठा ॥
 ब्यंजनबनो अनेक सामिष सुखद सुस्वाद अति । मानस स-
 हित विवेक सानँदतहँ भोजन किये ॥ न्यारे बैठि प्रवीन ऊधो
 आदिक वृष्णवर । शुचिसुस्वाद अमलीन भोजन कीन्हेबैष्ण-
 वी ॥ मोदक ॥ पाय निशीथिनी ताथरमें फिरि । केशव रामरचे मुद
 सोंघिरि ॥ नारदराज बिशारद मोदित । गान किये सबिधान
 बिनोदित ॥ माधवके चितचिन्तितको लखि । आइतहां हिय
 आनँदकोरखि ॥ बारवधू सुरनायककी सब । रूप निधानसमा-
 नसुनीतब ॥ दोहा ॥ रम्भा मंजुलिमैनका अरु उर्वशीसुजानि ।
 हेमा तरुणि तिलोत्तमा आदिसरस सुखदानि ॥ यहिविधिसर्व
 सखानसह सहस सर्वरो तौनि । प्रभु बिताय कीन्हीबिदा ही-
 सुर गणिकाजौनि ॥ सोरठा ॥ कृपासिंधु सुखदानि पुत्रनआदिक

लघुनसह । परमसखा सममानि रमेतहां बहुभांतिइमि ॥ महि-
खरी ॥ यहिभांति क्रीडाशक्र प्रभुकहैं देखिअतिशय हरखि कै ।
हो दैत्यबीर निकुम्भ औसर लखत सोतब परखिकै ॥ होवज्ज-
नाभ सुबन्धुतातेहि मारितासुप्रभावती । हींसुताताहि प्रद्युम्न
हरिलै कियेहे प्रियभावती ॥ तेहिबैरसों तब द्वारकामें आइको-
तुक करतभो । तहैं भानुयादवकी सुताहीं भानुमति तेहि हरत
भो ॥ कै गुप्तलै तेहि धीरधृत स्वधामकी मगधरतभो । इतभानु
कोगृह नारिनरके रुदनसों तब भरतभो ॥ सुनिशीघ्रतहैं वसुदे-
वआहुक जायनहिं तेहि रुकतभे । तबपूरि विस्मय भूरिघरिक
बिसूरिनहिं कछु सकतभे ॥ तब हांकिरथ चलिजाय प्रभुसौंद-
शा यह सबकहतभे । सुनिकृष्ण अतिशय कोपिताके नाशको
प्रणगहतभे ॥ सब यादवन कहैं द्वारकाको बिदातब गुणिकरत
भे । तहैं बोलि खगपति कहैं सपारथ चढ़ि सुशस्त्रन धरतभे ॥
सँग बीरप्रबल प्रद्युम्न रथचढ़ि पायशासन चलतभे । तेहि
समय सागर शैलसिगरे सहित सीवां हलतभे ॥ दोहा ॥ नभ
पथपै अति वेगसों चलिते बीर बिभात । दैत्य निकुम्भहिलख-
तभे बज्र नगरकहैं जात ॥ प्रभुप्रद्युम्न पारथहिलखि मायावी
सो दैत । तीनि मूर्ति आपुहिभयो अति अमान अमनैत ॥
चौपाई ॥ बहुकण्टक लै गदा विशाला । लगे लरन रचिजो बि-
कशाला ॥ लीन्हें सुतावासकर वरमें । लरेगदालै दक्षिणकरमें ॥
कृष्ण प्रद्युम्न पार्थ धनुधारी । मारहिंशरसों ताहि बिचारी ॥
कन्यहि लगे न शरबरजाते । शंकि अशीघ्र तजेशरताते ॥ तऊ
धनुर्द्धर की बिधिलीन्हें । मारिदैत्यकहैं व्याकुलकीन्हें ॥ तबसह
तनया सो मायावी । भो अदृश्यसकपट मेधावी ॥ अधमआइ
अघकरि बिधिअक्षी । भागतभोवनि हारितपक्षी ॥ माया बिन
के रिपु प्रभुज्ञानी । लगेतासु पीछे अनुमानी ॥ बारहिबार बाण
बहुमारैं । मुदिततासुसँग लगेबिहारैं ॥ सातौद्वीप फिरोसोभा-

गो । थिरिन सको कितहूं भयपागो ॥ थकिगो कर्ण शैल ढिग
जाई । सुरसरिकूल गिरो भयपाई ॥ तब प्रद्युम्न अति जवग-
तिकीन्हे । तासों ऐंचि कन्यकहि लीन्हे ॥ प्रभुके बाणनकै सो
पीड़ित । चलो भागि दक्षिण दिशि ब्रीड़ित ॥ गुहाद्वारमें प्रवि-
शिसशंकित । जो षटपुर सरक्षत सो अंकित ॥ गुहाद्वार कहैं
रोकि सुखारे । तेहि निशिपारथ कृष्णबिहारे ॥ लहि प्रद्युम्न
प्रभु शासनभाये । कन्या भानुहि दै तहूँ आये ॥ देहा ॥ भोरभीम
बल दैत्यसों वीर निकुंभ अमान । कढ़ो युद्धको चाव गहि ग-
र्जत मेघसमान ॥ कढ़त देखि मारनलागे पारथ बाणन ताहिं ।
तड़पि हनेसि तबतेइगदा शिरसि पार्थके चाहि ॥ चौपाई ॥ रक्त
बमतकै घूर्णित पारथ । मूर्छित गिरे भूलिशर वारथ ॥ फिरिह-
निगदा प्रद्युम्नहिं जोई । करतभयो मूर्छित तहूँ सोई ॥ तबप्रभु
कृष्ण गदालै आपै । सत्वरचले कोपकरितापै ॥ चलि निकुम्भ
अतिशय रिसपागो । प्रभुसों लड़नगदालै लागो ॥ घूमिचक्र
सम निजजय ईछे । गदायुद्धते बहुक्षण शीछे ॥ ऐरावतचढ़ि
सुरपति ठाढ़े । सुरसह लखें युद्ध भुदबाढ़े ॥ मढ़ो आठ घण्टा
सों घोरा । सोगुरुगदा निकुम्भ कठोरा ॥ प्रभुके शीश हनेसि
मतवारे । हने ताहि प्रभुस्वजन बिचारे ॥ मोहिकछूक्षण कौतुक
चाही । हने चक्रसों केशवताही ॥ चक्रहि आवत लखि सोई
भाई । तजि निजतन कहुं अनतहिजाई ॥ आयो धरि अति
दीर्घ शरीरा । बनि दशसहस निकुम्भ प्रवीरा ॥ इतसुत सखा
सहित धनुधारी । प्रभु दइत्यको कपट बिचारी ॥ सो तनखण्ड
खण्डकरि तौलों । राखेवह फिरिआयो जौलों ॥ अयुतनिकुम्भ
वीर बनिआयो । तिन्हें पेखिप्रभुअति सुखपायो ॥ पारथ अरु
प्रद्युम्न रिसपागे । तिन्हें शरनसों मारनलागे ॥ तबते कइक
सहस दश दिशिते । ऋषटि एकसँग भरिअति रिसते ॥ देहा ॥
पाणिपाद कटि शीशधनु अतिअंगन लपटाय । गहिबरजोरी

अर्जुनहि लैगे ऊर्ध्व उठाय ॥ सहप्रद्युम्नतहँ जाय प्रभुकरिनिज
मूर्ति अनेक ॥ द्वैद्वै खण्डकरैलगे शरसों तिन्हँ सटेक ॥ चेला ॥ करे
जेहि द्वै खण्ड ते हवै दोय दीरघकाय । लरे प्रबल प्रकर्षभटभरि
रोष चहुँदिशि धाय ॥ बृभियह वृत्तान्त प्रभुधरिध्यान चितमें
चाहि । रह्योसत्य निकुम्भ लीन्हे अर्जुनहिं जोताहि ॥ मारिशर
सों दोयकीन्हे गिरेसोतजिप्रान । भये मायामय असुरसबबारि
बुदबुद मान ॥ गगनते अर्जुनहि महि पै गिरत कृष्ण निहारि ।
दये शासन सुतहि ते चलि लये स्थपै धारि ॥ मारिइविधिनि-
कुम्भकहँ सह सखा सुत प्रभुजाय । द्वारकामें ओक ओकनि
दये आनँद दाय ॥ आइतहँ तेहि समयनारद भानुसों यहि
भांति । कहेकन्या हरणको मतिकरहु शोच सुकांति ॥ एक दिन
तुव सुतारैवत शैल पै अभिराम । रही खेलत ताहि निज ढिग
टेरिहेरिसकाम ॥ दये दुरवासा सरिस कै शाप अनुचितमानि ।
कौनकीतू सुतापरिहै खल असुरके खानि ॥ दोहा ॥ तबहों सु-
निनसमेत तेहि बहुविधिकहे बुझाय । सुनि दुरवासा कहतभे
शीश नवाय लजाय ॥ व्यर्थनहोइहि तम गिरा असुर हाथ
यह जाय । छुटि तासों फिरि सुपति लहि बिलसिहि अति सुख
पाय ॥ वसुकला ॥ सुनु भानु । सुनि मानु ॥ यह भेद ॥ तजिखेद ॥
दुहिताहि । चितचाहि ॥ सहदेव । शुभभेव ॥ तेहि देह । सह
नेह ॥ मुनि बैन । सुनि चैन ॥ लहिभानु । बरज्ञानु ॥ दोहा ॥
करि सम्मत श्रीकृष्ण सों सहदेवहि तहँ आनि । भानुमतीनि-
ज कन्यकहि दिय समर्पि गहि पानि ॥ माद्रीसुतपाण्डवसुभग
पत्नी सह सहदेव । भानुकृष्णसों हवै बिदा गे निज गृह शुभ
भेव ॥ अन्धक बधकहि कहि कहेप्रभुको बारि बिहार । भानुम-
तीको हरण अरु बध निकुम्भको प्यार ॥ भानुमतीको शाप हो
दुरवासाको जौन । कहे व्याह सहदेवसों भानुमतीको तौन ॥

इति श्रीहरिवंशदर्पणेषटपुरबधोनामपंचविंशोऽध्यायः २५ ॥

दोहा ॥ बैशम्पायन सों कहे जनमेजय क्षितिपाल । सुनि नि-
 कुंभ कोबध लह्यो मनमें मोद विशाल ॥ भानुमती के हरणमें
 बज्रनाभके घात । प्रभावती को हरण तुम कहेकहहु सोतात ॥
 चौपाई ॥ बैशम्पायनकी यह बानी । सुनि बोलो मुनिवर बिज्ञा-
 नी ॥ जाइ मेरु गिरिपै बलभारी । दितिसुत बज्रनाभ व्रतधारी ॥
 विधिहि अराधि उग्रतपकरिकै । बरंब्रूहि सुनि आनंद धरिकै ॥
 इन्द्रहि जीतन के पन पाग्यो । अवध्यत्व सुरगणसों मांग्यो ॥
 और बज्रपुरमांग्यो बिस्तर । बज्रमयो बिरच्यो अति दुस्तर ॥
 बिनता सुत ईछा तहँ जाई । सकै न बापुमहत भयपाई ॥ तेहि
 पर ज्ञातिन सहबस सोई । बिहरण लागो निर्भय होई ॥ विधि
 बरके प्रभावमुद पागो । करन उपद्रव जगमें लागो ॥ जाइइन्द्र
 सोंकहेसि रिसारो । बिधिवर बल मदसों मतवारो ॥ तीनिलोक
 पतिता हम चाहैं । सो मोहिं देहु देखि ममबाहैं ॥ बहुदिन तीनि
 लोक पति हवैकै । बिलसेतुम आनंदसों गवैकै ॥ देहुहमें अब
 राखिबडाई । कै सन्मुख चढ़ि करहुलराई ॥ कश्यपके सुत हम
 तुमभाई । कततुम भोगहु हमेंबिहाई ॥ बज्रनाभकीबाणीसुनिकै ।
 कहे शक्र निजगुरुसों गुनिकै ॥ कश्यप यज्ञकरतहै थाई । तौलों
 तू धीरज धरु भाई ॥ भये यज्ञसब पितहि सुनाइब । जो कहि
 हैं सो करि सुख पाइब ॥ दोहा ॥ बज्रनाभ यह बचन सुनि क-
 श्यप मुनि पहुँ जाय । कहत भयो वृत्तान्त सो सुनि कश्यप सु-
 खदाय ॥ बज्रनाभ सों कहतभे अबहिं बज्रपुर जाहु । यज्ञभये
 पै कहब हमसोकीन्हेहुलखिलाहु ॥ चौपाई ॥ बज्रनाभपितु बचन
 सोहायो । सुनिसत्वर चलिनिजपुर आयो ॥ सादर शक्रद्वारका
 आये । केशव सों सबकथा सुनाये ॥ कहे शक्र सोंकृष्णसुखारो
 यज्ञ करतहैपिताहमारे ॥ बाजपेय मखपूरणज्वैकै । करिहौं तासु
 नाशमुद गवैकै ॥ तासुनाश की विधिको करिकै । सम्मत शक्र
 गये मुद भरिकै । यज्ञोत्सव महँ तहँ नट आयो । निज बिद्यामें

अति पटुभायो ॥ सुविधि नाट्यविधि करि मुद लीन्हे । मोहित
सब ऋषिगण कहँ कीन्हे ॥ हवै प्रसन्न मुनिगण अभिलाषे ।
बर मांगहु नटवर सों भाषे ॥ भद्रनाम नट सुखसों गवैकै । प्रभु
ईहासों प्रेरित हवैकै ॥ यह बर मांगत भो सो सबसों । सबका
भोग्य होहुँ मैं अबसों ॥ सातद्वीप में सबथर माहीं । मम गति
होइ कहो तुमपाहीं ॥ सबसों होउँ अवध्यसुखारी । होउँ ईप्सि-
तमेष सुधारी ॥ मृतक अमृतक भविष्यहु के तन । प्रतिसबश-
क्लिलहुँ प्रमुदित मन ॥ सुनि ऋषिगण आनँदसों भारे । एव-
मस्तुवर वचन उचारे ॥ उतै स्वर्ग पै शक्र विचारी । कहसह-
सों ये सुविधि दुखारी ॥ मन सुबन्धु कश्यप कुल जाये । हवै
तुम हंस सुभग तन पाये ॥ देखा ॥ सुर बाहन सुर सदृश तुम
हंस परमप्रिय मोहिं । कछु निदेश चाहौं कियो बुद्धिमानलखि
तोहिं ॥ बज्रनाभके नगरमें आनँद गहितुम जाहु । तहँ बनबापि-
नमें बिहरि मम हित कहोसचाहु ॥ जयकरी ॥ बज्रनाभकी सुता
सुजानि । प्रभावतीहै सरस सथानि ॥ तासों करि सम्भाषणजा-
नि । चातुरतासों निजबश आनि ॥ कहि प्रद्युम्न को कुलगण
नाम । सुखमावय सुभाव अभिराम ॥ पुरुषारथ आदिक सब
ढंग । कहिताकोमन करिसउमंग ॥ लैमिलापको शुभदनिदेश ।
कहेहुआइ प्रिय सुपद सँदेश ॥ तब हम केशवकरि अनुमान ।
करब उपाय सुनहु बुधिमान ॥ सुनि बासवके वचन सकाम ।
मोदितजाय हंस मणिधाम ॥ बिहरनलगे बज्रपुरबीच । बन
बापिन मधि निकट समीच ॥ बोलि मनोहरबाणी बेश । इत
उत लागे रमनसुमेश ॥ बज्रनाभतहँ तिन्हें निरेखि । कहतभ-
योकरिकृपा विशेष ॥ तुम दम्पति मोहिं प्रियनितअत्र । रमौ
स्वइच्छा सों सर्वत्र ॥ तबते कै अति सुचित सचाय । रमन
लगे अन्तःपुर जाय ॥ नरभाषातहँ बोलिसुबोल । लागेकहन
कथा अनमोल ॥ सो सुनि सुनि तियगण गहिचाव । लगीक-

रन अतिआदर भाव ॥ सानँद ते तहँ करत बिलास । गेचलि
 प्रभा नदीके पास ॥ तिन्हें लेखिसो लहि अतिमोद । लगीं क-
 रनबहुभांति विनोद ॥ दोहा ॥ जानि तिन्हें मतिमान अति प्रभा-
 वती गुणखानि । हंसिनि शुचि शुचिमुखी तेहि कीन्ही सुखी
 सुजानि ॥ प्रभावती के संग बिहरि कछुदिन तहँ सुखदानि ।
 समयपाय हंसिनिसुबुधि कहत भई अनुमानि ॥ चौपाई ॥ प्रभा-
 वती मैं कहउँ बिचारी । नहिं तोहिं सम तिहुंपुरमहँ नारी ॥ सु-
 न्दरि सुबुधि सुशील उजागरि । बिधि तोहिं रचे अतुलिगुण
 आगरि ॥ ताते बूझि कहउँ तुमपार्हीं । कछुपदार्थ तोहिंदुर्लभ
 नार्हीं ॥ रतिसुख बिनु निष्फल से सिगरे । व्यर्थ जातसुखके
 दिननिकरे ॥ यौवनगयोबहुरिनहिं आइहि । कदि प्रवाहकेजल
 सम जाइहि ॥ बज्रनाभ बहु भूप बुलाये । तुव सुस्वयम्बरइत
 मनभाये ॥ तेनर असुर सर्वगुणधारे । रुचे न तुम्हें सबै हिय
 हारे ॥ ताते तुम्हरे योगउदारू । बरअनुमान कियों होचारू ॥
 सुवन कृष्णको परमउजागर । धीरधुरीण बीर नयनागर ॥ पु-
 रुषसिंह पुहुमीको नेता । अमर असुर सुरगणको जेता ॥ निज
 प्रभावसो तनमनमंथहि । किये पुत्रप्रभु बूझि सुअरथहि ॥ ना-
 मप्रद्युम्न पुहुमिके मण्डन । मंजुमनोहर बैरिबिहण्डन ॥ बाल-
 पने में जो धनुधारी । हत्योशम्बरहि भूतलचारी ॥ बरहु तिन्हें
 जो निज हितजानी । सुफलसर्व तुव गुणसौमानी ॥ निजअनु-
 रूप अनूपम जो हौ । कंचनरत्न सदृश मिलि सो हौ ॥ बचन
 शुचिमुखी के येसुनिकै । प्रभावती निज हियमेंगुनिकै ॥ बोलत
 भई यथोचित बानी । पुलकिपसीजि मोदसों सानी ॥ दोहा ॥
 आपुबिष्णु प्रभु कृष्णभे दैत्य बिनाशनहेत । सो सबहैं विधि-
 वतकहे नारदज्ञान निकेत ॥ सकल चरित्र प्रद्युम्नके हैं हम
 सुनेसभेद । परयहि कारज सिद्धिमें हैं व्यापित गुरखेद ॥ के-
 शवसों मम पितासों है स्वाभाविकबैर । शुचिमुखि केहि बिधि

सधिहि यह कारण पूरत घैर ॥ चौपाई ॥ परमपंडिता शुचिमुखि
 आरज । जो तू सिद्धकरै यहकारज ॥ तौ हौं तोहिं स्वामिनि
 सममानो । आपुहि तुव दासी समजानो ॥ यहसुनि शुचिमु-
 खि प्रमुदितकैकै । कहत भई संशय सब गवैकै ॥ सुन्दरि हम
 गुरगिरहि अराधव । करिवहुयत्न काजतुवसाधव ॥ निजपितु
 पास बहोरिबहोरी । बहुविधि करहु बड़ाई मोरी ॥ प्रभावतीसु-
 नि आनंद गहिकै । अन्तःपुरमें भूपति लहिकै ॥ कथाकहन
 की बिशद बड़ाई । कहत भई शुचिमुखि की भाई ॥ सो सुनि
 दनुजाधिपति सुरुखसों । बूझतभयो सरुचि शुचिमुखसों ॥
 तुम जो कथा कहहु अतिनीकी । सो अबमोसों कहहु खुशी
 की ॥ शुचिमुखिलहि ताको अनुशासन । लागीकरन कथास-
 म्भाषन ॥ सुनु दनुजेश शांडिलीनामा । परमतपस्विनि अति
 अभिरामा ॥ निकट मेरुके बरतप चारत । ताहि निरखि हम
 तहां बिहारत ॥ तासोंनहिं अतिदूर सोहावन । भद्रनाभनटवर
 मनभावन ॥ रहै तासुगुण अनुपम देखी । तुमसों कहउँसुनहु
 शुभभेखी ॥ ऋषिगणसों बांछित बरपाये । हैजग निजमहिमा
 सों छाये ॥ सुरगन्धर्वन समसो गावै । करिमनमोहन अनुपम
 भावै ॥ दोहा ॥ कामरूप नटनाहसो सातद्वीपमेंजात । सीमन्त-
 नकहँ मोहितहँ हवै सुप्रशंसित भात ॥ बज्रनाभ इमिकहतभो
 सुनि सुप्रशंसा तासु । जाइतासुढिग शुचिमुखी लै आवहु तेहि
 आसु ॥ तव दनुजाधिप सों बिदा हवै ते सादरजाय । सानंद
 इन्द्र उपेन्द्रको दीन्हीकथा सुनाय ॥ सो सुनिकृष्ण प्रद्युम्नकहँ
 दिये निदेश सचाय । हति असुरहिताकी सुता ल्यावहुतुमउत
 जाय ॥ सोरठा ॥ दैवीमाया वेष रचिनटवरवनिसाम्बसह । अरु
 यादव शुभभेष संगलेहुसामानसजि ॥ सुनि प्रद्युम्न नटराय
 बनेबिदूषक साम्बसजि । यादवअन्यसुकाय भयेसमाजीमुदित
 मन ॥ बारवधूगण चारु तिन्हें जटीकरि मोदसों । नटवर भद्र

उदारु ताहिसहायी संगलै ॥ चढ़ि बिमानपै मोदि शाखापुरपर
 बज्रको । रह्योसुपुर निज मोदि सह समाज तहँजातमे ॥ रोला ॥
 आगमन नटनाहको सुनि दैत्यपति हरषाय । सुपुर पुरमें रहत
 हैं जे दैत्यमुख्य सचाय ॥ दियो ताहि निदेश उनको करहु तुम
 व्यवहार । पायआज्ञा आइकीन्हे ते उचित सत्कार ॥ नाट्य
 निपुण बिधानमे फिरि लखत निकट बुलाय । नाट्यबिधिते
 किये उत्तम रागउत्तम गाय ॥ कथा रामायण विशदकी नाट्य
 बिधिमें ठानि । तिन्हेंदरशाये सकलहित आपनो अनुमानि ॥
 रहीशान्ता सुतादशरथ भूपकी तेहि आय । लोमपाद महीप
 मांगे पुत्रहीन अचाय ॥ दये दशरथ सुता तेहि लै भूप निज
 पुरजाय । बारबधुन पठाय निजगृह सुश्रुषि शृंगहि ल्याय ॥
 दये शान्तहि व्याहिसो यहसदृश वेष बनाय । गाय रामायण
 दये परतक्ष सकल लखाय ॥ रहेहैं तेहि समयमें जे छद्मदानव
 भूरि । देखिते तब समुझिसो अतिरहेआनँद पूरि ॥ देखि मो-
 दितहवै दइतगण दिये तिन्हहिं सचैन । बसन भूषण रत्न अ-
 गाणित बोलि प्यारेबैन ॥ तोषि तिनकहँ असुर तैसब असुर-
 पतिपहँजाय । कहे कौतुक सर्वसुनि सो तुरित तिन्हहिं बुलाय ॥
 परम उत्तमगेह तामें बास तासु कराय । करि सबिधि सत्कार
 तिनको परम प्रेमबढाय ॥ पायपर्वणि बिहँसि बैठो सभाविरचि
 विशाल । जाल बेष्टित सुरथमें बैठाय सिगरी बाल ॥ बोलिले
 नट वेष बिरचे यादवनकहँ तत्र । करि उचित सन्मान बोल्यो
 नाम करिये अत्र ॥ पायशासन मुदितहवैते बिरचि वेषबनाय ।
 प्रथमकीन्हे बाद्य अनुपम बाद्य बिधिके भाय ॥ गानकरि गा-
 न्धर्व तिनकहँ मोहिं फिरि परबीन । नाट्य बिधिभे करत तेतहँ
 कौतुकी अनहीन ॥ जाति नलकूबर सरुचि पै रहीरम्भाबाम ।
 आइ तासों रम्यो बलसों लंकपति बलधाम ॥ दोहा ॥ नलकूबर
 सुत धनद के यह वृत्तान्त लखिकोपि । नलकूबर पौलस्त्यकहँ

हरिवंशदर्पणः ।

दिये शाप अतिचोपि ॥ यहराभायणकी कथानाट्यभेषमें भेरि
 दरशाये असुराधिपहि निज कारज अवरेखि ॥ नलकूबर प्र-
 द्युम्नभे शूरभये लंकेश । मनोवती गणिका भई रम्भा विरचि
 सुभेश ॥ चोखा ॥ मायामय कैलास रचिनटवर मतिमानतहँ ।
 दरशाये सबिलास सोशुभकथा अभेदकरि ॥ चौपाई ॥ वज्रनाभ
 लखि अतिहरषाई । देतभयो गज बाजि मँगाई ॥ भूषण व-
 सन रत्न बहु बिधिके । देतभयो तहँ बड़ी समृधिके ॥ भूषण
 वसन रत्नबहु तियगन । देत भई अति करि प्रमुदित मन ॥
 सो सबलै ह्वै बिदा सुखारी । गये वासथर नट पनधारी ॥ प्र-
 भावतीसों उतवह हंसिनि । कहत भई इमिपरम प्रशंसिनि ॥
 बीर द्वारकामें हों जाई । बीर प्रद्युम्नाहि न्यारेपाई ॥ भक्ति तु-
 म्हारि प्रेम उत्साहू । अरु अभिलाष सुचाव सचाहू ॥ दई सु-
 नाइ सविधिसो सुनिकै । आवन आजु कहे वै गुनिकै ॥ ताते
 आजु अवशि वै ऐहें । मिलि तुमसों आनंद सरसैहें ॥ यह
 सुनि बिहँसि प्रभावति तासों । कहत भई अति पूरि प्रभासों ॥
 सखि शुचिमुखि तुम मोढिग आजू । रहि निशिमें साधहु यह
 काजू ॥ लालच लाजभांति म्वहि घेरे । बनि न परिहि कछु
 उनकहँहेरे ॥ हँसि तथास्तुकहि हंसिनि तासँग । गई सौधपै
 गहि अनुपम मग ॥ तहँप्रद्युम्नके योग सोहाये । फरस पांवड़े
 पलंगसजाये ॥ परदे अरु छतपोश सोहावन । लगवाये मणि
 मय मनभावन ॥ अतर गुलाब अगर आनन्दन । धरवायेतहँ
 चौरस चन्दन ॥ दोहा ॥ उतचिन्तित उत जाय कहँ रहे प्रद्युम्न
 उदार । ताही क्षणतित ह्वैचली तहँ मालिनि लैहार ॥ प्रभा-
 वती पै जातिहै लखि प्रद्युम्न करिगौर । भौरनके संग भौर ब-
 नि गेतहँ करत सुभौर ॥ उतचंगेर धरि फिरि गई मालिनि
 अपने धाम । सांभभये उठि भौरगे रहे अकेले काम ॥ बरवै ॥
 प्रभावती विरहाकुलि ह्वै तब तात । कहतिभई शुचि मुखसों

हियकी बात ॥ सखि पूरणशशि चाहत दाहत आजु । ताजि
 निजवानि करत कह अनुचित काजु ॥ त्रिविध बायु सुखदायक
 सो यहिकाल । मोहिं लूकसम परशत करत बिहाल ॥ चन्दन
 चौसर अगर सुअतर गुलाब । बेगिटारु सखि नातरु तनतजि
 जाब ॥ शरसम लागत परशत सरसिजसैन । बिकलहोत तन
 बनत न कहत सुबैन ॥ कम्पित उररोमांचित टूटतगात । मुख
 सूखत रुज नूतन प्रगटत जात ॥ जोसखि प्रथमहिं जोरतप्रेम
 बिआधि । तौ न बिकल इमि होइत यह व्रतसाधि ॥ जाहि
 लागि हो व्याकुलि ताहि न लागि । लागितोहिं धिक् बिथवति
 एकहिलागि ॥ प्रभावतीके सुनिये बचन सप्रेम । भेप्रद्युम्न तहँ
 प्रगटित पालकनेम ॥ लखि प्रद्युम्नकहँ प्रमुदित हिये सकाम ।
 लज्जित अक्षणि अध करि रहीसुबाम ॥ तबगहि दक्षिण कर
 सों तासु सुहार । कहत भये यहि विधिसों पुलकित मार ॥ प्रि-
 यामोहिं लखि चुप हवै शीश नवाय । रहिहु शोचिकतमुदग्वै
 देहु बताय ॥ दोहा ॥ यहि विधिकहि बहुभांति तेहि करिसन्मुख
 गाहि मोद । करि गन्धर्व विवाह तहँ कीन्हे विशद विनोद ॥
 सौधद्वारपै हांसिनिहि द्वारपालिका राखि । बिहरिरहे कछुनिशि
 गये निशिलहि आइब भाखि ॥ सर्वगान ॥ याभांति सों रातिमें
 फोर लैभे सभाभरि भामिनि पै जायताही । निःशंक परयंक पै
 अंकमें लाय आलिंग कै चाहिजो चित्तचाही ॥ कैकोककी रीति
 की नीति के घातलै दै सु आनन्द आनन्द पाही । प्रद्युम्नग्वै
 कमलके पत्र से गातमें तत्रभे भौरकी वृत्तिनाही ॥ दोहा ॥ भोर
 जायनटगेहमें बिलसैं दक्षउदार । प्रभावतीपै जाय निशिविरचैं
 कामबिहार ॥ कबहूँ दिनहूँमेरमें इतहूँ उतअभिराम । रतिसम
 वाम सकाम लहि कामरूप श्री काम ॥ चौपाई ॥ इमिविहरेबहु
 दिन मुदपागे । निज कारजके घातन लागे ॥ बज्रनाभके बध
 की बेरा । निरखतकीन्हे तहां बसेरा ॥ दैत्य दैत्यपति भेद न

जाने । नाट्य देखि अति आनंद साने ॥ बासव बासुदेव पहँ जा-
ई । सरुचिसयानि हंस सुखदाई ॥ उतको सब वृत्तान्त सुनाई ।
जाहिँ बहुरि उत आनंद छाई ॥ बज्रनाभको सोदर आता । रह्यो
सुनाभ असुर मद माता ॥ रहीं तासु द्वै सुता सयानी । चन्द्रवती
गुणवती सुमानी ॥ एक समय ते आनंद राती । प्रभावती पैग-
ई सोहाती ॥ प्रभावतिहि रति चिन्हित देखी । ते निज हिय
बिस्मयसों भेखी ॥ बूझत भई भेद मन भावन । प्रभावती तब
बोली चावन ॥ पूर्व मोहिँ दीन्हों दुरबासा । विद्या दायक वि-
शद बिलासा ॥ सो पढ़ि जो कामिनि गहिचावै । रति हित पति
चाहै तेहि पावै ॥ सो विधि साधि आधिसों भावन । भइउं स-
नाथ नाथ लहि पावन ॥ तुमहूँ चाहहु तौ सिखिलेहू । बांछित
पतिहित सहित सनेहू ॥ जपि सुमंत्र इच्छित पतिपाई । विहरौ
बिधिवत शोच बिहाई । सुनि तथास्तु कहि ते मुदपागीं ॥ सि-
खिसो मंत्र जपनतहँ लागीं ॥ दोहा ॥ कहत भई प्रद्युम्नसों प्र-
भावती सुखभोइ । इन्हें योग है रावरे बन्धु वर्गमें कोइ ॥ कहे
प्रद्युम्न सुबन्धु मम शाम्ब अनूपम बीर । अरु गदहँ पितृव्य
मम अति प्रसिद्ध रणधीर ॥ चौपाई ॥ प्रभावती सुनि बोली पति
सों । ल्यावहु तिन्हें इतै भरि रतिसों ॥ तब ते नटमन्दिरमें जाई ।
शाम्बगदहि वृत्तान्त सुनाई ॥ भेषबनाइ छपाइ लवाई । जाइ
तहां तिनकहँ दरशाई ॥ चन्द्रवती कहँ गदसों आई । शाम्ब
गुणवतिहि व्याहि उछाई ॥ करि गन्धर्व व्याह नटनायक । वि-
हरत भये तहां ते लायक ॥ वर्षा आइ देखि घन उमड़े । गदहि
घेरि चहुँदिशि सों घुमड़े ॥ क्षनदा बहरनि की छवि छावनि ।
सुपद बकनकी पांति सुहावनि ॥ तरुगणकी सुखमा असफूरित ।
बारिहार तृणसों महि पूरित ॥ बरसिरहे कोमारुत शीतल । पर-
शे गात तृप्त करही तल ॥ श्रुति सुखदायक रव पक्षिणके । सुनि
प्रद्युम्न शिर मणिदक्षिणके ॥ प्रियहि लगाइ अंकमुदलीन्है ।

वर्णन वर्षा ऋतुको कीन्है ॥ कश्यप को मखपूरणसुनिकै । बज्र
नाभ नित हियमें गुनिकै ॥ सत्वर कश्यप के ढिग जाई । कहत
भयो निज अर्थ बुझाई ॥ कश्यप सुनिते बचन अभाये । बज्र
नाभ कहँ बहु समुभाये ॥ सुत तुम जो यह मंत्र विचारे । सो
निज नाश हेत प्रणधारे ॥ हैं वासवके विष्णुसहाई । तासों लरे
तुम्हें न भलाई ॥ तुम निज जीवनजानहुतबलों । करहुन रारि
शक्र सों जबलों ॥ ^{देहा} ॥ ताते निजपुर जाइसुत करहुअकंटक
राज । जानि सुहित निज मम बचन जनि चिंतहु यह काज ।
कश्यपके ये बचन नहिं इमि मानेसि नादान । करें न औषधि
पान जिमि काल बिबश भ्रियमान ॥ ^{जयकरी} ॥ बन्दि कश्यपहि
बीर विशाल । जाय बज्रपुर करि चख लाल ॥ सेनापति कहँ
दियो निदेश । सेना साजन कहँ उद्देश ॥ सुनासीरके जीतन
हेत । भुजबल के मद भयो अचेत ॥ उत एकत्रहवै बैठिसुतंत्र ।
वासव वासुदेव करि मंत्र ॥ भेजे प्रद्युम्नहि संदेश । बधौअसुर
कहँ तजिअंदेश ॥ सुनि गद आदिक यादव सर्व । ह्वै इकत्र
करि मंत्र अखर्व ॥ हंसहि पठये प्रभुके पास । कहिसँदेश इमि
आनंद रास ॥ गर्भवती हैं इततियतीनि । लहे प्रसवदिनप्रभा
अहीनि ॥ होनहार अरु करिबो जौन । होइशीघ्रकहि भेजहु
तौन ॥ सो सुनि इन्द्र उपेन्द्र विचारि । कहिपठये इमि आनंद
धारि ॥ तिनके ह्वैहैं सुत छवि ऐन । शस्त्र शास्त्रविद अरिदल
जैन ॥ प्रगटतहीं ते सब बलधाम । ह्वैहैं युवा पुरुषअभिरा-
म ॥ तिन्हैंसहिततरुणिनकहँ रक्षि । कजिनाश दैत्यदललाक्षि ॥
कछु दिनमें तिनके सुकुमार । कमसों प्रगटत भये कुमार ॥
जनमतहीते सब गुण पूरि । भयेयुवा दीरघबल भूरि ॥ प्रभुप्र-
भावनधिको यहसोत । नतरु भूपकहुँ एसोहोत ॥ ^{देहा} ॥ तिन
बालन कहँ अटनिपै बिहरत इतउत देखि । नभगचार दनु-
जेश सों कहतभये अवरेखि ॥ पुरुषसिंह त्रयप्रबलबर अति

सुन्दर सुकुमार । अन्तःपुरके अटनि पै सानँदकरैं बिहार ॥
 चोपाई ॥ यहसुनिक्कै क्रोधितदनुजेशा । सुभटन कहँयह दियेनि-
 देशा ॥ ममगृह धर्षक जेअनिआई । जाइतिन्हें गहिल्यावहु
 भाई ॥ सुनिसन्देश दैत्यगणधाये । लैलैशस्त्ररोषसों छाये ॥
 घेरिहर्म्यचहुँदिशि भयभारन । मारुबांधु धरुलगे पुकारन ॥
 प्रभावतीसोसुनि हेभारत । लागीरुदन करनकैआरत ॥ तब
 प्रद्युम्न साहसदैतासों । कहतभये भरिभूरि प्रभासों ॥ मतिभा-
 मिनिहियमेंभयलेहू । ममसुप्रश्न सुनिउत्तरदेहू ॥ पितापितृव्य
 बन्धु सबथारे । यहजो तुमकहँ होहिंपियारे ॥ तौकामिनि तब
 प्रियहितलागी । तजिजयईहा आयुधत्यागी ॥ इनकेशस्त्र देह
 परलैकै । मरैइहांहम मननिभँयकै ॥ नातरु तुमसब सम्मतक-
 रिकै । शासनदेहुमोहिं मुदभरिकै ॥ गहिआयुध हम आनँद
 रातैं । असुराधिपहि ससैननिपातैं ॥ यहसुनि प्रभावती गज-
 गामिनि । कहतिभई प्रियपतिसोंकामिनि ॥ सुतन सहितप्रभु
 निज तनपाहौ । करहुउचित लखि जोचितचाहौ ॥ कहिअनु-
 मानि अमल असिआनी । देतभईपतिकहँ सुखदानी ॥ चन्द्र-
 वती गुणवती सोहाई । निजनिज पतिहिदईमनभाई ॥ वेहा ॥
 तबप्रद्युम्न गदशाम्बसों कहेविलसितुमअत्र । रक्षिससुत युव-
 तीनकहँ करोसमर शुभशत्र ॥ असुर सुभटसँगलैचहौ असु-
 राधिप बलवान । चहुँदिशि फिरि भिरिहौंकरैं तिनसों युद्ध म-
 हान ॥ इमिकहि मायासोंरचे सुरथ तहां अनुमानि । जासुसा-
 रथी सहसफणि नागराजभयदानि ॥ चोपाई ॥ तापैचढे बैररस
 पागे । युद्धकरन असुरनसोंलागे ॥ तृणवनमें जिमिपावकदर-
 सै । यथावायु बारिदपैसरसै ॥ तिमिप्रद्युम्न परबलमें बिहरै ।
 शरपरिहरे अनगिने जिहरै ॥ विविध धनकके बाणचलाई ।
 बिकलकिये परभट समुदाई ॥ चहुँदिशिसों भट असुरप्रचारैं ।
 शस्त्रचलाई प्रद्युम्नहिमारैं ॥ तिनकेशस्त्र काटिधनुधारी । बीर

प्रद्युम्न विदित रणचारी ॥ शिरभुज उरकटि पगअँगकाटे ।
 असुर सुभटसों क्षितितल पाटे ॥ सुरगण सहित सुराधिप
 आई । रहिऊरध अति आनँदपाई ॥ लेखन लगे समर की
 सुखमा । जेहि प्रद्युम्न रबिकी बरउपमा ॥ जेबचिगे गद
 शाम्ब जहां हे । भे ते भट सब तरल तहांहे ॥ परेकहरसागर
 परमाना । जल जलजात जहाज समाना ॥ गद शाम्बहि
 बिनु बाहनदेखी । सुनासीर हियमें अवरेखी ॥ शाम्बहेत पठये
 रिपुनाशक । रथ करिमातलिको सुतशायक ॥ गदके हितपठये
 ऐरावत । करि आरूढ़ प्रबर मन भावत ॥ कृष्ण सुवनकेसमर
 सहायक । भेजत ते जयंत कहँ चायक ॥ रथगज सहितजयंत
 सोहाये । सानँद चलि प्रद्युम्नपहँआये ॥ दोहा ॥ प्रबरप्रद्युम्न
 जयंतमिलि मातलि सुत सहवीर । अरि दल मर्दत गेजिते हैं
 गदशाम्ब सुधीर ॥ गज रथ दै गद शाम्बकहँ कहि वृत्तान्त
 सहर्ष । बिरचेकोटिप्रद्युम्नतहँ प्रबल प्रद्युम्नअमर्ष ॥ श्रुतिमोदक ॥
 रमणीय रंग । बर विशद अंग ॥ धनुधर सुढंग । प्रति भटन
 संग ॥ तहँ जैतजंग । करिगाहि उमंग ॥ अरि गरब भंग । करि
 करण तंग ॥ जलजात नैन । प्रभु तनय मैन ॥ बल बिरदऐन ।
 कहि बीर नैन ॥ तेहि पलक लैन । दे दुवन जैन ॥ पर प्रबल
 सैन । कीन्हें अचैन ॥ हैं सुभटनेक । बरणे जितेक ॥ तहँ भिरि
 तितेक । नहिँ लरेनेक ॥ यहि बिधि सटेक । दिन रैन एक ॥
 लरिसह बिबेक । तनधरि अनेक ॥ भट भागितीनि । हनि क-
 लाक्षीनि ॥ परसिरी दीन । करि दईक्षीन ॥ जन जीतिलीन ।
 निज कीर्ति पीन ॥ तामें अहीन । करि सुबुधि लीन ॥ दोहा ॥
 लरिबो देखि जयन्तको सुमन सुसह पुरहूत । किये प्रशंसा
 भांति बहु लखिव्यवसाय अकूत ॥ भोर कृष्ण चढ़ि गरुड़ पै
 आई शक्रके पास । राजि बजायै शंखबर पंचजन्यसबिलास ॥
 सुनि प्रद्युम्न धुनि शंखकी प्रभु आगमन बिचारि । जाइ बंदि

पग ढिग खरे भये जोरि युगवारि ॥ ^{भोग्या} ॥ निज नन्दनहिं
निहारि नन्दि वृष्णि नन्दहि निपुण । नागरि नवल विचारि
दीन्हे नाथ निदेशइमि ॥ ^{चोपाई} ॥ चढ़ितुम खगपै जायबिहारौ ।
सादर बज्जनाभकहँ मारौ ॥ मुनि खगपतिपै चढ़ि सुखपाई ।
गहि प्रभुपद पंकजसुखदाई ॥ होजहँ बज्जनाभतहँजाई । लागे
तासों करन लड़ाई ॥ दोऊभुज बलके मदमाते । घोरयुद्धकीन्हे
रिसराते ॥ गहिगुरुगदा प्रद्युम्नसुखारे । बज्जनाभके उरमेंमारौ ॥
रक्त बमनकरिघूमिघरीलों । गिरिअचेत लहिअसुरअजीलों ॥
बहुरि चेत लहि गदा प्रचारी । हनेसि प्रद्युम्नहि बल भट
भारी ॥ ताके लगेमूर्च्छि गरुडोपर । गिरे प्रद्युम्न निरखिहरषो
पर ॥ कृष्ण प्रद्युम्नाहिं मूर्च्छित देखी । शंखबजावत भे अवरे-
खी ॥ सुनि सुखदा शंखध्वनि तरक्षण । भे चैतन्य प्रद्युम्न सु-
लक्षण ॥ तबप्रभु मनगचक्र तेहिथरमें । आवतभे प्रद्युम्नके
करमें ॥ इन्द्र उपेन्द्रहि नौमि उछाहे । चक्रप्रद्युम्नशंखपैबाहे ॥
बज्जनाभको बर शिर छेदी । प्रभुपै गयो चक्रअरिभेदी ॥ गद
सुनाभ हित दनुज निपाते । अन्य भटनकहँ शाम्ब सोहाते ॥
बज्जनाभको बध लखि भागो । षटपुर गो निकुम्भभय पागो ॥
वरषेसुमन सुमन सुख लहिकै । जयति कृष्ण केशवकहि कहि
कै ॥ ^{देहा} ॥ सुमन पुरन्दर सहित तब कृष्णबज्जपुरजाय । शा-
सित कीन्हे प्रजन कहँनीति सहित सुखदाय ॥ चारिभाग तेहि
राज्यकहँ कीन्हे तहँ करिमंत्र । सुत जयन्तको विजयतेहि दी-
न्हों एक स्वतंत्र ॥ हे प्रद्युम्न गद शाम्बके तहँ जे सुभग कु-
मार । तीनिभाग तिनकहँ दये क्रमसोंकृष्णउदार ॥ चारिकोटि
है ग्राम बर शाखाग्राम अनेक । तुल्यभागसों दै तिन्हें कीन्हें
प्रभु अविवेक ॥ ^{भोग्या} ॥ शक्रकृष्ण करिक्षेम गे निज निज पुर
मोदलहि । तहँ षटमाससप्रेमरहि गदशाम्बप्रद्युम्नगे ॥ अव-
लोंराज्य सचैन तेचारों तहँ करत हैं । सुनहुभूपमुदयेन उत्तर

दिशा सुमेरुके ॥ प्रभाकर ॥ परमारथ भारथको लखिअन्त । गद
शाम्ब प्रद्युम्न प्रभाव अनन्त ॥ चलिजाय तहां कछु दिवस
बिनोदि । फिरिजातभये प्रभु मंजुलमोदि ॥ दोहा ॥ वरणे यहि
अध्यायमें कारण सहित सप्रेम । बज्रनाभको बध किये जिमि
प्रद्युम्न गहि नेम ॥

इति श्रीहरिवंशदर्पणेषड्विंशोऽध्यायः २६ ॥

दोहा ॥ कमलनयन कमनीय अति करुणा सिंधु कृपाल ।
कला कुशल प्रभु कौतुकी कोणप कुलकेकाल ॥ विगदेही ॥ ता-
सुईहा जानि । शक्र निज हितमानि ॥ बिश्वकर्महिं टेरि ।
कहे आनंदधेरि ॥ द्वारकापुर जाय । रचौफेरि सचाय ॥ महत
आनंदपाय । बिश्वकर्माआय ॥ दोहा ॥ पुरकी रचना फिरिकिये
अति सुन्दररमणीय । सुनहु भूपको करिसकै सो सुखमा कम-
नीय ॥ प्रभुके रहिबे को सदनयोजन अर्द्धप्रमान । अतिउन्नत
सुरपति भवन सम बिरचे मतिमान ॥ चौपाई ॥ चढ़ि गरुडोप-
रिनभपै धाई । रहि निजपुर लखि प्रभु सुखदाई ॥ शंखबजा-
वत निज गृह आये । मिलियादवगण सों छबिछाये ॥ कहि
प्रियवचन चारुसों अर्चन । किये गरुडको तहां बिसर्जन ॥ सह
यादवगण सुखसरसाई । बैठे सभासदनमें जाई ॥ यथाउचित
सबको आदरकरि । दीन्हें मणिधन बसन मोदभरि ॥ आदि
रोहिणी सिगरीमाता । अरु यशुदा सुनु भूतलत्राता ॥ सुनि
आगमन मोदसों छाई । प्रभुहि लखन हित तहैं चलिआई ॥
तिन्हें लेखि प्रभु सुखसों सरसे । चलिसबन्धु सबकेपगपरसे ॥
बारबार सब हिये लगाई । मोदितभई जन्म फलपाई ॥ कहि
कहिउचित वचनचितचावन । अतिसुखदयेकृष्णप्रभुभावन ॥
आवतिभईतहां तेहि क्षनमें । बिंध्यनिवासिनि मोदितमनमें ॥
लखि भगिनिहि सानंदमनकीन्हें । रामकृष्ण आगेचलिलीन्हें ॥
अतिसप्रेमहवै मिलिदोउभाई । करिसत्कार प्यारअधिकार ॥

मातुनसहकरि बिदासुखारे । बिमलसभागृह मध्यविहारे ॥ संग
जननिगणके जगजननी । गई गेहमधि दैयतदलनी ॥ कृष्ण-
चन्द्रयदुगण सहमोदन । नीतिरीतिसों लगीबिनोदना ॥ दोहा ॥
इतने में सुरराजके अनुशासनते तत्र । आयेनारदमुनि मुदित
रहेकृष्ण प्रभुयत्र ॥ पूजित बिधिवत कृष्णसों बैठि यथोचित
ठौर । कहतभये सब यदुनसों मुनिगणके शिरमौर ॥ बालापन
अरु ताहि दिनलों जितने शुभकर्म । कियेपरम बलरामने अ-
सुर संहारनधर्म ॥ पृथक् पृथक् यदुरायके सबगरुयेगणगाय ।
मुनिकेशबसों हवै बिदां गये स्वर्ग सुखपाय ॥ सारठा ॥ यदुगण
आनंद पूरिलाहि अनेत धनकृष्णसों । दै दै दक्षिणा भूरिरुचि-
त यज्ञलागे करन ॥ चौपाई ॥ अथ फिरि जनमेजय भू भरता ।
मुनिसों बूझेअरिदलदरता ॥ जे प्रधानमाधवकी रानी । तिन
के बंशकहौ मुनिज्ञानी ॥ सुनिमुनिवर हिय आनंदराखे । यहि
प्रकार नरपति सों भाखे ॥ रुक्मिणि जाम्बवती सत्यभामा ।
नग्नजिती सैव्याअभिरामा ॥ तरुणिसुदन्ता यमुना प्यारी ।
और लक्ष्मणाये वृतधारी ॥ चारु मित्र बिन्दा राजगामिनि ।
सरुचि सभीमा भरतहि भामिनि ॥ आठ दोयप्रभुकी तियना-
मी । ये सुन जनमेजय सहि स्वामी ॥ हैं प्रद्युम्नरुक्मिणिकेगुरु
सुत । शम्बरकेनाशकबरबलयुत ॥ चारु देष्णताकेलघुभ्राता ।
चारुभद्र फिरि विदित सुदाता ॥ चारुगर्भ संदृष्ट बहुरिहे । द्रुम
सुषेण ये दोऊ फिरिहे ॥ चारु गुप्तगण जययशलेता । चारु-
बिन्द सुहितन सुखदेता ॥ ये दश सुत रुक्मिणिके जाये । क-
न्या चारुमती सहभाये ॥ सुवन एकादश भानुहि आदिक ।
सत्यभासाके हे प्रियवादिक ॥ कन्या चारि चारुअति गुनिये ।
अब सुत जाम्बवतीके सुनिये ॥ शाम्ब आदि सुत पांचबखा-
ने । तनया एक सहित सुखमाने ॥ द्वैसुतनागिनीजीतके नागर ।
हैं वरणे भट परमउजागर ॥ दोहा ॥ सुता एक द्वै सुवन लहि

लहि सुन्दरता नारि । सैव्याके सुतएकहो अरुजेताधनुधारि ॥
 सात सुभीमाके सुवन करता कीर्त्ति अहीन । तीनि लक्ष्मणाके
 सुवन कन्या एक प्रवीन ॥ अश्रुतनाम सुत प्रगटभो यमुना
 सों जगजैन । ताहि दये सुत सेन कहँ केशव करुणा ऐन ॥ सो-
 रहसहस तियानमिलि लाखसुवन रणधीर । भये कृष्णके प्रव-
 लअति विदित बखाने बीर ॥ भे अनिरुद्ध प्रद्युम्नके सुवन प-
 रम बलवान । जेठोसुत अनिरुद्धको बज्रनाभ मंतिमान ॥ भे
 प्रतिरथ सुत बज्रके ताके सुवन सुचारु । सुत कनिष्ठ अनिरुद्ध
 के हैं अनमित्र उदारु ॥ सिनि सुतभे अनमित्रके सत्यबाकसु-
 ततासु । सत्यबाकके सूरसुत सुतयुयुधान सुजासु ॥ सोरठा ॥ तासु
 असंग कुमार तू नितासु सुत प्रगटभे ॥ तासुयुगन्धरवार बंश
 प्रशंसितकृष्णके ॥ इतनेकहे प्रधानशाखावंश असंख्यहैं । पुत्र
 सुपौत्र प्रमानअरु परपौत्र विधानसों ॥ चौपाई ॥ बैशम्पायनकेये
 बैन । सुनि बोलेभूपतिलहिचैन ॥ जिमि प्रद्युम्नशम्बरको नाश ।
 किये कहौ सो ज्ञानप्रकाश ॥ बैशम्पायनकह सुनु भूप । भोप्र-
 द्युम्नको जन्म अनूप ॥ यादिन ताकी सतईरैनि । लहिनिशीथ
 बोला भुवभैनि ॥ आइशम्बरासुर गुरुकाय । निठुर सूतिकागृह
 मधि जाय ॥ लै प्रद्युम्नकहँ गो निजभौन । काहूजान्योभेद न
 तौन ॥ केशवजानिभविष्य बिचारि । रहे मौन कै धीरजधारि ॥
 हीं शम्बरकीप्यारी तीय । मायावती परमशुचिहीय ॥ दिहोसि
 प्रद्युम्नहितेहिकहि मोदि । सुत व्रतपालहु याहिबिनोदि ॥ हरषि
 प्रद्युम्नहिलै सो अंक । लागीनिरखन बदनमयंक ॥ निरखतभो
 ताकैहियमान । हैये ममपतिकाम अमान ॥ यहदृढ़जानि सुकरि
 अनुमान । दियो न तेहि निज अस्तन पान ॥ धाईके अस्तन
 को क्षीर । पान करावत भईस्वतीर ॥ पालनपोषण विधिनिज
 हाथ । करत भई जाने निज नाथ ॥ क्रमसोंकछू दिवसमेंवार ।
 वरधि अवस्था लहे कुमार ॥ तब रति ईछि असुरकी बाम ।

लागीं करन बिनोद ललाम ॥ दोहा ॥ जानत ताहि प्रद्युम्न हे
 निज जननी नहिं आन । तकि बिकार चेष्टा कहे शोचित ह्वै
 मतिमान ॥ जननी ह्वै कत करति हो इमिचेष्टा अनुमानि ।
 भूलिपुत्रको भाव हठि रति मति पति समजानि ॥ मैतवसुतहों
 कै नहीं कहहु शीघ्र यहभेद । दूरि होइ जेहि जो भयो तुव सु-
 भावलखि खेद ॥ दोहा ॥ बचनसुनि प्रद्युम्नके मायावती मुसु-
 काय । कहत ऐसे भई सिंगरो भेदआनँद आय ॥ हौ न तू मम
 सुवन हौ तुम कत सुमम अबिवन्त । हैन शम्बर पिता तू तव
 पिता कृष्ण अनन्त ॥ मंजु महिषी कृष्णकी रुक्मिणी हैं अबि
 भौन । तासु गर्भज भये तुम फिरि भयो सुनिये तौन ॥ जन्म
 तें निशि सातई उत शम्बरसुरजाय । हरितुम्हँलै आइ मोक-
 हैं देतभो गहिचाय ॥ प्याय पय तिय और की में तुम्हें सेयो
 मोदि । करहु अब मम आश पूरण कोलि कलन बिनोदि ॥
 तजहु मोमें जननिको हौ भ्रान्ति कीन्हें जौन । तुमहिं देखेबिन
 जननि तुव परम दुखित सरौन ॥ सुनिप्रद्युम्न सरोष ह्वै यह
 भये करत विचार । कोपिशम्बर लडै मोसों करउँसो उपचार ॥
 यह विचार चढ़ाय धनुशर लाय श्रुतिलों तानि । काटिदीन्हें
 रत्थमैध्वज परमप्रिय पहिचानि ॥ ध्वजाको विध्वंस सुनिकै
 ध्वजाधीश रिसाय । रहे सतसुत तिन्हें शासन दयो निकट बु-
 लाय ॥ जाइ तुम सब सुभट शीघ्रहि बाण शीघ्रग मारि । केतु
 छेदौ दुष्टके हृद देहु महिपै डारि ॥ मानि शासन निज जननि
 को शस्त्र लैलै सर्व । मे समर्पहिपै प्रद्युम्नहि टेरि बचन स-
 गर्व ॥ शस्त्र गर्वित सुरथ पै चढ़ि भटप्रद्युम्न महान । जाइति-
 नसों भिरो लखि गजयूथ सिंह समान ॥ किये उद्धनयुद्धकुद्धि
 सगुद्धि सिंगरेबीर ॥ गिनतभोत्तणसम तिनहिं सुतकृष्णको रण-
 धीर ॥ सहित सुर गन्धर्व गण तहँ आइकै सुरराज । लखन
 लागे सुभट जनके वीरताके काज ॥ देखि अद्भुत युद्ध तहँ ग-

न्धर्वअद्भुत नाम । कहतभो सुरराजसों कर जोरि कैतेहियाम ॥
 एक सुभट प्रद्युम्न वै शतबीर दीरघ काय । पाइ हैं प्रद्युम्न
 तिनसों विजय किमिलहि चाय ॥ दोहा ॥ सुनासीर गन्धर्वको
 सुनि यह बचन सदन्द । प्रबल प्रकर्ष प्रद्युम्नको कहे प्रभाव
 अमन्द ॥ ये प्रद्युम्न छविधाम हैं पूर्व प्रशंसित काम । भ-
 स्म किये शिवतब इन्हें लखि कछु दोष सकाम ॥ रतिके अ-
 स्तुतिके किये कहैं कृपा करि ईश । मानुष कहैं विष्णु प्रभु जनहित
 विस्वेवीश ॥ तासुतनय कहैं प्रकट तुवपतिनाम अतंग । हरि
 लो जाइहि निजसदन तेहि शम्बर सउमंग ॥ ताते प्रथमहिं जाइ
 तुम मायावती कहाय । शम्बरकीतिय द्वैरहौ मोहिं ताहि गहि
 चाय ॥ षोडश ॥ शापिहि तुम्हें सक्षेम तुवपति कहैं हरिल्याह
 वह । पालेहु ताहिसप्रेम बरधि बिधिहि सो शम्बरहि ॥ बहुरि
 द्वारका आय तुमहिं सहित बिहरिहि सरुचि । इमिकहि शिव
 सुखदाय गये कलित कैलासपै ॥ यहि बिधि को बरदान लहे
 कामसुत कृष्णके । ये जगजैन अमान अमन करहु कछु चित्तमें ॥
 षोडश ॥ यह सुनि सुरगण संशय त्यागे । लखनलगे संगरमुद
 पागे ॥ शम्बरके शतसुत भरि रिशिसों । लगेशस्त्र मारन चहुं
 दिशिसों ॥ तिन शस्त्रन कहैं काटिसुखारे । धीर प्रद्युम्न बीररस
 भारे ॥ बाणअमोघ अनगिने मारे । क्रमते असुर शतक बधि
 डारे ॥ ताक्षणलसे सुरथपै ऐसे । हति गजसिंहशिखरपै जैसे ॥
 सुतबध सुनि शम्बर रिसछायो । चतुरंगिनि सेना सजवायो ॥
 सानुमान समरथ अति भारी । चलयो ताहिपै चढ़ि धनुधारी ॥
 मंत्रीचतुर चारिरणधारी । चलेसंग परप्राण प्रहारी ॥ दुर्द्धर
 और प्रमर्दनवीरा । तृतीयकेतुमालीरणधीरा ॥ चौथशत्रुहन्ता
 शरवाहक । चलोप्रचारतसंगरचाहक ॥ बीरगजस्थ सहसदश
 बरणे । द्वैशत रथीरुधिरमहि भरणे ॥ आठसहस्र हयस्थ स-
 जाती । बरणे बरभट अयुतपदाती ॥ चलोसंगलै शम्बरराजा ॥

बजवावत बहुजंगीवाजा ॥ अशकुत बहुतभयो तेहिक्षनमें । न-
हिं मानेसि सो गर्वित मनमें ॥ रणमहिं मध्य प्रद्युम्नहिंदेखी ।
सबल शम्बरसुर अति तेखी ॥ शीघ्रगवाण सहस्र प्रहारे ।
तिन्हैं प्रद्युम्न काटि महिडारे ॥ दोहा ॥ मढ्योयुद्ध अति घोर
तहँ आयुधचले अनेक । हत्योअनगिने असुरकहँ तनयकृष्ण
को एक ॥ कै प्रद्युम्न के शरनते व्याकुल दैयत भागि । शम्बर
के पीछे भये खरेजाय भयपागि ॥ तब शम्बर चारिव सचिव
को यह दये निदेश । लरिमम अप्रियकारकहि हतहुशीघ्र शुभ
भेश ॥ दोहा ॥ निजस्वामी को सुनि अनुशासन । ते चारौभट
युद्ध बिलासन ॥ कीन्हेंघोरयुद्ध बलभारे । क्रमसों तिन्हैंप्रद्युम्न
सँहारे ॥ ताथरते शोणित की तरणी । बहतिभई बोरति सी
धरणी ॥ तिनको नाश देखिकै शम्बर । लागो आपुकरन गुरु
संगर ॥ हने प्रद्युम्न लायधनु गुर में । एकवाणशम्बरके उर
में ॥ ताकेलगे मूर्च्छिअसुरेशा । चेति हने शरसात सुभेशा ॥
तिन्हैं प्रद्युम्न बीचहीकाटे । फिरिहनि सत्तरिशर तेहि डाटे ॥
फिरिअसंख्यशर तजिरणचारी । छाड़ दिशिनकरि कियेअँध्या-
री ॥ अन्धकार लखि शम्बर धनुधर । बैष्णव अस्त्रतजतभो
बुधिबर ॥ अन्धकार लोपनकरि पथपै । वरष्योशर प्रद्युम्नके
रथपै ॥ करिप्रद्युम्न करलाघव मितिमें । डारे काटि सबै शर
क्षितिमें ॥ तब तरुवरष्यो सो मायावी । तजे अग्निशर ये मे-
धावी ॥ शिलावृष्टि कीन्हेंसि वै जबहीं । मारुतशर छाँड़ेयेतब-
हीं ॥ सो गजयूथ रचे अति कोपे । ये रचि सिंह तुरित तेहि
लोपे ॥ शम्बर कीन्हें माया जितनी । किये प्रद्युम्न व्यर्थ वह
तितनी ॥ तबशम्बर करिचष रँगराते । प्रकटित कियेसिंहमद-
माते ॥ दोहा ॥ तब प्रद्युम्न कीन्हे प्रकट शलभ अष्टपद भूरि ।
सिंहयूथको नाश ते करतभये बलपूरि ॥ तब शम्बर शोचित
भयो में पाल्यो निजकाल । बालपने यहिनहिं बध्यों चूकिचा-

तुरीचाल ॥ यहि बिधिशोचो घरिकलों फिरिहिय साहस आ-
 नि । दई शम्भुकीपन्नगी मायाकरी महानि ॥ चोपाई ॥ बमत
 ज्वाल पन्नगगणधाये । चहुँदिशिसों अतिरिससोंछाये ॥ तब
 प्रद्युम्न तार्क्षकी माया । करिलोपितकीन्हीं सो माया ॥ यह ल-
 खि शोचित संगर शम्बर । हिये बिचारतभो गुणगद्धर ॥ जो
 गिरिजाको दीन्हों मुद्रर । भीमअमोघ जयद जाहिर बर ॥ है
 ममपास आशकोपाहक । पावकसम अरिबनको दाहक ॥ तेहि
 चलाइयहि शीघ्र निपातौ । जयलहि परममोदसों रातौ ॥ यह
 बिचारजो शम्बर कीन्हे । तुरित सुरेश जानि सो लीन्हे ॥ सो
 नारदसों कहि सुरस्वामी । कहत भये इमि अंतरयामी ॥ कवच
 सुशस्त्रव इक्ष्मवचारू । अमल अभेद अमोघ उदारू ॥ यह लै
 सादरसहितसनेहू । जाइ प्रद्युम्नहिं गुणकहिदेहू ॥ सुनिलैकवच
 शस्त्र मुनिनारद । गेप्रद्युम्नपै परमविशारद ॥ अन्तरिक्षरहिनभ
 पैमानद । कहेकृष्णके सुतसोंसानद ॥ मैं नारदहों सुनु रिपुघा-
 लक । पठयेमोहिं सरुचिसुरपालक ॥ पूर्वभावनिज सुमिरहुचा-
 वन । तुमहौ कामदेव अतिपावन ॥ शिवके क्रोधानलसों जरिकै ।
 भयहु कृष्णको सुततनधरिकै ॥ बालापनमें लखि छविछायो ।
 हरितुमकहँ इत शम्बरल्यायो ॥ दोहा ॥ जो शम्बरकी घरनिहै
 मायावती प्रवीनि । सोतव तियरति प्रियाहै रतिसोंभरी अही-
 नि ॥ तुव पालनके काजहैं मोहिं शम्बरहि अत्र । मारिशम्बरहि
 ताहिलै जाहुकृष्णप्रभु यत्र ॥ जयकरो ॥ कवच सुशस्त्र बैष्णवीचारू ।
 अमल अभेद्य अमोघ उदारू ॥ सुनासीर यह तुमकहँ दीन ।
 अबयह धारणकरहु प्रवीन ॥ अरु मन दै सुनिये मम बैन ।
 यहजो शम्बर दैत्यसचैन ॥ दियो पार्वतीको करिटेक । हैयासों
 गुरु मुद्गरएक ॥ सो अमोघ अति उग्रप्रभाव । तेहि वहछां-
 डन चहै सचाव ॥ सत्वरताके बारणहेति । गिरिजहि ध्यावहु
 सबिनय चेति ॥ गे सुरपति ढिग मुनिकहि नेम । रथते उत्तरि

प्रद्युम्न सप्रेम ॥ धरि हिय शैलसुताको ध्यान । अस्तुतिकरत
 भये मतिमान ॥ सुनि अस्तोत्र कृपाकरिगौरि । कहत भई निज
 महिमा सौरि ॥ मैं प्रसन्नहों लखि तवकर्म । मांगिलेहु बां-
 छित बरपर्म ॥ जगदम्बाके बचन उदार । सुनि अति मोदि
 प्रद्युम्न कुमार ॥ करि प्रणाम बोले करजोरि । अम्बसुनहु यह
 विनती मोरि ॥ जो मोपर तवकृपासचैन । तौ बरदेहु सर्वअरि
 जैन ॥ अरु आपुनको दीन्होंजौन । है शम्बरसों मुद्गरतौन ॥
 पद्ममालसम लागि ममग्रीव । मधि सोहै गुरु सुखमासीव ॥
 यहसुनि एवमस्तुकहि हर्षि । भई अदृश्य अम्ब मुद बर्षि ॥
 बोहा ॥ तब प्रद्युम्न चढ़ि सुरथपै बैठे गहि धनुवान । लखि श-
 म्बर मारतभयो मुद्गर बज्रसमान ॥ सो मुद्गर कमनीय कै
 चारु कंजकी माल । लागि प्रद्युम्नके ग्रीवमें शोभित भयो वि-
 शाल ॥ चौपाई ॥ तब प्रद्युम्नगहि बाणशरासन । जो मुनिदीन्हे
 करि सम्भाषन ॥ कहतभये इमि जो महित्राता । केशव रुक्मि-
 णि मम पितु माता ॥ तौ यहि शरसों यह खल मरई । सुरनर
 मुनिकर संशय टरई ॥ कहि धनु श्रुतिलों ईंचि सुखारे । बाण
 अमोघ तासु उर मारे ॥ भेदिताहि शर महिमैं प्रबिसो । पर्वत
 फोरि घोरगुर पबिसो ॥ दुस्सह तेज वैष्णवी शरको । लहिभो
 भस्म असुरबर धरको ॥ सुर गन्धर्वनके गण हर्षे । साधुसाधु
 कहि सुमन सुबर्षे ॥ असुरहि बधि प्रद्युम्न धनुधारी । जाइ
 अक्षवत् पुरी सुखारी ॥ लै तिय मायावतिहि सुरथपै । गये द्वा-
 रका चढ़ि नभ पथपै ॥ सत्वर प्रभुके गृहपै जाई । उतरतभये
 परम सुखपाई ॥ रथते उतरि सतिय सुखदाता । चले जितैहीं
 रुक्मिणिमाता ॥ देखि तिन्हें सब तियगण रूरी । विस्मय हर्ष
 भीतिसों पूरी ॥ सुतहि देखि रुक्मिणि मृगनयनी । पुत्रशो-
 कतें आरत बैनी ॥ सहितसपत्निन सब तियगनसों । कहत
 भई कछु मोदित मनसों ॥ अर्द्धरातिके ऊपर सजनी । सपन

लख्यो मैं सुनहु सुबरनी ॥ दये मोहिं केशवप्रभुलयाई । सुरतरु
को पल्लवसुखदाई ॥ दोहा ॥ अति सुन्दर रमणीयरुचि शुचि
मुकुतनके द्वार । पहिराये मोहिं लायउर प्रीतम कृष्णउदार ॥
इवेत बसन धारे सुरुचि इयाभा तिय लखि मोहि । गहि
अन्हवाइ सुबारि मैं शीश संधि मनमोहि ॥ माला कञ्चन
की बिमल पहिराई करिप्रेम । निरख्यो मैं शुभस्वप्नये शीघ्र-
हि करता क्षेम ॥ महिबरी ॥ यह कहिकही प्रद्युम्नसे इमि निकट
लहिकैं रुक्मिनी । तुव सुवन बरके करीजेइ बरपुण्यकी पदवी
घनी ॥ तव सदृशहोतो सुवन मम प्रद्युम्न होतौ जो सुनो ।
तेहि गयो हरिलै बालपनमें असुर शम्बर अरिगुनो ॥ तहैं
आइ इतनेमें समुद प्रभु कृष्ण रुक्मिणिसों कहे । यह पुत्रतव
सुप्रद्युम्नहै यह पुत्रकी पत्नी अहे ॥ रति नामहै यह रति रहति
उतरही मायावतिकही । निज शक्तिसों निज सदृश तिय रचि
शम्बरहि तोषतिरही ॥ अब मारिरणमें शम्बरहि लै तियहि
इत आवत भये । लहि सतियसुत तुम करहु अब व्यवहार
लौकिक मुद मये ॥ ये सुनि स्वभाग सराहि रुक्मिणि पाइप्रिय
प्रफुलित भई । चलिअंकलाइ सुपुत्रगहि सुखसिन्धुमधि मनु
हलिगई ॥ तब मुदित श्रीप्रद्युम्न बन्दे पग जनक अरुजननि
के । बलरामके पग बन्दि बन्दे चरण सबगुरुजननिके ॥ सब
दये आशिष लाइ अंकनि हरषसों गदगदमहा । तेहि समयके
सुखके प्रवाह न जात अबनेकसु कहा ॥ दोहा ॥ फिरिकीन्हें बल-
रामप्रभु पूरितप्रेम स्वतंत्र । रक्षाहित प्रद्युम्नके पावन आह्निक
मंत्र ॥ रोला ॥ विष्णुविधि हरगुरु सुरासुर पितर ऋषिमुनि पातु ।
पातुशुचि ओङ्कार अरु निति वषट्कार सुपातु ॥ पातुवेद पुराण
अरु व्याख्यान सर्वसपातु । पातु पृथिवी बायुनभ दिशि नदी
सिगरीपातु ॥ सर्वसागर सर्वपर्वत सदा खगपतिपातु । सर्ववसु
आदित्यसर्व सुआश्विनौ द्वौपातु ॥ पातु ही श्री स्वधामेधा

तुष्टि पुष्टि सुपातु । पातु स्मृति धृति अदिति दिति दनु स्वधा
स्वाहापातु ॥ पातु ग्यारहरुद्र अरुसब रुद्रकेगणपातु । तीर्थपति
सब तीर्थपाहि सुतीर्थवासीपातु ॥ पातु गणपति स्वामिकार्त्तिक
सदा नन्दीपातु । पातु सब पर्जन्य अरु नक्षत्रग्रह सब पातु ॥
पातुदेवी सदा सिगरी सप्तमातरिपातु । पातुतीनों अग्निशुचि
अरु सर्व मख नितिपातु ॥ शेष बासुकि तक्षकादिक सर्प सि-
गरे पातु । पातु अमृत गऊ सुवरण दूध दधि निति पातु ॥
पातु ऋषिपत्नी सकलऋषि कन्यका सबपातु । पातु सिगरे
प्रजापतिसुत प्रजापतिके पातु ॥ कियो श्री बलरामको यह
चारुक्षामंत्र । पढ़ेंजे अरु सुनैजे जन राखिचित्त स्वतंत्र ॥ ल-
हहिं कबहुँन छेशते जन लहैं कबहुँन भीति । लहैं बांछितफल
अपूरव लहहिं रणमैं जीति ॥ दोहा ॥ बरणे यहि अध्यायमें बंश
कृष्णकेजौन । हरिप्रद्युम्न को लैगयो शम्बर दैयत तौन ॥ ब-
धिशम्बरहि प्रद्युम्नलै मायावती स्वतीय । फिरिआये पुरद्वार-
का सो बरणे कमनीय ॥ फिरि बरणे बलरामजो कीन्हें रक्षा
मंत्र । जाहि पढ़े जन रहि अभय बिहरैं स्वरुचिस्वतंत्र ॥

इति श्रीहरिवंशदर्पणेशम्बरबधोनामसप्तविंशोऽध्यायः २७ ॥

बेशम्पायनउवाच ॥ दोहा ॥ हरिप्रद्युम्नकहैं लै गयो शम्बरजाही
मास । जाम्बवतीके शाम्बभो सुनोभूप तेहिमास ॥ चौपाई ॥ क-
रिबलराम छोह अतितापै । शस्त्र शास्त्र विधि सिखये आपै ॥
सिगरे यादव लखिमुद भरहीं । अतिशय छोह शाम्बपर कर-
हीं ॥ सहित सबनयदु द्वारावति में । बिहरैं मन दीन्हेंसुतमति
में ॥ प्रभुप्रभाव तेहि वर पढ़नमें । पूरित निधि ऋधि सबहि
गृहनमें ॥ लखि बिभूति सिगरे यदुगनको । लही हारिश्रीसब
नृपजनको ॥ एकसमय दुर्योधनराजा । किये यज्ञवर सरसस-
माजा ॥ तहैं सिगरे चहुँदिशिके मंहिपति । न्योते गये रहेहिय
गहिरति ॥ तहैं ते सब गुणि सरस उछाहे । पुरीद्वारका देखन

चाहे ॥ सिंगरे नृपसह पाण्डवकौरव । गये द्वारका गहि गुरु
 गौरव ॥ सुनेकृष्णसिंगरे नृपआये । रैवतगिरिढिगवासकराये ॥
 सेना अष्टादश अक्षोहिनि । सिंगरेनृप गणको मन मोहिनि ॥
 योजन योजन में निज निजदल । लैलै परे भूपसब बरबल ॥
 यदुबंशिन सह कृष्ण सुखारे । गयेतहां सुखमासों भारे ॥ मिले
 यथोचित सब नृपगनसों । सब नृप लहे मोदि अति मनसों ॥
 चारु सिंहासन रचित रतनसों । मधिमें ताहिधराय यतनसों ॥
 तापै सरुचि प्रभुहि बैठाये । नीके निरखि नेत्र फलपाये ॥ दोहा ॥
 यथा उचित आसननि पै यदुन सहित सब भूप । चहुँ दिशि
 बैठत भे बहुरि सुखमापाइ अनूप ॥ यदुगण नृपजन सहितत-
 हूँ सोहे प्रभु छवि संचि । सुर असुरन की रचिसभा राजतम-
 नहुँ बिरंचि ॥ मधुभार ॥ तहूँ लगोहोन समोद । शतबार तासु
 बिनोद ॥ भो ताहिक्षण घनघोर । अरु बह्यो मारुत जोर ॥
 इमि महत दुरदिनदेखि । सबरहे चकित अवरेखि ॥ घनघोर
 ते छबिछाय । तब प्रकटि नारद आय ॥ लहि अर्घ्य पाद्यप्र-
 वीन । भे सभामधि आसीन ॥ तब मिटो दुरदिन सब । भे
 सुचित नृपति अखर्व ॥ तब कृष्णसों मुनिराज । इमिकहत भे
 निजकाज ॥ आचरज धन्य महान । हौ कृष्णतुम सुखदान ॥
 सुनि कहे प्रभु मुसकाय । मुनिकहे तुमसतिभाय ॥ है आचरज
 अरु धन्य । सहदक्षिणा हमगन्य ॥ यहसुनि सुमुनि सुखदाय ।
 इमि कहतभे हरषाय ॥ यहिप्रश्नको करिशोध । अबलह्यो प्रभु
 में बोध ॥ इमिभाषि सुमुनि सुजान । फिरिचहे ऊरधजान ॥ यहि
 बारताको भेद । बिनलहे नृपलहिखेद ॥ इमिकहे प्रभुसों बैन ।
 मुनिकिये प्रश्नसचैन ॥ तुमदये उत्तरजौन । करिप्रगट कहिये
 तौन ॥ दोहा ॥ सुनि प्रभु भूपनसों कहे नारदसो सुनिलेहु । कहे
 सुमुनिसो भेदयह भूपनसों कहिदेहु ॥ सुनिमुनि भूपनसों कहे
 सुनहु सकल क्षितिपाल । बूभेहु साहम कहतहैं सह विस्तार

विशाल ॥ तैला ॥ न्हाय सुरसरि गयेहम निशिरहेआधोयाम ।
 लख्यो तटमें तहां कच्छप एकअति अभिराम ॥ एक योजन
 उच्चचौड़ो तासुदुगुण अनन्य । परसि तेहिहम कहेतुम आच-
 रज बपुहौ धन्य ॥ बचन यहसुनि कहेसि सोमति कहहु मुनि
 इमिबात । आचरज धनि सुरसरित मधिकिते हमसे आत ॥
 जायतब सुरसरितको लखिकही हमयह बात । आचरज गति
 धन्यतुम सुनिकही तिनसुनुतात ॥ आचरजधनि सिन्धुजामधि
 किती हमसी जाति । जाय सिन्धुहि कहे तब आचरज धनि
 तेहि भांति ॥ सिन्धुमोसों कहेमुनि आचरज धन्यउदार । भूमि-
 जापै सात सागर वसतसह परिवार ॥ जाय तबहम भूमिसों
 इमिकहे आनँद धारि । आचरज अरु धन्यहौ तुम कहैंहम
 निरधारि ॥ भूमि यहसुनि कहोमुनि तुम कहहु मति यह बैन ।
 आचरज अरु धन्यगिरिजे धरे मोहिं सचैन ॥ जाइतब भूध-
 रनसों हम कहे साधककार्य्य । आचरजगुण भरेहौ तुम धन्य
 सिंगरे आर्य्य ॥ सुनिकहे गिरितुमकहहु इमि मतिकलह प्रिय
 मुनिराज । आचरज अरुधन्यविधिजो रचत सृष्टि समाज ॥
 जायतब हमकहे विधिसों धन्यतुम करतार । आचरजहौ आ-
 चरजमें रचतहौ सबसार ॥ कहेविधि इमि कहहु मुनिमति बि-
 नाजाने भेद । आचरज अरुधन्यहै जग चारु चारिउ वेद ॥
 वेदसों हम कहे तुम आचरज धनि सरवज्ञ । कहे वेदन कहहु
 इमि आचरज धनिहै यज्ञ ॥ यज्ञसों हम कहे तुम आचरजध-
 न्यप्रभाव । कहेयज्ञ न कहहु इमि मुनि कलहप्रिय गहिचाव ॥
 आचरज अरुधन्यहैं प्रभुविष्णु पुरुष पुरान । आइतब इतकृ-
 णसों हमकहे सोइ विधान ॥ आचरज अरु धन्यहौ तुमकृष्ण
 प्रभु अभिगत्य । कहे प्रभु आचरज धनिहम दक्षिणा सहसत्या ॥
 दोहा ॥ सुनहु नृपति आचरजधनि करै सुयहिविधि शोध । आ-
 इइतै श्रीकृष्णको बचनसुनेभो बाँध ॥ इमिकहि नारद स्वर्गगे

नृपसब निजनिज धाम । गये कृष्णसों हवै बिदा बरबिस्मित
अभिराम ॥ सब भूपनको करि बिदा केशव रुक्मिणि रौन ।
यदुबंशिन सह मुदितमन आये अपनेभौन ॥ बरणे यहि
अध्याय में नारदको सम्बाद । सुपद धन्यआचरजको प्रभुके
मुख निर्वाद ॥

इतिहरिवंशदर्पणेआचरजधन्यपदयोनिर्बिबादोनासमष्टविंशोऽध्यायः २८ ॥

दोहा ॥ बैशम्पायनसों कहे फिरि जनमेजयभूप । मो मन
लृप्ति न होइ मुनि सुनि प्रभु चरितअनूप ॥ ताते कहिये कृष्ण
के चरित और अभिराम । जे इतउतके सुखद शुचि परम ध-
रमके धाम ॥ षोष्ठा ॥ जनमेजयके बैन बैशम्पायन सुनिकहे ।
कहिकोसकै सचैन कृष्णचन्द्रके सब चरित ॥ चौपाई ॥ मति
अनुरूप कहैं सो सुनिये । पापतूल गिरिको शिखि गुनिये ॥
ज्ञानवान पटु सुगति बिलासी । भीषम शरशय्याके बासी ॥
कहे सुअर्जुन सों बरचावन । कहौ कृष्णके चरित सोहावन ॥
यह निदेश भीषमको लहिकै । कहतभये अर्जुन मुद गहिकै ॥
एकसमय हम द्वारावतिमें । गेहेमतिही बोरति अतिमें ॥ तहां
एकदिन प्रभु हवै ईछित । भे एकाह्निक मखरचि दीछित ॥
तेहिक्षण आयो ब्राह्मण आरत । पाहि कृष्णप्रभु पाहि पुका-
रत ॥ सुनि प्रभुकहे करबहम रक्षक । कहु निज अर्थ अजल
करि अक्षक ॥ कह्यो विप्र सुनिये खल घालक । जन्मतही
मेरेत्रय बालक ॥ हरेगये कासों दुख कहिये । समुझि मसूसि
तोषगहि रहिये ॥ चौथो आजु होयगो सुनिये । रक्षण तासु
आपु दृढ़गुनिये ॥ सुनियह आरत बचनसुद्विजके । कृष्ण कृ-
पाल भिषजभवरुजके ॥ मोतनहेरि कहत भोऐसो । उभय स-
न्धिपरि करिये कैसो ॥ मखबिधि त्यागत बनत न कैसेहु । द्वि-
जहि न रक्षिय बनत न ऐसेहु ॥ मैतब कहेउं कृष्णसों बानी ।
मोहिं देहु शासन गुरुज्ञानी ॥ हो उतकरि बरभयको लक्षण ।

सजोरथ लखि सहित आदर द्विजहि कृष्णचढ़ाय । आप चढ़ि
 मोहिं सारथी करि शीघ्र रथ हकवाय ॥ बिपिनगिरि सर सरित
 तरि करि दिशा उत्तर गौन । गये सागरकूललों चलि मुदित
 रुक्मिणि रौन ॥ दोहा ॥ आइ सिन्धुतहँ कृष्णको करि पूजन ल-
 हि चैन । जोरि पाणि युग कहत भो कहा कहो यह बैन ॥ तब
 प्रभु सागरसों कहे सुपथ मोहिं तुमदेहु । यहसुनि जलनिधि
 दीन कै कहत भयो फिरिएहु ॥ चोपाई ॥ हौं मैं तब थापित हे स्वा-
 मी । तब प्रसादते अनुपम नामी ॥ पथलै प्रभु जैहौ तुम जैसे ।
 जैहैं मत्तभप सब तैसे ॥ होइहि नाथ हिनाई मोरी । लखहु वि-
 चारि कहउँ करजोरी ॥ विनय सिन्धुकी सुनि यदुनायक । बोले
 कृपासिन्धु चितचायक ॥ द्विजके अर्थ मानि मम बानी । देहु
 मार्ग अम्बुधि बरझानी ॥ तुमहिं न नांघि सकिहि कोउ मानुष ।
 बीर प्रमत्त गने जे धानुष ॥ यह सुनि सिन्धु कह्यो गुणनिधिसों ।
 रथमिति जलमें सोखउ विधिसों ॥ तेहि पथ जाइकरो प्रियही
 को । कहेकृष्ण नहिं यह मत नीको ॥ तुम्हें दये हों हों आशिष
 वर । रहौ अगाध अदृश्य रत्न वर ॥ ते वर व्यर्थ करहुमति सा-
 गर । करहु बारिधम्भन गुण आगर ॥ सुनि बारिधि जल थ-
 म्भनकीन्है । तेहि पथ पार जाइ मुदलीन्है ॥ उत्तर कुरु तरि आ-
 नंद पागे । गये गन्धमादनके आगे ॥ तहां रूप धरि आनंद
 छाये । पर्वत सात सामुहे आये ॥ मेरु जयन्त रजतगिरिभारी ।
 बैजयन्त अरु नील सुखारी ॥ इन्द्रकूट कैलास सोहाये । पूजि
 प्रभुहि बोले मन भाये ॥ नाथ आपु अनुशासन दीजै । सो हम
 सिंगरे सानंद कीजै ॥ दोहा ॥ कहे कृष्ण भूधरनसों विवर मार्ग
 रचि देहु । यह निदेश सुनि शैलवर कहे तथास्तु सनेहु ॥ भे
 अदृश्य सब शैल तब गिरिमधि विवर लखाय । तामधि रथ
 प्रविशाय प्रभु चलत भये हरषाय ॥ यथाघने घनको पटल भे-
 दि होहिं रविपार । तथा शैल मधि चलि सरथ गे उत कृष्ण

उदार ॥ अन्धकार अतिघोर तहँ मिल्यो सुनहुनरनाह । जानि
 परै जो चलतमें कर्दम सम तन माह ॥ नीठि नीठि रथ ईचिहय
 रहे खरे कै हारि । तब प्रभु दीन्हे चक्रसों सबतम तुंग बिदारि ॥
 जयकरी ॥ तब कुण्ठित मति सुनहु नृपाल । दरशे तेज समूह
 विशाल ॥ तीनिलोकमें किये पसार । ज्वाल जाल प्रज्वलित
 अपार ॥ तासु निकट रथ ठाढ़ कराय । कृष्ण तेजमें गये समा-
 य ॥ द्विजसहं रहि हम रथपै तत्र । निरखत हेमनाकि एकत्र ॥
 बीते दोय घरी तेहिबार । कढ़े ज्योतिसों कृष्ण उदार ॥ लये
 संगबर बालक चारि । आइदये विप्रहि मुद धारि ॥ पुत्रन ल-
 खिद्विजलहि मुद पर्म । लगो प्रशंसन प्रभुको धर्म ॥ फिरि वा-
 हीमग सुरथ चलाय । क्षणमें पहुँचे प्रभुपुर आय ॥ करि यात्रा
 लहि प्राप्त ललाम । आये दिवस गये द्वै याम ॥ ससुत द्विज-
 हि भोजन करवाय । देइ दक्षिणा प्रीति बढ़ाय ॥ कीन्हे बिदा
 कृष्ण अभिराम । गयो सुतनलै द्विज निजधाम ॥ द्विज अनेक
 फिरि कृष्ण बुलाय । भोजन करवाये सुख पाय ॥ सहित
 यादवनलै मोहिंसाथ । भोजन कीन्हे प्रभुयदुनाथ ॥ तदनु सभा
 गृहमें गहिमोद । बैठि करत भे कथा बिनोद ॥ बिस्मित हम
 तहँकर युगजोरि । कहत भये गहि प्रीति अथोरि ॥ मगमें तब
 चरित्र प्रभु देखि । हौं मैं अति विस्मित अवरेखि ॥ दोहा ॥
 करि थम्भन जे उदधि जल किये कृष्ण तुमगौन । तदनुसात
 गिरिवरनमें कियेबिवर प्रभुजौन ॥ किये नाथ जो चक्रसों तुम
 कोतुंग अलेश । ज्वालजालमें जो किये रुचिसों आपु प्रवेश ॥
 द्विज पुत्रन कहँको हरे रह्यो कहा अनुमानि । सो सब भेद ब-
 लाइये चिरंजीव मोहिं जानि ॥ चौपाई ॥ सुनि यह बचन कृष्ण
 मुसुकाई । कहत भये यहि भांति बुझाई ॥ मम दरशन हितद्वि-
 जके बालक । हरे गये हैं सुनु खलघालक ॥ ब्रह्म तेजतेहितेज-
 हि गुनिये । मैंहौं ब्रह्मतेज मम सुनिये ॥ सो मम परम प्रकृतिहै

जानौ । व्यक्ति अव्यक्ति सनातन मानौ ॥ जलसमुद्र गिरिवर
तम मैंहों । मैं जगकारण कारज मैंहों ॥ मैंशशिसूर सरित सर
सिगरे । मैंहों वेदवर्ण जेनिगरे ॥ कारण कार्यरूप मोहिंजानी ।
करोदूरि विस्मय सबज्ञानी ॥ तादिन ते हम भये सयाने । कृ-
ष्णहि परब्रह्मदृढ जाने ॥ सुनिअर्जुनके वचनसोहाते । धर्मराज
आनंद सों राते ॥ बैशम्पायन की यहवानी । सुनिबोले जनमे-
जय ज्ञानी ॥ मुनिवरचरित कृष्ण के सुनिकै । नहिंसन्तोष गहे
मनगुनिकै ॥ ताते औरचरित कछुकहिये । कृपा पात्र लखि
दया सुगहिये ॥ बोले मुनि गुणि नृप मन माहीं । प्रभुके
गुणकी इयता नाहीं ॥ तदपि कहउँ कछु तब हित लागी । सुनु
नृप जनमेजय बड़ भागी ॥ यदुवंशिनके हित प्रभुमानंद । हते
बिचक्र दानवहि सानंद ॥ लोहित दहमें बरुणाहिं जीते । किये
हराई गर्वसों रीते ॥ दोहा ॥ दन्तवक्रकारुषण्णपति सौभशालव
शिशुपाल । हयग्रीव आदिक हते जीति किते क्षितिपाल ॥ अष्ट
राज्य पाण्डवन को दिये राज्य करिपक्ष । रक्षण तब पितुको
किये गर्भहिमें प्रभुदक्ष ॥ बानर द्विविद मयन्द कहँ जीते भुज
के जोर । जाम्बवान सों जयलहे मल्लयुद्ध करिघोर ॥ दोहा ॥
बलिको सुत बलवान बीरसहसभुजको बली । दुर्मद परमअ-
मान जीते तेहिप्रभु सत्त्वनिधि ॥ दोहा ॥ बरणे यहि अध्यायमें
भीष्मार्जुनसम्बाद । विप्रसुवनके हरणकी कथादेनि अहलाद ॥
इति श्रीहरिवंशदर्पणकृष्णचरित्रवर्णनो नाम उन्निशोऽध्यायः २६ ॥

दोहा ॥ बैशम्पायन सों कहे जनमेजय इमि बैन । अबबाणा-
सुर की कथा कहिये मुनि तप ऐन ॥ चौपाई ॥ बोले मुनिसुनुभूपति
ज्ञानी । बलिको गुरुसुत बाण सुमानी ॥ शिवढिंग जायपेखि
सेनानिहि । भईमहतईहा अभिमानिहि ॥ वर व्रतसाधि उग्रतप
करह । शिवहि तोषि सुतहवैमुदधरह ॥ यहविचारिदुस्तरव्रत
चरिकै ॥ शिवहि प्रसन्न कियोतप करिकै ॥ हवै प्रसन्न शिव

आनंद धारे । बरं ब्रूहि यह बचन उचारे ॥ यह वर मांग्यो बाण
 सुखारी । मोहिं करै सुतशैलकुमारी ॥ एवमस्तु कहितबकैला-
 शी । कहेशिवासोंइमि अबिनाशी ॥ यहि पुत्रत्वमानिहवैमाता ।
 जानहु निज सुत को लघुभ्राता ॥ जित सेनानी शिखियों प्र-
 गटे । तेज पुंजवरप्रभा अरगटे ॥ सो शोणितपुर सहितसनेहू ।
 बाणहि बसिबे कहैं तुम देहू ॥ लहि निदेश तव बाण उमाहीं ।
 बस्यो जाय शोणितपुर माहीं ॥ बाणहिं शम्भुपरमप्रियजानी ।
 ध्वजअरुशिखिबाहनसेनानी ॥ सगण शम्भुसेनानी सानंद ।
 रक्षा करै बाणको मानंद ॥ सह परिवार सदल बलभारी । बिल-
 सत भोतहैं बाणसुखारी ॥ सुरगन्धर्व आदि दिववासी । सेवहिं
 तेहिलहि हारिउदासी ॥ शिवप्रसादके मद मतवारो । जीतेसि
 तीनि लोक बलभारो ॥ देहा ॥ लखे बिना त्रैलोकमेंनिज लखिबे
 के योग । गो शिवपै निज प्रतिमभटलखिबे के उतयोग ॥ बन्दि
 चरण तहैं शम्भुसों कहत भयो इमिवान । जीतो में त्रैलोकतव
 बरबलसों बलवान ॥ हवै सन्मुख सुर असुरकोउ लरिनसक्यो
 पलआध । हारि मानिरहिनिकट ममसेवनकरैं अशाय ॥ बाण ॥
 बिना लरेमम सहसभुजाये । फरकत रहत महतछवि छाये ॥
 युद्धकिये विनु सकल विभूती । मोहिं न भावत जिती अकूती ॥
 प्रभु सों आजुकहों सतिभावै । लरेबिना नहिं जीवन भावै ॥
 ताते कहहु मोहिं चितचायक । बीर मिलिहि कोउ लखिबेलाय-
 क ॥ यह सुनिकै शंकर मुसुकाई । कहैबाण सों इमिसमुझाई ॥
 सेनानीको दीन्होंध्वजजव । पतन होइ यह जानेउ निज तब ॥
 अब कोउ सुभटबीर रसरातो । लरिहि आइबरवीर्य विभातो ॥
 यह सुनि बाण परम सुखपाई । आनंद बारि चखनमें छाई ॥
 पगगहि कहत भयोहे स्वामी । अबमें धन्यभयउँ अरु नामी ॥
 इमिकहि सहसपाणिपै लैंकै । कुसुमपंचशत अंजलि दैंकै ॥
 बिदा शम्भुसों हवै धनुधारी । निजपुर आयो परमसुखारी ॥

जाइ खजानागृह में बैठो । सगरबबीर ऐंठ सो ऐंठो ॥ तहँ
कुम्भाण्ड सचिवसों भाष्यो । दयो मोहिं शिवबर अभिला-
ष्यो ॥ बाणहि अतिमोदित सों लेखी । बूझतभो यहि बिधि
अवरेखी ॥ कहौ कहाबर पायहुसाई । जाते अति मोदित
यहिदाई ॥ बिष्णुहि जीतन को बरलीन्हें । कै निज प्रतिहि
पूर्ववत कीन्हें ॥ ^{देहा} ॥ चक्र पाणिके भीति सों दैत्य समुदमें
जाय । दुरे रहत तिनकहँ कहा अभय किये बरपाय ॥ इन्द्रहि
गहि पातालमें राखनको बरदान । लहे कहा तुमअपुनको होवे
को मघवान ॥ ^{चोपाई} ॥ सोयह दीजै शीघ्र बताई । मोसों गहर
सहो नहिं जाई ॥ यह सुनि बाण गोइनहिं राखेसि । मांगेसि
जो पायसिसो भाषेसि ॥ सोसुनि सचिव कहतभो ऐसो । नाथ
लहेहुबर दुखदअनैसो ॥ इतनेही में बिनाप्रयासै । गिरतभयो
वहध्वजा अन्यासै ॥ लखिध्वजपतन बाणहर्षाना । निकटयुद्ध
को उत्सवजाना ॥ भेतवतहां दशौदिशिचारी । अशकुनबिबि
ध भांतिकेभारी ॥ तिन्हें न बाण चित्तमें आने । गेअन्तहपुरमें
हर्षाने ॥ मंत्रीफल अशकुनकेजानी । भयोब्यथित अनरथ
अनुमानी ॥ कछुदिनगये मोदि गिरिजाहर । जायनदीके तट
भवभयहर ॥ गणन सहित आनँदसों पागे । बारिविहारकरन
तहँलागे ॥ बाणासुरकीचारुकुमारी । ऊषानामा परमदुलारी ॥
सोगिरिजाको लहि अनुशासन । गईरहीतहँ बारि बिलासन ॥
नृत्यगान अरुवाद्य सोहाये । अप्सर कृततहँ सुख सरसाये ॥
पारिजातको गन्ध सोहावन । बंगखो चहुँदिशि मन उमगाव-
न ॥ बन्दीजन सम अप्सरकेती । शिवहिप्रशंसहिं सुबुधिसुचे-
ती ॥ नामचित्ररेखा सुखदानी । रहीअप्सरासो अनुमानी ॥
^{देहा} ॥ तहँगिरिजाको भेषकरि शिवके सन्मुखजाय । नृत्यगान
लागीकरन भावअनेकबताय ॥ सोलखि शंकर गौरिसों कीन्हें
हार्य सचाय । कहीशिवा तब गणनसों शम्भु मनहुसुखपाय ॥

महिबारी ॥ तहँ अप्सरासबगौरि अरुसभ सुगण गण शंकरबने ।
 इमिलगे क्रीड़ाकरन मिलि लखिलहेशिव आनंदघने ॥ यह
 देखिक्रीड़ा कुंवरिऊषा चावसों सरसतभई । तेधन्य तियपति
 संगजे इमिरमैं यह मनसतभई ॥ यहतासु आशय समुभिगि-
 रिजा चारुकरयुगपरसिकै । इमिकहततासों भईतेहिअति प्रेम
 सों ढिगकरषिकै ॥ सुनुधीरधरु कञ्जुदिवसमनमें प्रियेऊषे सकु-
 चिहे । अवगनेदिनमें पाइप्रियपति मोदिहौ इमिसरुचिहे ॥
 दोहा ॥ जोमाधवकी द्वादशी निशिसपनेमें आय । पुरुषरमिहि
 तोसोंतहीं सो तोहिंपति सुखदाय ॥ सुनिऊषा सुखलहिरही
 सकुचित शीशनवाय । करतभईतबहास्यतहँ अप्सरगण हर-
 षाय ॥ संध्यालखितब गौरिशिव आवतभे निजधाम । ऊषा
 आई निजभवन गईसबैनिजग्राम ॥ जयकरी ॥ पारवतीकोबचन
 बिसूरि । ऊषाकै बिरहाकुल भूरि ॥ चौसर चंदन सुरंगदुकूल ।
 तजतभई जिमिदुखकोमूल ॥ दिनभोजन निशिनिद्रात्यागि ।
 सूखिगई अतिदुखमेंपागि ॥ अनुक्षणलैलै ऊबिउसास । करत
 भई मनुअवा अवास ॥ परीरहै नित मूंदेनैन । मूर्च्छितभई न
 बोलैबैन ॥ दासीसखी दशायहदेखि । कैविस्मित हियभयसों
 पेखि ॥ हारीकरि कितनोउपचार । तबसब करिकैमंत्रविचार ॥
 ऊषाकी जननीपैजाय । देतिभई सब दशासुनाय ॥ सुनिसो
 शीघ्र सुतापैआय । भईदेखावत बैदबोलाय ॥ कहतभये इमि
 बैदविचारि । जलक्रीड़ाकीन्हीसुकुमारि ॥ करिश्रम कीन्हेंबारि
 बिहार । शीतगरमको भयोविकार ॥ सुनिबोली ऊषाकीमाय ।
 सखीदेहि उरचंदनलाय ॥ चुरनलगै सोजिमिलहिआगि ।
 यहकम कहाकहौ हितलागि ॥ कहेभिषज तब सुनु हेरानि ।
 अतिसुन्दरि तवसुता सुजानि ॥ तातेभयो डीठि को योग ।
 मंत्रयंत्रको करौ प्रयोग ॥ यहकंहिभिषज गये निजधाम ।
 जानिहिये यहि बिधवत काम ॥ दोहा ॥ दासीसखी सुजानिस-

बलखति भई यह भेद । कामनरेन्द्र अमान यहि करत सुवश
 देखेद ॥ यहि विधिरहि कछुदिवस में लहि बरमाधव मास ।
 शुकपक्षकी द्वादशी पूरणकीता आस ॥ ^{वेरठा} ॥ निशिमैं सखि-
 न समेत सोई ऊषा हर्म्य पै । सुखमा सत्व निकेत पुरुषरम्यो
 तहैं स्वप्नमें ॥ ^{वोहा} ॥ प्रथम समागम की भई चेष्टा सकलअ-
 नूप । शाणितादि व्यवहारसों भयोसुरतिकोरूप ॥ चौपाई ॥ मन्द
 मन्द रोवत बैठीउठि । भरोस्वेदसोंगात शिथिलसुठि ॥ लखि
 सखिजन समुभावनलागीं । जानिकुंवरि कछुभयसों पागीं ॥
 ऊषाकही नमैं डरपानी । सखिनजाति कहिहानिगलानी ॥ पुरु-
 षएक सपनेमें आई । ममकुमारि पनगयो नशाई ॥ किमिमाता
 के ढिगमें जैहों । बूभेदशा उतरकादैहों ॥ जागतसीमें रहिउँ
 हहाकरि । वहवलसोंकरि गयो चहाधरि ॥ कुलमेंलगी कालि
 हेसजनी । अरुभो धर्मलोप यहिरजनी ॥ इमिकहि नयननते
 जलधारा । मोचनलगी सशोचअपारा ॥ इतनेमें यकसखी स-
 यानी । कहतभई सुनुऊषाबानी ॥ मनविकारकरि कारजकीन्हें
 धर्मनशाय शास्त्रकहिदीन्हें ॥ स्वप्नदशामें परबशऐसो । भये
 गयो नहिं धर्मअनैसो ॥ तबकुम्भाएड सचिवकी तनया । कह-
 तिभई इमिचातुरि सनया ॥ सुमुखि सुजानि बचन सुनुमोसों ।
 सुधिकरुशिवाकहीजो तोसों ॥ सोईभयो शोचुमति कामिनि ।
 जानुअपूर्व सुखदयह यामिनि ॥ मिलोपुरुष सपनेमें तोही ।
 होइहिसो तवपतिअति छोही ॥ सुरगन्धर्व असुरगण जोऊ ।
 निशिपुर प्रविशि सकैनहिं कोऊ ॥ ऐसो त्रासबाणको भारी ।
 थरथर डरपहिं सब धनुधारी ॥ ^{वोहा} ॥ ताके अन्तह भौनमें
 आइनिशंक प्रवीर । ताकी तनया सों विहरिगो निजघर रण-
 धीर ॥ सो यह नहिं प्राकृत पुरुष यह कोउपुरुषमहान । है जे-
 तात्रैलोकको बीर उदण्ड अमान ॥ धरिधरणी पै धन्यतू धनी
 अपूरवपाय । शोच त्यागिपतिके मिलनको अबकरो उपाय ॥

चौपाई ॥ प्रियासखी की बाणी सुनिकै । कहत भई इमि ऊषा
 गुनिकै ॥ निज पै परे भीरजन मोहै । करि न सकै कबु करि-
 बो जोहै ॥ जिमि रुजग्रसित बड्य बिचारो । ताते तुमयह
 कार्य सुधारो ॥ यह सुनि बोली सुतासचिवकी । सुनु ऊषाप्या-
 री तुव जिवकी ॥ सखी चित्ररेखा जो अप्सर । तेहि त्रैलोक्य
 विदित हैं सबथर ॥ ताहि बुलाय कहो हे आरय । शीघ्रकरिहि
 सो सिधि यह कारय ॥ तब ऊषातेहि तहां बोलाई । कहति भई
 कर जोरि बुझाई ॥ हे सखिजो मम जीवन चाहौ । तौमैं कहों
 बचन सो पाहौ ॥ जो सपने में मम ढिग आयो । पुरुषसिंहसु-
 खमासोंझायो ॥ तेहि इतल्याइ मिलावहुमोसों । यह हठि कहों
 विनय करि तोसों ॥ यह सुनि सो अप्सरा सयानी । कहत भई
 ऊषासोंबानी ॥ सुनु विन नाम ग्रामकुलजाने । अरु विन तासुमू-
 र्ति पहिचाने ॥ केहिविधि तेहि आनउँ हो कामिनि । करि बिचार
 कह तू गजगामिनि ॥ करिहौं एक उपाय उजागर । हैं जितने
 त्रयपुरमें नागर ॥ तिनके चित्रलेखि लै ऐहों । पृथक् पृथक् सो
 तुम्हें देखैहों ॥ तेहि लखि चीन्हि लिहेहु तब रसकर । धनकु-
 मारि पनको जोतस्कर ॥ दोहा ॥ असुर अमर गन्धर्वमें जितने
 पुरुषविभात । तिनके चित्र बिचित्र लिखिल्याई लहि दिनसात ॥
 ऊषहिते सिंगरेदई पृथक् पृथक् दरशाय । लखि सुचित्र अनि-
 रुद्धको ऊषै लई उठाय ॥ कही प्रेमसों लाइउर पुलकि पसीज
 सचाय । सखि यह जाको चित्रहै सो ममपति सुखदाय ॥ चौपाई ॥
 ते ताके हैं सुवन सलोने । केहिकुल प्रगटे ममपति होने ॥ कही
 अप्सरा सुनु मृगनयनी । पुरी द्वारका निधिकी ऐनी ॥ विष्णु
 कृष्ण हैं तहें सुनु ऊषे । हैं यदुकुल महि मोसो भूषे ॥ तासुसुवन
 प्रद्युम्न गनाये । कामरूप है काम सोहाये ॥ हैं अनिरुद्धतासु
 सुतबीरा । सुखमा सीव सरस रणधीरा ॥ हैं यहतासु चित्रमन
 भावन । तो उर रमणि सुरस सरसावन ॥ यह सुनिकै ऊषा

प्रेमातुरि । कहत भई सुनु हे सखि चातुरि ॥ समयपरे जोहोइ
 सहाई । सोई सखा पितासुत भाई ॥ करि दूतत्वसाधुममकारय।
 ल्याइ मिलाउ शीघ्रपति आरय ॥ सुनु सखिहोत दूतपटुजैसो ।
 सिद्धि होतहै कारज तैसो ॥ ताते तू सबभांति सयानी । अरु
 अति मम हितरत सुखदानी ॥ हे सखि हेतू नभपथ चारिणि ।
 योगिनि चारु रुचित बपुधारिणि ॥ यह कारय सिद्धि करिवे
 लायक । है तूही मम हितू सहायक ॥ कही अप्सरा सुनहु कु-
 मारी । धरहुधीर मतिमानहु हारी ॥ अब हम शीघ्र द्वारकाजा-
 इव । करि उपाय अनिरुद्धहि ल्याइव ॥ हवैसो बिदासमुदइमि
 कहिकै । सत्वर चली गगनपथ गहिकै ॥ दोहा ॥ क्षणमें चलि
 द्वारावती लखत भई सो जाय । नभते अमल अटान लखि
 होतभई सहचाय ॥ तबनभतजितरि भूमिपै नगर द्वार पैआय ।
 सरिताके तट हवै खरी मनसन लगी उपाय ॥ सोरठा ॥ तहँचहुं
 ओर निहारि देखि सरिततट नारदहि । कारज सिद्धनिहारि
 जाति भई ढिग सुमुनिके ॥ गेला ॥ जाइ मुनिपै चित्ररेखा दूरि-
 हीसों नौमि । पाइ आशिष भई ठाढ़ी शीश नत करि सौमि ॥
 सुमुनि तासों भये बूभक्त आइवे को हेत । दई सो कहि आदि
 सों सबभेद मोद निकेत ॥ जानि मुनि अनिरुद्धको लैजाइवो
 श्रमसाध्य । दये तामस मंत्र कारय सिद्ध करन अराध्य ॥ मंत्र
 लै अनिरुद्धके गृह जाइसोगहिमोद । अलखरहितहँ लगीले-
 खन तासुसर्बविनोद ॥ युवतिगणमधिलसतितारणिमध्यजिमि
 निशिनाह । नृत्यगानवरांगना तहँकरति रजिमनमाह ॥ गान
 नृत्यत युवति गणमें रमत ताको चित्त । देखि लीन्ही चित्ररे-
 खा जानि कारण वित्त ॥ स्वप्नमें ये रमे हैं मिलि बाणजासों
 जौन । उतै तेहि चित्त लगो इतको हैं नहँ यहिभौन ॥ बूझियह
 निज कार्य सिद्ध बिचार मोहन मंत्र । दयो मुनिको ताहि सो
 तहँ भई पदतस्वतंत्र ॥ तियन सह अनिरुद्ध तब जहँरहे सोय

सुमेहि । चित्ररेखामोदि तव चख फेरि इतउतजोहि ॥ चावसों
 अनिरुद्धको गहि हर्म्य पै लैजाय । तहां ताहि जगाय ऐसे भई
 कहत सचाय ॥ स्वप्नमें दुर्दशा जाकी किये तुम चितचोर । लहे
 बिनु सो तुम्हें व्याकुल लखति है चहुँओर ॥ रुदति जृम्भति
 श्वसति पसिजति कँपति मूर्च्छि अचैनि । लिखोमो तव चित्र
 लेखि बितौति है दिन रैनि ॥ देइ ऊषहि तुम्हहिंपति गिरि-
 सुता दै बरदान । चलौ तापै बेगिनातो तजैगी वहप्रान ॥
 सुवन बलिको बाण ताकी सुता ऊषा चारु । तासु शोणित
 नगरमें चलि होहु तुम भरतारु ॥ चित्ररेखाके बचन सुनि
 कहतभे अनिरुद्ध । रह्यो उनके विषय बढ़ि मम प्रेम पूरण
 शुद्ध ॥ स्वप्नके रतिरंगमें उनकरी जौन सशङ्क । कम्पि सुमुकि
 उरूण बांधि नितम्ब चालिसलङ्क ॥ हहाकरि मम कर्णिकाग-
 हि श्रमसरितमें डूबि । सजललज्जित चखन चितई लई श्वा-
 सा ऊबि ॥ भई सो जो दई ये दई कहति तहँ बहुवार । फैंलिगे
 छुटि छबिनि लों जो सरस सुथरेवार ॥ लाइ हीरें लयो हो जो
 भयो पीरोगात । सरस कंचन दाम समभा भरो भरि बिभात ॥
 तजै पै उठि यत्न सों जोलगी सुसुकनबैठि । मथतहँ ममहियोये
 सब चरितचितमें पैठि ॥ बोहा ॥ प्राणप्रिया मम बल्लभा की तू
 सखीसयानि । शीघ्र सत्य करु स्वप्न यह कहोंजोरि युगपानि ॥
 यहसुनि अति आनन्द लहि लै अनिरुद्धहि तौनि । अन्तरिक्ष
 पथ गहिगई ही जित ऊषारौनि ॥ चैणई ॥ अनिरुद्धहि लखि
 बाण कुमारी । कै प्रमुदित भरि नयनन बारी ॥ पुलकि पसीजि
 दुरै परितापहि । मानत भई धन्य तन आपहि ॥ अर्घ्यपाद्यदै
 पूजन करिकै । कुशलप्रश्न बूझीमुद भरिकै ॥ बहुरि सखी सों
 मिलि गज गामिनि । अस्तुति करत भईप्रियकामिनि ॥ भाषि
 सखीसों पितुकेमरमें । गई पतिहि लै गोपित थरमें ॥ करिग-
 न्धर्व व्याह मुद गहिकै । बिहरनलगे गोपितै रहिकै ॥ विधि

बश तिनकहैं तहां बिहारत । लेखत भयो चारदिशि चारत ॥
 सो लखि कहेसि बाण सों जाई । युवा पुरुष तुवगृहमें आई ॥
 बिहरै ऊषाके सँग साई । बनमें मत्तसिंहकी नाई ॥ सुने बाण
 क्रोधाग्नि सों जरि । कियो घोरधुनि तन चञ्चल करि ॥ भे-
 जत भयो तुरतदल भारी । कहि निडरहि गहिडारहुमारी ॥ च-
 लेबीर बलकत भय भारत । मारु मारु धरु मारुपुकारत ॥ ऊ-
 षा लेखि सुभट भय भोवन । पति बध भीति लगी तहैं रोवन ॥
 लखि अनिरुद्ध युद्धके चावन । तियसोंकहे बचन मनभावन ॥
 मति करु रुदन तिया भय भेखी । सुखलहु मोरि बीरता देखी ॥
 बिन भट आजुबाणको करिहौं । शोणितपुर शोणितसों भरिहौं ॥
 दोहा ॥ इतनेमें तहैंआइकै नारद सुमुनि सचैन । कहतभये अ-
 निरुद्ध सों अन्तरिक्ष रहिवैन ॥ हौं आयो अनिरुद्ध तव युद्ध
 लखन हित अत्र । तरुणि शङ्क लखि युद्धहों जैहैं केशवयत्र ॥
 चौपाई ॥ सुनि नारदके बचन सोहाते । श्री अनिरुद्ध बीररस
 राते ॥ केहरिसम कढ़ितेहिथर बनसों । भिरेद्विरद रजनीचर
 गनसों ॥ शस्त्र शक्तितोमर परिघादिक । तजत भये सब अ-
 सुर प्रमादिक ॥ परिघ कपाटबद्ध अतिभारी । लै अनिरुद्ध बीर-
 पनधारी ॥ अति सरोष करि तासु प्रहारण । असुर वृन्द कहैं
 लगे संहारण ॥ क्षणमें बीर असंख्य संहारे । कितेबीर भागे
 अधमारे ॥ रुधिर बमत अतिभयसों भारे । गये बाणके पास
 पिरारे ॥ कादर जानि तिन्हें तिमिज्वैकै । ध्वंसनिकिहिसि बाण
 रिस ग्वैकै ॥ अयुत सुभट फिरि और पठाये । बलकत गर्वभरे
 ते आये ॥ तोमर भिन्दिपाल शर चावन । देखतही ते लगे
 चलावन ॥ अति जवसों तिनके मधिजाई । कीन्हे कुंवर परिघ
 की घाई ॥ अछुतहु बिछुत उदध्रांता । आंतरु आविध आंत
 विश्रांता ॥ इन्हहिं आदि बत्तिस अस्थानन । कियेप्रहार अनेक
 विधानन ॥ करि चापलता अति मनमाने । गे अनिरुद्ध सहस

समजाने ॥ पलमें कइकसहसभट मारे । बचे रहेते भगेदुखारे ॥
 गिरत एक पै एक भभरसों । नभपथ गहे बाणके डरसों ॥ दोहा ॥
 नृत्य गगनते मुनि कहे धन्यधन्य अनिरुद्ध । सोमुनि अरुनि-
 जसैन लखि भयो बाण अतिकुद्ध ॥ रथ सजाय कुम्भाण्ड सों
 चढ़ि बरणो बलवान । चलो बाण अनिरुद्ध पै गरजत मेव स-
 मान ॥ गुरुतोमर ॥ सो सहस पाणि अखेदसों । बरभूषि आयुध
 तेदसों ॥ अनिरुद्धबीरहि देखिकै । अघसमुभि अतिशय ते-
 खिकै ॥ बपुधनुषवरटङ्कारिकै । भो कहतदीह पुकारिकै ॥ अब
 भागु मतिभय पागिकै । नहिं बचैगो तुम भागिकै ॥ अनिरुद्ध
 ताको पेखिकै । निजबधो सम अवरेखिकै ॥ कर खड्गचर्म महा-
 नलै । हेंखड़ेबीर बिधानलै ॥ तब बाण बाण अनेगिने । तकि
 तजे जौन बनेगिने ॥ अनिरुद्धते शर चर्मसों । कहुदिये टारि
 अभर्मसों ॥ फिरि बाण सहसन बानसों । भो हनत बाण बिधा-
 नसों ॥ अनिरुद्ध निर्भय प्राणके । तब चले सन्मुख बाणके ॥
 सुमहोक्ष ताकि किसानको । जिमि चलै त्योरि विसानको ॥
 शर भिन्दिपालहि आदिकै । तेइ तजे कितने नादिकै ॥ सहि
 सबै रथढिग आइकै । अनिरुद्ध रथपै जाइकै ॥ सब बाजि
 बाणको मारिकै । रथ जुवादण्ड बिदारिकै ॥ फिरि फिरे सत्वर
 बानपै । भुज सहसबीर अमानपै ॥ इमिबाण ताहि निहा-
 रिकै । भो गुप्त अनर बिचारिकै ॥ दोहा ॥ उतसों शर वर्षन
 लगो तब रथ तजि अनिरुद्ध । महिपै ठाढ़े कै लगो इत उत
 लखन सकुद्ध ॥ तबबाणासुर कै प्रगट धीर शक्ति अति-
 घोर । तजतभयो अनिरुद्धपै कुद्धि भुजनके जोर ॥ कूदि बीर
 अनिरुद्धसों शक्तिलये निजपानि । ताहीसों बाणहि हने कोपि
 व्योमभरि तानि ॥ जयकरी ॥ लगे शक्ति भो मूर्च्छित बाण ।
 करते छूटिपरे धनुबाण ॥ घरी द्वैकलों मूँदि सुनैन । रह्यो ध्व-
 जामें लागि अचैन ॥ गहेसि धनुष फिरि होइसचेत । तब बो-

लतभो सचिव सहेत ॥ यासों लरि परतक्षसनीति । भूपतितुम
 नहिं लहिहौ जीति ॥ ताते मायाविधि अवगाहि । लरि भूपति
 मणि जीतहु याहि ॥ बचन तासु यह सुनिकै बान । भो रथ
 ध्वज सह अन्तर्धान ॥ छांड़ि सर्प शर मंत्र अराधि । दीन्हिसि
 श्रीअनिरुद्धहि बांधि ॥ सर्पनसों बांधिकै अनिरुद्ध । कीलित
 अहिसे भये सकुद्ध ॥ तब ह्वै प्रगट रक्तपुर रौन । कह्यो सचिव
 सों यहि विधि तौन ॥ हरौ शीघ्र हति याकोप्रान । सोसुनि बो-
 ल्यो सचिव सुजान ॥ भूपति बूझिलेहु यह कौन । तबफिरि करहु
 सुचितहै जौन ॥ यहहै कोऊ पुरुष अनूप । बरवंशज जगजे-
 ता रूप ॥ या विधि बांधो तऊ विभात । तुम्हेंलेखि नहिं नेकु
 सकात ॥ ऊषासों गान्धर्वविवाह । करि यह रमोचित्तकीचाह ॥
 मिलत न अस कीन्हें उतयोग । ताते यहनहिं बांधिबे योग ॥
 यह सुनि कहेसि बाण तेहि पाहिं । यहि राखहु कारागृहमाहिं ॥
 दोहा ॥ कारा रक्षणकहँ सउँपि अनिरुद्धहि बलवान । गयो स-
 भाकेसदनमें सगरब बाणअमान ॥ नारदयह वृत्तान्तलखिगये
 कृष्णके पास । मुनिहि जात अनिरुद्ध लखि गहे छुटनकी आ-
 स ॥ कारागृह में जाइकै श्रीअनिरुद्ध प्रवीन । अस्तुति गिरि-
 जाकी किये कहिकहि पयनवीन ॥ सुनिदुर्गा तहँप्रगट द्वैनाग-
 बंध कहँमोचि । अरु असिपंजर तोरिकै कहत भई इमिशोचि ॥
 जौलों केशव आदिलै जाहिं न गरुड़ चढाय । तौलों बन्धित
 इवइतै रहियोपुत्र सचाय ॥ यहसुनि फिरि अस्तुति किये श्री-
 अनिरुद्ध सकाम । दैआशिष गिरिजा गई सानँद अपनेधाम ॥
 बरणे यहि अध्याय में कारणसहबिस्तारि । ऊषाअरुअनिरुद्ध
 को मिलन समोदविहारि ॥ बाणासुर अनिरुद्धको कहेयुद्धाफि-
 रिबाणि । बन्धन केहि अनिरुद्धको बन्धमोक्ष फिरिकणि ॥

इतिश्रीहरिवंशदर्पणेअनिरुद्धोपासमागमोनामत्रिशोऽध्यायः ३० ॥

चैपाह ॥ हरि अनिरुद्धहि लै जेहि क्षनमें । गई अप्सरामो-

दित मनमें ॥ तापीछे द्वाारावति वरमें । श्री अनिरुद्ध कुंवर के
घरमें ॥ सोवतिरहीं मोहिजेनारी । तेसबचेति जर्गी पतिथारी ॥
बिनु अनिरुद्धहि लखे दुखारी । रुदन करन लागीं भयभारी ॥
सो सुनि कृष्णादिक सबजागे । सुनि वृत्तान्त मोहसोंपागे ॥
सुनि रोदन यादव भयछाये । निजनिज घरसों उठि उठिधाये ॥
सभासदनमें कृष्णाहि देखे । ऊबि उसांसलेत अति तेखे ॥
बैठत भये तहाँ यादवगन । शोचित रहिचुप भरिभयसों मन ॥
तब विपुल केशवसों भाखे । इतक शोचकत मनमें राखे ॥ तब
भुज बलते निर्भय सुरपति । रहतभये हम सबनिर्भय अति ॥
सोप्रभु तुमकत चिन्ता गहहू । सादर उचित होइ सो कहहू ॥
सुनि प्रभुकहे शोचपरिहरिकै । लैगोकोउ अनिरुद्धहि हरिकै ॥
यह वृत्तान्त नृपति सब सुनिकै । हैंसिहैं हीन पराक्रम गुनिकै ॥
तब प्रभुसों यहिविधिकी बानी । कहतभये सात्यकि गुरुजानी ॥
प्रभुचारण बसु दिशा पठावहु । कोलैगो यहखबरि भँगावहु ॥
लहि वृत्तांत करव जो भाइहि । लैअनिरुद्धहि कहँसो जाइहि ॥
वोहा ॥ यहसुनि चारण अनगिने केशव तहां बुलाय । बिदाकिये
प्रति दिशनकहँ बिधि वृत्तान्त बुझाय ॥ वनगिरिवर तरुगुहन
प्रति सगर नगर प्रतिग्राम । लखिफिरि आये चारनहिँ मिलो
कुंवर अभिराम ॥ चौपाई ॥ तबगुणि बोलतभो अभिमानी ।
अनाधृष्टि वरबल सेनानी ॥ नहिँ कोउ महिबासी यहकारज ।
जीति सकिहि करि सुनिये आरज ॥ शकहि जीति पराभवदे-
कै । प्रभुतुममोदे सुरतरु लैकै ॥ ताहितपर सुरपति इतआई ।
अनिरुद्धहि लैगये चोराई ॥ मम अनुमान परैलखि ऐसो ।
आपु विचारि कहँ हो जैसो ॥ प्रभु बोले नहिँ इमिमन धरिहैं ।
शक कबहुं नहिँ ऐसोकरिहैं ॥ क्षुद्रबली जो पराक्रमहीने । करै
चौरवत दगा मलीने ॥ बिपदापरे प्राणपरिहरहीं । उत्तम पुरु-
ष न लघुगति धरहीं ॥ तब बोले अक्रूर सयाने । तबकल्याण

शकहित जाने ॥ तासुकाज तुमनिज सममाने । तव कारज
 वैनिज अनुमाने ॥ तबप्रभु कहत भये अनुमानी । सबकोउ
 सुनहु सत्यमम बानी ॥ सुरगन्धर्व असुर किन्नर नर । नहिं
 लैगे अनिरुद्धहि बलवर ॥ कोउ पुंश्चली असुरकी भामिनि ।
 रमण हेतलेगई सोकामिनि ॥ इतनेमें तहँ नारद आये । पूजि
 कृष्ण सादर बैठाये ॥ लखिबोलतभे मुनिवर ज्ञानी । कत शो-
 चितहौ तुम सब मानी ॥ कहेकृष्ण निशिमें पनधरिकै । लैगो
 कोउ अनिरुद्धहिहरिकै ॥ दोहा ॥ बिनु जाने यह भेदहैं हम सब
 पूरितखेद । मुनि तुम जानत होहुतौ शीघ्रकहहु यहं भेद ॥ तब
 नारदमुनि कहतभे नांव गाँव व्यवहार । लरनि भिरनिगहि प-
 रनि सब विधिवत सह बिस्तार ॥ अहि बन्धनते कुंवरहै कष्टित
 लेहु बिचारि । ताते चलियेशीघ्रउत हियतेसंशय टारि ॥ चौपाई ॥
 तब उत जैबेको मुद लीन्हें । प्रभु सुभटन कहँ शासन दीन्हें ॥
 तबइमि कहतभये मुनिनारद । सुनहुबचन मम कृष्णबिशारद ॥
 सहसइग्यारह योजनसोथर । मधिबननदी अनगिने गिरिवर ॥
 तातेगरुड़हिलेहु बुलाई । तापैचढ़ि चलियेदोउभाई ॥ यह सुनि
 कृष्णगरुड़कहँध्याये । शीघ्रगरुड़ तहँसानँदआये ॥ आइगरुड़
 प्रभुकेपगबन्दे । बन्दिकहतइमिभये अनन्दे ॥ नाथ कृपाकरिक-
 रियेशाशन । सोमैं करउँसुनहु अरिनाशन ॥ सुनि प्रभुअतिआ-
 नँदहिय छाये । समाचार खगपतिहि सुनाये ॥ तदनु गरुड़की
 अस्तुति करिकै । कहत भये आनँद बिस्तरिकै ॥ मोहिं शीघ्र
 शोणितपुरलै चलि । जीतहु बाणहि असुरहि दलिमलि ॥ यह
 सुनि कहेगरुड़ हरषाने । धनिहो जेहि प्रभु आपु बखाने ॥ मो-
 मै जिती सत्वकी गुरता । सोतुव अनुकम्पा की पुरता ॥ नाथ
 तुम्हार भक्तजो होई । धन्यधन्य तिहुँपुर में सोई ॥ कारणका-
 र्य आपु सब जगके । दर्शक दर्शावक सबमगके ॥ लहि तव
 कृपा होइ सब आरज । करै सिद्ध अतिदुस्तर कारज ॥ लेशत

सखा बन्धुगण गोहन । करहु शीघ्र मोपर आरोहन ॥ दोहा ॥
 तब गरुड़हि आलिंग्यप्रभु सह प्रद्युम्नवलराम । चलत भये
 चढ़ि मोदसों गहिआयुध अभिराम ॥ कञ्जदूरिवल कृष्ण प्रभु
 भये अष्टभुजरूप । सहसशीरषापुरुषत्यों भोगिरि सदृशअनूप ॥
 खड्गचक्र शरवर गदा दक्षिणकरन विहार । लसे शंख धनुपवि
 चरम बामकरनमें धार ॥ सहसशीरषा रामभे गिरिवतगुरुबल-
 वान । स्वमिं कारतिकको गहे रूप प्रद्युम्न महान ॥ सौगठा ॥ यहि
 विधि चलि बलधाम शोणितपुरके निकटभे । तहां कहत भे
 राम विशदबचन श्री कृष्णसों ॥ योना ॥ इतैहम सुत सहिततम
 द्वै निज प्रभासों हीन । भये कांचन बरण कारण कहायह पर-
 वीन ॥ कहे यह सुनि कृष्ण शोणित नगरमें चहुँ ओर । दिपति
 ज्वाला अग्निकी प्रज्वलित अतिशय घोर ॥ परे ताकी प्रभा
 हम तुम भये ऐसे रूप । कृष्णसों सुनिकहे फिरि बलराम बचन
 अनूप ॥ आवतै ढिगतासु हम तुम भये जो बैवर्ण । कहाआगे
 करहिंगे पुरुषार्थ तौगाहि पर्ण ॥ बचन सुनि प्रभु बिहँगपतिको
 दयेतत्र निदेश । गरुड़ सुनि अति बेगसों उड़िजातभे नभदेश ॥
 सहस मुख करि सुरसरितको बारि भरिलै आय । बरषिधारन
 दैत भे सब ज्वाला जाल बिताय ॥ अग्नि बर हवनीयकी लखि
 शांति शिवगण बलि । आइसन्मुख लरन लागे कृष्णसों तिहि
 अह्नि ॥ नेसु तिनके युद्धको इवनबाण बीर उदार । तहां भेजे
 अग्निरहि जो अग्नि को सरदार ॥ दहन शोषन कुसुम अरु
 कलमाष तपन सुखाल । पांच स्वाहाकार विषये प्रगट अग्नि
 विशाल ॥ जठरपतंग अगाध सण सुभ्राजपावक पांच । स्वधा
 कामाश्रई ये दश अग्निदीरघ आंच ॥ बिभाग ज्योतिष्ठा भये
 द्वै अग्नि अति अभिराम । वषट्काराश्रई तिनसह सरिससह-
 स ललाम ॥ बेगसों तहँ आय कै सो अंगिरा बलवान । बैठि
 रथ आग्नेय पै तकितजन लागो बान ॥ कहेप्रभु तब अंगिरा

सों खरो रहु धरि धीर । शीघ्र मेरे अस्त्रसों तुव जरत दीर्घ श-
 रीर ॥ बचन यह सुनि अंगिरा भो हन्यो शूल उदण्ड । काटि
 शर सों बीचही तेहि किये प्रभु द्वै खण्ड ॥ स्थूल कर्ण विशाल
 शर फिरि हने प्रभु उर तासु । द्वै विदीरण हियो अंगिर गिख्यो
 महिपै आसु ॥ सर्व अग्नि उठायलै तब अंगिरहि भरित्रास ।
 गयेशोणित भरेशोणित नगर पतिकेपास ॥ दोहा ॥ तब शोणित
 पुर प्रतिचले अतिजवसों बिहँगेश । लखि प्रभुसों दारदकहे यह
 शोणितपुरबेश ॥ इत सुतगणगिरिजा सहितरहत रुद्र सबयाम ।
 बाणबीर असुरेशके रक्षणहित अभिराम ॥ सुनि प्रभु बोले शम्भु
 जो द्वै दैयतकी ओर । लरिहैं उनहंसों करौं तौ संगर अतिघोर ॥
 चौपाई ॥ ऐसोकहत नगरदिग आये । तबतहैं केशवशंख बजाये ॥
 सुनि धुनि दैयतगण समुदाई । निकसत भये निशान बजाई ॥
 कोटिनकिंकर मदसों छाये । लरनहेत बल आगे आये ॥ कहे राम
 प्रभुसों सुनिलीजै । इनको शीघ्र निवारणकीजै ॥ सुनि प्रभु अ-
 ग्निबाण तबलीन्हे । क्षणमें तिन्हें भस्म करि दीन्हे ॥ तब यूथन सह
 सहसन यूथप । आये सन्मुख परदल ऊथप ॥ गिरिसम बपुके तरु
 सम आयुध । गहे बीरवरणे करतायुध ॥ ते सब प्रभुहि प्रचारण
 लागे । शस्त्र समूहन मारन लागे ॥ तब बल लगे भटनसों
 जूटन । हलसों ऐंचि मुशल सों कूटन ॥ शंख बजाय बजाय
 सुखारी । बाण गदा अरु बज्र प्रहारी ॥ कृष्णचन्द्र निशियुद्ध
 बिहारे । यूथन यूथ पतिन संहारे ॥ घन प्रद्युम्न बन सम शर
 बरसे । तृणसम प्राण अपर के सरसे ॥ पक्षन नखन चोंचसों
 खगपति । हते अनगिने भट बरबल अति ॥ भये परनि क-
 ल्पांत समयके । चारिकाल समदायक भयके ॥ करि संगर
 अति व्याकुल द्वैकै । बचे असुर भागे भय गवैकै ॥ तब प्रभु
 अति आनंद सों छाये । सुखद दुखद शुभ शंख बजाये ॥
 दोहा ॥ तब सहाय असुरानके आवत भो तहँ तौन । ज्वरजज्व-

लित जहानको जौन जाहिरो जौन ॥ तीनि चरण औ तीनि
 शिर षटभुज अरु नव नैन । भस्मायुधा सुरौद्रअति करुणासि-
 न्धुसचैन ॥ निद्रितसो जैभुआत अरुअरुण भयद चष बक्र ।
 श्वसत खरो सम्मुख भयो घन सम गर्जत तत्र ॥ महिखरी ॥
 घन सम गरजि बलरामको लखि रोष अतिशय गहतभो ।
 भरि भस्म मूठीतीनिलीन्हे जाय ढिग इमि कहत भो ॥ मति
 भागु अबरहु खरो इमि कहि भस्म डारन चहत भो । बल
 सके सो न बचाय भस्महि वाहि वह थिर रहतभो ॥ तब दह-
 नसों कै राम व्याकुल भूमिपै गिरि परत भे । अति ऊबि उस-
 सत जृम्भि केशव कृष्ण यहजव धरतभे ॥ सुनि कृष्ण उरमें
 लाय रामहिं ब्यथा सिगरी हरतभे । लखिज्वरहि निपटनिशं-
 कमोढिग आउ यह ध्वनि करतभे ॥ सुनि भस्म तीनिउँ मूठि
 सों ज्वर कृष्ण के तनमधि हने । हरिक्षणक मुखित चेति फिरि
 प्रभु भिरे ज्वरसों सुखसने ॥ लरिं घरिक गहि तेहि कृष्ण पट-
 के छूटिकर सों ज्वरसुने । तहँ प्रविशि प्रभुके देहमधि भोकरत
 पीड़ित गुर गुने ॥ तब कृष्ण बैष्णव ज्वरप्रबल निज देहते
 प्रगटितकिये । सोल्याय गहि तेहि ज्वरहि ताक्षण कृष्णके कर
 महँदये ॥ फिरिताहि महिपै पटाकि प्रभु शतखण्डकरिबो गुन-
 तभे । तेइँ ब्राहित्राहि पुकारबहुधा कियोसो नहिं सुनतभे ॥ वाङ्म ॥
 ताक्षण नभबाणी भई यह मति हतहु कृपाल । सो सुनि कृष्ण
 नतेहि बधे सुनियेहेक्षितिपाल ॥ तब रउद्रज्वर कृष्णके बन्दि
 चरण अभिराम । कह्यो दुतियज्वरको शमन करहु कृष्ण अ-
 भिराम ॥ चौपाई ॥ एवमस्तु तब प्रभु कहिदीन्हे । निज ज्वर
 मिलै आपुमें लीन्हे ॥ निजज्वर लोपिरउद्र सुज्वरसों । कहत
 भये केशव आदरसों ॥ अबकै तीनिभाग अतिअगमें । बिल-
 सहु ज्वर तुम सिगरे जगमें ॥ द्विपद चतुष्पद थावर गुनमें ।
 बिहरहु कमसों मोदितमनमें ॥ एकाहिक द्वाहिकअरुत्रयाहिका

बिचरो मानुषमें ये द्वाहिक ॥ बारिजमें हिम काई जलमें । ऊ-
 खर रूप रमौमहिथलमें ॥ गेरू रूप रमौ गिरिवरमें । सुनो क-
 होंजेहि बिधिसोंतरुमें ॥ सकुचनि और पाण्डुतादलमें । कीट-
 काठिमें क्रमिताफलमें ॥ परकोभरिबो पक्षीजनमें । खुरकअप-
 स्मर चौपद गनमें ॥ मानुषदेवभेव तुवसहिहैं । औरन आन
 सुधीरजरहिहैं ॥ यहसुनि एवमस्तु कहि ज्वरवर । कहतभयो
 इमि प्रभुसों तेहिथर ॥ त्रिपुरदैत्यके संगरवरमें । सुनहुनाथमो-
 हिं शंकर निरमें ॥ लहितव कृपा आजु यहिठाई । भयउँ धन्य
 में सुनहुगोसाई ॥ अबकछु मोसों कहियेसाई । सोमें करहुँदास
 कीनाई ॥ यह सुनि कृष्ण कहत भेऐसे । मम तुव युद्ध योग
 यहलैसे ॥ मोहिं प्रणम्य पढ़ैनरजोई । सो न ज्वरनसोंपीडित
 होई ॥ बोहा ॥ स्वामीहोइहि अवशियह कहिज्वर प्रभुपदवन्दि ।
 जात भयो रणभूमिते बरलहि परम अनन्दि ॥ तौलों साजि
 असंख्यदल आयो बाण प्रवीर । सुत गण सह शिवतासु सँग
 रक्षक दायक धीर ॥ गिरि सम बपुके वीर जे बरणे वीर आ-
 मान । भिरे कृष्णसों आइते लाखनवीर महान ॥ गरजि गर-
 जि डारन लगे शस्त्र अमोघ अपार । काटितिन्हें प्रभु बीचही
 करनलगे संहार ॥ जिमिदावानलसोंजरैं धुनो गहनकालीन ।
 तथा कृष्णके अस्त्रसों जरैं असुर भालीन ॥ घोरठा ॥ श्री श्री
 कृष्णसुभेष रामप्रद्युम्न खगेश लरि । कीन्हे संखितशेष दैयत
 सैन असंख्यको ॥ रहे शेषजे वीर तेसबप्रसि भागत भये ।
 धरेन काहु धीर फिरेनफेरे बाणके ॥ चौपाई ॥ इविधिबाणकोनि-
 र्जय देखी । शंकरमनमें अतिशय तेखी ॥ रथचलाय बढ़िप्रभु
 के सन्मुख । आये भये वीररससों रुख ॥ सहसन भेष भयान-
 कगणगत । बलकत संगपरम प्रमुदितमन ॥ शिवहिदेखिप्रभु
 आनंदबाये । लरन हेत चलिआगेआये ॥ शतशर हरिहिल-
 खत हरमारे । तब पार्जन्य अस्त्रप्रभुडारे ॥ ज्वलत जाइ सोशि-

वके नेरे । कैशत सहसबाण रथघेरे ॥ शिव आग्नेय अस्त्र तब
 छांड़े । सोचलि जाइ कृष्ण पैचांड़े ॥ ज्वाला जाल में तासोंय-
 दुपति । छादित भये दशौदिशि सों अति ॥ भये अदृश्यसुनो
 तेहि क्षणमें । तब करि कृष्ण कोप अति मनमें ॥ तजि बरुणा-
 स्त्र मोद अति लीन्हे । अस्त्र शम्भुको लोपित कीन्हे ॥ तजत
 भये तब यदुकुल नायक । साथहि चारि अस्त्र भयदायक ॥
 बासव अरु वायव्य बखाने । मोहन अरु सामित्र महाने ॥ आ-
 ठौ अस्त्र एकता धरिकै । समित होतमे बीचहि बरिकै ॥ फेरि
 बैष्णव अस्त्र सोहाये । छांड़त भये कृष्ण रिसझाये ॥ दोहा ॥
 उग्रबैष्णव अस्त्रको करतहि उग्र प्रयोग । अन्धकार मढ़िगो
 दिशनि बिकल भये सबलोग ॥ अन्धकार मो छन्नकै शङ्कर
 करि अति कोप । तजनचहे सोअस्त्र जेहिकिये त्रिपुरकोलोपा
 मोदक ॥ शिवके मनकी यहजानि लिये । प्रभु जृम्भन अस्त्रवि-
 योग किये ॥ धनुसों शिवलावत हे शरसों । इषुतौ लगिजाइ
 लगो बरसों ॥ जिमि जृम्भन अस्त्रलगो तनमें । अति व्याकुल
 हवै शिव ताक्षनमें ॥ शरचापहि सों तिमिलाइ रहे । अरु बा-
 रहिवार जँभाइ रहे ॥ मोदक ॥ शम्भुहियो लखिकै प्रभु मानैद ।
 शङ्खबजावतमे तहँ सानैद ॥ दैयतके गणदीह लहे भय । को-
 णपके कुलको गुनिकै क्षय ॥ शङ्करके गणके अतिशय रिसि ।
 घेरि लिये तहँजाय दशौदिसि ॥ केशवके सुतपै भयझावत ।
 भे सब अस्त्र अनेक चलावत ॥ दोहा ॥ मायावी प्रद्युम्नतबमो-
 हन अस्त्रचलाय । करि निद्रित सबगणनको दीन्हे तुरित सु-
 वाय ॥ मोपाई ॥ हरिहरसों इमि सङ्गर माचो । बरब्रह्माण्ड भी-
 तिसों राचो ॥ कच्छप कोल शेष दहलाने । दिग्वासी दिग्गज
 हहलाने ॥ उछलन लगै सिन्धु तजि बेला । इतउत भजेजीव
 करिरैला ॥ लगै गिरन गिरिशृंग उकाढ़े । विरलभये वनजेअ-
 तिगाढ़े ॥ सब दिगपाल असित तहँ जाई । खेरभये करउरपै

लाई ॥ सुर गन्धर्व यक्ष किन्नर गण । त्रसित लखे सब करि
 बिस्मित पण ॥ आइ प्रथमहीं सोतहँ बेधा । चिन्तित ठाढ़े रहे
 सुमेधा ॥ लहि अतिभार भूमि कै व्याकुल । आइ तहां अति
 सुखसों आकुल ॥ कहत भई बिधिसों करजोरे । करहु सहाय
 लोकहित मोरे ॥ वारहु बेगि युद्ध हरहरिको । नातरु सकिहि
 मोहिं अब धरिको ॥ बेला नांघि समुद्र बढ़ि ऐहैं । जीव जात
 सिंगरे बहिजैहैं ॥ सुनि पृथिवी कहँ धीरज दैकै । गे शिवपै बि-
 धि आनंद लैकै ॥ कहत भये यहि बिधि बिधि बानी । सुनहु
 वचन मम शङ्करज्ञानी ॥ युद्ध योग तुमहीं यहि दीन्है । अब
 कत आपु लरत रिस कीन्है ॥ तुमहिं न हरिसों उचित लराई ।
 करि बिचार देखो मनलाई ॥ तुम बिचार बिनु किये भुलाने ।
 आपुहि हरिहि दोय करिजाने ॥ करि बिचार पहिले लखि
 लीजै । फिरि जो उचित होइ सो कीजै ॥ दोहा ॥ यह सुनि श-
 म्भु बिचारि लखि कृष्णहि आपुहि एक । धनुषबाण तजि पा-
 णिते तजे लरनकी टेक ॥ शम्भु कृष्ण तब मिलत भे बद्धित
 प्रेम महान । चतुराननसों लखत भे लख्यो न काहु आन ॥
 न्यारे हवै लेखन लगे सहित शिवा तहँ शम्भु । वीर धीर बा-
 णैतके युद्ध अरण आरम्भु ॥ जयकरी ॥ तब चतुरानन हिये बि-
 चारि । बूझत भे तब पुंज निहारि ॥ मार्कण्डे मुनिसों मुदराति ।
 अरु नारद मुनिसों यहि भांति ॥ मन्दर गिरि ढिग सुनहु अ-
 मीच । देख्यो भैं नलिनीके बीच ॥ स्वपनेमें हरिहर सुखदानि ।
 बिहरैं सङ्ग सकल गुणखानि ॥ गहे आपु हरिहरको रूप । बि-
 रचे हरहरिरूप अनूप ॥ अकल साजसों भये अभेद । पगे प्रेम
 सों रमे अखेद ॥ यह लखि बिस्मय भयो महान । यथा तत्त्व
 सों कहौ सुजान ॥ मार्कण्डेय कहे हरषाय । तजि बिस्मय सुनिये
 मनलाय ॥ रूप दोय हरिहरहैं एक । द्वै थर बिहरैं सहित बि-
 वेक ॥ मध्यमनिधन अनादि बिख्यात । हरीहरात्मकतेये ताता ॥

जोई विष्णु रुद्रहैं सोइ । रुद्र पितामह एक न दोइ ॥ एक रूप
हैं ये त्रयदेव । शुचि स्वयम्भु करता शुभ देव ॥ रुद्र अग्निमय
उग्र अमान । सो मात्मक हैं विष्णु महान ॥ करता कारण का-
रजकर्म । पुरुष पुराण विष्णु शिव परम ॥ उत्पति पालन अरु
संहार । करणहारये पुरुषउदार ॥ परमगुह्य यह यामें जौन ।
सदा लहैं बांछित फल तौन ॥ दोहा ॥ अब हरिहरकी करतहों
अस्तुति परमउदार । मन रञ्जन गञ्जन कलुष सुनत होत
भवपार ॥ यह कहि हरिहरकी किये अस्तुति सुनि सुखदाय ।
महाराज क्षितिपालमणि सो सुनिये मनलाय ॥ दोहा ॥ कृष्ण
रुद्र उदार हरिहर विष्णु शिवहि प्रणाम । द्वैनेत्र अरु त्रयनेत्र
प्रभुको परम प्रणतप्रणाम ॥ चारु बारिज नेत्र पिंगक नेत्रको
सु प्रणाम । धीर धरणी धरण गंगा धरहि प्रणत प्रणाम ॥ मु-
ण्डमाला धरहि औबनमाल धरहिप्रणाम । चक्रपाणि त्रिशूल
पाणिहि परम प्रणतप्रणाम ॥ पीत अंशुक धरहि अरु चर्म-
म्बरीहि प्रणाम । रमापति अरु उमापति को परम प्रणत
प्रणाम ॥ अंगरागिहि भस्मरागिहि प्रेमपूरिप्रणाम । गरुडबाहन
वृषभ बाहन प्रभुहिप्रणतप्रणाम ॥ दैत्य बलिके दक्षके मखध्वं-
शनहि सुप्रणाम । देवरिपुहनत्रिपुरहनको परमप्रणत प्रणाम ॥
सहसशीर्षा पुरुष अरु बहुशीर्षहि परणाम । सहसबाहु असं-
ख्यबाहु सुप्रभुहि प्रणतप्रणाम ॥ यजुर्वेदी सामवेदी ख्यातप्र-
भुहि प्रणाम । सौम्यरौद्र सुभावन्यामक प्रभुहि प्रणतप्रणाम ॥
दोहा ॥ अष्टपि कृतग्रह स्तोत्रवर हरि हरातमकवेश । बांछितको
दातार हैं गुणिये सत्यनरेश ॥ युद्धकरनको त्यागजब कीन्हेंश-
म्भुसुजान । रथचढ़ायलै गुहहि गो तब कुम्भांडि अमान ॥
दोहा ॥ कार्तिकेय बलवान हने तीसशर कृष्ण पै । तीस तीस
बरवान रामप्रद्युम्नअमानको ॥ दोहा ॥ तब बायब्य अस्त्रप्रभु
डारे । शरअग्नेयराम तकिमारे ॥ शरपार्जन्यप्रद्युम्न चलाये ।

विकटअस्त्र ये गुह प्रतिधाये ॥ तब गुहवारुण शैलसुहेरे । अ-
 रुसाबित्र अस्त्र त्रयप्रेरे ॥ बीचहि अस्त्र अस्त्रसोंवारि । हनेअ-
 नगिने बाणप्रचारि ॥ तब प्रभु सजि शर मायाशरसे । बीचहि
 शरकुमार के भरसे ॥ लखिकुमारअतिशय रिसकीन्हें । अस्त्र
 ब्रह्मशरकरमें लीन्हें ॥ उग्रप्रभाव अस्त्रसों छांडत । हाहाकार
 मढो भयमाडत ॥ चलेचक्र के भोसो निष्फल । जिमिरबिचले
 घनो घनको दल ॥ व्यर्थ ब्रह्मशर अस्त्रहि देखी । षटमुखमन
 में अतिशयतेखी ॥ लये अमोघ शक्ति अतिभारी । जोयुगान्त
 पावकसमचारी ॥ तजेशक्तिसो गुहकरिदपटैं । चलीपूरिमहिन-
 भलों लपटैं ॥ सहितसुमनगण शक्रसकाने । जरे कृष्णयह ध्रुव
 अनुमाने ॥ ताहि निकटलखिप्रभुअनखाये । हुङ्कहि महिपैता-
 हि गिराये ॥ साधु साधु श्रीकृष्ण महाशय । कहंसुमनलखिप्र-
 भुको आशय ॥ फिरिप्रभु चक्रपाणिमें लीन्हें । गुहके नाशनको
 पनकीन्हें ॥ यहलखिकैगिरिजाबररूपा । सुतकेरक्षण हेतअनू-
 पा ॥ देहा ॥ लहि शासन त्रिपुरारिको धरतभई द्वै देह । सात
 भागसों कोटवी देवीभई सनेम ॥ एकभाग बरसों भई देवील-
 म्बानाम । गहियुगरूप अनूप अति दिगवसना अभिराम ॥
 जाइ कृष्णके सामुहे खरीभई चषजोरि । देतकृष्ण नतनयन
 करिकहेगई मतितीरि ॥ गच्छगच्छ अपगच्छ तू मतिकरु देवि
 अकाजु । कार्तिकेयको बध अवशि मैं करिहौं हठि आजु ॥
 मौक्तिकदाम ॥ इवात महानसुनो सुनिकैजू । कही गिरिराजसुता
 गुनिकैजू ॥ कुमारहि रक्षण हेत अवास । खरी इतआइ भईतुव
 पास ॥ सुखी ॥ तौलागि मैं अंशुक नहिं लैहौं । औ नहिं ह्यांते
 अनतहि जैहौं ॥ यहिविधि याही थरथिररैहौं । पाहुहुसेनानि-
 हिइमि कैहौं ॥ देहा ॥ जौलागि चक्रहि समितकरि क्रोधहिये ते
 टारि । कार्तिकेय को अभयंबर नहिं देहौ असुरारि ॥ वचन
 कोटवी देविके सुनिबोले श्रीरंग । अभय कियोमैं तब सुतहि

लिये जाहु निज संग ॥ यह सुनि गिरिजा गुहहिलै गई शम्भु
के पास । चक्रहि कीन्है शमितप्रभु करुणाकर सुखरास ॥ चौपाई ॥
युद्ध भूमि ते गुहकोलैकै । गई शिवाजब मन निर्भय कै ॥ तब
रणधीर बीर तरवाना । गह्यो युद्धको चावअमाना ॥ चढ़िउन्न-
त रथपै रिसछायो । सदलकृष्णके सम्मुख आयो ॥ विविधभां-
तिके बाजन बाजत । संगअसुरभट गर्जतगाजत ॥ सुतपपुरो-
हित बिप्रहजारन । पठत स्वस्त्ययन विघ्न निवारन ॥ सहस
भुजनमें आयुधधारे । दर्प सखर्व गर्वहियभारे ॥ गर्वकुटिल
ता बिषसोंसानी । कहत भयो केशवसों बानी ॥ काल बिबश
कै तू इतआई । चाहत मोसों करनलराई ॥ आठ भुजासोंआ-
युधधारी । सहस भुजासों लरन बिचारी ॥ आयेहौ अतिशय
हरषाने । ताते तुम्हें मूढ़ हमजाने ॥ अब जीवतनहिं निजपुर
जैहो । मरिनिवास यमपुरमें लैहो ॥ मेघइवनशतचाप शरास-
न । कीधुनिसुनि मरिहौ कपित्रासन ॥ बजूसदृशमम अस्त्रप्रहा-
रण । किमि सहिहौ तू भूमि बिहारण ॥ यहसुनिनारदमुनि नभ
चारी । अट्टहासकीन्हें धुनिभारी ॥ यहसुनि कृष्ण बुद्धिबलसा-
गर । हैंसिइमिकहे बाणसों नागर ॥ सुनुशठ जल्पव नहिंमनु-
साई । यहकादर जनकीकदराई ॥ निजमुख भाषेनिजप्रभुताई ।
मिलै न जय बिन किये लराई ॥ शिवसों लरन हेतबसु बाहैं ।
कीन्है तौ हित द्वै भुज चाहैं ॥ इमि कहि केशव द्वै भुज कैकै ।
मारेबाण बाण कहँज्यैकै ॥ तब शरवृष्टि बाणप्रभुपाहीं । करत
भयो गर्वितमनमाहीं ॥ दोहा ॥ अस्त्रएक हो बाणपै याहि पूर्व
अनुरागि । हो हिरण्यकश्यपुलहे विधिसोंतपि बरमांगि ॥ ता-
हि चलावत भे प्रबल प्रलय अग्निसमजौन । ज्वालजाल सों
छाई दिशि चलो कृष्णपैतौन ॥ पारजन्यवरअस्त्रतब तजेकृष्ण
करिकोप । ज्वालजालमें अस्त्रको करतभयो सोलोप ॥ लोमर ॥
निजअस्त्रको लखिलोप । करि बाणअतिशयकोप ॥ भीतजत

शस्त्र अनेक । अरु अस्त्र विविध सटेक ॥ तेसबै मगमें काटि ।
 प्रभुहने बाणहि डाटि ॥ तजि शार्ङ्ग धनुसों बान । प्रभु दयेका-
 टिमहान ॥ रथध्वज धनुषयहतासु । अरु मुकुट कवचहिआसु ॥
 फिरि बाणके हियबीच । शरहने एकनिभीच ॥ शर लगैते भट-
 बान । तहँपरो मूर्च्छिअ अयान ॥ तेहिदिये हे गुणजौन । सुमयूर
 वाहन तौन ॥ तब गरुड़ सों सोधाय । भो भिरत दीरघकाय ॥
 नखतुण्ड पक्ष चलाय । तेलरतभे रिसछाय ॥ लरिशिखिहि
 खगपतिमारि । भिकि दयेमहिपै डारि ॥ यह बाणकी गति दे-
 खि । मुनिकलह प्रिय अवरेखि ॥ हवै मुदित कुक्षि बजाय ।
 हँसिलगे नचनसचाय ॥ तबचेति बाणसकानि । भो करत महत
 गलानि ॥ सह शक्र समुदासोय । इमिलखे मोकहँओय ॥ इमि
 बूझि मनमें खेदि । तिमि रहत भोनिबेदि ॥ बोझ ॥ चिन्तिबा-
 णकेचित्तकी चिन्ताश्री त्रिपुरारि । नन्दीश्वरसों कहतभे करु-
 णा सिन्धु बिचारि ॥ ममरथलै अब जाय तुम बाणहि शीघ्र
 चढाय । युद्ध करावहु कृष्णसों हवै सारथि सुखदाय ॥ सुनि
 निदेश गिरिनाथको रथलै नन्दीजाय । प्रभुके सम्मुख करतभे
 बाणहि तुरत चढाय ॥ चौपाई ॥ शिवकी कृपा पाय मुदपागो ।
 बाण पूर्ववत बलकन लागो ॥ परमरउद्रउग्र अति जोई । अ-
 स्त्रब्रह्मशिर छाडेसिसोई ॥ केशवताहि चक्रसोंवारी । कहे बाण
 सों आयुध भारी ॥ पूर्व सहस भुज अर्जुन की गति । कीन्ही
 परशुराम जो बरमति ॥ सोगति करउँ शीघ्र मैं तोरी । थिर
 रहि देखु बीरतामोरी ॥ यहकहि चक्रपाणिमैं लीन्हे । बाणहि
 नाशनको प्रणकीन्हे ॥ कहे शिवा सों शंकर चाही । सादरजाय
 बचावहु याही ॥ सुनि कोटवी शम्भुकी बानी । लम्बा सहित
 सरस सुखदानी ॥ सादर दिग्बसना सुखदाई । ठाढ़ीभई मध्य
 में जाई ॥ लखि प्रभु बोले नैननवाई । कहौ कहा कहँ हौ अब
 आई ॥ बोली तब कोटवी भवानी । बाण मोहिंप्रिय जिमिसे-

नानी ॥ इतनो कहो मानि ममलेहू । अभयदान बाणहि अब
देहू ॥ सुनिप्रभु बोले सुनहुभवानी । बधव न याहि मानि तुव
बानी ॥ सब भुजकाटि दोयभुज राखव । गर्व बाणके तनते ना-
खव ॥ भाषिकोटवी सों इमि मानद । कहे बाणसों केशव सानँ-
द ॥ कुरु कुरु युद्धरहो कत जकिसों । इतनेही संगरमें छकिसों ॥
बोहा ॥ कै शोणितको सिन्धुलखि गयोभीतिसों मोहिं । सहस
भुजा बलवान तू पौरिन आवततोहिं ॥ इमिकहि चक्रसुदर्शन
छाड़े कृष्ण अखर्व । तेजपुंज त्रैलोक्यको जामें पूरित सर्व ॥
रोला ॥ परसि गुरुवपु बाणको सोधूमि गहिगति बक्र । राखिद्वै
भुजकाटि सिंगरे गयो प्रभुदिगचक्र ॥ सहसशाखी दीर्घशाखी
सदृशहो बलवान । दोयशाखी चारुशाखी सदृशभो सोबान ॥
क्षतनते कटिकटि रुधिरकीधार परम ललाम । लगो बढिबढि
गिरन दशदिशि भांतियहि अभिराम ॥ साहसी सब दिशि
सुखीअति दीहजिमि जलजंत्र । भारतीके बारिभारो छुटतफैलि
स्वतंत्र ॥ कटेहूँपै भुजनिके अतिक्रुद्धिगरज्योबाण । कृष्णसुनि
फिरिकिये उद्धत चक्र शोषक प्राण ॥ आइतब सुतसहित हर
करि कृष्णके गुणगान । क्रोध शमित करायमांगे तासु अभय
प्रदान ॥ मानि शिवको कहोप्रभुतजि क्रोधकरिमन शुद्ध । गरुड़
गामी चले जहँतहँ रहतहँ अनिरुद्ध ॥ कहेतब असुराधिपति
सों निरखि नन्दी बैन । शीघ्र शिवके निकट चलिअब करहु
नृत्य सचैन ॥ जाइतब ढिग शम्भुके करिनृत्य बहुविधि बान ।
शिवहिकरि परसन्न लीन्हें मांगिवर मनमान ॥ शम्भुगे निज
धाम तबगो बाण अपने ग्राम । कहेतब सुनि कलह प्रियसों
कृष्णप्रभु अभिराम ॥ चलहुलै मोहिं सुमुनि तहँ अनिरुद्धहै
जेहिगेह । बचनसुनि सँगजाइ नारद गहसरस सनेह ॥ दये
अनिरुद्धहि लखाइ सुलखत प्रभुभरिनैन । गयेढिग अनिरुद्ध
के करुणायतन जगजैन ॥ देखिगरुड़हि भगे अहिजेरहे बन्धन

घोर । गहे श्री अनिरुद्ध प्रभुपद गहेमोद अथोर ॥ राम अरु
 प्रद्युम्न अरु खगनाथके गहिपाँय । किये अस्तुति कृष्णकी प्रभु
 लये उरसों लाय ॥ सेवकिनि सब सहित ऊषहि गरुड़पै बैठा-
 य । चलनचाहे कहतभे तिमि सुमुनि नारद आथ ॥ सहितसुर
 सुरराजचाहत सुनोगालिप्रदान । करहुतातेब्याहइत अनिरुद्ध
 को सुखदान ॥ दाहा ॥ एवमस्तु प्रभु कहतभे तिमि विवाह को
 साज । लैआयो कुम्भाण्ड तहँ मंत्रीकरन सुकाज ॥ प्रभुपद
 बन्दतभो सचिव करिताको आइवास । किये विवाह सुपौत्रको
 सबिधि सरस सबिलास ॥ मुदित विवाहोत्तरगये बेधा अपने
 लोक । सह परिवार खगेन्द्रपै चढ़े कृष्णमुद ओक ॥ सखिन
 सहित ऊषहि उमा दैआशिष सुखदाय । कीन्हीबिदा मयूर पै
 चाहि सचाव चढ़ाय ॥ सोरठा ॥ चलतीबार सचाय कहत भयो
 कुम्भाण्ड इमि । नाथ बाणकी गाय हैं असंख्य घर बरुण
 के ॥ खवै अमृत शुचि क्षीर ते सिगरी सुखदा सुरुचि । चा-
 हहु तौ रणधीर तिन्हें लेतजैये सदन ॥ कहि तथास्तु श्री
 रंग चलतभये आनँद अयन । चले मुदित हवै संग सुरपति
 सुर गन्धर्व सह ॥ चौपाई ॥ सहित स्वपुत्र सुपुत्र सुभाई । चले
 गरुड़पै प्रभु सुखदाई । पूरुब ढिग ऊषाको बाहन । चारु मयू-
 रहि राखि सुचाहन ॥ नभपथ चले बारुणी दिशिपति । सुर
 गन्धर्व सहितसह सुरपति ॥ पश्चिमसमुद निरखि यदुनायका
 कहे गरुड़सों बचन सचायक ॥ खगपतिजहां बाणको गोधन ।
 चलौ तहां करिकै मग शोधन ॥ यहसुनि गरुड़ भारिपरमा-
 रिहि । भारिबारितहँ उतरब बारिहि ॥ चले बरुण प्रति मुदसों
 भेखे । चलि जबसों बरुणालय देखे ॥ निजदिशि आवततिन्हें
 निहारे । सुभट बरुणपुरके रखवारे ॥ कोतुम कत आवत भय
 त्यागे । कहि शस्त्रनसों मारनलागे ॥ करितैकठिनयुद्ध रिसिराते
 खगपतिसों तहँ गये निपाते ॥ यह सुनिपाय बरुण रिसछाये ।

छांछठिं शत भट रथी पठाये ॥ ते करि घोरयुद्ध भरिवलसों
जरे कृष्णके बाणानलसों ॥ यहसुनि बरुण सैनसजिभारी । आ-
ये लरन आपु धनुधारी ॥ जलपति जल जब जाइ सुखारे ।
बाण अनेक कृष्णकहँ मारे ॥ शङ्ख बजाइ कृष्ण प्रभु हरषे ।
बाण अमान बरुणपैबरषे ॥ दोहा ॥ बरुणहि प्रभु प्रभुकहँबरुण
मारे शस्त्र अनेक । तुमुलयुद्ध कीन्हें प्रबल गहे युद्धकी टेक ॥
तजे कृष्णतब बरुणपै बैष्णव अस्त्रप्रचण्ड । चल्थो चण्ड कर
सटशसो ज्वालपुंज उद्वण्ड ॥ बारुणास्त्रतब तजतमे बारण ब-
रुण बिचारि । भिरोसु बैष्णव अस्त्रसों बरषतसो बरवारि ॥
बारुणास्त्रको वारिसब वारि बैष्णव अस्त्र । प्रलयागिनि सम
वरुणपै चलतभयो शुमशस्त्र ॥ जयकरी ॥ अस्त्रहि आवत लखि
मनमोरि । प्रभुसोंकहे बरुण करजोरि ॥ स्मरण करहु निज प्र-
कृति उदार । जेहि सुबीजको तरु संसार ॥ तेहि समरै जोमम
संहार । उचित होइ तौ करौ न बार ॥ इमिकहि अस्तुति किये
बनाय । तब इमिबोले श्रीयदुराय ॥ दीजै शीघ्र बाणकी गाय ।
जो तुम कुशल चहौ निजकाय ॥ बरुण कहे सुनिये गुण
गेहु । हौमैं किये प्रतिज्ञा एहु ॥ गोधन तुमदीन्हे सो बाण ।
आनहि देव न आछत प्राण ॥ हौ सुधर्म पालक तुमईश ।
करौ उचित लखि बिश्वेबीश ॥ जोचाहौ गोधनको लाहु । तौ
प्रभुमोहिं मारिलै जाहु ॥ यहसुनि कहे कृष्ण प्रभुपर्म । राखहु
गाय सहित निजधर्म ॥ यहसुनि बरुण बिनै बहुकूजि । भये
सनाथ कृष्णकहँ पूजि ॥ हवै पूजित सह सुमनसमाज । आये
निजपुर श्रीब्रजराज ॥ निज आगम सूचक सुखदाय । शंख
बजाये पुरढिगआय ॥ धुनिसुनि यदुवंशी सुखपाय । पूजतमे
पुरबाहर आय ॥ यथा उचित सबपुरके लोग । पूजे प्रभुहिस-
हित उपयोग ॥ अस्तुतिसुने सरस सुखसाजि । पुरबाहर उप-
वनमें राजि ॥ दोहा ॥ थिरि उपवनमें क्षणकप्रभु सादर निजगृह

आय । उतरि गरुड़ते कहतभे यदुगणसों हरषाय ॥ अन्तरिक्ष
 ढिग लसतजे सुरमुनि सह सुरनाथ । तिन्हें पूजि अस्तुति क-
 रौ बन्दिजोरि युगहाथ ॥ सुनि सब यादव करतभे पूजन सह
 उपचार । यदुगणसों तब इमिकहे श्रीपुरहूत उदार ॥ जीति
 अग्नि शिव कार्तिकहिं विशद बाणबिधि ठाटि । करिसहस्रभुज
 बाण कहँ द्वै भुज सब भुज काटि ॥ करि बिज्वर त्रैलोक्य कहँ
 तिनमें मोहिं विशेषि । आये इत श्रीकृष्ण प्रभु लहौ मोदअ-
 वरेखि ॥ सोरठा ॥ कहि यहि बिधिके बैन करि अस्तुति श्रीकृष्ण
 की । सुनाशीर लहि चैन सुरन सहित निजधामगे ॥ चौपाई ॥
 तबप्रभु मिलिसब यादव गणसों । कुशल प्रश्न बूझे सब ज-
 नसों ॥ बैठिसभारचि आनँद पागे । कथाप्रसंग कहनकछुलागे ॥
 आदि रोहिणी सिगरी तियगन । गावत मंगल चारु मुदित
 मन ॥ सहित सखीगण ऊषहि बिधिसों । अन्तहपुरलैगई सु
 सिधिसों ॥ बिधिवत लोकचार तहँ कीन्ही । शुभद बधुहि ल-
 खि आनँद लीन्ही ॥ हीकुम्भाण्ड सचिवकी तनया । रामानाम
 सुबुधि शुचि सनया ॥ ताहि शाम्बसो सविधिविवाहे । करि स-
 म्मत श्रीकृष्ण उछाहे ॥ और सखी जे रहीं कुमारी । ऊषाके
 संग शुभगुणभारी ॥ तिनकहं यथायोग कुंवरनसों । दये विवाहि
 सविधि सुवरनसों ॥ अतिमंगलमुद मंजु नगरमें । होतभयो
 तब सब घरघरमें ॥ सुनिये जनमेजय क्षिति शासन । इमि
 बाणहि जीते गरुड़ासन ॥ असुरन जीतन हित प्रभुस्वामी ॥
 बिष्णुकृष्णभे अंतरयामी ॥ देखेसुने परै सबजेहँ । तिनके प्र-
 भव पुरुषप्रभु तेहँ ॥ प्रभु आचरज धन्यगुणवारे । यहि बिधि
 कृष्ण कहाइ बिहारे ॥ नृप यह युद्ध कथा जे सुनिहँ । ते नरसो
 लहिहँ जो गुनिहँ ॥ कृष्ण बाणको युद्ध सोहावन । कहेसुने मं-
 जुल मनभावन ॥ दोहा ॥ बरणे यहि अध्यायमें सह बिस्तार
 प्रबुद्ध ॥ हित ऊषा अनिरुद्धको कृष्णबाणको युद्ध । गोधनहित

फिरिवरुणसों बरणे युद्ध सचाय । बहुरिआगमनद्वारका बरणे
ये सुखदाय ॥

इतिहरिवंशदर्पणेबाणयुद्धोनामैकत्रिंशोऽध्यायः ३१ ॥

दोहा ॥ सौतिकसों यह सुनिकथा लहि शौनक आनन्द ।
फिरिबूझे मुनिराजसों पावनिकथाअमन्द ॥ जनमेजय नरनाह
को मुनि अब कहिये बंश । सुनि पौराणिक कहत भे सुनियेऋ
षिअवतंश ॥ चौपाई ॥ काशिराजकी सुतासुवरणी । हीजनमेजय
नृपकी धरणी ॥ तासों भये दोयसुतज्ञानी । जेठे चन्द्रापीड़सु-
दानी ॥ सूर्यापीड़ द्वितीय कुमार । चन्द्रापीड़ गहेमहिभारा ॥
ताके शतसुत भेअभिरामी । सकलजानमेजय यहनामी ॥ जे-
ठो सत्यकरण अरिदरता । सो भो परम भूमिको भरता ॥ ता-
सुत श्वेतकर्णभे राजा । तेतजिराज्य समूहसमाजा ॥ गयेबस-
नबनह्वैसुबिरागी । पतिनीएकगई सँगलागी ॥ चारु मालिनी
नामानारी । रही गुर्बिणी पतिव्रत धारी ॥ उत्तर दिशि अति
निरजन बनमें । भयोपुत्र तेहि ताही क्षनमें ॥ ताही थर तजि
नृप अरुरानी । गये महतपथ गहेसुज्ञानी ॥ सो सुतपरो रह्यो
तहँ रोवत । इतने में आये बन जोवत ॥ सुवन श्रविष्ठाके गुण
आगर । पैप्पलअरु कौशिक करुणाकर ॥ तेलै सुतहि बारिमें
धोये । सुखो रुधिर छुटो नहिंजोये ॥ घसिपाथरपर ताहिछुड़ा-
ये । ब्रह्मभो रुधिर कढोदुखपाये ॥ बेमकनाम रह्यो कोउताके ।
ते दीन्हे सोसुत बरभाके ॥ बेमककीर्त्ति असुतसम जानी । ब-
र्द्धितताहि करीसुखदानी ॥ दोहा ॥ पाथरपैरगरेतहां भयोअजा
समश्याम । ताते तेहि सुकुमारको भो अजपार्श्व सुनाम ॥
तिनके पुत्र पौत्रसों बढो बंश अतिभूरि । ते बिलसैं वहि देश
में बरबिभूतिसों पूरि ॥ चौपाई ॥ यहसुनिशौनक ऋषिविज्ञानी ।
बूझे फिरिसौतिकसोंबानी ॥ बैशम्पायन मुनिसों सुनिकै । भा-
रत जनमेजय नृप गुनिकै ॥ महत सर्पमख पूरणकरिकै । किये

कहा कहिये मुद धरिकै ॥ सौतिक कहे सर्पमख कीन्है । तब जनमे
 जय आनंद कीन्है ॥ अश्वमेध मख करिबो चाहे । सुनि सुमहा-
 तिम परम उवाहे ॥ अष्टविज मंत्रिहि दिये निदेशा । सजौ समा-
 न अश्व शुभ भेशा ॥ यह अनुमानि ब्यास तहँ आये । पूजि
 यथोचित नृप बैठाये ॥ कुशल प्रश्न कहि बूझि सुखारे । कहे भू-
 मिपति आनंद धारे ॥ मुनिजो किये आपु मन भावन । भारत
 अति रमणीय सोहावन ॥ तासु कथा सुनिकै मन मेरो । होय न
 तृप्त चाहसों घेरो ॥ मुनि हम भारत सुनि अनुमाने । सो तुम
 सों बूझत भयमाने ॥ राजसूय अनरथको कारण । कीन्हें धर्म-
 राज भयभारण ॥ प्रथमहिं राजसूय मख भारी । कीन्हें सोम
 सरस ब्रत धारी ॥ ताके अंतयुद्ध जगत्रासन । भयो तारका मय
 जननाशन ॥ किये बरुणसो मख अभिरामा । भो तब देवासुर
 संग्रामा ॥ नृप हरिचन्द किये फिरि आछे । भो आडीव युद्धता
 पाछे ॥ दोहा ॥ राजसूय मख जो भयो तब भो प्रलय अघात ।
 ज्ञाताभूत भविष्यके तुम सब विधिसों तात ॥ तुव अनुशासन
 कोनहै लंघन करता कोइ । प्रभु तुव कत दीन्है करण राजसूयक
 तुजोइ ॥ ^{जाय करी} ॥ यह सुनिकै बोले हँसि ब्यास । सत्य कहे तुम
 ज्ञान प्रकास ॥ वैन मोहिं बूझे यह बात । बिनु बूझे हम कह्यो न
 तात ॥ तदपि न याते कह्यो बिचारि । होनहार कोउ सकै न
 टारि ॥ काहरूप प्रभु निरमेंजौन । कीन्हें यतन करै नहिं तौन ॥
 करिहौ काहा भयको शोचि । अब जो कहहु करहु सो रोचि ॥
 बाजिमेध मख चाहौ कीन । सो नहिं होइहि सिद्धि प्रवीन ॥ होइ
 हि बिघ्न कलंक महान । ताते मति कीजै मतिमान ॥ पै यह
 विधिराखे विधिलेखि । करिहौ अवशि सुखद अवरेखि ॥ अश्व
 मेध में बिघ्न अमान । तेखि करे बहुविधि मघवान ॥ सो जो
 भूपति सकौ सँभारि । अश्वमेधतौ करै सुधारि ॥ कहे भूप सुनि
 ये मुनिराय । दीजै भावी बिघ्न बताय ॥ भाषे ब्यास बिप्र पै क्रोध ।

भूप करिहि मखको अवरोध ॥ अब आगेसुनु नृपशिरमौर ।
 करिहि न बाजिमधकोउ और ॥ कहेभूपयहगुरु परिताप । सर्व
 बिनाशक द्विजको शाप ॥ हमते अश्वमेधकोशोक । होइहिइहो
 अयश यहि शोक ॥ पग बन्धित बर खगकी भांति । अयशी
 लहै न स्वर्ग सुकांति ॥ दोहा ॥ यह बिचारि अतिशयभई लज्या
 भय परधान । ताते फिरि बूझोकछू सो कहियेमतिमान ॥ अ-
 श्वमेध बरयज्ञके आवृत्तिको संचार । अब होइहिकै नहिं कहौ
 फिरि करि सुमुनि विचार ॥ सुनु मुनिकहे नरेशसुनु भूपति औ
 द्विजनाम । होइहि काश्यपगोत्रद्विज कलियुगमें अभिराम ॥ अ-
 श्वमेध मख करिहि सो फिरि ताहीके वंश । राजसूय मख क-
 रिहिकोउ सुनिये नृप अवतंश ॥ दोहा ॥ कहे व्याससोंभूप अब
 भविष्यकहिये सुमुनि । जो आचरण अनूप गहिहैं कलिके नर
 सरल ॥ सुनिमुनिकहे बिचारि सुनिये जन्मेजय नृपति । जौन
 आचरण धारि बरिहैंकलि चारोवरण ॥ दोहा ॥ कैहैं नीति बि-
 मुख महिस्वामी । दुखदप्रजनके असुपथ गामी ॥ द्विज निज
 धर्म करम सों हीने । कैहू है हत तेज मलीने ॥ विप्राचरण शूद्र
 गुणगहिहैं । शूद्राश्रित कै द्विजजनरहिहैं ॥ छोटोजन जो सम्प-
 ति पाइहि । सोई महत पुरुष कहवाइहि ॥ इस्त्रीजन कै सुवश
 बिलासिनि । कच मुड़ाइ होइहैं संन्यासिनि ॥ सिद्ध अन्न जन
 विक्रय करिहैं । द्विजगण बेदबैंचि मुद भरिहैं ॥ तिय गणयोनि
 बेंचिधन संचन । करिहैंकरि निजपतिको बंचन ॥ तिय ठगिप
 तिहि और सों रमिहैं । पतिठगि तियहि और सों गमिहैं ॥
 म्लेच्छ मध्यमें द्विजगण इतउत । बसिहैं कलियुग में आनंद
 युत ॥ निज निज धर्म कर्मकहैं खोई । सबकोउ बणिक कर्मरत
 होई ॥ बुधिवल प्रभा हीन नर कैहैं । कृत्य अकृत्य विवेक न ज्यै
 हैं ॥ युवती अधिकीपुरुष थोरे । कैहैं कलियुगमें मति भोरे ॥
 दानी एकन शत सह याचक । कैहैं यम अखाद्यकै पाचक ॥

कलिमें वृष्टि विषम सम होई । स्वल्पशस्यकी उत्पति जोई ॥
 मनसों सुखी जीवसब कैहैं । सुखपदार्थ सपने नहिंज्वैहैं ॥ जन
 गोधनको संग्रह त्यागी । अजापालिहैं पयहितलागी ॥ दोहा ॥
 दुराचार रत आपु ते सब में कहिहैं दोष । सत पथ गामी
 आपु को निज सुख कहिहैं सोष ॥ करिहैं कुत्सित कर्म अरु
 कथिहैं ब्रह्म विलास । कहिहैं आपुहि परम पटु आनहिं मूढ़
 सहास ॥ इस्त्री बश कैहैं पुरुष मातहि पितहि दुराय । तिमि
 दुःशीला तरुणिसब हवैहैं कलियुगपाय ॥ शेरठा ॥ तहैं प्रतक्ष
 अनुमान कोप्रमाण करिहैं सरुचि । वेदउक्तपैकान नहिं देहैंनर
 मन्दमति ॥ मत नास्तीक विधान कोप्रमाण होइहि अधिक ।
 क्षुद्र वृत्तिको ठान करिहैं कलिमें नरसकल ॥ जयकरी ॥ हवै
 अभक्ष्य भक्षकसब लोग । सदा अइन्द्रीजित कृत भोग ॥ या-
 चन वृत्ति विप्रकी जौन । करिहैं क्षत्रिय आदिक तौन ॥ पर
 धन पर तिय हारक सर्व । कैहैं कलिके मानव खर्व ॥ होइहि
 तस्कर कै अधिकार । त्राता करिहि कपट व्यवहार ॥ कैहैंबहु-
 त शस्त्रके चोर । चोरी करिहि चोरकेचोर ॥ पुत्र पितापैकरिहि
 निदेश । नहिं सुशीलको रहिहै लेश ॥ आपुहि पालक आपु-
 हि चोर । रक्षक कैहैं भिक्षुक घोर ॥ प्रीतिरीतिको करिअनुरोध ।
 बढ़िहि परस्पर परम विरोध ॥ यहिविधि लहिकलियुग को
 अन्त । बढ़िहि पापको पुंज अनन्त ॥ लखि बहु कुत्सितकार-
 यद्विद्र । जाइहि जगमें पूरि दरिद्र ॥ उत्पति हवैहैं मानव
 थोर । बढ़िहि भूमिपै बन चहुंओर ॥ अन्न बसन सों मानव
 पीड़ि । बसिहैं जाइ बननि में ब्रीड़ि ॥ खग मृगमीन कन्द फल
 खाय । जीहैंबल्कल धारिअचाय ॥ जेपरिरैहैंग्रामन माह । ति-
 न्हैं कष्ट देहैं नरनाह ॥ राजाप्रजा अनीति अधर्म । करिहैं नि-
 शिदिन कुत्सित कर्म ॥ हवैहैं अति नरनारिहरस्व । लघु बुधि
 बल वीर्य सरवस्व ॥ तीस बरष मिति आयुर्दाय । करिहैं

भोग रोगसों छाये ॥ दोहा ॥ तब कछु दिनमें जाइगो कलियुग
करि निजभोग । आइहि सतयुग पुण्य मय सुख लहिहैं सब
लोग ॥ व्यासेदेवकेबचन ये सुनि जनमेजयभूप । हवैं बिस्मि-
त करजोरिइमिबोले बचन अनूप ॥ ऐसे पापी जीवइमिपरे
पापके धाम । किमिसतयुग लहि तेलहैं मोद परमअभिराम ॥
कहे व्याससुनिये नृपति हवैं नरसबबिधि छीन । व्याधि आदि
बहुभांति की लहि पीड़ाकै दीन ॥ हवैं आरत तब विषय ते
विषम होतहैं चेति । त्राहित्राहि भगवान इमि रटलावतहित
हेति ॥ पापपुंज मिटि जातहैं हवैंते सिंगरे शुद्ध । पुण्य पुरुष
हवैंजातहैं रहत न नेक विरुद्ध ॥ तब यहि बिधिसतयुगप्रवृत्ति
होत सुनहुनृपतौन । जिमिक्रमसों बढ़िहोतहैं पूरणराकारौन ॥
तिथि अरुबार नक्षत्र सम भ्रमत रहतयुग बारि । तथा लेहु
नृप जीवको गमनागमन विचारि ॥ सोरठा ॥ लहत जीवयह
भूप सुखदुख आयू पुण्ययश । निज कृतके अनुरूप युगअरु
समय प्रमाणते ॥ सूतपुराणिक पर्म इमिकहि फिरि ऋषिसों
कहे । यहभविष्यकलिधर्मकहि मुनिव्यासस्वपदगये ॥ ऋषि
आस्तीकहि आदि सब ऋषि निज निजसदनगे । जनमेजय
आह्लादि आयेहस्तीनगरमाधि ॥ चौपाई ॥ कछुदिनमेंबरफलहित
चोपे । अश्वमेध मख नृप आरोपे ॥ तहैं अध्वर्यु वेद बिधि
लीन्हें । हय हियप्राण मंत्रपढ़ि दीन्हें ॥ तेहि वपुष्टमा नृपकी
रानी । पूजनगई मोदसोंसानी ॥ तासुप्रभालखि इन्द्रलोभाई ।
प्रविशि मृतकहय मधि हरषाई ॥ करिवपुष्टमारानिहि निजव-
स । कीन्हें सत्वर मैथुनबर्बस ॥ यहसुनि जनमेजयरिसिआई ।
कहे अध्वर्युहि निकट बुलाई ॥ तुम बध किये बाजिकोकैसो ।
जाते भयो उपद्रव ऐसो ॥ सुनिबोली अध्वर्यु विचारी । यह
बध कियो शक्रअपकारी ॥ कहेभूपसुनु द्विजमनलाई । यहतब
तप की दुर्बलताई ॥ तजिममदेश जाहुमतिबिगरे । सुनितजि

देश गये ते सिगरे ॥ दियेशापतब इन्द्रहिराजा । लम्पट शक
 किये यहकाजा ॥ अब ते बाजिमेध मखकोई । करिहिनभाग
 लोपतुवहोई ॥ फिरि नृपअन्तह पुरमेंजाई । कहतभयेअतिरोष
 बढ़ाई ॥ असती बपुष्ट महि गहि जबसों । मैथुनकीन्हें बासव
 तबसों ॥ तासुत्याग में कीन्होंऐसे । बिषयीमर्दित स्वजकोजैसे ॥
 बेगिकढैममगूहतेसोई । तासुहेतकछुकहैनकोई ॥ दोहा ॥ यहसुनिकै
 गन्धर्वपति बिइवाबसु परबीन । कहतभये क्षितिपालसों ऐसो
 बचन अहीन ॥ नृप बपुष्टमा तरुणि है रम्भाको अवतार ।
 रमे शकके नहिं भयो कछु अधको संचार ॥ किये तीनिशत
 यज्ञ तुम ताते सुरपति तेखि । किये बिघ्नयहि भांति यहि सूने
 थरमें देखि ॥ दोष अट्विजनको न कछु अरु बपुष्टमा कोन ।
 भावी भाषे व्याससो भयो दोष कछुतो न ॥ करहुत्याग मति
 अट्विजनको न तरुणिको भूप । कोटिभांतिसों होतिहै होनी
 जौनि अनूप ॥ यहसुनि जनमेजय नृपति ग्रहण किये तजि
 कोप । तिय अरुबिप्रन पूर्ववत् करि सुधर्मसों चोप ॥ सोरठा ॥
 यह शुभकथारसाल सुनैंगुणैं अरु पढ़हिंजे । तेफल चारि बि-
 शाल लहैं लहैं बांझित सकल ॥ दोहा ॥ बणैं यहि अध्यायमें
 कहे व्यास मुनिजौन । जनमेजय क्षितिपालसों कलि भविष्य
 सब तौन ॥ अरु जनमेजय नृपकिये अश्वमेध वरयज्ञ । सो
 बर्णन बिस्तारसों सुनिये सकल कृतज्ञ ॥

इति श्रीहरिवंशदर्पणे भविष्यवर्णनो नाम द्वात्रिंशोऽध्यायः ३२ ॥

दोहा ॥ वैशम्पायनसों कहे जनमेजय क्षितिपाल । मोमन
 होत न तृतसुनि प्रभुकी कीर्ति विशाल ॥ नारायण कितने दि-
 वस करें उदधि मधिशैल । करें हेत केहि शैल प्रभु करुणासिंधु
 सचैल ॥ किमिप्रबुद्धि विरचे जगत सो कहिये समुझाय । जो
 सुनि होउँ सनाथ मैं सब संशय मिटिजाय ॥ सुनिवैशम्पायन
 कहे धन्य धन्य तुमभूप । जासुसुमति ऐसी भई निज अन्वय

अनुरूप ॥ आदि पुराणानि वाञ्छिअरु ब्यासदेवसों कर्णि । गु-
णिराख्यो जेहिभांति तिमि सुनौ कहत हौं वरिणि ॥ सो सम्पूरण
कहिसकै कोविधि आदिकसर्व । निज निज मतिसम सब कहत
नारायणगुणपर्व ॥ वैदिकज्ञानीशम्भुविधि सुरऋषिगणकोनित्य ।
जोगुणविविध विधानसों लायचारुचितचित्य ॥ सोनिगुणीसों
सगुणसोंकरताकारणकार्य । सोमनबुधिक्षेत्रज्ञप्रभुन्यामकसमय
समार्य ॥ सोसुदेवंअधिदेवसों सोसुभूतअधिभूतासोवक्तावक्त्रव्य
सो सोनरसुरपुरुहूत ॥ सोरठा ॥ श्रीक्षितिपाल उदारयुगप्रमाण
सुनियेप्रथम । अरुयुगकोव्यवहार धर्म अधर्मसुकर्मके ॥ बरसुर
बरषहजार चार सत्ययुग भोगवत । द्योसन्धि शुभचारि चारि
चारिशतबरषके ॥ चारिसहस शत आठबरषसत्ययुगमेंविशद ।
पूरण धर्म सुआढ़ चारु चारिशुचि चरणसों ॥ तपवृत श्रुतिरत
बिप्र राजवृत्ति रजक्षात्रसब । कृषी बड्डय अक्षिप्र सबहि शूद्र
सेवत सदा ॥ चौपाई ॥ बरष हजार तीनि परमाना । त्रेता युग
कोभोग विधाना ॥ तीनितीनि शतसन्धि विचारै । तीनि सहस
षट् शत अधिकारै ॥ तीनि चरणसों धर्म बिराजै । हवैद्वै षट्
अधर्म बिधिसाजै ॥ द्वापर दोयहजार बरीशा । भोग भोगवत
सुनु अवनीशा ॥ द्वै द्वै शतद्वै सन्धि समेता । दोयहजार चा-
रिशत एता ॥ तहांधर्म द्वै पदसों सोहै । हवै द्वैपद अधर्म जग
मोहै ॥ कलियुग सहस वर्षलों विलसै । शत शत वर्षसन्धि द्वै
सरसै ॥ एकहजार दोयशत मानो ॥ धर्म एक पदतामधिजानो ॥
हवै अधर्म चौपद बलवाना । चारिबरणमें रमै सुजाना ॥ यहि
बिधि सहसबार युगचारौ । बीते बिधिकेदिवस विचारौ ॥ यहि
प्रकार बिधिको दिनबीते । तबप्रभुनाश जगतको चीते ॥ तब
श्रीनारायण प्रभु योगी । हवै प्रचण्ड रत्नि सरस प्रयोगी ॥
करि आतपित शरीरिन जगके । कषै जीव बायु हवै सबके ॥
हवै कृशानु जारैं सब तनको । महीबिपिन सिंगरै गिरिगन

को ॥ सिंधुसरित सरसागर जेते । भस्माशेष होहिंसब तेते ॥
 सबतेआत्मअंश परिहरही । सानंदलीन आपुमें करही ॥ दोहा ॥
 सुरपतिलों अरुकीटलों इहै ब्यवस्था भूप । करिप्रभु ह्वै सह-
 साक्षघन बरसै बारि अनूप ॥ जलमय करि ब्रह्माण्डवर अम-
 ल अनूप अगाध । शयनकरैं तामधि सुचित प्रभु अद्वैत अ-
 बाध ॥ रोला ॥ सुनहु नृपहम सुने तबकी कथा एक विचित्र ।
 चिरजीवि मार्कण्डेय मुनि सर्वज्ञ परमपवित्र ॥ तीर्थहित प्रभु
 केउदर मधि अमृत अमृत उदार । बदन मगसों आइ बाहर
 कढ़त भेयकवार ॥ जादहीन अगाध तहँजलपूर पसरो देखि ।
 मोहिंअमिचकि गुणत भे निज हियो अमसों भेखि ॥ लोकहै
 यह कौन जहँ नहिँ सूरशशिरिग्राम । पूरिवारि अपार चहुं
 दिशिरह्यो अति अभिराम ॥ शोचिइमि शयनीय पुरुषहि ल-
 खतभे तेहि काल । सजल जलदसमान श्याम सुशैल सदृश
 विशाल ॥ चलेढिगट्तान्त बूझन तहांदेवहिहेरि । स्वासमा-
 रुत में बिबशकै गये उरमें फेरि ॥ लखे यहसो तहां मुनिगुणि
 स्वप्न विधिअनुमानि । पूर्ववत् फिरि रमन लागे तीर्थ प्रतिसु-
 खदानि ॥ वर्षासहसन पर्यटन करि लखेतहँ सबलोक । नदी
 गिरिवन उदधि सातोद्वीपपुर चहुँ ओक ॥ नाग नरसुर असुर
 सिंगरे इन्द्रविधि शिरमौरि । देखिमुनिफिरिकढ़े बाहेर पायशु-
 चिमुखपौरि ॥ लखे तहँ जल राशिमधि बरवृक्ष बरबर पत्र ।
 पत्रपै करि शयन क्रीड़त बालअद्भुत तत्र ॥ ताहि लखिमुनि
 चले पैरत तासुढिग भय पूरि । मुनिहि लखि सो बालबोल्हो
 मेघस्वन बलभूरि ॥ अमृत कितहेपुत्र सादर आउममढिग
 अत्र । बचनयहसुनि क्रोधकरिमुनिरहेगुणिहेतत्र । दीर्घजीविहि
 मोहिं विधि इमि सक्यो कबहुँन भाखि । कहत तिमियह कौन
 बालक हिये आनंद राखि ॥ समुझिआशय सुमुनिकी प्रभुक-
 हेफिरियहिभांति । सुनहु मुनि तव जनकहैं हम हृषीकेश सु-

कांति॥अंगिरा तवपितामांगेपुत्र मोहिंअराधि। दयेतबहमतुम्हें
करि दीर्घायु अतिविधि साधि ॥ परम आत्मामेरेतुम मोहिंप-
रम प्रियतपधाम। नतरुकोइत मोहिं लेखनहारइमि यहियाम॥
देहा ॥नारायणके बचनसुनि मार्कण्डे तपएन। शिरधरि पाणि
प्रणामकरि सानंद बोलेबैन ॥ प्रभुमें जान्यो चहतहों तुवमाया
कोभेद। कोतुम बटदलपै करौ शिशुहै शयन अखेद ॥ सुनि
प्रभुबोले ब्रह्महौंनारायण अभिराम। होंमें जगउत्पति करन
कारण कारयकाम ॥ शशि रविमारुत अग्निमहि नभादिशिग्र-
ह गिरि सर्व। सिन्धुसरित सरयुगकल्प हौंश्रुतुदिनसबपर्व ॥
हौंतपव्रत मखमंत्र सब हौंविधि हरिहर शेश। सो सबहों जो
कछुसुनोदेखौ सुमुनि सुभेश ॥ सुनिमुनि लहि मुद फेरिद्वैश्वा-
स बायु बशजाय। प्रभुकेउरमधि पूर्ववत बिहरनलगे सचाय॥
घोरठा ॥ सहस चौकड़ीचार युगमिति निशि इमि तहैं बितै ॥
ईछित किये उदार जग रचना प्रभु चावसों ॥ चौपाई ॥ तबप्रभु
हरये दये हलाई। बारि विचारि कछूसुखदाई ॥ उरमीमईबा-
रिकेहालत। भयो शब्दतेहि नभगुण पालत ॥ मारुत भयो
प्रगटफिरि ताते। मन्थित भयो उदधि वहजाते ॥ प्रगटो तहैं
मारुतसों पावक। जारन लग्यो बारिसों भावक ॥ जरेबारिके
सुनुहेआरय। महतअकाश खुलो कृतकारय ॥ खुले गगनप्रभु
आनंद लीन्हे। बारिज प्रगट नाभितेकीन्हे ॥ सहस पत्ररवि-
सम भो भारा। योजनकइक जासुबिस्तारा ॥ तब जाके मणि
परमप्रवीना। रुचिसों किये विधिहि आसीना ॥ तेहि कमल-
हि भूदेवीजानो। केशरकण सबपरवत मानो ॥ सुमनसगण
नितबिहरैं जिनमें। तेगुरु शैल व्यक्त हैं तिनमें ॥ मध्यदेश बा-
रिज कोजो शुचि। सोबर जम्बूद्वीप सरस रुचि ॥ स्रवै सूरसों
तीरथसब हैं। जेबिरूयात पूत कर अबहैं ॥ अधपत्रन के अ-
न्तरजितने। हैंपताल आदिक सबतितने ॥ होबारिजके चहुंदि

शिबारि । चारि समुदते चहुंदिशि चारि ॥ सबके अध पत्रावलि
 जैहैं । जाहि तामसी जिततेतैहैं ॥ यहिबिधि मानस सृष्टि सोहा
 वन । विरचे प्रभु परमानिधि पावन ॥ दोहा ॥ तब प्रभु कछु अनु-
 मान करि तामस राजसरूप । मधुकैटभ द्वै असुरवरकीन्हें प्रगट
 अनूप ॥ तेजंगम गिरिसे महत प्रबलसरोवर उद्र । पाणि पाय
 के चलनसों मन्थन किये समुद्र ॥ फिरिते उतपलमें बिहरि प्रभु
 चतुरास्यहि देखि । युद्धकरनको उदितहवै इमि बूझत भेतेखि ॥
 कोतुमकासों हौ प्रगट कत बिलसतहौ अत्र । गनतनमोको मो
 हबश बनिमंजुल चौबक्क ॥ दोहा ॥ मोहमयेयेबैन सुनि मधुकैटभ
 असुरके । सस्मित राजिवनैन कमलासन इमि कहत भे ॥ रोला ॥
 योग इति बिख्यात जगमें परम पुरुष महान । तासु सम्भवहो
 सरुचि इतकरतयोग विधान ॥ कहत भे तब असुर मोसों परम
 नहिं कोउ आन । लोक मोहित करत हम द्वै प्रगट युगन महान ॥
 कहे बिधि जो योग युक्कन ते परे अभिराम । रंचत गुणमय सृ-
 ष्टिस्रष्टा जौन आनंद धाम ॥ हृषीकेश उदार उत्पल नाम प्रभु
 कमनीय । असुर सुर करि समरकरिहैं तुमहिं ते समनीय ॥ व-
 चन सुनि मुनि असुर ते भगवान के ढिग जाय । कहे करि अ-
 स्तुति हमहिं बर दीजिये बरदाय ॥ मरै जहँ तहँ मरैयाको हमें
 नहिं कछु शोच । होहु आपुनके सुवन बर बीर्यवान अपोच ॥
 कहे प्रभु तुम होहु गे मम पुत्र बर बलवान । हिरण्यकशिपोत्प-
 त्ति समय प्रवृत्ति में मतिमान ॥ भांति यहि बरदान दै फिरि
 रोष अति बिस्तारि । नाश तिनको किये प्रभु ऊरुनपै धरिमा-
 रि ॥ तदनु ब्रह्मा ब्रह्मविद् तेहि कमल पै गहिचाय । किये दु-
 स्तर घोरतप बरबाहु ऊर्ध्व उठाय ॥ फिरि स्वयम्भु अचिन्त्य
 आत्मा आत्म आत्मा ताहि । द्विधा करि युग रूप औरौ गये
 चितसों चाहि ॥ मुनि पतंजलि कपिल मुनि ज्वलनार्क सदृश
 सुभेश । किये ते भगवान बिधिकी सबिधि अस्तुति वेश ॥

बचन तिनके समुद सुनि बिधि जपे व्याहति तीन । तीनलोक
समान जे कृतवान बिग्रह ईन ॥ प्रगटि क्रमसोंकहे ते चतुरा-
स्यसों यह बात । देहुशुभद निदेश जो हम करहिं सो अवदा-
त ॥ कहे बिधि इन ब्रह्मविदसों बूझि करहुं सचैन । कहे व्याहत
मुनिनसों जिमि कहे बिधिसों बैन ॥ कहेबिधि तुम ब्रह्मको स्म-
रण करहु सप्रेम । लहे ते ब्रह्मत्वा ब्रह्महि सुमिरि सलय सनेम ॥
फेरि बिधि निज अर्द्धतन सों प्रगट करि बरबाल । बिहरिजाय
प्रजापतिन प्रभाव अनघ विशाल ॥ दोहा ॥ त्रिपदाजननीवेदकी
गायत्रीशुभखानि । कोसिरजे सिरजेबहुरि वर्णअकारहिजानि ॥
गायत्री सम्भव बहुरिसिरजे चारों वेद । फेरि धर्म विश्वेशको
जाये समुद अखेद ॥ दक्षमरीची अत्रि मुनि पुलह पुलस्त्य व-
शिष्ठ । क्रतु गौमत भृगु अंगिरस प्रजाकरण बरदिष्ट ॥ निज
द्वादश दुहितानको दक्ष योग्यता चाहि । सुत मरीचिके कश्य-
पहि दीन्हे विधिवत व्याहि ॥ अदितिदिति दनु मुनि कहीका-
ला प्रधा सुजान । सुरसा क्रोधा सिंहिका अरु अनायु सुखदा-
नि ॥ विनता अरु कद्रू प्रभृति ये द्वादश तपनिष्टि । कश्यप इन
में करत भे विविध भांतिकी सृष्टि ॥ फेरि सताइस निज सुता
दीन्हे दक्ष सुजान । सुवन अत्रिके चन्द्रमहिं करिसुयोग्य अनु-
मान ॥ निरामिदये बिधि धर्म कहैं लक्ष्मीकीर्ति विचारि । सा-
ध्या और मरुत्वती विश्वापांच सुनारि ॥ निज तन आधे सों
रचे हे बिधि पत्नी जौन । गऊरूप धारत भई कार्य्य साधनी
तौन ॥ बिधिताके अनुरूप हवै रमि कीन्हे उत्पत्ति । प्रथमएका-
दश रुद्रजे कामदानि अभिगति ॥ अजैकपाद मृगव्याधि अरु
अपराजित भगवान । दहन पिनाकी ईश्वर सेनानी सुखदान ॥
अहिर्वुध्न्य कामदसुप्रभु और कपालीजानि । निऋति सर्प
ग्यारह परम रुद्र लेहु अनुमानि ॥ गऊवृषभ औसव सकल
अजअघीत अकृष्ट । एकवंश महिषाद बहु प्रगटित भये क-

निष्ठ ॥ प्रभवच्चयवन महिष बलध्रुव अरु तनूज ईशान । वि-
 श्वाबसु सुविभूति अरु विज्ञात्मा मन परधान ॥ सुरभी अरु
 विधिसों भये इतने सह विस्तार । अब कहियतुहैं धर्मसों प्रग-
 टे जिते कुमार ॥ लक्ष्मीसों अरु धर्मसों प्रगटेकाम अमान ।
 साध्य शैल वृष नागभे साध्या सों मतिमान ॥ धरध्रुव विश्वा
 बसु निकृति क्षम अरुयोग युषान । सोमबायु ये धर्म शत सुर-
 सा सों सुखदान ॥ भे विश्वा अरु धर्म सों विश्वेदेवा सर्व ।
 और धर्म के सुतनके सुनिये नाम अखर्व ॥ अग्निचक्षुहवि
 ज्योति अरु विरज शुक्र सावित्र । विश्वाबसु सावृष्टि अरु प-
 न्नग अमृत मित्र ॥ नियुधिजपोन विभावसु आदुति औ चा-
 रित्र । परतापन अस्मन्त अरु अरुचिररश्मि पवित्र ॥ वृहद्भूत
 अरुवृहत् बरइते मरुत गणवेश । धर्ममरुत्वतिसों प्रगटिसोंहैं
 सरुचिसुभेश ॥ दक्षसुधर्मासङ्कपा औरवपुष्मादेव । विश्वाबसु
 विश्वणु अरु सुपर्वाग शुभ भेव ॥ और अनुत्तम हारि नहिं
 अरु रुरुतेजस शक्त । विश्वदेव विश्वेशकोविश्व तननि किय
 व्यक्त ॥ भे कश्यप अरु अदितिसों ये द्वादश आदित्य । विष्णु
 इन्द्र त्वष्टा वरुण भग रवि तूषा नित्य ॥ मित्र वरद अरु अर्य्य-
 मा अरुमनु अरु परयन्य । ये द्वादश आदित्यहैं सुखर परम
 आनन्य ॥ प्रगट भये आदित्यसों सरस्वतीमें आम । रूपश्रे-
 ष्ठ वपुश्रेष्ठ ये दोऊ पुत्र अभिराम ॥ भे सुदैत्य दितिके सुवन
 दनुके दानव बीर । कालकेय राक्षस असुर कालाके सुतधीरा ॥
 आध व्याध ये प्रगट भे अनायुषा सों बार । भयेसिंहिकासों प्र-
 गट ग्रह गरिमाके गार ॥ भई अप्सरा प्रधासों मुनि सों भेग-
 न्धर्व । अरुण गरुड विनताहिसोंकद्रू गिरि अहिसर्व ॥ गुह्यक
 यक्ष पिशाच गणभे क्रोधासों भूप । अरु चौपद सिंगरे सुनो
 वराजिगरु शुभरूप ॥ ^{वाराटा} ॥ यहि विधि प्रादुरभावहैं वर्द्धितभो
 लोकसब । तिमि वरणे गहि चाव जिमि द्वैपायन सों सुने ॥

मुनिवरके ये बैन सुनि जनमेजय नृपकहे । पुनि कहिये तपएन
 गुणि ब्राह्मिक पावनिकथा ॥ वैशम्पानि सुजान यह सुनि आ-
 नंदगहतभे । मनवशकरिमतिमान सुनहुभूपसोंकहतभे ॥ रत्ना ॥
 ब्रह्मके सम्बन्धसों सम्बन्धजो इतिहास । सुनहुसो सन्नद्ध कै
 नृप राखिमन ममपास ॥ ब्रह्मप्रभु अव्यक्त सतह्वै आत्मयो-
 निजरूप । व्यक्त असत अव्यक्त सत कै लसत परमअनूप ॥
 दिव्य अबपुष दिव्यवपुवर भूतपति बिभुईछि । प्रभवयुनजग
 कल्पकेकरि सकल कलिपतशीछि ॥ अचर चरचर अचरचर-
 चित अचरखचर अभिराम । दारुगत सत दहन समकृतकर्म
 कारणकाम ॥ सुनहु भूपति प्रथमसों यहकथा अति रमणीय ।
 जबहिं पुरुष पुराण रुचिनिधि क्षीरनिधि शयनीय ॥ रचोजग
 में किये यह अनुमान कै गुणवान । भये गुणसों तबहिं प्रग-
 टित पञ्चभूतमहान ॥ आत्मयोनिज तदनु ह्वै कमलस्थ करि
 अनुमान । रचे जगपूर्ववत गुणिलखि वेदको करिध्यान ॥ बारि
 मधि महि घुलनलागी तबहिं आरत भाखि । कही प्रभु मोहिं
 ऊर्ध्व कीजै हिये करुणाराखि ॥ भूमिकी सुनि बिनय प्रभुबाराह
 को बपुधारि । दांतपै धरि महिहि कीन्हें ऊर्ध्व स्वयशविचारि ॥
 भेदि मधिमें महिहि ऊरध कढो तेजबिशाल । चण्डरश्मि उद-
 ण्डजिमि मार्त्तण्डप्रचलअबाल ॥ कढ़तभेतेहितेजमण्डलमध्य
 ते शुचिनाम । सोममण्डल रूप ह्वै बिधिलोककृत छविधाम ॥
 सोमके मुख चारुते भो कढ़त श्वास अखेद । वायु अक्षर मयो
 जानहु नृपति सोई वेद ॥ योगमें बरज्ञानते सोभयो सृजतअ-
 मंद । लोककाय विराट पुरुष दिव्य कहँ शुभ छन्द ॥ भूत भौ-
 तिक भौतकी सब तासुमयचैतन्य । भूतभव्य भविष्य दृश्यसत
 मयगन्य ॥ जीववशइंद्रियनके ह्वै मोहिं ताहि भुलाय । विषय
 प्रिय ह्वै कर्म करिकरि भ्रमतसुखदुख पाय ॥ ज्ञानबलतेवश्य
 करि इन्द्रियनकहुँ कृतयोग । चेतितेहिब्रह्मत्व पावत साधिपरम

प्रयोग ॥ दोहा ॥ परमात्माहि जीवात्मापरमात्मासविधान । करता
 है अज्ञान अरु योगज निरमलज्ञान ॥ कढ़ो तेज जेहि बेधि
 क्षिति तेहि सुबिवर माधिभूप । ईश्वरशाखे स्वरुचिसों निर्मि सु-
 मेरु अनूप ॥ जेहि सुवरणमें मेरु पै लसे आपमय ज्योति ।
 जासुज्योति त्रैलोक्यमें तिजरुचि अमल अनोति ॥ प्रगटकिये
 निज आस्यसों प्रभु चतुरास्यहि तत्र । प्राणवायु द्विजइन्द्रकहैं
 अरु अग्निहि कृतसत्र ॥ ब्रह्मलोक सो शृंगभो गिरि सुरगण
 को भौन । एकलक्ष अरु एकशत योजनऊंचो तौन ॥ इतनोई
 चहुँदिशि गुणित है विस्तारित विशाल । अरु असंख्य तेहि
 कहत हैं जे ब्रह्मज्ञ रसाल ॥ शत शत योजन उच्च है चहुँदि-
 शिमें वरशैल । ब्रह्म विचारी कहतहैं गुणिअसंख्य गुणकैल ॥
 सुर सुरपति आदित्यवसु मनु मुनि मारुत आम । सहितविष्णु
 पालत जगत करुणानिधि अभिराम ॥ जौनब्रह्ममें तेज है व्या-
 पित सबमें ताहि । ब्रह्मकहत हैं ब्रह्मविद ज्ञानसिन्धु अवगा-
 हि ॥ तीनलोकमें प्रगट है प्राण प्रतिष्ठित ब्रह्म । ब्रह्माके दिन
 को भयो हैजबतेआरम्भ ॥ वेदउक्ति यज्ञादिजे कर्मसकलसुख-
 दानि । ते हैं गुणि क्रियमानतित परमआत्महित जानि ॥ ब्रह्म
 भूत आत्मादिको विशद बहुत्वतिरेखि । अरु सुभावजगजनन
 के बहुविधिके अवरेखि ॥ इन्द्रमारुत वरुणादि के शब्दन कर्म
 अनेक । कहेसर्व पै सर्व में हैं सबई प्रभुएक ॥ स्थूलसूक्ष्म दे-
 हीनको बुद्धिरूप गुणिलेहु । सप्तरूप दर्शन सदृश ज्ञाती कहैं
 सनेहु ॥ सोई विधि भगवान तेहि देवी सहित विनोद । विरचि
 भोगबहु चरतहैं अनुगण सहित सुमोद ॥ गंगातासों प्रगट
 हवै करि शिवको अभिवेक । तीनिसप्त बहुधारहवै त्रिपुरनि
 धसी सटेक ॥ नाद किये ते नदी अरु गंगा बिहरी स्वर्ग । हवै
 विख्यात दाता विशद पूसताको अपवर्ग ॥ प्रभुके सुखतेप्रगट
 जे चारिवदनसप्त चारि । वेद तदक्षर सिद्धिमें हैं दाताफलचा-

रि ॥ चारिचरण हैं यज्ञके पूरिततप ऐश्वर्य । ऋत्विज अरु उ-
दगात् अरु होता अरु अध्वर्य ॥ चारिचरण हैं धर्मके ब्रह्मचर्य
गृहवास । दुस्तर बानप्रस्थ अरु हवै नगस्थ संन्यास ॥ वेद
वांचिकीन्हें मनन उपजे ज्ञान अमन्द । निवृत्त होत हैं कर्म सब
पूरत परम अमन्द ॥ अब नृप कहिये योग विधि जौन ज्ञानमय
यज्ञ । अमल अहिंसा मोक्षप्रद करहिं जाहि सर्वज्ञ ॥ उत्तम शुचिसु-
पदस्थ करि सिध्यासन सुप्रयोग । उन्नत उरनत ग्रीवरहि दश-
ननि अकृत संयोग ॥ बामपाणि तलपै सुधिर शुभकर पृष्ठ
सुदक्ष । राखि नाभिदिग रहि अचल मूँदि ओठ दृगपक्ष ॥ मन-
हिं स्वबश करि यतनसों जीव ब्रह्मलै जाय । राखि मूर्धनिपै ज्ञान
चष सों निरखैं सुखप्राय ॥ प्रणवात्मक पुरुषहि जपै लहि भू-
मध्य निकेत । सो सुबिंबते बिंबमिव विष्णु अचिंत्य सचेत ॥
विशद वेदमय यज्ञयह योग ज्ञानमय रूप । मोक्षद अम-
ल अनन्यकृत अप्रतिम परम अनूप ॥ भये ब्रह्मके नेत्रते
ऋग अरु यजुर सुवेद । साम अथर्वण जीभि अरु शिरते भये
अखेद ॥ शीश अथर्वण वेद कै ग्रीव बाहु ऋगवेद । हृदय पार्श्व
हैं साम अरु यजुकटिचरण सभेद ॥ वैशम्पानि मुनीशसों सु-
निकै योग विधान । बूझत भये बिचारि इमि जनमेजय मति-
मान ॥ मनसों जासु अलभ्य विधि ऐसो दुस्तर योग । मुनि-
वर ताके लहनको कहिये प्रगट प्रयोग ॥ सुनि मुनिकहे महीप
सुनु करमुख बलधन भृत्य । मित्रनते नहिं बाद्यसों सिद्ध होत
यह कृत्य ॥ अन्तर्गत मानस अमल शारीरिक कृतकर्म । पूर्व
अब्दको ज्ञानमय सो कारण है परम ॥ विदित तत्त्व अरु ब्रह्म
विद ब्राह्मण विदुष विनीत । ब्रह्मकर्मरत नियत बूत दृढमति
इन्द्रीजीत ॥ अपुन भव भावज्ञतजि और भावके कर्म । साधै
क्रमते योगसो जानि युक्तिको संम ॥ छुटि इन्द्रियके बन्धसों
लहै परमपद तौन । इन्द्रादिक सुरराजनको है दुर्लभपद जौन ॥

तेजमूर्धिनपै राखिजब करत योगविदयोग । उठत धूम तहँ बहु
 बरण कहत श्रुतिज्ञ सुलोग ॥ तहां धूमते मेघ हवै वर्षत बारि
 उदार । प्रबलहोततब मूर्धिनपै मानस अग्नि बिहार ॥ परसत
 हैं सब अंगमें सहसन तासु फुरंग । प्रबलहोत तब वायु लहि
 अग्निवारिको संग ॥ अग्निवायु जल भूमियेसर्वधातु सम्पन्न ।
 सम सुभावते होतहैं बरबीजित्व प्रसन्न ॥ तब भूमधि जोब्रह्म
 प्रभु सूक्ष्म विराट् स्वरूप । ते तहँ विरचत हैं बहुत सूक्ष्म प्र-
 भूति अनूप ॥ ते सब प्रेरित ब्रह्मसों सुख दुखके ज्ञातार । बसि
 योगीके मूर्धिनमधि नृपसुनु करत बिहार ॥ अथचेष्टा आरब्ध
 ते मूर्त्तिसूक्ष्म क्षितिपाल । तासु स्थूल तनते निकसि दश
 दिशिजात अवाल ॥ ते बहुभूतहि लहतहैं लयलहिकै तत्रैव ।
 कर्म बन्धते छुटत हैं जिमि जाये यत्रैव ॥ यज्ञादिक शुभकर्मकरि
 पितृमार्ग हवै जाय । पुण्य भोगकरि पतन हवै जन्मलेत इमि
 आय ॥ पदते गिरि नभवायु अरु तेजधूम घनबारि । महिमें
 मिलिफल होतहैं क्रमसों लेहु बिचारि ॥ फिरि जीवनको उदर
 लहि होत सक्रम रसरेत । गर्भवासलहि प्रगटि गुर होत जु-
 लहिकै चेत ॥ हवै अब्यक्तसो व्यक्तइमि ब्रह्मसनातन आप ।
 विद्या विद्या सहित नृप बिहरत नित्यप्रताप ॥ ब्रह्म सनातन
 ईशइमि करि युगकइक बिहार । लीन आपुमें लेत करि करि
 सबको संहार ॥ सोरठा ॥ मुनिवर बैशम्पानि फिरि नृपसों इमि
 कहतमे । प्रश्नोत्तर अनुमानि परम प्रशंसा योगकी ॥ ब्रह्मयज्ञ
 वरयोग करन लगत जब ब्रह्मविद । कहत वेदविद लोग होत
 बिघ्न तब अनगिने ॥ सहि सब बिघ्न महान जब योगी थिर
 रहत हैं । तब ऐश्वर्य्य महान प्राप्त होत ईछे बिना ॥ प्रथम
 गगन ऐश्वर्य्य विशद वायु ऐश्वर्य्य फिरि । बहुरितेजऐश्वर्य्य
 अरु रसमय ऐश्वर्य्य बर ॥ अरु पार्थिव ऐश्वर्य्य क्रमतेताकहँ
 करतहैं । जनमेजय नृपवर्य्य सुनहु पृथक् तिनके स्वगुण ॥

गोला ॥ परम नभ ऐश्वर्य्यलहि अरु वायुमें अनुरक्त । स्थूलत-
नते निकसि रबिसो नभसि रमहिं अब्यक्त ॥ तेजमय ऐश्वर्य्य
लहि रबि अग्नि सदृश विभात । होत रसमें तेवरुण पर्य्य
शशि समतात ॥ पार्थिव ऐश्वर्य्यलहि नित लहत दिव्य सु-
गन्ध । दिव्यवार्त्ता सुनत लहिजन दिव्यको सतगन्ध ॥ सिद्ध
करिकै योगनृप नरहोत ब्रह्मसमान । तुच्छ गणि ऐश्वर्य्य सब
दृढ चिन्ति ब्रह्म महान ॥ अन्य धारण धारि जगदाधार ब्रह्मा
ब्रह्म । परम योगी करत मानस ब्रह्म कर्म अरम्भ ॥ चक्षुते अ-
प्सरनि जाये नासिका ते सर्व । यक्ष तुम्बर किन्नरादिक गान
विद गन्धर्व ॥ ब्रह्मयोग विधानसों योगस्य योगी जानि । रचे
ऋग्यजु साममें श्रीवेदवाणी मानि ॥ भावयोग सुभावसों विधि
रचेकरिअनुमान । भूत आत्माजितेभवमधि भ्रमतिहैं भूतप्राण ॥
रचे पदते सिंहगज भृगवृक्ष तृणसब जाति । गउहिहियते बाह
ते पक्षीन आनंद राति ॥ रचे भूते अंगिरस अरु भृगु मुनिहि
अभिराम । भालते मुनि नारदहि विधिरचे आनंदधाम ॥ मू-
र्ध्निते विधिरचे सनत्कुमार तपवरताहि । सोमको अभिषेक करि
द्विजराज कीन्हेंचाहि ॥ लोकअरु अस्थान अरु तत्रस्थभांति
अनेक । रचेब्रह्मासरुचिसों बहुरूपसहित विवेक ॥ तत्त्वसांख्य
सुयोगयज्ञ सुभाव बर विज्ञान । क्षेत्र अरु क्षेत्रज्ञ सम्भव निधन
कालप्रमान ॥ सर्वमयसो रच्यो सर्वहि सबिधिविधिसुखदान ।
सुनहुजनमेजयमहीपतिशास्त्रविद गुरुज्ञान ॥ योगविधियहकहे
जो करि मुक्त पदजन लेत । कहत अब कृतकर्म क्रमसों जौन
यह वहदेत ॥ यज्ञ अरु व्रतदान तप अति उग्रकरि मुदओक ।
स्थूल तन तजि सूक्ष्म तनमें जाय विधिके लोक ॥ कल्पभरि
बसिनील विधिमें होत लहि कल्पांत । कल्पप्रगटितभये पै फि-
रिहोतहैं ते दांत ॥ दक्ष अत्रिमरीचि नारद आदिआनंदऐन ।
दक्षको इतिहास कहियतु सुनहु नृपति सचैन ॥ दोहा ॥ दक्ष

प्रजापति करत भे उत्पति प्रजासधर्म । ब्राह्मण क्षत्री वैश्य अरु शूद्र चारि ये वर्ण ॥ शुद्ध सत्वमय विप्र अरु सत्व रजोमय छात्र । सुधरमजो मय वैश्य अरु शूद्र तमोमय पात्र ॥ पृथक् धर्म येसर्व भे एकरूप अभिराम । हैं अधिकारी वेद के तीनि वर्ण तप धाम ॥ वेद क्रियासंस्कार के योग्य न शूद्र मलीन । यज्ञ कर्म कृत अग्नि जिमि नहीं धूमद्युतिहीन ॥ भये और सुतदक्ष के बुद्धिमान बलवान । तिनसों बृभेदक्ष इमि सुनहु सकल मतिमान ॥ जग जननी माया महा देवी ताको भेद । तुम सब जानत होहु तो मोसों कहहु अखेद ॥ मोखा ॥ ते ज्ञानी करि गौर दक्ष प्रजापतिसों कहे । को माया केहिठौर रहै न हम जानै कछू ॥ चौपाई ॥ वैशम्पायन सों यह सुनिकै । बोले जनमेजय नृप गुनिकै ॥ सतयुगको यह धर्म सोहावन । सुनि मुनि मेरो हियमम चावन ॥ शुभ आचरण कहहु अब सोई । समीचीन त्रेतामें जोई ॥ यह सुनिकै मुनिवर मुदराखे । प्रश्नोत्तर यहि विधिसों भाखे ॥ योगादक्ष अर्द्धनिज तनसों । नारीप्रगट किये गुणिमनसों ॥ तासों बिहरि परम मुदलीन्है । सुतापचास सुउत्पति कीन्है ॥ तदनु दक्ष तेहितियहिं विचारी । तनमय मिले लये व्रतधारी ॥ तब दशतनया दीन्है धर्महि । दये सताइस सोम सुकर्महि ॥ तेरह लहि कश्यप सुतजाये । जेहि प्रकार पीछू कहि आये ॥ विधिवत् दक्ष कन्यकन दैकै । ब्रह्मक्षेत्रमें बरवृत लैकै ॥ किये तपस्या सँग मुनिगनके । ब्रह्मयज्ञ कृत जेशुचि मनके ॥ ब्रह्मक्षेत्र तीरथपति जानो । अरु ब्रह्माण्ड दुतिय विधि मानो ॥ मुनिगण पञ्चबायु अनुमानो । ब्रह्म विचारयज्ञ विधि ठानो ॥ क्रियातीन नाडिन की जेहैं । यजन तीनि वेदनकेतेहैं ॥ मंत्रयज्ञ परव्रतहितमें रत । जेतेपंच सुस्वरधृत पथसत ॥ मथि अणिहि शुभ अग्नि तिकासी । तीनिकरै तेहियज्ञ बिलासी ॥ द्वैकरि और पांच शिखि गावै । ठांड भेदते नाम बतावै ॥ दोहा ॥

हिय अर्णिहि मधि वायुसों सुनिये भूप सुजान । करि ऊर्द्धित
जठराग्निकहैं योगीसहित विधान ॥ पंचवायु अस्थानगत क-
रितेहि पांच प्रकार । योग यज्ञ साधन करै दक्ष सहित उप-
चार ॥ सोम कलश अरु समिध अरु पांच सबत्सागाय ।
जल भाजन हवि आज्य द्विज तहां मानसिक ल्याय ॥ मंत्रवे-
द उच्चारते ब्रह्मलोकसम पर्म । योग यज्ञ थर होत भो भूपति
सुनो सुधर्म ॥ योग यज्ञ करिलहत हैं बिष्णु ब्रह्मपद वेश ।
यज्ञ योगतेहोत हैं सुमनस सिद्ध सुरेश ॥ व्रत यज्ञादिकवास-
निक करिकै कर्म सचाय । बिहरैं सुरपुर पै सतिय परमदिव्य
तनपाय ॥ नहिं छूटति तहुं नृपतियह अहं अबिद्या बुद्धि । नि-
जपुर गुरुलघु कर्मकी रहति भावनाशुद्धि ॥ वाक्य तत्त्वमसि
आदि सुनि गुणै न जौलौं भूप । तौलौं छुटि रागादिसों रहै न
लहि ध्रुवरूप ॥ शुचि विद्या बुधिकृत्य बिनु लहै उच्चपद जौन ।
भोगि अबिद्या कृत्यफल फेरि पतन तजितौन ॥ ब्राह्मणादि व्र-
यवर्णता लहि फिरि क्रमसोंबधि । शतपदरथ द्वै सुनत इमि
सतगुरुसों असपधि ॥ इन्द्रिन ब्रशकरि मनसहित आत्मनि-
ष्ठलहिज्ञान । योगसिद्ध करि लहत हैं अब्ययपद मतिमान ॥
यहिबिधिदुस्तर जानिते क्षणरहि मौन विचारि ॥ आबिमुक्ति
मय बसत भे शुचि आश्रम व्रत धारि ॥ गृहस्थ सुबानप्रस्थ
अरु ब्रह्मचर्य संन्यास । वेद उक्त विधि ग्रहण करि विधिवत
करत प्रयास ॥ वेदपढ़े बिनु सुनिगुणै गुरु गृहस्थ पदत्यागि ।
साधन आश्रम तीनि को करै न निजहित लागि ॥ वेद पढ़ै न-
हिं बिप्रजो सोशूद्रवत अधर्म । करवावैतासों सनय नृपतिशूद्र-
के कर्म ॥ सोरठा ॥ इमिकहिबैशम्पानि ज्ञानगेह अरु ब्रह्मविद ।
स्वाभाविक विधि ठानि इमि जनमेजयसों कहे ॥ चौपाई ॥ अब
सुनिये जनमेजय मनदै । जो सुमु साधुनको मन अनदै ॥ शुभ
अरु अशुभ भाव इन्द्रिनके । सुर दइत्य बल जाहिर जिनके ॥

शम दम काम क्रोध सुखदाई । भट दुहुंदिशिके सखा सहाई ॥
 लरे उमंगि निजनिज जयधुनिके । रुकेतरोके मति बुधिमुनिके ॥
 भई विकल महि बपु हवैमर्दित । भये दृढ़त्व शैलगण अर्दित ॥
 भई मथित सब नाडी सरिता । योग युक्त तरणीकी चरिता ॥
 तामस मधु दइत्यपतिजब्बर । रजस दनुजपति सहचढ़ि ग-
 ब्बर ॥ गिरि बपुके अन्तहगह्वरमें । विषयमोह बन्धनसों फर
 में ॥ आत्मा इन्द्रहि बांधि स्वबश कै । विहरण चहो तेजकर
 चषकै ॥ प्रार्थित स्वगुरु बचनवर विधिसों । सतगुण विष्णुल-
 रतमें विधिसों ॥ नवसाधन आयुध अतिचोषे । लगे चलावन
 चितमें रोषे ॥ नामबाण के जपन यतनसों । मारे याज्य हरौ
 लहि पनसों ॥ ज्ञानगरुडकहँ चपलितकरिकै । लागे मर्दनपर
 बल चरिकै ॥ तत्त्वविचार प्रजन्य मरुतसों । दिये उड़ायतिन्हें
 बलयुतसों ॥ मनपरपंची परदिशिचारी । तेहि गहि निजबश
 किये विचारी ॥ परचारण इन्द्रिनकहँ गहिकै । संयमअसिशं-
 करसों लहिकै ॥ शुचिब्रत कारागृहमें डारे । सुमतिसुबुधिमुनि
 जयति पुकारे ॥ दोहा ॥ प्रभुतामें प्रभु सत्यगुण का सहाय इमि
 पाय । जीवइन्द्र सबकाशलहि भोचैतन्य सचाय ॥ सत्संगत
 शुभ सिद्धसों सुनतभये बरबैन । वेदतत्त्व विधि बिहितजो प्रभु
 कीर्तन गुणऐन ॥ तेजभूतवरबृह्मअरु देहेन्द्रियसों युक्त । जीव
 कर्मवश होतनहिं इतउत गतिसोंमुक्त ॥ प्रलयकालमें होत हैं
 ध्रुवकारणमें लीन । गहत फेरिआरम्भमें बहुबपुलघु अरुपीन ॥
 कामदकारण रूप प्रभु सर्वदेहमय आपु । कायरूपकै करत हैं
 बहुकारज करिआप ॥ कच्छप शेष बराह हवै जिमि सहिधारण
 काज । करतकरत तिमि सर्वमय सर्वकार्य सहसाज ॥ बसतवेद
 हवै द्विजनमें क्षत्रिनमें हवैयुद्ध । दान कर्म विधि वैश्यमें शूद्रन
 सेवा शुद्ध ॥ सातअन्न प्रभु रुचतभे सुनहुतासु व्यवहार । एक
 अन्न जो करतहैं भोजनसब संसार ॥ दोय अन्न सुरशक्तिको

अर्पणकरियत जौन । चौथोअन्न पितृणके पिण्डदानको तौ-
न ॥ चारिअन्न ये एकगण हैं पोषकसुखदानि । प्राणवाकमन
तीनि ये अन्न सप्तइमि जानि ॥ सूर्यात्मक हैं तीनिजे चन्द्रा-
त्मकहैं चारि । ते प्रकाशअप्रकाशकृत क्रमसों लेहु विचारि ॥
तीनिअन्नकहैं सेइकरि कर्मजफलकोभोग । अर्चिरादिपथ जाइ
फिरि लहत न तनको योग ॥ चारि अन्न सेवन करें धूमादिक
पथजाय । भोगि कर्मफल करतहैं देहबास फिरिआय ॥ अग्नि
वायु अरु यज्ञ तुम तुमप्रचण्ड रविरूप । निज किरणानि युगा-
न्तमें दाहत जगत अनूप ॥ कर्मलोपजेहि होइनहिं यहविचार
अनुमानि । यज्ञादिक सब कर्म तुम करत परम हित जानि ॥
नूतन रसके वृत्ति हित बनरूपतिनमें आय । बसत अमावस
लेहि शशी सो तुम जगसुखदाय ॥ लीलाकर अप्रमेय तुम
पुरुष पुराण बिराट । भूलिरहे हौ आपुको निजकरतबके ठाट ॥
यह सुनिकैं चैतन्य हवै समुक्ति आपनोरूप । जीवइन्द्र जयल-
हतभो कहैं कहांलों भूप ॥ योगसिद्धकरि सविधिफिरि ब्रह्महि
चिन्ति अखेद । अहंब्रह्म शुभ वचनयह उचरणलगो अभेदा ॥
सोन गर्वते भूपमणि भये अद्वैत सुज्ञान । श्रुतिस्मृति वेदपुरा-
णको दृढ़ अनुमानि प्रमान ॥ अन्तरगत मृग तृष्णिका सम
माया व्यवधान । ज्ञानचक्षुसों तेहि परखि ब्रह्महिलहेसुजान ॥
अहंकार शास्वत अचल गुणहैं ताके प्राण । द्वारतासु गुरु के
बचन सुखदायक सुखदान ॥ तेहि मग तेहि गिरिमें प्रविशि
तासुपुरातन प्राण । त्रिगुण अविद्यात्मकहि हठि देइ निकारि
अमान ॥ जाग्रत स्वप्न सुषुप्तिमें यथाजीवकोभास । तेहि विधि
प्रभु चितअचित हवै करत बपुनमें बास ॥ मनबुधि इन्द्रिहि
राखि बश त्यागैं सकल बिभूति । उदासीन बैराग्यमत पावत
विद्यापूति ॥ अभिमानी जे देहके ते नहिं जानैनेक । विष्णुभ-
क्त निष्कामते पेखैं प्रभुहि सटेक ॥ सनियम धर्म पथस्थनर

आराधन सोपान । पैचदिक्रमसों लहत हैं प्रभुकोपर अस्थान ॥
 विद्याको साभ्यासकरि प्रादुर्भाव सुभक्त । इतहूं उतहूं लहत हैं
 पूरण आनंद व्यक्त ॥ दीन क्षुधित अर्थी द्विजन देत सबिधिजे
 दान । सर्वत्रहि प्रभु सर्वसुख पावत ते मतिमान ॥ यज्ञादिक
 शुभ कर्म जे करत वेदश्रुतिउक्त । लहहिं सुगौरी सिद्धिते बि-
 द्योद्भव कृतमुक्त ॥ यह कहि बैशम्पानि फिरि कहत भये समु-
 भाय । पूर्ब किये हे योगजे जिमि दिन जिते सचाय ॥ शुचि
 तुर्यावस्थास्थहवै दिगमित वर्ष हजार । योग किये प्रभु विष्णु
 गुणि शीक्षणसबिधि उदार ॥ षोढा ॥ नवहजार सुरवर्ष किये
 योगवर चन्द्रमा । जातेलहे सहर्ष ब्राह्मी सिद्धि अनूप अति ॥
 महिषरी ॥ एकशत नवसहसवर्ष सुयोग शंकरप्रमुकरे । वरवृषभ
 रूप विशाल योगी योगयुगतन अनुसरे ॥ तेहिरूपके शुभचर-
 णको शुचिनामव्याख्या नृपसुनो । दिशिबामकेजे चरण पावन
 यज्ञमें तिन कहैं गुनो ॥ ते चरण हिंसात्मक सकाम अकाम
 क्रमसों जानिये । पद चारु दक्षिण ओर केते योगमें शुचि
 मारिये ॥ ते युग अहिंसात्मक सकाम अकाम अगिलोताहिहे ।
 हे करें आगे धर्म में अनुमानि अति मुदसोंन हे ॥ तहँयोग भा-
 वजसलिल पावक बीर्य हिलि मिलि फेनहवै । भे गिरत मुखते
 गोंदसम नहिं द्रवित दृढ़ तनकेन हवै ॥ ते पृथक् पृथक् सजीव
 बाहेर बारिसों फिरि भरत भे । तब अन्य मारुत बसि गगन
 मधि जाय घनकै चरत भे ॥ फिरि योग साधे वायु ब्राह्मण
 रूपगहि अति मोदसों । आत्मदरशी कइक वर्ष हजार ब्रह्म
 बिनोद सों ॥ फिरि अग्नि कीन्हें उग्रतप बहु जटी कै व्रत
 धारिकै । रहि मौन आत्महि दर्शि वर्ष हजार चारि विचारिकै ॥
 बर बरधि याको तेज द्वैधी भूत अध ऊरध बसे । दिव भूमि
 भूषित किये शुभमय कार्य कृत अनुपम लसे ॥ फिरि पुण्यमित्र
 सुजान दक्ष महान व्रतधरि तपत भे । इहि कइक वर्ष हजार

आत्मा निष्ठ ब्रह्महि जपत मे ॥ धरि जानु महिपै रविहि विधि
निधि नित्य नियमित तकलमे । जेहि रश्मिमें प्रतिबिम्बवत्
बहु नेत्र कै जग लखतमे ॥ तपकृत फल लहि यक्षसोई ख्या-
त धनद कुबेर हैं । गृह मध्य जाके रत्नगणके अनगिने बहुढेर
हैं ॥ बहुशीर्ष बासुकि मौन ब्रूतगहि उग्रतप बहु दिन किये ।
फिरि शेष तरु गहि अधोमुखरहि उग्रतामस ब्रूतलिये ॥ तब
गिरो मुखते भूमिपै विष कालकूट महागुनो । मे प्रगट ताते
जीव विषधर असु जहर जितने सुनो ॥ विधि किये तिनके श-
मन हित तब मंत्र न्यास बिधानसों । शुभगरुडदे बालक अपू-
रब ध्यानसह अनुमानसों ॥ तेहिजपे सहउपचार विषको दोष
तनते दुरत है । सों मंत्रन्यास महीप सुनु परभाव जाको फुरत
है ॥ मंत्रश्लोक ॥ गरुत्मान्विततैर्पक्षैर्नखाग्रैःसलिलंमही । समासह
स्वंसम्पूर्णंचूलाग्रेणावलम्बिना ॥ अथध्यानम् ॥ पर्णभारैश्चवि-
कचैर्विस्तीर्णैर्वसुधातले । रराजवसुधाचैवपर्णैर्वहुविचित्रितैः ॥
अथन्यासः ॥ ओंवाङ्गरुत्मान्हृदयायनमः । अंगुष्ठयोः ॥ ओंवि-
गरुत्मान्शिरसैस्वाहा । तर्क्यन्योः ॥ ओंगरुत्मान्शिखायैवषट् ।
मध्यमयोः ॥ ओंवैगरुत्मान्कवचायहुं । अनामिकयोः ॥ ओंवौ-
गरुत्मान्नेत्रत्रयायवौषट् । कनिष्ठयोः ॥ मंत्रः ॥ ओंबलाह्वःवषट्
इति ॥ ब्रह्मऋषिर्गायत्रीछंदःगरुत्मान्देवताविंवीजंहस्तशक्तिः
लंकीलंकविषनाशनेविनियोगः ॥ बोद्धा ॥ तपकीन्हें अत्युग्रफिरि
प्रभुहि ध्याइ हिमवान । पृथिवी कीन्हों उग्रतप दैबहुविधि ब-
सुदान ॥ एक सहस असु एक शत बीते वर्ष अमन्द । भई
सूर्य में लीनतब भूमि सुनो कुलचन्द ॥ जिमि अस्थूल शरीर
सों होति बारिमें लीन । तिमि सूक्ष्मतनसों मिली रविमेंसुनो
प्रवीन ॥ फिरि रविमण्डलते कदी कै सुरसरि शुचिधार । भ-
वहरिणि चारिणि त्रिपुर तारिणिप्रभा उदार ॥ सर्वात्मकता
योगते फिरि अभिरामा परम । ब्रह्म बदन शीला भई सरस्वती

में धर्म ॥ वेद वादिनी ईश्वरी सो करिकै अनुमान । निर्गुणप्र-
 भु अद्वैत को चाहि कियो गुणगान ॥ अलख अनिर्वचनीय
 गुण कहियो दुस्तर जानि । महत मोदमें मग्नकै भई मौन
 अनुमानि ॥ कहत भई तब द्वैत करि सुनो भूप यह रीति । तरु
 शाखा पै शशिहि जिमि दरशावत गहि नीति ॥ सरस्वतीसों
 उक्तसो शीक्षा देहीं ग्राहि । मुदमंगलमय मग्न नित हरत मन-
 नकरिताहि ॥ आपुबिष्णु बिष्णुत्वगहि लै बहुविधि अवतार ।
 रक्षत शीक्षत जननको ईद्वत सगुण बिहार ॥ अग्नि विप्र हवि
 आज्य बसु यज्ञ यज्ञकरतार । वेद वेद विधि देव प्रभु फल अरु
 भलदातार ॥ घनके प्रेरक श्रेष्ठगज घनजल उर्बी अन्न । दाता
 भोक्ता ईश प्रभु हैं सबमें सम्पन्न ॥ प्रभुते जीवन जीवते प्रभु
 इमि लेहु बिचारि । जिमि तरंगहै बारिते नहीं तरंगते बारि ॥
 घोरठा ॥ सुनि द्विजवरके बैन जनमेजय भूपतिकहे । कहिये मुनि
 तपएन तपकरिते फिरिका करे ॥ यह सुनि वैशम्पानि जनमे-
 जय नृपसों कहे । गुणहु भूप सुखदानि प्रणोत्तर यहि भांति सु-
 नि ॥ गौला ॥ यज्ञ आदिक कर्मकरिलहि स्वर्ग फिरि इत आय ।
 यज्ञकरि फिरि स्वर्गलहि फिरि आइ इत सुखदाय ॥ भांतियहि
 बहुवार कमसों उच्च उच्चस्थान । भोगि तेहि संस्कारते फिरि
 लहत उत्तमज्ञान ॥ योग यज्ञ महानको फिरि कहत साधन
 चेति । यज्ञ योग विधानको फिरि करन वरजुन हेति ॥ सिद्धि
 जयवर लहे लरि तम दैत्य सों सहसैन । कहे जेहि विधि पूर्व
 तेहि विधि जानियो गुणएन ॥ दोहा ॥ फिरि नृप मुनिवरसों कहे
 सुनि सुवचन मुनि उक्त । यज्ञ योग रत जेन ते होत भांति केहि
 मुक्त ॥ घोरठा ॥ यह सुनि वैशम्पानि पांडव कुलपति सों कहे ।
 जनमेजय सुखदानि प्रणोत्तर सुनिथे सरुचि ॥ होत जीवते
 मुक्त बिष्णु भक्त जे धर्मरत । हैं श्रुति स्मृतिमें उक्त नहिं यहि
 बिनु सो योग करि ॥ जयकरी ॥ धर्मासीन नीति रत भूप । शी-

क्षत प्रजन उचित अनुरूप ॥ तब नहिं धर्म शीलजे अङ्कि ।
 होत धर्मरत तेऊ शङ्कि ॥ बेन नृपतिकहैं शीक्षत भूमि । रहो
 अधर्म चहुंदिशि घूमि ॥ ऋषिन सहित सब विधि सबिवेक ।
 पृथुकहैं किये राज्य अभिषेक ॥ तासोंहवै शीक्षित गहि धर्म ।
 करन लागे सबप्रजा सुकर्म ॥ त्रेता में पृथुकहैं पतिपाय । बिल-
 सत भये प्रजा गहि चाय ॥ लागे करन स्वरुचि सों योग । ब्रह्म
 चिन्तवन में कृत भोग ॥ पायकछू दिनमें गति वृद्धि । क्षुधा
 पिपासा बर्जनि सिद्धि ॥ इतनेहीमें गर्विसमोद । हटके तेंभटके
 चहुंकोद ॥ जेदढ़करि यह रहे विचार । यहदिनप्राप्त बसन्तउ-
 दार ॥ योगबृक्ष बर ब्राह्मण फूल । को इहिगुण परिमलअनु-
 कूल ॥ प्राप्त भयो इतो उत्कर्षि । सिद्धि सुफललहि कितनो
 हर्षि ॥ होइहि इमि मतिमत अनुमानि । किये विचार योगगु-
 रुजानि ॥ अन्तष्करण वारिनिधि ताहि । मथि विवेक मन्दरसों
 चाहि ॥ कादिसोम रस अमृत सनेम । कीजै निशिदिनपानस-
 प्रेम ॥ यहगुणिकै तेदढ़व्रतधारि । सोविधिलागे करनविचारि ॥
 दोहा ॥ प्राणायामादिक करणि सो करिथके उपाय । नहिंविवे-
 क मन्दरउठो भे विस्मित श्रमपाय ॥ ध्यानधारि तब दीनहवै
 कहे ईश्वरहि वन्दि । करो कार्ययह सिद्धि प्रभु करुणासागर
 नन्दि ॥ गेजा ॥ मानि सो करुणायतन दै ताहि निर्मल ज्ञान ।
 गिरा व्याहति सो कराये तासु हियइमि भान ॥ सुमनजे इंद्री
 नके लै तिन्हें संग सहाय । कार्य करिये सिद्धि रहि चैतन्य द-
 ढताछाय ॥ तम दइत्य रजदनुजभे तब संग लगत अक्षोभ ।
 करो कारयसिद्धिगौरव गहि अमृतको लोभ ॥ सुरअसुर येतौ
 न मन्दर मन समुद्रमेंडारि । किये मंथन दण्ड दमहि विचारि
 अहि गुणधारि ॥ मथे बहु नहिं लहे तबहवै शमितकरि अनु-
 मान । सत्य विष्णुहि पार्थि लहि वैराग्य बलसुखदान ॥ मथे
 फिरितब कड़ेआरोग्यत्व वैद महान । योगविधिके स्थान मथु

माति आदि मध्य विधान ॥ वेद विद्या मूर्ति श्रीमणि प्रभाशशि
 अहलाद । दूरदरशन श्रवण गुण ऐश्वर्य्य हय तेहि बाद ॥
 दिव्यसौरभ घ्राण पार्थिव भूमिसों परिजात । विशद बाकनि
 सिद्धिभल अनुपम शंख बिभात ॥ सर्वईच्छित करन शक्ति सु-
 धेनु सुनिये भूप । तदनुप्रकटित भयो शुचि कैवल्य अमृत अ-
 नूप ॥ ताहि लहिकै जीव सुरपतिभये मोदित परम । कहतहैं इमि
 वेदविद सब सुनहु पालक धर्म ॥ योगविधिकी सिद्धसुनि फिरि
 कहत भे क्षितिपाल । तमस रजमय यज्ञकर गति लहत कौन
 विशाल ॥ कहे मुनिते राज्य भोगत शुचि सुकुलमें जाय । कै
 सुद्विज हवै योगकरिकै होत मुक्त सचाय ॥ बोह ॥ तमरज चे-
 ष्टित निज जननि करिरज तमसों मुक्त । तारणगाणि प्रभु क-
 रत हैं जिमि बलिकी विधि उक्त ॥ रजतम बेष्टित दक्षकहैं दै-
 कै सांभव दण्ड । जिमि कीन्हें प्रभु सत्यमय तिमि हे नृपति
 उदण्ड ॥ निज तनको करि द्विधा शिव आधे तनसों चारु ।
 भेनन्दीश्वर उग्रबपु बरद विशाल उदारु ॥ सोरठा ॥ नन्दिहि
 आदिक सर्व गणलै सँग बहुभांति को । जबकीन्हें प्रभु सर्व
 मख बिध्वंसन दक्षको ॥ तेहि क्षण हाहाकार यज्ञ भूमिमें मच-
 तभो । सबको हिय बिकरार भूरि भीति सों रचतभो ॥ चोपाई ॥
 पात्र श्रुवाअरु यूपसों हारा । मंडपतोरण जिते बनारा ॥ तिन्हें
 तोरिगण दूरि बहाये । डारिवारि त्रय अग्नि बुताये ॥ मोदित
 हविष द्रव्य लै खाये । आज्य पान करि इतउत धाये ॥ हिये
 सोम पशुबध करिचोपे । प्रलयकार बहु भांतिअरोपे ॥ बिभि-
 दित मुमुचि लुलुपितेदेखी । सकलसाज तहैं मखअति तेखी ॥
 रूपवान हवै घनसम गरजे । मख बिध्वंसि कारकन तरजे ॥ तब
 शिवजानु भूमिपैलाई । हवै सरोष कोदण्ड चढ़ाई ॥ मारे बाण
 तासुतन माहीं । तब मख भागिगयो विधि पाहीं ॥ मृगा रूप
 अति भयसों छायो । पाहिपाहि इमि बचन सुनायो ॥ परमारत

बाणी यह सुनिकै । धीरज ताहि दिये विधिगुनिकै । तजहुशो-
च अब नहिं भयतुमको । सुनहु यज्ञतुम अति प्रिय हमको ॥
इमि मृगरूपधरे अब बिलसौ । हवै मृगशिर नक्षत्रव्युति सर-
सौ ॥ तारन सहित सोमके सँगमें । चरहु सदा विधुमधिसत
मगमें । विधिपै जात मृगा के क्षतते । शोणित धारगिरो इत
उतते ॥ सोई इन्द्र धनुष हैं जानो । कामरूप बहुरंग अनुमा-
नो ॥ महिते प्रकटि गगन मधिजाई । लीनहोइ निजतन दर-
शाई ॥ दोहा ॥ ज्ञानाधिष्ठित देवशिव हनत भये जब देखि ।
धर्मप्रभव शुभ कर्ममख कह इमि अतिशयतेखि ॥ धर्माधिपति
सुविष्णुनव लै करमेंधनुवान । युद्ध करनकोमे खरे सुनों भूप
मतिमान ॥ लखि शिवमारे विष्णुकहुँवाणमहान अमान । वि-
ष्णुहनतमे शम्भुकहुँशरशोषकअरिप्रान ॥ तवशङ्करकेकंठमें
भूपटि लपटिगेविष्णु । नीलकण्ठतातेभये रुद्रसुनहुनरजिष्णु ॥
तबते सुनेगगन वचन सिद्ध गणनसों युक्ति । नमो सनातन
जाहि भजि होत जीवसब मुक्ति ॥ लपटो शिवके कंठमें विष्णु-
हि लखिकरिकोप । धनुउठायमारन चहे हेहेपौरवगोप ॥ हँसि
लखि नन्दिहि विष्णु तब कीन्हें स्तम्भीभूत । रहे मिलत गुरु
शृंगसम ऊरध बाहें पूत ॥ ज्ञानधर्म के देवफिरि हिलि मिलि
भये सप्रेम । यज्ञभागवर शम्भुकहुँ दीन्हेंविष्णुसनेम ॥ बोरठा ॥
लहे यज्ञफल दक्ष लहि सहाय प्रभु विष्णुकी । कानलहैकोदक्ष
सुनि गुणिकीर्ति सहिष्णुकी ॥ योगयज्ञमें तत्व पुष्कर प्रादुर्भा-
वशुचि । सुनिगुणि लहि गुरुतत्व लहिहै उत्तमपद सरुचि ॥
पुष्करप्रादुर्भावशुभ अविशुचि अध्यायवर । सुनि गुणियाको
भाव जेबूझैं ते धन्यनर ॥

इति श्रीहरिवंशदर्पणपुष्करप्रादुर्भाववर्णनोनामत्रयस्त्रिंशोऽध्यायः ३३ ॥

जनमेजयउवाच ॥ दोहा ॥ अबमुनि तू वाराहको प्रादुर्भाव स-
हान । कीर्ति किया करकी करौ कीर्तन सहित विधान ॥ सुनि

बैशम्पायन कहे सुनिये नृपति सुजान । पावन करनि बराह
 की भावनकथा विधान ॥ चौपाई ॥ सहस चौकड़ी दिनके बीते ।
 विधिको दिन प्रमाणसों रीते ॥ तब प्रभुअग्नि बायु रविद्वैकै ।
 सर्वलोक कौतुकसम गवैकै ॥ सानँद लीन आपु मय करिकै ।
 बरब्रह्माण्ड बारिसों भरिकै ॥ निद्रारूप रमहि निजतनमें । फे-
 रिसुचित सोवै प्रभु बनमें ॥ ऋषिसुरतासु अन्त नहिं पावै ।
 ताते तेहि अनन्त कहिगावै ॥ निर्गुण परब्रह्म कहिकूजै । प्रादु-
 र्भाव रूपलखिपूजै ॥ कोटिनयुवा सूर्यसमधामी । सहसचौकड़ी
 युग मितिस्वामी ॥ सोय जागिकरि कौतुक भावन । प्रगटित
 करै अंडबरपावन ॥ ताते रचै लोक बहुविधिके । विधिवतपृथ-
 क्पृथक् बहुरिधिके ॥ अण्ड हिरण्मय भेदित कीन्हें । दशधा
 दिशाव्यक्त करिदीन्हें ॥ जिते अण्डके सकल सोहावन । तेभे
 मेघ बारिवरसावन ॥ ऊरधभाग अण्डकोताते । कनजल चुत
 भो भरो प्रभाते ॥ सो भो कनकमयो गिरिअद्भुत । अतिउन्नत
 बिस्तरित प्रभायुत ॥ अधकनजलभे प्रगटित जेते । ठौर ठौर
 सब गिरिभे तेते ॥ तिनको भारिभार समतरणी । भई अशक्त
 धरणकहँ धरणी ॥ दुसहभार ते ऊबनलागी । जल प्रवाहमधि
 डूबनलागी ॥ दोहा ॥ तब प्रभुकी अस्तुतिकरी कै आरत कर-
 जोरि । सुनि लखि प्रभु करुणाउदधि करिकै कृपा अथोरि ॥
 कहे भूमिमति शंकुमो स्वस्थ करत हौं तोहि । सो सुनि महि
 साहसलई कृपा ईशकी जोहि ॥ घोरठा ॥ इमि कहि ईशविचारि
 भूसों कृतभूभृत भरण । बपुबराह को धारि शोभितभे जनदुख
 हरण ॥ चौपाई ॥ शत योजन उन्नतअति अनुपम । दशयोजन
 बिस्तरित शुभदसम ॥ वेद चरण क्रतुदशन सोहाये । यूपडाढ़
 ऊरध छवि छाये ॥ रसना अग्नि रोमकुश जानो । निशिदिन
 नेत्र अनुपममानो ॥ श्रुति वेदांग अभूषणगाये । आज्यनाक
 खुवतुण्ड कहाये ॥ पशुउरुण सबरा उदगाता । होमलिंगफ-

लबीज सुघ्राता ॥ पगअन्तर मन्तर अनुमानो । शोणितसोम
गन्धहविजानो ॥ वेदीगन्ध कहैं श्रुतिज्ञाता । हृदयदक्षिणाआ-
नैद दाता ॥ रदछद उपाकर्म मनभावन । कुण्डनाभि आवर्तक
पावन ॥ शुभगति नानाछन्द बिरूयाता । आसनगुह्यप निषद
सोहाता ॥ सदञ्जाया पत्नी सहचारी । मख बाराह विशदव्रत
धारी ॥ कै अधमहि सुदांत पै धरिकै । धरणिहि फिरि ऊरध
गति करिकै ॥ जलपर गुरु नौका समराखे । तव महिभाग
करन अभिलाखे ॥ शैलनदी चहुँदिशिमें निरमै । सुरनर मृगं
पक्षी जेहि बिरमै ॥ चहुँ दिशि समुद अन्तधरणीके । कियेअ-
गाध अगम अति नीके ॥ मधिमें मेरु स्वर्णमें कल्पित । की-
न्हें अनुपम प्रभा अनल्पित ॥ शैलकन्धवर चहुँ दिशिताके ।
निरमितकीन्हें पूरप्रभाके ॥ दोहा ॥ उदयाचल बररचतभेतदनु
पूर्व दिशिजाय । शतयोजन बिस्तरित अरु तासु त्रिगुण गुरु
काय ॥ शैल सोमनस दुतियतहँ फिरि बिरचे कमनीय । ऊंचो
योजन साठिको मणिमय अति रमणीय ॥ श्रावणकी संध्यास-
दृश सहस शृंगवत तौन । बिश्वसृजै तापै किये रुचिसोंअपनो
भौन ॥ शिशिरशैलतहँ फिरिरचे समतुषारके धौल । शिशिर
प्रभावा नदी तहँ रचे प्रभावअतौल ॥ फिरि दक्षिणदिशिजाय
प्रभु बपुष्मंत गिरितौन । बिरचे सरस सिकान्तिहै एक एक
दिशितौन ॥ भानुमन्तगिरि फिरिरचेअतिउन्नतवरफैल । कुंजर
निभफिरिरचतभे उन्नतकुंजरशैल ॥ ऋषभशैल फिरितहँरचे
कादरकन्दरचारु । अरु महेन्द्रशैलेन्द्रतहँ बिरचेउच्चउदारु ॥
मलयशैल मैनाक अरु पर्वतबिन्ध्यमहान । सरिता चारु पयो-
धरा बिरचे सहित बिधान ॥ फिरि पश्चिमदिशि जाय प्रभु
गिरिवर साठि हजार । कंचन मणिगणसों रचित बिरचे प्रभा
अपार ॥ कीन्हें तिनमें श्रेष्ठप्रभु गिरि सहस्र जलधार । ऊंचो
अरु बिस्तरितयो योजन साठि हजार ॥ इतनोई मितितहँरचे

निज रूपोपम बेश । गिरि बराह मणिमें विशद पावन करन
 सुभेश ॥ चक्रवन्त गिरितहँ रचे चक्रवन्त अभिराम । शङ्खव-
 न्त गिरि फिरिरचे शङ्खसदृश छबिधाम ॥ घृतधारा शुभदा
 नदी रचिचितपावनरूप । उत्तरदिशि फिरिजातमे प्रभुवाराह
 अनूप ॥ सौम्यनाम गिरि तहँरचे सूर्यह प्रभु यहिभांति । सू-
 र्योबिन उद्योत तिहि जासु कांतिकी पांति ॥ सुगिरि गन्धमा-
 दन रचे अरु मन्दर सहनेह । जम्बु जाम्बूनद भई तहँ बिरचे
 छबिगेह ॥ त्रिशिखर गिरि पुष्करशयल शुभ शुभद कैलास ।
 अरु हिमवान नरेशये उत्तरदिशि छबिरास ॥ सिंगरे शैल स्व-
 पक्षये निरमित करि मनमान । मधुधारा सरितारचे उत्तरदि-
 शिशुभदान ॥ सोरठा ॥ सरित शैल यहिभांति निरमित करि
 बाराहप्रभु । करतभये मयकान्ति परजोत्पतिकी भावना ॥ रौला ॥
 भावनाको करत प्रभुके बदनते तेहियाम । प्रकटमे भूभरण ब्र-
 ह्मा परमआनंदधाम ॥ प्रगट कै सो पुरुषप्रभु बाराहसों सह
 नेहु । कहेसोमैं करहु प्रभुतुम जौन आज्ञादेहु ॥ बिभजआत्मा
 भाषि इमि प्रभु भये अन्तर्धान । कहे इनसों करी किमि इमि
 बिधिहि सो अनुमान ॥ भये चिन्तित कटो बिधिके बदनते
 ओंकार । भूमि नभ सभ दिशनि पूरो जासु परम पसार ॥ अ-
 भ्यषत तेहिबढो हियते बषट्कार महान । फेरि प्रगटित भये
 व्याहति सुनोनृप मतिमान ॥ चतुर्विंशाक्षरा जननी वेदकी अ-
 भिराम । भई गायत्री प्रगट फिरि सरस दायक काम ॥ भये
 मनते प्रगट बिधिपुनि सनक सनकुउदार । अरु सनातन अरु
 सनन्दन कपिल सनत्कुमार ॥ फेरि बिधिसुत किये प्रकट मरीचि
 आदिक आठ । अत्रिपुलह पुलस्त्य क्रतुभृगु अंगिरसमनुपाठ ॥
 भये इनते प्रजा प्रगटित परम शुचिकृत वंस । वेदविद तपपुंज
 व्रतभृत धर्म धरण प्रशंस ॥ फेरि बिधिके चरण दक्षिणको अँ-
 गुष्ठ ललाम । भये ताते दक्ष अरु तिमि वामते ताबाम ॥ भई

तिनकी कन्यकनसों प्रकट बहुविधि सृष्टि । कहेसो बहुवार तैसे जानियो शुचि दृष्टि ॥ कल्प कल्पनि होहिं प्रगटित पुरुष तेई आय । भेदनाम स्थानको बसकर्म कछु कछु पाय ॥ कियेफिरि विधिबर्ग बर्गनि अधिप करि अभिषेक । कहेसो जिमि आदि में तिमि जानियो सबिवेक ॥ सविधि लहि अभिषेक विधि सो अरु यथाविधि लोक । सकल बिहरन लगेसगण सुधारि निज निज ओक ॥ एक दिवसै पक्ष पर्वत दिशा प्राचीजाय । दैत्यराज हिरण्यअक्षहि सों कहे समुभाय ॥ इन्द्रअदितिज भोगवत कत तीनलोक विशाल । एकपुरलहि देखि कततुम रहेहितज कराल ॥ बोहा ॥ हिरण्याक्ष यह वचनसुनि करि अति दीरघ कोप । तीनिलोक बसिलेनको गहत भयो गुरुचोप ॥ साजिसेन चतुरंगिनी दैयत मई कराल । गरजि इन्द्रपै चलतभो फेरि निशान विशाल ॥ चौपाई ॥ विविध भांतिके आयुध धारे । बल कत चले बीर मतवारे ॥ गज रथ हय खर ऊंटन चढ़ि चढ़ि । चले बीर अति रिससों बढ़ि बढ़ि ॥ बरणेबीर असंख्यप्रदाती । चले उमँगि परदलके घाती ॥ हिरण्याक्ष अधिपति कहँ घेरे । बढे बीर रससों मन मेरे ॥ सुनाशीर तब यह सुधि पाये । सुरन सहित चढ़ि सन्मुखआये ॥ लागेचलन शस्त्र दुहुं दिशिसों । बलकन लगे बीर भरि रिससों ॥ गरजि गरजि भट डाटन लागे । बाणनसों भट काटन लागे ॥ शरधनुकड़े कितेभटडोलैं । कितने शस्त्रबाहिजै बोलैं ॥ कितने शस्त्र शस्त्रसों काटैं । किते बीर पिलि सन्मुख डाटैं ॥ विरथ विधनु कै किते परस्पर । बाहु युद्ध भिरि करैं सुभट बर ॥ हिरण्याक्ष सहसाक्षहि देखी । बाण दृष्टि कीन्हैसि अतितेखी ॥ शरपंजर चहुंदिशि करि दीन्ही । रतम्भीभूत सुरपतिहि कीन्ही ॥ भे अप्रपन्न विकल सुर सिगरे । मोदित भयेदैत्य मतिविगरे ॥ सुरसुरपतिहि संहारि निहारी । करुणासिन्धु दयो हिय धारी ॥ निरमित हे बराह गिरि

जोई । आयोतहँ बराह बनि सोई ॥ शङ्ख चक्ररविशाशि सम
लीन्हे । बपुष्मन्त गिरि सम छवि कीन्हे ॥ आय चमूढिग श-
ङ्खबजाये । श्वनसुनि असुर महत भय पाये ॥ दोहा ॥ हिरण्याक्ष
सो शब्द सुनि चौंकि लखतभो तत्र । को यह कहि क्रोधित
चलो हे बराहप्रभु यत्र ॥ सर्व असुर इकवार भुकि मारे शस्त्र
अनेक । यथा बारिकन शैलपै तिमिते भये सटेक ॥ घोरठा ॥
हिरण्याक्ष तबतेखि मारी शक्ति अमोघ अति । व्यर्थ भयोतेहि
देखि साधुसाधु बिधि कहत भे ॥ जयकरी ॥ तब बराह प्रभु चक्र
कराल । सो कांटे शिर तासु विशाल ॥ भिन्न शृंगगिरि सम
गुरु काय । परोभूमि पै दैयत राय ॥ बसु दिशि भागि असुर
तजि चाय । उर शिर ताड़त करिहाहाय ॥ जय जयकहे सुमन
हरषाय । बन्धन मोचे प्रभु सुखदाय ॥ तब बराहसों सुरसुर
नाथ । कीन्हें बिनयजोरि युग हाथ ॥ करि अनुकम्पा तुमभग-
वान । कीन्हें मम रक्षण सुखदान ॥ यम मुखगत समहे हम
सर्व । मोचे तुम प्रभु ईश अखर्ब ॥ अबअनुशासन दीजै जौना
हम सब दास करें तिमितौन ॥ पुण्डरीक चख सुनि यह बैन ।
कहे सुनो सुर सुरप सचैन ॥ पूर्व लहे जो जो अधिकार । सो
सो पालत नेक उदार ॥ दै निदेश मम सुरपतिशौर । कीजो
नीति सहित करि गौर ॥ यज्ञ धर्म व्रत तप जप दान । कृतसु-
करम रत जेमतिमान ॥ सत्वशूर रण शूर अडोल । उपकारक
बक्ता सति बोल ॥ शुचिदाया दिहि दये अभिराम । नव सा-
धन साधन कृतआम ॥ निजपत्नी ब्रत धूत जेशूर । आश्रम
धर्मशील गुणपूर ॥ पुरुषअहिंसकजे दृढ़ नेम । इनकहँदीजो
स्वर्गसप्रेम ॥ दोहा ॥ जेनास्तीकअधर्मरतकामी धूर्त मलीन ।
तिन्हें कीजियो नरकगत सुनि ममसीख प्रवीन ॥ इमि कहिकै
बाराहप्रभुभेतहँअन्तर्द्धान । निजनिजपददिगपालगे सुरपुरसुर
मधवान ॥ तबसुरपति सब गिरिनकहँ करि करि यथा प्रदेश ।

पक्षकाटि कीन्हें अचल सुनिये नृपति शुभेश ॥ सम्मत सों सु-
रगणनके सत्वर सिन्धुसमाय । अति चातुर मैनाक गिरिरह्यो
सपक्ष सचाय ॥ सोरठा ॥ प्रादुर्भाव अमन्द यह श्रीप्रभु बाराह
को । पढ़ि नरपरम अनन्द बांछितलहि इतहुं उतहुं ॥

इति श्रीहरिवंशदर्पणे बाराहप्रादुर्भाववर्णनो नाम चतुस्त्रिंशोऽध्यायः ३४ ॥

दोहा ॥ प्रादुर्भाव नृसिंहको अवसुनिये क्षितिपाल । पावनकर
अभिराम जो दैयतकुलको काल ॥ लोमर ॥ शुभसत्ययुगमें आमा
जुहिरण्य कश्यपनाम ॥ खलदैत्यवरबलधाम । तपकियो अति
अभिराम ॥ दोहा ॥ सहस्र इग्यारह पांच शत वर्ष निरम्बु वि-
धान । तपत देखिबिधि आइतहुं कह्यो मांगु बरदान ॥ चौपाई ॥
कैमोदित तेई बरमांगा । सब जग जीतन के पनपागा ॥ देव
असुर गन्धर्व कहाये । किन्नर यक्ष पिशाच गनाये ॥ अरु म-
नुष्य ऋषि तप बलभारे । करता जितने रूप सँवारे ॥ मैं न
मरौं प्रभु इनके मारे । नहिनिशिनहिं दिन शस्त्रप्रहारे ॥ अस्त्र
भेद अरु पर्वत भारी । तिनसों सकैन मोहिं कोउमारी ॥ सूखे
वोदे आयुध जेते । सोपै व्यर्थ होहिं सब तेते ॥ इनते इतरनि-
शायुध आवै । करै पराक्रम जो वहिभावै ॥ सो सुनि एवमस्तु
कहि बेधा । सुर सेवित गेस्वर्ग सुमेधा ॥ बर प्रभाव अतिउग्र
निरेखी । सुरनकह्यो विधिसों भयभेखी ॥ प्रभुतुमवरदीन्हे जिमि
वाको । निर्मित मृत्युकरहुतिमि ताको ॥ सुनि प्रभु कहा सुनो
सबकोई । तपप्रभावनहिं मिथ्याहोई ॥ तपफल भोगि गर्भहिय
भारे । मरिहि बिष्णु सों उदर बिदारे ॥ सुनि सुरगण निज
निज गृहजाई । बसेधीर धरि शोच गँवाई ॥ कैहिरण्यकश्यप
बहु भारी । तीनिलोक जीतेसि पनधारी ॥ सुर ऋषि कहँपद
च्युत करि दीन्हे । यज्ञभाग भुज असुरन कीन्हे । तब सुर गये
बिष्णुपै धाये । आरत कै निज ब्यथा सुनाये ॥ प्रभुसुरगण कहँ
साहस दीन्हे । ताबध करिबे कोपन लीन्हे ॥ दोहा ॥ तब प्रभु

सुरन विसर्जि कै हिमवत शैल प्रपन्न । अनुत्पन्न नरसिंहको
 वपु कीन्है उत्पन्न ॥ तेजपुंज अति उग्र वपु नारसिंह अभिरामा
 जायलखे दैत्येशको सुन्दर उन्नतधाम ॥ लम्बो योजन डेढ़-
 शत शतयोजनको व्याम । ऊंचो योजन पांच हो तासु सभा-
 गृह आम ॥ बहु रंगनके रत्नसों बहुविधिरचित अनूप । वि-
 श्वकर्माके करनिसों तासु विभव अनुरूप ॥ तरु गुल्मनि अस
 उपवननि सों अतिशय रमनीय । कुसुमसरोवर विहंग गण
 सों मनहर कमनीय ॥ जरबीले बसनानिसों छादित यथाप्र-
 देश । उन्नत अनुपम ध्वजनसों शोभित सरस शुभेश ॥ ना-
 नाविधिके शस्त्रधर छरीदार बलधाम । भृत्य असंख्य खरेजहां
 करें महत इतमाम ॥ सोरठा ॥ सिंहासन अतिकाम हस्तचारि
 शतको विशद । तापै बैठे आम जोहिरण्यकश्यप असुर ॥ रीना ॥
 कुण्डलादिक सर्व भूषण धरे अति रमनीय । दीर्घ मणि में
 श्याम गिरिसम लसत अति कमनीय ॥ अमरकिन्नरयक्ष तु-
 म्बुरसुमुनि द्विजवर सर्व । खरेसेवें तहां ताकहँ गुह्य कौगन्धर्व ॥
 सौरभेयी मिश्रकेशी समीचीगुण ग्राम । चित्रसेनासेनका उर्व
 शी रम्भाबाम ॥ चारुविश्वाची घृताची अप्सरा बहुसंग । गा-
 ननृत्यविधान करितहँ करे अद्भुतरंग ॥ प्रियासहसन तियाता-
 की तासु बैठी पास । मद्यकीन्है पान करत सहास विविधविलास ॥
 बलिविरोचन नरकपृथिवीविप्रचितगर्विष्ठ । क्रोधहन्ता श्वन अ-
 हन्ता सुमनकथनवरिष्ठ ॥ संह्राद अरु प्रह्लाद आदिक असुर ब-
 हुसरदार । उग्रतपकरिलहे वरणे सत्व अगम अपार ॥ तिन्हें स-
 हितसगर्वराजत दैत्यपति गुरुयत्र । लखेश्रीनरसिंह प्रभुतिहि
 जायसन्मुखतत्र ॥ दोहा ॥ गुप्तभस्ममें अनलसम वपु नृसिंहमें गु-
 त्त । प्रभुहि देखि दैत्यतनको भयो गर्व बललुप्त ॥ तकि बिस्मित से
 चकित हवै कहै सकल भयपूरि । सुनेन ऐसो आजु लोमृगपति ब-
 चसभूरि ॥ लखिनृसिंह प्रभु कहँ कहै निजपितुसों प्रह्लाद । सह

अस्तुति मृगपतिहि लखि तजौगर्व अहलाद ॥ सोरठा ॥ यहि
मृगपति कहँ योहिं ज्ञानदृष्टि ते निरखिगुनि । जानिपरो यह
मोहिंयेअव्ययअव्यक्तप्रभु ॥ दैयत कुलकोनास करनहेत अ-
द्भुतसुतनु । गहि कृत विशद बिलास इतआये निश्चयगुनो ॥
दोहा ॥ यहि मृगपतिके देहमें बिधिहरि आदिकदेव । तीनिलोक
ब्रह्मांडवर निरखौपरै सुमेव ॥ इमिकहिकै प्रह्लादकै भक्तिनदी में
मग्न । ध्यानधारि प्रभुव्यक्तको थिरकैरहे अभग्न ॥ सोरठा ॥
सुनि दैयत पति चाहि कहत भयो इमि भटनसों । जियतलेहु
गहियाहि कैशस्त्रनसों बध करो ॥ चोपाई ॥ दैत्याधिपको शासन
सुनिकै । उठि भट प्रबल मृगपतिहिं गुनिकै ॥ विदित वीर दै-
यत जेजेहे । तेऊ निकटनजायसके हे ॥ तब बर अस्त्र प्रहारन
लागे । लाखन भट अमरषसों पागे ॥ प्रभुपैअस्त्रपरे सबएसे ।
गिरिपै बूंद मघाके जैसे ॥ तब प्रभु कालमेघसम गरजे । भागे
डरि दैयत भट बरजे ॥ टुटसुभटनको भागतदेखी । धीर हिर-
ण्यकशिपु अति तेखी ॥ उठिकै आपु गर्वसोंपागो । दिव्यास्त्र
नसों मारनलागो ॥ मुद्गर मुशल दण्ड अतिघोरा । शूल श-
क्ति ब्रह्मास्त्र कठोरा ॥ शैशिर येशिक ऐंद्रअस्त्रबर । क्रौंचरौद्र
कंकाल प्राणहर ॥ ह्यशिर अस्त्र ब्रह्मशिर भारी । अरु बाय-
व्य अस्त्र दलदारी ॥ अरु आग्नेय अस्त्र दल दाहक । अस्त्र
प्रजन्य प्राणको गाहक ॥ अरुपैशचअस्त्र जय दायक । अरु
सोमास्त्र जीतिबेलायक ॥ मोहन शोषन दर्पण तापन । अरु
गान्धर्व अस्त्र प्रस्वापन ॥ संबर्तन प्रमथन अरुवारुण । पातन
अस्त्रपाशुपत दारुण ॥ सार्प्य कपाल अस्त्रभवव्यापन । अश-
नि और त्वष्टास्त्र समापन ॥ कालचक्र ऋषिबक्र कराला । अरु
पैतामह चक्र विशाला ॥ दोहा ॥ विष्णुचक्र अत्युग्रअरु धर्म
चक्रअतिघोर । महाचक्र अरिदलदरुण रौद्रव चक्रकठोर ॥
इतने अस्त्र अमोघसों मारत भयो अमान । तेप्रभुके ढिग जा-

इमे तृणअरु तूल समान ॥ अस्त्रअसंख्य हने बहुरि दैत्यत यू-
थअनेक । प्रभुके तनकोपरसनहिं करत भयेते एक ॥ शस्त्र जाल
लहरिन कहर जल निधिसदृश महान । तामधि लसे नृसिंह
प्रभु गिरि मैनाकसमान ॥ चोखा ॥ दैत्याधिप तब देखि छांड़
सि शक्ति अमोघ अति । प्रभु नृसिंह तेहि देखि द्वैकीन्हे हुंका-
रसों ॥ चौपाई ॥ तब सब असुर गगन माधिजाई । बर्षत भये
शिला सुखदाई ॥ प्रभु तन पराशि शिला सम्पूरण । इत उत
गिरत भये कै चूरण ॥ तबते मायाबी हियधरषे । अबिच्छिन्न
धारा जलवरषे ॥ छीटपरीनहिं प्रभुकेतनमें । गयो बारिभरि
तासुसदनमें ॥ तबते दैत्य यूथ गुरुकाया । कीन्हे अग्नि वायु-
कीमाया ॥ छाइलये तेसब दिशन को । परसे नहिं नृसिंह के
तनको ॥ लहिसुरेशकी आज्ञाआये । मेघवर्षि सो अग्निबुताये ॥
तबते तामसि मायाकीन्हे । दशदिशिअन्धकार मढ़ि दीन्हे ॥
प्रभुनिज बर्चस सों तम नाशे । कैरवि समसब दिशा प्रकाशे ॥
माया व्यर्थ भये दैत्येशा । करत भयो अति कोप कुमेशा ॥
कीन्हे कोपदैत्यपति जबहीं । मारुत सप्तक्षुभितभे तबहीं ॥ आ-
वह बिहव प्रबह अरु सम्बह । और परावहपरिवहउदसंबह ॥
अशकुन सकल भयेतेहिक्षणमें । सोलखिशोचि असुरपति म-
नमें ॥ निज गुरुसों बुझे तेहि ठाई । कहिये शकुन प्रभाव गो-
साई ॥ कहे शुक्र जहँ ऐसो होई । मरै तहां को अधिपति
सोई ॥ इमिकहि शुक्रविदाकै तासों । निज निकेतगे भरे प्रभा
सों ॥ दोहा ॥ हिरण्यकाशिपु गुणि घरिकलों कोपिगदालैपानि ।
चलत भयो नरसिंहपै गर्व हिये में आनि ॥ चलो गदा लै द-
पटिजब दैत्याधिपति सगर्व । कम्पितभे तब गिरिमही सरिता
सागर सर्व ॥ साध्य विश्व आदित्यबसु सुमन मरुततहँ आय ।
अन्तरिक्ष रहि कहतभे प्रभु सों आनँददाय ॥ चोखा ॥ याको
मारनहार नहिं तुमते कोउ आन प्रभु । करिये अब संहार शीघ्र

दुष्टखल असुरको ॥ चौपाई ॥ सुनिनृसिंहप्रभुकोपितइपिकै । काल
मेघसम गरजि भरपिकै ॥ नव अमोघ आयुध बिस्तारे । उर
हिरण्यकश्यपको फारे ॥ बज्र प्रहारित भिन्न अचलसो । परो
भूमि पै असुर प्रबलसो ॥ कढ़त भई शोणितकी सरिता ।
बुदबुद यादवती मणि चरिता ॥ भगे असुरगण सुरगणहरषो
जयजयटेरि सुमन शुचि बरषे ॥ करिकरि अस्तुति सुरगणबोले ।
सानंद पूरित प्रेम अतोले ॥ प्रभु तुम यह नृसिंह बपुधारी ।
सुरमुनि गणकहैं किये सुखारी ॥ प्रतियुग यह अपूर्व बपुध्याई ।
सब मुद लहिहैं बांछितपाई ॥ तदनु बिरंचि मोद अतिलीन्हे ।
प्रभु नृसिंहकी अस्तुति कीन्हे ॥ सांख्ययोग तत्त्वज्ञ सुज्ञानी ।
वेदोद्भव विद्यायुत ध्यानी ॥ मोदैं तव सहिमा कछु जानी । क-
हि न पार पावैं अनुमानी ॥ तैजस बिश्व प्राज्ञ तुरिया शुचि ।
धर्म मूर्ति तुमईश यथारुचि ॥ परमदेव परसिद्ध प्रसिद्धि हो ।
परम मंत्र मम पर पर रिधिहो ॥ परम रहस्य परम बरवानी ।
तुमहिं परम गति भाषहिं ज्ञानी ॥ परमधर्म तुमकहैं मुनिगावैं ।
परम धर्म तत्त्वज्ञ बतावैं । परम तेज तुम तुम जग करता । तुम
कारण कारय मुद भरता ॥ दोहा ॥ तुम पुरुषोत्तम परम प्रभु
तुम परसों परज्ञान । तुम परसों परतत्त्वहौ निर्गुणपुरुष पुरान ॥
इमि अस्तुति करि विधिगये लहि आनंद निजलोक । करि प्र-
णाम मेदित गये सुरगण निज निजओक ॥ उत्तर तट क्षीरा-
ब्धिके तब नृसिंहप्रभु जाय । तहैं नृसिंह बपु राखिगे निजपद
आनंद छाये ॥ चोपाई ॥ यह अत्युग्र अपूर्व प्रादुर्भाव नृसिंहको ।
पढ़िहैं जे गुण गूढ़ते लहि हैं बांछित परम ॥ दोहा ॥ अब नृप
बामनको सुनो पावन प्रादुर्भाव । प्रभुता प्रभव प्रभाव अरु
कारण कार्य सुभाव ॥ सुत मरीचिके कश्यप तासु तिया सुख-
दान । सुतादक्षकी अदिति दिति पतिव्रतरतगुणखान ॥ चौपाई ॥
भे द्वादशशुभ सुवन अदितिके । धातामित्र अर्यमा मितिके ॥

वरुण अंशु भग इन्द्र बखाने । विवस्वान पूषाजगजाने ॥ अरु
 प्रजन्य त्वष्टा ये ग्यारह । और विष्णु भूपति ये बारह ॥
 दितिसुत द्वै हिरण्यकश्यपवर । हिरण्याक्ष दूजो गुरु धनुधर ॥
 हैं सुत पांच हिरण्यकशिपु के । प्रह्लादहि आदिक सुररिपुके ॥
 प्रह्लादहिके सुवनबिरोचन । तासुसुवनबलि निज यशरोचन ॥
 राजनीति गुरु गुणको आकर । धीर धनुर्धर वीरप्रभावर ॥ वर
 बलवीर्य मानअभिमानी । सत्यवाक गुणगाहक दानी ॥ ऐसो
 बलिहि बिचारि असुर गन । मंत्रि कहे बलिसों प्रमुदितमन ॥
 करिउपाधि सुरगणमुद छाये । तुव प्रपितामह कहँ मरवाये ॥
 निर्भय तीन लोक बसि सरसैं । हम सबसो देखन कहँ तरसैं ॥
 ताते लहि अभिषेक बिराजै । चतुरंगिनि सेना बर साजै ॥ च-
 दि सुरपति सों करहु लड़ाई । जीति बसौ फिरि तिहुंपुरभाई ॥
 बन्धु असंख्य वीर हम जेते । सुरन जीतिबे लायक तेते ॥ तजि
 संकल्प बिकल्पहि मानौ । सादररारि इन्द्रसों ठानौ ॥ इमिकहि
 असुरचन्द मुदलीन्हे । बलिहि सविधि अभिषेकित कीन्हे ॥
 दोहा ॥ वर असुराधिपतित्वको लहिअभिषेक सुभेश । सुरपति
 पैदल सजि चलन को चलिदये निदेश ॥ सुनि निदेश सजिस-
 जिचले यूथप दैत्य अमान । महापद्मनीकुम्भ अरु कुम्भकरण
 बलवान ॥ काञ्चनाक्ष कपिकन्ध अरु क्षितिकम्पन मैनाक ।
 ऊर्ध्वबक्र शितकेश अरु बिकच सुबाहु निशांक ॥ सहस्र बाहु
 व्याघ्राक्षअरु बज्रनाभ एकाक्ष । गजस्कन्ध गजशीर्षअरु व्या-
 लजिङ्ग कपिलाक्ष ॥ कलभ सलभ क्रतमासपै धेनुक बालिअ-
 खर्ब । इन्हैं आदि सहसन चले यूथपवीर सगव ॥ बलिको
 सुवन सहस्रभुज चलो बाण रणधीर । रथीअतिरथी तासुसंग
 चले कोटि बरवीर ॥ रथम्बाह शतहस्तको ह्वै तापैआसीन ।
 सर्व शस्त्रगहि चलतभो बाहक शस्त्रप्रवीन ॥ रक्षकताके सुरथ
 के रहे पांचवर वीर । मेघनाद आदिक गने शस्त्र कुशल रण-

धीर ॥ कश्यपकी तिय पतिव्रत अनायुषाहीतासु । सुवन बली
बल चलतभो लाखरथी सँगजासु ॥ सहस रिक्षवत् सुरथपै
चढ़ि शुचिआयुध सर्व । उमड़िचलो घनघोरसम गज्जत बैन
सगर्व ॥ सहस व्याघ्रयुत सुरथपै चढ़िकैनमुचि दइत्य । साठि
हजार रथीन सह चलो गुने जय नित्य ॥ चतुर्विंश सहस्र तहँ
सुगुर सरिक्ष युत तौन । रथतापै चढ़ि चलत भो यम दइत्य
हो जौन ॥ रथी लाख दश तासुसँग चलेगहे उतकर्ष । मणिन
जड़ित कंचन घटित सिंगरे सुरथ अधर्ष ॥ सोरठा ॥ दैत्य पु-
लोमाबीर सहस ऊंटयुत सुरथपै । चढ़ि भो चलत सुधीर सा-
ठिहजार रथीनसह ॥ हयमुख दैत्यहजार युत रथपैचढ़ि चल-
तभो । हयग्रीव अरिमार सानँद सहस रथीन सह ॥ शत क्रतु
कृत प्रह्लाद सहस दैत्य सरदार सह । चले गहे अह्लाद चढ़ि
मणिमयबर सुरथपै ॥ चौपाई ॥ सहस बाजियुत रथ अतिभारी ।
चढ़ि तापै शम्बर धनुधारी ॥ रथी लाखत्रय सहप्रण करिकै ।
चलो बीर रससों मनुभरिकै ॥ बाजि व्याघ्र मुखदशशत
तिनसों । युतरथ जड़ित सुमणि अनगिनसों ॥ अनुह्लाद
तापै चढ़िङगरो । हिरण्यकशिपुको सुतगुण अगरो ॥ कोटि
रथी ताकेसँगरुरे । चले अस्त्रविद्यासों पूरे ॥ बाजिसहसकौतुक
कृत पथपै । तिनसों युतमणिमें बररथपै ॥ चढ़ि बलिको पितु
चलो बिरोचन । श्रीमन्तन सहआयत लोचन ॥ दैत्यबिरोचन
को लगुआता । बीरकुजम्भ बीर्य मदमाता ॥ असुर सहस्वन
आवृत सोई । रथचढ़िचलो सगर्वित होई । रथचढ़िचलोबीर
असिलोमा । सहस रथिन सहसरस सजोमा ॥ एकचक्रदैयत
अभिमानी । चढ़िरथपै कहिसगरबवानी ॥ असीहजार रथिन
सहचावन । चलोशत्रुदल ह्न्दमचावन ॥ सुवन सिंहिका को
अतिघोरा । राहुशैल समदीर्घ कंठोरा ॥ चलेसगर्व सुरथपैच-
ढ़िकै । मणिमय कवचनसों तनमढ़िकै ॥ विप्रचित्ति दानव अ-

रिदरता । विदितधनुर्द्धर संगरकरता ॥ रथत्रैलोक्य विजयवर
नामा । चढ़ितापै रविसम अभिरामा ॥ बोहा ॥ पुत्रपउत्र सुव-
न्धुगण भृत्यअसंख्यन बीर । रथीअतिरथी सह चलो विदित
विशदरणधीर ॥ ससहसमहिष रथस्थहवै चलोरथीलैलाख ॥
शतचषभुज दानव प्रबल केशीअरिमदनाख ॥ मणिमयरथपै
चढ़िचलो विशपवा बलवान । प्रबल मन्दराचल सदृशदीरघ
कठिन अमान ॥ सुतअनायुषाको प्रबल बित्रनाम अरिजैन ।
सहसबाजियुत सुरथपै चढ़िकैचलो सचैन ॥ कनकबिन्दुदैयत
प्रबल रथचढ़िचलो सगर्व । मन्थनपरदल जलधिको मन्दर
सदृश अखर्व ॥ नामहेम मालीअसुर यूथप करता कौल । सु-
वनसुबलिको बाणभो ताकहँ करत हरौल ॥ रथचौंसठि शत-
हाथगुरु कनक रचित अभिराम । रत्नअमौलिकसों जटित
विरचि जालवत्दाम ॥ गजमुख असुर सहस्रसों बाहितअद्भु-
तरूप । तापैचढ़िकै चलतभो बलिदैत्येन्द्रअनूप ॥ पैदरसुभट
असंख्यसों आवृतप्रभा अमन्द । छरीदार इतमामकर बोलत
अमितसुखन्द ॥ विप्रपुरोहित मंत्रविद पढ़िस्वस्त्ययन सनेत ।
आशिर्वचनकहैंतिन्हेंसुवरणमणिगणदेत ॥ मणिमयबालच्यवन
सों बीज्यमान रमनीय । दोलितासु मेरुस्थमनु अंशुमानकम-
नीय ॥ शिविअयशिर अयअश्वशिर कुपथ शताक्ष मतंग ।
बिकट निकुम्भ कलापये यूथप दशसउमंग ॥ रक्षत दशदिशि
सुरथको गिरिसंगम गुरुकाय । दशदिग्गज दिगपालसम अ-
चपल चपल सचाय ॥ गजहयऊंट रथानपै बाघदुन्दुभिहि
आदि । बजे असेव्य सुघनस्वने यूथनियूथ प्रमादि ॥ मणि
कंचन अशिरजतमय सवरथ प्रभाअनन्त । शस्त्रनपूरितसर्व
सब घण्टा किङ्किणिवन्त ॥ बररथजे यूथपनके ध्वजावन्तते
सर्व । अस्त्रकुशल सिगरे असुर सिगरेशूरसगर्व ॥ कवचचारु
भूषण विविध मणिकंचनमय पर्म । सोभूषित सिगरे सुभटक-

त्तादुस्तरकर्म । यहिविधिसाजिप्रचण्डदल गहिधमण्डदैत्येश ।
 मारतण्डसों चण्डकै चलोइन्द्रके देश ॥ सोरठा ॥ प्राबिटमेघन
 घोर उमड़िलेत जिमिछायनभ । तिमिदल प्रबल अथोर छाय
 लिये सबदिशि बिदिशि ॥ जातभूमिपै पूरि बेलातरि जलरा-
 शिजिमि । तिमिसेनाभटभूरि पूरिगये नभ पैघने ॥ चौपाई ॥ यह
 सुनिशक्र क्रोधसौराते । चलेसंगलै सुमन बिभाते ॥ बिद्याधर
 गन्धर्व यक्षगन । डम्बर तुम्बर किन्नर वरपन ॥ वसुआदित्य
 मरुत गणजेते । सहितसमाज चलतभेतेते ॥ रुद्रकुबेर वरुण
 यमअगरे । सगण सबर्ग साजिदल डगरे ॥ सिद्धपितरराजर्षि
 महाने । चलेसगर्व बीररससाने ॥ चलेअश्वनीके सुतदोऊ ।
 सोम बिख्यात चले सजिसोऊ ॥ दिशप गइन्द्र युद्धकेचावन ।
 चलेचले अहिगण छबिछावन ॥ कितेबाजिपै चढ़िछबिछाये ।
 कितने गजारूढ़ मनभाये ॥ कितनेचले अहिनपै चढ़ि चढ़ि ॥
 कितनेचले मृगन चढ़िचढ़िबढ़ि ॥ वृषभारूढ़ चलेसुरकितने ।
 चलेरथनचढ़ि सुमन अनगिने ॥ निजनिजयूथ ध्वजनसोंभूषे
 चमूओज असुरनकीदूषे ॥ सिंगरेतनमें कवचबिहारे । विविध
 भांति के आयुधधारे ॥ तेंतिसकोटि सुमन भयभारद । चले
 सकुद्ध सुयुद्ध बिशारद ॥ मणिमय महत सुरथ अतिनीको ।
 बिश्वकर्माको रचोसुशीको ॥ अतिउन्नत शुचिध्वजसों शोभि-
 त । होहिं जाहिलखि दैयतक्षोभित ॥ हरिताश्वन सहशोभित
 ऐसो । हरित पक्ष रजताचलजैसो ॥ अस्त्रभेद अगणित सों
 भारो । मातलिकेकरसरुचिसँवारो ॥ दोहा ॥ त्यहिरथचढ़ि सुरसै
 नमधि शोभितभये सुरेश । यथा निशालहि शारदी उडुगण
 मधिराकेश ॥ अत्रि वृहस्पतिं जमदग्नि नारदमुनितपधाम ।
 अरु बशिष्ठ मुनिपढ़त तहँ शुभ स्वस्त्ययन ललाम ॥ सोरठा ॥
 सुर अरु असुर सकैंन इमिसजि चढ़ि बढ़िबढ़ि भिरे । मिले
 दोयजल ऐन बेलानांधि सतेज मनु ॥ चौपाई ॥ शूलशक्ति मूश-

ल दुहुं दिससों । मारतभये बीरभरि रिससों ॥ भिन्दिपाल तों-
 मर असि शरसों । कूटपाश दीरघ मुद्गरसों ॥ दुहुंदिशिसों भट
 मारनलागे । सगरब बैन उचारनलागे ॥ द्वैद्वै धीरबीर भिरि
 भिरिकै । कीन्हें कठिनयुद्ध थिरि थिरिकै ॥ बलिको सुवनबाण
 जो तासों । भिरेमरुत पञ्चम भरिभासों ॥ ध्रुवबसु भिरे भरेबर
 बलसों । अनायुषाको सुतभट बलसों ॥ भिरे नमुचिसों धरबसु
 परणी । विश्वकर्मा मयसों भइ भिरणी ॥ भिरेबायु अरु दैत्य
 पुलोमा । सम्बरभग आदित्य सजोमा ॥ सरभ सलभ दैयत
 मदमाते । शशिसों लरे बीररस राते ॥ विष्वक्सेन साध्यशुचि
 मतिसों । लरोविरोचन भरिरिस अतिसों ॥ वृत्रासुर पूरो जय
 पनसों । भिरोअश्वनीके सु सुतनसों ॥ भिरोअंशु आदित्यप्र-
 बलसों । बलीदैत्य कुंजभकलछलसों ॥ अजैकपादरुद्रधनुधर
 सों । भिरोराहु गरबीचढ़ि थरसों ॥ अनुह्लादधनपतिसों भि-
 रिकै । कीन्हें कठिन युद्ध तहँथिरिकै ॥ विप्र चित्तिदानव पति
 घोरा । भिरो बरुणसों विदितकठोरा ॥ जो प्रह्लाद धर्म अ-
 धिकारी । भिरे सकुद्ध बीरधनुधारी ॥ बलिअरु इन्द्र अधिप
 अधिकारी । लरत भये फिरिसुयश विचारी ॥ यहिविधि धीर
 बीर इतउतके । भिरि भिरि लरतभये बल युतके ॥ दोहा ॥
 ब्रह्मानिजसुत ऋषिनसह अन्तरिक्ष गृहआय । लखतभये सुर
 असुरको युद्ध अमोघसचाय ॥ इतउतके बहुबाद्यवर घण्टनके
 बरभूरि । सुभटहांक ज्या घोषवर गयो दिशानमेंपूरि ॥ चावंत ॥
 बरअस्त्रइत उततेचले । जेगात अरिगणकेमले ॥ भटडाटिदुहुं
 दिशिसों हने । दुहुंओर बीरमरेघने ॥ बहि धार शोणित की
 चली । चहुंदिशि तरलतांतर रली ॥ शिरबाहु पगधनु ध्वजक-
 टे ॥ जल जीव समतहि मधिअटे ॥ दोहा ॥ मरुत धीर सावित्र
 तिहिं बलिकोसुत भटबाण । जालबद्धसम करिदयो मारिअन-
 गिनेबाण ॥ चौपाई ॥ तबसावित्रक्रोधकरिछांडे । उत्तमशक्तिबाण

पै चांड़े ॥ बाणशक्तिकहैं आवत देखी । शरक्षुरप्रसों काटेते-
 खी ॥ तबसावित्र खड्ग करलीन्हें । जेहिविश्वकर्म्म निर्मित
 कीन्हें ॥ लैकरबिद्युतास्र असिबाँकी । गयोबाणकेढिगरथहांकी ॥
 निरखिबाणकटु बचन उचारे । मंत्रित बाणअनगिनेमारे ॥
 तब सावित्र बिकलकै भागे । बलिढिगगये बाणमुदपागे ॥ भट
 बलअसुरगदागुरुगहिकै । ध्वनिध्रुव बसुलहि थिरुथिरुकहिकै ॥
 तबसिगरे बसुअनगिनबाणन । भवहिहनतभे धनुषविधानन ॥
 तबबलि गदा पाणिमें लैकै । तजिरथचपल चित्तनिर्भयकै ॥
 मत्तमतंग सदृश बिरुभानो । गदाप्रहारि प्रलयदिन ठानो ॥
 सब बसु लरिलरि व्याकुलकैकै । भागतभये भीतिसों गवैकै ॥
 थिरिध्रुवबसुअस्त्रनसोंलरिकै । फिरिभिरिबाहुयुद्ध अतिकरिकै ॥
 थिरिन सके तुलबलसोंहारे । भागिशक्रके पासपधारे ॥ दोहा ॥
 भृगुसुतसों कृतजयक्रिया बढि सगर्वप्रह्लाद । यमके सन्मुख
 जातभे करत सहास प्रवाद ॥ लेउँबैर निजपूर्वको बध करि य-
 मको आज । मोदित विलसैं असुर गण तजि हियको दुख
 लाज ॥ दोहा ॥ प्रबलसत्तरिसहस सुभटगजस्थ तितकहयस्था
 सहितराज्यो प्रलयदिनके मेघ सदृशनरस्थ ॥ सुभट साठिह-
 जार सुरथी चन्द्रदिशि बलवान । लाख भटसह पास मधिमें
 कालनेमि अमान ॥ बांधिव्यूहअमेघ यहिविधि भेरिविविध
 निशान । लगेयमके सैन प्रतितकि तजतअनगिनवान ॥ रथी
 साठिहजार हे प्रह्लादके सुतवीर । अक्षयशैलसपक्षसे ते
 लरतभे रणधीर ॥ रक्तलोचन क्रोधिअन्तक गहे दीरघदण्ड ।
 व्याधिआधि उपाधि गणकी सजेसैनप्रचण्ड ॥ लोहदण्ड प्र-
 हारिभटन सँहारि व्यूह बिदारि । भिरतभे प्रह्लादसोंपिलि
 तासुनाश विचारि ॥ दण्ड मुद्गर शक्ति पट्टिश यष्टि मूसल
 बान । खड्ग तोमर भिन्दिपालहिं आदि अस्त्रअमान ॥ व्या
 धिगण पै असुर छांड़े असुर गणपैव्याधि । किये संगरघोरते

तहँ पौनकीगति बांधि ॥ कटे अगणित सुभट करि करि द्वन्द
युद्धअपार । बहीसरितारुधिरकी अतिअगमअरुअकरार ॥ भरे
शुभ्र समूहतामें परे इतउंतजात । भारती मधिगेरुगिरिसम
लहरिवशसे भात ॥ घोरसंगर होतभो तहँ भूरिभयकोदानि ।
कटेकटिसों भूमिपटि भइ गाड़कीसीघानि ॥ लरे रणबनानिबि
ड़में प्रह्लादअरुयमराज । मत्तद्वैगजराजसमभिरि कीर्तिकर-
णीकाज ॥ उभयघनसे उभयवरषे उभयपै कृतदुन्द । कवच
तृणयुत देह सहिपै बाणबनवरबुन्द ॥ वीरवर प्रह्लादसों ल-
रिजानि दुस्तर जीति । इन्द्रपैयमराजगे नरभूरिसों तजिभी-
ति ॥ दीह दुन्दुभि जीति को बंजवायतव प्रह्लाद । लगेमर्दन
अन्य बढि सुरसैनलहि अह्लाद ॥ कितेभट शिरकटे कितनेपि-
ले भपटे जात । शृङ्ग भिन्न सपक्षगौरिक शैल सदृशलखात ॥
दोहा ॥ अनुह्लाद प्रह्लादको अनुज धनुर्द्धर वीर । कोटि रथिन
सह भिरतभो धनपतिसों लहि तीर ॥ यक्ष सुभट अनगिनत
सह धनपति धृत धनुबांन । अनुह्लादसों भिरतमे गिरिसोंमेघ
समान ॥ मुजंगप्रयात ॥ भिरेवीर वीरानसों रोषबाढ़े । सशृङ्गे गि-
रिन्दै नसे जेउ काढ़े ॥ तजे शूल औतोमरै शक्ति बानै । गदा
मूशलै भिन्दिपालैअमानै ॥ घने चक्र बक्रायुधै बज्र ऐसे । हने
दाकिकै कीन्हहांकै अनैसे ॥ कटे शूरलाखै इतैहूं उतैके । गने
वीर बांके तितैहूं तितैके ॥ बही धारता शोणितोघा नदी की ।
अछारा कछारा अपारा हदीकी ॥ सुसैवाल अग्रावलीआह रु-
एडैं । षणैं पाणिमीनै महा कूर्म्म मुण्डैं ॥ ध्वजाचाप अन्यायुधो
वृक्ष शाखै । गिरे कूल कै मत्तमातंग लाखै ॥ रथै नाव औ भौर
जे चक्र टूटे । लसैं फैनसों जे बहे बांश छूटे ॥ पदाती हल्ले मे-
दिनी मूत्र ईछे । सबै शस्त्र शस्त्रानिमें साधु शीछे ॥ भरैं खप्परै
कुम्भ निर्भीति जीकी । बनी बारि हारी अनी योगिनी की ॥
खबीसैं सुजाची अजाचीनिहारैं । यक्षीगीधपक्षी सुकागैं बिहारैं ॥

गिरैं घाइलै ते खुलैं फेरि डूबैं । थकेसू परे आलटे प्राण ऊबैं ॥
 गिरैं बीर मातंग पै ते असूदैं । बड़े कूलपै ते यथा धीर कूदैं ॥
 कटे मुण्ड केते बलीबीर सैरैं । मनो भारतीपै घने केतुपैरैं ॥
 बही मेदजू दानि की धारतैसे । लसै भारती में धसैं गंग जैसे ॥
 कटी बाहिनीसे किते बाहिनी जो । कहेनाहिं जो भूप तौ जानि
 लीजो ॥ दोहा ॥ धनपति गुणि अद्भुत अनघ अस्त्र शस्त्रकीसृ-
 ष्टि । अनुह्लाद की सेन पै करी बाणकी वृष्टि ॥ निजदल व्या-
 कुल निरखिकै अनुह्लाद अति तेखि । अतिउन्नत बिस्तरित
 तरु लिये ऐंचि ढिग देखि ॥ तासों मारि कुबेरके रथके प्रबल
 तुरंग ॥ कै मोदित सैनिकनसह कह्यो कठिन रणरंग ॥ चौपाई ॥
 नाना विधिके आयुध नोखे । कठिन करालशैल भिदि चोखे ॥
 गहि गहि गर्जि गर्जि बढ़िबढ़िकै । थिरु थिरु कहि सबमनु पढ़ि
 पढ़िकै ॥ असुरन हतेसुमनऋषिराते । सुरन हनेदैयतमदमाते ॥
 दैयत कै अस्त्रनसों अर्द्धित । किये सुरनसों अरिदल मर्द्धित ॥
 शिला धरे काटे भुजदीखैं । जनु युग अहि महिधरनो सीखैं ॥
 लखि सुरपतिसोंनिज दलरोधित । लै गुरुशिला दैत्यपति क्रो-
 धित ॥ धनाधीशके रथपै मारे । तिहिलखि धनपति अनतबि-
 हारे ॥ भे रथ रथी बाजि ध्वज चूरण । लखिमोदे दैयत सम्पू-
 रण ॥ फिरिलै अन्य शिला अतिभारी । अनुह्लाद दैयत रण
 चारी ॥ चाहिधनदपै करनप्रहारा । गज्जतचलोक्रोधसोंभारा ॥
 लखि कुबेर हिय अति रिसभारे । तड़पितासु हियगदाप्रहारे ॥
 सहिसो गदा कोपि दैत्येशा । कीन्हेसि शिला प्रहार कुभेशा ॥
 ताते धनपति मोहित हवैकै । महिपै गिरेचावचित ज्वैकै ॥ तहँ
 धनेश कहँ मुरझित देखी । सिंगरे यक्ष धीर अतितेखी ॥ दैत्य-
 नमारि दूरि करि दीन्हे । धनाधीशकर रक्षणकीन्हे ॥ एकमुहूरत
 मूर्च्छित रहिकै । चेतिधनेश उठे मुद लहिकै ॥ दोहा ॥ गदापा-
 णि अति क्रोधकरि गर्जिददैत्यदल ओर । चले तड़पि यक्षाधि

पति तेज पुंजमय घोर ॥ अनुह्लादके करन ते दुरस्तर मिला प्र-
 हार । व्यर्थ निरैखि अवध्य गुणि भगेदैत्य विकरार ॥ गुरुतोमर ॥
 तब भजत निजदल देखिकै । दैत्येश अतिशय तेखिकै ॥ बर
 बचन संगर टेरिकै । करि अभय तिनकहँ फेरिकै ॥ बहुयूथयूथ-
 पसों घिरो । बढि आइ सुरदलसों भिरो ॥ बर अस्त्र बहुबहु भां-
 तिके । असिहेममयमें कान्तिके ॥ तहँ चलतभो दुहुं ओरसों ।
 नभ पूरिगो रव घोरसों ॥ भट कटे बहु दुहुंओरके । दोउ प्रबल
 बीर अथोरके ॥ तकि दैत्यपति धनुवानसों । भो भिरत धनद
 अमानसों ॥ तहँ युद्ध कठिन करालभो । ब्रह्माण्ड सिंगरोलाल
 भो ॥ दोहा ॥ अनुह्लादके बाणसों हवै व्याकुल अलकेश । गदा
 पाणिमें लै गरजि सनमुख चले सुभेश ॥ गदापाणि आवत
 निरखि धनुतजि शिला उठाय । चलो गरजि बैश्रवणपै अनु-
 ह्लाद घुरुकाय ॥ सौरठा ॥ धनाधीश भयभूरि शिलापाणि असु-
 रहि निरखि । सहित यक्ष भटभूरि गे सुरपति पै समर तजि ॥
 चौपाई ॥ गुणि प्रचेत दानव बल भारो । गुरु मृगेन्द्रसम रणवन
 चारो ॥ उलका सहस सदृश समभारा । कालदण्डसम परिघ
 अपारा ॥ लीन्हेप्रबर प्रबलजगजेना । भिरोबरुणसों बढिसहसे
 ना ॥ तासुप्रभाव सुजाननहारे । भेसिगरेसुरसुमुनिडरारे ॥ घन
 समदनुज घोर धुनिकरिकै । भूरिभीति सुरदलमेंभरिकै ॥ परि-
 घअमोघ बरुणकेदलपै । हनेइन्द्रपबियथाअचलपै ॥ मरेंलाख
 भटतासुप्रहारे । फिरिसोपरिघ बरुणपैमारै ॥ लागिपरिघआप
 वकेतनमें । चूरचूर द्वैउड़ोगगनमें ॥ दशदिशि उड़ेचूरबहुजेवै ।
 लसेअमित उलका समतेवै ॥ धीरवरुण तबअतिरिस कीन्हे ।
 निज सुभटन कहँ शासन दीन्हे ॥ बढि दानव दल मर्दहु भा-
 ई । लहहु जीति यशविशद बड़ाई ॥ सुनि सावन्त बीररस पा-
 गे । दीह दनुज दल मर्दन लागे ॥ मंजुमूर्ति मत सिंगरे सा-
 गर । सिंगरे नाग युद्ध बिद नागर ॥ और प्रबलबहु सुभट

घनेरे । लागे करनयुद्ध चहुंफेरे ॥ विप्रचित्ति अरुवरुण अभ-
यके । अनुग वीर वर अरथीजयके ॥ लागे बहुविधि अस्त्र च-
लावन । मारु मारु धरु धरु कहि धावन ॥ दोहा ॥ विप्रचित्ति
अरु वरुण भिरि कीन्हे युद्ध प्रकर्ष । दोऊ धीर धुरीणभट धनु
धर गिनेअधर्ष ॥ लरिनागनते भे विकल सिंगरे दनुज अमा-
न । किते चले भजि समरतजि किते गिरे तजि प्रान ॥ ^{नोटक} ॥
लखि दानव राज सरोष भयो । गरुडास्त्रतजे शुभमंत्र मयो ॥
तिन बाणनते भय आकुल कै । अहि यूथ दुरे अति व्याकुल
कै ॥ तजि आय प्रज्वाल मये विशिखै । वर रस्मि उदण्डनि
सों ससिखै ॥ दनुजाधिपको दल भीतितकै । मुमुदे सहशासन
रीतितकै ॥ भट आपवके तजि बाण घने । दनुजाधिपके बहु
बीरहने ॥ दनुजेश महा रिससोंसरस्यो । शर आपवके तनपै
वरस्यो ॥ बहुवारनि बाणन काटि दिये । जितने धनुआपव
खानि लिये ॥ बहुवार जलाधिप चायगहे । परमारन को नहिं
दाव लहे ॥ दोहा ॥ तब व्याकुल कै वरुणगे सदलइन्द्रकेपास ।
भरेदुन्दुभी जीति के दानवचन्द्र सहास ॥ देखिपराजय सुरन
की अग्निक्रोधसोंपूरि । उग्र प्रभाव किये प्रगट दुस्सह बर्चस
भूरि ॥ ^{जयकरी} ॥ बायुचक्र लोहित हय युक्त । धूम्रकतुरथ परम
प्रयुक्त ॥ चढ़ितापै कै कठिन कराल । पूरे दैयत दलमें ज्वाल ॥
भये कोटि भट सामाशेष । कोटिन भये अधजरे भेष ॥ सुहित
सखाको सतगुण पाल । मारुत प्रबल चलो तेहिकाल ॥ प्रल-
यपरो दैयत दलमध्य । भरो दैत्य जेप्रबल अबध्य ॥ प्रहला-
दादिक जे वर वीर । थिर न रहेकोऊ धरिधीर ॥ तबमय अरु
सम्बर मतिमान । मायावी दैयत बलवान ॥ बारुण अरु पा-
र्जन्य महान । माया प्रगटितकिये अमान ॥ दशदिशिपूरिवारि
कीधार । कीन्हे समित ज्वाल विस्तार ॥ कै निशंक फिरि दैत्य
सक्रुद्ध । लागे करनसुरनसों युद्ध ॥ फिरि दैत्यनकहँ प्रमुदित

देखि । सुर गुरुनिजमनमें अवरेखि ॥ किये अग्निकी अस्तुति
 बेश । भये प्रबल फिरि अग्नि सुभेश ॥ फिरि अग्निहि वर्षत
 लखि दैत्य । तजि साहस सिगरे अमनैत्य ॥ बलिकेपास जाइ
 भट भूरि । त्राहि त्राहि टेरेभय पूरि ॥ तबबलिसों प्रह्लादसु-
 जान । कहत भये इमि करि अनुमान ॥ तुम बिधि सों लहिबर
 मनमान । हौं त्रैलोक्य जयन गुणमान ॥ बोहा ॥ ज्वालज्वालसों
 डरिअसुर लीन्हें तुव अवलम्ब । शीघ्र इन्द्रसों लेहु जय अब
 मति करहुबिलम्ब ॥ सुनि सुबचन प्रह्लादके बलि दैत्येन्द्र
 सकुद्ध । चलोइन्द्रपै गुणि करन दुस्सह दुस्तर युद्ध ॥ चोराठा ॥
 प्रलयकालको घोर घनमण्डल सों मढ़ि दिशन । धनु घोषन
 को शोर पूरित करि ब्रह्माण्डमें ॥ चौपाई ॥ ध्वजधनुषहु आदिक
 मनभाये । अस्त्र अशक्तिसों दशदिशिछाये ॥ वर्षत बाण बारि
 भय पूरत । बेगवायुपर धृति बन तूरत ॥ यहि बिधिबलि कहैं
 आवत देखी । सब दिगपाल सुमन गण तेखी ॥ जुरि अति
 जवसों बढ़िकै आगे । तेहि प्रतिकूल बायु सम लागे ॥ लागे
 चलन अस्त्रइतउतसों । अभिरे धीर बीर रस युतसों ॥ कालद-
 ण्डसम कठिन कठोरा । बरको दण्ड बज्रसम घोरा ॥ गहिब-
 लिमारि शरन मुद लीन्हें । सिगरेसुरन पराजित कीन्हें ॥ भा
 गि सुमन सुरपति पै जाई । अस्तुतिकरि इमि कहे बुभाई ॥
 हम सबहोहि दैत्यसों पीड़ित । तुमलखिहोहु नेकनहिंवीड़ित ॥
 कै सरोषकर आयुध लेहु । सुरगण कहैं निर्भय करिदेहु ॥ सुनि
 पुरहूत क्रोध बिस्तारे । अगणित आयुध बलिपैडारे ॥ तिन
 आयुधनअस्त्र सों भेदी । हने अस्त्रबहु बलिधनु बेदी ॥ अस्त्र
 कृशानु इन्द्र तब मारे । बलि पार्जन्य अस्त्रसों वारे ॥ तब पुर-
 हूत बज्र गहिताने । तासुनाश हियमें अनुमाने ॥ ताक्षण भई
 विशद नभ बानी । बज्रतजहु मति सुरपति ज्ञानी ॥ उग्र तप-
 स्या पूरणकरिकै । लहि बिधिसों बरशत ब्रतचरिकै ॥ हैं अजेय

बलि रिस परिहरहू । बज्रप्रभाव व्यर्थ मति करहू ॥ दोहा ॥ जेय
सर्वथा बिष्णुसों है यह सुनो निदान । समर भूमि तजिभजहु
अब भजहु ताहिमतिमान ॥ यह सुनिकै रणभूमितजि सहित
सुरन बलऐन । युवतिन सह चलि जातमे पुरुबदिशि बहु-
नैन ॥ जय दुन्दुभि बजवाइ तब हवै मोदित दैत्येश । सदल
इन्द्रपुर में किये सानँद शुभद प्रवेश ॥ शुक्रादिक निजपूज्य
द्विज गण सों लहि अभिषेक । त्रिपुराधिप इन्द्रत्व लहि बिहरे
बलिसु बिबेक ॥ दोहा ॥ सहितगर्ब समुदाय लोकपालनानीति
युत । यथा उचित सुखदाय करतभये बलिधर्मवित ॥ कैप्रसन्न
तहँ आय बलिहि प्रशंसि सुप्रेमयुत । आपुरमासुख दाय बसी
तासुगृह वर्गमें ॥

इतिहरिवंशदर्पणेवामनप्रादुर्भावेबलिवासवयुद्धोनामपंचत्रिंशोऽध्यायः ३५

दोहा ॥ बलिवासवके युद्धको सुनि वृत्तान्त सभेद । बैशंपा-
यनसों कहे जनमेजयलहि खेद ॥ चौपाई ॥ बलिसों इन्द्र परा-
जित कैकै । कीन्हें कहा कहौ मुदग्वैकै ॥ बैशम्पानि कहे सुनु
राजा । रणतजि सुरपति सहित समाजा ॥ प्राची दिशा अ-
दिति पै जाई । कहेसकल वृत्तांतबुझाई ॥ सोसबदशा शक्रसों
सुनिकै । अदिति देवि निजहियमें गुनिकै ॥ सुरगणसहशक्रहि
संग लैकै । पतिपै गई शोचबहुतैकै ॥ पितहि पुरन्दर दशासु-
नाये । सुनि शक्रहि कश्यप समुभाये ॥ होनी अवशिहोय ध्रुव
जानो । सब करिकर्म लहै फलमानो ॥ करै कर्म जो जेहिफल
योग । अवशिकरै सो सो पद भोग ॥ इमिकहि तिनसहदम्प-
तिआरज । गेबिरंचिपै गुणिशुभ कारज ॥ सनकसनन्दनादि
ऋषिगनसों । अरु कृत उत्तम कर्म सुजन सों ॥ सेवित चतु-
रास्यहि तहँ देखे । तेजपुंज परभासों भेखे ॥ शास्त्रवेदकी धुनि
सुनिहरषे । मूर्तिमान तहँ सबकहँ परषे ॥ सुर सुरपति सहक-
श्यप विधिके । बन्दे चरण दानि सब विधिके ॥ कहे विरंचि

सुनो सबकोई । हम जाने हैं तुवहित जोई ॥ अबधरिधीर शोच
 परिहरहू । तासुउपायकहैं सोकरहू ॥ आपतपरे धीरहवैरहिये ।
 ताहि वारिबे की बिधि गहिये ॥ दोहा ॥ उत्तर दिशि क्षीराब्धि
 के जाइ उदीची कूल । ध्यावहु प्रभु भगवानकहैं जो बिश्वसृज
 मूल ॥ ब्रत समाप्त मैं सुनिहि औ बरवाणी मुददानि । बरमां-
 गहु सो देहिं हम सर्व सम्पदा जानि ॥ सोरठा ॥ प्रभुमम आ-
 त्मज होहु यह मांगेहु कश्यप अदिति । मम सुबन्धु करिछोहु
 होहुकहेहु सुरसहसुरप ॥ चौपाई ॥ सुनिविरंचिके बचनसोहाये ।
 सुरनसहित कश्यप सुखपाये ॥ सबिधिवन्दि बिधिकेपदभाये ।
 गये शीघ्र ते जहां बताये ॥ अमृत स्थान नामथर पावन । बैठे
 तहां जायसब चावन ॥ अन्धकार में सो शुभदेशा । जहां न
 कछु पवनहु को लेशा ॥ तहैं कश्यप सों दीक्षित हवैकै । सुब्रत
 सहस्र बारषिक लैकै ॥ प्रभु चरणाम्बुज में मनदीन्हें । सुरन
 सहित सुरपति तपकीन्हें ॥ कश्यप वेद बिहित मनभाये । अ-
 स्तवपढ़ि प्रभुकेगुण गाये ॥ अस्तव सुनि प्रभु आनंददानी ।
 बोले वरं ब्रूहि बरवानी ॥ सुनिते पृथक् पृथक् बरमांगे । जिमि
 बिधिसों सुनिहैं अनुरागे ॥ सुनि कहि एवमस्तु प्रभु मानंद ।
 कीन्हें तिन्हें बिदा तब सानंद ॥ सुनिसुरगण सह आनंदछाये
 कश्यप दम्पति निजगृह आये ॥ कछु दिन गये अदिति ब्रत
 धारिणि । भई गर्भयुत मंगलकारिणि ॥ सहस्रवर्ष बीते तेहि
 दिनसों । भे प्रभुप्रगट भये बिधि जिनसों ॥ सुर समूह अति
 आनंद लीन्हें । पढ़ि अस्तोत्र दण्डवत कीन्हें ॥ तुम्बर अरु
 गन्धर्व सुखारे । बहुप्रकारकरि गान बिहारे ॥ सब अप्सरामोद
 सों राचीं । करिकरि गान भांतिबहुनाचीं ॥ दोहा ॥ सर्व प्रजाप-
 ति सर्वऋषि सर्व नाग तहैं आय । करिप्रणाम अस्तुति करे
 भरे मोदसों छाय ॥ कहे पितामहैं आइ तहैं कश्यपसों लहिमो-
 द । भये पुत्रतव विष्णुप्रभु दायकपरम बिनोद ॥ सोरठा ॥ दर्शि

नौमि सुखपाय गये पितामह निजअयन । सुरगणसों सहचा-
य सानुकूलहवै प्रभुकहे ॥ ऐला ॥ सुनो सुरगणसहि परपति
कहो जो निज अर्थ । करें सो हम शीघ्र करितव दुवने बल
व्यर्थ ॥ कहे सो सुनि सुमन सुरपति सुनहु प्रभु ममबैन । पाय
विधिसों विशदवरबलि दैत्यपतिबल ऐन ॥ जीति भोगतनीति
सुत त्रैलोक्य हवै निरभीत । देहसों फिरि हमहिं करितेहि सत्य
श्रीसों रीत ॥ बाजिमेश महान मख सो करत हैं यहिकाल ।
भये बिनु तेहि सिद्धमम हितसिद्धकरियेहाल ॥ इन्द्रके येवचन
सुनि प्रभु विष्णुबामनरूप । कहेसरिमत करि अविस्मृत वचन
सुखदअनूप ॥ मोहिंताके यज्ञगृहलों चलैसंगलै जीव । जाइतहैं
हम करबजो करतव्य श्रेष्ठअतीव ॥ वचन यह सुनिप्रभुहिलै
तहैं गये जीवसुजान । करत हो जहैं यज्ञ बैठो दैत्यपति मति-
मान ॥ मंजुमूजी धरे अरु उपवीत अतिरमणीय । लयेदक्षिण
पाणिमें शुचिलकुटवर कमनीय ॥ वामकरमें क्षत्रपूर्ण नक्षत्रप-
तिहिउदारु । रस्मिमाहिमनु लयेवारिज बांलरविपैचारु ॥ रूप
अनुपम विशद वामन ब्रह्मचर्य्य शुभेश । जाय निरखत भये
दीक्षित बलिहि सुनहुनरेश ॥ शुक्रआदिक ऋषि सभासद ग-
णन सहउपविष्ट । करत उत्तमयज्ञ मंगलकरण हरणअनिष्ट ॥
जाय तहैं प्रभु यज्ञ वर्णन व्याज बलिहि प्रशंसि । पढ़े नूतन
यज्ञविधि वेदोक्तपरविधि दंसि ॥ शुक्रआदिक ऋषि विलक्षण
यदु बिचक्षण पर्म । मौन कै तकिरहे सुनिसों सत्य अद्भुत
कर्म ॥ उपाध्यायनलखि निरुत्तर कहतभो दैत्येश । आपुके
सुत कौनकेहो प्रकटमे केहिदेश ॥ वृद्ध सदृश अवृद्ध वय सु
प्रवृद्ध बुद्धि अनन्य । तुमहिं सुतलहि भयोको सुरपित यहि
ऋषि धन्य ॥ तुमहिंदेखि अपूर्वगुणि में भयों परम प्रसन्न ।
कहोतुमसों देउँजाहित भये अत्र प्रपन्न ॥ बोह ॥ यहसुनि वा-
मन प्रभुकहे सुनुहे बलि सर्वज्ञ । माँग्यो साढ़े तीनिपग महि

मम गुरुकृतयज्ञ ॥ सो मांगनहौं पासतव आयोंसहितसनेहु ।
 देन कहे तुम आपुतौ सो मांगतहौं देहु ॥ सोरठा ॥ यह सुनि
 दैत्येश कहेविप्र चूकतकहा । चैहौंकितनो देश निजपग साढे
 तीनिसों ॥ चौपाई ॥ राज्यहेममणि हय गज मांगौ । जेहिलै लहि
 बिभूति अनुरागौ ॥ सुनिबोले वामन सुनुराजा । क्षत्रिहि चा-
 हत सकल समाजा ॥ हमद्विज निततप ब्रत अभिलाषैं । राज
 समाज तुच्छगुणिनाषैं ॥ इतनोतौ गुरुके हितमांगैं । अधिक
 मांगिनहिं धृतब्रत त्यागैं ॥ है जिनके संतोष पदारथ । तेनहिं
 चाहतहैं अन्यारथ ॥ यह सुनिगुनि बलि सहित सनेहु । साढे
 तीनि पैग महिदेहु ॥ तब तथास्तुकहि बलिबैठाये । गहिसुदर्भ
 भृङ्गार उठाये ॥ कहेशुक सुनु हेबलिज्ञानी । महिमतिदेहु कहो
 मममानी ॥ इन्हेंदेखि तुम आनंद लीन्हें । परविचारकरि इन्हें
 न चीन्हें ॥ मायाछन्न कौतुकी हरिहैं । बंचि बिभूति सर्व तव
 हरिहैं ॥ प्रभु भगवान इन्द्रहित कारण । आये करिवामन बपु
 धारण ॥ बलि ये बचन शुक्रसों सुनिकै । चुपकै घरी एकलौं
 गुनिकै ॥ ऐसोपात्र मिलिहिकोदूजा । देवदानकरि जाकरपूजा ॥
 कहिविचारि फिरिदेनविचारे । लखितबफिरि इमिशुकपुकारे ॥
 बलियहिमहिमति देमतिदेतू । ममसुबचननिजहित गुणिलेतू ॥
 सुनि बलिकहेकहो मतिऐसो । धर्मरहेहित गये अनैसो ॥ दोहा ॥
 बोले तब प्रह्लादमति देहु भूमि दैत्येश । तेई वामनरूपधरि
 आये फेरि सुभेश ॥ सोरठा ॥ कैनृसिंहचलिआय बधि हिरण्य-
 कश्यपहि जे । किये सुचित सुखदाय सहित सकलसुर सुरप-
 तिहि ॥ तोमर ॥ सुनि कहे बलि यह बैन । इमिकहन लायकहै-
 न ॥ असपात्र परम अनन्य । नहिं लह्यो कोऊ अन्य ॥ तेहि
 आपु दीबो भाषि । नहिं देहिं किमिब्रत नाषि ॥ कहिबचनपा-
 लनकर्म । है परम उत्तमधर्म ॥ कहिबचन न करतजौन । है
 उग्र पातकतौन ॥ गुरुपाप लीबो दान । यहकहत सब मति-

मान ॥ जे दान रोकत देत । ते पापपुंजनिकेत ॥ वरपात्र भा-
 ग्यन पाथ । महिदेव अवशि सचाय ॥ लहिपात्र उत्तमदेव ।
 है कांचदै मणिलेब ॥ इमिभाषि दैत्य उदार । लै कनकमय
 भृंगार ॥ जलडारि करि संकल्प । महिदये अल्प अनल्प ॥ कर
 बिजय करन पसारि । प्रभुलये जल कुशधारि । भेमुदितबलि
 दैताहि । जिमिदिपत अग्निहि चाहि ॥ शुभ दीपवारि देखाया
 जनहोतहै युत चाय ॥ तब भये बद्धित विष्णु । प्रभु बिश्वसू-
 जन सहिष्णु ॥ बढि नांघिलै सबलोक । भेकरत सुरन अशौ-
 क ॥ दोहा ॥ प्रह्लादादिक सुभटबहु रोकैपद तेहि ठौर । हति
 कोटिन भटलये प्रभु नापि लोककरिगौर ॥ जीतिदये प्रभुइन्द्र
 कहैं तीनिलोक अभिराम । सुतलनाम पाताल मधि बलिको
 दीन्हें धाम ॥ चोखा ॥ नागफांससों बांधि बलिसों बोले विष्णु
 प्रभु । शक्रहि सदा अराधि सुखलहिहौ बसि सुतलमधि ॥
 चौपाई ॥ तब बलिकहे जोरि युगपानी । मोहिं अशन कछु दीजै
 ज्ञानी ॥ सुनि प्रभुकहे सुनो बलिसोऊ । करिहि श्राद्धविनु श्रो-
 त्री कोऊ ॥ बिन ऋत्विजके आहुति जेते । अन्त दक्षिणाबिन
 मखतेते ॥ दान बिना श्रद्धाको जोई । तासु पुण्यफल तुवहित
 होई ॥ यहसुनिकै प्रभुसों बलिराजा । गयेसुतल मधि सहित
 समाजा । प्रभुसुरगण कहैं शासन दीन्हें । यथा प्रदेश बसौ
 मुदलीन्हें ॥ लहिशसनसुर शुभदिन वरमें । बसे पूर्ववत निज
 निज थरमें ॥ बसे पाकशासन निज पदपै । भयो जगतरत
 निजनिज हृदपै ॥ सिंगरे लोक मोदसों राते । गे क्षीरधिमधि
 विष्णु सोहाते ॥ कंबलाश्वतर आदिकब्याला । सकल सप्त-
 शिर कठिनकराला ॥ पीड़ितभे बलितिनसों बाधे । तब आरत
 कै प्रभुहिअराधे ॥ ताहीक्षणतहैं नारदजाई । बलिसों कहत भये
 समुझाई ॥ बन्धनमोक्ष उपायउदारा । कहैं करौसोकरिसुविचा-
 रा ॥ अस्तव श्रीपतिको मन भावन । पढ़ोताहि गुणिशोक न-

शावन ॥ बन्धनमोक्ष नाम भवहरता । मनवाञ्छित सुखसम्पत्ति
 भरता ॥ इमि कहिमुनि अस्तोत्र पढाये । ताहि पाठकरि बलि
 सुख पाये ॥ दोहा ॥ जासुनामलै होत जन भवबन्धनसों मुक्त ।
 पढिताको अस्तोत्र बलि किमि न होहिं मुदयुक्त ॥ मंत्रः ॥ ओं
 नमोस्त्वनन्तपतये अक्षयाय महात्मने । जलेशयाय देवाय पद्म
 नाभाय विष्णवे ॥ सप्तसूर्यबपुः कृत्वा त्रीनूलोकान्कान्तवान
 सि । भगवन्कालकालस्त्वन्तेन सत्येन मोक्षय ॥ नष्टचन्द्रार्कग
 गने क्षीणयज्ञतपःक्रिये । पुनश्चिन्तयसे लोकांस्तेन सत्येन मो-
 क्षय ॥ ब्रह्मरुद्रेन्द्रवस्वग्निसरिद्रुजगपर्वताः । त्वत्स्थोदृष्टाद्विजे
 न्द्रेण तेन सत्येन मोक्षय ॥ मार्कण्डेयः पुराकल्पे प्रविश्य जठरन्तव ।
 चराचरगतं दृष्टन्तेन सत्येन मोक्षय ॥ एको विद्याऽसहायस्त्वं यो
 गी योगमुपागतः । पुनश्चैलोक्यमुत्सृज्य तेन सत्येन मोक्षय ॥
 जलशय्यामुपाशीतो योगनिद्रामुपागतः । लोकांश्चिन्तयसे
 भूयस्तेन सत्येन मोक्षय ॥ वाराहरूपमाश्रित्य वेदयज्ञपुरस्कृ
 तं ॥ धराजलोद्धृता येन तेन सत्येन मोक्षय ॥ उद्धृत्य दंष्ट्राया
 ज्ञौ स्त्रीन् पिण्डान्कृतवानसि । त्वम्पितृणामपि हरेत्तेन सत्येन
 मोक्षय ॥ प्रदुद्रुवुः सुरास्सर्वे हिरण्याक्षभयादिताः । परित्राता
 स्त्वया देव तेन सत्येन मोक्षय ॥ दीर्घवक्त्रेण रूपेण हिरण्याक्षस्य सं
 युगे । शिरोजहार चक्रेण तेन सत्येन मोक्षय ॥ भग्नमूर्द्धास्तिम
 स्तिष्को हिरण्यकशिपुः पुरा । हुंकारेण हतो दैत्यस्तेन सत्येन मोक्ष
 य ॥ दानवाभ्यां हता वेदा ब्रह्मणः पश्यतः पुरा । परित्रातास्त्वया दे
 वास्तेन सत्येन मोक्षय ॥ कृत्वा हयशिरोरूपं हत्वा तु मधुकैटभौ ।
 ब्रह्मणे त्वर्पिता वेदास्तेन सत्येन मोक्षय ॥ देवं दानवगंधर्वायक्षासि
 द्धामहोरगाः । अन्तन्तवन पश्यन्ति तेन सत्येन मोक्षय ॥ अपांत
 रतमानामजातो देवस्य वै सुतः । कृताश्च तेन वेदार्थास्तेन सत्येन
 मोक्षय ॥ वेदयज्ञाग्निहोत्राणि पितृयज्ञहवीषिच । रहस्यन्तव
 देवस्य तेन सत्येन मोक्षय ॥ ऋषिर्दीर्घतमानामजात्यन्धोगुरुशा

पतः । त्वत्प्रसादाच्चक्षुष्मास्तेनसत्येनमोक्षय ॥ ग्राहप्रस्तंग
जेन्द्रं च दीनं मृत्युवशंगतं । भक्तमोक्षितवांस्त्वं हितेन सत्येन मोक्ष
य ॥ अक्षयश्चाव्ययश्च त्वं ब्रह्मण्यो भक्तवत्सलः । उच्छ्रितानां
नियन्तासितेन सत्येन मोक्षय ॥ शङ्खचक्रगदापद्मशार्ङ्गगरुडमे
व च । प्रसादयामिशिरसाते बन्धान् मोक्षयन्तु मां ॥ दोहा ॥ सुनि
अस्तव भगवान् प्रभु गरुडहि दये निदेश । बन्धमोक्ष बलि
कोकरो जाइ सुतल शुभदेश ॥ गरुडहि आवत निरखिगे सर्पि
सर्प तजिगाता मोदे बलि निबन्ध द्वे पढ़ि अस्तव अवदात ॥
तब खगपति बलिसों कहे प्रभुको सुखद सँदेश । याथरसों
युगकोशजो जैहौनांघि निदेश ॥ मरिहौ ताहीक्षण तहां ताते
सहपरिवार । बसियाहीथर सर्वदा कीजो उचितबिहार ॥ पढ़ि
हैं यह अस्तोत्रजे द्वे श्रद्धासों युक्त । तेलघुगुरुयुग बन्धते अ-
वशिहोहिगेमुक्त ॥ बामन प्रादुर्भाव यह जे पढ़िहैं मनलाय ।
तेनर लहिहैं उच्चपद जिमि सुरपति युतचाय ॥

इति श्रीहरिवंशदर्पणेश्वरामनप्रादुर्भावो नाम षट्त्रिंशोऽध्यायः ३६ ॥

दोहा ॥ बैशम्पायनसों कहे जनमेजय क्षितिकन्त । अब कहिये
जेहिहितगये शिवपैकृष्ण अनन्त ॥ सुनिबैशम्पायन कहे सो सुनु
पाण्डवभूपाकृष्णहि नौमिकहो कहे जेहिबिधिब्यास अनूप ॥ चौपाई ॥
प्रभुनरकासुरको बध करिकैं । सोरह सहस युवतिपरिहरिकैं ॥
बिहरिद्वारकामें मुद लीन्हें । बन्धुबर्गशुभ श्रीयुत कीन्हें ॥ एक
दिवस शशियुत निशिबरमें । हैं बिहरत रुक्मिणिके घरमें ॥
कही तहां प्रभुसों करजोरी । सुखदा रुक्मिणि प्रभा अथोरी ॥
नाथ मोहिं निजसम सुतदेहू । जासुचरित लखि आनंदलेहू ॥
सुनिबोले प्रभु आनंद दानी । प्रिये कहीतुम अति प्रियवानी ॥
लहि सुपुत्र बर शुचि पदपावै । जाहि कुसुत लहिनिरय कुठावै ॥
ताते उत्तमसुतहित जाई । सेइ शिवहि करि तपवर पाई ॥ आइ
इतैं तुमसों रमि आवन । भामिनि लहव पुत्रमन भावन ॥ इमि

कहि अन्तनिशाको लहिकै । प्रातकृत्य करि प्रभुमुद गहिकै ॥
 करि गोदानबन्दि द्विजगनके । चारु चरण शुभदायक जनके ॥
 जाइ सभागृह शोभन थरपै । बैठे सुखद सिंहासन बरपै ॥ तहँ
 यादवगण कहँ बुलवाये । उग्रसेन आदिक सब आये ॥ तिन
 सों बोले बचन सुहाते । सुनहु सर्व यादव मुदराते ॥ हमगुणि
 कछुकारज मनमाहीं । आजुशम्भुपै सादर जाहीं ॥ ताते तुम
 सों कहँ विचारी । सोकरियो तुमसब धनुधारी ॥ दोहा ॥ जरा-
 सन्धको युद्धलखि लखि रुक्मिणिको व्याह । सिंगरे नृपगण
 हैंतजे युद्ध जीतिकी चाह ॥ है नरकासुर को सखा पौंड्र भूप
 बलवान । समय परेखत रहतसो अमरष भरो अमान ॥ हमें
 बिना लखि नगरसो अइहै अवशि निशङ्क । जीति जाइ है
 तौहमें कैहै बड़ोकलङ्क ॥ याते रहियो सजग सब निशिदिन
 रहि सन्नद्ध । राखेहु पुर प्राकारके तीनिद्वारनित बद्ध ॥ एकदि-
 शाके द्वारते सदा गतागत होय । धसन न पावै नगरमें बिनु
 जानो जनकोय ॥ आवैसो निज भेद कहि लहै मुद्रिकाअङ्क ।
 तबप्रविशनपावै कढ़न ताही भांति निशङ्क ॥ द्वारपाल यूथप
 रहैं द्वारनधीरअथोरचातुरचार चलांकते रहैंफैलि सबओर ॥
 पुरतजि कोईवननमें मतिमृगयाकोजाय । सबदिन सबक्षण
 सबरहैं गहे शास्त्रसमुदाय ॥ दोहा ॥ इमिकहि करुणाएन सात्व-
 किसों फिरि इमिकहे । सात्वाकि गुणिममबैन पुर रक्षण तुमकी-
 जियो ॥ शिष्य द्रोणको बीरहै पौंड्रक बरअस्त्रविद । पुरपाहेहु
 रणधीरतजिनिद्रा चैतन्यरहि ॥ रामआदि बलवान यादवगण
 सों भाषिइमि । लखि मंत्री मतिमान उद्धव सों इमिप्रभुकहे ॥
 जयकरी ॥ उद्धव तुम्हौंमांनिमतिमान । नित पुरपाहेहुसहित बि-
 धान ॥ याते होइतहँसीहमारि । तिमिपुर पाहेहुनीति निहारि ॥
 सुनिबोलेउद्धव सुखपाय । तुम सर्वदसर्वज्ञ सुभाय ॥ सामदाम
 अरु दण्ड बिभेद । अरिसों ये करतव्यअखेद ॥ न्यून देखिकै

कीजै दण्ड । दीजैदानजानि अरु चण्ड ॥ समसौ करिकैसाम
उपाय । रुचित कीजिये समयपाय ॥ जहांन लागैइनमेंएक ॥
तहांकीजिये भेद विवेक ॥ करैनीतियुतकार्य विचारि । तौ सो
लहैनकबहुंहारि ॥ प्रभुकी कृपा सर्वसिधिहोत । हम करिवे में
करब न आत ॥ जाहुत्यागि सन्देहअरिघ्न । इहांनहोइहिने-
कोविघ्न ॥ जापर राउरि याविधि प्रीति । कबहुंन आइहि ता
ढिग ईति ॥ यहसुनि ताहीक्षण यदुराय । करिकै विदायदुन
गहिचाय ॥ सुमिरण कियेगरुडकोतत्र । आये गरुड कृष्णहे
यत्र ॥ गरुडोपर प्रभुकैआसीन । चलिउत्तर दिशि पुरुषप्रवी-
न ॥ सुरगण सों उच्चरित सुखन्द । सुनत निज स्तुति आनंद
कन्द ॥ गये बदरिकाश्रममें क्षिप्र । जहँ राजित बरतपकृत
बिप्र ॥ दोहा ॥ जहां पूर्वप्रभु विष्णुकरि निजतन द्विधा अनूप ।
अयुतवर्षतपकियेप्रभु नरनारायणरूप । गंगाजाके मध्यकैधर्सी
परमरमनीय । जहां तपस्याकरिसुमुनि होहिं सुमन कमनीय ॥
सोरठा ॥ वृत्रासुर कहँ नारि ब्रह्मज्याकेशान्ति हित । जहांसुरेंद्र
बिचारि अयुत वर्ष कीन्हें सुतप ॥ चौपाई ॥ संध्या समय तहां
प्रभुजाई । उतरे सहित सुमनसमुदाई ॥ मुनिगण सबप्रभुआ-
गम जानी । सायंकृत्य पूर्णकरि ज्ञानी ॥ याज्ञवल्क्यकश्यप प्रि-
यवादि । गौतम अत्रि वशिष्ठहिआदि ॥ ऋषिगण जाइप्रभुहि
तहँपूजे । अतिआनंद लहि अस्तुति कूजे ॥ बूझि कुशलशु-
चिआसनलहिकै । बैठे सुरऋषिसह मुदगाहिकै ॥ जोसुखऋ-
षिन लह्यो ताक्षणमें । सोकहिसकै कौनगुणि मनमें ॥ करि
आतिथ्यकन्द फलदीन्हें । सुरन सहित प्रभुभोजन कीन्हें ॥
भेप्रभु शासनपाय अहीना । सबनिजनिज आसनआसीना ॥
गये तहांतब कृष्णविचारी । हेजहँपूर्व बिशदव्रत चारी ॥ उत्तर
तट सुरसरिकेपावन । परम रुचिरथल अतिमनभावन ॥ तहँ
प्रभु ध्यानावस्थितकैकै । बिलसनलागे योतिनिज्वैकै । भयो

इतैमें हरगिरि ओरा । मृगयाशील शब्द अति घोरा ॥ छोड़हु
छोड़हुइवान सभनको । मारहुधरहु खाहु मृगगनको ॥ मिलै
शीघ्रकहुं खगपति गामी । तोमैं होउं धन्यशुभनामी ॥ मोक्षद
जासुनाममुनिगावैं । ब्रह्मादिकजेहि निशिदिनध्यावैं ॥ मैंअभा-
ग्यवशताहिन ध्यायों । ताते महाअधम तनपायों ॥ दोह ॥ नि-
शिदिन जासुसुभावसों हिंसाआदिक पाप । जानि जानिकरि
लहतहौं नितनूतन परिताप ॥ हिंसारतनिर्धेद युत सुनि ऐसो
आह्वान । चिंतनलगे अजान सम श्रीमाधव तजिध्यान ॥
कोयह ऐसो कहत है मम सुभक्तिसोंपूरि । गुणिइमि लेखनल-
गे तिमि परेलेखिबलभूरि । मांसखात पीवत रुधिर भयद पि-
शाच अनेक । तिनमें दौयप्रमत्तअति सबके अधिप सटेक ॥
मांसखातपीवत रुधिर अंत्रावलि की माल । पहिरे माधव कृ-
ष्णहरिरटतपरम खुशहाल ॥ चोटा ॥ निर्वेदज युत ग्लानि बच-
नबकत निन्दतनिजहि । प्रभुकेगुण सुखदानि कहत बारहूंभां-
तिबहु ॥ चौपाई ॥ तेपिशाच पति प्रभुपै जाई । कोतुमकहे कहौं
समुभाई ॥ तुम मानुषइत कितसोंआये । अतिसुन्दरसुकुमा-
रसोहाये । पद्मेक्षण पद्मानसुशोभन । पद्मापतिसम मनसि-
ज क्षोभन ॥ सिंह बराह पिशाच निकरमें । कतआये तुमदुर्गम
थरमें ॥ सुरगन्धर्व किन्नरकहवावो । कैन्सिंहकहि अमबिलगा-
वो ॥ सुनि हँसिबोले कृष्ण प्रशंसी । हम मनुष्यक्षत्रीयदुवँसी ॥
चाहिजान हर गिरिपै सानँद । शम्भुहि देखन हित सुनुमानँ-
द ॥ यह थर देखि परम रमणीया । वासकिये गुणिश्रम शमती
या ॥ कहिप्रभु कहे कहौं तुमकोहौं । सेना सहित बीरयुग जोहौं ॥
मुनिगण सेवित शुभथरपावन । तहँतुम जातचले कतचावन ॥
तुमसब हिंसक भेष अपावन । उतैजाहु मति धर्म नशावन ॥
जो आगेचलिहौ बरिआई । तौ सबविधि जैहो इहिठाई ॥ तिन
युगमें ते एक सुजाती । कहत भयो प्रभुसों अनुमानी ॥ हम

पिशाच अनुचर धनपतिके । आलय शिवके पूर्ण भगतिके ॥
 नाम सुघण्टकर्ण ममजानो । यहमम लघु भ्राता बलवानो ॥
 सुनो एक ममवर अपराधा । जेइ कीन्हो इच्छितकोबाधा ॥
 दोहा ॥ घण्टा बांध्यो श्रुतिनमें यहगुणि मैं अधधाम । जारवते
 नहिं सुनिपरै कबहुं विष्णुको नाम ॥ गहि अनन्य शिवकी भ-
 गति तपकरि शिवपै जाय । मांगिमुक्ति शिवसों सुन्यो यह
 उत्तर सुखदाय ॥ मुक्तिदानि हैं विष्णुप्रभु मांगहुतिन्हैं अराधि ।
 बदरी बनमें जायकै तासुभक्तिव्रतसाधि ॥ सोरठा ॥ यहसुनि भो
 मन मैर चढो ग्लानि निरवेदको । विष्णुनामसों बैर करिदिन
 खोयो हाय मैं ॥ महिबरी ॥ सुनि शम्भुसों यह बचन विष्णुहि
 परमप्रभु अनुमानिकै । जगप्रभव सर्वद सर्वमें अव्यक्त अव्यय
 जानिकै ॥ इत आइप्रभुहि अराधि लखि शुभमुक्ति चाहतहों
 सुनो । वै भक्तवत्सल कृपानिधि सो अवशि देहैं ध्रुवगुनो ॥ इहि
 भांति प्रभुसों भाषि तहैं फिरि मुदित शोणित पानकै । जलप-
 रशि विशद विदर्भ आसन परबिराजि सुध्यानकै ॥ हवै महत
 आरत गायगुणकरि विनय रहिलय लायकै । भो गुणत क्षण
 में कृपानिधिको ध्यानदर्शन पायकै ॥ प्रभुकिये सोपर कृपाताते
 दिये दर्शन जानिकै । जिहि लहे इमि नहिं कबहुं योगिन स-
 विधि करत बढानिकै ॥ अबभर्यो धन्य कृतार्थ लहिकै शुभद
 बांछित आजुमैं । इमि समयलहि मम बन्धु हवैहैं करि सुरति
 सतकाजु मैं ॥ यह समुक्ति मोदित ध्यान तजि सो प्रभुहि स-
 न्मुख देखिकै । लहिध्यान दर्शन स्वच्छमति परतच्छ प्रभु अ-
 वरेखिकै ॥ उठि पुलकि नृत्यन लगो हँसिहँसि शोच सिंगरो
 नाषिकै । ये विष्णु प्रभु ये विष्णु प्रभु ये विष्णु प्रभु इमि भा-
 षिकै ॥ दोहा ॥ ब्रह्मासह ब्रह्माण्ड बर अगणित अमितप्रभाव ।
 इच्छि बिरचि एईसदा ईच्छित शीक्षित भाव ॥ एई प्रभुअव्य-
 क्त गहि बपुकै व्यक्त अव्यक्त । कौतुक करत अनेकविधि हवै

कौतुक अनुरक्त ॥ इमि गुणि निर्गुण सगुणकरि अगणित गुण
 गण गान । पुनि पुनि सुनि धुनि स्वच्छ सों मुनिजन सम मति-
 मान ॥ सोरठा ॥ लखत ध्यानधरिजौन प्रभु अब्यक्तहि धन्यसो ।
 मोसम धन्यन तौन लख्यो अब्यक्तहि धन्यसो इमि ॥ चौपाई ॥ प्र-
 मुदित बारबार इमि कहिकै । मृतकविप्रको शुचितन गहिकै ॥
 करिद्वै टूक पात्रपै धरिकै । जललै विधिवत अर्पण करिकै ॥
 बन्दि चरण नन्दित करजोरी । कहत भयो गहि प्रीति अथोरी ॥
 प्रभु यह मास विप्रको पावन । नूतन निर्मल सद्य सोहावन ॥
 अरप्यो यह आपुके जानी । ग्रहण करहु करि कृपा महानी ॥
 भक्षण करै आपु जो जोई । देव पितर कहँ अरपै सोई ॥ यह
 श्रुति उक्त सुबचन विचारी । ग्रहण करहु मम दोष बिसारी ॥
 प्रेममयी यह आरत बानी । सुनिबोले प्रभु आनँद दानी ॥
 ब्राह्मणसदा पूज्य निरधारो । नहिँ बध भक्षण योग विचारो ॥
 मृतक न छुवन योग शुचि जनको । अबन कहहु यहि अशन
 बचनको ॥ हम प्रसन्न तुव भाकि निहारी । होहु अशोच शङ्क
 तजि भारी ॥ इमि कहितासु गात प्रभु परसे । कृपाकटाक्ष सु-
 धासमवरसे ॥ परशत भयो दिव्य तन सोई । पारस परशि लो-
 हजिमि होई ॥ परशत भयो तौन भरि भासों । तव प्रभु कहत
 भये इमि यासों ॥ अनुज सहित तुम सुरपुरजाहू । बिहरहु लहि
 अपूर्व मुदलाहू ॥ करी बास सुरपतितहँ जौलौ । करौ बिहार
 तहां तुम तौलौ ॥ दोहा ॥ तदनन्तर सायुज्य मम लहिहौ सुनो
 सुजान । यह कहि ताहि किये बिदा कृपासिन्धु भगवान ॥ बिह-
 रत भयो पिशाच सो इन्द्रलोकमें जाय । इत प्रभु द्विजाहि जि-
 याइकै अस्तुतिसुने सचाय ॥ अस्तुतिसुनि तेहि करि बिदा मुनि
 मण्डल में आय । कहे सकल वृत्तान्त प्रभु कृष्णचन्द्र सुख-
 दाय ॥ करि अस्तुति मुनिजन कहे इतो आचरज कौन । विश्व-
 सृज भगवान प्रभु चहौ करौ तुम तौन ॥ सोरठा ॥ सुनि सु बचन

अवदात प्रभु इमि मुनिजम सोंकहे । हम हर गिरिपैजात आ-
 यहु तुम सब समयलहि ॥ जयकरे ॥ कहि खगपतिपै कै आसीना
 दरशेगिरिजोप्रभा अहीन ॥ जहां अराधहिं शिवहि धनेश ।
 करें तपस्यासिद्ध सुभेश ॥ गंगादिक सरिता अभिराम । प्रगट
 भई जहँसों गुणग्राम ॥ जहँ बेधाको पंचम शीश । काटे असत
 करत लखि ईश ॥ पूर्व जहां हरिकरि सहप्रेम । सहस कमल
 अर्पणको नेम ॥ घटे एकदिन बारिज एक । कमल नयनपाहक
 धृतटेक ॥ काटिअर्पि निज चष सुखदान । लहे शंभुसों चक्र
 महान ॥ अति सुन्दरमानससर यत्र । गयेकृष्णप्रभु सादरतत्र ॥
 सरवरके उत्तरतट जाय । बैठि लगे तप तपनसचाय ॥ द्वादश
 बार्षिक करि सङ्कल्प । किये तपस्या परमअनल्प ॥ गरुड़ त-
 हां ईधनहे देत । पुष्पदेतहे चंचलचेत ॥ दर्भदेत हे खड्गसुभे-
 श । रक्षतरहे शङ्खसो देश ॥ गदा धनुष शुभसत्व निकेत ।
 परिचर्याहें करत सनेत ॥ प्रथम दिवस करि शाकअहार । दूजे
 दिन रहि बिना आधार ॥ शाक बहुरि तीजेदिन खाय । फिरि
 खाये दिन तीन बिताय ॥ खायेफेरिगये दिनचारि । फेरि पांच
 दिन बिते बिचारि ॥ द्वाद ॥ शाकखायकै एकदिन यहिविधिके
 क्रमचाल । अन्तर दैदौ दिवसबहु पक्षमास अरुसाल ॥ दुस्तर
 ब्रत जप हवन अरु वेदपाठ सबिधान । मास ऊनद्वादशवरष
 कीन्हें कृष्ण महान ॥ आये तब बिष्णुहि लखन सुरगणसहित
 सुरेश । पितर धर्म ऋषिगण वरुण किन्नर मरुत सुभेश ॥
 अप्सरअरु गन्धर्वगण सब सत्वर तहँ आय । तपत उग्रतप
 प्रभुहि लखि निरखिरहे टकलाय ॥ मोरठा ॥ ब्रत समाप्तमें
 सर्व उमा सहित आये तहां । धनदसखागण सर्व साथ भरे
 अतिमोदसों ॥ चौपाई ॥ दर्भदीपिका डिण्डिमशूला । धारिचारि
 भुजसों अनुकूला ॥ भस्मगरल शशि सुरसरिधारे । कर कपाल
 को मालविहारि ॥ अहिगणके भूषणसों शोभित । करेकोटि क-

न्दर्पहि क्षोभित ॥ भूप वृन्द बहुरूप विभाते । संग अनगिने
 आनंदराते ॥ नृत्ति शिवास्तुति कूजत मोदित । बहु पिशाच
 के यूथ विनोदित ॥ पढ़त वेद मुनिगण बहुपावन । आये संग
 शम्भुके चावन ॥ तिनकेमध्य वृषभचढ़िभाये । प्रभुके निकट
 शम्भुप्रभुआये ॥ लखिहरिहरहि निकट मुदलीन्हें । जयति जय-
 ति सुर ऋषिगणकीन्हें ॥ जगन्नाथ जय जय प्रभुशङ्कर । चक्र
 शूलधर जय अभयङ्कर ॥ जय कौस्तुभधर जय अहिभूषण ।
 जय अघओघ तमसके पूषण ॥ जयश्रीखण्डभस्मधरस्वामी ।
 उमारभापति खगपशुगामी ॥ जयभृगुचरणअङ्क विषधारी ।
 जय क्षीरधि कैलाश विहारी ॥ जयति श्याम सितरूप सलोने
 जय जग प्रभव अनादि अयोने ॥ यहिविधि कहिकहि सकल
 अनन्दे । श्रीप्रभु हरिहरके पगबन्दे ॥ तब उठि केशव शंभुहि
 पूजे । करिप्रणाम शुभ अस्तुति कूजे ॥ सुनिअस्तुति शिवहिय
 मुदसों भरि । कहे विष्णुके करकरसों धरि ॥ दोहा ॥ तुमअनन्त
 तुमविश्वसृज बहुब्रह्माण्ड निकेत । पुत्रहेत इतनोकरे कोजाने
 यहहेत ॥ निरमेहैं हम पूर्वहीं तुग्रहित पुत्र अनूप । सुनो तौन
 इतिहास अब निजबांछित अनुरूप ॥ सौरठा ॥ कृतयुगमें तप
 पर्म अयुताब्दिक हमहैंकरत । तहँपरिचर्या कर्म उमा सर्वदा-
 हीकरत ॥ चौपाई ॥ तहँ सुरपतिको शासन लहिकै । आयो काम
 बाण धनुगहिकै ॥ संग सहाइ लैगइ ऋतुराजहि । हनेसिकुसुम
 शर तजि डर लाजहि ॥ सो विचारि हौं क्रोधित कैकै । ज्वाल
 जालमें चषसों ज्वैकै ॥ भस्माशेष कियो तेहि क्षनमें । पीछूइंद्र
 कृत्यगुणि मनमें ॥ सुनि बिधि बचन कृपा तब कीन्है । तुव सुत
 हूबेको बरदीन्है ॥ रुक्मिणिमें तुमसों सुत होई । नाम प्रद्युम्न
 कामबह सोई ॥ इमिकहि शम्भु जोरियुगवारी । अस्तुति किये
 तत्त्व अनुसारी ॥ अस्तुति करि शिव फिरि अभिलाषे । सुर
 मुनि जनसों यहिविधि भाषे ॥ येई विष्णुरुद्र बिधिजानो । इन्द्र

कुबेर वरुण रविमानो ॥ इनहींसों सबजग उत्तपतिहैं । लीन
 होत इनहींमें सतिहैं ॥ ये ईश्वर न्यामक सबहीके । ये चितकर-
 ण चारु शुचिहीके ॥ ये निर्ः जगरचना ईच्छित । तब कै स-
 गुण बिरचि जग शीक्षित ॥ आपुअव्यक्त रहत सबहीमें । जैसे
 माखन दूध दहीमें ॥ मथे ज्ञान मन्थनसों दरशैं । जेहि प्रकार
 योगीजन हरशैं ॥ ये सबमें बैभवलक्षणसों । प्रगट निरेखिपर-
 त अक्षणसों ॥ देखे सुने परत सब जेहैं । ते सब येते भे इनते
 हैं ॥ दोहा ॥ सुनि शंकरके बचन ये भये मोद युत सर्व । सुर
 सुरपति दिग्पाल ऋषि यक्षाप्सर गन्धर्व ॥ श्री नारायण वि-
 ष्णुते अन्य देव नहिंकोइ । विष्णुहि जपत सप्रेम नित धन्य
 धन्य जन सोइ ॥ विष्णुसदा जपतव्य हैं हैं पठितव्यत्रिमूर्ति ।
 इनमें कछून भेदहै जो निरखै करि सूति ॥ सोरठा ॥ यक्षाप्सर
 गन्धर्व सुर सुरपति दिग्पाल ऋषि । भये मोद युत सर्व सुनि
 शंकरके बचनये ॥ महिषरी ॥ यहिभांति प्रभुहि प्रशंसिहरफिरि
 किये अस्तुति चावसों । जो वेद कच्छन कथित ग्रथित अनूप
 अनघ प्रभावसों ॥ श्री नाथ केशव नमस्तुभ्यं नमः शशि सू-
 र्यात्मने । जयनमो वेदात्मने तुभ्यं नमः श्रीब्रह्मात्मने ॥ जयन
 मो सर्वात्मनेतुभ्यं नमः श्रीमरुतात्मने । विधि विष्णुरुद्रात्मने
 तुभ्यं नमः श्रीविश्वात्मने ॥ जयनमस्तुभ्यंरूपरसगन्धस्पर्शश-
 ब्दात्मने । जयसहस्रशीर्षापुरुषतुभ्यं नमः श्रीत्रिगुणात्मने ॥
 दोहा ॥ करि अस्तुति यहिभांति शिवभे तहँ अन्तर्द्धान । शिवा
 सहित सब गणहिं सह पूरितमोद महान ॥ वन्दि वन्दि प्रभुके
 चरण लोकप दिगप अशोक । लहि लहिमोद अमोघगे थोक
 थोकं निजओक ॥ शङ्खी चक्रीप्रभुगदी खड्गीधन्वीजिष्णु । आ-
 ये गरुडारूढ़ कै वदरीवनमें विष्णु ॥ सोरठा ॥ मुनिजनसों विधिपूर्व
 पूजितकै बैठोजहां । पायेमोद अपूर्व प्रभुहिलेखिते मुनिसकल ॥
 इति श्रीहरिवंशदर्पणेकैलाशयात्रावर्णनोनामसप्तत्रिंशोऽध्यायः ३७ ॥

चौपाई ॥ उतैसुपौण्ड्र भूप धनुधारी । कृष्णचन्द्रसौं शरिवि-
चारी ॥ पास बोलिसब दिशिके राजा । कहत भयो गुणि जय
यशकाजा ॥ हमहिंदण्ड सब भूपति देहीं । सुनत निदेशशीश
धरिलेहीं ॥ नहिं मानैं यदुवंशी हमको । सुनि मम तेज न लहैं
भरम को ॥ दण्ड न देहिं रहैं नितकलसों । भये निशङ्ककृष्ण
के बलसों ॥ सुनिये कृष्ण गोपकी करणी । बासुदेवमम नाम
सुवरणी ॥ सो कहु बीच मोदसों रातैं । और सुनो यह अनहद
बातैं ॥ ममधनु गदा खड्ग को जोहै । नाम विख्यात अमोघ
गुणो है ॥ निजधनु गदा खड्गको सोसो । राखिनाम चाहत
भो मोसों ॥ अब ओहि बासुदेव जो कहिहैं । सो अति दुसह
क्रोध मम सहिहैं ॥ निजपन यौवन को पनलेहैं । शतशतभार
हेम मणि देहैं ॥ नरकासुर मम सखाप्रबलको । हैयहगोपदुवन
बरदलको ॥ मारियाहि निज दुसह गदासों । लेहों बैरमित्रको
यासों ॥ यह सुनि कितै भूप मुसुकाई । समुभिरहे चुप शीश
नवाई ॥ कितने निलजमूढ़हरषाने । मूढ़कालवश कैउमदाने ॥
इतनेमेंतहूँ नारदआये । हरि गिरि ते गुणि आनंददाये ॥
देहा ॥ पूजि मुनिहि बैठाय सो कहत भयो वृत्तान्त । जिमिनृप
गणसों सो कहे गर्वितबचनअशान्त ॥ सुनि मुनि नारद कहत
भे सुनु पउण्ड्र क्षितिपाल । कृष्णहि एसोसो कहत चढ़त जासु
शिरकाल ॥ शार्ङ्गी खड्गी गदी औ बासुदेव प्रभुपर्म । सोक-
हाइबो तुमचहत सोयह दुस्तरकर्म ॥ सोरठा ॥ सुनि पउण्ड्रयह
बैन कै सरोष फिरिरोकि रिस । तुम अबध्य तपऐन चहो कहो
सो इमिकह्यो ॥ चौपाई ॥ शीघ्र उठहु कहूँ जाहु गोसाई । अब
फिरि मति आयहु यहिठाई ॥ मुनि उठि तुरत कृष्ण पै आये ।
विधिवत यह वृत्तान्त सुनाये ॥ सुनि प्रभु कहे गर्व बलतासू ।
मुनिहम करब शमन अबआसूं ॥ इतै पउण्ड्र सेनसज्जिभारी ।
चढ्यो द्वारका पै धनुधारी ॥ एकलव्य आदिक बहुराजा । चले

संग सजि सहित समाजा ॥ रथगज हयारूढ़ पदचारी । सुभट
 असंख्य बीर अरिदारी ॥ सह बजवाय भेरिकरनालै । दिपित
 कराय असंख्यमशालै ॥ सत्वरजाइ भरो अति रिससों । घेरि
 द्वारकापुर सब दिशिसों ॥ सुभटन दयो निदेश लरनको । यदु-
 बंशिन के मान हरनको ॥ तिन्हें देखि पुरकेरखवारे । शस्त्रसमूह
 क्रोधकरि मारे ॥ लागेलरन भूपभट तिनसों । मारिमारि आयु-
 धअनगिनसों ॥ यह सुनिकैसिगरे यदुवंशी । उग्रसेन आदिक
 सुप्रशंसी ॥ गहि आयुध बाहनपै चढ़ि चढ़ि । लागेलरननगर
 ते कढ़ि कढ़ि ॥ भिरे गजस्थ भटन सुभटनसों । रथी रथी जय
 शब्द रटनसों ॥ भिरे हयस्थन सों हयसादी । पैदर पैदर सों
 उनमादी ॥ लागोहोन युद्धअतिघोरा । लगे चलन बहुशस्त्र
 कठोरा ॥ दोहा ॥ तहँ निषाद प्रति प्रबलभट शिष्यद्रोणकोबीर ।
 बाण वृष्टि अति करत भो एकलव्य रणधीर ॥ सात्यकि हार्दिक
 रामगद जेभट उद्धव आदि । करत भयो व्याकुलतिन्हें मारि
 बीर ध्वनि नादि ॥ सोरठा ॥ कै अर्दित तजि युद्ध प्रविशतभे सब
 नगरमें । तब लखि जीति सकुद्ध पौण्ड्रकहत भो भटन सों ॥
 परशुकुठार कुदारि सोंबिदारिगाकार वर । पुरमेंप्राविशि प्रचारि
 लूटिलेहु मणिधनयुवति ॥ चौपाई ॥ यह सुनिसकल सुभट मुद
 पागे । पुरुबदिशि लागि खोदनलागे ॥ हाहाकार मचोपुरमाहीं ।
 कृष्ण बिनाकोउ रक्षक नाहीं ॥ राम आदि सब भटयहसुनिकै ।
 पलटेबचन कृष्णको गुनिकै ॥ सत्वर आयेतहां प्रचारत । जहँ
 हेभट प्राकारबिदारत ॥ तिन्हेंदेखिसात्यकि धनुधारी । तजेअस्त्र
 बायव्य बिचारी ॥ कै तासों प्रेरित मति बिगरे । गये पूर्वथल पैंते
 सिगरे ॥ गेनिशितहांहांकिरथ हेरत । कहां पउण्ड्रबारबहुटेरत ॥
 आजुतासु शिरकाटि गिरावों । रणदेविहि बलिदानचढ़ावों ॥
 जोशठनिलज मोहसों छायो । निशिमें इततस्कर सम आयो ॥
 सुनि सात्यकि के वचन अनैसे । बोलतभो पौण्ड्रकनृप ऐसे ॥

हैंकहु कृष्णगोप बनचारी । स्त्रीपशुहन्ता अधकारी ॥ जो मम
नाम आपनोकीन्हे । जहँ तहँबिहरत आनँदलीन्हे ॥ वाहि बु-
लाउलरौंमेंओसों । तूनहि लरनयोगहैमोसों ॥ जोतू बीर आ-
पुकोजानै । तौलरिकरि लेनिज उरमानै ॥ जबतुवमरणखबरि
सोपाइहि । तब व्याकुल हवै आपुहि आइहि ॥ यहसुनि सा-
त्यकि अति रिसकरिकै । तासों कहे बाण धनु धरिकै ॥ रेशठ
तोहि काल जोघेरे । नृत्यत चढ़ो शीशपैतेरे ॥ सोजबउतरि जी-
भ पैआवत । तबयहि विधिके बचन बकावत ॥ रुचै जौनसो
बकिले तौलों । गिरैन शीश भूमिपै जौलों ॥ घरीचारिमेंरसना
तेरी । खैहैं गिद्ध बातसतिमेरी ॥ इमि कहि धनुष कानलोंताने।
बाण तासु उर हनिहरषाने ॥ दोहा ॥ लगे बाण अति क्रोधकरि
भरो रुधिर सों गात । पौण्ड्र भूप मारतभयो सात्यकिको शर
सात ॥ सात्यकि तेहि सोसात्यकिहिमारे बाणअनन्त । मारेसि
एक प्रचण्डशर सिनिकहँसो क्षिति कन्त ॥ सोष्टा ॥ सात्यकिभट
बलवान ताकेलगेघरीकलों । मूर्च्छितरहेअजान लागिध्वजाके
दण्डसों ॥ चौपाई ॥ तौलों दशशर सिनि तेहि मारी । हनिपची-
स शरहयन बिदारी ॥ गरजतभयो पउण्ड्र अमाना । सुनिसचे-
तभे सिनिबलवाना ॥ सूत गजनकहँ अरदित देखी । दुस्सह
बाण हने अतितेखी ॥ लगेबाण मूर्च्छितहवैसोऊ । रथपैगिरोमूं
दिचष दोऊ ॥ तबलोंसात्यकि शरविधि ठाटे । सिगरे अंगसु-
रथके काटे ॥ सिगरे गात हयनके भेदे । धरसोंशीश सूतको
छेदे । तबसों चेति गदा लैधायो । बढ़ि सात्यकिके रथढिग
आयो ॥ सात्यकि गदापाणिलै तासों । कीन्हेगदा युद्ध भरि
भासों ॥ बहुविधि गदा युद्धते कीन्हे । लखि इतउत्सव विस्मय
लीन्हे ॥ गदा तासु भूपैसिनि मारे । मूर्च्छित करि तेहि महिपै
डारे ॥ चेतिशीघ्र उठिसोरणचारी । मारेसिसिनिहि गदा अति-
भारी ॥ तबसात्यकि अतिभुजबल बरसों । तोरेतासु गदालै

करसों ॥ तबसोचाबुक बीरनचूका । मारेसात्यकि केउरमूका ॥
 सात्यकि डारि गदागुणि मनमें । मूका हनेतासुगुरुतनमें ॥ तेहि
 सात्यकि सात्यकि कहँसोई । मुष्टिक हनत भयेरिसि भोई ॥
 बलकल करि घातनसोंमारे । बाहुयुद्ध बिदि नेकुनहारे ॥ दोहा ॥
 भोइमि सात्यकि पौंड्रसों संगर परमप्रचण्ड । एक लब्ध बल-
 रामसों भो तिमियुद्धउदण्ड ॥ एक लब्धकहँराम अरु रामहिं
 धीरनिषाद । मारत भये अनेक शर बीरशब्दकरिनाद ॥ सोरठा ॥
 एक लब्धकोचाप दये काटि बलवानसो । तबसो करि परताप
 खड्ग फेंकि मारत भयो ॥ गुरुतोमर ॥ तेहि देखि आवत ठान
 सों । बलकाटिदीन्हें बानसों ॥ असिहन्यो दूजो हेरिसो । बल
 काटिदीन्हें फेरिसो ॥ फिरि शक्तिघण्टामाल में । अय हेममय
 मणिजालमें ॥ लै एक लब्ध बलीहनो । बलबीर पैगर्वीगनो ॥
 चलि कूदितेहिनिज पानिकै । जेहिहनोतासोंजानिकै ॥ उरशक्ति
 लागे झूमिकै । सोगिरो रथपैघूमिकै ॥ तबताहिमूर्छितदेखिकै ।
 सबतासु सैनकतेखिकै ॥ यकवारभुकिचहुं ओरसों । बहुशस्त्र
 धरबर जोरसों ॥ दोहा ॥ सहस्रअठासी धीरते बीर निषादस-
 टेक । मारतभेबलरामपै आयुध अगम अनेक ॥ हल मूशल
 लैरामतब हने तिन्हें गहिमोद । तिनमें करत भये तहां शिवा
 पिशाचबिनोद ॥ गिरिकन्दरमें दुरतभे तिनमें कितने भागि ।
 एकलब्ध हयलखतभो उठिमुच्छासोंजागि ॥ सोरठा ॥ लैगुरुगदा
 सकुद्ध जाइ रामपैबेगसों । गदायुद्ध अतिउद्ध करत भयोदा-
 रुणसुभट ॥ चौपाई ॥ चारिपुरुषवर भिरि तेहिनिसिमें । युद्ध क-
 रतभे भरि अति रिसिमें ॥ एकलब्धअतिरामप्रवीरा । अरु
 पौंड्रके सात्यकिरणधीरा ॥ अति प्रचण्ड संगरतहँ माचो । घोर
 शब्ददशदिशिमेंराचो ॥ इतनेमें शशिकी द्युतिमैली । भई सु-
 रुचिदिन मणिकीफैली ॥ लखि प्रभात प्रभु बदरी बनते । च-
 लेबिदाकै सब मुनिगनते ॥ खगासीन नभते धुनि सुनिकै ।

आये पौंड्रलरत यह गुनिकै ॥ पांचजन्यशुभ शङ्खबजाये ।
 सुनि यदुबंशी अतिसुखपाये ॥ आये पुरमें प्रभुमुद लीन्हे ।
 बन्दीजन जुरिअस्तुतिकीन्हे ॥ उतरिखगपतिहिस्वपुरपठाये ।
 दारुकि सों निज रथ मँगवाये ॥ चढ़िरथपै आये रण भूमें ।
 जहँ अगणित भटघायलधूमै ॥ भूपपउंडकृष्णकहँ देखी । तजि
 सात्यकि सों युद्धअदेखी ॥ प्रभुपै चल्यो क्रोधसों हठिकै । तब
 सिनि रेंके आगे बढ़िकै ॥ रेशठ भूप मोहिं बिन जीते । जात
 आनपै संगर चीते ॥ यह नहिंक्षत्रिनकोसुधरमहै । यह कादर
 जनको कुकरमहै ॥ हमहिं जीतिकै जब कहुं अनतै । जैबेकी
 शुचिरुचि गुणुमनतै ॥ इतनेहुंपै पलटिनवाजा । चलो कृष्णपै
 गर्बित राजा ॥ दोहा ॥ तबसुप्र शंसित कृष्णसों सात्यकिकरि
 कैगौर । तासुपीठि मेंहनिगदापरे रहेतेहि ठौर ॥ महाराजसु-
 नपौंड्रतब प्रभुकेसन्मुख जाय । गरबितअरबितभो कहतगर-
 बितवचनअबाय ॥ गोयुवतीहय वृद्धके बधकरता हेगोप । न-
 रकासुर निजसखाके बैरकरौतो लोप ॥ सोरठा ॥ तौबधकरि ग-
 हिटेकचक्री शाङ्गीअरु गदी । बासुदेवअबएकमें कहवैहौंजग-
 तमें ॥ रोला ॥ पौंड्रकेयेवचन सुनिप्रभुकहतभे मुसुकाय । सत्य
 जोतुम कहेइनमें एकहैनअबाय ॥ गोकहतमहिदिवदिशनिह-
 मतासुपालनहार । खलनकेवर वीर्यबुधिकेगोपके करतार ॥
 वृषभ तियहय वृद्धमारत कियोहमन बिचार । मध्यतुमकहँ
 पाय बधत न नेकु हमहिं अबार ॥ चक्रधनुतौ गदातौहैं नाम
 रूप समान । पैनहैं मम गदाधनु अरु चक्रसमगुणवान ॥ शो-
 च हमको यहै तुमतौ जाहुगे तजिदेह । बूझिहै को तुम्हैं बिन
 गुण अगुणता गहि नेह ॥ सुनहु जो तुव अस्त्र अरु मर्मअस्त्र
 है सहनाम । क्षणकमें मम अस्त्रतौते करहिंगे तौ काम ॥ करहु
 अब मतिबेर रथचढ़ि लरहु गहि निज अत्र । जाहुतौ प्रिय
 सखा नरकासुर गयोहै यत्र ॥ वचन यहसुनि कोपिरथ चढ़ि

पौण्ड्र भट बलवान । लगो गरजन हने तौलों कृष्णप्रभु बर-
 बान ॥ कृष्णकोदशबाणवर अरु सात्यकिहि दश पांच । हनत
 भो सब हयनकहँ सोबीर दशनाराच ॥ कृष्ण तौलों तासुध्वज
 अरु सूतको शिरकाटि । मारिचारों बाजि मारे ताहि शरबर
 डाटि ॥ कूदिरथते पौण्ड्र मारत भयो खड्ग चलाय । बीचही
 तेहि काटिदीन्हें बाणसाँ यदुराय ॥ तज्यो सो तब घोर चक्र
 अमोघ करण अनर्थ । कूदि अनतेजाय के सब दये तेहि करि
 व्यर्थ ॥ घरिकलों इमि शीक्षिताके चक्रसों जगदीश । डारिउ-
 रबी पै दये तहँ काटिताको शीश ॥ मरोताको देखिताके सुभट
 के समुदाय । भगे ताड़त हियो रोवत करत हाहाहाय ॥ राम
 सों लरि हारिभागो एकलव्य निषाद । लये करमें गदाभागो
 गहे दीह बिषाद ॥ क्रोध बशगे तासु पीछे दूरिलों बलराम ।
 दुरो सो तब पलटिआये कृष्णपै बलधाम ॥ दोहा ॥ यदुवंशिन
 सहकृष्ण तब सभा सदनमें जाय । हरिगिरि यात्राकोकहे सब
 वृत्तान्तसचाय ॥ सोकहि मोदित करियदुन अस्तुति कर्णि बि-
 सर्जि । जाइप्रियन अनदित करे कहि वृत्तान्त अचर्जि ॥

इतिहरिवंशदर्पणेकैलाशयात्रापौसद्वधवर्णनोनामअष्टत्रिंशोऽध्यायः ३८ ॥

दोहा ॥ मुनिवरसुनिप्रभुकी कथा मोमनतृप्तनहोत । कोअस
 जेहि प्रभुगुण सुनत गुणतहोतहै वोत ॥ ताते कहिये जो किये
 हंस डिभकके संग । चारु कुतूहल चावसों श्रीकेशव श्रीरंग ॥
 चौपाई ॥ सुनि मुनि कहे सुनहु नृप बरणी । प्रथमतासु उत्पति
 अरु करणी ॥ हो शुभशाल्व देशको स्वामी । ब्रह्मदत्त भूपति
 नयगामी ॥ रहीतासुझै तिय वरलाजा । तिनसों रमे बहुतादिन
 राजा ॥ लहे न सुततव शुचिव्रतसाधे । शम्भुहि दिगमित ब-
 रष अराधे ॥ तब शिव क्षिप्र दृश तेहिदीन्हा । सुत हित बर
 दै मोदित कीन्हा ॥ नाम मित्रसह ब्राह्मण ज्ञानी । रहो भूपको
 सखा सुमानी ॥ बहुदिन पुत्रहीन रहि सोऊ । चिन्तित भे पत्नी

पतिदोऊ । तेऊ पांचवरष हरिपूजन । करिकीन्हें शुभ अस्तुति
 कूजन ॥ दीन्हें बिष्णुताहिवरपावन । पुत्रोत्पतिकर शोक नशा-
 वन ॥ ब्रह्मादत्तके द्वैसुत जाये । हंस डिभक शुभनाम सोहाये ॥
 भो सुत एक विप्रके आरज । नाम जनार्दन कृतशुभ कारज ॥
 नृपके अरु द्विजके सुत साथहि । बरधिपढ़े विद्यागुण गाथहि ॥
 सर्वशास्त्र धनुवेद पुराना । सुनिगुणिकरि अभ्यास विधाना ॥
 हंस डिभक हिमगिरि ढिगजाई । शिवहि अराधे दृढ़लयलाई ॥
 पांचवरष जलबायुअहारा । करितपकीन्हें सहितविचारा ॥ तब
 तहँ आइशम्भुमुदराखे । बरंब्रूहि नृपसुतसों भाखे ॥ दोहा ॥ मांगे
 शम्भुहि बन्दि ते प्रभुहम होहिँ अभेय । अमर असुर गन्धर्वगण
 नरसों सदा अजेय ॥ दिव्य अस्त्रनिज सर्वप्रभु पूर्ण कृपा करि देहु । क-
 वच अभेद्य अछेद्य धनु देहु निरखिममनेहु ॥ चोरठा ॥ द्वैद्वैगणबल
 वान रहैं सहायी संगमम । सुनियबचन ईशान एवमस्तुकहि गुप्त
 भे ॥ जयकरी ॥ तेनृपसुत लहिकै बरदान । आयेनि जपुरमधि मति-
 मान ॥ शम्भु अराधन रत रहि नित्य । चित चितबकरि भये
 अचिंत्य ॥ द्विज सुतरहो जनार्दन जौन । बिष्णुहि पूजि लह्यो
 बरतौन ॥ क्रमते भे सदार ते सब । भूपुत्रद्विज सुनहु अखर्व ॥
 एक दिवस ते नृपके बार । द्विज सुत सह युत सैन अपार ॥
 मृगयाशील विपिनमें जाय । विधिवत किये बिहार सचाय ॥
 गयो बीति जब दिन युगयाम । तब तजि मृगया करण अराम ॥
 गे तड़ागतट सहित समाज । जहँ बारिजबन लसत सआज ॥
 बैठे तहँ जल परशि समोद । करनलगे सबसखा बिनोद ॥ तहां
 वेद धुनि सुनि बुधिवन्त । लहेमित्र सह मोद अनन्त ॥ ते त्रय
 पुरुष गये तब तत्र । मुनिजन करतरहे धुनि यत्र ॥ बन्दि मुनिन
 कहँ ते हे भूप । आशिष अर्घ्य लहे अनुरूप ॥ विधिवत तिन्हें
 पूजि ते विप्र । सादर बैठावत भे क्षिप्र ॥ बन्धु विप्रसह बैठि
 सप्रेम । कहँ मुनिनसों हंस सनेम ॥ उत्तम राजसूय शुभयज्ञ ।

कियोचहत ममपितु सर्वज्ञ ॥ विधिवत तेहि साधनके कार्य ।
 आयहु तहँ तुम सिगरे आर्य ॥ दोहा ॥ ससुत सबंधु सदारमिलि
 आयहु तहँ तुम हाल । सुनि मुनि जन नृपसों कहे आइव हम
 तेहिकाल । तब मुनिगणसों हवै बिदा हंस डिभक अरु विप्र ।
 दक्षिण दिशिसों जातभे शरके उत्तर क्षिप्र ॥ सोरठा ॥ दुर्वासा
 तपधाम पांचहजार ऋषीनसह । तपत रहे अभिराम जहां धरे
 संन्यासब्रत ॥ दोहा ॥ श्रेष्ठ शुचि संन्यास आश्रम तपत मुनि तप
 रास । अशिष अतिय अवास दण्डी धृत कमण्डलु पास ॥
 वन्यविसके धरेशुचि कौपीन सुखमाकन्द । ब्रह्मचिन्तत ध्यान
 तत्पर लहत परमानन्द ॥ देखि तिन कहँ गुने मनमें हंस डि-
 भक अमान । तजि गृहाश्रम लसतहँ ये कौन परम अयान ॥
 गृहीपटु धर्मज्ञ धर्माचार रत शुचि रूप । गृही सर्वाश्रमिनको
 प्रतिपाल करण अनूप ॥ ताहि त्यागि कुमेषकीन्हे गहे शूद्रा-
 चार । इन्हें दैकै दण्ड करिबो गृही उचितविचार ॥ गुणतइमि
 ढिग जाइ कीन्हे अरुणचष अतिकुद्धि । कहे दुर्वासा सुमुनिसों
 दुष्टमति दुर्बुद्धि ॥ धूर्तताके बचन कहिकै मोहिं द्विजसमुदाय ।
 धर्म कर्म बिहीन कीन्हे लाज डर बिसराय ॥ शीघ्र तजि यहि
 आश्रमहि हो गृही जीवन ईछि । नतरु क्षणमों करौ सबकोना-
 श शरसों सीछि ॥ हंसको यह बचनसुनि जो विप्र ताकोमित्र ।
 भयो बरजत ताहि सो कहि बचन परमपवित्र ॥ क्रोधि दुर्वासा
 कहे तब हंससों हे मूढ़ । गच्छ इतसों शीघ्र जो जहँ पिता तेरो
 बूढ़ ॥ गहे हों संन्यास ब्रत नहिं तजों ऋषिकर धर्म । नतरु अ-
 बलों बन्धु सह तुम जानते मम मर्म ॥ सर्व क्षत्री वृन्दको मैं
 भस्म करण समर्थ । गहे उत्तम ब्रत न ताते करतबूझि अनर्थ ॥
 कछू दिनमें कृष्ण करिहैं ध्वंसतेरो दम्भ । आजु भो तो नाशके
 ध्रुव हेतुको आरम्भ ॥ भाषि इमि उठि अनत जैबो चहे मुनि
 अनुमानि । गह्यो त्योंहीं हंस मुनिको चारुकोमल पानि ॥ तोरि

अनुपम दण्ड फारत भयो शुचि कोपीन । फोरि बिमल कम-
 एडलुहि भो कहत बचन मलीन ॥ देखि मुनिको हाल यहसब
 यतीगण डरपाय । शीघ्र लैलै पात्र दण्डहि दुरे बनमें जाय ॥
 दोहा ॥ बिप्र जनार्दन धृष्टि तेहि दीन्हों तब बिलगाय । बिप्रहि
 दये अशीष मुनि जानि सुबुधि सुखपाय ॥ तब देखो नृप पुत्र
 सों ताहीथर मँगवाय । सखन सहित भोजन करत भयो मांस
 बनवाय ॥ तदनु सैन सह जातभो निजपुर भरो उमंग । तासु
 नाश ध्रुवगुणतभो मित्र बिप्र तासंग ॥ सोरठा ॥ तबमुनि यति-
 नबुलाय बैठि एकते मंत्र करि । गये जहां यदुराय भिन्न कम-
 एडलु दण्डलै ॥ चौपाई ॥ मुनिहिं पूजि प्रभु आसन दीन्हे । कु-
 शलप्रश्न बूझे मुदलीन्हे ॥ विशदभीर मुनि जनकी ज्वैकै ।
 बूझतभे विस्मितसे कैकै ॥ मुनि तपभौन मौन मति गहिये ।
 इमिआवनको कारण कहिये ॥ यहसुनि सुमुनि शोचपरिहरिकै
 बोले क्रोध नयो सो करिकै ॥ जानि अजान मोहिं तुम जाने ।
 जाते बूझत मनहुं अजाने ॥ जानत भेद जौन जन जाको ।
 उचित न तासों गोपन ताको ॥ भलीभांति हम तुम कहँजानैं ।
 जाने जानत आपन जानैं ॥ तुम सर्वज्ञ सर्व प्रद स्वामी । सबके
 न्यामक सबथर गामी ॥ जासुनाभि भव कमल सदनते । प्रग-
 टित हवै बिधि चारि बदनते ॥ गायजासु गुण अंत न पाये ।
 सो तुम जगत योनिइतआये ॥ पांचतत्त्वमयतन सबमानत ।
 सो सब तुम कत भेद न जानत ॥ प्राण बाक मन में तुमसाई ।
 बूझत किमि दुस्तरकीनाई ॥ इमिवहु विधिकहि मुनिअभिला-
 षे । करणी हंस डिभककी भाषे । दण्ड कौपीन कमएडलु भाये ।
 टूटो फाटो फुटो देखाये ॥ मम यह दशा जानि तुमचावन । बू-
 झतकुशल हाससम भावन ॥ दीनबन्धु मम यह गति देखी ।
 हौं निश्चिन्त कहा अवरेशी ॥ दोहा ॥ पाणिजोरि मुनिसों कहे
 मर्यादा प्रतिपाल । क्षमहु सुमुनि अपराधममलेबबैर मैंहाल ॥

वरुणइन्द्राविधिरुद्रकेपासदुरैजोधाय । तितहूंमारौंतिनहिंहठिब
 चैनकितहूंजाय ॥ सोरठा ॥ तोषिमुनिहिंयहिभांतिदैसुनिमंत्रनकृष्ण
 प्रभु । सहद्विजगणकीपांति भोजनकरवायेसरुचि ॥ महिखरी ॥ पुनि
 योगसुन्दरसुथरमें फिरिवासमुनिकहैं देतभे । लहिवास प्रभुके
 निकंटको मुनि परमआनंद लेतभे ॥ उतहंस डिभक नरेशसुत
 नृपसूय कोअनुमानिकै । द्विज वर जनार्दन मित्रसों इमिकहत
 भेप्रणठानिकै ॥ निज पिता सों हम यज्ञकरवायो चहत जग
 जीतिकै । सुनि बिप्र गुणि सुनिसोंइबिधि की सिद्धिबोलोभीति
 कै ॥ नृप सूनु सुनु तू गुणसो यह परम दुरतर मंत्रहै । यह अ-
 ल्पजीवीजनतिको यमराजको कृततंत्रहै ॥ दोहा ॥ जरासन्धवा-
 ङ्गीकअरु यादव सर्वअधर्ष । अरु भीषम जिन सृगपतिहिजी-
 तिलहे जयहर्ष ॥ रामकृष्ण त्रैलोक्य को क्षणमें जीतनशक्त ।
 तिन्हें समुझि यहि मंत्र में मन कीजै अनुरक्त ॥ सोरठा ॥ जो
 इन सों मिलि मेल साम दामसोंलेहु करि । तौ रचिकै रण-
 खेल जीति विश्वमख सिधि करहु ॥ चौपाई ॥ यह सुनि तेहर
 वर बलबारे । बचन सगर्व सरोष उचारे ॥ भीषम वृद्ध कहा
 बलताको । उग्रप्रभाव कहतहों जाको ॥ एकलव्य कहैं भट में
 जोरे । तुम्हें न कहव उचित मम धोरे । जरासन्ध मम बन्धुप्र-
 शंसी । ह्वै है कबहुं न मम हित ध्वंसी ॥ यदुवंशी केहि लेखे
 माहीं । तिनको हमें भटक कछुनाहीं ॥ तातेप्रथमकृष्णपै जाई ।
 मम निदेश तुम कहहुबुभाई ॥ यज्ञ हेतकर देहिं पठाई । आय
 सबर्ग करें सेवकाई ॥ भोजनसमय स्वाद उपचारा । ऐहैं लये
 लवण बहुभारा ॥ मोरिशपथ तुमकहैं बहु बेरी । जाहु शीघ्रअब
 करहु न देरी ॥ यह मम कार्य सिद्धअभिलाषौ । अब मतिदीर्घ
 सूत्रता भाषौ ॥ यहसुनि बिप्र जनार्दनज्ञानी । होनी अवशि
 होति अनुमानी ॥ फिरि न कछं नृप सुतसोंभाषो । प्रभुदर्शन
 हित अति अभिलाषो ॥ शीघ्र बिदाह्वै यात्राकीन्हे । चलेअ-

श्वचढ़ि आनँद लीन्हे ॥ पावनकर प्रभुके गुणगावत । आपुहि
 धन्यजानि सुखछावत ॥ सुमिरत चारुरूपमनभावत । परमा-
 नन्दसुरस सरसावन ॥ घन सम श्यामपीत पटधारी । मणिमय
 भूषण धृत हियहारी ॥ दोहा ॥ अनुपम अमल अपूर्व अतिधरे
 किरीट अनूप । बारिजाक्ष सुखमा सदन कदन मदनको रूप ॥
 कौस्तुभमणिकी रुचिरसों रचितसुवक्षविशाल । भृगुपतिकेपग
 चिह्नपै बिहरतबरवनमाल ॥ चोखटा ॥ मणिमेंपरमविचित्र सिंहा-
 सनविस्तरितपै । बैठेकरतचरित्रविश्वयोनिकहँकबलखब ॥ रोला ॥
 गहेशरकोदण्डखण्डनसमरमखध्वजयूप । सभासदनसमेतभूषे
 सभासदन अनूप ॥ प्रभुहि पेखिकृतार्थकैहों धन्यसोक्षणस्वक्षा
 होहिंगे अबधन्य मेरे अमल आयतअक्ष ॥ ध्यानधरि धरिहेरि
 जेहि सनकादि पावतमोद । ताहिमेंपरतक्षलखिहों करतलोक
 विनोद ॥ इतोदुखमोहिंदुसहप्रभु सोंकहनपरिहयहाय । चलो
 करलैहंसपैयह करिकुबुद्धिकुभाय ॥ गुणतउत्सुकदरशको इमि
 हांकिबाजिहिक्षिप्र । गयोप्रभुकेद्वारपैअति भयोप्रमुदितविप्र ॥
 द्वारपालप्रवीणप्रभुसों अरजकरिकैतासु । गयेताहि हजूरमेंलै
 जायसोतहँआसु ॥ प्रेमजलसोंभरेचष भोकरतप्रभुहिप्रणाम ।
 हंसनृपको दूतहों कहि कहतभोनिजनाम ॥ कहेप्रभु इतआय
 सुखसों बैठिये द्विजआर्य । कहौवैजो कहेतुमसों कहनकरिबो
 कार्य ॥ वचनयहसुनिमोदिब्राह्मण बैठितहँकरजोरि । कह्योप्रभु
 तुम जानि सब मोहिं कहन कहत बहोरि ॥ पाइ शासन आपु
 को सो कहत हों मनमोरि । कृपासिन्धु सुजानसो सुनि गुणब
 मोरि न खोरि ॥ भाषि इमिसो कह्यो द्विज करि लाजतेनतबैन
 हंसहो जो कहे प्रभुसों कहन कुत्सितबैन ॥ हंसको संदेशसुनि
 यह कहे कृष्ण सहास । दये बिनु कर करब कैसे तासु पुरमें
 बास ॥ वचन यह सुनि राम सांत्यकि आदियादव हर्षि । पाणि
 तल दै लै सुहँसिहँसि कहे वचनअमर्षि ॥ कहे प्रभु फिरि विप्र

सोंहवै भूपके सुतढीठ । मांगि हमसों कर चहत हैं भयोजग
में ईठ ॥ मुक्त निजकर धनुषसों शर प्राण हरकरपर्म । देवतेहि
हम अवशि ताको निरखिकै थल मर्म ॥ जाय तिनसों कहो
निर्मित करें जो शुभदेश । आइ तहैं हम देहिं कर जो करन क-
ठिन कलेश ॥ देहा ॥ तुम नहिं कहि सकिहौ इतौ नृपसुतसों
भयपाय । सात्यकि जैहैं साथतव कहिहैं सबसमुभाय ॥ लखि
तव भक्ति प्रवीणता तोपर मम अतिप्रीति । जपि मम नाम
सप्रेम नित लहिहौ कबहुं न भीति ॥ सुनि यह बचनकृतार्थ द्वै
बन्दिचरणसुखदाय । चलोबिदा द्वै बिप्रसो हियमेंमूर्ति बसाय ॥
तवप्रभु सात्यकिसोंकहे तुम द्विजके सँगजाय । बासों कहि सुनि
वार्त्ताआवो शीघ्र सचाय ॥ सुनि सात्यकि चदिअइवपैएकाकी
द्विजसाथ । गये हंसके निकट जिमि मृगके ढिग मृगनाथ ॥
सोरठा ॥ तहां बिप्रमतिमान कहतभयो इमि हंससों । सात्यकि
बीर अमान बासुदेवके दूतये ॥ चौपाई ॥ सुनि तुवप्रण कृष्ण
रिस छाये । इनकहैं उत्तरदेन पठाये ॥ ये प्रियसखा कृष्णकेआ-
रज । ईखि न भुजसम कृत शुभकारज ॥ कह्योहंस हम इनकी
करणी । सुनत रहे सब विधिसों बरणी ॥ धीरबीर शास्त्रज्ञ ब-
खाने । हैं ये आजु देखि सतिमाने ॥ इमि कहिकै सो कपटीमन
को । बूझो कुशल कृष्ण यदुगनको ॥ यहसुनि सात्यकि बोलि
अरुचिसों । कहे सर्व कुशली मतिशुचिसों ॥ सो सुनि हंस प्र-
शंसि अनुजसों । बूझतभयो जनार्दन द्विजसों ॥ बिप्रजायतुम
कृष्णहि देखी । कहेसुने सो कहोबिशेखी ॥ कह्योबिप्र सुनु नृप
सहभाई । हमजिमिलखे कृष्ण कहैंजाई ॥ इन्दीबरदल सदृश
सोहावेन । चारु गात रुचि अतिमनभावन ॥ अतिरमणीय
पीतपटधारे । गुरुउरपै वनमाल बिहारे ॥ मणिमय भूषणसों
तनभूषे । कोटिमदनकी सुखमादूषे ॥ चारु किरीट शीशपै शो-
भित । करत सूरकी छविको क्षोभित ॥ चामर छत्र बिचित्र बि-

भाते । राजश्री की रुचिसों राते ॥ परधनसदा शङ्ख असि पा-
वन । धरेपार्श्व अरिवृन्दनशावन ॥ पुरुषसिंह सिंहासनपार्हीं ।
बैठेलसत सभागृहमाहीं ॥ दोहा ॥ राम आदि यदुगणसहित
राजत धीर धुरीण । शस्त्रशास्त्रकीवारताकहत सुनत परवीण ॥
बन्दीजन अस्तुतिकरत करत अप्सरानृत्य । कांतिभरे करि
पांतिहे खरे छरी धृतभृत्य ॥ दुर्बासा नारद सुमुनि बैठे यतिन
समेत । प्रभुहिलेखिआनँद भरे कृत तपकोफललेत ॥ सोरठा ॥
यहि बिधि प्रभुहि निरेखि कै कृतार्थअति धन्य मैं । कहतभयों
अवरेखि तव संदेश अंदेशतजि ॥ सो सुनिकै अति तेखि भे-
जे तव ढिग सात्यकिहि । सुनि उत्तर अवरेखि करौ जौन कीन्हे
बनै ॥ चौपाई ॥ सुनिबोली नृप सहसाकरमी । रोद्विज अधम निल-
ज्जअधरमी ॥ मोसँग खाय मोटाय अभागे । अब परको गुण
जलपनलागे ॥ रेखल कुटिल कुकरमी खोटे । शीघ्र गच्छ मो
चषके ओटे ॥ इमि कहि फिरि सात्यकिसों बोलो । भरो रोष
गहि गर्व अतोलो ॥ रेयादव कहुमो भयराखो । नन्द नँदनजो
भाषणभाखो ॥ तासुबचनसुनि सुनिमुसकाने । बोलेबचनबीर
रससाने ॥ दुरबासासों तव अधसुनिकै । सत्यसन्ध तवबधध्रुव
गुनिकै ॥ हेरत हैंमिसि इतनेही में । तुवसँदेश सुनिसकेनहीमें ॥
ताते तुम्हें पात्रगुणस्वामी । देनचहे कर प्रभु नयगामी ॥ चक्र
अमोघ पाणिमें लैहैं । सोतुव नाश करनकर देहैं ॥ जोथरकहो
आय तिहि थरमें । देहिं चक्रकर कर तुव करमें ॥ फँसो पङ्कमें
जिमि नरकोई । निकसन चाहत करगहिसोई ॥ तिमितवप्राण
फँसो यहि तनमें । मांगतकर प्रभुसों गुणि मनमें ॥ ताकहँ कृ-
पासिन्धु मुदद्वारे । करिहैं तन कर्दमसों न्यारे ॥ यह सुनि हंस
क्रोधसों भरिकै । बोले नयनलालसम करिकै ॥ यादव तू तन
बचन उमाहै । मोहिं कलंक दंयो निजु चाहै ॥ दोहा ॥ दूतकर्म
में आयहू आपुहि जानि अवध्य । बचनकहत यहि भांतिके

मम सुभटनके मध्य ॥ दूतजानि नहिं बध करौं सहितौ बचन
 अन्याय । करिहौंताकोनाशजो पठयो तोहिंसिखाय ॥ जयकरी ॥
 अरिको बधव न दूतहि योग । कहैं शास्त्रविद सिंगरे लोग ॥
 ताते आजु छोंड़ितव प्रान । जातकृष्णपै धृत धनुवान ॥ करि-
 हौकहां युद्धतुमआय । शीघ्र ठौर सो देहु बताय ॥ कह्यो हंस
 पुष्करपैटूटि । लेब यदुन सह सम्मति लूटि ॥ सात्यकि ताहि
 कालवशजानि । नहिं उत्तर दीन्हे अनुमानि ॥ रथचढ़ि शीघ्र
 कृष्णपै जाय । दीन्हेसब वृत्तान्त सुनाय ॥ सुनि प्रभु साजिसेन
 चतुरङ्ग । गेपुष्करपै भरे उमङ्ग ॥ दश अक्षौहिणि सेनासाजि ।
 आये हंसडिभक्त तहैं गाजि ॥ शिवके द्वैगण वीरमहान । आये
 तासु सँग बलवान ॥ अरुबिचक्र दानव पतिवीर । सखा हंस
 को अति रणधीर ॥ देवासुर संगरमें जौन । इन्द्रहि जीति बु-
 द्धिवलभौन ॥ लरो विष्णुसों बर बाणैत । आयो सदल तौन
 अमनैत ॥ राक्षसबली हिडम्ब अमान । सो बिचक्रको सखा
 समान ॥ सहसअठासी राक्षस भीर । सहसहाय आयो रण-
 धीर ॥ जरासंध नहिं कियो सहाय । प्रभु प्रभाव बिद जानि
 अन्याय ॥ बर पुष्करपरदोऊसैन । कियेनिवास जायतेहिरैन ॥
 प्रातकृत्य करि करि लहि प्रात । करन लगे भिरि शस्त्रप्रपात ॥
 दोहा ॥ क्रुद्धि क्रुद्धि भिरिउद्धभट लगे लरन कैशुद्ध । धीर धनु-
 र्द्धरशरनि मग रुंधिरुंधि जयलुद्ध ॥ भिरे गजस्थ गजस्थसों
 भिरे रथस्थरथस्थ । भिरेहयस्थ हयस्थसों पैदर पैदरस्वस्थ ॥
 दोहा ॥ चंड चंड शरंछंडि वीरप्रचण्ड प्रचण्डभिरि । खंडखंड
 तनखंडि करे उदण्ड उदण्ड धुनि ॥ भुजंगप्रयात ॥ जुटैंबीर बांके
 छुटैंफेरि जूटैं । गदामुद्गरो बाहिद्वन्दी न कूटैं ॥ खरेखेल वारे
 सुलैखड्गटूटैं । खरेहांकिआड़ैं हनेतेनहूटैं ॥ अहेअर्वसादीगहे
 गर्वतेलैं । रथीजै पथी सर्व शस्त्राणिभेलैं ॥ तजैंतोमरैं भिन्दि-
 गालैं सुवानैं । हनैं शक्तिभालैं विशालैं अमानैं ॥ दटैंहांकिकेते

कटैहांकिकेते । जहैंहांकिजेते अडैंहांकितेते ॥ बड़ेबीरकेते कटे
 शीशधूमैं । भिदेभल्लमें भूरिसावन्त भूमैं ॥ गिरैंबाजितैंते कि-
 ते बीरजुंभे । परेपापसों पापरैमी अरुंभे ॥ मरैंस्वामिबाजी गजैं
 भीतपागे । इतैंते उतैंते फिरैं भूरिभागे ॥ दोहा ॥ दानवबीर वि-
 चक्रसों भिरेकृष्ण जयकाज । भिरेहंससों रामप्रभु सात्यकिडि-
 भकसुभ्राज ॥ उग्रसेन वसुदेवये भिरिहिडम्बसों क्रोधि । करत
 भयेतहैं युद्धवर शरसमूहसों रोधि ॥ चोखा ॥ राक्षस दानवसर्व
 अरु थादवभिरि लरतभे । सिगरेबीर सगर्व द्वन्दयुद्ध घिरिक-
 रतभे ॥ भूतपिशाच खबीस यूथ योगिनीके जुरे । शोणितपियैं
 हृदीस डकरि डकरि खेलैंखुशी ॥ रोला ॥ जूझिकितने सुभटरण
 में दिव्यशुचि तनपाय । अपसरनसह चढ़िबिमाननि लखतहैं
 निजकाय ॥ दुहूँदिशिके सुभटकितने लरतउतहूँ रोषि । अप-
 सरनहित गहेमत्सर करिसुयुद्ध अतोषि ॥ हनेकृष्ण बिचक्रके
 उरवर तिहत्तरिबान । कृष्णकेतनहनतभो बहुबाण तौनअमा-
 नातीक्ष्णबाण क्षुरप्रसों रथछत्रध्वज धनुतासु । काटिमारेकृष्ण
 ताके सूतअरु हयआसु ॥ कूदिरथसों हनतभोसो गदा गहिकै
 त्यागि । काटिदीन्हेबाणसोंतेहिकृष्णआनँदपागि ॥ शिलामारत
 भयो सोतव दये प्रभुतेहिकाटि । फेरितेइतरु हन्योतेहिप्रभु का-
 टिदीन्हेंडाटि ॥ कोपिपरिघ अमोघलैकर तबबिचक्र प्रवीर ।
 कहतभो इमिकृष्णसों अबखरोरहु सहिपीर ॥ असुरसुरके युद्ध
 में ममलखे बलहिभुलाय । फेरिआयो लरनताको लहतशीघ्र
 सजाय ॥ भाषिइमिभो हनतसोतेहि काटिबीचहि बिष्णु । काटि
 शरसों शीशताको कियेमहिगत जिष्णु ॥ वचेहे जो बीरताके
 भगेते भयपाय । जयतिकेशव सुमनबोले इन्द्रसह हरषाय ॥
 हंससों अरु रामसों तिमिभयो संगरघोर । हनेहंसहि रामराम-
 हि हंसबाणकठोर ॥ रामकोध्वज धनुषपथवर काटिशरसों तौ-
 न । हतेचारौ बाजिसूतहि बाणसों बलभौन ॥ गदासों

कीन्हे तासुध्वजरथराम । मारिअश्वन हतेसूतहि वीरवर बल-
राम ॥ गदाविधि बिदगदासों तेलरेतत्र सकुद्ध । अमरनरसब
भयेबिस्मित देखिअद्भुत युद्ध ॥ डिभकसात्यकि किये तिमिभिरि
युद्ध परमप्रचण्ड । तजिपरस्पर बाणअगणितगहेवरकोदण्ड ॥
एकसै दश धनुषकाटे डिभकके सिनिधीर । खड्गगहि तब डि-
भकधायो कहतवचन गँभीर ॥ दोहा ॥ लखिसात्यकिभट खड्ग
गहि रथतेउतरि सचाय । स्थानभेदते भेखरे ताके सन्मुखजा-
य ॥ खड्गयुद्धके भेदजे बत्तिस विधिके पर्म । तेकरि करिते भे
लरत करतादुस्तर कर्म ॥ उग्रसेन बसुदेवये वृद्धबली रणधीर
हनेहिडम्बहि बाणबहु करता दुस्सहपीर ॥ सोरठा ॥ बलीहिडम्ब
अमान सहितिनके वरबाणसब । मर्दतभयो महान चतुरंगीदल
यादवी ॥ चौपाई ॥ गजनउठाइ गजनकहँ मारत । भयोरथनसों
रथन बिदारत ॥ हयके यूथ हयनसों मरदित । करिभो करत
सर्वदल अरदित ॥ अतिजपसों बलिचली ढिगहिलहि । भ-
क्षतभयो मानुषनि गहिगहि ॥ सुखमें प्रविशि नासिकाकीमग ।
कटैंकितेनर मारुतके संग ॥ फेरिबायुबश कैतेप्रविशैं । कटैंफेरि
तिमिफिरि तिमि प्रविशैं ॥ खाइअसंख्य भटनइमि पापी । कु-
म्भकरण समदुस्तर दापी ॥ उग्रसेन बसुदेवहि भक्षण । चलो
पसारि बदनवरतक्षण ॥ तेलखि बहुशर मुखमधिमारे । रुको
न सो कलबल करिहारे ॥ तबप्रभुके दिशिचले पराई । पीछे
चलो हिडम्बअदाई ॥ यहलखि कोपि रामसुखदाई । तुरितहंस
सों छोड़िलराई ॥ जाइहिडम्बहि मुष्टिकमारे । भिरेहंससों कृष्ण
सुखारे ॥ सोरामहिं तेहि रामप्रहारे । मूकाबजसदृश बलभारे ॥
यहिबिधि घरीद्वैकलों लरिकै । मारेबलकर तलबल भरिकै ॥
गिरोभूमिपै मूर्च्छित कैकै । तबगृहि तेहिवल फेकेज्वैकै ॥ जाय
कोशयुगपै परिचेतो । फेरि न युद्ध करणसों हेतो ॥ भागिजाय
आगरतट वनमें । दुरोहिडम्ब भरेभय मनमें ॥ दोहा ॥ इतनेमें

सन्ध्याभईलई अस्तगतिसूर । युद्धकरणसों भेनिवृत्त सिंगरेभट
बलपूर ॥ हंसकहतभो कृष्णसों करबयुद्ध फिरिभोर । गोवर्द्धन
गिरिकेनिकट सूरसुताकी ओर ॥ महाराजतेहि द्योसमें पुष्कर
सरकेतीरासहससतासीगजकटेलाखरथीरणधीर ॥ दनुजमनुज
राक्षस प्रबलअरुवाजी सहईश । तीसकोटि जूमे तहां कैबिन-
कर हरंशीश ॥ तेहि निशि पुष्कर पैकिये प्रभु सहसेन निवास ।
सैनसहित नृप हंस गो गोवर्द्धन केपास ॥ ^{घोरठा} ॥ प्रातकृत्यक-
रिभोर सहितसेन तहँ कृष्णगे । गिरिके उत्तरओर भिरतभये
फिरि भट बली ॥ ^{महिखरी} ॥ तहँउग्रसेन प्रद्युम्न सात्यकिशाम्ब
सारण बरबली । बसुदेवविष्टुकङ्क ऊधो अनाधृष्टसुबहुकली ॥
येवीर दशभिरिहंस डिभकहि तकिशरण मारतभये । तेबाणइ-
नकेकाटिदश दश बाण सबकेतनदये ॥ तब लगे ताके बाण
यादव सर्व ये व्याकुलभये । तजि समर सत्वर हांकि रथश्रीकृ-
ष्ण प्रभुके ढिगगये ॥ यहदेखिकेशव हंस भट बरसों सरसरिस
भिरि भिरे । बलिराम डिभक प्रमत्त भटसों युद्धविधि सिधिम-
धिथिरे ॥ सुरसिद्धऋषि गन्धर्व सर्व बिमानचढ़ि चढ़ि मुदभरे ।
सोयुद्धदेवा सुरसमर समलखतहेनभमधिखरे ॥ जेदूतशिवके
दोय तासु सहाय हित सँगरहतहे । तेशूल गहिगहि प्रगटप्रभु
सों बचन कटु भेकहतहे ॥ प्रभुपकरितिनहिंघुमाइ बलसों दि-
शि उदीचीप्रतितजे । तेअमत्त नभपथ जाय शिवके निकट गिरि
अति लचिलजे ॥ यह देखिहंस प्रवीर प्रभुकेभाल मधि बर
शर हने । तब कोपि मनसेकृष्ण ताकहँ हिंये हनिबो शरघने ॥
^{दोहा} ॥ तब सात्यकि कहँसारथी करिकेशवअनुमानि । तजेअ-
स्त्र आग्नेय वरधनुष कानलोंतानि ॥ बारुणास्त्र तजि हंस तब
दयो अस्त्रसों वारि । दिव्यअस्त्रबायव्यफिरि मारे कृष्ण बि-
चारि ॥ महेन्द्रास्त्र तजिहंस फिरि व्यर्थ करतभोताहि । तबमाहे-
स्वरअस्त्र प्रभु तजे ताहिपैचाहि ॥ रौद्र अस्त्रसों हंसफिरि किये

अस्त्र सों व्यर्थ । चारिअस्त्र तब साथहीमारे कृष्ण समर्थ ॥ रा-
क्षस अरु पैशाच अरु गन्धर्वास्त्र ब्रह्मास्त्र । चारिअस्त्र तबतज-
तभो शीघ्र हंसविदशास्त्र ॥ आसुर अरु ब्रह्मास्त्र अरुयाम्यअस्त्र
कौबेर । आड़े प्रभुके अस्त्र कहैं भिरिये अस्त्रअजेर ॥ अस्त्रब्र-
ह्मशिरमामतब मारे कृष्ण रिसाय । रोंकयो ताको हंसफिरि सो-
ई अस्त्र चलाय ॥ सोरठा ॥ तबश्रीकृष्णबिचारि गहे बैष्णव
अस्त्र बर । जातेअसुरनमारि राज्य दिये हेइन्द्रकहैं ॥ चौपाई ॥
लखि सोअस्त्रहंस भयपागो । रथतजियमुनाकीदिशिभागो ॥
रथ तजिचले कृष्ण जयईछे । यथा केशरीगजके पीछे ॥ जाय
हंसभय भरसों दूदो । कादर कालीदह मधिकूदो ॥ तापैतुरत
कूदि रिसभारे । लात तासु शिरमें प्रभुमारे ॥ सोमरिगड़ोपंक
मधिजाई । अबलों फिरि नहिं भयो लखाई ॥ प्रभु कढ़ि आइ
सुरथ पै राजे । सैनिकतासु समर तजि भाजे ॥ बन्धु बन्धुकरि
डिंभकदुखारो । धंसो कलिन्दीमधिधनु डारो ॥ बहुविधि खोजि
बाहिरेआयो । रोवत गयो कृष्णपैधायो ॥ कहतभयो व्याकुल
बिलखाई । रेरंगोपकहांममभाई ॥ कहेकृष्णयमुनासोंजाई।बूभो
देहैं जाहिवताई ॥ यमुनातीरजाय फिरिरोवत । भोधसिइतउत
वारिबिलोवत ॥ हाहाहंसहंसकहिजलसों । कहिउरशिरताड़त
करतलसों ॥ निजकरसों निजजीभउखारी । तनतजिभयो नि-
रयअधिकारी ॥ तिनके मरेकृष्णमुदलीन्हें । बासगोबर्द्धन गि-
रिपैकीन्हें ॥ सुनितहैं नन्द यशोमति आये । गोपन सहितमो-
दसोंझाये ॥ दधि घृत माखन दूध सोहाये । अरुशुचिभोज्य
पदारथल्याये ॥ दोहा ॥ तिन्हेंपेखिप्रभु उठि तुरित मिलि सप्रे-
महरषाय । बारबार बूभे कुशल निज समीपबैठाय ॥ गोधन
गोपीगोप जे युवावृद्धअरुबाल । पृथक्पृथक् सबको कुशलबू-
भे त्रिभुवनपाल ॥ पुरगृह बन तरुकुंजके पृथक् पृथक् लैना-
म । बूभे यशुदानन्दसों कृष्ण कृपाके धाम ॥ सोरठा ॥ सुनिप्रभु

कै ये बैन नन्द यशोमति दीनकै । भरे बारि सोंनैन कहे बचन
 करुणामये ॥ तोमर ॥ इतकुशल हैसबठौर । तव कृपातेशिरमौर ॥
 दुखदुसह इतनो भूरि । तुम बसेजोअतिदूरि ॥ मम सर्वसुख
 हैव्यर्थ । बिनु लखेतुमहिं समर्थ ॥ यहसुनितिन्हैं समुभाय ।
 प्रभु बिदाकरि गहिचाय ॥ चलिगये पुष्कर तीर । जहँ लसत
 बहु ऋषिभीर ॥ जेलसत अति तप तोम । जिमिउदित दिन-
 करसोम ॥ बलअतुलदुरबलवेश । बढिलसत शुचिनखकेश ॥
 गहिवन्य बलकलबास । रचि पूर्णको सु अवास ॥ बसिध्याय
 प्रभुहिस्वछन्द । जे लहे परमानन्द ॥ तहँ प्रभुहिलखिते पूजि ।
 बैठाय अस्तुति कूजि ॥ करि करि उचित सतकार । सुखलहे
 अपर अपार ॥ तब बिदा कै सहसैन । गेस्वपुर आनँदऐन ॥
 तहँजायसह परिवार । भेकरतविशद बिहार ॥ प्रभु बिश्वयोनि
 सनेह । गहि आपु मानुषदेह ॥ इमिकरे कौतुकरंग । हितजन-
 नि केसउमंग ॥ यहिपढ़ैतेनरधन्य । नहिंतिन्हैंसमकोउअन्य ॥
 दोहा ॥ इतैपावतेपरममुदउतपदपरमप्रकर्ष । सुनैगुणैजोप्रभुच-
 रित ध्यावैप्रभुहिसहर्ष ॥

इतिहरिवंशदर्पणेहंसडिम्भकोपाख्यानोनामैकोनचत्वारिंशोऽध्यायः ३९ ॥

दोहा ॥ जनमेजय भूपतिकहे अबकहियेमुनिपरम । बिधिभार-
 तकेसुनन की अरुस्वाभाविकधर्म ॥ बैशम्पायनउवाच ॥ रोला ॥ वि-
 श्वसृजभगवानकोहैजितोपरमप्रपंच । भारतरचिमुनि कियोति-
 तनो एकनेशुचिसंच ॥ भारतपढ़िसुनि गुणिसबिधि नरहोहिं सु-
 मनसमर्थ । कहोयहमुनि व्यासको यह होइकबहुनव्यर्थ ॥ परम
 पटु धर्मज्ञधर्मी सतपथीसर्वज्ञ । सत्यवादी शुचि अक्रोधी भा-
 गवत शास्त्रज्ञ ॥ धीरसुबुधिसुशीलद्विजसों सुनैसुनियमभर्थि ।
 सुनैजोसो गुणैमनमें जानिसकल यथार्थ ॥ धेनुसुवरण अन्न
 पटघट पर्व पर्वणदान । व्यास आदिक द्विजवरनकहँ देइकरि
 सनमान ॥ पर्वपर्वणिचारुपुस्तक पर्वपर्वलिखाय । देइव्यासहि

मुदित करि सह और द्रव्य सचाय ॥ पर्व पर्वणि विप्रभोचन
यथाशक्तिकराय । रहिससंयम अर्थसागरभार्त सबसुनिजाय ॥
पारलहिहरिवंशको नरभाग्यवान प्रवीन । करै उत्सव परमक-
रिकैप्रेम पूरणपीन ॥ पूजि पुस्तक करै अर्पण हेम मणि पटआ-
दि । वस्तुउत्तम शक्ति मिति युत भक्तिअति अहलादि ॥ पूजि
व्यासहि सुमनके सम देइजितनेदेय । अधिक दीन्हें अधिक
उत्तमअधिक फल अप्रमेय ॥ भीष्मद्रोणादिकनको करि श्राद्ध
आनंदपूरि । सहस विप्रन देइ भोजनदेइ दक्षिणा भूरि ॥ एक
लों दशवारलों सुनिभार्त सुनहुनरेश । विष्णुकोसालोक्यक्रम-
सों लहै तौन सुभेश ॥ विविधविधिकेमणिनमय शुचिमानपै
आसीन । सुमनसँग सम सुमनगणकेरमै सुखमा पीन ॥ भूप
भारत श्रवण कोहैपुण्य अकथ अनन्त । धन्य जेनर सुनत हैं
अतिधन्य जेनर सन्त ॥ धन्य सोथर होत है जहँ भार्त कथन
अनूप । धन्यसोघररहत है जहँ भार्त पुस्तकरूप ॥ धन्य तुमजो
कियेहमसों प्रश्नयहसुखदानि । धन्यतुम हम भये कथियहि
भांतिआनंद आनि ॥ दोहा ॥ फिरिभूपति मुनिसोंकहे अबक-
हिये सबिलाश । कामादिक दैयतनकोज्ञान शम्भुसोंनाश ॥
चौपाई ॥ कहेसुमुनि सुनुभूपतिज्ञानी । त्रिपुरअवस्थात्रय अभि-
मानी ॥ विश्वरतैजस प्राज्ञबखाने । मायाधातुमयेअबिसाने ॥
बने कारणीकसा विशदपै । घनसम अति विचित्रता हदपै ॥
पिण्डअन्नमय वरप्राकारा । युतगन्धर्वनगरव्यवहारा ॥ प्रथम
करोरथखण्डअनेगा । अतिउन्नत अरु अकथ असेगा ॥ काम
क्रोध मत्सरमदलोभा । मोहसर्वदैयत अक्षोभा ॥ इन्द्रीहैंसुख
दुखपरिवारे । तासु अकथबाहन बलभारे ॥ आलम्बन उद्दीप-
नजेते । विषय तासु आयुध सबतेते ॥ कुमत कठोर कवच सब
धारे । व्यसन गर्व मदसोंमतवारे ॥ योगकर्म सुरअरुपित्तनके ।
आगगयलरोके वरपनके ॥ तबकै जीवइन्द्र अति व्याकुल ।

सुरसमादिसहभय सों आकुल ॥ गुरु विरंचिकेढिगगे आये ।
 कैआरत निज दशासुनाये ॥ तेकरिक्रियाकहे समुभाई । ज्ञान
 शम्भुकहँ ध्यावहुजाई ॥ तिनसोंबध्य दैत्यये सिंगरे । भये प्रच-
 ण्डजिते मतिविंगरे ॥ सुनिसुरपति सुरगण सहमोदे । आश्रम
 महिपै आइबिनोदे ॥ कियेतपस्या बरव्रतधरिकै । तृष्णातिय-
 हिवियोगिनि करिकै ॥ दोहा ॥ हृदाकाश कैलासमें बिहरिईश्वर-
 हिध्याय । शङ्करज्ञान अमंदको लौकै सङ्गसहाय ॥ नभउपास-
 ना मार्गपर लरत भयेसब आय । असुर वृन्द कामादि सों
 सुमन समादि सचाय ॥ गेला ॥ प्रणवधनुशर तत्त्व चिंतनसों सु-
 शंकरज्ञान । काम आदिक असुरगण कहँ कियेमृतक समान ॥
 लिंगदेह सुभूमि माधिरहि बासनामयसर्व । कामआदिक दैत
 गणतजि दर्प गुरुतापर्व ॥ पाय जय ऐश्वर्य अद्भुत जीवइंद्र
 बिनोदि । गर्विसालस भये सोई क्षमालहिकै मोदि ॥ प्रबलकै
 तेहिक्षणहि आलस रजनिचर तेदैत । लगेमारनविषय आदि-
 कशरन बरबाणैत ॥ दशा यह लहिगये फिरिते ज्ञान शिवके
 शर्ण । किये शिवतब तेजक्रोधहिभिरिप्रकर्ष सुवर्ण ॥ श्रवणम-
 ननहिं सुनिय ध्यासनवर त्रिशूल उदण्ड । वाहि सुवरणकियेमु-
 र्छित सुरन परमप्रचण्ड ॥ भूतिजयलहि जीवसुरपति स्थूलतन
 दनठौर । त्यागि सूक्ष्म देह रथचढिचलोऊर्ध्वसगौर ॥ तहांअ-
 पसरसिद्धअरुगन्धर्वताकहँ देखि । किये अस्तुतितासुसोसुनि
 भेसगर्वविशेखि ॥ प्रबलकै ज्यों असुरगणतेयुद्धकरिफिरितत्र । घे-
 रिलाये फेरिताकहँ पूर्व हैजिमियत्र ॥ कियेतहँ गुरु गुरु शुचि
 स्वस्त्ययन शुभउपदेश । फेरिकैचैतन्यताविधि लगेलरनसुरेश ॥
 सर्वसाधन शस्त्रगहि सामादिसुरन समेत । युद्धकीन्हे दोसबहु
 तहँजीवइंद्रसचेत । ज्ञानशिवतब धारिकै अद्वैत शत सिद्धांत ।
 बाणधनुषअमोघ तीक्ष्ण बिष्णुमययुतशांत ॥ धर्मउर्वा सुरथ
 पै आसीनकै भरिआज । मारिकै ब्रह्मास्त्रक्रमसों किये भस्म स-

माज ॥ स्थूल जाग्रत सूक्ष्म स्वप्नसुमहत्तत्त्व सुषुप्त । देहत्रयये
त्रिपुर तिनको भावसोंकरिलुप्त ॥ तुर्यब्रह्मानंदमय मैं भूतिसुर
पुरपर्म । मध्यविहरतभयेयोगी इंद्रकरिशुचिधर्म ॥ धर्मसोंसब
लहत सब पद धर्मदायकश्रेय । धर्मनित करतव्य सबक्षण
धर्म नित अनुमेह ॥ दोहा ॥ जीव इंद्र इमि लहत नृप इन अ-
सुरन सोंजीति । कैकीन्हे सियरामके पद पङ्कज पै प्रीति ॥

स्वस्तिश्रीकाशीराजमहारोंजाधिराजश्रीउदितनारायणस्याज्ञाभि
गामिनाश्रीबन्दीजनकाशीवासिगोकुलनाथात्मजेनगोपी
नाथकविनाविरचितेभाषायां महाभारतान्तर्गतेहरि
वंशदर्पणेचत्वारिंशोऽध्यायःसमाप्तः ४० ॥

इतिहरिवंशदर्पणःसमाप्तः ॥

मुंशीनवलकिशोर (सी,आई,ई) के छापेखाने लखनऊ में छपा ॥
अगस्त सन् १८६१ ई० ॥